



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## Over dit boek

Dit is een digitale kopie van een boek dat al generaties lang op bibliotheekplanken heeft gestaan, maar nu zorgvuldig is gescand door Google. Dat doen we omdat we alle boeken ter wereld online beschikbaar willen maken.

Dit boek is zo oud dat het auteursrecht erop is verlopen, zodat het boek nu deel uitmaakt van het publieke domein. Een boek dat tot het publieke domein behoort, is een boek dat nooit onder het auteursrecht is gevallen, of waarvan de wettelijke auteursrechttermijn is verlopen. Het kan per land verschillen of een boek tot het publieke domein behoort. Boeken in het publieke domein zijn een stem uit het verleden. Ze vormen een bron van geschiedenis, cultuur en kennis die anders moeilijk te verkrijgen zou zijn.

Aantekeningen, opmerkingen en andere kanttekeningen die in het origineel stonden, worden weergegeven in dit bestand, als herinnering aan de lange reis die het boek heeft gemaakt van uitgever naar bibliotheek, en uiteindelijk naar u.

## Richtlijnen voor gebruik

Google werkt samen met bibliotheken om materiaal uit het publieke domein te digitaliseren, zodat het voor iedereen beschikbaar wordt. Boeken uit het publieke domein behoren toe aan het publiek; wij bewaren ze alleen. Dit is echter een kostbaar proces. Om deze dienst te kunnen blijven leveren, hebben we maatregelen genomen om misbruik door commerciële partijen te voorkomen, zoals het plaatsen van technische beperkingen op automatisch zoeken.

Verder vragen we u het volgende:

- + *Gebruik de bestanden alleen voor niet-commerciële doeleinden* We hebben Zoeken naar boeken met Google ontworpen voor gebruik door individuen. We vragen u deze bestanden alleen te gebruiken voor persoonlijke en niet-commerciële doeleinden.
- + *Voer geen geautomatiseerde zoekopdrachten uit* Stuur geen geautomatiseerde zoekopdrachten naar het systeem van Google. Als u onderzoek doet naar computervertalingen, optische tekenherkenning of andere wetenschapsgebieden waarbij u toegang nodig heeft tot grote hoeveelheden tekst, kunt u contact met ons opnemen. We raden u aan hiervoor materiaal uit het publieke domein te gebruiken, en kunnen u misschien hiermee van dienst zijn.
- + *Laat de eigendomsverklaring staan* Het “watermerk” van Google dat u onder aan elk bestand ziet, dient om mensen informatie over het project te geven, en ze te helpen extra materiaal te vinden met Zoeken naar boeken met Google. Verwijder dit watermerk niet.
- + *Houd u aan de wet* Wat u ook doet, houd er rekening mee dat u er zelf verantwoordelijk voor bent dat alles wat u doet legaal is. U kunt er niet van uitgaan dat wanneer een werk beschikbaar lijkt te zijn voor het publieke domein in de Verenigde Staten, het ook publiek domein is voor gebruikers in andere landen. Of er nog auteursrecht op een boek rust, verschilt per land. We kunnen u niet vertellen wat u in uw geval met een bepaald boek mag doen. Neem niet zomaar aan dat u een boek overal ter wereld op allerlei manieren kunt gebruiken, wanneer het eenmaal in Zoeken naar boeken met Google staat. De wettelijke aansprakelijkheid voor auteursrechten is behoorlijk streng.

## Informatie over Zoeken naar boeken met Google

Het doel van Google is om alle informatie wereldwijd toegankelijk en bruikbaar te maken. Zoeken naar boeken met Google helpt lezers boeken uit allerlei landen te ontdekken, en helpt auteurs en uitgevers om een nieuw leespubliek te bereiken. U kunt de volledige tekst van dit boek doorzoeken op het web via <http://books.google.com>





STN

Lincoln



STW

Lindberg









226c



# ANNALES

ACADEMIAE LUGDUNO-BATAVAE,

NEW YORK

1825—1826

PUBLIC  
LIBRARY

WIOY WEB  
CLUB  
YRABU

# ANNALES

ACADEMIAE LUGDUNO-BATAVAE,

*a. d. VIII Februarii A. MDCCCXXV. ad d. VIII Februarii A. MDCCCXXVI.*

RECTORE MAGNIFICO

HENRICO GUILIELMO TYDEMAN,

ACADEMIAE ACTUARIO

NICOLAO SMALLENBURG.


ROBINSON  
LIBRARY

---

LUGDUNI BATAVORUM,  
APUD S. & J. LUCHTMANS,

ACADEMIAE TYPOGRAPHOS,

MDCCCXXVII.



ROY VAN  
CLIFF  
TRABOL

A three-line text stamp in a dotted font. The first line reads "ROY VAN", the second line reads "CLIFF", and the third line reads "TRABOL".

# I N D E X

EORUM, QUAE UNDECIMO ANNALIUM LEIDENSIIUM  
VOLUMINE CONTINENTUR.

Nomina Professorum, Lectorum et Magistrorum Academicorum.

Series Lectionum in Academiâ Lugduno-Batavâ.

Acta et Gesta in Senatu Academiae Lugduno-Batavae.

Series Dissertationum Inauguralium publicè defensarum.

Judicia Facultatum.

Programma novarum Quaestionum, die viii Febr. anni MDCCLXXVI. pro-  
positarum.

Oratio H. G. TYDEMAN.

Commentationes J. J. L. van der Brugghen.

A. C. van Eldik Thieme.

P. O. van der Chys.

---

Nomina Professorum et Lectoris Athenaei Amstelaedamensis.

Series Lectionum in Athenaeo habitarum.

---

Series Lectionum in Seminario Evangelico Lutherano Amstelaedamensi ha-  
bitarum.

Oratio G. F. SARTORII.





# NOMINA PROFESSORUM,

QUI IN ACADEMIA LUGDUNO-BATAVA  
DOCENDI MUNUS OBIERUNT.

inde a d. viii Februarii MDCCCXV, a d. viii Februarii MDCCCXVI

IN ACADEMIA LUGDUNO-BATAVA  
DOCENDI MUNUS OBIERUNT.

**RECTOR MAGNIFICUS,**

**HENRICUS GUILIELMUS TYDEMAN.**

**ACADEMIAE ACTUARIUS,**

**NICOLAUS SMALLENBURG.**

**JURIS PROFESSORES:**

**H. G. TYDEMAN.**

**N. SMALLENBURG.**

**E. HAGEMAN, propter aetatem septuagenariam rade donatus.**

**G. I. VAN ASSEN.**

**THEOLOGI.**

**I. VAN VOORST.**

**I. CLARISSE.**

**L. SURINGAR.**

**N. C. KIST, Historiae Ecclesiasticae et Historiae Dogmatum Profes-  
sor extraordinarius.**

A

DIS-

UNIVERSITY OF AMSTERDAM

**DISCIPLINARUM MATHEMATICARUM ET PHYSICARUM.**

**S. SPEYERT VAN DER EYK.**

**C. EKAMA.**

**G. WITTEWAALL.**

**C. G. C. REINWARDT.**

**I. DE GELDER.**

**PHILOSOPHIAE THEORETICAE ET LITERARUM.**

**I. H. VAN DER PALM.**

**M. SIEGENBEEK.**

**S. I. VAN DE WYNPERSSSE, propter infirmam valetudinem rude donatus;**

**I. BAKE.**

**I. NIEUWENHUIS.**

**H. A. HAMAKER, Legati Warneriani interpres.**

**P. HOFMAN DEERLAMP.**

**C. I. C. REUVENS, Archaeologiae Professor extraordinarius.**

**M E D I C I.**

**M. S. DU PUI.**

**G. SANDIFORT.**

**I. C. KRAUSS, propter infirmam valetudinem rude donatus.**

**I. C. B. BERNARD, rei medicinalis in Regno Belgico Inspector generalis.**

**M. L. MACQUELYN.**

**C. PRUYS VAN DER HOEVEN, Medicinae Professor extraordinarius.**

**LECTORES.**

**N. G. VAN KAMPEN, literarum Germanicarum.**

**C. F. RUPPE, Musices.**

**P. I. UYLENBROEK, discipl. Mathemat. et Physic.**

**MAGISTRI ACADEMICI.**

**C. H. EYFFERT, Equitationis.**

**G. KNIPPENBERG, Artis Gladiatoriae.**

**SERIES**

# SERIES LECTIIONUM,

IN ACADEMIA LUGDUNO-BATAVA,

habendarum à die 20 Septembris 1825.

RECTORE MAGNIFICO

HENRICO GUILLIELMO TYDEMAN.

---

## FACULTAS JURIDICA.

**H. G. TYDEMAN** Encyclopaediam Juris (sive Introductionem ad studium Jurisprudentiae universae et singularum illius partium) tradet, diebus Lunae, Martis, Mercurii et Jovis, hora XII.

Historiam politicam recentiorum, duce **HEERENIO**, enarrabit, diebus Lunae, Mercurii et Veneris, hora I.

Oeconomiae Politicae principia, auctore potissimum **J. B. SAY**, tradet, diebus Martis et Jovis, hora I.

Statisticam Patriae describet, diebus Lunae, Martis, Mercurii et Jovis, hora XI.

**N. SMALLENBURG** Pandectas, secundum **WESTENBERGIUM**, tractabit, diebus Lunae, Martis, Mercurii, Jovis et Veneris, hora X.

Institutiones, iisdem diebus, hora XI.

Primas Lineas Juris Civilis Hollandici, à se editas, explicabit, diebus Lunae, Martis, Mercurii, et Jovis, hora XII.

**E. HAGEMAN**, in quantum aetas et valetudo permittent, diebus et horis dein indicandis, studiosae Juventuti prodesse conabitur.

**C. J. VAN ASSEN** interpretabitur Digestorum Libros, duce **WESTENBERGIO**, diebus Lunae, Martis, Mercurii et Jovis, hora VIII.

## S E R I E S

Tradet Elementa Juris Civilis Attici, die Veneris, hora VIII.

Illustrabit Historiam Jurisprudentiae Romanae, duce J. A. DACHIO, diebus Lunae, Martis et Mercurii, hora IX.

Tractabit separatim locum de Delictis et Poenis, interpretando Digestorum Libros XLVII et XLVIII, et Codicis Librum IX, die Jovis, hora IX.

Docebit JUSTINIANI Institutiones, diebus Lunae, Martis et Mercurii hora X.

Explanare perget GAJI Institutionum Commentarios, die Jovis, hora X.

## FACULTAS THEOLOGICA.

J. VAN VOORST Epistolam Jacobi et selectas aliorum Novi Testamenti librorum pericopas Critice et Exegetice exponet, diebus Lunae, Martis, Jovis et Veneris, hora XII.

Praecepta de populari Religionis Christianae institutione cum privata, tum publica, tradet die Jovis, hora X.

Theologiam Dogmaticam colloquendo cum Commilitonibus tractabit, diebus Mercurii et Veneris, hora X.

Orationibus Sacris pronuntiandis praeevit die Jovis, hora I.

J. CLARISSE Theologiam Naturalem tradet, diebus Martis et Jovis, hora IX.

Theologiam Dogmaticam, diebus Lunae, Mercurii et Veneris, hora IX.

Theologiam Moralem, diebus Lunae, Martis, Mercurii et Jovis, hora VIII.

Theologiam, quae dicitur, Pastoralem, diebus Veneris et Saturni, hora VIII.

Encyclopaediam et Methodologiam Theologicam hora Auditoribus commoda.

Exercitia Oratoriae Sacrae moderabitur, die Lunae, hora I.

L. SURINGAR Theologiam Christianam Theoreticam docebit, diebus Lunae et Martis, hora X. et Mercurii, hora XII.

Historiam Religionis et Societatis Christianae, inde a Carolo M. ad nostram usque aetatem explicabit, diebus Lunae, Martis, Mercurii et Jovis, hora XI.

Acta

Acta Apostolorum cursoria lectione pertractabit hora ipsi et Auditoribus com-  
moda.

Oratoriae Sacrae exercitiis praeerit die Mercurii, hora I.

J. CLARISSE et L. SURINGAR moderari pergunt exercitia de quaestio-  
nibus argumenti Theologici disputandi, die Veneris, hora IV.

N. C. KIST, Professor Extraordinarius, Religionis et Ecclesiae Christianae  
historiam docebit antiquam, diebus Martis et Jovis, hora I. et Veneris, ho-  
ra XI.

Dogmatum historiae Christianorum capita selecta tractabit, diebus Lunae et  
Mercurii, hora III.

## FACULTAS DISCIPLINARUM MATHEMATICARUM ET PHYSICARUM.

S. SPEYERT VAN DER EYK Mathesin Sublimiorem docebit, diebus Lu-  
nae et Mercurii, hora I.

Physicam, experimentis illustratam, tradet, diebus Lunae, Martis, Mercu-  
rii et Jovis, hora XII.

C. EKAMA demonstrabit Mathesin, diebus Lunae, Martis, Mercurii et Jovis,  
hora VIII.

Astronomiam popularem, diebus Martis et Jovis, hora X.

Physicam Mathematicam, diebus Lunae et Mercurii, hora X.

Astronomiam, diebus Martis et Jovis, hora XI.

Geometriam applicatam, diebus et horis deinceps indicandis.

G. WTTEWAALL Oeconomiam Ruralem docebit, diebus Lunae, Mercu-  
rii et Veneris, hora I.

C. G. C. REINWARDT *Chemiā et Artem Pharmaceuticā* docebit, die-  
bus Lunae, Martis, Mercurii et Jovis, hora XI.

*Rei Herbariae* fundamenta tradet, diebus Lunae et Mercurii, hora I.

*Plantarum Historiam* illustrabit verno et aestivo tempore matutino, hora VII.

*Historiam Naturalem* exponet, diebus Martis et Jovis, hora I.

J. DE GELDER, demonstrabit Mathesin, diebus Lunae, Martis, Mercurii et  
Jovis, hora VIII.

- Trigonometriam rectilineam et sphaericam ejusque usum in Astronomiâ et Arte navigandi provectoribus discipulis explicabit, diebus Lunae, Mercurii et Veneris, hora I.
- Calculus Differentialis et Integralis per quavis hebdomade docebit iis horis, quae Auditoribus maximè sint commodae.
- Mechanicam analyticam diebus Martis et Jovis post meridiem, hora V et VI.
- Theoriam probabilitatis, quam vocant, et insignem ejus usum in vita civili tradet, quarum lectionum horas in commodum Auditorum constituet.

### FACULTAS PHILOS. THEOR. ET LITERARUM.

- J. H. VAN DER PALM Jobi Carmina Philologice et Critice illustrare perget diebus Lunae et Mercurii, hora I.
- Praecepta Oratoriae Sacrae tradet, diebus Martis et Jovis, hora I.
- Coranicis lectionibus vacabit, diebus Martis, hora V et VI.
- Librum I Regum cursoria lectione explicare perget, diebus Veneris, hora I.
- M. SIEGENBEEK praecipuas Historiae Patriae epochas observationibus illustrabit, diebus Lunae, Martis, Mercurii et Jovis, hora VIII.
- Praecepta stili bene Belgici tradet, iisdem diebus, hora XII.
- Eloquentiam Belgicam docebit, diebus Lunae, Martis et Mercurii, hora I.
- Literas Belgicas tradet, diebus Jovis et Veneris, hora I.
- Eloquentiae exterioris exercitia moderabitur, die Veneris, hora III.
- J. BAKE interpretabitur cum PLUTARCHI Vitas *Lysandri* et *Sullae*; tum EURIPIDIS *Iphigeniam in Tauris*: diebus Lunae, Martis, Mercurii et Jovis, hora X.
- Antiquitatum Graecarum*, maxime *Atticarum*, locum Civilem explicabit diebus Lunae et Mercurii, hora I.
- Historiam Literarum Graecarum, superiori anno institutam, tradere perget, die Martis, hora I.
- J. NIEUWENHUIS Scholas habiturus est *Metaphysicas*, diebus Martis, Mercurii, Jovis et Veneris, hora VIII.
- Logicas*, conjunctas cum Encyclopaediâ philosophiae sive introductione ad studium Philosophiae universae, die Jovis, hora XII. et die Veneris, hora X.

His-



## L E C T I O N U M.

- Historiam Philosophiae Antiquae* explicabit, diebus Martis et Mercurii, hora XII.
- H. A. HAMAKER** Grammaticam Hebraeam docebit, et exercitijs analyticis moderandis vacabit, diebus Lunae, Martis, Mercurii et Jovis, hora VIII.
- Arabicae, item Syriacae linguae et Chaldaicae elementa tradet, diebus Lunae et Mercurii, hora I. et Veneris, hora IV.
- Loca historicorum a Freytagio V. Cl. edita, item Lebidi et Antarac carmina explicabit diebus Martis et Jovis, hora IV.
- Bar-Hebraei Chronicon Syriacum interpretabitur privatissime, diebus Jovis, hora V et VI.
- Disputationibus sive privatis, sive publicis, praefertur hora auditoribus commoda.
- P. HOFMAN PEERLKAMP** explicabit historiam universalem, a prima regnorum originae usque ad divisionem imperii Carolingici, diebus Lunae, Martis, Mercurii et Jovis, hora XI.
- Litteras Latinas docebit, interpretando loca selecta Titi Livii ex libris XXI, XXII, XXIII, XXIV, et carmina elegantiora C. Valerii Catulli, diebus Lunae, Martis, Mercurii et Jovis, hora IX.
- C. J. C. REUVENS**, Professor Extraordinarius, *Antiquitatem Romanam* explicabit secundum compendium J. D. RUSSELL, V. Cl., diebus Lunae et Martis, hora XII.
- Idem scholas *numismatologiae* instaurabit, hora maxime commoda.
- J. BAKE** et **P. HOFMAN PEERLKAMP** praerunt publicis Disputandi exercitationibus, die Martis, hora III.

## FACULTAS MEDICA.

- M. S. DU PUI** Theoriam disciplinae Chirurgicae, ejusdemque Praxin in Nosocomio Academico exponet, diebus Lunae, Martis, Mercurii, Jovis et Veneris, hora X. et Veneris, hora XI.
- Anatomiam Chirurgicam cum operationibus, hiberno tempore, diebus Lunae, Martis, Mercurii et Jovis, hora V.

Artem obstetriciam cum theoretice, tum practice, diebus Lunae, Martis, Mercurii, Jovis et Veneris, hora XII.

Medicinam Forensem explicabit, diebus Mercurii et Veneris, horis postmodum indicandis et a lectionibus Juridicis et Medicis vacuis.

Disputationibus publicis vacabit, horâ dein indicandâ.

G. SANDIFORT Anatomiam docebit, diebus Lunae, Martis, Mercurii, Jovis et Veneris, hora X.

Physiologiam, Anatome comparata illustratam, iisdem diebus, hora IX.

Methodum secandi Cadavera, quotidie, hiberno tempore, ab hora III ad V.

M. J. MACQUELYN Materiem Medicam et Pharmaciam, ad Pharmacopaeam Belgicam accommodatam, tractabit, diebus Lunae, Martis, Mercurii et Jovis, hora VIII.

Selecta capita de cognoscendis et curandis morbis tam acutis, quam chronicis explicabit: et in Nosocomio clinico Academico Medicinae studiosos in morborum divisione per sua signa, cognitione per suas causas, et curatione per sua indicata exercebit singulis diebus, hora IX.

Diaeteticam seu Hygieinam ad Praxin Medicam applicatam docebit, die Veneris, hora IX et XI.

Disputandi exercitia moderabitur horâ auditoribus commoda.

C. PRUYS VAN DER HOEVEN, Med. Prof. extraordinarius, Pathologiam docebit, diebus Lunae, Mercurii et Veneris, hora I.

et die Veneris, hora VIII.

Medicinam Practicam cum exercitatione in Nosocomio Academico singulis diebus, horis XI.

Historiam Medicinae tradet, diebus Lunae et Mercurii, hora IV.

N. G. VAN KAMPEN, Liter. German. Lector, Poëtarum Germanicorum Specimina, inde à KLOPSTOCKIO, interpretabitur è Florilegio suo nuper edito, ( *Handboek der Hoogduitsche Letterkunde* ) die Mercurii, post meridiem horâ IV. et die Veneris a. m. hora VIII.

Scho-

Scholas Grammaticas habebit, diebus et horis Auditoribus maximè opportunis.

C. F. RUPPE, Musices Lector, Harmoniae fundamenta et principia Compositionis Musicae docebit, diebus Lunae et Jovis, hora III.

P. J. UYLENBROEK, Discipl. Mathem. et Physic. Lector, Arithmetices Universalis initia tradet, diebus Lunae et Mercurii, hora X.

Ejusdem Disciplinae capita selecta explicare perget, diebus Martis et Jovis, hora I.

Optices elementa exponet horis auditoribus commodis.

C. H. EYFFERT, Academicus Equitationis Magister, artem equitandi quotidie docebit.

Theoriam artis equitandi exponet, die Jovis, hora V.

G. KNIPPENBERG, Academicus Artis Gladiatoriae Magister, aptum et elegantem gladii usum quotidie docebit.



# ACTA ET GESTA IN SENATU ACADEMIAE LUGDUNO-BATAVAE.

1825. Die 12 Novembris. Ex litteris Illustr. Acad. Curatorum; additoque illis Regio Decreto intellexit Senatus Virum Clarissimum HENRICUM COCK, hactenus Juris Professore in Illustri Athenaeo Daventriensi, Juris Professore in hac Academia esse constitutum.

1826. Die 23. Januarii. Quatuor ex diversis Facultatibus ad normam ab Augustissimo Rege constitutam, nominati sunt Professores, e quibus unus a Rege eligeretur ad Rectoris munus anno proximo Academico gerendum.

Nominati quoque sunt quatuor, e quibus unus ex Lege Regia eligendus esset Senatus Actuarius in annum sequentem.

Nominatio prior mox per litteras, Latino sermone scriptas, ad Regem missa, utraque cum Curatoribus communicata est. In eodem consessu dies a Rectore Magnifico Orationi Inaugurali habendae dictus est Viro Clarissimo HENRICO COCK.

Die 6 Februarii. Recitatum est Regis Augustissimi Decretum, quo Academiae Rector Magnificus in annum sequentem designatur Vir Clar. LUCAS SURINGAR. Designato Rectori adjuncti sunt Assessores

Viri Clarissimi J. DE GELDER.

H. A. HAMAKER.

M. S. DU PUI.

H. W. TYDEMAN.

1886. Die 8 Februarii Rector ad Senatum retulit, in consessu Curatorum, Rectoris, et Assessorum, ex nominatis Actuarium electum esse Virum Clar. M. J. MACQUELYN.

Dein a Viro Clar. cock in manum Praesidis Curatorum solenne praestitum est iusjurandum. Mox munus auspicatus est, habita Oratione *de Juris Publici universalis studio ad civitatis otium pacemque fructuosissimo*. — Exinde munere abiens Vir Magnus in Auditorio Majori solenni habito sermone Magistratum Academiae posuit, ceteraque ex more antiquo et Legibus Regis hoc die praestanda feliciter peracta sunt.

S E R I E S  
*DISSERTATIONUM INAUGURALIUM,*  
IN ACADEMIA LUGDUNO-BATAVA

PUBLICE DEFENSARUM;

*à die VIII Februarii MDCCCXXV. ad diem VIII Februarii MDCCCXXVI.*

---

1825.

- d. 12 Martii. *Specimen Juridicum, quo continentur Quaestiones varii argumenti*, defensum a Guilielmo Friderico van Reede van Oudtshoorn, Gorinchemensi, pro Doctoratu Juris Romani.
- d. 24 Martii. *Specimen Juridicum, quo continentur Quaestiones aliquot ex capite de inofficioso testamento*, defensum a Petro Pompejo Repelaer, Dordracensi, pro Doctoratu Juris Romani.
- d. 26 Martii. *Dissertatio Juridica de Novatione*, defensa a Petro Adriano van Slingelandt, Vadensi, pro Doctoratu Juris Romani et Hodierni.
- d. 15 Aprilis. *Dissertatio Juridica de Commodato secundum Juris Romani et Hodierni principia*, defensa a Jano van Reigersberg Versluys, Medioburgo-Zelando, pro Doctoratu Juris Romani et Hodierni.

d.

1825.

- d. 16 Aprilis. Disputatio Juridica, sistens Disquisitionem de peritis in arte, defensa in Auditorio Majori, à Joanne Philippo du Quesne van Beuchem en Cillershoek, Altona-Dano, pro Doctoratu Juris Romani et Hodierni.
- d. 25 Aprilis. *Specimen Juridicum, quo continentur Quaestiones aliquot ex Jure Romano et Hodierno*, defensum a Jano van der Houven van Anckeren, Roterodamensi, pro Doctoratu Juris Romani et Hodierni.
- d. 30 Aprilis. Disputatio Theologica de Primorum hominum Christianorum vita privata, defensa in Auditorio Majori, à Jacobo Borsius, Amstelodamensi, pro Doctoratu Theologiae.
- d. 4. Maji. *Dissertatio Medica de signis ex decubitu, positione et incessu in nonnullis Morbis*, defensa ab Aärone German, Amstelodamensi, pro Doctoratu Medicinae.
- d. 7 Maji. *Specimen Philosophicum, exhibens Monographiam Ammoniteorum et Goniatiteorum*, defensum à Guilielmo de Haan, Amstelodamensi, pro Matheseos Magisterio et Doctoratu Philosophiae Naturalis.
- d. 11 Maji. *Specimen Juridicum de Appellationibus in caussis Civilibus ex Juris Gallici principiis*, defensum à Frederico Godfriedo Houck, Daventriensi, pro Doctoratu Juris Romani et Hodierni.
- d. 18 Maji. *Dissertatio Juridica de Nuptiis, quibus consensus contrahentium defuit*, defensa ab Emmanuele Desiderato Carolo Ernesto Corbisier, e Fremerijs in Hannonia, pro Doctoratu Juris Romani et Hodierni.
- d. 21 Maji. *Dissertatio Historica et Literaria de Vita Croesi, quam Xenophon in Cyropaedia tradidit*, ad  
B 3 fi-



1825.

fidem Historicam exacta, defensa in Auditorio Majori, à Jacobo Klerk, P. F., Roterodamensi; pro Phil. Theor. Magisterio et Literarum Humaniorum Doctoratu.

d. 21. Maji. Dissertatio Literaria et Juridica de M. Tullii Ciceronis Oratione pro M. Coelio, defensa in Auditorio Majori, ab eodem Jacobo Klerk, P. F., Roterodamensi, pro Doctoratu Juris Romani et Hodierni.

d. 26 Maji. Disputatio Juridica de cura, quam Romani habuerunt, carceris, et eorum, qui carcere continentur, defensa in Auditorio Majori, à Thoma Guilielmo Schade van Westrum, Amstelodamensi, pro Doctoratu Juris Romani et Hodierni.

d. 7 Junii. *Dissertatio Juridica de contractu redditus annui cum vita cessantis*, defensa à Johanne Jacobo Nederburgh, Arnhemensi, pro Doctoratu Juris Romani et Hodierni.

d. 11 Junii. *Dissertatio Juridica de Mutationibus in re Criminali Belgica, ex Edicto Regis nostri diei xi Decembris anni 1813.*; defensa à Martino Gerardo Pauw, Hagano, pro Doctoratu Juris Romani et Hodierni.

d. 16 Junii. *Dissertatio Juridica de Stipulatione Aquiliana*; defensa à Thoma Fraser, Invernesiensi-Scoto, pro Doctoratu Juris Romani.

d. 20 Junii. Dissertatio Juridica de scriptura privata, defensa in Auditorio Majori, à Cosma Damiano Beels, Steenberga-Batavo, pro Doctoratu Juris Romani et Hodierni.

cod. die. Specimen Literarium, continens Diatriben in Demosthenis Orationes I et II. in Stephanum, defensum in Auditorio Majori, ab eodem Cosma Damiano Beels, Steenberga-Batavo, pro Phil. Theor. Magisterio, et Literarum Humaniorum Doctoratu.

d.

1825.

- d. 23 Junii. *Specimen Juridicum, exhibens M. Porcii Catonis vitam a Corn. Nepote scriptam, annotatione instructam, Thesesque annexas*, defensum ab Agone Tjepkone Ruardo Sixma van Heemstra, Nobili Frisio, pro Doctoratu Juris Romani.
- d. 24 Junii. *Dissertatio Juridica de obligatione venditoris ex Jure Cod. Civ. Gall. ad rem a vitiis immunem praestandam*, defensa à Wyëro Antonio van de Graaff, Daventriensi, pro Doctoratu Juris Romani et Hodierni.
- d. 25 Junii. *Specimen Juridicum, quo continentur Quaestiones aliquot ex Jure Romano et Hodierno*, defensum à Ludovico Cornelio Slicher, Medioburgo-Zelando, pro Doctoratu Juris Romani et Hodierni.
- d. 6 Septembris. *Specimen Juridicum de Procuratoribus ex Jure Romano*, defensum à Guilielmo Smith, Barbadiensi, pro Doctoratu Juris Romani.
- d. 24 Septembris. *Specimen Theologicum de Parabolis Jesu Christi*, defensum in Auditorio Majori, à Gerardo Annaeo van Limburg Brouwer, Amstelodamensi, pro Doctoratu Theologiae.
- eod. die. *Specimen Theologicum in locum I. Epist. Petri I. 3—12.*, defensum in Auditorio Majori, à Gerardo Ruitenschild, Leovardia-Frisio, pro Doctoratu Theologiae.
- d. 1 Octobris. *Disputatio Juridica de Notariis, in primis secundum Jus Hodiernum*, defensa in Auditorio Majori, ab Alexandro Francisco Siffle, Medioburgo-Zelando, pro Doctoratu Juris Romani et Hodierni.
- eod. die. *Dissertatio Philosophica, in qua ratione Mathematica, et Physica, quaeritur de mensura, constructione et munitione aggerum terreorum, ad lacus,*  
flu-

1825.

fluvios, et mare ab agris humilioribus arcenda;  
defensa in Auditorio Majori à Gideone Jano Verdam,  
Mydrechto-Batavo, pro Matheseos Magisterio, et Doctoratu Phi-  
losophiae Naturalis.

- d. 1 Octobris. *Dissertatio Medica de quibusdam Sectis antiquioris et recentioris aevi Medicis*, defensa à Petro Abrahamo Jeldes, Harlemensi, pro Doctoratu Medicinae.
- d. 14 Octobris. *Dissertatio Juridica de Officiis Tutorum ex Juris Hodierni principiis*, defensa ab Adriano van Bergen, ex Pago Wassenaer, pro Doctoratu Juris Romani et Hodierni.
- d. 31 Octobris. *Specimen Juridicum, continens Quaestiones aliquot ex Jure Romano et Hodierno*, defensum ab Henrico Jano Kronenberg, Daventriensi, pro Doctoratu Juris Romani et Hodierni.
- d. 5 Novembris. *Specimen Literarium de L. Annaei Senecae Libro de Tranquillitate animi explicato*, defensum ab Antonio Hirschig, Ginneko-Brabanto, pro Phil. Theor. Magisterio, et Literarum Humaniorum Doctoratu.
- d. 12 Novembris. *Specimen Theologicum de Pontii Pilati in caussa Servatoris agendi ratione*, defensum in Auditorio Majori, a Petro Joanne Jacobo Mounier, Delphis-Batavo, pro Doctoratu Theologiae.
- d. 18 Novembris. *Specimen Juridicum de Domicilio Civili*, defensum à Jacobo Roorda, Leovardia-Frisio, pro Doctoratu Juris Romani et Hodierni.
- d. 26 Novembris. *Specimen Medicum de Principiis Vegetabilium Alcaloïdeis*, defensum in Auditorio Majori, à Christiano Nicolao van Enspyck Kleynhoff, Amstelodamensi, pro Doctoratu Medicinae.

d.

1825.

d. 28 Novembris. *Dissertatio Medica de Natura Humana; gravidarum saluti prospiciente*, defensa a Jacobo Mario Alberto Roelants, Schiedamo-Batavo, pro Doctoratu Medicinae.

d. 30 Novembris. *Disputatio Juridica de Testamenti Holographi historia, et de hodierno ejus usu*, defensa in Auditorio Majori, a Francisco de Greve, Arnhemien-si, pro Doctoratu Juris Romani et Hodierni.

eod. die: *Dissertatio Medica varii argumenti*, defensa ab Antonio Bernardo Jacobo Heydenryck, Amstelodamensi, pro Doctoratu Medicinae.

d. 7. Decembris. *Specimen Juridicum, continens breves annotationes ad Tit. Cod. Civ. de Transactionibus*, defensum ab Erico de Lang 's Graeuwen, Medieburgo-Zelando, pro Doctoratu Juris Romani et Hodierni.

d. 12 Decembris. *Specimen Literarium de Oratione M. Tullii Cicero-nis pro Q. Ligario*, defensum a Petro Henrico Alberto Zillesen, Schiedamensi, pro Phil. Theor. Magisterio, et Li-terarum Humaniorum Doctoratu.

d. 17 Decembris. *Specimen Juridicum de Canonicis Rheno-Trajecti-nis*, defensum a Josepho Gerardo van der Schaaff, Rheno-Trajectino, pro Doctoratu Juris Romani et Hodierni.

d. 23 Decembris. *Dissertatio Juridica de Successione ab intestato, se-cundum Juris Hodierni principia*, defensa a Roberto Bo-reel, Amstelodamensi, pro Doctoratu Juris Romani et Hodierni.

1826.

d. 30 Januarii. *Dissertatio Juridica de Luxu et Legibus Sum-tuariis ex Oeconomia Politica dijudicandis*, defen-sa in Auditorio Majori, ab Abrahamo Elia Penning, Hagano, pro Doctoratu Juris Romani et Hodierni.

1826.

d. 2 Februarii. *Specimen Medicum de Variolarum Vaccinarum; in homine et vacca, diagnosi, nec non de cautelis ex illa conficiendis*, defensum à Samuele Hartog, Amstelodamensi, pro Doctoratu Medicinae.

d. 6 Februarii. *Dissertatio Juridica de Testamento mystico seu clauso, ex Juris Hodierni principiis*, defensa à Carolo Gerhardo Everhardo Alexandro van Lamsweerde, Zutphania-Gelro, pro Doctoratu Juris Romani et Hodierni.

eod. die. *Dissertatio Juridica de Beneficio Inventarii, nec non iis; qui inventarium conficere coguntur, ex Juris Hodierni principiis*, defensa ab Alexandro Frederico Ernesto Martino van Lamsweerde, Zutphania-Gelro, pro Doctoratu Juris Romani et Hodierni.

JUDICIA FACULTATUM DE CONSCRIPTIS HOC  
ANNO COMMENTATIONIBUS, AB ACTUA-  
RIO PRAELECTA DIE VIII FEBRUARII  
MDCCCXXVI.

---

L

ORDINIS JURECONSULTORUM:

Ad Quaestionem ab ordine Jureconsultorum positam de Jure Civili Roma-  
no quatuor allatae sunt disputationes,

Prima munita erat hac inscriptione:

*Spes alit timentes.*

Altera his Plinii verbis:

*Equidem beatos puto, quibus Deorum munere datum est;  
aut facere scribenda, aut scribere legenda.*

Tertia symboli loco habebat hoc Ciceronis dictum:

*Utilis est Juris Civilis scientia:*

Quarta denique inscripta erat his Plinii verbis:

*Est omnino iniquum, sed usu receptum, cet.*

Primae disputationis auctor hanc instituit commentandi rationem; ut In-  
stitutionum Justiniani librorum ordinem sequeretur, ad quem Plinii Episto-  
larum locos referret, et singulis fere titulis insereret; quo factum est, ut  
Institutiones Justinianae exemplis e Plinio petitis, et ab optimo quovis in-  
terprete plerumque laudatis, augeret magis, quam aliquid animadversu  
dignum, quo Jurisprudentia aetate Plinii illustraretur, proferret.

Secundae disputationis auctor longe diversa via ac ratione rem suam egit. Ex universis Plinii Epistolis locos quosdam illustriores selegit, ad quos, tamquam quaestiones de jure à se positas, ipse disputaret. Atque hic puro sermone et minime indocte disputavit, progressuumque suorum in Jurisprudentiâ laudabiliter periculum fecit. Sed quum identidem longiores quos selegisset Plinii locos descripsisset, et breviter admodum ad illos respondisset, neque in delectu locorum faciundo satis certam rationem secutus esset, accidit, ut alios Plinii locos omitteret, alios describeret magis quam illustraret.

Tertiae disputationis auctor plures Plinii locos ad graviores Juris Civilis partes, veluti ad Jus Civitatis, ad Jus testamentorum, obligationum et actionum universe ita retulit, ut ejus commentatio quum lucidum ordinem cum eleganti doctrina conjunctum habere videretur, palmam dubiam fecisset, si quidem auctor opus suum, ut instituisset, ita ad exitum perduxisset.

Quartae denique disputationis auctor singulari quadam ratione usus est in hujus argumenti tractatione. Singulos Plinii Epistolarum libros in tres potissimum partes tribuit, in quarum primam conferret locos qui adnotatu et illustratu digni viderentur, sive ob Antiquitatis effigiem, sive ob historiam Jurisprudentiae, sive ob verborum juris significationem: in altera vero cujusvis libri parte interpretaretur locos Plinianos ad Jus ipsum Civile pertinentes: in tertia denique parte exponeret judicia, actiones et causas magnas a Plinio aut oratas aut commemoratas. Cujusmodi disputandi forma quamvis habeat quod reprehendatur, visa tamen est docta haec et ampla commentatio ad eam rationem esse conscripta, ut auctorem declararet ad Litterarum et Juris studia, bene institutum, qui ad hoc opus non temere accessisset, sed id diligenter egisset, ut in omni disputatione eximie doceret, quantum et Plinii Epistolarum recta interpretatio ex juris cognitione, et jurisprudentia ipsa ex Plinii Exemplorum copia proficere posset.

Itaque censuit Ordo propositum praemium huic essetribuendum; tertiae autem commentationis auctorem publice esse laudandum.

Schedula aperta nomen prodit: JUSTINUS JACOB LEONARD VAN DER BRUGGEN, Phil. Theor. et Litt. Hum. et Jur. Cand. in Acad. Lugd. Bat.

Alterius vero disputationis auctor, quamvis publice invitatus; ut nomen suum profiteretur, tamen nondum professus est.

## I I.

## ORDINIS THEOLOGORUM.

Ad Quaestionem anno superiori propositam: » Grammaticae et historice » exponatur argumentum Epistolarum, quae continentur Libro Apocalyp- » seos C. II et III. Brevis accedat disquisitio de earundem auctore, scri- » bendi genere, atque in rem Christianam usu”: tres ad Facultatem dela- » tae sunt Commentationes his inscriptae symbolis:

I. Καλὸς οὗτος καὶ ἀξιολύττος εὐκλείας ἀγὼν τε καὶ στέφανος, ἐν ᾧ καὶ τὸ ἡττᾶσθαι οὐκ ἄδωξον.

II. Quod est, eo decet uti: et quidquid agas, agere pro viribus.

CICERO.

III. Cuius potest accidere, quod cuiquam potest.

PUBLIUS SYRUS.

Singulis harum Commentationum auctoribus insignem cum industriae ac diligentiae, tam iudicii laudem tribuendam esse judicarunt hujus Ordinis socii, ita tamen, ut Commentationis primae auctorem, propter uberiores et accuratorem argumenti tractationem, prae ceteris praemio dignum censuerint. Apertâ Schedulâ eodem, quo ipsa Commentatio, lemmate inscriptâ prodiit nomen A. C. VAN ELDIK THIEME, Lit. Cand. et Theol. Stud. in Academiâ Rheno-Trajectinâ.

Reliquarum Commentationum auctores per diaria publica invitati sunt ad nomina sua profitenda, ut haec publice commemorari possent ac laudari. Huic invitationi lubens satisfecit alterius Commentationis auctor, WILBRANDUS VERWEY, Theologiae Studiosus in Academiâ Groningana.



## III.

ORDINIS DISCIPLINARUM MATHEMATICARUM  
ET PHYSICARUM.

Ad propositas Quaestiones e Physicâ, e Mathesi, et ex Astronomiâ nemo se in certamen contulit.

Ad Quaestionem Botanicam, *de motu Fluidorum in plantis ejusque caussis*, acceptum est responsum signatum his verbis: *in magnis voluisse sat est.* De quo judicat Nobilissima Facultas: Multa quidem hac scriptio-  
ne contineri doctrinae et diligentiae argumenta, eam tamen praemio non esse dignam, tum, propter structurae plantarum neglectum, aliosque errores; tum vero praesertim quoniam auctorem non satis in universo quaestionis argumento versatum esse, e totius suae commentationis lectione apparuit.

Ex Oeconomîâ Rurali ad Quaestionem, quae sic se habet:

*Explicetur, aptisque illustretur exemplis, quibus in regionibus Patriae nostrae, modus quo et aestate pecus semper in stabulo retinetur, commendatione dignus videatur; deinde vero accurate exponantur difficultates, quibus haecce methodus illis in locis premitur.*

una tantum accepta est responsio, sequenti lemmate inscripta: *Qui didicit Patriae quid debeat.*

Quae quidem Commentatio tanta assidui laboris exhibuit specimina, et investigandi studio ita sese commendavit, ut Facultas eam praemio dignam censuerit.

Apertis autem literis responsioni adjunctis apparuit Auctorem esse: PETRUM OTTONEM VAN DER CHYS, Delphensem, Literarum Humaniorum in Academiâ Lugduno-Batavâ Candidatum.

Examine igitur coram Facultate instituto ita ad objectiones respondit, ut sese auctorem illius Commentationis omnino probaverit.

## IV.

ORDINIS PHILOSOPHIAE THEORETICAE ET  
LITERARUM HUMANIORUM.

Ordo sequentes proposuerat Quaestiones:

- I. *Exponantur singula argumenta de scientia et de opinione, ex PLATONIS Theaeteto et Phaedone, eaque cum ipsa illustrentur ex aequalium philosophorum dissensionibus tum ad dialecticam rationem exigantur.*
- II. *PHILIPPI I, Burgundiae Ducis, vita, res gestae et mores exponantur, ita ut disquiratur, qua ratione Boni cognomen tueri possit.*

Ad priorem Quaestionem nemo respondit. Ad alteram quinque responsiones Facultati fuerunt oblatae, his symbolis notatae:

- I. *Vir bonis est quis?*  
*Qui consulta patrum, qui leges, juraque servat:* HORATIUS.
- II. *Pars magna bonitatis est, velle fieri bonum.* SENECA,  
et *Ὁὐ μὲν μοι δοκέει δ κακὸς Ἀχαιῶν*  
*ἔμμεναι, ἀλλ' ὕριστος, ἐπεὶ βασιλῆϊ ἔοικας.* HOMERUS.
- III. *Der Burgundische Zeitraum schimmert wohlthätig hervor aus jenen finsternen Jahrhunderten, wie ein lieblicher Frühlingstag aus den Schauern des Hornungs.* SCHILLER.
- IV. *Frugi hominem dici non multum habet laudis in Rege, fortem, justum, severum, gravem, magnanimum, liberalem, hae sunt regiae laudes.*
- V. *Hic, post laudatissimam rerum administrationem, magna cum gloria, a suis multum desideratus, obiit.*  
HAVERKAMP, in *Introductione in historiam patriae.*

Censuit Ordo tres priores Commentationes laudabilem quidem auctorum industriam probare, caeterum neque accurata rerum expositione, neque orationis Latinae dotibus satis se commendare, ut vel praemio, vel honorifico etiam laudis testimonio possint ornari. Longe magis placuerunt Commentatio quarta et quinta; adeo ut vehementer doluerit Facultas, in utraque non-

nulla desiderari, quae ad obtinendum praemium necessaria habebantur. Perdigni tamen existimati sunt ambarum Commentationum auctores, qui propter eximiam in pervolvendis historiae monumentis industriam atque in exponendis et dijudicandis rebus diligentiam publice laudarentur. Invitati igitur ut nomen Facultati significarent, quartae Dissertationis, primo loco memorandae, auctorem se professus est A. M. C. VAN HALL, Philos. Theor. et Litt. Hum. in Illustri Athenaeo Amstelodamensi Studiosus; quintae vero E. B. SWALUE, Theol. in hac Academia Studiosus; quam nominum professionem apertae dein, quae Commentationibus adjectae erant, schedulae confirmarunt.

Itaque hos juvenes praestantissimos missis responsionibus optimam sui spem praeuisse, et, cum ob modestiam, nominum significatione probatam; tum ob insignes in bonis literis profectus, dignos esse, qui aliis in exemplum proponantur, publice declarat Facultas.

## V:

## ORDINIS MEDICORUM.

Ad propositam ab hoc Ordine Quaestionem nemo respondit.

ΑΝΑΚΗΡΥΞΙΣ

# PROGRAMMA

CERTAMINIS LITERARII

A

RECTORE ET SENATU ACADEMIAE LUGDUNO-BATAVAE;

D. VIII. MENSIS FEBRUARII

A. CIOICCCCLXVI

INDICTI

---

Rector et Senatus Academiae Lugduno-Batavae, ex Augustissimi Regis Edicto d. 2 Mensis Augusti A. CIOICCCCLXV. N°. 14., omnes Academiarum Belgicarum Cives, et Athenaeorum alumnos in annum sequentem ad certamen Literarium invitant et evocant, et propositas a singulis Ordinibus Academicis quaestiones promulgari jubent.

Ab ORDINE THEOLOGICO quaeritur:

Quis sensus sit moniti Joannei 1 Epist. V: 16b: Ἐστω ἁμαρτία πρὸς θεοὺς; οὐ καὶ ἐκείνης λέγει ὅτι ἐρωτήθη: et quomodo cum aliis de diligendis omnibus hominibus, Doctrinae Christianae praeceptis in concordiam redigi possit.

D

Ab

## P R O G R A M M A:

Ab ORDINE DISCIPLINARUM PHYSICARUM ET MATHEMATICARUM propositae sunt sequentes Quaestiones:

## E PHYSICA.

Quaeritur Theoria Physico-Mathematica cum *Antliae Suctoriae*, tum *Antliae compressoriae* generalis; atque utriusque effectus ad aquas elevandas invicem comparentur.

## E MATHESI.

Data quatuor Sphaerarum inter se invicem dispositarum magnitudine et mutuâ positione, inveniantur, cum loca centrorum, tum radii omnium Sphaerarum, quae datas illas tangunt.

## Ex ASTRONOMIA.

Planetarum Jovis, Martis, et Veneris determinentur distantiae proximae, minimae et geocentricae Anno superiori observatae.

## Ex HISTORIA NATURALI.

Exponatur Historia Naturalis Animalium Molluscorum Regni Belgii Indigenorum.

## E CHEMIA.

Quaeritur expositio concinna et perspicua elementorum Stoechiometriae.

ORDO PHILOSOPHIAE THEORETICAE ET LITERARUM HUMANIORUM sequentes proponit Quaestiones;

## E PHILOSOPHIA THEORETICA.

Quaenam fuit veterum Scepticorum sententia de veri judicio? Quibus argumentis eam tueri conati sunt adversus Dogmaticos, imprimis Socraticos,  
et

et Stoicos? Quomodo denique Sceptica philosophandi ratio, observatâ hominis indole, naturâ, atque ingenii progressionem, explicanda et coercenda videtur?

### E L I T E R I S O R I E N T A L I B U S .

Exponantur causae, quibus factum est, ut Imperium *Turcarum Otmanorum* a parvis initiis ad eam magnitudinem et potentiam pervenerit, quam *Solimano Magno* regnante, erat consecutum?

### ORDO MEDICORUM sequentem proponit Quaestionem:

Quum ab omni tempore Anatomicorum, Physiologorum, atque Obstetricarum practicum attentionem meruerit *Uterus*, tam ante conceptionem, quam durante graviditate, in partu, et in puerperio; quaeritur ut exponantur:

I. Ex penitior hodie cognitâ fabrica uteri animalium, et praesertim foeminae, tota evolutio hujus organi a minimo foetu ad aetatem foeminae adultae; nec non sententiae auctorum de ipsius fabricâ in statu non gravido, quae legi naturae satisfacit.

II. Evolutio ipsius, et inde mutata textura durante graviditate, recensitis diversorum auctorum laboribus, quâ functioni hoc tempore non tantum satisfacere, sed ipsum partum adjuvare valet.

III. Quid denuo in puerperio locum habeat, quod attinet ad ipsius uteri fabricam, ut redeat ad statum, in quo fuit ante graviditatem.

IV. An Anatomia Pathologica aliquid etiam conferat ad explicationem fabricae in diverso statu organi?

### ORDO JURISCONSULTORUM quaerit:

Quid vectigalia et Tributa, pro diverso genere suo modoque, faciunt ad industriam civium vel incitandam, vel frangendam, et ita divitias Nationis augendas, vel exhauriendas?

Commentationes, Latina tantum oratione conficiendae, et alia, quam auctorum manu describendae, ante diem 1 Novembris hujus anni mittuntur ad Virum Clarissimum MICHAHELEM JACOBUM MACQUELYN, Academiae Actuarium, ita ut nullis ab Academiae parte faciendis expensis detur locus. Lemmate autem omnes inscribendae, iisque adjungendae sunt Schedulae obsignatae, Auctorum nomina et pronomina integris Literis continentes, eodemque exteriore parte lemmate insignitae.

Universa vero concertationis, incundae et dijudicandae ratio cognosci potest ex Edicto Regio, supra dicto, Art. 205-215.

**HENRICI GUILIELMI TYDEMAN,**

**JCTI ET ANTECESSORIS,**

**SERMO HABITUS**

**DIE VIII. FEBRUARII MDCCCKXVI;**

**QUUM MUNERE ACADEMICO ABIRET;**



STATEMENT OF THE COMMISSIONER OF THE GENERAL LAND OFFICE

IN RESPONSE TO A RESOLUTION OF THE HOUSE OF REPRESENTATIVES

PASSED MAY 1, 1890

AND A RESOLUTION OF THE SENATE

PASSED MAY 1, 1890

( A )

PERILLUSTRES ACADEMIAE LEIDENSIS CURATORES; IN  
QUIBUS ET URBIS CONSUL!  
QUARUMVIS ARTIUM AC DOCTRINARUM PROFESSORES,  
COLLEGAE HONORATISSIMI, CONJUNCTISSIMI!

IN TRIBUNALI TRACTUS LEIDENSIS PRAESES, LEGATE  
REGIS, JUDICES, GRAPHIARI! VIRI GRAVISSIMI!

CIVITATIS LUGDUNO-BATAVAE NOMOPHYLACES ATQUE  
DECURIONES, QUIQUE HIS AB ACTIS ESTIS, VIRI SPEC-  
TABILES!

( 4 )

LECTORES DOCTISSIMI! — VERBI DIVINI MINISTRI! QUARUMVIS ARTIUM VEL SCIENTIARUM DOCTORES, ALIISQUE HONORIBUS CONSPICUI DOCTRINAVE VIRI, AUDITORES EXOPTATISSIMI!

TUQUE, GÉNEROSA JUVENTUS ACADEMICA, SPES PATRIAE, AMOR CURAQUE NOSTRA!

THE UNIVERSITY OF CHICAGO PRESS



PROFESSOR OF THE HISTORY OF THE UNITED STATES  
IN THE UNIVERSITY OF CHICAGO

OF THE HISTORY OF THE UNITED STATES  
IN THE UNIVERSITY OF CHICAGO

OF THE HISTORY OF THE UNITED STATES  
IN THE UNIVERSITY OF CHICAGO

OF THE HISTORY OF THE UNITED STATES  
IN THE UNIVERSITY OF CHICAGO

CHICAGO

23

EN

**E**xiit igitur hic meus annus, primi hujus Academiae millenarii alterius quadrantis primus, in ipsis suis — novaeque adeo periodi — auspiciis, augusto loco, celebri corona, votis rite conceptis, Supremi Numinis favori, curae, tutelae consecratus.

Annuat votis Deus Opt. Max. placidumque et prosperum Academiae concessit annum. Beatiora namque censere tempora, quorum brevissima sit historia, dudum didicimus: nec tamen segniter et otiose praetermissum censendum esse tempus, ex quo vix quidquam posteritati referendum esse videatur, proximo suo sacro sermone sapienter et acute monentem audivistis PALMIUM.

Est igitur quod hanc annalium et actorum annui mei regni brevitatem mihi et Academiae gratuler. — Vobis inprimis, Clarissimi et exoptatissimi Collegae! nam nostrae mortis primam et necessariam sermonis a fasces ponente Rectore habendi efficiunt. Sed vivitis omnes, et hanc mihi dicendi materiam, faustissimo novi hujus aevi, quod aperueram, omine, bona Academiae fortuna negavit.

Quod, credo, praesagiens Clarissimus in magistratu Decessor, inposuit mihi provinciam, elogii debiti meo parenti, optimo, doctissimo, sanctissimoque viro, Vobis omnibus, A. A., cognito dilectoque, et et mihi semper, sed privatim, lugendo, certe recolendo venerandoque.

Quamquam autem Clarissimo Decessori vitio minime sit vertendum, anno jamjam exeunte, confecta jam Oratione rerum copiosissima, — et in media illis, non tantum quotannis Recturae transferendae negotiis, sed

in semisaecularibus istis, adornandae festorum pompae, templique ornandi; sediliumque numerandorum, destinandorum, nocturnis diurnisque curis — fato fungentem Collegam non plene laudavisse nec longo verborum elogio mactavisse: — non ideo magis tamen animo inducor ipse, ut destinatam mihi spartam suscipiam. Hoc enim tentando viderer agnoscere titulos honoris dicam an amicitiae, quibus Vir Clarissimus aptum dignumque huic operi me benignè quidem praedicavit, ast quos ne mihi videar arrogasse, vel hac sola de causa cum iisdem conjunctum quodcunque munus deprecandum fuisset.

Regis autem Edictum illud de studiis et Academiis ordinandis, requirit ut vita simul et merita Professorum fato functorum describantur. Ego verò neque possem, neque vellem, patris mei vitam jejunè referre, a laudis praeconiis abstinere: nec magis tamen meum esse videtur, celebrare laudes mei parentis. — Quae, quaeso! gratia foret, quae dignitas istiusmodi laudationis?

Quin Regis Edicto, quod non nisi brevem relationem a decedente Rectore requirit, ipse sic satis videtur fecisse Clarissimus Decessor; commemorans, » tam docendo quam re publica tractanda; et docendo, quidem » in tribus Academiis, Harderovicena, Rheno-Trajectina, Lugduno-Batava, » de patria deque doctrinis egregie meruisse" patrem meum; et » praeclaram Viri eruditionem, indefessam diligentiam, animi candorem, pietatemque in Deum" honorifice testatus. Deinde, quum de parente meo, dum in vivis esset, Latino Gallicoque sermone et in libris pervulgatis, Latine quidem a CHRISTOPH. SAXIO, Viro Celeb., fuerit expositum; defunctique laudes graviter mox et disertè praedicaverint sacri Oratores FALSTUS et CLARISSIMUS: tandem, pro honore et amore quo Virum optimum semper est prosecutus, vitam meritaque viri vernaculo sermone peramanter et copiosè narraverit SIEGENBEEKIUS (quod elogium, typis descriptum, et vestrum plerisque cognitum, sed non in vulgus editum, his ipsis diebus, me non id agente, vulgandum sibi sumpsit in eoque desudat adhuc, Mercurius Harlemensis); et quum, denique, gratissima spes superat, Latino sermone de vita deque praestantia doctrinae mei parentis expositum in a Viro Clarissimo, quem plurimi faciebat ipse, quo gratiorem aut acceptiorem nullum ipsi, si statuendum hac de re haberet vel rogari posset, quemquam futurum existimo — Nihil igitur, profecto! vel beatitudini, qua fruitur, coelesti, vel gloriae praesentis acvi vel apud po-

ste-

steritatem, Patri meo decedet, nec indecorum fuerit habendum, si non maiorem in Academiae nostrae Annalibus locum invenerit, quam contigit suppari suo WYTTENBACHIO; scilicet itidem paucis diebus ante habendam, et a Rectore diversae studiorum classis, orationem defuncto.

Vivunt et omnes Academiae Curatores, Viri Illustres, et vivant florentque diu, et eadem humanitate, benignitate, zelo, tam patriae, doctrinisque et literis in universum, quam Academiae speciatim nostrae prospicere pergant! Quorum Quinque-Virorum quamvis nunc terni simul habeant filios in hac Academia studiis strenuam operam navantes, non ideo maiore tamen aliqua cura res Academicas promovent et impellunt: — nam neque locus foret ulli accessioni; nec sibi suisque, sed liberali et integro patriae, literarum, Palladisque Leidensis amore tutandam hanc ornandamque receperunt. — Multum tamen debemus d'Œcraui nostri filiis, quorum praecipue causâ, relictâ gratissimâ sede Hagana, domum suam tantisper huc transtulit: quo teste, iudice, fautore studiorum laborumque nostrorum nobis placemus atque gratulamur, qui vanam spernentes jactationem cum aliorum detrectatione conjunctam, penitus inspicere gaudemus et boni esse malumus quam videri. In praesentis autem Nobilissimi simul doctissimique Viri laudes excurrere, nec me sinit vera humanitas. Viri et dedignatio fastûs, pulcerrimum virtutum illius ornamentum; et in omnium manibus et ore versatur victurum illud opus, quo casto cultoque sermone mirificam eruditionis copiam opportunè promens et ornans, dum dilectam tantum patriam, literasque et artes cogitat, ast eadem opera simul ipse sibi laudis gloriaeque statuit monumentum.

Proximis autem hisce diebus vivere desiit vir optimus, senex venerandus, JACOBUS DE FREMERÏ, qui Collegio Curatorum hujus Academiae quondam per complures annos fuit ab Actis; donec ingravescens simul annis negotiisque suis, honestam flagitavit obtinuitque missionem. Non potui tamen, quin verbo saltem memorarem Virum, quem annis quidem gravem, sed vegetum adhuc et industrium et indefessum, defunctum luget non tantum digna doctaque quam reliquit soboles, sed lugent omnes boni. Habet autem digna soboles optimi parentis eadem quibus ego me, ipso hoc praecedentis anni die, consolari debui, sed et potui: non suae tantum familiae, sed civibus gratum et honoratum omnibus, ad senectutem usque vixisse, nunc autem humanâ sorte superiore nostris non indigere neque frui lacrymis,

mis, fruentem Deo, quem sincera pietate vivus coluerat.

Proxima quidem vice SANDIFORTIO nobisque omnibus plusquam satis erat, uni parentasse KEMPERO; cujus ut nulla nos unquam capiet oblivio, locum in docendo — dum de successore tanti Viri ambigitur — vacuum manere dolebamus. Haec vero mihi contingit felicitas, ut quum nullum hoc anno Doctorem Academia, Collegam ordo noster amisit, novus Collega, et in ipsa classe siue Facultate mea, sit gratulandus. Quod et ex animi mei — Clar. cook! — et ex omnium hic congregatorum, qui praeclarum hunc tuum sermonem acribus hausimus, animi sententia facio. Non novus ad hanc Academiam, non incognitus nobis advenis, in ipsa hac Academia, a Facultate nostra, — jam nostra communi, — quemadmodum in Academiis Rheno-Trajectina et Groningana praemio commentationum, doctè et eleganter scriptarum, decoratus: quin docendo quoque nobis cognitus et probatus; quum in optimis Academiae, nostraeque Classis discipulis censere soleremus illos qui ex disciplina Tua ad nostram accesserant. — In quam Tuae laudis partem ut etiam succedat muneris successor Tibi datus, carissimi amici mei, Professoris clarissimi, huic Academiae debiti tandemque promissi, sed fato rapti, filius patre dignus, ipse mecum optabis. Tu vero, KEMPERI nostri digne successor, iisdem quibus ille floreas laudibus et gratia: hoc uno — felicior, non dicam, sed Academiam et amicos reddas beatiore, — ut quos illius aevi spatio fatum decerpit annos, addantur tuo. Quanti ego Te faciam ostendere volui hoc ipso, quod in Tui gratulatione KEMPERI nomen non magis reformidaverim aut absconderim, quam Tu in aditiali tuo sermone. Nimirum non est ut exemplum memoriaque KEMPERI demant animum Tibi vel opprimant, sed ut erigant atque sustentent.

Porro his ipsis diebus accepimus nuncium, Facultati Doctrinarum Mathematicarum et Physicarum Professore Extraordinarium additum, Virum Doctissimum JANUM VAN DER HOEVEN, Medicum Roterodamensem, CORNELII Professoris Medicinae Extraordinarii fratrem, ipso tertioque ipsorum fratre, Viro docto pioque pariter et facundo dignissimum. Huic igitur novo Collegae, doctaeque genti gratulamur; — et simul REINWARDTIO nostro, cujus multiplici occupationi sublevandae disertis verbis destinatur novus Professor; cui post omnigenas intensi studii, raraeque doctrinae palmas academicas, eximiam hanc vitae in Museum nostrorum thesauris degendae retributionem

nem contingere gaudemus; et ab ipso magna quaevis exspectamus; a — REINWARDTO autem nostro, laborum aliorum parte levando, promptius nunc et certius itineris illius sui Indici descriptionem.

Eidem autem Facultati hoc anno nova facta fuit, vel certe constitutum ab Rege ut fieret nova docendi accessio, fructus ad universi bonum populi datura uberrimos; nimirum ut novos et ingentes Chemiae atque Mechanices nostris temporibus factos progressus, ad ipsas artes et opificia facilius, melius et fructuosius tractanda adhibere doceantur ipsi illi qui has artes exercent, et sic in usum vitae communis reiue publicae nova mox convertantur doctrinae et artis inventa.

Complarium ex ordine nostro scripta hoc anno typis edita, si id agendum putarem, haberem celebranda. PALMIO quidem nostro ingens illud Sacrorum Bibliorum novae versionis Belgicae et adnotationis opus absolutum; cuius rei Summo Deo pro concione publica Christiana grates pie reddentem audivimus et adsensimus; addendaeque partis quam diversa, sed major pars Christianorum, sacram agnoscit, novos exinde conceptos animos laeti comperimus. Porro, SMALLENBURGII nostri indefessam industriam ardoremque plane juvenilem, quo magni SCHULTINGII Adnotationes in Pandectas, suis, non minoris sane momenti, locupletatas edere pergit. HAMAKERI et summam laboris patientiam et inexhaustam eruditionem; in opere historico Arabico, de Memphidis et Alexandriae per Islamitas expugnatione, nuper — publico sumtu; ex liberalitate Regis nondum satis cognita celebrataque — in lucem edito, quinquaginta ex illis, quas possidet Academia nostra Arabicos codices ineditos, ad unum hunc laborem adhibitis.

Revera tamen ab huiusmodi recensione, nisi talia sint ut illa quae nominavi, Professorum opera, praestiterit abstinere — quod et apud nos fieri solet — et aliis illam curam relinquere, quam invidiose referre, quae et qualia quantave hic vel ille Professorum anno proxime elapso scripta in vulgus ediderit. Absit enim, ut a numero vel pondere chartarum, quas typis quilibet fecit maculari, vel eruditionem, vel studium, vel docendi successum vel justam famam Doctoris Academici vel ipsi nos censeamus Doctores, vel alios istam ineptiam doceamus!



Studiosae juventutis gesta fataque quod attinet, ex horum quidam numero complures habemus lugendos, quos graviter studiis incumbentes, moribus ornatissimos, Parentibus, Praeceptoribus, Commilitonibus suis dilectos, turbato mortalitatis ordine mors praecidit. Cujusmodi casus, juvenum in ipso flore juventae vitaeque civilis ingressu raptorum, quam affligant et diu crucient Parentes, cognatos, amicos, nemo plenius aut acerbius sentit quam ego. . . .

Sed commemorem potius mihi vobisque gratiora: Studiosorum numerum, hoc Rectoratus mei anno, insigniter augmentum; et quod ipso magno Studiosorum numero majus est et optabilius, animos, moresque (unius, alteriusve exceptis; sed qui pauciores sunt, quam ut numerum faciant), mores igitur animosque ad honestatem, virtutem, ad studiorum industriam compositos.

Cujus rei cum constans hujus Academiae tenor laetus et tranquillus, tacitum, sed vel sic disertius praebet argumentum; sunt verò propria quoque documenta: humanitatis quidem, in pecuniâ deliciis ludisque detractâ, in pauperes Leidenses, in cives exaestuante mari oppressos fortassisque everesos, in Graecos pro vitâ sacrisque suis fortiter dimicantes, certatim collatâ: studiorum documenta, in Dissertationibus inauguralibus compluribus elaboratissimis, et in Commentationibus illis, quibus ad Quaestiones, vel a nostra vel ab aliâ Academiâ propositas laudabiliter responderunt. Quamvis enim hoc anno meo in Quaestionibus hujus Academiae vel omnino adoriendis vel dignè tractandis, nostrorum non adeo spectata videri possit industria, si tamen computemus, ut facere par est, diversis in Academiis patriis: crenatos honoratosve nostros, facile invenientur Quaestionum numerum, etsi largiorem Academiae nostrae concessum, et ita pensum velut nostris propositum absolvisse.

Sed audiamus ipsa de Quaestionibus nostris hujus anni Facultatum judicia: Vos autem, Juvenes optimi, quibus contigit, aurea praemia reportare, nominibus vestris auditis deinceps ad me accedite. —

Silentio Vos excepti, Juvenes, verè jam ornatissimi! tam brevitati hujus actus quam pudori vestro, partim quoque meo consulens: nullo modo quod non gauderem honore vestro vestrorumque et laetitiâ, in laudesque vestras effundi non gestiret animus, et studium favoremque significare, tum Vobis,

o praeclarè ambo hujus Academiae dilectique mei discipuli! tum et erga Theologum Rheno-Trajectinum, patre viro aestumatissimo, avo autem materno, viro in paucis doctissimo, genitum: quin et lubens publice laudo Studiosum Amstelædamsensem, heroùm doctorum jam efflorescente gente prognatum; Theologumque Leidensem, in eadem quaestione historiae patriae, tam gravi et ampla, vires non infeliciter perichitatum; et absentem quoque Groningantum, cuius patrem, fratresque natur majores, doctos acutosque viros, dudum cognovi atque dilexi. — Vos igitur et ipsi fruimini praemiis laboris vestri, et alios, sed quibus sint vires atque vigor, ad honestam laudis aemulationem accendite!

Superest quod laetus referam, ad studiosos hujus Academiae pertinens, non qui nunc sunt, sed qui decennio ante fuerunt; tunc autem plerique et mihi et aliis Praeceptoribus suis accepti probatique; quorum complures nunc in veris iuventudisque amicis habeo; et quorum generatim exemplo spectet praesens Academica juvenus, quid virtus et industria possit generoso patriae amore alta et incensa. Nimirum, conjunctis omnis Europae viribus vix everso, mox reditum minitante, nostraeque inprimis Belgicae inhiante natione Tyranno, trepidis in rebus patriae nostrae sibi vix redditae nec satis confirmatae, complures praestantesque cives Academiae nostrae sponte ad arma convolarunt, ad quae jam vocare patriae salus quaeque iis velut porrigere videbatur ipsa Minerva. Honestis igitur stipendiis in Gallia factis redierunt ovantes, honestaque accepta missione integros animos ad patriae jam Minervae cultum retulerunt. Sed erat vexillum cohorti, quod splendidum et pulcrum confecerant lectissimae virgines Leidenses, hoc ipso testantes quam probarent virgines choros cum ipsis Palladis atris deceri ab his, qui pro patriâ totandâ vitam obicere nulli dubitarent. Hoc igitur vexillum, multis nominibus charum sanctumque, redox et jam militiae numeris votoque solvenda juvenus, me Collegisque aliis praesentibus obtulerat et consecraverat ipsa Minerva Lugduno-Batavae. Cujus quidem nomine, optans Divae aedituus receperat KEMPERUS, Academiae Rector, et juvenum illorum et expeditionis fautor, et ipse hactenus custodierat in aedibus suis, Musarum Charitumque gratissima sede: unde quis promendum erotasset vel benisisset, ut in vasta potius aede aliqua Academica collocaretur? Sed merito Clâr. KEMPERO, me Rectorem Academiae inauguratum adierunt aliqui e

cohortis qui fuerant antesignanis, et locum jam publicum, signo memoriae quae expeditionis suae dudum promissum, flagitarunt. Rem ad Senatum et ad Illustres Academiae Curatores retuli; prolixam omnium voluntatem inveni, praestantem inprimis operam DESCURYI nostri, cum in apto loco, in novo Bibliothecae atrio, dispiciendo quaeque alia huc facerent jubendis, deinde omnem quae de signi titulo fieri potuisset dubitationem eximendo, quin occupando, quâ pollet floretque genuinae poëseos Latinae facultate:

*Leidanae vexilla vides victura iuventae:*

*Doctae signa vides armisonaeque Deae.*

*Virgineae fecere manus quae conspicis; ista*

*Munera Gradivo fert Cytheraea suo.*

*Invictas dubites aquilas, si Patria Honorque*

*Palladios iterum poscit ad arma choros?*

*Werviaedae manes, Dousae testantur et umbram;*

*Facia secuturos se generosa patrum.*

Absolvi, A. A. H. H., priorem relationis meae partem; viram, sive quae est de hominibus: sequitur altera, de Muscis et aliis studiorum adminiculis, sive ut barbarè dicant, de materialibus altioris institutionis subaidiis. Quaelia quidem, ex dignitate et fama huius Academiae nostrae, et multa hic habemus, et multiplicia atque praeclara. Vastum illud et praedives Historiae Naturalis, Zoologiae, scilicet et Mineralogiae, Museum; Hortum Botanicum, itidem cum paucis comparandum; Bibliothecam, dudum meritoque celebratissimam; Museum reliquiarum ex antiquitate, divitiis suis, angustiore loco pressis abundans, penè discentium regurgitans; Museum etiam, sive horreum, instrumentorum agriculturae, — chi hactenus inservit Auditorium nostrum Literarium et Philosophicum; Nosocomium quod dicunt Clinicum, exeroendis ad artis praxin Medicinae Studiosis; Armamentarium jam antiquatorum instrumentorum chirurgicorum, — et alia multa.

Sed an ego nunc singulatum Vobis referam, quae vel maiora, vel fortasse minora, insectae, conchae, lapides Musco-Historiae Naturalis, — vel Horto plantae,

— vel

— vel Bibliothecae libri, — quae claves aut fibulae, lampades fictiles vel ollae tegulaeve Museo Antiquario, — vel forcipes aut cultri accesserint Chirurgicali? Credo etiam, cum donatorum, quibus debeantur singula, nominibus, titulis, elogiis? Non faciam, Auditores! Nam et » pauperis est numerare pecus;» et collectionum hujusmodi fere omnium haec paulo onerosior conditio est, ut nisi subinde quid accedat, decedere de dignitate et celebritate, quin et ab utilitate illarum videatur. — Nec magis Clarissimos Collegas, quotquot alicui harum collectionum vel institutorum sunt praepositi, propterea quod curam iisdem debitam lubentes et bene gerant, subsidiisque studiorum et institutionis liberaliter praestitis recte utentes gratissimis fungantur officiis, singulim palpabo atque mulcebo. Mea facere liceat, quae in simili causa graviter et opportunè dixit Collega Clarissimus, Rector superioris anni: » Quid » singuli Vestrum, Collegae conjunctissimi! » (sed idem de TEMMINCKIO, GÆLIO, HUMBERTO dictum volo) » quid singuli Vestrum in suâ quisque pro- » vincia, aut simul omnes, in communem utilitatem atque commodum Aca- » demiae nostrae, jamjam contuleritis et conferre quotidie pergatis, enarra- » re, vestrasque laudes ambitiose praedicare; nisi praesentia vestra mo- » destiaque mihi dissuaderent, meas etiam vires longe superaret.»

Aliqua tamen ex hoc anno sunt exstantiora, mihiq; benigne relata, quae silentio, quamquam festinantem praetermittere nefas fuerit: breviter hic indicanda, paulo plenius fortasse in ipsis Academiae Annalibus explicanda.

Non in Museo tantum Historiae Naturalis, sed et in Horto Botanico multum hoc anno aedificatum: tum calidaria plantis Australis Africae similisve naturae, tum ut proprius et spatiosus fieret locus magnis et pretiosis Herbariis vivis, — quos dicunt; sed mortuarum siccatarumque plantarum; — Sed verè viventes exoticae plantae multis etiam accessionibus auctae; quam in rem emauit liberalis cujusque doctrinae promovendae cura Societatis doctrinarum et artium quae Bataviae, metropoli Indiae Orientalis Belgicae, dudum composita sed intermorta, RAFFLESII primum Angli, mox iterum REINHARDTI nostri, operâ curâque fuit instaurata, nunc autem Praeside gaudet MAURICIO, Viro Spectatissimo, doctrinarum omnium et patriae et hujus urbis amantissimo. — In coenacula Museo Historiae Naturalis contigua migrante Theatro et Museo Physico, spatium illud vacuum exoptatum accessit Laboratorio Chemico, commodiori sic et aptiori reddito. Museum autem no-

vum Physicum inaugurantem cum voluptate audivimus, Clar. Collegam SPEYERTUM BYKIUM, Oratione prosâ (sed cujus titulus est longior), postero mox die recitantem carmen, doctum Hercule! et laboriosum, *in laudem Geometriae, et de Mentis humanae facultatibus ejusque immortalitate*. In hoc igitur Theatro Vir Doctus sedulusque, crure quamquam vexatus morbeso, (quod et ab his eum removet solennibus,) lectiones tamen suas físicas non intermisit.

Laudandam accepimus in exercitiis Nosocomii Clinici singularem Discipulorum diligentiam (cui non dubito quin curarum responderit successus). Ibidem quoque armarium sive armamentarium Medicamentorum simplicium ad praesentem doctrinae artisque methodum fuit adaptatum. Antiquario Museo praeter minora multa et partim minuta (si quid in ullo doctrinae genere minutum est —) complura quoque accesserunt pretiosa; agalmata, candelabrum, Jissi Parthenonis Athenarum, ex Phidiae aetate, nunc Londinensis, ectypum gypseum. Imo quum huic Museo deessent adhuc monumentorum classes quaedam, hae nunc primum constitutae videri possunt: *prima* scilicet architecturae; *altera*, quae continet gemmarum ectypa; *tertia*, quae habet monumenta Gentium Septentrionalium.

Plurima missa facio: sed postremo loco paulo plenius est celebrandum, subsidium studiorum novum et insigne: pretiosissima collectio tabularum et imaginum aere expressarum, legatum pleraque Royerianum, nunc a Bibliotheca publica, suis opibus satis divite, segregata, propriae Doctissimi numerari curae commissa, hujus autem humanitate studioque, id agentibus etiam Illustribus Academiae Curatoribus, in publicos mox usus statim temporibus aperienda: Cujus contemplationis non tantum insignes fructus fuerint voluptatis illius generosioris quae est in praeclaris artis operibus admirandis, sed et ad historiam artis diversasque scholas et aetates pernoscendas, et ad sensum studiumque pulcri et venusti formandum: propria verò utilitas ex iconibus virorum, dignitate, consiliis, armis literisque illustrium. His enim contemplandis et majorem cum ipsis veluti familiaritatem contrahimus, illorum indolem et ipsa gesta facilius et rectius animo concipimus, et ad virtutum gloriaeque ipsorum incendimur aemulationem.

Hic igitur dicendi finem facere, breviterque salutato Reverendo et amicissimo collega successore mei muneris, dimittere Vos possem, Auditores! — et fortasse deberem; defunctus iis, quorum necessitatem decedenti Rectori Regis inponit Edictum. Orationis super alio quolibet argumento habendae facultas dicentis arbitrio disertis Edicti verbis relinquitur. Et hic quidem incipiti collocatum me sentio. Nam facultate legis uti praeter necessitatem, ambitiosius et jactantius possit videri; nec dubito quin plerique Vestrum, Auditores Exopti, tertium ab integro jam ordientem sermonem toto pectore reformident. — Plerique tamen Rectores vetustum retinere solent laudabilemque orationis addendae morem, neque verentur ne sic minus verecundi videantur. Nec vestrum nullos esse puto, quibus nondum satisfecerim; qui politicum aliquem sermonem ab ingenio personae meae postulent; qui hanc, tali coram coronâ dicendi opportunitatem, fortasse numquam, vel post quindecim aut viginti annos seni tandem redituram, me non ita de manu dimisurum existiment; vel si feoerim, timidiusculè egisse, et in iis, quae haut ita multa magnaue referenda mihi contigisse dixeram, veluti praevaricantem diutius haesisse, donec dicendi tempus exemerim sermocinando.

Initio quidem hujus anni, munerisque mei, temporis itidem brevitate pressus, dicendorum mihi partem in aliud, nimirum in hocce tempus seposueram; ut institutâ comparatione rationis omnis habitusque Imperii Russici Patriaeque nostrae docerem, diversa circa doctrinas politicas publicae proponendas et in ipsum rerum actum deducendas, consilia et instituta, diversis, tam Principibus, quam nationibus utrisque convenire; nec ideo tamen desperandum esse de humanitate liberalique erga populos sibi subditos amore Imperatoris ALEXANDRI, ut industriam et artes, literas et doctrinas, veramque animorum culturam juvando promovendoque, sic aliquâ tandem libertate politicâ dignos aptosque *subditos* suos, et ita *civium* aliquando nomine dignos redderet.

*O Miseras hominum mentes, o pectora caeca!  
Qualibus in tenebris vitae, quantisque periclis  
Degimus hac aevi, quodcumque est! —*

Jovis istud imperium, potentissimis quoque regibus semper et ubique imminens, mediis in exercitibus suis interim sensit ALEXANDER. — De quo quamquam ex animi sententia fueram dicturus, de consiliis tamen quae fuerint viventis et imperantis non magis est ut nunc dicam, quam de iis quae fuerint successoris, vix diadema cingentis.

Sed aliud quoddam est, cujus hoc ipso die locoque vehementius admoner; — quamvis omnino sentiam quam parum gratiae hac ipsa recordatione accedere possit qualicunque orationi meae.

Decimus hoc ipso die completur annus, quum ex hoc ipso loco, eadem Rectoratus ponendi solennitate, KEMPERUS ille noster, Vir elogio meo major, gravissimum illum funderet sermonem, plerisque Vestrum auditum, omnibus certe cognitum: *de aetatis nostrae fati, exemplo gentibus, ac praesertim Belgis, numquam negligendo*: quam orationem, per Doctissimum et jam Clarissimum ASSENIUM nostrum curatè mox et eleganter in vernaculam linguam conversam editamque, causam fuisse autumo, (cum aliis quibusdam fortasse causis, quas nunc exquirere non vacat,) ut beati jam KEMPERI monitis apud nos satis obsecundari — vix aliquà fortasse interstrepente Cassandrâ — uno ore plurimi consentiant.

Sed reliqui Principes et nationes Europaeae non eadem fuisse videntur felicitate. (Scilicet in aulis Principum exterisque gentibus hodie minus frequentatur Latina lingua). — Certe Vir Amplissimus, Praesidis Collegii Curatorum nostri, in diverso munere, in dimidiatae Provinciae Hollandiae Praefecturâ Collega, quum sexto post KEMPERI sermonem anno, quarto abhinc, annum solennem totius Hollandiae Provinciae Ordinum conventum splendida compositaque oratione Praeses aperiret, ipso hoc exordio usus est: » Exceptâ Patriâ nostrâ nullam esse Europae partem paulo majorem, externis periculis turbisve internis vacuum. Populorum vitia vel » Rectorum insidiari publicae securitati; neglectisque luculentis illis exemplis, gentibus Principibusque per aetatis nostrae fata propositis, diffidentiam, simultatem, suspiciones et iras cuncta pervasisse, horribilesque » minitari calamitates.” —

De cujus mali, quod, brevitati studens hic non latius explico, nec exemplis, odiosis fortasse futuris, confirmo; (quum neque putem auctoritati Gra-

Gravissimi Viri quemquam facile esse repugnaturum; de cujus igitur mali causis disquirere, certè mihi Vobisque dignum foret, Auditores! modo ne leviter nunc et desultoriè tanta res foret tractanda.

Ad Patriam quidem nostram, bono fato! nihil pertineret istorum, quae dicenda haberem. Neque ideo tamen a Vobis alienum putaretis, quum Vos quidem sani Vobis videamini, respicere, quales et ubi et unde pravi humores politici in corporibus aliarum Europae nationum existant. Profecto, neque humanitatis foret iste sensus, Auditores! ast neque prudentiae. Novistis enim duo vulgaria, sed aurea monita: magnum esse bonum, sed sapientibus proprium, alienis potius quam suis doceri damnis; et illud:

*Jam tua res agitur, paries quum proximus ardet.*

Ne hoc etià addam, quod » *quibus ipse malis careas, tibi cernere » suave est.*”

Causas igitur illius parum tutae conditionis Europae, externà specie, — quantum scilicet et quamdiu manu teneri potest et armis, — quietae compositaeque; ast ubi per ignes suppositos cineri doloso incedant Principes populi-que, mecum multùm cogitatas animoque perpensas, pro libertate mea sentiendi atque dicendi

*Nullius addictus in verba jurare magistri*

promere Vobis, vestro nimirum judicio perpendendas, et constitueram et conscribere coeperam.

Sed in iisdem retractandis et elaborandis, tum quidem plerasque tales inveni, ex quarum explicatione non sequeretur illud, quod in corporis humani Medicinà plerumque solet obtineri, ut ex indagatis perspectisque morbi causis remedia malorum indicentur methodusque curandi. Parum igitur vel jucunditatis vel utilitatis habitura videbatur oratio, quae quò melior verior-que visa fuisset, eò majores et graviores doloris atque curarum aculeos cordibus infixisset. Quod si quidem umquam alias opportunum, certè laeto hoc festoque Academiae vestroque die nefas duxerim.

Fracterea vero causas generatim inveneram plures atque graviores, quam subsecivis his et residuis — imo jam exsuperantibus — horae particulis,



auribus mentibusque vestris jam fatigatis aperiri, nedum pertractari posse viderentur.

Immolanda igitur, quantumvis dolens atque repugnans est ambitio, premendaque cuncta quae dicenda, et Principes, scilicet, Populosque Europae docenda habueram. Hoc sacrificio magistratui meo finem impono, fascesque trado Clarissimo Collegae, successori mei muneris ab Rege nominato. Quod dum laetus lubensque facio, Clarissime et amicissime SURINGAR! hoc unum opto Tibi voveoque, ne Tibi gravior aut molestior sit Rectoratus, quam mihi fuit. Pacatam — et, non ullâ meâ virtute vel operâ, sed sponte sua — tranquillam accipis Aeademiam; nec Tu illam turbabis.

Ipsa igitur perpetuò et moribus suis commendetur, et studiis laetè floreat, et favore Regis et bonorum omnium digna, favorem Nationis et Regis perpetuò sentiat, et amere Patriae Regisque et virtutis atque doctrinarum sincero studio rependat simul sibi que confirmet! — Ita velit, ita faxit Deus Optimus Maximus!



## A N N O T A T I O.

- Pag. 5. PALMIUM]** Editus jam ille Sermo in v. D. PALM *Leerred.* IVde Tiental. Leid. 1826. Locus ibidem exstat pag. 203.
- Ibid. nam nostrae mortes]** Conf. omn. Edicti regii d. 2 Aug. 1815. N. 14. (*Organisatie van het hooger Onderwijs*) art. 251.
- Ibid. imposuit mihi provinciam]** Conf. GER. SANDIFORT *Oratio habita d. VIII Febr. anni MDCCCXXV. cum Magistratu Academico abiret, Academia Lugduno-Batava seculare festum celebrante*, pag. 29. (prout exstat in *Annal. Acad. Lugd.-Bat.* an. 1824—1825; sed pag. 34. si legatur in propria collectione illorum quae spectant *Acta illa Secularia*, quam [Doctiss. J. T. BEROMANNI] praefatione instructam edere maturarant *Luchtmansii*).
- pag. 6. Gallico sermone]** In Lexico Biographico Hominum illustriorum nostrae vel paulo superioris aetatis, Bruxellis edito, *Galerie des Contemporains*, in v. T. VIII. p. 395, sq.
- Ibid. a CHRISTOPH. SAXIO, Onom. Liter. P. VIII. p. 242 in f. — 244. (V. infr.)**
- Ibid. PALMIUS]** *Leerrede tot Godsdienstige Voorbereiding der viering van het Akademisch Jubelfeest, uitgesproken d. 6 Febr. 1825.* pag. 29, 30. — „Waarom  
 „zagen wij hen” [KEMPER, BORGER, BRUGMANS] „niet in ons midden de  
 „kroon der grijsheid dragen? gelijk zoovele andere onzer Akademische Leer-  
 „aren, van wier ouderdom wij nog kostelijke vruchten mogten inoogsten,  
 „en die niet van ons werden weggenomen, dan toen zij als rijpe garven  
 „in de voorraadschuur der eeuwigheid werden opgevoerd! Dat lot viel in  
 „deze zelfde dagen onzen waardigen MEINARDUS TYDEMAN te beurt; wiens  
 „tegenwoordigheid ons eeuwfeest zulk een’ schoonen en aandoenlijken luis-  
 „ter zou hebben bijgezet, maar wien zijn Hemelsche vader tot betere feest-  
 „viering heeft opgeroepen. Het is hier mijn taak niet aan zijne uitgebreide  
 „en bijkans onbegrensde geleerheid de hulde, die haar toekomt, te betalen,  
 „en elders zal dit naar waarde geschieden. Hier roemen wij de vereeniging  
 „dier zellzame geleerdheid met ongeveinsde en standvastige godsvrucht, die  
 „in zijn openbaar leven niet alleen, maar ook in zijnen leerzamen omgang  
 „zoo velen tot nut en stichting verstrekke; hier danken wij God, dat Hij

„ hem den schoonen avond zijns levens onder ons deed doorbrengen; en ge-  
 „ lijk de ondergaande zon nog zachte en koesterende stralen verspreidt, dat  
 „ alzoo ook Leydens Hoogeschool den roem van zijnen naam heeft mogen  
 „ dragen, en de vruchten van zijn voortreffelijk onderwijs, en van zijne nooit  
 „ vermoeide werkzaamheid, nog zoo vele jaren lang heeft mogen genieten!  
 „ Mogt onze Vaderlandsche Kweekschool veel zulke uitmuntende Leeraars in  
 „ haar midden ontvangen, en hen, in wier bezit zij zich verblijden mag, tot  
 „ zulk een' hoogen en gezegenden ouderdom behouden; ook daaruit zou het  
 „ blijken, dat bij voortdurend: *Gods oogen nacht en dag over haar open wa-*  
 „ *ren.*” [2 Chron. VI. 20a.]

Ibid. CLARISSUS] *Leerrede na de viering van het 250jarig bestaan, en bij de opening*  
*van het zesde halve eeuwperk der Hoogeschool te Leyden, naar Nehem. II. 20b,*  
*d. 13 Febr. 1825, pag. 33—35.* „ Dit was nog onlangs uw zalig voorregt;  
 „ voortreffelijke Grijsaard (\*), — thans reeds verheerlijkte Onsterfelijke, die  
 „ aan onze feestvreugd, waaraan gij anders nog met een jeugdig hart zoudt heb-  
 „ ben deel genomen, ontruikt werd om in te gaan in de oneindig heerlijker  
 „ vreugde uwes Heeren! — Ja, Gij hadt het reeds vroeg geleerd, Gij hadt  
 „ het in stille nederigheid, zonder ophef of pmaalvertooning, uw leven lang  
 „ betoond, wat het zij, zich op te maken en te bouwen in het geloof, dat  
 „ de Heer zelf het zal doen gelukken. Uw wandel predikte op het welspre-  
 „ kendste, dat niemand van ons zich zelven leven, niemand zich zelven sterven  
 „ mag. Uw leven was Christus: zou uw sterven u geen gewin geweest zijn?  
 „ Ja, duizendvoudig gewin; op den versten afstand uwe hoop en verwachting  
 „ overtreffende. Gij, goede en getrouwe dienstknecht! weet nu reeds bij be-  
 „ vinding, wat ons nog raadselachtig en duister, maar toch het voorwerp  
 „ enzes geloofs is. Toen het aardsche huis uwes tabernakels verbroken werd,  
 „ vindt gij het gebouw bij God, niet met handen gemaakt, maar eeuwig in den  
 „ hemel. Wij, nu nog achtergebleven, staren op uw voorbeeld, o Gij, die  
 „ als mensch en Christen, als vader en leeraar, als ambtenaar en huisgenoot,  
 „ als letteroefenaar en lid der gezellige samenleving, altijd even achtenswaar-  
 „ dig als beminnelijk waart! wij staren op uw voorbeeld met weemoedigen  
 „ wellust: och! dat wij het konden navolgen! Zoo zou ook ons einde zijn,  
 „ gelijk het uwe! . . .

„ Gij vergeeft mijner vriendschap, mijner hartelijke dankbaarheid voor de

„ ge-

(\*) „MINAARUS TYDEMAN, overleden den 1 Febr. d. j. in den gezegenden ouderdom van 84.  
 „ jaren, bij het volle gebruik zijner vermogens, en in de ongeschokte hoop der eenwige zaligheid.”

„ genegenheid, waarmede hij mij wel onverdiend vereeren wilde, — gij vergeeft mij deze spraakwending, vertrouw ik, M. T., gereed en gaarne.  
 „ Gij inzonderheid, die met mij, of welligt nog langer en beter dan ik, den  
 „ waardigen, rijk gezegenden, door lijden en vreugd beproefden en gelouterden vader TYDEMAN gekend, geëerbiedigd en bemind hebt. En wel boven  
 „ allen Gij, mijne veel geëerde Ambtgenooten, die juister dan anderen 's mans  
 „ wonderbaarlijk wijdstrekkende en altijd bij de hand zijnde, grondige geleerdheid, zijne nimmer zich verloochende genegenheid om oud en jong, om  
 „ meer- en minkundigen te dienen en te helpen, de wijsheid zijner raadgevingen, zijne eenvoudigheid in onze gezellige kringen, die nederigheid zonder  
 „ der gemaaktheid en zonder aanmatiging, die effenbare gemoedsgesteltenis, altijd wel te vreden, altijd bescheiden en vredelievend, die levendige be-  
 „ langstelling in al wat godsdienst, wetenschap, zedelijkheid en menschenge-  
 „ luk betrof, die onvermoeide werkzaamheid tot onderwijs en dienst van anderen, zonder verwaarloozing van zich-zelf en de zijnen, en die onver-  
 „ niste godsvrucht zonder eenigen aanstreek van dweeperij, kondt waardeeren, waardoor hij aller achting won, aller harten innam, en allen toonde,  
 „ hoe men, ook nu nog, *Nehemia's* taal gaaf en opregt kan en moet overnemen. Dat gemis zult Gij met mij nog lang gevoelen, nog lang betreuren.”

Ibid. SIEGENBEEKIUS ] *Handelingen van de Jaarl. Vergadering van de Maatschappij der Vaderlandsche Letterkunde te Leyden, gehouden d. 30sten Juny 1825,* pag. 3 — 32.

Ibid. *Mercurius Harlemensis* ] *Vulgo: Algem. Konst- en Letter-bode*, 1826. Num. 4, 5, 6. (Apud Clar. HERINGA, libr. mox cit. p. 244, errore, sive calamitose typorum, pro 1826 legitur 1825: nec Tabellario *prae-buisse* credo SIEGENBEEKIUM typis repetenda, si activè hoc intelligatur).

pag. 7. *si non majorem locum invenerit* ] Sentio tamen, et pleniorè aliquanto de vita Parentis relationem, et ex ipso quidem, ad historiam literarum in Belgio juvandam conservandamque egregie comparato Regis Edicto *supr. cit.* catalogum eorum quae scripsit, nostris in Annalibus non esse desideranda. Sed quidquid fiat de Narratione vel Elogio, ejus consilium ceperat Clarissimus in hac Academia Collega, vitam laudesque parentis affatim literis exposuisse videntur, et illi quos jam dixi, quosque infra dicam, et otium mihi fecit vicinae Rheno-Trajectensis Academiae praecclarus Theologus JOH. HERINGA, in *Oratione, dicta publice*, d. 25 Mart. a. MDCCCXXV, quum Academiae regundae munus tertium poneret, novumque auditorium inauguraret, pag. 32 — 36. et in *Annotatorum* (quae verè dicitur) copia, typis descriptae Orationi

adjecta, pag. 151 et pag. 243 — 245. Qui liber, quum partem faciat *Annalium Acad. Rheno-Traj.* Ann. 1824 — 1825, et separatim vendibilis exstet, neminem esse credo qui a me requirat ut quae Vir Celeberrimus, mihi Parentique meo aestumatissimus, ibidem concinnae, sed docte, suaviter, dilucide, humaniter et honorifice scripsit, vel transcribam hic, vel alio nec certe meliori sermone traducam. Quod enim, pro hujusmodi ratione instituti, dictis a V. Clar. addendum censeam, vix habeo; nec magis quod arguam, nisi minutula duo, alterum quod supra notavi, de Mercurio s. Tabulario Harlemensi, alterum quod [Orat. p. 34.] non *tredecim*, sed per viginti tres integros amabilis vitae annos Leidae habitaverit Pater.

Elogium quod Optimo Parenti scripsit Praeceptor primum, deinde Collega conjunctissimus CHRISTOPH. SAXIUS l. supr. cit. totum hic inseram, ut simul addere possim quae Parens ipse, in suo libro ad hunc locum notaverat, et quia pleraque scripta Parentis ibidem justo temporis ordine referuntur. Quibus quae desint, et alios qui praeter memoratos, de MRIN. TYDEMANNO scripserint auctores, facile tandem addemus.

„*Melnardus TYDEMANNUS*, Zwolla-Transisalanus, meus olim discipulus, animo meo carissimus, [Pater *Henrici Gulielmi et Bernardi Friderici* — (Additio Ms. M. T.)] Jctus, Philosophus et Philologus, sive primum Gymnasii *Leoyardiensis* in Frisia, sive Academiae *Harderovicenae*, sive nostrae *Trajectinae* ab A. 1766, sive rursus mutata sede *Harderovicenae* et vicissim de novo *Trajectinae* restitutus, tandem civitatis *Transisalanicae* proceribus ab Actis et Epistolis, nunc sapienti Curatorum Academiae Lugdunensis auctoritate ad thesauros Bibliothecae publicae digerendos, idoneumque eorumdem indicem conficiendum Leidam vocatus, vir multae et accuratae lectionia, elegantisque in literis graecis et latinis judicii, cujus scripta servatis annorum causis duntaxat commemorabo. Sunt autem haec: *de Lucii Ulpi Marcelli Jureconsulti Vita et Scriptis. Trajecti Rhen.* 1762. 4. — *Oratio de copulanda literarum et morum elegantia, Leoyardiae* 1763, 4. — *Oratio aditalis de necessario Historiarum, Eloquentiae, Graecique sermonis in Belgica studio ad egregium ejus civem formandum. Harderovici* 1765, 4. — *Theses Philologicae Miscellae*, ibidem 1765. 4. sex Particulis. — *Oratio de Jurisprudentiae naturalis finibus regundis. Traj. Rhen.* 1766. 4. — Ejus et *Hieronymi van Alphen*, Diatribe Academica, *de eo, quod justum est circa tori et mensae separationem.* ibidem 1767, 4. — Similis Diatribe et *Jo. Kneppelhout*, *de violenta defensione alicuius.* ibidem 1769, 4. — *Oratio de Luxu, civibus et civitati noxio.* ibidem 1771, 4. — *Thomas Shaw Reizen en Aanmerkingen, etc. Utrecht*

1773, 4. [2 voll. v. *Biblioth. des Sciences*, T. XLIII, p. 188 — 194. — M. T.] — Ipsius et Simon Brand van Someren, *Diatriba Academica de Legibus positivis divinis universalibus*. Traj. Rhen. 1774. 4. — J. J. Björnsthåls *Reizen door Europa, en het Oosten etc.* Utrecht 1778 — 1784. sex Partibus. — *Syntagma Dissertationum ad Philosophiam Moralem pertinentium*. Traj. Rhen. 1777. 4. — *Verdediging van het Berigt aangaande Abauzit*. Utrecht 1779, 8. quae defensio opposita est epistolae cuidam (*Brief aan de Schryver; van de Nederlandsche Bibliotheek, dienende ter aanwijzing der begane Misslagen van Hoogleeraar Tydeman.*) Harlingen 1779. 8. — *Quaestiones et Aphorismi ex Jurisprudentia natural.* Traj. Rhen. 1781. 4. [1ma, 8vo. maj.] — Hugo Grotius *de Jure Belli et Pacis, cum Not. Variarum et J. Barbeyracii*. Utrecht 1783, 8 maj. — *Oratio de causis quibusdam corruptae Jurisprudentiae*. Harderovici 1787, 4. — *Enchiridion studiosi Jurisprudentiae*. Traj. Rhen. 1789. 8. — *Diatriba Academica una cum Constantino van der Velde defensa de origine Domini, ejusque extensione*. ibidem 1789, 4. ut silentio praeteream ejus et Cl. Bondam pronuntiatam in causa quadam publica sententiam. — [Nat. 1741. 20 Mart. (M. T.) — O. 1825. d. 1 Febr.]

„Vid. Vir Clarissimus Seb. Raylus, in *Oratione Panegyrica in Natalem CL. Academiae Trajectinae. Serie Professorum xxi. et Rectorum cxxviii, et cxli.* Item Cel. Joh. Guil. de Water, in *Narratione de rebus Academiae Lugduno-Batavae*, p. 52. (y).”

Scriptorum eorum titulos addiderat Pater: „*Advijf in de zaak van J. H. van der Wijck tot Stoevelaar*” (quod est consilium illud, quod in fine recensionis suae „silentio” commemorat Saxrus; cuique addenda Defensio — *Verdediging van het Advijf* — adversus Refutationem s. potius adversae partis obtrectionem). — „M. T. consilium in causa criminali (Belgica scriptum) in de *Gerechtshandelingen in de Crimin. Proeed. van den Adv. Fiscaal der Hoogheid van de Provincie Overijssel tegen Mr. A. Vreding v. Beservorde*, 1789” [insertum etiam in de *Verzameling van Placcaten, Resolutien en andere authentieke stukken enz.* Campen, bij J. A. de Chalmot, IX Deel, 1789. pag. 68 — 94. — Consilium illius temporis odils egregie accommodatum: aevum et horrendum specie; sed ut loco sic iris dato, viam sterneret actioni satis innoxiae et mansuetae. Quod et adstipulantem habuit [Ctium et Practicum tunc temporis celeberrimum Rheno-Trajs JO. FRID. GOBIUM.] — „*Epistola ad A. L. Millin* (ling. Gall.) *Mag. Encycl.* 1811 Jun. p. 340 — 345.” Addenda est dissertatio habita in publico Societatis Literar. Belgic. Leidensis consessu, an. 1811. *Verhandeling over den oorsprong der spraak en den Cratylus van Plato*, inserta collectioni Operum Societatis illius, quae titulum gerit *Verhandelingen*. T. II. P. II. Addenda forent alia complura, partim quoque sim-

REPERTO memorata, *Handel*. l. c. p. 7, 12, 15, 18; sed quae, quum vel minoris momenti sint, vel ab ipso Parente concessa ut pseudonyma prodirent, hic quidem non adeo sedulè recensenda duxi.

Sed praeter illa, quae jam indicavi, ad SAXII locum complures alios Parens meus adnotavit auctores sui mentionem facientes: inprimis ipsum SAXIUM, *Onom. Liter.* P. II. p. 53, 477. P. V. p. 275, 546, 548, 553, 554, 583, 626. P. VI. 292, 356, 378. P. VII. 128, 231. P. VIII. 302. Porro „SIEGENBERG. *Histor. Tafereel van den ramp der Stad Leyden*, p. 78. N. G. „VAN KAMPEN, *Gesch. d. Nederl. Letterk.* II D. bl. 594. SCHWARTZENBERG, *Praef. van het Groot Placaat - en Charterb. v. Vriesl.* Vol. I. pag. „CC. TE WATER, *Verbond der Edelen.* ID. p. 146, adn. P. PAULUS, *Verklar. der Unie v. Utr.* Voorb. p. 3. Inleid. p. 95. VAN VAASSEN, *Animady. ad Fastos.* p. 371 sq. 390. KANTELAAR, *Lofr. op Schultens*, p. 76. LENNEP, *ad Anthol. Graec.* T. V. p. 201. J. V. GEUNS, *Voorr. v. Guthsmuth's Leerst. v. kunstm. Lich. Oefen.* II D. p. 27. BILDERDIJK, *Najaarsbl.* II. 77. *Winterbl.* II. 88. *Krekeltz.* II. 171, 175.” —

His autem; a Clar. SAXIO, vel ab ipso Parente, vel etiam a Clar. HERINGA, in *Adnot.* p. 245 citatis, addi merentur, Clar. Collega s. s. VAN DER EYK, in poemate *de DEO*, *Harl.* 1826. vers. 1769 — 1780, pag. 88, sq. SIEGENBERG, *Bekn. Geschied. d. Nederl. Letterk.* 1826. p. 327. J. V. GEUNS, *Drie geleghheids-Leerred.* 1826. *Praef.* P. VI. — BILDERDIJKII, *Carmen, Afscheidsgroet — supremum Vale*, jam prope morienti dicrum, et nunc insertum poematibus, dictis *Nayonkiling* l. p. 149 sq. — Lexica quoque, Biographicum unum, quod Parisiis editur, sub titulo *Biographie Universelle* (ubi Vir Doctus et amicus, quem satis indicant literae M — ON, quod in scriptis Parentis, num. 8. ponat *Enchiridion Studiosi Jurisprudentiae Naturalis*, condonandum est secure secuto duceam a me ipsi commendatum, SIEGENBERKIIUM — cujus errorem calami, *Handel.* p. 11, ipse, dum haec scribo, demum animadverti. — Quod autem laudet „filium, successorem parentis,” non est ut mihi arrogem, qui unico fortasse in Academiarum fastis, et turbatarum aeo nostro rerum specimine sive effectui, antiquior Parente meo in Professoribus Acad. Lugd. Bat. existo) — alterum variegatum istud Thiemano — Zutphaniense, *Woordenboek van Kunsten en Wetenschappen* in V. quem locum curavit Vir quidam Doctus, Parentis olim auditor. pag. 7. *vioturum illud opus*] *Hollands Reem in Kunsten en Wetenschappen*, Tom. I. Hag. Com. 1824. Tom. II. 1825. Tom. III. 1826.

Ibid. *per complures annos*] ab an. 1795 — 1818; nisi quod intermediis aliquot annis, mutatâ Academiae formâ, sopitum vel extinctum fuit ipsum Ampl. Curatorum Collegium.

- pag. 8. *filias patre dignus*] JANUS DUYMAER VAN TWIST; JAC. ALBERTI, mei in Athenaeo Daventriensi decessoris, Professoris exinde Groningani clarissimi, „huic Academiae debiti, tandemque promissi, sed fato rapti” filius.
- Ibid. *serioque ipsorum fratre*] Vix opus est ut nomen ABR. DES AMORIE VAN DER HOEVEN, Theologum et Oratorem (adhucdum in coetu Remonstrantium q. d. Roterodamensi) eximium.
- pag. 9. *Chemiae atque Mechanices — progressus*] Constitutio Reg. est d. 13 Maji 1825. de qua re latius hic non dico, quam sequente demum sub Rectoratu hae Scholae potuerint aperiri, Lectionemque introductoriā d. 7 Decembr. a. 1826 habitam publici juris facturus sit (imo jam fecerit) Clar. Collega J. DE GELDER.
- Ibid. *grates pie reddentem* —] Conf. VAN DER PALM, *Lecred.* Derde Tiental, Leid. 1825. bl. 302, sq.
- Ibid. *in opere historico Arabico*] „De Expugnatione Memphidis et Alexandriae liber, vulgo adscriptus A. A. M. O. F. WAKIDEO, *Medinensi*” — Lugd. Bat. ap. Luchtmansios, 1825. 4.
- pag. 10. *mors praecedit.*] E Studiosa juventute obierant hoc anno, probati moribus studiisque juvenes, D. J. LEVERINK et C. F. BACKER, Medicinae et R. DE GOEIJEN, Theologiae Studiosi; quorum elogia, amice sed vere atque decore composita habentur in Fastis, dictis *Studenten-Almanak*, 1826, pag. 78, sq. 1827, p. 63, sqq.
- Ibid. *Cujusmodi — quam ego.*] Amisā hoc mei Rectoratus anno, d. 20 Jul. 1826. (qui dies optimi mei dilectique KEMPERI mortis ipse primus erat anniversarius) filiā natu majore, SOPHIA THEODORA, vigesimum tertium annum aetatis agente, faustis sed brevibus nuptiis conjugatā honesto doctoquo Viro juveni, J. T. BODEL NYENHUIS.
- Ibid. *si tamen computemus* —] Anno 1825 in Academia Groningana nostrorum tres, in Academiis Lovaniensi, Gandavensi, Leodiensi singuli, vel palmas tulerunt certaminis literarii, vel ad victores proxime accessisse judicati sunt. conf. *Stud.-Alm.* 1826. p. 91, 92.
- pag. 11. *o praecleari ambo* —] Horum aliorumque, quos indigitavi nomina, satis apparent e *Facultatum* Judiciis, quae modo fuerant pronunciata, nunc autem eidem cui Sermo noster Annalium Acad. Lugd. Bat. volumini inserta.
- Ibid. — *Sponte ad arma convolarunt*, cett. — *Sed erat vexillum cohorti* —] Cuncta huc pertinentia cum pulvisculo exhaustis illius temporis Academiae Rector KEMPERUS, in propria huic rei destinata *Appendice* Orationis in Academiae institutione habitae, in Annal. Acad. Lugd. Bat. a d. 6 Nov. 1815 ad d. 8 Febr. 1816. pag. 40—62 (ubi vexilli quoque descriptio habetur p. 46, sq.) add. ipsa



Oratio, p. 40 et Clar. SIEGENBEEKH Carmen Belg. d. 6 Nov. 1815. in iisdem Annal. p. 71, et Annalium Introductio, p. 10.

pag. 13. „*Quid singuli vestrum cett.*] Verba sunt SANDIFORTII, Orat. saecular. p. 30 (s. alterius formae p. 35).

pag. 14. *sed cujus longior est titulus*] „ In ipsâ inauguratione Musei Physici propriè „ dictâ d. 22 Septembr. 1825. — Vir Cl. „ demonstrare conatus fuit sum- „ mam utilitatem exornandi et amplificandi „ novissime inventis plurimis instru- „ mentis, Theatra Physica; imprimis si ad universam hanc doctrinam demon- „ strandam et praesertim recentissima inventa ostendenda, atque ipsis experimen- „ tis illustranda et confirmanda accommodata esse possent et deberent. — Dein „ nonnulla praefatus fuit: cum de Disciplinae Physicae praestantia et dori- „ bus in universum, tum in primis de nonnullis excellentioribus profecti- „ bus, quos Physicis et Chemicis in sua singulis disciplina, his superiori- „ bus quinque vel sex annis, facere contigerit.”

Ibid. *Antiquario Museo* —] Quae pro temporis angustia institutique mei ratione indicare magis quam enarrare potui, plenius hic referre liceat ex ipsius Viri. Clar. relatione, pro laudabili more suo, singularique humanitate, diligenter facta et mecum communicata. Ipsa autem sic sese habet:

*Notitia incrementorum Musei Antiquarii Lugduno-Batavi, V. Cel.*

H. G. TYDEMANNO Rectoro.

Quae hoc anno accesserunt, pleraque *auctoritate publica* advenērunt: sive dono Regis; siye ab aliis Museis, scilicet Numario Regio, Museo Picturae Publico Amstelodamensi, et Museo Publico Historiae Naturalis L. B., concessione Praefectorum: praeter unum gypseum ectypum simulacri *Illisi*, quem vocant, e Parthenone, *em:um* Londini, et supellectilis partem quae *em:ia* est in auctione *Singendorckiana*, quaeque ab hoc possessore in auctione *Versteeghiana* comparata fuerat.

Quae quidem sic, ordine, sunt describenda:

*Aegyptia* accesserunt *Mymia* minuta et signuncula item minuscule paucula.

— Inter *artis opera* memorandum est haud magnum *candelabrum* aeneum, quod, a juvene, testudini insistente, sustentatum, et propter animal, et propter operis rigorem, *Aegineticum* esse videtur, et simillimum est alteri, Musei Regis Gallorum Bibliothecae adjuncti, a RAOUL ROCHETTIO, V. Cel., pro radiem describendo (*Singendorckianum*).

E.

E *Phidiasa aetate* accessit *ILIASUS* Parthenonis, gypseus (*Londino*).

Ex *aetate Graeco Romana*, Veneris et Bacchi simulacra duo marmorea minora, et alia quaedam; tum signuncula aenea minuta quaedam (e *Museo Picturae Amstelodamensi*).

— *Vasculum Graecum pictum*, (vulgo *Etruscum* —) *indidem*.

— Ad *supellectilem*, aeneae fibulae clavesque elegantiores multae, circensium, et alia quaedam vulgatiore ut sigilla caet. item lucernae aeneae fictilesque accesserunt. Quibus compendii causa accensemus urnas ollasque quasdam Romanae operae e patria nostra. (*Indidem et ex auctione Singendonckiana*).

— Sed, quod praecipue notari meretur, cum deessent adhuc totae monumentorum classes quaedam, hae, liberalitate praecipue Praefecti Musei Amstelodamensis, nunc primum constitutae videri possunt.

Ex his *prima* Classis est *ARCHITECTURAE*. Accesserunt nempe suberea exempla *templorum trium Paestianorum*, item *Sibyllae Tiburtinae*, et *Minervae Medicae Romanae*.

Cui classi accensendae sunt tegulae Romanae, Neomagenses, ut conjicitur, partim cum nominibus legionum, partim cum inscriptionibus Consulium et officinae dollariae, quales nostra in regione valde sunt rariae: tum et *pavimenti tessellati* specimen integrum, etsi parvum, ex insula Capreis.

— *Altera* classis, quae addita est, continet *GRAMMARUM ECTYPA*, et eorum quidem duas series: *Dactyliothecam* nempe *Lippertianam*, tribus millibus constantem, et delectum e *Dactyllothea Regia Hagana*, fere quadringentorum ectyporum. Quorum haec quidem Regis munificentiae debemus: quibus similia cum aliis regni nostri Museis deinceps communicabuntur.

— *Tertia* tandem nova classis habet *MONUMENTA GENTIUM SEPTENTRIONALIUM*, scilicet urnas fictiles peculiaris formae et tela lapidea, ut malleos-euneosque bellicos (perperam *ceramios*) caet. quae in *Drenthiae* tumulis qui vulgo *Hunick* dicuntur, aliisque locis, reperta fuerant a Viro nobilissimo, *P. HOFSTEDT*, Provinciae Praefecto, Regique quondam Hollandiae oblata. —

Harum classium primae et tertiae monumenta et fragmenta quaedam ejusdem generis, quae jam dudum aderant, sed quae, per alias classes permistae locum peculiarem tueri nondum potuerant, in posterum adnumerabuntur.

Cacterum cum jam toties recensum incrementorum Musei nostri dederimus, ut monumenta ejus magis ad publicam celebrari notitiam incipiant, semel monendum est, hisce brevioribus Catalogis a nobis non inseri neque monumenta minoris momenti, neque quorum fides aliquo modo suspecta videatur,

neque de quibus dubitari possit an naturâ suâ ad aliud Museum publicum pertineant.

C. J. C. REUVENS.

Scribebam *Lugduni Batavorum*  
d. pen. m. Januarii a. ciccxcxcxvi.

pag. 15. *facultate legis uti*] Art. 251. *Ed. Reg. d. 2 Aug. 1815* supr. cit.

pag. 16. *splendidâ compositâque Oratione*] Typis repetendâ mox in collectione mea *Bydragen tot Staatskunde en Staatshuishoudkunde*. Locus autem ille, verbis et sententiâ gravis, hic erat: „Slaan wij het oog op den toestand der meeste „volkeren van Europa, dan zullen wij bevinden, dat terwijl ginds derzelver „geluk en bloei door onderlinge wrevel en tegen elkander opbruischende „driften belaagd of vernield worden; en elders weder ontevredenheid en „overdrevene theorien alle gezag ondermijnen, de goede orde en betamelijke „ondergeschiktheid verwoesten, en het eene volk tegen het andere te wapen „roepen; ons Koninkrijk daarentegen, op behoud van maatschappelijk geluk „en van eene vrij groote mate van inwendige tevredenheid bogen mag.”

**JUST. JAC. LEON. VAN DER BRUGGHEN,**

**NEOMAGENSIS,**

**JURIS, ET LITT. HUM. IN ACAD. LUGD. BAT. CANDIDATI**

**C O M M E N T A T I O**

**A D**

**QUAESTIONEM AB AMPLISSIMA FACULTATE JURIDICA  
IN ACADEMIA LUGDUNO-BATAVA PROPOSITAM**

**A. MDCCCXXV:**

*Quandoquidem apud veteres scriptores Romanos, in primis apud Ciceronem, Plinium, Gellium, complures tractantur quaestiones de Jure Civili, quae cum Fragmentis Veterum JCtorum, et Imperatorum Constitutionibus comparatae, Juris scientiae amplificandae inservire possint; rogat Facultas, ut hae quaestiones, quantum ad scripta Plinii Junioris attinet, accurate colligantur, ordine disponantur, et succincte illustrentur.*

**QUAE PRAEMIUM REPORTAVIT D. VIII MENSIS FEBRUARII**

**A. MDCCCXXVI.**

ALBERT EINSTEIN

... ..

the 1990s, the number of people in the world who are under 15 years of age is expected to increase from 1.1 billion to 1.5 billion. The number of people aged 65 and over is expected to increase from 200 million to 400 million. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion.

*Journal of Management Education* 30(6)p.789-804  
© The Author(s) 2006

[illegible]

# COMMENTATIO

A D

## QUESTIONEM JURIDICAM.

### P R A E F A T I O.

**O**pere meo peracto, ad Judicis quasi Tribunal, non sine formidine aliquâ, accedo, ipsius, consiliorumque meorum rationes redditurus. Quod gravissimum esse sentio: nam multum in rerum justâ aestimatione, saepe ab eo pendet, ut quare, et quâ mente ita factum sit, sciatur. Optime hoc me officio functurum existimo, si quam brevissime dixerò, quae ad descriptionis meae expositionem dicenda videbuntur. Neque committam, ut longiori rationum mearum commendatione, Virorum Clarissimorum cognitioni, praepjudicium facere voluisse videar.

Quum in hac literarii certaminis arenâ, mearum quoque virium, periculum facere constituissem, et summopere mihi arderet, ut omnibus placebat, Quaestio hoc anno ab Amplissima Facultate Juridicâ Lugduno-Batavâ proposita: primas in eo curas posui, ut, quinam proprius sensus, quatenus ejus mens esset, recte intelligerem, ne ab initio forte, inutilem operam navasse viderer. Atque re accurate perpensâ, Plinii etiam scriptis perlectis, credidi, non tam disputationem requiri, ad loca graviora e jure civili, quae in Plinio tractentur, quandoquidem vix talia in ejus scriptis occurrunt, quam eorum expositionem, quae in illis ad intelligendas, et illustrandas varias Juris Romani partes, alicujus momenti esse posse viderentur.

In ipsâ Plinii lectione ita versatus sum, ut quidquid in quavis Epistola ad hujus instituti rationem pertinere videretur, sedulo adnotarem: atque ita iteratis vicibus repetitâ hâc lectione, magis veritus sum, ut aliena etiam collegissem, quam ut notabilia quaedam loca omissem. Usus sum editione Schaeferi, ex recensione Gesneri, notis etiam Heusingeri et Ernestii instructâ, Lipsiae 1805: neque alias adhibui, ne saepe multorum textuum collationibus in errorem magis inducerer, quam adjuvarer.

Perlecto Plinio, et abundanti rerum adnotandarum copiâ congestâ, ad gravius opus me

contuli, ut hanc incoheritam molem digererem, et ad certam normam, singulis rebus tractandis, sua loca assignarem. Atque aliquamdiu me haesitasse non negabo, quisnam hic ordo potissimum esset servandus. Equidem post aliquam dubitationem, ita optime hoc cessurum putavi, si quantum possem, ab ipso librorum et epistolarum se insequentium, naturali ordine, non discederem: sed quum in iis, quae notaveram locis, alia magis antiquitatis cognitionem et historiam juris respicerent: alia ad personarum, alia ad rerum jura commodius referri posse viderentur: multa etiam ad cognoscendam judiciorum publicorum et privatorum rationem pertinerent: — pro quatuor diversis his argumentis, totidem Partes in quovis Libro tractando discernendas esse putavi, quarum singulae loca sibi propria continerent: Itaque in prima ejusque libri parte ea tractavi, quae ad cognoscendos Romanorum usus, quatenus illud studium Jcto utile est, et juris historiam pertinerent: additis etiam de significatione verborum, si quae magis insolito in Juris disciplina sensu occurrere viderentur, animadversionibus: In alteram partem contuli, quidquid hominum liberorum, servorumque jura, manumissionum, nuptiarum, adoptionum, emancipationum, tutelarum et quae sint hujus generis plura: In tertiam vero, quidquid rerum jura spectaret: In quartâ denique parte, causas nobiles exposui, quales frequenter in Plinii scriptis occurrunt, et si quae ad actionum, judiciorumque tam publicorum, quam privatorum rationem illustrandam, usu venire possent, ea tractavi. Ita factum, ut intra certos cancellos quasi, et terminos opus meum conclusum esset, quod in quovis labore haud exigui est momenti: ut maxime uniformem et aequalem haberem scribendi modum: utque plus semel ad eadem loca, in singulis librorum partibus redeundo, horum librorum majorem contraherem familiaritatem. Difficillimum hâc in re fuit, scire, ad quam partem referenda essent loca, quae minus directe, in hâc vel illâ, commemorationem placebant: Atque igitur, hîc me saepius fortasse lapsus esse posse, praesentio.

In ipsâ locorum interpretatione, semper quam bene possem, Juris disciplinam respexi, et locis e Pandectis obscuriora illustrare, aut vicissim, nonnunquam etiam Jctorum fragmentis, e Plinio lucem aliquam affundere, conatus sum. Itaque unico fere adminiculo usus sum Corpore Juris, inutile ratus et fastidiosum, si pagellas meas, frequenter et undique excitatis auctorum et librorum locis, distinguerem: quod inprimis in hâc scriptio-  
ne, in quâ res notissimae magis in memoriam erant revocandae, quam novae quaedam, doctorum Virorum testimoniis, probandae, minus opportunum fore putabam. Neque tamen hoc ita dictum velim, quasi non ex bonis Interpretibus, quae dicerem, perpetuo haurire conatus fuerim: Cujacio, quem semper Viros doctos egregie laudantes audiavi: Noodtio, Bynkershoekio, Heineccio, aliisque semper cinctus opus perfeci. Quod si recentiores interpretes fortasse non satis excitasse videar: excusationem non immerito quaeram in difficultate, quae juveni inprimis obstat, horum librorum cognoscendorum.

At satis late jam disputavi, ut Vobis, Viri Clarissimi! hujus scriptionis modum atque rationem explicarem; non satis, ut quantis curis de hujus incepti eventu dstringar, perspi-

spicere possitis. Nam humanis affectibus me destitutum praedicarem, si aut dolorem, aut summum gaudium ex hoc labore me percepturum, diffiterer. Verum quidquid aequum vestrum iudicium de hisce laboris mei primitiis statuerit: amaritudinem certe repulsae aequabunt mihi temporis non segniter consumti grata recordatio, et laboris non inutilis uberrimi fructus.

## EPISTOLARUM LIBER PRIMUS.

### P A R S P R I M A.

#### ANTIQUITAS, HISTORIA JURIS, VERBORUM SIGNIFICATIO.

**E**pistola III. § 1. *Intentione rei familiaris obcundae.* Frequenter, et vario admodum sensu vox *intentio*, a Plinio usurpatur: in Epist. II. § 19. h. l. dicitur v. c. *intentio auditorum* i. e. animi excitati vis, sive ardor audiendi. In Paneg. cap. 71. dicitur *intentio humanitatis obcundae* i. e. cura, cupido, voluntas, humanum se praestandi. Hic vero usurpatur pro mente, consilio, alicujus rei perficiendae: Simili sensu vox occurrit in leg. 10. princ. ff. de aliment et cibis.

Verum suspectae latinitatis exemplis hanc locutionem annumerat Schwartz. ad Paneg. pag. 353. cf. Epist. I. 8. 13. — II. 5. 2. — IV. 13. 2.

Ep. V. § 11. *Paucos post dies ipse me Regulus convenit in Praetoris officio.* Praetoris officium intelligendum est, vel locus ubi Praetor officio fungitur, vel verba ita sunt explicanda, ut Plinius dicat, se novo Praetori adfuisse, *officii* i. e. honoris causa, ut eum in publicum deduceret: quo sensu dicitur apud Suet. in Vit. Caes. c. 15. *Novorum Consulum officium relinquunt.* Nimirum moris erat, ut Viri honoribus jam ornati, novos magistratus munus auspicantes comitarentur, et honoris causa, cum illis ad capessendam magistratus sedem procederent: is honor, quo eos prosequabantur, dicebatur *officium*. Eodem fere sensu in Ep. I. 9. 2. dicitur *togae virilis officio interfui*; sed malim *officium* hic intelligere de ipso Tribunali Praetoris, imprimis propter sequens *illus*, quod fere de loco dicitur: Eodem sensu vox apud Ictos usurpatur de loco, ubi Magistratus jus dicit. Sic in leg. 17. ff. de in jus voc. dicitur *eum pro quo quis apud officium cavit*, et in leg. 7. ff. 9. satis dare cog. apud officium deponi debebis.

Ep. VIII. § 16. *Sed apud Decuriones habui.* Decuriones in municipiis collegium



efficiebant in Decurias distributum, unde iis nomen, quod Senatum Romanum referebat. Habebant curiam, ut vel ex hoc Plinii loco apparet, in quam *contrahabantur* (vid. L. V. 8. 4.) quemadmodum Romae Senatus *coquebatur*. Prae'erant iis Duumviri, qui Consulum vice fungebantur, quorum nomen etiam interdum usurpabant. Habebant censum proprium, aequae ac Senatores, qui erat centum millium aeris (vid. L. I. 19. 2.), saltem in civitate Comensium.

Ep. IX. § 2. *Ille in advocationem, ille in consilium rogavit.* In advocationem rogabantur causarum patroni, qui publice illud munus professi, amicorum in Tribunalibus causas orabant. In *consilium* vero vario modo vocabantur homines. Nam vel simpliciter in quibuscunque negotiis gerendis, amicia aderant, et prudentia sua eos adjuvabant. (vid. v. c. III. 2. 3.) vel Judex a Praetore datus, advocabat sibi in *consilium* viros rerum forensium peritos, quorum opera in judicando uteretur. *Vid. Gell. Noct. Att. XIV. 2.* Quin imo ita receptus erat hic mos, ut quum Plinius privatim, de causa Assudii Curiani, a matre exhaerediti, cognosceret, in consilium *duos spectatissimos* Jctos adhibuerit, et ex hujus consilii sententia, contra eum pronunciaverit. *vid. Ep. V. 1. 4 — 7. (\*)*. Vel cives juris periti vocabantur in *consilium* Praetoris, quod ipsi in Tribunali a tergo assidebat, in quo erant Equites quinque et totidem Senatores. *Ulp. fragm. I. 13.* Dicuntur iidem *Decemviri litibus judicandis*, de quibus noster L. V. 21. 2. Hoc autem extremo sensu vox *consilium* usurpatur L. I. 20. 12.

Ep. X. § 8. *Inter altissimas conditiones.* Est haec latinitas Jctorum de matrimonio, unde formula solennis renunciationis in sponsalibus, ita erat concepta: *candidissima tua non utor: l. 2. § 2. ff. de div. et repudi.*

§ 9. *Sedes pro Tribunali, subnoto libellos, conficio tabulas.* Cum hanc epistolam Atrio Clementi scriberet Plinius, Praefectura fungebatur aerarii (quam gessit a<sup>o</sup>. aet. 34<sup>o</sup>. vid. *Massenus in Vit. Plinii et Plin. V. 15. 5. X. 20. — Paneg. c. 91.*) Insignia sunt haec verba, quia illis quodammodo describuntur variae partes officii Praefecti aerarii Saturni. Docemur itaque hoc loco, eum, quemadmodum Praefectum Urbi et Praetores, habuisse Tribunal, in quo sedens, cognoscebat de causis ad curam Fisci et tabularum publicarum pertinentibus. Erant enim Praefecti aerario iudices in causis fiscalibus, *l. 11. ff. de his quae ut indignis: l. 13. § 1. ff. de Jur. fisci l. 42. ff. eodem.* Exemplum est, in L. IV. 12. 4. — *Subnotabas libellos* i. e. subscribebat nomina, tabulas, apochas, chirographa, aliave instrumenta, quae in hujusmodi cura usu veniunt: denique *conficiebat tabulas* i. e. in tabulas publicas referebat accepta et expensa aerarii publici, aliosque calculos faciebat.

Ep.

(\*) De consilio a Praetore aut iudice adhibendo, insignis est locus in *Ciceronis Verrin. Act. II. L. II. c. 29. §. 80*; Qui etsi ad jurisdictionem in provincia magis proprie pertineat, tamen ad cognoscendam horum consiliorum rationem est alicujus momenti.

Ep. XIV. § 5. *Adlectus a Divo Vespasiano inter Praetorios.* Quam decesserunt Imperatorum crudelitate, et saevitiâ, exhaustus esset amplissimus ordo integerrimi et honestissimi cujusque caede, Vespasianus, teste *Suet. in ejus Vit. c. 9.* damnum hoc reparare conatus est, legendis optimis quibusvis Italicis et provincialibus, quibus consulares vel praetorios honores tribuit, ut, quamvis consulatu vel praetura nunquam functi, iisdem privilegiis uterentur, ac si reverâ functi fuissent. Plura passim sunt exempla, insignium magistratus alicujus, honoris causâ, ab Imperatoribus tributorum: sic Claudius Caesar Junio Ciloni, Procuratori Ponti, consularia insignia, Aquilae praetoria decrevit. *Tacit. Annal. XII. 21.*

Ep. XV. § 1. *Dicitur jus: ut ussem impendium reddes, nec id modicum.* Queritur hic Plinius, Septicius Clarus, ad coenam a se invitatum, non venisse; quare jocose eum actione ad id quod interest comminatur. Verba *ad ussem impendium reddes*, deprompta videntur ex Jure civili, et formulam continere, quâ Judex reum ad solvendum id quod interest condemnabat. *Impendium* dicitur eo sensu de usurâ, sive mulctâ, quae pro damno illato solvitur. Sic *Cic. ad Att. VI. 1. foenus et impendium recusare.*

Ep. XVI. § 1. *Nunc vero totum me tenet, habet, possidet.* Sunt extrema haec verba deprompta e formulâ stipulationis, ab Aquilio Gallo inventâ. *Habere* autem dicitur; in genere, omnis dominus, detentor, possessor: sic ipse depositarius dicitur *habere* depositum. *Lex 38. ff. de verb. oblig. Tenere* vero in specie refertur ad eum, qui facto naturaliter aliquam rem possidet; *Possidere* ad eum, qui jus possessionis ad interdicta habet.

Ep. XXII. *Perturbat me longa et pernix valetudo Titi Aristonis.* Tribus locis apud Plinium mentio fit Aristonis: primus est in hac Epist. Ubi de eo dicitur, *quam peritus ille et privati juris et publici*: alter in Lib. III. 3, quae Aristoni ipsi inscripta est: tertius denique L. VIII. 14. itidem ad Aristonem conscriptâ, et in quâ de Senatorio jure quaedam quaestiones ipsius judicio submituntur, *quippe qui sit peritissimus, et privati juris, et publici*: ut dicitur in init. ej. Epistolae. Videtur autem tribus his locis significari idem Aristo Jctus, qui sub Trajano vixit. Dicitur scripsisse libros ad Cassium (*lex 7. § 3. ff. de usufr.*) item libros ad Sabinum (*lex 6. ff. de usu et habit.*), porro notas ad libros posteriorum *Labeonis*, ut colligere licet ex *leg. 17. § ult. ff. de heredib. instis.* — In lege autem 99. *ff. de adquir. v. omitt. hered.*, dicitur Aristo in decretis *Frontianis* vel *Frontinianis*, aut *Frontenianis*, ita referre. De his decretis multum quaesitum est inter Viros doctos, quanam fuerint. vid. *Bachius Hist. Jur. III. cap. 1. 28.* Sed verosimilis est eorum opinio, qui dicunt, decreta ista Frontiniana collectionem fuisse decretorum Caesarum; a Frontone vel Frontino quodam compositam, et ab Aristone, ut videtur, notis instructam. Heineccius denique, inter scripta Aristonis nostri, etiam recenset librum *de Furtis* (*Hist. Jur. I. pag. 202.*), ductus loco Gellii Noct. Att. XI. 18. Sed merito hanc ob rem a Bachio notatus. Gellius enim loco laud. dicit, se de Furtis nonnulla legisse in Aristonis libro: non tamen exinde conficiendum, Aristonem librum scripsisse de

Fur-

tis: Potuit Gellius, ea quae dicit legisse in Aristonis libro ad Sabinum vel Cassium, aliove ejus libro. Haec de Aristone.

Ep. XXIII. § 3. *Erat hic quoque — me facerem.* Solemnia sunt haec verba *appellasset — intercederem — auxilium ferrem*, et Tribunorum plebis muneri propria. *conf. Brisson. de Form. II. p. 271.*

## P A R S S E C U N D A.

### CAUSAE NOBILES, ACTIONES, JUDICIA PUBLICA ET PRIVATA.

Epist. XVIII. Omnis haec Epistola lectu est dignissima, et locos graviore continet. Jam statim in § 1. his verbis obviam fiemus „*Rogas ut dilationem petam et pauculos dies, certe proximum, excusem.*” Causam Julii Pastoris Plinius coram judice pedaneo, ut videtur, agendam suscepit. Is vero quum somnio malo exterritus fuisset, patronum suum oravit, ut dilationem diei actioni constituti impetrare conaretur. Triplex nimirum; erat dilationum genus; vel enim ipsae partes litigantes convenire poterant, ut causa prorogaretur, vel *lex* quibusdam casibus dilationem concedebat, vel etiam a *Judice* dabatur. Quum vero dilationes, vel locum haberent ante litem contestatam, vel lite pendente, vel post dictam sententiam; quae fiebant conventionem partium, aut a lege concedebantur, passim usu veniebant per tres species memoratas. Illae vero, quae a *Judice* considerente (*lex 4. Cod. de fertis et dilat.*) dabantur, vix locum habebant, nisi post litem contestatam, etque pendente. Hujusmodi autem dilationem, ut videtur, J. Pastor impetrari voluit, quandoquidem res eo perducta fuit, ut jamjam Plinius coram *Judice* causam dicturus esset. Propterea autem difficile fore, hoc casu, dilationis petitionem, subjungit Plinius, quod repetit in fin. huj. Epist. quia vix *Judex* dilationem concedere solebat, nisi ob gravem causam, defectum probationum, vel similem, qualis hic non aderat. *Judex* pedaneus dilationem igitur concedere poterat. Verum eadem in *judicio Centumvirali*, lite jam pendente, dari non solebat. Docemur illud extremis hujus Epistolae verbis § 6. „*est enim sane alia ratio tua, alia mea fuit; nam judicium centumvirale differri nullo modo: istud acgre quidem, sed tamen potest.*” At vero, quare ita juris fuisse dicamus, ut *judicium centumvirale* nullo modo differri posset? Equidem, si conjecturam qualemcunque meam proponere liceat, cum in causis ipsis centumviralibus, quas v. c. recenset *Cic. de Orat. I. 38. loc. notiss.* nihil peculiare inesse videatur, quare praeter alios dilationem non admitterent: causam hujus vetiti quaerendam puto in ipsa

ratione et naturâ hujus judicii: nimirum, quum non nisi in causis gravioribus, quatuor consilia, in quae totum centumvirorum Tribunal erat distributum, convocarentur, et magnus numerus 180 Judicum esset eligendus; quum porro in primis solenne, et grave esset hoc judicii genus, cui ipse Praetor cum Decemviris hastâ positâ praesidebat, incongruum fortasse visum est, si litigantes non satis instrumentis et probationibus instructi, ad illud accedere auderent et peterent, ut res multis ambagibus impedita, temere differretur, et pro suo lubitu repeteretur; itaque non tam lege aliquâ, aut causarum naturâ, dilationes in judicio centumvirali prohibitas fuisse credam, quam usu et decori studio, ne multi cives saepe quorundam litigantium inertia, aut lubitu detinerentur. Eadem etiam dignitatis habita ratio apparet seriore tempore in causis, quae in consistorio principis agebantur. Hae enim, ut centumvirale judicium, nullam dilationem patiebantur, ne Imperatoris majestas minui videretur. Vid. *lex 5. Cod. de feriis et dilat.* — Caeterum usus est hoc loco *Siccamâ, de centumvir. Jud. cap. 5*, uti probaret, haec judicia diversum genus constituisse a privatis. Sed minus recte ut videtur, quandoquidem ratio vetiti, ut diximus, non in causarum naturâ, sed judicii dignitate et existimatione posita erat; tum etiam apud Centumviros unice tractabantur causae privatae..

Ep. XVIII. § 3. *Eram in quadruplici judicio.* Significatur centumvirale judicium, quod in 4 consilia erat distributum. Haec singula, in Basilicâ, seorsim suum habebant Tribunal, et, vel separatim judicabant, vel in unum contracta, centum octoginta judicum numerum efficiebant, et simul praesidente Praetore cognoscebant. Cf. *Plinii Ep. VI. 33. 3.* Caeterum in plura incidemus *Plinii* loca, quae de centumvirali judicio sunt gravissima, et quorum singula suo loco tractabimus (\*).

Ep. XX. § 2. *Alioqui praevaricatio est transire dicenda.* De origine hujus vocis notetur, eam proprie notare, *deflexum ab itinere recto.* Sic orator apud *Plinium Hist. Nat. XVIII. 10.* dicitur *praevaricari*, i. e. sulci non rectum ducere tramitem. Inde haec vox in foro dici coepta, significavit omnem calliditatem, malamque fidem, a paribus litigantibus, inter se, vel ab advocatis, circa clientes adhibitam. Eo sensu non hîc significatur ea fraus accusatorum, qui ab accusatione desistunt, quae punitur, et de qua Tit. est *in ff. lib. XLVII*, sed negligentia, vel etiam dolus, quo quis, in orandâ clientis causâ, non omnia dicit, quae ad causam probandam pertineant.

Ep. XX. § 7. *Testes sunt — indicatur.* Plinius hîc, ut defendat opinionem suam, causarum patronum oportere, non nimis esse brevem in dicendo, exemplo utitur Ciceronis: dicit enim, quasdam ejus orationes non omnia continere, quae in refutandis singulis accusationis capitibus, usu venire debuissent; nonnulla etiam crimina ab accusa-

to-

(\*) De judicio centumvirali, praeter *Siccamam* et *Zepernick*, novissimus auctor est *Clariss. Bethmann Hollweg*, qui in *Horreo jurisprudentiae Historicae*, edito a *Savigny, Eichhorn*, et *Göschel*, tom. V. part. III. p. 358. egit de *competentia Tribunalis Centumvirorum*.

tore objecta, verbo tantum esse indicata, et in ipsâ editâ defensione non peculiariter tractata, non magis quam *subscriptions criminum*, i. e. libelli accusatorii, quibus summarie causa exponebatur, et quos plures saepe accusatoris amici, honoris et consensûs causa subsignabant. Ernestus *subscriptionem* hîc intelligit de *subscriptione censoriâ*, i. e. summarîâ descriptione delictorum, aliarumve causarum, propter quas Censores in censu agendo, civem aliquem notabant et ordine movebant. *Vid. Gesner. ad Ernest. Epist. in Schaeferi edit. pag. XXXIII.* Caeterum res eodem rēdit; nam et sic significatur compendiaria illa criminum indicatio, quam Plinius, quo se defendat, in orationibus citatis deprehendi contendit.

Ep. XX. § 11. *Adsunt huic opinioni meae leges, quae longissima tempora largiuntur.* Persequitur hîc Plinius sententiae suae defensionem, atque pro ea quasi in testimonium vocat leges judicarias, quae causarum patronis latum dicendi campum aperiunt, neque igitur actiones tam arctis finibus circumscribi volunt.

Ad leges autem a Plinio significatas referri debet lex Pompeja, lata à Cn. Pompejo, tertium Cos. A<sup>o</sup>. U. 702. de ambitu, quâ accusatori binæ, reo vero ternæ ad dicendum horae praestitutæ sunt. *Vid. Cic. in Bruto cap. 94.* Sed quandoquidem hîc a Plinio plures leges significantur, nihil vetat conjicere, tum lege Julia publicorum judiciorum, tum fortasse singulis legibus criminum publicorum, tempus definitum fuisse, per quod tum reo, tum accusatori dicere liceret. Sic lege Julia repetundarum accusator accipiebat sex horas, reus vero novem, quod conficere licet ex loco *Plin. IV. §. 9.* Ubi dicuntur, in causa repetundarum, *e lege*, accusator reusque tantum temporis accepisse. — Non tamen stricte servabatur illud tempus, lege definitum: in simili enim repetundarum judicio Plinius narrat (II. 11, 14.) se accusatoris partes sustinentem, *horis pene quinque dixisse*, quod tempus tamen ordinario etiam longius fuisse dicas, quandoquidem adjicit eo loco, decem clepsydris, quas ab initio *spatiosissimas* (\*) acceperat, dein quatuor fuisse additas. Igitur ab initio, minus etiam quinque horis acceperat, quum proprie ad minimum horas novem accipere debuisset. Ideo autem leges publicorum judiciorum hîc solas a Plinio significari dixi, quia in his solis certum dicendi tempus erat definitum. In judiciis vero privatis, non certus numerus clepsydram, a iudice dandus, erat determinatus. Hoc ex ipsâ rei natura apparet, et ex *lib. VI. 2.* ubi Plinius, M. Regulum desiderari dicit in judiciis, (i. e. *privatis*: nam hæc significari ex toto contextu apparet); illud enim gratum erat cum eo dicentibus, quod *libera tempora petebat*, i. e. tot clepsydras a iudice petebat et impetrabat, quot ipse vellet. Et in § 7. ejusdem Epist., Plinius suum morem tradit, cum iudicaret, *tantum aquæ danti*.

(\*) *Spatiosissimæ* illæ clepsydræ profecto non ita intelligendæ sunt, quasi aliae clepsydræ aliis longius tempus continuissent, et indicassent. Sed decem priores clepsydræ non arcte computatæ fuerant, ita ut magis eas excessisset Plinius, quam intra eas conclusus fuisset.

*dandi, quantum quis plurimum postularet.* Ex his igitur conficias, liberum hâc in re fuisse iudicis arbitrium: non tamen clepsydrarum usum a Graecis desumptum, in iudiciis privatis prorsus ignotum fuisse, ex iisdem his Plinii locis apparet; quod nonnulli perperam confecerunt ex loco dialogi *de causis corruptae eloquentiae* cap. 38. *Vid. v. g. Consult. Rau in diss. inaug. ad Or. pro Pub. Quintio pag. 26. — Lugd. Bat. a. 1825.*

*Ep. XX. § 12. Frequenter egi, frequenter iudicavi, frequenter in consilio fui.* Triplex forense negotium hic significat Plinius. *Egit* i. e. ipse, sive in Tribunali Praetoris, coram Iudice Pedaneo, sive in Centumvirali iudicio, sive coram Decemviris, aut Recuperatoribus, sive in senatu clientium causas oravit. *Frequenter iudicavit*: hoc unum genus plures species comprehendit. Nam vel iudicat *Judex pedaneus* in causis legitimis s. stricti juris, vel *arbiter* in causis bonae fidei, vel *recuperator* in causis, quae imperio continentur, omnes a Praetore dati; vel *Decemviri stilibus iudicandis*, qui propriam aliquam jurisdictionem habuisse videntur, vel Centumviri, vel denique Senatus in causis ad rempublicam pertinentibus. Quum autem Plinius dicit, *se in consilio saepe fuisse*, quid his verbis significetur, supra vidimus, cum ageremus de variis vocis *consilium* usibus. Eodem pertinent sequentia in § 23. huj. *Epist. nam si hos in consilio habeas, et cact.*

*Ep. XXIII. Consulis, an existimem te in Tribunatu causas agere decere.* Nunquam lege aliqua vetitum fuisse videtur Tribunis plebis, causas agere. Verum liberâ republicâ, major adhuc eorum erat dignitas et auctoritas, quam ut facile iis incommodis se exposuissent, quibus causarum Patronus erat obnoxius, et quae enumerat Plinius in hac *Epist. v. g. Ut silentium indici posset clepsydra illi, qui jubere possit, quemcunque tacere.* Inde profecta erat Pompeji Falconis dubitatio, cui hic rescribit Plinius.

## EPISTOLARUM LIBER SECUNDUS.

### P A R S P R I M A.

#### ANTIQUITAS, HISTORIA JURIS, VERBORUM SIGNIFICATIO.

**E**pist. I. §. 9. *Quin etiam in hâc novissimâ valetudine veritus, ne forte inter quinque viros crearetur, qui minuendis publicis sumptibus iudicio senatus constituerentur.* Explicandus est hic locus ex *Panegy. c. 62. § 2.* Ubi Plinius de iis dicens, quos Tra-

janus Consules fecerat, „nempe enim, inquit, hi sunt, quos Senatus, quum publicis sumtibus minuendis, optimum quemque praeficeret, elegit et quidem primos.” — Res etiam ulterius explicatur loco Xiphilini e Dione *L. LXVIII. p. 770*, quo docemur, auctore Nervâ sumtos publicos, quantum fieri posset, deminutos fuisse.

Ep. IX. § 2. *Meo judicio pervenit ad jus Tribunatus petendi, quem nisi obtinet in Senatu, vereor ne decepisse Caesarem videar* — Tenendae sunt ad h. l. mutationes in magistratuum creatione, ab Imperatoribus sensim introductae. Quum enim J. Caesar, exceptis Coss., jus creationis reliquorum magistratuum cum populo partitus esset, Augustus quidem antiquum jus quodammodo revocavit, sed Tiberius ulterius processit, et vincula a Caesare primum plebi injici coepta, arctius etiam constrinxit. Comitiorum enim vim prorsus ipsi ademit, et e campo ad Senatum transtulit (*Tacit. Annal. I. 15*). Itaque, ab eo inde tempore, in creandis magistratibus hic ritus observabatur, ut qui ad honorem aliquem pervenire cuperent, prius a Principe tamquam candidati designarentur (\*).

Tum in Senatu de iis suffragia ferebantur. Licentia autem creandi, quos Senatus vellet, pro vario Principum ingenio, aut major aut minor fuit; eâdem ratione etiam ambitus usus, et abusus, vel viguit, vel non necessarius fuit. Quum igitur post Tiberii tempora, de comitiis magistratuum sermo est, semper illud intelligendum de comitiis in Senatu habitis, nisi quod propter solam formam, et ad decipiendam plebem, ea etiam comitia habebat, in quibus tamen non nisi solennitates quaedam et ritus antiqui celebrabantur.

Ep.

(\*) Heusingerus, qui in adnotatione ad h. l. legendum censet, *meo suffragio praevenit ad jus Tribunatus petendi*, dicit illud jus non quidem impetrandum fuisse ab Imperatore, sed veniam fuisse obtinendam Principis, *ante alios* petendi, atque sic lectionem *praevenit* tuetur. Verum dubito, an recte haec dicta sint; nullum enim erat *jus*, quo inter multos, qui Tribunatui petendo pares erant, alius alium Principis favore praeveniret. Verum, retentâ lectione *meo judicio et pervenit*, ita locus explicandus videtur. A tempore inde Augusti observatum fuisse videtur, ne quis Tribunus pleb. crearetur, nisi qui esset Vir Senatorius. Quod apparet e loco *Suet. in Augusto 20*. Ubi narrat, eum in locum Tribuni pleb. demortui candidatum se ostendisse, *quamvis patricius nec dum Senator esset*. Idem tradit, Augustum, si deessent candidati Senatores, ex Equitibus etiam Romanis Tribunos pleb. creasse. *c. 40. ibid.* Nulli igitur Tribunatum pleb. petere potuisse videntur, nisi qui essent Senatorii Ordinis; quod prudenter observatum ab Imperatoribus, ut scil. homines ex ordine omnia sibi concedere consueto, instaurare vix cogitarent antiquam potestatem Tribuniciam, quae nomine fere tantum adhuc in Tribunis plebis subsistebat. Atque eo sensu Plinius dicit, *suo judicio*, Sexrum Erucium ad jus Tribunatus petendi pervenisse, quia ipsi latum clavum i. e. dignitatem Senatoriam, et quaesturam, quae aditum dabat in Senatum, a Caesare impetravit. §. 2. *h. Epist. Vid. Lipsius Elect. II. 13.*

Ep. XI. § 9. *Itaque Tuccius Cerealis jure Senatorio postulavit.* Nimirum illo jure, quo cuivis Senatori, antequam sententiam rogaretur, surgere licebat, et de re quae tractabatur disserere, quamdiu vellet. Imo saepe hanc licentiā utebantur, ut disceptando de rebus a quaestione prorsus alienis, rei propositae exitum differre conarentur, atque ita dicebantur *diem terere dicendo*.

Ep. XI. § 19. *Injuncta advocacy.* Quidam interpretes *advocationem* hinc dici putarunt pro *accusatione*. Verum quidem est Plinium et Tacitum *accusasse*. Sed haec ipsa accusatio magis *advocatio* dici poterat, quia jussi erant hanc in causā provincialibus adesse. Caeterum, in causā repetundarum semper, etiam liberā republicā, quum socii aliquem repetundarum reum postulassent, SCto iis permittebatur patronum sibi eligere, aut eodem, causarum patrono uni, vel pluribus, accusationem suscipere injungebatur. Videtur interdum haec advocatorum designatio, sortibus fuisse in Senatu peracta, ut nomina causidicorum complurium in urnam conjicerentur, et qui priores extraherentur, accusationem suscipere deberent. Sic in ipsā hanc Marii Prisci causā, Plinius, quum a provincialibus ad eum accusandum esset rogatus, et propter muneris gravitatem (erat enim Praefectus aerarii) se excusasset, censente postea Consule designato, desiderio Senatui non resistendum putavit, et cum aliis nomen suum in urnam conjici passus est. Hujus obsequii rationes exponit Trajanus X. 20.

## P A R S   S E C U N D A.

### J U S   R E R U M.

Epist. IV. § 2. *Quum vero ego — creditor solus extiterim.* Poterat enim creditor aliquis hereditarius, reliquis creditoribus debita hereditaria solvere, etiam invito debitore. *l. 53. ff. de solut. et liberat.*; atque ita, quum hi creditores actiones suas ipsi cessissent, solus creditor existeret. Sic Plinius, quum hereditatis paternae Calvinae devolutae creditor cum multis aliis esset, his, ut eo facilius hereditatem aere alieno gravem adiret, solvit, atque ita solus creditor factus, creditum Calvinae acceptum tulit.

Ep. XI. 23. *Stipulatusque de Maritiano*, et caet. Cursim hic adnotetur insolitus usus vocis *stipulari* cum praepositione *de*: itaque Gesnerus ad hunc locum opportune citavit *l. 37. ff. de usufr.* Ubi eodem modo dicitur, *de te dari stipulatus essem*.

Ep. XVI. *Tu quidem — confirmati testamento.* Plinii igitur tempore jam usu receptum erat, quod Papinianus docuit, teste Justiniano § 1. *Instit. de Codicillis*. Codicil-



sent. Vid. l. 7. § 3. *f. ad leg. Jul. repetund.* — Cum igitur haec Senatui exposuissent Tacitus et Plinius, Fronto Catus, Marii patronus, oratione ad misericordiam movendam quam maxime composita, senatum rogavit, ut Mario, quos petiverat iudices, concederentur, neque ultra legis poenam in eum saeviretur (§ 3). Hic maxime diversae erant senatorum sententiae; erant qui contenderent, Senatum effectum ordinariae cognitionis de crimine, quo sc. Marius iudices ad aestimandam litem petiverat, contentum esse oportere, neque ulterius extra ordinem in crimen esse inquirendum, quum legi ita satisfactum esset. Alii vero, a Mario eas poenas repetendas esse censebant, quas juste meruerat, neque simplici aestimatione rem posse absolvi, ut poena delicti gravitati esset accommodata. — In hac opinionum discrepantiâ, Julius Ferox, Cos. designatus, mediam quandam sententiam protulit. Censuit enim, rem eo loco esse habendam, quo pervenisset, ut nimirum ad aestimandam litem Marius iudices acciperet. Interea vero ex Africa acciri oportere Vitellium Honoratum, et Flavium Martianum, quibus auditis, quid ulterius agendum foret, tum circumspicerent (§ 4—6). Quam sententiam quum omnis Senatus amplexus esset, interim socii criminum Marii ex Africa Romam venerunt, rumque extraordinaria cognitio Senatus de eo ceterisque decreta est: paucos post dies Martianus solus, (nam Honoratus interea mortuus erat), in senatum introductus est. Quum vero Tuccio Cereali, Viro consulari, iniquum videretur, si absente reo principali (Mario), is qui commune crimen cum ipso perpetraverat, audiretur et recte se defendendi copiam non haberet, in proximum senatum haec cognitio delata est. Januario vero mense senatus habitus est, praeside ipso Principe (\*) et maximâ senatorum frequentia. Tum Plinius accusare Marium Priscum et Martianum instituit; auditi fuere deinceps, Marcellinus pro Martiano; postero autem die, Salvius Liberalis pro Mario, cui respondit Tacitus: denique pro Mario, Fronto Catus verba fecit; ita tamen, ut magis iudicum misericordiam deprecaretur, ut in causâ desperatâ, quam reum defenderet. Et quum tertio demum die causa perorata esset, sententiam rogatus Cornutus Tertullus, Cos. designatus, censuit, ut, quae septingenta millia Marius a Martiano acceperat, ea mulctae nomine in aerarium deferret, atque insuper ipsi Italia et Urbe, Martiano etiam Africa, interdiceretur. Sic enim poenae inter Marium et Martianum, ejusdem criminis participes, aequaliter distributae videbantur: utrique Italia interdicebatur, sed Marius insuper mulctam pendebat: Martiano aditus Africae praecludebatur: neque tamen his poena Marii solvebatur; nam antea jam censente Julio Feroce, his, iudicibus datis, aestimata fuerat, eamque provincialibusolvere coactus. Hanc igitur

sen-

(\*) In hac § suspecta videntur verba, *erat enim Consul*; nam, ut acute observavit Heusingerus, absurdum quid fecisset Plinius, si Arrianum docere voluisset, quis tunc consulatu fungeretur, quod sane neminem Romanum latere poterat: non sane ex hoc loco conficere licet, Principem, non nisi quando Consulatum gerebat, in senatum venisse, eique praesidisse.

sententiam omnes secuti sunt praeter Pompejum, Consulem cum Tertullo designatum, qui Martianum quinquennii relegatione puniendum, Marium vero relinquendum putavit mulctae septingentorum millium, et repetundarum poenae, quam jam passus erat. (§ 19—21). Mario et Martiano vero condemnatis, alia causa supervenit (§ 23) (\*). Nam ex tabulis Martiani aliisque indiciis apparebat, Hostilium Firminum, Marci in Africa legatum, similiter turpi concussionis crimine esse pollutum. Marii enim in vexandis Equitibus Romanis adjutor exstiterat: a Martiano pecuniam ob turpem causam acceperat, et unguentarii nomine, magnam pecuniae summam a provincialibus exegerat. Scil. magistratibus provincialibus xeniola quaedam accipere non erat vetitum: *vid. elegantissima Epist. Severi et Antonini in l. 6. § 3. ff. de off. Proc. et leg.* — Verum Firminus munusculorum modum excesserat, et ex quo unguentum quasi sibi compararet, decem millia sestertiū acceperat. — De eo quoque quum in senatu relatum esset, exitus illius rei narratur *Epist. 12. h. l.*

In senatum igitur introductus, et de accusatione interrogatus, respondit, atque statim sententias Consules protulerunt; e quibus Nervae opinio vicit, ut in sortitione provinciarum ejus ratio non haberetur contra Cornutum Tertullum, qui simpliciter eum ordine moveri voluerat. — His causa illa nobilis Marii Prisci absoluta est.

Jam singula accuratius spectare conabimur.

Ep. XI. § 2. *Marius Priscus — omissa defensione judices petit.* Scil. ad aestimandum damnum, quod provincialibus intulerat. Hoc enim erat proprium legum repetundarum consilium, ut provinciales ab exactionibus magistratuum Romanorum indemnes servari possent (†); quod Marius sponte facere voluit judicibus petitis, ne in graviora sua crimina ulterius inquireretur.

*Excessisse Priscum immanitate et saevitia crimina, quibus judices dari possent.* Nimirum judices illi ad damnum aestimandum tantummodo dabantur. Sin vero graviora crimina admisisse reum appareret, extraordinaria de eo in senatu cognitio habebatur.

§ 4. *Abis cognitionem senatus lege conclusam, aliis liberam solutamque dicentibus.* Laborant hic interpretes, quaenam significetur *Senatus lex*. Imo credit Catanaeus, intelligendam esse legem quandam, quā cautum esset, ne bis de eadem re ageretur. At, ut recte animadvertit Schaeferus, nodum in scirpo quaerit. Rea enim non est adeo difficilis: alii Senatores censebant Frontoni concedendum esse, quod petiverat, ut ne ultra repetundarum legem quaereretur, cui jam Marius petentis judicibus satisfecerat: itaque

(\*) Dicit Plinius superesse adhuc *λειτουργίαν non λέγε*: eadem voce utitur la *Epist. sequenti*, de eadem re. At frustra eam in Lexicis quaero: vera fortasse est Gernerii conjectura, Plinianum hoc esse diminutivum neutrius generis voc. *λειτουργας*, quae notat magistratum, quicumque in republica munere quodam fungitur.

(†) Cf. *Cic. in Divinatione contra Caelium c. 15.*

que cognitio Senatus intra legem concluderetur; aliis vero aequum videbatur, ut minime tam arctis finibus haec cognitio circumscriberetur, sed libere de aliis quoque criminibus, quorum Marius accusabatur, quaestio haberetur, ut si vera comperiretur accusatio, meritas poenas lueret.

§ 13. *Erat igitur perquam onerosum accusare damnatum.* Proprie *damnatus* non dici poterat Marius; nam semet ipsum magis legis poenae subjecerat. Quare addit in sequentibus Plinius, „quem ut premebat atrocitas criminis, ita quasi peractae damnationis miseratio tuebatur.”

§ 20. *Marium repetundarum poenae, quam jam passus esset, censuit relinquendum.* Gravissimus est hic locus, quia probabiliter ex eo conjici potest, quasnam proprie legis Juliae repetundarum poena fuit: de qua re inter juris interpretes non certo constare videtur. *Cujacius* v. c. in *Paratitlis ad Tit. Cod. ad leg. Jul. repetund.* docet, in poenam variatum fuisse, et modo crimen repetundarum sola condemnatione in litis aestimationem cum infamia, modo exsilio esse punitum. *Lipsius* vero ad *Taciti Annal. XIV. 48*, putat, praeter litis aestimationem, poenam etiam fuisse ordinis amissionem. *Heineccius* in *Syntagm. Antiq. ad Instit. IV. 18. 75.* graviores fuisse statutam poenam existimat. — Verum ex hoc *Plinii* loco commodè probari posse videtur, non aliam hujus legis fuisse poenam, quam nudam litis aestimationem. Priscus enim, in § 2. dicitur *judices petiisse*, scil. ad litem aestimandam. — *Fronto* *Catius* dein rogavit, *ne ultra legem repetundarum quaereretur*; unde jam apparet, ultra legem puniri debuisse Marium, si, praeter litis aestimationem, aliae poenae de eo exactae fuissent. Tum Senatores a parte *Frontonis* stantes voluerunt, ut cognitio Senatus *lege concluderetur*: et *J. Ferox* interim Mario dandos judices censuit, eique dati sunt; nam haec sententia praevaluit: et qui nulla alia Marii poena, antequam extra ordinem in exilium et multam condemnatus fuit, apud *Plinium* memoratur. Quum igitur sententiae loco diceret Pompejus, Marium repetundarum poenae, quam jam passus esset, esse relinquendum: quasnam alia poena praeter litis aestimationem, ad quam judices dati erant, intelligi possit, non video.

Quod vero *Lipsius* statuit, ordinis amissionem etiam huic poenae accessisse, quod ex hac *Plinii* Epistola probat, non video Marium Senatu motum fuisse. Verum quidem est, ob stare videri ea, quae dicit in § 12. sed observandum est, eum non Marii eo loco miserum casum deplorare, quod qui modo Senator fuerat, non amplius jam esset, sed quoniam is, qui modo consularis, modo *Septemvir Epulorum* stabat, nunc neutrum erat. Scil., quia infamia quae condemnationem sequebatur, (*Vid. l. 12. Cod. de dignit.*) his dignitatibus exutus censebatur. Non etiam adferri debet locus ejusdem *Plinii*, in *Epist. 12. h. L.* Ubi dicit *Cornutum Tertullum* censuisse; ut *Firminus* ordine moveretur; nam hoc ipsum probat, non propriam illam legis fuisse poenam.

Ne-

. Neque etiam Rirminus repetundarum accusabatur, verum utpote socius Masii, in extraordinaria cognitione de ejus criminibus comprehensus erat. Non magis obstant alii loci scriptorum a Lipsio l. l. allati, veluti *Suet. in Jul. 43. Tacit. Annal. XIV. 48. Histor. I. 77. Suet. Othon. 2.* — Negari non quidem potest, repetundarum damnatos etiam Senatu motos interdum fuisse; non vero haec erat legis poena, sed effectus infamiae, quā condemnati notabantur: poterant vi hujus infamiae a Censoribus Senatu moveri. Sic Jul. Caesar apud Suet. in ejus vita 43, dicitur *repetundarum condemnatos etiam ordine Senatorio movisse*, scil. potestate censoria, quam sibi adsumserat; sic in reliquis exemplis memorantur quidem condemnati repetundarum, iidemque ordine moti, sed nusquam dicitur id factum esse *legis poena*. Infamia autem illā non solum condemnati poterant ordine moveri, sed etiam prohibebantur testimonium dicere, judicare, postulare. l. 6. § 1. ff. *ad leg. Jul. repetund.*

Poena igitur ordinaria legis Juliae repetundarum simplex fuisse videtur litis aestimatio; erat enim propterea solum introducta, ut peregrini pecunias a magistratibus Romanis injuste captas recuperare possent, quemadmodum cives Romani civili actione idem petebant, ideoque ad solos provinciales, non vero cives pertinebat. vid. *Cujac. l. cit.* — Itaque si in priori repetundarum judicio comperiebatur reus pecunias illegitimo modo exegisse, iudices dabantur; sin vero graviora etiam delicta commisisse arguebatur, extraordinaria Senatus cognitio haberi poterat. Atque ex hac, vel exilio, vel aquae et ignis, vel urbis, vel Italiae interdictione, pro criminis atrocitate puniri poterant condemnati; non vero hae poenae lege Julia pronunciabantur, sed ab arbitrio pendebant Senatus. Huc igitur pertinent omnia exempla eorum, qui repetundarum rei facti gravissimis poenis affecti sunt. Plura etiam argumenta protrahere possimus; at jam nimis excrevit haec adnotatio. Incidemus deinceps in alia quaedam Plinii loca, quae huic sententiae non repugnare probabimus.

Ep. XIV. Insignis est haec Epistola de Centumviralī judicio: cujus ratio et ordinatio tam obscura est, ut de eo gravissimae inter Viros doctos controversiae agitatae fuerint. Incidemus primum in haec verba (§ 1), *sunt enim pleraque parvas et exiles*, (Centumvir. causae). Non nimis premendum videtur hoc Plinii de causis centumviralibus judicium, siquidem, quas enumerant Cicero (\*), aliive scriptores, eae omnes ad gravissimas juris privati partes pertinuerunt. *Parvas et exiles* fortasse eas dicit Plinius, si comparentur cum publicis judiciis, et accusationibus criminum, in quibus oratorum eloquentiae, et dicendi contentioni latior campus patebat: tum etiam, ut ex sequentibus ap-

(\*) *De Orat. I. 36.* Observandum etiam est, omnem disputationem Crassi hoc l., eo spectare, ut probetur causas Centumvirales esse revera graves, et quas arrogandae ridiculae sit velle contemnere.

apparet, multum antiquae dignitatis et reverentiae amiserant Centumviri, unde fortasse fiebat, ut quamvis de iisdem causis judicarent, ipsae hae causae, non ea, quae par erat, gravitate tractarentur. Praeterea Plinium non tam ipsum Centumvirorum iudicium, quam advocatorum, qui in eo versabantur, levitatem reprehendere voluisse, apparet ex iis, quae dicit in § 2. in fin. „Nam hic quoque, ut illic, primum coepit esse, quod maximum est” (\*).

Lectu et notatu digna sunt omnia, quae sequuntur de hujus temporis advocatorum impudentia, deque genuinae illius eloquentiae, quae majores floruerant, oblivione; in quibus, cum omnia diligenti meditatione dignissima sint, imprimis tamen ad haec verba attendamus in § 4. „Sequuntur auditores actoribus similes, conducti et redempti: manceps convenitur in media Basilica, ubi tam palam sportulae, quam in triclinio dantur.” Eo immodestiae pervenerant Oratores coram Centumviris dicentes, ut quia alioquin periculum erat, ne a nemine approbarentur, conducerent e plebe infima et servis, qui magno clamore et ululatu eos laudarent. Hi igitur auditores erant *actoribus* similes, qui certo pretio rem domini familiarem curant, et mercenariam operam praestant. Imo tam immodicae saepe erant hae adclamationes, ut in proximis ejusdem Basilicae Centumvirorum tribunalibus dicentes advocatos impedirent. Quod quum etiam Domitio Afro accidisset, memorabile ejus dictum refert Plinius in § 11—12. h. Ep. (†).

Quae dicuntur *de mancipe, qui convenitur in media Basilica*, ita intelligenda sunt. Oratores ad conducendos laudatores operam utebantur servorum, qui in media Basilica quasi ex tripode jussa sua plausorum variis cohortibus distribuebant, eorumque cursus ex uno Tribunali ad alterum, et adclamationum tempora atque modos moderabantur. Dicitur ejusmodi servus in § 7. *μεσδχορος* s. praecentor, ad cujus signum conductitia cohors, quae de iis, quae dicebantur, nihil admodum percipiebat, voce atque manu plaudere debebat. Illos servos conducti laudatores conveniebant in ipsa Basilica, ut mercedem praestitarum operarum acciperent: quam *sportulas* vocat Plinius; dabantur hae inverecunde, publice, omnibusque adspicientibus, *aeque ac in triclinio*. Nimirum apud divites Romanos moris erat, ut clientibus pauperibus interdum corbes cibis repletas distribuerentur; hae proprie *sportulae* dicebantur, et vel in atrio aedium deponerentur, unde eam clientes promebant, vel etiam in ipso triclinio, i. e. eo cubiculo, in quo convivium celebrantur, a domino ipso dividebantur. Quod igitur ibi publice quodammodo

(\*) Ad h. l. Cf. opusculum clar. Bethmann, *supra laudatum*, in *Horreo Sprud. Histor. tom. V. parte III. pag. 387. in nota 58.*

(†) Mentio hujus D. Afri, etiam fit apud nostrum VIII. 18. 5. Fuit inter JCtos, eodemque causarum patronos, quorum munera eo tempore magis quam antea conjungebantur, sub Nerone celeberrimus. Libros scripsit duo, *de confirmandis et refellendis testimoniis*, quos egregie ab antiquitate laudatos perisse etiam atque etiam dolendum est. Vid. *Quinctil. Instit. Or. V. 7. VI. 3.*

debatur, idem servi oratorum in Basilicâ faciebant, palam munuscula laudatoribus porrigentes.

Quae sequuntur, latam disputandi materiem praebent criticis Plinii interpretibus; sed quum minus ad hujus instituti rationem pertineant, verbo monuisse sufficiat; verissimam mihi videri Heusingeri hujus loci interpretationem, qui, ne de voce *Σοφοκλέης* dicam, quae a nemine satis bene explicata videtur (\*), *Laudicoenos* non, ut alii interpretes, a *Laodicens* derivat, verum vocem hanc compositam esse contendit, ut aliae, *sibicines*, v. c., *fidicines*, ad significandos laudum decantatores.

## EPISTOLARUM LIBER TERTIUS.

### P A R S P R I M A.

#### ANTIQUITAS, HISTORIA JURIS, VERBORUM SIGNIFICATIO.

**E**pistola I. § 12. *Idque jam nunc apud te subsigno.* Est haec locutio ex jure desumpta, quae, ut tot loca passim occurrentia, argumento sit, quantum omnis Romanorum familiaris vita et loquendi ratio, ex jure depromptis dictionibus, aucta et intermixta fuerit. Plinius dicit, se quasi per literarum obligationem et chirographum spondere Calvisio eundem sibi vitae cursum, atque ita hanc metaphoram persequitur, ut ipsum jubeat, se, si promisso minus stet, ad hanc Epistolam in jus vocare. Simili sensu haec locutio occurrit in Epist. X. § 4. „non sine magnâ fiduciâ *subsigno apud te fidem* pro moribus „Romani mei,“

Epist. IV. § 2. *Accepto, ut Praefectus Aerarii, commeatu.* Rogaverat hunc commeatum Plinius Epistolâ ad Trajanum scriptâ X. 24. et impetraverat, sequenti Trajani. *Commeatus* dicitur, tum de literis, quibus alicui abeundi potestas conceditur: (vid. *Ernsti clau. Cic. in voce*) tum de ipsâ hâc abeundi veniâ. Liberâ republicâ, omnibus magistratibus, exceptis quibusdam Pontificibus et Flaminibus, licebat ex Urbe exire, et in provincias proficisci: tantummodo honoris causâ interdum libera legatio petebatur. Hoc jus Jul. Caes.

(\*) Quamvis fortasse non spernenda sit eorum conjectura, qui dicunt, vocem esse compositam ex acclamationibus, quae vulgo usurpabantur, *εὖ*, vel *φῶ*, *σοφῶς*; posterior vocis pars esset, vel naturalis verbi compositi terminatio, vel a *πᾶσι* derivanda.

Caesar et Augustus restrinxerunt, ut nemini Senatorii ordinis liberet extra Italiam mori facere, nisi a Principe comitum impetrasset. Videtur deinceps hoc jus a Senatoribus ad magistratus etiam majores sub Caesaribus extensum fuisse, ne, quando munere fungebantur, ex Urbe quidem abesse liceret. Et erat sane tam grave Praefectorum aerarii officium, ut vix, salvis rebus, a negotiis suis discedere possent. Ita vidimus Plinium ab accusatione Marci Pisici se excusasse, quod gravissimis tum aerarii occupationibus impediatur. (X. 20).

Ep. XIX. § 2. *Sub eodem procuratore ac pacte iisdem actoribus habere.* Actores h. l. dici videntur ipsi villici s. rustici, qui colendis agris adhibentur, quamvis plerumque alio sensu vox occurrat, de eo, qui operi alicui, aut villae, agrisque praepositus est, ut labores inspiciat atque moderetur, rationes conficiat, caeteraque peragat, quae ad hujusmodi munus pertinent. Eo sensu actor, in leg. 20. § 3. ff. *de instructo vel instrumento leg.* expresse distinguitur a colonis, villicis, et mancipiis. Significatur ibi servus etiam, sed reliquis praepositus et in villa administranda domini vicarius. Verum admodum varia est apud scriptores hujus vocis significatio, prouti variis in rebus et negotiis adhibebantur ejusmodi actores.

Inprimis tamen ii erant, qui pecunias et tabulas domini curabant: quales actores etiam Caesares habebant in provinciis, teste *Plin. Paneg. c. 36.* qui cum Procuratoribus fisco Principis erant praepositi. Alio rursus sensu apud *Plin. VII. 18. 2.* occurrit mentio *actoris publici*, cui ager mancipatur, ad quem locum dein adnotabimus. Denique notetur, *actorem* etiam in l. 1. § 1. ff. *quod cujuscunque Univers. nantine.* eundem esse ac syndicum, et eodem sensu l. 3. § 4. ff. *de bon. posses., actorem* cum significari, qui municipiorum, societatum, decuriarum, et corporum commoda tuetur.

Est etiam Titulus in Cod. *de actore et tut. s. curat. dando*, in quo distinguitur inter procuratorem et actorem, a tutore constituendum, ut ipse absente pupilli personam in foro referat.

Epist. XX. *Meministine te saepe legisse — postulerunt (§ 1—3).* De quatuor legibus tabellariis, variis temporibus latis, exponere inutile sit. Notissimas est locus *Gl. de legib. III. 15—17.* Ubi eas enumerat, et de earum ratione, atque meritis et vitiis satis late disputat. Semper Principum factio omnibus viribus, libera republica, hujusmodi legibus restitit, quia plebi licentia data clam suffragia ferendi, minuebatur optimum et patrum in clientes auctoritas, a quorum partibus discedere plebs, palam emissis votis, vix audebat: maximis itaque contentione hae leges saepe ansam praebuerunt. Locus autem hic propterea satis notabilis est, quia ex eo apparet, non tantum *potestatem* plebis in Comitibus a Tiberio ad Senatum fuisse translatam, sed etiam comitiorum *nomen* atque *rationem*, in iis rebus, quae olim ad comitia pertinebant, certe in magistratum creatione. Confirmatur hoc praeterea his, quae dicuntur in § 5. „supersunt senes, ex quibus audire soleo, hunc ordinem Comitiorum;” e quibus apparet, etiam illos Se-

natus, in quibus magistratus creabantur, *Comitia* dictos fuisse: describit enim Plinius antiquam comitiorum gravitatem, narrantibus quibusdam senibus: ex eâ descriptione primâ fronte credas, mentionem fieri propriam populi comitiorum, sed verba quae subjunguntur § 6, „audiebat Senatus gravitate censoria;” ostendunt reverâ significari Senatus deliberationes de novis magistratibus. Caeterum obscura est omnis haec comitiorum sub Caesaribus, et Senatus auctoritatis ratio. Multum disputatum est inter Viros doctos de celebri loco Tacit. *Annal.* I. 15. ad quem late commentatus est Lipsius, atque interpretes; in quibus etiam fuerunt, qui contenderent, hanc mutationem spectasse solam magistratuum creationem, ut de his arbitrium, non amplius penes populum, sed partim penes Principem, partim penes Patres fuerit.

Hoc certum apparet e *Paneg. c.* 63, tempore Trajani comitia adhuc populi habita fuisse, in quibus Consules creabantur. Sed ne diutius moremur in hac quaestione, quam jam semel tetigimus, et ad quam saepius revertendum erit: post illam Tiberii mutationem, quum in Senatu res comitiorum agerentur, sensum invaluisse videtur, ut in his rebus, aequè ac in omnibus reliquis, quae ad Senatus cognitionem semper pertinerunt, sententiae rogarentur, et viva voce dicerentur (§ 7). Nunc vero scribit Plinius, Senatum uno consensu antiquam suffragiorum ferendorum rationem per tabellas revocasse, ut moderetur incommodis, quae ex licentiâ palam emissarum sententiarum orta erant.

## P A R S . . . S E C U N D A

### J U S . . . R E R U M .

#### DE RE FRUGUM.

**E**pist. XIX, §. 6. *Nam possessor prior, saepius, nequidit pignora, etc.* Locus hic satis difficilis variis interpretum explicationibus vexatus est. — Plinius queritur agros, quos emere cupiebat, negligenter esse habitos, quia colebantur ab *imbecillis cultoribus* (§ 6.) i. e. ut videtur, quia diminuta colonorum re familiari, non poterant eas impensas in agros facere, quae requirebantur, ut rite essent culti. Deinceps causam tradit, quâ factum erat, ut a nimis paucis rusticis praedia exercerentur. Nimirum coloni, qui a priore domino conduxerant agros, saepe fuerant in morâ solvendi mercedem locationis. Dominus autem, ne detrimentum inde caperet, saepe distraxit pignora, quo nomine intelliguntur fructus, qui tacito pro mercede fundi tenentur l. 7. ff. *ex quib. caus. pignus tac. cont.* Ita factum erat, ut debita quidem colonorum decresterent (sic vocem *reliquam* usurpâ de debitis, apparet ex leg. 31. *primo ff. de cond. et demonstr. leg. 34. § 1. ff. de stat. lib.* ubi vox plus



plus semel eo sensu occurrit), atque ita ad tempus meliori conditione uterentur: verum venditis fructibus, ipsi nihil inde commodi percipiebant, et sic in posterum rursus non habebant, unde agros curare et fatigare possent, ut bonum colonum decet: naturali autem rerum vice, inde iterum fiebat, ut quum non idoneos fructus ex agris colligerent, domine fundi mercedem locationis solvere non possent, atque ita debita accrescerent. Huic vitio ut prospiciatur, Plinius instruendos esse dicit *complures fungi mancipis*: obscurus sane est horum verborum sensus, imprimis propter sequentia, „nam nec ipse usquam vinctos habeo, nec ibi quisquam” (§ 7). Quae manifeste de servis dicuntur. *Mancipes*, quos prioribus verbis dicit, omnino intelligendi sunt conductores, coloni liberi, ipsi agros exercentes, et mercedem locationis dominis solventes; et tamen illa *vinctos habeo* ad mancipis referri debere videntur, nullo alio subjecto masculini generis praecedente. Quare prius credidi, verbum *instruere* hîc usurpari pro *emere*, *comparare*, et *mancipes* esse servos, quos emendos dicit Plinius, ut colonorum paucitati subveniret, quia nullos servos rusticos ipse habebat, neque etiam vicini habebant, quorum operas conducere posset. Sed neque *instruere*, neque *mancipes* eo sensu explicari possunt. Est alia lectio, quam tuetur Heusingerus, *sunt ergo instruendi eo plures quod frugi mancipiis*. Verum dubito, an meliorem aliquem sensum haec praebeant. Itaque retentâ vulgari lectione, Gesneri explicationem sequamur, ut Plinius dicat, novos quosdam colonos agris exercentis esse conquirendos, eosque necessariis instrumentis rusticis instruendos. Non enim semet ipsum per servos agros illos posse colere, quod neque vinctos in ludo habebat, neque in viciniâ aderant conducendi.

## P A R S T E R T I A

### CAUSAS NOBILES, ACTIONES, JUDICIA PUBLICA ET PRIVATA:

**E**pist. IV. Unâ adnotatione comprehendemus ea, quae tractantur in hac Epistola et nonâ hujus Libri, ad causam Baeticorum et Classici pertinentia. Primum, ut fecimus in causa Marci Prisci, totam rem breviter exponemus, tum singula persequemur.

Caecillum Classicum igitur, hominem foedum et aperte malum (*Ep. IX. § 2.*) Procos. Baeticae, provinciales, quamvis mortuum, repetundarum reum postalârunt, atque Plinium, qui illadem jam contra Baebium Massam, cum Hereppio Senecione adfuerat, (vid. *Ep. VII. § 3, 4*), hanc accusationem iterum suscipere precati sunt. In quam sententiam cum Scitum Plinio honorificum factum esset, excusationum causas, quas justas ha-

be-

bebat, missas fecit et Baeticis patrocinaum suum et opem promisit (§ 3 — 5). Erat haec jam tertia publica accusatio, quam Plinius suscipiebat, et praeter ipsius rei gravitatem, augebatur hoc casu ejus difficultas, quia contra heredes Classici propria movebatur actio: et multi socii, ministrique Classici in hac causa erant impliciti, in quos nominatim Baetici inquisitionem postulaverant. (*Ep. IX. § 7.*) Cum Lucejo igitur Albino, qui ipsi advocatus additus fuerat, Plinius primum Classicum nocentem ostendere coepit, tum socios ministrosque ejus singulos aggressus est. De Classico res satis erat expedita: nam literis, propria manu ad amicam, quam Romae habebat, scriptis, concussionem probabatur (*Ep. IX. § 13, 14*). Sociorum vero crimina probare difficilius fuit (§ 15): at is tamen fuit accusationis exitus, ut Baeticis, judicio Senatus, pecuniae a Classico illegitimo modo extortae, ab heredibus restituerentur, utque Hispanus et Probus, quos primos cum Classico Plinius et Lucejus accusaverant, in quinquennium relegerentur. Accusati deinceps fuerunt ejusdem ministerii criminis, Clavius Fuscus, Classici gener, et Stillonius Priscus. Huic in biennium Italia interdictum est, alter vero absolutus. Quum autem tertia actione, plures simul socios Classici comprehendisset, omissa ejus uxore Casta, quae suspicionibus gravabatur, non tamen convinci poterat, *Ep. IX. 20*, unus ex testibus legatum Baeticorum, Norbanum Licinianum, praevaricationis reum postulavit, quod nimirum Castam etiam accusare omisisset. Quae de re cum ante principalem causam esset despicienda, Norbanus quidem dilationem petiit, verum statim de illo crimine respondere coactus, damnatus est et in insulam relegatus (§ 29 — 34). Plinius vero ita Castam quoque accusare coactus est; at quamvis, qui eam ream postulare dolo malo neglexerat, propter praevaricationem damnatus esset, tamen ipsa, sententia Senatus, crimine missa est. (§ 35.) De ceteris minoribus reis quosdam absolutos, alios relegatos fuisse, sive in tempus, sive in perpetuum, tradit Plinius § 22.

Jam breviter ad singula loca quaedam adnotemus.

*Epist. IV. § 7. Ducebar etiam quod decesserat Classicus, amotumque erat, quod in ejusmodi causis solet esse tristissimum, periculum Senatoris.* Possit videri hic locus eorum sententiam confirmare, qui dicunt, ordinis amissionem etiam fuisse poenam legis repetundarum, quae de re supra vidimus: verum frustra: nam *periculum Senatoris* in eo vertebatur, quod damnatus e Senatu posset moveri a Censoribus; non vero ipsam poenam movebatur.

*Ep. IX. § 6. Nihilominus Baetica in defuncti accusatione perstabat: provisum hoc legibus, intermissum tamen, et post longam intercedentem tum reductum.* Dabatur enim ex lege Julia repetundarum actio contra heredes reorum demortuorum, quamvis nihil cum his actum fuisset, cum in ceteris judiciis publicorum criminum, excepto etiam Majestatis crimine, actio adversus heredes non daretur, nisi lite jam contestata. l. 20. ff. *de accus. et inscript.* Dabatur vero haec actio in quadruplum, intra annum a morte rei, cum ceteroquin esset perpetua l. 2. ff. *ad leg. Jul. repetund.* Idem juris erat in publicis ju-

dictis peculatis et residui l. 14. ff. *de leg. Jul. pecul.* Verum ex h. Plinii l. discimus, non continuo jus illud observatum fuisse, sed a Baeticis hac opportunitate instauratum. — *Addiderunt Baetici, quos simul socios ministrosque Classici detulerunt, nominatimque in eos inquisitionem postulaverunt.* Hoc etiam novum erat, quia si vixisset Classicus, ab eo solo Baetici omne damnum repetivissent, neque ministros ejus sociosque nominatim accusassent, quia praestabat is, qui provinciae praebat, non tantum suum, sed suorum etiam v. g. ministrorum, apparitorum aliorumque factum h. i. *Cod. ad leg. Jul. repetund.* ibique Cujacius. l. 4. § 2. ff. *de off. procos. et leg.* Nunc vero, quum Classicus decessisset, Baetici etiam in ministros ejus inquisitionem postulaverunt, neque tamen eos repetundarum reos fecerunt, quod lege non expresse permissum fuisse videtur, quandoquidem Plinius dicit, se socios illos non probare potuisse nocentes, nisi delicta ipsius Classici antea ostendisset (§ 12), et necessarium sibi visum fuisse elaborare, in ministerio crimen esse: nam excusabant se minores isti rei eo, quod necessitate et metu coacti mandatis Proconsulis paruisent (§ 15). Legem Juliam tamen ex J.ctorum sententia, etiam ad ministros magistratuum provincialium pertinuisse, apparet ex verbis Marciani l. 1. princ. ff. *de leg. Jul. repet.* ubi dicit, legem spectare ad repetendas eas pecunias, quas quis cepit in magistratu, potestate, curatione, etc. *vel enim ex cohorte cujus eorum est.*

§ 17. *Consilii nostri exitus fuit: bona Classici, quae habuisset ante provinciam, placuit Senatui a reliquis separari: illa filiae, haec spoliatis relinqui.* Ita Baeticis, quae amiserant, restituta fuerunt: animadvertendum tamen est, heredes Classici non fuisse condemnatos in quadruplum, quam repetitionem etiam contra heredes intra annum datam fuisse, docet Cujacius in Paratit. *ad Tit. Cod. ad leg. Jul. repet.* ductus lege *prima et ult. h. Tit.* Hic vero simpliciter Baeticis ea restituta fuerunt, quae Classicus e provincia lucratus erat.

§ 17. *Additum est, ut pecuniae, quas creditoribus solverat, revocarentur.* Jam lege Servilia repetundarum, lata a C. Servilio Glaucia A. U. 663, et lege Cornelia, lata a Sulla Dictatore, cautum est, ut si bona condemnati non sufficerent, ad restituendam litis aestimationem, tenerentur ii, ad quos pecunia pervenisset. *Or. pro Rabirio Posthumo c. 4.* Idem caput etiam in lege Julia receptum fuisse ex hoc loco apparet. Imo postea Imperatores Severus et Antoninus rescripserunt, ut ex quo quis repetundarum aut majestatis reus factus esset, non amplius ei bona sua alienare, aut manumittere liceret. l. 20. ff. *de acc. et incript.* Hoc vero casu, quum filia Classici cogeretur ea reddere Baeticis, quae pater illi extorserat, et creditores etiam ejus deberent restituere, quae ex pecuniis inique congestis ceperant; ita Baetici plenam litis aestimationem acceperunt.

§ 17. *Hispanus et Probus in quinquennium relegati.* Non etiam haec obstant lis, quae supra diximus de poena repetundarum: non enim, ut jam observavimus, hujus criminis Baetici Hispanum et Probum reos postulaverunt, sed inquisitionem tantum, ut extraordinaria cognitione in eos animadverteretur. Quae igitur sequuntur inde a § 17, de reliquis

sociorum accusationibus, proprie non amplius ad iudicium repetendum pertinent, sed ejus occasione extraordinariae cognitiones de illorum criminibus habitaerunt.

§ 29. *Ex testibus quidam.* — Norbanum Licinianum legatum et inquisitorem, reum gestularit etc. Legati illi erant homines, qui a provincialibus Romam mittebantur ad Senatum, ut de Proconsule, finito ejus tempore, quererentur eumque reum deferrent. *Inquisitores* vero erant, qui, imprimis in causâ repetundarum, a provincialibus legebantur, ut testes et probationes criminum per provinciam colligerent, quibus Patronus contra reum uteretur. *Cic. in Verr. I. 2.* Alio sensu haec vox occurrit apud nostrum X. 99. ubi *inquisitor* dicitur is, qui conscriptos novos milites examinat, num justam corporis staturam habeant.

§ 30. *Est lege cautum, ut reus ante peragatur, tunc de praevariatione quaeratur, quia optime ex accusatione ipsâ, accusatorum factis estimatur.* Brissón. de *Antiq. Sol. IV. v. 7.* putat h. l. significari caput unum leg. Juliae publicorum iudiciorum, cuius alio capite a contrario sancitum, ut si quis ex lege quadam publici criminis accusatus, hanc exceptionem proponeret, quod eodem crimine ab alio antea accusatus et absolutus fuisset, tunc, antequam rei causa peragatur, prius videndum esset, de prioris illius accusationis praevariatione: l. 3. § 1. *f. de praevariat.*

Hoc vero Norbani casus, primum accusatio erat ad finem perducenda, atque tum de praevariatione inquirendam. Nihil tamen vetat conjicere, ipsâ lege Julia repetendarum ita cautum fuisse, quoniam Plinius absoluta *legem* dicens, eam significando videtur, de qua per totam hanc epistolam unice sermo est: alioquin addere debuisset, quoniam lege ita cautum esset. Verum quaeque ibi significatur, ejus ordinem in causâ Norbani minime servatum fuisse docet *Plin. id. xix. § 31.*

Cacterum plures erant praevariationis species; ea, cuius Norbanus accusabatur, et quam Salvius Liberalis reliquis etiam Baeticorum legatis inurere voluit (§ 36), in eo cernebatur, quod quis plures reos postulans, alios ejusdem criminis participes gratiâ aut favore corruptus praeteriret.

§ 33. *Damnatus et in insulam relegatus est.* Nam in criminalibus quae extra ordinem objiciebantur, si quis praevicator deprehenderetur, eadem poena adflictebatur, qua teneretur ex lege reus, nisi per praevariationem omissus, aut absolutus fuisset l. 6. *f. de praevariat.*

§ 35. *Indicavimus Senatui — probaretur.* Narrat hic Plinius, quid ipse fecerit, dum Norbanus praevariationis reus postulabatur. Dicit ergo (sic enim mihi difficilior hic locus explicandus videtur) se et collegam suum Septimum admonuisse, Norbanum, qui inquisitoris munere functus erat, sibi copiam testimoniorum et probationum fecisse, quibus accusatio niteretur. Itaque si probabatur Norbanus repetundarum reus malâ fide gratificatus, denud causam fore instruendam, si ad aliquam veritatem pervenire cuprent.

Epist. XX. § 9. *Non ut in recuperatoris judiciis, sic nos in his comitiis, quasi repente apprehensi sinceri iudices fuimus.* Recuperatores semper iudicasse videntur expeditius aliis iudicibus, in causis quae moram non patiebantur. Cic. *pro Tullio* Cap. 6. Itaque subito, sine cunctatione legebantur: huiusmodi igitur iudices inprimis bonâ fide et incorrupte munere fungi poterant, quia tempus, se alterutri partiâ vendendi, non vacabat. Eo sensu Plinius comitiâ in Senatu habitâ cum recuperatoris iudiciis comparat, quia novâ ratione per tabellas suffragia ferendi Senatores subito perculsi, ex fide et sine fraude eos magistratus creabant, qui creari debebant. Non nimis autem premendus est hic locus, neque ita explicandus, quasi Praetor de causâ cognoscens ex circumstantium coronâ subito designaret, et quasi apprehenderet, qui in recuperatorio iudicio iudicaret. At illud fuit discrimen inter recuperatores aliosque iudices privatos vel pedaneos, ut illi in iis causis sederent, quae prae aliis saepe celeritatem requirebant. Dabantur enim praecipue in iis iudiciis, quae imperio continebantur, diversis a iudiciis legitimis; — Illa pendebant a solâ Praetoris auctoritate, aut ejus qui cum imperio erat in Provincia; unde recuperatores etiam maxime dabantur in Provinciis et Romae in causis v. c. possessoriiis, in quibus Praetoris interdicto opus erat. Vidi Gajus Comment. IV. § 103, 105. Iudicia vero *legittima* erant ea, quae a JCtis dicta sunt *stricti juris*: in quibus non de *quantitate*, sed de *jure* controversia agebatur, opposita arbitriis, in quibus tractabantur causae bonae fidei. Caeterum quodammodo huius locus mihi ob stare videtur eorum interpretum sententiae, qui statuunt recuperatores ex Decemvirorum numero fuisse lectos. Decemviri enim magis consilium effecerunt, quod per certum atque determinatum tempus Praetori assidebat: neque igitur proprie poterant dici a Praetore repente esse apprehensi; quamvis tamen ex ipsis his Decemviris recuperatores subito designare potuerit Praetor.

## EPISTOLARUM LIBER QUARTUS.

### PARS PRIMA.

#### ANTIQUITAS, HISTORIA JURIS, VERBORUM SIGNIFICATIO.

Epist. I. § 4. *Oppidum est praediis nostris vicinum: nomen Tifernum Tiberinum, quod me pene adhuc puerum Patronum cooptavit.* Latissime apud Romanos patuit ius  
Pa-

Patronatus: non tantum omnes fere e plebe homines suos habebant patronos inter patricios, quibuscum mutua officia iis intercedebant, ut quasi pacto quodam, Patroni clientium commoda ubicumque in foro, in judiciis, in Senatu tuerentur, pauperes etiam alimentis sustinerent; clientēs vicissim in comitiis et honoribus petendis a Patroni parvibus starent: verum etiam singulae coloniae, oppida, municipia, Patronos sibi eligebant e Principibus Romanis, quorum jura et officia a patre saepe ad filium transibant: qui coloniam deduxerat plerumque ejus Patronus remanebat; etiam hujus praecipua officia in eo cernebantur, ut in urbe et apud Senatum municipum commoda tueretur: tum donariis, statuis, templis etiam, theatris aut balneis extruendis iis gratificaretur; vicissim summo honore ab his clientibus habebatur; utilitatem etiam et fructum aliquem ex eo patronatu percipiebat, quod tum aliis in causis, tum etiam usu veniebat, quando publici alicujus criminis reus fiebat; tum undique ex civitatibus, quarum Patroni erant, Romam confluebant legationes, testimonia et decreta Decurionum et municipalium exhibentes, in favorem rei, cujus moris frequentissima in Ciceronis orationibus fit mentio.

Epist. VII. § 6. *Ut circulator.* Occurrit eadem vox in *l. ult. ff. de extr. crim.*; ubi significatur, quisquis assiduo cursu urbium vicos lustrat, ut vel merces exhibeat, vel auctiones aut similia quaedam proclamet, et ejusmodi circumforaneo artificio vitam sustentet.

Ep. IX. § 6. *Haec accusatores furta ac rapinas, ipse munera vocabat: sed lex munera quoque accipi vetat.* Frustra quidam interpretes hinc de lege Cincia, aut Acilia etiam aut Calpurnia cogitarunt: significatur enim Julia repetundarum; hac cautum erat, ne Proconsul aut Praetor a provincialibus munera acciperet. lex 8. *ff. de leg. Jul. repet.* — Operae autem pretium sit, cum hoc Plinii loco conferre leg. 6. § 3. *ff. de off. Procos. et legati*: ibi docetur, Proconsuli xenia quaedam accipere licere, si modum in iis servet, quod permissum est Epistolae Divi Severi, quae lectu est dignissima; praeterea *mandatis* i. e. peculiari regula et lege agendi, quam a principe datam, in provincia regenda servare debebant Magistratus, permissum esse magistratibus provincialibus ea accipere, quae ad victum quotidianum pertinent; quae tamen non ejusmodi esse debent, ut munera et dona potius existimanda sint, ne in vetitum legis Juliae incidant. Distinguendum igitur est inter *xenia*, *dona*, *munera* et minora quaedam munuscula; *xenia* proprie erant exigua quaedam dona, quae abeuntibus hospitibus et amicis dabantur.

Præter hæc erat apud omnes antiquitatis populos consuetudo, cujus passim apud scriptores vestigia occurrunt. Sic e. g. hic laudate liceat Telemachum, quem abeuntem, apud Homerum, Menelaus hospitalibus donis prosequitur, equis et curru splendido. (*Odys. A. v. 587*).

Eo autem sensu vox apud nostrum usurpatur. VI. 6. 14; inde promiscue dicitur de

omnibus parvis munusculis, quae non tam pretii ipsius causâ, quam ad amicum et gratum testificandum animum dabantur.

Sic noster V. 14. 8. se ipsum beatum dicit, quod in advocacione *non modo partiant, dono, munere, verum etiam Xenis abstinerit*. Ex eo verborum ordine optime perspicitur paucitas eorum donorum, quae Xenia dicebantur: ea igitur accipere Proconsuli licebat.

Discrimen autem inter *donum* et *munus* notat Ulpianus l. 194 et 214. f. de verb. signif. Ibi docetur *donum* esse generis appellationem omnis rei quae datur, *munus* vero specialem denominationem rei quae ob certam causam, propter diem natalitium, vel Saturnalia, vel similem opportunitatem datur. Haec etiam *strenua* dicuntur, et testa Suet. in Aug. 57. Calig. 42, Principi Calendis Januariis dari solabant, et saepe ad immensas pecunias summas crescebant. Bassus autem repetundarum reus factus, in eo excusationem quaerebat, quod munuscula tantum natali suo die, aut Saturnalibus accepisset: hoc ipsum lege vetitum erat.

Denique quartam speciem enumeravimus eorum donorum, quae ad vitam quotidianam pertinent, ducti verbis Ulpiani in *dict. l. 6. § 3 in fin.* ubi discrete inter haec et Xeniola discrimen notatur. Offerebantur scil. a provincialibus etiam varia esculentis et poculis magistratibus, ut poma, rari fructus, delicati cibi, condimenta, aromata, vina eximiae, haec peculiarem quandam donationum speciem efficiebant, a quibus prorsus abstinere magistratibus non injunctum erat.

Epist. XI. § 3. *Geront enim togae fure, quibus aqua et igni interdictum est.* Hoc hoc unum e privilegiis civium Romanorum, sive potius insignibus, quibus a peregrinis distinguebantur, quod haberent *Jus togae*. Genus hoc vestimenti, amplum et laevum, magnam habebat dignitatis atque majestatis speciem, et proprium esse debebat Romanorum ingenio gravi et severo. Itaque dicuntur etiam *gens togata*, et opponuntur *palliatibus*, quibus imprimis Graeci significabantur, leviori quâdam veste usi. Hujus togae vero usus peregrinis erat interdictus, et summos honores Senatus externis Regibus cumulare putabatur, si cum aliis magistratuum insignibus, togam etiam praetentam dono illi mitteret. Verum hi nullum jus inde consequabantur: peregrinis vero in urbe degentibus *Jus togae* concessum, tribuebat quoque jura civilia Romanorum. Vidi *Brisson. Antiq. Sol. l. 19. ibiq. notas Treckell.* Quemadmodum autem toga erat Romanorum insigne, quo gloriabantur, sic qui civium jure privabantur, etiam illud togae privilegium amittebant. Itaque Valerius Licinianus, quum ei aqua et igne interdictum esset, quicum potius etiam maxima capitis diminutio conjuncta erat, *Jus togae amisit*, et palliatus incedere coactus est.

Ep. XII. *Parva, ut ipse ait Plinius, quaestulo, sed tamen quaestio componitur in his Epistola.* Marcellino, quaesturam in provincia agenti, nummi dati erant, quibus scribas cuidam praetitarum operum mercedem solveret. Decessit vero scriba, antequam dies venisset, quo merces ipsi debebatur. Retinuit ergo Marcellinus illam pecuniam; sed no-

leas

lens suum facere, Romam reversus primum Caesarem, tumque ejus jussu Senatum rogavit, quid hinc juris esset, utrum scribae heredibus solvi deberet, an aerario restitui. Haec causa, cum coram Senatu, ut videtur, acta esset, pronuntiatur est, pecuniam aerario esse inferendam. *Salarium* proprie erat munus, quod magistratibus a provincialibus dabatur, ut quasi et pecunia sal sibi emerent: quemadmodum vidimus Firmiano pecuniam datam esse, ex qua unguenta sibi compararet. II. 11. 23. Sed latiori sensu *salarium* erat merces, quae ut inde victum quaererent, tempore Caesarum maxime dabatur medicis, et illi qui artes liberales exercebant I. 4. § 2. ff. *de decur. ab ordine fac.* Sic etiam subministris magistratuum provincialium annua quaedam merces, nomine salarii, constituta fuisse videtur: apparet vero ex eventu hujus causae, salaria non ita data fuisse, ut tamquam merces locati operis pro certo tempore peti possent, et si v. c. quotannis 400 dabantur, non tamen 200 competere, si per sex tantum menses operas praestitae fuissent, sed magis doni instar illa habita fuisse, quod semper quidem dabatur, non tamen ante diem praestitutum peti poterat. Nam si revera operas locassent scribae, profecto heredibus merces denegari non potuisset illius temporis, quod defunctus in officio suo consumserat.

Ep. XV. § 3. *Nam in hoc quoque functus est — faciunt.* Miram profecto videri possit, praetorium orbitatis hic mentionem fieri, cum lege Julia et Papia Poppaea poena sanata esset contra orbos, ut v. c. semissem tantum relictorum capere possent. *Bastius dilst. Jur. L. III. c. 1. sect. 2.*

Verum explicanda sunt haec verba ex prava Romanorum ejus temporis avaritia. Erant enim homines foedi, qui omnibus blanditiis et adulationibus captate studebant conjuges vel coelibes orbos, ut deficientibus legitimis heredibus, ipse in eorum locum intrarent. Quorsum etiam pertinet locus *Plinii V. 1. 3.* ex quo apparet, foedam tamen et inhonestam hanc orborum captationem apud bonos habitam fuisse. Praemia igitur orbitatis in eo consistunt, quod homines liberis orbatu semper cincti erant officiosorum adulatorum corona, et munuscula etiam accipiebant ab istis heredipetis, quo majorem sibi favorem conciliarent. Passim apud Horatium et Juvenatem perstringuntur avari illi orborum captatores.

Ep. XXIII. § 3. *Leges 41 quae majorem aetatis 60 aetate reddunt.* Est locus apud Senecam *de brevitate vitae c. 20.* a Gesnero citatus, ex quo apparet, maxime hinc significari Senatorum excusationem. Dicitur enim ibi, legem a 60 anno Senatorem non citare. Praeterea ad Senatores tantum hanc 60 anni excusationem pertinere, planum est ex I. 1. § 3. ff. *de vacatione mun.* Ubi docetur eum, qui 65 annos natus est et tres liberos habet, non tamen a *muneribus civilibus* excusari; tutor autem post 70 annum quis fieri non cogitur § 13. *Instit. de excus. tut. v. cur.*

Disputatio num numerus 60 annorum rectus sit, quia obstat locus Senecae *Patris Consolatorum* I. 8. ubi docetur eandem vacationem anno demum 65 concedi, ad hujus instituti rationem minus pertinere. Magis igitur est, ut videamus, quatenam *leges* sint a Plinio hic signi-



significatae. Nusquam equidem invenire potui legem, quā ejusmodi quid sancitum fuerit. Pluribus locis apud nostrum mentio fit legis, quā de Senatus ordine aliquid statutum sit. Sic L. VIII. 14. § 9. memoratur *lex*, quā definita erat ratio suffragiorum ferendorum. Eo vero loco magis significari videtur peculiaris quaedam ordinatio, sive Senatus lex privata, in qua describebantur jura in Curia observanda, et officia privilegiaque Senatorum. Saepius etiam apud nostrum privata ejusmodi constitutio significari videtur, ubi *legis* mentio fit. Sic L. V. 14. 1. Flavius Aper in senatu Dextrum jurare coëgit *prolatā lege de Senatu habendo, e republica esse quod censuisset*. Multa enim ad interiorem habendi Senatus rationem pertinentia, magis usu et consuetudine, quam certā aliqua lege constituta fuisse, apparet ex l. supra cit. L. VIII. 14. 9. Ubi postquam variae partes juris Senatorii enumeratae sunt, haec subjunguntur, „omnia illa exemplis tradita fuisse, quod est fidelissimum praecipendi genus.” Erat tamen etiam praeter illam consuetudinem, lex quaedam scripta, quae Senatorii jura partes quasdam spectabat: in § 19. enim ejusdem Ep., verba ipsius legis citantur, sive illa privata quaedam fuerit ordinatio, sive Augustus de his rebus etiam constituerit, qui teste *Suet. in Aug. c. 35.* nova quaedam in Senatu habendo introduxit, eumque lege Senia supplevit. (*Tacit. Annal. XI. 25.*)

Ep. XXV. §. 1. *Suffragatorum nomina inventa sunt.* Suffragatores erant Viri honoribus jam perfuncti, qui candidatum aliquem fovebant, Principi amicisque commendabant, et variis artibus magistratum ipsi obtinere studebant, verbo omnia faciebant, quae intelliguntur locutione *necessitas ambiendi*, L. I. 1. 7. Sic in Ep. 17. l. 1. § 7. Corellius dicitur fuisse Plinii in petendis honoribus *suffragator* et testis. Pars hujus officii cernitur ex L. III. 20. 5. Ubi describitur antiqua ratio comitiorum in Senatu ad creandos magistratus habitorum. In iis quidam ex suffragatoribus pro candidatis graviter et pauca dicebant, *quod plus etiam quam preces poterat.*

## P A R S   S E C U N D A.

### J U S   P E R S O N A R U M.

Epist. II. § 2. *Hunc Regulus emancipavit, ut heres matris existeret.* Hic locus ita explicandus videtur. Regulus, cujus pravos mores jam saepius a Plinio notatos vidimus, unicum suum filium puerum adhuc emancipavit, i. e. per triplicem mancipationem et remanipationem, intercedente pacto fiduciae, qui ritus describitur apud *Gajum Comment. l. 132.*, e potestate dimisit. Idcirco autem ita fecit, ut filius matris heres existeret. Nimi-

virum mater filium heredem scribere videtur noluisse, quamdiu in patriâ potestate versabatur, ne pater hereditatem acquireret; quia fortasse, ob turpes ejus mores, Regulo infensa erat. Filius vero sui juris factus, poterat de hereditate maternâ, sive peculio adventitio, libere testare: quare eum, ut heredipetæ facere solebant, proprii indulgentia pater captare conabatur, ne in testamento praeferiretur. Interpretes prolixè disputant ad verba sequentia, quibus hæc Reguli captatio significatur, „mancipatum” (ita vulgo ex moribus hominis loquebantur) „foeda et insolita parentibus indulgentiæ simulatione captabatur.” Sed explicandum mihi illud videtur ex ipsâ mancipationis ritus naturâ. Filiusfamilias a patre ter extraneo *mancipabatur* et ab eo patri *remancipabatur*. Tertiâ demum vice *emancipabatur* et fiebat sui juris. Itaque, quamvis sæpe hæc voces confundantur, *mancipatus* propriè is est, qui tantummodo ex patris potestate exiit, ut in alterius mancipium veniat, ab eoque rursus, ex fiduciæ pacto, patriæ potestati committatur. Jam filius Reguli erat *emancipatus*, sed quia homines Reguli mores noverant et turpe consilium, quo illud facerat, vulgo dicebant, filium magis *mancipatum* esse a patre tertio, quo per eum reverâ in potestate retentum, ita acquireret, quam ex ejus potestate dimissum. Similis causa exponitur L. VIII. 18.

## P A R S T E R T I A

### J U S R E R U M.

**E**p. X. Satis jucunda quaestio exponitur hoc loco. Sabina Plinium et Sabinum heredes scripserat. Servo suo in testamento legatum adscripsit, additis verbis, *quem liberum esse jussi*: nusquam vero in testamento ejusmodi jussum reperiabatur. Jam quaerebatur, num ex voluntate manifestâ testatoris legatum ratum haberi posset, inutiliter servo proprio relictum. Responderunt JCI a Plinio interrogati, legatum Modesto non competere, quia libertas ei testamento non expresse data erat: servo autem proprio legari non poterat nisi sub conditione, § 32. *Inst. de legat.* Fortasse tamen nonnullâ contra hanc sententiam dubia moveri possint. Veluti verba, „quem liberum esse jussi,” eodem fere redeunt ac si testator in praesenti dixisset, *quem liberum esse jubeo*; nam ex voluntate domini servus libertatem nanciscitur. Voluit autem Sabina liberum esse Modestum, nam credidit se libertatem ipsi dedisse: Ex voluntate autem testatoris multa ambigue dicta explicanda et semper in dubiis benigniora praeferenda sunt, ut inquit Gajus l. 56. ff. de reg. Jur., cui addatur eximia sententia Pauli l. 179 ff. eod. „in obscurâ voluntate manumittentis

tis favendum esse libertati." Idem probus et honestus Plinii animus sensit, et ubi manifestam testatricis voluntatem perspiciebat, ibi e defectu scripturae lucrum facere noluit. Operae pretium ait adscribere hęc loca quaedam Plinii, e quibus appareat eximius ejus honestatis sensus, imprimis in pie observandis defunctorum voluntatibus. „Confido," inquit in hęc *Ep.* § 3, „accessurum te sententiae meae, cum religiosis soleas custodire defunctorum voluntatem, quam bonis heredibus intellexisse pro jure est: neque enim minus apud nos honestas, quam apud alios necessitas valet." Aurea sane sententia, et in quā nescias, utrum magis admireris insigne virtutis studium, an dicti concisam elegantiam. Similis sententia est *L. II. 16. 2.* ad quem locum jam semel substatimus, ubi dicit, „sed ego propriam quamdam legem mihi dixi, ut defunctorum voluntates, etiamsi jure deficerent, quasi perfectas tuerer." Et in *L. V. 7. 2.* „Hoc, si jus adspicias irritum: si defuncti voluntatem ratum et firmum est. Mihi autem defuncti voluntas (veror quam in partem Jcti, quod sum dicturus, accipiant) antiquior Jure est." Cf. *I. 98. ff. de fid. commiss. libert.* — Veracē igitur sunt laudes, quas elegantissimā oratione Plinii ingenio, moribusque tribuit Cl. *van Hall in dissert. Belg. conscripta de C. C. Plinio Secundo in praefatione p. 11.*

## P' A' R' S   Q' U A' R' T' A.

### CAUSAE NOBILES, ACTIONES, JUDICIA PUBLICA ET PRIVATA.

**Ep. IX.** Continetur hęc Epistola causa Julii Bassi, qui, cum jam semel sub Vespasiano accusatus et absolutus fuisset, nunc a Bithyniā provinciā, cui Proconsul praefue-  
rat, et in quā antea etiam quaesturā functus erat (§ 6.) repetundarum reus factus est. Defensionem ejus Plinius contra Pomponium Rufum et Theophanem suscepit, satis difficilem: nam cum in aliis criminibus magis laudem, quam poenam mereretur, illud negari non poterat, eum contra legem a provincialibus dona et munera accepisse, quod ipse reus confessus erat (§ 8). Eo tamen successu Plinius cum Lucio Albino, deinde etiam Titius Homullus et Fronto pro Basso egerunt, ut quarto die causā ad finem perductā, Caepione Hispione censente, Judices ad litis aestimationem reo dati fuerint, salvā tamen ejus dignitate. Baebius Maecius contra, Consul designatus, eum plene lege repetundarum teneri voluerat (§ 16—17). Tertia etiam fuerat sententia Valerii Paullini, qui, ceteroquin cum Caepione faciens, referendum censuit de Theophane, quem in ipsā accusatione contra legis repetundarum vetitum eglasse contendebat; verum haec sententia effectum non

sortita est. Eadem vero hac opportunitate SCrum factum videtur, quo omnia Bassi in provincia acta rescindebantur, et iis, de quibus aliquid statuisset, spatium biennii concedebatur ad agendum de novo, et petendam restitutionem. *Vid. L. X. 64.*

Ep. IX. § 5. *Dicerem de conspiratione delatorum, quam in quaestu habebant.* Significantur pactiones illae improborum quorundam civium, qui ad movendam alicui litem, aut accusationem, coibant et ex spoliis damnatorum turpe lucrum faciebant, quorum machinationes coërcitae fuerunt SCto Volusiano. De iisdem sermo est L. V. 4. nbi queritur Nigrinus, *in lites coiri et gloriae loco poni ex spoliis civium magnos et statos redditus*; non vero cogitandum hic de *quadruplicatoribus*, sive illis delatoribus, qui bona vacantia fisco deferebant, et ut praemium delationis, quartam bonorum partem accipiebant. Hoc nomen enim proprium tantum fuisse videtur huic generi delatorum, non vero aliis publicorum criminum accusatoribus. *vid. Gesner. in Not. ad h. l. (\*)*.

§ 15. *Censuit Baebius Macer Cos. designatus, lege repetundarum Bassum teneri: Caepio Hispo, salva dignitate, iudices dandos.* Ad hunc locum, juncto illo in § 20: *negant enim congruens esse retinere in Senatu, cui iudices dederis*, — redeundum iterum est ad quaestionem, jam plus semel tractatam, de poenâ legis Juliae repetundarum. Videtur enim vehementer repugnare sententiae, quam nobis vero similem esse diximus, ordinis amissionem non ipsâ legis poenâ comprehensam fuisse. Nam quum Baebius Macer censuisse dicitur, ut lege repetundarum teneretur Bassus, Caepio vero mitioris sententiae patronus, ut salvâ dignitate iudices darentur, exinde dicas Caepionem eo benigniorem sententiam protulisse, quod Bassum non dignitate privari vellet, quam adimebat Macer, eo ipso quod lege repetundarum eum teneri censebat: Itaque poenam legis Juliae etiam fuisse ordinis amissionem. Verum animadvertendus est peculiaris Bassi casus; non negabat se munera accepisse, sed bonâ fide, non vero culpae conscius ita fecerat. Quare Caepioni aequum videbatur, ut quae cepisset quidem contra legem, ea secundum legem iudicibus datis restitueret: verum propter bonam fidem, infamiae notam ipsi inuri nolebat, quâ fiebat, ut Senatu moveri posset. Macer vero legem plenam suam vim etiam in Bassi causâ obtinere volebat, et cum eo faciebant ii, qui dicebant incongruum fore, si retineretur in Senatu, cui iudices dati erant; nimirum tam penitus conjuncta erat cogitatio infamiae cum litis aestimatione ex iudicio repetundarum, ut cui semel iudices dati erant, is non amplius dignus haberetur qui Senati adideret, quia plerumque ordine movebatur. Itaque apparet, in nostram sententiam hunc locum commodè explicationem pati. Cacterum hoc etiam dictum velim, non proprie referre, utrum legis poenâ, an censorio iudicio Senatu moti fuerint repetundarum damnati, quoniam effectus erat idem; at tamen discrimen

(\*) Neque tamen legibus Caducariis demum, nomen et originem debere videntur Quadruplicatores: quippe qui plus semel memorantur apud Ciceronem. *Vid. v. g. Divinat. c. 7. in fin. Act. II. in Verrem 2. c. 7. in fin.*

men illud reverâ extitisse potuit: quod argumento *Epist. IX. L. II.* credere malimus.

Ep. XXIX. § 2. *Ecce Licinius Nepos, acer et fortis vir, mulctam etiam dixit Senatori.* Monet Plinius Voconium Romanum, ut Romam veniat ad judicandas causas graviores, de quibus proxime coram Praetore ageretur. Atque ut eum efficacius etiam hortetur, narrat Praetorem Licinium Nepotem Senatori, qui Judicis munus abnuerat, mulctam dixisse. Docemur igitur h. l. Praetores potuisse mulctâ coërcere eos, qui suâ vice, aut quum a partibus electi essent, judicare recusarent, quamvis hoc non certâ lege cautum et tempore Plinii obsoletum, a Licinio tum demum reductum fuisse, conficias ex § 3. huj. *Epist.* Verum mulcta haec indici non poterat, nisi ab Urbe abesset, qui judicare debebat: nam qui aderat et excusationem justam non habebat, etiam invitus pignoribus captis judicare cogeatur: *l. 13. § 2. ff. de vacat. et excus. mun.* Cernitur etiam in hac Epistola ingens, hoc quoque tempore, Senatûs auctoritas: cum enim Praetor Senatori mulctam dixisset, is apud Senatum questus est et precatus, ut haec sibi remitteretur. Et Senatus non quidem Praetoris decretum rescidit sed tamen poenae quam dixerat veniam concessit.

## EPISTOLARUM LIBER QUINTUS.

### P A R S P R I M A.

#### ANTIQUITAS, HISTORIA JURIS, VERBORUM SIGNIFICATIO.

**E**pist. I. § 2. *Curianus filius orabat, ut sibi donarem portionem meam, seque praedicio suryocem: eandem tactâ conventionis saluum mihi pollicebatur.* Aspidius Curianus, homo dives et orbis, a matre Pomponia Gratilla testamento exheredatus erat, quae Plinium et alios quosdam heredes scripserat. Curianus autem hereditate matris non quidem indigebat; sed ne judicio defunctae jupiter notatus videretur, et querelam tamen inofficiosi, propter conscientiam male de matre meritorum, movere vix ausus, Plinium convenit, eumque precatus est, ut sibi portionem suam hereditariam donaret, sperans fore, ut si homines viderent eum a Plinio eo honore esse habitum, confiderent a matre inique esse exheredatum: simul promittebat, se portionem, quam accepisset, Plinio case restitutum. Is vero recte objecit, tum alia, tum haec, donationem illam non  
pos-

posse impedire, quo minus eum homines recte a matre exheredatum crederent; et ita demum hanc labem dilui posse, si iudicio inofficiosi testamenti heredes instituti ipsi hereditatem cedere cogerentur. Quare suadebat Curiano, querelâ inofficiosi experiri; is vero ductus metu ne repulsam ferret, si publice agere institueret, iterum rogavit Plinium, ut privato rem cognoscere vellet: quod obtinuit. In iudicii ergo modum, cui ipse praesidebat, adhibitis in consilium duobus JCTis, de causâ cognovit, et audito Curiano, contra ipsum pronunciavit.

Caute distinguendum hoc privatum Plinii iudicium ab arbitriis privatis ex compromisso. In his enim partes conveniebant pacto vel jurejurando, aut certâ pecuniae summâ depositâ, ut ad componendam controversiam viri amici et juris periti arbitrio se committerent. Sententia hujus arbitri dabat pacti exceptionem, et inter interpretes disputatur, utrum ab illâ appellare licuerit. Vid. *Cujac. in Paratit. ad Cod. L. III. T. 55.* Sed plane diversus erat Curiani hic casus: is enim Plinium, qui ipse erat litis particeps, fidei atque probitati ejus se committens, rogavit, ut inspicere vellet causas, quibus mater dueta eum exheredaverat, utrum justae essent. Neque hujus disquisitionis, aut sententiae, ulla erat vis in jure: nam, quamvis contra Curianum pronunciasset Plinius, tamen is a movendâ querelâ inofficiosi contra ipsius coheredes non destitit. (§ 6). Itaque magis significatur illud amicorum iudicium, qui apud Ciceronem pro Quintio c. 5. *disceptatores domestici* vocantur, a quibus si res componi non potuisset, tum demum vocatio in jus sequebatur.

Epist. I. § 3. *Praeterea non esse satis honestum, dare et locupletari et orbo.* Laudavimus jam hunc locum ad *Lib. IV. Part. I. Ep. 15.* Ubi egimus de hereditate. Nimirum Plinius idcirco Curiano portionem suam donare volebat, ne videretur hac donatione Curiani divitis, et legitimos successores non habentis, animum sibi velle conciliare, ut ex ejus testamento caperet.

Epist. I. § 9. *Ibi ego — tantundem.* (§ 11). Habemus hic exemplum transactionis specialis extrajudicialis: Curianus metuebat eventum querelâ inofficiosi: ipsi heredes non eo iudicio implicari cupiebant. Igitur in aede Concordiae partes conerunt, et Plinius eas conciliare studens, ita Curianum a querelâ movenda desistit et perpulit, ut quartam bonorum partem acciperet, aequae ac si non exheredatus, verum hereditas legatis exhausta fuisset, quo ut eum magis etiam perduceret, promisit se quartam illam ex suâ portione esse supplementum. Honestas igitur et verum animi decus Plinii in hac causâ rursus conspicuum fuit: quare etiam Assudius Curianus ipsi legati honore in testamento gratum animum testificatus est. Caeterum plura loca notabilia continet haec Epistola, quae tractabimus, ubi de iudiciis causisque agemus.

Epist. IV. init. *Vir praetorius solers a Senatu petit, ut sibi instituire in agris suis nundinas permitteretur.* Non licebat civitatibus aut municipiis, imo ne privatis quidem hominibus, in propriis fundis novas nundinas pro lubitu introducere, ne vel auctâ nego-

tiorum in ejusmodi loco, et hominum frequentia, vicina oppida damnum inde paterentur, neve plures homines in unum locum saepe convenirent, quam justum et tutum videretur. Jus igitur nundinarum instituendarum impetrandum erat libera repub. a Senatu, ut videtur, quandoquidem, etiam sub Caesaribus, penes ipsum hujus rei arbitrium fuisse, ex hoc Plinii loco discimus: tum in Suetonio legimus in *Vita Claudii* c. 12. „Imperatorem jus nundinarum in suis praediis instituendarum a Consulibus petiisse. Consules vero sine dubio hac de re ad Senatum retulerunt; non credibile enim est, penes eos fuisse arbitrium decernendi in causa, quae tam gravis existimabatur, ut ne ipse Princeps quidem propria auctoritate sibi agendum esse hac in re duceret. Caeterum hancce etiam Senatus cognitionem, ut plerasque alias, Imperatores deinceps cum eo partiti sunt, atque ita a Principe petendum esse jus nundinarum introducendarum, docetur *l. 1. ff. de nundinis*. Qui vero hos mercatus publice concessos per decennium non exercebat, eorum usum atque privilegium amittebat. *l. 1. ff. cit.*

Epist. XI. Non inficete Plinius hac Epistolam Suetonium flagitat, ut Historiarum libros edat, quos omnes cupide expectabant. Utitur per totum hunc locum locutionibus et formulis e jure desumptis; Sponsores, inquit, hendecasyllabi mei exstiterunt amicis communibus, fore ut mox libros tuos ederes: nunc autem jamdiu es in mora solvendi: libera ergo illos hoc sponsionis onere, tandem in vulgus emittendis libris. Cernitur hic discrimen, quod saepius deprehenditur inter *sponsores* et *fidejussores*: *Spondere*, magis dicitur is, qui sua fide promittit aliquem aliquid esse praestitutum: Sic hendecasyllabi Plinii sponsores quasi erant Tranquilli, fore ut mox scripta sua editurus esset. Fidejussores magis sunt, qui in securitatem creditoris principali obligationi accedunt. Vid. *Heinecc. Antiq. ad Tit. Inst. de fidejuss.* § 4. — Sed ulterius jocum persequitur Plinius: queritur hendecasyllabos suos, tamquam sponsores Suetonii, quotidie quasi ab ejus creditoribus conveniri, ut datam fidem praestent: imo impatientiorem esse coepisse creditorum moram et nil mirum fore, si mox ad Praetoris Tribunal vocarentur, ibique solenni formula adigerentur exhibere rem promissam. Gratum lepos et urbani joci sales, huic loco adpersi sunt.

Epist. XIV. § 7. *In fine dixit: petendum ab optimo Principe, ut quia leges, quia SCta contemnerentur, ipse tantis vitiiis moderatur.* De opportunitate, quam Nigrinus hanc sententiam protulit, postea commodius videbimus. At etiam in hac Parte ad hunc locum subsistendum esse putavi, quia argumento esse possit, quam penitus jam tunc Romanorum mentibus inhaeserit Caesaris cogitatio, tamquam summi Imperantis, qui non tantum jus facere libere posset, sed etiam efficacius, quam leges aut SCta, illud constituere.

Epist. XV. *Secesseram in municipium, quum mihi nunciatum est, Cornutum Tertullum accepisse Aemiliae viae curam.* Operae pretium est ad hunc locum quaedam adnotare de ratione curandarum viarum, tam Urbanarum quam publicarum. Libera republica Aedilibus Curulibus, ut aedificiorum publicorum, sic etiam viarum cura erat commissa.

Videre debebant, ut omnia haec essent sarta tecta, ut tutus per Urbem incessus pateret, utque impedimenta e viis amoverentur. vid. l. 42. ff. de Aedilit. edict.: cujus officii partes describuntur in Tit. ff. de via pub. et si quid in ea factum esse dicatur. — Censorum autem, quibus nonnulli hoc munus adscribunt, magis fuisse videtur novas vias sternendas publice locare. Habebant etiam Aediles ministros quosdam, sive Magistratus minores, Quatuorviros dictos viarum curandarum intra Urbem. Pompon. de orig. Jur. § 30. Distinguendum porro inter vias publicas, et magnas illas militares, quae gloriae suae monumenta posteritati reliquerunt Romani. Hisce peculiare Curatores etiam liberâ republicâ erant praepositi, quorum postea auctoritatem auxit Augustus, constitutis viris Praetoriis ad muniendas vias. Non levis horum erat dignitas, si quidem binis lectoribus urebantur, et ut ex hoc Plinii loco apparet, etiam post consulatum et summos honores illud munus concedebatur, et honorificentissimum existimabatur. Singulae viae militares suum videntur habuisse curatorem: sic Cornuto Tertullo viae Aemiliae cura mandata fuit. Vid. Lipsius ad Tacit. Annal. III. 31. et Everardus Otto in diss. de tut. viar. pub. II. 5.

---

## P A R S   S E C U N D A.

### J U S   R E R U M.

**E**pist. VII. Satis gravis in hac Epistolâ exponitur quaestio de civitate herede instituendâ. Scil. his verbis, „Nec heredem institui, nec praecipere rempublicam posse constat.” docemur errare eos, qui civitatem, rempublicam, aut municipium ex testamento heredis titulo capere potuisse affirmant, antiquo Jure Romano. Vid. v. c. *Westenberg in comp. ff. ad Tit. de hered. instit.* § 12. Qui ad probandam suam sententiam affert v. c. l. 26. ff. ad SCum Trebellian. Sed ex hac lege illud tantummodo scimus, quod etiam aliunde satis constat, hereditates per fideicommissum civitatibus restitui potuisse ex SCto Trebelliano. Concessum illud est SCto Aproniano, de quo disputant Viri docti ad quodnam tempus referendum sit. Sed vero similior eorum videtur sententia, qui sub Trajano factum esse existimant. Eo certe regnante hereditates per fideicommissum civitatibus transmissae fuerunt. Exemplum habemus ex ipso Plinio depromptum L. X. 79. Ubi a Julio Largo fiduciarium heredem se institutum esse narrat, ut praeceptâ certâ summa, hereditatem Heracleotarum et Tianorum civitatibus restitueret. Vid. *Bach. Diss. de legib. Trajan. p. 137.* Contrariam sententiam tuetur *Heinecc. Antiq. Rom. ad Instit. II. 14. § 2.*



~~S. 2~~ Est vero haec L. 26 cit. inprimis argumentò, non licuisse directe civitates instituere; idcirco enim fideicommissa introducta sunt, ut iis etiam relinqui posset, quibus directe capere legibus vetitum erat. Afferuntur etiam a *Westenberg. l. 117 et 122. ff. de Leg. 1.* Verum his legibus docetur, legari posse civitatibus, non vero hereditatem relinqui; atqui antiquitòs, ne legatum quidem civitati relictum valebat. Sed primum Nerva rescripsit, tum Hadrianus SCto sanxit, ut omnibus civitatibus, quae sub imperio Romano erant, legari posset. *Ulpian. fragm. XXIV. 28.* Nunquam igitur antiquitòs civi Romano licuit universitatem aliquam heredem instituere, quia incerta ejus censebatur esse persona; sed excipitur unus casus. Poterat enim libertus a civitate manumissus civitatem illam heredem instituere, quod sancitum est SCto memorato in *l. un. § 1. ff. de libert. universitat.* Animadvertenda praeterea sunt sequentia Plinii verba, ubi dicit neque *praecepere posse rempublicam.* Pertinent haec ad modum legatum relinquendi per praeceptionem, de quo multa habet *Gajus Comment. II. 216.* Per praeceptionem legabatur his verbis, *L. Titius hominem Stichum praecepito.* Unde variae erant interpretum sententiae: quibusdam, ut ipso Gajo ejusque praeceptoribus, et Sabino censentibus, nulli per praeceptionem legari posse, nisi qui ex hereditate etiam caperet, quia magis ad successionis, quam ad legati naturam accedere videbatur haec praeceptio: quare iidem contendebant, quod per praeceptionem legatum erat, nullo modo peti posse, quam judicio familiae erciscundae, et proprie ita tantummodo relinqui posse quod esset testatoris. vid. *Gaj. l. cit.* Sed diversae scholae auctores existimabant, legatum per praeceptionem extraneo relictum valere, et quum praepositio *prae* addita voci, *capito*, pene inutilis esset, aequè habendum esse, ac si simpliciter per vindicationem legatum esset. Jam Plinius his verbis docet, tale legatum civitati relictum non valere: atque ratio in promptu est: nam legatum praeceptionis, secundum plurimorum Jctorum sententiam, relinqui non poterat, nisi heredibus: respublicae autem heredes scribi non poterant; atqui ergo. Plinium igitur cum hisce auctoribus fecisse dicas, si nempe jam tum, ut satis probabile est, Imperator Nerva introduxerat novum jus, ut civitatibus posset legari. Etiam si enim legatum iis relinqui posset, non tamen *per praeceptionem* ita fieri posse existimabat. Quod si oppositae sententiae eum addictum fuisse statuamus, Plinium hanc epistolam scripsisse credere debemus, antequam Nerva novum jus introduceret.

Hisce omnibus praemissis, videamus de ipsa causâ, quam hic exponit Plinius. — Saturninus ipsum et Calvisium heredes scripserat: atque ex eodem municipio Como cum iis ortus, pro quadrante illud instituerat: deinde vero, nescius rempublicam, neque ex testamento heredis titulo, neque etiam legati nomine, si per praeceptionem relinqueretur, capere posse, pro quadrante illo, sive ut minus, sive ut plus etiam relinqueret, jussit; ut quadringenta millia civitas Comensium ex hereditate praeciperet. Utrumque, ut dicit Plinius, si jus adspicias, irritum erat: sed apparuit rursus insignis ejus, quam jam semel notavimus in simili causa, pietas et defunctorum voluntatis observatio.

Sa-

Saturnini enim extremum iudicium stricto jure antiquius sibi esse dicit: et Calvisium monet, ut in Senatu Comensium legatum iis inutiliter relictum offerat; ut cum simul exposuisset, quid proprie juris fuisset, non tamen Plinii liberalitatem, verum Saturnini munus, suam tantummodo ejus voluntatis observantiam laudarent.

### P A R S T E R T I A.

#### CAUSAE NOBILES, ACTIONES, JUDICIA PUBLICA ET PRIVATA.

**E**pist. I. § 6. in fin. *Post hoc ille cum cacteris subscripsit Centumvirale iudicium: mecum non subscripsit.* Curianus, postquam privato Plinius cum duobus Juris peritis, Corellio et Frontino, de jure ejus querendi inquisivisset, et justas causas eum irascendi non habere pronunciasset, ad hanc tamen sententiam non substitit: verum Praetorem adiit, et questus est se injuste esse exheredatum. Et quum ad causas Centumvirales imprimis omnes pertinerent, quae in hereditatibus earumque petitionibus versabantur, et sic etiam inofficiosi querelae (vid. l. 13 et l. 17. *princ. ff. de inoff. testam.* Exemplum est apud nostrum in causâ Acciae Variolae, quae describitur *L. VI. Ep. 33.*), ipse Curianus, et heredes instituti, iudicium Centumvirale subscripserunt, excepto Plinio, quocum pudore fortasse motus non subscripsit, quia jam antea moderate et aequè ipsi querelam abjudicasse videbatur. — Merito autem hic quaeratur, quaenam fuerit illa subscriptio Centumviralis? Res sane est difficilis, quia in nullâ alia causa privata, qualis erat querela inofficiosi, partes, quantum sciam, *subscripsisse* memorantur, et ubi *subscriptionis* mentio fit, ea plerumque intelligitur, a quâ accusator in criminibus publicis incipere debebat. Vid. ex. gr. l. 7. *ff. de accus. et inscript.* Non talis subscriptio hîc intelligi potest: non enim querela inofficiosi erat accusatio aliqua publica; at possit fortasse res explicari ex ipsa ratione et naturâ querelae inofficiosi: haec enim non proprie erat actio, quae intendebatur heredibus institutis ad repetendam hereditatem, sed impugnatio iudicii defuncti, quâ petebatur, ut rescinderetur testamentum tamquam non sanâ mente factum; neque igitur poterat contra heredes agi solito mōre, ut in jus vocarentur, ut solennes ritus observarentur citationis, vadimonii, etc.; sed quandoquidem tamen in eo versabatur heredum scriptorum commodum; ut filio, aliive querelam moventi, contradicerent, cum eo conveniebant, instrumento quodam ab utrâque parte subscripto, ut Centumvirorum iudicio causa cognoscenda committeretur: ut si probaretur testator iniquis causis motus, et quasi non sanâ mente exheredasse, testamentum tamquam non jure factum rescinderetur,

tur, et hereditatem inique exheredato heredes restituerent. Haec igitur mihi illa subscriptio fuisse videtur.

Dicit praeterea Plinius, Curianum *scdm non subscripsisse*. Hinc oritur alia quaestio, de qua videre non abs re sit: nam quomodo fieri potuit, ut Curianus contra reliquos heredes querelam inofficiosi moveret, non vero contra Plinium. Alius enim effectus totum testamentum corruebat jure antiquo, atque etiam Plinii tempore, neque tantum heredis institutio, sed etiam tutoris datio, legata, fideicommissa exstinguebantur, quod postea demum mutatum a Justiniano in Nov. 115. Atqui, si Curianus victor ex judicio discedebat, totum matris testamentum pro non scripto habebatur, neque igitur ratione Plinii solius effectum sortiri poterat. — Verum explicanda rursus haec difficultas ex interiori querelae ratione, quae, ut jam diximus, non proprie erat actio quaedam, contra heredes mota, neque igitur, ut ceterae actiones, quibusdam causis praescribi poterat. Interpretatione enim Istorum demum introductum est, ut quinquennio praescripta censeretur, quia etiam de statu defunctorum, post quinquennium a tempore mortis, quaerere vetitum erat. Quod primum introduxit Imperator Nerva, l. 4. ff. *de statu defunct. post quinquennium quacunque*. Non tamen tempore Plinii haec quinquennalis praescriptio in foro recepta fuit, sed ut tamen certis quibusdam finibus circumscriberetur querelae movendae licentia, antiquitus hoc jus invaluisse videtur, ut heres, tamquam bonae fidei possessor, anno usucaperet res hereditarias, adeoque, si post illud tempus querelam moveret, repelleretur exceptione longi temporis, nisi lis jam contestata fuisset, siue alio modo, siue subscriptione Centumvirali. Anno enim usucapiebantur omnes res hereditariae, etiam quae solo continebantur, quamvis proprie ipsa hereditas usucapi non posset: sed quia lex XII tabulis soli, siue immobilibus, biennium ad usucapiendum praefiniverat, caeteris vero annum: hisce etiam hereditas contineri credebatur, quae certe non erat res soli. Docet haec *Gaius Commentar. L. II. § 54*. Jam nihil vetabat exheredatum querelam movere cum quibuscunque vellet heredibus, neque debebat cum omnibus subscribere; res enim eodem redibat, quia si victor discedebat, ab omnibus heredibus, testamento rescisso, hereditatem recuperabat, nisi tamen interim is heres, quocum non subscripserat, res hereditarias anno praeterlapso usucepisset. Hic enim, si testamentum rescindebatur, tutus erat, non quia contra eum querela non mota fuerat, sed vi usucapionis; sic etiam in hac causa si Curianus cum reliquis matris heredibus, praeter Plinium, Centumvirale iudicium subscripserat: jam si intra annum post aditam hereditatem testamentum rescissum fuisset, etiam Plinius portionem suam hereditariam restituere debuisset. Sed cum res nondum ad finem perducta esset, biennium jam erat praeterlapsum, tumque omnia usuceperat; itaque ipse hanc causam affert in § 10. *h. Epist.* „Scis te non subscripsisse mecum et jam biennium transisse, omniaque me usucepiisse.”

*Epist. I. § 7. Appetebat iudicii dies, — capitis rei exirans.* Dixeris ex hoc loco, in Centumvirali iudicio etiam de publicorum criminum accusationibus actum fuisse, quem quo-

quorundam Interpretum errorem nonstat. *Sicam in Dissert. de Jud. Centumvir. L. I. 7.* Neque etiam locus hic ejusmodi interpretationi ansam praebere potest: non enim dicuntur heredes Plinii timuisse, ne in Centumvirali judicio publici criminis alicujus accusarentur, verum ne ea protraherentur, e quibus capitis rei fieri possent. Nimirum quidam ex illis amicitiae necessitudine conjuncti fuerant cum Junio Aruleno Rustico, qui sub Domitiano ultimo supplicio affectus est, quia in laudem Pacti Thraseae, et Helvidii Prisci, librum composuerat (vid. *Suet. in Domit. 10. Tacit. in Vit. Agric. 2.* mentio etiam ejus fit apud nostrum *L. I. 5. 2. L. I. 14. 2. L. III. 11. 3.*), et cum uxore ejus Pomponia Gracilla, quae item sub Domitiano relegata fuerat: Jam metus temporum, ne scilicet haec amicitia sibi in fraudem verteretur, heredes Gracillae centumvirale judicium timebant, ne cogerentur fateri, familiaritatem quandam sibi cum majestatis condemnatis intercessisse. Caeterum alius etiam locus e Plinio probari possit, ad probandum apud Centumviros publicas causas actas fuisse: scilicet ex *L. VI. 38. 9.* Ubi centumvirale judicium discrete a privato distinguitur. Sed commodè etiam aliam explicationem hic locus patitur. Dicitur enim in causâ Acciae Variolae tantas computationes et calculos usu venisse, *ut in privati judicii formam centumvirale versum videretur.* Alio autem sensu judicia privata hic dicuntur, quam quo opponuntur publicis: sic enim intelliguntur ea, in quibus causae e jure civili tractantur, quando publica contra sunt, in quibus de publicorum criminum accusationibus agitur. Hoc vero loco magis videntur intelligenda *arbitria*, quae opponuntur *judiciis legitimis* sive stricti juris, et in quibus causae agebantur bonae fidei. Nam, qui in ejusmodi arbitrio dabantur a Praetore, haud semel dicuntur etiam *judices*, et arbitria ipsa praetoria, *judicia*: certe eo sensu *judicium privatum* hic accipiendum esse, apparet ex toto contextu: quamvis enim causae publicae quoque coram centumviris agi potuissent, hic certe privata lis agebatur: absurdum autem fuisset dicere, judicium centumvirale in privatum mutatum fuisse, quum in eo ipso causa tractaretur privata: jam nihil mirum est in arbitriis, quae hic dicuntur judicia privata, et in quibus non quaerebatur *utrum*, sed *quantum* debebatur, multas tabulas et computationes usu venisse. Neque igitur ex hoc loco probari possit, Centumviros de publicis causis cognovisse.

Epist. IV. Quae ad hanc Tusculi Nominati, et Vicentinorum causam pertinent, in quibus multa de judiciis et advocacionibus notata digna occurrunt, una adnotatione aptius comprehendemus.

Tusculus Nominatus in Senatu, Vicentinorum legatis advocatus adfuit, quo impediretur, quo minus Sclerti, nundinarum jus roganti, illud concederetur; cum eo die res ad exitum perducì non potuisset, et sequenti Senatu iterum de ea agi deberet, legati sine Tusculio Nominato intraverunt, et causam rogantibus ab ipso se deceptos querunt. Compertum tunc est, Nominatum pro prima advocacione non tantum contra legem pecuniam a legatis accepisse, sed etiam pro alterâ, in qua, quod gravius erat, promissâ non aeternâ.

Hæc in primis perfidia motus, Nepos Praetor postulavit, ut in Senatum Tuscillus introduceretur, et de eo extraordinaria cognitio haberetur. (§ 3.) Crimen enim advocati, qui causam deseruerat, quamvis proprie praevaricatio dici non posset, extraordinaria tamen cognitione puniebatur. l. 1. § 1. ff. *de praevaricatione*. Quum igitur inductus esset Nominatus, (Epist. XIV. h. 1.) Vicentinorum testimonio adjutus, accusationem perfidiae diluere conatus est (§ 1—3), quod tam probabiliter fecit, ut censente Consule designato absolveretur, quia non tam fraude egisse videbatur, quam constantia caruisse; quare hoc praevaricationis crimine liberatus fuit. Erat tamen unus, qui Nominatum et poenâ afficiendum censeret, ut in quinquennium ipsi advocacy interdiceretur; unde apparet, quaenam vulgaris poena fuerit extraordinariae illius de advocatorum praevaricatione cognitionis: et quam deminuta jam tum fuerit causarum patronorum antiqua libertas et existimatio, ut peculiarem quandam advocacy artem publice profiteri censerentur, cujus licentia ut dabatur, sic poenae nomine adimi peterat. — Probe autem animadvertendum est, de eâ tantum Nominati accusatione actum fuisse, quod scil. causam deseruisset: de acceptâ vero pecuniâ sententia Consulis Afranii id tantum statutum est, ut eam Vicentinis restituere deberet (§ 5.) Nimirum SCTo Neroniano, facto A. U. 808, postquam lege Cincia primum, dein SCTo sub Augusto facto, causarum patronis ob causas orandas pecuniam accipere prorsus vetitum fuerat, sub Claudio vero Imperatore SCTum, modum huic rei adhibuerat, ut ad dena usque sestertia quis ob causas orandas capere posset, SCTo igitur illo Neroniano, auctore Tacito *Annal. XIII. 5.* cautum, *ne quis ob causam orandam mercedem aut donis amaretur*. Teste vero Suetonio in *Nerone 17.* novus eo modus definitus est, ad quem capere liceret, ita ut *litigatores pro patrociniis certam justamque mercedem solverent*. — Disputant de conciliatione horum locorum *Bachius Hist. Jur. III. 1. 3. 36.* et *Diss. de legib. Trajani p. 92.* et interpretes Suetonii ad hunc locum. Possit fortasse hæc lis ita componi. Scil. verbis SCTi, quae Tacitus memorat, non vetantur causarum patroni post oratam causam honorarium sive mercedem accipere, sed tantum *mercede aut donis emi*: discrimen autem maximum huc esse, apparet ex SCTo, cujus quaedam verba memorantur a Plinio in *Ep. XXI. h. 1.* Hoc etiam *verbo et emi advocaciones* verabantur; quin imo jurare debebant litigantes ante editam actionem, se nihil advocatq. dedisse, promississe, *cavisse*. Eodem vero SCTo per mittebatur advocato causâ peractâ, pecuniae summam, decem millia nummum non excedentem, accipere. Tacitus igitur illud tantum SCTi Neroniani vetitum memorat, de quo Claudiano SCTo non adhuc cautum fuerat, *ne emorentur advocaciones*. Suetonius vero fortasse ejusdem SCTi aliud caput significavit, quo modus accipiendae mercedis, quem Claudius constituerat, de quo circumscribebatur, et qua negotiis peractis certum honorarium accipere per mittebatur. Difficulus quaedam oriri adhuc posset ex his, quae dicit Plin. in § 8 in fin. h. Ep.; ubi felicem se praedicat, quod ab omni prorsus, non modo pactione, dono, munere, sed etiam xeniis, in causis agendis abstinerit, et in sequentibus verba de-

declarat, omnia haec illicita et turpia esse; exinde dixeris SCTo Neroniano omnia prorsus dona advocatis prohibita fuisse. Sed verosimile est, Plinium huc quoque significasse *de* na data ad *emendam* patronorum advocationem, quia haud credibile est, eum tam inonestam et turpem declarasse rem, quae jam antea publicâ auctoritate ex SCTo Claudiano recepta et comprobata erat, acceptionem honorarii post advocationem.

Hoc igitur modo Tacitus recte dicere potuit, Neronem SCTo prohibuisse, quae minus advocati aliquid acciperent, scil. ante causam finitam: Sueton. vero, eum certum terminum posuisse, ad quem capere liceret.

Sed ne longius, quam par est, a Nominati causa evagemur: is restituere coactus fuit, quod acceperat, quia, antequam negotia peracta essent, hanc pecuniam a Vicentinis exegerat: alioqui condemnari tantum potuisset ad restitutionem ejus, quod summam SCTo Neroniano definitam excedebat, quae quanta fuerit ignoramus. Ex hac vero Nominati avaritiâ causam cepit Nigrinus Trib. pleb. in advocatos invehendi, eorumque legum et SCTorum oblivionem reprehendendi. Is enim, antequam de Nominato perrogaretur, sententiam de scripto protulit, quâ, datâ hâc opportunitate, questus est *venire advocaciones, venire quoque praevariaciones*. Ep. XIV. § 6. Primum illud SCTo sub Nerone facto coërcitum fuerat, sed sensim ejus vis atoleverat; *venire autem praevariaciones*, dicitur de eâ advocatorum malâ fide, quâ, cum causam alicujus primum orandam suscepissent, dein adversarii pecuniâ corrupti, clientis partes improbe deserebant. Tum dixit Nigrinus (ibid.), *in lites coiri, et gloriae loca poni, ex spoliis civium magnos et status redditus*. — *In lites coire* dicebantur homines, qui societate quâdam conjuncti, lites movere opulentis civibus studebant, ut ex spoliis inde redactis ipsi ditescerent. Lucrum itaque, ex illis accusationibus perceptum, socii inter se dividebant. Foedae hae pactiones, repressae primum fuerunt SCTo, facto sub Tiberio, Coss. M. Licinio Crasso, et L. Calpurnio, ad legem Corneliam de falsis: Hujus legis poenâ affici poterat, quicumque obstruendam advocationem, testimoniave, pecuniam accepisset, pactusve fuisset, societatem coëisset, aut aliquam delationem interposuisset. vid. Bach. Hist. Jur. III. 1. 3. 9. Tum ulterius de improbis his machinationibus factum est SCTum Volusianum: eo enim Modestinus in l. 6. ff. ad leg. Jul. de vi priv. cautum fuisse docet, ut qui in alienam litem coëissent, tenerentur poenâ legis Juliae de vi privatâ. Ultima igitur haec Nigrini verba minus ad advocatorum fraudes, quam ad accusatorum flagitia pertinuisse videntur: evenum habuit ejus dicta sententia, quam speraverat. Paucos post dies oratio Imp. Trajani in Senatu lecta est, ad quam SCTum factum videtur, ad coërcendam advocatorum litem: cujus verba quaedam memorari puto a Plinio in Ep. XXI. § 4. h. l.

Ep. XX. § 2. *Inducti in Senatum inquisitionem postulaverunt*. Bithyni cum Rufum Narenium Bithyniae Procos. in Senatu repetundarum reum fecissent, ex verbis legis tempus postulaverunt, quo ab inquisitoribus probationes conquiri possent, et potestatem manibus denunciandi, ut statuto die in judicio adessent. Idem vero tempus, atque po-

testatem eandem Varenus sibi quoque petiit; quae lege non accusatori, reo vero soli concessa erat. (§ 7 *in fin. h. Ep.*) Quare ejus petitioni contradixerunt Bithyni, et quum de ea re prius esset cognoscendum, Plinius Varenī causā susceptā pro eo dixit: postero die autem Domullus: Bithynorum partes egerunt Fontejus Magnus et Nigrinus. Res eum eventum habuit, ut quod petiverat Varenus impetraret, itaque potestas ei decerneretur testes evocandi. Quod quamvis *non satis usitatum* dicit Plinius in § 7. exempla tamen similis concessionis afferri possint. Sic apud *Tacit. Annal. XIII. 43.* narratur, Suillium, cum repetundarum accusatus esset, inquisitionem impetrasse, quae annum duraret. — Multis etiam postea disputationibus ansam praebuit haec Varenī causa, de quibus videndum erit ad *L. VI. 5. 1.* et *L. VI. 13.*

Ep. XXI. *Descenderam in Basilicam Juliam, auditurus, quibus proximā comperendinatione respondere debebam.* Satis difficilis est hic locus. *Comperendinatio* vulgo dicitur locum habuisse in judiciis publicis; quaedam leges publicorum judiciorum duas admittiebant actiones: in primā actione incipiebat accusator dicere: tum reus se defendebat. Si jam iudicibus videretur, actio poterat comperendinari, i. e. in *diem perendinum* s. tertium proprie, constituebatur actio secunda, in qua inversus ordo servabatur, ita ut primum reus verba faceret, tum accusator. vid. *Sigon. de Judiciis L. II. 20.* Haec erat ratio comperendinationum: sed eae tantum in judiciis publicis usu veniunt. Hoc vero loco, quod omnino animadvertendum, *comperendinatio* dicitur de dilatione causae privatae. Eodem sensu *Gajus Comment. IV. § 15.* dicit, postquam Iudex datus erat a Praetore, partes statuere consuevisse comperendinum diem, quo ad iudicem venirent. Arcrior itaque vocis significatio, quae proprie notabat dilationem in tertium diem, temporis tractu ita amplificata videtur, ut de omni constitutione diei, etiam remotioris, diceretur, quo causa, quae ad finem perducere non potuerat, retractaretur. Sic etiam Centumvirale iudicium hoc casu, cum Plinius causam orandam in eo suscepisset, in alium diem dilatum fuisse videtur: neque objiciat quis, centumvirale iudicium nullo modo differri potuisse (vid. *adnotatio ad Ep. I. 18. 6. in parte II.*) Scilicet in eo partes non convenire poterant, ut causa differretur, neque ipsis dilatio ad probationes ulterius conquirendas concedebatur, sed si causa ita gravis esset, ut uno die absolvi non posse videretur, quidni in alium diem etiam iudicium centumvirale Praetor distulisset? quod etiam in hac Epistola propter aliam causam factum esse vidimus. (vid. § 5. h. Ep.) — Plinius igitur in causā Centumvirali egisse videtur; et cum res comperendinata esset, interim nescius, quisnam advocatus pro adversario eo die dicturus esset, in Basilicam Juliam descendit; ibi, quod scire cupiebat, auditurus.

§ 2. *Sedebant iudices — ut non mora lactor.* Lectu dignissimus est hic locus: verissime enim omnes partes Tribunalis Centumvirorum describuntur; iudices in quatuor Tribunalia divisi, in loco altiori subselliis assidentes, Decemviri medium quemdam locum post Praetoris sellam vacuam occupantes; advocati hūc atque illūc in auditorio spatiantes, dum

cum omnes Praetorem expectant: omnia haec tam vivido colore depinguntur, ut ipse lector cum iudiciis Praetoris se adventum anxie expectare sibi videatur. Caeterum docemur h. l. Decemviros, cum Centumviralem hastam cogerent, (*Pompon. de Orig. Jur. § 29.*) non tamen sine Praetore rem absolvere potuisse.

§ 3. *Causa dilationis Nepos Praetor, qui legibus quaerit.* Quum jamdiu expectasset Centumviri Praetorem, nuncius ab eo venit, quo iudicium in alium diem remittebatur. Hujus dilationis causa erat, quae traditur a Plinio his verbis. Verum si lectio haec sana est, quam libros optimos referre adnotant interpretes ad h. l., difficultate hic locus minime caret. Quid enim est illud *legibus quaerere*? — Equidem credo locum ita posse explicari; notum est, antiquis lege Calpurnia de repetundis, quae quaestiones perpetuae sunt introductae, etiam sancitum fuisse, ut omnes Praetores, qui provincias regere debebant, annum ante Provinciam Romae manerent, ibique tum de aliis, tum imprimis de repetundarum crimine quaestiones exercerent. (*Pompon. de Orig. Jur. § 32.*) Horum Praetorum singulis inquisitio peculiaris alicujus criminis commissae erat. Erat Praetor, qui de falso, alius qui de veneficiis, de parricidiis et sic porro quaereret. Post oppressam a Caesaribus libertatem, quamvis mutata fuerit iudiciorum publicorum ratio, quae Senatus plerumque, et subinde ipse Princeps exercebat, mansisse tamen videntur illi Praetores: e quorum numero etiam fortasse hic Licinius Nepos fuit, eoque sensu dicitur *Praetor qui legibus quaerit*. Fuit autem Nepos eo tempore Praetor designatus, ut apparet ex iis, quae dicuntur in § 6. huj. Ep. *rectissime fecit initurus magistratum*. Hac Praetura functus fuisse videtur, quum Senatori, qui iudicare noluerat, mulctam dixit. (*L. IV. 29.*) Dicitur ibi, fuisse *vir acer et fortis* et ex Ep. IV. h. Lib. apparet, eum juri publico, legibusque servandis valde studuisse. — Mox L. VI. 5, iterum hujus Licinii Nepotis mentio fit: narratur ibi, de Scto proxime facto, et de repetundarum lege retractanda, cum Jubentio Celso acriter disputasse. Ad eundem scriptae videntur Ep. 3. L. III; Ep. 16. L. III; et Ep. 26. L. IV. Quam ei scripsisse dicas Plinium, quum post Praeturam designatam provinciam sortitus esset: quod conficere licet ex § 2. h. Ep.

§ 3. *Proposuerat breve Edictum: admonebat accusatores: admonebat reos, executum se, quae Scto continerentur.* Hoc loco firmatur conjectura, Nepotem fuisse Praetorem designatum, qui legibus publicorum iudiciorum quaereret: et docemur etiam, hos Praetores Edicta proponere potuisse: Quod non ita intelligendum, quasi Sctum recens factum Edicto Nepotis indigeret, ut vim in jure obtinere censeretur: sed poterant etiam Praetores eas partes juris, quae jamdiu legibus erant confirmatae, edicto commendare, ut minus facile ex hominum memoria exciderent. (§ 4.)

§ 4. *Suberat Edicto Sctum hoc: omnes, quidquid negotii haberent, jurare prius quam agerent jubentur, nihil se ob advocacionem cuiquam dedisse, promississe, coxisse.* Hoc Sctum factum videtur ad librum Principis, quem post Nigrini dictam de ea re sen-



sentiam in Senatu recitatum fuisse, narrat Plinius *Ep. XIV. § 7. h. L.* Eodem enim anno factum est, de iisdem quoque rebus cavit, quae libro Principis vetitae fuerant: tum etiam ita moris fuisse notum est, ut ad Orationem Principis plerumque Scta fierent. Denique in reliquis Sctis, quae sub prioribus Caesaribus ad reprimendam advocatorum in capiendis pecuniis licentiam facta memorantur, nihil ejusmodi sancitum fuit. Caeterum apparet ex his locis, quam desperatum fuerit malum, cui tam iteratis vicibus mederi conati sunt Caesares.

§ 5. *Hoc facto Nepotis commotus Praetor, qui Centumviralibus praesidet.* Hunc ipsum Praetorem urbanum fuisse mihi verosimile videtur: nusquam enim peculiarem aliquem Praetorem fuisse docetur, qui Centumviris praesideret; quom autem institutae sunt lege Calpurnia quaestiones perpetuae, vigeat jam illud iudicium, neque ante illam, e duobus Praetoribus provincialibus, primum lege Baebia creatis, neque ex pluribus, qui deinceps creati sunt, aliquis peculiari munere Centumvirali iudicio praesidere potuit. Non enim hi Praetores designati quaesitores eo munere functi sunt, quandoquidem Nepos, qui hanc de legibus quaestionem exercebat, hoc loco distinguitur a Praetore, qui Centumviralibus praesidet. Vid. etiam *Siccam de Centumvir. Jud. L. I. 12.* Mirum quidem videri possit, Plinium, ut hunc Praetorem a Licinio Nepote distingueret, eum dixisse *qui Centumviralibus praesidet*, non vero simpliciter Praetorem Urbanum: aequè illud singulare videri possit, ac si dixisset v. c. *Praetor qui dat bonorum possessionem contra tabulas*, pro *Praetore Urbano*: unde colligas alium hinc significari Praetorem Centumviris praesidentem, quam Urbanum: sed Plinius ideo hanc Praetoris definitione uti potuit, quia rationes exponit, quare Centumvirale iudicium dilatum fuerit: hoc factum erat deliberatione ejus, *qui ipsi praesidere debebat*. — Is enim dubitans, an exemplum Licinii Nepotis imitaretur, ut hanc de re accuratius dispiceret, Centumviros dimisit.

## EPISTOLARUM LIBER SEXTUS.

### P A R S P R I M A.

#### ANTIQUITAS, HISTORIA JURIS, VERBORUM SIGNIFICATIO.

**E**pist. II. § 2—3. *Habebat studiis honorem — veniebat.* Continet hic locus notabilia quaedam de artificijs quorundam Oratorum, quibus diligentiae et laboris prae se ferre

Terre speciem, atque ita iudicum auditorumque animos flectere conabantur. Marcus Regulus, cujus jam saepius apud Plinium mentionem factam vidimus, non erat ex illis Oratoribus, qui genuinum illud dicendi studium despicientes, ut advocacy artificium perisse existimaretur: non audacter omnia ex capite coram iudicibus recitabat, sed in Tribunali, veritus ne male diceret, proferebat ea quae meditatione antea parata, calamo excepiasset (§ 1 — 3.) Laudabili huic studio accedebant tamen inania quaedam artificia: itaque quum pro actore ipsi in iudicio esset dicendum, oculum sive supercilium dextrum, atro quodam colore pingebat, ut a dextrâ iudicis stans, graviores adspectum sui praeberet: sinistrum oculum eodem modo circumlinebat, quando rei partes agens, a sinistrâ iudicis parte stabat. Nimirum veteres in superciliorum densitate et magnitudine dignitatis gravitatisque speciem quaesivisse videntur; sic Cicero *pro Saxio* c. 8. de Pisonē; „nam quid ego de supercillio dicam, quod non supercilium, sed pignus reipublicae videbatur, tanta erat gravitas in oculo.” — Et passim multa loca scriptorum hâc facientia inveniuntur. Vid. *Scheller in voce*. Regulus itaque partem superiorem oculorum pinxisse videtur, quo vultui maiestatem dignitatemque adderet. Simul etiam, eadem ratione lintheum medicamento quodam illitum, modo super oculum dextrum, modo super sinistrum fronti imponebat, ut aeger videretur, et misericordiam moveret: tum ita de eventu actionis erat anxius, ut pravâ superstitione saepe Augurum arte uteretur, qui ex avium cantu et volatu futurum praedicerent; caeterum fieri non potest, quin mirae, et a nostris moribus prorsus alienae videantur pueriles illae, et ridiculae Reguli artes, quibus iudicum animos captare studebat: adeo ut quaevis alla huius Pliniani loci explicatio, ex antiquitate deprompta, magis placeret quam haec, quam tamen omnes habent interpretes. Verum quidquid hâc de re statuendum sit, ex hoc loco colligere possumus, quod ad cognoscendam antiquitatem pertinet, in iudiciis petitem a dextrâ iudicis, defensorem vero a sinistrâ parte stetisse.

Epist. V. § 1. *Maxime Licinio Nepoti, qui sequenti Senatu, quum de rebus aliis referretur, de proximo SCto disseruit, finitamque causam retractavit.* SCtum illud significatur, quo Vareno potestas data erat testes evocandi (*L. V. 20; 7.*). Quod cum lege repetundarum non comprehensum esset, Nepos Praetor nunc censuit, ut haec cautio in futurum legi adjiceretur. Simile additamentum etiam legi Juliae ambitus factum fuisse conficiat e sequentibus, § 2.

Epist. V. § 4. *Jubentius Celsus Praetor.* Est hic clarus ille JCTus, cujus complura fragmenta extant in Pandectis. Patrem habuit Pub. Jubentium Celsum, itidem JCTum, cujus mentio fit tum alibi, tum in *l. 29 et l. 30. ff. de legat. II.* Quae ad libros ab eo scriptos, et ad responsum ejus insulae Labeonis quaestioni datum pertinent, exponit *Bach. Hist. Jur.* III. 1. 5. 25.

Epist. XI. *Adhibitus in consilium a Praefecto Urbis.* Non igitur soli Praetori Urbano assidebant JCTi quidam, sed etiam praefectus Urbis huiusmodi habebat consilium.



cue declarat. Non enim seriò illud præcipere poterat Plinius, ut qui libros recitare vel-  
lent, et ipsi sanâ mente essent, et ne insanos convocarent amicos; verum facete Paull  
recitandi studium reprehendit; et quo melius res ipsi succedat, auditores convocare sua-  
det, qui non, ut Javolenus, insani sint, i. e. qui non acuminè mentis vitia perspicere  
possint. Hâc ratione si locus explicetur et Plinius calumniæ culpâ vacabit, et de Javo-  
leno non nisi id dicetur, quod cum optimi JCI laude facile componi possit.

Epist. XIX. Plura docemur hâc Epistola, quæ ad juris historiam pertinent. Quum  
in Senatu proximâ vice comitia haberentur ad creandos magistratus, querelæ motæ sunt  
de candidatorum illicitis ad obtinendos honores artibus. Quare Senatus admonuit  
magis, quam SCto decrevit, „ ne candidati convivarentur, ne mitterent munera, ne pe-  
„ cunias deponerent.” Primum illud, liberâ etiam republica, vetitis artibus adnumeraba-  
tur, quibus plebis animum candidati sibi conciliare studebant. Lege Tullia, a Cicerone  
latâ, vetabantur ii, qui honores petebant, homines passim et vulgo ad prandium invitare.  
*Largitionibus* autem et *muneribus* populi suffragia corrumpere, omnibus legibus de ambitu  
prohibitum fuit, et legibus Baebia Aemilia, A. U. 571 et Cornelia Fulvia A. U. 594 la-  
tis, primum severae poenae contra largitores statutæ sunt. — *Pecuniarum depositio*, in  
honorum petitionibus, aliud erat crimen ad effugiendas legum poenas inventum. Nimi-  
rum *candidatus*, ne præsentem pecuniâ alicujus suffragium emissee argueretur, pactum fa-  
ciebat cum uno pluribusve e plebe, quo certa pecuniae summa iis promittebatur, si  
operâ suâ patrono optatus honos contigisset. Haec summa deponebatur apud sequestrem  
et post comitia, aut a candidato, si repulsam tulisset, recipiebatur; aut si res bene-  
successisset, suffragatoribus dividebatur. Frequens mentio hujusmodi pactionis apud Ci-  
ceronem occurrit. In iis etiam *interpretes* adhibebantur, ii servi vel ministri dieti, per  
quos talia pacta inducebantur. Vld. *Ascon. Pedian. in proœmio Act. in Verrem c. 12.*  
*Sigon. de Judiciis II. 30.* Senatus igitur cum candidatorum nequitiam reprehendisset,  
Homullus rem ulterius etiam persequendam duxit, et a Principe per Consules esse peten-  
dum, ut huic ambitûs licentiae mederetur. Trajanus autem (nam hunc significari credo),  
*ambitus lege, sumtus Candidatorum restrinxit (§ 4.)* i. e. sive oratione prius habitâ  
SCtum fieri curavit, sive propriâ quâdam constitutione sanxit, ut abstinerent candidati  
a suffragiorum emtione et corruptione. Additum est novum præceptum, ut quicumque  
honores peterent, tertiam bonorum partem in bonis immobilibus haberent, sive quæ solo  
continebantur: fortasse etiam præter rationes a Plinio allatas, ne tam facile rem fami-  
liarem in corrupendis suffragiis dilapidare possent.

Praeterea operae pretium est ad hunc locum animadvertere, minus recte eos statuere,  
qui docent, post legem Juliam de ambitu, comitiis a Tiberio e Campo in Curiam transla-  
tis, evanuisse omne ambitûs crimen. (vid. v. g. *Heinecc. Antiq. Jur. IV. 18. § 79*)  
quod conjecerunt, ducti verbis Modestini in l. 1. *ff. de leg. Julia ambitus*. Verum qui-  
dem est, eum diserte dicere, legem illam in Urbe hodie cessare; „ quia,” inquit, „ ad

„ curam Principis magistratuum creatio pertinet; non ad populi favorem; ” sed attendendum est ad tempus, quo Modestinus haec scripsit. Vixit is A. Christi 221, aut circiter, sub Alexandro Severo. Neque igitur quae de suo tempore monet, retrahenda sunt ad seculum post Tiberium; quum praesertim ex aliis multis locis Plinianis, v. c. ex *Epistola VI. h. L. et ex hâc Ep.* appareat, etiam diu post Tiberium ambitum viguisse. Quin imo, quum sensim abolevisset ultima lex de eo lata, novâ constitutione hujus rei abusus a Trajano coercendus fuit: quamvis autem modus antiqui illius ambitus post Tiberium mutatus esse debuerit, ut non amplius plebis, verum Senatorum suffragia peterentur, a quibus magistratus in Comitibus tum creabantur, non tamen prorsus evanuit. Cf. *Plin. in Paneg. c. 69. § 2.* Ubi narrat, Trajanum Candidatos monuisse *ut Senatum circumirent, Senatui supplicarent, atque ita a Principe sperarent honores, si a Senatu petissent.*

## P A R S S E C U N D A.

### CAUSAE NOBILES, ACTIONES, JUDICIA PUBLICA ET PRIVATA.

**E**pist. XXII. § 2. *Recepta cognitio est.* Caesar extraordinariâ cognitione inquisivit in crimen Bruttiani, quem Atticinus accusaverat, quamvis ipse Bruttianus Caesari scripsisset de hujus fraude, qui cum amicitiae necessitudine cum eo conjunctus esset, compentarios ejus intercidere, et ex iis accusationem struere, non erubuerat. (§ 1 et 4.) Plura sunt exempla harum cognitionum Caesarum; uti mox videbimus in *Ep. XXXI. h. L.*

§ 5. *Damnatus et in insulam relegatus.* Haec enim erat sub Imperatoribus vulgaris criminis falsi poena. Vid. *Paulus Recept. Sent. V. 25. 1.*

Epist. XXXI. § 5. *Caesar excussis probationibus, Centurionem exauctoravit, atque etiam relegavit.* Erat ipsa haec poena lege Julia de adulteriis, contra adulteros statuta: accedebat tamen, quod dimidia iis pars bonorum auferebatur, vid. *Paulus Recept. Sent. II. 26. 14.* Centurio autem, quum a Principe extraordinariâ cognitione condemnatus esset, antea militiâ cum ignominiâ missus est, ut dein poenam subiret: haec militibus saepe gravior infligebatur, ne molli luxuriâ rudis et austerae disciplinae obliviscerentur; et quum Sacramento cum dedecore semel essent soluti, non amplius in numeros recipi poterant. *l. 4. § 6 et 7. ff. de re milit.*

§ 5. *Supererat crimini,* etcaet. Lege Juliâ cautum erat, ne duo simul adulter et adultera ab eodem accusatore rei fieri possent. *l. 39. ff. § 6. ad leg. Jul. de adulter.* Sed poterant semper duo uxoris adulteri simul accusari, *Paulus l. cit. § 10.* Poterat autem  
ac.

accusator accusationem pro lubitu instituere, sive ab adultero sive ab uxore, nisi tamen ea ante denunciationem nupsisset; nam eo casu antea cum adultero erat agendum, isque condemnandus, antequam ad adulterae accusationem perveniri posset. *l. 2. princ. ff. de adulter.* Damnato igitur Centurione, jam marito supererat, ut Galitram uxorem accusaret. Prudenter erat lege Julia hic constitutus ordo; ne scilicet temere matrimoniorum quies et tranquillitas domestica turbaretur, requirebat prius manifestam adulteri criminis probationem, ut ita aliqua jam praesumptio contra mulierem extaret, antequam rea fieri posset.

§ 5. *Sed maritum non sine aliqua reprehensione patientiae amor uxoris retardabat.* Cum hoc loco quodammodo pugnare videntur verba *l. 2. §. 6. ff. de adulter.* et *Pauli l. cit. §. 8.* Ibi enim dicitur, eum qui in adulterio deprehensam uxorem non statim dimiserit, reum lenocinii postulare placere, et Claudius Gorgus *in leg. ff. cit.*; quum uxorem adulteram deprehendisset, eamque secum retinuisset, ab Imperatore Severo ad poenam leg. Jul. condemnatus est, quâ omne lenocinium coërceretur. Vid. *l. 29. ff. l. cit.* — Idem vero maritus Galitae fecerat, et contentus aemulum removisse, ultionem non ulterius in uxorem persecutus erat. Quidni igitur lenocinii reus fiebat? Sed caute hic distinguendum. Maritus, qui adulterum in domo deprehendisset, quique pretio corruptus eum dimisisset, uxore etiam retentâ, hic quaestum ex adulterio uxoris fecisse existimabatur, atque hoc lenocinium lege Jul. puniebatur; non vero in legem incidebat, qui impotenti amore fractus, adulterum quidem accusabat, sed uxorem noxiam legum severitate puniri non sustinebat: diserte hoc docet *Ulpian. in l. 29. § 2. ff. l. cit. et l. 2. § 3. eod.* „ Qui patitur uxorem suam delinquere, matrimoniumque suum con-  
„ temnit, quique contaminatione non indignatur, poena adulterum non infligitur.” Sic etiam maritus Galitae ob indecoram desidiâ reprehensione non quidem caruit, sed in lege Juliae poenam non incidit, quum alioquin si cum adultero pactus esset, solvi sacramento et deportari debuisset. *l. 11. princ. eodem.*

§ 6. *Admonitus ut perageret accusationem, peregit invidus.* Nam qui ab accusatione temere desistebat, incidebat in poenam S<sup>C</sup>ti Turpiliani, nisi pro Tribunali a Praetore vel Praesidibus abolitionem criminis impetrâset. *l. 1. § 7. ff. ad S<sup>C</sup>tum Turpilian.* Sic etiam maritus non poterat semel adultero damnato, non accusare uxorem, aut ab ejus accusatione desistere, nisi ex S<sup>C</sup>to reus fieret. *l. 1. § 10 in fin. ff. l. cit. Brisson. ad leg. Jul. de adult. ad cap. 6 ej. leg. pag. mihi 201.* qui late hanc quaestionem tractat.

§ 6. *Et legis Juliae poenis relicta est.* Poenis, inquit Plinius; nam plures in feminas adulterii convictas statutae erant: amittebant dimidiam partem dotis, tertiam partem bonorum, et insuper in insulam relegabantur. *Paulus Recept. Sent. II. 26. 14.*

Ep. XXXI. § 12. *Dein conversus ad nos; exclamans, quid facere debeamus? Isti enim queri volunt, quod sibi licuerit non accusare.* Subtiliter Imperator hic pronunciavit. Quum enim heredes Julii Tironis, Sempronium Senecionem, et Eurythmum, Caesaris procuratorem, corruptorum Tironis codicillorum reos apud Caesarem epistolâ fecissent, isque

cognitionem suscepisset, quidam ex heredibus, metu Caesaris, ne libertum suum accusari aegre ferret, ab accusatione destiterant. Heredes autem reliqui postulârunt, ut nihilominus in accusatione perstare cogerentur, quod nisi concederetur, petebant, ut sibi quoque desistere liceret. Tum Caesar dixit, eos injuste queri; quia enim ab initio non accusare iis licuerat, videbantur queri de hoc ipso, quod licuisset, quum jam rursus peterent, ut non liceret. Itaque pronunciavit, ut vel omnes heredes accusationem persequi cogerentur, vel reliqui justas causas adferrent, quibus motus permittere possit, ut ab accusatione desisterent. Nam si quis accusationi renunciare mallet, quam in eâ perseverare, ad quam errore se motum fuisse probare poterat, is destitisse non videbatur. *l. 10 in fin. f. de judiciis.* Caeterum lectu dignissima est omnis haec Epistola, quâ cognitio Caesaris describitur, cui Plinius adfuit. Egregium traditur Trajani responsum in § 9, et humanitatem ejus, comitatemque recte Plinius laudat in § 14.

Epist. XXXIII. § 2. *Nam femina splendide nata*, etcaet. Haec Acciae Variolae erat causa. Maritum habebat virum praetorium, patrem autem qui ad 80 vitae annum pervenerat. Hic quamvis aetate proventus, tamen uxorem duxit, eandemque filiae novercam, quae ipsa filium habebat *Suberinum* (\*), hominem foedum et a patre exheredatum. Ante 11 diem, post contractas has nuptias, pater testamento facto, Acciam exheredavit, novercam vero ex sextante instituit, et Suberinum, ut videtur, in reliquam hereditatis partem scripsit, manifesto circumductus artibus novercalibus; quare Accia injuste se exheredatam querens, Centumvirali judicio cum patris heredibus egit, ut testamentum, non sancte factum, adeoque nullum declararetur, sibi que bona paterna restituerentur. Causa haec tam gravis visa est, ut ad eam audiendam homines concurrerent eâ frequentia, quam in sequentibus describit Plinius.

§ 3. *Sedebant judices centum et octoginta: tot enim quatuor consiliis conscribantur.* Notissimus est hic locus, qui multum facit ad declarandam judiciorum Centumviralium rationem. — Quum antiquitus libera republica ex unaquaque Tribu terni judices sorte designarentur, numerus inde constabat, 105 judicum; nam 35 erant Tribus. Vid. *Festus in Voco*. Postea demum factum videtur sub Imperatoribus, ut major numerus ex singulis Tribubus conscriberetur, itaque, quum quatuor consilia, in quae totum illud iudicium distributum erat, in gravioribus causis simul considerent, 180 numerum efficerent.

Verum difficile est rationes assequi, quare ita mutatum sit; aut conjecturam facere, quis ordo in conscribendo majore hoc numero servatus fuerit. Nam si v. c. ex unaquaque Tribu pro tribus, quinque judices eligebantur, numerum habebimus 175, et desunt igitur quinque: nisi eodem modo Plinius rotundo numero 180 scripserit pro 175,

ac

(\*) Suberinum matrem habuisse novercam a patre Acciae ipsi inductam existimo, ductus verbi, in § 6. „ Qui exheredatus a patre singulari impudentia, alieni patris bona vindicabat, non sua sua petere.” *Alienus pater* hic *vitricus* significari videtur.

ac primâ institutione *Centumviri* dicti sunt, quamvis essent 105. Mirum etiam accidere possit, Plinium explicationem illam, *tot enim quatuor consiliis conscribuntur*, quod lipis et tonsoribus notum esse debebat, inseruisse Epistolae scriptae ad Voconium Romanum, illum praesertim, quem in *L. III. 13. doctissimum* vocat, et qui in *L. IV. 29.* evocatur ad iudicandum, ut adeo rei iudiciariae non ita rudis esse potuerit. Quod si fortasse haec animadversio dubitationi, an pro glossemate haec verba habenda sint, an- sam minus praebeat, argumento tamen sit Plinium nonnullas ex his Epistolis, ut contendunt multi, animi causâ composuisse, non verò reverâ ad amicos scripsisse.

§ 4. *Ad hoc stipatum Tribunal — imminabant.* Depingitur h. l. et oculis quasi cernendus proponitur iudicii *Centumviralis* ordo, quum in graviori causâ simul quatuor consilia sedebant. In medio Tribunal erat Praetoris, Decemviris, Lictoribus, apparitoribusque stipatum: ab utroque ejus latere semicirculari ordine sedebant *Centumviri* in consilia divisi: ad laevum dextrumque cornu agmen sedebat advocatorum, accusatorum, reorum, testium. Spatium apertum circuli, et quasi scenam hujus amphitheatri, occupabant auditores, compluribus seriebus et circulis constipati: neque hoc spatium spectantium numero sufficere poterat; quare in superiore parte aedificii, caveae quaedam, aut cunei, adstantibus erant repleti, quibus patens totius Basilicae conspectus compensabat soni, e longinquo percipiendi, difficultatem.

§ 5. *Secutus est varius eventus*, etcaet. *Decemviri*, causa peroratâ, videntur singulorum consiliorum seorsim sententias rogavisse. Ita accidere poterat, ut non determinatum esset totius concessus suffragium, et ab una parte condemnaretur reus, ab alterâ absolveretur; rara vero hujusmodi dissensus exempla fuisse apparet ex his, quae dicit Plinius in sequentibus. Quod si accideret in causâ inofficiosi, ut divisae essent sententiae testamentum rescindentium, et defuncti iudicium servantium, vulgo illud observabatur, ut vinceret sententia confirmantium. Ita refert Marcellus in *l. 10. ff. de inoff. test.* Humanitatis vero tantum causâ illud servabatur. Praetor enim, si aequior ipsi videretur rescindentium sententia, secundum eos etiam pronunciare poterat. Sequetur enim, ut inquit Marcellus *l. laud.* ejus partis sententiam, quae secundum testamentum pronunciavit, *nisi aperte judices inique secundum scriptum heredem pronunciassent apparebit.* Sic hoc casu, quum duobus consiliis vicisset Accia, duobus vero victa fuisset, contra testamentum pronunciatum est, ipsique hereditas, quam noverca et Suberinus perceperant, restituta.



## EPISTOLARUM LIBER SEPTIMUS.

## P A R S P R I M A.

ANTIQUITAS, HISTORIA JURIS, VERBORUM SIGNIFICATIO

**E**pist. XVI. § 2. *Ille me in Tribunatu liberorum jure praecessit.* Lege Julia et Papia Poppaea permulta privilegia concedebantur iis, qui pluribus liberis ex justo matrimonio Quaesitis, civium numerum, bellis civilibus exhaustum repararent. In iis etiam erat, ut qui tres liberos sustulisset, in petendis honoribus reliquis Candidatis praeferrī deberet; quin imo, pro liberorum numero singuli anni petentibus remittebantur, ut maturius ad gerendum Tribunatum, Quaesturam, Praeturam accedere quis posset, quam per leges annales proprie licebat *l. 2. f. de minor. 25 annis*. Caeterum de trium liberorum jure, uberius videbimus ad L. X. 95.

Epist. XXIV. § 8 in fin. *Lector etiam, quod domus C. Cassii hujus, qui Cassianae scholae princeps et parens fuit, serviet domino non minori.* Cum jam tempore Augusti, dissensione Capitonis et Labeonis, sectae quaedam inter Jctos exortae essent, qui Massurii Sabini Capitonis discipuli partes sequebantur, ab eo dicti sunt Sabiniani; post Massurium Sabinum, C. Cassius Longinus, cujus Jcti magna fuit auctoritas, praeceptoris disciplinam tuitus est, et majore ejus celebritate factum, ut qui antea Sabiniani dicebantur, nunc ab eo Cassiani appellarentur: quibus se opposuerunt Proculejani, Labeonis partes secuti. Eo sensu igitur Plinius, C. Cassium, illius scholae principem et parentem dicit, quod ab eo primum Cassiana dicta est, non vero, quod Proculejanis oppositae sectae, primus auctor exstiterit.

P A R S

## P A R S S E C U N D A:

## J U S R E R U M.

**E**pist. XI. Satis gravis intellectu est hic locus, cujus explicatio calculis continetur, et computationibus, quae in obscuriore veterum re nummariâ sunt difficiles. Corellia cum multis nominibus Plinio cara esset, fundum aliquem prope ejus villam Larianam possidere cupiebat. (§ 5.) Plinius autem, ipsi gratificari studens, e suis praediis venum unum Corelliae obtulit, ut quod ipsi placeret, eligere et quanti vellet emere posset. Erant enim haec praedia circa Larium lacum sita, in quâ ipsâ regione Corellia aliquid possidere cupiebat. Habebat Plinius alios quoque fundos, verum quos non ipse, sed ex maternâ et paternâ hereditate acquisiverat, et caritatis ratio a se alienari vetabat. Sed quum ea praedia Corellia non emisset: accidit tamen, ut desiderium explere posset. Nam hereditas cum pluribus Plinio obvenit, in quâ etiam erant agri, qui Corelliae satisfacere possent. Hos fundos publicâ auctione heredes vendere constituerant, ut pretium inde redactum inter eos dividi posset, et computabantur, 900,000, posse venire. (§ 1 *in fin.*). Plinius autem illico hujus auctionis Corelliam literis certiore fecit. (§ 6). Has literas adferentem Hermen, Plinii libertum et actorem, Corellia rogavit, ut sibi statim portionem hereditariam agrorum, quae Plinio pro quincunce competeat, venderet. Nihil vetabat Plinium ita facere. Quidni enim venderet portionem, quam jure hereditario sibi acquisiverat (§ 7 *in fin.*)? Coheredes autem, detractâ ejus portione, poterant, si vellent, publicâ auctione reliquam partem plus licitanti offerre. Verum Hermes Plinii libertus, cum Corelliae ea praedia addiceret, domini portionem non ita computavit, ac si omnia praedia, 900,000, quod verum erat pretium, verum ac si tantum 700,000, vendi possent, atque igitur, quinque duodecimas partes septingentorum milium, a Corellia pro portione hereditariâ venditâ in solutum accepit, cum accipere debuisset easdem partes 900,000; erat enim Plinius ex quincunce scriptus. (§ 1 *in fin.*). Corellia vero, hâc Plinii liberalitate abuti nolens, ipsi rescripsit, ut verum tandem pretium a se praediorum emptorum accipere vellet. Respondet huic Epistolae Plin. Ep. XIV. h. L. quâ Corelliam obtestatur, ut se hâc in re pro arbitrio agere, et tanti vendere, quanti velit, patiatur.

Epist. XIV. § 1. *Quanti a publicanis partem vicesimam emisti.* Ab Augusto, ut locupletaret aerarium militare, introductum est, ut cujusvis hereditatis, exceptis iis quae

H

suis

suis heredibus deferebantur, et pauperum successionibus, 20 pars aerario penderetur, quam percipiebant publicani. Cf. *Dion. Halic. LV. 25. Burman. de Vectigal. Pop. R. c. 11.* Sed quum difficile esset, agrorum, aedium, aliarumve rerum immobilium, partem aliquam publicanis solvere, solebant vigesimam heredes redimere, computatione facta, quauti haec bona plurimi vendi potuissent. Corellia igitur, cum non agros, sed portionem hereditariam Plinii emisset, ideoque in ejus onera successisset, partem 20 publicanis ita solvit, ac si portio Pliniana, 900,000 fuisset, atque ita scivit, se minus vero pretio Plinio solvisse. Mutaverunt Imp. Nerva et Trajanus illud vectigal vicesimae, de quo uberius videndum erit ad *Paneg. c. 37.*

Epist. XVIII. § 2. *Equidem nihil commodius invenio, quam quod ipse feci etc.* Caninio quaerenti, quâ ratione pecuniam epulis annuis municipalibus suis Comensibus dare possit, ut salva maneat, neque magistratuum incuriâ detrimentum capiat, Plinius suam agendi rationem commendat, quâ, in simili causâ, felici successu usus erat. Promiserat Comensibus summam 500,000, ex quâ pecuniâ pauperes ingenue nati, alimentis et auxilio levarentur. Noluit vero magnam hanc pecuniae vim simul Comensium curae committere, ne citius evanesceret, quam venisset: sed malebat municipio sortem quamdam fixam, veluti agros donare, qui alienari aut imminui non possent, et statos redditus annuos ferrent. Neve etiam hi agri negligenter haberentur, et incuriâ magistratuum pretio minuerentur, necesse erat talem agrorum possessionem excogitare, quâ municipium perpetuo eundem redditum quotannis perciperet, non vero ipsum agros administraret; sed in perpetuam quamdam locationem aliis exercendos traderet, a quo vectigal annuum, pro locationis mercede esset solvendum. Haec enim erat ratio agrorum vectigalium, de quibus *Tit. in ff.* Habebant singulae civitates suos agros, quos vel per conductores, aut colonos partiarlos exercebant, vel in perpetuum colonis quibusdam, eorumque successoribus locabant, eâ lege, ut pro eorum usu quotannis certum vectigal solveretur, et quamdiu illud, sive a primo conductore, sive ab aliquo ex successoribus penderetur, agri isti vectigales colono manerent. *L. 1. princ. ff. si ager vectigalis. Gaj. Commentar. III. § 145.* Habebat illa locationis species hoc etiam peculiare, quod etiamsi plenum dominium agrorum vectigalium coloni non acquirerent, tamen domini quaedam haberent jura. Sic habebant rei vindicationem contra quemcunque possessorem et ipsos municipales. (*L. 1. § 1. ff. cit.*). Inventa videtur haec locatio ad utilitatem civitatum, quo securos certosque semper redditus habere possent e fundis, quorum dominium quodammodo cum perpetuis conductoribus partiebantur. Idcirco Plinius etiam agros vectigales dare constituerat, quia multo majores redditus ex iis percipi posse videbantur, quam 300,000, quod erat vectigal constitutum, ut quum satis magnum conductores ita lucrum capere possent, nunquam periculum esset, ne vectigales esse desinerent inopiâ conductorum.

Plinius autem, ut agros suos vectigales municipio constitueret, eos *actori publico mancipavit*: i. e. servo publico, ut videtur, reipublicae Comensium, qui rationes conficiebat; et

tabellarii munere fungebatur, quales in negotiis, tum publicis, tum privatis, frequenter adhibebantur (\*): huic igitur, municipii nomine agenti, imaginaria per aes et libram venditione, agros suos tradidit, ita ut municipio pleno jure Quiritium acquirerentur, nullo pretio soluto. Nam hoc ipsum proprium erat ritus venditionis per mancipationem, ut in illa, tamquam fictum pretium, aes, ab illo qui mancipio accipiebat, daretur alii, a quo accipiebat. *Gaj. Commentar. I. § 119 et 121.* Poterat quidem verum rei pretium adjici, atque ita fiebat, si praedia in Italico solo sita vero emtionis venditionis contractu traderentur; verum inprimis etiam hic ritus adhibitus videtur, quum res mancipi, omisso primo illo emtionis venditionis requisito, vero pretio, solemniter tamen et legitime, essent tradendae; exemplum habemus in *L. X. Ep. 3. (†)*. Atque sic etiam hac occasione Plinium, imaginaria plane venditione, agros suos actori publico tradidisse apparet: si enim revera 500,000 in solutum acceptis, et receptis agris, 30,000 annuos tamquam colonus solvisset, non magna profecto ejus fuisset liberalitas; nam Plinius, ut in sequentibus dicitur, eosdem *agros vectigali imposte recepit, 30,000 annua daturus*. Quum igitur per actorem publicum, qui nihil sibi acquirere poterat, agri facti essent proprietas municipii, conversi sunt in agros vectigales, quos ipse conduxit, ea lege, ut quotannis usuras semisses solveret.

Ita fiebat, ut quod expetiverat plane consequeretur. Constituerat enim sortem municipi-

(\*) Vid. § 3. *Instit. de adopt.* Quae ibi dicitur *persona publica*, eadem fuisse videtur, atque actor publicus, hic memoratus; actores illi, sive tabellarii, speciem aliquam referre videntur eorum magistratum, qui apud nos privilegiis et hypothecis custodiendis sunt praepositi: ut omnia ea instrumenta, cautiones, similia, quae privatorum curae non satis tuto committi poterant, in Tabulis publicis consignarent, et in securitatem partium adservarent. Sic *personae publicae* adrogator impuberis cavere debebat, se bona restitutum; non vero agnatis, quorum tamen plurimum intererat: praeter rationem a scholiaste Theophili h. l. allatam, fortasse etiam, ut certior et securior esset haec cautio. (§ 3. *Instit. cit.*). Sic donationes justo majores, actis publicis insinuabatur, ut videtur, apud eundem publicum actorem: quamvis multo senioris aevi sit hoc jus, introductum a Constantino Chlora, et firmatum a Constantino Magno. *l. 1. Cod. Theod. de sponsalib.* — Ita denique Plinius actori publico Comensium praedia vendidit, ut de hac mancipatione certius semper constare posset, quum tabulis publicis esset inserta. Ceterum illud officium satis honestum fuisse, apparet ex *Ep. X. 40.* Ubi Plinius Imperatorem consultit de hominibus quibusdam, servis poenae facris, et nihilominus in nonnullis Bithyniae civitatibus, servorum publicorum officio fungentibus. (§ 2. *ej. Ep.*) quos non satis honestum existimabat, in his officiis retinere. Certam etiam mercedem annuam, sive salarium hi servi accipiebant. (§ 2. *cit.*).

(†) Ab interpretibus, hac opportunitate, etiam affertur exemplum Tiberii, qui ut de crimine Libonis, salvo Scto, quo in caput domini servorum quaestio prohibebatur, quaeri tamen posset, servos ejus actori publico mancipari jussit, quo facto libere poterant interrogari. *Tacit. Annal. II. 30.*

cipio, quae alienari non poterat, quandoquidem vectigales manebant agri, quamdiu essent e Plinii successoribus, qui conductionem continuare vellent, quod facile eventurum apparebat. Neque negligi poterant illi agri, perpetuae curae mandati dominorum, quorum intererat bene esse cultos; et certum respublica habebat redditum, destinatum alimentis pauperum, quae promiserat.

### P A R S   T E R T I A.

#### CAUSAE NOBILES, ACTIONES, JUDICIA PUBLICA ET PRIVATA.

**E**pist. VI. Persequitur Plinius in hac Epistola, historiam causae Varenī, de qua actum fuit *L. V. 20. L. V. 5 et 13*. Hic, quum impetrasset, ut testes evocare sibi liceret, et certum temporis spatium, quo uteretur, interim legatio Bithynorum Romam venit cum literis ad Caesarem, et principes quosdam viros, quibus rogabant, ut ab accusatione et cognitione Senatūs desistere liceret. Verum Fontejus Magnus, qui primas in hac accusatione partes agebat, in eā perstitit, et cum Nigrino Bithynos ab eā recedere non posse defendebat. Motus fuisse videtur, quia literae Bithynorum non ad ipsum Senatum scriptae erant, quod conijcere licet ex iis, quae dicit Nigrinus in § 4: „*ad quem missi sunt?*” Quā interrogatione significasse videtur, legatos non missos fuisse ad eum, ad quem venire debuissent. — Postulabat igitur is, ut in causae cognitione ulterius procederet Senatus, et Varenum rationum libros tabulasque exhibere juberet. Plinius vero, Varenī patronus, non respondit, sed expectandam censuit legatorum relationem, ut de abolitione postulatā statui posset. (§ 1—4).

Tum rixā quādam inter Plinium et Nigrinum obortā, Polyaeus, unus e recentissimis Bithynorum legatis, exposuit causas, quare ipsis ab accusatione publicā desistendum visum esset, et quandoquidem de eā re non unus videbatur esse Senatus consensus, rogavit, ut Princeps cognoscere vellet de abolitione accusationis, num concedi posset, an minus. Hunc enim sensum esse puto eorum, quae dicuntur in § 6 *init.* „Postulavitque, ne cognitioni Caesaris praejudicium fieret.” Haec autem petitio a Consulibus concessa, et omnia integra Principis cognitioni servata sunt. *Vid. haec Ep. in fin.* — Tum *Ep. X. h. L.* Plinius Macrino scribit, „quid coram Principe actum fuerit. Res agebatur inter Polyaeum, et Fontejum Magnum: uterque quum verba fecisset, Caesar ita pronunciavit, ut in suspensio esset hujus litis eventus, donec provinciae voluntatem accuratius explorare potuisset, quod sine morā se facturum promisit. Quid autem porro de

de Vareno ejusque accusatione factum sit, ignoramus. In seqq. Epistolarum libris, nulla amplius fit ejus mentio. In eadem vero Epistola, Plinius. hanc opportunitate causam refert a se actam, in qua tacendo plus consecutus erat, quam alias saepe agendo. (§ 8). Docemur eo loco, quam immutata fuerit tunc temporis, et ab arbitrio Caesarum pependit judiciorum, inprimis publicorum ratio. Cum enim mater, liberos filii veneficii accusans, Caesaris cognitionem postulavisset, is non ipse eam suscepit, verum hanc curam J. Serviano mandavit, qui suo nomine solus judicaret.

Epist. XXXIII. § 4. *Dederat me Senatus cum Herennio Senecione advocatum Provinciae Baeticae, contra Baebium Massam.* Prima haec publica Plinii fuit accusatio, in qua inprimis quaesitum fuisse videtur, num provincialibus inquisitio danda esset. Vid. L. VI. 29. 7. Baebius hic Massa, sub Vitellio antea, in Africa Procurator Caesaris fuerat, jam tunc optimo cuique exitiosus, ut inquit Tacit. Hist. IV. 50. Domitiano vero imperante, repetundarum reus factus esse videtur. Tacit. Agricola 45.

§ 4. *Damnatoque Massa censuerat, ut bona ejus publice custodirentur.* Ita jussisse videtur Senatus, ut cum his a iudicibus aestimata esset, Baetici haberent, unde damnum reparare possent: itaque, sive Consulum, sive Praefectorum aerario curae haec Massae bona commissa fuerunt, quod idem fortasse semper in ejusmodi causa observabatur.

§ 7. *Vixdum conticueramus, et Massa questus Senecionem non advocati fidem, sed inimici amaritudinem impleto, impietatis reum postulat.* Scil. Senecio et Plinius timuisse videntur, ne Baebii bonorum sequestres mala fide forsitan uterentur, eumque, quodcumque vellet, ex iis recipere paterentur. Quare Consules adierunt, audiendis postulationibus vacantes, et ab iis rogaverunt, ut custodibus accuratissimam bonorum curam habere injungeretur. At aegre hoc tulit Massa, qui sperasse videtur, fore ut bonorum partem, sequestrium fraude, e naufragio salvam habere posset. Itaque multa de Senecione questus, eum majestatis sive impietatis reum postulavit, quia Principem laesisse videbatur, cum peteret, ut bona publicae curae commissa, diligentius etiam custodirentur, eo ipso suspicionem aliquam declarans. Quam terribilis autem fuerit sub malis Principibus haec impietatis accusatio, ex historia satis notum est.

## EPISTOLARUM LIBER OCTAVUS.

## P A R S P R I M A.

## ANTIQUITAS, HISTORIA JURIS, VERBORUM SIGNIFICATIO.

**E**pist. VI. § 4. *Mitto, quod censent — uteretur.* Satis gravis est hic locus, ad quem disputatio usu venit, quibusnam proprie antiquitus aureos, quibus vero ferreos tantum annulos gerere licuerit. Sunt enim qui dicant, ingenue natos, imo solos Senatores et Equites, jus habuisse aureorum annulorum; libertos vero argenteis, servos ferreis usos fuisse. Vid. *Brisson. ad l. Juliam de adulter. p. 198. et ibi Trebell. in Not. Antiquitatis* quidem receptum esse potuit, ut solis Senatoribus et Equitibus competeret jus aurei annuli, (vid. *Dion. Hal. XLVIII. p. 345. Plin. Hist. Nat. XXXIII. 3.*); seniori vero tempore, omnibus ingenuis illud commune fuisse videtur, et insigne constituisse ingenuitatis: certe hoc Plinii loco primum narratur, Pallanti SCto ornamenta Praetoria fuisse decreta, (§ 1 et 4 init.). Tum, eodem SCto comprehensum etiam esse, ut *compelleretur ad usum aureorum annulorum.* Neque igitur ille usus, ad ornamenta Praetoria, quae eadem dignitatem dabant Senatoriam, pertinuit, sed peculiare quoddam privilegium constituit: tum aliunde apparet, v. c. ex l. 4, 5 et 6. ff. de jur. aur. annul., jus illud libertis concessum fuisse, quo ingenuitatis privilegia, neque ulla alia consequerentur: quae si eo jure non impetrato usurparent, incidebant in poenam legis Viselliae, vid. l. unica Cod. ad leg. Visell. Pallas igitur eo, quod compellebatur ad usum aureorum annulorum, a Senatu jus ingenuitatis accepit; unde etiam sequentia explicantur: nam cum dicitur *contra majestatem Senatus fore, si Praetor a ferreis uteretur*, significatur dignitatem Senatus minui posse videri, si Praetorius, cui in ipsum aditus patebat, in libertinorum conditione versaretur. Hinc apparet, non servos, verum libertos ferreos hos gestasse annulos. Caeterum omnes illi honores, quos describit Plinius, a Senatu Pallanti decreta sunt, quia sub Claudio auctor exstiterat faciendi SCti Claudiani, quo coërcebantur mulierum libidines, quae servili amore baccharentur. *Tacit. Annal. XII. 63.*

Epist. II. Summum declarat haec Epistola in Plinio honestatis et aequitatis studium. Emerant ab eo negotiatores quidam vinearum ejus anni proventum, antequam maturus

set, et cogitantes magnum tunc esse vini pretium, sperantesque fore, ut etiam augeretur; pluri emerant, quam ipsis vindemiis factis, lucrosum esse posset. Solebant Romani quidem colonis mercedem locationis remittere, si annum sterilem, aliave mala experti essent. (l. 15. § 1. ff. *locati conducti* quo loco notabile est responsum Papiniani § 4.) At longe aliud quid erat in emtione venditione, quando spe lucri ducti homines, majori pretio emissent, quam rei esset valor. Habebant ita quod sibi imputarent (\*). Plinius tamen aequitati plus dandum censuit, quam stricto juri, et emtores, remissione aequaliter facta, indemnes servavit. Inprimis autem notatu dignissima sunt ea, quae dicit in § 2. „mihi autem etc.”

Epist. XII. § 3. *An si litibus tererer, obstrictum esse me crederem pbeundi vadimonia mea.* Notetur singularis usus vocis *vadimonium*: plerumque enim dicitur *obire vadimonia* reus, qui die statuto in judicio se sistit, aut advocatus, qui causam susceptam pro clientibus agit (†). Verum hinc Plinius Titinio Capitoni se obstrictum fore dicit, si in litibus versante se, et causas agente, in Tribunalia et Basilicas frequenter ventitaret, ut se audiret. Vid. *Clavis Ernest. in Voc.*

Epist. XIV. § 2. *Priorum temporum servitus, ut aliarum optimarum artium, sic etiam juris Senatorii oblivionem quamdam et ignorantem induxit.* Uti sumus hanc Epist. ad IV. 23. Parte 1, ut probaremus, jus Senatorium magna ex parte, consuetudine magis, quam lege quoddam comprehensum fuisse, quod inprimis ex hoc loco apparet. Quomodo enim antiqui juris homines, et in illis etiam Plinius, oblivisci potuissent, si scripta lege constitutum fuisset: saken omne jus Senatorium: nam partem ejus legem aliquam complexam fuisse, apparet ex § 19. *h. Ep.* ubi ipsa verba legis memorantur, quae de discessionibus faciendis cavebat.

Alia etiam quaedam ad juris disciplinam pertinentia hinc occurrunt. — Afranius Dexter Cos. violenta morte obierat: incertum vero erat, utrum ipse manus sibi intulisset, an vero a libertis et servis necatus fuisset; et si hoc constabat, num ipsius jussu, an propria nequitia id fecissent. Quaestio igitur de servis habita est (§ 15. *h. Ep.*) ex Scto Silaniano, vid. l. 1. *princ. ff. ad Sctum Silanian.* *Paulus Recept. Sent. III. 5. 3.* hique servi ultimo supplicio affecti sunt. Tum etiam de libertis idem factum est, ex Scto

(\*) Quæri fortasse possit, an emtores rescissionem contractus emtionis venditionis propter enormem laesionem petere potuissent: de ipsa hanc quaestione gravissima controversia agitur inter juris interpretes. Vid. Cujac. *Obs. XVI. 18.* Glück ad ff. ad Tit. ff. *de rescindenda vendit.* § 1028. Hoc vero casu quid juris esse potuerit nescimus, quia quantum damnum emtores Plinii passi fuerint, non exprimitur. Sed etiamsi ultra dimidiam laesi fuissent, tamen fortasse propterea hoc casu contractus rescindi non potuisset, quia aleatorius quodammodo erat, quo emebantur fructus pendentes.

(†) Vid. *Cic. pro Quintio 6. 17.*



SCto sub Trajano huper facto, quo cñtutur, ut etiam de libertis, quos vivus manumississet dominus occisus, quaestio haberetur. *l. 10. § 1. ff. cod.* Nam quos dominus testamento manumiserat, hi jam ex SCto Siliano torquebantur. *Paulus l. laud. § 6.* Jam hac quaestione habitā, quum sententiae rogarentur: erant qui libertos absolventes: alii relegabant: tertia vero pars morte puniendos censebat. Quum vero res ita ad finem perducī non posset, divisīs sententiis, voluerunt ii, qui mortis poenam pronunciabant, se cum relegantibus connumerari adversus absolventes, ut ita duae tantum existere possent sententiae absolventium et condemnantium.

Et quum ita relegantes et occidentes majores numero essent absolventibus, volebant secundo suffragio experiri utra sententia superior esset, occidentium an relegantium. Verum huic ordini merito se opposuit Plinius, quia, qui libertos supplicio ultimo afficiendos censebant, tam a relegantibus differebant, quam ab absolventibus, neque igitur aequum erat, ut potius illis annumerarentur, quam his. Itaque postquam Plinius in hanc sententiam verba fecerat, is, qui mortis poenam pronunciaverat, ab hac sententia discessit, et contulit se ad relegantes: quem cum omnes, qui ejusdem fuerant sententiae, secuti essent, factum est ut hi numero vincerent. (*§ 25 et 26. h. Ep.*). Res igitur eodem rediit, ac si tertia illa pars ab initio relegantibus accessisset, eo tantum discrimine, quod nunc ulterius non videndum erat, utrum relegarentur rei, an morte punirentur, utque mitiorem poenam obtinerent. Caeterum est haec Epistola inter praecipuos fontes, e quibus Viri docti, quae ad Senatus habendi rationem pertinent, hauserunt. Obscurior est locus in *§ 22 in fin.* qui tamen multum lucis capit, ejectā post verba „*quid erga ratione potest esse,*” negatione *non*, quam pro non intellectu compendio adverbii *nunc*, insertam a librariis, dicit *Schaefer* cum *Gesnero* in *Not. ad h. l.*

Epist. XXI. *§ 2.* *Julio mense, quo maxime lites requiescunt.* Jam antiquitūs usu receptum videtur, ut messium tempore forensia negotia intermitterentur, quo agricolis magis tempus vacaret, ad colligendas fruges, quum necessitate litium obeundarum haud in Urbem vocarentur. Et quum plerique Romani, etiam posterioribus rei Romanae temporibus, agriculturā summopere delectarentur, et ex agris maximos redditus perciperent, nil mirum, eos messis tempore, ruri et in villis suis, solutos urbanis negotiis degere voluisse, ut labores inspicerent, et commoda sua tuerentur. Imo haec consuetudo firmata est oratione Divi Marci, quā cavebatur, ne quis messium vindemiarumque tempore adversarium ad judicem venire cogeret. *l. 1. princ. ff. de feriis et dilat.* Non tamen certo quodam tempore hae feriae tum conclusae fuisse videntur, quum ipsae messes vindemiae-que intra certos quosdam dies absolventur: ex hoc Plinii loco colligas, primas illas totum fere mensem Julium occupasse. In provinciis vero moris fuisse docet *Paulus l. 4. ff. cod.* ut Praesides ex consuetudine locorum certum tempus his feriis addicerent. Imperator demum Theodosius, Constitutione, quae est in *l. 1. Cod. de feriis*, certis finibus eas concludisse videtur. Hāc enim conceduntur a die 8 Calend. Julii usque in  
Ca-

Calend. Augusti, aestivis fervoribus mitigandis, ut dicitur in l. 7. *ibid.* et a 10 Calend. Septembris usque in Idus Octobris, fructibus decerpendis.

§ 4. *Forte accidit ut eo die mane in advocatorem subitam rogarer.* Non prorsus vetitum erat, quando agebantur feriae, jus dicere: verum erant causae, propter quas ad Praetorem etiam iis diebus venire licebat, si periculum esset in morâ. Hae causae enumerantur in l. 1. § 2. l. 2 et 3. *f. de feriis et dilat.*

## P A R S   S E C U N D A.

### J U S   P E R S O N A R U M.

**E**pist. XVI. § 1. *Solatio duo* etc. Non satis expeditus esse videtur hic locus. Plinius queritur de morbis et morte quorundam e servis suis: hujus calamitatis duo sibi proponit solatis: unum quod ipse tam facilis esset in manumittendis servis, ut dolor levaretur, amissis iis morte, quibus semet ipsum propediem fortasse manumissione privasset. Hunc enim sensum esse arbitror verborum, „videor enim — perdidit,” unci inclusorum, e quibus sperperam conjicias, servos illos jam manumissos fuisse, quum morerentur. Vid. *Schaefer. in Not. ad h. l.* Contrarium enim apparet ex altero Plinii solatio, quod nimirum servis permittebat testamentum facere, eaque servabat. Haec libertatis species ipsis grata esse debebat, atque ex eo humanissimum doloris levamentum capiebat Plinius. Minus fortasse in errorem nos inducere possent illa verba, „quos jam liberos perdidit,” si pro *jam*, facili correctione, legeretur *jamjam*, pro *mox*, *propediem*. Caeterum apparet hic rursus summum illud humanitatis studium, in Plinio saepe conspicuum, quo imprimis in pie colendis et servandis extremis hominum judiciis utebatur. Servi enim proprie nullo modo testari poterant; quippe nullam personam civilem, neque etiam bona propria habentes, de quibus disponere possent. At de pecuniis Plinius suis servis testamenta facere permittebat, adeo ut intra domum de his pro lubitu statuere possent.

- Epist. XVIII. Considerabimur quae in hac Epistola sparsa traduntur, colligere, et breviter explicare. Domitius Tullus cum fratre Domitio Lucano a Domitio Afro, claro illo Oratore et JCto, de quo vidimus supra, adoptatus erat. Hic testamento facto, octo, decem ante mortem annis, filios adoptivos heredes instituerat: sed interim necessitudo, quae ipsi cum eorum patre intercedebat, ita turbata fuit, ut ipse eum accusaret, quo factum ut in exilium ille ageretur, bonaque ejus proscriberentur. Itaque, quum etiam

a filiis ejus alienatus Domitii Asri animus videretur, testamentum quidem antea factum improbabat (§ 5.), non tamen satis justae esse videbantur causae, quare eos nova testamento exheredaret. Saltem illud non fecit, atque ipsi mortuo Domitius Tullus, et Lucanus successerunt, ita divites facti invito fere ipso, per quem facti erant. (§ 5 *infra*.) Hi autem fratres communionem quandam omnium bonorum fecerunt, quā non tantum praesentia, sed etiam accedentia bona sibi invicem acquirebant: hoc apparet ex § 4. a verbis „atque ita circumscripto testamento, consors frater,” etc. Frater Tulli Lucanus uxorem duxerat filiam Curtilii Manciae (§ 4.). Hic odio generi sui nolens eum ex hereditate suā lucrum facere, neptem suam, Lucani filiam, heredem scripsit, et lege, si esset a patre emancipata, ut cum ita sui juris facta esset, sibi, non vero patri, hereditatem acquireret. Non tamen prudenti hac cautela Manciae, quod cupiebat, obtinuit; nam Domitius Tullus emancipatam filiam Lucani adoptione suam fecit. Quo factum, ut cum bona filiae Lucani, quae ex hereditate avi perceperat, jam pater adoptivus acquireret, is, cum fratre communiōe bonorum junctus, filiam quodammodo, ratione eorum bonorum, in patriam potestatem reduxerit, cōtenuit, ut Lucanus jam ex jure societatis dimidiam partem possideret, quam totam acquisivisset jure patriae potestatis, si filiam ab avo institutam in potestate retinere potuisset. (§ 4—5). Verum Domitius quoque Lucanus mortuus est, herede scripto fratre Tulla, et praeterita filia suā emancipata, *ut frater conciliaretur*, i. e., ut videtur, ne, si hanc ipsam scriberet, Tullum offenderet, isque aegritudine susceptus, filiam adoptivam testamento bonis suis defraudaret. Conciliato ita Tulli animo, hic honesto omnino et laudabili testamento decessit, atque ita opes suas ei restituit, per quam acquisiverat. Haec summa est eorum, quae narrat Plinius in hac Epistola.

§ 4. *Emiserat pater, adoptaverat patruus.* Non difficultate caret hic locus. Nam quum pater filiam emancipasset, ita sui juris facta erat, neque igitur poterat a patruo *adoptari*, quia adoptio in specie locum tantum habebat in his, qui essent in patria potestate constituti: neque etiam poterat *adrogari*: feminae enim per populum Romanum non adrogantur, ut inquit Ulpian. *Fragment. T. VIII. § 4 in fin.* Explicandum fortasse hoc est ex *Gajo Comment. L. I. § 101.* ubi sic legimus, „item per populum feminae non: „adoptantur, nam id magis placuit: apud Praetorem vero, vel in provinciis apud Praetorem, consulem Legatumve, etiam solent adoptari.”

Itaque feminae, quamvis sui juris essent, per adrogationem non poterant filiae loco adsumi; sed ubi in maribus fiebat in patria potestate versantibus, ipsae hanc solutae adoptabantur apud Praetorem. Certe ita juris fuisse conficiat ex hoc Plinii loco: nam filiam suam Lucanus emancipaverat, eamque sui juris factam frater sibi filiae loco adsciverat: quandoquidem autem feminae nullo modo adrogari poterant, nil superest, nisi ut mulier sui juris coram Praetore adoptari potuerit. Mirae tamen haec Gaji loco obstare videtur, alius in leg. 21. ff. *de adoptione*. Ubi disertè idem auctor dicit, „nam feminae ex rescripto

rescripto Principis adoptari possunt:” rescripto autem Principis, ut saepius, ipsa populi auctoritas in comitiis significari videtur, cf. *l. 2. ff. de adoption.* collata cum *Gajo l. § 99.* Duplici modo existimo posse hanc difficultatem explicari. Prior hic est: a *lege* inde *l. 17. ff. l. cit.* agitur de adrogatione impuberum, quae introducta fuerat Epist. Divi Antonini, *Gaj. l. § 102*: et quum conditiones in his legibus exponantur, quibus illa adrogatio conceditur, in quibus etiam erat satisfactio adrogatoris, Marcellus in *l. 20.* scribit, hanc locum habere, si pupillus impubes decesserit, idemque juris esse in *pupilla*: tumque subjungitur fragmentum Gaji ex *Lib. Regularum* ubi dicit, etiam feminas ex rescripto Principis posse adoptari. Ex fragmenti igitur hujus collocatione dixeris, *rescripto* illo ipsam Divi Pii Epistolam significari: adeoque non dicit Gajus universe, feminas per rescriptum Principale adrogari posse, sed *pupillam* etiam comprehensam esse Epistolâ Antonini, ut haec etiam, si impubes sit, quamvis sui juris, tamen adoptari possit. Non igitur, secundum hanc explicationem, tempore Plinii mulieres sui juris, sive per populum, sive per rescriptum Principis adrogari potuissent, quod postea demum introductum esset, versus aetatem Diocletiani, argumento *leg. 8. Cod. de adoption.*: et sic etiam stat nostra loci Pliniani interpretatio.

Verum aliâ etiam ratione nodum ita solvere possimus, ut diu adhuc adrogationes in Comitibus curiatis per populum factas fuisse dicamus (ad Diocletiani usque tempora eum morem viguisse, conficias ex *l. 2. Cod. de adoption.*); neque igitur Caesares illud jus populi ademptum prorsus sibi vindicasse, sed in quibusdam causis, in quibus adrogatio per populum stricto jure fieri non potuisset, favore quodam, per rescriptum adrogasse. Unde seriori demum tempore factum esset, ut sensim omnis haec adrogandi potestas penes solum Principem esse existimaretur: eo sensu recte dicere potuit Gajus tum in *loc. cit. Comment. feminas per populum adrogari non potuisse*, et in *leg. 21. ff. cit. per principale rescriptum potuisse*. Quia Imperator privilegii instar per rescriptum ad libellum supplicem concedere poterat, quod jure publico stricto non licebat. Haec explicatio prae priori illâ illud etiam habet, quo se commendat, quod eo modo tollitur difficultas, quae alloquin ad Plinii locum sponte se offert. Nam si verum est, feminas sui juris, et filiam etiam Lucani, coram Praetore adoptatas fuisse, quia adrogari per populum non poterant, merito quaeratur, quare postea per rescriptum adrogatae fuerint, quandoquidem etiam sine eo in adrogationem quodammodo se dare poterant. Sin vero posteriorem explicationem sequamur, evanescit haec difficultas. Dicendum enim tum est, filiam Lucani peculiari Principis favore adrogatam fuisse, non vero coram Praetore adoptatam. Lucem inde etiam caperet *l. 8. Cod. cit.* Tbi enim docetur, feminam sui juris nullo alio modo (i. e. *per populum*) adrogari posse, quam per Principale rescriptum. Quod egregie convenit cum Ulpiani et Gaji locis citat.

Ep. XVIII. § 5. *Quin etiam bona prescribenda curaveris.* Supra ita illum locum ex-

plicui, ut dicerem patrem Tulli et Lucani, accusante Domitio Afro, in exsilium actum, bonaque ejus proscripta fuisse. In hanc sententiam me adduxerunt sequentia verba in § 6, ubi carpitur *Domitii Africani asperitas, qui numero civium excidit, quem solum etiam in liberis habuit*, unde apparet, patrem illum, auctore Domitio, eam poenam passum esse, quae civitatis et bonorum amissionem irrogabat. Haec autem erat exsilium, sive deportatio, antiquae aqua et igni interdictioni substituta. Vid. *Heinecc. Antiq. ad Tit. Instit. de cap. demin. § 9 et 10.*

Caeterum nullae causae tractantur hoc Libro, nisi excipias eam libertorum Afranii Dextri, quam ad primam partem retulimus, utpote magis notabilia quaedam de jure Senatorio, quam de judicio homicidii continentem.

## EPISTOLARUM LIBER NONUS.

### PARS PRIMA.

#### ANTIQUITAS, HISTORIA JURIS, VERBORUM SIGNIFICATIO.

**E**st hic Liber omnium maxime inops eorum, quae ad hujus instituti rationem referri possint. Paucissima igitur illa, ad quae nonnulla adnotanda esse putavi, uno brevissimo capite comprehendemus.

Epist. XII. § 16. *Cornutus* (dicebat), *datum se a Consulibus tutorem Helvidiae filiae, petentibus matre ejus et vitrico.* Apparet ex hoc loco, tempore Plinii, regnantibus Nerva et Trajano, tutorum dationem ad Consulum adhuc munus pertinuisse, quod illis SCto sub Claudio facto commissum fuerat. *Sueton. in Claud. 23.* Haud ita multo post, M. Antoninus Imp. Praetorem singularem constituit dandis tutoribus, inde *Praetorem tutelarem dictum: § 3. Instit. de Atiliano tut. l. 1. § 1. f. de confirm. tutor.*

§ 19. *Rogo Patres conscripti, ne me cogatis implere auxilium Tribunorum.* Quum Plinio, Publicium Certum in Senatu accusanti, respondere conaretur Vejento, is eo rumore, atque strepitu exceptus est, ut vix audiri posset: invocavit igitur Tribunorum plebis auxilium, quorum inprimis munus in eo versabatur, ut civium jura a magistratum injuriis salva custodirent: itaque Murena Tribunus ipsi dicere permisit. Quam late igitur patuerit Tribunorum potestas, apparet etiam ex hoc loco, ubi, quamvis per longam servitutem jam multum imminuta esset, Murena tamen in ipso Senatu Consulum pro-

proprio jure usus est, ut dicens veniam darent. Docemur etiam h. l. Tribunitiam potestatem, quamvis eam ab Augusto inde Caesares sibi arrogaverint, tamen diu adhuc aliquatenus penes ipsos Tribunos remansisse.

Epist. XXXVII. § 1. *Quum me necessitas locandorum praediorum plures annos ordinata detineat.* Plinius Paulino se excusat, quod primo ejus Consulatus die Romae adesse non possit, propter gravitatem negotiorum, quibus ruri detinebatur. Erant enim locanda praedia, idque magnas cautiones et prudentiam requirebat: nam locabantur plerumque agri privatorum in lustrum, s. quinquennium, ad exemplum locationum publicarum, quae a Censoribus singulis quinquenniis renovabantur: exempla multa sunt in ff. e quibus citasse sufficiat, l. 13. § ult. ff. locati conducti. l. 25. § ult. ff. soluto matrim. l. 16. ff. de liberat. leg. Quum igitur in longum tempus contractus locationis fieret, caute et accurate erat perficiendus, et conditiones diligenter definiendae, ut per totum hoc temporis spatium res salvae locatori manerent. Augebatur haec difficultas eo, quod aliam locandi rationem inire decreverat Plinius, ut temporum iniquitati, qua a colonis mercedem locationis extorquere difficile erat, prospiceret. Quum enim antea mercedem annuam a colonis percepisset, jam partiaris eos facere voluit, ut partem fructuum perceptorum ipsi colligerent, partem sibi cederent. (§ 3—4.)

## EPISTOLARUM LIBER DECIMUS.

### P A R S P R I M A.

#### ANTIQUITAS, HISTORIA JURIS, VERBORUM SIGNIFICATIO.

Epist. XIV. *Diplomate adjuti.* Moris erat, ut tabellaris, aliisque nunciis e provinciis ad Caesarem transferentibus, quo celerius iter perficerent, *diploma*, sive scriptum instrumentum, a Provinciae Praefecto daretur, quo exhibito, ubique equis et vehiculis eorum cursus erat adjuvandus. His, diebus et noctibus, et omni tempestate, iter sine mora erat conficiendum. Elegans exemplum: *caus. l. 137. ff. de verb. oblig. ad quam vid. Cujac. in Comm. ad h. l.* — Diplomata illa die certo erant insignita, et per certum tantummodo temporis spatium vim obtinebant, quae praeterito, non amplius in usu esse poterant, quod rescripsit Trajanus Plinio, *Ep. 55. h. l.* Videntur ab ipso Imperatore fuisse subsignata: certe ab eo Romae in provinciis mittebantur Praesidibus,

qui his, eustibus propositis, uterentur (*Ep. cit. 35*). Non nisi rarissime eorum usus, necessarii favore, etiam privati concessus fuisse videtur. (*Ep. ult. h. L.*). — Ex hoc more fortasse explicari possit locus notissimus in *l. 2. ff. de in jus voc.* Ubi dicitur, in jus vocari non oportere, nec eum qui equo publico in causâ publicâ transvehitur. Fuerunt, qui hæc verba interpretarentur, de solenni transvectione Equitum in Capitolium.

Imò pro *causâ publicâ*, *Cujac. Obs. XIII. 29*, legi voluit, in Capitolium, et Hotmannus *Obs. III. 21*, in conspectu publico; sed intelligi optime potest, retentâ vulgari lectione, hoc vetitum de tabellariis illis sive grammatophoricis publice iter facientibus et diplomate munitis; horum cursum in jus vocatione impedire prohibitum erat. Confirmatur hæc explicatio textu Basilicorum, quæ verbum Latinum *transvehere* vertunt Graeco *διδυμι*, quod de Equitibus Capitolium ascendentibus vix dici possit. Vid. *Cl. Smallegburg, in Not. ad Schulting. ad leg. 2. ff. cit.*

Epist. XXIV. § 3. *Nam et menstruum meum Calendis Septembris finitur, et sequens mensis compleret dies feriatis habet.* Plinius hæc Epistolâ ad Trajanum commeatum petit, quo in municipium abire possit, locum templo aedificando electurus, et agros inspecturus. Fungebatur enim tum Praefectura aerarii Saturni, cujus muneris gravitas vetabat eum pro lubitu ex urbe proficisci. Vid. quæ adnotavimus *ad Ep. III. 4. 2.* Ad confirmandas autem suas preces, *menstruum suum* mox finitum esse dicit; nimirum, ei magistratus, qui plures simul uno munere fungebantur, per menstruas vires illud obibant. Sic etiam Consules alternis mensibus Lictores habebant 12. cum fascibus. vid. *Suet. in Caes. 20.* Praefectura aerarii idem proprium fuisse discimus hoc loco. *Sequens mensis, qui plures dies feriatis habet*, significatur mensis Octobris, quo vindemiales feriae agebantur. vid. *adnot. ad Ep. VIII. 21. 2.*

Epist. XXVIII. § 5. *Displace domine, an necessarium putet, mittere huc mensorem.* Significantur mensores aedificiorum, sive Architecti, qui memorantur in *l. 2. ff. § 7. si mentor, falsum modum dixerit*, diversi ab agrosum mensuris, de quibus imprimis in ff. illo Tit. agitur. Horum publice, ut videtur, constitutorum muneris pars fuit, ut operum publice locandorum descriptionem facerent; et pretia materiae, et operum aestimarent, ne nimis magnâ pecuniâ ea locarentur; ejusmodi mensorem, peritum et fidum, Plinius a Trajano petit, ne, quandoquidem multum ab hujusmodi hominis integritate penderet, Bithynorum fortasse fraudibus respublica detrimentum caperet. Sequenti Epistolâ Trajanus eum e provincia mentores eligere jubet, quibus satis credi posse affirmat: ceterum de mensuris vid. *Glück ad ff. ad Tit. si mentor. caet. § 763. p. 875 et seqq.*

Epist. XXXIV. § 2. *Eris enim pueritia, ex qua fias — unde, quam ipse interrogare de oleum soliti, parati sunt in opus balinei conferre.* Veteres, quum frequentissime balneis mesentur, quod sub ardentiore sole corpora requirunt, in iis etiam oleo ungui

solebant, quo cutis mollior evaderet et laevior. Oleum illud Romæ sæpe a Principibus dividebatur, atque hæc liberalitas *congiarium* dicebatur, quia proprie *congium* olei singuli accipiebant. Sed pro oleo pecunia etiam distribuebatur, et sic *congiarium* deinceps quamvis frumenti, vini, olei, aut pecuniæ largitionem significavit. vid. *Suppon.* in *Aug.* 41. in *Tiber.* 20. *Plin. Paneg.* 25. In multis autem civitatibus in provinciis minoris erat, ut quemadmodum frumentum, imo vinum, sic etiam oleum publicis sumptibus emeretur, et in balneis præberetur. Huic muneri olei comparandi, et distribuendi prepositi erant curatores quidam, inde *olearii* dicti, uti, qui frumentum coëmehant, dicebantur *strutæ.* l. 18. § 5. *f. de numer. et honorib.* Inter munera civilia personarum non numerabatur hæc cura, et nisi immunitas affici esset concessa, omnibus civibus sua vice erat gerenda. Accurrite omnem de personalibus muneribus doctrinam exposuit Arcadius Charisius in l. 28. *f. de his.* Imperator Antoninus Pius Philosophis, Rhetoribus, Grammaticis, et Medicis, Epistolâ vacationem concessit aliorum munerum, et hujus, olei emendi et curandi. l. 6. § 8. *f. de excus.* Ad hanc autem coëmitionem, cives in municipiis tributum quoddam pendere debuisse videntur. Quod quum etiam Prusenses facerent, hæc pecunia uti voluerunt ad aedificandum novum balneum, ne publice in hoc opus pecuniam erogari necesse esset.

Cæterum ex hac Epistolâ, ut ex multis aliis hujus Libri, conficere possumus, quam diminuta et extenuata fuerit eo tempore magistratum Romanorum in provinciis auctoritas: nam, qui olim potentissimè erant orbis terrarum *Autokratæ*, et vix deposito munere, eorum quæ fecissent, rationes interdum publice dare cogebantur, iidem nunc ne balneum quidem novum sine Imperatoris consensu extruere poterant. Nisi venit ad d. l. 1. 3. *f. de operib. pub.* Ubi Macer in lib. 2. de off. *Præsidis*, docet opus novum privato sine auctoritate Principis fieri potuisse; constitutionibus vero cautum esse, ne publico sumtu opus absque Principis consensu extruatur.

Epist. XXXVIII. *Sempronius Coelianus — consularem de modo pœnæ.* Quum corruptis moribus antiquis Romanorum bellicarum rerum ardor sensim decresceret, Imperatores sæpe omnia conati sunt, quo militiae pristinae suus honos haberetur. Propterea etiam servis stipendia facere prohibicum erat, et qui fraude in numeros relati erant, ultimo supplicio puniebantur, ut docet Martianus in l. 41. *f. de re milit.* Plinius vero dubitavit, an quidem severam hanc pœnam, hoc casu, servi a Sempronio Coeliano, inter thrones reperti meriti essent; quia non adhuc sacramento in numeros relati, neque igitur proprie milites erant. Tirones enim erant milites novi, qui postquam militiae nomina dedissent, armis exercebantur, non vero adhuc in numeros erant relati, vid. l. 42. *f. de testam. milit.* Ea vero, quæ Ulpian. docet in d. l., non repugnant his, quæ rescripsit Trajanus in Epist. sequenti: „Non ideo dubitandum esse, nam capitale iudicium „servi meriti essent, quod in numeros nondum essent relati: militem enim jam aliquem „fieri, quo primum die a Tribuno aut inquisitore probatus et receptus sit:” scil.



ratione ejus statûs, ut si e. g. servus sit, ab eo inde die, militiae ineptus esse videatur, neque ut restitui possit, spectari debeat, utrum jam severâ sacramento miles factus sit: non dicit igitur Imperator, aliquem ratione jurium civilium, v. c. testamenti fâctionis, militem censi ab eo inde die, quo lectus ac probatus fuit; quod manifeste pugnat cum *l. 42. f. cit.*

Epist. XL. § 2. *In plerisque civitatibus — annua accipiunt.* Qui in opus publicum, in metallum, in opus metalli, etc. damnati erant, fiebant servi poenae *l. 17. f. de poenis.* Et quamvis non semper in perpetuam poenam condemnarentur, et si tempus expressum non esset, in decennium tantum condemnati censerentur. (*l. 23. eod.*) tamen finitâ poenâ, nullis poterant civilibus juribus aut numeribus frui, quippe civitate non solum, sed etiam libertate in perpetuum orbati. Imo conditio servorum publicorum, si-ve actorum, erat honestior, quam ut in metallum damnati ea uti possent.

Hi enim curandis et custodiendis tabulis publicis praepositi, aliqua existimatione gaudebant, et in publicis officiis versari dicebantur (§ 2). Vid. annot. ad *L. VII. 18. in Part. 2. in Not.* Docemur etiam h. l., annuum pecuniam, sive honorarium, publice his tributum fuisse. Neque igitur poterant condemnati illi Nicomedenses, qui nullo modo poenâ erant soluti, in ejusmodi conditione quiete versari.

Epist. XLI. § 2. *Si qui vetustiores inveniantur et senes ante annos decem damnati, distribuamus illos in ea ministeria, quae non longe a poena sunt.* Quamvis laudabilis sit haec Trajani miserorum senum cura, humanius tamen etiam in simili, ut videtur, causâ rescripsit Di. Pius, ubique egregio humanitatis et virtutis studio, in toto Corpore Juris conspicuo. Refert illud rescriptum *Modestini, l. 22. f. de poenis*, quo cautum, ut a Praesidibus provinciarum damnati, qui morbis aut senio operibus impares facti essent, si modo per decem annos in poenâ versati fuissent, dimitti possent. Adjunxit vero Imperator eam prudentissimam conditionem, ut haberent cognatos, quibus cum habitarent, et a quibus alerentur, ne a republicâ pasci deberent. Invenit igitur Antoninus rationem subveniendi difficultati, quae imprimis impediri videbatur Trajanum, quo minus eadem humanitate in condemnatos uteretur. Queritur enim Plinius *Ep. 40. §. 4.* inutile esse, eos reipublicae sumptibus alii, et periculosum fore, si propriis vivere cogerentur. Laudare itaque non satis possumus Antonini illud rescriptum, quo tam egregie humanitatis officium cum civili prudentiâ conciliavit.

Epist. XLII. Insignis est haec Epistola Plinii, cum rescripto Trajani, de jure collegiorum, ad quam breviter subsistere operae pretium est.

Distinguenda sunt imprimis duo genera Collegiorum apud Romanos: erant alia, quae non nisi Decorum cultum, sacrorumque celebrationem, aut pium aliquod negotium spectabant, atque haec magis proprie *sodalitia* dicebantur: de his infra videndum erit, ad *Ep. 95. h. l.* Alia, de quibus hîc agitur, erant collegia Opificum et Artificum,

ad

ad exercenda conjunctis viribus varia industriae genera instituta, et quae cum antiquis nostris opificum corporibus, *Gilden* dictis, non absurde comparari posse videntur. Jam antiquissimum illud erat apud Romanos institutum, siquidem apud Plutarchum legimus, Numam primum introduxisse collegia artificum, αὐλητῶν, χρυσοχόων, τεκτόνων, βαφέων, σκυτοτόμων, σκυτοδέφων, χαλκῶν, κεραμέων, (*Plut. in Numa p. 176. ed. Tauchn.*). Multa alia etiam memorantur variis locis in D ejusmodi collegia, pictorum, scutulariorum, utriculariorum, hajulorum, piscatorum. Haec vero imprimis ad communem sociorum utilitatem informata fuerunt, sed alia etiam publice constituta fuisse videntur, quorum opera et officia praecipue reipublicae essent addicta. Hujus generis fuerunt illa fabrorum collegia, quale unum Plinius in Bithynia ad compescenda incendia creare voluit. Romae satis huic rei prospectum erat, ubi Praefecti Vigilum specialis cura in eo erat posita, ut per totam noctem vigilaret, et per vicos et plateas erraret, cum hamis, dolabris, aliisque instrumentis ad extinguenda incendia. *l. 3. f. de off. Praef. Vigil.* Verum in Bithyniae civitatibus nihil tale receptum erat; quare frequentibus aedium conflagrationibus admonitus Plinius, primum Urbes instrumentis necessariis instruxit, et de constituendo fabrorum collegio Imperatorem consuluit, quos semper paratos haberet ad aquam afferendam, aedificia incendio proxima diruenda, ne propagarentur flammæ, aliaque hujusmodi ministeria praestanda. Ejusmodi corpus comparari non inepte posset cum hodiernis Urbium militiis, ad similem curam comparatis; habebat suas leges et instituta, suos Praefectos, magistros et defensores, sive syndicos, qui ejus commoda tuebantur. Longius vero, quam par est, evagaremur, si vel paucissima delibare vellemus ex iis, quae copiosissime a variis auctoribus de corporum jure disputantur: late imprimis de hoc argumento egit, *van Wassenauer in diss. ad Tit. f. de colleg. et corpor. : in Jurisprud. antiq. Fellebergi Tom. I. p. 401.* Breviter tamen adhuc subsistendum est ad haec verba in § 3. *huj. Epistolae.*

§ 3. *Ego attendam, ne quis nisi faber recipiatur, neve jure concesso in aliud utatur.* Nimirum Praesidibus provinciarum prohibitum erat alia in provinciis collegia pati, quam quae ex S<sup>c</sup>i aut Caesaris auctoritate coirent: *l. 1. § 3. f. de coll. et corpor. l. 1. f. quod cujus cunq. Univers. nomine:* aut novum quoddam absque ejusdem consensu instituere. Plinius igitur hanc veniam a Trajano petens, promissit se curaturum, ne ii etiam collegio admiscerentur, qui nomine fabri, revera autem novarum rerum molitores essent: neve socii collegii jure sibi concesso, ut arcam communem, et statis diebus conventus habere possent, aliaque corporum licitorum privilegiis abuterentur, ad quaevis nexia et turbulenta consilia miscenda; non tamen Plinii desiderio assensus est Imperator, Epistolâ ad eum rescriptâ (*53. h. L.*); veritus, ne in Bithynia, quae cum aliis Asiae regionibus praecipua novae religionis erat sedes, ejusmodi institutio animam praeberet Hetaeris, sive conventiculis Christianorum, ad celebranda fidei suae my-

steria, quae severe tunc coëcebantur, et quas nuper Plinius ex edicto Caesaris vetnerat. *Ep. 97. h. l. Conferri meretur ad h. l. Cujac. Obs. VII. 30.*

Epist. LVI. § 1. in fin. *Habuisse (Apamæenses) privilegium et vetustissimum morem, arbitrio suo rempublicam administrare.* Erat Apamea colonia juris Italici, *l. 1. § 10. ff. de censib.* Quales meliori conditione utebantur quam Latinae, et habebant quaedam privilegia e. g. immunitatem tributorum, sive census capitis et soli. *vid. l. ult. § 5, et § 7. ff. de censib. Heinco. Antiq. in Append. 1. 5. 129. ed. Hauboldt. Cl. von Savigny in Comment. über das jus Italicum. Berol. 1817.*

Epist. LXIV. Consulit hæc Epist. Plinius Imperatorem de relegatis in triennium a Procos. Servilio Calvo, et edicto restitutis, num esset confirmanda hæc restitutio. Ratio dubitandi erat, quod mandatis Trajani, quibus Praesides in provincias euntes instruebantur, continebatur, ne aut a se, aut ab aliis relegatos restitueret; tantum fortasse illud erat, ne provinciarum Praefecti nimiam potentiam sibi arrogarent, si quoscunque libuisset, liberatos a poenâ in provinciam revocare et eo beneficio sibi adstringere potuissent: quod imprimis Imperatoribus erat metuendum, quibus semper curae fuit, ut minuerent et frangerent magistratuum in provinciis potestatem. Et omnino animadvertendum est, omnes fere turbas et Imperatorum caedes, novo quodam duce occisi locum occupante, e provinciis ortas fuisse. Porro, de iis etiam in perpetuum relegatis consulit Plinius § 4, qui sine restitutione in provinciâ morabantur. Difficultas in eo posita erat, quod acta prioris Procos. Jul. Bassi, repetundarum damnati, Scito rescissa erant, et omnibus ab eo damnatis jus datum, intra biennium novam cognitionem deprecendi. Quod cum aliquis a Basso in perpetuum relegatus, et a Plinio in provinciâ deprehensus facere neglexisset, rogat Imperatorem, quid de eo statuendum sit. De prioribus autem illis Imperator in Epistolâ sequenti rescribit, se antequam de iis decerneretur, a Calvo quaesitum, quid ipsum ad restituendos eos permovisset. De relegato vero a Jul. Basso non difficilis admodum erat quaestio. Tempus praeteritum erat, intra quod de novo agendi facultatem habuerat, neque igitur amplius eo beneficio uti ipsi licere poterat. Imo graviore poenâ erat afficiendus, quoniam in provinciâ contra legem morabatur; quare jubet Imperator, ut ad Praefectos mitteretur Praetorio, (Erant enim interdum duo simul, *vid. Tacit. Annal. XII. 32.* Ubi memorantur L. Geta, et Rufius Crispinus, qui simul curam Praetoriarum cohortium habebant), ibi majorem potestatem passurus. Merito autem quaeratur, quare ita jussit Trajanus: nam ex *l. 10. ff. de off. Praes.* apparet, Praesides provinciarum, qualis Plinius erat (*vid. Masson. in Vitâ Plin. n. 41. § 5. p. 70.*) eandem cognitionem in provinciis habuisse, quam habebant Praefectus Urbis vel Praefectus praetorio Romae.

Non iis quidem proprium erat imperium merum plenissimum, quod soli Praefecto praetorio compete-  
bat, sed habebant tamen ejus aliquas partes, jus gladii, jus relegandi, excepto jure deportandi in insulam *l. 2. § 1. ff. de poenis l. 6. § 1. ff. de interdict. et re-*

*legat.* Satis graviter igitur sine Praefecto praetorio in relegatum illum reducem animadvertere potuisse videtur. Sed ratio fortasse quaerenda est in summâ auctoritate Praefectorum praetorii, qui soli Principis personam referre poterant, et ejus vices sustinere l. un. § 1. ff. de off. Praef. pract. l. 1. Cod. de near.: a quorum sententiâ prorsus appellari non poterat l. un. ff. cit.: qui etiam alia privilegia habebant, quae enumerantur in l. un. Cod. de sent. praef. pract. l. 2. Cod. de sent. ex parte. recit.: imo auctoritatem aliquam in omnes provinciarum Praesides l. 38. Cod. de decurionib. et Cujac. in Parat. ad Tit. ff. de off. Praef. pract. Trajanus igitur fortasse voluit, ut de graviore hominis illius delicto accuratior et severior cognitio haberetur, et si reus deprehenderetur, deportaretur, quam solam poenam Praesides dicere non poterant: quia ultimum non quidem supplicium meritis erat, graviolem tamen simplici relegatione poenam.

Epist. LXVI. § 1. *Flavius Archippus vacationem petere coepit ut philosophus.* Ergo jam tempore Plinii a muneribus civilibus vacatio concessa erat philosophis, quod constitutione primum confirmasse videtur D. Pius l. 6. § 7, 8. ff. de excusat.

§ 3. *Recitata est sententia — damnatus in metallum.* Nam qui ex lege Cornelia testamentaria falsi condemnati erant, si honestiores essent, in insulam deportabantur, humiliores in metallum damnabantur, aut crucis supplicio afficiebantur. *Paulus Recapt. Sent. V. 25. 1.*

*Ed.* *Ille nihil proferebat quo restitutum se doceret.* Etenim etiam servi poenae facti damnatione in metallum poterant indulgentiâ Principis restitui. *Paulus Recapt. Sent. IK. 8. 24.* Caeterum notabiles sunt haec Epist. et seq. ad causam Archippi pertinentes. Edictum Nervae civium amorem et summam ingenii lenitatem spirat. Mitis et humanissima indoles optimi Imperatoris Trajani declaratur ejus rescripto de eadem causâ in Ep. 68. in quâ suae naturae accommodatus esse dicit, benignam sententiam tueri, quam duriolem quae fortasse vera sit.

Epist. LXXXIII. Exponitur hac Epist. quaestio ad jus publicum Bithynorum perti-  
nens. Cn. Pompejus M. quum Mithridate devicto, ejus regnum in Romanam ditionem rede-  
gisset, modum quo variae regiones regerentur, ut fieri alioquin solebat Scto, lege  
factâ ordinavit. Sic etiam Bithyniae legem acripsit, quâ ejus regiminis forma defi-  
niebatur. Quemadmodum autem municipia plerumque eâ utebantur reipublicae con-  
stitutione, quae ad imaginem ipsius Romanae erat accommodatae ut haberent suos  
Duumviros pro Consulibus, suum Senatum Decurionum, suos Censores, Praetores,  
Aediles, imo Tribunos plebis: vid. *Helm. Antiq. Appendix I. 5. 123. et annot. ad Ep. III. h. L.* Sic Pompejus omnem provinciam Bithyniam simili ratione ordina-  
visse videtur, ut unaquaeque civitas haberet Senatum, in quem legebantur a Censoribus,  
ut Romae etiam moris erat, tum privati, tum qui minores magistratus gesserant. Eâ-  
dem vero lege iis tantum officio publico fungi, aut in Senatum legi posse dabatur, qui  
non minores essent annis 30. Postea vero venit Caesaris Augusti edictum, quo cautum,

ut etiam minores 30 annis, modo maiores essent 21, magistratus capere possent, et quum lege Pompejâ iis tantum Senatoribus esse liceret, qui magistratum gessissent, quoniam hi semper etiam 30 annis maiores esse debebant: quaerebatur, num post Edictum Augusti etiam in Senatum recipi possent, qui magistratum gesserant minores 30 annis: et si ita fieri posse videbatur, an etiam privatis, quamvis minoribus 30 annis Senatu assidere liceret, quandoquidem iis etiam, qui magistratu functi erant ante eam aetatem, quae antiquitus legitima fuerat, in Senatum aditus patebat. De his quaestionibus Plinius a Censoribus *destinatis* consultus, ad Caesarem scripsit, et responsum obtinuit, quod continetur Ep. 34.

Ita rem explicari voluit Trajanus: ut lex Pompejâ, quoad aetatem legitimam Senatorum, mutata existimaretur, eatenus, si essent magistratu functi; ut hi etiam minores 30 annis in Senatum legi possent, illis vero qui magistratum non gessissent, aditus in Curiam non daretur, nisi annum 30 explevissem. Quoniam, si ante eam aetatem legi cupiebant, poterant magistratum aliquem petere, quo ab anno 21. fungi licebat. Cum hæc Epist. conferri meretur l. 8. ff. *de muner. et honor.* Ubi *Ulpianus* monet, ante annum 25. neminem ad honores admitti oportere, neque decuriones creari, aut aditum in Curiam iis esse dandum. Ita certe juris esse potuit in iis municipiis, quae non lege provinciali, ut Bithynia et Pontus, regebantur.

Ep. LXXXV. § 1. *Quum Coccejanus Dion in Bule adsignari civitati opus, cuius curam egerat, vellet.* Inter munera publica in civitatibus etiam erat cura operum publicorum, aedificiorum extruendorum et similium: a qua quinque liberi incolumes excusationem dabant, l. 4. princ. ff. *de mun. et honor.*

*Eod. Tum Eumolpus — traderetur.* Cautionem praestare debebant Curatores operum, l. 9. § 3. ff. *de administr. rer. ad civit. pertin.*; eorumque periculum ad heredes curatorum pertinebat. § 1. ff. *eod.* Finito autem opere curator rationes reddere debebat, atque tum demum reipublicae adsignabatur.

Ep. XCIII. Supra ad Ep. 42. h. L. vidimus, de eo genere collegiorum, quae artis alicujus exercitium spectabant. In hæc vero de alio Hetaeriarum genere sermo est, quae ad pios usus contrahebantur. Romae jam antiquitus ex instituto Servii Tullii, (*Dion. Hal. IV. 219.*) confirmato post reges exactos a Consulibus (*idem V. p. 278.*), erant consensus curialium, vicinorum et paganorum, *sodalitia* dicti, in quibus sacra communia et convivia celebrabantur. In Graeciae etiam civitatibus, v. c. Athenis, complura erant hujusmodi collegia, religionem, aut privatorum utilitatem et delectationem, pauperum etiam solatium spectantia: vid. l. 4. ff. *de colleg. et corpor.* Dicebantur hi socii *Φειδοίται*, *αἰσχροί*, *ὀφθαλμοί* etc. Inprimis vero *ἐπαιὶ* fuisse videntur societates, in quibus plures cives inter se stipem conferebant, e qua tenuiorum indigentiae subvenirent. Vox derivatur a verbo *ἐπαύλα*, quod est, amicam victus praestatione aliquem adjuvare, vid. *Schneider. Lexicon in Voce.* Imaginem aliquam hae societates referre videntur.

dentur eorum institutorum, quae ad levandam, privatorum symbolis, eorum paupertatem sunt inventa: aut eorum, quae in tenuiori civium classe frequenter admodum inveniuntur; *Bussen* dicta, quibus collata singulis mensibus vel hebdomadibus pecunia, sumtus funerum, Medicorum et similitum rerum communiter feruntur. Huiusmodi autem Hetaeriae, in aliis civitatibus severe saepe ab Imperatoribus prohibitae erant, ne factionibus et turbis occasio daretur. Cf. li. 1. § 3. ff. *de colleg. et corpor.* Sed quum Amisenorum civitati, quae erat libera et foedere cum Romanis juncta, eo concessum esset, ejusmodi *Epavov* habere, libellum eorum supplicem ad Trajanum cum hac Epistola misit Plinius, ut conservare eos sibi liceret: quod concessit Imperator, modo illis collationibus ad turbas miscendas non abuterentur. Cf. *Dynkershoek de cultu religionis peregrinae Diss. II. p. 414.*

Epist. CXI. *Edictus Domino, Amisenorum civitatis* etc. Difficilis est ea pars historiae Juris, quae agit de magistratibus minoribus in municipiis et civitatibus, quorum ratio admodum diversa fuit pro variis imperii formis, quibus istae civitates utebantur, antequam Romanae ditionis factae sunt: nam illarum sine dubio aliqua ratio habebatur in componendis legibus, quibus regio aliqua in provinciae formam redacta ordinari solebat. Augetur haec difficultas serioribus rei Romanae temporibus, quum iisdem magistratuum nominibus, saepe diversa plane ab antiquis intelligebantur munera et officia. Quare difficile est variis temporibus accurate definire, quale quondam temporum in civitatibus magistratuum munus fuerit. Habemus Novellam 15, inscriptam de *defensoribus civitatum*, cujus titulus Graece vertitur, *περί τῶν ἐκδίκων*. Est etiam in Codice de iisdem Titulus, atque huiusmodi *defensor* in hac Epistola significari videtur. Ex iis quae in locis citatis de illorum munere traduntur, videntur ad imaginem quodammodo Tribunorum plebis Romanorum fuisse concepti, qui provinciales, et plebem in civitatibus a magistratuum majorum injuriis defenderent. l. 4. *Cod. de defens. civit.* Nov. 15. *Praef. inst.* — Habebant etiam jurisdictionem quamdam in causis pecuniariis minoribus. l. 1 et 3. *Tit. cit.* Tum jus actorum conficiendorum l. 2. *Cod. de magist. municip.*, et tutorum dationem l. 3. ff. *de tut. et cur. datis* etc. Imo quietis publicae curam gerebant, ne crimina impunita manerent, et graviorum etiam delictorum rei iudicio subjicerentur, aut ad Praesidem provinciae mitterentur, l. 4 et 6. *Cod. de def. civit.* Vid. *Cujac. in Parat. ad Tit. Cod. laud.* Ex his quae diximus conficere possumus, quinam ille *edictus* fuerit, quem Plinius hic scribit, donationem ab Amisenorum civitate Pisoni factam, ab eo repetivisse, quia ejusmodi donationes Trajani mandatis erant prohibita. Jam Plinius Imperatorem consulit, an cogi possit Piso donationem restituere, quam ante 20 annos legitime acceperat. Et recte rescripsit Trajanus Epistola seq., mandatis suis in futurum, non vero in praeteritum vim esse tribuendam, ne magis pecuniae publicae, quam privatorum commodis consuleretur.

Epist. CXII. Moris fuisse videtur, ut qui in civitatibus ad officia civilia vocari vel-

lent; pecunias aliquam summam in publicum conferrent (\*). Sed quum lege Pompeja in Bithynia et Ponto nihil tale cautum esset, si tamen, quos Trajanus supra legitimum numerum quibusdam civitatibus legere permiserat, certam pecuniae summam solverant, quam *decursionatum honorarium* appellat Trajanus *Epist. seq.* Quo factum, ut Anicius Procos. in quibusdam oppidis eos etiam inferre iuberet, qui intra legitimum numerum a Censoribus legebantur. Jam Plinius quaerit a Trajano, num idem in omnibus Bithyniae et Ponti civitatibus statuendum sit: cui rescripsit Imperator, se de universa re decernere non posse; verum his monitis additur consilium, cujus ratio admodum obacura est, nisi corrupta sint verba. Quodammodo hujus loqui difficultas tolli mihi posse videtur, si prius ita legamus cum editore nostro: „*Id ergo quod semper tutissimum est, sequendam* „*cujusque civitatis legem puto, (scil. adversus eos qui inviti sunt decuriones)*” tum pro: „*Existimo, id acturos, ut erogatio ceteris praefertatur,*” legamus; „*ceteros existimo id* „*acturos, ne erogatio perferatur,*” quam vocum transpositionem commendat Schaefer in nota ad hunc locum. — Sic cum sensum habebimus, ut hortetur Imperator Plinium, nihil universe omnibus civitatibus novi constituere, verum in unaquaque servare, quod de illo decursionatus honorario receptum esset, quod tutissimum sit *adversus eos*, sive *rationes eorum*, qui intra legitimum numerum inviti sunt decuriones. Eos enim, qui intra illum numerum leguntur, etiam si lege libenter pro honore electionis curaturos, ut *erogatio pecuniae perferatur*, non omittatur.

## P A R S   S E C U N D A.

### J U S   P E R S O N A R U M.

**E**pist. II. *Exprimere, Domine, verbis non possum, quantum mihi gaudium attulerit, quod me dignum putasti jure trium liberorum.* Supra jam ad L. VII. 16. in Parte 1. illud jus tetigimus; sed praeter privilegium, quod ibi proprium ei esse vidimus, erant etiam

(\*) Fortasse vero illi soli Buleutae, qui supra legitimum numerum in quibusdam civitatibus indulgentia Trajani creabantur (vid. haec Ep. init. a verbis, *si ii, quos*, etc.), pecuniae summam inferre consueverunt, ut pro muneris honore, gratum civitati testificarentur animum. Mentio etiam fit hujus collationis Buleutarum Ep. 48. h. L. § 5. Ubi omnino recipienda videtur Cassoboni correctio, qui pro *ex pecunia*, quam Buleutae addunt beneficio tuo, legendum censuit, *additi beneficio tuo*.

etiam illa; quapropter tamquam summum beneficium a Principibus interdum concedebatur. Nam primum immunitatem dabat munerum personalium, l. 18. l. 2. § 2. ff. de censur.: tum in delictis hereditariis inprimis cernebatur, nam vir et uxor solidum inter se capere poterant, si jus haberent trium liberorum. *Ulpian. Fragment. XVI. 1. in med.* Imo, cum conjuges ultra certam aetatem semissem tantum relictorum capere possent. (*Heinecc. ad leg. Pop. Pop. c. 38.*): hac in re etiam utile erat jus liberorum. Inde etiam explicari debent ea quae dicuntur, in *Ep. 95. h. l.*, ubi Plinius Suetonio idem jus a Principe peti in § 2, „nam et judicia amicorum promeretur.” Suetonius is, utpote orbus, ab amicis in testamentis vix scribatur, ne non satis capere posset: impetrato verum liberorum jure is erat, qui ab amicis in extremis judiciis non omitteretur. Multa etiam hujus juris privilegia spectarunt feminas et liberas in successione, de quibus legi meretur *Gay. Comment. III. § 44. 49 et seqq.* Hoc unum adnotandum restat, beneficium illud vix concessum fuisse videri, praeterquam illis, qui nuptiis contractis tantum orbi mansissent. Aliud conficiat ex illis, quae dicit Plinius in § 2 in fin. h. *Ep.* „etque magis liberos concupiscit, quos habere etiam illo tristissimo seculo volui, sicut, proes duobus matrimonijs meis credere.” tum ex loco *Ep. 95 cit.* ubi Suetonius dicitur, idcirco etiam trium liberorum jure mereri, *quod parum felix matrimonium ex-*

*Epist. IV. § 2. Est enim peregrinae conditionis, manumissus a peregrino.* Nam peregrinis servorum suorum manumittendo, ne Latinas quidem conditionis facere poterat. Lex Julia etiam, qua liberorum Latinorum conditio introducta est, ad peregrinos manumissos non pertinebat: verbis fere illis veteris JCTi in *fragmentis de manumissionibus § 14.* ad calcem Lib. Ulpiani regularum adiectis.

§ 2. *Idem rog. des. jus Quiritium libentis Antoniae Maximillae ornatisque feminae, Heliae de Antoniae Hermeridi.* Quasilimis disputationibus inter doctos haec Epistola ansem praebuit de jure Quiritium et civitatis, quae longe diversa esse, fuerunt qui ex ea probare conarentur. Vid. e. g. *Heinrich. in Antiqu. Jur. Append. 4. § 23.* Alii vero contrarium statuerunt, in quibus numerasse sufficiat, *Conradi, in Dissert. de Jure Quirit. a civil. Romani non differre. Helmstadt. 1749.*

Graviores hanc rem esse sentio, quam in qua mihi sententiam afferre liceat: attamen eum majoris sit momenti hic locus, quam ut silentio praetereatur, paucis quid mihi verum videatur, explicare conabor.

Verum est, *jus civitatis* hic a Plinio distingui a *Jure Quiritium*: hoc enim ab Imperatore rogat *libentis Antoniae Maximillae*, illud vero Jussuipri suo peregrinae conditionis; idem discrimen observari videtur in *Ep. 6. h. l.* Ibi enim Plinius propinquis Medici cui petit *civitas*, aliis vero *jus Quiritium*. Denique in *Ep. 22. h. l.* rursus eadem aperte distinguuntur. At ex hiis non omnino colligendum videtur, jus civitatis a jure Quiritium revera fuisse separatum; nam ubi Plinius distinguit, eandem quidem rem pe-

tit,



uti, sed iis qui diversâ conditione utebantur, *civitatem peregrinis*, jus Quiritium vero, *libertis*, qui non triplici illâ conditione manumissi essent, quâ fiebant cives Romani plenissimo jure. *Gaj. I. § 17.* Quam autem civitatem peregrinis peteret, non necesse erat etiam addere jus Quiritium; illa enim omnia civitatis Romanae jura itaque jus Quiritium comprehendebat. Iis vero, qui Latini Juniani facti erant, non civitas dari poterat, quam jam aliqua ex parte adepti erant minus solenni manumissione: verum hoc iis dare poterat, quod eorum conditioni adhuc deerat, scil. jus Quiritium, atque illud in eo imprimis cernebatur, ut possent civium Romanorum jure testamenta facere, ex testamento alieno capere, eoque tutores dari. *Gaj. I. § 23.* Nam haec non competebant Latinis Junianis. Quod si vero statueremus, jus Quiritium a civitatis jure diversum fuisse, mediani conditionem nobis fingere debemus eorum, qui neque Latini Juniani, neque jure Quiritium cives essent. At nusquam ejusmodi conditionis mentio fit, imo expresse semper jus Quiritium adepti dicuntur, qui cives Romani facti sunt. Sic apud *Gaj. I. § 28.* modi enumerantur, *quibus Latini ad civitatem Romanam perveniunt*, (ipsius Gaji verbis utor.) Inter illos modos etiam § 35. recensetur, si quis Latinus aedificio non minus quam partem semissariam patrimonii sui impenderit. Is autem *jus Quiritium* consequi dicitur; sic Ulpian. *Regular. I. 3.* recenset octo modos, quibus Latini *jus Quiritium* consequuntur, (quorum primus est, *beneficium principale*, quod ad hanc Ep. notari mereatur): in § 4. autem *iteratione*, inquit, *fit civis Romanus*, etc. Unde satis apparet, idem prorsus fuisse jus civitatis et jus Quiritium, et ubi distinguuntur haec vocabula, omne discriminem quaerendum esse in diversâ conditione peregrinorum, qui nullam adhuc huc juris vestigium, et libertorum Latinorum, qui aliquam civitatis Romanae imaginem jam adepti sunt. — Neque obstat haec explicatio Cl. Savignii doctrinae de civibus optimo jure et non optimo jure, qui ostendit jus civitatis partim ad jus privatum, partim ad jus publicum pertinuisse: hujus fuisse jus suffragiorum in comitiis et jus honorum capiendorum, et qui illud habebant, cives fuisse optimo jure. Vid. Cl. *von Savigny in Dissert. de ortu et progressu Latinar. peculiarium conditionem efficientium in civis. Rom. Berol. 1816.*

Nam haud dubie illud discrimen in jure Quiritium non positum est. Itaque portuerunt v. c., omnes qui cives Romani fiebant, sive Latini, sive peregrini, illud habuisse, et honorum aditum suffragiaque in Campo iis solum paruisse, qui Romani cives nati et educati essent.

Epist. VI. § 2. *Rogo ergo — Ita ut stat in patria potestate.* Explicanda sunt haec e loco *Gaj. Comment. I. § 93.* ubi docetur, liberos peregrini civitate Romana donati, susceptos antequam civis fieret, non aliter in patria potestate fuisse, nisi specialiter imperatoris favore in eam redacti essent, si causâ cognita illud liberis utile esse existimasset, quod jus antea jam receptum, ut vel ex hoc loco apparet, Edicto confirmavit Imp.

Ha-

Hadrianus (\*). Hoc vero in solis peregrinis juris erat, qui cum liberis ad civitatem Romanam perveniebant; nam Latini Juniani idem obtinentes, simul patriam potestatem acquirebant, quoniam partem jam Juris Romani antea adepti erant. *Gaj. I. § 95.*

§ 2. *Utiq; iis in libertos servetur jus patronorum;* item Imperatoris expreso consensu opus fuisse videtur, ut peregrinus in servos manumissos, antequam civis Romanus fieret, eadem jura retineret, quae habebant cives Romani in libertos suos, operarum, succedendi ab intestato etc.

§ 2. *Quod a te volentibus patronis peto.* Notabilis est haec formula, quā Plinius etiam in fin. Ep. 4. h. l. utitur. Scil. patroni, quando liberti eorum Latini jus Quiritium adipisciebantur, jura patronatus amittebant: ita, ut eorum mortuorum bona non amplius tamquam peculia servorum reciperent. (Nam in eo etiam cernebatur deterior Latinorum conditio, ut jure quodam peculii eorum bona proprie manumissorum esse existimarentur. (*Gaj. III. § 54 seqq.*): utque liberti cives Romani pleno jure facti, libere testari possent: scil. quatenus liberto optimo jure patronum praeterire licebat; quod poterat, si liberos legitimos, aut naturales haberet: alioquin patrono dimidiam bonorum partem relinquere debebat. *Gaj. III. § 40 seqq.* Domini vero ne inviti damnum paterentur, Trajanus constituit, ut si iis ignorantibus vel invitis libertus jus Quiritium a Principe impetraret, salva tamen manerent patronatus jura: sic civis Romanus, ceteroquin pleno jure, quoad testamenti factionem et successionem ab intestato, moriebatur tamquam Latinus. Nam solum patronum heredem scribere poterat, eique substituere, verum ne liberos quidem suos instituere licebat, *Gaj. III. § 72.* Propterea igitur Plinius Imperatorem monet, se, volentibus patronis, jus Quiritium eorum libertis petere, ne, si ignorantibus, vel invitis ita fieret, liberti summo jure Quiritium beneficio privati essent; consentientes enim patroni censebantur suo juri in bona libertorum renunciare. Postea Imperator Hadrianus, miserā conditione eorum hominum motus, qui quamvis cives summo jure Romani facti, tamen libero de bonis suis post mortem arbitrio destituti essent, SCto. facto contra Trajani edictum sanxit, ut liberti Latini, jus Quiritium ab Imperatore consecuti, gauderent privilegiis libertorum civium Romanorum, etiamsi nesciis vel invitis dominis cives facti essent, *si eo jure postea usi essent, quo ex lege Aelia Sentia, vel ex SCto, si Latini mansissent, civitatem Romanam consequerentur.* (Ipsius *Gaji* verba *III. § 173*). Quae verba satis obscura, ita explicanda esse puto: lege Aelia Sentia modi praescripti erant, quibus Latini minores 30 annis ad civitatem pervenire possent, si v. c. duxissent civem Romanam, atque ex eā filium anniculum procreassent. *Gaj. I. § 29, 30.* SCtum autem, quod memorat *Gaj. I. cit.* est SCtum factum Pegaso et Pusi-

one

(\*) In editione mea manuali *Gaji Commentarior. in Jur. Civ. Eclogis, Paris. 1822*, in § 93. sine dubio lacuna, quae est in Codice, perperam ita expleta est, *si peregrinus liberis susceptis libertatem adeptus sit, pro si civitatem adeptus sit.*

one Coss., quo etiam Latinis libertis majoribus 30 annis beneficium legis Aeliae Sentiae tributum est. *Gaj. l. § 31.* Jam ex SCto sub Hadriano facto, Latini beneficio Imperatoris civitatem adepti, quamvis invitis dominis, eadem conditione utebantur, qua usi fuissent, si cum Latini adhuc erant, legis Aeliae conditioni paruisent, modo postea id praestarent, quod sive hac lege, sive SCto requirebatur, ut Latini ad civitatem pervenire possent. Magnum sane illud beneficium: antea enim, quamvis cives Romani jam facti adhuc parerent legi Aeliae Sentiae, tamen quoad testamenti factionem moriebantur Latini. — Postea omne illud jus mutatum est a Justiniano: qui sublatâ Latinorum et Dedititiorum conditione, omnibus libertinis libere testari permisit. l. un. Cod. *de Lat. lib. tollend.*

Epist. XXII. *Ago gratias, Domine — civitatem Romanam Harpocrati, Jatra-  
liptae meo, sine morâ indulxisti*, etc. Postquam Plinius *Ep. 4. h. l.* civitatem Romanam Harpocrati petiverat, Imperator, literis ut videtur, illud beneficium concessit, eumque monuit, ut liberti annos et censum ederet; quod omnes facere debebant apud Censores, qui civitatem Romanam impetraverant. Tum hanc Epistolam rescripsit Plinius, quâ Imperatori debitas gratias agit, et difficultatem sibi obortam exponit; quum enim censum et nomen Harpocratis profiteretur apud Censores, ibi admonitus est *debuisset se ante ei Alexandrinam civitatem impetrare, deinde Romanam, quoniam esset Aegyptius*. Hujus instituti rationem assequi satis est difficile. Petenda fortasse est, ex singulari illâ regiminis formâ, quâ Aegyptus prae aliis provinciis sub Imperatoribus semper clausa fuit advenis: quo multum fecit, quod totius Italiae esset quasi horreum, e quo frumentum Romam asportabatur: tum erant turbulentissimi Aegypti incolae, eorumque seditiones metuebant Imperatores; quemadmodum autem civibus Romanis non nisi perraro Aegyptum adire permittebatur, sic etiam fortasse Principes ipsos Aegyptios, quantum fieri posset, discernere voluerunt, et a negotiis cum Romanis arcere; ideo factum esse videtur, ut multis difficultatibus iis impediretur civitatis Romanae petitio, atque prius Alexandriae cives esse juberentur. Ipsa autem illa civitas Alexandrina non nisi magnis cautionibus habitis a Principibus tribui solebat. (vid. *Ep. 23. h. l.*) Fortasse etiam hinc usu venit locus Josephi contra Appianum *laud. a. Cujacti Obs. VI. 35.* ubi dicit, καὶ τοῖς μέγιστοις Αἰγυπτίοις, οἱ κύριοι νῦν Ῥωμαῖοι τῆς οἰκουμένης, μεταλαμβάνειν ἥστινος οὖν πολιτείας, ἀπειρήκασιν. Eodem vetito etiam comprehensum esse potuit, ne vel cives Romani possent fieri Aegyptii, nisi prius ad civitatem Alexandrinam pervenissent. Verum, ut dixi, rationes hinc indagare difficile est rei, quam ipse Plinius nescivit. § 2. *huj. Ep.* Quare ignorantiam suam Imperatori professus, et Alexandrinam et Romanam civitatem Harpocrati suo petiit.

Epist. LXXI. Satis gravis in hac Epistolâ exponitur quaestio de statu liberorum expositorum. Videtur in Bithyniâ frequens haec fuisse parentum nequitia, ut liberos, recens natos in loco aliquo deserto exponerent; quos, si quis misericordia ductus sus-

cepisset, et ad servilem, uti par erat, conditionem educaret, difficile erat statuere, utrum illi homines, *θερροί* dicti, verâ suâ origine detectâ ad libertatem provocare possent. Videbatur enim dominis durum et iniquum fore, si eos frustra amittere cogerentur, quorum operis uti pro impensis in alimenta factis cogitaverant. Haec est quaestio, quam Imperatori proponit Plinius. Romano quidem jure, non ita difficilis esse poterat; nam qui semel ingenui nati erant, illud jus non amittere nisi proprio delicto, aut culpâ poterant. Dominos autem suscipientes non facile latere poterat, utrum essent servi jure gentium, aut civili sui facti, an ingenui nati, aut saltem dubiae originis. Hûc facit L. 1. § 2. ff. *de juris et facti ignor.* Ubi Paulus docet, eum qui expositus fuerit, et parentes ignorans alii serviat, *facto* magis quam *jure* errare: itaque detecto errore, ad libertatem omnino provocare posse. Caeterum, jam Romuli memoratur lex, quâ patribus facta est potestas, de liberis pro lubitu disponendi, eosque necandi, vendendi, exponendi. *Dion. Hal. H. p.* 83, 96. Atque haec lex etiam XII Tabb. fuit inserta. vid. *Bynkershoek de Jure occid. liberos c. 9 init.* Quo autem tempore haec parentum licentia cohibita fuerit, de eo ipso inter Bynkershoekium et Noodtium acriter et acerbe disputatum est. In provinciis, tempore Trajani, parentes liberos adhuc exposuisse, vel ex hoc Plinii loco apparet; in illis vero, ubi jura hominum, utpote peregrinorum, non tam accurate erant definita, quaestiones de *θερρών* statu magni momenti esse potuerunt: quare variis Imperatorum Constitutionibus in variis provinciis interdum hujusmodi difficultatibus prospectum fuit. Invenerat Plinius edictum Augusti ad Anniam quendam pertinens (\*): tum epistolas Vespasiani, aliasque constitutiones, nullas vero ad provinciam Bithyniam pertinentes. Unde primum docemur, quaestionem hûc a Plinio propositam non ad omnes liberos per totum Imperium Romanum expositos pertinuisse, verum in variis provinciis varium hâc in re jus observatum fuisse; quod apparet etiam ex *Ep. 72. § 2 init.*: neque igitur etiam Trajani rescriptum universum aliquod, sed proprium Bithyniae jus constituisse. Tum ex hoc loco discimus, quam caute hâc in re versati fuerunt Romani, ne constitutiones, rescripta, aut edicta Impp. ad unam provinciam pertinentia, temere ad alias etiam extenderentur: et errores saepe inde nasci debuisse, in componendis quoque Principalium Constitutionum collectionibus, quod mandata uni loco aut regioni proprie accommodata, tamquam ubique juris vim habentia, temere reciperentur. Quam difficile etiam fuerit tunc temporis, jura constituta tenere, apparet ex iis, quae dicit Plinius *in fin. h. Ep.*, se enumeratas Impp. constitutiones Trajano non mittere, *quia erant et parum expendae, et quaedam non certae fidei.* Primum in quâvis difficiliori causâ, immensa illa et

(\*) Frustra de hâc Annia plura apud scriptores quæsi: causa tamen ejus illustris et satis nota fuisse videtur. Apud *Tacitum Annal. III. 35*, mentio fit Anniae Rufillae, quæ a Cajo Cæcilio Sestatore fraudis damnata, probra ipsi intulit, et publicâ custodiâ coercita fuit. Sed hæc vix digni fieri posse existimo.

indigesta principalium constitutionum copia erat pervolvenda, ut sciri posset, an ad propositam causam aliquid pertinens inveniretur. Tum, inventa forte quâdam constitutione, librariorum incuria saepe ita erat truncata, ut magnae inde haesitationes oriri deberent: imo ignorabatur nonnunquam, a quo profecta esset Imperatore, et vulgari tantum rumore ejus veritas confirmabatur: sic edictum illud ad Anniam pertinens D. Augusti esse dicebatur, teste *Plin. in h. Ep. § 3.* Ad ipsius etiam Imperatoris scrinia interdum confugiendum erat, ut eruerentur minus vulgares de jure constitutiones, quae alibi inveniri non poterant: imo habemus in *Ep. 78. h. L.* exemplum SCti, quod Trajanus sibi a Plinio mitti vult, ut aestimare possit, quid ex eo sibi faciendum sit; inde etiam extremis temporibus, inexplicabills illa in variis partibus juris orta est confusio, quae tandem JCtos aliquos permovit, ut praecipuas Imp. Constitutiones, a non remotissimis inde temporibus, in unum corpus redigerent, quae solae vim legis obtinerent.

In Epistolâ seq. 72, habemus rescriptum Trajani; eam quaestionem esse dicit, quae jam saepe disquisitionibus fuerat vexata, nullâ vero adhuc constitutione sublata; nam ex iis, quas Plinius enumeraverat, solas fortasse observari debere Epistolas Domitiani ad Avidium Nigrinum, et Armenium Brocchum Procos.: quibus cautum fuisse videtur, ut *operal* adsertionem in libertatem non haberent. Sed quum hae Domitiani Epistolae non etiam ad Bithyniam provinciam pertinerent, ita observari voluit Trajanus, ut *operal* simpliciter in libertatem vindicari possent, nullo pretio alimentorum restituto. Contrarium quodammodo jussit Imp. Alexander l. 1. *Cod. de infant. exposit.*, ut dominus partum ancillae expositum revindicare posset, modo pretium alimentorum et impensas utiles refunderet. Caeterum minime durum, aut injustum erat hoc Trajani rescriptum, quod significat *Dynkershoek Diss. laud. c. 9 in med.* Nam ut jam dixi, qui suscipiebat infantem expositum, magis censeri debebat, eum humanitatis sensu, quam spe lucri, suum fecisse.

Epist. LXXVII. *Postulantibus quibusdam, ut de agnoscendis liberis, restituendisque natalibus — cognoscerem, rescripsi ad SCtum pertinens ad eadem genera causarum.* Non agi videtur h. l., ut quidam volunt interpretes, (*vid. e. g. Gesnerus ad h. l.*) nomine in errorem ducti, de iis servis vel libertinis, qui beneficio Imperatorum natalibus restituebantur, ita ut ingenue nati existimarentur, quamvis in servitute propriae matri essent. De his est *Tit. in ff. inscriptus de natalib. restit.* Verum de illis agi in h. Epist. non credo, quia Plinius scribit, se rogatum fuisse, ut cognosceret *de agnoscendis liberis*, etc. Non autem servi illi qui natalibus restituebantur, agnoscebantur a parentibus, neque etiam ab Procons. aut Plinius cognoscere poterant de beneficio concedendo, quod a solius Principis favore pendeat. l. 2. *Cod. de jura auctor. annul. et de natalib. restit.* Vero igitur mihi similis videtur, Plinium Imperatorem consulere, an cognoscere debeat, de agnoscendis a parentibus iis liberis, qui post divortium editi essent; quâ de re SCtum Plancianum factum est sub Vespasiano, ut videtur, atque illud ipsum a Plinio hic significat.

cari credo. Cavebatur illo, ut mulier post divortium, si praegnans esset, intra dies 30 marito denunciaret, quo facto is aut custodes mittere debebat ad ventrem inspiciendum, aut negare uxorem ex se concepisse, aut si haec neglexisset, partum deinceps natum, tamquam legitimum et suum agnoscere. *l. 1. § 1 et seqq. § 12. ff. de agnosc. et alend. liber.* Liberi ita nati postea etiam ipsi agere poterant, ut agnoscerentur, *l. 1. § 15. h. t.*: deinceps alio SCto sub Hadriano factum cautum est, ut etiamsi constante matrimonio partus esset editus, de eo agnoscendo agi posset. *l. 3. § 1. Tit. laud.* Quum vero SCtum Plancianum ad illas tantummodo provincias pertineret, quibus Procons. praeebant, Plinius vero tamquam legatus Caesaris Bithyniae esset praepositus, consulit Imperatorem, an nihilominus ipse de liberis agnoscendis cognoscere possit. Quae de re se pronunciaturum rescripsit Imp., si SCri, de ea re facti, antea compos fieret.

---

### P A R S   T E R T I A.

#### J U S   R E R U M.

**E**pist. III. § 2. *Nam et fundos emancipavit, et cetera quas in emancipatione implenda solent exigi, consummavit.* Cernitur hic ratio emancipationis ritus. Mater Voconii Romani, ut promissis suis staret, solenni emancipatione agros suos filio tradidit, aere appenso, tamquam imaginario pretio: sic enim fundi ex jure Quiritium ipsi acquisiti erant, aequae ac si vero pretio eos emisset. Quod si mater simplici donatione, ac nuda agrorum traditione filium locupletasset, ita ejus desiderio non plane satisfecisset: nam quum ad censum probandum, ut par erat, possessio irrevocabilis requireretur, solenni emancipationis ritu tradita bona erant in dominio Quiritario, et retrahi non poterant: donatio vero inter vivos, ob causas intercedentes, poterat.

Epist. LVIII. § 2. *Ego, quum quaererem, num esset aliqua lex dicta Templo, cognovi, altum hic, altum apud nos esse morem dedicationis.* In memoriam ad h. l. revocandi sunt ritus solennes, quibus loci apud Romanos sacri fieri censebantur, et quos hic referre longum sit. Vid. *Heinecc. Antiq. II. 2. 2.* Sed hoc unum memorandum est, leges quasdam his dedicationibus templorum adjectas fuisse, lapidi inscriptas, quae ipsius dedicationis descriptionem, Dei nomen, consecrationem, et conditiones, quibus illa religio tolli posset, continuisse videntur. (*Brisson. de Formulis l. 125.*) Nam quamvis locus semel dedicatus etiam diruto templo sacer maneret, et extra hominum com-

meritum<sup>1</sup> positus, tamen poterat religione solvi, si solenni sacrorum evocatione, Dei (\*) numen in alium locum transferretur. Plinius autem, cum Nicomediae transferri deberet aedēs Magnae Matris, vetustate ruinis collapsa, rogavit, num quae in dedicatione lex Templo scripta esset, et quid de sacrorum evocatione praescriberet. Quum vero alio modo dedicationem ibi fieri solere audivisset, et nullam legem esse dictam, metuit ne templum temere transferendo, religio violaretur, quā de re Imperatorem hāc Epist. consultuit. Rescripsit is, ne aedem Magnae Matris in alium locum transferre vereretur; nihil enim mirum accidere debere, quod lex nulla dedicationis reperta fuisset, *quandoquidem solum peregrinum non dedicationis capax esset, quae foret Romano jure*. Quod non ita intelligendum, quasi in peregrinis civitatibus locus non sacer fieri posse existimaretur, atque igitur, salvā religione, impune violari; verum dedicatio erat solennitas eximie Romana, et quae tantummodo in Italiae solo celebrari poterat: quum igitur in eo Templum dedicatum esset, illud non sine evocatione sacrorum, secundum dedicationis legem, poterat religione liberari: in solo vero peregrino, tuto etiam sine evocatione, sacra ex uno loco in alterum transferri poterant.

Epist. LXII. § 1. *Nec inveniuntur qui velint debere reipublicae, praesertim duodenis assibus, quanti a privatis mutantur*. Gravis ad hunc locum agitur controversia inter interpretes: lectio illa *duodenis assibus* retineri non posse videtur, quia non duodenis assibus, sed *duodenis uncis* computabatur annua usura, quum singulis mensibus, una uncia, centesima pars sortis solveretur. Hae 12 unciae (12 pro centum) efficiebant *as usurarium*. (vid. Niebuhr in *Hist. Rom. T. II. p. 431. — 439.*) Quare delendum omnino videtur illud *duodenis*; pro quo *Salmasius de modo usurarum VII. p. 269.* et *Gronovius, de centesimis usuris, et asse usurario, § 61.* etiam reposuerunt *Usuris*, quod eodem fere refert. *Ernesti* totum illud *duodenis assibus* ejiciendum censuit: atque sic tamen illud, *uncis* est intelligendum. Nam eo fœnore privati mutuari poterant. (*Tacit. Annal. VI. 16.*) Caeterum a republica unciario fœnore homines mutuari volebant, quia fortasse ipsi strictius tempore statuto erat solvendum, et in securitatem debiti major cautio praestanda.

§ 2. *Et si ne sic quidem caveant*. Hinc apparet, quam onerosum fuerit Decurionum munus, ut quod cives facere nollent, id ipsos cogere vellet Plinius. Alioquin iis pecuniam reipublicae tractare, conducere quaedam, aut vectigalia ejus exercere, prohibitum erat. *L. 4 et 6 § 2. f. de Detraction. et fidei. car.* Verum apparuit rursus in rescripto Trajani singularis ejus humanitas. Usuras enim maluit, quam ad pecuniam mutuatam accipendam invitos decuriones compelli: quod non *ex justitia sui temporis* fore scribit.

Epist.

(\*) L. 9. § 2. f. de rec. divis. et qualitate.

Epist. LXXIII. *Locus, in quem cadaver semel illatum erat, religiosus censetur factus, neque translatione ossium hac religione liberatur, nisi impetrato Pontificis Maximi consensu. l. 8. et 44. § 2. ff. de religiosis.* Hanc tamen veniam in Bithynia etiam Proconsules ante Plinium concesserant. Quod cum ab eo petitum esset, Imperatorem tamquam Pontificem maximum consuluit, num ita fieri posset. Trajanus autem rescripto in Epistola 74, Proconsulum ~~morem confirmavit, quia longum~~ videbatur, si provinciales, ut reliquias mortuorum transferre liceret, Romae a collegio Pontificum veniam impetrare cogerentur.

Expressius idem sanxit in eadem fere causa Imp. Antoninus rescripto, quod est in l. 1. *Cod. de religiosis.* Quo permisit rectori provinciae dijudicare, an reliquiae mortuorum, propter vim fluminis aut aliam justam et necessariam causam, in alium locum salva religione transferri possent.

Epist. LXXIX. Usi sumus h. l. ad Lib. V. Ep. 7. in Parte IF, ut probarem, non adhuc plane usu convaluisse novum jus ab Imperatore Nerva nuper introductum, ut civitatibus legari posset. (*Ulpian. Fragment. XXIV. § 28*); atque Imperante Trajano Sctum Apronianum factum esse, quo cautum, ut per fideicommissa hereditates civitatibus relinqui possent. Conferri meretur cum hoc loco l. 4. *ff. de administr. rer. ad civit. pertinent.* Ubi memoratur Sctum, quod prohibitum erat pecuniam civitatibus legatam, ut ex redditu ejus venatus aut spectacula ederentur, in eum usum adhibere.

Epist. LXXXVIII. *Nicensibus, qui intestatorum civitum suorum concessam vindicationem bonorum a Divo Augusto affirmant, debetis vacare.* Hoc ita explicandum videtur. Bona vacantia intestatorum, si nulli reperirentur successores legitimi, fisco deferebantur. l. 4. *Cod. de bon. vacant.* Augustum vero sibi concessisse contendebant Nicaenses, ut haec bona vacantia civitatis aerario vindicare possent. Ad libellum eorum supplicem, Trajanus Plinio h. Epist. rescribit, ut de illa causa, adhibitis aliis quibusdam, accurate cognoscat. Conferenda est omnino ad h. l. l. 1. *Cod. l. cit.*

Epist. CIX. *Ego inveni a plerisque Procons. concessam iis esse protopraxian.* Plinius Imperatorem consulit de jure civitatum in Bithynia et Ponto, quibus ex locationibus, venditionibus, caet., pecuniae debebantur, quonam uti possent ad illas exigendas. Jus *protopraxias* a quibusdam Procons. iis concessum fuisse scribit. Quod in eo verisatum esse videtur, ut prae ceteris creditoribus hypothecam privilegiam haberent in bona debitorum, et ea, si in mora essent solvendi, ante alios distrahere possent. Sic fiscus etiam hypothecam privilegiam habebat ratione tributorum, l. 1 et 2 *Cod. si propter res pub. pensator.* etc.

Peculiari autem favore hoc jus primae exactionis concessum esse debuit, quandoquidem ceteroquin in his pecuniis exigendis nullum erat reipublicae privilegium legitimum, et qui prior erat creditorum tempore, is potius jure existimabatur. l. 4. *Cod. qui potior res*



*res in pign.* Ceterum vocem hanc Graecam *πρωτοπραξίαν*, frustra alibi quaesivi. Et plane singularis ejus, h. l. videtur usua, quandoquidem in Schneideri et Schelleri Lexicis, sola haec Epist. in voce laudatur.

## A D P A N E G Y R I C U M.

**P**auciora, uti par est, in hoc opere ad nostri instituti rationem pertinent; proclamat hic Plinius publice Imp. Trajani laudes, et multo magis omnia exornare, et in variis imperii partibus ejus res gestas praedicare studet, quam, ut in Epistolarum libris, de rebus publicis, deque privatis suis et amicorum commodis, libere scribit. Ii tamen loci, qui nobis non praetereundi fuerunt, unice fere illud genus spectant, quod in priori cujusvis Libri parte tractare consuevimus. Quaestiones enim de jure Personarum aut Rerum, aut causae nobiles, in hoc Libro usu venire non potuerunt.

## P A R S P R I M A.

### ANTIQUITAS, HISTORIA JURIS, VERBORUM SIGNIFICATIO.

**C**aput XXXV. § 3. *Neque, ut antea exsanguem illam et ferream frontem, nequidquam invulnerandam praebeant punctis, et notas suas rideant.* Respicitur ad poenam legis Remmiae, qua calumniatorum fronti litera K inurebatur: (vid. *Bronkmannus in Dissert. de lege Remmia, in Osteni Thesuro T. 3*). Nimirum, quum sub malis Principibus, delatorum nefarium genus infamiae notis fronte inustis etiam gloriaretur, quia expetenda Imperatoribus erat eorum opera, Trajanus totam illam cohortem poena exturbavit, qua, praeter literam fronti inustam, calumniatores coerceri solebant exsilio  
aut

aut in insulam relegatione. *Paulus Recept. Sent. V. 9. 11.* Hæc vero crudelitate poena aucta fuit, ut in navibus impositi in plenum mare deducerentur, et sic aestui et fluctibus committerentur (c. 35. init.).

Caput XXXVI. § 4. *Nam Tribunal quoque excogitatum Principatui est, par ceteris, nisi illud litigatoris amplitudine metiaris.* Significatur Tribunal Praetoris Fiscalis, qui inter fiscum et privatos jus dicebat. *l. 2. §. 32. ff. de orig. Jur.* Ibi dicitur is a Divo Nerva primum constitutus fuisse. Schwartzius vero, Plinii interpretes, ex hoc loco maxime probare conatus est, eum ab Imp. Trajano primum esse introductum. Quare pro verbis, *a Divo Nerva, in l. 1. §. 32 cit.,* legi voluit *a Divo Nerva Tr. i. e. a Divo Nerva Trajano.* Dissentit vero a Schwartzio *Bachius de legib. Traj. p. 33.* Hoc unice observandum mihi videtur, non ex hoc loco, Schwartzii conjecturam firmari posse. Nusquam enim dicit Plinius, Trajanum Tribunal illud excogitasse, laudat vero moderationem et acquitatem, quâ in illo privatis commoda sua tueri licebat, et magis constitutum æquius et diligentius illud a Trajano dicit, quam primo institutum.

Caput XXXVII. Hoc capite et seqq. exponuntur ea, quæ Trajanus mutavit in exigendo durissimo illo vectigali, *vicesima* dicto. Augustus jam ad rescindendum aerarium bellis exhaustum introduxerat, ut ex quâvis hereditate vicesima pars ad aerarium deferretur. Excipiebantur tamen eae, quæ suis heredibus a parentibus obveniebant. § 2. h. cap. Ubi animadvertenda verba, „ quæ sanguine, gentilitate, sacrorum denique societate meruissent, quæque nunquam ut aliena et speranda, sed ut sua semperque possessa, ac deinceps proximo cuique transmittenda cepissent.” Magis autem heredes censebantur *sua* accipere, quam *aliena* acquirere.

Illi vero, qui ex peregrinis aut Latinis cives facti erant, cum jus cognationis non haberent, nisi peculiari favore impetrassent, vicesimam etiam hereditatis paternæolvere debebant, neque his ullus casus excipiebatur (§ 3. h. Cap.): quo factum, ut nemo fere non civitatem Romanam respueret, quâ sanctissima familiae sanguinisque jura dirumpiebantur. Sed in eorum gratiam, qui, spretis his damnis, civitatis Romanae honorem successionis emolumento prætulissent, Imp. Nervæ vectigalia hereditarij asperitatem eatenus mitigavit, ut liberi eorum quoque, qui civitatem Romanam obtinuissent, ad patris matrisque successionem integram pervenirent, quamvis cognationum jure essent privati, modo tempore mortis fuissent in patriâ potestate: et vicissim, ut mater in successione liberorum immunis esset a tributo (§ 6. h. Cap.). Latius deinceps illud beneficium protulit Trajanus. Hic enim, quemadmodum filio in hereditate paternâ, sic patri in successione filii impunitatem concessit, quam Divus Nerva soli matri tribuebat, (Cap. 38. § 2.). Idem sustulit conditionem, quâ liberi ad paternam hereditatem sine tributo admittebantur, si scilicet in patriâ potestate fuissent. (§ 7. h. Cap.)

Hæc immutavit ratione habitæ eorum, qui novi cives Romani essent facti. Sed tam his

omnibus cognationis jure concessor, quam reliquis civibus, etiam secundum cognationis gradum immunitatem a vicesima praestitit; ita ut fratres sororibus, sorores autem fratribus, avi nepotibus, nepotes avis libere succederent (c. 39. § 1, 2). Tum in omnibus remotioribus cognationis gradibus, certam summam praestituit, intra quam nullum vectigal publicantis erat solvendum: quo beneficio omnes tenuiores hereditates immunes servabantur. Denique jussit, ut omnes, quibus edicto suo immunitas concedebatur, quique ejus die vicesimam adhuc debebant, eam inferre non deberent (c. 50. § 3). Merito igitur Plinius summis laudibus ejus humanitatem effert: non imitatus est tam pulchrum exemplum Imp. Caracalla, qui pro *vicesima* hereditatum, *decimam* introduxit.

Immane sane vectigal! quod ut etiam augetur, omnibus qui erant in orbe Romano, civitatem Romanam concessit. — Caeterum cf. ad h. l. *Burmans de Vectigal. Pop. Rom.* c. 11. et *Wielingius Lect. Jur. civ. II.* 32.

Caput XLV. § 4. *Et idea non censuram adhuc, non praefecturam morum recepit.* Augustus primam, omni fere antiqua republica mutata, praefecturam morum instituit, quam sibi adsumsit a munere antiquorum Censorum separatam; qua ea potestas continebatur, ut legere posset Senatores et Equites, eosdemque ordine movere, et infamia notare (\*). Haec enim auctoritas tradita uni viro, privatis vix committi poterat. Sequentes omnes Imperatores itidem praefecturam morum receperunt, et Caligulae atque Neronis eorum emendationi studuerunt. Erant tamen Censores, sed qui unice in censu civium conficiendo erant occupati.

Caput LXII. § 2. *Vidit se populus Romanus in illa vetere potestatis suae sede: porcessus es longum illud carmen comitorium, caet.* Plures occurrunt hoc cap. et seqq. loci, e quibus dixeris, comitia populi non tantum regnante Trajano, sed sub aliis etiam Imperatoribus, ad creando Consules, in Campo Martio habita fuisse; neque igitur *stricto* verum esse, quod narrat *Tacit. Annal. I.* 15. l. notissimo, Tiberium comitia e Campo ad Patres transtulisse: imprimis hoc facit § 7. *huj. Ep.* Verum cavendum tamen est, ne hic in errorem inducamur; quicumque hoc tempore consulatum aliosve honores petere cupiebat, primum ab Imperatore veniam impetrare debebat, candidatum se pro-

(\*) Verum quidem est, Sueton. in Jul. Caesare c. 76. tradere, eum continuum consulatum, perpetuam dictaturam, *praefecturamque morum* recepisse: sed credibile est, quum haec scriberet, eum intellexisse antiquam censuram, cujus ea pars, quae mores spectabat, ipsius tempore praefectura morum continebatur: nam apud eundem in Vita Augusti c. 27. in fin., dicitur is primus, sine honore censurae, morum legumque regimen recepisse, et censum populi egisse. Quam extremam censorii muneris partem quum seqq. Imp. ipsis Censoribus reliquerint, ex h. l. apparere videtur, Augustum primum novum illud munus sibi proprium fecisse, ut quamvis censor non esset, tamen morum custodiam exerceret.

proficendi; tum, pro clementiore aut duriore Imperatorum ingenio, solito ambitu capere studebat Senatorum animos, aut nemine obsistente, quia Princeps eum creari voverat, creabatur: quippe is candidatos in senatu nominabat, iisque simul gratulabatur: nam qui semel a Caesare nominati erant, habebantur jam pro creatis (vid. Paneg. 71).

Creabantur vero magistratus in Senatu, in quem sic proprie vis comitiorum erat translata. Tetigimus complura loca e Plinii Epistolis, e quibus haec ejus potestas conspicua est. Vid. *Ep. III. 20.* in Part. I. Atque ita magistratuum creatione in Senatu peracta, tum demum habita videntur comitia populi in Campo Martio: in quibus solennitates illae celebrabantur, quae olim liberâ republica observari solebant; ut auspiciâ consulerebatur, ut tabernaculum poneretur, ut carmen comitiorum recitaretur.

Hinc igitur apparet, quò sensu capiendus sit locus Taciti memoratus. Fuerunt comitia: non quidem vera illa et antiqua, in quibus a populi favore cuncta pendebant, sed exilis et frigida illorum imago. Recte igitur Tacitus concisâ, et sanguine succoque plenâ suâ oratione significavit, comitiorum vim ad Senatum transisse, umbram penes populum remansisse.

Caput LXV. *In rostris quoque simili religione te legibus subjecisti. Legibus, Caesar, quas nemo Principi scripsit.* Gravissima sunt haec verba et seqq. Nam licet minime negligendum sit, multa a Plinio in Panegyrico dici, quae ad Principis adulationem et oratoriam laudem magis sint composita, quam ad strictam veritatem exacta, tamen ex his apparet, quam penitus Romanorum mentibus inhaeserit servitutis cogitatio. Majorem vim etiam habent sequentia. „Quod ergo nunc primum audio, nunc primum „disco; non est Princeps supra leges, sed leges supra Principem.” Nam contrarium plane antea verum fuisse, his verbis indicatur; sic opposito, ut passim fit per totum Panegyricum, deterioris seculi exemplo, Plinius clariorem conatur efficere Trajani gloriam. Non nimis tamen, ut jam dixi, haec premenda sunt, ut inde v. c. probare velimus, Ulpianum in l. 31. *de legib. ff.* cum dicat *Principem legibus esse solutum*, non ad solam legem Papiam Poppaeam, aliasque forsan caducarias respexisse, verum omnes significasse leges civiles. Nam probe animadvertendum est, per totum hunc locum de illis tantummodo legibus majorum sermonem esse, quibus Consules adstricti erant, ut in rostris in legem jurarent, et caput suum, si scientes fefellissent, Deorum irae sacrarent; sic Trajanus quoque tertium Cos. juravit, se legem servaturum, et quum e Consulatu abiret, se nihil contra leges fecisse; verum magis tamquam Consul populi Romani, quam ut Imperator, hoc sacramento se adegit. Argumento sint, ipsa Plinii verba, quae eodem loco eade subjungit, „idem Caesari *Consuli*, quod ceteris non licet.” Caeterum difficilis est controversia, quae agitari solet de Imperatoribus Romanis, utrum a Senatu Populoque Romano unquam civilibus legibus omnibus soluti fuerint: quam

multi tractarunt juris interpretes : conf. Cl. *Smaltenburg in Not. ad Schulting. ad Tit. ff. de legib. et SCtis. l. 31.* Sed quum non rara sint apud auctores veteres exempla Principum, quibus peculiaris alicujus legis civilis veniam Senatus concessit, verissima videtur eorum opinio, qui negant, lege Regia aliqua, aliove Senatus Populique Romani decreto, Imperatores omnibus legibus civilibus solutos fuisse.

*Est omnino iniquum, sed usu receptum, quod honesta consilia, vel turpia, prout male aut prospere cadunt, ita vel probantur, vel reprehenduntur; inde plerumque eadem facta, modo diligentiae, modo vanitatis, modo furoris nomen accipiunt.*

PLIN. Ep. L. V. ep. 21. § 7.

**ALBERTI CHRIST. VAN ELDIK THIEME,**

**ZUTPHANIENSIS,**

**THEOLOGIAE STUDIOSI IN ACADEMIA RHENO-TRAJECTINA,**

**R E S P O N S I O**

**A D**

**QUAESTIONEM AB ORDINE THEOLOGICO ACADEMIAE  
LUGDUNO-BATAVAE, A. MDCCCXXV. PROPOSITAM,**

**H U J U S   A R G U M E N T I :**

*Historice et grammaticè exponatur argumentum epistolarum septem,  
quae continentur Apoc. II et III. Brevis accedat disquisitio de  
earum auctore, scribendi genere et usu in rem Christianam.*

**QUAE PRAEMIUM REPORTAVIT D. VIII MENSIS  
FEBRUARII A. MDCCCXXVI.**

100

100

100

100

100

100

100

100

100

100

100

100

100

# R E S P O N S I O

A D

## Q U A E S T I O N E M   T H E O L O G I C A M.

---

### P R A E F A T I O.

**D**iligens Theologiae studium hoc imprimis sibi propositum habeat necesse est, ut ejus studiosos ab illis remotos teneat erroribus, in quos inciderunt, qui exegeseos purae nullam fere habuerunt curam. Quum autem hoc maxime nostris hisce temporibus agatur, ut Sacri Codicis interpretationi et grammaticae et historicae rite opera navetur, ejusque studii amor omnibus adminiculis excitetur atque promoveatur, arsisit mihi maximopere quaestio illa, quam in hunc annum proposuit Facultas Theologiae in Academia Lugduno-Batava, sic sese habens: *Historice et Grammaticae exponatur argumentum epistolarum septem, quae continentur Apocalypso cap. II et III. Brevis accedat disquisitio de earum auctore, scribendi genere atque usu in rem Christianam.* — Ad quam cum mihi respondendi sit animus, ante omnia Vos, Viri Clarissimi, qui de hisce meis conatibus sententiam estis laturi, rogatos velim, ut juvenile hoc opus, tenuem profecto doctrinae copiam prodens, indulgentia Vobis familiari accipiatis: sentio enim, quam grave in me susceperim onus, cum huncce laborem aggrediar. Sed persuasio, quae me semper tenuit, Academicarum quaestionum utilitatis, imprimis hujus, a Vobis propositae; progrediendi studium, quod luctando promovetur, honos enim alit artes; parentum amor, qui, si eorum gaudia augere possum, facile vires meas excitat; haec omnia et sane alia plura me eo egerunt, ut periclitarer, quid in hisce mei conatus effecturi essent.

Felicem me praedicabo, si vestrum adsensum tulerim: sin vero minus, res ipsa mihi praebebit solatium, ut et verba Longini, quibus *symbolo* utar:

*Καλὸς αὐτὸς καὶ ἀξιολύτως ἐκείνης ἀγών τε καὶ στίφανος, ἐν ᾧ καὶ τὸ ἡττᾶσθαι οὐκ ἔδοξεν.*

Sunt autem nonnulla, quae praemittenda censui, quaeque ut ipsi ad quaestionem propositam responsioni insererem, non apta mihi data est opportunitas. Haec jam sequuntur.

A 2

§. 1.



*Qua refelluntur illi, qui mysticum in septem epistolis Apocalypticis quaerunt sensum.*

Fuerunt etiam e Nostratibus, qui similem, quam deprehenderent in quarto et sequentibus Apocalypseos capitibus, vaticinationem factorum futurorum, septem epistolis, de quibus agendum nobis erit, contineri putarent; quam pro septenario urbium numero, ad quas ab auctore missae sunt, in septem periodos constituebant, et ad internam vel moralem universae Ecclesiae Christianae conditionem accommodabant. His interpretibus alii successerunt, qui quidem propheticum hunc sensum neque rejicere, neque amplecti ausi, omnia tamen, quae in epistolis laudis vel reprehensionis nomine memoriae erant prodita, ita accipienda opinarentur, quasi sint prophetica rerum futurarum exempla. Alii denique, quorum sententiis subscribere haud dubitamus, contendunt, singula, in iis obvia, ita esse habenda, tamquam ad ipsas ecclesias, quarum nomina prae se ferunt epistolae, pertinentia; eodem modo, quo Pauli habemus scripta, quae ad varios dedit coetus Christianos: ex iisque eundem fructum, eandem utilitatem, eandem doctrinam, licet non tam copiose expositam, posse percipi, quam ex illis ad haec usque tempora Christiani perceperint; ipsasque epistolas eo quidem consilio ad septem Asianos coetus esse datas, ut totius Apocalypseos essent epistolae dedicatariae, utque ex iis discerent, quomodo quamvis Ecclesiam Christianam comparatam esse oporteat, et quemlibet ejus civem, qui instantem Jesu Christi adventum, cum certa felicitatis ab eo consequendae spe, expectare possit.

Et ut ita statuamus, inducimur his potissimum causis:

I. Simplex, qua utitur auctor, narrandi ratio cap. I: 11, atque ejus auctoritas, qua Jesu Apostolus est insignitus vs. 9. coll. 2 et 4, nos jubet, ut hanc amplectamur sententiam.

Hunc autem auctorem, Christi amicum et discipulum, Johannem fuisse, infra docerimus (1).

II. Omnis Antiquitas de eo consentit, Johannem Apostolum hasce ecclesias, a Paulo conditas, administrasse, et curasse: quid igitur convenientius et justius fuit, quam ut eas, quas olim ipse docuerat, etiam quum in Patrum esset relegatus, epistolis, in omne aevum duratoris, edoceret, admoneret, ac in fide Christi confirmaret?

III. Omnia, quae in septem epistolis habentur, ad septem Asianos coetus spectant; quamobrem hi haud aliter, nisi ad se ipsos singula referenda esse, existimare poterant. A. Quaevis enim epistola incipit: *καὶ τῷ ἀγγέλῳ τῆς ἐκκλησίας γράψον· τὰδε λέγει κ. τ. λ.*, qualem allocutionem ad certas quasdam personas pertinere quis non videt? B. Laudantur vel in-

incredantur Christiani, harum ecclesiarum cives, ob certas iis solummodo cognitae causas. Ephesini primum amoris fervorem remiserant: Pergami Antipas erat interfectus, etc. Quae nisi ad ipsos hos coetus ~~essent~~ referenda, nullo sane modo intelligi possent. C. Poenas, quas iis praedixit ac comminatus est Dominus, quoad historica non desint argumenta, singulae dederunt, cum interea Sardium pia et fidelis ecclesia non sit deleta. D. Promissa, quibus Christianorum animi ad officia praestanda, virtutemque colendam excitabantur, omnia ita sunt comparata, ut, collatis iis, quae ad illorum reprehensionem vel comprobationem pertinerent, facile interna earum conditio cognoscatur, v. c. Pergamenis in altera vita proponetur manna abscondita, cum hac in terra idolothytis fructi sint.

IV. Ii, qui propheticum et mysticum illum sensum rejiciunt, omnes conveniunt, eandemque mentem proferunt, licet in parvis admodum dissentientes: contra alterius interpretationis defensores singuli aliam periodorum constitutionem, aliam formam, aliam exegeseos normam produnt (1).

Quid, igitur, quaeso, viros, interpretes illos celeberrimos, impulit, ut tam remotam, intricatam, ac plebejis hominibus non intelligendam, exhiberent interpretationem? Quia, respondent illi, universus Apocalypseos liber prophetia dicitur c. I. 3.: ast, minime reputant in veterum Prophetarum vaticiniis plura haberi, quae non nisi ad historiam possunt referri. Ita in Daniëlis libro sex habentur capita historica: apud Jesaiam quatuor, Jeremia hic illic historica quaedam interspergente. Sed temporibus profecto, quibus illi vixerunt interpretes, proprium fuit, ut plura, quam Sacri Codicis simplicitas desideraret, ex eo extricarentur: uberrimum iis fontem praebebat Apocalypsis, e quo hauriendum putabant, quidquid sagacis, ingeniosi, ac pro temporum illorum ratione venusti, gratique nomen haberet. Difficultates, quas Apocalypsis iis objiciebat, mystica interpretatione tollere conantes, indies augebant. Quum Jehovah Sacri interpretes, antiqui vates, nonnullarum regionum, urbiumque nomina, v. c. Sodomorum, Aegypti, Babyloniae mystice accipissent, eodem modo sibi agendum putabant in septem Asianarum urbium nominibus exponendis. Quid itaque mirum, valde contortam ejusmodi evasisse interpretationem? — Contorquent eam pro lubitu: variant singuli pro sua voluntate: aliis Pergama sunt Pergama, aliis Alexandria est intelligenda: hisce *Thyatirae* sunt, *πάλαι τῆς θυγατρὸς*, illis *destructrix sacrorum* (α *τελευτῶ* et *θυγα*) (2): Sardes notant vel *principem*, vel *normam*, vel *relicium quemdam* (3). Sed quis non videt, singula ita posse mutari, quovis tandem modo?

§ 2.

(1) De toto hoc argumento imprimis legi merentur H. Wierses in Miscell. Sacr. Tom. II. p. 640—741. et Cl. Klinkenbergius in Isagog. Tom. XXVI. p. 67—86.

(2) Vid. Camp. Vitringa Anacr. Apocal. Johan. Apost. p. 148. Amstel. 1719.

(3) Cf. Klinkenberg l. l. p. 82.

*Qua refutantur illi, qui epistolas has unice ad Ecclesiarum antistites  
scriptas volunt.*

Quaevs epistola incipit: καὶ γράψον τῷ ἀγγέλῳ τῆς ἐκκλησίας, i. e. et scribe angelo ecclesiae; quae denominatio neque aliena est Synagogae Judaicae (1), nec non Prophetarum stylo conveniens, Mal. II. 2. III. 1. (2). Hinc factum est, ut nonnulli opinati sint, has epistolas unice ad antistites ecclesiarum esse datas, atque in locis, quibus plurali numero utitur Johannes, v. c. cap. II. 10, 13 etc. plures ejusmodi viros esse intelligendos, qui minores in coetuum administratione agerent partes, antistitis illius majoris auctoritati submissi: illudque eo quidem consilio ab auctore esse factum, ut ita adambretur unitas ac conjunctio, quae inter Ecclesiae praepositos vigere debet, quin et necessitas, ut his singulis omnia innotescerent, quae in Ecclesia gerebantur (3). Verum, quemnam fructum, egregio, quocum essent scriptae, scopo parem, praeberent, si unice ad antistites essent referendae? Horumne tantummodo opera cognita erant Jesu omniscienti? Illine soli Jesu doctrinae faciles praebuerant aures, aut depravatam egerant vitam? Hiscene solis arborem vitae summus concessurus esset Judex? Ne ita suspicemur! Simplicissima interpretandi ratio nos credere jubet, has epistolas Jesu jussu, a Johanne esse conscriptas, legatisque uniuscujusque ecclesiae illam esse datam, quae nomine ecclesiae insignita esset, ut antistes non solum ipse utiliter ea uteretur, sed etiam singuli Christiani, illi addicti, quorum in genere virtutes laudantur, vituperantur vitia; et ipsa denique ecclesia quaevs ad normam institueretur, quae tacite in epistolis traditur. — Salvavit enim Johannes cap. I. 4. septem Asianos coetus, prouti Jesus et mandat vs. 11. ut ecclesiis, non vero solis earum praepositis, scriberet; cui salutationi optime convenit singularum epistolarum finis: ὁ ἔχων οὗς κ. τ. λ. cum praeterea in fine Apocalypses consueta formula omnibus bene praecetur cap. XXII. 21. ἡ χάρις τοῦ κυρίου ἡμῶν κ. τ. λ. Quibus observatis addi potest, plura in his haberi, quae non intelligeres, nisi ea, quae de antistite dicta videantur, simul etiam ad ecclesiam pertinere credas. Nimirum quod Christus minatur se, nisi resipiscant Ephesini, candelabrum suo loco remoturum; i. e. destructurum Ecclesiam, cap. II. 5. pertinet ad ipsos eos, qui coetum efficiunt, itaque ad vulgares Christianos: quae vero leguntur cap. II. 200. ipsum antistitem spectant, cui scilicet mandatum erat, ut omnia in ecclesia rite componeret, licet Jesus-

(1) Conf. *Pörringa*, de Synagoga Veteri, l. III. p. 2. c. II. et *Schaeftgenius*, in Horis Hebr., P. I. p. 1089.

(2) Cf. quae ad cap. II. 1. a nobis exposuntur.

(3) Vid. *Marckius*, Anal. Exeget. in Apoc., p. 55. Amstel. 1689.

sabilem, ejusque sectatores e coetu non remouisset. Ipse praeterea Christus testatur argumentum epistoliarum non ad solos antissias, sed etiam ad ecclesias ipsas pertinere, XXII. 16. *Ἐγὼ Ἰησοῦς ἐπέμψα τὸν ἄγγελόν μου μαρτυρῆσαι ὑμῖν ταῦτα ἐν ταῖς ἐκκλησίαις.* Tota denique Apocalypsis formam epistolae habet: nostrae autem non multum discrepant ab Apostolorum epistolis: in eo ceris cum his convenientes, quod multa contineant, quae et pertinent ad eos, ad quos sunt datae, et ad eos, quibus hi praefrunt, uti epistolae Pauli ad Timotheum et Titum docent, in quibus nulla habentur, quae ad ipsam ecclesiam Ephesinam, cui praefuisse dicitur Timotheus, pertinent, multa etiam quae referenda sunt ad Cretensem coetum, cui praefert Titus.

## § 3.

*De tempore et loco, quo scriptae sunt septem Epistolae.*

Varias hac de re ab Interpretibus in medium prolatas sententias ad duas facile redigi posse puto: nimirum alteram ad *Claudii* vel *Neronis* aetatem, ad *Domitiani* imperium alteram. *Irenaei*, qui Polycarpi fuit discipulus, testimonium servavit Eusebius (1), statuentis πρὸς τὸ τέλος τοῦ Δομιτιανοῦ ἀρχῆς Apocalypsin esse visam (2), quam sententiam ipse *Eusebius* defendit lib. III. c. 18., ut et *Hieronymus* in Catalogo Scriptorum Ecclesiasticorum c. IX.: *Epiphanius* vero (3) narrat, Johannem, Claudio imperante, e Patmo rediisse, ibique Apocalypsin conscripsisse, quam sententiam aliquatenus amplexus est *Grotius* (4). Postea plurimi opinati sunt Johannem eam dedisse ante Hierosolymam expugnatam, in quibus *Newtonus*, *Weistenus*, *Michaëlis*, *Herderus*, *Hartwigius*, *Eichhornius*, alii, licet de temporis articulo definiendo dissentiant. Horum autem sententiae lubenter nos ita subscribimus, ut statuamus Apocalypsin Vespasiano imperante esse conscriptam ante excidium Hierosolymae, 1° cum alioqui certe Johannes hujus memorabilis rei mentionem fecisset, 2° cum cap. I. 7. Judaeis poenam praenuntiet, propediem ab iis dandam, qui Jesum interfecerant, 3° cum ipsum Hierosolymae excidium, brevi futurum, dicat c. XI. 1. a. 8. 4° cum reprehensio, Ephesinis facta, quod de primo amore defecissent, minime Domitiani aetati conveniat, qua Ephesinam ecclesiam ad primum amorem rediis-

(1) Conf. Hist. Eccl. lib. V. c. 8. p. 140. ex edit. *Valesii*.

(2) Illud *ἐπέμψα* non ad Johannem, ut placuit *Weisteno*, Tom. II. p. 746, neque ad nomen belluae, ut contendit *Storrius*, Apolog. der Offenb. Joh., p. 235—244. neque ad tempus, sed ad ipsam Apocalypsin est referendum, quod docent, quae in hac oratione contexta proxime praecedunt, *εὖ καὶ τὴν ἀποκαλύψιν ἐμαρτύρησα*.

(3) Haeres. L. I. 33.

(4) Biblia Critica, Tom. VIII. p. 347. ad cap. I. v. 9.

diſſe teſtatur Ignatius (1). De hoc etiam plurimi, cum veteres, tum recentiores conveniunt, Johannem, uti ipſe dicit, cap. I. 9., in Patmo Apocalypſin accepiſſe; neque cauſa nobis datur, cur *Grew* aſſentiremur, ſtatuenti ad hunc locum et cap. V. 1. Johannem priorem Apocalypſeos partem in inſula Patmo, poſteriorem Ephesi, cum rediſſet, conſcripiſſe; quam ſententiam ſatis refutaſſe, mihi videtur Cl. *Viſſing*; (2) *Eichhornius* (3) vero, qui nimium indulſit hypotheſi ſuae, infeliciter jactatae, totam Apocalypſin eſſe drama, ſine ulla ratione putat omnia, quae Johannes de ſe ipſo, in Patmo verſanti, narrat, poetice eſſe ficta.

Hiſce itaque praemiſſis, ad ipſam epistoſarum expoſitionem tranſeamus.

(1) Cf. ejus epistoſa ad Ephesiſos, § 6, 9.

(2) l. l. p. 9.

(3) Einleitung in das N. T., Tom. II. § 167, p. 122 ſqq.

## P A R S P R I O R.

QUA HISTORICE ET GRAMMATICÆ EXPONUNTUR APOCALYPTICOS.  
CAP. II ET III.

## A P O C. C A P. II.

## § 1.

## EPISTOLA AD EPHESIOS.

*Urbis ejusque Ecclesiæ Historia.*

**E**phesus præclara et magna erat urbs Lydiæ, secundum alios Ioniæ; quæ tamen regio antiquitus ad Lydici regni ditionem pertinere censebatur. Adjacebat mari Aegæo, non procul a Colossis, in fertilissima Asiæ minoris parte. *Strabo* (1) eam ἀριστήν καὶ ἐνδοξότατην πόλιν, *Plinius* (2) optimam et præstantissimam, *Aristides* (3) ταμίειον τε κοινὸν τῆς Ἀσίας, alii τὴν πρώτην τῆς Ἀσίας, vel τὴν πρώτην τῶν μητροπόλεων τῆς Ἀσίας, alii Asiæ lumen et metropolin vocant. In plurimis nummis vocatur princeps Asiæ urbs, et *Horatius* eam celebrat (4)

*Laudabunt alibi claram Rhodon, aut Mitylenen,  
Aut Epheson ðimariæve Corinthi.*

Ob elegantiam certe et luxum, qui inter incolas dominabatur, proconsularis evasit sedes, postquam sub Romanorum potestatem esset redacta. Mercaturam autem, quam coluerunt Ephesini, non tantum exercebant cum populis, qui insulas maris Aegæi tenebant, sed etiam cum Græcis, qui trans illud in terra continenti habitabant: in primis hæc agebatur picturis, ferro, ligno, armis et universe rebus ad bellum pertinentibus, unde *Xenophon* eam

(1) Geogr. XIV, p. 436.

(2) V. 29.

(3) Orat. de concord. ad civit. Asian.

(4) I. Od. 7. 1.

*belli officinam* vocat (1). Forsan ad haec respicit Paulus (2), virtutes, quae Christianos ornare debent, sub emblematis ab armis desumptis, iis commendans (3). Nulla traditio nobis argumenta, fide satis digna, praebet, quibus tempus conditionis nomenque conditoris referri possit. Strabo Codro, alii Caistro, filio fluvii, qui non procul ab ea in mare Aegaeum defluit, tribuunt. *Iustitius* eam (4) conditam parat ab Amazonibus, *Plinius* (5) eam opus Amazonum dicit; alii disertis verbis secundum antiquissimam fabulam hoc tribuunt Penthesileae, Amazonum reginae, quae Priamo, regi Trojae, auxilium tulit, et ab Achille interfecta, celebratur a Virgilio (6).

*Penthesilea furens, mediisque in millibus ardet,*

*Aurea subnectens exertae cingula mammae*

*Bellatrix, audetque viris concurrere virgo.*

Magnificis aedificiis ornata erat Ephesus, inter quae omnium pulcerrimum erat templum Dianae, quod tantam famam consecutum est, ut in septem antiqui orbis miraculis enumeraretur. Columnis 127 hoc aedificium nitebatur, 60 pedum altitudine, et 220 annis vix absolutum fuisse traditur. *Herostratus* illud combussit, ea nocte qua Alexander M. natus est, qui postea suo sumtu illud restituere voluit, ea conditione, ut novo templo ipsius nomen inscriberetur, quod Ephesini noluerunt, dicentes non decere Deum Diis aliis templa ponere (7). In illo templo conservabatur Dianae simulacrum, quod fabula narrat e caelo esse delapsum; haec omnia ansam dederunt, ut Ephesus cognominaretur ἡ νεωκτίς τῆς μεγάλης Ἀρτέμιδος, καὶ τοῦ Διοσκουρίου. Propter gentiles qui hanc urbem incolebant, idololatria magnopere viguit; vivebant luxuriose, cum omnia ibi continerentur quae pulchra, venusta, elegantissima omnino e Graecorum ingenio oriebantur; verumtamen perniciosam vim in eorum mores exercebant. Ob illam autem dignitatem, quam sensim sensimque nata erat luxu, divitiis et similibus, praeter caeteris Asiae minoris oppidis mature jam coetus Christianus conditus est, nimirum a Paulo Act. XVIII. 19—21., quo loco Lucas narrat, eum quum rogaretur ut diutius maneret, promisisse se rediturum, quod sequenti capite fecisse memoratur. Hac opportunitate per triennium Gentilibus Evangelium praedicavit, magno studio causam Christi amplexus, eamque ubivis per vicinas regiones propagans, ita ut paulo post et Judaei et Graeci qui Ephesi habitabant, Christo fidem darent et verbum Domini in dies cresceret. Sed cum aliquamdiu in ea commoratus fuisset, et strenue rem Christi propugnasset, litem habuit cum Demetrio, Ephesino quodam, qui parva templa argentea ad effigiem Dianae templi fabricare solebat hic enim me-

(1) Oratio de Agésilao.

(2) Ephes. VI. 10—17.

(3) Vid. *Buchene* *heil. Geogr.* tom. III. p. 719 in nota.

(4) Hist. II. C. 4.

(5) V. C. 29.

(6) Aen. I. 404 seqq.

(7) Plutarchus in vita Alex. M.

tuens, ne cultus huius Deae possunderetur, et ideo ipse magnam cladem acciperet, non amplius templum suum argentea venditurum se suspicans, seditionem cum operariis suis contra Paulum movit, qui tamen eorum manibus ereptus est, et ab Asiarchis, et amicis, conservatus. Mox autem Hierosolymam profecturus, Evangelii causa Ephesi reliquit Timotheum quem monet (1) ut ibi maneret civibusque mandaret, ne alia doctrina edocerentur. Eusebius (2) dicit, Ὅτι μὲν τῆς ἐν Ἐφέσῳ παρεκκλήσεως ἱστορεῖται πρῶτος τὴν ἐπισκοπὴν αἰχχέναι. Plures praeterea elaborarunt ad hunc excolendum coetum Christianum, in quibus censeri merentur Johannes Apostolus, Aquila et Priscilla et eloquens Apollos.

Omnes vero hi conatus ad propagandam inter Ephesinos Christi doctrinam non impederunt, quominus plurimi jam a primis inde temporibus orirentur malevoli, qui genuinae Apostolorum doctrinae commenta sive interponerent sive opponerent, vel ex alia progressi, Jesu Messiae veritatem non plane essent edocti, quos Paulus Act. XX. 29, 30. et 1 Tim. I, omnium vero maxime Johannes, in suis scriptis ob oculos habuerunt.

Ephesus diu fuit urbs Episcopalis, Patriarchae Constantinopolitano addicta. Anno 431 publicum Concilium in ea habebatur, quod eodem seculo semel adhuc congregatum fuit: in priori illo Nestorii error est damnatus.

Hodie diruta et prostrata jacet Ephesus. Turcae, qui eam deleverunt, nominant locum ubi condita fuit Asjalick i. e. *templum Lunae* vel Dianae, cujus aedificii rudera pristinae produnt magnitudinem. Aedes olim in Johannis honorem exstructa, nunc in Mohammedanorum Moskeam est mutata. Missionarii, qui ad illa loca venerunt, tradunt, tres, se tantummodo ibi invenisse homines, qui Christianam religionem profiterentur, sed in tanta verae doctrinae ignorantia demersos, ut vix et ne vix quidem Paulum Apostolum cognitum haberent, et de Johanne nihil scirent. Nullus itaque Episcopus, nulla Ecclesia; Candelabrum ab illo loco est remotum et revera Ephesiis supervenit Christus, prouti iis comminatus est (3).

*Periodistarum sententia.*

Non opus esse mihi videtur omnes proferre sententias eorum, qui propheticum in hac epistola quaerunt sensum: *Vitrings* (4) ecclesiae statum Apostolicum in ea definiri et a Christo innui putat, tum quia vox ἔφετος ἔφεσι, ἐκιδυμῶν, δρεξιν, *intensum desiderium, affectum, appetitum* notat, quod egregie convenit zelo et charitati qua excelluerunt Apostolorum tempora, tum, quia Ephesini illam charitatem prae aliis coluerunt. Sed nec

il-

(1) Ep. I. 1. 3.

(2) Eccles. Hist. III. 4. Ed. Vales.

(3) Vid. Berigten v. h. Bybelgen. 1816. No. 7. p. 95.

(4) Anactis. Apoc. Amstel. 1719. p. 74.



illa interpretatio verbi *ἔφεσε* est admittenda, cum alii illud commutent in *ἄφεσον* vel *ἄφεσιν*, remissionem notans, neque illa observatio de eorum charitate, cum a Jesu peratrigantur, quod a primo amore defecerint.

*Epistolae expositio.*

Vs. 1. Τῷ ἀγγέλῳ τῆς ἐν ἐφέσῳ ἐκκλησίας γράψων: τὰδε λέγει ὁ κρατῶν τοὺς ἐπτὰ ἀστέ-  
ραν ἐν τῇ δεξιᾷ αὐτοῦ, ὁ περιπατῶν ἐν μέσῳ τῶν ἐπτὰ λυχνιῶν τῶν χρυσοῦν.

*Angelo Ecclesiae quae Ephesi est, scribe: haec dicit qui tenet in dextra sua septem illas  
stellas, qui ambulat inter septem illa Candelabra aurea.*

Pro ἐν ἐφέσῳ, quod probant Griesbachius, Matthaeius et Scottus, qui Alexandrinum  
aliosque codices bene multos sequuntur, legunt nonnulli, τῆς ἐφεσίως. Addi potest in  
omnibus Epistolis hanc lectionem haberi vs. 8, 12, 18, III, 17, 14.

Γράφειν τιν). Ita cum dativo optimi Graeci scriptores γράφειν constituunt: in N. T. fere  
semper ita legitur. Gal. I. 20. Philem. 21.

Ἐν μέσῳ τῶν κ. τ. λ. Graeci vario modo hoc verbum construere solent, uti etiam La-  
tini cum duobus genitivis. Aristid. (1) τῆς δὲ ἐν κορινθῷ μάχης, καὶ τῆς ἐν λεχαεῖ μάχης  
ἔρχων Εὐβουλίδης. *Eubulides, qui regnavit semper media pugnam ad Corinth. inter et ad  
Lechaecum.* Ovidius (2)

*„Jamque fere medius Titan venientis et actae*

*„Noctis erat, spatioque pari distabat iurimque.”*

Matthaeus (3) τὸ δὲ πλοῖον ἦν ἐν μέσῳ τῆς θαλάσσης. *navis jam erat media maris pro  
ἐν μέσῳ τῇ θαλάσῃ vel ἐν μέσῳ τῆς θαλάσσης*, uti Johannes illud usurpat. Ita etiam Vir-  
gilius (4)

*„Haec ait et medius densos prorumpit in hastas,”*

τῷ ἀγγέλῳ. Hic est antistes, doctor ecclesiae, qui ab ea ad Johannem tanquam legatus  
mittebatur et ab illo decedens ad coetum suum redibat, instructus jussu, mandatis et epis-  
tola Apostoli (5). Universe eo nomine nuntiabantur doctores evangelii, quia a Deo  
vel Jesu legabantur et mittebantur in plures regiones, ut lucem doctrinae ibi accenderent.  
Hoc nomen gerere solebant Judaei, institutorum munere fungentes. Ita v. c. doctores  
Israëllitarum, quales erant sacerdotes et Levitae כְּהֹנָנִים appellantur (6), utpote qui Dei  
mandata ad populum et preces Dei ad Deum deferbant. LXX Intt. illud verterunt ἄγγε-  
λοι. Ceterum iidem sunt qui a Paulo πρεσβύτεροι vel a Petro ἐπισκόποι appellantur (7).

Utrum

(1) Pro quatuorv. p. 474.

(2) Metam. X. 474.

(3) C. XV. v. 24.

(4) Aen. X. 379.

(5) Vid. Schleusneri lexicon in voce.

(6) I Reg. I. 13. Mal. II. 7.

(7) Vid. Langius vir doct. in opere: die Schriften des vertrauten-Schülers. J. C. t. I. p. 99.

Utrum hae epistolae solos antistites spectent nec ne, in praemonendis jam diximus, quae de omnibus accipienda velim. Non constat quisnam Ephesi Ecclesiam primis temporibus gubernaverit; sunt qui Timotheum, alii qui Apollon fuisse conjiciant. Vid. supra.

Talibus ἀγγέλαις prima Ecclesia sine ullo dubio indigebat, cum admodum pauci Christiani eam constituerent, qui vel male habiti a Judaeis, acerbissimis eorum inimicis, e quorum schola prodierant, vel oppressi et prohibiti a gentilibus, quorum religioni antea addicti fuerant, rem salvam minime servare poterant. Ut ideo hisce prospiceretur, ab Apostolis instituti sunt viri, vel hisce mortuis a coetibus creati, qui sive respectu habito ad eorum annos et experientiam, sive ad doctrinae copiam et eruditionem, sive ad morum probitatem, digni viderentur, ut consilio et institutione coetui praeirent. Hi temporibus constitutis, dum concio habebatur, prodibant, ut verba pro ea facerent, h. e. aliquam partem S. Codicis praelegerent et explicarent. Absoluta vero potestate minime erat instructus Episcopus: haec enim penes ipsum coetum manebat; sed creabatur, ut res quascunque ecclesiae obortas suo praesidio et moderamine administraret, et sententiam, quam quisque dicere poterat, de iis proferret suam, cui tamen eo lubentius coetus faciles praebat aures, quo provector aetate ac doctrina praestantior ipse doctor esset, et quo pejus a magistratu civili coetus haberetur et tractaretur. Curam praeterea habebat pecuniae summarum, quae in gratiam pauperum, viduarum, senum et sim. colligebantur, et quas inter hos distribuendi provincia ei erat mandata. Sed diu haec simplex durare non poterat dignitas, quum mature jam numerus Christianorum hic et illic incretceret, et major evaderet opera quae in re religionis erat collocanda: itaque brevi post auctoritas personae in auctoritatem muneris abiit. Alii τῷ ἀγγέλῳ i. e. πρεσβυτέρῳ adhibebantur viri, qui conjunctis viribus ei auxilium praebarent in administrando coetu, sed ea tamen conditione, ut ipse caput et praeses maneret coetus. Hinc deinceps, cum sensim paulatimque res Christiana propagaretur, nata est dignitas Episcopalis (1).

Τὰς λέγει. haec dicit. His admonere vult auctor Ecclesiam Ephesinam, ut intelligat epistolam divino jussu et Jesu quasi nomine esse conscriptam, utque ita cum devotione et subjectione animi eam accipiat. Simili prorsus modo legis Dei initium est accipiendum (2).

ὁ κρατῶν τοὺς ἑπτὰ ἀντέρας κ. τ. λ. C. I. 16. Jesus dicitur εἶχειν; quod eodem redit, notandum vero, κρατεῖν a Jesu ipso h. l. adhiberi, ut firmitatem et vim quandam suis verbis conciliaret.

Apostolus primo Cap. narraverat se in Insula Patmo colloquium habuisse cum Jesu, qui

(1) Vid. L. T. Spittler Grundriss der Gesch. der Chr. Kirche, ausgegeben von G. I. Plauk, Göt. 1812. p. 41 seqq. Cl. Berger, Leerreden, I. 6, 7.

(2) Exod. XX. 2. Ezech. XX. 3. et passim apud prophetas, Jerem. XXII. 24.

qui augustissima forma, et singulari plane modo ei apparuerat. In singularum epistolarum exordiis a quadam illius formae parte se circumscribit, ut cum auctoritate et majestate sua, vel pro suo libitu cum alia attributo prodiret tanquam Ecclesiae dominus. Hoc loco respicitur ad formae partem C. I. 13. 16. memoratam. — Ἀστέρες sunt doctores, praesides Ecclesiarum, ἐκτὸς significat numerum eorum, quum in quavis ecclesia septem harum urbium unus esset antistes. Cf. quae Jesus dixit C. I. 20. *Stellae, aurae* dicuntur, quia doctores, illarum instar, fulgent, lucent atque lucem spargunt. Ita orator et poeta celebrat homines eximios et praestantes, cum eos comparat soli vel stellae, splendide lucenti (1). Talia videbantur Apostolo et splendore et magnitudine, qualia nostris oculis apparent (2). Alii ἀστέρας interpretantur *gemmas*: sed haec interpretatio neque nostro loco, neque usui consueti hujus verbi convenire videtur. Matth. XXIV. 29. ἀστέρες, οἱ πεσοῦνται ἀπ' οὐρανοῦ, dicuntur deficientes doctores, quos Judas in Ep. vs. 13. ἀστέρας πλανήτας dicit (3). Nonnulli afferunt Jerem. XXII. 24. respicientes ad illud ἀποσφράγισμα, ad cujus formam has gemmas vel stellas Jesu dextrae adaptatas volunt (4). — Κρατεῖν insolita constructione h. l. occurrit: *constantem et perpetuam curam habere* notat, verum nusquam apud classicum scriptorem illud cum accusativo constructum legere memini. Apud Homerum sexcenties occurrit, notans *imperium, potestatem habere*, vel cum genitivo vel cum dativo. Achilles de Agamemnone dicit (5)

Πάντων μὲν κρατεῖν θέλει, πάντεσσι δ' ἑνεσσεῖν.

Conf. Eurip. Phoen. vs. 600. σκήπτρον κρατοῦντα. Coll. Odyss. A. 485.

ὣν αὐτὰ μὲν κρατεῖς νεύουσιν (6).

ὁ περιπατῶν κ. τ. λ. Haec locutio desumpta est de candelabris tabernaculi Judaici, de quibus in V. Codice mentio fit, ad quem plerumque respicit harum epistolarum auctor. Ita Jesum inter candelabra aurea deambulantem vidit Apostolus C. I. 13. — Λύχνα sunt Ecclesiae C. I. 20, quibus sub numine semper adest ac prospicit. Ita Deus dicitur περιπατεῖν Levit. XXVI. 12. (7). Docet autem hic versus Jesum sub sua potestate habere

et

(1) Vid. quae dicta sunt ad vs. 28. Cf. quae Herder in opere *Maranatha* p. 16. eleganter omnino dicit.

(2) Cf. II. 28. VI. 13. VIII. 10, 11, 12. IX. 1. XII. 14. XXII. 16. Cf. Rever. Wildschus in elegant. libro: Leerred. over Openb. II et III. Amst. 1824. p. 40, 41.

(3) Grotius Biblia critica VI. 835.

(4) Grotius l. l. VII. 359.

(5) Illad. A. 288.

(6) Conf. nonnulla loca, ubi cum accusativo constructur. Marc. VII. 3. Apoc. II. 13, 14. cum genitivo Hebr. IV. 14. LXX. 2 Sam. III. 6.

(7) Cf. audiente Grotio l. l. p. c. Matth. XVIII. 20. XXVIII. 20.

et moderari ecclesiarum antistites, qui ipsi curae sunt, et quos manibus quasi gestat (1), ecclesias item perpetuo amore prosequi, auxilio opitulari et favore omnino his adesse, prout de Deo dicitur 1 Cor. VI. 16. (2).

Vs. 2. Οἶδα τὰ ἔργα σου, καὶ τὸν κόπον σου, καὶ τὴν ὑπομονὴν σου, καὶ ὅτι οὐ δύνη βαστάσαι κακούς· καὶ ἐπειράσας τοὺς λέγοντας ἑαυτοὺς ἀποστόλους εἶναι, καὶ οὐκ εἶναι· καὶ αὐτοὺς ψευδεῖς.

*Novi tua opera, et laborem tuum, et patientiam tuam, et quod ferro nequeas malos et expellere eos, qui se dicunt Apostolos esse et non sunt, et comparisti eos esse mendaces.*

Pro λέγοντες ἑαυτοὺς ἀποστόλους εἶναι, lectio communis exhibet φάσκοντας εἶναι ἀποστόλους, quod jactationem aliquam notat: dum nostra, quam habent ABC et plures apud *Wesselingium*, *Maitzabium*, *Bisckmannum*, quaeque a *Griesbachio* probatur (3), simpliciorem discernendi rationem ostendit. — Pro ἐπειράσας lectio communis formam medi *ἐπειράσω* habet.

Οἶδα τὰ ἔργα σου. Hic locus testatur Jesum esse omniscium, adeo ut ipsa hominum abdita opera eum non lateant; omnia enim vident et perspiciunt ejus oculi, omnia his sunt manifesta et exposita (4). Ἔργα sunt *opera*, quae mox circumscribuntur et definiuntur in τὸν κόπον κ. τ. λ. non vero, sicut alii contendunt, *virtutes* (5), quam ob rem recte mihi admonere videntur alii interpretes (6), eandem dictionem in singulis epistolis repeti, in his quoque, in quibus nihil laudis Ecclesiae tribuitur, v. c. in Ep. ad Laodicenos C. III. 15. — Christus itaque non ignorabat eorum opera, probe vero sciebat eos in genere multa praestitisse in suae causae emolumentum; et quidem speciatim:

τὸν κόπον laborem, sed imprimis gravem laborem, ardens et flagrans studium (7).

τὴν ὑπομονήν, perseverantiam et patientiam (8), quae absque ulla remissione Ephesini omnes suas intenderant vires pro religione et Christi causa (9). Dictionis figura, quae dicitur ἐν δὲ θυῶν, Johanni Apostolo haud insueta (10), h. l. mihi obtinere videtur, ut accipendum sit pro τὴν ἐν τῷ κοπῇ ὑπομονήν. Ob illud autem studium illamque perseverantiam indefessam laudantur Ephesini, quia, ut textui mihi inesse videtur, malevoli et pertractores

eos

(1) Cf. Exod. XIII. 9. Deut. VI. 8. XI. 18.

(2) Cf. *Eichhornii* Comm. in Apoc. Joh. I. 63.

(3) Praef. vol. I. p. 62.

(4) Hebr. IV. 12.

(5) *Longius* l. I. p. 107.

(6) Cf. *Klinkenberg* l. I. p. 74.

(7) Xenophon de Re equestri cap. IV. 2. ἡ κόπος (i. e. defatigatio) ἐνύστες, δαίμων ἀναπύσεως. Cf. 1 Cor. XV. 58. ὁ κόπος οὐ κενός, 1 Thes. I. 3.

(8) *Heychius* τὴν ὑπομονήν dicit *καρτερίαν*.

(9) Cf. Apoc. I. 9. II. 3, 10, 19. III. 10. XIII. 10. XIV. 12.

(10) Cf. Joh. XIV. 6.

eos de fide Christiana detrahare conabantur. Haec enim ecclesia Ephesina una praeter caeteris Asiae Ecclesiis vexata est ab adversariis (1).

καὶ ὅτι οὐ δύνη κ. τ. λ. *Et quod non possis, et quod moribus tuis non conveniat, ab ingenio tuo alienum sis, ferre malos.*

βαστάσαι κακὰς. Hoc verbo innuuntur, qui falsa doctrina moribusque sordidis sese a Christiana religione alienos ostendunt. Idem sunt, quos mox ab Ephesinis exploratos narrat, sese Apostolos dicentes. Ab initio jam orti fuerant, qui religioni Christianae adversantes, falsamque doctrinam spargentes, ab omni parte Apostolis nocere conarentur. Judaei una cum gentilibus hac in re operam posuerunt, sese mutantes in apostolos, ut ita in imperitos eo majorem haberent vim. — Paulus eos κακὰς ἰργάτας vocat Philip. IH. 2. ψευδοπροφήται dicuntur 1 Joh. IV. 1. — In genere autem h. l. intelligendi videntur Gnostici, qui v. 6. Nicolaitae, v. 14, 20. aliis nominibus indicantur, de quibus vid. vs. 6. — βαστάσαι notat h. l. *ferre cum intensione*, ut ita illud, quod fertur, onus sit gravissimum. Tales autem erant dolosi illi operarii, qui sese in Christi Apostolos transfigurabant. Paulus verbi vim indicat Gal. VI. 2. ἀλλήλων τὰ βάρη βαστάζετε (2).

καὶ ἐπείρασας κ. τ. λ. Πειράζειν significat acute examinare, explorare, perscrutari aliqujus ingenium, mores, qualitates, agendi et sentiendi rationem (3). Eadem, ni fallor, significatione gaudet δοκιμάζειν, quod legitur 1 Joh. IV. 1. — Sedulos sese probaverant Ephesini in examinanda doctrina, a falsis istis Apostolis proposita (4), quam ob rem laudantur a Jesu, et quum haud infeliciter huic rei operam dedissent, addit:

καὶ εὗρες αὐτοὺς ψευδεῖς. Εὗρισκω proprie est invenio, metaphorice comperio, experior (5). Respondet Hebraeorum מָצָא, Eccles. VII. 26 seqq. etc.

ψευδεῖς sunt mendaces, iidem qui dicuntur ψευδοπροφῆται vel ψευδαπόστολοι, ἰργάται δόλιοι. 2 Cor. XI. 13.

Vs. 3. καὶ ὑπομονὴν ἔχεις, καὶ ἰβάστωσας διὰ τὸ ὄνομα μου, καὶ οὐκ ἐκοπίσας.

*Et patientiam habes, et tulisti propter nomen meum, et non defatigatus es.*

Vulgata lectio invertit verborum ordinem, ut habeat καὶ ἰβάστ. καὶ ὑπόμ. ἔχ. et addit καὶ οὐ κέκμηκας. Verum hoc a librario quodam, interpretationis causa, adjectum videtur, ut vis

(1) Vid. de Haas, Openb. v. Johann., D. I. p. 207.

(2) Cf. Act. XV. 10. Rom. XV. 1.

(3) Joh. VI. 6. πειράζων αὐτόν. Homeri Odyss. VIII. 181.

(4) Quos Cl. v. Hengel Annot. in nom. N. T. loca p. 158. eosdem dicit, qui innuuntur a Paulo 2 Cor. XI. 13. ψευδαπόστολοι. nihil enim, (inquit) impedit, quo minus vox ἀποστόλους, accipiatur pro ἀπιστ. Ἰησοῦ Χριστοῦ.

(5) Matth. I. 28. εἰρήνη ἐν γαστρὶ ἔχουσιν. Aelianus V. Hist. X. 6. ἰβ-λοῦ ἰλαφὸς ἔχει εὐρέθη.

vis formulae οὐκ ἐκοπίσας (pro quo eadem lectio exhibet οὐ κεκοπίσας) eo melius perciperetur. Comprobatur lectio nostra a *Wetstenio*, *Griesb.* et aliis.

καὶ ὑπομονὴν ἔχεις, pro quo dicere potuisset auctor καὶ ὑπέμεινας, uti legitur 1 Cor. XIII. 7. πάντα ὑπομένει, 2 Tim. II. 10. Johanni Apostolo peculiaris est usus verbi ἔχειν, quo utitur cum accusativo nominis pro verbo ejus affini, Joh. XV. 13. ubi ipse Jesus dicit; a quo hunc usum desumit ἀγάπην ἔχειν pro ἀγαπᾶν. XVI. 33. θλίψιν ἔχειν pro θλίβεσθαι. Apoc. XVII. 18. βασιλείαν ἔχειν pro βασιλεύειν (1).

καὶ ἰβάντασας διὰ τὸ ὄνομα μου. Omnia incommoda, quae Ephesinis struxerant malevoli, tulerant: eleganter haec respondent iis, quae habentur vs. 2. οὐ δύμη βαστάσκει, prouti etiam sequens illud οὐκ ἐκοπίσας eadem antanaclysi hisce: οἶδα τὸν κόπον σου. — Eodem sensu βαστάζειν accipiendum, quo Lucas habet (2) βαστάζει τὸν σταυρὸν αὐτοῦ. Respondet τῷ Hebraeorum נשׂא, 2 Reg. XVIII. 14. (3). — Haec autem incommoda tulerant διὰ τὸ ὄνομα Χριστοῦ, i. e. propter nomen Christi: idem est quod δι' ἐμε vel ἐνεκεν ἐμοῦ Matth. V. 11. Cf. X. 22. — Καὶ οὐκ ἐκοπίσας, subintelligendum in versione vocabulum tamen, ut sensus sit: licet magna cum intentione animi plura mala mei causa pertuleris, magnaue tibi hoc onus praebuerit incommoda multasque molestias, tamen non defatigatus es, neque oneri succubuisisti. — Κοπιᾶν Hesychius explicat κάμνειν, νοσεῖν, ἀποθνήσκειν (4). Cf. Joh. IV. 6. κεκοπιακὸς ἐκ τῆς ὁδοπορίας, Matth. II. 28. δεῦτε — — οἱ κοπιῶντες. Cf. Hebr. XII. 3. ἵνα μὴ κάμνητε ταῖς ψυχαῖς ὑμῶν ἐκλυόμενοι. — Mira Jesu lenitas in hisce versibus prioribus est animadvertenda. Grave vitium, quod mox memorat, in Ecclesiam irrepsit; verum non statim, ubi eam alloquitur, perstringit ac castigat; laudanda primum potius enumerat et extollit, ut ita, tanquam benevolus iudex, mitissimus omnino amicus, ad improbanda transgrediatur.

Vs. 4. ἀλλ' ἔχω κατὰ σοῦ, ὅτι τὴν ἀγάπην σοῦ τὴν πρώτην ἀφῆκας.

Sed contra te habeo, quod a primo meo amore remisisti.

ἔχειν τι κατὰ τινός. Peculiaris prorsus dictio, quae raro apud Evangelistas (5), rarius apud profanos scriptores occurrit. — Convenit vero nostro Belgicismo: icles tegen icmand hebben, et proxime formulis λόγον ἔχειν πρὸς τινα Act. XX. 38. vel μομφὴν ἔχειν πρὸς τινα, Coloss. IH. 13. (6).

Τὴν ἀγάπην σοῦ τὴν πρώτην. — Πρῶτη est pro πρώτῃ, uti vs. 3. πρῶτα ἔργα pro πρώτερα. Ita saepius et apud sacros et apud profanos scriptores est accipiendum. Joh. I. 15. ὅτι πρῶτος μοῦ ἦν (7). Duo autem monet *Grotius*, ubi de loco ex Johannis Evangelio I. 15. verba fa-

(1) Vid. *Donker Curtius* spec. herm. Theol. de Apoc. etc. p. 117.

(2) Euang. XIV. 27. (3) Vid. *Grotius* l. l. ad h. l. (4) Vid. *Vitrings* l. l. p. 65.

(5) Matth. V. 23. ὅτι ὁ ἀδελφός σου ἔχει τι κατὰ σου. Marc. XL 25. εἰ τι ἔχετε κατὰ τινός.

(6) *Vigerius* de Idiot. edit. 3a p. 253. in not. 57. hanc dictionem non satis felicem dicit.

(7) Cf. ad hunc locum *Grotius* l. l. p. 159.

facit: *primum* quidem in τῷ πρώτος inesse significationem τοῦ πρότερος, ad quod probandum confert locum ex Aristophanis Avibus, ἤρξε δὲ Περσῶν πρώτου Δαρείου καὶ Μεγάβυζου. *Imperabat Peris primum ante Darium et Megabyzum*, et Joh. XV. 18. ἐμὶ πρῶτον ὑμῶν μεμολοῆκεν. 1 Joh. IV. 19. ὅτι αὐτὸς πρῶτος ἠγάπησεν ἡμᾶς: *alterum* est, quod πρῶτος non loci aut temporis antegressum sed dignitatis eminentiam significat: e locis quae plurima affert, unum referam Ulpiani in Demosth. Orat. in Leptinen: πρῶτον οὐ τῇ καξεί, ἀλλὰ τῷ ἀξιώματι καὶ τῷ κοροῦν. *Primum non ordine sed dignitate et auctoritate.*

ἀφίημι dicitur proprie de eo qui aliquid dimittit, unde h. l. qui ab aliqua re remisit, eam negligit, non curat, laxam facit. Hoc l. metaphorice usurpatur, ita ut diceremus, formulam desumptam esse a conjuge, qui (egregie convenit explicatio exhibita τοῦ πρώτος) uxorem negligit, saltem non eo prosequitur amore quo antea, prouti Plutarchus dicit: ἀφίημι τὴν γυναῖκα. Cf. 1 Cor. VII. 11. καὶ ἄνδρα γυναῖκα μὴ ἀφίεναι. Marc. XII. 19. καὶ καταλίπη γυναῖκα καὶ τέκνον μὴ ἀφῆ.

τὴν ἀγάπην. De hac ἀγάπῃ, quatenam illa sit intelligenda, variant interpretes: nonnulli in quibus *Arethas* et *Grotius*, existimant Jesum ob oculos habuisse caritatem et amorem erga pauperes, qui in Ecclesia habebantur, eam nempe curam semper Episcopos spectasse, qui grave et molestum omnino onus humeris suis impositum haberent, unde facile fieri poterat, ut ob oneris molestiam a prima caritate aliquantum remisissent; alii putant (1) hanc reprehensionem institutam propter Ephesinorum morosam et severam coërcitionem, qua tenuerunt falsos doctores, et ita ἀγάπην τὴν πρώτην intelligendam esse de prima illa humanitate et lenitate, qua antea hi ab illis fuissent tractati. Alii autem existimant accipiendum de caritate erga proximos, et in his erga consortes fidei (2). Sed quamvis haec singula eleganter et acute sint proposita, libentius tamen sequor sententiam nostratibus probatam. Hi enim omnes illam ἀγάπην eam esse dicunt, quam Ephesini antea tam fervide totoque animo coluerant erga Jesum ejusque religionem, quo amore omnia officia Christianis peragenda contineri putamus. Ephesini licet malevolos et falsos doctores ferre haud potuissent, non tam acriter exercuerant illum amorem erga Deum et Jesum, neque illam constantiam probaverant in officiis, ex illo amore profluentibus, quae antea bonam famam et laudem a Jesu consecuti erant (3). Praeterea animadvertendum est, univ. se hunc Dei Christique amorem h. l. innui, de quo Johannes, ubi opportunitas est ei data, agere solet; qui est χαρακτήρ. omnium, quae docet et monet. Inspiciatur ejus Evangelium; quaevis pars dicta probabit: inspiciantur ejus epistolae; singuli versiculi illum amo-

(1) *Eichhorn* l. l. p. 72.

(2) In his *Launaeus*, ut refert *Vitringer* l. l. p. 67.

(3) Vidd. *Vitringer*, p. 67. v. d. *Broek*, p. 17. de *Haas*, p. 214. *Klinkenberg*, p. 94. *Wildschut*, p. 47. seq.

amorem nobis ostendent. Hic est ille amor, quo ipse Apostolus, vivente Jesu, non solum flagravit, sed qui et pectus pertentabat suum, quum Jesum illumque crucifixum et mortuum, in coelum evectum aliis praedicaret. — Eodem sensu de amore legitur apud Matth. XXIV. 12. *ψυγήσεται ἡ ἀγάπη τῶν πολλῶν*. Quo amore ut Israëlitae constanter et diligenter Deum prosequantur, eos monet Josua XXIII. 11. — Desumpta est formula (huc Cl. *Klinkenbergii* redeunt verba) de conjugio: primis temporibus ardens et nimis fervens conjugum est amor, qui autem, delapso aliquo tempore, magnam prioris praestantiae partem remittit, prouti Deus etiam loquitur Jerem. II. 2. Porro historia docet, Ephesinos semper caritate erga pauperes prae aliis excelluisse, ita ut ad eam h. l. Dominus minime respicere potuerit (1). Denique erat illa ἀγάπη, de qua Paulus jam Eph. III. 16 — 19. eos monuerat, quaeque tantam in eos habuit vim, ut merito laudarentur. — Tali amoris opposita erat indoles hominum, quae ab eo describitur 2 Tim. III. 1 — 9.

Vs. 5. *Μνημόνευε οὖν πότεν πέπτωκας, καὶ μετανόησον, καὶ τὰ πρῶτα ἔργα ποιήσον, εἰ δὲ μὴ, ἔρχομαι σοι ταχὺ καὶ κινήσω τὴν λυχνίαν σου ἐκ τοῦ τόπου αὐτῆς, εἰ μὴ μετανοήσῃς.*

*Recordare igitur unde decideris, et respisce, et prima opera fac: sin minus, venio tibi cito, et movebo candelabrum tuum ex loco suo, nisi animum emendes.*

Sensum non afficit, utrum legatur *πέπτωκας* an vero *ἐκπέπτωκας*: illud a *Griesbachio*, *Matthaeo*, *Bengelio* et *Schotto*, auctoritate Alexandrini aliorumque codicum probatur; hoc ex *Andreae* commentario irrepsisse videtur. Ταχὺ non habet Alexandrinus codex, neque vulgata aliaeque versiones, probantibus *Bengelio* et *Millio* Prolegom. § 1210. Hi et *Erasmus* legunt ἐν τάχει, vel τάχει. *Griesbachius* τάχυν.

*μνημόνευε οὖν κ. τ. λ.* Admonentur h. l. Ephesini, ut in memoriam revocent priora sua opera, quibus laborem assiduum et patientiam Jesu causa ostenderant; simul tamen jubentur, ut ad ea redeant. *Grotius* p. 360. τὸ *μνημονεύειν* non distinguit a *μετανοεῖν*, quae inter tamen aliquid discriminis intercedere mihi videtur. *Μνημονεύειν* enim simpliciter significat in animum revocare, meminisse, a *μνήμη*, *memoria*, sine ulla alia animi actione; *μετανοεῖν* vero notat: praeterita, in memoriam revocata, ad bonum usum adhibere; ita ut homo δὲ *μνημόνευει* alicujus rei memoriam habere eamque phantasiae ope revocare dicendus sit; alter vero δὲ *μετανοεῖ* non solum hoc agat, sed etiam ad meliorem vitae rationem redeat. Ita v. c. Matth. IV. 17. *μετανοεῖν*. 2 Tim. II. 8. *μνημόνευσεν* Hebraice מִנְהָמָה.

*πότεν πέπτωκας*. Particula οὖν, quod praecedat, adhortationem confirmat. — *Πέπτωκεν* et *ἐκπέπτωκεν* usurpatur de eo, qui ex meliori conditione in deteriore prolabitur. Cf. Gal. IV. 4. *τῆς χάριτος ἔξεκ*. Sic Cicero (2) „non recordor unde ceciderim, sed unde surrexerim.”

*πρῶτα ἔργα* sunt *πρώτερα*, priora ἔργα. Vid. vs. 2.; eodem fere sensu III. 11. *κράτει*, ὃ ἔχεις.

(1) *Pitringa* ad h. l.

(2) Ad Att. IV. 16.



εἰ δὲ μὴ, ἔρχομαι κ. τ. λ. Rosenmullerus in Schol. p. 571. ita hunc locum interpretatur, ut ἔρχομαι redundet, et tota esset formula τάχῃ κινήσω κ. τ. λ. Sed adjunxit auctor σοι: significat autem ἔρχεσθαι τινὶ venire ad aliquem consilio puniendi, ad imitationem Hebraismi נָתַן, qualis occurrit Ps. XCVI. 13. ubi Deus dicitur venturus ad iudicandam terram et Zachar. IX. 9. — ἔρχομαι nostro loco ob certitudinem rei vim habet futuri, ut saepius occurrit I. 4. ἔρχομενος pro ὁ ἐλευσόμενος. Elegans habetur ἀποσιώπησις in vocibus εἰ δὲ μὴ. In iis jam comminatio incipit: sciunt Ephesini, quid sit faciendum: ad priora opera redire debent: quod si non faciant, venturus est κ. τ. λ.

Prouti vero Graeci in genere multis gaudent verbis, imprimis Euangelistae, facile, si ad grammaticam significationem attendamus, illa ἔρχομαι σοι redundare possent, cum sensus nihil aliud notet, quam: cito vos puniam. Cf. Matth. V. 24. ἐλθὼν πρόσφερε. VIII. 7. ἐλθὼν θεραπεύσω αὐτόν. IX. 13. πορευθέντες δὲ μάθετε. Luc. X. 37. πορεύου καὶ σὺ πολεῖ.

καὶ κινήσῃ τῇ κ. τ. λ. κινέω est, *movere*; h. l. *movere aliquid e suo loco*, ita ut existere desinat (1). Comminatur Christus hīsce verbis, se venturum et Ecclesiam, quae dicitur ἡ λυχνία (vid. vs. 1.) destructurum, nisi respicerent. Simili dictione utitur Matth. XXI. 43. ἀρθήσεται ἀπ' ὑμῶν ἡ βασιλεία τοῦ θεοῦ, καὶ δοθήσεται ἐθνέσιν ποιῶντι τοὺς καρπούς αὐτῆς. Grotius tenuiter sane hanc comminationem accipit, scilicet: *faciam ut plebs tua alio diffugiat, nempe ad ea, ubi major habetur cura pauperum*. Alia est Vlotenii observatio (2), qui Ephesum ordine Ecclesiarum primam esse censet urbium, ad quas mitterentur hae Epistolae, tum ob religiosum cultum, tum ob peculiarem qua fructa erat, Pauli et Timothei institutionem; quam ob rem, opinatur poenam non tam esse premendam: putat igitur h. l. destitutionem in minorem gradum intelligendam esse, quae tamen sententia nobis minus probabilis videtur, imprimis quia nullibi legimus de maiore erga hanc illamve praeceteris Christi amore. Nihil aliud his verbis notatur, quam: *nisi respiciant Ephesini, evertam eorum Ecclesiam, ita ut Ephesus desinat esse locus sacer*.

Vs. 6. Ἀλλὰ τοῦτο ἔχεις, ὅτι μισεῖς τὰ ἔργα τῶν Νικολαϊτῶν, ἃ κἔγω μισῶ.

Sed hoc habes, quod odisti opera Nicolaitarum, quae et ego odi.

ἀλλὰ τοῦτο ἔχεις, τοῦτο scil. αἶνον. hoc boni, hoc praeclarum, de quo laude dignus es. ἔχειν, simpliciter ita positum, saepe significat *habeo possidere*. Luc. XVII. 24. Matth. XIII. 12. 2 Cor. VIII. 11. Idem usus loquendi apud Graecorum et Latinorum scriptores, Herodot. VI. 22. Σαμίων δὲ ταῖσι τι ἔχουσιν. *Samiorum vero his, qui aliquid in bonis habebant* (3). Cicero ad Div. VII. 29. quod si quis, quod habeamus, id omnes abs se habent (4).

(1.) Cf. Apoc. VI. 14. Arrian. Dias. Epist. I. 12. Herodianus VI. 1, 6.

(2.) Vid. Doctiss. viri Bybelverkl., p. 420.

(3.) Cf. Valckemaer ad h. l. Ed. Schweigh., tom. VI. p. 149, seq.

(4.) Cf. Ernesti ad h. l.

τὰ ἔργα. vid. vs. 2.

τὸν Νικολαΐτῶν. Eusebius (1) narrat Nicolai cujusdam historiam, quam e Clemente Alexandrino proditam dicit. Hic formosam habens uxorem, ab Apostolis, post adscensum Domini, zelotypiae accusabatur; quod cum ferre nollet, illam eduxit, inque contrarium prolans, ei permisit rem habere quocum vellet, quod exemplum ejus sectatores, Nicolaitae ab eo dicti, imitati sunt: unde nata est opinio iis licere sua carne abuti, et ad promiscuam venerem transire. Verum haec fabula esse videntur. Irenaeus (2), de Nicolaitis, quos haereticos appellat, ita loquitur, ut perspicue pateat, nosrum Apocalypseos locum minime ab eo esse intellectum. Respicit nimirum ad Nicolaum illum, de quo tanquam uno primorum Diaconorum Act. VI. 5. mentio fit. Sed minime haec narratio convenit primae religionis et Ecclesiarum, in quibus fundata erat, conditioni: omni nimirum opera studuerunt Apostoli, ut et probi, et bona fama fruantes, et doctrina rite eruditi eligerentur presbyteri, doctores et diaconi, inter quos, si malevoli conspicerentur, mox ab illis ejecti fuerunt. Causa vero ob quam erraverit, iique qui ejus sententiam sunt amplexi, in eo est quaerenda, quod symbollicam dictionem non animadverterint, verum Nicolaum illum Antiochenum tanquam principem sectae finxerint cujusdam, qui doctrinâ suâ turbas excitaverit in Ecclesia. Post Irenaeum alii bene multi, qui item symbollici sermonis erant ignari, insolentius egerunt, cum non solum eum sequerentur, sed etiam fabulam de Nicolaitis ingeniose exornarent, quae omnia referre commodè mittere posse existimamus. „Quis denique” ut *Eichhornii* verbis utar, „in quaestione de Nicolaitis, neglecta Apocalypsi, Irenaeum sequatur, nisi qui limpido fontem praetergressus, ex turbido, lutofo foedoremque exhalante stagno aquam bibere mallet (3)?” — Auctor vero harum Epistolarum, omnem verborum primitivam et propriam significationem negligens, symbolico et aenigmatico dicendi genere utitur, a Judaeorum ingenio minime abhorrenti (4). Et quid mirum? ἐν πνεύματι fuit illo tempore, quo Jesum videns omni ipsius gravitate, majestate et splendore, ab eo jubebatur scribere, quae ipsi ab eo dictari viderentur. Quid denique est, quod diceremus, Johannem, totum scribendi ardore et visionis sublimitate abreptum, adeoque horum improborum hominum vitae nefandae commotum, nominibus eos notasse, quae aliis haud erant cognita, et opprobrii instar accipi debebant? — Verbum Νικολαΐτῶν nihil itaque aliud mihi esse videtur, quam maledictio vel opprobrium, quo ii notantur, qui τὸν λαὸν νικῶσι, *populum vincunt* i. e. *eum a vera via ad pravam abducunt*, quique vs. 14. *Bileamitas*, alio loco *Jesabelitae* dicuntur. Hi igitur sunt illi, qui Aposto-

102

(1) Hist. Eccles. ex ed. *Valis*. III. 29.

(2) Adv. haereses L. II. C. 27.

(3) Cf. l. l. p. 80.

(4) Talia aenigmatica et symbolica admodum multa in Apoc. occurrunt III. 9. VII. 4. XXI. 12; ubi per Israëlitas non Judaei sed Christiani significantur. Cf. *Eichhorn* l. l. p. 76.

lorum nomina, munera et doctrinam prae se ferre gestiebant, contra quos Paulus jam diu ante Ephesinos admonuerat, scribens, fore ut inter eos existerent viri, qui perversa loquerentur, et discipulos ad se abstrahere conarentur (1), quos item lupos vocat, post suum degressum ad Ephesinos venturos, neque gregi parsuros, contra quos Timotheum admonet (2), rogicans ut Ephesi maneret, ne aliam doctrinam sequerentur, neque ad fabulas abducerentur ejus cives. Eorum *γνώσεις* ab eo *ψευδάνυμος* vocatur (3). Johannes Apostolus eosdem malevolos ob oculos habuisse mihi videtur, ubi loquitur de Antichristo, dicens hunc brevi venturum, imo vero jam adesse (4). De iisdem impostoribus egit Petrus (5) et Judas, ubi gratiam Dei contorsisse dicuntur in *ἀσεβειαν* vs. 4. et *τῇ ὁδῷ τοῦ Καὶν ἐπορεύθησαν καὶ τῇ πλανῇ τοῦ Βαλαὰμ μισθοῦ ἐξεχύθησαν*. In genere autem his nominibus, sive Nicolaitarum sive Bileamitarum vel Jesabelitarum, auctorem notare voluisse Gnosticos opinor, qui hac aetate caput extollere coeperunt. Hi erant vel Judaei, qui suam jam depravatam religionem cum Christi doctrina conjungere tentarent, vel gentiles, qui philosophos agentes, suas opiniones cum verae doctrinae placitis confundere, iisque immiscere vellent. — In Oriente enim diu ante Christum exstiterat philosophia, quae materiem omnis mali fontem esse docebat, atque difficilem nodum de origine vitii per falsas hypotheses, falsis hypothesibus superstructas, solvere conaretur, eoque modo magnopere theologiae dogmaticae et doctrinae morali noceret. Qui illam philosophiam sectabantur, Christianorum sectae (qualem religionem Christi habebant) sese addixerunt, et conjungendis suis ipsorum placitis cum Christi doctrina, horridas constituerunt haereses. Paulus idcirco 2 Tim. II. 17. contra Hymenaeum et Philetem egit, docentes, resurrectionem jam accidisse et doctrinam poenitentiae allegorice interpretantes: Johannes refutavit Cerinthum, principem illum haeticorum, qui mundi creatorem non summum Deum, sed unum quemdam sublimem angelum habebat, qualem Deus misit in Josephi et Mariae filium, cum baptizaretur, ut ita ejus consilia peragere posset. Judaeos a *Δημιούργῳ* deceptos Jesum crucifixisse, ipsumque Christum in coelum evolasse praedicabat. Ita hi philosophabantur, et quid de morum doctrina, quae ex tali systemate derivari debebat, expectandum esset, facile quisque intelligere potest (6).

Tales igitur sunt intelligendi *Νικολαῖται*, talis eorum vivendi ratio, talia eorum placita. Nec miremur! Ephesum eligeant, urbem ubi olim omnis generis vitia et flagitia grassabantur; aptissimum igitur locum, ut uberrimos fructus produceret eorum doctrina. In tali enim urbe, tantopere luxui dedita, a tot civibus et peregrinis frequentata (mercaturam

age-

(1) Act. XX. 30.

(2) 1 Tim. I. 3 seqq.

(3) 1 Tim. VI. 20.

(4) 2 Joh. II. 18 et passim.

(5) In Ilda Ep. II. 15.

(6) Vid. de blace *Spittler* op. cit. p. 59 seqq. e quo maximam partem haec sunt petita.

agebat et mari adiacebat,) facillime paradoxa sua seminare poterant et homines ad ea instituere (1).

Caeterum verba mihi desunt, ut merito extollam lenitatem, gravitatem, et iteratam benevolentiam, qua Jēsus Ephesinos tractet. Incipit a laudibus, facile remissionem amoris attingit, et excitat ut ad priora redeant opera, tandem non potest non praetermittere eorum odium in improbos, quos et Servator odio habet. Elegantissime pro suo more haec egit *Herderus*, qui omnino ad h. l. conferri meretur.

Vs. 7. Ὁ ἔχων οὖς, ἀκουσάτω, τὸ τὸ πνεῦμα λέγει ταῖς ἐκκλησίαις· τῷ νικῶντι δώσω αὐτῷ φαγεῖν ἐκ τοῦ ξύλου τῆς ζωῆς, ὃ ἐστὶν ἐν τῷ παραδείσῳ τοῦ θεοῦ μου.

*Qui aures habet, audiat, quid Spiritus dicat Ecclesiis. Vincenti dabo edere ex arbore vitae, quae est in Paradiso Dei mei.*

Pro ἐν τῷ Παραδείσῳ lectio recepta habet ἐν μέσῳ τοῦ Παραδείσου, quod *Andreas* interposuisse videtur et ab *Arctho* receptum est. *Weistenius*, *Griesbachius*, *Birchmannus* et *Matthaeus* simplicem, quae in textu legitur, habent, et in ea sequuntur Codicem Alexandrinum, pluresque alios optimos. Illud μου post θεοῦ in nonnullis non habetur; omisum videtur ab iis, qui divinae Jesu Christi naturae hoc additamentum denegarent. *Arcthus* vero dicit neminem offendere, cum ipse Jesus ita de se locutus sit Joh. XX. 17. (2).

τῷ νικῶντι δώσω αὐτόν. Est Hebraea dictio, qualis saepissime in hīs epistolis occurrit. Vid. Matth. XXIV. 13. ὁ δὲ ὑπομένων εἰς τέλος, οὗτος σωθήσεται, ubi οὗτος ob eandem causam abundat.

Φαγεῖν ἐκ τοῦ ξύλου scilicet τὸν καρπὸν. cum accusativo enim hoc verbum ab omnibus construitur Evangelistis. Rom. XIV. 2. Φαγεῖν πάντα. 1 Cor. XI. 20. Φαγεῖν δείκνον. Luc. XIV. 15. ὃς φάγεται ἄρτον. Apocal. II. 17. ubi construitur cum ἄρο.

ὁ ἔχων οὖς κ. ε. λ. In omnibus Epistolis, quae ad septem nostras Ecclesias missae sunt, haec proverbialis locutio occurrit, in nonnullis initio, in aliis fine epistolarum posita (3). Saepissime occurrit in Novo Foedere, ab ipso Jesu usurpata. Matth. XI. 15. ὁ ἔχων ὅτα ἀκούτω. XIII. 9. 43. Luc. VIII. 8. XIV. 35. Summa attentio hac formula postulatur, cum semper in rebus seriis adhibeatur, uti patet e locis adductis, in quibus Jesus parabolis instituendis vel alio serio modo loquitur. Idem sensus mihi inesse videtur Matth. XII. 19. Aures autem naturales (singulari numero in hisce epistolis ponitur; sed

(1) *Vit Pittings* I. I. p. 72 seq.

(2) Cf. *Heinrichs* ad h. l. Ed. *Koppiana*, p. 147.

(3) Vid. infra ad Part. II. cap. II. §. 6.

(4) *Eichhornius* putat hanc solennis illius formulae diversam positionem a Johanne quaesita esse institutam, ut dramaticis partes (quae totum sibi proponit. Apoc.) externis figuris et indicis eo melius diacernerentur. Vid. *Braceleg.* ad Comm. p. XXVII. seq.

e Matthaei loco citato audimus Jesum, hac formula utentem, vario modo loqui (1) minime intelligendae sunt; symbolica est dictio. Apostolus enim omnia ἐν πνεύματι videns et accipiens, continuo sine cura et arte dicit et refert. Ita agit etiam in iis, quae de Jesu voluntate profert. Mentis sive animi ideo aures sunt, per quas homines percipere debent, quid spiritus dicat, moneat, jubeat τὰς Ἐκκλησίας, i. e. Ecclesias, vel septem, uno verbo comprehensas, vel eas, quae ejusdem Episcopi curae sunt mandatae.

πνεῦμα est Jesus, qui τὸ πνεῦμα ἔχει et omnia per illum spiritum agit, quique illum Apostolis ante ascensum promisit: est πνεῦμα τὸ ἅγιον, ὃ πέμψει ὁ πατὴρ: ἐκεῖνος ὑμᾶς διδάξει πάντα. Joh. XIV. 26. (2).

τῷ νικῶντι δώσω αὐτῷ κ. τ. λ. Sensus est: quicumque vicerit, i. e. qui constanter perduraverit in mea doctrina, fideliter, sine ulla remissione praeceptis meis obedierit, nullaque inedia aut aliis incommodis, a falsis doctoribus aliisve structis, se a me abduci passus fuerit, felicitate singulari fruatur. Ita enim ipse vs. 26. τῷ νικῶντι explicat, ubi adjungit καὶ ὁ τηρῶν ἄχρι τέλους τὰ ἔργα μου. — Observandum est, per omnes hasce Epistolas certamen quoddam exhiberi, quo Christiani militum instar dimicare videntur cum iis, qui religioni Christi adversantur. Alio loco graviter et fortiter, alio autem remisso et abjecto animo pugnatur: aliis promittitur felicitas aeterna, sub imagine arboris vitae, aliis infinita prosperitas ad coenae gaudium effecta, et sic porro. Ita et ipse Christus militis egit partes, dum in terra versabatur, quam in rem ipse dixit Joh. XVI. 33. ἐγὼ νενικήκα τὸν κόσμον. Johanni vero propria haec est dicendi formula, cum saepius, in Epistolis praesertim, Christianorum vitam tanquam pugnam eos inter et Christi hostes proponat (3).

Φαγεῖν ἐκ τοῦ ξύλου. κ. τ. λ. Synecdochice accipi debet: τὸ ξύλον proprie enim significat lignum, sed pro Hebr. עץ, quod est arbor, ab Alexandrinis usurpatur Gen. II. 9. III. 22. (4).

In

(1) Hebraei admodum frequenter singularem numerum pro plurali numero adhibent, cum collecta multitudo vel species tota denotatur v. c. Exod. X. 12. אֶרֶב לַיָּמַי propter locustam Job XVI. 1. יָלַדְתִּי אֶתְּכָם Jerem. VIII. 7. הָיָה כִּי. Conf. Glassius Phil. Sac. p. 1258. qualem dictionem hebraeam n. l. inveniri opinor.

(2) Vid. Eichhornius l. l. Langius l. l. et Donker Curtius l. l. p. 97.

(3) 1 Joh. II. 13. 14. IV. 4. V. 5.

(4) Si autem quaeritur, quae sit causa, cur tot hebraeorum verba tot habeant significationes, respondeo, hoc ob Hebraeae linguae inopiam obtinere, quae paucissimis constat vocabulis, dum interea plurimae sunt res. Apostoli, Graece scribentes, potuissent vocibus Graecis, quae domesticam haberent potestatem, sensa mentis exprimere, quod lingua Graeca ob ejus verborum copiam facile fieri possit. Sed sacris scriptoribus utpote qui essent Judaei, placuit multis vocabulis Graecis

In iis, quae in singularum epistolarum fine fidelibus promittuntur, semper dictionem aliquam, e V. T. ductam, deprehendimus; prouti, scilicet, in hac epistola respicitur ad traditionem Mosaicam Gen. III. de arbore vitae, quae media erat in Paradiso, ita in aliis ad alia alluditur, de quibus ad ipsa loca monendum erit. Hoc fecisse mihi videtur, tum propter sublimem sensum, quem talia effata spirant, tum in ipsorum Christianorum gratiam, qui, e Judaeorum schola profecti, antea non nisi hunc veterem cognoscebant codicem, et universe magni faciebant vel ipsius Mosis, vel prophetarum vaticinia et facta, praesertim, cum e gentis suae historia ducerentur. — Nota est historia illius arboris vitae, primis nostris parentibus concessae, ut ejus fructus comederent, postea vero, cum peccassent, iis denegatae. Dicitur autem ξύλον τῆς ζωῆς, quia fructuum ejus usu vita et sanitas protoplastorum conservabatur, quod effici posse videtur e Gen. III. 22. (1). — Symbolum est vitae aeternae sive felicitatis coelestis. Apoc. XXII. 2. ἐν μέσῳ τῆς πλατείας αὐτῆς καὶ τοῦ ποταμοῦ ἐντεῦθεν καὶ ἐντεῦθεν ξύλον ζωῆς. Ex eo loco alii hic scriptum esse putant ἐν μέσῳ τοῦ παραδείσου (2). — Videbimus porro in hisce epistolis semper respectum haberi ad quoddam vitium, vel aliud quid, quod Ecclesiae, ad quam scribitur, proprium est. Ita Ephesini, qui a primo amore defecerant, sese abduci passi fuerant a Nicolaitis, ut idolothyta, ut et Pergameni, ederent; iis itaque benignissime opponitur fructus, qui in aeternum vitam conservet.

Παράδεισος τοῦ θεοῦ μου. Vox est Persica, quae hortum amoenissimum notat. Ita vocatur antiquissima illa regio, qua primi sua pueritia degebant homines. Symbolice est *coelum* Dei, ubi felicitas aeterna piis ac fidelibus conceditur (3).

## § 2.

## EPISTOLA AD SMYRNENSES.

*Urbis ejusque Ecclesiae historia.*

Smyrna urbs erat Ioniae, antiquitus ad Lydiam pertinentis (4), nobilissima, quae re-

Graecis, praeter usitatas significationes, etiam alias, admonitu usus vocabulorum Hebraicorum tribuere. Ita ξύλον legitur etiam de *cruce* et *patibulo* Act. V. 30. X. 39. Gal. III. 13. quod derivandum ex usu ejusdem verbi Hebraei עץ Gen. XL. 19. vid. *Leusden*, de Dial. N. F. singul. de ejus Hebraismis, Lips. 1792. p. 32. 469.

(1) Cf. Cl. *Klinkenberg*. l. l. p. 101.

(2) Vid. *Bengelius*, Gnomon Tom. II. p. 1285. Edit. 3. Tubing. 1773.

(3) De Paradiso vid. Cl. *Muntinghe* Geschied. der Menschheid naar den Bijbel, D. I. Aam. p. 12, 14. qui varias, quae de ejus situ feruntur, sententias copiose exponit, illumque Armenis conscribi opinatur.

(4) Vidd. quae supra diximus ad historiam Ephesi.

respectu habito ad ordinem, quo sitae erant septem nostrae urbes, secunda erat, et proxima Epheso adjacebat. Mari Aegaeo affinis cum esset, egregias sibi nacta erat opportunitates mercaturam colendi, quae Levantica dicitur, quaque hodie una prae ceteris Asiae regionibus floret. Licet *Herodotus* (1) eam *Colophoniorum coloniam* dicat, ubi ab *Algate*, Lydiae rege, captam esse tradit, plurima tamen veterum historicorum occurrunt loca, propter quae in dubium vocetur haec traditio. *Plinius* enim (2) ab Amazonibus conditam esse refert; *Strabo* diserte addit eam originem debere Amazoni cuidam, nomine *Smyrnae*, quae et Ephesinis imperabat; alii a *Theseo*, alii ab Aeoliis profectam esse, fabulantur. — Mira structurae elegantia sese commendabat, unde olim *decus Ioniae* cognominabatur (3): partim in montis declivitate, partim ad maris ripas exstructa, amphitheatri imaginem referebat: magnifica inter aedificia celeberrimum Cybelis templum enumeratur, Bibliotheca et Schola. Septem in urbibus erat, quae sibi *Homani* natalis loci gloriam vindicabant (4), cujus in honorem templum et statuam aedificaverant:

ἐπὶ τὰ πόλεις διερίζουσι περὶ ῥίζαν Ὀμήρου.

Σμύρνα, Ῥόδος, Κολοφῶν, Σάλαμικ, Χίος, Ἄργος, Ἀθήναι (5).

*Eusebius* (6) εἰ γοῦν τι σαφὲς αὐτῶν ἦν, οὐκ ἦν ἂν ἀμφίλεκτος, ἀνθρώποις ἔμς, πατριδὰ μὲν διδόντων (scil. τινῶν) αὐτῶ Ἰωνικὴν Κολοφῶνα, ἢ Κόρινθον, ἢ Χίον, ἢ Σμύρναν. κ. τ. λ.

Quamvis Smyrnenses graviter in bello pugnasse, et saepe rem bene gessisse narrentur, omnibus tamen deliciis et luxu se dediderunt, cum, feliciter mercaturam agentes, divitias in diem augerent, et in hisce uberrimum haberent fontem, e quo haurire possent ad luxuriose vivendum, ita quidem, ut eorum libidinosi mores in proverbium abierint. — Quo tempore fundata sit ecclesia non patet: verisimile tamen Paulum, Ephesi degentem huc lucem Euangelii detulisse (7). — Johanni apostolo certissime curae fuit, qui potestate privatus ut diutius eam curaret, alii eam, ut credere licet, commendavit instituendam. Quidquid sit, historica nobis desunt argumenta, ut historica veritate omnia describamus.

Unus in paucis *Eusebius* (8) memoriae proffidit fata praestantissimi illorum temporum viri, Polycarpum dico, qui, Imperante M. Aurelio (9), hujus ecclesiae episcopus cum esset, atque fidem Christi abnegare nolle, martyrii honorem consecutus est. Elegantissime et pro rei gravitate pater ecclesiasticus hanc Polycarpi narrat historiam, quam, nisi diutius, quam par est, nos detineret, lubenter referremus (10). Exstat epia-

(1) Libro I. c. 16.

(2) l. l. lib. V. c. 29.

(3) Vid. *Strabo* l. l. lib. I.

(4) Vid. *Cicero* pro Archia. c. 8.

(5) Locus, qui exstat apud *Gellium* Noct. Attic. III. 14.

(6) In *Demosth.* *Eucom.* pag. 889.

(7) Vid. *Epist.* ad Eph.

(8) *Hist. Eccl.* l. III. c. 36.

(9) *Eusebius* l. l. c. 14.

(10) Ingeniosa profecto sunt verba, quibus *Claudius*, *Sämtl. Werke des Wansb. Bothen*, 4 Theil 2 Bd. s. 85, hunc celebrat virum, postquam paucissimis verbis, ut solet, mortem ejus exposuit, addit:

epistola ad ecclesiam Smyrnensem ab Ignatio data, quae, licet plurima fabulosa contineat, tamen non plane est rejicienda (1). Idem cum in infausto suo itinere Romam captivus deduceretur (vid. Euseb. l. l.) privatim litteras dedit Polycarpo, quem Irenaeus (2) narrat Johanni fuisse cognitum, ab eoque epistolam, quam tractamus, accepisse.

Magnopere vexata est Smyrnensium urbs tempore, quo Domitianus crudelem instituit Christianorum persecutionem; postea vero Marcus Aurelius eam templis aliisque aedificiis denuo exornavit. — Hodie Turcarum ditioni subdita 140 hominum millia continet, partim Turcarum, Graecorum, Armeniorum, partim Judaeorum, Christianorum orientalium (3): hi universe Francorum nomine dicti constant Gallis, Anglis et Batavis, qui ecclesiam ibi habent florentissimam, licet eorum conditio miserrima sit propter crudelem Turcarum in Christianos agendi rationem.

Propter mercaturam Levanticam Smyrna magnum accepit nomen (4). — Caeterum haec epistola in genere argumenta praebet virtutis Christianae; nihil enim in ea vituperatur, vel nulla de causa perstringuntur Smyrnenses; imo vero omnia pertinent ad eos laudandos, consolandos, confirmandos in fide Christi.

*Periodistarum sententia.*

Hi contendunt hac epistola imaginem exhiberi status ecclesiae Christianae sub persecutione gravissima, quam saeculo secundo et tertio singuli instituerunt Romani imperatores. Hanc autem convenientiam observant, tum quod ad *nomen*, tum quod ad *rem*. Quod ad nomen: *Σμύρνα*, myrrha frutex ex Arabia, e cujus cortice amarum effluit liquor, figurat *amaras* vel *duras afflictiones* ecclesiae, e quibus in posterum fructus proveniat vere salutaris, prouti ex amaro myrrhae gustu nascitur dulcis sapor. — *Re* autem hanc sententiam convenire dicunt, quod attinet ad persecutiones ipsas, et quod ad eos, qui constantiam sanguine probarint, et quod ad blasphemiam Haereticorum, et quod ad persecutionem τῶν ἡμερῶν δέκα. — Refutatur autem illa sententia eo, vel quod urbs nomen acceperit a conditore (vid. supra), vel quod nimia subtilitas in ejusmodi conjecturis eluceat. Si enim haec tantummodo desideraretur, facile contendere posset, hanc epistolam imaginem ecclesiae referre, virtute Christiana valentis, quamquam misera conditione abjectae (5).

*Epist.*

dit: Hieraus lernt man, dass das eine gute Herrschaft seyn muss, für die man nach 86 jährigen Dienst noch gerne durchs Feuer gehen will.

(1) Conf. *Venema* hist. eccl. tom. III. p. 359, 360.

(2) Adv. Haerët. III. 3.

(3) Vidd. Berigten van het Bijbelgen. 1816. n. 7. p. 94.

(4) Vidd. plura de ejus fatis apud *Baehné* l. l. p. 736. et *Wildahn*, p. 38 seqq.

(5) Conf. cl. *Klinkenberg* l. l. p. 80.



*Epistolae expositio.*

Vs. 8. Καὶ τῷ ἀγγέλῳ τῆς ἐν Σμύρνῃ ἐκκλησίας γράψον· τὰδε λέγει ὁ πρῶτος καὶ ὁ ἔσχατος, ὃς ἐγένετα νεκρὸς, καὶ ζήσεν.

*Et angelo ecclesiae, quae Smyrnae est, scribe: haec dicit primus et ultimus, qui mortuus est et revixit.*

Pro ἐν Σμύρνῃ ἐκκλησ. nonnulli legunt ἐκκλησίας σμυρναίων, quod Bengelius, Millius et Griesbachius rejiciunt.

Καὶ τῷ ἀγγέλῳ. vid. de mandato ad vs. 1. — Ἀγγελος, nimirum Polycarpus, vid. supra.

τὰδε λέγει ὁ πρῶτος κ. τ. λ. Cap. I. 17. 18. eadem legimus, quum Johanni, humi prostrato, animum addere vellet Servator, dicens: *ne timeas, ego sum primus et ultimus et vivo* etc. — Vidimus supra ad vs. 1. Jesum describi ab imaginis quadam particula, qua Johanni apparuerat; inde etiam verba, quae tunc ei dixerat, huc sunt referenda.

ζῶ significat *vivo*: in nonnullis lexicis additur notio *in vitam redeundi*, quod hoc I. notari videtur, prouti auctor eodem utitur verbo c. XX. 4. 5. Joh. V. 25. καὶ οἱ ἀκούσαντες ζήσονται XL 25. καὶ ἂν ἀποθάνῃ, ζήσεται (1). — Sensus verborum huc redit: *Ille primus omnium, qui aliquando vixerunt, quisque vita fruuntur; ille, qui ab aeterno exstat et ultimus dicitur eorum, qui aliquando erunt; ille, qui in saeculum saeculorum vivit* (conf. Deut. XXXII. 40. Jes. XLI. 4. XLIV. 6. XLVIII. 12. Apoc. XXII. 12.) *Ille, qui mortem subiit, sed mortem et sepulcrum vicit et revixit, haec vobis scribit.* — Consolandi et admonendi causa haec verba initium hujus epistolae facere debuerunt; magnis enim calamitatibus et aerumnis obruti non habebant, quo se defenderent contra gentilium et Judaeorum insidias. Jesus vero, dominus et caput ecclesiae, licet in coelum evectus, eos observat nec sibi relictos mittit. Hanc ob rem animus additur Smyrnensibus, tristitia percussis; revixit ut iis consuleret et prospiceret: inceptor igitur et consummator salutis eorum, in saecula vivens. — Praeterea respicitur, prouti in singulis solet, ad Smyrnensium quoddam negotium. Gentiles enim, qui Smyrnae vivebant, et quorum mores semper aliquam vim exercebant in Christianorum indolem, Aesculapium, Apollonis filium, magno prosequabantur honore, tanquam Deum, qui mortuos excitasse, et, ipse fulmine percussus, in vitam rediisse diceretur (2). — Ut jam ab hisce fictis fabulosisque traditionibus averterentur, haec dicebantur. — Vitringa vocem ἔσχατος ad Christi hac in vita versantis miserrimam conditionem respicere putat; Πρῶτος vero ad gloriam, qua fruitur apud Patrem. Sed, si nostram,

sci-

(1) Ovidius Metam. XV. 543.

*Quique fuit.*

*Hippolytus dixit, vunc idem Virgilius est.*

Conf. Chippingius ad h. l.

(2) Vid. Wetstein N. T. Amstel. 1751. tom. II. p. 754.

supra in paraphrasi propositam, sequimur sententiam, Jesus omni sua gloria procedit, tanquam aeternus Deus τὰς κλεῖς ἔχων τοῦ θένου καὶ τοῦ θανάτου c. I. 18.

Vs. 9. Οἶδ' σου τὰ ἔργα, καὶ τὴν θλίψιν, καὶ τὴν πτωχείαν (ἀλλὰ πλούσιος εἶ) καὶ τὴν βλασφημίαν ἐκ τῶν λεγόντων Ἰουδαίους εἶναι, καὶ οὐκ εἶναι, ἀλλὰ συναγωγή τοῦ σατανοῦ. *Novi tua opera, et afflictionem et paupertatem (sed dives es), et blasphemiam eorum, qui se dicunt Judaeos esse, et non sunt, sed Synagoga Satanae.*

τὰ ἔργα, καὶ in nonnullis MSS. non legitur; ne autem hujus ecclesiae ἔργα omissa viderentur, invecum est (1).

πλούσιος δὲ εἶ, ita nonnulli: Andraeas, Arethas, Griesbachius alique praetulerunt ἀλλὰ πλούσιος εἶ.

Οἶδα σ. τ. ε. vid. vs. 2.

καὶ τὴν θλίψιν κ. τ. λ. *afflictio* (2), proprie *pressio*; idem verbum occurrit Job. XVI. 33. ἐν τῷ κόσμῳ θλίψιν ἔχετε. Apoc. I. 9. ἐν τῇ θλίψει. Matth. XXIV. 2. παραδώσουσιν ὑμᾶς εἰς θλίψιν. Smyrnenses tribus miseriae generibus premebantur: afflictione, paupertate et blasphemia. πτωχεῖα summam notat *inopiam* v. c. mendicorum, quorum conditio hoc vocabulo exprimitur 2 Corinth. VIII. 2. 9.: respondet hebraico יָצַח Job. XXX. 27. XXXVI. 21. Exod. III. 7. וַיַּחַד יְהוָה וַיֹּאמֶר יְהוָה לְמֹשֶׁה i. e. *videt miseriam populi mei*. Saepe apud Homerum, λιλαίωμαι ἀποπέεσθαι πτωχεύσων (3), πτωχῷ ἐναλίγκιον (4). — Plebs, quae paupereula erat, Evangelii doctrinam acceperat, sed cum haudquaquam divitum moribus libidinis faveret, hi ab ea abhorrebant, prouti, ni fallor, effici potest ex 1 Corinth. I. 26.

ἀλλὰ πλούσιος εἶ. Haec tamquam ἐν παρενθέσει dicta sunt, consolandi, ut videtur, causa, propter tot tantaque mala. — Proprie πλούσιος ille dicitur, qui opibus terrenis abundat, Matt. XXVII. 57. Marc. XII. 41. (5). Respondet Hebr. רַחֵם Ps. XLV. 13. Ruth. III. 10. et רַחֵם *gravis*, i. e. *dives* Gen. XII. 2. — Metaphorice h. l. sumendum de eo, qui bona coelestia possidet, qualia sunt πίστις, ἔργα καλὰ et sim., quo sensu respondet רַחֵם Exod. XXXIV. 6. Conf. Eph. II. 4. ὁ δὲ θεὸς πλούσιος ἐν ἐλέει. 1 Tim. VI. 17, 18. πλουτεῖν ἐν ἔργοις καλοῖς. Jacob. II. 5. πλούσιος ἐν πίστει. Apoc. III. 17. ἔτι πλούσιος εἶμι. — His opibus, quae aurum et argentum superant, quas αἱ καὶ βρώσις οὐκ ἀφανίζει Matt. VI. 20. divites erant Smyrnenses, quarum non poterat non fieri mentio.

καὶ

(1) Vid. *Müller*, N. T. Romerf. 1710. Tom. I. prolegomenor. p. 124. et *Heierichs*, edit. Kopp. ad h. l.

(2) *Hesychius*, θλίψις i. q. στένωσις.

(3) *Odyss.* XV. 308.

(4) *Odyss.* XVI. 209.

(5) Ingeniose sane *Eusebius*, Caesariensis, ad Homerum, hujus verbi etymologiam exponit πλούσιος dicens καλίστην καὶ πολύτην, ἧ, καὶ ἐκ πολλῶν ἐκτὸς ἐκτεταμένην.

καὶ τῆς βλασφημίας. In summis malis reputandum mihi videtur, si plus ac probus quis maledictis afficiatur, quibus illius fama et aestimatio laedatur. — Hoc evenit Smyrnensibus; et quidem eorum opeta, qui sese Jehovah cultores dicere haud dubitarent (יהוה est proprie *populus*, a quo *Deus laudetur*, *populus Dei*: ni fallor, alludit auctor ad nomina Ιουδαῖος originem, ut Paulus Rom. II. 28, 29.), atque vitam extollerent magna cum gloriatione religionem. Hanc vocem βλασφημία item usurparunt LXX Intt. pro יהוה Ecceh. XXXV. 12. Conf. Matth. XV. 19. Eph. IV. 31. 1 Tim. VI. 4. Polybius Hist. XI. 4. πολλῆς ἀδοξίας πλήρη καὶ βλασφημίας.

καὶ οὐκ εἰσὶν κ. τ. λ. — Καὶ h. l. vim habet particulæ *tauten*, vid. vs. 2. — Hi autem calumniatores efficiebant veram συναγωγὴν τοῦ σατανᾶ, i. e. ingenio ad malevolentiam, maledicentiam et invidiam erant proni: idem fere exprimitur Joh. VIII. 44. ὑμεῖς ἐκ τοῦ πατρὸς τοῦ διαβόλου ἐστὲ, cui opprēsa sunt, vs. 47. ὁ ὢν ἐκ τοῦ θεοῦ. — Συναγωγὴ significat omnem congregationem hominum vel populi, (conf. Polybius IV. 7. 6. et Strabo II. p. 177.), sive ἀγορὰν Homeri, sive *coetum* Judaeorum animadvertamus. — Hoc loco est societas hominum, qui Satanae sequuntur partes, uti apud Diogenem II. s. 129. de congregatione philosophorum ad convivium usurpatur (1). Respicitur vero ad formulam Hebraicam, qua Israelitae Num. XXXI. 16: יהוה יהוה συναγωγή κυρίως dicuntur. Judaei autem, qui Christianos Smyrnenses persequiebantur, erant συναγωγὴ τοῦ σατανᾶ. „Ecclesia Veteris Testamenti τῆς συναγωγῆς potius, quam ἐκκλησίας nomine, tum Graecis interpretibus, tum Evangelistis et Apostolis, venire solet. — Titulum igitur Synagogae, quo superbiebant Judaei, Filius Dei convertit in probrum, quod nimirum colluvies ista regatur a Satana mendace, homicida, ut et blasphemo ab initio (2).” „Quod βλασφημίας, maledicentiae, criminationum reos arguit Judaeos Smyrnenses, facile Johanni credimus, quatenus aequalium nemo suo eum testimonio fulciat, quod in illa monumentorum ex primo saeculo penuria, mirum videri nemini potest. Nisi enim, quod parum probabile est, ingenium suum et mores adversus Christianos Smyrnenses exuerint Judaei, Apostatarum eos et Turbonum nominibus suspectos ibi Christianos fecisse, credere licet, ut alibi ab his factum esse legimus. Act. XIII. 50. (ubi de persecutione contra Paulum et Barnabam) c. XIV. 2. [contra fratres] V. 19. item, c. XVII. 5. 1 Thess. II. 14: 89q. (3).” Hujusmodi persecutionum, quas perpeti primi debuerunt Christiani, manifestum exhibet testimonium crudelissima Polycarpi mors (4).

Vs. 10. Μηδὲν φοβοῦ ἃ μέλλεις πάσχειν. Ἰδοὺ, μέλλει βαλεῖν ὁ διάβολος ἐξ ὑμῶν εἰς φυλακὴν, ἵνα πειρασθῇτε. καὶ ἔσται θλίψιν ἡμέραν διὰ τὸ γινώσκειν πῶς ἀχρεὶ θανάτου, καὶ δάσαι σὺ τὸν στέφανον τῆς ζωῆς.

Ni-

(1) Vid. Schleusner Lexic. h. v.

(2) Conf. J. C. Kuiperus, Hypomnemata, in N. T. Lips. 1780. p. 758.

(3) Vid. Eichhorn l. l. p. 86 seq.

(4) Vid. Eusebii Hist. l. l. c. 14.

*Πᾶσι μέτρε, quare passurus es: ecce! Diabolus (quoddam) vobis conjiciet in cursum, ut sententiā: et habebitis afflictionem decem dierum; esto fidelis usque ad mortem, et dabo tibi coronam vitae.*

Pro βαλεῖν nonnulli ex auctoritate Codicis Alexand. aliorumque legunt βέλλειν: Griceba-  
chius, Heinrichsius, alii in textu retinent: leve est admodum, ut etiam διάβολος εἰς ὑμῶν  
pro εἰς ὑμῶν διάβολος.

εἰς ὑμῶν. Saepius apud Graecos τις vel τινὰ subintelligi debet, quod et apud Hebraeos  
haud raro occurrit. Conf. a Reg. X. 23. הָיָה לְיָדָיו כְּיָדָיו לְכָל הָעָם וְלֹא הָיָה לְיָדָיו כְּיָדָיו לְכָל הָעָם  
discum de servis Jehovae scil. הָיָה לְיָדָיו כְּיָדָיו לְכָל הָעָם.

καὶ ἔχετε θλίψιν. De usu verbi ἔχειν cum nomine vid. vs. 3.

μηδὲν φοβοῦ κατ. λ. Animus Smyrnensibus additur ne metuerent, si mox tempestates,  
etiāsi graviore, quam huc usque tulissent, oborirentur.

Ἰδοὺ certitudinem rei indicat et excitat attentionem. Est adverbium demonstrativum ecce!  
ecce! pro quo Hebraei הִנֵּה et הִנֵּה, vide! — Ponitur maxime in initio, interdum media in  
oratione. Luc. XIII. 16. ἢν ἔδωκεν ὁ σατανᾶς ἰδοὺ δέκα καὶ ὀκτὼ ἔτη. — Exhibet rem prae-  
sentem Luc. XXII. 38. XIX. 20. — manu significat, quod in praesenti est. Matth. XII.  
47, 49. — Annunciat aliquid, quod adest, evenit, accidit, subito existit: ibid. vs. 26.  
quod admonendi vim excludit, ut nostro loco et vs. 22.

ὁ διάβολος, primus omnium flagitiorum auctor et suaser. Hoc loco notat, τὴν συνωμο-  
τὴν τοῦ σατανᾶ, supra memoratam, vel religionis Christianae inimicos, uno verbo com-  
prehensos, a quibus jam θλίψιν, καὶ πτωχείαν, καὶ βλασφημίαν perpessi fuerant, et mox  
in carcerem conficerentur. — Judaeorum opinio, quidquid malitiosi nominis vel injuria-  
rum notabatur, Διαβόλος ejusque operae tribui solebat: Johannes vero, illi in hac epis-  
tola diserte obloqui nollens, Smyrnensibus praedixit fore, ut brevi post a Satana majores,  
quam huc usque tulissent, iis infingerentur mala. — Variis nominibus Diabolus describi-  
tur apud Johannem. Dicitur v. c. VIII. 44. ἀνθρωποκτόνος, XII. 31. ὁ ἄρχων τοῦ κόσμου  
τούτου, Apoc. II. 13. ὁ θρόνος τοῦ σατανᾶ, XII. 4. ὁ δράκων. 1 Joh. II. 13. οὐκ ἔσται  
τὸν ποιητὸν. III. 8. formula occurrit ἐκ τοῦ διαβόλου ἐστίν.

μέλλει βαλεῖν. Graeci verbo μέλλειν saepe utuntur, quando significare volunt, aliquid  
quid in eo esse, at mox fiat, quo Latini saepe jam jam, vel brevi tempore habent, vs. 2.  
Dies praeterque cogitandum, jamjamque esse moriendum (1), vel,

*Memento mori, quanti montes voluntur aquarum!*

*Jam jam tacturos sidera summa putas.*

*Quasdam diducto subsidunt aequore vallis!*

*Jam jam tacturas Tartara nigra putas. (2)*

(1) Cicero Tusc. Quaes. I. c. 4.

(2) Ovidius Trist. II eleg. 2. vs. 6.

Futurum erat ut in vineula conjicerentur Smyrnenſes, quo eorum fides exploraretur, et manifestum fieret, utrum Christo adhaerent, an vero facile eum ejusque doctrinam abnegarent. Haec enim sunt opera Diaboli, qui homines ad peccandum sollicitat, et ad prava irritat, 1 Cor. VII. 5. 1 Thess. III. 5. Hoc loco itaque speciatim est accipiendum de temptatione ad defectionem a religione Christiana. Conf. Jacob. I. 2, 3.

θλίψις, qua mox universi Smyrnenſes essent premendi, eo gravior esset, quo brevior praediceretur.

ἡμερῶν δέκα. Numerus, qui hic adhibetur, paucitatem in C. S. indicat: est absolutus et perfectus, atque nostro loco breve quoddam tempus notare videtur; de quo autem vehementer nonnulli dubitant (1). Verum obstant eorum sententiae plurima S. C. loca. Conf. 1 Sam. XXV. 38. Dan. I. 12. Amos VI. 9. — Veteres ab eodem hujus verbi sensu non sunt alieni, e. g. *decem dierum vix mihi est familia*, i. e. *res familiaris* (2).

γίνου πιστός, κ. τ. λ. Admonentur, ut constantiam atque fidem servant: ἀχρὶ θανάτου notat secundum optimos interpretes non *terminum vitae*, sed potius *gradum mali*, ut sensus sit: „*esto constans, ut, si necesse sit, mortem pro religione, quam proſiteris, obire non recuses.*” Talis fuit Polycarpi fides.

καὶ δόσω σοι. — Καὶ h. l. rationem dat, quamobrem coronam sint accepturi, uti belgice dicimus: *wes getrouw en ik zal u*, pro, *dan zal ik u geven*. — Στέφανος τῆς ζωῆς est praemium felicitatis aeternae, quale Deus iis promisit, qui eum amant, Jacob. I. 12. — Imago desumpta est ab antiquorum ritu, qui victoribus in ludis gymnasticis coronam lauream, vel oliveam, et sarta, praemii loco tradere solebant. Imprimis hoc obtinuit in ludis Olympicis, ab Hercule institutis, in quibus, si quis gnaviter certasset, in quacunque palaestra, primum magna voce a praeconibus victor pronuntiari, deinde coronis honorari solebat (3). Verum non tantum Graeci Romanique, sed etiam Judaei (4) beatos in universum coronis ornant, imprimis, qui, terrestri relicta palaestra, coelites evaserint. Tanchuma fol. 39. 4. „*angelus ducit animum, antequam in embryonem ingreditur, in paradisum, et ostendit ipsi justos, sedentes in gloria et coronas in capite ipsorum.*” — Talis autem corona erit ἀφθαρτος, de qua Paulus loquitur 1 Cor. IX. 25. Christus, qui eam tamquam βραβεύτης aliquando est daturus, summam felicitatem et gloriam ea vult significare, quae saepius simpliciter ἡ ζωὴ dicitur. Matth. VII. 14. IX. 43, 45. Joh. V. 40. VI. 33.

Vs. 11.

(1) Grotius l. l. p. 361. Marckius l. l. p. 73.

(2) Terentius, Heaut. V. 1. 36. vid. Comment. ad h. l. ed. Westerhovii.

(3) Diodor. Siculus, de origine ludorum agens Hist. Lib. IV. p. 155. dicit de Hercule: *σταθὰς τε καὶ αὐτὸν (scil. ἀγῶνα) ἀντιτεκίνας, ὅτε καὶ αὐτὸς ἐδηγέται ἐν γένει τῶν ἀνθρώπων, οὐδὲν μισθὸν λαβεῖν*. Conf. Cicero, Epist. ad Famil. lib. V. epist. 12. ad Lucejum.

(4) Conf. Eusebius l. l. p. 99.

VS. 11. Ὁ ἔχων οὖς, ἀκουσάτω, τί τὸ πνεῦμα λέγει ταῖς ἐκκλησίαις\* ὁ νικῶν οὐ μὲν ἀδικηθῇ ἐκ τοῦ θανάτου τοῦ δευτέρου.

*Qui aures habet, audiat, quid Spiritus dicat Ecclesiis; qui vicerit, minime laedetur morte secunda.*

ὁ ἔχων οὖς, κ. τ. λ. De hac formula vid. vs. 7.

οὐ μὲν. Graeci saepius duo negantia usurpant, ad negationis vim augendam; interdum etiam plura.

ἀδικηθῇ. Est aorist. I. subjunctivi, qualis saepe a Graecis, praetermisso ἂν, pro futuro usurpatur, uti h. l. pro ἀδικηθήσεται. Conf. Luc. VIII. 17. ὁ οὐ γνωσθήσεται καὶ εἰς φανερόν ἔλθῃ. Matth. VI. 31. τί φάγωμεν, κ. τ. λ. Joh. VIII. 51. θάνατον οὐ μὲν θεωρήσῃ εἰς τὸν αἰῶνα. 1 Pet. II. 6. οὐ μὲν κατασχυνοῦθῇ. Classici etiam illud ἂν saepe omitunt; c. c. τί εἴη ἄξιός παθεῖν: et ὅσα βούλῃ pro ἂν βουληθείης (2).

θάνατος ὁ δεύτερος notat animi mortem, miseriam summam, ipsa morte funestio-rem, damnationem aeternam: est phrasis Apocalypsi singularis, in qua formula nemo est, qui tropum non agnoscat (1). Conf. XX. 6. 14. XXI. 8. Hi, qui virtutem non coluerint, tali morte morientur; θάνατος enim, qualis hīc innuitur, est ex usu Judaico poena, Πῶς 1 Sam. V. 12., quod supplicium morte, naturae lege omnibus hominibus imposita, luitur; post mortem vero corporis, si animum afficiat, *mors secunda* vocatur. „Vivat Ruben in „hoc seculo, neque moriatur morte secunda, qua moriuntur impii in mundo futuro.” Targum Hierosolym. in Dent. XXXIII. 6. „Quoniam videbis sapientes improbos, qui „moriuntur morte secunda, et adjudicantur Gehennae.” Targum in Ps. XLIX. 11 (2). — Jesus hanc formulam nullibi usurpasse legitur; saepius vocem γέννα Matth. V. 29, 30. X. 28. Luc. XII. 5. qui locus ex opinione Judaeorum ignibus erat plenus, et ad cruciandos sine sine malos homines et daemones destinatus, quo is non rapietur, quicun-que constanter religioni Christianae ejusque praeceptis adhaeserit.

ἀδικεῖν proprie est *leges violare*, sed h. l. metonymice accipiendum pro *nocere, laedere* (3) c. g. λέγομεν ὑμῖν τὴν γῆν τὴν πλαταῖδα μὴ ἀδικεῖν (4). — ἢν γὰρ ἐπιχειρῇ ἀδικεῖν κατ' ἀμφοτέρωτα ταῦτα (5).

§ 3-

(1) Vid. Doederlein Instit. Theolog. II. p. 111.

(2) Eichhornius L. I. p. 91.

(3) Bratschneiderus in voce.

(4) Thucydides Hist. Lib. II. c. 71.

(5) Xenophon de Re equestri, cap. VI. 2.

## EPISTOLA AD PERGAMENOS.

*Urbis ejusque Ecclesiae historia.*

*Pergamus* vel *Pergamum* Asiae minoris fuit urbs, in regione Mysia, ad flumen Caicum, quod in Aegaeum mare defluit. *Strabo* eam metropolin illius ditionis dicit *ἐπιφανήν πόλιν, καὶ πολλὴν συνευτυχήσαντων χρόνῳ τοῖς Ἀτταλικοῖς βασιλεῦσι* (1). Non longo intervallo ab ea disstat *Σmyrna*, a qua ad Boream vergit (2).

Condita ab Eumene, vel, ut alii volunt, ab Attalo, imprimis clara ac celebris fuit bibliotheca, quae Eumeni suam originem debuit, et ab Antonio sequentibus temporibus Cleopatrae dono est data. Librorum 200 millia continebat, qui conscripti erant papyro quodam, e planta hujus nominis, quae in Aegypto habebatur, unde Pergameni eam accipere solebant, confecto. Cum vero *Ptolemaeus* eodem consilio ductus, in suo regno similem Bibliothecam conderē studeret, et ob invidiam Pergamenis amplius usum papyri concedere nollet, hi aliud quoddam invenerunt, confectum ex animalium pellibus, quod multo melius iis inserviebat; quomobrem urbi datum est nomen *Pergami* (3). Tandem mortuo Attalo III. Philopatore, qui per testamentum, nullos habens liberos, Romanos bonorum suorum haeredes scripsit, urbs sub horum potestatem venit. Omnino de Pergamo legi merentur *Strabo*, qui accurate illius incrementa et prosperitatem sub Attalidis describit, et *Livius* (4) qui fusius leges refert, quibus pax est inrita, Romanos inter et Antiochum M. ab his victum.

Supra (5) jam diximus Paulum Apostolum hasce regiones Evangelii luce collustrasse: hoc tamen de Pergamo ex illius temporis monumentis non constat. Lucas enim nullam in Actis facit ejus mentionem, neque Paulus in epistolis, licet de Troade loquatur, haud longe Pergamo disjacente. Act. XVI. 12. XX. 6. et 2 Cor. II. 12. *ἔλθων δὲ εἰς τὴν Τρωάδα*. — Sed per conjecturam (6) assequi possumus, eodem tempore Pergamenos Evangelii doctrinam accepisse, cum per totam Asiam commercium haberent magnum.

Primis Christianismi temporibus sedes erat Episcopi, qui Patriarchae Constantinopolitani.

(1) Geogr. lib. XIII. pag. 428, 429.

(2) *Bachiens*, Heil. Geog. I. I. p. 737. Conf. *Hemelsveld*, Aardrykskunde des Bybels, Tom. VI. p. 198.

(3) Conf. *Bachiens* I. I. p. 739. et sectores ab eo citati.

(4) Hist. lib. XXXVIII. c. 38. (5) Vid. §. 1.

(6) Conf. omnino *Beringa* I. I. p. 87.

litano erat subditus. Splendida ejus cives pietatis dederunt documenta, quorum Eusebius (1) testis est fide dignus, dicens: „Aliorum praeterea, qui in urbe Asiae Per-  
„gamo sub idem tempus (h. e. *Mareo Aurelio* imperante) martyrium passi sunt, acta  
„etiamnum circumferuntur, *Carpi* videlicet, *Papuli* et cujusdam mulieris *Agathonicae*,  
„qui post multas atque illustres fidei confessiones, glorioso exitu consummati sunt.”

Hodie urbs a Turcis occupata et *Bergamo* est dicta; licet vero plura etiamnum adsint indicia antiquae majestatis et luxus, licetque plurimi elegantiam illam antequam, ex ruderibus perspicuam, cum admiratione contemplantur, Christianorum tamen sors est miserrima; *Turcae* enim religionem quidem iis Christianam exercendi dederunt veniam, sed eos, pro suo more, haud leniter tractant.

*Periodistarum sententia.*

Secundum hos Pergamena haec epistola notat Ecclesiam Catholicam, quae ab eo inde tempore, quo Constantinus M. Religionem Christianam ab oppressione Gentilium vindicavit, usque ad inclinatam saeculum VII. vixit. Iis Πάργαμα sunt *Alexandria*, quae originem dedit disputationibus de divinitate Jesu cum *Ario*, qua in re, ut ita explicetur hujus epistolae sensus, nihil, quod videat Cl. *Vittinga* (2) inest difficultatis. Thronus enim Satanae ibi praecipue habebatur; cives quibusvis voluptatibus erant dediti, nec minus blasphemis, ita ut vera sint, quae *Martialis* de Aegyptiis dixit:

*Nequitiis tellus scit dare nulla magis* (3).

Ex hac urbe provenerunt impurae Gnosticorum sententiae; dum contra alia etiam habebatur pars Christianorum, in quorum mores quadrabant: „*relinquisti nomen meum, nec  
„obnegasti fidem meam.*” Et ita eodem modo, altera hypotesi post alteram e vago sumta, omnem impendunt operam, ut gratum illum sensum propheticum constituent.

*Epistolae expositio.*

Vs. 12. Καὶ τῷ ἀγγέλῳ τῆς ἐν Περγᾶμῳ ἐκκλησίας γράψον· τὰδε λέγει ὁ ἔχων τὴν ῥομφαίαν τὴν διστομον, τὴν ὀξεῖαν.

Et angelo Ecclesiae, quae Pergami est, scribe: Haec dicit, qui habet Gladium illum ancipitem, acutum illum.

καὶ τῷ ἀγγέλῳ. Vid. vs. 1.

ρομφαίαν. LXX Int. illud saepissime habent pro כֶּלֶב Ps. LIX. 8. 2 Sam. III. 29. et Ezech. VI. 11. Est gladius major, oblongus (4) quali Thraces aliqui populi uti solebant.

(1) I. I. lib. IV. c. 15. in fine.

(2) Epigr. lib. IV. epig. 42.

(3) I. I. p. 97.

(4) Bretschneiderus in voce.



bant. Idem occurrit Luc. II. 35. σοῦ τὴν ψυχὴν διελεύσεται βρομφία, ubi de dolore, quem Maria mater perpressura esset, est accipiendum. Conf. Ps. XXII. 21. — Non negligenda est vis pronomini τὴν bis repetiti: respicitur enim ad illam speciem, qua Christus Johanni apparuerat. Conf. I. 16.

τὴν διστομον, τὴν δεξιάν. Ex adjunctis apparet gladium illum esse *ancipitem*, quo *ab utraque parte* vulneretur, eumque acutum. — Hac descriptione opus erat, quae epistolae praemitteretur, quia Jesus illa sistitur, non solum tamquam acer-suae ecclesiae defensor, sed etiam severus iudex eorum, qui licet nomina dederint, officia tamen nulla praestent. Insolita profecto est effigies personae, cui gladius in labiis inhaereat; verum pro orientalium hieroglyphica loquendi ratione valde rei conveniens, prouti manifestum fit ex locis adductis. Praeterea tota haec imagine alludi videtur ad locum Num. XXII. 31. ubi Bileam, cujus sectatores in hac epistola memorantur, ab Angelo fugatus legitur, gladium vagina vacuum gerenti. Sub hac autem forma halitus, ex Jesu ore ensiformis exiens, est intelligendus, quo iram et futuram vindictam exprimeret. Prouti enim jam Jesaiās de futuro Messia loquitur, ejusque verba flagella oris esse dicit Cap. XI. 4. Conf. XLIX. 2. et Apoc. XIX. 15., ita etiam scriptor epistolae ad Hebraeos IX. 12. *verbum Dei acutius* appellat *gladio ancipiti*. — Neque oratores et poetae hodierni talem imaginem repudiant; e pluribus unum habeo:

*Es hat dich der Herr zum Helden gesetzt,*

*Und ein schneidendes Schwert in deinen Mund dir gegeben!*

*Noch lobt unsor Gebirn, das dein Rede geheilt hat (1).*

Vs. 13. Οἶδα τὰ ἔργα σου, καὶ ποῦ κατοικεῖς, ὅπου δ θρόνος τοῦ σατανᾶ καὶ κρατεῖς τὸ ὄνομά μου, καὶ οὐκ ἠρνήσω τὴν πίστιν μου, καὶ ἐν ταῖς ἡμέραις, ἐν αἷς Ἀντίπας ὁ μάρτυς μου, ὁ πύσις, ὃς ἀπειράνθη παρ' ὑμῶν, ὅπου δ σατανᾶς κατοικεῖ.

*Novi tua opera, et ubi habites, ubi est thronus Satanas. Tamen retines nomen meum et non abnegasti fidem meam, et in iis diebus, in quibus Antipas, fidelis ille mei testis, (vixit) qui interfectus est apud Vos, ubi Satanas habitat.*

οἶδα τὰ ἔργα σου vid. vs. 2. τὰ ἔργα σου in nonnullis Codicibus non legitur, uti et in Vulgata.

καὶ ἐν ταῖς ἡμέραις, ἐν αἷς κ. τ. λ. Plurimi Codices probabilem h. l. omissionem habent (e. g. ἔζησεν vel ἐβίωσεν). Pro ἀντίπας nonnulli legunt ἀρτείας, ex constructione ἀντ' εἰπας.

καὶ ποῦ κατοικεῖς κ. τ. λ. Pergamenorum conditio minime erat grata: in eorum enim societate Satanas suam habebat sedem, quod minime Jesum omniscium latebat.

Per illum θρόνον nonnulli intelligunt cultum Paganum, quem *Aesculapio*, *Apollini* filio-  
Pα-

(1) Graviter ita loquitur Nicodemus, Gamalelem laudans Pauli magistrum, postquam hic in senatu apud Caesarem acriter Christi causam propugnasset; *Kleptocki* Mess. lib. IV. vs. 242.

Pergameni praestabant, in cuius honorem templum magnificum extruxerant, ad quod tota Asia confluebat; ipse vero Deus specie draconis vel serpentis, eadem, qua Satanas proponitur, colebatur. Quod patet e *Tacito* (1), qui docet: „apud Pergamum Aesculapii „compertum asyllum,” et ex *Herodiano* (2) qui de Caracalla dicit: ἡπείχθη εἰς Πέργαμον τῆς Ἀσίας χρήσασθαι βουλόμενος θεραπείας τοῦ Ἀσκληπιοῦ.

Symbolice θρόνος n. l. notat *imperium*, *cultum*, simili modo, quo apud *Virgilium* de Junonis cultu dicitur:

*Hic illius arma,*

*Hic currus fuit, hoc regnum dea gentibus esse* (3) —

καὶ κρατεῖς τὸ ὄνομα μου. h. e. *licet Satanae apud vos stabilitum sit imperium, tamen retines nomen meum, meaeque doctrinae constanter adhaeres* (4); *nullis calamitatibus vel causis externis abductus de meo cultu remisisti* (5).

καὶ οὐκ ἠρνήσω τὴν πίστιν μου, καὶ. Haec addita sunt ab auctore, ut videtur, vel explanationis gratia eorum, quae modo dixerat, καὶ ὄνομα κ. τ. λ. vel e consueta ejus scribendi genere, de quo infra pluribus docebimus, est explicandum. Ultimum vero καὶ sensum corroborat, ut sit: *ne eo quidem tempore, quo etc.* — Πίστις h. l. notat *assensum*, qui Jesu doctrinae tribuitur. Conf. Act. XIII. 8. Iique ἀρνεῖσθαι τὴν πίστιν dicuntur ii, qui fidem abnegant, ab eaque deficiunt.

Ἀντίπας. Quisnam hic fuerit ob historiae defectum non constat. Liquet vero ex hac epistola eum fuisse fidelem Christianum, piumque martyrem, qui pro Christi causa mortem obire haud dubitavit. *Grotius* putat eum interfectum esse a plebe, quam Sacerdotes Aesculapii in seditionem commoverant, in qua mortis periculo saepe Paulus versatus fuit. „In seris Graecorum monologiis dicitur hic Antipas passus sub Domitiano; fertur etiam in bovem conjectus aeneum, quale tamen supplicium ignotum erat Romanis legibus, quae „etiam Pergami valebant (6).” *Eusebius* (7) nonnullos commemorans martyres, qui Pergami religionis causa sunt necati, addit: οἱ μετὰ πλείστας καὶ διαπρεπεῖς ὁμολογίας ἐπὶ θανάτῳ τετελειωμένοι εἰσιν.

μάρτυς LXX Int. pro Hebr. מַרְתָּא, dicitur quicumque testis, qui oculis rem aliquam viderit Act. X. 41. 1 Pet. V. 1. In Apocalypsi interdum usurpatur de *divinae mentis interprete*, de ipso Jesu I. 5. III 14. — N. l. est *confessor*, *martyr fidelis*. — Forsan illa omis-

sio,

(1) *Annal.* III. 65.

(2) *C.* IV. 4. 8.

(3) *Aeneid.* I. vs. 45.

(4) Vid. de constructione verbi κρατεῖν supra §. 1. vs. 1.

(5) Conf. quae infra in Parte Post. Cap. II §. 6. dicimus de voce ὄνομα.

(6) Vid. *Rosenmüllerus*, in Scholis I. l. p. 577. — Cum vero in praemonendis monuerimus, Johannem Apocalypsin, e nostra quidem sententia, imperante Vespasiano scripsisse, minime Grotii verba calculum adjiciendum putamus.

(7) Vid. supra in loco hujus epistolae I. l. c.

sio, quam supra in hoc versu probabilem monuimus, non obtinet, si articulum *δε* e postrema syllaba praecedentis *πιστὸς* huc irrepsisse ponamus; nullo enim supplemento indiget contexta oratio, *ὁ μέγας — ἀπεκτάνθη*. — Repetitio illa *ἔπου ὁ σατανᾶς κατοικεῖ* est tautologia, quali Johannes saepe utitur.

Vs. 14. Ἄλλ' ἔχω κατὰ σοῦ ὀλίγα, ὅτι ἔχεις ἐκεῖ κρατοῦντας τὴν διδασχὴν βαλαάμ, ὃς ἐδίδασκε τῷ βαλαάκ βαλεῖν σκάνδαλον ἐνώπιον τῶν υἱῶν Ἰσραὴλ, φαρεῖν εἰδωλόθυτα καὶ περινεῦσαι.

*Sed habeo contra te pauca; quod habes illic, qui teneant doctrinam Balaam, qui docebat Balacum obicere scandalum filiis Israelis; ut ederent ea, quae idolis erant maciata, et scortarentur.*

Ἄλλ' ἔχω κατὰ σοῦ. vid. vs. 4. ὀλίγα in epistola ad Ephesinos non legitur, unde liquet inter eos idololatriam et Nicolaitarum doctrinam magis viguisse, quam apud Pergamenos.

ἐδίδασκε. Pro quo alii legunt ἐδίδαξε: pro τῷ alii τὸν, quia διδάσκειν apud Classicos semper construitur cum accusativo *cum* rei, *sum* personae: διδάσκειν τινά τι, latine, *docere aliquem aliquid*. Griesbachius vero retinuit τῷ propter vim Hebraismi *docere*, e. g. Job. XXI. 22. דָּבָר לְלֵלִית, altera autem lectio correctioni debetur, monente Bretschneidero in voce. Pro βαλεῖν Codex Alexandrinus exhibet βασιλεῖ, ut respondeat pronomini τῷ: sed si solus variat, parvi admodum, aut nullius est momenti (1).

Homines, qui hoc versu Bileamitarum nomine notantur, iidem videntur ac Nicolaïtae, *sum* nomine, *sum* re. Balaam est hebraïce בַּלְעָם, idem, quod Graecum Νικολάος, *victor populi*, compositum ex βλ et ου. Respicitur autem ad historiam, quae Num. XXII. sqq. legitur. Quum Israëlitaе, Mose duce, Aegyptum relinquentes, ad Moabitaram ditionem venissent, quae in finibus est Canaaniticae regionis, Balaacus, Moabitarum rex, veniam iis dare noluit, suum ingrediendi regnum. Sed cum minor esset viribus, nec bono cum successu Mosi sese opponere potuisset, ad Bileamum confugit, famosum augurem vel potius praestigiatorem, filium Beoris, e Mesopotamia oriundum, eum flagitans, ut Israëlitas diris devoreret, quum persuasum sibi haberet, omnia eventura fore, quaecunque iis imprecaretur Bileamus. Hic quum primum recusasset, admonitus ipsius Dei verbis, divinisque Angeli, a Deo missi, visis, tandem regi consilium dedit, ut ad ludos populares invitaret Israëlitas, qui maxima cum impudicitia et libidine in Idolorum cultu celebrari solebant, illumque admonuit, ut rem eo perducere conaretur, ut Israëlitaе a Moabitarum uxoribus et filiabus ad omnia pellicerentur nefanda. Conf. Deut. XXIII. 4. Jos. XXIV. 9.

κρατοῦντες τὴν διδασχὴν. κ. τ. λ. Sunt igitur addicti doctrinaе Bileamiticaе. *Languius* (2) vertit διδασχὴν *exemplum*, metuens, ne forte quis opinaretur, h. l. *doctrinam*, i. e. systema quoddam, esse intelligendam; mihi vero, nisi tantammodo haec vox nimis pro-

(1) Vid. *Heinrichi* ad h. l. p. 153.

(2) L. l. p. 115, 116.

prematur, plurimis probantibus interpretibus, rite verti posse videtur *doctrina*. — Nonnulli ad illud *ἐκεῖ*, quod praecedit, adjectum habent *παρά σοι*: nimirum a librario interpositum, ut *ἐκεῖ* explicaret.

*σκάνδαλον* proprie est *offendiculum*, in quod pede aliquis impingit: ita Jesus dicitur symbolice Judaeis esse *πέτρα σκάνδαλου* Rom. IX. 33. 1 Pet. II. 7. Nostro loco notat omne id, quo quis in errorem ducatur, quod animum ita turbet, ut judicando erret, vel agendo peccet. Conf. Matth. XVIII. 7. Rom. XIV. 3. Phrasis tota significat: Israëlitis occasionem pellicem praebere, qua vehementer sollicitentur, ut grave committant peccatum, nominatim vero, ut de victimis idolorum edant et scortentur.

*ἐνώπιον* (ab *ἐν* et *ὤψι* *facies*) est accusativus, qui h. l. adverbialiter usurpatur, subintellecta praepositione *κατά*, et regit genitivum. Matthaeus et Marcus non habent; Johannes passim, Euang. XX. 30. 1 Joh. III. 22. 3 Joh. vs. 6. Lucas saepies, V. 25. VII. 47. XII. 9. In Apocalypsi non raro occurrit II. 25. IV. 10. VII. 15. XIX. 9. 27. 35. Conf. Rom. XIV. 22. *ἐνώπιον τοῦ θεοῦ*, *vidente, sciente Deo: ad faciem, ante faciem, in conspectu*.

*τῶν υἱῶν Ἰσραὴλ*. υἱὸς hebr. בן, filius, a בנן *struxit, aedificavit*. In N. T. *posterī, descendentes*. Matth. I. 1. υἱοῦ Δαβὶδ, υἱοῦ Ἀβραάμ vs. 20. Ἰωσήφ υἱὸς Δαβὶδ. — Τίτλι Ἰσραὴλ sunt igitur *posterī antiquorum Israëuitarum*, hinc ipsi *Israëlitae*, Matth. XXVII. 9. *ὅν ἐτιμήσαντο ἀπὸ υἱῶν Ἰσραὴλ*. Act. VII. 23. V. 21. Hebr. VII. 5. οἱ υἱοὶ Λευὶ, *Levitae*. E graeca ratione nominari deberent *Ἰσραηλίται*, uti Rom. IX. 4. nam nepotes et caeteri posterī a Graecis non υἱοὶ sed *ἐκγονοὶ* dicuntur; verum etiam hoc in genere scriptores N. T. secuti sunt auctoritatem Hebraeorum, ut Deut. I. 3: מֹשֶׁה אֵל בְּנֵי יִשְׂרָאֵל דָּבַר, i. e. *detulit Moses ad filios Israël* (1). Eodem modo Israëlitae dicuntur *οἶκος* vel *λαός Ἰσραὴλ*. Nomen, quod gessit Jacobus Patriarcha Gen. XXXII. 29. erat quam maxime honorificum, quo non solum Israëuitarum 12 tribus Jacobi posterī appellabantur, Matth. XX. 28. Luc. XXI. 30. Marc. XII. 29. (scil. *λαός*) Act. VII. 42. Rom. IX. 27. sed etiam Judaeorum gens post exilium Matth. II. 6. 20. 21.

*εἰδωλῶδες* notat *carnem e victimis paganorum residuam*: pingues enim animalium partes in sacrificium cremabantur; verum e carnibus residuis epulum instituebatur, ad quod amicos et cognatos invitaret solebant. Hoc flagitio sese inquinaverant Israëlitae, a Balaaco decepti, deos Moabitarum colendo.

*παρνεῦσαι* LXX Intt. pro פָּנָה 1 Chron. XXV. 5. *scortari, fornicari*, quod item fecerant, a Moabitarum uxoribus seducti. Est vox haud raro in Apocalypsi obvia. Conf. vs. 20. XVII. 2. XVIII. 3. 9.

Ys. 15. *ὅσως ἔχεις καὶ σὺ κρατοῦντας τὴν διδασχὴν τῶν Νικολαϊτῶν ὁμοίως.*

*Isa.*

*Ita et tu habes, qui doctrinam tenent Nicolaitarum similiter.*

Grotius πλεονασμὸν h. l. observat in illo οὕτως et quod mox sequitur ὁμοίως: quod cum nonnullos offenderet, mutatum est in ὁ μισῶ, quod in Bengeliana recensione receptum. Verum si tale quid auctor dicere voluisset, certe ἦν μισῶ legeretur, scil. διδαχὴν, prout vs. 6. scripserat ἃ μισῶ scil. τὰ ἔργα τῶν νικολαϊτῶν. Probatur autem his verbis τὴν διδαχὴν βαλαὰμ eandem esse, quam Nicolaitae docebant. Conf. quae vs. 6 et 14. de hisce diximus.

Vs. 16. Μετανόησον οὖν, εἰ δὲ μὴ, ἔρχομαι σοι τάχῃ, καὶ πολεμήσω μετ' αὐτῶν ἐν τῇ ῥομφαίᾳ τοῦ στόματός μου.

*Resipisce igitur, sin minus, superveniam tibi cito, bellumque cum illis geram gladio oris mei.*

Memorabilis h. l. habetur conversio verborum; initio enim sermo est ad certam quamdam personam, mox vero de plurimis agitur: unde novum nobis oritur argumentum, hasce epistolas partim ad Episcopum ecclesiae, partim ad Christianos, ejus curae commissos, pertinere.

μετανόησον οὖν, κ. τ. λ. vid. vs. 5.

καὶ πολεμήσω. Nisi resipiscerent Pergameni, Jesus cito iis superventurus erat, ut vindictam sumeret et gravissime malignos puniret, quod h. l. exprimitur per πολεμεῖν, verbum conveniens imagini, sub qua h. l. Jesus describitur; ῥομφαίαν enim gerit. LXX Int. idem usurpant pro hebr. ׀׀׀׀ vel pro ׀׀׀ Esth. VIII. 13. 1 Sam. XVIII. 25. — Mirum vero mihi non accideret, si talis locutio ad ipsam Pergamenorum conditionem esset accommodata, prouti supra jam monuimus; ut ita Jesum, strenuum militem Pergameni experirentur, quorum indoles valde bellicosa erat; nam Πέργamos οὐχ ὅπλοις κλεινὴ μόνον, ἀλλὰ καὶ ἥπτοις (1). Severa autem hac specie procedere debebat Dominus, ne dicam, hoc eum decuisse; Pergameni enim detestandis sese dederant flagitiis; contra vero doctrina Euangelii ab omnibus partibus erat perfecta: nullas injurias, nulla nefanda admitterebat: erat a Patre, a Sancto Jehova accepta, qui purior est oculis, quam ut videat malum. Habac. I. 13. — Tali praeterea opus erat admonitione, iis praesertim temporibus, quibus semina virtutis, a Jesu et Apostolis sparsa, mox ubi e terra prodirent, per aliorum nefariam institutionem, tritico adulterino similem, deprimebantur. Brevi enim post conditam religionem Christianam, uti supra jam vidimus, exstiterunt homines, qui Christiana libertate insolenter abusi, libidinosam vivendi rationem licitam esse et naturae legibus praescriptam docerent, atque cupiditate explenda carnis animorum salutem minime infringi dicerent. Cujus rei testis nobis est Eusebius (2), narrans Cerinthus, ἐχθρὸν ὑπάρχοντα ταῖς γραφαῖς τοῦ θεοῦ, mille annorum spatium aliquan-

(1) Vid. Diogenes Laërtius, Arcesilio IV. 30. Conf. Rosenmullerus ad h. l.

(2) L. L. lib. III.

quando fere, docuisse, quod in nuptialibus festis transageretur, ut eo facilius homines imperitos deciperet. — Petrus de ejusmodi hominibus agit Epist. 2, c. II. 12. 14. 18. 29. tamquam de bestiis, ratione haud praeditis, pronis, ac ventri obedientibus, naturam sequentibus, et ὀφθαλμοὺς ἔχουσι μέτους μοιχαλίδος (1).

Vs. 17. Ὁ ἔχων οὖς, ἀκουσάτω, τι τὸ πνεῦμα λέγει ταῖς ἐκκλησίαις: τῷ νικῶντι δώσω αὐτῷ τοῦ μάννα τοῦ κεκρυμμένου. καὶ δώσω αὐτῷ ψῆφον λευκὴν, καὶ ἐπὶ τὴν ψῆφον ὄνομα κεινὸν γεγραμμένον, ὃ οὐδεὶς οἶδεν εἰ μὴ ὁ λαμβάνων.

*Qui aures habet, audiat, quid Spiritus dicat Ecclesiis: vincenti dabo de Manna illa occulta, et dabo ei tesseram albam, et in tessera nominis nomen inscriptum, quod nemo intelligit, nisi qui accipit.*

Ὁ ἔχων οὖς κ. τ. λ. vid. vs. 7. — Ad illa δώσω αὐτῷ nonnulli adjuncta habent φαγεῖν ἀπὸ, quae lectio licet plenior, minime tamen praeferenda, neque a Millio Proleg. § 508. Wetsteniq; Griesbachio probatur. Si enim auctor addidisset φαγεῖν, certe illud constructum legeremus cum praepositione ἐκ, prouti legitur vs. 7. ἐκ τοῦ ξύλου, quomobrem a librario perspicuitatis causa interpositum videtur. — Subintelligenda vero est particula ἐκ vel φαγεῖν τ), nisi illud τοῦ mutetur in τὸ et κεκρυμμένου in κερυμμένον. Ingrata enim est lectio διδάσκει τινι τινός: siq; vero φαγεῖν τι subintelligatur, salva est dictio: hoc enim verbum ubivis in N. T., ubi praepositio desideratur, cum accusativo est positum. Conf. Matth. VI. 25. 31. Luc. XIV. 1. 15. Marc. II. 26. 1 Cor. XI. 20. et in hac etiam epistola vs. 14. φαγεῖν εἰδωλόματα. — Praepositio ἐπὶ, quod mox sequitur, cum accusativo esse posita: sed vehementer dubito, num hoc bene sit graecum: equidem, quo sensu hic occurrit, genitivo jungerem, uti Matth. VI. 19. μὴ θησαυρίζετε — ἐπὶ τῆς γῆς. IX. 2. ἐπὶ κλίης βεβλημένον. Marc. VIII. 4. XIV. 51. Joh. XX. 7. Apoc. X. 1.: et apud Classicos ἐπὶ ξένου (2), ἐπὶ στρατιῆς (3).

τοῦ μάννα τοῦ κεκρυμμένου. Promittitur Pergamentis μάννα, quae occulta est. Quod ad rem attinet ipsam, haec promissio fere eodem redit, quo illa, quae Ephesinis est facta. Quicunque ex iis vicerint, beatitudinem aeternam nacturi, eaque fructuri dicuntur, sub imagine epuli iis proposita. Respicitur vero ad historiam hujus fructus, a Mose descriptam Exod. XVI. quo Israëlites, per 40 annos, cibi quotidiani instar fuerunt usi. Ejus praestantia describitur Ps. CV. 40. לֶחֶם שָׁמַיִם panis coelestis et Ps. LXXVIII. 24. לֶחֶם אֲבִירִים frumentum coeleste, vs. 25. לֶחֶם אֲבִירִים i. e. panis robustorum, i. e. potentiorum regum. — Quod vero hac in re paullo difficilius est, observatur in illo κεκρυμμένου. Quum, scilicet, Israëlites per 40 annos in deserto a Jehova hoc cibo condonarentur, Moses a Deo benignissimo mandatum accepit, ut urnam illo impleret, eamque ad

Ar-

(1) His comparari possunt ejusmodi homines, de quibus Sallustius in initio loquitur.

(2) Xenophon de Rep. Laced. XIV. 4.

(3) Ibid. XIII. 1. Conf. Polyb. XXI. 9. 12.

Arcam fidei in fatigato Sanctuario collocaret, ne Israelitarum plebs, cui lege interdictum erat illud intrare, eam terneret; collocando vero ibi fuit eo imprimis consilio, ut in memoriam revocaretur posteris, quantis beneficiis Deus semper se benignissimum in Israelitas praestitisset. Exod. XVI, 32—35. Haec autem arca, una cum urna, mannam continente, a Jeremia, uti fama fert, est abscondita eo tempore, quo expugnatio Nebucadnezaris urbi immineret; sed aliquando, tempore Messiae, denuo in lucem protrahenda foret, una cum *vasculo olei Sacerdotum et baculo Aarōnis*. Manna autem illa destinata forebatur paucis in seculo futuro; *nam quicumque credit, dignus est, qui illam comedit; qui vera non credit, non videbit rivulos et torrentes mellis et lactis* (1); — Ita Pergationi invitati videntur a Messia ad epulum, in coelis celebrandum, oppositum idolothutis, a quibus abstinendum erat, — Non raro hac epuli comparatione felicitas coelestis depingitur, Jes. XXV, 6. Matth. VIII, 21. Apoc. III, 20. XIX, 9. — Symbolice vero significatur ea felicitas coelestis, qua pius animi bona accepturus sit, quae nullus percepit, quaeque non nisi plis destinata sunt Christi cultoribus (2). — Alii sunt, qui nullam symbolice explicationem admittentes, ad ipsum Mannae nomen et notionem hic respici velint. Contendunt nempe, vocem *περικυρμαίνον* ideo esse additam, quod Israelitas, quum moese, tentoria relicta, fructum ubique in agris dispersum viderent, illumque, jubente Mose, corraderent, attoniti se invicem rogassent: *quid est hoc?* (hebraice [2]) et ab illo rogatum nomen huic cibo dedissent (3). Sed vereor, ne magis acumini ingenii talis sit tribuenda explicatio, quam quidem proxima veritati habenda; praeterea jam vidimus, haud raro in his 7 epistolis hoc illudve, in Israelitarum historia notissimum, breviter attingi. Conf. dicta ad vs. 7. 14.

*καὶ δόσω αὐτῷ ψῆφον λεύκην*. — *ψῆφος* est *calculus*, *lapillus* in specie; nonnulli *hēl* *zesseram* significari volunt, quali veteres in sortibus uterentur, eique nomen sortientis inscriberent (4); significat etiam *lapillum*, vel *nigrum*, vel *album*, quo in *affirmando* et *negando*, in *absolvendo* et *condemnando* antiquissimi Graeci, Imperibis Athenienses, uti sunt, tamquam *calculus*, quo *suffragium* ferretur, unde *ψηφίζεσθαι* *decernere*, e. g. *ψηφόν προσθέμενα θανάτων ὀμνύν* (5). Haud aliena videtur opinio eorum, qui statuunt h. l. animadverti morem, quo Orientales, Satrapae v. c. vel alii viri principes, novum munus aggredientes, anulum vel aliud quoddam ornamentum a regibus accipere solerent, qui

(1) *Richermus* L. I. p. 103, 104. Conf. *Cl. Klunckenberg* L. I. p. 120, 121.

(2) Hanc sententiam uberius exposuit ac defendit doctiss. *P. L. Biemannus* in disput. de *Manna recondita, ejusque ministerio* p. 12. Breae 1793.

(3) Vid. *Vener. de Haas* L. I. p. 263.

(4) *Schlesingerus* in voce.

(5) *Thucydides*, I. 42. *Idem* III. c. 82. Conf. *Xenoph. Hist. Gr.* II. l. 21. *Aelianus* V, H. II. 19. V. 14. 17. *Strabo* I.

cul inculptum, erat novum nomen, novumque munus vel dignitas (1). Cujus rei praedictum videtur in historia Josephi, Gen. XL. 43. 45, a Pharaone annulum accipientis, novumque nomen, *יוסף מלך*, eodem tempore, quo sub ejus moderamine Aegyptum administrare coepit. — Nobis vero, honorem animadvertentibus, cujus causa h. l. danda esse dicatur tessera, praefacet *ἀρετή* (2), *Grotii*, *Hammondi*, *Rosenmülleri*, *Klinkenbergii* sententia, qui putant, illos eam accepturos, qui in certamine vicerint, quales Christianorum vici in hisce epistolis proponunt. Scilicet, qui in certaminibus Graecorum Olympiis, vel privatis, virtute et in Romanorum ludis secularibus a praefone victores renunciabantur, honoris tesseram e manibus *βραβεύων* vel *ἀγωνιστῶν* vel *ἀθλοδίκων* [qui latine *magistri ludorum gymniorum* vel *magistri certamini praepositi* dicebantur (3)] accipiebant (4). Simul iis jus conferebatur, ut epulis publicis, ad perpetuam vitae sustentationem, adesse possent. — Itaque, si nostrum locum rite interpretari velimus, verborum sensus huc redire mihi videtur: *qui viceris, aliquando, coelestibus gaudiis in aeternum fruaturus es, ac coelestem nactus scdem.* — Aditum ad tale epulum ipse Christus expressit Matth. XXV. 23. *εἰσελθε εἰς τὴν χαρὰν τοῦ κυρίου σου* (5). — Altera igitur sententia ut rejiciatur necesse est, scil. illa, qua veterum usus notetur, secundum quem principes doctendo eligebantur. Nam in nostri loci verbis nihil inest, quod inde tale quid efficere studeamus, quoniam legatur: *ego illi dabo, mihi prebenda erit commissa, victorem quoniam duntaxat coronandi* (6).

*λευκὴ* dicitur *ῥάφος*, ad rite ejus candorem et praestantiam exprimentem, quasi epitheto res fere omnes divinae ornantur e. g. vestes coelicolarum candidae dicuntur. Apoc. XIX. 14. *βυσσίνων λευκὴν καθάρων*. VI. 2. *ἵματι λευκῶς*, quasi duces in proelio, vel in triumpho vehabantur (7). Matth. XVII. 2. *τὰ δὲ ἱμάτια αὐτοῦ ἔγλυστο λευκὰ ὡς τὸ φῶς*. XXVIII. 3. *λευκὴν ὡς τὸ γάλα*. Joh. XX. 12. *ἐν λευκῷ*.

(1) Vid. Vener. *vi. d. Brach* l. l. p. 181.

(2) Cujus verba refert *Vlaringa* l. l. p. 93, digna quae a nobis referantur: *τοῦτο δὲ ἐστὶν λευκὴν ῥάφος, τὴν ἀπὸ τοῦ ἐν τοῖς ἱματίοις καὶ τοῖς σταθμοῖς ἀγωνιστῶν γινώσκον ὕμνον, τοῖς ἀνὰ τὴν ἀρετὴν ἐκείνην ἐκείνην.*

(3) *Suetonius* in vit. Neronis, p. m. 336.

(4) Conf. *Lamb. Eccl. Antiq. Graec.*, p. 84. Lips. 1766.

(5) *Hesychius* in Lexic. ex edit. Joh. Alberti Lugd. Bat. 1745. vol. I. p. 457. *ἀρετὴ λευκὴ ῥάφος* περιέχει ἐπὶ τῶν οὐδαιμένων ζώντων. Conf. *Pindarus* Olymp. VII. 159. *ἐν Μεγαρίῳ δ' οὐκ ἔστιν ἄλλος ῥάφος ἔχει λόγον*. Vidd. Scholia in hanc locum, ex edit. Heynii, Vol. II. p. l. p. 345 seq. Lips. 1817.

(6) Vid. Venerand. *Wildschut*, in opere laudato p. 128.

(7) Conf. *Ovidius* de Arte Am. l. 1. 259. *Propertius* IV. 1. 32. *Pindarus* in Canth. 9. 129. et *Virgilius* ad Aeneid. III. 343.



καὶ ἐπὶ τὴν ψῆφον κ. τ. λ. De nomine, quod tesserae insculptum erit, item magnopere disputatur. Plurimi observarunt (1) accipiendum esse de nomine filii Dei, quia vera vis et potestas, quae latet in nomine illo, demum ab electis cognoscenda est post hujus vitae luctam. Sed locus, qui desumptus est e Jas. LXII. 2. LXV. 15. notat nomen eximium, titulum praeclarum, idem illud, quod in fronte piorum expressum legitur Apoc. XV. 1. τὸ ὄνομα τοῦ θεοῦ καὶ τοῦ Ἀρνίου: quale ignotum nomen imperator etiam est habiturus c. XIX. 12. Conf. 1 Joh. III. 1. Indicatur illo nomine, tesserae insculpto, victorem sanctum esse θεῷ καὶ ἀρνίῳ. — Tota promissio proponit felicitatem incognitam, et honorem a nullo perceptum, μάννα πεκρυμένον et ὄνομα κλεινόν.

## § 4.

## EPISTOLA AD THYATIRENOS.

*Urbis ejusque ecclesiae historia.*

*Thyatira* olim urbs fuerunt in extremis Mysiae finibus sita, uti auctor est *Strabo* (2) ἢν Μυσῶν ἐσχάτην τινὲς φάσι, quamvis *Ptolemaeus* et *Stephanus* eam Lydicae ditioni adjudicent. *Plinius* (3) eam Lyco flumine allui refert, distincto ab illo notissimo, qui influit in Maeandrum. Non procul distant Pergamo, monente *Smitho* (4) qui sub tempore a Turcis, ac paucis Christianis urbem inhabitatam narrat, a quibus *Ak-hisar*, i. e. *album castrum* nuncupatur, quod nomen et hodie obtinet.

Hujus urbis, quae teste *Plinio* l. 1. parum fuit celebris, pauca exstant monumenta. Lucas Apostolus ejus mentionem facit Act. XVI. 14. ubi de Lydia πορφυροπώλει, e civitate Thyatirenorum oriunda, agit. Nimirum hac in urbe, si doctorum argumentis fidem non denegemus, ars purpurae tingendae maxime viguit, qua de re plura exhibet *Wolfus* (5) et *Altmannus* (6) qui inscriptionem affert Graecam, qua suam tueri conetur sententiam. Haec vero inscriptio exstat apud *Sponium* (7) et Thyatiris reperta est, in qua οἱ βαφείς, i. e. *stinctores* seu *purpurarii* commemorantur. Addit quoque, Lydiam πορφυροπώλην non ipsam tingendae purpurae artem coluisse, sed ex ea vendenda lucrum fecisse, more mercantium, imprimis apud Judaeos recepto, varias regiones mercaturae causa obeuntem.

Ud

(1) Vidd. *Grotius*, *Coccejus* et *Pitringa*, ad h. l.

(2) Lib. XIII. p. 470.

(3) Hist. Nat. lib. V. c. 29.

(4) Not. Eccles. As. p. 16. 17.

(5) In *Curis Philolog.* Tom. III. p. 1236. 1240. ad Act. XVI. 14.

(6) *Class. V.* p. 637.

(7) In *Miscell. Erud. Antiq.* Sect. III. p. 92.

Uti ceterae ecclesiae, de quibus jam egimus, ita et Thyatirenorum a Paulo, vel a quodam suis in itineribus socio, fundata videtur. Fuerunt, qui dicerent, eo tempore quo haec scripta sunt, non affuisse hanc ecclesiam, imprimis, qui Johannis scripta, Evangelium, Apocalypsin, alia, rejecerunt; his vero *Epiphanius* (1), qui in fine saeculi II. vel ineunte III. vixit, respondet, eam omnino affuisse aetate Apostolorum, et licet post eorum mortem, i. e. ineunte saeculo II. a Cataphrygibus et Alogis secundum Jo- hannis vaticinium deleta sit, illaque conditione aliquamdiu permanserit, post 112 annos eodem loco esse restitutam et maximopere floruisse; quibus *Grotius* (2) addit eam con- stitisse non e Gentilibus sed ex Judaeis, prouti Thessalonicam ante Pauli adventum. — Nonnulli dicunt (3) hanc urbem olim *Pelopiam* et *Euhippam* fuisse appellatam; postea vero nomen *Thyatirorum* accepisse, quasi *θυγατῖρα*, a Seleuco, ob lactum filiae natae nuntium.

Quis hujus ecclesiae antistes fuerit, quo tempore haec ei data est epistola, non satis constat; alii conjiciunt Carpum, S. Irenaeum alii. — Thyatireni ipsi in epistola quam maxime laudantur ob suum amorem, cultum, fidem, patientiam, alia; verum inerant etiam coetui, qui blandis exemplis pios seducere vellent, in quibus praecipue notantur, qui Jesabelis doctrinae adhaerent. Hanc ob rem admonuit eos Jesus, caverent, ne hi majorem in eos vim. exerceant: quo factum est ut hisce virtutibus tunc temporis ac diu etiam post, inter Lydiae urbes episcopales maxime floreret; easque ita servarit, ut Chris- tianismus ad hunc usque diem ibi ἀκμήν suam retineat (4).

*Periodistarum sententia.*

Ili in hac epistola ecclesiae Christianae quartam animadvertere volunt aetatem, quae fuit ab inclinato saeculo VIII, i. e., a Caroli Magni temporibus usque ad saeculum XII, sive ad ortos Waldenses, quo tempore Anti-Christus in ruinam vergere et Christiani puriores se ab ecclesia Romana separare inceperunt (5).

*Epistolae Expositio.*

Vs. 18. Καὶ τῷ ἀγγέλῳ τῆς ἐν θυατῖροις ἐκκλησίας γράψον· τάδε λέγει ὁ υἱὸς τοῦ θεοῦ.  
Ἔχων τοὺς ὀφθαλμοὺς αὐτοῦ ὡς φλόγα πυρὸς, καὶ οἱ πόδες αὐτοῦ ὅμοιοι χαλκολιβάνῳ.

*Et angelo ecclesiae, quae est Thyatiris, scribe: haec dicit filius Dei, qui habet oculos suos, ut flammam ignis; et pedes ejus similes (sunt) chalcolibano.*

καὶ

(1) In Alog's Haeret. Lib. I.

(2) l. l. p. 953.

(3) *Marcius* l. l. p. 92. *Plinius* l. l.

(4) Vidd. Berigien van het Nederl. Zendel.-Genoots. 1816. No. 70 p. 100.

(5) Vid. *Vitringa* l. l. pag. 112. qui *Brigmanni*, *Hoffmanni* et *Cocceji*, inter se discrepantium, sententias profert.

καὶ τῷ ἀγγέλῳ κ. τ. λ. vid. vs. 1.

Variant nonnulli in verbo *θυατείροις*, *θυατείραις*, *θυατείρη*, *θυατείρης*, *θυατείρων*, quod parvi omnino est momenti.

αὐτοῦ pro relativo *δε*, uti in Evangelio XV. 5. *καὶ ἐν αὐτῷ, ὁδὸς φέρει*, et Apoc. XVII. 2. 1-Cor. VIII. 6. (1).

*καὶ λέγει ὁ υἱὸς τοῦ θεοῦ*. In singulis epistolis Jesus alia atque alia forma procedit, fere semper ad internam ecclesiarum conditionem accommodata. Hoc loco notatur tamquam *Filius Dei*, quam ob magnificentissimam notionem maxima ei esset habenda reverentia, ejusque verba singulari animi attentione sunt audienda, quum prae omnibus, qui umquam Dei filii nominati fuerint, maximopere emineat, quin et aetissima Deum inter et illam exaret relatio, quam non nisi verbis *Patris ac Filii* exprimere possumus. „*Cuiusnam enim angelorum unquam dixit (Deus) „tu meus es filius: ego tibi oro pater, tu mihi filius esto.*” Hebr. I. 5. Rom. VIII. 32., quo nomine sexcenties in N. T. appellatur Jesus; in primis ab Apostolo Johanne. Conf. Euang. I. 18. 34. 50. III. 16. 17. 18. V. 25. IX. 35. X. 36. XI. 4. 27. XVII. 1. XIX. 7. XX. 31. 1 Joh. I. 3. 7. III. 8. 23. IV. 9. 10. 14. 15. V. 5. 9. 10. 11. 12. 13. 20. 2 Joh. 3. Ejusmodi ubivis in hac epistola prodiens, Dei potestate est instructus, neque ejus omniscentia destitutus, *cum renes et corda perscrutetur*; atque aliquando eam sit daturus potentiam victori, qua ipse fruitur apud Deum (2).

*ὁ ἔχων τοὺς ὀφθαλμοὺς κ. τ. λ.* Hicce describitur Jesus ab augustissima illa forma, quae Johanni Jesus apparuerat cap. I. 14. 15. Locus e Dan. X. 6. sumtus: *עֵינָיו כְּפָנִים וְאֵינָיו כְּאֵשׁ* et oculi ejus sicut faces ignis. Notat locus noster mentis et ingenii vim: sunt enim oculi *ἀγλάσματα τῆς ψυχῆς ἀκριβῆ*. ita Christus omnia, etiam intima, pervidet. Hebr. IV. 13. *πάντα δὲ γυμνὰ καὶ τετραχλισμένα τοῖς ὀφθαλμοῖς αὐτοῦ*. — Simili modo oculi iracundiam animi produunt: *ἴσσε δὲ εἰ περὶ λαμπρόντι διατῶν* (3).

*καὶ οἱ πόδες κ. τ. λ.* Vox *χαλκολίβανος* dubiae est interpretationis: videtur esse composita e *χαλκός* et hebr. *כָּבֵד* *albus fuit*, quod in Hiphal transitive *album facio*, tropice *expurgo* et intransitive *albus sum*, *expurgatus sum* significat. Ita est *acies album*, *purgatus*, *nitens* et in hoc nexu *acies ostendens*: *χαλκολίβανον εἶδος ἡλεκτροῦ τιμιώτερον χρυσοῦ*. *Ἰστί δὲ τὸ ἡλεκτρον ἀλλότρου χρυσοῦ παρμαμένον δελφὶ καὶ λείρῃ* (4). Hoc epitheto Jesus notatur tanquam potentissimus, nullis hominibus circumscriptam habens potestatem, aeneis pedibus expressam, ut hostes conculcet. Symbolica specie praeedit tamquam iudex augustus, omniscentis, potens et severus.

Vs. 19.

(1) Vid. infra, Part. II. Cap. II. § 6.

(2) Vid. omnia Vener. de Haas l. l. p. 277, ubi in nota uberius haec res exponit.

(3) Homer. Illad. I. vs. 104.

(4) Suidas. Conf. Bretschneider in voce *σ. Wesenheit* l. l. p. 752. ad cap. I. 18.

Vs. 19. Οὐδὲ σου τὰ ἔργα, καὶ τὴν ἀγάπην, καὶ τὴν πίστιν, καὶ τὴν διακονίαν, καὶ τὴν ὑπομονὴν σου, καὶ τὰ ἔργα σου, τὰ ἔσχατα πλείονα τῶν πρώτων.

*Novi tua opera, et amorem, et fidem, et ministerium, et patientiam tuam, et opera tua, postrema primum meliora.*

οἶδα σου τὰ ἔργα, καὶ τὴν ἀγάπην vidi 2. 4. — ἀγάπη non est *charitas*, sed ἀγάπη Χριστοῦ. Πίστις est *fides* illa sincera, in Deo et Jesu reposita: διακονία est *ministerium*, vel *cura beneficiorum* erga pauperes, hospites, aegrotos, omnesque miseros, inter quos *λεημοσύνη* dona distribuuntur a Cor. VIII. 4. IX. 1. 12. 13, quae distributionis cura primis temporibus coetuum ἀντιετίθις erat demandata, vidd. dicta ad vs. 1. — Ὑπομονὴ est *patientia, constantia*, in qua, licet ad deficiendum tentarentur, in calamitatibus adeo magnis perferendis, permanserant Thyatizeni.

καὶ τὰ ἔργα σου, est repetitio, epistolarum auctori haud inaeolita, nec non aliquam vim habens.

τὰ ἔσχατα κ. τ. λ. Hoc notat, Thyatizenos pios in dies proficisse in melius: Ephesini contra a primo amore defecerant. — Τὰ ἔσχατα h. l. substantive sumitur, et significat recentiore[m] moralem conditionem. Matt. XII. 45. Luc. XI. 26. — Πλείον est *melior, praesentior*, quo sensu saepius occurrit Matt. VI. 25. XII. 41. πλείον Ἰουᾶ ὄδε. 42. Luc. XI. 31. 32: oppositum huic verbo est *χείρον* Matt. XII. 45. — Nonnulli variant in huius commatis lectione alii legunt καὶ τὴν διακονίαν, καὶ τὴν πίστιν: alii addunt ad illud τὰ ἔσχατα particulam καὶ, quam Griesbachius merito aufert; cum rite oppositio haberi possit eorum, quae praecedunt τὰ ἔργα σου.

Vs. 20. Ἀλλ' ἔχω κατὰ σοῦ, ὅτι ἀφίς τὴν γυναῖκα σου Ἰζάβελ, ἡ λέγουσα ἑαυτὴν προφῆτιν, καὶ διδάσκει καὶ πλανᾷ τοὺς ἐμὸς δούλους περιεῦσαι καὶ φαγεῖν εἰδωλόθυτα.

*Sed habeo adversus te, quod sinas uxorem illam tuam Jesabel, quae dicit se ipsam Prophetissam, et docet et seducit meos servos, ut seortentur et edant idolothyta.*

Vocabulum δὲ ἄλλα nonnullis additur post κατὰ σοῦ, sed in optimis hisque plurimis Codicibus non legitur; eorundem auctoritate legimus ἀφίς pro ἔξ. Multi quoque pronomen σοῦ post γυναῖκα possunt, probantibus Grotio, Griesbachio, aliis. Inter quos etiam Venerand. Wildschuttius (1) qui, secundum optimorum interpretum sententias hanc lectionem probabilem dicens, addit, Johannem, nisi vera esset lectio, profecto scripturum fuisse: „haec habeo adversus te, nonnullos in coetu haberi, qui Jesabelis doctrinam tenent.“ prouti dixerat de Bileamo vs. 14. Quod si sumamus, non video, quidni illam foeminam ipsius antistitis uxorem diceremus; et epistolam partim acciperemus ad antistitem, partim ad ceteros pertinentem Thyatirenos; praeterea cum oratio vs. 24. ad plures, eosque prorsus alios convertatur, ὅμην δὲ λέγω τοῖς λοιποῖς κ. τ. λ. (2).

Legitur ἱεζάβελ et ἱεζαβήλ, quod levius est: Alexandrina lectio ἡ λέγουσα pro τὴν λέ-

(1) l. l. p. 155.

(2) Conf. Heinrichs l. l. p. 158.

γούσαν praeferenda videtur: *et*, quia nova veluti periodo de Jesabele loqui videtur auctor ac majorem vim habet, *et*, quia haud aliena est a Johannis scribendi genere, in hiece epistolis obvio (1).

ἀλλ' ἔχω κατὰ σοῦ. vid. vs. 4. Prouti in Ephesinis, ita etiam in Thyatirensis, grave quoddam erat vitium, quod in ecclesiam irrepserat.

ἀφιείς pro ἀφής varias habet significationes: *sinas*, *permittas*, *patiaris*, uti Matt. XIII. 30. ἀφετε συναυξάνεσθαι ἀμφοτέρα (scil. ζιζάνια et καλὸν σπέρμα) et Joh. XI. 48. ἀν ἀφῆ-μεν αὐτὸν οὕτω, πάντες πιστεύουσιν εἰς αὐτόν. Respondet Hebraeorum פָּתַח וְאָמַר 2 Sam. XVI. 11. item Exod. XXXII. 10. ubi LXX Interpr. habent ἔδωκεν με.

ἡ λέγουσα ἑαυτὴν est casus rectus pro obliquo, Johanni perquam familiaris. Conf. vs. 2. 9. et alibi. Πρόφητις notat mulierem, quae divino numine afflata, futura praedicat. Sic in versione Alexandrina legitur pro פְּתִיחָה 2 Reg. XXII. 14. de prophetissa Huldā. Conf. 2 Chron. XXXIV. 22. Jes. VIII. 3.

πλανῶ h. l. metaphorice notat: a *veritate seduco*, in *errorem induco*, *fallo*. Joh. VII. 12. ἀλλὰ πλανῶ τὸν ὄχλον. ibid. vs. 47. 1 Joh. I. 8. ἑαυτοὺς πλανῶμεν. II. 26. περὶ τῶν πλανῶντων ὑμᾶς. ibid. III. 7. Apoc. XIII. 14. XVIII. 23. XX. 20. *Mosehus* (2). πῆν ποτ' ἴδης κλαίοντα, Φωλάσσεο μὴ σε πλανήσῃ. *Arrianus* (3) δπου παντες ἄνθρωποι πλανῶμεθα.

τοὺς ἐμοὺς δούλους. Sunt ii, quos Christus Evangelii doctores et Ecclesiae rectores constituerat, uti Col. IV. 12. 2 Tim. II. 24. Apoc. I. 1. Hoc nomine gaudebant Apostoli, quod ut gererent, omnia illo minora habuerunt. Itā in nonnullis epistolis Paulinis legimus, Apostolum salutem dare ecclesiis, tamquam δούλον τοῦ χριστοῦ. Philip. I. 1. Rom. I. 1. Tit. I. 1. conf. Jacob. I. 1.; ita etiam Prophetæ, Apoc. X. 7. XI. 18. XV. 3. δούλοι θεοῦ, ministri dei, i. e. *divinae voluntatis* nuncupantur. Eodem sensu in V. T. formula פְּתִיחָה נָבִיא haud raro usurpatur de Mose Exod. XIV. 31. Num. XII. 7. Jos. I. 1. de Josua. Judd. II. 8. (4).

Imago, quae hac sectione exponitur, desumpta videtur ex historia Jesabelis, libidinosae filiae Ethbaälis, regis Sidoniae, quam Ahab, crudelis Israëlitarum rex, uxorem duxerat. 1 Reg. XVI. 31. Haec libidinis moribus imbuta, detestando ducebatur animi impetu, veram Jehovae religionem evertendi et idololatriam promovendi. Quod ut consequeretur, omnibus operam dedit artificiis: sed imprimis saevit in prophetas, quos necari jussit 1 Reg. XVIII. 13. Ita rem eo perduxit, ut Israëlitæ diu haesitarent, utrum Jehova, an vero Baäl, quam Jesabel profitebatur, verus esset Deus. Vid. XVIII. 21. Eam ipsam fuisse prophetissam, vel saltem mulierem, quae nefandis artibus, v. c. machi-

(1) Vid. infra Part. II. Cap. II. § 6.

(2) Idyll. L. 25.

(3) Dissert. Epict. II. cap. 7.

(4) Conf. *Friemont* Annot. ad dicta classica V. T. Tom. I. p. 99. Tom. II. p. 165.

chmationibus, deprecationibus studeret, liquet e 2 Reg. IX. 22. — Symbolice itaque haec historia, quam breviter exposuimus, nostro loco est accipienda, simili modo, quo vs. 6 et 14.

Primis Christianismi temporibus non solum viri munera in ecclesiis gerebant, sed et mulieres docebant, saltem docuisse videntur. Act. XXI. 8, 9. Insequenti tempore, post Apostolorum obitum, mulieres publicis muneribus fungebantur et nominatim *Diaconissae* dicebantur. Nostro quidem loco de tali Diaconissa nihil legitur, sed ex eo tamen efficere possumus, mulierem quandam (vid. supra) eamque libidinosam, ac ob morum indolisque pravitatem, cum antiqua illa Jesabele comparandam, Thyatiris fuisse, quae diceret, i. e. *dolose simularet* (1), se esse prophetissam, ut eo melius consilia sua maligna persequi posset. Scilicet volebat idololatriae restitutionem; ad quod propositum perficiendum pessum dari debebat religio Christiana: imbuta Gnosticismo, in ejusque placitis erudita, omnibus voluptatibus lubenter habenas esse immittendas docebat, idque callide! quo nimirum corporis viribus imminuendis, animus eo majores acquirere posset. Nimirum omnes Thyatirenos Christianos seducere conata est, sed inprimis dolosa sua tetendit retia in Euangelii doctores, ut, si hosce cepisset, eo facilius omnia sua consilia obtineret (2). — Quod autem hanc mulierem ferrent, permetterentque Thyatireni, ut talia edoceret, aegre tulit Ecclesiae Dominus, qui, omnia providens, magna imminere videbat Ecclesiae pericula, quam ob piam ac fidelem indolem tantopere amabat. Admonebantur igitur a Christo, ut huic doctrinae sese opponerent, ipsamque Jesabelem istam e coetu ejicerent.

Vs. 21. *Καὶ ἔδωκε αὐτῇ χρόνον, ἵνα μετανοήσῃ, καὶ οὐ θέλει μετανοῆσαι ἐκ τῆς πορνείας αὐτῆς.*

*Et dedi illi tempus, ut resipisceret; et non vult (noluit) resipiscere a scortatione sua.*

*χρόνον δόναι* est *spatium* et *moram concedere* (3). *καὶ* h. l. vim habet *τοῦ tamen*, pro quo saepe occurrit, more Hebraeorum יתכן Jer. XVI. 4. Hos. II. 14. (4). — Auctoritate plurimorum et optimorum Codicum post *ἵνα μεταν.* legendum est *καὶ οὐ θέλει κ. τ. λ.* quamvis *Visringa* aliam lectionem praeferre videatur, nihil vero de ea prodens. Nonnulli legunt pro *θέλει*, *ἠθέλησεν*. Sed in Apocalypsi praesens frequenter pro perfecto adhibetur.

*μετανοεῖν* est *sententiam, mentem mutare*, v. c. *ἐκ τούτου δὲ ἀναγκαζόμεθα μετανοεῖν* (5). *μετανοήσεν ὁ δῆμος* (6). In N. T. adhibetur de iis, qui ab idololatria ad Christi religionem, et a vitiositate ad virtutem redeunt. Matt. II. 2. *μετανοεῖτε, ἡγγικε γὰρ ἡ βασιλεία τῶν οὐρανῶν.* ibid. IV. 17. Marc. I. 15. *μετανοεῖτε, καὶ πιστεύετε ἐν τῷ εὐαγγελίῳ.*

Luc.

(1) Vid. *de Haas* l. l. p. 284.

(2) Vid. *de Haas* l. l. v. d. *Brock*, p. 154. *Wildschus* ad h. l.

(3) *Wolfius* l. l. p. 467.

(4) *Glassius*, Phil. S. p. 528.

(5) *Xenophon* Cyrop. I. 1. 3.

(6) *Diodor. Sic.* XV. 47.

Luc. X. 13. XI. 31. Act. II. 38. VIII. 22. Nostro loco significat, *resipiscendo idololatriam relinquere, et ad Christianam religionem virtutemque redire*. Conf. 2 Cor. XII. 21. Act. XVII. 30. XXVI. 20. Construitur cum praepositione ἐκ, alibi cum ἀπὸ, Act. VIII. 22. ἀπὸ τῆς κακίας.

Hac in re Christi lenitas omnino est animadvertenda: non solum mortem pro impiis subiit; sed etiam cum, tanta edocti, nondum obediant, admonentur, et occasionem nasciscuntur, ad mellora redeundi. Tam verum est, quod Paulus ait Rom. II. 4. τὸ χρηστὸν τοῦ θεοῦ εἰς μετανοίαν σὲ ἄγει: sed persistunt maligni in scortatione, nec resipiscere cupiunt: admonentem, dulce ac juste admonentem Jesu vocem non audiunt, et τοῦ πλουτοῦ τῆς χρηστότητος αὐτοῦ, καὶ τῆς ἀνοχῆς, καὶ τῆς μακροθυμίας καταφρονοῦσιν. ibid.

Vs. 22. Ἴδοὺ, βάλλω αὐτὴν εἰς κλῖνην, καὶ τοὺς μοιχεύοντας μετ' αὐτῆς εἰς θλίψιν μεγάλην, ἔαν μὴ μετανοήσωσιν ἐκ τῶν ἔργων αὐτῆς.

*Ecce, conjicio eam in lectum, et illos, qui cum ea moechantur, in afflictionem magnam, nisi resipiscant ab operibus ejus.*

βάλλω vim habet futuri βαλῶ, quod saepius, etiam apud Classicos, ob rei certitudinem praesens pro futuro ponitur; notat h. l. *pro mea potestate divina, magna mea vi eam conjiciam in lectum*. — Pro κλῖνην unus Codex habet φυλακὴν, quod per errorem, ut putat Grotius, ex vs. 10. in hunc locum irrepsit (1). Est Latinis *lectus*; nostro loco ejusmodi intelligitur lectus, quo aegroti decumbunt, ita, ut metonymice significet haec phrasis: *illam in morbum conjiciam*, pro quo Hebraei מַשְׁכַּב מְשַׁכְּב 2 Sam. XIII. 5. (2), vel *malis afflictam*, uti Occumenius et Arethas volunt (3).

Pro μετ' αὐτῆς, quod Vaticanus alique codices habent optimi, nonnulli legunt μετ' αὐτῶν, quod Millius (4) et Griesbachius rejiciunt. Grotius vertit *cum ea* scil. *ab adulteris desistant*, prouti etiam Vener. de Haas; verum μοιχεύοντες ii sunt, qui, a muliere decepti, ejus exemplum sequebantur; forsitan lenones, vel alii, qui reliquos seducebant, et Jesabell opem ferebant in propagandis ejus placitis. — Praeclare ita pergit auctor in inchoato emblemate: *Thalamum moechantium in lectum aegrotantium convertam* (5).

Vs. 23. Καὶ τὰ τέκνα αὐτῆς ἀποκτενῶ ἐν θανάτῳ καὶ γνώσονται πᾶσαι καὶ ἐκκλησίαι, ὅτι εἰμι ὁ ἔρουνων νεφροῦς καὶ καρδίας: καὶ δώσω ὑμῖν ἑκάστῳ κατὰ τὰ ἔργα ὑμῶν.

*Et ejus liberos occidam morte, et agnoscent omnes ecclesiae, me esse illum, qui scrutatur renes ac corda: et dabo unicuique vestrum secundum opera vestra.*

Hoc commate conversio temporum observatur; supra enim legimus βάλλω, hic vero ἀποκτενῶ: vide quae ad praecedens illud diximus.

τὰ τέκνα αὐτῆς. Ratione habita supra de hac muliere dictorum, hic intelligimus, ejus

(1) l. l. p. 363.

(2) Eichhornius l. l. p. 116.

(3) Oper. in Apoc. Tom. II. p. 673.

(4) Proleg. § 116.

(5) Eichhornius l. l. p. 4.

quus liberos e flagitioso coitu procreatos (1). Ita etiam idem auctor, ad piam illam foeminam epistolam mittens, dicit: ἐχαρην λαλῶν, ὅτι εὐρημα ἐκ τῶν τέκνων σου περιπατοῦντας ἐν διαφύλαξ a Joh. vs. 4. — Alii, in quibus *Vieringa*, de *sectatoribus* accipiunt, secundum historiam *Jesabelis* a Reg. X. 11. et IX. 33. ubi *Prophetarum discipuli* (*Jesabel erat uxor*) eorum filii dicuntur, simili modo, quo Paulus *Timotheum* suum filium appellat, a Tim. I. 2. atque ipse *Jesus* loquitur Matt. XI. 19. de τέκνοις τῆς σοφίας, a quibus ἐδιδασκύντο (ἢ σοφία).

ἀποκτενῶ ἐν θανάτῳ pro δια θανάτου: est pleonasmus more Hebraeorum, qui tali loquendi ratione gaudent. וְיָמָּוּ מָוֹת Exod. XXXI. 14. Quod si minus placeat, θάνατος h. l. tanquam *pestis* erit accipiendus, prouti Ezech. XXXIII. 27. יָקִיחַ בְּרִיחַ pro quo LXX Intt. θανατῷ ἀποκτενῶ. Apud *Homerum* similis sexcenties occurrit pleonasmus: ὡς θάνατον θανατῷ οὐκίσσας (2) *Xenophon* βιάσας θανάτῳ ἀποθνήσκουσιν (3).

πᾶσαι ἐκκλησίαι. Non solum *Thyatirena*, sed omnes etiam caeterae, et quae illi adjaciebant, et quae aliquando existiturae essent, intelligendae sunt ecclesiae. — Γινώσκουσιν non tantum cognoscere significat, verum etiam agnoscere, profiteri. Conf. Joh. VIII. 55. καὶ οὐκ ἐγνώκατε αὐτόν. — Ἐρευνᾶν Graecis dicitur de *venatoribus vestigia ferarum investigantibus*, de *metallorum fossariis*, qui *profundiores terrae cavernas explorant*, ut *auri venas tandem inveniunt*; unde multi interpretes, *Chrysostomum* secuti, verbum dixerunt emphaticum, indicans *studiosam*, et *laboriosam pervestigationem*; hanc vero *emphasin frustra quae-rit*, et Ἐρευνᾶν de qualicunque *investigatione*, etiam *facili ac parata* adhiberi docuerunt, adductis locis *Philonis* et *Josephi Loescherus* et *Krebsius*. Conf. *Ernesti* Instit. Interp. N. T. P. I. Sect. II. c. 5. § 7. et P. II. c. 5. § 23. Quod quidem augendae significationis studium magis etiam ineptum est habendum, propterea, quod *Christus* lingua locutus est *Hebraea*, vel huic vicina (4). Hebraeo autem verbo si fuerit usus, con-jicere licet eum adhibuisse verbum שְׁחַד, quod Graeci Interpretes reddere solent per ἐρευνᾶν et ἀερευνᾶν (5). — In genere autem ab *Euangelistis* et *Apostolis* de eo adhibetur, qui rem aliquam occultam, neque omnibus cognoscendam indagare conatur perscrutando. v. c. 1 Pet. I. 10. de prophetis, Joh. V. 39. ἐρευνᾶτε τὰς γραφὰς. 1 Cor. II. 10. de Spiritu S. qui ἐρευνᾷ τὰ

(1) Quamvis in singulis cum *Vener. de Haas* non faciamus, rite tamen hoc admonere videtur p. 290. Men moet van den eigenlijken zin der woorden niet afgaan, indien niet eenige gegronde redenen daar voor zijn.

(2) *Odyss.* XI. 411. (3) in *Hierone* p. 712.

(4) *Johannem* eadem lingua, vel certe alia quadam huic vicina, omnia accepisse, verisimile est, et ubertus ostenditur infra Part. II. Cap. II. § 7.

(5) Ita fatetur *Cl. Heringa* in *Compendio Theologiae dogmaticae*, quod commilitonibus in scholis tradere solet. In annot. ad Proleg. Cap. III. Sect. II. § 4. ad Joh. V. 39.



τὰ βάθη τοῦ θεοῦ. Rom. VIII. 27. de Deo ipso, ὁ ἐρευνῶν τὰς καρδίας. Conf. 1 Reg. XX. 6. Prov. XX. 27. כְּפֶתַח לֵב וְכִלְיֹת דָּם ἐρευνᾷ ταμιεῖα κοιλίας.

νεφροὺς καὶ καρδίας. νεφρός est *ren*, vel *intestinum illud nigrum genuinum*, quod *lumbis ad summas copas adhaeret* (1), Hebraice כִּלְיֹת Exod. XXIX. 13. 22. *Renes* autem habebantur ab antiquis tanquam *sedes* cupiditatum et desiderii, uti *καρδία* iis sedes erat cogitationum. Metaphorice idcirco notantur *cupiditates* et *cogitationes*, quas qui cognovit, dicitur *καρδιογνώστης*; qualis v. c. Jesus, Act. I. 24. dicitur, ubi Apostoli propterea e Barsaba et Matthia alterutrum ab Ipso sorte eligi cupiunt. Dictio, nostro loco obvia, ἐρευνῶν νεφρ. κ. καρδ. occurrit Ps. VII. 10. de Deo adhibita כְּפֶתַח לֵב וְכִלְיֹת דָּם. Ita disertissime sibi Jesus vindicat illam proprietatem divinam, qua omnia, etiam abditissima hominum consilia cognoscit.

καὶ δώσω ὑμῖν ἐκάστη κ. τ. λ. Propter frequentiam τοῦ ὑμῶν scriptum esse videtur ὑμῖν, licet ad sensum nihil mutet, neque ad puritatem linguae graecae quid faciat. Ex hoc versu, quem *Grotius*, alique interpretes ad impios Thyatirenos referunt, constare puto, alios in iis fuisse, qui omnia, alios, qui pauciora, alios, qui nulla perpetrassent crimina nefanda. — Hanc autem admonitionem non frustra a Domino factam esse, nos docent cum sequentia hujus ecclesiae fata, tum litterae eorum, qui hasce Asiae regiones ante paucos hos annos visitarunt (2), quibus docemur tria millia Christianorum ibi reperiri, eorumque episcopo quatuor N. T. exemplaria fuisse data.

Vs. 24. Ὅτιν δὲ λέγω, τοῖς λοιποῖς τοῖς ἐν θυατείροις, ὅσοι οὐκ ἔχουσι τὴν διδασχὴν τὴν ταύτην, οἵτινες οὐκ ἐγνώσαν τὰ βάθη τοῦ σατανᾶ (ὡς λέγουσιν)· οὐ βαλὼν ἐφ' ὑμᾶς ἄλλο βάρος. *Vobis autem dico, ceteris, qui sunt Thyatirits, quotquot non habent hanc doctrinam, qui non cognoscunt profunda Satanae (ut ajunt); non aliud imponam vobis onus.*

Pro τοῖς λοιποῖς nonnulli legunt καὶ λοιποῖς, quod in optimis tamen Codicibus non legitur, et a *Grotio* ac *Millio* (3) rejicitur: neque sensum afficit.

οἱ λοιποὶ ἐν θυατείροις. Sunt reliqui, qui Jesabelem repudiabant ejusque alumnos odio habebant, ipsius urbis incolae; non vero peregrini vel mercatores, aliunde advenae, qui aliquod tantummodo tempus ibi degere consueverant, quod Vener. *de Haas* opinatur (4). Idem vocabulum οἱ λοιποὶ habetur Luc. XVIII. 9. καὶ ἐξευθυνοῦντας τοὺς λοιπούς. Act. V. 13. Rom. XI. 7. Scribere potuisset Johannes, ob vim antecedentium, ὅσοι οὐκ ἔχετε ἐπ' ὑμῖν οὐκ ἐγνώσατε· sed ejusmodi verborum enallage et Sacris Scriptoribus et profanis est familiaris; forsitan vero illud ἔχουσι referendum ad λοιποῖς, non ad ὑμῖν. — Variat, uti jam saepe vidimus, auctor in dictionibus: comm. 14 dixerat κρατεῖν τὴν διδασχὴν, hic loci ἔχειν, licet eodem redeat.

οἵτινες οὐκ κ. τ. λ. pro βάθη alii exhibent βαθῶ. — Iidem, qui modo dicti erant ὅσοι οὐκ

(1) *Bretschneiderus* in voce.

(2) Vid. supra.

(3) *Prolegom.* § 1100.

(4) l. l. p. 294.

ὅτι ἔχουσιν κ. τ. λ. h. l. aliis his verbis describuntur. *Babla* sunt proprie *profunditates*, imprimis aquarum: inde *res occultae*, quas mens humana perspicere nequit (1); prouti etiam de Spiritu S. dicitur: *ὅς ἐρευνᾷ τὰ βαθὴ τοῦ θεοῦ* 1 Cor. II. 10. — Jesabelis doctrina vocatur τὰ βαθὴ τοῦ σατανᾶ, quo ipso opponitur Gnosticorum dictis, qui eandem licet profitentium doctrinam, quam Jesabel docebat, illam tamen jactabant tamquam τὰ βαθὴ τοῦ θεοῦ (2). Id quod indicare mihi videntur verba ἐν παρενθέσει posita, ὡς λέγουσιν. Gloriantur enim Gnostici magno hiatu, se res maxime intricatas posse perspicere, quas alii non intelligerent: v. c. quomodo hominibus, voluptatibus indulgere, scortari ac idolothya edere esset licitum; quae mentis deliria insigni illo nomine vocare solebant τῶν μυστηρίων vel βαθῶν τοῦ θεοῦ: cum contra profecto essent τὰ βαθὴ τοῦ σατανᾶ vel μεθοδεῖαι τοῦ διαβόλου Eph. VI. 11.

οὐκ ἔγνωσαν est h. l. *non approbabant*: quod de doctrina, doctore, amico, quem nostrum profitemur, usurpatur. Rom. VII. 15. ὁ γὰρ καταργάζομαι, οὐ γινώσκω: malum quod facio, non approbo (3).

ὁ βαλῶ ἐφ' ὑμᾶς ἄλλο βᾶρος. βαλῶ h. l. est *imponam*, eadem notione gaudens, qua ἐπιτίθεναι v. c. apud *Herodotum* (4) ἄποινα οἱ τὰδε ἐθέλω ἐπιθεῖναι. — βᾶρος significat *pondus*, oppositum τῷ ἐλάφρον. Hinc dicuntur leges et praecepta, quorum observatio molesta est, βάρη. Conf. Matt. XX. 12. τοῖς βαστάσασιν τὸ βᾶρος τῆς ἡμέρας καὶ τὸν καύσωνα. Gal. VI. 2. ἀλλήλων τὰ βάρη βαστάζετε. Dionys. Halic. Ant. IV. 10. βᾶρος τῶν κινδύνων καὶ τῶν ἀναλωμάτων. Dicitur eodem sensu, quo ἐντολαὶ καὶ νόμοι grave officium exigunt. Conf. Matt. V. 19. ὅς ἐάν οὖν λύσῃ τῶν ἐντολῶν τούτων XV. 6. ubi ἡ ἐντολὴ τοῦ θεοῦ opponitur τῇ παραδόσει τῶν ἀνθρώπων. — Hebraice לִיב Jerem. V. 5. pro quo LXX Intt. habent ζύγον. — Respicit autem haec dictio Gnosticos, qui Christi praecepta jugum dicere haud dubitarent, libertati adversum, 2 Pet. II. 19.

Vs. 25. Πλὴν ὃ ἔχετε, κρατήσατε, ἕως οὗ ἐν ἤξει.

*Solummodo, quod habetis, retinete, usque dum venero.*

πλὴν plures habet significationes: h. l. *tantum modo* uti Act. XX. 23. πλὴν ὅτι τὸ πνεῦμα — διαμαρτύρεται μοι. Conf. Phil. III. 16. alias notat *interim* Luc. XIII. 33. πλὴν δεῖ με σήμερον. alias *igitur* Matt. XI. 22. πλὴν λέγω ὑμῖν.

Admonentur paucis his verbis Thyatireni, ut eadem pergerent via, qua institerant; ut constanter praecepta atque doctrinam Jesu servarent, ad illud usque tempus, quo ipse Dominus aliquando venturus esset ad judicandum. Conf. vs. 5. 16.

Vs.

(1) Huc pertinet, ni fallor, Hesychii glossa: τὰ βάτη, τὰ ἀχώρητα, τὰ ἀκατάληπτα. Conf. *Falesius* ad Polybium, edit. Gronov. p. 396.

(2) Vid. *Irenaeus* adv. Haeres. lib. II. 38. 39.

(3) Conf. *Gatackerus* de Stilo N. T. c. IV. p. 33.

(4) Lib. IX. cap. 126. reg. 11.

Vs. 26. Καὶ ὁ νικῶν, καὶ ὁ τηρῶν ἄχρι τέλους τὰ ἔργα μου, δώσω αὐτῷ ἐξουσίαν καὶ οὐκ ἐθνῶν.

*Quicumque vicerit, et mea opera ad finem usque servaverit, dabo illi imperium in gentes.*

καὶ in nonnullis Codicibus redundat: sed retinendum videtur secundum optimorum Codicum lectionem: sequens vero καὶ exegetice est sumendum, adeo, ut distinctius exponere voluisse videatur auctor, quisnam ille νικῶν esset, nempe ὁ τηρῶν κ. τ. ε. μ. quo saepe saepius in N. T. occurrit. 2 Cor. I. 3. ἐὼς ἡμέρας ὁ θεὸς καὶ πατὴρ. Idem 1 Pet. I. 3. Eph. I. 3. V. 20. Jac. I. 27.

νικῶν — τηρῶν. Utrumque verbum est nominativus absolutus, quo Hebraei, et ad eorum exemplum Johannes, plerumque utuntur, cum ornatu causa, tum ut major vis sermoni addatur, qualis occurrit Genes. XXII. 24. Conf. Act. VII. 40. ὁ γὰρ Μωϋσῆς οὗτος — αὐκ οἶδαμεν, τί γέγονεν αὐτῷ. X. 36. Admodum frequens in Apoc. III. 12. VI. 8. VII. 2. IX. 12. XX. 9. Apud LXX Intt. Ps. XI. 4. LVII. 5. CXIII. 15. (1). Scriptum igitur est pro τῷ νικῶντι — δώσω. — Caeterum Scriptores N. T. verba τηρεῖν νόμον vel τὰς ἐντολάς expresserunt e verbis Hebraeis תָּרַץ et תָּשָׁר, hisque notionem observandi et faciendi praecepta dederunt. Conf. Act. XVI. 4. Joh. VIII. 51. 1 Joh. III. 24. Nam Scriptores classici verbis φυλάσσειν et τηρεῖν, ubi leges vel instituta adjecta erant, pro tueri, curare ut fiat, observare, usi sunt (2). Animadvertendum praeterea, verbum τηρεῖν imprimis Apostolo Johanni esse familiare: non solum in Evangelio VIII. 51. 52. XV. 15. 21. 23. XVII. 6. et alibi, sed etiam in Epistolis et Apocalypsi 1 Joh. II. 3. 4. 5. III. 22. 24. V. 23. Apoc. III. 3. XII. 17. etc.

ἄχρι τέλους est ἄχρι θανάτου, vel ἄχρι οὗ ὃν ἤζω vid. vs. 25. ad finem usque vitae. — Τὰ ἔργα intellige opera, praecepta, opposita operibus Jesabebis; ahi dicuntur ἐντολαί XII. 17. XIV. 12. λόγος III. 8. 10. λόγοι. XXII. 7. 9.

δώσω αὐτῷ κ. τ. λ. Sumta est haec promissio tota e Ps. II. 8. 9. ubi omnia ad regnum Messiae futurum, ipsumque illum regem pertinent, atque per quandam communicationem et participationem ad hunc nostrum locum sunt accommodata. — Ἐξουσία est vis, potestas agendi uti Matt. VII. 29. ὃς ἐξουσίαν ἔχων. Joh. X. 18. Conf. Apoc. VI. 4. VII. 2. XIII. 5. 7. XVIII. 8. XIX. 8. Act. XXVI. 10. quam ipse Christus victori est daturus. Homerus, ἐν πολλὰ ἐξουσία πάντα ποιεῖς (3). Hanc potestatem ipse accepit Jesus, tanquam praemium suorum laborum Eph. I. 20—23. Illi igitur, qui aliquando illam sunt accepturi jam hac in terra, non solum τὰς μέθοδους τοῦ σωτηρίας evitare poterunt, sed majores etiam vires opponere ejus sectatoribus. Grotius potestatem quamdam ecclesiasticam inquit, explicans τὴν ἐκκλησίαν in gradum Presbyteri, ut judicet de iis, qui non Chris-

(1) Conf. Glassius 1. 1. p. 67. 68.

(2) Conf. omnino Leusdenius 1. 1. p. 60.

(3) Illad. XXI. 23.

tunc sed *idoneis* (more gentium) vivant: alii vero, imprimis in Germania, disputant de regno, quod Jesus est habiturus: de eo maxime dissidentes, utrum *morale*, an vero *physicum* imperium sit intelligendum, et hoc ei denegantes, illud concedentes (1). Ast non nisi contemte tale quoddam *morale* imperium ex Johannea mente eliciunt; si enim accuratius examinentur Joh. X. 28, XII. 39. XIV. 2. 3. 13, 14. XV. 26, manifestum fit, Jesum post secessum suum e terris, tamquam agentem, regentem, ac potestatem summam exercentem proponi (2). — *ἔθνος* in N. T. talis dicitur gens, quae Deum verum non colit, quales Christi aetate fuerunt civitates praeter Judaeos omnes. Matt. X. 5. *εἰς τὴν ὁδὸν ἐθνῶν μὴ ἀνέλθετε*. Graeci vero pro lubitu hoc verbum usurpant, neque curant utrum Graeciae, an alii regioni gens, de qua agunt, sit addicta (3); *βαρβάρους* vero dicebant omnes populos, extra Graeciae oras habitantes.

Nb. 27. *καὶ ποιμαίνει αὐτοὺς ἐν ῥάβδῳ σιδηρᾷ, ὥς τὰ σκεύη τὰ κεραμικὰ συντριβέται.*  
*He pascet illos ferreo sceptro, ut vasa figulina confringuntur.*

Hic locus pertinet ad praecedentem promissionem, e Ps. II. 8, 9. sumptam. LXX Intt. legerunt *ⲙⲓⲛⲁ ⲁⲓⲛⲓ*, illud vertentes *ποιμαίνει αὐτοὺς*, quam lectionem Johannes recepit; Masoraeae vero *ⲙⲓⲛⲁ ⲁⲓⲛⲓ* *conterere* (4).

*ποιμαίνει* vero dicitur de eo, qui pastorem agit, pascit. LXX Intt. ita 1 Sam. XXV. 16. *ἦν γὰρ παρ' αὐτοῖς ποιμαίνοντες τὸ ποιμνίον*. Inde de quovis, qui regit, gubernat, ac aliorum salutem prospicit. Matt. II. 16. *βοσκή ποιμαίνει τὸν λαόν μου Ἰσραὴλ*. Conf. Act. XX. 28. *Ἀνακτορεῖν οὐ γὰρ ἀνημέρους ποιμαίνεις παλιῆς* (5). Homerus saepe utitur substantivo *ποιμήν* pro βασιλεύς v. c. *ποιμένα λαῶν* (6). Euripid. *ποιμένη λόγων* (7). Xenophon τοῦ ἔτινεν Ὀμήρου οἷε τὸν Ἀγαμέμνονα προμαγορεύσαι *ποιμένα λαῶν* (8).

*ῥάβδος* hebr. *רֹדֶף* *baculus*, quo quis utitur ad *ῥᾶν βαδίζειν*: inde *virga*, qua pueri puniuntur ob delicta. LXX Intt. Exod. XXI. 20. *ἐάν δέ τις πατάξῃ — τὴν παιδίσκην αὐτοῦ ἐν ῥάβδῳ*. Nostro loco notat *scopulum*, regiae potestatis signum; metaphrice igitur *improbitum*. — *Σιδηρὸς*, ferreus, h. l. *durus*, — Gravi, duro, et severo utetur iudicio, quicumque in fide Christi non permanserit; haud lenem enim Jesus sumet de hostibus suis ultionem (9). Dictio *ἐν ῥάβδῳ* est hebraea, uti ubivis haec vox a LXX Intt. usurpatur, Jes. X. 24. Ps.

II.

(1) Conf. Bahrdt in Lex. N. T. *βαρβάρους*, *διδασκὰν*, *Zamenax*, der zuivere Wijsbegeerte, et alii.

(2) Vid. Donker Curtius l. I. p. 76. Conf. Langius l. I. p. 122. qui, *tali potestate in gentes instructum esse*, die bekannte Lieblings-idee der Juden dicit.

(3) Leusdenius p. 33.

(4) Vidd. Grotius l. I. *Vitrina* p. 109. Langius p. 1.

(5) Od. 62. vs. 7. (6) Iliad. I. 263. II. 245.

(7) Phoen. vs. 216. Conf. Sophoc. Ajax. 263.

(8) Memor. III. c. 2. r.

(9) Conf. Zachariae Bibl. Theol. Tom. II. p. 557 — 564.

II. 9. LXXXVIII. 32. In aliis locis prorsus abundat Act. IV. 12. *δεδομένον ἐν ἀνθρώποις*. ὡς τὰ σκεύη κ. τ. λ. Nonnulli Codices habent *συντριβήσεται*, sed praesens saepe pro futuro ponitur. Caeterum, more graecorum, pluralis numerus nominis neutrius generis post se habet singularem verbi, *συντριβεται* pro *συντρίβονται*. — Quod pii autem, in coelum evecti, facile illud imperium, licet durissimum, exercendi, sint habituri potestatem, indicat phrasis: *nam conterentur impii sicut vas figulina*.

Vs. 28. Ὡς καὶ γὰρ εἴληφα παρὰ τοῦ πατρὸς μου καὶ δώσω αὐτῷ τὴν ἀστὴρα τὸν πρωῒνόν.  
Sicut et ego accepi a patre meo: et dabo illi stellam matutinam.

Particula ὡς aliquam similitudinem, non vero paritatem indicat (1), eodem sensu quo καθὼς Luc. XXII. 29. καὶ γὰρ διατίθεμαι ὑμῖν, καθὼς διέθετο μοι ὁ πατήρ μου βασιλείαν. — Quod ipse jam Christus acceperat a Patre virtutis praemium, promittit illud in altera se vita iis donaturum, qui pii ac fideles sui fuerint amici. Comparantur illi h. l., more Orientalium, praeclaro civitatis praefecto, qui regi adjungi solet, ut auxilium ei praebeat in rebus administrandis. Hanc autem circumscriptam explicationem non ad litteram esse premendam, facile quis intelligit, si ad sequentia animadvertat.

καὶ δώσω κ. τ. λ. δώσω uti cap. III. vs. 12. accipiendum pro *ποιήσω*, quasi esset: *faciam*, ut victor ille fulgeat stellarum lumine ornatus. Sensus est: illa societas, quae mecum fruatur quisque pius ac constans (conf. 1 Tim. II. 12.), non tantum omnium felicissima erit, sed et augustissima: ejus enim cives micabunt stellarum instar in regno coelesti, Matt. XIII. 43. Conf. Dan. XII. 3. Symbolum itaque est regiae potestatis. Conf. item Apoc. XXII. 16. LXX Intt. Num. XXIV. 17. Jes. XIV. 12. ὁ ἑσπερός, ὁ πρωὶ ἀνατέλλων. Sirach. L. 6. ἀστὴρ ἐωθίνος. Proprie ἀστὴρ πρωῒνος est *Veneris* stella, quae mane solem praecedit, una cum aurora se ostendit, cujus filius esse dicitur, et quoniam *Lucifer* vocatur: vespera autem Solem subsequens *Hesperus* appellatur. In V. T. stellarum nomine viri illustres intelliguntur, v. c. Babylonicorum rex, prae aliis regibus illustris, *Lucifer* φωσφορὸς dicitur. Conf. Homer. Iliad. XXII. 317. 318.

οἷος δ' ἀστὴρ εἰσι μετ' ἀστράσι νύκτος ἀμολγῶ  
Ἑσπερος, ὃς καλλιστος ἐν οὐρανῷ ἴσταιται ἀνὴρ.

Virgilius Aeneid. VIII. 899.

Quaest ubi oceani perfusus Lucifer unda,  
Quem Venus ante alios astrorum diligit ignes,  
Extulit os sacrum coelo tenebrasque remotis.

Ovidius Trist. lib. I. Eleg. III. vs. 71.

Dum loquor et fletus, coelo nitidissimus alto,  
Stella gravis nobis, Lucifer ortus erat.

Vs. 29. ὁ ἔχων ὡς, ἀκουσάτω τί τὸ πνεῦμα λέγει ταῖς ἐκκλησίαις.

Qui

(1) Grotius L. I.

*Qui aures habet, audiat, quid Spiritus dicat Ecclesiis.*

In tribus epistolis prioribus haec admonitio promissioni praemittitur; in hac et caeteris eam subsequitur. Cl. Eichhornius hoc ab auctore arte et studio factum esse opinatur, quod vix ut credamus a nobis impetramus. Vid. vs. 7.

### A P O C. C A P. III.

#### S. 5.

#### EPISTOLA AD SARDIANOS.

##### *Urbis ejusque Ecclesiae historia.*

**S**ardes (uti plurali numero hanc urbem vocat Ovidius (1), ad magnis vicinum Sardibus amnem, et Nepos (2) Iones Sardis expugnassent, singulari vero Horatius (3) Quid Croesi regia Sardis?) urbs erat Asiae in regione Lydia, non procul a Thyatris sita, media hanc inter et Philadelphiam. Ad pedem montis Tmolus sive Timolus exstructa urbs, atque flumine Pactoli, ob multum quod continebat aurum χρυσοφόρος dicti, irrigata, pulcherrima habebatur inter praecipuas Asiae urbes. Tempore, quo μητρόπολις sive caput erat Lydorum imperii, Croesus, rex hujus gentis ditissimus, eam celebrem reddidit aedificando vasto ac splendido palatio, quo immensas suas conderet divitias; et e quo deinde post varia fata a Cyro, Persarum rege, ad flumen Halyn victus, urbe capta, captivus ipse est egressus, ut vivus flammis daretur (4). — Durante autem illa Persarum dominatione, suam sustinuerunt Sardes dignitatem, ac tuitae sunt antiquam magnificentiam (5). Praefecti enim Asiae, qui eam nomine regum Persarum administrabant, in amoenissima illa urbe, omnibus naturae muneribus beata, fixerant sedem, et imperium per totum illum tractum dilatabant. Pausanias in Laconicis (6) dicit: ἦν γὰρ τῆς Ἀσίας τῆς κατὰ μέγιστον μέρος τηλικάντα ἡ Λυδία (tempore Artaxerxis Nothi) καὶ αἱ Σάρδεις πλοῦται τε καὶ παρασκευὴ προεῖχον τῷ τε σατραπεύοντι ἐπὶ θαλάσῃ τούτο οἰκητήριον ἀπεδείκνυτο, καθάπερ γε αὐτῷ βασιλεῖ τὰ Σοῦσα. — Semel vero, Persis eam imperio tenentibus, ab Ionibus, quibus Athenienses et alii Graecarum civita-

tum

(1) Metam. XI. 137.

(2) In vit. Milpad. c. 4.

(3) Ep. I. 2. vs. 2.

(4) Vid. Herodotus, qui ejus historiam uberissime exponit, L. I. c. 40—87.

(5) Plutarchus in Solone et Themist. p. m. 127.

(6) p. m. 99.

tum auxiliarii opitulabantur, obsessa, atque a Persarum Satrape Artapherne, licet multa virtute defensa, tamen capta et flammis est data; sed Artaphernes, qui ad Crœsi Palatium fugerat, a Darii, Hystaspis filii, militibus adjutus, hostes fugavit (1). Haec autem incendii calamitas maximam vim habuit in sequentia Graecorum ac Persarum fata, cum, non diu post, bellum illud memorabile Peloponnesiacum exardesceret.

Insequentibus temporibus haec Sardium urbs denuo est restituta, et ad magnam increvit civitatem, cujus plurima apud profanos scriptores mentio occurrit. Imprimis veteres ejus incolae, uti vicini erant *Thyatirenorum*, maximam operam dabant tincturae purpureae (2).

Ob historiae silentium sequentia Sardium fata adumbrare non possumus: verisimile est, Paulum ibi coetum Christianum condidisse, quo tempore Ephesi degit. Conf. Act. XIX. 13. Propter miserrimam conditionem Christianorum, cum omnibus voluptatibus sese dedissent, Johannes ad eos etiam scribere jubeatur. Nomina dederant Christi Evangelio, verum hoc erat summum; nulla virtus, nulla pietas; ore profitebantur Jesum Dei esse filium, factis vero abnegabant eum. Nonnulli tamen erant puris virtutis vestibus ornati, quos dignos censebat Jesus, quorum aliquando nomina coram Patre profiteretur. — Diu postea fuit urbs Episcopalis, eademque aliquamdiu patriarchalis mansit: inter principes ejus cives commendatissimus fuit *Melito*, tempore M. Antonini hujus ecclesiae episcopus, qui, cum Christiani magnopere vexarentur, apologiam huic Imperatori obtulit, qua eorum causam acriter et pro summa rei gravitate tuitus est. Scripsit libros quam plurimos: *περὶ τῆς πολιτείας καὶ προφῆτων, ἐκκλησίας, κυριακῆς* (scil. *ἡμέρας*), *φύσεως τοῦ ἀνθρώπου, καὶ περὶ πλαστέως, κ. τ. λ.* (3). *Eusebius* item eum commendat tanquam scriptorem *τῆς ὑπὲρ τοῦ καθ' ἡμᾶς δόγματος χρησιμωτάτης ἀπολογίας* (4): *Polycrates* in Epistola ad *Victorem* et Romae ecclesiam data, eum dicit *ἐν ἁγίῳ πνεύματι πάντα πολιτευσάμενον, ὃς κεῖται ἐν Σάρδεσιν περιμένων τὴν ἀπὸ τῶν οὐράνων ἐπισκοπὴν, ἐν ᾗ ἐκ νεκρῶν ἀναστήσεται* (5).

Tandem imperio Turcarum *Sardes* sunt subactae; qui paucos ibi habitantes Christianos miserrime premunt; urbs est diruta, templa eversa, pauperes pastores cum parvulogrege hic illic vagantur; nulla ecclesia, nullus episcopus, qui salutiferam Evangelii lucem accendat (6). *Litezis*, insertis ephemeridi, cui titulus est: *Berigten van het N. Zendelinggenootschap* (7), doceor, in regione, ubi antiquae sitae erant *Sardes*, parvam ad hunc usque diem haberi Christianorum consociationem, cui datum est N. T. ad eorum usum accommodatum. A Turcis hic locus vocatur *Tatar-kony*.

Pe

(1) Vid. *Herodot.* I. V. c. 100 seqq.

(2) Vid. Cl. *Klinkenberg* l. l. p. 137.

(3) Vid. *Eusebius* IV. 26.

(4) *Id.* l. c. 13.

(5) *Euseb.* L. V. c. 24.

(6) Vid. *Smith*, *Notit. Eccles. Asiae*. p. 31.

(7) A. 1816. N°. 7. p. 99.

*Periodistarum sententia.*

Qui propheticum in hisce epistolis quaerunt sensum, hac Sardiana epistola inpti dicunt *statum ecclesiae relictum*; quia nonnulli nomen *Sardium* ab Hebraeo שַׂרְיָן repeterere volunt, quod significat *relicta, residua*, τὰ λοιπὰ, de quibus Apoc. III. vs. 2 loquitur Johannes; et ita inde ab ortu *Waldensium*, sive ab exeunte seculo XII, usque ad seculi XVI initium, sive *ad reformationem*, quae stabilita est per omnes Europae regiones, licet Satanas omnes suas vires intenderet ad eam supprimendam (1).

*Epistolae expositio.*

Vs. 1. Καὶ τῷ ἀγγέλῳ τῆς ἐν Σάρδεσιν ἐκκλησίας γράψον· τὰδε λέγει ὁ ἔχων τὰ ἐπτὰ πνεύματα τοῦ θεοῦ, καὶ τοὺς ἐπτὰ ἀστέρας· οἶδα σοῦ τὰ ἔργα, ὅτι θνομα ἔχεις, ὅτι ζῆς, καὶ νέκρος εἶ.

*Et angelo ecclesiae, quae est Sardibus, scribe: Haec dicit, qui habet septem spiritus Dei, et septem stellas: novi tua opera, te nomen habere, quod vivas, et mortuus es.*

καὶ τῷ ἀγγέλῳ κ. τ. λ. Vid. Cap. II, vs. 1. Quisnam hic antistes fuerit, historia non tradit.

Prius ἐπτὰ, quod in hoc versu occurrit, in nonnullis codicibus desideratur; plurimi vero habent, iique optimi. Nonnulli legunt: ὅτι τὸ θνομα ἔχεις καὶ ὅτι ζῆς, ita ut θνομα ἔχειν hic absolute significaret *celebritatem habere*.

τὰδε λέγει ὁ ἔχων κ. τ. λ. Nonnulli putant Apostolum sese ad Judaeorum opinionem, de septem Angelis, coram Dei throno administrantibus, accommodasse, qui aulam Dei sibi proponebant augustissimam, imaginem regis Persici aulae referentem, in qua septem satellites administrarent (2). Provocant hi ad Tobiae librum, XII, 15. ubi angelus *Raphaël* ita loquitur: *Ego sum Raphaël, unus septem sanctorum angelorum, qui in altum an-* „ *nuntiant piorum preces, et coram Majestate sancti decambulant* (3). — *Michaëlis* in Comp. Theol. putat, Johannem, qui in exordio hujus libri daemonum cultum tanquam primariam superstitionem abominatus erat, eo igitur in loco, ubi reliqui Apostoli a solo Deo pacem et gratiam precantur, creatorum spirituum gratiam exorare suis non potuisse, et *divinam personam* esse intelligendam. *Rosenmuller* ei occurrit Spiritum S. coram Dei throno sisti non posse, quia semper ei adstant ministri; at vero Spiritus S. a Deo patre et Jesu Christo emittitur Joh. XV. 26; nec non ipse Christus simili ratione sub symbolo agni proponitur medio in Throno, ut patris sui mandata exsequatur, Apocal. V. 6. A Deo

50-

(1) Vid. *Vitrings* p. 126.(2) Vid. *Schleusner* T. II. p. 695.

(3) Vidd. Libri V. T. Apocr. ex Ed. Joh. Guill. Augusti, Lips. 1804. p. 164.




solo petenda est laus, non a septem spiritibus; „minime igitur, ita pergit, de ministris, „scilicet angelis, accipi potest, quibus Deus utitur. Sed commodè intelligi potest locus „de ministerio angelorum, quo Deus uti solet, ad impertienda varii generis bona hominibus suis.”

Tali vero exceptione nihil lueratur Vir Clar.; hic enim honores iis non competit; quippe ipse Angelus, qui Johanni apparuerat, et ad cuius pedes hic procubuerat, ut eum adoraret, a proposito eum avocat, dicens: *δρα μὴ, σὺνδoulos σοῦ εἶμι — τῷ Θεῷ προσκύνησον* Cap. XXII. 9. — *Eichhornius* (1) de *natura Dei perfectissima τὰ ἑπτὰ πνεύματα* accipit, quippe saepe Judaeis ita dictam fuisse docens; quam contorta vero haec interpretandi ratio sit, facile intelligitur, si jam his verbis addatur *ἐνώπιον τοῦ θρόνου τοῦ Θεοῦ*, quae leguntur I. 6., ut ita esset: *perfectissima Dei natura coram throno ipsius Dei*. — Nobis igitur sic statuendum videtur, hanc denominationem, *τὰ ἑπτὰ πνεύματα*, accipiendam esse de Spiritu Sancto; angelos enim et alios spiritus adorare haud licet, Jes. X. et II. 8. Matt. V. 10. Apoc. XXII. 9. Conf. Exod. XX. 3, 4.; ab illo vero, pariter ac Deo et J. Christo, ap- precatur Apostolus salutem septem ecclesiis, Cap. I. 4., et salutifera sua dona iis singulis impertiens *septem spiritus* dicitur, eodem modo, quo hic ipse spiritus cum *septem lampadibus*, vel totidem *oculis*, vel *cornibus*, tanquam *agnus* proponitur Cap. IV. 5. V. 6. In dedicando praeterea hoc libro Apocalypseos septem Asiae ecclesiis, omnem dedit operam Apostolus, ut numerum septenarium, quem Judaeis sanctum fuisse novimus, per totum illum servaret; adeo ut per *ἑπτὰ πνεύματα* ipse Spiritus Sanctus sit intelligendus, qui in septem coetibus operatur (2).

Christus autem eos habere dicitur, quia, ad summi Dei exemplum, sua dona impertiri potest, hominumque animos eorum ope ad virtutem adducit, Conf. Joh. XV. 26. XVI. 7 — 12. in quibus locis Spiritus Sanctus Apostolis promittitur, qui in omnem veritatem eos duceret. *E. L. Vriemoet* (3) singularem omnino profert sententiam, qua septem stellas habet pro totidem *λύχνους*, dum septem spiritus de lychneorum *oleo* interpretatur.

*καὶ τοὺς ἑπτὰ ἀστέρας.* Vide II. vs. 1.

*οἶδα σοῦ τὰ ἔργα.* Vide II. vs. 2.

*ὅτι ὄνομα ἔχεις κ. τ. λ. ὄνομα* h. l. est *fama*, ut Hebr. , Ezech. XVI. 14. Eodem modo legitur de *Socrate*, apud *Aelianum* (4): *πολὺ γὰρ ἦν τὸ τοῦ Σωκράτους ὄνομα*, et sic quoque *Caesaris* verba sunt accipienda, quibus milites increpat: *ὄνομα τῶν Ῥωμαίων ἔχοντες, ἔργα δὲ Κέλτων δρῶντες*. Conf. *Virgilius*, Aen. II. 89:

— *Et nos aliquod nomenque decusque*  
*Gassimus.*

quam

(1) l. l. p. 16—19.

(2) *Donker Curtius* Dissert. p. 94. 95.

(3) *Observ. Miscell. cap. 7.*

(4) *Vid. H. II. 13.*

quam verbi significationem haud rejiciunt Euangelii scriptores; conf. Marc. VI. 14: *Φανερόν γὰρ ἐγένετο τὸ ὄνομα αὐτοῦ*, Coll. Matt. XIV. 1. *ἤκουσεν Ἡρώδης τὴν ἀκοὴν Ἰησοῦ*.

ὅτι ζῆς καὶ νέκρος εἶ. Ζῆν h. l. est *vivere*, sc. spirituali sensu, i. e. convenienter omnibus praeceptis fidei Christianae. Eodem modo, Rom. VI. 13. *ὡς ἐκ νεκρῶν ζῶντας*. — Καὶ, uti jam saepius supra vidimus, vim habet τοῦ *tamen*; νεκρὸς, oppositum τῷ ζῶντι, significat *mortuus*, i. e. negligens virtutis praescripta. Huc conferri possunt illa, quae *Clemens Alex.* dicit (1), *ἐν τῇ βαρβάρῳ φιλοσοφίᾳ νέκρους καλοῦσι τοὺς ἐκπεσόντας τῶν δογμάτων, καὶ καθυποτάξαντας τὸν νοῦν τοῖς πάθεσι ψυχικαῖς*. Conf. Hebr. VI. 1. IX. 14. *ἀπὸ νεκρῶν ἔργων*.

Non ad Episcopum unicum haec dicta esse puto, quod nonnulli volunt, sed etiam ad reliquos Christianos, quorum maxima pars νεκρὰ erat. — Externa quidem forma sese Sardinianus coetus commendabat, tanquam πίστιν habens et servans; ille vero ὁ ἐρευνῶν τοὺς νεφροὺς καὶ καρδίας, eos bene perspectos ac cognitos habet. Mores eorum similes erant iis, de quibus loquitur Jacobus II. 17—26, qui *mortuam fidem* habent, oppositam iis, e quorum operibus fides probatur vs. 18. Conf. Eph. V. 14. *ἤναστα ἐκ τῶν νεκρῶν*.

Vs. 2. *Γίνου γρηγορῶν, καὶ στήρισον τὰ λοιπὰ, ἃ ἐμελλον ἀποθανεῖν· οὐ γὰρ εὔρηκα σοὺ τὰ ἔργα πεπληρωμένα ἐνώπιον τοῦ Θεοῦ μου*.

*Esto vigilans, et confirma reliqua, quae moritura essent; Non enim invenī tua opera plena coram Deo meo*.

Pro στήρισον, quod habent Cod. Alex. aliique plurimi, in aliis legitur *στηρίξον* pro ἃ ἐμελλον alii ἃ μέλλει, quae lectio ob magnum hac in re codicum dissensum dubia videtur; neque vero magni est momenti.

Illud μου, quod postremum est, in Alexandrino et aliis plurimis Codicibus additur, quos Vulgata probat, item *Millius* (2), et *Griesbachius*, praeceuntibus *Matthaeo* et *Schotto*.

γίνου γρηγορῶν. Hoc verbum idem atque ἀγρυπνέω notat, cui utrique respondet Hebr. *יָגֵד*, LXX Intt. Jer. I. 12. *διότι ἐγρήγορα ἔχω*, et dicitur de vigilia corporis nostri, oppositum τῷ καθεύδειν. Inde metaph. *summa cura ac vigilantia animi aliquam rem tractare, iniensis animi viribus aliquid attendere*, uti h. l. est, pro γρηγορεῖ, *abstine a somno animi, et caute attende ad ea quae neglexisti*. Similis locutio habetur 1 Thess. V. 6. *μὴ καθευδῶμεν, ὡς καὶ οἱ λοιποὶ, ἀλλὰ γρηγορῶμεν*. 1 Pet. V. 8. *νήψατε, γρηγορήσατε*. Eph. V. 14. legitur *ἔχειτε ὁ καθεύδων*. Item apud Classicos ὡς καὶ ἐφρόνει καὶ ἐγρηγόρει (3).

καὶ

(1) Strom. V. Exstat in *Schleusneri Lex.* II. ed. T. II. p. 194.

(2) Proleg. § 1110.

(3) Xenoph. Cyrop. lib. I. c. IV. 20.

καὶ στήρισον τὰ λοιπὰ. Στηρίζειν est *firmiter statuere, stabilire, confirmare illud, quod ad lapsum inclinat*. Luc. XXII. 32: Στηρίξον τοὺς ἀδελφούς σου. Rom. I. 11. εἰς τὸ στηριχθῆναι ὑμᾶς.

τὰ λοιπὰ. Omnes fere Interpretes haec accipiunt pro τοὺς λοιπούς, *ceteros Christianos, qui, cum cura indigeant propter impietatis morbum, quo sunt impliciti, mox moriuntur, nisi quam citissime auxilium iis feratur*.

οὐ γὰρ εὗρηκὰ σου τὰ ἔργα πεπληρωμένα. — Εὗρσκειν est *comperire, cognoscere, quod is agit, qui aliquam rem explorat, investigat*. — Πληρῶν est *impleo, inde perficio, ad summum gradum perducō*. Πληροῦσθαι igitur dicitur res, quae omnibus numeris redditur absoluta, et ad summum perfectionis gradum evehitur; unde ἔργα πεπληρωμένα, quae h. l. notantur, ea sunt opera, quae perfectissimam ostendunt, summamque exhibent pietatem. Eodem fere sensu dicit Joh. XVII. 13. ἵνα ἔχωσι τὴν χαρὰν πεπληρωμένην τὴν ἐμὴν ἐν αὐτοῖς. Conf. 1 Joh. I. 4. 2 Cor. X. 6. ὅταν πληρωθῇ ὑμῶν ἡ ὑπακοή. Coloss. IV. 12. ἵνα στήτε πέλειοι καὶ πεπληρωμένοι ἐν παντί θελήματι τοῦ θεοῦ. — Hoc loco autem Apostolus figura τῆς λιτότητος utitur, qualis frequenter apud Graecos occurrit, quique eam habet vim, ut levis, qui verbis prima fronte inesse videtur, sensus mox gravis ac durus eliciatur. — Sensus itaque est: *Magnum defectum in tuis operibus cognovi, qualem homines, qui externa specie falluntur, non animadvertunt*.

ἐνώπιον κ. τ. λ. mere auget et ornat πεπληρωμένα. quod enim est ipsius Dei iudicio perfectum, id est omnibus partibus absolutum (1).

Atque ita propter ea quae jam exposuimus in hac epistola, probamus, quae pulcre dicit Herderus: *In dieser Kirche ist alles schlafend und sterbend, mit Nacht- und Todeskleidern bedeckt, im nahen Dufte der Verwesung. Daher spricht der Mann, der die sieben Lebensgeister Gottes hat, der todt war und lebet* (2).

V. 3. μνημόνευε οὖν, πῶς εἴληφας καὶ ἤκουσας, καὶ τήρει, καὶ μετανοήσον· ἐὰν οὖν μὴ γρηγορήσῃς, ἥξω ἐπὶ σέ ὡς κλέπτης, καὶ οὐ μὴ γνῶς, ποτὶν ἔραιν ἥξω ἐπὶ σε.

*Memento igitur, quomodo acceperis et audieris; et serva, et resipisce; nisi igitur vigileris, superveniam tibi ut fur; neque scies, quamnam hora tibi sim superventurus*.

μνημόνευε. Vid. Cap. II. 5. — Πῶς εἴληφας est indicativus, qui saepe a Graecis pro subjunctivo et optativo usurpatur, et fere per omnia tempora, ubi particula ἂν, *quomodo*, adhibenda fuisset, prouti παρ' ἐμοῦ οὐδεὶς μισθοφόρος, ὅστις μὴ ἱκανὸς ἐστὶν, ἴσα ποιεῖν ἐμοὶ (3). οὐδὲν οὕτω βραχὺ ὄπλον ἑκάτεροι εἶχον, ᾧ οὐκ ἐξικνούντο ἀλλήλων (4). Demosthenes: οὐδεὶς ἐστὶν, ὅντινα οὐ πεφυκάνικεν (5).

λαμβάνειν est *accipere*; saepe subintelligitur, uti et h. l. τὴν διδασχὴν, doctrinam, v. c. 1 Cor.

(1) Vid. Eichhornius ad h. l.

(2) l. l. p. 31.

(3) Xenoph. l. VI.

(4) Idem l. VII.

(5) Olynth. II.

1 Cor. XI. 13. ἐγὼ γὰρ παρέλαβον ἀπὸ τοῦ κυρίου. Phil. IV. 9. εἰληφας καὶ ἤκουσας. sibi invicem sunt similia, et idem notant quod ἀκούων εἰληφας.

καὶ τήρει καὶ μετανόησον κ. τ. λ. Vide supra.

ἤξω ἐπὶ σε ὡς κλέπτης. Verbum ἤκειν vel ἔρχεσθαι, constructum cum ἐπὶ, latinum *supervenire* notat, atque adhibetur de eo, qui certo quodam, eoque haud grato, proposito aliquem adeat. Eodem sensu legitur Luc. XXI. 35. ὡς παγίς γὰρ ἐπελεύσεται ἐπὶ πάντας. Indicatur in utroque loco notabile iudicium, quo aliquando dominus impios prosequetur. 2 Pet. III. 10. ἤξει δὲ ἡ ἡμέρα κυρίου ὡς κλέπτης, ἐν ᾗ οἱ οὐρανοὶ βοιζήδων παρελεύσονται. Conf. Matt. XXIV. 43, 44. XXV. 14. Luc. XII. 39, 40. 1 Thess. V. 4. 1 Pet. IV. 15. Apoc. XVI. 15. — Locus noster non positive est accipiendus, ut innueret, Servatorem venturum tempore definito, quo manifestum fieret, Sardanios prorsus a vera via abiisse; sed notare mihi videtur locus: *nisi resipiscas, ecce! ego veniam*; ut nos belgice: *zoo gij u niet bekeert, weet, ik zal komen*.

ὡς κλέπτης i. e. *clam, nullo conscio, omnibus inopinato; subitus et improvisus meus peditus non gaudio tibi erit, sed percellet te, sicuti subita παρούσια κλέπτου (1).*

καὶ οὐ μὴ γνῶς κ. τ. λ. Duo negativa negationem duplicant, et subiectivum nonnumquam post se habent, ut sensus sit: *nullo modo fieri potest, ut sciatis vel cognoscatis, quonam tempore venturus sim.* — Ὥρα saepe notat iudicii tempus, quod olim exercitum veniet Jesus. Vidd. l. l. supra cit. Hoc loco autem singulare quoddam spectare videtur, nimirum poenam terrestrem, qualem comminatus fuerat Ephesiis, Cap. II. vs. 5.

Haec autem verbi significatio Hebraica est; Chaldaei nimirum et Syri vocabulo **ܦܝܪܥܬܐ** punctum quoddam temporis notasse reperiuntur, minime vero quartam vel vicesimam diei partem. Vid. Daniel III. 6. IV. 33. V. 5. Adeorum exemplum N. T. scriptores vocabulo ὥρα eandem tribuerunt vim. Conf. Matt. IX. 22. XV. 28. XVII. 18. Joh. IV. 21. ἔρχεται ὥρα. XII. 23. XVI. 2. 1 Joh. II. 18. Apoc. III. 10. (2). — *Jesus droht, wie ein Dieb zu kommen, denen, die da schlafen, auszutilgen ihre Nahmen aus dem Buch, wo nur Lebende stehen; sie dort zu vergessen, wie sie ihn hier vergassen und einschliefen (3).*

Vs. 4. Ἄλλ' ἔχεις ὀλίγα ὑνόματα ἐν Σάρδεσιν, ἃ οὐκ ἐμόλυναν τὰ ἱμάτια αὐτῶν καὶ περιπατήσουσι μετ' ἐμοῦ ἐν λευκοῖς, ὅτι ἄξιοι εἰσιν.

*Sed habes pauca nomina Sardibus, quas non inquinaverunt vestes suas; et deambulabunt mecum in albis, quia digni sunt.*

Pro ἄλλ' nonnulli Codd. exhibent conjunctionem καὶ; sed ex aliorum auctoritate rejicienda.

(1) Cf. Heinrichs l. l. p. 164.

(2) Vid. Leusdenius l. l. p. 45, 46.

(3.) Herderus l. l. p. c.

cienda videtur. Pro *ἡ οὐκ ἐμ.* alii *οἷ*, quod librario cuidam p. d. est tribuendum, qui notionem vocabuli *ἡ* exprimere vellet.

*ἀλλ' ἔχεις ὀλίγα ὀνόματα κ. τ. λ.* 'Ονόματα symbolice est pro ipsis hominibus, quod non solum solito in N. T. verbi usu probatur, verum etiam lectione eorum Codicum, qui pro *ἡ* legunt *οἷ*.

Tali vero verbi notione gaudebant Graeci, gaudebant item Latini; imprimis vero Apos. tolli. Act. I. 15., *ἦν τε ὄχλος ὀνομάτων.* IV. 10. *ἔτι ἐν τῷ ὀνόματι Ἰησοῦ.* vs. 12. *οὔτε γὰρ ὄνομα ἐστὶν ἕτερον.* vs. 17. *μηκέτι λαλεῖν ἐπὶ τῷ ὀνόματι τούτῳ μηδενὶ ἀνθρώπων.* V. 28. *μὴ διδάσκειν ἐπὶ τῷ ὀνόματι τούτῳ.* X. 43. *ἄφεσιν ἁμαρτιῶν λαβεῖν διὰ τοῦ ὀνόματος αὐτοῦ.* Apoc. XI. 13. *ὀνόματα ἀνθρώπων.*

Latini non solum pro hominibus sed etiam pro populo: *ita per se ipsum nomen Caeninum in agrum Romanum impetum facit* (1). *Relictum filiae nomen* (2). *Sylvius Albanum nomen* (3). — *Vitringa Dodwelli* sententiam exhibet, opinantis, vocem *ὀνόματα* in Actis et Sacris speciali quodam sensu usurpari de iis qui Christo nomen dederant, et in Ecclesiam erant relati, quali notione, ut pergit, in Ignatianis saepius occurrit. — Tota haec nominis imago desumpta est a moribus antiquis, quibus receptum erat apud Persas, ut annales suos haberent, in quibus annotarentur et memoriae proderentur, qui egregie de republica meriti essent; quemadmodum etiam Romani Imperatores *libros suos rationum* habebant. Ad eum autem morem respicientes antiqui, puerili phantasia ducti, fingeant Deum in magno libro hominum nomina conscripta habere, qui vel *omnia continere* dicitur Ps. CXXXIX. 16., vel tantummodo *ad hanc vitam pertinet*, Exod. XXXII. 32, 35. Conf. vs. 10. Num. XI. 15.; vel *specialis* erat, quoad *liber vitae* vocatur in S. Codice. Dan. XII. 1. Ps. XIX. 29. Phil. IV. 3 et alibi. — Hoc autem sibi idcirco proponebant, ut Deus de omnibus iudicium ferre posset, si quando illa *ἡρα* venisset. Fingeant porro, alicui e sanctis eo tempore hunc librum esse evolvendum, nominaque praelegenda, (Conf. Apoc. V. 1—9. ubi Jesus ipse innuitur) quae Servator, summus tanquam iudex adstans, vel felicia praedicaturus, vel ad tristitia dimissurus est loca. Cf. Luc. X. 20. *ὀνόματα ὑμῶν ἐγγράφη ἐν τοῖς οὐρανοῖς.* Apoc. XVII. 8. *τὰ ὀνόματα ἐπὶ τὸ βιβλίον τῆς ζωῆς.*

*ἡ οὐκ ἐμόλυναν τὰ ἱμάτια αὐτῶν.* *Μολύνω* idem quod *μιαίνω*, Hebraico *לָמַשׁ*, *tingit*, respondet apud LXX Intt. Genes. XXXVII. 31. ubi de tunica Josephi, quam fratres in sanguine hirci tingeant, usurpatur. Inde *contamino*, *polluo*, *inquino*. Cf. Zach. III. 3, 4. de Josua, cujus vestes erant inquinatae. *Theocritus* (4) *καὶ τὸν ἀναβον ἐν ἀνθεσι παῖδα μολύνει.*

Nos.

(1) Liv. I. 10.

(2) Hor. Od. III. 27. 25.

(3) Virg. Aen. VI. 763. Cf. *Vechnerus* in *Hellenolexia* II. 8. p. 338. *Vitringa* l. l. p. 121.

(4) Idyll. V. 87.

Nostro loco metaphorice accipiendum de hominibus, qui se vitiorum sordibus non polluebant, nec pravorum Sardoniorum socii erant. Cf. Apoc. XV. 4. οὗτοι εἰσιν, οἳ μετὰ θυναικῶν οὐκ ἐμολύνθησαν. Imago forte desumpta est a Sardonianis ipsis, qui, operam cum darent purpuræ tincturae, vestimenta sua variis coloribus tingere solebant; ita nonnulli erant, qui, cum ceteri omnibus libidinibus sese darent, nullam cum hisce communionem exercerent, quique animos puros servarent, nulla labie contaminatos; similes illis, qui unice pulcri amore ducti, candidis ac nitidis vestimentis procedunt.

καὶ περιπατήσουσι κ. τ. λ. Περιπατεῖν proprie est *ambulare*. Matt. IV. 18. περιπατῶν δὲ παρὰ τὴν θαλάσσαν. Joh. VI. 19. περιπατοῦντα ἐπὶ τῆς θαλάσσης. Qui autem cum aliquo ambulat, ejus intima fruitur amicitia et consuetudine; uti h. l. καὶ περιπατήσουσι μετ' ἐμοῦ. — Ἐν λευκοῖς, in candidis, albis vestimentis, qualibus orientales, qui ad honores evehebantur, vestiri solebant Gen. XLI. 42. Josephus, Eshr. VIII. 15. Mordechaeus; ex quo loco praeterea patet, iis, qui candidis ejusmodi vestibus erant ornati, ut cum rege procederent, licitum fuisse. *Grotius* (1) explicat *coruscantes*, uti docet ad Matt. XVII. 2. τὰ δὲ ἡμάτια αὐτοῦ ἐγένετο λευκά ὡς τὸ φῶς. Apoc. IV. 4.: ἐν ἱματίοις λευκοῖς. ita et VI. 11. στολὴ λευκὴ. Observandum est auctorem semper fere emblemata, semel inceptum, continuare.

ὅτι ἄξιοι εἰσιν. Ἄξιος congruentiam quandam indicat actus inter et honorem actibus tributum, etiamsi honor superet actus. Matt. III. 4. κάρπον ἄξιον τῆς μετανοίας. Luc. VII. 4. ὅτι ἄξιος ἐστίν, ὃ παρέξει τοῦτο. Eph. IV. 1. ἄξιως περιπατήσαι τῆς κλησέως (2).

Vs. 5. Ὁ νικῶν, οὗτος περιβαλεῖται ἐν ἱματίοις λευκοῖς, καὶ οὐ μὴ ἐξαλείψω τὸ ὄνομα αὐτοῦ ἐκ τῆς βίβλου τῆς ζωῆς, καὶ ὁμολογήσω τὸ ὄνομα αὐτοῦ ἐνώπιον τοῦ πατρὸς μου, καὶ ἐνώπιον τῶν ἀγγέλων αὐτοῦ.

*Qui vicerit, hic circumdabitur vestimentis albis, neque ejus nomen expungam e libro vitae, et agnoscam ejus nomen coram patre meo, et coram angelis ejus.*

Accommodata iterum est haec promissio ad ea, quae de Sardonianis dixerat Jesus; quicumque eorum hac in terra nitidis vestibus usi fuissent, denuo in coelo iis exornandi sunt tanquam sacerdotes, ad quorum munera Jesus sanguine suo nos evehit.

Ἐξαλείψω est proprie *unguentum abstergo, deungo*; inde *deleo, expungo*. De antiquo illo more, secundum quem libris mortales inscriberentur, vide supra; ignominiosi si essent, ἀτιμοί, eradebantur nomina. Verba, quae h. l. occurrunt, καὶ οὐ μὴ ἐξαλείψω, quodammodo accipi possunt, tanquam speciem figuræ, quae dicitur λιτῶτης, habentia, ut legendum esset: καὶ ἐγγράψω ἐν τῇ βίβλῳ τ. ζ.

ὁμολογήσω, pro quo *Griesbachius* ex alia lectione adscriptum habet ἐξομολογήσομαι; notat *agnoscam*. Cum judicii supremi dies aderit, victoris nomen palam profitebitur coram Deo et Angelis Matt. X. 32. Luc. VII. 8. — Est verbum Johanni Apostolo non insolitum: Euang. I. 20. IX. 22. XII. 42.

(1) h. l. p. 371.

(2) *Grotius* ad h. l.

*Nur die Wachenden, nur die Geschmückten sollen zu seinem Mahl eingehen: denn der Bräutigam kommt, wie ein Dieb in der Nacht, und weiss niemand, welche Stände er kommen werde? Der ganze Brief ist in Worten Christi, die er schon auf Erden aussprach (1).*

Vs. 6. Ὁ ἔχων οὖς, ἀκουσάτω, τὶ τὸ πνεῦμα λέγει ταῖς ἐκκλησίαις.

Vid. Cap. II. 7, 29.

### § 6.

#### EPISTOLA AD PHILADELPHENOS.

##### *Urbis ejusque ecclesiae Historia.*

*Philadelphiae* nomine plures antiquitus cognitae erant urbes, quarum alia habebatur in Arabia, quae olim et in S. C. *Rabba Amonitarum* vocatur, et nomen ab ejus conditore Ptolemaeo Philadelpho habebat; alia in Cilicia, alia in Isauria, alia denique in Aegypto.

Nostram vero, non procul a Sardibus remotam, prope montem Tmolium, qui ei imminabat, condidit Attalus II. Philadelphus, Pergami rex, Eumenis frater, anno fere 280 A. C. N. Apud *Strabonem* (2) dicitur σεισμῶν πλήρης, οὐ γὰρ διαλείπουσιν αἱ τοῖχος θίσταμένοι, καὶ ἄλλοι ἄλλο μέρος τῆς πόλεως κατοπαθοῦν. Propter frequentes hosce terrae motus pauci eam incolunt, qui plurimi ruri degere solent, ibique optimos habent agros.

Prouti haec urbs sese commendabat *tum* nomine φιλαδέλφεια, *tum* externa conditione, quum ad Tmolipodem sita pulcherrimos ostenderet campos, quos et hodiernus viator maxima cum voluptate admiratur, ita interno etiam habitu plura habebat, quibus Domino placeret.

Smyrnenses rite doctrinam, virtutisque Christianae praecepta coluerant, quam ob rem Christus eos laudabat, et aliis tanquam exemplum proponebat; simili modo Philadelpheni, qui Christo nomen dederant, sese fideles ac doctrinae tenaces ostenderant, quapropter Dominus iis promittit, se horā tentationis, quae aliquando ventura esset, illos fore servaturum. — Pauca quae hujus urbis exstant historica monumenta in eo conveniunt, *Philadelphiam* antiquo aevo celebrem fuisse urbem, quae et situs, et structurae, et morum incolarum elegantia sese commendabat. — *Eusebius* (3) mentionem facit cujusdam mulieris prophetissae, nomine *Ammias*, quam *Philadelphiae* civibus adscribit. Idem Pater eccles. (4) eleganter martyris mortem *Polycarpi* narrans, magnum duodecim numerum Philadelphensorum ad Smyrnam martyrio esse coronatum affirmat.

Brevi ecclesia ibi condita, ad illum amplitudinis et famae gradum pervenit, ut mox omnes

(1) *Herderus* l. l. p. 31. Cf. *Langius*, p. 132. ad vs. 2.

(2) *Geogr.* XIV. p. 432.

(3) *Lib.* V. c. 17.

(4) *Lib.* IV. c. 15.

nes Asiae ecclesias superemineret, et episcopalis auctoritas ei tribueretur, quam tam illabam servavit, ut diu, postquam ceterae radicitus fere essent deletae, ἀκμῇ sua gauderet. Hodieque adhuc dum haec nobilissima exstat urbs, *Alak Shahr*, i. e. *pulchra urbs* a Turcis dicta, contra quos insignia ejus cives dederunt documenta virtutis et fortitudinis, cum hi totam Asiam minorem domare conarentur. Templorum rudera ac magnificorum aedificiorum quae etiamnum ibi inveniuntur, priscam ejus elegantiam et cultum testantur (1). Christiani habent templa, quibus cultum exerceant, eorumque numerus circiter mille attingit (2). Quisnam hujus ecclesiae conditor ac primus episcopus fuerit, non constat: verisimile vero est, Philadelphenos circa tempestatem, qua Paulus Asiam peragraret, fidem ac nomen Christo dedisse.

*Periodistarum sententia.*

Periodistae, uti et de ceteris epistolis, in definiendis ecclesiae universae aetatibus, inter se dissentiunt, singulis fere aliam aliamque sententiam foventibus, ita et quod ad hanc attinet ecclesiam. Sufficiat *Vitringae* mentem exponere, qui in illa faciem contemplatur ecclesiae quae sub saec. XVI. initio reformari coepit, quo tempore (ex ejus scil. sententia) magna τῶν ἀδελφῶν φιλία cernebatur inter Protestantes, quum Romano-Catholicorum superstitionem rejicerent. Sed, uti vidimus, *Philadelphia* suum jam nomen gessit, quo tempore doctrina Evangelii per Asiam minorem spargeretur; neque reformatio tanta caritate et fraterno consensu inter reformatores, neque ipsos inter reformatos constituta est, ut deserto nomine haec aetas digna sit, quo adumbraretur: tristissimae enim mox ortae sunt hietes, non sine ira agitatae, diu continuatae, neque hodie sopitae.

*Epistolae expositio.*

Vs. 7. Καὶ τῷ ἄγγέλῳ τῆς ἐν Φιλαδελφείᾳ ἐκκλησίας γράψον· τὰδε λέγει ὁ ἅγιος, ὁ ἀληθινός, ὁ ἔχων τὴν κλεῖν τοῦ Δαβὶδ· ὁ ἀνοίγων καὶ οὐδεὶς κλείει, καὶ κλείει καὶ οὐδεὶς ἀνοίγει.

*Et angelo ecclesiae quae Philadelphiae est, scribe: Haec dicit sanctus, verax, qui habet clavem Davidis; qui aperit et nemo claudit, et claudit et nemo aperit.*

Pro Δαβὶδ nonnulli, in quibus *Michaëlis* (3), legere malunt ἔδου, quod e Cap. I. vs. 18. in hunc locum transferendum putant. Alii, in quibus *Trillerus* (4), conjecerunt τωφίδ, vel νεφίδ, quod *orcum* notat, atque ob soni similitudinem cum Δαβὶδ commutatum sit a librario. Opportune vero *Matthaeus* observat, hanc inauditam et novam dicendi formulam κλεῖς τοῦ Δαβὶδ scribas turbasse, ut idcirco usitatus e-

10-

(1) *Smith*, Notit. Eccl. As. p. 32.

(2) *Berigten van het Nederl. Gen.* 1816, No. 7. p. 98.

(3) *Nieuwe Overzetting van het N. T.* ad h. l.

(4) *Heinrichs*, edit. Koppian. ad h. l.



locis similibus arriperent; praeterea *κλεις τοῦ θ̄ου* ante seculum V non habebatur, itaque non satis firmo nititur fundamento.

*καὶ τῷ ἀγγέλῳ κ. τ. λ.* Vid. Cap. II. vs. 1.

*τάδε λέγει ὁ ἅγιος, κ. τ. λ.* Jesus h. l. dicitur ὁ ἅγιος, quales legati divini, vel ii, qui Deo erant consecrati, nuncupantur, v. c. Apostoli, Eph. III. 5. 8. Ipsum Christum Act. III. 14. τὸν ἅγιον dicit Petrus. Marc. I. 24. ὁ ἅγιος τοῦ θεοῦ. Luc. IV. 34. idem ac Joh. VI. 69. ἅγιος τοῦ θεοῦ τοῦ ζῶντος. Additur ὁ ἀληθινός, simili modo quo Johannes C. I. 3. dixerat ὁ μάρτυς ὁ πιστός. Hae vero notiones nobis Jesum ostendunt summis virtutibus insignem: ἅγιος enim est ille, qui nullo vitio est contaminatus, nullum crimen perpetravit, et recti justique est amantissimus; ἀληθινός qui omni fide est dignus, neque fallere potest. Varium autem sensum tribuunt Interpretēs huic verbo; sunt qui *justum, aequum* notari putent; alii *veracem*, quod nobis aptissimum videtur, cum ita incolumis servetur hujus verbi usus in Apocalypsi, et rite ὁ δίκαιος *justus* distinguatur a τῷ ἀληθινῷ *veraci*, qui minas et promissa certissime exsequatur. Conf. XV. 3. XVI. 7. Hoc autem nomine sese ipse jam antea descripserat Jesus, dum in vivis adhucdum erat. Joh. XIV. 6. ἐγὼ εἰμι ἡ ὁδός, καὶ ἡ ἀληθεία, καὶ ἡ ζωή, qui locus, ne quis miretur hic esse allatum, per duplicem ἐν διαδυοῖν reddi potest *vera ad vitam via*. Conf. Joh. I. 9. Φῶς ἀληθινὸν et vs. 14. πλήρης ἀληθείας, 1 Joh. V. 20. Apoc. III. 14. Utraque notio Deo est tribuenda, quocum Jesus eadem gaudet perfectione; ita ut talis absolute cognitus esse debeat, qualis hic ipse sese prodit. — De Jehova dicitur 1 Sam. II. 2. שׁוֹתֵף et Jes. LVII. 15. שׁוֹתֵף *cujus nomen est Sanctus*. — Haec igitur Jesu perfectam indolem moralem nobis proponunt; potestatem vero ob oculos ponunt, quae mox sequuntur.

ὁ ἔχων τὴν κλεῖν κ. τ. λ. Haec dictio desumpta esse videtur e Jesaia XXII. 12. ubi tota legitur. Ab Alexandrinis ita exhibita: καὶ δώσω αὐτῷ τὴν κλεῖδα οἴκου Δαυὶδ ἐπὶ τῷ ὄμφαυτοῦ καὶ ἀνοίξει καὶ οὐκ ἔσται ὁ ἀποκλείων, καὶ κλείσει, καὶ οὐκ ἔσται ὁ ἀνοίγων. — Etiam, regis Hiskiae filius et Aulicus, 2 Reg. XVIII. 18. clauem domus Davidis habuisse fertur, i. e. palatii ejus, in quo Hiskias habitabat. Hic igitur potestatem habebat illius aperiendi claudendique; quae metaph. h. l. ἡ κλεῖς dicitur, ita ut Jesus, qui eadem imagine hic proponitur, alios admittere, arcere alios posset, cui scilicet competit imperium beandi quoscumque velit. Nemo autem praeter Jesum talem habebit potestatem, quia nullus erit, qui aperiat, cum Jesus clauserit, nullusque qui claudat cum ille aperuerit. — Ejusmodi autem quis apud Constantinopolitanos appellatur *κουροπαλάτης*; apud Francos *Majordamus* (1). *Storrius* (2) putat non clauem palatii, sed ipsius *Davidis*, esse intelligendam, ut eo melius regia potestas, qualem Davides, non qualem *aulicus minister*, haberit, agnosceretur; sed nimis ingenio indulsisse vir celeberrimus mihi videtur. — Hic  
igi-

(1) Vid. *Weisseln* ad h. l.

(2) In *Comment. Theol.* Vol. IV. p. 450.

igitur formulā, e V. C. desumptā, ubi nulla mentio fit τοῦ ᾧου et θανάτου, lectio, quam retinimus, probatur.

κλειν, pro quo alii κλειδα, insofita videtur declinatio; atque haec lectio a *Westenio*, *Milio*, aliis haud probatur. Locutio vero, quae h. l. usurpatur, plane est ex Hebraeorum more, qui prolongatas dicendi formulas amant, δ' ἀνοίγων καὶ οὐδεὶς κλείει, pro quo Graecorum Classici scripsissent: οὐ ἀνοίγοντος οὐδεὶς κλείει.

Vs. 8. Οἶδα σοῦ τὰ ἔργα· ἰδοὺ δέδωκα ἐνώπιον σοῦ θύραν ἀνεωγμένην, ἣν οὐδεὶς δύναται κλείσαι αὐτήν, ὅτι μικρὰν ἔχεις δύναμιν, καὶ ἐτήρησας μοῦ τὸν λόγον, καὶ οὐκ ἠρνήσω τὸ ὄνομα μοῦ. *Novi tua opera; ecce dedi coram te januam apertam, quam nemo claudere potest; licet parvam habeas potestatem, tamen servasti meum verbum, et non abnegasti meum nomen.*

οἶδα σοῦ τὰ ἔργα κ. τ. λ. Cap. II. 2. 10.

Pro ἥ, quod Cod. Alex. aliique probarunt, habent nonnulli καὶ, ubi Codd. alii Hebraïsmum sustulerunt ex specie superflui (1).

ἐνώπιον σοῦ est simpliciter pro σοῖ, more Hebraeorum. Conf. quae diximus ad C. II. 14. Luc. XXV. 11. ἐνώπιον αὐτῶν. Act. VI. 5. ἐνώπιον παντὸς τοῦ πλήθους.

θύραν ἀνεωγμένην. Eadem, quae incepit, pergit allegoria; antea de *clayi*, qua homo utitur ad januam aperiendam, mox de ipsa *janua aperta* loquitur auctor. Plurimi, inter quos *Eichhornius* (2) et *Wirtgen*, hanc formulam accipiunt tamquam emblemata *opportunitatis* vel *occasionis* qua Evangelium offertur, haud malo cum successu tradendum; uti illam usurpat Paulus 1 Cor. XVI. 9. θύρα γὰρ μοι ἀνέωγε μεγάλη καὶ εὐεργε. Conf. 2 Cor. II. 12. Act. XIV. 21. alibi; cui sententiae calculum adjicere non dubito. Cl. *Klunckbergius* (3) putat ad universum *Philadelphiae* coetum hic respici, quod cum nostra sententia recte conjungi potest, ut nullum civium fiat discrimen. Simpliciter vero dicere potuisset: ἀνέωγα καὶ θύραν πρὸς ἐμὲ sed, prouti locus sese habet, major conciliatur vis particulae ἐνώπιον, ut ita sit: *aperui januam in vestro conspectu, ut si modo cupiatis, intrare possitis.*

ἣν οὐδεὶς κ. τ. λ. Videntur, uti in aliis coetibus, ita *Philadelphiae* quoque aliqui fuisse malevoli, qui Christianos ut ab Evangelii doctrina deficerent sollicitarent; imprimis Judaei, qui vs. 9. memorantur, atque maximopere in id incumbabant, ut Christiana religio everteretur. Quid vero valeret, cum Jesus habeat clavem, nullusque praeter eum aperire aut claudere possit januam? Hoc loco ἥν — αὐτήν similis occurrit Hebraïsmus, qui supra Cap. II. 7. δ νικῶν, — αὐτῇ.

ὅτι μικρὰν ἔχεις. Presumque ὅτι significat *quia*; sed alia prorsus ratione haec particula hic apud Johannem occurrit. In Evangelio saepe eam usurpat, cum alicujus verba in narratione adducit, v. c. IV. 17. καλῶς εἶπας ὅτι ἄνθρωπος οὐκ ἔχω. IV. 42. 51. 52. 53. VI. 14. alibi. Hoc vulgare est: nostro autem loco ad usum Hebraeorum ὅτι majorem vim habere videtur, notans *etiamsi*, *sicet*, *quomvis*, uti Gen. VIII. 21. Exod. XIII. 17. alibi (4). Eadem significatione

exhi-

(1) Vid. *Milnius* Prolegom. § 111. p. 111.

(2) l. l. p. 133.

(3) l. l. p. 149.

(4) Conf. *Simonis* Lexicon Hebr. ed. alt. p. 454.

exhibetur ab auctore in Evangelio VIII. 45: *ὅτι τὴν ἀληθείαν λέγω, quamquam verum loquor.* Joh. III. 19. (1). Alii tanquam causam et rationem haec verba accipiunt (2). Verum nova periodus h. l. incipere mihi videtur, ita ut sensus huc redeat: *Licet parvam habeas potestatem, tamen* (καὶ eodem sensu accipiendum quo Cap. II. 21.) *meum verbum non abnegasti.* — Ἐτήρησας τὴν λόγον μου. Vid. Cap. II. 26. Respicitur h. l. ad ipsam conditionem, in qua ecclesia Philadelphena tunc temporis versabatur; atque haec dicuntur *vel* propter parvum, qui adhucdum habebatur, numerum eorum, qui fidem amplexi fuerant; *vel* pauperiē et inferioris status causa, in quo versabantur, atque prohibebantur, quominus magnam in alios vim haberent; *vel* quod non tam accurate edocti erant, ut omnibus, quae doctrina praeberet, armis sese defendere possent. — Postrema vero sententiā fundamento, ni fallor, haud firmo nititur. Conferri tamen mereatur quae dicit Paulus 1 Cor. I. 26. βλέπετε γὰρ τὴν κλήσιν ὑμῶν, ἀδελφοί, ὅτι οὐ πολλοὶ σοφοὶ κατὰ σάρκα, οὐ πολλοὶ δυνατοί, οὐ πολλοὶ εὐγενεῖς.

καὶ οὐκ ἠρνήσω. Conf. quae diximus Cap. II. 13. Hujus autem agendī rationis, fideliterque adhaerendi doctrinae magnifica ac splendida dederant documenta illi duodecim, de quibus supra diximus, qui martyrii coronas consecuti sunt. Ceterum duabus illis dictionibus: Ἐτήρησας et ἠρνήσω αὐτόν, idem exprimitur; id vero factum, quo magis laudaretur et praedicaretur Philadelphenorum constantia; vel simpliciter fervori tribuendum est, quo auctor ductus esse videtur, ut non magnopere elegantia ordinis regulas curaret.

Vs. 9. Ἴδοὺ, δίδωμι ἐκ τῆς συναγωγῆς τοῦ Σατανᾶ τῶν λεγόντων ἑαυτοὺς Ἰουδαίους εἶναι, καὶ οὐκ εἶναι, ἀλλὰ ψεύδονται ἰδοὺ, ποιήσω αὐτοὺς, ὥστε ἤξουσιν, καὶ προσκυνήσουσιν ἑμὸν πῖον τῶν ποδῶν σου, καὶ γνώσιν ὅτι ἐγὼ ἠγαπήσα σε.

*Ecce dabo e Synagoga Satanac (nonnulli) eorum, qui dicunt se esse Judaeos, et non sunt, sed mentiuntur; ecce faciam eos, ut veniant et adorent coram pedibus tuis et sciānt me te amasse.*

Pro ἐκ τῆς συναγωγῆς, Cod. Arm. habet σοὶ τὴν συναγωγάν. Vulg. MS. addit σοὶ. Vid. Griesbachius. Ad sequens ἰδοὺ addit idem Cod. Arm. καὶ. Nonnulli pro ἤξουσιν, προσκυνήσουσιν et γνώσιν exhibent ἤξουσιν, προσκυνήσουσιν et γνώσονται, quod ob praecedens ἵνα non probandum.

Praesens δίδωμι scriptum pro futuro, et vim habet τὰν ποδῶν, in quo Hebraeos imitatur auctor, qui ita suum יְהוָה usurpant. Conf. Deut. VI. 22. ubi Jehova signa et prodigia in Aegypto dedisse dicitur magna et multa עָשָׂה לְיִשְׂרָאֵל בְּיָדָאֵם בְּמִצְרָיִם וְעַתָּה יֵשְׁבִין בְּאֶרֶץ מִצְרָיִם. — De hac autem phrasi ἐκ τῆς συναγωγῆς κ. τ. λ. vid. dicta ad Cap. II. vs. 9. Subintelligendum vocibus τῶν λεγόντων verbum πινέει.

ποτὶ

(1) Vid. *Schleusner* 190. et. hac voce. Cf. *Glossus*, Philol. sacrae p. 539. seqq.

(2) Conf. *Eichhornius* et *Klinkenbergius* ad h. l.

ποιήσω αὐτοὺς κ. τ. λ. Ποιήσω repetitio esse videtur praecedentis διδωμι. Notatur veto hoc versu, nonnullos e Judaeis fore venturos, qui avitam religionem cum Christiana doctrina conjungerent, et in Philadelphenorum conspectu (ἐνώπιον τῶν ποδῶν σου) προσκυνήσουσιν, scil. Χριστῷ, (dativum enim poscit. Conf. Joh. IV. 23. προσκ. τῷ πατρί) i. e. adorarent et venerarentur Christum, doctrinam ejus magna cum veneratione multoties studio amplectentes. — Veteres vero Graeci hoc verbum cum accusativo conjungere solebant, uti patet ex *Herodoto* (1) προσκίπτων προσκυνέει τὸν ἕτερον, *prostratus adoratur alterum*. Sed cum Hebraei verbo קִינְיָוּהוּ, quod Graecorum προσκυνεῖν respondet, particulam ל, indicem dativi addere soleant, scriptores N. T. ideo verbo προσκυνεῖν eundem tribuerunt sensum, cum praeterea LXX Interpretes iis praeirent. Conf. Matth. XIV. 33. XV. 15. Apoc. XIX. 20. Sed nonnunquam idem verbum προσκυνεῖν in N. T. construitur cum particula ἐνώπιον vel ἔμπροσθεν. Luc. IV. 7. Apoc. XV. 4. XXII. 8. ubi pro ἐνώπιον est ἔμπροσθεν. Hebraei enim verbo קִינְיָוּהוּ addunt particulam וְעַל id est ἐνώπιον. Gen. XXIII. 12. וַיִּקְרָא אֶת אֲבְרָהָם וַיִּשָּׁתְחוּ אֵת אֲבְרָהָם. Tum Abrahamus salutaris corpore inclinatus, veneratus est, incolae regionis, Chevitas (2).

Hoc autem verbo προσκυνεῖν olim accessio ad sacra notabatur: h. i. actio indicatur alicujus, qui se minorem sentiat illo, ad cujus pedes sese prosternit; desumpta est dictio e Jes. LX. 14. ubi de Judaeis adhibetur qui humi prostrati adoraturi sunt (3). Idem fere est quod προσκίπτειν, cujus usus occurrit Act. XVI. 29. ubi ὁ δεσμοφύλαξ vs. 27. προσέπεσε τῷ Παύλῳ καὶ κατὰ τῷ Σίλῳ. — Hoc autem facerent Judaei, sed simul agnoscerent, (γνώσκον vid. Cap. II. 23.) Jesum Philadelphenos dilexisse. Joh. XXI. 15.: σὺ οἶδας ὅτι φιλῶ σέ· cui respondet ἀγαπᾶω, h. e. singulari amore, prae aliis, qui me sectantur. — Ob historiae silentium indicare haud possumus, ubi et quando haec promissio expleta sit (4).

V. 10. Ὅτι ἐτήρησας τὸν λόγον τῆς ὑπομοχθῆς μου, κἀγὼ σὲ τηρήσω ἐκ τῆς ὕλης τοῦ πειρασμοῦ, τῆς μελλούσης ἔρχεσθαι ἐπὶ τῆς οἰκουμένης ὅλης, πειράσαι τοὺς κατοικοῦντας ἐπ' αὐτῆς γῆς.

Quia servasti verbum patientiae meae, ego etiam te servabo ex hora tentationis, quae veniet in totum orbem ad tentandos eos, qui terram incolunt.

Pro δὲ Cod. Alex. habet καὶ· pro τηρήσω unum MS. exhibet ἐξήγαγον, nimirum alicui Librario tribuendum, qui aliam forte sententiam de hac promissione fovebat; ad πειράσαι alibi additur πάντας.

Class.

(1) Vid. Hist. Lib. I. 134. Plurima interim afferri possunt exempla, quibus cum dativo construitur: *Plutarch.* in Camillo pag. mea 145. προσκυνήσας τῷ Θεῷ. *Aelianus* V. H. I. 21. βυδὼ λαί προσκύνουσιν.

(2) Cf. omnino *Leusden* l. l. p. 125.

(3) *Eichhornius* ad h. l. p. 135.

(4) Conf. *Klinkenb.* ad h. l. p. 152.

Classici scriptores, ni fallor, haud usi fuissent praepositione *ἐκ*, sed scriplassent, *ἐκ* τῇ ὁρᾷ, quandoquidem *τηρεῖν* aliquam moram notat.

τῆς μελλούσης ἔρχεσθαι; ita saepe apud Classicos pro simplici *ἡ ταχὺ ἐλεύσεται*.

*πειράσαι* scil. ὥστε. Similis fere locutio occurrit a Petr. II. 9. *ἐκ πειρασμοῦ ῥύεσθαι*, ubi de Lotho vs. 7. agitur. *ῥύεσθαι* vero motum quemdam notat; idcirco adhibetur *ἐκ*. Elegans nostro loco est *ἀντανάκλασις*, qua idem verbum repetitur, mutata nonnihil significatione, quam *Βεσα* in versione neglexit, *Piscator* vero expressit (1). Ὅτι ἐτήρησας — ἐγὼ τηρήσω. Per *μετονούμιαν* h. l. adhibetur verbum *πειράσμος*, notans *calamitas*, quia *εμπνίνο afflictio est tentatio*. — Vox ipsa, hac significatione gaudens, respondet Hebraeorum *פָּדַם* pro *פָּדַם* Deut. IV. 34. VII. 10. Ceterum cf. Luc. VIII. 13. *ἐν καιρῷ πειρασμοῦ*. XXII. 18. Act. XX. 19. 1 Cor. X. 13. Gal. IV. 14. alibi.

Hoc loco tautologia mihi observanda videtur, cujus usu imprimis Evangelii scriptores, maxime Marcus et Joannes, delectantur, in quorum scriptis, tanquam stili quidam *χαρακτήρ*, occurrit. Innuimus verba: *τῆς μελλούσης ἔρχεσθαι ἐπὶ τῆς οἰκουμένης ὅλης, πειράσαι τοὺς κατοικοῦντας ἐπὶ τῆς γῆς*. Cf. Joh. I. 8, 20. XIII. 34. Apoc. XII. 7, 9. Tales dictiones, quas *Quintilianus* ipse laudat, elegantissima sunt documenta ingenii orientalis, quae *Pindarus* et *Klopstockius*, qui poëtae in lyrica poesi summum attigerunt culmen, magni faciunt (2).

*λόγος τῆς ὑπομονῆς μου*, est *praeceptum meae patientiae*, quod rite tenuerant Philadelpheni: doctrina enim Christi praecipue etiam τὴν ὑπομονὴν injungit, et quidem talem, quam ipse praestitit. Ita enim explicat *Heinrichs* (3) *ἡμῶν*, licet *Donker Curtius* (4) non dubitet, cum *Piscatore* referre ad τὸν λόγον. — Proprius est Johanni usus verbi *λόγος*, unde variae apud eum occurrunt hujus vocis significationes. H. l. *praeceptum*, *mandatum* indicat; prouti Evang. VII. 55. *καὶ τὸν λόγον αὐτοῦ τηρήσω*, X. 35. *πρὸς αὐτὸς ὁ λόγος τοῦ Θεοῦ ἐγένετο*.

Ita laudantur Philadelpheni, quod fideli et constanti animo versati fuissent inter malevolorum afflictiones, qui omnibus modis illud efficere nitebantur, ut Philadelpheni a doctrina Christiana deficerent.

In disquisitione de promissionum, quae exhibentur, vero atque unico sensu, nulla epistola tantas objicit difficultates, quam ea, in cujus expositione nunc versamur. Quot enim capita, tot sensus! Nam quicumque hanc epistolam interpretandi periculum fecerunt, aliam atque aliam fere de ejus promissione protulerunt sententiam (5).

Gro-

(1) Cf. *Glossius* l. 1. T. I. p. 1342 seqq. ubi plura hujus generis exempla ex Joh. Evang. afferuntur II. 23, 24. IV. 31, 32. Coll. 34. VI. 28, 29.

(2) Vid. Cl. W. A. v. Hengel, Verh. over d. invloed v. d. bijz. Karskt. in op. Loc. Teyler. T. XXVII. p. 22.

(3) L. I. p. 168.

(4) L. I. p. 122.

(5) Vid. imprimis Cl. *Klinkenberg*, qui earum plurimas recenset. l. 1. p. 154 seqq.

*Crotius*, persuasum sibi habens, Apocalypsin ante Neronis tempora esse conscriptam, ἄρα τοῦ πειρασμοῦ accipit de persecutione, quam hioce Imperator, crudelis Christianorum inimicus, in eos instituit. — Alii (1) vero eam, vel ad quodvis instans calamitatis et persecutionis tempus indefinite, vel ad Trajani validam et universalem persecutionem esse referendam opinantur. *Eusebius* autem disertis verbis narrat (2), Plinium Secundum, animo commotum multitudine eorum, qui fidei causa obtruncabantur, a principe Trajano impetrasse, ut lenius illi tractarentur, cum nihil agerent, quo leges violarent, nisi quod ἅμα τῇ ἐν διαχειρομένῳ τῶν Χριστῶν Θεοῦ δίκῃ caperent. Quibus Trajanus aures praebeuit atque edixit: „*Christianorum gentem non diutius esse disquirendam; sed eam tunc puniendam, cum sponte in manus caderet* (3).” Itaque universalis illa Trajani persecutio minime intelligenda videtur, uti *Marchius* putat. *Vitrings* l. l. in genere omnes intelligit persecutiones, quae inde a Domitiano, usque ad pacem, ecclesiae a Constantino M. procuratam, fuerunt in Christianos motae. Sed de certa quadam calamitate sermonem esse ex epistola manifestum fit. Aliis Aureliani persecutio in mentem venit, sed, quominus hic Imperator eam institueret, mors eum impedivit (4). Infelix nobis videtur conjectura, quam alii (5) protulerunt, ad tempora Muhamedis respicientes, quibus tota fere Asia ejus imperio erat subjecta, quibusque Philadelphia per multa secula magna virtute Turcis sese opposuit, ac una in paucis seculo demum XIV. capta est; sed non nisi conditionibus lenissimis, quales cum ceteris Turcae non inierant; ita quidem ut templa haud everterentur, et incolis libertas concederetur religionem exercendi. At vero, licet haec ita sese habuerint, haec expugnatio magnum incolarum Philadelphiae eripuerat numerum, nec non praecipua urbis pars, durante obsidione, erat deleta, ut vix servati in ea tentatione dici possint Philadelpheni. Praeterea non procul ab urbe viatoribus sese murus offert, cujus magnitudo ad 1800 pedes effertur, quique exstructus est ex ossibus eorum, qui urbem Christianae religionis causa tam acriter defenderant (6). Alii (7) denique ob oculos habuerunt vehementes illos terrae motus, morbos epidemicos similesque calamitates, quibus paulo post haec regiones vexatae sunt.

Si autem juveni, literarum campum vix ingresso, liceat, sententiam a summorum illorum Interpretum mente diversam, proferre, equidem putem per τὴν οἰκουμένην ὅλην totum terrarum orbem intelligi, non vero Romanum imperium, qua tunc temporis patebat; quod plurimi volunt. Usus enim horum verborum, in libro Apocalypseos, talem interpretationem non admittit. Cf. XII. 9. ὁ Σατανᾶς ὁ πλανῶν τὴν οἰκουμένην ὅλην. et XVI. 14. αἱ ἐκ-

πρ.

(1) In quibus *Marchius*, l. l. p. 137.

(2) l. l. III. 38.

(3) Cf. omnino *Plinius*, Ep. LX: Ep. 97, 98.

(4) Vid. *Eusebius*, VII. 39.

(5) Inter quos recenseri potest Vener. *de Haas*, l. l. p. 217.

(6) Quod nobis refert Vener. *Wildschut*, l. l. p. 237.

(7) In quibus nostrates: Cl. *Klinkenberg*, Vener. *v. d. Broek*, p. 289. et *Wildschut*, p. 285.

πορεύεται ἐπὶ τοὺς βασιλεῖς τῆς οἰκουμένης ὅλης. Ita etiam οἱ κατοικοῦντες ἐπὶ τῆς γῆς ἡμεῖς  
sunt incolae terrae universae, prouti VI. 10. ἀπὸ τῶν κατοικοῦντων ἐπὶ τῆς γῆς, quos  
judicabit Christus. Cf. VIII. 13. οὐαὶ οὐαὶ οὐαὶ τοῖς κατοικοῦσιν ἐπὶ τῆς γῆς. XI. 10.  
XIII. 8, 12 τοὺς κατοικοῦντας ἐν αὐτῇ, 14. XIV. 6. XVII. 2. οἱ κατοικοῦντες τὴν γῆν,  
coll. vs. 8. Neque etiam calculum adjiciendum puto *Eichhornii* aliorumque sententiae, qui  
putant κατοικοῦντας ἑ. τ. γ. in omnibus hisce locis J. Christi esse adversarios; videan-  
tur modo XII. 12. et XIV. 6. Contra, Jesu Christi adversarii sunt illi, ὧν οὐ γέγραπται  
τὰ ὀνόματα ἐπὶ τῷ βιβλίῳ τῆς ζωῆς. Cf. XIII. 8. XVII. 8. Vulgarem itaque verborum  
significationem retinere velim. — Communis vero tentatio a Servatore praedicta, intelligi  
potest ex aliis Jesu dictis, quae in Apocalypsi et alibi exhibentur. Dum in vivis adhuc  
esset, vaticinationem praeclaram edidit, Matth. XXIV. Luc. XXI. 35, 36, respicien-  
tem ad fraudes, quibus usuri erant falsi doctores, et ad aerumnas horribiles, quae gen-  
tes omnes erant pressurae; interea plurimos praedicit esse defecturos a vera religione;  
electos autem, qui Jesu constanter adhaerent, se e pereundi periculo esse erepturum.  
Ad haec conferenda sunt, quae in Apocalypsi de figuratis illis aerumnis, ac liberatione  
fidelium, a Jesu instituenda, dicuntur C. VI, VII. 1—8. et quae de Diabolo leguntur  
II. 10. XII. 9. ut ita etiam noster locus optime explicetur. — In memoriam igitur suis  
amicis revocat Christus instare ὄραν πειρασμοῦ, qua plurimi a virtute essent deflexuri; sed  
tutelam simul suam iis promittit, quae illos ex ea ipse sit erepturus. Hoc a Patre precatus  
fuerat Joh. XVII. 15. ut patres, quos suos dicit, ἐκ τοῦ πονηροῦ servarentur; Idem nostro  
loco iis promittit se facturum. Cf. Joh. X. 27, 28. — Huic tutelae, inquit celeberrimus  
quidam interpretes (1), amoris inest documentum, quo Philadelphenos prosequeretur  
dominus, cujusque ad persuadendum vis tanta esset futura, ut vel hostes Judaei eum ve-  
nerabunde agnoscere deberent. Cf. vs. 9.

Vs. 11. Ἐρχομαι ταχύ· κράτει ὃ ἔχεις, ἵνα μηδεὶς λαβῇ τὸν στέφανον σου.

*Venio cito, serena quod habes, ne quis tibi coronam auferat.*

In nonnullis praemittitur huic vs. vocabulum ἰδοὺ, quod, monente *Millio*, Proleg.  
§. 1111. irrepsit; in plurimis praeterea, iisque optimis MSS., non legitur; Parisinus  
et Alex. alique omittunt; rejicitur item a *Griesbachio*.

Ἐρχομαι ταχύ. Vid. C. II. 5.

κράτει ὃ ἔχεις. Significat idem quod πλὴν ὃ ἔχετε, κρατήσατε. Vid. Cap. II. 25. Hoc  
consilium verbis suis adjungit, ut eo certiores essent de Domini adventu; qui ὄρνει, i. e.  
inopinato, adforet, et simul animus iis adderetur contra malevolos et fraudulentos.

ἵνα μηδεὶς λαβῇ τὸν στέφανον σου.

λαμβάνειν h. h. est *auferre*, *eripere* (2). Matth. V. 40. καὶ τὸν χιτῶνα σου λαβεῖν.  
XV. 26. οὐκ ἐστὶ καλὸν λαβεῖν τὸν ἔρπον τῶν τέκνων. 2 Cor. XII. 20. εἰ τις λαμβάνει.

He-

(1) Vener. van *Floten* ad h. l.

(2) Cf. *Xenophon*, Cyrop. lib. N. 30. μὴ τις μου τὴν οὐκίαν διέρυξας καὶ τὰ χρήματα λάβει.

Hebraeorum  $\text{תפארת}$  respondet. Conf. Gen. XXVII. 36. *καὶ νῦν ἔλαβε τὴν εὐλογίαν μου, et nunc abstulit benedictionem meam.*

*μηδεις*, scil. eorum, qui mihi tibiue sunt adversantes.

*στέφανος* proprie *corona*, notat h. l. quidquid alicui honori, decori ducitur. Ita τὸ τηρεῖν τὸν λόγον τῆς ὑπομονῆς corona Philadelphenorum erat. Hanc ne perderent, deficienti a fide et veritate, instigantibus malevolis, fraudulentisque circumvenientibus, Servator monet. Saepius hac voce utuntur N. T. scriptores. Ita Pauli *χαρὰ καὶ στέφανος* erant Philippenses. Conf. Epist. IV. 1. Job. XIX. 9. *ἀφάϊλε στέφανον ἀπὸ κεφαλῆς μου.*

Est *στέφανος* τῆς ζωῆς illud decus, quod prae aliis Philadelphenorum virtus Domino placebat (1).

Vs. 12. *Ὁ νικῶν, ποιήσω αὐτὸν στύλον ἐν τῷ ναῷ τοῦ Θεοῦ μου, καὶ ἔξω οὐ μὴ ἐξέλθῃ ἐτι· καὶ γράψω ἐπ' αὐτὸν τὸ ὄνομα τοῦ Θεοῦ μου, καὶ τὸ ὄνομα τῆς πόλεως τοῦ Θεοῦ μου, τῆς καινῆς Ἱερουσαλὴμ, ἣ καταβαίνουσα ἐκ τοῦ οὐρανοῦ ἀπὸ τοῦ Θεοῦ μου, καὶ τὸ ὄνομα μου τὸ καινόν.*

*Qui vicerit, faciam illum columnam in templo Dei mei, nec foras amplius egredietur. Et inscribam ei nomen Dei mei, et nomen urbis Dei mei, novae Hierosolymae, quae descendit e caelo a Deo meo, et nomen meum novum.*

*ὁ νικῶν, ποιήσω αὐτὸν.* Est nominativus absolutus Hebraeorum, uti Ps. XVIII. 31. *יְהוָה הוֹדָה לַיהוָה* i. e. [quod attinet ad] Deum, integra [est] via ejus. Vid. Cap. II. 7. οὐ μὴ. Duo negativa, de quibus vid. quae diximus ad vs. 3.

*ἐξελεῖν* est *egredi*, h. l. vim habens τῷ ἐκβάλλεσθαι, loco moveri, secundum Syriacum *ܥܕܐ*, cui respondet in vers. Syr. Matth. VIII. 12. IX. 33. Cf. 1 Joh. II. 19. *ἐξ ἡμῶν ἐξῆλθον, ὁ nostra societate ejest sunt* (2).

*ἐτι* majorem vim, durationis scilicet, particulis οὐ μὴ addit, ut adeo sit pro *μήκετι*, nunquam. Cf. Act. XIII. 34. *μήκετι μέλλοντα ὑποστρέφειν.* Phrasis autem καὶ ἔξω οὐ μὴ ἐξελεῖν ἐπὶ columnam depingit firmam ac stabilem, ut adeo per omnes tempestates locum suum teneat, neque ex eo evelli possit.

*ἣ καταβαίνουσα.* Ad anacoluthon declinandum lectio recepta habet. *ἣ καταβαίνει* (3); scribitur vero hoc loco praesens pro futuro *ἣ καταβησομένη*, ob rei certitudinem.

Quod supra ad expositionem verborum *τῆς ἁγίας τοῦ πειρασμοῦ* dixi de difficultate, quae hu-

(1) Cf. *v. d. Broek*, p. 260. *Wildschut*, p. 238. *Heinrichs* l. l. 168. Non possum non laudare *Herderi* elegantiam, h. l. dicentis: *Wenn alles in der Versuchungsstunde wanken wird, soll er (der treue Haushalter) nicht wanken, er soll seine Krone festhalten bis ans Ende.* — Neque hodiernis poetis et oratoribus displicet elegans comparatio summam vitae terrestres felicitatem inter et coronae fulgorem. Ob oculos habeo Cl. *Borgeri*, tristissimam uxorum mortem lugentis, elegiam: *Aan een Rijn, in de Lente van 1820. Den slag, die mij ten tweeden male De kroon deed vallen van het hoofd.*

(2) Cf. *Schleusner*. Lex. h. v.

(3) Cf. *Heinrichs* ad h. l.



hujus epistolae sensui inest, denuo mihi faciendum est in hac promissionis parte, praebere ac Vincenti Christiano datae. Quotquot enim vires in hisce periclitati sunt, aliam atque aliam elicerunt sententiam. Sunt, qui tropum *παλαιὰν ἀπὸν πύλλον κ. τ. λ.* dictionem putent ex 1 Reg. VII. 15, 21. 2 Chron. III. 15, 17. ac respici velint ad duas illas columnas, quae erant in fronte templi Salomonis, et ob firmitatem suam *Jachin* et *Boas* vocabantur (1). Alii, qui alludi opinentur ad Eliacimum, regis ministrum, cui, ut diximus, claves palatii erant traditae, quique Jes. XXII. 17—23. clavo comparatur, firmo loco infixio, ut in eo suspenderentur omnia proavorum ornamenta ac insignia, eoque symbolo igitur indicaretur, eum imperio fore decori Augusto (2). Verum nostro loco non legimus de clavo infixio, prouti apud Jes. XXII. 23. *כַּדְּמָן בְּחֶמֶן* — Nonnulli, qui ad crebros terrae motus, quibus conquassari solebat Philadelphenorum urbs, respici autumant, nimium profecto arguantur (3).

Alii porro, qui faciunt cum *Richhercio*, rem ita explicant, quasi cogitandum esset de administris, qui, regis amici, ad interioris admissionis consilia adhibentur, et ita columnae dici possunt, quibus regni securitas et tranquillitas fulcitur. Apocalypseos auctorem prorsus imbutum fuisse antiquorum vatum dictionibus jam saepe observavimus; hunc autem locum ex iis explicandum esse non crederemus. Prouti enim tropus *τῆς ψῆφου λευκῆς* Cap. II. 17. e Graecorum Romanorumque more explicamus, eodem modo h. l. nobis agendum videtur. Scilicet, apud hos more erat receptum, ut in vicorum honorem columnae sive statucae erigerentur, quae vel in foro ponebantur, cuius rei testis nobis est nobilissima illa Trajani columna; vel in templis, v. c. Romae in aede Jovis Capitolini, quae Scipionis Africani, Iulii Caesaris, aliorumque columnas continebat. Remoto igitur tropo, promittitur piis Philadelphenis, eos olim locum singularem, sedem criminis, eamque perperam, esse consecuturos (*παλιν* pro *ἀδυνα* vid. va. 9.) *ἐν τῇ αὐτῇ τοῦ θεοῦ μου. ἰ. e. ἐν οὐρανῷ*, societate beatorum animorum coelesti (4).

Sed praeterea (si modo juveni liceat cum magnorum virorum dictis suas etiam conferre opiniones) quum Apocalypseos Auctor aurea Romanorum aetate viveret, horumque nominibus extenderetur victoria, quas hic illic terrarum reportaverant, inque principum honorem eo tempore, uti et paulo post, et diu ante, tales erigerentur columnae, quid mirum, Auctori nostro, magnificas ideas de perpetua felicitate coelesti animo volventi, hanc consuetudinem ob oculos fuisse, eumque plus minusve hac cogitatione imbutum ad illam respexisse?

*καὶ γὰρ ψω κ. τ. λ.* Haec inscriptio non in fronte victoris haberetur, sed *ἐπὶ τὸν οὐρανόν*.

(1) Grotius l. l. p. 374. Witrings l. l. p. 141. Marchus, p. 140.

(2) Rosenmüllerus in Schoffis, ad h. l.

(3) Heinrichs l. l. p. 169.

(4) Klinkenberg l. l. p. 149. Vener. Wildschut, p. 239, et Middelveld, Boekz. Nov. 1823. Oct. p. 469. licet aliam etiam addat sententiam.

λον, uti *Arethas* recte interpretari mihi videtur, perspicuitatis causa addens: ἐπὶ τὸν νόητον στύλον (1). Notum enim est columnis, in aliorum honorem exstructis, nomina victorum eorumque res gestas inscribi aliisque plura, quae iis laudi ducuntur. Itaque allegoriae filum producens Auctor dicit, τῷ στύλῳ inscriptum fore triplex nomen. Primum foret nomen Dei ipsius, τὸ ὄνομα τοῦ Θεοῦ μου. In veterum Romanorum columnis literae D. O. M. insculpebantur, quae significarent, victoriam, auxiliante Deo Optimo Maximo, esse reportatam; Philadelphenis autem indicium esset, suae constantiae atque pecuniaris felicitatis, qua gauderent, soli Deo gratias esse referentibus. Cf. VII. 9 — 12. — Secunda inscriptio foret τὸ ὄνομα τῆς πόλεως τοῦ Θεοῦ μου, τῆς καινῆς κ. τ. λ. quo emblemate Philadelphenus pius et fidelis tanquam civis urbis coelestis cognosceretur; ἡ πόλις τοῦ Θεοῦ enim symbolice est coelum, ubi Deus singulari modo adest. Cf. Hebr. XII. 22. πόλις Θεοῦ ζώντος. Dicitur haec urbs ἡ καινὴ Ἱερουσαλὴμ, quo nomine symbolico propter ejus praestantiam ac magnificentiam saepius coelum appellatur. Hebr. XII. 22. Ἀποκ. XXI. 2. alibi. Etiam cum Johannes victoriam Christianismi de Judaeorum et Gentilium cultu sensibus exponere vellet, cum ipse Judaeus esset, et ideo facile rebus externis moveretur, secundum Judaeorum morem, Hierosolymanam terrestrem proposuit Mosaei cultus imaginem exhibentem; Romam vero symbolum extrinsec religionis fecit. Quam vero Hierosolyman, Judaeorum metropolis, sedes esset omnium, quae pulchritudine, venustate, elegantia hominum animos captaret, coelum meliori nomine notari non poterat, quam Hierosolymanae coelestis; simul esse ad Judaeorum accommodandas opinionones populares, quibus coelum sibi effigere solebant, quae omnia contineret, quorum Hierosolyman terrestri speciem tantummodo atque nomen referebat (2). Adduntur ἡ καταβαλουσα κ. τ. λ. quae, si fallor, facile intelligi possunt, si modo conferantur quae Cap. XXI. 2. legimus, ubi Johannes dicit, se vidisse urbem sanctam, Hierosolyman novam, e Coelo descendentem a Deo. Plurimi Interpretes nomen illius urbis dicunt ΠΕΤΡΟ ΠΟΛΙΣ, i. e. *Jehova'stadt*. Ezech. XLVIII. 35. — Tertia inscriptio, praedante *Gratia*, nomen foret ipsius Jesu, καινόν, quale ipse habiturus est; *titulus praeclarus*, quo Christus dicitur βασιλεὺς βασιλῶν, καὶ κύριος κυρίων. Cf. XIX. 16. Nihil dicta ad Cap. II. 17.

Tota vero promissio, quae hac sectione continetur, praee omnibus magnifica et sublimis, symbolico sensu remoto, notat: *Ille, qui constantiter perdurat, ubique in coelo singulari fuerit felicitate sempiterna, quam Dei gratia, meritisque Messiae acceptam ferat* (3).

Vs. 19. Ὁ ἔχων ὄψ, ἀκουσάτω τὸ πνεῦμα λέγει ταῦτ; ἐπαγγελίας.

*Qui aures habet audiat, quid Spiritus dicat ecclesiis.*

Vide Cap. II. 7. 29.

(1) Hanc autem sententiam repudiat Cl. *Vitrings* l. l. p. c.

(2) Legi hic de te meretur Cl. *Blehnarius*, *Einleitung* in d. N. T., Tom. II. p. 351. 352.

(3) Cf. Cl. *Klimentberg* l. 4. p. c. Vener. *Walden*, p. 241.

## § 7.

## EPISTOLA AD LAODICEÑOS.

*Urbis ejusque Ecclesiae historia.*

*Laodicea* urbs olim erat in meridionali *Phrygia* sita, quae *Phrygia Pacatiana* vocatur, media *Philadelphiam* et *Colossas* inter. Antiquitus *Diospolis*, postea *Rhoas* dicta (1), tandem ab *Antiocho* II, *Syriae* rege, qui eam amplificavit, eximieque ornavit, in uxoris *Laodiceae* honorem, nomen accepit, quo nostro in loco prodit (2). *Ptolemæus* eam vocat *Laodiceam ad Lycum*, ad cuius fluminis ripam condita erat, ut distingueretur ab aliis, eodem nomine insignitis, imprimis ab illa quae in *Syria* ad mare mediterraneum sita fuit, ut et ab ea, quam *Stephanus* *ἱερὸν (Λαοδικεῖαν) Λύδιαν* dixit (3). — *Strabo* (4) alique scriptores memoriae prodiderunt hanc magnam fuisse urbem, cujus incolae imprimis mercaturae operam darent, quae maximam partem lana vendenda conficiebatur; ob fertilitatem enim soli multae oves in urbis vicinitate habebantur, quarum lana et subtilitate et colore longe praestabat. — Licet bello *Mithridatico* magna accepisset damna, quum ingens incolarum numerus captivus educeretur, alique haud pauci interficerentur, mox tamen caput extulit et ad pristinam rediit auctoritatem, imprimis soli fertilitate atque divitum quorundam civium liberalitate, quorum nomina *Strabo* (5) nobis servavit. Vehementibus terrae motibus, quibus illa regio quam maxime est exposita, vexata fuit tempore *Traiani* (6). Sed ipsis suorum civium divitiis, cum nullum a Romanis auxilium eis praebetur, denuo est exstructa.

Epistola, quam de septem nostris ultimam tractaturi sumus, Antistiti Ecclesiae data est, cujus nomen a scriptorum nullo nobis est relictum. Condita jam erat tempore Pauli, qui Colossenses, in Epistola, quam ad eos scripsit, jubet, ut eam etiam Laodicensis traderent, isque commendat aliam quamdam *Ἐπιστολὴν Λαοδικεῖαις* datam, Col. V. 13 — 16. — Non satis constat, quisnam Evangelii doctorum eam condiderit. Paulus, qui caeteras condidisse videtur, quas memoravimus Ecclesias, in eadem Epistola II. 1, ejus mentionem facit, dicens, Laodicens in iis esse, *οὐ γὰρ ἔρχομαι πρὸς ὑμᾶς ἐν σαρδί.* Epaphram, discipulum suum laudat, narrans magno eum fuisse studio et amore ductum erga Christianos, qui ibi habebantur, unde forsitan effici posset, hunc primum ad eos Evangelium detulisse. — Dolendum sane, ubi in caeteris nonnihil laudis ad Christianos refertur, in hac

(1) *Plinius*, l. V. c. 29.(2) Cf. *Stephanus* in libro de Urbibus ad h. v.(3) *Vitrunga*, p. 153 in nota.(4) *Geogr.* l. XII. 397. et XV. p. 663.

(5) l. XII. p. 395.

(6) Cf. *Annal.* lib. XV. c. 27.

hac Epistola ne minimum quidem obtinere, quod laudi vel approbationi lis ducatur. Contra vero perstringuntur ob neglecta Evangelii praecepta; graviter admonentur ut resipiscant; sub pulcherrimis emblematis eximia in altera vita his hac lege promittitur felicitas; solennique formula evocantur ut audiant, quid Spiritus Ecclesiae dicat. — Ex historia patet hanc epistolam prioribus saeculis haud parvam habuisse vim in Laodiceorum animos, quum socordiam illam, ob quam perstringebantur, amisisse atque amore Christi flagrasse videantur. Notum enim est, Laodiceos per tria saecula ad magnam auctoritatem increvisse, eorumque urbem ad dignitatem Episcopalem ascendisse; cum Antistes Ecclesiae singulari Metropolitani nomine insigniretur, atque principatum teneret aliarum hujus regionis urbium. Anno 361 praeterea magna ibi habitae est Synodus, qua Ecclesiastica disciplina constituebatur (1).

Hodie vero nullae ibi Ecclesiae, nullus Episcopus! Epheso candelabrum eripuit Christus; severus ac simul justus judex Laodiceos ore expuit. Theatrorum et Aquaeductuum rudera pristinae ostendunt magnificentiam; nullum vero templum vestigia conservare fidelium, qui antea eo confluerint. — Locus, ubi olim sita fuit Laodicea, a Turcis hodie occupatur, atque ab iis *Eski-Hisar* vocatur, secundum recentissimas litteras paucos incolas habens, quorum duo tantum Christianorum nomen gerebant, qui ne legere quidem aut scribere erant edocti (2).

*Periodistarum sententiae.*

De nulla tantopere haesitant, tantasque ac tot movent dubitationes viri hujus rei amantes, quam de hujus Epistolae sensu mystico. Quam alius de ea profert sententiam, rejicit alius, vel suam ei superstruit, quae mox ab alio quodam renovatur vel prorsus permutatur. *Vitringa* (3) non dubitat, quin in ea *statum Ecclesiarum Protestantium* exhibitum putet, „ qui proxime praecederet notabilia illa judicia, quibus Deus novissimo tempore „ in Ecclesiam ejusque hostes animadverteret, ad illam quidem castigandam et a vitiis, „ quae contraxerat, purgandam; hos vero delendos ac destruendos et ita Ecclesiam ad „ eum statum felicem perducendam, a Prophetis pronunciatum, cum statu ultimae illius „ afflictionis hujus Ecclesiae proxime conjungendum.”

Nominis notio, licet quam maxime detorta, secundum eos est *legislatrix populorum*, ex *λάος* et *δίκη*, quae potentiores magnam vim in populum exserunt; vel tamquam *ea*,  
quae

(1) Exstant hujus coetus canones adhucdum in Concil. T. I. f. 1495. Vid. *Bachien.* l. I. ad h. v.

(2) Cf. Berigten van het Nederlandsch-Zendeling Genootschap No. 7. 1816. p. 97.

(3) l. I. p. 161.

quae, populos ulciscitur, quia Evangelii adversarii graves Deo dabunt poenas. Quanta autem audacia haec proferantur, ipse bene perspexit celeberrimus vir, cum (1) addat: „Stephanus forte rectius; sed nos, qui in interpretationibus mysticis veram vocum significationem respicimus, id nihil curamus.”

*Epistola Expositio.*

Vs. 14. Καὶ τῷ ἀγγελῷ τῆς ἐν Λαοδικαίᾳ ἐκκλησίας γράψον· τάδε λέγει ὁ Ἄμην, ὁ μάρτυς ὁ πιστὸς καὶ ἀληθινός, ἡ ἀρχὴ τῆς κτίσεως τοῦ θεοῦ.

*Et angelo Ecclesiae, quae Laodiceae est, scribe: haec dicit Amen, testis ille fidelis et verax, princeps procreationis Dei.*

Καὶ τῷ ἀγγελῷ κ. τ. λ. Vid. Cap. II. 1.

Τάδε λέγει ὁ Ἄμην. — Ἄμην etymologice est adjectivum a verbo ἴδω, quod in Niphath notat: *firmum, certum, verum, fide dignum*. Saepissime etiam occurrit particulae vim atque locum habens, quae in initio sententiae posita et nonnunquam repetita confirmantis et jurantis notionem habet. Nostro autem loco est nominativus, simili modo, quo Latini ex adverbio saepe nomen faciunt, v. c. *clorum mane, cras illud, cras hesternum*. Itaque tituli instar est positus, quo significatur, Christum omnibus suis promissionibus satisfacere. Cf. 2 Cor. I. 20. (2).

ὁ μάρτυς ὁ πιστὸς καὶ ἀληθινός. Vid. vs. 7. Μαρτυρεῖν dicitur quicumque docet et hominibus ea tradit, quae ab alio perceperit, uti Servator ea praedicat, quae a Patre acceperat. Joh. I. 19. καὶ αὕτη ἐστὶν ἡ μαρτυρία τοῦ Ἰωάννου, III. 23. IX. 39—41. XIII. 8. XV. 6.

ἡ ἀρχὴ τῆς κτίσεως τοῦ θεοῦ. — Ἀρχὴ est princeps, dominus, idem quod ὁ ἄρχων, quali nomine omnes, qui potestate ac dignitate sunt insignes, appellantur. Rom. VIII. 38. οὔτε ἄγγελοι, οὔτε ἄρχαι. Eph. I. 20. ὑπεράνω πάσης ἀρχῆς. Col. II. 10. ὑποκείμενη αὐτοῖς ἀρχαῖς — ὑπατάσσεσθαι. In versione Alex. Nehem. IX. 17. καὶ ἔδωκαν ἀρχὴν ἐπιστρεψαί. Amos VI. 1. ἀπετρύγησαν ἀρχαί, ἐθνῶν. — Cf. ad h. l. Apoc. XXI. 6. ἡ ἀρχὴ καὶ τὸ τέλος. item XXII. 13. priori loco idem est, quod τὸ ἀ καὶ τὸ ὦ, posteriori repetitio est verborum: πρῶτος καὶ ἔσχατος.

κτίσις est metonymice totum universum, omnes res creatae. Marc. X. 6. ἀπὸ δὲ ἀρχῆς κτίσεως. XII. 19. οἷα οὐ γέγονε ταύτη ἀπ' ἀρχῆς κτίσεως, ἥς ἐκτίσεν ὁ θεός. Cf. Col. I. 15. πρωτότοκος πάσης κτίσεως. Prodit igitur Christus h. l. tamquam princeps ac Dominus omnium rerum a Deo procreatarum, summum imperium principatusque dominium tenens in omnia, quae sunt creata. Ariani putarunt Jesum haece significari tam-

(1) p. 165 in nota.

(2) Grotius l. l. p. 375.

tamquam Dei creaturam, quae inter omnes prima a Deo producta esset. Hujus sententiae subsidium invenisse opinantur in Prov. VIII. 2. κύριος ἐκτίσεν με ἀρχὴν τῶν ὁδῶν αὐτοῦ εἰς ἔργα αὐτοῦ. Sed parum efficit: locus est poëticus de sapientia Dei. Nec Jesum, de quo in omnibus hisce Epistolis excellentissima exponuntur attributa, ita appellatum, ullibi videmus, tamquam *creaturam cum aliis creaturis comparati*. Non per creationem productum, sed per nobiliorem modum *generatum* Dei esse Filium certi sumus; praeterea πάντα δι' αὐτοῦ ἐγένετο κ. τ. λ. (1). Ea igitur potestate ac majestate instructus, qua eum deprehendimus principem rerum a Deo creaturarum, simul est Ecclesiae caput ac Dominus (2).

Vs. 15. Οἶδα σου τὰ ἔργα, ὅτι οὔτε ψυχρὸς εἶ, οὔτε ζεστός· ὅφελον ψυχρὸς ἦς, ἢ ζεστός.

*Novi tua opera, te neque frigidum esse, neque fervidum. Utinam frigidus esses aut fervidus!*

Pro ἦς legitur a nonnullis εἰς, in quibus Grotius et Millius, qui posterior illud probat, cum sit *curans Grammaticam* (3). Magnum autem non intercedit hisce lectionibus discrimen; ἦς vero plurimi, in quibus Vulgata prob. *Griesbachii*, retinuerunt. — ὅφελον promiscue omnibus numeris, personisque inservit v. c. ἡ γὰρ μέλι τῶν ἀποθήκων ἐναποτίθεται· ὡς ὅφελόν γε καὶ ἡμεῖς τοῖς λαβόντες σοφίας ὑπόδειμα (4). Est proprie aoristus secundus verbi ὀφείλω n. l. adverbialiter sumendum; notans: *utinam*. Conf. 1 Cor. V. 8. καὶ ὅφελόν γε ἐβασιλεύσατε· 2 Cor. XI. 1. ὅφελόν ἡνεχέσθαι μου μικρόν τι τῇ ἀφροσύνης (5). Respondet Hebraeo יִינִי וְ Job. XV. 13. εἰ γὰρ ὅφελον ἐν ᾧ με φύλαξας.

ὅτι οὔτε ψυχρὸς εἶ, οὔτε ζεστός. Hoc loco proverbialis nobis occurrit dictio, nec itaque iberius praeter necessitudinem premenda: οὔτε ψυχρὸν εἶναι oppositum est τῷ οὔτε ζεστὸν εἶναι, atque de eo dicitur, qui, rem sibi cognitam, negligenter tractat, minimeque cordi habet: ἄνθρωπος ἄνθρωπος καὶ ἄνθρωπος, ignarum et inertem, quem belgice dicimus: een man zonder karakter. De tali indole vid. Seneca (6): „adjice et illos, qui non inconstantiae vitio parum leves sunt, sed inertes. Vivunt, non quomodo volunt, sed quomodo coeperunt.” Apud Xenophontem (7) ψυχρὸς is dicitur, qui non facile movetur amore, et is qui est ingenio frigido et a vero acuminē alieno. Apud Arrianum (8), τί ψυχρὸς εἶ καὶ ταλαίπωρος; quid frigidus es et lentus? — Ζεστός dicitur

(1) Vid. Oecumenius Comm. l. l. p. 684 sq.

(2) Millaeus l. l. p. 867.

(3) Prolegom. §. IIII. pag. 111.

(4) Vigerus l. l. p. 277.

(5) Conf. Herod. l. c. III. τὸ μᾶλλον ὅφελον. — Sexcenties haec particula, adverbii vim habens, apud Homerum aliosque occurrit. Conferri item meretur Graevius ad Luciani Soloecist. T. II. Opp. p. 730.

(6) De Tranquillitate Animi; ex ed. J. Lipsii 1632. p. 149. Conf. Heinsius l. l. p. 171.

(7) Cyrop. VIII. 4. 10.

(8) Diss. Epict. VI c. 4.

tur de fervore, proprie vi ignis excitato, *bullians*, per onomatoposiam, quæ liquor bulliens sonum format, similem huic verbo sibulantem ζέει. Metaphorice *tumida ardere*, studio alicujus rei flagrans, ὁ ἐνελήντος καὶ θερμὸς (1). Cf. Act. XVIII. 25. ζέων πνεύματι. Rom. XII. 11. idem quem *Alberti* (2) ἔταλλον dicit πρὸς τὴν πνευματικὴν ἐργασίαν. — N. l. diserte hæc phrasis usurpatur de hominibus, quibus minime cordi erat religio Christiana, quam licet ore profiterentur, *Frigidi* enim non erant cum, inter gentiles viventes, Jesum lubenter, unicum Sospitorem haberent; neque tamquam *fervidi* celebrari poterant, cum haudquaquam eo amore flagrant, quæ ille ducitur, qui omni studio totoque animo cujusdam partes sequitur. — Ob hanc autem difficilem ac tristem animi conditionem, per queruli voti modum additur: „*utinam frigidus esses, aut fervidus!*” Qui enim *tepidus* est, in peiori versatur conditione, quam qui nondum acceperit Jesu religionem; ψυχροὶ enim sunt gentiles, oculorum lumine capti: hi vero ζέουσι, simulac religionem Christianam zelo pietatis profiteantur. Idem porro poenas luent minores, quam qui majori luce sunt collustrati, Matth. XI. 21. 24. Joh. IX. 41. εἰ τυφλοὶ ἦτε, οὐκ ἂν εἶχετε ἁμαρτίαν· νῦν δὲ λέγετε, ὅτι βλέπομεν, ἡ οὖν ἁμαρτία ὑμῶν μένει. Hebr. X. 26. 27. — Metaphora vero, quam h. l. observamus, et sequenti vs. productam videmus, nos animadvertere jubet in potum tepidum, qui ad saporē est ingratius. Ita *Selenis* leges infamem dicebant, quicumque nulli parti se addiceret, et *Epiroteus* (3) monet, ἔνα σε δεῖ ἄνθρωπον, ἢ ἀγαθὸν ἢ κακὸν εἶναι. — Apocalypses loco similis dictio habetur, quæ legitur Hebr. XII. 12. καὶ οἱ περιειμένους χεῖρας καὶ τὰ πόδια λελυμένα γόνατα ἀνορθώσατε.

Vs. 16. Οὕτως, ὅτι χλιαρὸς εἶ, καὶ οὔτε ζεστός, οὔτε ψυχρός, μέλλω σε ἐμέσαι ἐκ τοῦ στόματός μου.

*Itaque, quum tepidus sis, neque fervidus, neque frigidus, te vomam ex ore meo.*

Nonnulla Msta habent καὶ οὔτε ψυχρός καὶ οὔτε ζ. — Οὕτως est adverbium, vim conclusivam habens, notans: *Itaque, quoniam* (4). — Χλιαρὸς dicitur, quicumque in pietatis studio languet, speciatim, qui aliquid ex ardore Jesu remittit, atque, cum Christianus dici velit, nec tamen causam religionis serio agit, nec vitam confessioni conformem ducit: opponitur ab altera parte τῷ ψυχρῷ, τῷ ζεστῷ ab altera.

ἐμέσαι. Praeter h. l. nusquam in N. T. legitur. LXX Int. usi sunt Jes. XX. 14. ὡς πλανᾷται ὁ μεθύων, καὶ ὁ ἐμὼν ἄμα, ubi respondet τῷ נִפְּץ vomitus, cum affixo נִפְּץ in vomitu suo. Proprie igitur significat *vomere*, quod ille agit, cui tepida aqua vomitum movet. Metaphorice significat, *repudiare cum fastidio*, prouti tepida stomacho sunt in-

(1) Vid. Schleusneri Lexic. nov. edit. p. 1023 in v.

(2) Gloss. N. T. p. 108.

(3) Enoch. c. 36.

(4) Conf. Glassius, Philol. Sacr. Lib. I. p. 429.

ingrata ac nauseam afferunt, ita Laodicensium tepida vivendi ratio, quod ad Jesu doctrinam attingit, tantopere displicebat, ut eorum mores in proverbium etiam apud nos abierint, dicentes: *hos ita esse Laodiceos*. Hanc ob rem eos evomeret Christus, eos sibi relinqueret, neque amplius admoneret. (1).

Vs. 17. ὅτι λέγετε, ὅτι πλούσιος εἰμὶ, καὶ πεπλούτηκα, καὶ οὐδένος χρειάζομαι καὶ οὐκ ὀδῶ; ὅτι στυγεῖ ὁ ταλαίπωρος, καὶ ὁ ἔλεεινός, καὶ πτωχὸς, καὶ τυφλός, καὶ γυμνός.

Quia dicit: *ὄφρα σὺ εἰς τὴν ὁδὸν σου εἰς πῦλιν καὶ ἰνδύαν;* et nescis te esse miserum, et miserrimum, et pauperem, et cecum, et nudum.

In Steph. dicitur huius ad illud πλούσιος. Alexand. Cod. exhibet pro οὐδένος simplex ὄφρα (2).

Primum huius notat quia, ita ut ad ea respondeant quae hac et sequenti sect. habentur, de altero ὅτι, qui characteristicus Johannis est: pleonasmus, vid. ad vs. 8: ὅτι μίσηται ἔχεις.

ὅτι λέγετε, ὅτι πλούσιος εἰμὶ καὶ π. λ. Laodiceenses dicebant, i. e. jactabant divitiis suis, quas possidebant. De tautologia, quae hic iterum mihi obtinere videtur in verbis πλούσιος εἰμὶ, καὶ πεπλούτηκα; καὶ οὐδένος χρειάζομαι, vid. ad vs. 10. Similis exstat locus apud Aristophanem (3) εἰ μὴ ὅτι πλούσιος εἰμὶ καὶ οὐδένος χρειάζομαι. — Jesus proponitur loquens de divitiis, opibus terrenis, quas Laodiceeni amercantur, opportuno nobis sibi soli quae fertilitate contulerant; hanc ob rem etiam bona, licet longe distis caducis praestarent, parvi faciebant, nullam felicitatem cum ea, quae gaudebant, comparari posse putantes. Ita rite mihi omnia cohaerere videmus; homo enim dives facile eo pervenire solet, ut ecclesia bona negligat; quod eum facit, dicitur: τυφλός, quia eorum momentum ac praestantiam aequae bene percipit ac Laodiceni religionis Christianae merita, sed simul etiam talis homo est ταλαίπωρος, ἔλεεινός καὶ π. λ. (4). Gnosticorum praeterea opulentiis insati, generi humano tam nocuiss, quam universae mortalitatis, jactabant se et interna, quam dicebant suam lucem, et scientia et animi probitate praeter aliis emidere dicebant. Sed misere falsebantur! Dominus ὁ Χρυστὸς νεφροῦ καὶ καρδίας penitus eos perspicere dicitur, quum elegantissima climace καὶ οὐκ ὀδῶς, ὅτι καὶ π. λ. ad illorum vanam respondeat gloriationem πλούσιος εἰμὶ καὶ π. λ., eorumque pauperiem et inopiam detegat, atque

(1) Conf. Grotius l. l. — Jam saepius elegantis Herderi contulimus dicta, praesertim in iis locis, ubi, suis verbis verborum Johannis sensum rite implicans, lectores secum arripere solet. Nec possum non ad h. l. referre; quae dicit p. 37, sq. *Hier spricht Amen, der ideale Zeuge, der nicht heucheln kann, der seine Lieblinge scharf überweist; nichts ist ihm widriger, als lau Wasser im Munde, ein laues aufgeblasnes Gemüth. Er spricht hier, wie er oft zu den Pharisäern sprach: lieber blind, als falschsehend, lieber stumm, als laulich.*

(2) Vid. Millus in notis.

(3) Ep. III. c. 7.

(4) Cf. Wildschut, p. 272.



sibi cognitam esse ostendat. — Παλαιήφορος est illē, qui gravi quodam labore fatigatur et hanc ob rem ἄλλιος dicitur a πάλαι· ut πάλαιον, ὁ ἔστι πάθος (1). Aristophanes (2) τὸν ἑμὸν μὲν αὐτοῦ τοῦ ταλαιπώρου σχεδόν. Euripides (3) εἰς μητροὺς ἤλθον τῆς ταλαιπώρου λέχως. Apud Homerum sexcenties ὁ ταλαιπώρ, ὁ ταλαιπώρος Ὀδυσσεύς. — Ἐλεεινοὶ erant Laodiceis, prouti ille, qui miseria sua alterum ad misericordiam movet (4). Propter hanc misetiam eorum conditionem Jesus εἰλεῖς· εἰλεῖς aliaque iis consulere dicitur vs. 18. Aeschylus (5) καὶ μὴν Φιλῆς· εἰλεῖνδς εἰσορῶν ἐγὼ. — Attici semper εἰλεῖνος usurpant: εἰλεῖνδς ne extra quidem Jambos et Trochaeos, v. c. Sophocles Philoct. 1130. ἡ τοῦ εἰλεῖνου ὁρῆς (6). Πτωχοὶ erant Laodiceis, licet maximis gauderent divitiis; atq' vanis atque fluxis illis! Evangelium vero docet coelestes illas opes, quas ignorarent, esse perpetuas nec ulla temporis labe perituras: cf. Matth. XII. 5. Luc. IV. 18. — Τυφλοὶ dicuntur, quia inscii et ignari erant miserrimae suae conditionis. Matth. XV. 14. usurpatur haec vox de Pharisaeis. ὁδῶν τυφλοὶ τυφλοῦ· XXIV. 26. Φαρισαῖε τυφλὲ· respondet Hebraeorum חָרָס Jes. XXIX. 18. Sophocles (7) σοὶ δὲ τοῦτ' οὐκ ἐστ', ἐπεὶ τυφλὸς τὰ τ' ἀτα· πόντε· οὐδὲ τὰ τ' ἄρματα· εἰ. — Licet pulchris ornati essent vestibus, auro atque argento splendidis, γύμνοι tamen erant, cum decora et vanissima veatis, virtutis acil. Christianae, eos non tegeret, cf. Apoc. XVI. 15. XVII. 16.

Vs. 18. Συμβουλεύω σοὶ ἀγρυπνῆσαι παρ' ἑμαυτοῦ χρυσὸν πεποιημένον ἐκ πυρὸς, ἵνα πλουτήσῃς, καὶ ἱμάτια λευκὰ, ἵνα περιβάλῃς, καὶ μὴ φανεράθῃς ἢ αἰσχύνῃ τῆς γυμνότητός σου· καὶ πολλοὶ οὖν ἔρχονται τοὺς ὀφθαλμοὺς σου, ἵνα βλέπῃς.

Consulo tibi, ut reserās a me parvum, igne aspersatum, ut dicescas, et alba vestimenta, ut vestiaris neque conturbata reddatur carpidudo tuas nuditas, et calligium oculis illinendum tuis, ut videas.

Pro ἔρχεται, quod Bengelius, Millius, Wassetius, Griesbachius probant, nonnulli Codices exhibent: ἔρχετον, Imperative vel ἵνα ἔρχεσθε, vel ἵνα ἔρχεσθ ἐπὶ τ. α. — Συμβουλεύω idem est, ac βουλεύω, quod non in N. T. sed in vers. Alex. legitur, Jes. XIII. 8. Τίς ταῦτα βουλεύσεν ἐπὶ Τύρον. Ad hoc verbum, compositum cum Praep. σύν, quadrant, quia J. T. Krebsius (8) dicit, in multis quin plerisque verbis compositis praepositionum vim plane esse nullam. Significat suadeo, consulo, uti apud Herod. (9) τήδε

ol

(1) Suidas in v.

(2) Plutus, V. 33. cf. Schob. ad h. l.

(3) Phoenissae 1613.

(4) Suidas, εἰλεῖνδς, εἰλεῖνδς ἔξισος.

(5) Aeschylus, Prometheus, 246.

(6) Cf. R. Porson. ad Euripid. T. I. Praef. p. viii.

(7) Oedipus Tyr. V. 379. Conf. Aristophanis Plut. vs. 48.

(8) in Praef. ad nov. edit. lex. Schoettgenii. — Locus, hic a nobis allatus, citatur in Cl. J. van Voerst, Animadv. in N. T. de usu verborum cum Praeposit. compos. P. I. p. 8.

(9) Lib. II. 107.

οὐ συμβούλευσαι, i. e. hanc ei consilium dedisse, (eodem autem capite usurpat *Herodotus* hoc verbum prorsus alio sensu, *συμβουλευέσθαι τῇ γυναίκι* i. e. deliberasse cum uxore); *Xenoph.* (1) *συμβουλεύη ἐπιχειρεῖν τῷ πολέμῳ* *Joh.* XVIII. 14. ἦν δὲ Καϊάφας, ὁ συμβουλευσας τοῖς Ἰουδαίοις.

In Allegoria pergīt auctor, quae desumpta ex *Jes.* LV. 1, 2. et ad Laodiceeorum statum est accommodata. Postquam enim eorum inopia est detecta, admonentur, ut ab eo emanent. — Ἀγοράζω proprie est ἐν ἀγορᾷ, foro versor (2); inde: ea, quae ibi emitti sunt exposita, emere, quod *Herodotus* (3) διατιθέσθαι τὰ φορτία appellat. Johannem neque in Apocalypsi, neque in aliis, quae ejus nomine feruntur, scriptis, hujus verbi usus fugit, conf. *Apoc.* V. 9. XIII. 17. XIV. 3, 4. *Joh.* I. 29. 1 *Joh.* I. 7. Jesus h. l. mercatoris personam agit, ita ad Laodiceeorum rationem accommodatus, qui mercatura valebant. Παρ' ἐμοῦ cum ἐμφάσει dictum. — Χρῶσιον πεπυρωμένον est aurum igne exploratum; opifices enim aurarii in ignem conficere solent aurum ut a scoriis sit purum et lectissimum. Cf. *Apoc.* I. 15. ὡς ἐν καμίνῳ πεπυρωμένοι, — Tali auro *Ovidius* comparat amicitiam (4).

Si tale igitur emerent aurum, possent πλουτεῖν ἐν παντί λόγῳ καὶ πάσῃ γνώσει 1 *Cor.* I. 5. et πλουτεῖν ἐν ἔργοις καλοῖς 1 *Tim.* VI. 18. — Jesus item iis suadet ut emanent: καὶ ἱμάτια λευκά. Cum enim γυμνοὶ essent Laodiceeni, opus iis erat vestimentis, quae inprimis grate et venuste corpus ornent, idcirco λευκὰ ἱμάτια, quibus simul nuditatis dedecus tegeretur. Vid. vs. 4. et 17. — Περιβάλλομαι idem quod ἀμφιέννυμι, ἀμφιβάλλομαι *Matth.* XI. 8. coll. IV. 23. *Luc.* VII. 25. XII. 27, 28. (5). Johannes idem usurpat *Euang.* XIX. 2. *Apoc.* III. 5. IV. 4. VII. 9, 13. IX. 3. XVII. 4.

Καὶ κολλούριον ἔγχρισαι. Qui morbo oculorum laborat, adhibere debet κολλούριον, medicamentum, quod oculis illinatur. *Horatius* (6) illud usurpat: *Hic oculis ego nigra meis colligria Hippus illinere*. — Symbolice depingit Jesu doctrinam, quae oculos mentis illustrat et, rite adhibita, nosmet ipsos, quales simus, detegit, nobisque vitia animi ostendit, *Ps.* XIX. 9. עֵינַי מֵאֵיזֶר יְהוָה כִּינֹר יְהוָה מַעֲוָה i. e. *praescriptum Jehovahae*

(1) *Mem.* III. c. 6. §. 8.

(2) *Hesychius* hujus vocis significationem explicat, dicens: ἐν ἀγορᾷ διατριβέσθαι.

(3) Vid. lib. I. c. 1. — Eodem sensu occurrit lib. II. 35. ἐν τοῖσι αἱ μὲν γυναῖκες ἀγοράζουσιν καὶ καταλείβουσιν.

(4) *Trist.* I. *Eleg.* V. 25.

*Scilicet, ut fulvum spectatur in ignibus aurum,*

*Tempore sic duro est inspicienda fides.*

(5) Cf. *Cl. J. v. Voeris* l. l. p. 48 et 60.

(6) *Satyr.* lib. I. *Sat.* 5. vs. 30.

*purum est, illuminans oculos* (1). — Ἐρχομαι pro ἵστε ἔρχομαι (2). Totā phœasis ad externum Laodiceorum statum symbolice est accommodata. Orientalium enim more vestimenta, auro argenteoque oblecta, atque e lana præstantissima, sed nigri coloris, confecta inducere solebant, pretiosisque oleis et odoriferis unguentis corpus ibisere.

Vs. 19. Ἐγὼ ὅσους ἐὰν φιλῶ, ἐλέγχω καὶ παιδεύω· ζήλωσον οὖν καὶ μετανοήσον.

*Ego, quoscumque amo, reprehendo et castigo; studiosus itaque es et respice.*

Pronomen ἐγὼ haud parvā vim sequentibus conciliare videtur, æque ac si loqueretur: ἐγὼ ὁ ἀληθινὸς καὶ ὁ πιστὸς φιλέω κ. τ. λ. — Pro ζήλωσον, nonnulla Mss. ζήλου vel ζήλευς (3). Sunt, qui h. l. distinguant Laodiceos, ita, ut putent, sermonem accipendum tamquam ad tria hominum genera pertinentem, quorum *superbi*, vs. 15 et 16. primum, *superbi* vs. 17 et 18. alterum, *ph* vs. 19. tertium componant. Sed Christus, qui omnes amat homines, si pios quosdam fideles, licet paucissimos, invenisset, procul dubio addidisset: ἀλλ' ἔχεις ὀλίγα ὀνόματα κ. τ. λ. vel ἀλλὰ τοῦτο ἔχεις ὅτι μισεῖς τὰ ἔργα, & κηγὼ μισῶ. — Desumpta est pulcra hæc dictio e Prov. III. 12. ὃν γὰρ ἀγαπᾷ Κύριος, ἐλέγχει.

Ὅσους ἐὰν φιλῶ, est dictio græca, quæ, si equidem ejus vim percipiam, significat: ego quosquos sine, quos amo, castigo; similiter apud Marc. VI. 11. 22. ἔστω ἄν. et ἔαν. Matth. VIII. 19. ὅπου ἐὰν (4). — Ἐλέγχω proprie *dissentientem tortis argumentis refuto*. Tit. I. 9. καὶ τοὺς ἀντιλέγοντας ἐλέγχειν. N. l. *reprehendo*, cf. 2 Sam. VII. 14. ἐλέγξω αὐτὸν ἐν βιβλῷ ἀνδρῶν, ubi respondet τῷ [77] cf. Prov. III. 12. — Παιδεύω proprie *educō, priores instituo, doceo*, ut v. c. Κύρου παιδεία τοῦ Ξενοφῶντος. Act. VII. 22. καὶ ἐκπαίδευσεν Μωσὴς πᾶσιν σοφίᾳ Αἰγυπτίων. *Xenophon* (5) παιδεύεσθαι de se usurpat, qui usa et experientia adæctur. — N. l. notat *punire, castigare*: cf. Hebr. XII. 6. Sap. III. 5. καὶ ὀλίγα παιδεύονται.

Ζήλωσον οὖν. Propter tepidam vivendi rationem in re religionis admonentur Laodiceii, ut ferventi studio virtutem appetant ejusque præmia. Gal. IV. 18. καλὸν οὗτο καὶ ἐκκαλεῖσθαι ἐν καλῷ πάντοτε (6). Tali studio ac fervore opus est in causa Dei ut adhibeamus, siquidem ei placere velimus. Licet graviter castigentur hi Christiani, nisi ad virtutem redeant, dulcibus tamen verbis excitantur, ut respiciant. Ita poena est amor, amor poena est.

Vs. 20. Ἴδοὺ, ἔστηκα ἐπὶ τὴν θύραν, καὶ κρούω· ἐὰν τις ἀκούσῃ τῆς φωνῆς μου, καὶ ἀνοί-

(1) Vid. de hac voce *Schleusnerus*, T. I. pag. 1296. — Notat etiam sæpe *pungere, urere*. Conf. *Eustathius* ad *Homeri* *Odyss.* VI. p. 102.

(2) De hoc verbo vid. *Westenius*, N. T. T. II. p. 763.

(3) *Millius* in *Notis* ad h. l. pag. 605.

(4) Vid. de *Partic. ἄν* vel *ἐὰν* *Vigerus* l. 1. p. 440.

(5) *Hellen.* VI. c. 5. § 6.

(6) Conf. *Euripides* *Hecub.* 255. Ζήλου τε τιμας.

ἀνοίξῃ τὴν θύραν, καὶ εἰσελεύσομαι πρὸς αὐτὸν, καὶ δείκνῃσω μετ' αὐτοῦ, καὶ αὐτὸς μετ' ἐμοῦ.

*Eccē, ite ad januam et pulso: si quis vocem vocem audierit, et aperuerit januam, ingredietur ad eum, et coenabo cum eo, et ille mecum.*

Ἰστηκα κ. τ. λ. Praeteritum pro praesenti ἴστημι per enallagen; Belg. *ik ben gaan staan*, igitur *ik sta*; ἐπὶ apud optimos hoc sensu construitur cum Accusativo (1).

Imago secundum nonnullos desumpta est ab aliquo, qui hora vespertina, tamquam amicus amici domum intrare, cumque eo coenare cupit: ut hoc consequatur, januam pulsatur, et, ea nondum aperta, clara voce clamat, donec qui intra habitat, eum audiat (2). „Vel respicitur ad morem amantium, qui in sinu dilectissimae sponsae, requiescere cupiunt: sicut in *Horatio* aliisque poetis occurrit saepissime; quia civitas, „Christo sacra, sub imagine sponsae, Messiae nupturae, repraesentatur (3).” — Quidquid sit, amabilis certe imago τοῦ κυρίου, ὃς μακροθυμεῖ εἰς ἡμᾶς, μὴ βουλόμενος τίνας ἀπολέσθαι, ἀλλὰ πάντας εἰς μετάνοιαν χωρῆσαι, 2 Pet. III. 9.

Κρούω pulso, de ostio dicitur Luc. XII. 36. ἵνα ἐλθόντος καὶ κρούσαντος sc. τὴν θύραν, quod additur ibid. XII. 25. καὶ κρούειν τὴν θύραν · et Act. XII. 13. coll. vs. 16. Judd. XX. 22. ἐκρούσαν ἐπὶ τὴν θύραν. Cf. *Xenoph.* Symp. I. 11. Metaphorice exprimit alicujus flagrans et perseverans desiderium, uti n. 1.

Ἰὰν τις κ. τ. λ. Illud καὶ ad εἰσελεύσομαι a nonnullis rejicitur; recte vero a *Griesbachio* servatur, licet abundet, quod tamen auctori est consuetum. — Metaph. notant haec verba: si quis salutarem meam doctrinam acceperit, ejus praeceptis obedierit, meumque favorem, quem lubenter offero, receperit, amici instar eum adibo, et suavissima ille mea familiaritate, amicitia et benevolentia fruatur. Cf. Joh. XV. 21. 23.

Δεικνῇσω, coenabo, victum sub vespera capiam. Cf. *Schleusnerus* in v. — H. l. consuetudine frui, nimirum modo extraordinario, divinae Jesu potestati, congruo. — Egregie pulchrae hujus dictionis vis confirmatur verbis, καὶ αὐτὸς μετ' ἐμοῦ · arcissima omnino erit conjunctio.

Vs. 21. Ὁ νικῶν, δώσω αὐτῷ καθίσαι μετ' ἐμοῦ ἐν τῷ θρόνῳ μου, ὡς καὶ γὰρ ἐνίκησα καὶ ἐκάθισα μετὰ τοῦ Πατρὸς μου ἐν τῷ θρόνῳ αὐτοῦ.

*Qui vicerit, illi dabo considere mecum in throno meo ut et ego vici et consedi cum Patre meo, in throno ejus.*

ὁ νικῶν, δώσω αὐτῷ. Vid. Cap. II. 25.

ὡς h. l. ut et Cap. II. 27. non tantum similitudinem, sed etiam certitudinem rei indicat. —

κα-

(1) *Thucyd.* lib. I. ἀνιένεσθαι ἐπὶ τὴν ἵστυαν, i. e. asyli jus consequi. Cf. *Hom. Od.* I. 103. V. 20.

(2) Vid. *Klinkenberg*, l. l. p. 175. *Wildschut*, p. 178.

(3) Cf. *Heinrichs* l. l. p. 173. ubi locum ex *Eichhornio* adducit.

καθίβαι μετ' ἐμοῦ. Significat: *eadem gloria et felicitate frui qua Jesus, tamquam fortitudinis et constantiae praemio, qua eum persecutus est Laodiceus Christianus.* — Miranda comitas! miranda affabilitas! verba frustra quaero, quibus eam extollam. Nonne sentis illud μετ' ἐμοῦ, illud ἐν τῷ θρονῷ μου? Omnia, sicut inter amicos, communia ils erunt.

ὥς κ' ἄγω ἐνίκησα. Cf. quae supra a nobis sunt exposita. Victor insidet Jesus throno ad dextram Patris, tamquam supremus Judex et Rex, omni gloria, auctoritate, majestate coronatus, qua ipse Jehovah est insignitus. Ps. CX. 1. Hebr. I. 3. Apoc. XXII. 1. — Inde redibit, et eos, qui vicerint, secum conducet, unoque secum considerare dabit in throno, simili modo, quo ipse a Patre acceperit. Praeclara promissio! Praeclara felicitas, quae futura est! Ephesinis dabit, ut arboris vitae suavissimos comedant fructus; Smyrnenses perpetua felicitate gaudebunt, neque altera laedentur morte; novis nominibus, novisque honoribus ornabuntur Pergameni; regia potestate Thyatireni regnabunt condecorati et conspicui; nitidis amicti vestimentis prodeambulabunt ante thronum, quicumque e Sardenis pie Jesum coluerint, claraque voce coram Patre et angelis eorum nomina et virtutes a summo illo Rege laudabuntur; Philadelpheni, qui palaestram victores reliquerint, nomine Jehovah Sancti Sanctorum, titulo magnifico fronti insculpto, gloriabuntur, et civibus novae illius desiderandae Hierosolymae adscribentur; Laodicensi tandem una cum Deo et Agno, qui est mactatus, considebunt in Throno, Deoque Patri, Filioque Jesu Christo in saecula aderunt! Praeclara promissio cuivis data! Praeclara felicitas, quibuscunque piis futura!

Vs. 22. Ὁ ἔχων οὖς, ἀκουσάτω τί τὸ πνεῦμα λέγει ταῖς ἐκκλησίαις.

*Qui aures habet, audiat, quid Spiritus ecclesis dicat.* Vid. Cap. II. 7. 2. 29.



## PARS POSTERIOR,

BREVEM CONTINENS DISQUISITIONEM DE SEPTEM EPISTOLARUM APOCALYPTICARUM AUCTORE, SCRIBENDI GENERE ATQUE USU IN REM CHRISTIANAM.

## CAPUT PRIMUM.

DE SEPTEM EPISTOLARUM AUCTORE.

*Monenda.*

**H**aud scio, Viri Clarissimi! an non errem, si ita quaestionis a Vobis propositae posteriorem partem accipiam, ut mihi sit quam brevissime inquirendum, quisnam harum epistolarum sit auctor, minime vero ut de origine, vita, fati atque indole auctoris longa conscribatur disquisitio.

Quum itaque accessissem ad hoc elaborandum, primum quidem authenticam totius Apocalypseos, Johanni vindicandae ex externis argumentis, nimirum testimoniis Patrum Eccles., probare conatus eram; mox autem, ubi recentiorum hac de re motas dubitationes leviter percurrissem, deprehendi, illos maximam partem ab iis abstinuisse, internum imprimis libri Apocal. habitum animadvertentes, tum quod ad scriptionem, tum quod ad argumentum ipsamque doctrinam pertinet. Haec igitur reputanti visum mihi est, priora illa missa facere, ad haec vero accuratius attendere, quoad nostras epistolas spectent, ut eo melius brevitati orationis consulam, quae desideratur. — Exceptis autem Patrum testimoniis, nonnulla tamen externa nobis attendenda sunt argumenta, quibus interna addemus.

## §. I.

*Argumenta externa.*

Cum igitur de septem Epistolarum auctore, non vero de totius Apocalypseos (1) auctoritate sit agendum, hanc ponimus, illam probamus:

1°.

(1) Patrum Ecclesiasticorum testimonia pro Apocalyp. auctore hic illic apud Eusebium dispersa exstant. — Ita v. c. *Justin Martyris* verba leguntur Hist. Eccl. Lib. IV. c. 18. *Irenaei* testimonium exhibet Lib. V. c. 18. quod etiam exstat in hujus ipsius libro, Contra Haeres. lib. III. c. 37. *Melitonis* mentionem injicit Lib. IV. 26. *Theophili*, IV. 24. *Apollonii*, V. 18. *Origenis*, VI. 25. Ad quae conferri merentur *Storrius*, Neue Apologie p. 136, 174 sqq. 239 sqq. *Hug*, Einleitung

1°. Qui *adversarii* Apocalypseos oppugnarunt; pro suis sententiis praesidia quidem effingere conati sunt ex harum Epistolarum doctrina, descriptione ac usu: sed minime dubitarunt, hasce epistolas eidem tribuere auctori, qui totum confecisset librum. Fuerunt quidem, qui negarent *Thyatiris* fuisse ecclesiam (1), quo tempore Johannes epistolam suam ad hanc ecclesiam dederit; sed hoc tam parvi momenti habemus, ut vix in censum venire possit (2). Neque seriores, in quibus praecipue (3) censendi sunt *Oederus*, *Semlerus*, *Strothius*, *Merkelius*, alii, singulatim egerunt de harum epistolarum *adversariis*: totum repudiarunt librum, ex omnibus ejus partibus argumenta producere conantes. — Hoc igitur silentium, quod tenuerunt inimici, aptum mihi visum est argumentum, quod adducerem.

2°. Ipsa conditio, in qua Johannes Apostolus tunc temporis versatus fuit, magnum nostrae rei praebet argumentum. Dilectus enim iste Jesu discipulus, qui, dum in terris viveret Dominus, ubicunque ei adfuit, qui ad S. Coenam, quam postrema nocte cum alumnis celebravit Christus, in Magistri gremio, amici optimi intimique instar recubuit, ejus amor Matrem suam mandavit Servator tristissima illa hora, qua cruci esset affixus; quocum post resurrectionem maximam morae partem, ex illa familiaritate, ut suspicari licet, degit; — Johannes, qui fidelis amicus, fidelis item et constans Jesu causae propugnator ac defensor, propectae jam suae aetatis tempore miserrimis affligebatur acuminis, adeo ut, imperante *Vespasiano* (4), Ephesi caram sibi ecclesiam relinquere, et in Patmon, tristissimam illam insulam, ab omni hominum consortio remotam, exulis mi-

40-

in die Schrifte u. s. w. Tom. II. 350 sqq. *Eichhornius*, Einleitung, Tom. II. *Hartwig*, Apologie der Apocal. wider falschen Tadel und Lob, Tom. IV. p. 149. et *Klückenborg* l. l.

(1) Vid. supra: Cf. *Epiphanius* in Haeresi I. cap. 33.

(2) Praeterea ab *Eichhornio*, Einleit. T. II. p. 410. sententia haec sententia est refutata.

(3) Non dñ postquam haec commentatio praemio jam esset ornata, opportunitas mihi data est, Virum optimum, interpretem celeberrimum, *H. H. Donker Curtius*, in coetu *Arnhemensi* dilectum Evangelii ministrum, adeundi. — Hic quum benevole, ut solet, me recepiasset, deque Apocalypsi et Septem, quas continet, epistolis, quasdam mecum communicasset opiniones, me docuit, non omnes e posterioribus ita de eorum auctoritate sententiam tulisse, quandoquidem superiori saeculo *Edwardus Eransonus* in Anglia illam nonnullis harum epistolarum negaverat; licet Apocalypsin Johanni Apostolo, nullis dubitationibus contra obmotis, vindicaret. Cum itaque librum, Belgice a. 1796 editum pervolvissem et viri argumenta percurvissem, digna ea mihi visa erant, quae in annotatione ad hunc locum impugnerem: rem vero exitus fefellit. Nam in morbum gravissimum et diuturnum incidens, mihi opportunitas scribendi fuit adempta, potius ipsa libere.

(4) Vidd. Prolegomena § III. circa a. 70.

§ 2.

Haec nobis praebent cum contextus, tum epistolarum habitus, tum vero doctrina, tum denique scribendi genus, quae conveniunt rebus ac modis, in ceteris Johanneis scriptis obviis.

2°. Habitus vel character, qui in omnibus, quae exstant, Johannis operibus, animadvertitur, nobis alterum praebet argumentum. Scilicet, uti in Evangelio et Epistolis Auctor eorum imprimis doctrinam impugnat, qui placita, religioni Christianae opposita, docerent, idem in Litteris, ad coetus hos septem datis, agit. Imprimis Gnostici, qui, Johanne Ephesi commorante, ubivis nefariam suam doctrinam spargere conabantur, impugnantur vel symbolico nomine τῶν Νικολαϊτῶν, aut τῶν κρατούντων τὴν διδασχὴν βαλαὰμ, aut τῆς συναγωγῆς τοῦ σατανᾶ, vel magis propriis verbis τῶν αὐτοὺς λεγόντων ἀποστολοὺς εἶναι. — Amorem Christi, quo Johannes unus prae ceteris Apostollis ferebatur, inque quo commendando non satis sibi elaborare posse videtur, minime in his epistolis negligit: intrepantur enim Ephesini ob illius remissionem (vid. ad Cap. II. 4.). Nec non illum advertit, quo Christus ipse homines complectitur: disertis enim praedicat verbis, hunc pios fore servaturum ex hora tentationis (Cap. II. 10.), omnesque professuras gentes, Philadelphenos magno amore a Jesu amari (ibid. vs. 9.), neque Christum fideles diu pressurum calamitatibus, ut eorum constantia et fides sit explorata (Cap. II. 10.); quin in ipsis poenis illum esse, qui tenerissimo animi affectu omnes complectatur (Cap. III. 19.). — Hujus Christi erga homines amoris continuè dulcem illa sonant verba: „ἀγαπᾷτε ὑσὶν ἐκείνῳ, ὡς καὶ ὁ Χριστὸς ὑσὶν ἀγάπησεν“; hoc meum est praeceptum, ut eodem, quo Christus vos prosecutus est, amore vos invicem ametis!“ Cf. prae ceteris I Joh. III. 11. 23. IV. 7. 8. 9. 10. 12. V. 1. 4. 3.



3°. Consensus doctrinam Evangelii, ceterorumque Johannis scriptorum inter et septem epistolas Apocal. harum propugnat *αὐθεντία*. Qui illam oppugnarunt, in id maxime susceperunt vires, ut hic consensus suis argutiis cederet. Imprimis huic rei operam dederunt *Semlerus* et *Oederus* (1): negant Apocalypsin docere Jesum esse Deum, ex quo argumentum petunt pro eorum sententia, qui eam Cerintho tribuant: sed non reputant, Jesum in iis sub eadem imagine proponi, eandemque potestatem, gloriam ac maiestatem ei tribui, quibus Deus a viris Sacris ornatus legatur. Insidet enim throno Apoc. III. 21., Spiritum Sanctum habet III. 1., hominum animos perspicit. II. 23., ultimo iudicii die praemia felicitatis aeternae est distributurus: nonne haec omnia Jesu honorem vindicant illum, qui ei tamquam Deo debeatur, licet in nostris epistolis nullus exstet locus, qui eum Deum esse diserte doceat? Praeterea nonne prodit tamquam filius Dei, II. 18? conf. Euang. III. 16. 17. 18. 1 Joh. I. 7.

Johannes in Evangelio et septem epistolis docet Deum Patrem et Jesum *unum* esse, Euang. X. 30. XVII. 21. 23, Apoc. III. 1., eadem habere, eadem agere, Euang. V. 19. 22. 26. 27. Apoc. II. 26. 27. Eadem denominatione significatur Deus, qua Jesus cap. I. 17. coll. 8., omnium rerum cognitionem habet Apoc. II. 2. 9. 13. 19. 23 et sim. Euang. Cap. XXI. 17. *αὐτὸ πάντα οἶδας* (2).

Jesus *νενίκηκε τὸν κόσμον* Joh. XVI. 33. Conf. Apoc. III. 9. Dicitur *βασιλεὺς* Joh. I. 50. XVIII. 37. Conf. Apoc. III. 21. Qui enim throno insidet, regia potestate est insignitus. Pios servat a malis Joh. VIII. 51. Conf. Apoc. II. 10. Iis aliquando dabit, ut comedant panem coelestem, Joh. VI. 32. 35. Conf. Apoc. II. 17.: atque commorabitur apud eos, Joh. XIV. 23. Conf. Apoc. III. 20. Per Spiritum S., quem habet, homines edocentur, quid sit faciendum Joh. XIV. 26. Conf. Apoc. II. 7. *ὁ ἔχων οὖς, ἀκούστω* ἢ *τὸ πνεῦμα λέγει τῇ ἐκκλησίᾳ*. — Et prouti in Evangelio docet Johannes, illum Spiritum a Deo Jesuque emitti, ut illud agat, ita etiam in Apocalypsi eandem doctrinam deprehendere sibi videtur. *Danker Curtius* (3).

4°. Similitudo vocum et dictionum, quae in Johannis deprehenditur operibus, novum nobis praebet praesidium. Ita ei familiaris est usus verbi *περιπατεῖν* 1 Joh. I. 7. Conf. Apoc. III. 4. — *Διδόναι* Apoc. II. 7. 17. 26. III. 21. Conf. Joh. VI. 32. 51. — *Ἀνίστα* Apoc. III. 7. Conf. Joh. X. 3. — *Νικᾶν* Apoc. II. 7. 11. 26. III. 5, 12. 21. 1 Joh. II. 13.

IV.

(1) Conf. Christl: *Steyer Untersuchung über die sogenannte Offenbarung Johannis*, aus der nachgelassenen Handschrift eines frühkirchlichen Gelehrten herausgegeben mit eigenen anmerk. von *Semler*, p. 110.

(2) Vide *Danker Curtius* l. l. p. 61. sqq., qui hanc doctrinam Christianae locum docere exposuit, et *Harwig*, *Apologie* Tom. IV. p. 193.

(3) l. l. p. 94.

IV. 4. V. 4. — *Μάρτυς* III. 14. Conf. Joh. III. 11. 23. — *Ἐξου* vid. supra Part. I. §. 1. ad vs. 3.

5°. Similitudo opinionum, quae omnibus ejus intercedit libellis, item harum epistolarum *αἰθερίας* propugnat. Qualis v. c. haec est: quaecunque Jesus cognoverit, aut egerit, apt habuerit, antea a Patre accepit: Apoc. II. 27. III. 21. Conf. Joh. V. 19. 32. X. 18. XVII. 7. 8. Fideles, quique pie secuti fuerint hac in terra Dominum, aliquando eadem frequentur felicitate, eodemque jure, quo ipse Christus, Apoc. II. 26. III. 21. Conf. Joh. XII. 26. XII. 32. XIV. 2. XVII. 24.

Ubique apud Johannem Jesus occurrit, tamquam is, qui insigni humanae indolis cognitione gaudet. Apoc. II. 2. 9. 13. 18. III. 1. 8. 15. Conf. Joh. I. 47. 48. II. 24. IV. 29. XVI. 30. XXI. 17. In Evangelio et Apocalypticis epistolis indoles eorum, qui revera Christum profitentur, probatur constantia sincera, quae nullis malis, nulla tentatione abduci se patitur, quae nulli pugnae succumbat, sed semper victrix evadat. Apoc. II. 2. 3. 4. 10. 13. 19. 25. III. 8. 10. Conf. Joh. III. 36. V. 24. VIII. 12. 31. 51. X. 27. XII. 16. 48. XIII. 35. XIV. 15. 23. XV. 4. (1).

Hujus autem convenientiae, quae septem Apocalypseos epistolas inter ac cetera scripta Johannea deprehenditur, causa in eo est quaerenda, quod Apostolus fidelis fuerit Jesu interpres, cum in his epistolis, tum in Evangelio: itaque apparet in utroque Christi fere oratio, quam descripsit, et ad quam suum stylum accommodavit Johannes.

Sunt praeterea, qui propterea Apocalypsin, septemque ejus epistolas, a Johanne profectas negent, quod tanta intercedat doctrinae, styli, figurarum, opinionum diversitas, quae omnia minime Johannis indoli congruere videntur. Haec vero singula ita refellerunt interpretes (2), ut plura de iis referre, mei esse non putem: quin imo ita illae dubitationes sunt solutae, ut potius Apocalypseos, epistolarumque *αἰθερίας* argumenta esse videantur, haberique possint. In nostram rem addimus, eam Hebraïsmorum frequentiam in Apocalypsi obviorem, earumque duriorum dictionum causam in eo esse quaerendam, quod Apostolus *ἐν πνεύματι*, i. e. pneumatice vel in ecstasi audierit, quae continuo lingua Graeca erant describenda, eoque difficiliore, quo certius videtur, Johannem omnia audisse sermone Hebraeo vel Arameo, quo Jesum, dum viveret, usum fuisse cognitum est omnibus; quod si verum est, quis tandem mirabitur, sermonem Johannis omnem induisse Hebraeorum formam ac habitum? Accedit quod Johannis animus, rerum coelestium ac dilectissimi Domini plenus, minime tunc temporis ita compositus fuisse potuerit, ut verborum juncturam, accuratam positionem, et linguae puritatem, ad Grammaticorum leges exactam, curaret. Addunt alii aetatem juvenilem, quae nondum as-

se-

(1). Vid. Schüz, *Schriftsteller, Character und Werth*, 2. 1. w. neue Ausgabe, p. 296—317.

(2) Conf. omnino Hartwigius l. l. l. l. p. 213 sqq. Eichhornius, *Einführung*, l. II. p. 467—294. Starckius, *Neue Apol.* 370 sqq. et Decker Curtius l. l.

secuta fuerit eam Graece scribendi facultatem, quam postea, cum Evangelium et epistolas scriberet, sibi comparaverat (1); licet equidem vereor, ne haec conjectura nimis subtilis sit habenda, quam ut eam veram habere possimus. Si enim ponamus Johannem, imperante Vespasiano in Patmon profectum, ejusque aetatem, moriente Jesu, viginti fuisse annorum, non aliter potest, quin eum jam quinquagenarium dicamus, quum hasce conscriberet epistolas. Sed si ejusmodi conjecturas movere liceat, facile addere nobis item licebit, Johannem in insula Patmo versanti ac scribenti, neminem affuisse peritum librum, qui vitis grammaticis, durioribusque dictionibus scripta purgaret, quales Ephesi Evangelium et epistolas scribens sine dubio adhibere potuerit. Caeterum, cum ea exstent ingenii stylique Johannei documenta, quae supra memoravi, scriptor epistolarum Apocalypticarum dicendus erit, vel ipse Apostolus, vel consulto Apostolum imitatus, ut lectores deciperet. Hoc vero ab eo minime esse factum, docent plurima loca, eam discrepantiae speciem habentia, quae facillime evitari potuisset. Est enim ea Epistolarum cum Evangelio similitudo, ut, si istae arte fabricatae dicantur, huic artificio simul tribuenda sit summa diligentia in imitando, simul vero summa negligentia in non imitando Johanne, et in non evitanda dissensionis specie (2).

Haec quidem contuli, ut probarem, Johannem merito harum epistolarum auctorem esse statuendum: ita ut nemo alius admitti possit, neque Cerinthus, neque Cajus, neque ipse Jesus Christus, in quam sententiam mihi inclinare aliquatenus videtur Cl. *Klinkenbergius* (3), qui epistolas hasce e Jesu ore atque ad litteram Johanni dictatas opinatur: prout etiam apud alium quemdam interpretem me legere memini: „*en zoo kunnen wij dan deze zeven brieven voor het grootste gedeelte als het werk van Christus zelve beschouwen.*“ Verum si rite verborum sensum ἐν πνεύματι εἶναι Apoc. I. 10. teneamus, haec minime vera esse potest sententia; Johannes enim, optimus Jesu Christi amicus, fidelis ejus, dum in vivis esset, comes, in exilio cogitatione Jesu Christi, in coelum evecti, omni gloria Patris ad dexteram sedentis, sed simul tenerrimo amore fidelem amicum in tristissima adeo conditione prosequentis, perpetuo se occupabat. Quid mirum, cum tantopere divinum illum amicum amaret, cujus causa συγκαινωνός ἐν τῇ θλίψει omnium erat Christianorum, qui tunc temporis affligerentur? quid mirum, cum tantopere Magistri optimi absentiam doleret, ἐν πνεύματι fuisse illo die, qui Dei filio erat consecratus, ipsumque Jesum vidisse in omni sua gloria, verbaque audivisse, sublimi, qua prodiret, imagini congrua? — Totam enim orationem, ne dicam omnis Apocalyplici libri, sed septem etiam epistolarum, animum prodere πνευματικὸν i. e. omnibus phantasiae iussibus libenter indulgentem, neque facile ejus

(1) Conf. *Donker Curtius* l. l. p. 162. et *Langius*, *Einleit. in die Apoc.* Vol. I. p. 49 sqq.

(2) Ex fide Cl. *Beringa* in scriptis, quae ante aliquot annos comitibus tradidit in stibula.

(3) *Bybelsvert.* l. l. p. 187.

ejus furorem, ut ita dicam, sacrum inhibentem, quis non videt? Equidem fateri cogor, me mihi non aliam posse proponere magnificae hujus rei imaginem, neque illam multum dissimilem habere a visione, qua moribundo Stephano, ἀπαρχοῦντι πλήρει πνεύματος δι' αὐτοῦ, Jesus apparuisse narratur Act. VII. 55. — Est ea animi conditio, quae, si ita stratur, prouti Johannis animum deprehendimus, minime illam tranquillitatem consuetam et serenam, habere sinit, ut altus, praesertim Jesu Christi, verba verbotenus audiri ac repeti possint.

## CAPUT SECUNDUM.

## DE SCRIBENDI GENERE.

In genere animadvertimus, Johannem in his epistolis aliam prorsus rationem inisse, quam in aliis observamus epistolis, quae, ejus nomine feruntur. In his enim docet, monet, laudat, vituperat, familiari omnino utens loquendi scribendique sermone; in illis vero sublimem indolem prodit, quae prophetas antiquos secuta, eorumque dictionibus prorsus imbuta fuisse perspicue intelligitur. Sed una cum illa sublimitate, de qua uberius exemplis adducendis dicemus, minime lectorem, qui vel parum in ejus scriptis est versatus, latet simplicitas, atque perspicuitas, cum maxima suavitate conjuncta, licet in iisdem magna sententiarum durities verborumque observetur. De his singulatim dicere mihi proposui, quibus denique characteristicas quasdam notas in nonnullis verbis, a Johanne frequentatis, addam.

## § I.

*Scriptio sublimis.*

Prima quidem hujus rei causa esse videtur, quod Apostolus in extasi has epistolas conscripserit, quae, sublimis adeo ideas animo volvens, e sublimi visione perceptas, sermone uti ei licuit, materiei accommodato.

Secunda causa in eo est quaerenda, quod Johannes ejusmodi esset indolis, quae facile tangi ac moveri soleat rebus externis: cujus rei documenta praeter ea, quae Apocalypsi insunt, praebentur in Euangelio, licet simplicissimo narrationes suas componat sermone. Ubi enim e. g. de ultimo illo, quod Jesus cum discipulis habuit, colloquio, verba facit, Evang. cap. XIV, quis non cum eo rapitur, atque coenae ipsi interesse sibi videtur? quis, quaeso, in altum non evehitur, ubi τὴν ζωὴν αἰώνιον praedicat, vel in epistolis suis fraternum amorem tamquam omnium officiorum μητρόπαιον esse docet?

Tertia versatur causa in eo, quod Johannes diligenter antiquorum prophetarum scripta

per-

perlegisse deprehendatur, imprimis Ezechielis et Jesaiæ libros, e quo studio apta illi data est opportunitas, ut res adeo sublimes, quales Johannes depingit, sublimi atque consentaneo sermone depingere posset. Evolve, lector, veterum illorum Johanne interpretum volumina, e quibus profuit fons, quo Vatum labra, tamquam Pieris aquæ, irrigentur. Prouti pictor hic illic suos circumspargere solet colores, pulchri venustique sensu a natura imbutus, illo ductus, nullisque regulis, quæ artes claustris suis premunt, obstrictus, eos ordinare videtur, ut concinnam ipse admirari debeas harmoniam, miramque concordiam: ita et Johannem deprehendes, phantasiae suae indulgentem, aptissimaque arripientem Veterum verba, atque elegantissime ea disponentem (1).

Quarta, quæ denique accedit, causa, sed, uti supra jam dictum est, nimis interpretum conjecturis, haud adeo firmis, nititur, quam ut eam multum valere dicamus, in Johanne versatur juvenili aetate, quæ talem sublimitatem non solum permittit, sed vel exigit, et senilem, languidum, frigidum sermonem odit ac fugit. Si enim verum est, quod ajunt, Johannem aetate fere juvenili, vel potius ea, quæ viriles sensus fovere ac alere haud negat, sed simul juvenilem ardorem nondum aufugit, in Patmon esse demissum, quid mirum nobis videbitur, Apostolum, tam facile externis rebus correptum, scripsisse sermone, quotidianum haud referente (2)?

Nec diu quaerendum est nobis, ubinam in septem epistolis lateant illa sublimitatis specimina. Inspicias, quaeso! singulas: singulae praeclara tibi exhibebunt loca: in singulis deprehendes scriptorem poetico quasi furore abreptum, qui non de ἐπισκόπῳ loquatur, ad quem sua scripta mittat, sed de ἀγγέλῳ, Dei Jesuque legato, inter homines constituto; qui Christum dicat non ἔχοντα, sed κρατοῦντα τοὺς ἐπὶ τὰ ἄστερας: deprehendes scriptorem, cujus sermonis sublimitas in eo est perspicua, ut et verba electiora, et sententiae graves, atque acutae, et figurae denique, affectibus ciendis idoneae, frequentia adhibeantur (3). — Non tantum enim Ephesini φέρουσιν omnia illa mala, sed βαστάζουσιν grave illud onus, quod a malevolis impositum iis queritur Johannes. — Exquisita arte ab eo composita esse videntur verba, quibus reprehendat vel laudet Christianorum singulos naevos aut virtutes; sed horrenda majestate venturus esse dicitur Jesus, vel celeritate armatus ut candelabrum removeat, vel gladio ancipite, ut deleat scortatores, vel oculis, flammaram instar fulgentibus, quibus renes et corda perspiciat mortalium. Quis porro non animadvertit Johannis sublime ingenium, ubi Jesum, Dei filium, victorem illum supremum, venturum esse praedicat, facturumque, ut Judaei, quorum vitia hunc iis denebant titulum, ad Christianorum pedes, supplicum instar, procumbant et profiteantur, quen-

(1) Venuste hac de re egit *Eichhornius*, Einleit. II p. 585.

(2) Vid. *Langius*, Vol. III. p. 217. et *Denker Curtius*, p. 162. qui viri Doctrina verba clare.

(3) Ita magnifici vel sublimis sermonis lineas ducit *Heinacius* in opere: *Fundamenta styli cultioris*, Lipsiae 1761. p. 188.

quanto amore Jesus suos prosequi soleat? Quis, quaeso, Johannem sublimem dicere neget, ubi coelum repraesentat, tamquam locum, omnia continentem, quae pulchri venustique sensus excogitare potuerit, Novam Hierosolymam?

## §. 2.

*Scriptiois simplicitas.*

Hujus generis documenta nobis praebent illae formulae, in quibus duae dictiones conjunguntur, licet eandem rem indicantes, quarum apud Hebraeos magna est frequentia (1). Tales dictiones, a Grammaticis parallelismos poeticos dictas, a Johanne in septem epistolis usurpatas esse, probant quae leguntur cap. II. 5. ubi *μνημονεύειν, μετανοῶν*, et *τὰ πρῶτα ἔργα ποιῶν* idem fere exprimunt. Ejusmodi formulae item inveniuntur cap. II. 13. *καὶ κραταῖς τὸ ὄνομα μου, καὶ οὐκ ἠρνήσω τὴν πίστιν μου*. III. 17. *πλούσιος εἰμι καὶ πεπλούτηκα, καὶ οὐδενὸς χρεῖαν ἔχω*.

Item in oculos mihi occurrit frequens usus particulae *καὶ*, quem nescio utrum ad simplicitatem an vero ad suavitatem referam. Inprimis cap. II. 2. 3. 9. 13. 20. III. 17. quocum conferri meretur elegans et suavis locus, qui apud *Vondelium* exstat (2),

*Die zorgh, en waecht, en slaeft, en ploegt, en zwogt, en zwcet.*

Nec minus illa simplicitas perspicua est in phrasi: *ἀλλ' ἔχω κατὰ σοῦ ὄλβον*, cap. II. 14. conf. 4. 20. quibus verbis, summam redolentibus simplicitatem, Johannes Jesu trinitatem optime expressit. — Ubi Apostolus loquitur de sublimibus argumentis, componere solet simplicissimo sermone, ita, ut perspicue pateat, nullam eum verborum magnificentiam quaevisisse, qua lectorum animos percelleret, atque captaret; dicit enim *τῇ νικῶντι δόσω φάραν*, ubi felicissimam conditionem depingit: *τῷ νικῶντι δόσω τὸν δεύτερον τὸν πρῶτον*, quibus angustissimam sortem in altera vita, a Jesu promissam, indicat. Nec praetereunda est crebra frequentatio pronominis demonstrativi et personalis *οὗτος, αὐτή, τοῦτο*. Conf. Apoc. II. 1. 18. 21. 22. III. 5. 20 (3): quae simplicitas ne Homero quidem ingrata fuit, v. c.

*τί με σπεύδοντα καὶ αὐτὸν ὀτρύνεις; i. e. cur me festinantem et ultro currentem incitas?*

## §. 3.

*Scriptiois perspicuitas.*

Hanc nobis observare licet, non tantum in rebus, quas tractat, verum etiam in verbis;

(1) Conf. R. Lowth, de Sacra Poësi Hebraeorum prael. XIX. p. 365. cujus verba refert Donker Curtius, p. 134. (2) Palamed. vi. 1. (3) Vid. Donker Curtius, p. 139.

bis, quibus utitur, licet, propter insolitam materiem, idem scriptor nonnumquam nimis obscurus videatur (1). Plurima in epistolis loca hanc perspicuitatem diserte ostendunt, a *Donker Curtio* (2) non minus laudatam. Ita v. c. lucide nobis depingit Johannes Ephesinorum et Pergamenorum constantiam et fidem cap. II. 4. 13, eodemque modo illos admonet ut resipiscant vs. 5: his vero dicit, quam grave sit vitium, quod erga Jesum committant vs. 14. 15. Ipsam Jesabelem ante oculos ponit, omni vi reluctantiæ, omni dolo corripere conantem Jesu ministros vs. 20. 21. 22. — Profecto septem epistolæ lumine claro indicant hominibus viam, qua sit eundum ad summam consequendam felicitatem; quid enim clarius Jesu voluntatem indicare posset, quam quæ cap. II. 26. leguntur: *ὁ νικῶν, καὶ ὁ τηρῶν ἄχρι τέλους τὰ ἔργα μου κ. τ. λ.*: neque dubitare nos sinunt, utrum Servator nostra facta, sive bona, sive mala, cognoscatur: perspicue enim prodit, tamquam ille, qui merito dicere potest: *οἶδα τὰ ἔργα σου* cap. II. 2 etc. *ἐγὼ εἰμι ὁ ἐρευνῶν νεφροὺς καὶ καρδίας*, vs. 23. — Interea ipse sibi persuasum habuisse videtur Johannes, nonnulla in ecstasi a se scribi, quæ nimis obscura forent, nisi, nonnullis addendis, majori luce proponerentur. Talia deprehendo cap. III. 1. ubi *ἔτι ἄνθρωπος ἔχεις ὅτι ζῆς; καὶ νεκρὸς εἶ*, vs. 2, pluribus declarat, admonitione ita instituta, ut rite intelligere possent Sardiani, quid sibi voluerit scriptor, scribens, *γίνου γρηγορῶν, καὶ στήρισον τὰ λοιπὰ ἃ ἐμέλλον ἀποθνεῖν*.

#### §. 4.

##### *Scriptoris suavitas.*

Hac in re unus prae ceteris Evangelistis et Apostolis exceller Johannes, sensu ipsius, fere dixerim, Jesu Christi suavi ac leni imbutus. — Qui suaviter scribere sibi proposuit, non tantam eligit materiem, scopo suo accommodatam, sed et componere eam.

(1) Hanc vero obscuritatem ipsis nostris epistolis inesse vix dixerim, quin negaverim: quod enim *Dionysius*, Alexandrinus episcopus, dixit, id quidem in universam Apocalypsin quadrare puto, minime vero in ipsas epistolæ. Dicit: *καὶ γὰρ εἰ μὴ συνίημι, ἀλλ' ὑπονοῶ γὰρ νοῦν τινὰ βαρύτερον ὑγκίσταται τοῖς ῥήμασιν, οὐκ ἰδίᾳ ταῦτα μετῶν καὶ κινήων λογισμῶ, πιστεύω δὲ πλείον ὥρμη, ὑψηλότερα, ἢ ὅπ' ἐμοῦ κατανοεῖσθαι νομόμικα*. Euseb. Lib. VII. cap. 25. p. 223. Conf. *Claudius*, Wandsbecker Bothen l. l. Tom. I. p. 9, sq. de Evangelio Johannis dicens: „*Ich versteh lang nichts alles, was ich lese, aber oft ist's doch, als schwebt es fern vor mir, was Johannes meinte, und auch da, wo ich in einen ganz dunkeln Ort hinein sehe, hab' ich doch Vorempfindung von einem grossen herrlichen Sinn, den ich ummahl verstehen werde.*“

(2) l. l. 141. Animadverti velim me hunc interpretem in hac disquisitione, praesertim quod ad ordinem attinet, tanquam ducem esse secutum. Scriptoris vero gravitatis documenta, quæ in Apocalypsi deprehendit, me in septem nostris epistolis latuerunt.

eam studebit suavissimis, dulcissimis omnino verbis. Neque nos latent hujus rei documenta in septem epistolis: quid enim dulcius, quid suavius, quam ubi laudes immixcet consolationibus, propter miseram conditionem institutis, in qua versabantur Smyrnen-  
ses II. 9. ἀλλὰ πλουσίως εἰ. Suavitate illa sponte movemur ac deducimur medios inter Sardonios illos pios: οἱ οὐκ ἐμύλυναν τὰ ἱμάτια αὐτῶν· quique ἐν λευκοῖς μετ' αὐτοῦ περιπατήσουσιν, ὅτι ἄξιοι εἰσιν III. 4. Sed prae omnibus suavis est locus III. 20: quid enim dulcius Jesu dulcem ac lenem indolem exprimere possit, quam ubi imaginem assumit illam amabilem, qua tamquam amicus cum Laodiceis coenare cupiat, nec januam relinquit, antequam pater familias eam aperuerit?

## §. 5.

*Durities dictionum.*

Absurdum quid statuere videbor, ubi sublime, suave, simplex ac perspicuum scribendi genus Johanneum efferens, simul in uno eodemque argumento duras dictiones comprehendere statuum. Sed unde, quaeret forsitan aliquis, unde illa durities? Animadvertendum respondeo:

I. Johannem, has conscribentem epistolas, ἐν πνεύματι fuisse, animumque, tali in conditione versantem, non posse anxiam curam habere regularum, quae ad severam Grammaticas legem sint effictae.

II. Praeterea Veterum Poetarum dictionibus prorsus imbutus, ad eas sua verba componisse videtur. Totae nimirum phrases, ex iis desumptae, in Apocalypsi occurrunt, nec non eadem imagines, quas adhibuerunt Prophetae; neque ullo modo intelligere possimus, nisi earum verum sensum ex antiquorum scriptis eruamus.

1. Ejusmodi imagines in septem epistolis etiam deprehenduntur: ἐπὶ τὰ λυχνία Apoc. II. 1. e Zach. IV. 2. ὀφθαλμοὺς ὡς φλόγα πυρὸς Apoc. II. 18. e Dan. X. 6. κρατεῖν ἐπὶ τὰς πόλεις cap. II. 1. ne hostium insolentia eos loco suo moveat, quod olim fecerat *Enochas Ebréphanes* e Dan. VIII. 10. 11. et Jes. XIV. 12. ἱομφαλὸν Apoc. II. 12. e Jes. IX. 4.

2. *Tropi*, quibus utitur Johannes, fere similes occurrunt in Vet. Codicibus. πρῶτος καὶ ἑσχατος Apoc. II. 8. Conf. Jes. XLI. 4. ἔχων τὴν κλεῖν Apoc. III. 7. Conf. Jes. XXII. 22. ἐρευνᾷν νέφρους καὶ καρδίας Apoc. II. 23. Conf. Ps. VII. 10. et Jerem. XI. 20. ἐλέγχω καὶ παιδεύω, ὅσους ἐὰν φηγῶ Apoc. III. 19. Conf. Prov. III. 12. et Job V. 17. ἄσπερα τὸν πραιόνον Apoc. II. 28. Conf. Jes. XIV. 12. καὶ ποιμαίνει αὐτοὺς ἐν ἡβάθρῃ σιδηρᾷ Apoc. II. 27. Conf. Ps. II. 8. 9. στήριζειν τὰ λοιπὰ ἃ ἐμελεον ἀποθανεῖν Apoc. III. 2. Conf. Ezech. XXXIV. 4. μολύνειν τὰ ἱμάτια Apoc. III. 4. Conf. Zach. III. 3. 4. λευκοῖς ἱματίοις Apoc. III. 4. 5. 18. Conf. Dan. VII. 9. καὶ μὴ φανερωθῇ ὁ σῶς.



σχόνη τῆς γυμνότητος Apoc. III. 18. Conf. Ezech. XVI. 7. 8. 9. 10. *ὄψαμα ἐξαλείψω*, ἐκ τῆς βίβλου τῆς ζωῆς Apoc. III. 5. Conf. Exod. XXXII. 32. 33. Ps. LXIX. 29. προσκυνεῖν ἐνώπιον τῶν ποδῶν Apoc. III. 9. Conf. Jes. LX. 14. *ἐμῆται ἐκ τοῦ σπύματος* Apoc. III. 16. Conf. Zach. XI. 8. *συμβουλεύειν ἀγοράσαι* Apoc. III. 18. Conf. Jes. LV. 1—3. *χρυσὸν πεπικυμένον ἐκ πυρός* Apoc. III. 18. Conf. Ps. XIX. 4. et Prov. III. 13. 14.

3. *Aenigmatica* item habentur in septem epistolis *dicta*, quorum nodus solvi nequit, nisi historia e V. C. cognoscatur. Bjusmodi sunt, quae occurrunt *de Nicolaitis* Apoc. II. 16. et *Bilcamitis* ibid. vs. 14. ad quae conferri debent, quae Num. XXXI. 16. sunt exposita; de *arbore Vitae in Paradiso Dei* Apoc. II. 17. Exod. XVI. 33; de *Jesabab* Apoc. II. 20. 1 Reg. XVIII. XIX, et 2 Reg. IX.

Si itaque haec omnia sic sese habeant, quibus addi posset, nonnulla haberi, quae ex libris apocryphis Judaei, Christi et Apostolorum aetate viventes, sapiebant, et ad quae respexisse videtur Johannes v. c. *ἐκτὰ πνεύματα* Apoc. III. 1. e Tobiae cap. XII. 15. vel *arbor vitalis*, quali imagine utebantur Judaei in vitae futurae descriptione: quid mirum nobis accideret, Johannem hisce et multis aliis indulgentem, sua verba composuisse sermone, minime rationem linguae Graecae, qualemcumque tandem suam, referri? quod quidem tantum est, ut nonnulli conjecerint Apocalypsin conscriptam fuisse lingua Hebraea, sed postea Graece conversam (1), alii e contrario opinati sint Barbarismos et Solaecismos illos repetendos esse e librorum vitiis. Prima autem conjectura rejicienda, quod liber, qui aliquid continet, quod aliis linguae sit, proprium, minime illa conscriptus esse dici potest; neque de Apocalypsi valere potest, quippe quod ne minima quidem hujus rei species apud Patres Ecclesiasticos exstat (2). Neque altera illa, qua vitiorum culpa in eos conjiciatur, qui librorum egerint partes, est. admittenda conjectura, cum hi facile talia animadvertissent vitia, neque omnes in errore adeo conspirassent, ut in plurimis iidem locis eadem plane animadverterentur vitia (3).

Haec autem durities, de qua agimus, conspicua est, in septem epistolis, praesertim in ea, quod *nominativus indeclinabilis* haud raro in iis occurrat, a summo *Grotio* stilii Johannei character habitus, *quod rectis uti soleat pro obliquis* (4), qualis est in promissionibus cap. II. 17. 26. III. 21. *ὁ νικῶν δώσω αὐτῷ* et *ὁ νικῶν ποιήσω αὐτῷ*; et ab Hebraea praesertim usurpatur, cum ad ornatum, tum ad majorem vim sermoni addere

(1) Vid. *Michaëlis*, I. l. p. 1062, 1064.

(2) Conf. Cl. *Klinkenberg* I. l. p. cxxxv.

(3) Huc conferri meretur *Donker Curtius* I. l. p. 132.

(4) Ita loquitur idem interpres I. l. p. c.

dam. Explicari potest per: *quod attinet*, sed. cum latinae orationis elegantia, ac *εὐρυγυλῆ* minime hisce adjectis gaudeat, formula illa praetermittitur. Occurrit autem in V. C. *partim*, quando constructio *nominativum* requirit, ut Gen. XX. 24. **וְהָיָה לְנָשִׁים** **וְהָיָה לְנָשִׁים**, *et. pellex ejus. et peperit etiam ipsa* h. e. *pellex ejus etiam peperit*. Conf. 1 Sam. XI. 11. XII. 7. *partim*, quum constructio *casum obliquum* requirit, quem, praemisso nominativo absoluto, per *additum pronomen* exprimunt, v. c. Ps. XI. 4. **וְהָיָה כִּי יִשְׁמַח** **וְהָיָה כִּי יִשְׁמַח**, *Dominus in coelo est sedes ejus* h. e. *domini sedes est in coelo*. Conf. Ps. XVIII. 31. CIV. 17. Jer. II. 24. VI. 19. Occurrit haud raro in N. T., prouti Act. VII. 40. Matt. III. 4. Luc. XII. 16. XXIII. 41. Joh. VIII. 20. in *pronominis* Matt. XXI. 42. Act. X. 36. XIII. 2. *accusativus*. Etiam apud Classicos. Xenoph. (1) τοὺς μὲν τοὶ Ἕλληνας, τοὺς δὲ τῇ Ἀσίᾳ οἰκοῦντας, οὐδὲν πω σαφὲς λέγονται εἰ ἔπονται, de Graecis, qui Asiam incolunt, nec dum certo constat sinene secuturi (2). Conf. item Apoc. II. 20. III. 12.

Porro Hebraeorum imitatio duram dictionem creat in ellipsi, Johanni propriam, verbi *τις*, uti cap. II. 10. *ὁ διάβολος ἐξ ὑμῶν*, scil. *τινας* (3), ut et cap. II. 18. in verbis *καὶ οἱ πόδες αὐτοῦ*, desideratur vocula *εἰσιν*: sin vero minus, hic locus in *its* est enumerandus, in quibus Johannem deprehendas, pronomen *αὐτός* pro relativo *ὅς* usurpantem, ut legendum sit *τοὺς πόδας αὐτοῦ* (*ἔχων* scil.) vel *οὗ οἱ πόδες* (scil. *εἰσιν*). Conf. Joh. XV. 5. *ὁ μένων ἐν ἐμοὶ καὶ γὰρ ἐν αὐτῷ*, pro *καὶ ἐν ᾧ μένω*. Vid. *Vigerus* l. I. p. 175. Omnium vero durissima ellipsis, inest cap. II. 13., qui locus accipi debet, tamquam si legeretur *καὶ ἐν ταῖς ἡμέραις, ἐν αἷς Ἀντικας — οὐκ ἠνέσταντο τὴν πίστιν μου*. — De notione particulae *καὶ* ex usu Hebraeorum pro Latinorum *etiam*, fac nostro *zelfs*, Hebr. **וְ** vel **וְ**, supra monuimus ad h. I.

Alius porro generis est Hebraismus, in usu verbi *ὄνομα* obvius, Apoc. II. 13. quod de *doctrina Christiana* est accipiendum, uti manifestum fit conferendis locis Matt. X. 22. *καὶ ἑσθὲ μισοῦμενοι ὑπὸ πάντων διὰ τὸ ὄνομα μου*. XII. 22. *καὶ τῷ ὀνόματι αὐτοῦ ἔσθῃ ἀκραιῶσι* (4). Ita etiam ipse Christus vocem *τὸ ὄνομα* Joh. XVII. 6. usurpat, pro quo vox verbo *λόγος* utitur. Addas Act. XXI. 13. — De Hebraismis cap. II. 23. *ἀποκτείνω ἐν θανάτῳ*, et III. 7. *ἀναλγῶν, καὶ οὐδὲς κλέλει*, supra ad illos locorum expositionem monui.

§. 6.

(1) Cyropaed. lib. II. p. 31.

(2) Plura exempla e *Xenophonte*, *Polybio* et *Africano* ducta, habet *Wolfius* in *Coris philol.* ad Joh. XVII. 2. et *Raphelius* ad Apoc. II. 26.

(3) Vid. supra ad expositionem hujus loci. Conf. *J. Forstius* de Hebraismis N. T. ex editis J. Fischeri, Lips. 1778. p. 567.

(4) Ita etiam explicatur a C. T. *Kuinoltio*, *Comment. nov. edit. ad h. l.*

## §. 6.

*Characteristicæ notæ in verbis et formulis, a Johanne frequentatis, perspicuae.*

Si de hisce longe disquirere vellem, metuendum esset, ne in illud vitium prolaberem, quod jam supra in expositione epistolarum dicta hinc iterum repeterentur. Satis nostrum in finem esse ducere, leviter tantum attingere, quae in censum veniant. Hujusmodi habeo:

1. Usus verbi *ἔχειν* cum verbo substantivo v. c. Apoc. II. 3. *ὑπομονὴν ἔχειν* pro *ὑπομονεῖν*: quibuscum quodammodo comparari potest formula apud Thucydidem Hist. II. 18. *ἔχω σε ἐν ἐργῇ, succenseo tibi*, sed meliori jure Sophocli Trach. vs. 7. *νυμφεῖν δὲ κεν ἀλγιστον ἔσχον*. Conf. Apoc. II. 10. *ἔχειν θλίψιν* pro *θλιβεσθαι*, et III. 1. *ὄνομα ἔχειν* pro *ὀνομαζέσθαι*.

2. In promissionibus, septem epistolis affixis, peculiari admodum notione gaudet verbum *διδόναι* Apoc. II. 7. 10. 17. 28. III. 9. 21. quod accepimus pro *facere ut*; vid. expositio III. 21.

3. Ita etiam amat verbum *νικᾶειν*, quod in fine cujusvis epistolae occurrit, *vincere* notans, ut 1 Joh. V. 4. *καὶ αὕτη ἐστὶν ἡ νίκη, ἡ νικήσασα τὸν κόσμον, ἡ πλῆτις ἡμεῶν*. Quo ut uteretur Johannes, bellum pios Christianos inter eorumque obrectatores, de quo ubivis fere agit, saepe ei ansam praebuit. Unus in Apocalypsi exstat locus, ubi idem usurpat verbum de pio illo, qui succumbit. Vid. Apoc. XIII. 7. (1).

4. Ejusmodi etiam notandus mihi videtur usus verbi *λόγος*, quo saepe ipsum Jesum intelligit Johannes Evang. cap. I. 1., alibi vero *mandatum*, *praecceptum* Apoc. I. 1. 8, 10. *λόγον τῆς ὑπομονῆς*. Conf. Joh. VIII. 51. XIV. 23. XV. 20. 1 Joh. II. 5.

5. Neque praetermittendum verbum *ἔργα* quod cap. II. 2. et similibus locis *opera* significat, sed vs. 26. singularem habet significationem, ubi *Grotius* idem esse conjicit quod *λόγος*. Tandem particulam *ἰδοὺ* Johanneum esse characteristicum verbum, quisque intelligit Evangelii loca conferens.

Caeterum attendendae sunt nonnullae formulae, quarum usu in hisce epistolis delectabatur Johannes. Tales sunt:

1. *ἔρχεσθαι τίνι*, qua adventus alicujus indicatur haud optandus illi, ad quem venit; quod quodammodo conferri potest Belgarum *bezoecken*, v. c. *God bezoeckt ons*, cui notio veniendi etiam inest. Opposita huic formulae sunt *ἔρχεσθαι πρὸς τίνα* Joh. XIV. 18. 23. ubi Jesus discipulos, de instante ejus abitu sollicitos, consolatur, et *εἰσελεύσασθαι πρὸς τίνα* Apoc. III. 21.

(1) Qui locus a *Schleusnero*, secundum *Donkerum Curtium* p. 115, nimis accurate exponitur, notans, ut pucat vir Doct., *ἀποκαθάρσει τὴν ἐκκλησίαν* *Christianos sollicitare*.

3. τηρεῖν τὸν λόγον Apoc. III. 8. 10. vel τὰ ἔργα II. 26. pro quo in Euangelio scripsit τηρεῖν τὰς ἐντολάς XIV. 15. 21. vel τηρεῖν τοὺς λόγους vs. 24. de quo vid. *Donker Curtius* l. l. p. 125. — Legitur praeterea apud Johannem τηρεῖν τίνα ἐκ τῆς ὄρας τοῦ πειρασμοῦ Apoc. III. 10. pro quo in Euangelio scripsit τηρεῖν ἐκ τοῦ πειρασμοῦ cap. XVII. 15. Variat in significatione verbi ὄρα, nonnumquam diem iudicii supremi notantis, v. c. Joh. IV. 21. 23. V. 25. 28. XVI. 2. 25. 32. XII. 7. Apoc. XIV. 7. 15. nonnumquam momentosam quoddam temporis punctum Apoc. III. 10.

3. Περιπατεῖν μετὰ τινος notat apud Johannem amice cum aliquo versari, quo sensu etiam habetur in Euang. VI. 66. et in Apoc. III. 4.: inde *studiose*, *omni cura amare et observare aliquem* Apoc. II. 1. Caeterum Evangelistae pro illo usurpant ἀκολουθεῖν, quo utitur Johannes Apoc. XIX. 4. οὗτοι εἰσιν οἱ ἀποκολοθῶντες τῷ ἀρνίῳ (1).

4. Variat quidem Johannes in nonnullis dictionibus, quae eandem rem notant, verum hoc discrimen parvi omnino est momenti; quod observare licet in πλὴν ὃ ἔχετε, κρατῆτε Apoc. II. 25. pro quo cap. III. 11. habet κρατεῖ ὃ ἔχετε: in superiori illo addit ἔχρη οὐδὲν ἔξω, in epistola ad Smyrnenses vero dicit ἔχρη θανάτου II. 10.

5. Postremo loco attendenda est formula, Johanni admodum familiaris, ἐν ᾧ πικρον τινος, quaes occurrat Apoc. I. 4. II. 14. III. 8. IV. 56. etc. in Euang. XX. 30. ubi autem saepius ἐμπροσθεν usurpat cap. I. 15. III. 28.

### C A P U T T E R T I U M.

#### DE SEPTEM EPISTOLARUM APOCALYPTICARUM VSU IN REM CHRISTIANAM.

Tandem mihi hoc loco dicendum erit de utilitate, quam hae septem epistolae piis Christi amicis praebent. Hic autem usus in rem Christianam in duas maxime partes dividi mihi posse videtur, quarum altera dogmaticam, practicam altera spectat: si enim historicam epistolarum expositionem a Facultate Nobilissima desiderari censerem, in repetitionem prolapsurus mihi viderer eorum, quae jam supra sunt illustrata, addendis animadversionibus de eorum usu historico peculiaribus.

Ne

(1) Vid. *Donker Curtius*, p. 129.

Neque etiam Theologicum Systema condere hujus esse loci opinor, quamobrem mentosissima leviter tantum attingere mihi proposui.

§. 1.

*De epistolarum usu dogmatico.*

Licet summum et maximum quidem dogma in his habeatur *Jesum esse Ecclesiae Dominum*, primum tamen de iis agemus, quibus illud est superstructum.

I. Jesus est υἱὸς τοῦ θεοῦ. Hoc suis ipsius verbis professum esse tradit Johannes Apoc. II. 18. Conf. vs. 7. atque confirmatur pluribus N. T. locis, Joh. V. 25. III. 16. 17. 18. I Joh. IV. 9. Rom. VIII. 32. et alibi. Quod ad naturam humanam attinet, homo erat, filius Mariae Joh. V. 27. VIII. 40. Luc. I. 31. Matt. I. 16. dicitur vero Dei filius, quoad non ex humano patre, sed supernaturali ac prorsus divina omnipotentia a Maria procreatus sit, Matt. I. 18—25. Luc. I. 34—37. Sed uti arctissima humanae et divinae naturae intercederet conjunctio, ita ab omni vitiositate expers erat; nam est ἅγιος. Conf. III. 7. — Nonnumquam ipse Deus dicitur Joh. I. 1. coll. V. 18.

II. Deus cum itaque sit Jesus, omne ei competit nomen, quo Pater celebratur: idcirco est ὁ ἅγιος, ὁ ἀλήθινος cap. III. 7. uti I Joh. II. 20. ὑμεῖς χριστὰ ἔχετε ἀπὸ τοῦ ἀγίου. Conf. Joh. XIV. 6. ἡ ὁδὸς, καὶ ἡ ἀλήθεια, καὶ ἡ ζωὴ. Hac de causa omnisciens est, quem nihil latet: cap. II. 2. οἶδα τὰ ἔργα σου; perspicit omnia, absconditissimas adeo cogitationes novit, ἔρευνῶν νεφροὺς καὶ καρδίας II. 23.

III. Est rerum omnium dominus ac princeps III. 14. ἡ ἀρχὴ τῆς κτίσεως τοῦ θεοῦ: quamobrem omnia ei sunt subjecta, et quaecumque ipse possideat, illa aliis dandi et tribuendi habet potestatem; II. 26. 27., a Patre acceptam, ibid. ὡς κἀγὼ εἶληφα παρὰ τοῦ Πατρὸς μου. Verum licet sit Dei filius et ab aeterno vixerit ὁ πρῶτος καὶ ὁ ἔσχατος II. 8. homo fuit, ac legi, omnibus mortalibus impositae, obediit: mortuus enim est, ὃς ἐγένετο νεκρὸς, sed revixit, καὶ ἔζησεν. ibid. Jesus Spiritum S. habet, prouti Pater, atque eum dimittit III. 1. ita vero ut talis inter eos deprehendatur conjunctio, ut ipse Spiritus dicatur ille Sanctus: in singularum epistolarum fine ὁ ἔχων οὕς, ἀκουσάτω τί τὸ Πνεῦμα λέγει κ. τ. λ.

IV. Jesus est Rex: insidet enim throno III. 21.: judicii supremi die erit ὁ βραβεύτης, qui praemia distribuit II. 7. 11. 17. 26. III. 5. 12. 21. qui. nullum discrimen facit, sed justus in omnibus rebus deprehendetur II. 23. καὶ δόσω ὑμῖν ἐκδοτὴν κατὰ τὰ ἔργα ὑμῶν.

V. Quaecumque Jesus habet, salutifera sunt, eaque lobenter Christianis offert, ut sibi comparent, atque per ea felicitatem aeternam consequantur. III. 18. συμβουλεύω σοι ἔγερσαι παρ' ἐμοῦ χρυσίον — ἵνα πλουτήσῃς, καὶ ἱμάτια — ἵνα περιβάλῃ — καὶ καλλούμενον — ἵνα

*ἵνα βλέπητε.* Eos simul excitat, ut eundem triumphum agere omnibus epitantur viribus, quem ipse aliquando egerat de adversariis II. 10. *γίνου πιστὸς ἕχρι θανάτου* conf. 25. III. 11. *ὥς κἀγὼ ἐνίκησα* III. 21. — Quicumque fidelis ei praeberit aures, servabitur ab illo, ne calamitatibus prematur, III. 10. *ὅτι ἐτήρησας τὸν λόγον τῆς ὑπομονῆς μου, κἀγὼ σὲ τηρήσω ἐκ τῆς ὥρας τοῦ πειρασμοῦ.* — Jesus pro sanctitate sua omnes flagitiorum operatores odio habens, virtutis studiosos magno prosequitur amore, quem manifestum faciet erga omnes, quos suos compertus fuerit, eosque, qui ab adversariis male tractentur III. 9. *Ἰδοὺ, ποιήσω αὐτοὺς, ἵνα ἤξωσι καὶ προσκυνήσωσιν ἐνώπιον τῶν ποδῶν σου, καὶ γυνῶσιν, ὅτι ἐγὼ ἠγάπησά σε.* — Calamitatibus atque aerumnis pios et fideles excitat, eorumque virtutem auget, prouti etiam de Deo Patre dicitur. III. 19. *ἐγὼ θεοὺς ἐὰν φιλῶ, ἐλέγχω καὶ παιδεύω.*

VI. Singularum Epistolarum character ille est praecipuus, quod doceant Jesum Christum universae Christianae Ecclesiae esse Dominum ac Principem, neque tantum universam, ubivis terrarum dispersam, sed privatam etiam quamcumque moderamine suo regentem. Conf. singularum epistolarum initia, in quibus alia atque alia imagine perpetuo utitur; item Matt. XVI. 8. *καὶ ἐπὶ ταύτῃ τῇ πέτρᾳ οἰκοδομήσω μου τὴν ἐκκλησίαν.* Eph. I. 22. *καὶ αὐτὸν (χριστὸν) ἔδωκε (πατὴρ) κεφαλὴν ὑπὲρ πάντα τὴν ἐκκλησίαν.* — Curat ac ducit ecclesiarum antistites, iisque semper adest II. 1., at non solum illorum opera novit III. 2., sed etiam cujusvis, qui iis sit addictus II. 20. Quae iis laudi sunt ducenda, laudat II. 2. 3. 9. 13. 19. III. 4. 10. quae vituperanda, vituperat atque increpat II. 4. 14. 20. III. 3. 16. 17. admonet eos, ac praemia, hac ipse terra consequenda, proponit, minas adjungens contra impios, nisi ad meliorem redeant frugem II. 5. 16. 22, 23. III. 3. 4. 9. 10. — Sed omnium maxime in eo est occupatus, ut animos ad altiora advertant, ad felicitatem coelestem; quam non tantum animi immortalitatem esse docet II. 11. *ἐκ τοῦ θανάτου τοῦ δευτέρου*, sed etiam pro cujusque vitae ratione, hac in terra pie actae, atque ad ejus praecepta institutae, felicem fore praedicat. II. 7. 10. 17. et sim. Ex iisdem vero locis intelligi potest, quanam et qualis impiorum post hanc vitam futura sit conditio, licet Servator eam non describat. Felicitatem vero illam ac gloriam docet aliis esse incognitam II. 17. *ὃ οὐδεὶς οἶδεν εἰ μὴ ὁ λαμβάνων.* III. 12. *τὸ ὄνομα μου τὸ καινόν*, eamque aeternam fore ibid. *καὶ ἔξω οὐ μὴ ἐξέλθῃ ἐτι*, et imperium universum in malignos includentem II. 26. *δώσω αὐτῷ ἐξουσίαν ἐπὶ τῶν θνῶν.*

Non solum bona, uti diximus, animadvertit Jesus aequae ac mala, a Christianis perpetrata, verum etiam in hac terra illa remunerat II. 24. *οὐ βαλὼν ἐφ' ὑμᾶς ἄλλο βέρος* conf. III. 10. *haec* punit II. 22. *Ἰδοὺ, βάλω αὐτήν εἰς κλίνην κ. τ. λ.* Docent porro epistolae Jesum et severum esse, et lenem ac mitissimum omnino Ecclesiae Dominum Gubernatoremque, II. 24. imprimis III. 20. — Denique quicumque Jesu exemplum strenue fuerit secutus, et, ad ipsius Christi exemplum, ad mortem usque constanter pugnaverit

ac vicerit, augustissimo olim fructurus est consortio, quam in uno eodemque loco cum Domino suo et Patre versaturus sit et victurus III. 21.

## §. 2.

*De Epistolarum usu Practico.*

Non difficile erit hunc usum practicum ex ipsa harum epistolarum doctrina exponere, si modo dogmaticum rite ceperimus.

Prima quidem utilitas, quae in iis deprehenditur, practica, haec est, quod ecclesiarum antistites in iis exemplum habeant expressum, in quod, coetus suos docturi, monituri, consolaturi, universe intueri possint illudque imitando exprimere. Ut autem hoc felici cum eventu agant, capiant necesse est, Jesum esse Dominum universae ecclesiae omniscium, ubivis praesentem, omniaque gubernantem; quam Christi magnitudinem, a Patre acceptam et morte sua vindicatam ac sanctam, nullus non eorum in coetibus perceptam habere debet, si fructus operae carpere velit. Hunc in usum valet titulus, quo insignitur ab ipso Jesus: coetuum antistes est Jesu ἄγγελος, ab ipso missus et constitutus, qui non solum ejus doctrinam promovere nitatur, sed et ejus personam in terrâ agat. Caveat vero, si quidem Jesum imitari velit, ut eam agat superbe ac insolenter. Simplicitate, lenitate, indulgentia si praeditus fuerit, magnam profecto in auditorum animos exercebit vim, non solum in publicis pro concione orationibus, sed etiam in privata vel domestica consuetudine. Omnes amore complectatur; sed eos maxime, quos deprehendit Jesu amicos, piosque sectatores: increpet, et increpet cum gravitate et severitate, si quae grassari videat flagitia per coetum suum: contra vero ad Christi exemplum laudet cives suos, si quid boni, probi, virtutis omnino Christianae nomine digni videat, quo excellent. Caveat vero simul, ut nimio plura iis imponat onera; quippe quod si fecerit, facile remittent illi laxioresque suas tenebunt habenas: Jesu attendat verba οὐ βαλὼν ἐφ' ὑμᾶς ἀλλὰ βέλος cap. II. 24 (1).

Sed antistes in eo imprimis operam collocare debet, ut praecipuam indolis moralis notam cognoscat, quae ab aliis suis discernatur coetus. Jesus, v. c., in Ephesinis remissionem amoris, in aliis alia observat vitia; ita nostris temporibus lascivos, superbos similesque animadvertere potest, si qui habeantur. Nostra enim aetate mirum videretur, si quis Bileamitas, Nicolaitas, aut Jesabelitas haberi doceret: verum ipsis nostris temporibus, si qui deprehenderentur, falsam doctrinam, Christianae adversam, promovescentes, vel moribus sordidis offendiculum projicientes, haud dubitem, ecclesiae antisti-

ti-

(1) Conf. *Middelveldius*, orat. laud. in Boekzaal der geleerde wereld, Octob. 1823.

et officium esse impositum, ad Jesu admonitionem Apoc. II. 20. tales amovendū, consentientibus iis, qui hodie una cum illo res ecclesiasticas administrant.

Neque minor opera in eo mihi ponenda videtur, ut cives suos doceat, quatenam officia Christiana religio ab iis exigit, eaque accommodata esse et ipsi humanae, et conditioni, in qua versentur. Utramque rem ipse Jesus in epistola ob oculos habuit, non majora, quam ferre possunt, imposuit hominibus, officia II. 24. neque neglexit ea ita instituere, ut aptissime convenient rebus, quibus singuli coetus essent impliciti, prouti in expositione epistolarum docui. Ita antistes sciat, quid valeant, quid ferre recusent ecclesiae cives.

Sed praeterea multa alia insunt harum epistolarum doctrinae, quibus singuli Christiani proficere possint, si modo rite ea adhibeant. Ne ex repositis, quae antistes in suum ipsius emolumentum convertere possit, quorumque magistra partem ad omnes Christianos referri posse possit, hi ex iis discere possunt, Jesum revera tanta esse benevolentia, qui lubenti gratoque animo, quaecunque habeat, offerat et inter suos distribuere cupiat III. 18. Conf. Matth. XI. 28. δεῦτε πρὸς μὲ πάντες οἱ κοπιῶντες, καὶ πεφορτισμένοι, καὶ γὰρ ἀναπαύσω ὑμᾶς. Simul docentur, impios odio haberi ac puniri ab ipso Jesu II. 6. 22. et nullos πορνούς, οὔτε εἰδωλόλατρος, οὔτε μοιχοὺς, οὔτε μαλακοὺς, οὔτε ἀρσενικοῦτας βασιλείαν θεοῦ οὐ κληρονομήσιν I Cor. VI. 10. Conf. singulae epistolae. Porro Jesum omnia, abscondita adeo cognoscere hominum facta eorumque cogitationes, diserte docet quodvis earum initium; quae igitur persuasio eorum animos timore ac reverentia Dei Christique implere debet, quae initium est omnis sapientiae. Docentur etiam τὴν κόσμον παράγειν, καὶ τὴν ἐπιθυμίαν αὐτοῦ, τὴν δὲ ποιῶντα τὸ θέλημα τοῦ θεοῦ μένειν εἰς τὴν αἰῶνα I Joh. II. 17. quum ex epistolis cognoscant quantum ὑπομονὴν ἔχειν, καὶ βαστάζειν διὰ τὸ ὄνομα αὐτοῦ, καὶ οὐ κοπιᾶζειν cap. II. 3. praestet τῷ πορνεῦσαι, vs. 14. Sed simul docent Epistolae, nullum valere Christianae virtutis nomen, nisi revera colatur; ὄνομα enim ἔχειν ὅτι ζῶσι, non difficile est, νεκρῶν ὄντων III. 1. Exigit religio Christiana, ut paucis dicam, secundum septem epistolarum doctrinam, *constantem Christi amorem*, II. 1—7. *constantiam perpetuam in maximis adeo calamitatibus*, vs. 8—11: *nullum habendum esse commercium cum falsis doctoribus*, vs. 12—17, *evitandos esse ac ejiciendos scortatores*, vs. 20—24, *virtutem operibus ac factis, et animi probitate probandam esse* III. 1—6. *Jesum advertere pios, eosque calamitatibus oppressos, servaturum*, vs. 7—13. *omnemque tepidam agendi rationem ei displicere*, vs. 14—22.

Persuasum sibi habere debent Piorum animi, a Jesu se amari III. 9: iisque promittitur praemium virtutis. Ad bona quaeque perpetranda excitantur: Spiritus enim Sanctus jubet ac monet Christianos, sed et Jesus, ἡ ἀρχὴ τῆς κτίσεως τοῦ θεοῦ III. 14. τὸ ἀπαύγασμα τῆς δόξης, καὶ χαρακτὴρ τῆς ὑποστάσεως αὐτοῦ, Hebr. I. 3. disertissimis docet verbis: τὴν καινὴν Ἱερουσαλὴμ, τὴν καταβαίνουσαν ἐκ τοῦ οὐρανοῦ ἀπὸ τοῦ θεοῦ, aliquando



civitatem illam futuram, cujus cives erunt, quicumque τὴν μενοῦσαν πόλιν hac in terra  
haud quaesiverint, ἀλλὰ τὴν μελλούσαν ἐπιζητεῖν conati fuerint Hebr. XIII. 14. — Fida,  
ac certa, nulla umquam temporum labe inquinanda, nulla unquam fragili adversariorum  
opera labefactanda, haec sunt promissa! Ille enim, talia promittens, est ὁ Ἀμὴν ὁ μάρ-  
τυς ὁ πιστὸς, ὁ ἀληθινὸς υἱὸς τοῦ θεοῦ, ὃς ἐκάθισε μετὰ τοῦ Πατρὸς ἐν τῷ θρόνῳ αὐτοῦ. —

S Y M B O L U M.

Κάλος οὗτος καὶ ἀξιολύτατος εὐκλαίης ἄγων τε καὶ στίφανος, ἐν ᾧ  
καὶ τὸ ἡττᾶσθαι οὐκ ἔδοξεν.

*Longinus.*



PETRI OTTONIS VAN DER CHYS,

DELPHENSIS,

PHIL. THEOR. ET LITT. HUM. IN ACAD. LUGD. BAT. CAND.

R E S P O N S I O

A D

QUAESTIONEM A NOBILISSIMA FACULTATE DISCIPLI-  
NARUM MATHEMATICARUM ET PHYSICARUM IN  
ACADEMIA LUGDUNO-BATAVA A. MDCCCXXV.  
PROPOSITAM:

*Explicetur, aptisque illustretur exemplis, quibus in regionibus Pa-  
triae nostrae, modus quo et aestate pecus semper in stabulo reti-  
netur, commendatione dignus videatur, deinde vero accurate  
exponentur difficultates, quibus haecce methodus illis in locis  
premitur.*

QUAE PRAEMIUM REPORTAVIT D. VIII MENSIS FEBRUARII

A. MDCCCXXVI.



# R E S P O N S I O

A D

## QUAESTIONEM EX OECONOMIA RURALI.

---

Vasta illa ericeta per regnum Belgicum, quae satis amplum dilectae nostrae patriae locum occupant, peregrinantem profecto, si non dolore, magno saltem taedio afficiunt; attamen ipsa illa deserta ab incolis felices hujus regionis in prata fertilissima possent redigi: quod ne quis inaniter me jactare credat, afferam exemplum illius partis provinciae Flandriae Orientalis, quae nomine agri Wasiani (*Land van Waas*) insignitur: fuit magna illius regionis pars ericetum non optimae sane notae, quo tempore Princeps Parmae anno 1584 fossam ducebat, incolaeque regionis circumjacentis vias per eam faciebant: qua utraque re adiutus ad illud desertum facilius factus est. Ad tantam autem fertilitatem, qua nunc fit, ut Wasianus ager pulcherrimus sit totius regni, nunquam pervenire, saltem in ea perpetuo manere nunquam potuisset, nisi insignis adesset quotannis fimi copia: quam tamen non aliunde advexerunt incolae, sed ipsi fecerunt ope praeclarae illius methodi, qua pecus, etiam per aestatem, in stabulis retinetur; non immerito aurea haec methodus, et multo sane auro pretiosior in iis regionibus, ubi fimus non nisi immensis sumtibus potest comparari, commendari satis nequit multis rusticis Belgicis, qui saepe fimi inopia adeo laborant ad meliores reddendos agros.

Utilis igitur est investigatio, in quibusnam partibus patriae nostrae methodus illa sit necessaria ad augendam fimi copiam indeque agrorum proventus majores faciendos; et certe hujus investigationis nostra inprimis aetate non tantum elucet utilitas, verum unicuique patriae conditionem recte perspicienti, manifesta fit necessitas; mercatura enim praecipuus antea divitiarum in multis nostris provinciis fons, maxima ex parte ad externos migravit, neque spes est, fore ut ea umquam ad pristinum evehatur redeatque statum; pleraeque praeterea nostrae officinae (*fabrieken*) aemulationem (vel *concurrentiam* ut ita dicam), cum peregrinis ferre non possunt, ita ut in his etiam multo inferiores simus. Una est agri-

cultura, qua externos multum adhuc superamus; sed magno sane opus erit labore, ut superiores maneamus; recentes enim in Chemia et Physica inventiones cum magno cum fructu ad agriculturam applicare coeperint vicini nostri, Angli, Galli atque Germani, verendum est, ne, nisi Belgici sequantur rustici, et haec aliquando nobis eripiat pal-  
ma. Nihil autem, quod sciam, universam nostri regni agriculturam adeo juvare posset, quam si per omnes fere provincias introduceretur illa methodus, qua et per aestatem pecus semper in stabulis retineatur; insignem enim in modum fimi copia augetur, itaque vis productiva agrorum in dies major fieret.

Cum autem hanc utilitatem stabulationis perpetuae (utar enim in posterum his minus usitatis verbis pro Belgico vocabulo *stalvoeding*), et vos perpenderit, Viri Cl., in totius profecto regni Belgici commodum sequentem proposuistis quaestionem:

*Explicetur, aptisque illustretur exemplis, quibus in regionibus Patriae nostrae, modus quo et aestate pecus semper in stabulo retinetur, commendatione dignus videatur; deinde vere, accurate exponantur difficultates, quibus haec methodus illis in locis premitur.*

Cui ut aliquis ita responderit, prouti rei gravitas meretur, et ut patria flagitat agricultura, vehementer spero, equidem etiam in re tam magni momenti certamen ingressus et juveniles meas vires periclitatus sum.

Praemissis nonnullis, quae ad stabulationem perpetuam universe pertinent, ad utramque quaestionis partem respondere conatus sum.

Capite igitur I<sup>o</sup>. agitur de stabulatione perpetua universe.

Cap. II<sup>o</sup>. explicatur et exemplis illustratur, quibus in regionibus patriae nostrae stabulatio perpetua commendatione digna videatur.

Cap. III<sup>o</sup>. exponuntur difficultates, quibus haec methodus illis in locis premitur, simulque ostenditur, quomodo eae magna saltem ex parte tolli possint.



## CAPUT PRIMUM,

## DE STABULATIONE PERPETUA UNIVERSA.

## §. 1.

*Quid sit stabulatio perpetua.*

Quandoquidem, antequam disquisitio de aliqua re instituat, necesse est, ut bene notum sit, quae res in disputationem veniat, ita et hoc loco breviter indicandum duximus, quae sit stabulatio perpetua. Hac enunciatione eam intelligimus methodum, qua per totum annum pecus in stabulis retinetur, et nunquam, aut nonnisi valde raro, tantumque per aliquot horas ad ambulandum ducitur. Non prorsus tamen necesse est, ut pecus in stabulo semper alligatum sit; possunt etiam includi bestiae sub divo, in circuitu e palis facto, ita ut facile se movere possint: Cum enim animalia sibi invicem assueverunt, inter se non pugnabunt, sed in pace vivent, nisi natura ad pugnandum valde propensa sint.

## §. 2.

*De stabulationis perpetuae usu.*

Methodus haec permixtis in locis utilissima est; nocet autem nullibi, nonnullis tamen in locis minus est necessaria; in iis nempe regionibus, quae solis pratis constant, iisque tam boni generis, ut meliora fere reddi nequeant.

Utilissima autem est haec methodus in iis regionibus, quae carent pratis, aut ubi agri et prata in eadem terrae parte se invicem singulis annis excipiunt.

Magna sunt emolumenta, quae e stabulatione perpetua capiunt agricolae, nam, primum ex agro minore, major ali potest pecoris numerus:

1<sup>o</sup>. quia plantae metuntur, cum florent, i. e. cum et maiorem quantitatem et meliorem qualitatem nutrimenti praebent.

2<sup>o</sup>. quia ne minima quidem planta conteritur aut perit, quod fit, quando pecus in pratis jacet.

A 3

3<sup>o</sup>. Dein

Deinde major quoque fit fimi copia, non tantum ob maiorem pecoris numerum, sed et ideo, quia nulla prorsus fuit particula excidit.

Quod idem de pratis dicere non possumus; nam

- 1<sup>o</sup>.  $\frac{1}{3}$  fimi pars, qui in his cecidit, sub forma gazis evolat.
  - 2<sup>o</sup>.  $\frac{1}{3}$  pars ab insectis consumitur.
  - 3<sup>o</sup>.  $\frac{1}{3}$  demum pars forsitan utilis est prato, sed non nisi anno sequenti, nam herbam in his locis natam, ubi fimus cecidit, non attingit pecus, nisi extrema fame coactum.
- Videtur etiam pecus in stabulis paucioribus, quam in pratis morbis obnoxium esse.

### §. 3.

#### *De stabulationis perpetuae incommodis.*

Hactenus stabulationis perpetuae enumeravimus emolumenta, quae experientia ex ea redundare satis docuit: eadem autem experientia magistrā probavit sequentia incommoda illi methodo obesse.

- 1<sup>o</sup>. In stabulatione perpetua plus laboris quotidie est faciendum.
- 2<sup>o</sup>. Magna cura atque diligentia opus est, ut semper sufficiens nutrimenti adsit copia.
- 3<sup>o</sup>. Pecus nonnumquam obnoxium est ei morbo, quem inflationem (Belgice, *opzwel-ling*, de blaar) vocamus:

Hoc autem tantum in his locis habet regionibus, ubi fere sola argilla constant agri, raro in his, ubi sabulosi sunt; oritur praecipue e nimia trifolii humidi copia, quod comedit animal: est autem hic morbus valde periculosus; durat nonnisi per breve tempus, et nisi promptum adsit auxilium, intra aliquot horas misero modo moritur animal.

Ante paucos annos unus e meis amicis uno die tres vaccas tali modo amisit. Optimum remedium est usus cultri chirurgici *troicaar* dicti, quo sectio fit in animalis ventre, ita ut ventus in eo retentus foras veniat. Optimae autem sunt cautiones:

- a. trifolium non metatur, quando adhuc est humidum sive pluvia, sive rore.
- b. trifolium in stabulo ita debet exponi, ut non nimis accumulata jaceat; hoc enim si fit, calefieri (*broeijen*) incipit, quod valde nocet.
- c. nonnisi parva copia simul praebeatur; (quod quidem maximi est momenti).

## S. 4.

*De plantis, pecoris in stabulatione perpetua nutritioni inservientibus.*

Præcipuum in pecoris stabulatione perpetua nutrimentum est trifolium; valde autem periculosum est huic plantae soli confidere: fieri quippe potest, sitque etiam nonnumquam ut uno alterove anno non bene crescat, et tam parvam alimenti præbeat copiam, ut pecori alendo minime satis sit. Trifolium præterea mense demum Junio incuante floret, et non nisi bis per annum, (terra enim secio rara est) meti potest.

Propter hasce igitur affatas causas ubique fere, ubi stabulatio perpetua in usu est, et afflatae adhiberi solent plantae, quae simul cum trifolio pecoris nutritioni inserviant; sic v. c. in regionibus argillois vicia sativa (Belgice *wicken*) in locis arenosis spergula arvensis (*Spurrie*).

Optima autem est Medicago sativa (*Luzerne*), quae simul cum trifolio colatur, si modo haec planta aëri nostrae patriae posset adsuefieri; Medicago sativa in regionibus calidis Europae locum tenet trifolii, quod tantae est utilitatis in regionibus frigidioribus. In iis autem locis Galliae vel Germaniae, ubi utraque planta se invicem excipiunt, Medicago sativa sequentia magni pretii præbet emolumenta.

a. duabus hebdomadibus ante trifolium potest secari....

b. metunt eam spatio intermedio inter primam et secundam trifolii sectionem.

Conjunctio autem culturae trifolii et Medicaginis sativae has secandi vel metendi præbet vices:

Initio anni 1<sup>o</sup>. Medicaginis sativae 1<sup>a</sup>. messis.

Deinde 2<sup>o</sup>. Trifolii 1<sup>a</sup>. —

— 3<sup>o</sup>. Medicaginis sativae 2<sup>a</sup>. —

— 4<sup>o</sup>. Trifolii 2<sup>a</sup>. —

— 5<sup>o</sup>. Medic. sativae 3<sup>a</sup>. —

Trifolii autem, ut jam antea diximus, raro tantum habetur tertia messis.

c. In annis valde siccis et calidis solis aestu tanquam comburitur trifolium: Medicago autem sativa tunc adhuc viridi colore ornata est.

d. Medicago sativa ita annumerari potest plantis, quae solum melius reddunt.

e. Si simul coluntur Medicago et Trifolium, agricola partem quamdam secundae messis trifolii aratro subvertere potest, ut tritice colendo melius etiam inserviat ager.

Verum ut jam antea diximus, dolendum est tam difficile esse medicaginem sativam nostro assuefacere aëri et solo; in provinciis tantum Brabantia Meridionali et Luxemburgo aliquantum colitur, verum haec cultura non augetur.

In Flandria Francica nonnulli agri, verum raro majores, medicagine sativa conseruntur;



tur; ubi unusquisque agricola partem agri non procul a villa sitam hac planta nutriente conserit, quae in aestate saepe metitur eam ob causam ut pecori nonnunquam aliud nutrimentum praebere possit. Quotannis hoc pratum artificiale stercoratur urina pecudum, in qua placentae Lini usitatissimi (*lynkoeken*) sunt solutae, vel etiam conspergitur pratum cinere turfatum, ligni vel carbonum fossilium (*steenkolas*), quater autem aestate medicago sativa metitur, cum maxime floret.

Quoniam haec planta superstes primo anno paululum tantum producit, quoniamque illius cultura multo constat, et semen magni est emendum, jure opinantur agricolaë in Flandria Francica se medicaginem sativam non majoribus agris colere posse; impensae publicae sive vectigalia et mercedes conductionis villarum ex eorum opinione majores sunt quam ut hoc fieri posset; accedit quod agri non nisi in paucos annos locari possunt. Quae cum ita sint, agricola illi tantum messibus studet, quae certos producant fructus, quaeque non nisi per duos tresve annos agrum meliorem reddunt.

Ejusmodi plantae aptiores sunt illis agricolis, qui per multos annos agros possunt locare et illis locis, ubi merces locationis conductionis non adeo magna est.

(Videatur Cordier, *Memoire sur l'Agriculture de la Flandre Française* p. 372).

## CAPUT SECUNDUM.

QUO EXPLICATUR ATQUE EXEMPLIS ILLUSTRATUR, QUIBUS IN  
REGIONIBUS PATRIAE NOSTRAE STABULATIO PERPETUA  
COMMENDATIONE DIGNA VIDEATUR.

Nulla fere Europae est regio, quae tam arctis constricta finibus, tam diversam habeat soli naturam, quam regnum Belgicum, cara nostra patria; hic enim, ut in Zelandia et in multis Groningae, Brabantiae Meridionalis, Trajecti, Frisiae, aliarumque provinciarum partibus invenitur argillosa terra: illic fere nil nisi arena, ut in Drenthia, Brabantia Septentrionali, Limburgo, alibi; in aliis denique provinciis rursus saxosa terra eaque saxa duriora, ut et magnae sylvae inveniuntur, ut in Namurco, Hannopia, Leodio et Luxemburgo.

Nonnullae provinciae solis fere illisque optimi generis consistunt pratis, ut Hollandia cum Septentrionali, tum Meridionali, et magna Frisiae pars; aliae rursus provinciae fere nul-

nulla habent prata, ut Drenthia, Antverpia, magnaue pars Limburgi, et Brabantiae Septentrionalis; maxima autem provinciarum pars mixtis constant agris et pratis.

Quae cum ita sint, cumque tam diversa sit regionis natura, de commendatione stabulationis perpetuae in regno Belgico universe paucis tantum agemus, separatim autem singulas patriae provincias ad partes vocabimus: explicitis iis, quae ad stabulationem perpetuam commendandam aut minus commendandam pertineant, afferemus exempla nobis nota eorum, qui hac pecoris semper in stabulo alendi methodo usi sunt, aut etiamnum utuntur.

Diximus autem jam supra Cap. I. §. 1. stabulatione perpetua in iis regionibus non opus esse, ubi prata optimaе notae inveniuntur; sequitur igitur, ut in iis Belgii provinciis, quae solis fere pratis constant, commendatione digna haec methodus non videatur, contra eam commendatione esse dignissimam in iis provinciis, quae pauca tantum eaque pejoris notae habent prata: quae, prata procul omni dubio meliora possent reddi, adhibita satis magna fimi copia. Haec de universo Belgio quod ad stabulationem perpetuam; nunc singulas spectemus provincias, quarum geographicum ita sequemur ordinem, ut a septentrione, id est a Groninga exorsi, in medio sive in Trajecto finem faciamus.

### §. 1.

#### *Provincia Groninga.*

Solum hujus regionis plerumque fertile, nonnullis in locis, ut v. c. in parte *Oldambt* dicta fertilissimum est; juxta littora maris inveniuntur optima prata; in interiore provinciae parte sunt multae terrae turfatae (*veenlanden*), quarum jam magna pars ope stercoris ex urbe Groninga advecti in uberrimos agros sunt redactae. In meridie provinciae multae sunt terrae arenosae, ericeta, atque paludes. Solum fertilissimum ea est provinciae pars, quae aggerum ope exclusa est e Dollartio maris septentrionalis parte interiore, qui seculo XIII ortus est, et tunc 44 pagos submersit; optimi agri fere sola argilla constantes inveniuntur intra Dollartium, terras turfatas (*veenlanden*) et aquam dictam *Damsterdiep*, ubi sunt pagi *Midwolde*, *Hamrikke*, *Oosterwolde* et *Finstervolde*.

Ex hac descriptione patet, stabulatione perpetua in multis provinciae locis non opus esse; in parte autem meridionali eam esse perutilem, quod etiam intellexerunt nonnulli periti agricolae; in his enim pagis, qui dicuntur *Veen-Kolonien*, jam ex aliquot inde annis nonnullae bestiae per totum annum in stabulo nutriuntur; in pago *Sappemeer* anno 1823 viginti duo agricolae atque homines operarii (*arbeiders*) per aestatem in stabulo nutriverunt 31 vaccae, 20 juvencae, et 6 oves.

In pago quoque *Hoogezand* eodem anno viginti duo agricolae atque homines operarii in

stabulis nutriti sunt 34 vaccas, 19 juvencas atque 7 oves; quod simul facit numerum 66 vaccarum, 39 juvencarum et 13 ovium.

Ex his unus homo in pago *Seppemeer* alebat 11 vaccas, et alter in pago *Hoogezand* 15, quarum 12 mulgebantur.

Extremas hasce notitias debeo egregio libello a Viro Consultissimo WIARDO HORA SICCAMA conscripto, cujus titulus est: *De bron van rijke groeikracht niet ontdekt, maar aan zijne medelandbouwers op mestgierige gronden aangewezen door Mr. W. H. S., Groningae 1824.*

Dicit Vir Consultissimus multos alios et vel peritissimos agricolas in ea provincia eo anno, quo editus est libellus (1824.) in animo habere introductionem stabulationis perpetuae; describit deinde methodum, quam ipse in colendis agris et in nutriendo pecore secutus est, et adhuc sequitur.

Habuit ille vir per annum 1823 in stabulo 11 vaccas, quarum 10 mulgebantur; anno 1824 in stabulo habebat 15 vaccas, quarum 12 lac praebebant; in animo autem habebat per annum 1825 nutrire 19 vaccas, et plures etiam, nisi stabuli angustiae hoc impedirent.

Praescipit sibi in agricultura quasdam regulas principales, quibus fideliter obtemperare studet; sunt autem hae:

1. adducere agros ad summam fertilitatem eosque perpetuo in ea retinere.
2. In variis anni tempestatibus laborem agrestem tam aequaliter dividere, quantum fieri potest.
3. Raro easdem plantas sive cerealibus per duos continuos annos in eodem agro serere.
4. Quoties fieri potest, agrum cogere, ut uno eodemque anno duas messes proferat.
5. Stabulatione perpetua uti sine multa difficultate, ita ut ex iis agris, in quibus antea pascebatur pecus, ope majoris numeri pecoris multo majorem fimi copiam capiat, solita, neque ut amplius coactus sit emere quotannis fimum, quo indiget.
6. Agricola non eligenda esse ea cerealibus, quae serere vult, secundum frumenti pretium eo tempore, quo serit, sed tantum secundum naturam atque fertilitatem suorum agrorum; saepe enim fieri, ut frumenti genus ab eo electum prorsus non, saltem minus, conveniat, terrae specie: fieri quoque non raro, ut frumentum electum nimia ubivis satiatione tempore messis pretio minutum sit, utque illud cerealibus, quod non electum sit, saepe eadem de causa, pretio sit auctum.
7. Agricola igitur in agris non alias serendas esse fruges, quam quae soli generi et naturae conveniant, quaeque ob eandem etiam causam bonam proferre solent messem, contentum quoque eum esse oportere eo cerealium pretio nundinali, quod mercatores sine illius ope constituent.
8. Nunquam agricolae emolumentum quaerendum esse in magno pretio nundinali, quam-

quamvis hæc sit maxima in frumenti genere eligendo peccandi illecebra; verum potius in multiplicatione productorum agrorum, quæ fit, aucta soli fertilitate; cur enim agri hortorum non æmulerentur fertilitatem? quod optime fieri potest, valdeque est desiderandum.

9. Non oportere rusticum simul esse cerealium mercatorem; non enim satis magna huius rei cognitione instructus est, quia notitiæ commercii non rite ad eum perveniunt. Vendat igitur fruges, simulac vendi possunt, ne temporis diuturnitate minuantur.

Scribit Consultiss. HORA SICCAMA in libello supra citato, se in animo habere equos etiam per aestatem nutrire trifolio et quidem in loco palis circumsepto sub dio; uti hoc jam per plures annos usitatum est in provinciae parte *Oldambi* dicta; quæ methodus egregie conducit ad augendam fimi quantitatem.

Quod autem attinet ad stramenti defectum, hoc revera locum habet apud eum, qui stabulatione perpetua non nisi per duos annos usus est, sed quando orbis (*de omloop*) fructuum ad finem perductus erit, non modo ille non indigebit stramento, sed huius insignem habebit copiam, nam agri semel erunt et manebunt fertiles et sine fortuna adversa, multum cereris et stramenti producent.

Sin autem aliquando satum trifolium minus bene crescât, ne dubites statim agrum aratro vertere, eundemque agrum sequenti aestate hordeo et trifolio conserere; quod si accidit, his frugibus alendum erit pecus, et trifolium secundi anni ad foenisecium foret destinandum. Deinde Consultiss. SICCAMA describit stabulum, in quo vaccae nutrit.

Stabulum est domuncula parva (*schuurte*) separatim aedificata, cui adjuncta est habitatio hominis operarii (*arbeider*) qui pecoris curam gerit. Vaccae sibi invicem stant oppositæ, in ea parte stabuli (*de deel*) ubi nutrimentum iis præbetur.

Vaccae stant super finum, qui per aestatem bis, per hiemem semel tantum quavis hebdomade e stabulo aufertur.

Quotidie stramentum vaccis subjicitur secundum majorem minoremve, qua indigent, quantitatem; nonnumquam ope instrumenti *roskam* dicti a pulvere sordido purgantur, quod etiam quotidie fit panno (*een doek*). Hominis, qui pecus curat, officium est secare trifolium, id domum ducere, pecori apponere, pecus purgare, stramentum ei supponere, mulgere, et stercus e stabulo auferre, ad quem postremum laborem ei auxilium alius hominis conceditur.

Ad arcessendum trifolium utitur plastro huic operi apto, quod ab uno equo trahitur: plastrum semper ejus usui destinatum est, et tali etiam utitur ad finum eo deducendum, ubi congeritur.

Fimus e stabulo allatus in carris (*voeden*) colligitur: tres ejusmodi carri, qualem quantitatem equus facile trahere potest, æquantur plastro; (*een voeder*) singuli carri

(*bodden*) notantur in ligno (*kerfstok*), quod semper in stabulo adest.

Pabulum viride secatur, et ad stabulum portatur hoc modo.

*Tempore vespertino*, quod satis est ad sequens tempus matutinum.

*Tempore antemeridiano*, quod sufficit tempori meridiano et pomeridiano.

*Tempore pomeridiano*, quod sufficit vespero.

Pabulum pecori praebetur.			Potus praebetur.		
Tempore matutino	hora sexta.			hora octava.	
— antemerid.	— undecima.		—	prima.	
— pomeridiano	— tertia.		—	quinta.	
— vespertino	— sexta.				
— — — — —	— octava.				

Tempore intermedio utitur homo operarius ad labores supra dictos et curam loci ubi finis congeritur.

Sequens variis anni tempestatibus pecori praebetur pabulum.

Tempore veris	{	solana tuberosa, stramentum, foenum.
Aestate.	{	trifolium, stramentum.
Autumno.	{	trifolium, spergula arvensis, rapae, stramentum, foenum.
Hicme.	{	spergula arvensis, rapae, solana tuberosa, stramentum, foenum.

Ea pabuli genera, quae ad singulas anni tempestates ordine prima sunt posita prius, si non prorsus, at maximam partem debent esse consumpta, quam ad sequens pabulum procedendum erit.

Sta-

Stramentum, et quidem lubentissime avenae stramentum semper tanquam *in/dooris* datur; per aestatem nonnunquam magna quantitate pecori appositum remedium est diarrhoeae, qua aliquando laborant vaccae, et qui morbus ortum debet trifolio recenti (*jonge klaver*) praesertim si humidum est.

Fœnum nunquam datur nisi quando aliud non adest pabulum; datur autem manu non avara, parca tamen.

Cum autem omnes plantae leguminosae facile causa sint illius morbi, qui dicitur *ventus* (*de wind*) cavendum est, ne pecori potus ante præbeatur, quam duabus horis postquam ederit, deinde sequitur stramentum.

Si fit, ut vacca hoc morbo laboret, Consult. HORA SICCAMA uti jubet frustulo saponis Hispanici (*spaansche zeep*) ad magnitudinem magnae nucis, quod vaccae gulae inferatur; deinde parva quantitas (*een theekopje*) illius spiritus, qui *genever* vocatur, mixta cum extracto tabaci vilis injiciatur. Semel anno 1823 hoc remedio usus est, quod statim bonum habuit successum.

Atque sic praecipua, quae de sui stabulationis perpetuae methodo tradidit HORA SICCAMA, Vir Consultiss., Latine verti, eo quidem praecipue consilio, quia admodum pauci adhuc agricolae in nostra patria, qui stabulatione perpetua utantur, observationes suas cum aliis publice communicarunt.

Et haec quidem mihi sufficere videntur, quod ad stabulationem perpetuam in provincia Groninga attinet: speramus autem fore, ut optima hujus methodi exempla, quae ibi inveniuntur, multos ad sapientem imitationem excitent.

## §. 2.

### *Provincia Drenthia.*

Nulla sane totius Belgii provincia aptior est stabulationi perpetuae quam Drenthia; sita enim est in loco valde alto, ita ut tempore proximarum inundationum, quae patriam nostram affligerunt, non nisi parva admodum ejus pars aqua tecta fuerit; solum plerumque est arenosum: tam pauci praeterea in ea rivuli adsunt, ut perrara sint bona prata, tanta fimi est inopia, ut 7 partes octavae ( $\frac{7}{8}$ ) adhuc incultae et desertae jaceant, quae omnes certissime ope stabulationis perpetuae ad magnam perducì possent fertilitatem.

Multae in ea sunt terrae altae turfatae (*hooge veengronden*) quae omnes, si satis fimi adesset, in uberrima prata converti possent.

Nec credibile est, stabulationem perpetuam brevi per totam Drenthiam introductum iri, itaque interim valde desiderandum foret, ut dimidia saltem pars immensorum illo-

rum ericetorum, quibus Drenthia fere constat, arboribus consereretur; hae enim, ut notum est, ope foliorum, quae ceciderunt, terram sensim sensimque reddunt fertiliorem.

Altera pars dimidia ericetorum satis superque esset pastui ovium, quam rem tanti faciunt Drenthini.

Haec me obiter attigisse ne quis aegre ferat, quamvis directo ad stabulationem perpetuam non pertineant.

Apud plerosque autem Drenthiae agricolas mos est, qui quodammodo cum stabulatione perpetua [convenit, quique] fortasse aequae antiquus est atque ipsa in Drenthia agricultura, hic autem mos abunde probat insigne fimi pretium, sed ut ille nunc fit, finem propositum non assequetur neque umquam ad maiorem fertilitatis gradum provehantur agri. Est autem ille mos, ut pecus tempore aestatis sub vesperam ad stabulum ducatur, (eo consilio, ut finis nocturnus retineatur) postquam inde a tempore matutino fuerit in prato communi, eoque ut solet, exili, aut etiam pastus fuerit in pratis privatis longinquis, plerumque etiam tam parvi pretii, ut bene nutritum non sit domum rediens pecus. Hic autem mos malus est, neque propositum assequitur finem.

Qualis enim est conditio pecoris, quod ita tractatur, quam parva est lactis copia quam praebent, et quam exiguus est finis ab eo collectus! Neque sane hoc est mirandum; prata enim pejoris sunt notae, et domi res ita sunt comparatae, ut redeunti pecori parva tantum nutrimenti quantitas praebere possit; magnitudo autem prati communis, aut longa illius distantia faciunt, ut pecudes exili, quod capiunt, alimento prorsus indigeant ad vires, quas in pascendo perdiderunt, reficiendas, et ut magna fimi quantitas, domum redeuntium pecudum in via aut in aliis locis cadat, ubi non satis magnae utilitatis est.

Ut igitur huic prave mori, uti adeo urgens necessitas postulat, medeatur, optimum erit quantocyus si non stabulationem perpetuam, at certe sequentem pecoris in stabulo nutriendi methodum introducere, quae nec difficilis est, nec magnis indiget sumptibus.

1°. Pecudes non per totum diem in pratis commorentur. Sed tantum per aliquot diei horas, tempore veris et autumnii medio die, aestate autem mane et vespere.

2°. Pratum sit bonum quamvis non magnum, et in vicina domus rustici.

3°. Prope domum, saltem non longe ab illa, agri sint apti ad culturam graminis, trifolii, aliarumque plantarum leguminosarum, ita ut pecus etiam in stabulo abunde habeat, quo nutriatur.

4°. Stabulorum structura melior est reddenda.

Si rustici Drenthini periculum facerent hujus methodi propositae, dubium non est, quin

quā brevi ejus emolumenta cognoscerent; magna quoque ex parte retinerent morem avitum, quem tantum meliorem reddidissent.

Sequuntur hanc, ut ita dicam, methodum mediā Coloni Societatis illius, cujus consilium est pauperes Belgas ope agriculturæ alere, quæque merito nomen habet *Societatis Beneficentiae* (*Maatschappij van Weldadigheid*): multas jam colonias, tum in aliis provinciis, tum imprimis in Drenthia condidit illa Societas: quarum pecoris nutriendi exemplum vehementer optandum erat, ut circumjacentis regionis rustici sequerentur, nisi potius optimum stabulationis perpetuae sequi vellent exemplum, quod in ipsa eorum provincia quotidie conspici potest.

Prope Drenthiae caput urbem *Assen* est villa *Vredeveld* dicta, in qua ejus dominus Nobilissimus *HOFSTADE*, provinciae Gubernator jam per 8 continuos annos in stabulo multas nutrit vaccas, et juvenile pecus, quam methodum etiam in alia villa non procul remota sequitur, ubi 10 vaccas alit, quae mulgentur, per aetatem hujus anni (1825) nutrit in villa *Vredeveld* unam vaccam, quae mulgebatur, 18 juniores vaccae (*veerzen*) et unum taurum.

Stabulum, vel locus ubi stant vaccae, in villa *Vredeveld* formam habet fere quadrangularem, cujus longitudo est 30 pedum, latitudo 20, profunditas ad latera est  $4\frac{1}{2}$ , in medio 5 pedum.

Prope hunc locum, ubi sunt vaccae, est aquarium (*pomp*), quod pecoris usui inservit: per quod aqua ducitur in canalem, qui factus est juxta 4 stabuli latera, (vaccae enim ita stant in figura quadrata (*cen vierhoek*) ut omnes capitibus ad unum 4 laterum versae sint) ex hac igitur bibunt vaccae.

Pabulum iis non iisdem horis praebetur, quibus apud Consultiss. *HORA SICCA*, sed

hora $5\frac{1}{2}$	matutina	edunt.
— 6 —	—	bibunt.
— 5 —	pomeridiana	edunt.
— $6\frac{1}{2}$ —	—	bibunt.

per unam et dimidiam horam continuam pabulum iis offertur.

Quinques aut sexies per annum fimus aufertur e stabulo, et bis per hebdomadem taurus super finem circumducitur, ut eum calcet, arctaque comprimat, eo consilio, ne nimis effervescat (*broeije*).

Multum lactis praebent vaccae, et saepe 10 illae, de quibus supra locutus sum, ut in ipso loco mihi affirmarunt, dederunt 132 sextarios (*kroezen*) uno die.

Stramentum et fruges in stabulo supra vaccas collocantur, et juxta earum latus frumentum in area teritur (*gedorscht*).

Quod



Quod ad caetera attinet methodus Nobil. HOFSTADE plane convenit cum Consultissimi HORA SICCAMI.

Atque haec de Drenthia sufficiant (\*).

.§. 3.

*Provincia Frisia.*

Solum provinciae Frisiae plerumque non valde differt a provinciae Groningae; maxima pars est argillosa et optima habet prata; in his commendanda non videtur stabulatio perpetua; sed in parte orientali, et quodammodo meridionali, ubi multa eademque

(\*) Hac aestate (1826) colonias Societatis Beneficae (*Maatschappij van Weldadigheid*) perlustrans et maxime Venhusanam (*de Kolonie van Veenhuizen*), vidi in primo Aedificio (*Geestich*) 160—180 vaccas, quae perpetuo in stabulo nurriebantur; in secundo autem atque tertio aedificio junctis 140. Hoc autem modo pabulum his praebebatur.

Mense	Januario	}	Rapae, Solana, Herba dicta <i>Raijgras</i> et trifolium; utriusque herbae aequa pars.
	Februario		
	Martio		
	Aprili		
	Majo	}	In fine mensis Maji et mense Junio prima trifolii sectio atque trifolium.
	Junio		
	Julio	}	Secunda sectio trifolii.
	Augusto		
	Septembri		Rapae Anglicae quae dicuntur <i>turneps</i> .
	Octobri		Vaccae plerumque stabulum relinquunt.
	Novembri	}	Rapae.
	Decembri		

Bis de die edunt et bibunt.

Ab hora matutina 5 — 6 pabulum praebetur statimque etiam potus; hora pomeridiana 4 — 5 idem fit.

Postquam biberunt, singulis vicibus stramentum praebetur, eaque stramenti pars quam non comederint vaccae, fini augendi causa in sterquilinum fertur.

Mane et vesperi stramentum vaccis subicitur; finis semel per hebdomadem e stabulo aufertur; Universe hic credunt pecus hoc modo educatum butyri minorem ferre copiam, hac vero nihil differre bonitate a ceteris regionibus; rapae lacti ne minimum quidem addunt malum saporem.

Apud praefectum arvaem (*Onderdirecteur van buiten*) primi Aedificii (*Eerste Geestich*) vidi in stabulo (mense Julio) 55 vaccas et 4 equos; in singulis villis (*bouwhoeven*) 14 vaccas et 2 equos.

magna sunt ericeta; et agri multum continent sabulum, haec methodus insignis foret utilitatis, etiam in agris turfatis (*veenlanden*): quia prata ibi vulgo non bona sunt. Animadvertendum autem est, utrum agri turfati nimia aquae copia possint liberari; quod si obtinet, stabulatio perpetua optime potest introduci, sin autem non obtinet, nullius haec methodus foret utilitatis. Loca in provincia Frisia, ubi introducta est stabulatio perpetua, mihi nota non sunt, praeter colonias Societatis Beneficientiae, quarum pars in Frisia est.

## §. 4.

*Provincia Transisalanica.*

Solum hujus provinciae partim est sabulosum, partim turfatum, et magna parte paludosum: optima prata sunt ad ripas Isalae, prope vicum *Mastenbroek*, et in regione circumjacenti *Vollenhovia*, in universum autem prata hujus provinciae praesertim in confiniis *Germaniae* pejoris sunt notae, et procul dubio ea omnia ope stabulationis perpetuae ad majorem ubertatem possent redigi.

Multi in hac provincia adsunt colles, qui illam prope e meridie ad septentrionem in duas partes dividunt, in parte etiam orientali parvum est collium jugum; hi omnes paucarum admodum bestiarum pastui inserviunt, et nunc difficulter fertiles possunt reddi, saltem non nisi magnae copiae fimi ope, quem nescio quomodo nanciscantur agricolae nisi adhibita stabulatione perpetua. Pravus ille mos, quem in Drenthia obtinere diximus, scilicet ut pecus procul a domo ad prata, quae exiguum praebent pabulum, pastum ducatur, etiam in Transisalanica in usu est, ubi eodem modo eum meliorem reddere non difficile foret.

In colonia *Ommerschans* obtinet methodus pecoris per totum annum in stabulo nutriendi.

## §. 5.

*Provincia Gelria.*

Haec Provincia, quod ad soli naturam attinet, commode in tres majores partes dividi potest

- 1°. Illi tractus qui dicuntur *Betuwe*, intra *Mosam et Vahalin* (*tusschen Maas en Waal*) et *Thiel et Bommelerwaard*.

2°. *Velavia* (*de Veluwe*).

3°. *Comitatus Zutphaniae* qui antea vocabatur.

*Betuwa* etc. est terra argillaris fertilis nata e sedimento fluviorum Rheni, Vahalidis, et Mosae; ad ripas horum fluminum egregia sunt prata, quae magno gaudent emolumento, quod statis temporibus hieme aquis fluvii teguntur et quasi ab ipsa natura stercoreantur. In hac Gelriae parte, nimirum cis aggeres optimi inveniuntur agri, quorum multi consiti sunt cerasis et pomis.

Prata igitur extra aggeres (*uiterwaarden*) fertilissima sunt, quod idem de pratis intra aggeres (*binnendijksche weilanden*) dici non potest, quae adhuc multo meliora possent reddi; in praesenti autem statu tamdiu manebunt, quamdiu finis necessarius iis non dabitur. Neque tamen ille finis, quo pratis opus est, iis praebere potest, quoniam vix ac ne vix quidem ipse sufficit ad stercorendos agros cultui cerealium inservientes. Hinc igitur patet pulchram hanc provinciae partem fimo adhuc indigere, cui inopiae non melius succurri posset, quam colendis plantis nutrientibus (*voedergewassen*) et hisce plantis pecus alendo in stabulis. In hac igitur provinciae parte et in omnibus aliis regionibus, quae in eadem sunt conditione, vehementer commendanda est stabulatio perpetua, quamvis dici non potest eam ibi prorsus esse necessariam. Hujus methodi autem insignis foret utilitas, quod arva et prata intra aggeres aequae possent stercoreari, et hoc si locum haberet, haec regio certissime fertilissimis totius Regni annumerari posset.

Non tamen in animo mihi est aequare has regiones cum terris arenosis sterilibus vel cum minus fertilibus, ubi quam maxime commendanda est et fere unice recta methodus pecoris habendi est censenda stabulatio perpetua; — tale consilium nequaquam utile foret cum ob multas alias causas, tum inprimis propterea, quod magna praetorum pars tam longe a rusticorum habitationibus absit; — maneat igitur ut nunc est, bestiarum pastus, neque quidquam in eo mutetur, verum ut fimi copia augeatur, plures plantae nutrientes colantur et hae ab aliis vaccis comedantur in stabulo semper commorantibus. Quenam autem hujus methodi forent sequelae? Nampe ut prata quotannis partim stercoreata, tempore aestatis plures nutrire possent bestias, et ut hiemali etiam tempore melius posset alii pecus, cujus rei agricolae brevi animadverterent magna emolumenta e majori numero pecoris ad mactandum apti, nec non ex aucta butyri et casei copia.

Forte quis mihi objiciat fore, ut agricolae, si majorem, quam ante, agrorum partem plantis nutrientibus conserat, non tot arva cerealibus possit conserere ideoque hanc methodum illi damno futuram; verum cogitet ille copiam cerealium non minutum iri; quandoquidem agri frumento consiti multo majore copia fimi stercoreati erunt, quam unquam.

quam antea locum habuerat; probe enim sibi conscii sunt agricolae, uberiores messem non majore vel minore agrorum numero, verum multo magis adhibita fimi copia effici; fimus enim plantis nutrimentum praebere debet; quod si parcius est, fruges et tenuiores sint necesse est.

Negari quidem non potest, stabulationem perpetuam magnarum causam esse impensarum, verum hae partim venditione butyri et casei, praesertim etiam fimo abunde poterint compensari.

*Velaria* multis locis aptior est ad serendas sylvas abietum, quam frugum culturae; verumtamen ubi posterius obtinet, quam maxime commendanda est stabulatio perpetua. neque dubitamus affirmare, sine hac nunquam ad ullam fertilitatem produci posse arva in ea sita.

Comitatus *Zutphaniae* quamvis etiam arenosus, multis tamen in locis continet bonos agros, verum quod ad universum tractum attinet, si pecus in eo degens conspicimus, nobis certe persuadebimus, stabulationem perpetuam et hic minime supervacuum esse futuram.

Ex brevi hac Gelriae descriptione patet, quantopere in maxima hujus provinciae parte commendanda sit stabulatio perpetua, et longe anteposenda miserae illi methodo Drenthinae, quam et hic sequuntur plurimi agricolae.

#### §. 6.

##### *Provincia Brabantia Septentrionalis.*

Magnam in partem haec provincia similis est Drenthiae, solum est sabulosum, et multis in locis nil profert nisi ericas; prata plerumque pauca eaque pejoris notae habent gramina; optima quaedam sunt prata ad ripas Mosae, et in provinciae parte, quam vocant *land van Altona*, ubi tamen major est numerus agrorum cerealibus consistorum.

In partibus orientalibus provinciae multae sunt terrae turfatae.

Stabulatio perpetua fere ubique in hac provincia est commendanda.

#### §. 7.

##### *Provincia Antverpia.*

Haec provincia habet in partibus septentrionali et orientali multos agros sabulosos et ericeta.

Stabulatio perpetua ibi non tantum nota, sed etiam ex multis abhinc annis in usu est. Peritissimus agricola J. N. SCHWERZ in egregio opere Germanice scripto, cui titulus est: *Anleitung zur Kenntniss der Belgischen Landwirtschaft*, Tom. II. p. 242 — 246, describit methodum, quam apud vicum *Contigh* sequuntur ita:

In vicinia Contighii perpetuo pecus in stabulo tenetur; vaccae per totum annum numquam e stabulo egrediuntur: nisi quando taurum iis admoveri necesse sit. Tam arcte prope se invicem sunt collocatae boves, ut singulis tantum 9 palmarum spatium concedatur, quo fit, ut raro omnes simul possint cubare, et ut plerumque una e tribus erecta maneat.

Quamvis haec stabulorum angustia non sit laudanda, hinc tamen patet, pecoris valetudini non nocere sempiternam illam captivitatem, quam nonnulli adeo culpant, quia experientia docuit pecus optima frui valetudine in stabulis angustis, quaeque bestiis repleta sunt, et praeterea magnam fimi copiam continent.

Praeter gramen, quod colligitur in agrorum exterioribus (*de kanten der landen*) rapae, quae per hiemem in agro remanserunt, tempore verno primum pecori praebent nutrimentum, sequitur deinde trifolium; difficile autem foret indicare villam, ubi solo trifolio nutrentur vaccae, quia se peccare crederent agricolae, si non uterentur gramine atque herbis quae in agro, item in aliis locis passim inveniuntur. Raro pecus pascendum educunt in agrum trifolio consitum post secundam ejus sectionem. Ne mensibus quidem Septembri vel Octobri ulla vacca extra stabulum invenitur.

Neque hoc loco spergula arvensis colitur.

Nutrimentum hibernum constat stramento, et bis singulis diebus jure calefacto (*warme sop*) et portione. Constat autem illud jus lacte ebutyrato, rapis, solanis tuberosis, daucis carotis (*wortelen*), palea, et frumento ecocto cerevisiae; (*bierdraf*) postremum hoc non vili pretio emitur, et ex urbibus arcessitur, saepe 2 ad 6 horas distantibus. Praeterea etiam accipiunt vaccae per longe majorem hiemis partem satis magnam copiam crudarum raparum. Cum autem in magno frigore et gelu, non semper rapae ex agro advehi possint, curant agricolae, ut et satis magnam solanorum copiam habeant in promptu, quae in jure coquant loco raparum.

Addit peritissimus SCHWERZ e testimonio JOANNIS BARDEN, viri optime de agricultura in Antverpia provincia meriti, utilissimum esse rapas coquere, antequam pecoris nutrimento inserviunt; nunquam ille rapas nisi coctas vaccis praebet, easque ita comparatas ex omnibus alimentis plurimum et optimum butyrum proferre hoc autem dici non posse de rapis crudis, praesertim non de iis, quae inter *Secale* fuere satae. Solana tuberosa praebet cruda pecori, quia credit ea valetudini magis conducere quam cocta, horum nempe si magna copia vaccis datur, haud raro fit, ut deinceps diarrhoea laborent.

JACOBUS NICOLAUS DIERXSEN Vir Nobiliss. atque agriculturae amantissimus SCHWERTZIO nostro sequentem tabulam nutritionis 10 vaccarum suppeditavit.

*Tempore aestatis.*

Hora matutina quinta praebentur duo parvi carri graminis atque trifolii.

Eadem quantitas hora meridiana.

Deinde tantidem hora vespertina octava.

Potus constat aqua frigida, mixta cum parva copia lactis ebutyrati, vel frumenti decocti cerevisiae (*bierdruf*).

*Tempore hiemali.*

Inde a die 1 Novembris usque ad 1 Maji vesperi ahenae super igne ponitur, et mane ei adhuc parvus ignis supponitur, ita ut hora 7 illa, quibus jus constat, emollita sint. Constat autem jus aqua, solanis tuberosis et rapis vel daucis carotis. Additur praeterea non magna frumenti decocti cerevisiae copia et paleae. Palea vero spargitur in ahenam super reliquum nutrimentum, non autem cum eo miscetur, quia tunc omnia simul gustum adustum acciperent (*zouden aanbranden*). Insuper etiam palea facit, ut plantae vel radices, quibus jus constat, bene coquantur (*goed gaar worden*), quia ea totam tegit ahenam.

Quando plantae, quarum radicibus (*wortelgewassen*) vescuntur boves, fiunt rariores quod saepe fit tempore verno, jus tantum constat palea et frumento decocto cerevisiae.

Uno alteroque bene cocto ahenam ad stabulum ducitur, palea eximitur, et in minores quantitates dividitur. Deinde aqua frigida in ahenam injicitur, ut paulum refrigescat jus, quod nunc statim ex ea exemptum item in minores quantitates dividitur, et cum palea conjunctum singulis bestiis praebetur.

Stramentum post jus praebetur.

Hora meridiana accipiunt boves rapas et fasces stramenti tritici. Quando vehemens est gelu, et rapae ex agro adferri nequeunt, idem jus praebetur pecori, quod tempore matutino.

Vesperi semper jus illis apponitur.

§. 8.

*Provincia Limburgum.*

Solum hujus provinciae in universum fertilissimis minime annumerari potest, praesertim non ea pars, quae ad septentrionem fluvii *Demer* jacet; multa enim ibi sunt erice-

ta, et terrae valde sabulosae, quae insigniuntur nomine *Kempenland*; ad partem inferiorem fluminis *Demer* solum fertilius est, ad ripas Mosae, item in nonnullis aliis locis bona inveniuntur prata. Ex parva hac descriptione satis superque apparet, stabulationem perpetuam praesertim in superiore hujus provinciae parte valde esse commendandam. Sequuntur autem multi agricolae pravam illam pecoris nutriendi methodum, quam ad Drenthiam descripsimus.

## §. 9.

*Provincia Brabantiae Meridionalis.*

Haec provincia habet solum altissimum, certe multo altius, quam provincia Antverpia; terra universe est fertilis, et profert fruges omnis fere generis; prata autem inveniuntur pauca, nec his valde opus est, quia, ubi necesse est, utuntur stabulatione perpetua; methodum, quam hac in re sequuntur agricolae, describam verbis SCHWARZII, *Anleitung zur kennis, etc.* Tom. II. pag. 237 seqq. et primum quidem, quomodo fiat in vicinia oppidi *Diest*, in ea provinciae parte, quae dicitur *de Kempen* vel *Campine*. In his igitur terris arenosis pecus versus medium mensem Augustum, simulac novum gramen (*het esgroen*) aliquantum crevit, in pratum ducitur post seclusionem novem mensibus longiorem.

Simulac pratorum gramen depastum est, pecus transferunt in agros spargula arvensi consitos, singulae autem vaccae separatim palo alligantur, ne statim omnem agrum conterant, atque plantas eradicent: primum igitur comedant spergulam arvensi circa palum, deinde palus alio loco defigitur, ubi rursus pascatur pecus. Praeter hoc pabulum viride, pecori tum in prato, tum in agro spargula arvensi sato versanti, tempore matutino et vespertino in stabulo solitam praebent copiam nutrimenti calidi (*warm voeder*), quod adamat agricola illis in locis, et quam ob causam ejus caminus, nunquam, ut ajunt, fumare cessat.

Comesa Spargula arvensi, quod fere semper fit extremo mense Octobri, pecus rursus in stabulo retinetur, et nunc ter quoque de die accipit nutrimentum calidum, nempe tempore matutino, meridiano et vespertino. Nutrimentum illud calidum vel, ut vocatur, jus (*sop*) variis modis apparatur pro variis plantis leguminosis, quas anni tempus profert.

Per hiemem constat palea et paucis illis plantis viridibus, quae hic illicve possunt colligi; haec aqua miscentur, et omnia simul concoquuntur. Aeno ab igne remoto pro singulis vaccis adduntur duae manus furfuris, et sexta pars emollitae placenta brassicae campestris (*geweeckte zaadkoek*) (placenta ex semine lini usitatissimi (*lijnkoeken*) optima habentur) additur, et tandem copia non admodum magna lactis ebutyrati. Singulis

his vicibus vacca accipit 2 aut 3 parvos congios (*emmers*) hoc jure repletos. Eo tempore, quo nullae amplius virides plantae his comedendae apponi possunt, accipiunt foenum spergulae arvensis, id est, nempe cni semen ablatum est.

Cum frigus tempore hiemis in dies asperius fit, cura etiam, quam pecoris habent, augetur; tunc ii rustici, qui dñtoribus annumerantur, pecori præbent loco furfuris (*se-melen*) farinam polygoni fagopyri (*boekweit*) vel secalis, e qua tamen optima farina prius extracta est, vel dant etiam spergulae semen, quod omnibus aliis longe præferunt nutrimentis. Mensibus Majo et Aprili maximam pecoris curam gerunt agricolae, quoniam his persuasum est, emolumenta totius prioris partis aestatis in eo prorsus sita esse. Ne pauperes quidem tunc vaccas farina defraudant, quia placentas brassicae campestris vel lini hac multo inferiores esse putant.

Primae plantae virides, quae vere redeunte pullulant in partibus exterioribus agrorum et fossarum, herbae noxiae (*onkruid*) quae ex agris cerealibus consitis extrahuntur, omnia haec quam accuratissime colliguntur, ut juris vim nutrientem augeant. Ex omnibus plantis leguminosis spergula est dilectissima. Propterea eam jam initio mensis Martii serunt, ut secari possit post sex septemve hebdomadas.

Simulac igitur spergula a pecore comedi potest, non amplius paleam accipiunt, neque etiam illud jus plantis constans coquitur. Sed tantum calefit, aut ope aquae coctae quodammodo uritur (*gebroeid*). Trifolium autem nunquam coquitur.

Post jus tempore hiemali singulis vicibus stramentum pecori praebetur, et simul sub eo sternitur; aestate pro stramento datur parva trifolii copia, spergulae aut omnis generis graminum vel herbarum noxiarum.

Extremo autumnno pecori rapas dant, neque eas tamen magna copia. Saepe etiam agricolae rapas ex agro non auferunt ante ver sequens, quando simul cum flore et caule (*stengel, stronk*) bestiis projiciuntur.

In regione intra urbes Lovanium et Tirlmontum (*Thienen*) stabulatio perpetua non est universa. Non magnus est rusticorum numerus, qui per aestatem pecus in stabulis retinent; qui hoc faciunt, ei quotidie quinquies vel sexies trifolium praebent sine ullo alio pabulo. Per hiemem non datur jus calidum, sed palea, et brassicae campestris placentae (*zaadkoeken*) emolliuntur in aqua frigida. Dauci, solana, et rapae cruciferae dantur.

#### §. 10.

##### Provincia Leodiensis.

Haec provincia quod ad agriculturam attinet, in 5 dividi potest partes.

1°. Magna planities, quae septentrionalem efficit partem, sita intra Mosam et provincias Limburgi et Brabantiae meridionalis.

2°.



2°. Vallis Mosae cum ejus collibus.

3°. Agri culti ad dextram ripam Mosae sive regio, quae dicitur *Condros*.

4°. Prata ad ripas Mosae superioris (*Boven Maas*) vel pristini Limburgi Austriaci et illius vicinia.

5°. Terrae incultae et steriles, *Ardennae* dictae, quae confines sunt Magni Ducatus Luxemburgi.

Prima pars etiam dicitur *Hesban* sive etiam *Hesbaye*; sine dubio est fertilissima totius Provinciae; — Agricultura ibi floret, quamquam non attingit eundem perfectionis gradum atque in Brabantia Meridionali vel in utraque Flandria.

Sin excipias prata ad ripas fluviorum *Geer* et *Mehaigne*, pauca hic invenies prata naturalia. Pecus aestate nutritur ope trifolii et nonnullarum aliarum plantarum leguminosarum, praesertim mixtione fabarum, pisorum et viciae sativae; praecipue in hac provinciae parte colitur secale cereale; — inveniuntur tamen etiam triticum, triticum spelta et hordeum.

Secunda pars continet arva egregia et fertilissima prata; verum loca altiora, ut colles etc. universe sunt sterilia atque arida. — Pratorum partes exteriores arboribus fructiferis sunt consitae et ipsa prata a bestiis depascuntur, — arbores magnam partem sunt mali, e quarum fructibus valde bonum fit acetum.

Tertia pars habet solum humidius, ibique magna in agris colendis adhibetur cura; — praecipua producta sunt avena, secale et triticum spelta.

Ad stercorandos agros hic multum utuntur calce.

Quarta pars fere solis constat pratis, quae bene curantur et altero anno tum ad pasendum, tum ad foenisecium inserviunt. Praecipua producta sunt butyrum, et ita dictus caseus Limburgicus, qui nomen inde habet, quod haec regio antea pars erat Ducatus Limburgi.

Quinta pars est pessima. Terra est saxosa et non nisi tenui admodum argillae parte tecta, verum quoniam aqua permeare non potest, semper est nimis humida. Major totius hujus regionis pars jacet inculta, verum in vallibus, ubi plurimi inveniuntur rivuli, quibus veniant nonnulla prata satis bona.

Quoniam sic, ut vidimus, haec Provincia magnam partem habet agros minus fertiles et praeterea multos steriles, quorum numerus censetur 37,400 jugera Belgica (*Nederl. Bunders*), nemo sane mirabitur me contendere stabulationem perpetuam etiam in hac provincia plurimis locis magnum allaturam emolumentum, ideoque eam vehementer rusticis Leodiensibus esse commendandam (\*).

Mul-

(\*) Videatur: *Staat van den Landbouw over 1818 opgemaakt op last van den Minister der Nationale Nijverheid*, bl. 55.

Multo magis etiam hanc opinionem tuebimur, si novimus aestatem minus prosperam causam esse solere magnae pabuli inopiae; ita anno 1819 propter insignem, quae tunc obtinebat, siccitatem coacti fuerunt agricolae ad nutriendum pecus stramento, veluti solent tempore hiemali (\*).

## §. II.

*Provincia Namurci.*

Si excipias viciniam urbium *Gembloux*, *Hoel* et septentrionalem provinciae partem, terra fere ubique est saxosa.

Ad ripas Mosae bona inveniuntur prata.

Spergula arvensis in locis minus fertilibus provinciae non colitur; credunt tamen agricolae periti optime et magno cum fructu introduci posse.

Multa ericeta vel terrae steriles inveniuntur in partibus (*distrikten*) *Dinant* et *Philippeville* et juxta nonnullos pagos in provinciae parte meridionali et Ardennibus. Singulis 10 vel 15 annis superior harum terrarum pars in frusta secatur et deinde comburitur; quo in cinere serunt secale, tum avenam, rapas et solana, quo facto terra iterum per tot atque diximus annos inculta jacet (†).

Terris saxosis in hac provincia non minus quam iisdem in provincia Leodiensi pernoxia est continua aëris siccitas. — Anno 1818 exempli gratia prata adeo erant sicca, ut rustici non modo nullum emolumentum a vaccis acceperint, verum etiam ut unusquisque miraretur fieri potuisse, ut pecus invenerit, quo se nutriret. Etiam anno 1819 iterum magna pabuli erat inopia; feliciter tamen eo anno in arvis multi nati erant carui et quidem adeo magna copia, ut multi pauperes vaccas et equos non nisi eorum ope in vita retinuerint (§).

Universe in hac provincia queruntur homines propter stercoris inopiam; qui praecipue constat turfis, cinere et calce; postrema fit ope carbonum fossilium (*steenkolien*) (\*\*).

E plantis nutrientibus etiam in hac provincia colitur *trifolium*, cuius semen quoque colligunt agricolae; *betsa* (*mangelwurtelen*) et aliis plantis radicibus edulibus praeditis (*wortelsoorten*) ad alendum pecus etiam utuntur, raro tamen magna eorum copia colitur (††).

Ma-

(\*) Videatur: *Staat van den Landbouw over 1819*, bl. 107.

(†) Vid. jam memoratus liber: *Staat van den Landbouw over 1818*, bl. 115.

(§) Vid. *Staat enz.* anni 1818. p. 118. eodem 1819. p. 107 et 137.

(\*\*) Vid. *ibid.* p. 119.

(††) *Ibid.* 1819. p. 96 et 1821. p. 83.

Magnus ericetorum numerus, prout minus fertilis et sibi in universa provincia inopia faciunt, ut stabulationem perpetuam, quam maxime et hoc loco commendemus.

## §. 12.

*Magnus Ducatus Luxemburgiae.*

Colunt in hac provincia trifolium, Vicias fabas et Hedysarum Onobrychis, praesertim iis in locis, ubi lapis calcaris satis magna copia invenitur. Medicago sativa ibi non incognita est, neque tamen illius cultura augetur. — Qui in aliis provinciis obtinet mos, ut pecus alatur radicibus edulibus (*wortelgewassen*), non hic in usu est, et etiam perpauci tantum agelli rapis conseruntur, quamvis utraque plantarum species hic bene crescat. Collegium ad promovendam agriculturam (*commissie van landbouw*) in hac provincia publice significavit se quam maxime optare, ut pratorum artificialium augeatur numerus (\*).

Multa ericeta in hac provincia inveniuntur; annis 1817 et 1818 eorum nonnulla coluntur coepta propter cerealium eo tempore caritatem, verum simul ac frugum pretium ad priorem rediit statum, omnis cultura ejusmodi terrarum plane desit (†).

Sunt quoque in Luxemburgo multi agri paludosi, qui siccati possent, quod tamen eandem ob causam locum non habet (§).

Quae cum ita sint, vix opus est commendare stabulationem perpetuam, cujus insignis utilitas, etiam quod ad hanc provinciam attinet, univulque certe manifesta fit.

## §. 13.

*Provincia Hannonia.*

Et hic inveniuntur ericeta.

Colunt autem rustici ad pecoris alimentum trifolium, spargulam, fabas, lentescas, carotas et rapas, paucis etiam in locis medicaginem sativam et Hedysarum Onobrychis.

Proferunt praeterea agri brassicam campestrem, hordeum, secale, triticum, fabas, pisum, linum, tabacum, cichoreum et humulum lupulum.

Adeat etiam in hac provincia satis magnus fodinarum quae dicuntur *laagroyen* et carbonum fossilium (*steenkolmijnen*) numerus.

Quamvis autem haec provincia multos contineat agros valde fertiles, stabulatio non

(\*) Vid. *Staat enz.* anni 1819, eodem 1820, eadem 1821.

(†) Ibid. anni 1819.

(§) Ibid. anni 1820.

perpetua ibi in locis, ubi cicerata et terrae minus fertiles inveniuntur, non inuiculis consociuntur.

## §. 14.

*Flandria Orientalis.*

Haec provincia propter agriculturam per totam Europam adeo celebrata, magnam in partem felicitatem suam debet stabulationi perpetuae.

Apparet e Statu Agriculturae in nostro regno per annos 1818, 1819 et 1820, numerum arborum in hac provincia esse 65 vel 70,000 jugera Belgica, eorumque messem anni tritici quam secalis quotannis fere esse inde a 2,200,000 ad 2,400,000 modios Belgicos (*Nederl. mudden*).

Computant tres partes quintas ( $\frac{3}{5}$ ) hujus copiae inservire alimento incolarum, pecoris et usui opificinarum (*branderijen*) ita ut solito 2,000,000 modis Belgici exportari possint.

Polygonum, fagopyrus et solana maxime inserviunt nutrimento incolarum.

In partibus (*disrikten*) Gandavi et Sancti Nicolai pleraque inveniuntur fagopyrus; cuius satis magna etiam copia in opificinis utuntur.

Solana tuberosa etiam ubique in Flandria quam maxime coluntur. Inde ab aliquo tempore plantant ibi varietatem solanorum, quae ad maturitatem pervenit 9 hebdomadae postquam plantata fuerit; cumque haec species ad solana matura (*vroege aardappelen*) pertineat, comedi potest in fine mensis Maji.

Alia praeterea adest species, quae etiam non ultra 9 hebdomadam tempus in terra esse debet, ut ad maturitatem perveniat; cum autem haec species melior sit, potest adhiberi tanquam secundus sive subsequens fructus post brassicam campestrem, post linum et etiam post hordeum; — sane res insignis utilitatis in ea provincia, ubi stabulatio perpetua justo aestimatur pretio.

Mentione vix opus est hanc provinciam propter linum, cannabim et humulum lupulum per totam Europam quam maxime esse celebratam.

Neque tamen prata in hac provincia sunt basis culturae: habentur tantum tanquam aliquid accedens: pleraeque enim villae prorsus nulla habent prata; non enim prati nomine uti licebit minoribus illis agellis viridibus, qui prope villas inveniuntur et in quos pecus per breve admodum tempus agitur, dum stabula purgantur. Tantum in vicinia urbium Teneramundae (*Dendermonde*) Alostae (*Alost*) et Audenardae (*Oudenaarde*) aliquot villae habent prata, neque tamen ibi stabulatio perpetua ignota vel non in usu est.

In vicinia enim urbis Alosti (*Alost*) pecus plerumque usque ad autumnum in stabulo retinetur, et trifolium nutritur. Quamdiu nondum adest trifolium, vescuntur boves secali viridi, et omnigenis herbis pejoris notae (*onkruid*) mixtis cum stramento in particulas secto. Hieme pecori non datur jus calidum, quia rapae inter secale hic tam bene crescunt, ut saepe pondus 3. vel 5. librarum habeant; itaque hae non immerito habentur pabulum praecipuum hibernum et propterea etiam, frondibus dissectis, diligenter seponuntur. Priusquam autem a pecore comeduntur, in frustra secantur, et mixtae cum palea et stramenti parvis frustris (*naksel*) bobus apponuntur.

In agro Wasiano (*Land van Waas*), id est nimirum in ejus parte meridionali et media stabulatio perpetua universa est, quod tamen de toto agro dici nequit. Quo propius acceditur ad Scaldin, id est versus Zelandiam, eo plures inveniuntur agri humiles, atque natura herbiferi. — Hinc sensim sensimque versus septentrionalem partem minus in usu est stabulatio perpetua. Nonnulli rustici, qui stabulatione utuntur aestiva, pecus jam tempore aestatis egredi patiuntur, alii autem serius, alii rursus prorsus non; pendet hoc a tempore et locis.

Quia autem hic nulla sunt prata praeter arboretum non ita magnum prope domum, et quia parva spergulae seritur copia, in autumnum nil adest, quo pascantur boves, nisi tertio pullulans trifolium (*derde uirwas*).

Tempore verno et aestivo pecus in stabulo pascitur gramine, quod secatur in partibus exterioribus agrorum, et sub fruticibus, maxime autem sub fruticibus alni; tum herbis noxiis, quae ex agris extrahuntur, in primis autem trifolio. Hieme eis datur stramentum avenae, secale et avena molita (*gemalen rogge en haver*) palea, rapae, solana et lini placentarum farina (*lijnkoekenmeel*).

Non datur iis potio calida; etiam palea mollitur in aqua frigida, aut immiscetur solanis crudis atque in frusta sectis.

Prope vicum *Koorde* ad fluvium *Dender*, ubi stabulatio perpetua non in usu est propter soli idoneam ubertatem, boves tempore aestus vehementis hora nona matutina domum abiguntur, neque ante horam 4<sup>am</sup> pomeridianam ad prata redeunt.

Cum boves pascentur in agris trifolio consitis, antequam in eos ducuntur, iis in stabulo praebetur bonum avenae stramentum, ne eo morbo laborent, qui *rantus* vocatur.

Quando hieme omnes herbae et plantae virides comesae sunt, vaccae quotidie per stramentum accipiunt bis jus frigidum constans e palea, farina et aqua, quodque numquam igni imponitur.

Farina mixtura est viciarum fabarum molitarum et placentarum lini usitatissimi et brassicae campestris aequalibus partibus.

Palea non emollitur, sed sicca in situlam aliudve vas injicitur, unde edit pecus,

da-

deinde aqua cum farina mixta superjicitur. Perit agricolae & hujus farinae sumunt libras pro singulis bestiis. Tempore meridiano boves parvam fœni accipiunt copiam, et deinde aquam frigidam.

Hæc fere sunt quæ de stabulatione perpetua aut minus diuturna tradit SCHWERZIUS in opere supra citato; nos autem jure stabulationi perpetuæ tribuimus, quod nulla totius nostri Regni provincia, si rationem habeas numeri arborum, tam multas nutriet vaccas quam Flandria Orientalis.

## §. 15.

*Flandria Occidentalis.*

In vicinia urbium Ostendæ, Neoport (Nieuwpoort) Dixmudæ et Furnæ (Vurne) solum est argillosum et bona inveniuntur prata.

In vicinia oppidi Damme terra alluvione maris est orta et multas continet conchas marinas, quarum nonnullæ etiamnum sunt integre. Oppidum nunc ad satis magnam a mari distantiam situm Seculo XII potius erat insignis, et hinc deducenda est causa magnæ illius soli fertilitatis.

Juxta vicum Oostkerke optima sunt prata, quæ nonnunquam ultra dimidiam partem villarum efficiunt.

Stabulatio itaque perpetua in hac regione minus necessaria et non adeo commendanda videtur.

## §. 16.

*Zelandia.*

Ut notum est, hæc provincia constat multis insulis et parva parte Flandriæ, nempe ea, quæ antea ad Belgium foederatum pertinebat, solum argillosum tam cerealibus colendis quam pratis aptum est, pratorum idcirco non magnus invenitur numerus; stabulatio perpetua in multis hujus provincie partibus mihi videtur commendanda; atque etiam ante aliquot annos in insula Walcheren Germanus quidam homo in villa prope insulæ et totius Zelandiæ caput Medioburgum habitans, perpetuo in stabulo nutritivo et plures boves, verum villæ domus demolita est, quo tempore Medioburgi novus portus factus est, quoniam in iis terris sita erat domus, per quam canalis esset fodiendus: quo facto stabulatio perpetua ibi perturbata est, neque postea alio loco, quibus de causis nescio, rursus est instaurata.

In illa autem ejusdem provinciae *Flakkee* parte, nuncpe in vicinis pagi *Grijpsholke* et quidem in villa dicta *Altenhuys* hujus domus stabulatione utitur perpetua.

§. 17.

*Provincia Hollandia.*

Ut notum est, haec provincia propter magnitudinem in duas partes divisa est septentrionalem et meridionalem. Utraque haec pars fere solis constat pratis, et magnam saltem partem stabulatione perpetua proflus non indiget: per littora tantum maris, ubi agri valde sunt sabulosi, cum fructu adhiberi posset haec methodus.

§. 18.

*Provincia Trajectum.*

Haec provincia quamvis non ita magna, habet tamen solum admodum inter se diversum, cujus quatuor sequentes species sunt maxime memorabiles.

In parte Boreali ad orientem invenitur arena.

———— Meridionali ————— argilla

———— Boreali ad occidentem ————— terra turfata

———— Meridionali ————— argilla humilior.

Terrae sabulosae sunt vel ericeta vel terrae sabulosae jam per aliquot annos cultae. Ericeta, quorum superficies aestimatur 25,000 jugera pristinae mensurae, ut ubique, ita etiam hic sunt sterilia; — dividunt tamen agricolae in Provincia Trajecti ea in ericeta *altiora* et *humiliora*. Ericeta altiora praecipue sunt admodum sterilia, quoniam solum inferius constat arena tenui et longe supra aquae superficiem sita. Solum superius habet quidem tenuem laminam ortam e plantis putrefactis, verum haec lamina non sufficit, ut remanens quaedam fertilitas solo detur. — Ejusmodi ericeta tantum inservire possunt plantandis abietum sylvis.

Ericeta humiliora uniuscuiusque melioris sunt naturae, et videtur magnus eorum numerus sensim ope stabulationis perpetuae ad culturam redigi posse, qua methodo e sententia hominum in agricolis peritissimorum effici possit, ut haec ericeta tandem bona arva colendisque cerealibus admodum apta evadant.

Sita sunt autem haec ericeta iuxta dyklos, qui dicuntur *de Amersfoortische, Woudensdykse en Barmveldsche beken*.

Terrae arenosae, quae jam ad culturam sunt redactae plerumque satis sunt fertiles; quo propius autem ad ericetorum accedimus fines, eo minor fit fertilitas; — in omni-

bue

bus autem ejusmodi agris maximo cum fructu introduci posset methodus, qua pecus semper in stabulis retinetur.

Terrae argillosae etiam dividuntur in *altiores* et *humiliores*.

Terrae argillosae altiores constant arvis et pratis, quae utraque bene tractatae ad insignem fertilitatem possent redigi. Dolendum autem fumi inopia fieri, ut prata nunquam atercorentur. — In his tractibus magna casei sit copia, quamvis omnia quae ad pecus pertinent, hic secundo tantum loco a rusticis habentur.

Quae autem diximus de stabulatione perpetua, ubi agebamus de illa parte Gelriae, quae *Betswe* appellatur; credimus, haec eadem etiam hoc loco maximos habitura fructus eamque methodem hic aequae atque illic posse introduci.

Ad ripas fluvii, qui dicitur *Lek*, optima sunt prata.

Terrae argillosae humiliores, uti etiam terrae sicciores solum aptae sunt pratis ideoque stabulatio perpetua illis in locis nullam haberet utilitatem.

Ex omnibus autem, quae diximus, satis apparet nostram esse opinionem, stabulationem aetivam adeoque perpetuam insignis esse utilitatis in omnibus illis Patriae nostrae locis, ubi indigent fimo aut ubi pratorum numerus non satis magnus est.

## CAPUT TERTIUM.

QUO EXPONUNTUR DIFFICULTATES, QUIBUS STABULATIO PERPETUA IN PATRIA NOSTRA PREMUITUR.

**H**actenus vidimus, quibus in provinciis patriae nostrae methodus, qua et aetate pecus semper in stabulo retinetur, commendatione digna videatur; nunc autem pro virum tenuitate accurate difficultates enumeremus, quibus haec methodus illis in locis premitur: simul etiam videbimus, quomodo haec difficultates superari possint; ad decem autem sequentes praecipue redigi possunt:

- 1<sup>o</sup>. Novitas rei.
- 2<sup>o</sup>. Majores impensae quae stabulatione perpetua efficiuntur.
- 3<sup>o</sup>. Minores redditus inde redundantes.
- 4<sup>o</sup>. Vetus forma libellorum locationis conductionis (*huurcelen*); in quibus nempe statuitur, quot et quale frumentum serere debeat agricola.



- 5°. Quoniam stabulatio perpetua trifolio tanquam basi niscitur, illud minime sufficit, ut pecus eo per totam aëstatem nutriatur.
- 6°. Trifolium plane deficere potest.
- 7°. Butyri minor est qualitas et copia.
- 8°. Pecus multis morbis obnoxia est.
- 9°. Praesertim ei morbo qui dicitur *de blaar* vel *het oploopen, de wind*.
- 10°. Vaccae facile fiunt quod Belgice dicimus *gunst*.

### Novitas rei.

Prima igitur eaque praecipue difficultas est *novitas rei*; rusticus aviti moris est *tenax*, imo tenacissimus; maxima pars ruris incolarum agrum colent, ut pater coluit, ut avus atque proavus coluerunt. Hi pecus per totam aëstatem numquam in stabulo paverunt, non igitur filiis erit faciendum. — Sed ut unusquisque, ita et rusticus lucri est cupidus; si igitur per aliquot continuos annos viderit vicinum magno cum fructu stabulatione perpetua usum esse, sensim ad cogitandum adducetur, et tandem methodum ipse adhibebit. Ut igitur rusticos ad stabulationis perpetuae usum alliciamus, opus erit, ut multis in locis earum provinciarum, ubi fieri potest, optimi agricolae, vel domini qui agros et villas possideant, ejus initium faciant, atque ceteris exemplum praebeant. Optime sane de patria mererentur ii, qui socii sunt eorum concessorum quae in singulis provinciis exstant, quaeque *Commissien van landbouw* vocantur, si in re tanti momenti signa ferrent; quodsi fieret, non dubito quin multi securi forent agricolae.

In multis Patriae nostrae locis, ubi optandum est, ut stabulatio introducatur perpetua, jam aliquantum in hac re processerunt; quia nempe Dimidia ut ita dicam stabulatio perpetua (*halve Stalvoeding*) ibi jam cognita est.

Per diei partem pecus pascendum ducitur et per alteram partem in stabulis retinetur. Haec mutatio pecori non ingrata est nam

1°. Hoc modo bestiae nullum damnum accipiunt, noctibus illis frigidioribus tempore veris et autumnii, neque etiam nimio calore in aëstate.

2°. Mutatio appetitum auget.

3°. Et hinc fit, ut pecus majorem lactis praebeat copiam.

Quae cum ita sint, bona praeterea exempla (nam haec multo plus efficiunt quam cujusvis generis ratiocinationes) facile probabunt haec emolumenta difficilius acquiri in dimidia stabulatione perpetua, et raro aut fere nunquam in locis, ubi ea in usu est nam tum

- 1<sup>o</sup>. In stabulo semper adesse deberet satis magna copia pabuli, quod pecori gratum est.  
2<sup>o</sup>. Prata bona esse deberent.

Haec postulata certeque posterius eorum semper fere desunt, et hinc etiam fit et emolumenta semper desint.

Quando pecus nimis debet errare, antequam necessarium nactus sit pabulum, currendo perit lac; — multum errans forte quidem satis magnam pabuli nancisci potest copiam, verum hoc minoris est momenti; nam considerandum etiam est tempus, quo pecori opus est, ut humi jaceat ad ruminationem.

Dici tamen potest, ubi dimidia stabulatio introducta est, ibi dimidiam partem viæ esse absolutam.

### S. 2.

#### *Majores impensae, quae stabulatione perpetua efficiuntur.*

Quando pecus in exili circumerrans prato vel in ericeto, tenuem quaerere debet victum, ad illud sane alendum nullo opus est labore et nulla pecunia; verum simulae idem pecus in stabulo retinetur, plantae leguminosae et praesertim trifolium debent coli, hoc autem bis aut ter de die est secandum, domum deducendum et pecori statim temporibus saepius de die praebendum; — stabulum nonnunquam est purgandum etc. — Omnia haec nonnullarum causa sunt impensarum, et si rusticus ipse cum sua familia eas facere possit, majori constat labore; utrumque tamen longe lateque remuneratur {copiosior {simus, quem nunc nanciscitur, et major quantitas lactis, butyri et casei.

### S. 3.

#### *Minores redditus inde redundantes.*

Si stabulatio perpetua proposito revera inserviet, opus est, ut pecus bene nutriatur; aestatis igitur tempore virides plantae adesse debebunt; — cumque notum sit pecus per aetatem eo uberiores copiam lactis dare solere, quo copiosius tempore hiemis nutritum fuerit, ita etiam necesse erit, ut in hieme aliud nutrimentum bestiis praebeatur praeter solum stramentum: ut igitur hoc pabulum hiemale praebere possit, opus est ut quaedam plantae radicibus edulibus praeditae (*wortelgewassen*) colantur; huic usui initio hiemis inservire poterunt rapae, verum cum hae propter invadens gelu raro diutius durent quam usque ad finem mensis Decembris, curandum erit, ut eo tempore solana, dauci vel betae (*mangelworselen*) ad manum sint. In iis autem agris ubi tria ultima plantarum genera coluntur, per eum annum nulla coli poterunt cerealia; agricola igitur primo anno minorem cerealium copiam vendere poterit, atque ita aliquod damnum pati

debebit. Verum haec difficultas, ut et proxima antecedens, non nisi initio adest. Post breve enim tempus accidet, ut ope majoris fimi quantitatis, quam acquireret, in majore agrorum numero plus colat frumenti, quam antea in majore.

§. 4.

*Novus forma libellorum locationis conductionis.*

Multis nostra in patria agrorum domini (*landeigenaars*) plane sunt ignari progressuum in scientiis Naturalibus, et ne minimum quidem audierunt legemote de insigni utilitate, quam eorum cognitio asferre possit agriculturae; hinc fit, ut multis in locis libellum locationis conductionis eandem adhuc habeant formam et easdem contineant condiciones atque ante centum et plures annos, quae condiciones saepissime aeque sunt noxiae conductori atque locatori.]

Sic v. g. in nonnullis partibus Gelriae et Transisalaniae in usu est, ut merces locationis conductionis agrorum non pecunia solvi debeat, sed cerealibus. Haec locationis methodus multis de causis est probanda, et praeterea propter semper incertum cerealium pretium, ubi fieri possit, commendanda videtur; — verum quoniam agrorum dominus, progressum alibi in regionibus in agricultura factorum proprus ignarus, in libellis locationis conductionis accurate praescribat, quot jugera secali, quot vero avena, fagopyro, &c. conseri debeant et in quot solana sint plantanda; — deinde qualis agrorum numerus per unam pluresve annos conseri non debeat; — cumque talis agrorum sive villae dominus villicus et villam amplius non curet, quam ut praescriptam cerealium sibi solvat partem, conductor sane veluti servus domini jussis adstrictus per totum conductionis tempus nullam ullius pretii introducere poterit meliorem agrorum colendorum methodum, et in ejusmodi villa stabulatio perpetua, cujus insignis foret utilitas, necogitari quidem poterit.

§. 5.

*Quoniam stabulatio perpetua trifolio tanquam basi nititur, illud minime sufficit, ut pecus eo per totam aetatem nutriatur.*

Quinta difficultas in eo consistit, quod, quamvis bene colatur, non semper tamen bene crescat trifolium, verum nonnunquam plane deficiat. Animadvertamus autem oportet, quamvis trifolium praecipuum sit atque esse debeat pecoris per aetatem pabulum; periculosum tamen esse illo solo confidere, quoniam etiam fit, ut, licet non plane deficiat trifolium, saepe tamen non satis magnam pastus praebet copiam, et adesse quodque tempora, ubi minime utile est, trifolium jam a pecore comedi.

Tri.

Trifolium nondum medio vere potest secari, neque ita ab eo initium fieri potest viridis pastus, tempore præterea intermedio inter duas sectiones adest periodus, qua aut nimis vetus est trifolium aut nimis recens, ut cum fructu adhiberi possit.

In bene igitur instituta methodo pecoris in stabulo nutriendi et alia coluntur plantarum leguminosarum genera; quae, si opus est viridis trifolii locum possunt tenere, quaeque etiam alio modo possunt esse utiles: hæc præcipue pertinent viciae sativae et in aridiore solo *Spergula arvensis* et *polygonus fagopyrus*.

Ut igitur hanc evitemus difficultatem, optimum erit sequi illam agrorum dividendorum et colendorum rationem, quam in stabulatione perpetua sequuntur rustici in Provincia Flandria Orientali, quaeque sane merito per universam laudatur Europam.

§. 6.

*Trifolium plane defecto potari.*

Stabulatio perpetua fere solo nititur trifolio hoc: igitur deficiente, pabulum pecoris etiam desit necesse est. — Saepe autem fit, ut trifolium satum et ad pabulum futuri anni destinatum, sive ob seminis minorem bonitatem, sive alia de causa non crescat; — magna haec est molestia methodi pecoris per totum annum in stabulo nutriendi, veram quoniam sese jam annum ante manifestat difficultas, magnam in partem pabuli defectus potest consuli et quidem hoc modo:

- 1°. Trifolium praecedentis anni aratro non vertitur, verum ad sequentem annum servetur et quando agri illo trifolio tecti, tempore veris si fieri potest, cinere stercoreantur, saepe eo anno, quo novum adesse deberet trifolium, vetus bonum profert messem.
- 2°. Deficiente trifolio secale etiam magnam inopiae demit partem, cum scilicet secale tempore autumnii ad pecoris usum seritur in agro bene stercoreato, hoc cereale jam mense Majo poterit secari, et viride illud pabulum per satis magnum tempus bestiis praebere poterit.
- 3°. *Viciae Sativae*, quae alternis hebdomadibus usque ad medium mensem Junium seruntur, ita ut per longum temporis spatium eorum fructibus uti possit agricola.
- 4°. Seritur *fagopyrus*, hoc enim cereale si modo nactum sit terram satis fertilem, tanquam pabulum viride multa afferre solet emolumenta.
- 5°. *Spergula arvensis* hujus insignis utilitas in terris sabulosis satis superque cognita est.

Major tamen adest difficultas, quando trifolium primo quidem tempore bene crevit; verum in hieme per vehemens gelu mortuum sit. Ideo major est haec difficultas, quoniam etiam tali in casu vetus jam trifolium aratro verum est, neque agri secari sunt consueti.

ti, ne ad viride pabulum inserviat: hoc si obtinet, satiatione secalis aestivi in bono solo-  
ci colendis majori quadam copia cetera supra jam citatis plantis leguminosis defectui mul-  
tum succurri poterit.

## §. 7.

*Butyri minor est qualitas et copia.*

Septima difficultas est, quod nonnulli credunt, agricolae butyrum non aequè bonum  
esse in stabulatione perpetua, quam si boves in pratis pascantur. Multorum vero expe-  
rientia docuit, id tantum in opinione esse, non revera obtinere.

Butyri major minorve praestantia fere sola dependet a puro, atque ut ita dicam Hol-  
landico ejus faciendi modo; ubique fere, ubi butyrum ita conficitur, Hollandicum habet  
gustum. Et quamvis lac earum vaccarum, quae in stabulo nutriuntur, non ejusdem esset  
praestantiae, atque illarum, quae in pratis pascerentur, (quod experientia duce minime  
probat) ne tamen obliviscamur, triplo majorem vaccarum numerum ex iisdem agris  
ali posse, quam quae ibi pasci possent; butyrique ita etiam triplo fere majorem; quod  
ut universe in regno nostro fieri posset, sane quam maxime foret optandum, non tan-  
tum rusticorum, sed etiam mercaturae cum exteris causa.

## §. 8.

*Pecus multis morbis obnoxium est.*

A priori ratiocinantibus magnum hujus difficultatis videretur pondus, verum experientia  
satis docet contrarium; jam supra Cap. I. §. 2. hoc attigimus et Cap. II. §. 2.

Experimenta in Provinciis Septentrionalibus hanc ob causam instituta prorsus manifestum  
fecerunt vel vaccae e Boreali (vel Meridionali Provinciae Hollandiae parte oriundas,  
quae consueverant per diem et noctem in pratis manere statim assuefieri stabulationi  
perpetuae, dummodo facile procumbere et jacere possint et pabulum salubre satisque  
copiosum illis praebetur.

Animadvertendum tamen est oportere ut stabulum, quantum fieri poterit aëri sit ex-  
positum ita, ut januae per maximum diei aestum clausae possint manere hanc ob cau-  
sam, ut muscae quantum hoc ab hominum cura dependet, arceantur.

## §. 9.

*Obnoxium est pecus ei morbo, qui dicitur DE BLASE vel HET OPZWELLEN.*

Quoniam hunc morbum supra Cap. I. §. 3. jam attigimus, illa quae eo loco diximus  
hic

Nic repetere non placet; feliciter tamen hoc malum ibi rarissime occurrit, ubi maxime est optandum, ut stabulatio introducatur perpetua; — celeberrimus et venerandus THÄER (in opere *Grundsätze der ration. Landwirthschaft* p. 342.) dicit hunc morbum fere nunquam locum habere ubi pecori statis temporibus alimentum praebetur, verum iis in locis, ubi modo esuriunt bestiae, modo vero nimium trifolium iis comedendum datur. Per integros 26 annos, quibus ille stabulatione usus est perpetua, ne semel quidem una ex illius vaccis edendo trifolio morbum sibi contraxit.

## §. 10.

*Vaccae facile fiunt quod Belgice dicimus GEUST.*

Hoc initio saepe locum habere negari non potest, verum illud minus stabulationi perpetuae, quam incuriae et negligentiae tribuendum est. Neque etiam hae de re queruntur rustici Flandrici, optimi sane hujusce rei iudices.

*Qui didicit, patriae quid debeat.*

H O R A T I U S.



# NOMINA PROFESSORUM,

QUI

IN ILLUSTRIS AMSTELÆDAMENSIS ATHENÆO

*inde a d. viii Februarii MDCCCXV, a d. viii Februarii MDCCCXVI:*

DOCENDI MUNUS OBIERUNT.

---

CLARISSIMI ORDINIS PRÆSES.

J. P. S. VOUTÉ.

ACTUARIUS.

J. VAN HALL.

DISCIPLINARUM MATHEMATICARUM ET PHYSI-  
CARUM PROFESSORES.

J. P. S. VOUTÉ.

H. C. VAN DER BOON MESCH.

THEOLOGUS.

W. A. VAN HENGEL.

JURIDICI.

J. H. VAN REENEN, Prof. honor.

C. A. DEN TEX.

J. VAN HALL.

A

ME-



**NOMINA PROFESSORUM,**

**MEDICI.**

**G. VROLIK:**

**F. VAN DER BREGGEN; CORN. FILS**

**H. BOSSCHA:**

**PHILOSOPHIAE THEORETICAE ET LITERARUM  
HUMANIORUM.**

**D. J. VAN LENNEP.**

**I. WILLMET.**

**J. P. VAN CAPPELLE.**

**LECTOR.**

**H. DE HARTOG.**



**SERIES**

# SERIES LECTIONUM ET INSTITUTIONUM,

QUAE HABENTUR A PROFESSORIBUS ILLUSTRIS  
ATHENAEI AMSTELÆDAMENSIS,

*inde a feriis aestivalis anni MDCCCXXV ad ferias aestivas MDCCCXXVI.*

---

JOANNES PETRUS STEPHANUS VOUTE,

privatim, exponit Mathesin;  
Physicam.  
Elementa Psychologiae et Logicae tradit.

GERARDUS VROLIK,

publice IN HORTO BOTANICO, philosophiam tractat botanicam;  
privatim, docet  
Obstetriciam theoreticam et practicam;  
Physicam plantarum.

DAVID JACOBUS VAN LENNEP,

publice, praecipua quaedam Historiae et literarum capita tractat, vel ipsi juvenuti, exercitationis causâ, disceptanda exponit;  
privatim, tradit

*Literas Latinas*, interpretandis, Ciceronis Paradoxis, Terentii Andria, Ovidii Heroïdum Epistolis; explicandis Antiquitatibus Romanis.

*Literas Graecas*, interpretandis locis Herodoti, Thucydidis et Polybii quibusdam in *selectis principum Historicorum*, a WYTTENBACHIO editis,

Hesiodi Scuto Herculis, Bionis Epitaphio Adonidis et Moschii Epitaphio Bionis;

*Historiam Doctrinarum* ab initio ad renatas in Italiâ literas.

## JOANNES WILLMET,

publice, *de Ingenio Labidi Poëtico* agit, aut præcipua Philologiae momenta ad disceptationem proponit:

privatim, docet

*Linguam Hebraeam*, cum institutione Grammaticâ, tum interpretandis, ratione ætatis, argumenti et stili habitâ, sensim difficilioribus V. T. locis;

*Linguam Arabicam*, primum Grammaticæ, deinde explicandis *Sententiis*, *Fabulis*, et selectis ex Anthologiâ Schultensianâ locis;

*Exegesi* V. T. interpretatur, tam illustrandis *nonnullis diversorum Poëtarum diversique argumenti Carminibus*, quam moderandis Exercitationibus Exegeticis;

*Linguas* etiam *Chaldaicam*, *Syriacam* et *Samaritanam*, si adsint auditores; uti et

*Haririi Consensus*, aut *Corani quaedam capita* explicat, collatis *Scholiis*, in *Corani editione Petropolitana* exhibitis.

## JOANNES PETRUS VAN CAPPELLE,

publice, partes quasdam historiae literariae Belgicae tractabit;

privatim, de stilo Belgico ager;

De Poëtis seculi decimi septimi Batavis disseret;

Historiam Patriae tradet;

Exercitationes oratorias moderabitur.

## FRANCISCUS VAN DER BREGGEN, CORN. FIL.

privatim, tractabit

Pathologiam generalem,

Materiem Medicam,

Medicinam Forensem.

## WESSEL ALBERTUS VAN HENGEL,

publice, Quaestiones aliquot argumenti Theologici juventuti disceptandas proponit.  
pri-

privatim, *Doctrinae Religionis, tum Naturalis, tum Divinitus patefactae* tradit *Prolegomena*.

Christianam exponit morum disciplinam.

Priorem PAULI interpretatur ad Corinthios Epistolam.

De *Historia Societatis et Religionis Christianae* commentatur ita, ut praecipua exponat rerum capita, quae ab aetate JESU CHRISTI usque ad tempora CAROLI M. factae sint.

### CORNELIUS ANNE DEN TEX,

publice, varia loca ex Jure Naturae, Publico et Gentium tractat vel ipsi juvenuti disceptanda proponit.

privatim, tradit Jus Naturae;

Jus Gentium;

Historiam Juris Romani,

et Historiam politicam atque diplomaticam.

### HENRICUS BOSSCHA,

publice, in THEATRO ANATOMICO *Partium corporis humani fabricam et usum explicat.*

*Operationes Chirurgicas* demonstrat variasque eas instituendi exponit methodos.

privatim, tradit *Anatomiam, Physiologiam;*

*Praxin Chirurgicam.*

### HENRICUS CAROLUS VAN DER BOON MESCH,

privatim, tradit

Chemiae Doctrinam et Historiam;

Chemiam Pharmaceuticam, lingua vernacula;

Doctrinae Chemicæ usus quoad artes;

Historiam Naturalem.

## J A C O B U S   V A N   H A L L ,

publice, selecta quaedam Juris Privati capita juventuti disceptanda proponit;  
privatim, Institutiones JUSTINIANI Imp. explicat;

Institutionum GAIJ Icti commentarios quatuor, Veronae inventos, interpretatur;

Pandectas Juris Romani, WESTENBERGIO duce, ab init. ad lib. 20 Digestorum docet;

Principia Juris Hodierni secundum *primas lineas Jur. Civ. Holland.*, descriptas a NIC. SMALLENBURGIO, V. Cl., tradit.

## H E N D R I K   D E   H A R T O G ,

Lector in de Wiskunde, Zeevaart en Sterrekunde, zal Dingsdags, Woensdags en Donderdags, des middags om *twaalf* ure, in het klein *Auditorium* van het *Athenaeum Illustre*, publieke Lessen, in het Nederduitsch, over deze Wetenschappen geven; en dat wel in afloop van de volgende orde:

Eerstelijk over de *Rekenkunde*, *Decimale Breuken* en *Logarithmus Getallen*, vervolgens over de *Meetkunde* en *Algebra*, en het maken der *Sinus* en *Logarithmus Tafelen*, voorts over de Platte en Klootsche *Driehoeks-meting* en eenige Hoofd-Eigenschappen der *Kegelsneden*; waarin over de beginselen der Sterre- en Aardrijkskunde; en laatstelijk over de Theorie der *Zeevaartkunde*; en wel inzonderheid over de berekening der *Lengte op Zee*, zal gehandeld werden; het een of ander Stuk echter meer of minder uitgebreid, of wel met bijvoeging van eenige verklaring der Zeevaartkundige Instrumenten, naar mate het getal en de lust der Toehoorders zulks zal schijnen te vorderen.



# LECTIONES

IN SEMINARIO EVANGELICO-LUTHERANO HABITAE

*inde a feriis aestivis anni MDCCCXXV usque ad feriis aestivas  
anni MDCCCXXVI.*

D. JO. THEOPH. PLÜSCHKE, *Prof. Ord.*

*Pauli Apostoli Epistolas ad Thessalonicenses, Corinthios et Romanos;  
itemque selecta capita Jesaiae interpretatus est.*

*Historiam Doctrinae et Ecclesiae Christianae proposuit.*

*Theologiae Dogmaticae praecipua capita cum profectionibus colloquen-  
do pertractavit:*

*Encyclopaediam et Methodologiam Theologicam tradidit.*

CHRISTIANUS HENR. EBERSBACH, *Prof. Extraord.*

*Theologiam naturalem docuit.*

*Doctrinam morum Christianam exposuit, aliqua simul ratione habita  
historiae ejusdem.*

GEORGIUS FREDERICUS SARTORIUS, *Prof. Extraord.*

*Rationem exposuit habendarum orationum sacrarum, institutionis pue-  
rilis et reliquorum Pastoris Evangelici officiorum.*

*Profectionum exercitationes moderatus est in Orationibus sacris compo-  
nendis ac recitandis, puerisque Doctrinae Christianae notitia imbuendis.*



**GEORGII FREDERICI SARTORII,**

**ECCLESIAE EUANGELICO-LUTHERANAE, QUAE AMSTELODAMI EST,  
PASTORIS,**

**O R A T I O**

**D E**

***MULTIPLICI FRUCTU, QUEM DIUTURNA IN AD-  
MINISTRANDIS SACRIS EXERCITATIO AD-  
FERT AD JUVENES S. S. MINISTERII OF-  
FICIA DOCENDOS.***

**HABITA IN ILLUSTRIS ATHENAEI AMSTELODAMENSIS AUDITORIO  
MAJORI, DIE XXXI. OCTOBRIIS MDCCCXXV,**

**CUM EXTRAORDINARIAM THEOLOGIAE PROFESSIONEM  
IN SEMINARIO EUANGELICO-LUTHERANO SUSCI-  
PERET.**





---

**SEMINARII EUANGELICO-LUTHERANI CURATORES, VIRI  
AMPLISSIMI!**

**INCLYTAE HUIUS URBIS CONSULES, ILLUSTRISQUE A-  
THENAEI CURATORES, VIRI GRAVISSIMI!**

**ARTIUM AC DISCIPLINARUM PROFESSORES, VIRI CLARIS-  
SIMI, INTER QUOS, PROPTER MUNERIS CONJUNCTIO-  
NEM, PRAECIPUE VOS COMPELLO, COLLEGAE CON-  
JUNCTISSIMI!**

**DIVINORUM ORACULORUM INTERPRETES, VIRI PLURI-  
MUM VENERANDI!**

**QUARUMVIS ARTIUM AC DISCIPLINARUM DOCTORES ERU-  
DITISSIMI!**

( 4 )

**JUVENES LECTISSIMI, PRAESTANTISSIMI, CUM VOS UNIVERSI, TUM IN PRIMIS SEMINARIO NOSTRO ADSCRIPTI, COMMILITONES CARISSIMI, EXOPTATISSIMI!**

**QUOTQUOT DENIQUE ADESTIS, CIVES, HOSPITES, CUJUSCUMQUE ORDINIS AC DIGNITATIS, BONARUM ARTIUM FAUTORES OMNES;**

**AUDITORES HONORATISSIMI!**

**Omni**

---

**O**mnium doctrinarum, quibus unquam operam navarunt mortales, nulla omnino reperiri potest, quae majoris sit vel dignitatis vel utilitatis, quam cognitio Dei. Quamvis enim ex tot virorum illustrium, nominatim Ciceronis, sententia (de Nat. Deor. I, 1.) » perdifficilis et perobscura sit quaestio de » *natura Dei*,» vera tamen ejus cognitio, qualis quidem homini contingere potest, latissime patet in omni vitae genere, plurimumque valet ad hominum animos excolendos, regendos et tranquillandos. Nimirum non illud, opinor, huic doctrinae propositum est, ut summam ac plane admirabilem Dei majestatem ab omni parte perscrutetur, eamque verbis congruentibus aptisque exponat. Quis enim vel confidentissimus sperare audeat, se divinam aeterni omnium rerum fontis praestantiam atque magnitudinem suo ingenio esse emensurum, vel comprehensurum? Sed in eo potius illam versari existimo, ut admirabilis supremi Numinis potentia, sapientia, benignitas, reliquaeque virtutes, quibus supera, infera et media reguntur, in primis vero genus humanum gubernatur, et ad summum bonum veramque felicitatem adducitur: ut illae, inquam, virtutes modeste investigentur, digne aestimentur, rite cognoscantur ac probabiliter exponantur. Ex ejusmodi autem cognitione universa pendet religio, omnisque cultus, quem pia grataque mente Deo tribuamus. Quamobrem eximiae illae laudes, quibus in celebratissima oratione *pro Archia poëta* M. T. CICERO studia humanitatis in universum prosecutus est, majorem in modum cognitioni Dei accommodari possunt; adeo ut sine hoc Summi Numinis cognitione vix quidquam sit huma-

*nitatis* nomine dignum. Haec nimirum rerum divinarum probabilis scientia prae caeteris *juventutem alit*, igniculos excitans ingeniorum nobilissimorum; haec *senectutem oblectat*, dulcem afferens animo pacem exoptatamque tranquillitatem; haec *secundas res ornat*, summam inspirans modestiam, omnemque procul abigens superbiam; haec in *adversis perfugium ac solatium praebet*, omnem spem ac fidem collocans in Praeside coelesti, qui etiam pessima quaeque, de quibus nos miseri mortales in hac terrestri vita conquerimur, potenti nutu suo ad optimum exitum convertit; haec *domi delectat*, curas domesticas mitigans, et privatorum officia sublevans religione; haec *foris non impedit*, inhabitans animi recessus, mentemque avertens ab injuria aliis inferenda et omni prava cupiditate; haec denique *nobiscum pernoctat, peregrinatur, rusticatur*: nam homo, religionis sensu probe imbutus, ita cum Deo versatur, ut nunquam nec uspiam ab ejus cogitatione, ab ejus fideli cultu, ac tot beneficiorum in se collatorum recordatione recedere velit.

Optime ergo generi humano consulunt, ejusque dignitatem altius tollunt, qui hanc Divini Numinis cognitionem propagare, hominum animis altissime infigere, religione ac pietate eos imbuere, ad quaevis honesta et laudabilia adducere, et sic viam parare student, qua genus nostrum ad exoptatam perfectionis beatitudinisque metam perveniat. Quo quidem Christiani doctoris munere, quid cogitari potest praestantius et excelsius, quid illustrius et sanctius? Quare quod ad me quidem attinet, non possum non gratissimo animo recordari, et pro maximo beneficio habere, quod divina providentia tam egregium, tam honorificum munus mihi detulit, tam sancto ministerio me haud plane indignum judicavit.

At longe major est campus, et magis arduus cursus, ubi non tantum civibus Christianis nostra cura prodesse, verum etiam futuros Evangelii doctores institutione excolere et disciplina formare nitimur. Nimirum sic sunt erudiendi juvenes, sic afficiendi, ut sancto quodam ardore impleantur atque inflammentur; ut nihil praestabilius esse, quam de civibus suis bene mereri, penitus sibi persuadeant, ut huic sanctissimo negotio omnes vires suas seque ipsos tradant totos, nihil studiorum, nihil contentionum, nihil laborum declinantes neque recusantes, quibus idonei fiant ad munus sacrum olim consilio et ratione administrandum.

Ta-

Talem igitur ac tantam provinciam mihi jam demandatam video; Auditores! Professione extraordinaria in Seminario Euangelico-Lutherano ab AUGUSTISSIMO ET CLEMENTISSIMO REGE NOSTRO in me collata; et obtigit mihi voluntate CURATORUM SEMINARIUM, VIROBAM AMPLISSIMORUM, praecipue ea pars Theologicae Institutionis, quae concionandi rationem explicat, totumque sacri muneris, et ejus officiorum ambitum complectitur. Opus profecto saluberrimum, sed peractu difficillimum! Quot enim quantaeque requiruntur disciplinae artesque, non ex parte illae, sed penitus cognoscendae; qualis docendi facultas, quanta prudentia; adde quantum otii, ut totum te ad ejusmodi studia convertere possis! Haec omnia cum in me valde tenuia esse, ipse vel invitatus fateri cogar, fieri non potest, quin animus meus muneris mihi delati amplitudinem ac difficultatem cogitans, horrescat, et imbecillitatis meae identidem me admoneat. Desperandum adeo esset de officiorum mihi commissorum successu, nisi me, praeter alias res, paululum erigeret illa cogitatio, quod per duodetriginta annos usus et exercitatio nec pauca nec levia praesidia attulerunt, certe afferre potuerunt; fretus rem arduam non omnis expertus fiducia aggrediar.

At ne nimis audax in capessenda provincia mea Vobis videar, Auditores! illud ipsum nunc paucis proponere vobis decrevi, quod ab hoc loco alienum esse nemo facile dixerit: *de multiplici fructu, quem diuturna in administrandis sacris exercitatio adfert ad juvenes S. S. ministerii officia docendos.* Hac de re me nunc dicturum eo sermone, quem tractare jam diu fere intermisi, ut Vos, Auditores Honoratissimi! humanissime et indulgentissime audiat, etiam atque etiam rogo et obsecro.

Agite jam, videamus quantum facultatis, quantum praesidiorum, quantum solertiae ac dexteritatis, experientia duce, et usu magistro, sibi comparare potuerit doctor Christianus, qui in compluribus locis coetui Christiano praefuit ejusque res sacras administravit; videamus quantum ex hac diuturna muneris sui administratione emolumenti ceperit, vel capere potuerit ac debuerit ad feliciter instituendos et formandos juvenes, qui gerendae rei Christianae facultatem assequi cupiunt.

Ac primo quidem vix quisquam doctor Christianus, nisi ille quem usus et experientia adjuverit, sibi videtur comparare posse muneris Euangelici

no-

*notionem accuratam, perspicuam ac completam*, nec temere affirmo, ex sacri muneris vera et idonea aestimatione in juvenibus instituendis plurimum commodi et adjumenti hauriri ac percipi. Ut enim qui alios ad ullam artem praeceptis suis erudire fidumque ducem imperitis se praebere cupit, ante omnia perspectum habere debet, quae sit ejus artis natura atque indoles, qua ratione quove modo et quibus adhibitis praesidiis propositum finem contingere queat; ita illi quoque magistro, qui formandis Christianorum doctoribus futuris studium ac laborem dicavit, opus est, ut plane perspiciat quae sit sacri muneris indoles ac ratio, quibus limitibus ac terminis circumscribatur, et quae notitiae quaeve exercitationes vel necessariae vel utiles censi debeant. Hic nimirum solus idoneo modo adumbrare potest Evangelici doctoris imaginem, perfectam illam et omnibus numeris absolutam, qualem quisque probus ac generosus sibi eligere, suisque laudibus comprobare non dubitet. Hanc imaginem bonus et cautus Evangelii minister sibi ob oculos ponit crebro intuendam, ejus assidua contemplatione impense delectatur, omnibusque viribus enititur, ut eandem etiam conformandis discipulis non tantum levi delineatione vel adumbratione proponat, sed vividissimis et eminentissimis coloribus tamquam exemplum depingat, ad cujus imitationem omnes incendantur. Longissime igitur ille abhorret ab eorum sententia, qui muneris Ecclesiastici nihil dignitatis aut utilitatis, nihil adeo contentionis aut laboris inesse clamant, qui totum supervacaneum censent, vix quidquam in eo exhiberi dictitantes, nisi praeteritorum seculorum reliquias, nisi documentum antiquae superstitionis et ignorantiae vel etiam audacissime dominandi cupiditatis. Tales enim voces jactatas esse, satis constat. Quid, inquit, in illo munere inesse potest vel dignitatis vel utilitatis? quantum tandem est negotii et laboris, si quis post sex dies otiose aut deambulando aut salutando transactos verba facit ad populum ignarum, rudem et plane indoctum? si per unius horae spatium de rebus vociferatur, quae omnibus cognitae sunt? quas ipse ex Codicis Sacri dictis unice conflavit, iterum iterumque decantandis? de quibus denique faber lignarius aut ferrarius in ita dictis conventiculis, saepe cum majori audientium applausu sermocinatur, quam Doctor ipse, qui ad interpretanda oracula divina vocatus est, et constitutus? Profecto ingenue, Auditores! si mei muneris rationem hanc esse judicavissem, jam pridem illud, tamquam homine probo  
et

et liberali prorsus indignum; desertissem; aliumque campum ingressus essem, in quem vires meae qualescumque excurrerent.

Ne quis autem putet, Auditores! quamvis non omnino tam vile censendum esse munus sacrum, multo minus plane repudiandum; aliquid tamen illius infamiae vel ignominiae ei revera inhaerere: jam praecipua Evangelici doctoris officia breviter recensebo. Sunt ea tam varia, tamque late patent, ut uno verbo comprehendi et exprimi non possint.

*Concionatores*, sive *verbi divini ministri* dicimur, qui docendi munus in Ecclesia suscepimus. Ad populum verba e suggestu sunt facienda, eique divina oracula pandenda, orationes sunt habendae, et tales quidem orationes, quibus Christiani vera pietate in Deum imbuantur, a pravis cupiditatibus avocentur, a flagitiis et sceleribus deterreantur, ad veri, recti honestique studium incitentur. Hunc scopum quomodo attingere poterit concionator Evangelicus, nisi sit orator disertus ac nervosus? Homines nimirum tam variis tamque firmis constricti sunt, et consuetudinis et voluptatum vinculis, ut iis exsolvi, et ad honestatem veramque animi libertatem perducere nequeant, nisi validissimis incitamentis, perspicue et graviter propositis. Oratoris sacri est, commovere animos, eos ab improbitate abstractos virtutis studio imbuere, ad eamque perpetuo colendam impellere. Cui officia ut probe satisficiat Doctor Evangelicus, boni rectique sensu ipse sit penitus imbutus, oportet; sed vel flagrantissimum probitatis et honestatis studium parum efficit, nisi accesserit universa virtus oratoria. Oratoris autem officium quale et quantum sit, non est quod ipse exponam; melius hoc declarabit ciceronis auctoritas. Is enim, postquam sese jure mirari dixit, ex omni memoria aetatum, temporum, civitatum, tam exiguum Oratorum numerum inveniri, statim subiungit. (de Oratore. I, 5.): » nimirum majus est hoc quiddam, quam homines opinantur, et pluribus ex artibus studiisque collectum. Quid enim quis aliud in maxima discentium multitudine, summa magistrorum copia, praestantissimis hominum ingeniis, infinita causarum varietate, amplissimisque Eloquentiae propositis praemiis, esse causae putet, nisi rei quaedam incredibilem magnitudinem ac difficultatem? Est enim et scientia comprehendenda rerum plurimarum; et omnes animorum motus, quos hominum generi rerum natura tribuit, penitus pernoscendi, quod omnis

B

» vis,



» vis, oratioque dicendi in eorum, qui audiunt, mentibus aut sedandis aut  
 » excitandis expröenda est." Et alio loco (cap. 6), » mea quidem, in-  
 » quit, sententia, nemo poterit esse omni laude cumulatus orator, nisi aut  
 » omnium rerum magnarum atque artium scientiam consecutus. Etenim  
 » ex rerum cognitione efflorescat et abundet Oratio oportet."

Quam multae igitur oratori sacro sunt perdiscendae artes ac disciplinae,  
 quanta in singulis collocanda industria et assiduitas, at quam caute etiam  
 discrimen est faciendum inter ea, quae sunt plane necessaria, et quae uti-  
 lia tantum censentur. Quod, ut recte fiat, juvenilia ingenia aliquae prae-  
 ceptore egent, cujus ductu in tanta rerum discendarum multitudine ac va-  
 rietate cognoscant, atque intelligant, quatenus ad munus sacrum obeundum  
 necessarie requirantur, quatenus sufficiant, quatenus praeponi aut postha-  
 beri possint ac debeant. Vereor enim, ne, si nimis durae conditiones Ora-  
 tori sacro statuantur, unius hominis humeri tanti ponderis onus sustinere  
 non valeant. Hactenus, quae sint Oratoris, levissime delineavi.

Sunt autem Doctori Christiano etiam partes agenda *viri prudentissimi  
 et consultissimi*. Sedet nimirum religionis quasi patronus, et omnium re-  
 rum, quae ad animum pertinent, veluti arbiter. Valent plurimum apud  
 cives Christianos ejus consilium, sententia, auctoritas. Ad eum se confer-  
 runt aerumnarum variis generibus onusti; fortunae vicissitudinibus vexati;  
 animi angoribus contristati; conscientiae terroribus exagitati. Accititur ad ae-  
 grotos, quos molliter alloquatur et solatio reficiat; vocatur ad moribundos,  
 quibus firmam fiduciam et spem laetam instillet; denique ad nutum prae-  
 sto esse debet omnibus, qui exhortatione, deprecatione, consolatione vel alio-  
 ejusmodi divino beneficio indigeant. Pateat igitur pastoris Evangelici domus,  
 ut quondam patrum apud Romanos. Videat ipse, ne quis umquam  
 frustra fores pulset, ne quis ab eo discedat consilii ineptus. Curet, ut pro-  
 sua quisque conditione domum ipsius relinquat sorte sua magis contentus.  
 Deo submissior, et ad quasvis vitae calamitates tolerandas paratior. Quo-  
 quidem munere an excogitari potest aliud praestantius aut divinius?

Restat tertia muneris pars, quae *Catechesis* vocatur, et rudiorum insti-  
 tutione continetur. Non enim unius aevi limitibus circumscribitur religio-  
 nis Christianae professio; sed ad ultima, quae subsequuntur secula, pertinet.  
 Est igitur doctoris Evangelici, cognitionem divinae Jesu Christi disciplinae  
 etiam

etiam ad futurae aetatis homines transferre. Pueri inde a tenera aetate imbuendi sunt coelesti Jesu Christi doctrina, ejusque praeceptis salutari-  
bus; adolescentium animi verae pietatis atque honestatis amore inflamman-  
di; non tantum, ut grata meritorum Christi erga nos perpetuo vigeat me-  
ritoria inter homines, tam singulari beneficio a Deo ornates; sed praecipue,  
ut hominis aetas imbecilla, variisque animi motibus tentata ac sollicitata,  
hac cognitione fortior firmiorque reddatur, et repellendis sensuum illecebris  
aptior. Haec igitur puerilis institutio, quamquam minus honorifica videri  
possit, tamen utilissima est, et si varia ejus impedimenta species, totam-  
que naturam perpendas, simul difficillima. Uno certe virorum peritorum  
consensu ardua res habetur, ita sese ad puerile ingenium demittere, ut om-  
nium, quas magno labore consecutus sis, majorum rerum scientiam quasi  
obliviscaris, ac nihil sapere videaris, nisi quae huic aetati conveniant.  
Accedit ut pueri lenitate ac disciplina vere paterna tractentur, et ut omnes  
vulgarium rerum notitiae summa simplicitate et perspicuitate eorum ingeniis  
propinquantur, vel, ut rectius dicam, ante oculos eorum depingi videantur.  
In quomodo negotio, quis aliis ducem se praebet, nisi illud docendi genus  
cognitum habeat, ejusque facultatem longo usu sibi comparaverit, omnino-  
que insignem cum puerilibus ingeniis familiaritatem contraxerit?

Nondum dixi de ultima parte officiorum, quae est *sacerdotis*. Profecto  
non ejus sacerdotis, cujus occupationes apud veteres Graecos et Romanos  
potissimum cernebantur in immolando hostiis, et populo lustrando vel ex-  
piando. Nihil enim magis abhorreere potest a Christianae religionis indole,  
quam splendidus sacrificiorum apparatus, cum, ut ipsae sacrae literae mo-  
nent, nullum aliud ad Deum placandum valeat, nisi unum et aeternum  
Jesu Christi sacrificium, nullaeque oblationes ei acceptae esse possint, nisi  
pietatis, obedientiae et caritatis sint specimina, ex grata beneficiorum Jesu  
Christi recordatione profecta. Nihilominus etiam doctori Christiano sacer-  
dotis munere fungendum est, dum in conventu solenni aut in precibus fun-  
dendis, aut in sacramentis, quae vocantur, administrandis occupatur. In  
his omnibus ille tanta cura versatur, ut nihil omittat aut negligat, quod ad  
civium Christianorum animos graviter afflictos, efficaciter commovendos,  
atque ad Dei sincerum amorem cultumque perducendos aliquam vim habere  
possit.

Tot igitur tantisque officiis continetur munus Pastoris Evangelici; nec tilius dubito, quin mihi consentientem habeam unumquemque, qui rem sine praeconceptionis opinionibus consideraverit; certe mecum facient omnes, qui huic muneri gerendo ipsi vitam suam consecrarunt, iidemque facile perspicient; quantum ex diuturna hujus provinciae administratione emolumenti redundet in doctorem, cui juvenes sunt praeparandi ad eadem negotia olim cum fructu peragenda. Quisquis enim hanc accurate constitutam sacri muneris notionem firmiter tenet, is facile mecum intelligere poterit, quibus naturae dotibus, quibus animi corporisque facultatibus instructum esse oporteat eum, qui aliquando omnibus officii sui partibus praeclare perfungi velit. Sentiet idem, quomodo, quod natura tenui tantum modulo largita est, assidua prudentique exercitatione augeatur ac corroboretur; quod illa vere plane denegaverit, nullis contentionibus, nullisque artificiis acquiratur vel compensetur.

Sunt enim nonnulla, quibus facilius, sunt item alia, quibus non sine gravissimo damno carebit, cum Doctor Evangelicus in universum, tum praesertim Orator Christianus. Hujusmodi vero naturae dotes, variisque generis facultates quis diligentius aestimare poterit, quam qui longo usu didicit ac penitus cognovit, quae sit Ecclesiastici muneris universa indoles ac ratio. Ad hunc igitur summo jure deferetur judicium variarum artium ac disciplinarum, quibus opus sit sacro Christianorum concionatori. Tantopere enim aucta est, nostris praesertim temporibus, copia rerum cognoscendarum, in tantamque amplitudinem excreverunt disciplinae et artes, ut vel cupidissimus discendi plurima vix primis labris degustare, pauca sibi familiaria et propria reddere possit. Is igitur, qui longo usu subactus sacri muneris officia recte aestimare didicit, quoddam quasi filium tenet, quo juvenes per tot artium ac disciplinarum ambages ad finem propositum feliciter perducatur. Sunt sane omnes artes naturali quodam et arcto vinculo inter se conjunctae, nec fere ulla earum est, ex qua utilitatis plane nihil ad oratorem sacrum redundet. Sed qui accuratam muneris sacri cognitionem longo usu sibi comparavit, is multo facilius et rectius quam alii dijudicabit ac monstrabit, quatenam artes sint majori studio colendae, summamque virium intentione tractandae, quatenam levius attingendae, quatenam plane omittendae, ne quis, ingenio suo atque industria omnia complexurus, et idoneis sub-

subsidio desitatur; et multitudinem rerum discendarum prorsus obrutur.  
 Hinc ob hoc maximum pretium statuendum est iis disciplinis, quae con-  
 ducunt ad comparandam docendi facultatem, tam quod ad res tradendas,  
 tum quod ad tradendum attinet. Ore hinc ac verbis potissimum  
 agere debet in Christianorum animos; itaque ille, qui sacris praest, de om-  
 nibus rebus ad religionem pertinentibus, perspicue, graviter copioseque di-  
 cere oportet. Quamobrem *Rhetoricam sacram* longe maxime faciet is,  
 qui iis rebus, ad huiusmodi ecclesiasticum formandis operam navat, quippe  
 sciens, dicendi facultatem non merum naturae donum esse, sed institutione  
 ac ratione magno opere adjuvari. Agnoscet quidem, ut CICERONIS verbis utar,  
 (de Oratore I, 20), nos homines ita natos esse, ut et blandiri et sup-  
 pliciter instigare iis, a quibus sit petendum, et adversarios minaciter ter-  
 rere possimus, et rem gestam exponere, et id, quod intendamus, confir-  
 mare, et id, quod contra dicatur, refellere; et ad extremum deprecari  
 quod et conqueri; sed simul persuasum habebit, eandem hanc dicendi  
 facultatem a natura datam, praeceptis atque exercitationibus formari et ex-  
 celsi, augeri et perfici. Nam naturae quoque dona meliora sunt, ubi acce-  
 dit doctrina; et quae praedicta sunt, si industriam adhibeas, etiam prae-  
 clariora evadunt. Alienissimus igitur erit ab eorum opinione, qui naturae  
 bonitati omnia tribuentes, praecepta Rhetorica contemnunt; non temere  
 spernendum esse ratus, quod a summis ingeniis ex animi humani natura  
 repetitum et celeberrimis oratoribus probatum fuisse intelligit.

Curabit etiam ille, qui per longam annorum seriem muneri sacro prae-  
 fectus, juvenes ad eandem provinciam olim digne administrandam instituit ac  
 praecepit, ut verae probitatis veraeque eloquentiae vinculum indissolubile ap-  
 pareat. Verus enim ac perfectus Orator non id sibi proponit, ut auditores  
 stultos captationibus, blanditiis et aliis eiusmodi malis artibus fallat ac deci-  
 piat, et ad eas res vel credendas, vel intendendas vel faciendas perducatur,  
 de quibus longe aliter existimat ipse; sed in re honesta tantum omnem col-  
 locat facultatem suam, et eo quo ipse fervet, probitatis amore, alios quo-  
 que incendere studet, nullis utens rationibus, argumentis, incitamentis, ar-  
 tibus, nisi quae hominem bonum et liberalem decent, nec alio consilio,  
 nisi ut auditores vera libenti amplectantur animo; honesta atque utilia,  
 sibi peragenda proponant; quaeque animum reddant meliorem, ac mores

sanctiores; summo studio persequantur et exsequantur: Quam plurimum ille tribuit pervulgato quidem, sed paene divino, quinctiliani praecepto „*per-  
tus est, quod disertus facit,*” et prorsus inanem rem, iudicat omnem institutionem oratoriam, nisi dicentis animus sit propendendae veritatis amore re plenus, de utilitate rei commendandae persuasus, et cunctis honestis probitatisque studio largissime imbutus. Arbitratur igitur citra omne „*saput*” Oratoris esse, ut iis, apud quos agat, talia videatur, qualem se ipse optet, idque fieri vitae dignitate? (de Orat. I. 19). Haud inmemor est; eique quod verissime monet HORATIUS, *„Si me vis flere, dolendum est*

*Primum ipsi tibi, tunc tua me infortunia laedent;*” ac mente reconditum tenet illud quinctiliani „*suprema cincham movendes*” animos affectus in eo posita est, ut ipsi moveantur. Quod in omni Oratore requiritur, movenda alicuius, ut homo sit probus, quanto magis necessarium censei debet, ut sacri Oratoris pactus pio quodam et sapto ardore sit inflammatum ac repletum. Neo tamen solus ardor sufficit. Nam, nisi addit accurata librorum sacrorum cognitio, in primis autem copiosa dictorum Jesu Christi scientia, omniumque ac singulorum hominis Christiani officiorum idonea notitia, elocutio, etiam magnificentissima et summo impetu, peracta, inane videbitur et paene puerilis.

In tradendis igitur praeceptis homileticis prudens et catus magister ac non continebit universalis Rhetorices finibus ac terminis; sed quae ad sacram potissimum Rhetoricam pertinentia ipse aut longo usu observaverit ac collegerit, aut industria et labore sibi comperaverit, haec quoque et similia ille e suae experientiae veluti thesauro depromet, praeceptisque communibus addet. Indicabit itaque in describendis hominibus, ad quos Orator Christianus verba facturus est, quinam et qualia sit status religionis atque universae humanitatis apud homines nostrates, nostris praecipue temporibus, et qualem ipse longissimo usu tam in minoribus, quam in maioribus Christianorum civitatibus vel coetibus, inter varias ordinum et negotiorum humanorum fortunarumque conditiones invenerit. Scilicet nunquam deficit ei hominum observandorum opportunitas, vidit eos agentes, abdivit loquentes;

sis, spectavit variis implicatos negotiis, cognovit fortunae vicissitudinibus periculosos non tantum universos, verum etiam iis temporibus, ubi mortales non alienant, sed suam agunt personam, cetero alienas partes diu sustinere nequeunt.

Sic ille longo vitae usum hominum ingenia et mores didicit ac probe perspexit, quae quidem peritia vix quidquam utilis et exoptatius contingere potest. Pastori Evangelico; quippe quem, si modo vir sit omnis honestatis amantissimus, civibusque suis humanissime utatur, tanto amore homines excipere solent tantaque fiducia prosequi, ut libenter ei confiteantur, quae summa cura ac diligentia caeterorum oculis subducant; ut de eiusmodi rebus sub fide pastoralis eum consulant, quarum apud familiares, domesticos aut cognatos ne verbo quidem mentionem faciant. Huiusmodi igitur virum, rerum et hominum non probe subactum, minime latere potest, quibus vitis homines cujusque status, sortis aut conditionis maxime sint dediti, quibus libidinum vinculis constricti, quibus opinibus praecoccupati, et quomodo pravas suas cupiditates aut malefacta non solum dissimulare ac tegere conentur callide inventis excusationibus ac defensionibus, verum etiam decoris extornare coloribus.

Haec hominum et rerum humanarum peritia, Auditores! plurimum sane emolumenti offert, non tantum scholae magistro in eligendis ac proponendis rebus gravissimis utilissimisque occupato, sed et maxime quidem futuro concionatori, cuius augere potest et agendi prudentiam et docendi facultatem. Facili nimirum negotio tractandorum hominum gnarus perspiciet, quid quaque in re unicuique hominum generi pro singulis rerum conditionibus sit proponendum, quibus praecipue utendum argumentis et causis moventibus, quibus vitis et quali oratione sit maxime occurrendum ac resistendum, quibus denique affectibus homines efficacissime moveantur, ut nostris obtemperant monitis.

De caeteris officii sacri partibus non est, quod sigillatim dicam. Sufficit universe indicasse, earum omnino nullam esse, quae non mirifice adjuvetur ista, longo usu acquisita, ingeniorum, consiliorum ac morum humanorum peritia.

Practerea, Auditores! ad accuratam sacri muneris notionem etiam pertine-

ne-

nere videtur, difficultatem atque aerumnarum notitia; quanta sibi aut fatali experientia, aut assidua observatione comparare potuit idem, qui multos per annos in hominum vitiis emendandis occupatus fuit. Adhuc autem re vera difficultates plurimae, quae partim ex muneris natura, partim vero et praecipue ex hominum perversitate originem ducunt. Jam, quod ad primum illud difficultatum genus attinet, quae proficiuntur e studiorum per totam vitam nunquam remittendorum continuatione; ex indefesso labore minimis propositi praemiis; ex Ecclesiae perpetua cura, annuam negligenda, quamquam saepius neglecta; ex frequenti concionandi necessitate; ex ignorantium ac stultorum hominum judicandi temeritate; hae quidem omnes difficultates numero amore, diligentia, exercitatione, usu superari possunt, nec unquam deturbant virum officii sui diligentem. Quae vero alterius generis sunt molestiae ex hominum perversitate ortae longe difficilius tolerantur. Homines enim plerumque aliorum dictis facile offenduntur et exasperantur, etiam ubi nulla exstat contumelia; hinc morosiores et difficiliore esse solent in ferendo monitore Evangelico; fugiunt ejus sermones; perverse interpretantur ejus admonitiones; vel adeo, pravarum cupiditatum suarum conscientia tacti, in ipsum convertunt omnem oculorum aciem, studioseque inquirunt, an humani quidquam in eo deprehendatur. Simulatque hujusmodi quid invenerunt, non solum in sinu gaudent, sed etiam de novo invento palam gloriantur, et sedulo curant, ut res sermonibus ac literis divulgetur. Quo quid potest esse validius ad auctoritatem et utilitatem muneris sacri diminuendam et enervandam? Sunt horum non dissimiles alii, iique omni verae religionis sensu destituti, et ab omni sapientia plane alieni, nisi quod sibi ipsi mirifice sapere videantur. Invehuntur in Doctorem Evangelicum ut simulatorem, qui meliora sciat, sed plebis causa et lucri gratia personam sibi alienam imponat; negant ipsum ex animo religioni addictum esse, nec raro, quibus possunt, opprobriis ac maledictis afficiunt; quid? quod aliquando tentant, et amicitiae specie eo adducere ipsum conantur, ut sibi assentiatur, utque fateatur, se de nonnullis rebus ad religionem pertinentibus a vulgo dissentire! Hac ejus simplicitate, vel ut rectius dicam, imprudentia pessime isti postea abutuntur, ut Christianorum animos ab Evangelico pastore abalienent. Quid mirum, si ejusmodi agendi ratione hominum perversitas impedit, quo minus tantos fractus ferat munus sacrum, quantos sperare et pro diligentia studiisque adhibitis etiam expecta-

ctare posse Doctor Evangelicus sibi videbatur. Quid mirum; si jam maximis curis et angoribus sollicitatur atque premitur; si intolerabilem in imo pectore dolorem sentit; si quanto officii sui fuerit studiosior, tanto jam melior ac tristior evadit! In miserrima sane conditione versatur, qui talia expertus est! Nec videtur miseriae ejus quidquam addi posse, nisi forte angustiae domesticae, quas insuper saepenumero accedere, nemo facile infutur. Quem igitur Vestrum, Auditores Honoratissimi! non mecum misereat ejusmodi viri, qui non sibi vivit, sed aliis; qui nec bonorum amplitudine nec praemiorum splendore ad negotia strenue peragenda incitatur, sed vario genere difficultatum et aerumnarum ab officio alacriter peragendo potius absterretur!

At vero timendum est, ne Vos, Praestantissimi Juvenes, qui munus Ecclesiasticum aliquando obire Vobiscum constituistis, terrore quodam percellam, ac tot tantisque molestiis enarratis a proposito avertam. Sunt igitur, ut rem ab altera parte consideremus, plurima etiam levamenta et solamina, quibus recreari possitis, et in coeptis strenue persequendis confirmari. Pertinent illa maximam partem a sacri muneris vel auctoritate vel utilitate, vel etiam jucunditate. Et auctoritas quidem alia est hominis, alia muneris; illa variis de causis tribuitur, haec nexa est ac pendet partim ex divina ejus voluntate, qui illud instituit, partim ex fine, ad quem destinatum est, partim denique ex praestantia virorum, qui in eo administrando excelluerunt. Tot enim auctoritatis fontes ei, de quo loquimur, muneri sacro adesse, nemo facile negabit. Quem tandem, Auditores! agnoscamus auctorem religiosae institutionis, nisi Deum O. M., qui ipse primus homines instituit, monuit, objurgavit, consolatus est? Et JESUS CHRISTUS, qui ut PAULUS disertè loquitur (1 Cor. XII, 28. Eph. IV, 11.) partim Apostolos, partim Prophetas, partim Evangelistas, partim Pastores et magistros dedit: nonne doctrinam suam ad patrem coelestem refert, munerique a se instituto divinam originem asserit? De Evangelii per omnes gentes propagandi, consilio ipse mentem suam satis aperte declaravit; nimirum ut homines, animis in melius mutatis, divinam recuperarent gratiam, ex qua re omnia, quibus in hac terra indigeamus, pacis et tranquillitatis bona cum spe beatæ immortalitatis ad nos permanerent. Igitur si oculos convertere velitis, Auditores! ad eos, qui hoc Evangelii docendi munus ab initio susceperunt, nul-



hum usquam virum reperietis. auctoritate cum illis comparandum. Quis enim talem se jactare potest principem hominum ducem, qualem *Jesus Christus* hac in terra fuisse certo scimus, quippe qui coelitus missus summi Patris sanctissima consilia et decreta nobis mortalibus aperuit, et intaminata sanctitate super omnes emanavit mortales? Quis Apostolos, non generis quidem aut gentis nobilitate, nec gestis reipublicae muneribus conspicuos illos, sed virtute, veracitate, magnanimitate et indefesso hominum juvandorum studio insignes, non lubens sibi eligat duces, quorum vestigiis insistat, ad quorum exempla se conformet? Nonne *Jesus Christus* humanam in his terris vitam degens, huic muneri adeo intentus fuit, ut monendo ac docendo, ut exemplum praebendo, ritusque sacros instituendo longe optimum et praestantissimum se praeberet hominum doctorem? Quid igitur huic muneri deesse potest, quo aliquando inter primaevos homines ipse Deus Opt. Max., quo postea Prophetæ, quo *Jesus Christus*, humani generis servator, quo Apostoli sunt facti, ad cujus administrationem se quoque divina providentiâ vocatum esse Doctor Christianus gratissimo fatetur animo?

Quae quum vera sint, non est, quod de utilitate ejusdem muneris dicam, ut pote quae ex hactenus monitis satis superque efficitur.

De jucunditate vero majori veritatis specie dubitari potest. Quid enim jucundi insit ejusmodi muneri, in quod incumbere toto pectore debemus, in quo nulla admittitur operae remissio, quodque tantis, quas indicavimus, difficultatibus obnoxium est, ut nec ipse *Jesus Christus*, nec Apostoli ejus officii satisfacere ex omni parte potuissent, nisi tanto flagrasset miserorum hominum amore, ut etiam praematurae et cruentae morti se devovere non dubitarent?

Non desunt tamen Christiano Doctori plurimae jucunditatis causae, ex quibus tanquam fonte perenni omnis manat animi hilaritas atque summa alacritas. Vix enim cuiquam tanta de hominibus promerendi, iisque beneficiendi opportunitas data est, quanta pastori Evangelico, si modo coelestem magistrum per omnem vitam referre conetur. Quid, quaeso, praeclarius, quid luculentius, quid generoso viro dignius cogitari potest, quam relevare afflictos, confirmare in probitate bonos, revocare a vitis pravos, retrahere ab exitio scelestos, omnibus denique modis veram hominum salutem adjuvare et augere? Num existimas, unquam majori, puriori, quin diviniore gau-

gaudio affici te posse; quam si juvenem dissolutionem tua cura atque opera ad sanam mentem revocaveris, et in virtutis viam reduxeris? Aut si hominem, animi angoribus cruciatum, alloquiis tuis a desperatione ad melioris vitae spem firmissimam erexeris?

Sed necessarium non est, ut hac in causa, Auditores! vos diutius demorer; Unusquisque Vestrum satis superque mecum sentit, quantum verae jucunditatis istis occupationibus contineatur.

Illud vero mihi firmiter persuasum est, in instituendis Evangelii doctoribus futuris nec difficultates muneris, quas supra exposui, occultandas esse; nec jucunditatis causas, quas cum maxime commemoravi, silentio tegi debere. Nemo enim eorum facile erit, quin magnam spem concipiat de futura muneris sui utilitate, ejusque successus sibi fingat justo majores. Munus videlicet adeptus, et in suggestu collocatus, omnium oculos animosque in se intentos videt, quodque suo munere dignum sit, a se propositum fuisse existimat; jam Orationis suae vim et efficaciam in omnium ore ac vultu expressam animadvertit; at relicto suggestu multorum animos a se alienatos, sibi infensos sentit, eorum certe, qui in se, et in suos mores, aliquid severius et acerbius declamatum autumant. Quid igitur? quoniam inani spe frustratum se videt, jam acerbatur animo, dubitare incipit de muneris auctoritate, dignitate atque utilitate; non audet aliquid ulterius tentare, sibi diffidit; de ipsius verbi divini efficacia ambigit, acerbè in cives suos invehitur, nec quidquam porro apud eos efficere valet.

Quid ergo, Auditores! magis necessarium videri potest, quam juvenibus, hoc munus ambientibus, eas molestias jam ab initio institutionis indicare, ne nimiam de futuro vitae suae statu spem concipiant, et contra simul monere, quantam fiduciam ponere possint in auxilio divinae providentiae; quae omne, quod bonum et honestum est, auget et amplificat? Sic ille juvenum animos eo diriget, ut non, nisi pietatis et officii causa, honorificum munus illud suscipiant; paratioresque reddet ad omnia, Dei gratia, constanter patienda, animoseque perferenda.

Summa igitur cura juvenes edocendos esse arbitror de muneris sui auctoritate ac divina ejus institutione, ut habeant quo erigantur et sustententur. Providentiae divinae iterum iterumque sunt admonendi, ut sibi persuadeant, novum nobis voluntatem suam aperire, et ad ea nos vocare, quae

sint officii nostri, licet in iis, quae nobis accidunt, nihil reperiamus, quod non conveniat constituto ordini Naturae.

Quis autem juvenum animos ad sacrum munus ambiendum efficacius et religiosius incitabit, quam qui ipse sancto quodam ardore est repletus, ipse de divina voluntate in Evangelico munere perficienda persuasus, ipse providentiae divinae auxilium crebro expertus, operisque sui inexpectato successu non semel atque iterum, sed saepissime exhilaratus? Nisi omnia me fallant, talis vir diuturno muneris sui rerumque humanarum usu, in formandis Evangelii doctoribus mirifice adjuvabitur.

Nec tamen his limitibus circumscriptum censeo, Auditores! auxilium, quod ex sua in tradendis religionis capitibus experientia capere potest vir cautus usuque peritus. Nimirum viri exercitati iudicio etiam illa quaestio magnam partem dirimenda est, quid praecipue tradi et inculcari Christiano coetui debeat. Quandoquidem Christiana religio, ex aliqua Summi Numinis revelatione derivanda, et in hominum salutem a benignissimo patre, et humani generis procuratore, data est, vix dubitari licet, quin omnia, quae ex sacris literis erui possint, ad omnes homines pertineant, et neminem prorsus latere debeant. Jam vero doctrina Christiana ab ipso Christo et Apostolis non scholae in morem, non ad systematis formam est tradita, sed ad plebis intelligentiam, maxime ad Judaeorum captam, est proposita. Apostoli in libris suis temporum ac locorum rationem habuerunt, linguaque sunt usi, quae ipsorum quidem aevo, et hujus cogitandi rationi erat accommodatissima; sed nunc a multis inde seculis antiquata. Quis igitur miretur, in literis sacris multa reperiri, quae, quantumvis planissima lectoribus Apostolici aevi, nobis jam multo obscuriora sint? Plurima sane in N. T. continentur placita, verbis conscripta, ex illorum temporum indole judicandis, ex sacrificiorum Judaicorum ratione depremtis, Judaicarumque opinionum vestigia referentibus, quae nostri aevi hominibus ineruditis, rerumque antiquarum ignaris, satis luculenter explicari omnino nequeunt. Delectus igitur habendus est, et quae ad omnium hominum intelligentiam pertinent, probe discerni debent ab iis, quae tantum ad paucos pertinere videantur. Nihilominus doctrina *Jesus Christi*, etiam cum rebus historicis conjuncta, et priscarum gentium verbis expressa, purissimum et salutarem fontem continet, ex quo homines omnis aevi sapientiam vere divinam, sin-

sinceram pietatem, ac spem laetissimam futurae felicitatis hauriant, ac percipiant.

Doctor igitur Euangelicus tam doctrinae, quam prudentiae copia instructus sit necesse est, ut non tantum ex literis sacris eruere sciat, quidquid ad religionem Christianam vere pertineat, sed etiam dijudicare possit, quid ad captum vulgi sit accommodatum, quid minus; quid ad alendam pietatem sufficiat, quid necessario requiratur. Et doctrinae quidem copiam majorem aliis compluribus facile concedet; sed illam discernendi facultatem suo sibi jure, tamquam propriam, vindicabit. De omnibus enim religionis capitibus, quae ad popularem institutionem pertinent, diu multumque cogitavit; eademque saepe, et variis modis, populo tradidit; quidque efficiant longo usu observavit. Harum igitur rerum cognitione plurimum adjuvari magistrum in formandis ad sacrum munus juvenibus, quis est, quin mecum videat atque intelligat? Et potuit profecto ejusmodi cognitionem facultatemque felicissimo successu ille sibi comparare, qui multos per annos in religione ad populi captum atque usum tradenda versatus fuit, et occupatus. Talis igitur ad instituendos juvenes, Ecclesiae futuros doctores, vocatus; quandam veluti trutinam discipulis suis praebebit, ad quam explorent, quaeenam capita in imperitorum institutione assumi debeant, quaeenam omitti.

His subsidiis fretus, ego, qui per multos annos munus sacrum juvante Summo Numine gessi, ad futurorum religionis doctorum institutionem accedo; et novam provinciam suscipio, quae ex voluntate Vestra, VIRI AMPLISSIMI! SEMINARIUM EUANGELICO-LUTHERANUM CURATORES! atque ex AUGUSTISSIMI REGIS decreto, mihi est mandata. Cujus muneris cum gravitatem magnamque difficultatem hoc ipso tempore persentiam, vehementer timeo, ne virium mearum tenuitate longe multumque sit superius. Paululum tamen Vestra me erigit benevolentia, qua eam institutionis partem mihi demandastis, in qua, ut antea dixi, concionandi exercitatio et usus plurimum valent. Omnibus ergo viribus eo nitendum mihi esse intelligo, ut benignissimae Vestrae de me opinioni satisfaciam; juvenesque, curae meae commissos, aptos reddam ad concionatoris officium aliquando summa cum laude implendum. Proinde gratias, quas possum maximas, Vobis ago, VIRI AMPLISSIMI! quod tam fructuosum mihi, tamque honorificum aperuistis curriculum.

DEUS Vos diutissime salvos et incolumes servet; et Seminarium Vestris auspiciis florere ac crescere jubeat, non tantum alumnorum numero, sed maxime etiam studiorum alacritate, et omnis generis prosperitatibus.

Vos vero, SEMINARII PROFESSORES! *Viri plurimum Venerandi!* ut me collegam in honoratissimum Vestrum Ordinem assumatis, Vestraque amicitia dignemini, ex animo rogo atque obsecro. Meam quidem amicitiam, eamque sinceram, Vobis offero; Vestras ingenii dotes, Vestraque de juvenibus merita, me semper in honore habiturum polliceor; per diuturnum tempus nos conjunctissimos fore, non sine animi alacritate spero ac confido.

Vos denique, SPECTATISSIMI JUVENES! qui in Seminario nostro in studia tam salutaria, incumbitis, in quibus feliciter peragendis unumquemque Vestrum adjuvare quam maxime conabor; Vos rogatos velim, ut me magistrum ducemque recipiatis amicum, benevolum, et augendae salutis Vestrae cupidissimum, mihi ex animo confidatis, quo majores laetioresque sint admonitionum institutionumque mearum successus. Ipse DEUS OPT. MAX. tot ac tantas Vobis ingenii animique vires largiatur, ut inter multos juvenes alios, tam doctrinae copiâ, quam morum probitate emineatis, utque cum alumnis, tam hujus Illustris Athenaei, quam splendidissimae ejus Academiae, cui haec nostra schola, veluti ramus arbori, insita est, de palma contendere videamini.

D I X I





# ANNALS

ACADEMIAE LUGDUNO-BATAVAE,

1826—1827.





# ANNALS

ACADEMIAE LUGDUNO-BATAVAE,

*a. d. viii Februarii A. MDCCCXXVI ad d. viii Februarii A. MDCCCXXVII.*

RECTORE MAGNIFICO

LUCÂ SURINGAR,

ACADEMIAE ACTUARIO

MICHAËLE JACOBO MACQUELYN.

---

LUGDUNI BATAVORUM,

APUD S. & J. LUCHTMANS,

ACADEMIAE TYPOGRAPHOS,

MDCCCXXVIII.



# I N D E X

## EORUM, QUAE DUODECIMO ANNALIUM LEIDENSIUM VOLUMINE CONTINENTUR.

Nomina Professorum, Lectorum et Magistrorum Academicorum.

Series Lectionum in Academia Lugduno-Batava.

Acta et Gesta in Senatu Academiae Lugduno-Batavae.

Series Dissertationum Inauguralium publicè defensarum.

Judicia Facultatum de Commentationibus ad quaestiones anni superioris ad  
se perlatis.

Programma novarum Quaestionum, die viii Febr. anni MDCCCXXVII. pro-  
positarum.

Orationes

L. SURINGAR.

H. COCK.

J. v. D. HOEVEN.

C. J. C. REUVENS.

P. J. UYLENBROEK.

J. C. BROERS.

A. H. v. D. BOON MESCH.

C. PRUYS v. D. HOEVEN.

Commentationes J. J. de Jongh.

G. Michiels (\*).

H. G. Waardenburg.

F. Dozy.

J. H. Holwerda.

---

Nomina Professorum et Lectoris Athenaei Amstelaedamensis.

Series Lectionum in Athenaeo habitarum.

---

Series Lectionum in Seminario Evangelico-Lutherano Amstelaedamensi ha-  
bitarum.

(\*) Quae tamen ob casum improvisum typis hoc anno exprimi nequivit.



# NOMINA PROFESSORUM,

QUI

*inde a d. VIII Februarii MDCCCXXVI, ad d. VIII Februarii MDCCCXXVII*

IN ACADEMIA LUGDUNO-BATAVA  
DOCENDI MUNUS OBIERUNT.

---

RECTOR MAGNIFICUS,

LUCAS SURINGAR

ACADEMIAE ACTUARIUS,

MICHAËL JACOBUS MACQUELYN.

THEOLOGI PROFESSORES.

L. SURINGAR.

I. VAN VOORST.

I. CLARISSE.

N. C. KIST, Historiae Ecclesiasticae et Historiae Dogmatum Professor  
extraordinarius.

DISCIPLINARUM MATHEMATICARUM ET PHY-  
SICARUM.

S. SPEYERT VAN DER EYK.

C. EKAMA. Obiit die 24 Februarii MDCCCXXVI.

G. WITTEWAELL.

C. G. C. REINWARDT.

I. DE GELDER.

I. VAN DER HOEVEN, Professor extraordinarius.

P. I. UYLENBROEK, Professor extraordinarius.

PHILOSOPHIAE THEORETICAE ET LITERARUM:

I. H. VAN DER PALM.

A

M.

**M. SIEGENBEEK.**

**S. I. VAN DE WYNPERSSE**, propter infirmam valetudinem rude donatus.

**I. BAKE.**

**I. NIEUWENHUIS.**

**H. A. HAMAKER**, Legati Warneriani interpres.

**P. HOFMAN PEERLKAMP.**

**C. I. C. REUVENS**, Archaeologiae Professor extraordinarius.

*M E D I C I .*

**M. S. DU PUI**, propter aetatem septuagenariam rude donatus.

**G. SANDIFORT.**

**I. C. KRAUSS**, propter infirmam valetudinem rude donatus. Obiit die 20  
Martis MDCCCXXVI.

**I. C. B. BERNARD**, rei medico-militaris in Regno Belgico Inspector generalis.

**M. I. MACQUELYN.**

**I. C. BROERS.**

**C. PRUYS VAN DER HOEVEN**, Medicinae Professor extraordinarius.

*J U R I S P R O F E S S O R E S .*

**N. SMALLENBURG.**

**E. HAGEMAN**, propter aetatem septuagenariam rude donatus.

**H. G. TYDEMAN.**

**C. I. VAN ASSEN.**

**H. COCK.**

*L E C T O R E S .*

**C. F. RUPPE**, Musices. Obiit die 25 Maji MDCCCXXVI.

**N. G. VAN KAMPEN**, literarum Germanicarum.

**A. H. VAN DER BOON MESCH**, Disciplinarum Mathematicarum et Physicarum.

*M A G I S T R I A C A D E M I C I .*

**C. H. EYFFERT**, Equitationis. Obiit die 8 Februarii MDCCCXXVI.

**G. KNIPPENBERG**, Artis Gladiatoriae.

# SERIES LECTIONUM,

IN ACADEMIA LUGDUNO-BATAVA,

habendarum à die 19 Septembris 1826.

RECTORE MAGNIFICO

LUCÀ SURINGAR.

---

## FACULTAS THEOLOGICA:

L. SURINGAR Theologiam Christianam Theoreticam docebit, diebus Lunae, Martis et Jovis, hora X.

Theologiam Naturalem exponet, die Mercurii, hora XII.  
et Veneris, hora I.

Religionis et Societatis Christianae, inde a Christo nato Historiam tradet, diebus Lunae, Martis, Mercurii et Jovis, hora XI.

Oratoriae Sacrae exercitiis praecurrit die Mercurii, hora I.

J. VAN VOORST Epistolam Judae, secundam Petri, et selectas e libris Historicis Novi Testamenti pericopas Critice et Exegetice tractabit, diebus Lunae, Martis et Veneris, hora XII.

De veterum Sacrae Scripturae Interpretum, praesertim Joannis Chrysostomi, usu Hermeneutico monebit, die Jovis, hora XII.

Exercitationem examinatoriam de universa Theologia Dogmatica et Elenctica instituet, die Mercurii, hora X.

Orationibus Sacris pronuntiandis praecurrit die Jovis, hora I.



J. CLARISSE Encyclopaediam et Methodologiam Theologicam tradet, diebus Martis et Jovis, hora IX.

Theologiam Dogmaticam, diebus Lunae, Mercurii et Veneris, hora IX.

Theologiam Moralem, diebus Lunae, Martis, Mercurii et Jovis, hora VIII.

Theologiam, quae dicitur, Pastoralem, exponere perget diebus Veneris et Saturni, hora VIII.

Exercitia Oratoriae Sacrae moderabitur, die Lunae, hora I.

J. CLARISSE et L. SURINGAR moderari pergent exercitia de quaestionibus argumenti Theologici disputandi, die Veneris, hora IV.

N. C. KIST, Professor Extraordinarius, Ecclesiae Christianae historiam docebit in primis recentiore, diebus Mercurii et Jovis, hora IV. et Veneris, hora XI.

Doctrinae et Dogmatum Christianorum historiam tradet, diebus Lunae et Martis, hora IV.

Clementis Romani ad Corinthios Epistolam, aliaque Historiae Ecclesiasticae Veteris monumenta explicabit, hora auditoribus commoda.

## FACULTAS DISCIPLINARUM MATHEMATICARUM ET PHYSICARUM.

S. SPEYERT VAN DER EYK Mathesin Sublimiorem docebit, diebus Lunae et Mercurii, hora I.

Physicam, experimentis illustratam, tradet, diebus Lunae, Martis, Mercurii et Jovis, hora XII.

G. WTTEWAALL Oeconomiam Ruralem docebit, diebus Lunae, Mercurii et Veneris, hora I.

C. G. C. REINWARDT *Chemiā* docebit, diebus Lunae, Martis, Mercurii et Jovis, hora XI.

*Rei Herbariae* fundamenta tradet, diebus Lunae et Mercurii, hora I.

*Plantarum Historiam* illustrabit verno et aestivo tempore matutino, hora VII.

*Historiae Naturalis* quaedam capita exponet, horis postea indicandis.

J. DE GELDER, tradet elementa Geometriae, diebus Lunae, Martis, Mercurii et Jovis, hora VIII.

Arith-

Arithmeticam universalem tradet diebus Lunae, Mercurii et Veneris, horis deinceps indicandis.

Trigonometriam rectilineam et sphaericam, ejusque usum in Astronomiâ et Arte navigandi provectoribus discipulis explicabit, diebus Lunae, Mercurii et Veneris, hora I.

Calculus Differentialis et Integralis ter quavis hebdomade docebit iis horis, quae Auditoribus maximè sint commodae.

Mechanicam analyticam diebus Martis et Jovis post meridiem, hora V et VI. *Theoriam probabilitatis*, quam vocant, et insignem ejus usum in vita civili tradet, quarum lectionum horas in commodum Auditorum constituet.

J. VAN DER HOEVEN, Prof. Extraord., Historiam Naturalem exponet, diebus Martis et Jovis, hora I.

Primas lineas Pharmacologiae lingua vernacula tradet, eorum praesertim in gratiam, qui artem Pharmaceuticam colunt, horâ auditoribus commodâ, dein indicandâ.

P. J. UYLENBROEK, Prof. Extraord. designatus, Physices capita selecta exponet, diebus Lunae et Mercurii, hora I.

Astronomiae elementa tradet, diebus Martis et Jovis, hora I.

## FACULTAS PHILOS. THEOR. ET LITERARUM HUMANIORUM.

J. H. VAN DER PALM Grammaticam Hebraeam docebit, diebus Lunae, Martis, Mercurii et Jovis, hora VIII.

Antiquitates Hebraeas enarrabit, iisdem diebus, hora IX.

Præcepta Oratoriae Sacrae tradet, diebus Martis et Jovis, hora I.

Coranicis lectionibus vacabit, diebus Martis, hora V et VI.

Librum II Regum cursoria lectione explicabit, diebus Veneris, hora I.

M. SIEGENBEEK præcipuas Historiae Patriae epochas observationibus illustrabit, diebus Lunae, Martis, Mercurii et Jovis, hora VIII.

Præcepta stili bene Belgici tradet, iisdem diebus, hora XII.

Eloquentiam Belgicam docebit, diebus Lunae, Martis et Mercurii, hora I.

Literas Belgicas tradet, diebus Jovis et Veneris, hora I.

Eloquentiae exterioris exercitia moderabitur, die Veneris, hora III.

J. BAKE Latinas Literas docebit explicandis CICERONIS *Orationibus pro Plancio, pro Sextio, pro Milone*, diebus Lunae, Martis, Mercurii et Jovis, hora IX.

E literis Graecis interpretabitur cum XENOPHONTIS *Anabasin*; tum *Homericæ Iliadis lib. X et XI*: diebus Lunae, Martis, Mercurii et Jovis, hora X.

J. NIEUWENHUIS Scholās habiturus est *Metaphysicas*, diebus Martis, Mercurii, Jovis et Veneris, hora VIII.

*Logicas*, conjunctas cum Encyclopaediā Philosophiae, sive introductione ad studium Philosophiae universae, die Jovis, hora XII.

die Veneris, hora X.

*Historiam Philosophiae Antiquae* explicabit, diebus Martis et Mercurii, hora XII.

*Philosophiam Moralem* tradet, horā Auditoribus maxime commodā.

H. A. HAMAKER Jeremiam philologice et critice interpretari perget, initio facto a Cap. XV, diebus Lunae et Mercurii, hora I.

Arabicae, item Syriacae linguae et Chaldaicae elementa tradet, diebus Martis et Jovis, hora I.

et Veneris, hora VIII.

Selecta ex Historia Halebi a Freytagio V. Cl. edita, item Zoheiri et Antarae carmina explicabit diebus Martis et Jovis, hora IV.

Bar-Hebraei Chronicon Syriacum interpretabitur privatissime, diebus Jovis, hora V et VI.

Disputationibus sive privatis, sive publicis, praeerit hora auditoribus commodā.

P. HOFMAN PEERLKAMP explicabit historiam universalem, a divisione regni Carolingici ad hanc memoriam, diebus Lunae, Martis, Mercurii et Jovis, hora XI.

De Encyclopaediā Historiae universalis exponet horā ipsi et auditoribus commodā.

J. BAKE et P. HOFMAN PEERLKAMP scholās privatas destinant futuris Philologis, et auditoribus interpretandum proponent AESCHYLI *Prometheum* et PLAUTI *Amphitruonem*.

Prae-

Præſent publicis Disputandi exercitationibus, die Martis, hora III.

C. J. C. REUVENS, *Antiquitatem Romanam* explicabit secundum compendium J. D. RUSSII, V. C., diebus Lunae, Martis, Mercurii et Veneris; hora XII.

Idem scholas de *historia artium*, praecipue *Graecarum*, instaurabit, hora maxime commodâ.

## F A C U L T A S M E D I C A.

M. S. DU PUI Theoriam disciplinae Chirurgicae, ejusdemque Praxin in Nosocomio Academico exponet, diebus Lunae, Martis, Mercurii, Jovis et Veneris, hora X.

et Veneris, hora XI.

Anatomiam Chirurgicam cum operationibus, hiberno tempore, diebus Lunae, Martis, Mercurii et Jovis, hora V.

Artem obstetriciam cum theoreticæ, tum practice, diebus Lunae, Martis, Mercurii, Jovis et Veneris, hora X.

Medicinam Forensem explicabit, diebus Mercurii et Veneris, horis postmodum indicandis, et a lectionibus Juridicis et Medicis vacuis.

Disputationibus publicis vacabit, horâ dein indicandâ.

G. SANDIFORT Anatomiam docebit, diebus Lunae, Martis, Mercurii, Jovis et Veneris, hora X.

Physiologiam, Anatome comparata illustratam, iisdem diebus, hora IX.

Methodum Secandi Cadavera, quotidie, hiberno tempore, ab hora III ad V.

M. J. MACQUELYN Supellectilem Remediorum tum Simplicium, tum ex iis juxta Pharmacopaeam Belgicam compositorum, Chemice, pharmaceutice, et practice tractabit, diebus Lunae, Martis, Mercurii et Jovis, hora VIII.

Nosologiam methodicam praxi Medicae applicatam, duce Gwielmo Cullenno exponet, simul cum exercitatione in Nosocomio Academico singulis diebus, hora IX.

Diaeteticam sen Hygieinam ad Praxin Medicam applicatam docebit, die Veneris, hora IX et X.

Disputandi exercitia moderabitur horâ auditoribus commodâ.

- C. PRUYS VAN DER HOEVEN**, Med. Prof. extraordinarius, Pathologiam docebit, diebus Lunae, Mercurii et Veneris, hora I.  
 et die Veneris, hora VIII.  
 Medicinam Practicam cum exercitatione in Nosocomio Academico singulis diebus, hora XI.  
 Historiam Medicinae tradet, diebus Lunae et Mercurii, hora IV.

## FACULTAS JURIDICA.

- N. SMALLENBURG**, Pandectas, secundum WESTENBERGIUM, tractabit, diebus Lunae, Martis, Mercurii, Jovis et Veneris, hora X.  
 Institutiones, iisdem diebus, hora XI.  
 Primas Lineas Juris Civilis Belgici, à se editas, explicabit, diebus Lunae, Martis, Mercurii et Jovis, hora XII.
- E. HAGEMAN**, in quantum aetas et valetudo permittent, diebus et horis dein indicandis, studiosae Juventuti prodesse conabitur.
- H. G. TYDEMAN**, Encyclopaediam Juris (sive Introductionem ad studium Jurisprudentiae universae et singularum illius partium) tradet, diebus Lunae, Martis, Mercurii et Jovis, hora XII.  
 Statisticam Patriae describet, diebus Lunae, Martis, Mercurii et Jovis, hora XI.  
 Oeconomiae Politicae principia, auctore potissimum J. B. SAY, tradet, diebus Martis et Jovis, hora I.  
 Historiam politicam recentiore, duce HEERENIO, enarrabit, diebus Lunae et Mercurii, hora I.  
 et die Veneris, hora XII.  
 Jus Mercatorium, quo adhuc utimur, cum novo Jure jam decreto comparatum, illustrabit, die Veneris, hora X et XI.
- C. J. VAN ASSEN**, illustrabit Historiam Jurisprudentiae Romanae, duce J. A. BACHIO, diebus Lunae, Martis et Mercurii, hora IX.  
 Docebit JUSTINIANI Institutiones, diebus Lunae, Martis et Mercurii, hora X.  
 Explanare perget GAJI Institutionum Commentarios, die Jovis, hora X.

In-

## L E C T I O N U M.

?

Interpretabitur Digestorum Libros, duce WESTENBERGIO, diebus Lunae, Martis, Mercurii et Jovis, hora VIII.

Tractabit separatim locum de Delictis et Poenis, interpretando Digestorum Libros XLVII et XLVIII, et Codicis Librum IX, die Jovis, hora IX.

Tradet Elementa Juris civilis Attici, die Veneris, hora VIII.

H. COCK, Jus Naturale tradet, diebus Lunae, Martis, Mercurii et Jovis, hora I.

Jus Criminale, diebus Lunae, Martis et Mercurii, hora IX.

Jus Publicum et Gentium, diebus Jovis et Saturni, hora IX.  
et die Veneris, hora IX.

---

N. G. VAN KAMPEN, Liter. German. Lector, Germanicae prosae orationis aliquot loca interpretabitur ex opere Cel. FISCHEN, *Handbuch der Deutschen Prosa*, die Jovis post meridiem, hora V—VII.

Scholas Grammaticas habebit, diebus et horis Auditoribus maxime opportunis.

---

G. KNIPPENBERG, Academicus Artis Gladiatoriae Magister, aptum et elegantem gladii usum quotidie docebit.



ACTA

# ACTA ET GESTA IN SENATU ACADEMIAE LUGDUNO-BATAVAE.

1826. Die 25 Februarii. Graviter contristatus fuit Senatus allato nuncio de obitu Viri Clarissimi CORNELII EKAMA, in Facultate Disciplinarum Mathematicarum et Physicarum Professoris ordinarii.

Die 20 Martis. Iterum tristis ad Senatum delatus est nuncius de obitu Viri Clarissimi JOANNIS CAROLI KRAUSS, in Facultate Medica Professoris Emeriti.

Die 10 Aprilis. Per litteras Illustrium Academiae Curatorum, additumque illis decretum Regium, praescribuntur variae formulae testimoniorum Candidatis et Doctoribus creandis exhibendorum.

Die 29 Aprilis. A Viro Clarissimo JANO VAN DER HOEVEN apud Illustris Academiae Curatores solenne juratum est jusjurandum, mox vero Vir Cl. demandatam sibi provinciam Professoris Extraordinarii in Facultate Disciplinarum Mathematicarum et Physicarum suscepit habita Oratione, *de diligenti Veritatis studio, praecipua Naturae Interpretis dote.*

Die 12 Junii. Lectae sunt Litterae Illustrium Academiae Curatorum, quibus additur Decretum Regium quo Vir Cl. c. J. C. REUVENS, hucusque in Facultate Philosophiae Theoreticae et Litterarum Humaniorum Professor Extraordinarius, constituitur Professor Ordinarius in eadem Facultate.

Die 20 Septembris. Ex Litteris Illustrium Academiae Curatorum, additoque decreto Regio intellexit Senatus, Regem Augustissimum Virum Clarissimum PETRUM JOANNEM UYLENBROEK, hucusque Lectorem in Facultate Disciplinarum Mathematicarum et Physicarum, constituisse Professore Extraordinarium in eadem Facultate; nec non F. Kaiser eodem decreto constitutum esse Observatorem Astronomicum in hac Academia.

Eo-

1826. Eodem die. Illustres Academiae Curatores per Extractum Actorum suorum Senatum certiores faciunt, Administratorem Instructionis publicae Artium et Scientiarum CHRISTIANO JOHANNI LECHLEITNER (in locum defuncti CHRISTIANI FRIDERICI RÜPPE, Salisundâ-Meinin-  
gensis) contulisse titulum Directoris Musices hujus Academiae.
- Eodem die. Lectae sunt Litterae Illustrium Academiae Curatorum, quibus additum erat Extractum Decreti Regii, quo Vir Doctissimus ANTHONIUS HENRICUS VAN DER BOON MESCH, creatur Lector in Facultate Scientiarum Mathematicarum et Physicarum, eo quidem consilio, ut in Collegio et Schola, quibus ab Industriâ Populari nomen est, Chemiam doceat.
- Eodem die. Per litteras Illustrium Academiae Curatorum ad Senatum pervenit Decretum Regium, quo Vir Clarissimus JACOBUS CORNELIUS BROERS, Medicinae, Chirurgiae et Artis Obstetriciae huc usque Doctor in pago Zeyst, constituitur in Facultate Medicâ Professor Ordinarius.
- Die 23 Septembris. Vir Cl. C. J. C. REUVENS munus capessivit habitâ Oratione *de Archaeologiae cum Artibus recentioribus conjunctione*.
- Die 30 Septembris. Vir Cl. P. J. VYLENBROEK demandatam sibi provinciam suscepit habita Oratione *de Hodierni Physices et Astronomiae studii praestantiâ*.
- Die 25 Novembris. Ad Senatum perveniunt Litterae Illustrium Academiae Curatorum, quibus additur Decretum Regium (typis expressum) de Institutione Mathematicâ in Gymnasiis et Academiis.
- Eodem die. Vir Clarissimus J. C. BROERS, praestito apud Illustres Academiae Curatores solemnî jurejurando, munus suum inauguratus est habita Oratione *de Chirurgiae studio, cum Cultu et Humanitate conjungendo*.
- Eodem die. Ex Litteris Illustrium Academiae Curatorum, additoque iis Decreto Regio Senatus intellexit, Regem Augustissimum Virum Cl. CORNELIUM PRUYS VAN DER HOEVEN, hactenus in Facultate Medicâ Professore Extraordinarium, constituisse Professore in eadem Facultate Ordinarium.



1826. Die 16 Decembris. Vir Doctissimus A. H. VAN DER BOON MESCH, jurato apud Illustres Curatores sollemni jurejurando, Lectoris munus capessivit habitâ Oratione *de Chemiae materia, ratione et usu.*

1827. Die 16 Januarii. Quatuor ex diversis Facultatibus ad normam ab Augustissimo Rege praescriptam, nominati sunt Professores, e quibus unus a Rege eligeretur ad Rectoris munus anno proximo Academico gerendum.

Nominati quoque sunt quatuor, e quibus unus secundum Legis Regiae praecepta eligendus esset Senatus Actuarius in annum sequentem. Prior Catalogus ad Regem per litteras, Latino sermone conscriptas, missus; uterque vero cum Illustribus Curatoribus communicatus fuit.

Die 27 Januarii. Vir Cl. C. PRUYS VAN DER HOEVEN munus suum capessivit Oratione habita *de perfectâ Medici Specie.*

Die 5 Februarii. Recitatum est Regis Augustissimi Decretum, quo Academiae Rector Magnificus in annum sequentem designatur Vir Clar. GERARDUS WITTEWAALL. Designato Rectori Assessores adjuncti sunt:

Viri Clarissimi P. HOFMAN PEERLKAMP,  
G. SANDIFORT,  
C. J. VAN ASSEN,  
J. VAN VOORST.

Die 8 Februarii. Rector Magnificus ad Senatum retulit, in concessu Curatorum, Rectoris et Assessorum LUCAM SURINGAR ex quatuor antea nominatis in annum proximum Actuarium fuisse electum. Brevi post munus abiens Vir Magnificus in Auditorio Majori solennem habuit Orationem *de variis, quae rei Christianae obortae sunt, calamitatibus, in illius commodum atque salutem, divinâ moderante Providentiâ, conversis.*

Caetera ex more et Legibus Regiis hoc die praestanda feliciter peracta sunt.

S E R I E S

DISSERTATIONUM INAUGURALIUM,

IN ACADEMIA LUGDUNO-BATAVA

PUBLICAE DEFENSARUM;

à die VIII Februarii MDCCCXXVI. ad diem VIII Februarii MDCCCXXVII.

---

1826.

d. 7 Martii. *Dissertatio Inauguralis, exhibens Recensionem et Interpretationem M. Tullii Ciceronis Paradoxorum ad M. Brutum*; defensa ab Hermanno Johanne Borgers, Zwollâ Trans-isalano, pro Phil. Theor. Magisterio et Doctoratu Literarum Humaniorum.

d. 15 Martii. *Dissertatio Inauguralis, de Pignore et Antichresi ex Principiis Juris Hodierni*, defensa a Marino Petro Dominicus, e pago Yerseke Zelando, pro Doctoratu Juris Romani et Hodierni.

d. 10 Aprilis. *Disputatio Philosophico-Juridica Inauguralis de Conatu Criminis, ejusque puniendi ratione*, defensa in Auditorio Majori, ab Annaeo Gerbrando Brouwer, ex Pago de Groote Lindt Hollandiæ Meridionalis pro Doctoratu Juris Romani et Hodierni.

1826.

Promotiones cum vel sine accessione Laudis,

Ex Decreto Regio d. 14 Martii MDCCCXXVI.

d. 25 Aprilis. *Dissertatio Medica Inauguralis, quâ inquiritur in causam mortis Suspensorum*, Magnâ cum Laude defensâ a Johanne van den Oever, Harlemensi, pro Doctoratu Medicinæ.

d. 1 Junii. *Dissertatio Medica Inauguralis, de Remediorum stimulantium diffusibilium indole, agendi ratione, indicatione, et contraindicatione Therapeutica*, Magnâ cum Laude defensâ a Melchiore Cornelio Johanne van den Kerckhoven van Groenendyk, Goudano, pro Doctoratu Medicinæ.

d. 10 Junii. *Dissertatio Historica et Literaria Inauguralis, de M. Livii Drusis, Patre et Filio, Tribunis Plebis*, Magnâ cum Laude defensâ in Auditorio Majori, a Jano Francisco van Bemmelen, Lugduno-Batavo, pro Philos. Theor. Magisterio, et Doctoratu Literarum Humaniorum.

Eodem die. *Disputatio Inauguralis, de Summo Imperante, in causis civilibus apud Judices a se constitutos litigante*, Magnâ cum Laude defensâ in Auditorio Majori, a Jacobo Petro Johanne Theodoro Brantsen, Arnheimâ-Gelro, pro Doctoratu Juris Romani et Hodierni.

d. 12 Junii. *Dissertatio Philosophico-Juridica Inauguralis, de nimia in Poenis crudelitate tollenda*, defensâ in Auditorio Majori, ab Adolpho Petro de Vrière, Brugensi, pro Doctoratu Juris Romani et Hodierni.

Eodem die. *Specimen Juridicum Inaugurale, de Jure Jurando decisorio*, defensum in Auditorio Majori, a Gustavo Gerber, pro Doctoratu Juris Romani et Hodierni.

d.

1826.

d. 14 Junii. *Dissertatio Literaria Inauguralis*, de Marco Porcio Catone Censorio, Magnâ cum Laude defensa in Auditorio Majori, a Gerardo Cornelio Brillenburg, Schiedamensi, pro Phil. Theor. Magisterio, et Doctoratu Literarum Humaniorum.

Eodem die. *Dissertatio Juridica Inauguralis*, de Jurisprudentia Marci Porcii Catonis Censorii, ejusque Filii, defensa in Auditorio Majori, a Gerardo Cornelio Brillenburg, Schiedamensi, pro Doctoratu Juris Romani et Hodierni.

d. 15 Junii. *Disputatio Juridica Inauguralis, ad Titulum Pandectarum de Statuliberis*, Summâ cum Laude defensa a Justino Jacobo Leonardo van der Bruggen, Neomagensi, pro Doctoratu Juris Romani et Hodierni.

d. 16 Junii. *Disputatio Geologica Inauguralis*, de Incendiis Montium Igni ardentium Insulae Javae, eorundemque Lapidibus, Summâ cum Laude defensa in Auditorio Majori, ab Antonio Henrico van der Boon Mesch, Delphensi, pro Matheseos Magisterio, et Doctoratu Philosophiae Naturalis.

Eodem die. *Dissertatio Medica Inauguralis, de usu et abusu Remediorum Purgantium in Morbis Inflammatoriis*, Magnâ cum Laude defensa a Laurentio Carolo de Peval, Medioburgo-Zelando, pro Doctoratu Medicinae.

d. 17 Junii. *Dissertatio Anatomico-Pathologico-Inauguralis*, de nonnullis notatu dignioribus Membranarum Mucosarum et Serosarum Morbis, Magnâ cum Laude defensa in Auditorio Majori, a Georgio Philippo Büchner, Goudano, pro Doctoratu Medicinae.

1826.

d. 19 Junii. *Dissertatio Juridico-Politica Inauguralis, de Coloniis, Summâ cum Laude defenza in Auditorio Majori, a Gerardo Dedel, Amstelodamensi, pro Doctoratu Juris Romani et Hodierni.*

Eodem die. *Dissertatio Philosophico-Juridica Inauguralis, de Judicis animi sententiâ, in Criminalibus optimâ Judiciorum Moderatrice, Magnâ cum Laude defenza in Auditorio Majori, a Gulielmo Justo Swaving, Berbicensi, pro Doctoratu Juris Romani et Hodierni.*

d. 20 Junii. *Disputatio Anatomico-Physiologica, de organo Odoratûs per animalium vertebratorum classes, Magnâ cum Laude defenza in Auditorio Majori, a Martino Gerardo Timmers Verhoeven, Dordraco-Batavo, pro Doctoratu Medicinæ.*

Eodem die. *Disputatio Juridica Inauguralis, de Errore, ejusque in Conventibus effectu, Magna cum Laude defenza in Auditorio Majori, a Petro Francisco Timmers Verhoeven, Dordraco-Batavo, pro Doctoratu Juris Romani et Hodierni.*

Eodem die. *Dissertatio Juridica Inauguralis, de Contractu Societatis secundum Codicem Juris Civilis, defenza a Petro Jacobo Heldewier, Hagano, pro Doctoratu Juris Romani et Hodierni.*

d. 21 Junii. *Dissertatio Juridica Inauguralis, de Beneficio Inventarii, in personam Haeredis spectato, Magnâ cum Laude defenza in Auditorio Majori, a Cornelio Catharino van der Schalk, Schiedamensi, pro Doctoratu Juris Romani et Hodierni.*

d. 22 Junii. *Specimen Academicum Inaugurale, de pretio, Institutionibus Divinis Lactantii statuendo, Magnâ cum*

1826.

cum Laude defensum in Auditorio Majori, ab Henrico Jano Spyker, Amstelodamensi, pro Doctoratu Theologiae.

Eodem die. *Dissertatio Medica Inauguralis, de Signis ex Voce in nonnullis Morbis*, Magnâ cum Laude defensa a Carolo Frederico Jacobo Lyherr, Hagâ-Batavo, pro Doctoratu Medicinae.

Eodem die. *Dissertatio Juridica Inauguralis, de diverso Praetorum numero in variis Reipublicae Romanae temporibus*, defensa a Martino Coehoorn van Scheltinga, Heerenvenâ-Frisio, pro Doctoratu Juris Romani et Hodierni.

d. 23 Junii. *Dissertatio Historico-Juridica Inauguralis, de Parricidio*, Magnâ cum Laude defensa a Rutgero Jano Loisel, Bouloniensi, pro Doctoratu Juris Romani et Hodierni.

d. 24 Junii. *Dissertatio Medica Inauguralis, de Crisibus*, Magnâ cum Laude defensa ab Antonio Binck, Oosterhout-Brabanto, pro Doctoratu Medicinae.

d. 26 Junii. *Dissertatio Juridica Inauguralis, de Jure Tutoris, in emendis Bonis Pupilli*, defensa a Georgio van der Mieden, Alcmariensi, pro Doctoratu Juris Romani et Hodierni.

Eodem die. *Dissertatio Philosophico-Juridica Inauguralis, de Probatione Delictorum*, Magnâ cum Laude defensa ab Antonio Schouten, Ex Pago Druten — Gelro, pro Doctoratu Juris Romani et Hodierni.

Eodem die. *Dissertatio Juridica Inauguralis, de Jure Creditorum, exercendi Jura et actiones suorum debitorum*, Summa cum Laude defensa a Johanne Arnolfo van der Burgh, Ultrajectino, pro Doctoratu Juris Romani et Hodierni.

Eodem die. *Dissertatio Juridica Inauguralis, de Tutelâ Maternâ, secundum*

*cundum Juris Romani et Hodierni principia*, defensa ab Adriano Theodoro Prins, Roterodamensi, pro Doctoratu Juris Romani et Hodierni.

1826.

d. 28 Junii. *Dissertatio Historico-Politica Inauguralis, de Jure Legatorum*, defensa a Carolo Hultman, Hagano, pro Doctoratu Juris Romani et Hodierni.

Eodem die. *Specimen Juridicum Inaugurale, continens quaestiones aliquot ex Jure Romano et Hodierno*, defensum a Jano Jacobo Slicher, Medioburgo-Zelando, pro Doctoratu Juris Romani et Hodierni.

Eodem die. *Dissertatio Juridica Inauguralis, de Adoptione secundum Principia Juris Hodierni*, defensa a Michaële Cornelio van Maurik, e Pago 's Gravenmoer Brabanto, pro Doctoratu Juris Romani et Hodierni.

d. 29 Junii. *Theses Inaugurales argumenti Medici*, defensae a Ricardo Fox, Britanno, pro Doctoratu Medicinae.

d. 30 Junii. *Dissertatio Juridica Inauguralis, duas exhibens quaestiones*, defensa a Rudolpho Carolo d'Ablaing van Giesenburg, Amstelodamensi, pro Doctoratu Juris Romani et Hodierni.

Eodem die. *Specimen Juridicum Inaugurale, continens varias quaestiones*, defensum a Francisco de Keyzer, Jun. Gocsa-Zelando, pro Doctoratu Juris Romani et Hodierni.

d. 18 Julii. *Disputatio Inauguralis, de Fide Herodoti a Plutarcho rejectâ*, Magnâ cum Laude defensa ab Henrico Hermano van Marle, Daventriensi, pro Doctoratu Juris Romani et Hodierni.

d. 28 Julii. *Disquisitio Historica, de Constantino Magno*, defensa a Johanne Henrico Arnoldo Weytingh, Campensi, pro Magisterio Phil. Theor. et Doctoratu Literarum Humaniorum.

d.

1826.

d. 29 Sept. *Disputatio Juridica Inauguralis, de Societatibus, Summâ cum Laude defensa in Auditorio Majori, a Baudewino Donker Curtius, Guil. Baud. filio, Dordraco-Batavo, pro Doctoratu Juris Romani et Hodierni.*

Eodem die. *Specimen Academicum Inaugurale, quo exponuntur Methodi, quibus aëris impulsus et venti velocitas determinatur, Summâ cum Laude defensum in Auditorio Majori, a Baudewino Donker Curtius, Guil. Baud. filio, Dordraco-Batavo, pro Matheseos Magisterio et Doctoratu Philosophiae Naturalis.*

d. 17 Octobris. *Disputatio Historico-Litteraria Inauguralis, de Corneliâ, matre Gracchorum, Magnâ cum Laude defensa ab Henrico Johanne Aernout, Harlemensi, pro Philosophiae Theoreticae Magisterio et Doctoratu Literarum Humaniorum.*

d. 28 Octobris. *Specimen Inaugurale Philosophico-Juridicum, de Patriâ Potestate, praesertim ex Jure Romano, Magnâ cum Laude defensum a Constant de Quertemont, Bruxelensi, pro Doctoratu Juris Romani et Hodierni.*

d. 11 Novembris. *Dissertatio Medica Inauguralis, de Morbo Scrophuloso, Magnâ cum Laude defensa in Auditorio Majori, a Gerardo Aart Rudolph, Arnheimâ-Gelro, pro Doctoratu Medicinae.*

d. 13 Decembris. *Disputatio Juridica Inauguralis, de probatione per Testes in Causis Civilibus, Magnâ cum Laude defensa a Florentio Sophio op ten Noort, Zutphaniâ-Gelro, pro Doctoratu Juris Romani et Hodierni.*



1826.

- d. 20 Decembris. Disputatio Juridica Inauguralis, ad locum Gaji Institutionum de Sponsoribus, Fidecommis-  
soribus et Fidejussoribus et ad Titulum Fragmentorum Vaticanorum de Excusatione, Summâ cum  
Laude defensa in Auditorio Majori, a Johanne Vincentio Westrik, Berbicensi, pro Doctoratu Juris Romani  
et Hodierni.

Eodem die. Disputatio Literaria Inauguralis; de Aeschyli  
Choëphoris, deque Electrâ cum Sophoclis, tum  
Euripidis, Summâ cum Laude defensa in Auditorio  
Majori, a Johanne Vincentio Westrik, Berbicensi,  
pro Philosophiae Theoreticae Magisterio et Doctoratu Litera-  
rum Humaniorum.

- d. 23 Decembris. Dissertatio Statistico-Juridico-Inaugurale,  
super Instituto Navium per Vada Ductorum, sive  
Pilotarum, eorumque Juribus et Officiis (*het Loods-  
wezen*), Magnâ cum Laude defensa in Auditorio  
Majori, a Petro Antonio Tengbergen, Hagano, pro  
Doctoratu Juris Romani et Hodierni.

Eodem die. *Dissertatio Juridica Inauguralis, de Jure Jurando Supple-*  
*torio*, defensa a Rudolpho Sandberg, pro Doctoratu Ju-  
ris Romani et Hodierni.

1827.

- d. 31 Januarii. *Dissertatio Medica Inauguralis; exhibens nonnulla*  
*de Morborum Haereditariorum Historia Naturali*, Magnâ  
cum Laude defensa a Volkhartio Epkema, Hornâ-  
Westfrisio, pro Doctoratu Medicinae.

JUDICIA FACULTATUM DE CONSCRIPTIS HOC  
ANNO COMMENTATIONIBUS, AB ACTUA-  
RIO PRAELECTA DIE VII FEBRUARII  
MDCCCXXVII.

---

I.

ORDINIS THEOLOGORUM.

Facultati Theologicae, ad solvendam propositam de loco in primâ Joannis Epistolâ, Capite V, commate 16, ejusque cum Ethices Christianae de diligendis omnibus praeceptis convenientiâ Quaestionem, quatuor oblatae sunt Scriptiones. Quarum illa quidem, cui Symbolum adscriptum erat: *On n'est jamais si heureux ou si malheureux, qu'on le s'imagine*, parum habere visa est, quo se legenti magnopere commendaret. Immaturi foetûs auctorem industria adhibita longe superabat alius, qui quadam quasi praesensione sortis, suum laborem manentis, sententiam ei adjecerat: *Mortalia facta peribunt*. Neque immerito. Tironem enim, quem se scriptor professus erat, arguit ipsa scriptio, verbosior illa, nec satis Latina, et exiguum prodens Hermeneutices Sacrae peritiam. Huic vero longe praeferenda visa est Commentatio cum symbolo: *Le Christianisme est parfait*. Hujus enim auctor haud contemnendos in Sanctioris Disciplinae studio profectûs et majorem doctrinae copiam, bonorum scriptorum usu comparatam, Facultati laudabiliter probavit: quocirca honorificam ejus mentionem publice faciendam esse decrevit. Quominus tamen erogatum praemium ipsi adjudicari posset, impediverunt, cum oratio, multis scatens gravissimisque vitiis, tum justî ordinis et perspicui neglectus, tum vero etiam ratio interpretandi Sacri Codicis minus probanda. Hac vero bene perspecta reliquis praestare visus est scriptor, amabilem modestiam ipso lemme: *Conamur tenues grandia* prodens; et sermone usus multo puriore. Is igitur cum locum ad sanae Her-

meneutices leges optime interpretatus esse judicaretur, et alteri Quaestionis parti omnino melius satisfecisset, hunc praemio dignum censuit Facultas. Apertâ igitur schedulâ ipsum cognovit JOANNEM JACOBUM DE JONGH, Enchusanium, Theologiae in hae Academia Candidatum. Qui postea ad examen evocatus ex Lege instituendum, se revera Commentationem proprio elaborasse marte, luculenter demonstravit. Alterius autem, honorifice memoratae, Disputationis auctor, a Facultate per Ephemerides invitatus, suo indicio, apertâ schedulâ confirmato, innotuit MARTINUS LEONARDUS REYERKERK, Theologiae in Academiâ Rheno-Trajectinâ Studiosus.

## II.

ORDINIS DISCIPLINARUM MATHEMATICARUM ET  
PHYSICARUM.

- I. Ad Quaestionem *Geometricam*, quam posuit Facultas: *Data quatuor Sphaerarum inter se invicem dispositarum magnitudine et mutua positione, inveniantur, cum loca centrorum, tum radii omnium Sphaerarum, quae datas illas tangunt; unam duntaxat accepit Commentationem, hoc TERENCE dicto distinctam: Quidquid praeter spem eveniat, omne id reputabo esse in lucro.* Auctor ejus Commentationis problema positum tribus, iisque diversis methodis, ita solvit, ut nihil intactum reliquisset, nihil omisisse videretur, nec tamen Commentationem in longiorem disputationem protraheret. Facultas igitur judicavit hanc Commentationem dignam esse ut nummus aureus auctorem ornaret. Apertâ igitur schedulâ auctor repertus est GEORGIUS MICHELIS, Matheseos Studiosus in Universitate Leodiensi, qui, dein defensâ Commentatione contra dubia a Facultate obmota, se illius auctorem egregie et docte probavit.
- II. Ad Quaestionem ex *Historiâ Naturali*: *Quaeritur historia naturalis Animalium Molluscorum, Regno Belgico indigenorum, unam Commentationem, inscriptam hoc symbolo: Si majora dices et magis necessaria esse, quae hominem etc. accepit Ordo, quae cum et diligentiam et doctrinam auctoris, ejusque in excolendâ Patriae histo-*  
ri.

nā naturali studia egregie Ordini probaverit, eam praemio ornandam esse censuit Facultas. Apertā schedulā auctor repertus est HENRICUS WILHELMUS WAAARDENBURG, Medic. Stud. in Academiā Lugd. Batavā, qui examine instituto se auctorem probavit.

- III. Ad Quaestionem *Chemicam*: *Quaeritur expositio concinna et perspicua Elementorum Stoechiometriae*, responsum est duabus Commentationibus, quae signatae sunt his verbis:

1. Πάντα (Θεός) μετρώ etc.

2. Wir müssen, etc.

Et ita quidem responsum, ut, si alterutram tantum accepisset Facultas, huic praemium decernere non dubitavisset.

Pressius igitur institutā comparatione, hoc Ordinis iudicium est: Utrāque diligenter et docte conscriptā Stoechiometriae elementa exponi: priorem quidem, graeco epigrammate distinctam, alteri praestare sermonis puritate, argumenti subtiliori et profundiori tractatione, exemplorum denique difficiliorum algebraicā expositione: alteram tamen non minus commendabilem esse, cum modesto et simplici sermone et exemplorum faciliorem delectu, tum vero in primis rerum expositione clarā, perspicuā et ad communem intelligentiam accommodatiori: Quod cum, in tam difficili argumento, praesertim adtendendum fuerit, alteri huic Commentationi praemium statuit Ordo: prioris autem illius auctorem evocavit, ut sese declararet et laudis testimonium peteret.

Prioris ejusdem Commentationis auctor huic evocationi satisfecit: et patuit, eum esse WILHELMUM SIMONEM SWART, Math. et Phil. Natur. in Athenaeo Amstelaed. Stud. Alterius vero Commentationis, apertā schedulā, declaratus est auctor FRANCISCUS DOZY, Math., Phil. et Medic. Stud. in Academiā Lugd. Batavā, qui ex lege ad examen evocatus, se Commentationis auctorem fuisse facile demonstravit.

- IV. Ad Quaestiones e *Physicā* et ex *Astronomiā* propositas nemo se incertamen contulit.

## III.

**ORDINIS PHILOSOPHIAE THEORETICAE ET  
LITERARUM HUMANIORUM.**

Ad Quaestionem: *Quaenam fuit Veterum Scepticorum sententia de Veri judicio? Quibus argumentis eam tueri conati sunt adversus Dogmaticos, in primis Socraticos et Stoïcos? Quomodo denique Sceptica philosophandi ratio, observatâ hominis indole, natura, atque ingenii progressionem, explicanda et coercenda videtur?*

Duae oblatæ sunt responsiones, quarum altera hac Ciceronis voce inscripta erat:

*Prima sequentem honestum est in secundis tertiisque subsistere.*

altera, his Ciceronis verbis ornata:

*Homini est propria veri inquisitio et investigatio.*

Ejus Commentationis, quam priori loco memoravimus, Auctor, quamquam tertiam quaestionis propositae partem non ita intellexit, ut Scepticismi cursum atque coercendi rationem ex ipso homine explicuerit, neque igitur accurata hujus partis elaboratione finem, quem Ordo spectaverat, attingit, ad priores tamen historicas quaestionis partes ex ipsis fontibus eleganti ratione atque justo ordine ita respondit, ut omnium consensu hanc responsionem praemio dignam existimaverit Ordo. Nomen auctoris repertum est JANUS HENRICUS HOLWERDA, Litt. et Theol. Stud. in Acad. Lugd. Bat.

In ea Commentatione, quae secundo loco memorata est, multa desiderabantur, cum ad perspicuitatem orationis, et bonitatem, tum ad justam ac disertam argumenti explicationem. Verumtamen non sine laudibus esse visa est haec Commentatio, praesertim in tertia hujus quaestionis parte, quam auctor et recte intellexit, et satis bene explicuit. Quapropter si nomen suum profiteri non recusaret, ut cum laudis testimonio publice edderetur, omnium suffragiis decretum est, Prodiit auctor AART VEDER, in Acad. Lugd. Bat. Litt. Hum. Stud.

Ad

Ad Quaestionem ex Literis Orientalibus desumptam: *Exponantur causae, quibus factum est, ut imperium Turcarum Otsmannorum a parvis initiis ad eam magnitudinem et potentiam pervenerit, quam Solimano Magno regnante erat consecutum*: tria responsa Facultati missa sunt. Horum unum hoc lemmate insignitum erat: *Historia aliud nihil est, quam philosophia exemplis utens*: D. G. MORHOFF. E reliquis duobus alterum hanc epigraphen Plautinam habebat: *Ego si bonam famam mihi servasso, sat ero dives*: alterum illam Borgerianam: *Nullus in universo historiae campo locus est, ubi is, cujus nutu et impero omnia geruntur, non vestigium posuerit, nec monumentum sui voluerit existere*:

Trium Commentationum auctores in eo sibi invicem sunt similes, quod descriptionem suam bifariam diviserunt, et brevi historiae temporum istorum Turcicae conspectu proposito, deinceps ad causas magnitudinis imperii Otsmanici accuratius explicandas accesserunt. Qua in re is, quem primo loco nominavimus, ita versatus est, ut omnem praemii consequendi spem amitteret. Etenim quae in Quaestione de Solimano Magno memorantur, eadem retulisse videtur ipse ad alium ejusdem nominis principem, longe antiquiorem, Orchani filium, Amurathi Primi fratrem, quem *magnum Graecorum Victorem* appellat. Quo factum est, ut nec in historia tradenda nec in causarum expositione, ultra captam a Mohammede II Constantinopolin procederet. Praeterea neglecta Orientalium auctoritate in solo fere Graecorum scriptorum testimonio acquievit. Horum contra nullam plane rationem habuerunt reliqui duo scriptores, quorum tamen in universum longe major et laude dignior fuit industria. Quamvis qui descriptioni suae formulam Plautinam subjecit, in historia tradenda justo brevior fuisse deprehenditur, de qua tertiae ejusdemque praestantissimae Commentationis, BORGERI verbis insignitae, auctor paullo uberius fortasse quam necessarium erat disputavit, at cum omnem illius aetatis memoriam haud satis teneret, multis in locis a rerum gestarum fide plurimum aberravit. Quae imperfecta universae historiae in utroque scriptore scientia etiam hoc effecit, ut neuter eam Commentationis suae partem, quae in causarum expositione occupatur, satis diligenter elaboraret. Sic, ut pauca e multis afferantur, nullam hic mentionem factam esse videmus dissidiorum Ecclesiae Graecae et Latinae, quae Byzantino im-

imperio praesentissimum exitium attulerunt, nullam politices admodum perversae et corruptae Principum Europaeorum, in sua potius viscera saevientium, quam Turcarum dominationem a suis aliorumque cervicibus amolientium. Etsi fatendum est in causis investigandis tantum tertiae Commentationis auctorem adversario suo praestitisse, quantum hic eum Latinae linguae usu superet. Quod tamen non ita accipiendum est, quasi in ista Commentatione sermonis integritatem omnino probandam existimet Facultas, quae simpliciter statuit, hunc scriptorem hac in re ceteris aliquanto majorem operam posuisse. — Judicavit igitur Facultas hunc sermonis Latini, illum rerum diligentius expositarum causa, publice collaudandum esse, eosque ad nomina sua prodenda invitavit; cui Facultatis desiderio solus obtemperavit is, quem reliquis duobus praestantiorum esse censuerat, ornatissimus EDELHARDUS BERNARDUS SWALUË, Theolog. Stud. in Acad. Lugd. Batavâ.

## IV:

## ORDINIS MEDICORUM.

Ad propositam Quaestionem de structura Uteri unicam tantum accepit Commentationem, cui sequens lemma inscriptum erat:

*Defendat, quod quisque sentit: sunt enim judicia libera. Quid sit in quaque re maxime probabile, semper inquiremus.* CICERO *Tusc. Quaest. Lib. IV. Cap. IV.*

Judicavit autem Ordo auctorem propositam Quaestionem minime solvisse, atqui ergo praemium non mereri.

## V:

## ORDINIS JURECONSULTORUM.

Ad propositam Quaestionem: *Quid Vectigalia et Tributa, pro diverso genere modoque, faciunt ad industriam civium vel incitandam, vel frangendam, et ita divitiarum Nationis augendas, vel exhauriendas?* una Ordini est oblata Commentatio his inscripta verbis: » *Het doel van*  
» *al-*

» *alle Finantieële instellingen, en de bron van alle belastingen, is de algemeene welvaart*». G. K. VAN HOGENDORP, *Bijdragen tot de Huishouding van Staat*. Cujus scriptionis auctor industriam et laborem, laudabile consilium et OEconomiae Politicae studium Ordini probavit, nec tamen argumentum sic elaboravit, ut praemio posset ornari, cum varia tributorum et vectigalium genera recensere potius, quam, quid ad incitandam frangendamve civium industriam divitiasque Nationis augendas vel exhauriendas singula faciant, argumentis e disciplina ductis probare et rerum exemplis confirmare visus sit. Accedit oratio nec pura neque perspicua, quae, licet argumento dandum esset aliquid, limatiori tamen cura multum potuisset castigari.



# **P R O G R A M M A**

**CERTAMINIS LITERARII**

**A**

**RECTORE ET SENATU ACADEMIAE LUGDUNO-BATAVAE;**

**D. VIII. MENSIS FEBRUARII**

**A. MDCCCXXVII**

**I N D I C T L**

---

**R**ector et Senatus Academiae Lugduno-Batavae; ex Augustissimi Regis Edicto d. 2 Mensis Augusti A. MDCCCXV. N<sup>o</sup>. 14., omnes Academiarum Belgicarum Cives, et Athenaeorum alumnos in annum sequentem ad certamen Literarium invitant et evocant, et propositas a singulis Ordinibus Academicis quaestiones promulgari jubent:

**ORDO DISCIPLINARUM MATHEMATICARUM ET  
PHYSICARUM** sequentes proponit Quaestiones:

**E MATHESI.**

**Tuborum opticorum exponatur Theoria Mathematica.**

**E PHYSICA.**

Explicetur breviter Theoria corporum fluido *liquido* innatantium; et speciatim illius fiat applicatio ad naves onerandas, ita quidem, ut in aqua maximè stabilem situm vel aequilibrium servant.

**Ex**

## PROGRAMMA

37

### Ex ASTRONOMIA.

Quum observationum Astronomicarum fundamentum in accuratâ temporis notitiâ maximè sit positum, quaeritur; ut praecipuae methodi, quibus tempus exactè definiatur, perspicuè explicentur, et aptis exemplis, in primis vero observationibus, ab ipsis commentationum auctoribus institutis, illustrentur.

### E CHEMIA.

Exponatur et illustretur experimentis, quisnam sit Electricitatis in mixtione corporum mutandâ effectus, quatenusque ex eo affinitates sive attractiones et operationes chemicae possint intelligi et explicari.

### E RE HERBARIA ET OECONOMIA RURALI.

Plantae alicujus, quae ad vitae usum coli solet, exponatur Historia Naturalis, ejusdemque Anatome, Physiologia, Analysis Chemica, Cultura et Usus.

### Quaestiones, quas ponit ORDO PHILOSOPHIAE ET LITTERARUM HUMANIORUM.

- I. Locus de *Animi Naturâ* ita explicetur, ut primum concinnè exponantur, ac dijudicentur praecipua argumenta, quibus summi veteris, et recentioris aevi Philosophi in utramque partem disputarunt, de animi naturâ corporeâ an incorporeâ: — deinde ostendatur, quare demonstratione Mathematicâ certi quid hâc in re effici nequeat, sed ex rationis auctoritate, ejusque tanquam fide nixum (vulgo *veritatem fidei* appellant) hoc tenendum sit, hominis animum esse naturam a corpore secretam, simplicem, et esse personam.
- II. Describatur PLATONIS Dialogus *Gorgiae* nomine inscriptus; ejusque sermonis cum locus, tempus, personarumque res et ingenium illustrentur: tum praecipua opera conferatur, ad universum disputationis

nis consilium et argumentum explicandum; ejusque tam vicissitudines; quam sententias, et ad reliqua persequenda, quae ornandi causâ interponuntur.

**ORDO MEDICORUM** hanc proponit Quaestionem:

Quaenam sanior est *Humorum Pathologia*, nostris temporibus admittenda?

**ORDO JURE CONSULTORUM** hanc proponit Quaestionem:

Quid Jure Criminali cum philosophico tum hodierno Belgico praecipitur de puniendis factis lege civitatis poenali vetitis, sed extra territorium ejus admissis?

**ORDO THEOLOGORUM** hanc proponit Quaestionem:

E JOANNIS CHRYSOSTOMI Opere *de Sacerdotio*, et AUGUSTINI, cum *de doctrina Christiana* Libro quarto, tum *de catechisandis rudibus* Libello, nec non ex AMBROSII *de officiis ministrorum Ecclesiae* Libris, conquirantur et justo ordine disponantur praecepta, quae, in sacro administrando munere, etiamnunc in usum suum convertere possint doctrinae Christianae interpretes.

Commentationes, Latina tantum oratione conficiendae, et aliâ, quam auctorum manu describendae, ante diem 1 Novembris hujus anni mittuntur ad Virum, Clarissimum LUCAM SURINGAR, Academiae Actuarium, ita ut nullis ab Academiae parte faciendis expensis detur locus. Lemmate autem omnes inscribendae, iisque adjungendae sunt schedulae obsignatae, Auctorum nomina et pronomina integris literis continentes, eodemque exteriore parte lemmate insignitae.

Universa vero concertationis ineundae et dijudicandae ratio cognosci potest ex Edicto Regio, supra dicto, Art. 205—213.

L U C A E S U R I N G A R

O R A T I O

D E

*VARIIS, QUAE REI CHRISTIANAE OBORTAE SUNT,  
CALAMITATIBUS, IN ILLIUS COMMODUM ATQUE  
SALUTEM, DIVINA MODERANTE PROVI-  
DENTIA, CONVERGIS;*

HABITA DIE VIII FEBRUARII ANNI MDCCCXXVII,

QUUM MAGISTRATUM ACADEMICUM SOLENNI  
RITU DEPONERET.

1900

1901

1902

1903

1904

1905

1906

**PERILLUSTRES ACADEMIAE CURATORES!**

**QUI HAC IN URBE ET ADJACENTI AGRO JURI DICUNDO PRAE-  
ESTIS, VIRI GRAVISSIMI, INTEGERRIMI!**

**QUI CIVITATIS LEIDENSIS CUM CONSULE CURAM GERITIS, VI-  
RI AMPLISSIMI!**

**QUI HISCE COLLEGIIS AB ACTIS ESTIS, VIRI SPECTATISSIMI!**

**QUARUMVIS DOCTRINARUM PROFESSORES, VIRI CLARISSIMI, COL-  
LEGAE CONJUNCTISSIMI!**

**LECTORES ERUDITISSIMI!**

**ORACULORUM DIVINORUM INTERPRETES PLURIMUM VENERANDI!**

( 4 )

DISCIPLINARUM ET ARTIUM DOCTORES, VIRI CONSULTISSIMI, PERITISSIMI!

LECTISSIMA JUVENTUTIS ACADEMICAЕ CORONA!

QUOTQUOT DENIQUE ADESTIS CUJUSVIS LOCI, ORDINIS AC DIGNITATIS, AUDITORES HONORATISSIMI!

Quam

Quam in celebrandis, ante biennium, conditae Academiae Lugduno-Bata-vae saecularibus publice venerati sumus Providentiam Divinam, eandem et hodierno die nos oportet grato animo venerari ob multiplicia, quae et altero hoc lustri quinquagesimi anno largâ manu in nos contulit, beneficia Supremum idemque benignissimum Numen.

Fateor equidem A. H. non omnia et singula, quae Academiae nostrae hoc anno contigerunt, hodieque in magistratus mei exitu sunt commemoranda, gaudii praebuisse materiam. Fateor, quem ad modum inter homines fieri solet, ita quoque postremo hoc tempore laeta tristibus, prospera adversis fuisse mixta et varias nos expertos esse rerum nostrarum vicissitudines.

At vero illud nobiscum reputantes, non possumus non laudare providam Dei Optimi Maximi curam, rebus humanis non solum universis, verum etiam singulis ita consulentem, ut laetae et prosperae longe multumque superent adversas, atque ut ex omnibus, quae ipso moderante eveniunt, etiamsi tristia admodum nobis videntur et infausta, plura saepius oriantur commoda et emolumenta.

Illud animo volventi et argumentum, quod brevi oratione hodie exponerem, circumspicienti, haec sese mihi obtulit cogitatio, eandem providam Dei omnipotentis curam, quam in postremis hujus Academiae fatis agnoscere debemus ac pie venerari, multo luculentius etiam in universâ Christianae Societatis, duodeviginti abhinc saeculis conditae, historiam elucere,



ita quidem, ut, si atrocissimas calamitates, quae per temporis illius decursum omnem rem Christianam toties affligerunt, si hostium vim et artes, si natos in doctrinâ ac disciplinâ errores, si mutuas Christianorum concertationes atque dissidia ad animum revocemus, non possimus non mirabundi quaerere, quâ ratione factum sit, ut Christiana Societas salva et incolumis manserit in hunc usque diem, et Religio, quam docuit generis humani Servator, ad nos pervenerit incorrupta, maximâque etiamnum praedita sit ad hominum salutem vi et efficacia?

Ad quaestionem hanc mihi quidem videtur respondendum, fieri non potuisse, ut res Christiana, variis modis agitata, nec mediocriter interdum concussa, perduraret atque amplificaretur, nisi, quae maxime habebantur infesta atque interitum ei videbantur allatura, ita in bonam partem convertisset cunctarum rerum moderatrix Providentia divina, ut quam plurima inde nascerentur commoda et emolumenta.

Quoniam igitur hodierno die, jubentibus more antiquo et Lege Regi, Rectoris munus deponens; ad Vos A. H. verba facere debeo, dicam *de variis, quae rei Christianae obortae sunt, calamitatibus, in illius commodum atque salutem, divinâ moderante Providentiâ, conversis.*

Nolite existimare A. H. hoc argumentum eo me elegisse consilio, ut novi aliquid et inauditi in medium proferrem, quod sane in hac Virorum, multiplici eruditione Clarissimorum, coronâ si vellem suscipere, temeritatis et arrogantiae culpam a me amoveri non posse equidem existimarem.

Eâ verb de causâ hoc mihi potissimum placuit argumentum, quoniam ad Religionem spectat Christianam, in quâ omnium, quae a Deo O. M. in genus humanum collata sunt, beneficiorum, summum et maxime praeclarum nobis contigisse profiteamur omnes, quamque adeo et amore et studio nostro censemus dignissimam. Itaque vos A. H. libenter audituros esse confido, quae ad confirmandam de hujus Religionis praestantiâ ac salubritate persuasionem, alendamque ac roborandam in providâ Dei curâ fiduciam nostram facere possint. Nec denique a ratione muneris, quo per triginta jam et quod excurrit annos, favente Deo, fungi mihi licuit, alienum videtur hoc argumentum; quod igitur dum simplici, perspicuâ et ad omnium intelligentiam compositâ oratione exponere conabor, Vos A. H. faciles mihi et attentas praebeatis aures perhumaniter rogo.

An-

Antequam ad ipsam rem veniam, verbo monendum censeo, ex ingenti numero calamitatum, quae rei Christianae evenerunt, eidemque fuerunt utilissimae, nonnullas tantum hic posse commemorari. Omnes enim et singulae si vel leviter attingerentur, vix finis esset Orationi. Facto igitur e magnâ, quae sese nobis jam offert, rerum multitudine, delectu, in quibusdam tantum, quae prae reliquis memoratu digna videantur, perlustrandis versabimur.

Primo quidem loco hic in censum veniunt hostium injuriae et vexationes, quibus a primâ inde aetate expositi fuere Christiani.

Quod optimus Servator suis praedixerat, fore ut qui ipsius profiterentur Religionem, propterea et popularium et exterorum odia experirentur, multisque et atrocibus affligerentur malis, id eventu fuit comprobatum. Tantum vero abest, ut hac ratione imminuta fuerit res Christiana, ut eadem contra eximium inde ceperit emolumentum, et res adversae haud parum contulerint ad Religionem Christianam quam celerrime propagandam, stabilendam, amplificandam.

Quodsi Christianorum coetus, quem post Jesu ex hoc terrarum orbe discessum Hierosolymis constituerant ejus discipuli, diurnâ gavisus fuisset prosperitate, sensim modo sensimque reliquis Judaeis aliquid de eorum doctrinâ innotuisset, nec nisi lento gradu inter gentem, tam fervido ad ritus Mosaicos et sacra a Majoribus tradita studio ductam progredi potuisset melior illa et perfectior Religio, quae ex consilio divino, Vatum antiquorum Oraculis jam patefacto, in locum succederet Religionis Mosaicae. Sed nostis omnes A. H. gravem calamitatem Christianos Hierosolymis degentes afflxisse, eaque fuisse effectum, ut multi eorum fugâ sibi consulerent, in alias terrae Judaicae regiones migrarent, ibique nunciandae et propagandae Religioni strenuam navarent operam, atque ita recens conditam Christianorum societatem, perpetuò licet afflictam, nova tamen in dies per omnem Judaeam Samariamque cepisse incrementa.

Non Judaeis tantum, sed omnibus hujus orbis terrarum populis destinata erat Religio Christiana. Haec vero extra angustos Palaestinae fines cognosci vix potuisset, nisi quosdam ejus doctores gravissimae, quas a Judaeis accipiebant, injuriae coëgissent e patriâ suâ in alias se conferre regiones. Quo facto per omnes Imperii Romani, quâ late patebat, provincias salutaris lux dispergi potuit. Quae res quam prospere successerit, et quanta jam Apo-  
sto-

stolorum aetate hujus doctrinae quaquaversum propagatae fuerit amplitudo, abunde testantur tum eorum scripta, tum et alia veteris aevi monumenta.

An igitur communi consensu cultiores populi, Graeci et Romani, receperunt Religionem Christianam, hujusque doctores, nempe obloquente, novos ubivis coetus potuerunt colligere? Minime gentium. De sanctitate Religionis a Majoribus acceptae, legibusque stabilitae antiquissimis magnifice sentiebant, sacrisque, quibus innutriti fuerant, tenacissime adhaerebant omnes illi populi, ad quos perferebatur nova Religionis Christianae doctrina. Itaque haud mirum, initio plerosque Religionem hanc opinionibus suis ac moribus, Majorumque institutis oppositam neglexisse et contempsisse. At vero postquam insignem in modum creverat Christianorum numerus, et nova haec secta antiquis Romanorum sacris haud parum damni adferre coeperat, multos illa nacta est obrectatores et inimicos, ex iis praesertim, qui vitiis ac sceleribus dediti metuebant, ne suae dissolute vivendi licentiae frenum injiceretur. Magni mox undique tollebantur clamores, instituta Majorum, quibus omnis reipublicae salus contineretur, esse vindicanda; qui negligerent, non esse audiendos; qui destruere vellent, severis poenis esse coercendos. Hinc non tantum seditiosa plebs Christianos lapidibus, incendiis, caedibus invadebat, verum etiam Imperatorum Romanorum, qui in tolerandis peregrinorum sacris ceteroquin admodum erant faciles, iniqua in Christianos edicta, omni quâ poterant severitate exsequiebantur Provinciarum praesides ac magistratus, atque ita quam plurimis in locis Christiani gravissimis injuriis, calumniis et vexationibus miserrime affligebantur.

At vero et hae calamitates rei Christianae haud uno nomine fuerunt utilissimae.

Ipsa quidem cruciatuum ac suppliciorum atrocitas non poterat, quin multorum hominum benevolentiam ac miserationem moveret, atque inde efficeret, ut non pauci inquirerent in causas tantae crudelitatis, quâ in homines illos, nullius ceteroquin criminis convictos, animadverteretur. Et quum Christianis in jus vocatis causam suam agere veramque doctrinae salutaris indolem ac rationem exponere saepius liceret, tam iudicibus, quam magnae, quae passim aderat, spectantium turbae optima exoriebatur hanc Religionem cognoscendi opportunitas. Profecto, nisi Christianis tot evenissent mala,

la, non tanta fuisset Religionis, quam illi profitebantur, celebritas, non tanta existimatio apud omnes, qui testes erant immotae illius animi constantiae, quae efficiebat, ut neque promissis, neque minis ad mutandam sententiam permoverentur, sed laeti et hilares in rogos escenderent, bestiarum se objicerent faucibus, vehementissimosque cruciatus et vitae supplicia tolerarent gravissima. Ita palam fiebat omnibus, Religionem hanc singularem et quasi divinam hominum animis instillare virtutem, multique permoverantur ad agnoscendam ejus praestantiam. Hinc iniquos ejus adversarios sic alloqui potuit in Apologetico suo TERTULLIANUS: » Exquisitor quaeque crudelitas vestra illecebra est magis sectae. Plures efficimur quoties metimur » a vobis. Semen est sanguis Christianorum." Multi praeterea ex iis, qui sive in exilium fuerant missi, sive ob vexationum crudelitatem e patria sponte egressi, ad remotissimas etiam orbis Romani partes doctrinam salutarem afferebant, quin et barbaris gentibus erant auctores, ut falsorum Deorum cultui renunciarent. Atque ita praeter omnem Christiani nominis hostium spem evenit, ut prioribus post Christum natum saeculis longe lateque disseminata sit ejus Religio, publica tandem auctoritate per universum Imperii Romani ambitum recepta.

Neque ad ampliorem tantum doctrinae salutaris propagationem utilissimae fuere vexationes illae, sed multa quoque alia attulerunt commoda, et hoc potissimum nomine admodum fuerunt utiles, quod aetioribus omnes Jesu sectatores conjungerent vinculis, facerentque quam plurimum ad animorum concordiam alendam, ad excitandum mutuam amorem et praestanda charitatis officia, cum in exsulibus ac profugis excipiendis, tum in consolandis misere afflictis, iisque, qui in carcerem essent detrusi, visendis, juvandis ac sustentandis.

Quid denique? Effecerunt hostium calumniae et criminationes, ut severam admodum sibi praescriberent Christiani disciplinam, et quantum fieri posset, caverent, ne aliquis in societatem reciperetur, nisi moribus esset inculpatis, vel errores ac vitia deponeret, atque ad vitae se obstringeret integritatem. Contra vero e sua arcebant societate, quotquot ejusmodi patra-  
rent flagitia, quae nomine Christiano eos redderent indignos, dum et publicum ac socialem Dei cultum sic instituebant, ut vel ipsi hostes in eo nihil, quod reprehensione dignum esset, reperirent.

Ita dirae vexationes, quibus expositi erant Christiani, multum contulerunt ad servandam morum puritatem, quae postea, cum pace externâ, Imperatorum, Regum ac Principum favore usi, prospere suas agerent res, valde fuit imminuta.

Nec primis tantum rei Christianae temporibus praeclaros hos fructus tulerunt hostium vexationes; sed idem et postea saepius evenisse docet universa saeculorum, quae secuta sunt, historia. Exempli loco sit Christianorum conditio ab eo inde tempore, quo res eorum in tuto erant collocatae, quum ipsi Imperatores, Religionem Christianam publice professi, eam legibus muniverant, et, quo majus ei decus conciliarent, sacrorum antistites honoribus et opibus ornaverant. Quem ad modum prospera hominum fortuna passim comites habet vitae molliem, inertiam, ignorantiam, errores, vitia, ita quoque eâ aetate inter otium rerumque abundantiam torpescere paulatim Religionem propagandi eamque vitam ac moribus commendandi ardor. Novis igitur Societati Christianae opus erat acumen ad excitandum et alendum doctrinae salutaris amorem, adjuvandumque vitae ex ejus praeceptis instituendae studium. Et hunc sine dubio effectum habuit gravis illa calamitas, quâ afflictum fuit Imperium Romanum, quum irruerent non modo in illud multa barbarorum hominum millia, sed stabiles etiam in occidentalibus maxime provinciis sedes collocarent, novaque in rei publicae Romanae ruinis superstruerent regna. Multi quidem primo impetu tunc oppressi atque sublati sunt Christianorum coetus, in maximum tamen verae Religionis emolumentum conversa fuit haec eorum calamitas. Etenim illi, cum salutarem doctrinae, quam profitebantur, vim per ipsas res adversas mirifice auctam experirentur, eo adduci non potuerunt, ut a Religione sua deciderent, vel ad barbarorum mores et sacra se componerent. Contra vero ex ipsis gentibus illis quam plurimae, posita sensim sensimque barbarie, ad cognoscendam Religionem Christianam animum applicuerunt, et hanc, praeeuntibus ipsis earum regibus ac ducibus, fuerunt amplexae.

Accedo ad alterum malorum genus, quod rei Christianae inferre conati sunt Philosophi, Rhetores, Legumperiti, alique ingenii, doctrinae et elegantiae laude florentes, quorum placita toto, quod ajunt, coelo diversa erant ab iis, quae docuerant Jesus et Apostoli. Horum igitur doctrinam latius in  
dies

diebus propagari, nec ullis artibus, ulloque suppliciorum genere opprimi posse vehementer dolebant, qui et sibi videbantur, et ab aliis habebantur ac vocabantur mortalium sapientissimi, adeoque ferre non poterant, sectam, quae imperitos atque plebejos, quos dicebant, homines auctores conditoresque habuisset, non illiteratae tantum et abjectae hominum turbae, sed et philosophorum atque virorum doctrinae laude florentium assensu comprobari. Illud praesertim aegre admodum ferebant, quod, crescente Christianorum numero, avita non tantum decresceret religio, multis, ut jactabant, oraculis, auguriis, prodigiis nobilitata; verum etiam philosophiae honori multum detraheretur, suaeque adeo auctoritas et existimatio in periculum adduceretur.

Quidquid igitur vel ingenio, vel eruditione, vel sermonis elegantia, vel acutis jocorum stimulis valerent, contulerunt illi ad novae, quam oderant, Religionis veritatem labefactandam: quod quoniam efficere non poterant argumentis, ad mendacia, calumnias et convitia se converterunt, nihilque reliquerunt intentatum, quo Christianorum instituta atque doctrinam in contemptum adducerent, eamque falsam esse atque repudiandam et sibi et aliis persuaderent. Horum autem hominum quo major erat apud omnes ethnicos auctoritas, tanto majus res Christiana captura videbatur detrimentum ab iis, qui et plebis et sacerdotum in Christianos furorem clamoribus suis augebant, et Magistratibus, Praesidibusque et Rectoribus Provinciarum auctores erant, ut novae Religionis doctores et amicos, quos ratione convincere non possent, ferro igneque compellerent ad silentium.

At vero haec ipsa eorum et disputandi et agendi ratio, Deo sapienter sic dirigente, rei Christianae profuit magis quam nocuit, eique egregios concitavit vindices, quorum alii ad criminationes atque calumnias adversariorum respondebant, Deorumque, quos populorum venerabatur superstitio, vanitatem invictis demonstrabant argumentis, alii vero Religionis, quam profitebantur, capita et praecepta moralia explicando ejusdem praestantiam, et vim salutarem, et veritatem, et originem divinam ita tuebantur, ut quam plurimos ab errore, quo implicati essent, ad rectam viam revocarent efficerentque, ut multi sacra Christiana ultro amplecterentur.

Itaque providam Dei O. M. veneremur atque suspiciamus curam in excitandis his Religionis Christianae defensoribus, qui, licet non ab omni

parte probanda sit eorum, subtilius haud raro quam verius disputantium; ratio, tunc temporis de re Christianâ optime sunt meriti, suisque effecerunt scriptis, ut doctrinae salutaris honos vindicaretur, eique ab ejusmodi criminationibus nihil amplius esset metuendum.

At vero longe majus rei Christianae imminuit periculum ab eo inde tempore, quo, pulsâ mediis, quod dicitur, [aevi barbarie, fractisque superstitionis, quae per multa saecula in orbe Christiano dominata fuerat, vinculis, novi insurrexerunt Religionis divinitus patefactae adversarii, antiquis illis longe peritiores et audaciores, quâ, bonarum Literarum luce denuo exortâ et concessâ libertate turpiter abusi, sermonibus ac scriptis multa in medium protulerunt, exornarunt acriterque defenderunt dubia, tum universe contra divinam Sacri Codicis auctoritatem, tum adversus pleraque doctrinae Christianae capita, quae tamquam ad salutem obtinendam haud necessaria, immo nobilioribus ingeniis plane indigna, omninoque noxia et perniciosa, hostili animo oppugnabant, hominumque, si fieri posset, ut manibus excuterent ac mentibus, nefario molimine enitebantur.

Nostis A. H. a medio inde saeculo decimo sexto in *Italia* primum, in *Francia* deinde ac *Britannia* non paucos, in hac nostrâ Patriâ nonnullos, et recentiori memoriâ multo plures inter *Anglos*, *Francos*, *Germanos*, aliosque populos fuisse, qui divinam Sacri Codicis auctoritatem, traditaeque in eo doctrinae praestantiam ac salubritatem omni, quo possent, modo infringere et labefactare conarentur. Et cum plerique eorum haud vulgari ingenii acumine, insigni eruditionis apparatu, atque subtiliter disputandi peritiâ essent instructi, simul vero uterentur scribendi genere ad incautos et levis animi homines alliciendos maxime accommodato; haud mirum profecto, horum conatibus multos eo fuisse adductos, ut, quae ab omni aevo communi intelligentium suffragio vera ac divina fuissent habita, vel in dubium vocarent, vel plane repudiarent; haud mirum, fuisse quam plurimos, quibus Religio Christiana, quae primâ aetate de erroribus, vitiis ac sceleribus humanis triumphos egisset adeo praeclaros, jam locum suum et pristinum decus vix ac ne vix quidem obtinere tuerique posse videretur.

Tantum vero abest, ut haec Religio, quâ nihil praestantius, nihil optabilius umquam humano generi divinitus concessum est, hinc aliquid ceperit detrimenti, ut contra multi-utilissimique inde provenerint fructus. Suis enim

ca-

cavillationibus atque criminationibus nihil aliud effecerunt isti adversarii, quam ut generosum illud Religionis tuendae studium, quod inde a saeculo sexto neglectum fere jacuerat, vel inepte admodum fuerat institutum, de novo revivisceret, et ut peritiores orirentur doctrinae Christianae defensores, qui ejus praestantiam, veritatem atque originem divinam longe evidentius quam ante demonstrarent, novaque et firmissima invenirent praesidia, quibus hominum pectora in fide optimo generis humani Servatori data conservari possent et corroborari.

Praeterea recentiores illi doctrinae Christianae adversarii, qui haud mediocriter docti ingenio suo ad impugnandam S. Codicis auctoritatem abutebantur, viros eruditos et religionis amantes non tantum ad ejus causam defendendam excitarunt et inflammaverunt, verum etiam commonstrarunt iis viam ac rationem certaminis hujus bene instituendi. Quemadmodum enim prudentior quisque majorem ab inimicis, quam ab amicis, percipere potest utilitatem, ad errores suos et agnoscendos et emendandos; ita quoque Religionis nostrae doctores ac vindices ab ipsis ejus adversariis impositam sibi senserunt necessitatem, in Literis Graecis, Latinis, Orientalibus, in Philosophiâ item, Historiâ, Antiquitate, aliisque disciplinis operam ponendi diligentissimam, ut hisce praesidiis muniti loca S. Codicis, quae inter se pugnare videbantur, conciliarent, aliaque, quae male intellecta largam praebuerant cavillandi materiam, rectius interpretarentur, ut oracula divina ab ingenii humani inventis discernere, atque sic tandem ad nativam simplicitatem ac perspicuitatem revocarent, quae Jesus et Apostoli auctoritate divinâ docuerant de viâ ac ratione, quâ nobis hominibus ad summam atque perennem beatitatem pervenire liceat.

Quid dubium igitur? Accuratori profecto Religionis expositione destituti essemus, nisi eadem peritos nacta fuisset et audaces obtrectatores. Quamobrem neminem vestrum fore confido A. H., quin grato agnoscat animo; Deum, cujus nutu et imperio cuncta geruntur, quique pro infinitâ sapientiâ suâ e tenebris lucem, ex rebus perturbatis ordinem elegantissimum ducere solet, ipsorum adversariorum vi et impetu sic usum esse, ut Religionis dignitatem ac splendorem tueretur, eique nova fulcra, novumque decus conciliaret.



Habetis A. H. mala rei Christianae ab ejus adversariis illata, quae tamen in magnum ejusdem emolumentum convertere voluit cunctarum rerum moderatrix Providentia divina.

Reliquum est, ut dicam de malis, quae ex Christianorum erroribus atque dissidiis enata longe pejora fuerunt et graviora. Quem ad modum enim in re publicâ mutua civium odia omnium maxime sunt pernicioſa, et bella intestina plus nocent, quam quae cum exteris geruntur, ita quoque Christianorum, in studia contraria et partes diversas abeuntium; discordia causa fuit innumerarum; quas horret animus et refugit meminisse, calamitatum.

Ipsi quidem Religioni imputandum non esse, quod inter ejus cultores tot enata fuerint dissidia, vix opus est ut moneatur. Quaecumque enim ipse Dei Filius Jesus Christus, ejusque ad genus humanum legati et docuerunt; et praeceperunt, et instituerunt, evidentissime comprobant, hoc eorum fuisse consilium, ut omnes, qui salutari illâ luce collustrarentur, homines, aetate licet et ingenii culturâ et vivendi consuetudine diversi, in unam conjungerentur familiam, ut, sublato Judaeorum et reliquarum gentium discrimine, omnium animi arctissimis mutui amoris vinculis colligarentur, omnesque et singuli ad ejus praecepta vitam et mores componendo verae atque perennis felicitatis redderentur participes.

Itaque ab indole et argumento Religionis, quam simplici admodum et perspicuâ, atque ad popularem intelligentiam accommodatâ ratione docuerat optimus Servator, nihil magis alienum, nihilque Societati, quae ab illo appellatur, tristius accidere potuisse videtur, quam quod a simplici illâ ratione, quam Ipse praeiverat, sensim sensimque deflecterent, qui non tantum rerum divinarum notiones subtiliter definire, suoque abditissima quaevis ingenio explorare et assequi conarentur, verum etiam Philosophiae, quae aetate quâque vixit, sive Hebraeo-Alexandrinae, sive Platonicae, sive Aristotelicae, sive aliis cujusdam placitis, modisque loquendi uterentur ad Christianam doctrinam uberius explicandam, copiosius ornandam atque cultioris ingenii hominibus commendandam.

Haud mirum profecto, magnam inde ortam fuisse opinionum a verâ Christi doctrinâ discedentium varietatem, multa sanctissimae Religionis capita te-  
ne-

nebris fuisse involuta, iisque, quae praeceperat et instituerat optimus Servator, addita fuisse non pauca, quae a mente Jesu et Apostolorum essent aliena, quorumque nulla existeret in S. Literis memoria. Hinc diversae illae in Societate Christiana sectae atque haereses, quarum numerum si vellem inire, Vobis A. H. taedium crearem, me vero dies viresque deficerent. Hinc illae de rebus ad Religionem pertinentibus lites et concertationes, maximo animorum fervore, quin et furore, nonnumquam agitatae, quibus Christianae societatis miserrime turbatae facies tam foeda reddebatur ac tetra, ut omnem spem, ad meliorem statum majoremque perfectionem tendentis, generis humani fallere eventus videretur. Hinc denique mutua illa Christianorum in diversas partes abeuntium odia et bella, quae acerbissimum hunc saepius tulerunt fructum, ut miserum in modum quassata et lacerata eorum res publica barbarorum hostium ferociae nudum latus daret, et in Oriente potissimum, ubi florentissima olim fuerat eorum res, jam pridem integrae exstiterint regiones, e quibus omnis doctrinae salutaris memoria funditus sit deleta, hâc potissimum de causâ, quod ejus doctores in argutis quibusvis disquisitionibus, atque in sectae suae placitis defendendis majorem ponerent operam, quam in tuendâ ac propagandâ Religione.

Nolite tamen existimare A. H. lites illas et controversias, quae tot ac tantis Christianorum societatem affligerunt calamitatibus, ipsi Religioni adeo nocuisse, ut statuendum sit, Conditorem ejus divinum consilio suo excidisse, reiue Christianae in universum longe melius consulturum fuisse, si prohibuisset, quo minus umquam de ejus argumento dissentienti disputandique locus fuisset. Immo vero sapienti ac benignâ Dei Providentiâ factum esse, ut utilitas ex eâdem dissensione orta calamitates illas multiplici fructu compensaret, affirmare sustineo.

Novimus, jam Apostolorum aetate istam opinionum diversitatem in coetibus recens formatis multarum contentionum atque turbarum exstitisse causam, et non paucos a rectâ, quam ingressi fuerant, viâ abduxisse. Ipsi tamen Religioni plus emolumenti, quam detrimenti, attulisse haec dissidia, nemo Vestrum negaverit A. H. qui secum reputet, doctoribus divinitus missis natam hinc esse de verâ doctrinae Christianae indole magis aperte  
sen-

sententiam dicendi opportunitatem, hosque adeo universum ejus argumentum ita exposuisse, ut arctissimus ejusdem cum hominum salute nexus omnium in oculos deberet incurrere.

Nec aliud insequenti accidit aetate! Errores atque dissidia saepenumero turbarunt rem Christianam, atque nativum Religionis nitorem obscurarunt; plerisque tamen eorum, quibus Religionis docendae munus esset mandatum, vel qui ejus explicandae ac defendendae susciperent provinciam, validissima fuerunt laboris ac diligentiae incitamenta, eorumque acuerunt ingenia ad veram doctrinam rectius cognoscendam atque firmiori fundamento stabiliendam. Fingite quaeso A. H.! vel miraculo effici potuisse, ut omnes, qui Religionem profiterentur Christianam, simplici S. Codicis doctrinae adhaerentes ab ulteriore ejus explicatione abstinuissent, adeoque ob diversas de eâ sententias nullae umquam exstitissent turbae; quid tum? Nonne pax illa et quies plerosque inertes reddidisset et socordes? Quid quaeso homines ex illo inertiae somno ad virium suarum experientiam et alacritatem potuisset excitare? Quid iis ingenium exercendi, acuendi, excolendi dedisset opportunitatem? Nonne in accuratâ rerum utilissimarum cognitione parum operis fuisset positum? Nonne prorsus neglecta jacuissent literarum adeoque et S. Codicis recte intelligendi studia? Vera igitur est Pauli Apostoli sententia, fieri aliter non posse, quam ut dissidia existant.

Fateor equidem, parum emolumenti in rem Christianam redundare potuisse e subtilioribus illis disputationibus, quibus haud pauci delectabantur. Fatcor, multas fuisse controversias futiles, de verbis magis, quam de ipsâ re agitatas, exinde potissimum ortas, quod homines sententias suas ambigue nec satis evidenter proponerent, vel e disputandi peritiâ majorem sibi quaererent gloriam, quam ex iis, quae vera sint, simpliciter et perspicue tradendis.

At vero qualescunque tandem fuerint lites illae per se parum fructuosae, et quamvis haud raro evenerit, ut, qui ad refutandos errores se accingerent, disputandi fervore imprudentes nonnumquam et inviti in oppositos errores abriperentur, rei tamen Christianae profuerunt magis, quam nocuerunt, ejusmodi disputationes. Plerumque enim, cum utraque pars, ut fieri solet, ad extrema descenderet, facilius reperiri et majori splendore ex-

errorum nebulis refulgere potuit una et aeterna veritas, quae, dum opinionum commenta delet dies, novis continuo viribus aucta, ab hominum temeritate ac protervia inconcussa manet et inexpugnabilis.

Plura equidem, nisi jam ad alia vocarer, hic possem commemorare, quae ultro demonstrent, rem Christianam in continuis, quas experta sit, vicissitudinibus ita divinitus fuisse servatam, ut, quae vel maxime nocitura viderentur, ipsi haud exiguo fuerint emolumento. Vestra tamen A. H. nolo abuti patientia. Quae diximus abunde probant singularem plane Dei O. M. fuisse curam in tuenda Re Christiana atque augenda, quin et ea ipsa excitare nos debent ad laudes Illius, cujus nutu et imperio cuncta reguntur, pia mente celebrandas.

Veneremur ergo A. H., veneremur Deum Religionis nostrae auctorem ac vindicem, qui nobis eam in hodiernum usque diem illibatam conservavit, et hanc animis nostris foveamus et alamus spem atque fiduciam, fore ut doctrina illa salutaris, quae tam varios et acerbos casus feliciter superavit, atque ad nos pervenit integra et incolumis, in posterum quoque eadem provida Dei cura servetur, et fractis tandem hostium viribus, discussisque errorum nebulis, universum aliquando terrarum orbem luce sua collustret.

---

Tempus me vocat ad commemoranda quae fuere, me Rectore, hujus Academiae fata, tum tristia, tum laeta:

Itaque mihi sentio impositam necessitatem renovandi doloris, quem percipimus ex allato nobis nuncio, Cl. Collegam, CORNELIUM EKAMA, A. L. Magistrum et Philosophiae Doctorem, Matheseos et Astronomiae Professore Ordinarium, diem obiisse supremum, nostraeque Academiae grave denuo inflictum esse vulnus, eo acerbius dolendum, quo plura in ejus decus atque emolumentum exspectare licuisset a Viro, cui prospera et constans valetudo et insigne corporis robur longam vitam polliceri videbatur: Sed, ut vere scripsit CICERO: » O fallacem hominum spem fragilemque fortunam » et inanes nostras contentiones! quae in medio spatio saepe franguntur et » corruunt, aut ante in ipso cursu obruuntur, quam portum conspiceretur » tuerunt».

C

Ut

Ut vero, quod hujus diei postulat solemnitas, de vitâ et meritis Viri praeclari paulo uberius dicam, ab initio capiamus exordium.

CORNELIUS EKAMA d. 3<sup>e</sup> Martii, anno superioris saeculi septuagesimo tertio, natus in *Frisiae* pago maritime *Paesens*, patrem habuit JOANNEM EKAMA, divinorum Oraculorum Interpretem Venerandum, qui septennio post uxori et binis, quos ex ea susceperat, liberis praematurâ morte fuit ereptus.

Ingens haec, quam tenerâ aetate EKAMA noster fecit, jactura quâ minus educationis ejus fructum interciperet speratum, prohibuit, favente Deo, matris, HENRICAE LEONIS POSTHUMA, matronae praeclaris animi dotibus conspicuae, prudentia. Illa enim, postquam maritus e vivis abierat, cum filio filiâque commigravit *Doccumum*, ubi, qui affinitate ei junctus erat, eruditissimus JOANNES GULIELMUS DE CRANE eo tempore Rectoris munere fungebatur, dignissimus ille, cui pia mater unicum filium committeret erudiendum (1).

Hunc igitur virum praestantissimum *Doccumi* primum, dein *Enchusae*, habuit praeceptorem, et cum eodem Viro Clarissimo, ad Historiam et Literas humaniores in Academia Frisiacâ docendas vocato, abiit *Franequeram*, ibique anno superioris saeculi nonagesimo Civium Academicorum Catalogo adscriptus est Theologiae operam daturus. In Literis igitur humanioribus egregiâ utebatur institutione Virorum Clarissimorum VERSCHUIJII, WASSENBERGHII et, quem modo memorabam, CRANII, dum in Philosophiâ Theoreticâ, Physicâ et Astronomiâ Clarissimum CHAUDOIR, in Mathesi Clar. THOLEN habebat praeceptores.

Ardens rerum naturam diligentius intuenti, earumque causas et effectus investigandi studium, singularem quamdam in lusibus Mechanicis dexteritatem, et pro aetatis ratione haud vulgarem pingendi peritiam in eo, adhuc puero, animadverterat Clar. DE CRANE, studiorum ejus moderater prudentissimus, qui propterea ei auctor fuit, ut altero stadii Academici anno ad Mathesin, Physicam et Astronomiam animum applicaret. Huic consilio lubens admodum obtemperavit juvenis, cui gratissima erant et jucundissima, quae puer jam in deliciis habuerat, studia. Novo igitur discendi ardore mox ad Mathesin se convertit, eamque ut et Physicam et Astronomiam tam

stren-

(1) Virum hunc Clarissimum pleraque, quae de Clar. defuncto retuli, mecum communicasse, gratus profiteor.

strenue excoluit, ut praeceptoribus egregios suos profectus quam maxime probatos redderet, eorumque sibi conciliaret amorem ac familiaritatem.

Neque tamen studia Theologica, quibus imprimis destinatus erat, negligens tuae esse tradidit disciplinae Clar. voonstri! tuisque scholis, quas et mihi, quod laeto et grato animo recordor, frequentare licuit, modestus, attentus ac docilis adfuit auditor.

Anno deinde superioris saeculi nonagesimo sexto S. Ministerii Candidatis adscriptus, et brevi post ab *Elkerzaeënsibus*, in *Zeelandiae* Insula *Scaldia*, oraculorum divinorum interpres vocatus (2), id quidem agebat maxime, ut provinciam sibi mandatam fideliter administraret, horas tamen, quae ipsi supererant, subsecivas collocabat utiliter in rebus Naturalibus et Mathematicis, et cum bis quotannis ad salutandos consanguineos et amicos *Franequeram* se conferre soleret, tempus illud ad otium et quietem sibi concessum, non languori nec desidia dabat, sed cum Viris Clarissimis, quos praeceptores habuerat, colloquia instituens de disciplinis, quibus tantopere delectabatur, novam eorum, quae domesticis exercitationibus tractaret, sibi comparabat copiam.

Erat eo tempore *Ziriczaeae* Collegium virorum, qui excolendis disciplinis Mathematicis et Physicis delectabantur. Hi, cogniti Sacrorum antistitis *Elkerzaeënsis* in rebus Naturalibus et Mathematicis peritiâ, hunc assumerunt sodalem, qui de hisce disciplinis, tempore hiberno, lectiones aliquot haberet, quorum virorum voto per plures annos ita satisfecit, ut omnium, qui aderant, plausum ferret.

Postquam ille in Academia Frisiacâ Artium Liberalium Magister et Philosophiae Doctor, honoris causa fuerat renuciantus (3), Physicae artisque nauticae inter *Ziriczaeënses* docendae provinciam, Lectoris Honorarii titulo, obtulerunt ipsi Urbis illius Magistratus (4), quod quidem munus suscepit habitâ sermone Belgico oratione de artis navigandi scientiâ Reipublicae bene ordinatae imprimis utili (5).

No-

(2) Munus illud sacrum d. 9 Octobris 1796. auspicatus est.

(5) D. 17 Maji 1800. promotore Cl. CHAUDOIR.

(4) D. 22 Januarii 1805.

(5) D. 30 Martii 1803.

Novo hoc honore ornatus quaque hebdomade quatuor dies in urbe commorabatur, reliquas dabat coetui, cui praefectus erat, atque ita aliis inseruiendo vitam agebat laboriosam, cui et hoc accedebat, quod, iubentibus Reipublicae Batavae Moderatoribus, acta curaret Collegii, quod ad agriculturam in *Zeelandia* promovendam fuerat constitutum et *Medioburgi* solebat convenire.

Virum hunc variis in disciplinis adeo versatum, et in negotiis curandis tam alacrem atque constantem, sibi totum vindicandum esse censuerunt *Ziriczaeenses*, eumque anno hujus saeculi quinto Matheseos, Physicae, Astronomiae, Artis Nauticae, et Anatomiae ac Physiologiae Lectorem renunciarunt (6).

Erat illi honorifica haec et lauta provincia valde accepta, hanc imprimis ob causam, quod jam disciplinarum, quibus adeo delectabatur, studia severiora persequi posset et excolere.

Posito igitur munere sacro, quo per novem fere annos functus fuerat, *Ziriczaeam* tendit, ibique provinciam sibi mandatam ita ornavit, ut magnam apud omnes, quibus notus erat, existimationem, novaque ad alios docendos sibi compararet subsidia, quorum in publica commoda adhibendorum alia mox et uberior ipsi nascebatur opportunitas.

Illustribus enim Academiae Frisiacae Curatoribus auctor erat Cl. *van SWINDEN*, idoneus ille ac prudentissimus ingeniorum iudex, ut *ERAMAM* nostrum vocarent ad Cathedram, quam ipse olim per duodeviginti annos ornaverat *SWINDENUS*, et quam jam se abdicaverat Cl. *CHAUDOIR*.

Itaque Logices, Metaphysices et Astronomiae docendae provinciam suscepit, habita de *Frisia*, ingeniorum *Mathematicorum* imprimis fertili, Oratione (7), quam in lucem edita adeo crevit de ejus ingenio et eruditione existimatio, ut non tantum haberetur Mathematicus peritus, artisque suae historiam ac fata bene edoctus, verum etiam dignus, qui claris Frisiae Mathematicis, quos publice laudaverat, ipse accenseretur.

Sum-

(6) D. 27 Februarii 1805.

(7) Mense Septembris anno 1807 Professor Ordinarius designatus *Ziriczaeensibus* suis d. 9 Martii 1808 valedixit et *Franequerae* mox Scholas aperuit. Anno sequenti d. 1 Junii 1809, publice dicta Oratione munus aspicatus est.

Summâ cum laude munere illo functus est ad annum usque hujus saeculi undecimum. Tunc enim extinctâ Imperatoris Francisci decreto Academiâ Franequeranâ, antiquâ illâ et celebri Musarum sede, loco suo et munere movebatur. Brevi tamen post in Academiam Lugduno-Batavam, tunc quasi instauratam, Matheseos et Astronomiae Professor Ordinarius vocatus fortunarum sedem in hanc urbem nostram transtulit, matris quidem carissimâe paucis antea mensibus sibi ereptae mortem lugens, sed dilectissimâe sororis in re domesticâ curandâ atque in educandis liberis, quos orbos reliquerat et ipsius curae commiserat Cl. JOANNES MULDERUS, fideli usus auxilio, donec et illa anno hujus saeculi decimo septimo diem obiret supremum.

Jam ille sorore, quâcum per plures annos conjunctissime vixerat, orbatu de ineundo matrimonio serio cogitavit, atque anno sequente vitae sociam sibi elegit virginem lectissimam SUSANNAM CORNELIAM LE POOLE, ex qua tres suscepit liberos, qui teneri, quâ adhuc sunt aetate ingentem, quam fecere, jacturam nondum intelligunt.

Eo acerbius mortem ejus luget optima Conjux, Iugent Propinqui, Amici, Collegae, Discipuli, quibus magnum ac triste sui desiderium reliquit ille, qui in omnibus probavit se virum honestissimum, candidissimum, integerrimum, ab omni invidiâ, arrogantia atque obtreptione longe remotum, qui non tantum summâ alacritate in tradendis disciplinis Mathematicis et Astronomicis versabatur; verum etiam diligentissime in usum suum convertebat egregios, quos recentior aetas in hisce studiis fecit, progressus, quorum tamen fundamenta a summis in re Mathematicâ et Astronomicâ viris, partim saeculo jam XVI, maxime XVII praecipue jacta esse, ipse demonstravit Oratione hoc in loco ante quadriennium habitâ, cum abiret Magistratu Académico.

Neque aliorum tantummodo observationibus acquiescebat, sed omnia suis oculis tuendi ac perlustrandi ardore concitatus, datâ sibi in splendidâ Academiae nostrae Speculâ corporum coelestium rates motus considerandi opportunitate tam diligenter utebatur, ut quâvis fere nocte, nisi per coelum nebulosum impediretur, occupatus esset in adhibendo apparatu illo Astronomico, quo Regis Augustissimi liberalitas instructissimum reddidit Observatorium.

Insigni praeditus corporis, in omni vitâ vix ac ne vix quidem morbo tentatâ, robore ac vigore, non solebat a fallaci, calidâ subinde, mox frigidâ tempestate sibi praecavere, sed ipsâ urente inclementius brumâ, saepius mediâ



nocte e lecto surgebat, Speculam aedibus suis contiguam conscendebat, ibique nec indutus vestitu solito densiori, neque capite curatius tecto, per aliquot horas commemorabatur.

Ita tandem anno, qui proxime praeteritam antecessit, ad finem vergente, sibi contraxisse videtur morbum, primis quidem diebus, ingrato quodam frigoris sensu sese prodentem, mox vero, accedente verborum, quibus sententiam suam significaret aeger, inveniendorum difficultate, ita ingravescentem, mentisque et corporis vires adeo frangentem, ut ne potentissima quidem artis salutaris praesidia adversus eum quidquam valerent, omnemque tandem valetudinis recuperandae spem irritam redderet, quae d. 23 Februarii anni praecedentis eum invadebat, apoplexia cum voce omnem corporis motum ac sensum opprimens, atque ita postridie summo mane vir optimus animam placide efflavit aetatis anno tertio et quinquagesimo.

Habetis A. H. simplicem de vitâ et meritis Cl. Collegae, quem nobis ereptum lugemus, relationem. Ut plura jam in ejus laudem commemorentur, equidem haud opus esse censeo. Plerique vestrum noverunt eum, et qui noverant magni fecerunt, in his plurimum Societatum eruditarum, quibus adscriptus erat, Zeelandicae, Harlemensis, Rheno-trajectinae, aliarumque, et Regii Doctrinarum et Artium Instituti sodales, et quae reliquit scripta, etsi eorum haud multa publici juris fecit, posteris tamen erunt ingenii atque eruditionis ejus monumenta.

Minus inexpectato rebus humanis ereptus est alter ex Professorum Ordine Vir Clarissimus, quippe qui postremis annis valetudine utebatur tam adversâ, ut mors tali vitae molestiarum plenae anteferenda videretur.

De JOANNE CAROLO KRAUSSIO, Medicinae Doctore ac Professore Ordinario, me loqui animadvertitis. Natus est ille die 6 Octobris anni 1759 Oeringae, quae sedes erat Principis Hohenloëco-Waldenburgici, cui pater ejus CHRISTOPHORUS ADAMUS KRAUS a Consiliis fuit, matrem habuit DOROTHEAM ZOLLNER, mercatoris honestissimi in eadem urbe filiam.

A parentibus sollicite educatus in urbis natalis Gymnasio bonas literas didicit, atque anno aetatis decimo septimo ad studia Academica dimissus est, arti salutari addiscendae operam daturus. Postquam igitur domesticâ patris, viri docti ac Medici expertissimi, institutione per aliquod tempus fuerat usus, anno superioris saeculi septuagesimo septimo migravit *Erlangam*,  
ibi

ibique DELIUM, ISENFLAMMIUM, WENDTIUM, aliosque Viros Cl. habuit praeceptores. Triennio post ad maiorem in arte salutari peritiam sibi comparandam petiit *Argentoratum*, et scholas adiit LOBSTEINI, viri praeclari, cujus patrocinio designatus est primi ordinis Medicus in Serenissimi Principis *Badensis* cohorte, quae tunc in Belgio Foederato stipendia merebatur. Hanc igitur provinciam suscepit anno superioris saeculi octogesimo tertio, et biennio post *Harderovici* summos in Medicinâ honores consecutus est, edito specimine inaugurali *de praecipuis militum morbis eorumque causis*, atque ab eo inde tempore *Arnhemiae*, non tantum inter milites praesidia-fios, verum etiam inter cives, artem facitavit.

Ibidem sanctissimo connubii vinculo sibi junxit praestantissimam virginem EVERDINAM REY, honesto natam loco, praeclaris animi dotibus instructam. Cum optimâ hâc vitae sociâ, e quâ nullam suscepit prolem, anno superioris saeculi octogesimo-septimo *Amstelodamum* se contulit, ibique per annos fere viginti aegrotos visendo iisque, quantum ars valeret, opem ferendo, et libros aliquot, tum Medici, tum Botanici argumenti, in lucem edendo, tantam consecutus est nominis celebritatem, ut Academiae Gelro-Zutphanicae Curatores amplissimi dignum eum censerent Cathedrâ, quam Clarissimus FORSTEN ex hâc vitâ discedens vacuum reliquerat.

Itaque anno hujus saeculi septimo Medicinae Theoreticae, Practicae et Legalis docendâe provinciam *Harderovici* suscepit, habitâ Oratione *de Medicinæ Systematicæ usu et abusu*; et, cum triennio post Magistratu Academico abiret, publice dixit *de perscrutatione mentis humanae, maximum medico faciente emolumentum*.

Quam bene autem ille, qui in universâ arte salutari versatissimus erat, et in scholis docendo et aegrotos curando, de Academiâ ac Civitate *Harderovicenâ* meritis sit, Vos testes advoco, integerrime CLARISSE et honoratissime REINWARDT, qui eum tunc habuistis collegam et amicum familiarem.

Exstinctâ NAPOLEONTIS decreto Academiâ Gelro-Zutphanicâ KRAUSSUS huc evocatus est Medicinae Professor Ordinarius, atque hoc munere eâdem, quâ ante *Harderovici*, diligentia functus est, ita quidem, ut, licet adversâ admodum valetudine uteretur, gravesque subinde et acerbos pateretur dolores, in scholis tamen domesticis et in Nosocomio opus suum strenue

nue urgeret, studiisque privatis sedulam daret operam, cujus rei documenta sunt, tum Commentatio de verâ Medicaminum, quae *nervina* dicuntur, indole ac vi salutari, quam *Legati Monnikhoviani* Curatores praemio ornarunt, tum additamenta ad illam Commentationem, tum denique edita ab eo *Praxeos medicae adumbratio*.

Idem post obitum summi BRUGMANSII ad Chemiae docendae vices supplendas ab Amplissimis Curatoribus honoris causâ invitatus, lubens hanc suscepit provinciam, et quamdiu per valetudinem licebat, et hos et reliquos muneris labores sustinuit.

Quum vero Conjugis carissimae mortem lugens, ejusque auxilio et solatiis destitutus, atque continuos fere dolores expertus, in docendo pergere non posset, honestam a munere suo missionem petere debuit anno hujus saeculi vicesimo quarto, atque ita corpore misere excruciato ipsam mortis imaginem referens, mentis tamen suae, etsi casibus adversis contristatae, semper compos, reliquam vitam protraxit usque ad diem undevicesimum Martii anni praeteriti, quo sexagesimum et septimum aetatis annum agens animam exspiravit, non tantum cum SOCRATE ratus, peregrinationem esse vitam, quâ rite peractâ, bono animo esse oporteat, verum etiam, ut Christianum decet hominem, vitae melioris, quam nobis promeruit et pollicitus est optimus Servator, spe et fiducia exhilaratus.

Praeter ambos hos Viros Clarissimos, e Lectorum Academicorum ordine die vicesimo quinto Maji anni praeteriti, aetatis anno tertio et septuagesimo, diem obiit supremum CHRISTIANUS FREDERICUS RUPPE (8), qui postquam, ab anno inde superioris saeculi nonagesimo, Symphoniae Academiae fuerat praefectus, ante hos undecim annos Musices Lector creatus et utroque hoc munere laudabiliter functus est.

Quantopere ille pulcri et venusti sensu esset imbutus, et quam bene harmoniae fundamenta atque compositionis musicae principia calleret, scriptâ et in lucem editâ *Musices hodiernae Theoriâ* egregie demonstravit. Theoriae vero quam feliciter jungeret praxin, ipse regulas, quas aliis praescripserat, secutus abunde probavit, tum hymnos sacros, tum plura varii generis carmina ad novos modos redigendo.

De

(8) Natus in Saxonia d. 22 Augusti 1753.

Denique et hoc est commemorandum, die nono Februarii anni praecedentis ex hac vitâ discessisse CAROLUM HENRICUM EYFFERT, rei equestris in Hippodromo Academico Magistrum, qui artem equitandi, cujus peritissimus erat, per plures annos docuit.

Ita A. H. brevi unius anni spatio Academia duos amisit Professores, amisit Lectorem, amisit Magistrum, atque e civibus suis morte immaturâ sibi ereptos luet tres optimae spei juvenes (9), in quorum numero fuisse tuum, Clarissime NIEUWENHUIS! filium natu majorem, Adolescentem praestantissimum, vehementer tecum dolemus.

Tristibus hisce accessit denique Clarissimorum Collegarum luctus domesticus, tuus, mi CLARISSE! ob Conjugis dilectissimae, quae per tot annos fidelissima Tibi fuerat vitae ac fortunarum Socia, Prolisque vestrae Mater amantissima, mortem acerbam, Tuusque, Clarissime DU PUI! ob amissam Filiam natu majorem, quae et Marito, Viro spectatissimo, et Tibi, Tuisque omnibus triste sui reliquit desiderium. Universus Ordo doluit Vobiscum, Collegae Clarissimi! gravem, quam fecistis jacturam. Deo tamen Optimo Maximo acceptam referimus, Vos huicce dolori non succubuisse. Te, optime CLARISSE! et orbi erudito, et Ecclesiae et Academiae, et nostro Ordini quam diutissime conservet Deus incolumem!

Tibi vero Clarissime DU PUI! post longam annorum seriem feliciter et maximâ cum laude in publicum commedum transactam, otium illud, quo Tibi propter aetatem frui jam licet, gratulor. Largiatur Tibi Deus vegetam, jucundam et in longum adhuc tempus provehendam senectutem!

Atque ita accedimus A. H. ad ea, quae laeta et prospera Academiae nostrae hoc anno contigerunt, paucis commemoranda.

Maximo nobis est gaudio, Vos, Perillustres Academiae Curatores! esse salvos, sospites et incolumes. Gratia sit Vobis, Viri Amplissimi, pro curâ vestrâ et consiliis prudentissimis, quibus rei Academicæ adhuc prospicere voluistis. Utinam et in posterum vestris de eâdem bene merendi conatibus faveat, qui numine suo cuncta gubernat, Deus!

Viri

(9) Henricum Joannem Wykhuizen, Harlemensem, d. 11 Martii; Ludovicum Gulielmum Alting, Campensem, d. 21 Junii; Adamina Jacobum Nieuwenhuis, Rheno-Trajectinum, d. 19 Octobris, 1826.

Viri Clarissimi, Collegae honoratissimi, quos coram hic intueor! Deus immortalis Vos omnes, ut et Clarissimos Collegas, qui vel ob aetatem proVectiorem, vel ob corporis infirmitatem, huc non poterant convenire, diu diuque servet incolumes!

Valde laetor, quod hic praesentem Te videre liceat Cl. VAN VOORST! restitutâ Tibi, quae ineunte cursu hoc Academico affecta fuerat, valetudine. Juvenilem illum animi vigorem, quo in proVectâ hâc aetate tuâ frueris, conservet et corporis vires Tibi confirmet Deus, ut ingenti illi egregiorum doctrinae Christianae Interpretum, qui e tuâ prodierunt scholâ, numero accedant et in posterum quam plurimi, qui dignos se praestent Te praeceptore discipulos!

Tibi quoque restitutam valetudinem gratulor Cl. WITTEWAALL, quem et designatum jam Rectorem Magnificum salutare licet. Utinam in gerendo hoc Magistratu omnia Tibi ex voto cedant, Teque Rectore prosperrima esse pergat Academiae nostrae conditio!

Ecquis non laetetur, sapiente Regis consilio, Matheseos docendae provinciam Tibi jam esse delatam Cl. DE GELDER! Tu nullis parcens laboribus, ut ingenia nobiliora ad haec studia excites et instruas, per longam annorum seriem egregiâ tuâ institutione prodesse pergas Academiae! Te duce et magistro disciplina, quae reliquarum omnium Parens dicitur, cujusque usus latissime patet, majora in dies capiat incrementa. Teque praeterea publice docente, quae viam sternant ad amplificandum artium et fabricarum intellectum, augendamque in iis exercendis industriam, amplificetur et augeatur civitatis nostrae prosperitas!

Laetamur Clarissimo VAN DER BYK, ipso ob corporis infirmitatem rogante, adiutorem datum esse discipulum, qui, si quis alius, scholae ipsius laudem tueri possit et amplificare.

Tibi vero Cl. UYLENBROEK! impense gratulor munus, quod Oratione *de hodierni Physices Astronomiaeque studii praestantiâ* ita suscepisti, ut augurari liceat, Te et in scholis physicis praeclaram Juventutis Academiae commodis navaturum operam, et Astronomiam docendo damnum, quod ex obitu Cl. EKAMA cepit Academia, esse reparaturum.

Tibi quoque Cl. JANE VAN DER HOEVEN, qui in muneris tui aditu publice professus es, *diligens veritatis studium praecipuum esse naturae inter-*

*terpretis dotem*, gratulor, quam summâ cum laude sustines, docendae Historiae Naturalis provinciam.

Vos ambo, Duumviri Clarissimi, Academiam Lugduno-Batavam, quae meritis praemiis ac honoribus Vos ornavit alumnos, vicissim quam diutissime ornetis Doctores!

Ordinem Philosophiae Theoreticae et Literarum humaniorum dum intueor, Tibi Cl. VAN DER PALM! gratulor absolutum hoc anno cursum institutionis Academicae tricesimum. Vivas et vigeas diu diuque eodem mentis vigore, eadem corporis alacritate, quae nulla adhuc ingravescentis aetatis incommoda experitur. Et quamdiu vitae humanae ratio permittat, esse pergas et Academiae et universae Patriae nostrae decus et ornamentum!

Laetamur in eundem hunc Ordinem Te receptum esse, Cl. REUVENS! qui hâc in Academia feliciter instaurasti nimis diu neglectum *Archaeologiae* studium, cujus laudes ante hos octo annos, cujusque cum artibus recentioribus conjunctionem nuper egregie exposuisti.

Tibi, Cl. BROERS! Medicorum in hâc Academia Ordini adscripto gratulor munus, optimis auspiciis ita susceptum, ut augurari liceat, e tuâ disciplinâ multos, qui *Chirurgiae studium cum cultu et humanitate conjungant*, esse prodituros.

Pergratum etiam accidit omnibus, quibus Academiae salus curae cordique est, ad Professoris Ordinarii provinciam Te vocatum esse Cl. PRUYS VAN DER HOEVEN! Novo hoc honore mactatus esse pergas, qui adhuc fuisti, optimus eorum dux et magister, qui rite efformentur ad *perfectam Medici speciem*, quam Tu hisce diebus in muneris tui aditu vere et eleganter delineasti.

Qui Lectoris titulo ornatus et Scholae, quae ab industriâ nomen habet, praefectus es, Doctissime VAN DER BOON MESCH! provinciam hanc quam diutissime ornes et egregios profectus, quos in Chemiâ fecit aetas posterior, ratione ad popularem intelligentiam accommodatâ tradendo ad civium Leidensium commoda quam plurimum conferas.

Ab illustri Docentium Ordine tam insigniter amplificato converto me ad Vos, Juvenes praestantissimi, in hâc Musarum sede Literarum studiis operam dantes! Laetamur numerum vestrum hoc quidem anno ita esse auctum, ut inde ab anno superioris saeculi septuagesimo quarto exemplum ta-

his frequentiae in Annalibus nostris haud reperiatur, et, quod majus est nobis, qui Academiae gloriam non civium numero, sed eorumdem in studiis assiduitate et in moribus integritate aestimamus, ea est indoles vestra, ut ob industriam, sedulitatem, discendi ardorem et modestiam tantum non omnes summâ laude sitis dignissimi.

Macti estote hâc virtute vestrâ Juvenes Carissimi! Pergite eâdem, quâ incepistis viâ, nomen et famam e studiis petentes, morumque honestate et modestiâ vos commendantes.

Nostis omnes Regis Optimi decreto statutum esse, tum ut honores Academici, ad quos contenditis, semper apertis valvis conferantur, tum vero etiam, ut iis, quae, institutâ coram praeceptoribus atque commilitonibus disquisitione, a Vobis laudabiliter agantur, publica accedat laudis commemoratio. En singularem plane et acerrimum industriae ac virtutis stimulum. Nam, ut vere cecinit OVIDIUS:

*Excitat auditor studium, laudataque virtus:  
Crescit, et immensum gloria calcar habet. (10)*

Quid quaeso, Commilitones praestantissimi! ad ingenia studiaque vestra excitanda potentius esse possit et efficacius, quam quod animo reputetis, esse Regem ipsum, qui Vos et studia vestra observet, cui nomina vestra renuncientur? Vestram igitur industriam, vestrosque mores probetis Regi Augustissimo, qui, quemadmodum universae Patriae commodis nunquam invigilare desinit, ita pro eo, quo in literarum et virtutis cultores fertur, amore, potenti suo patrocinio, certissime efficiet, ut laborum ac diligentiae vestrae fructus uberrimos percipiat.

Vestrâ causâ, vestrosque in usus Regis Augustissimi munificentia prospicit augendis doctrinae et studiorum Academicorum adjumentis.

Bibliotheca quidem publica et hoc anno aucta est optimis in quovis Literarum genere Libris, ex quibus inprimis memorari oportet Librorum Arabicorum, Persicorum et Turcicorum, a typographis Constantinopolitanis  
et

(10.) OVIDIUS ex Ponto. IV. 2. 35. Conf. CIEM. AL. Paedag. I. 131. Sylb. 'Αρετὴ  
τὰρ ἐκαινεσμένα, δένδρεα ὡς αὐξέται.

et *Scutariensibus*, et nostro et superiori saeculo, in lucem editorum, volumina fere quinquaginta, quae quidem, Te rogante Cl. HAMAKER! tuoque voto annuentibus Curatoribus amplissimis, Tuâque inprimis, Nobilissime LYNDENE! apud perillustrem Regis Augustissimi ad Imperatoris Turcici Aulam Legatum intercessione; in ipso Imperii Otsmannici Capite sunt coëmta. Praeterea et nuper spes facta est, in Academiae nostrae usum propediem *Berolino* transmissum iri novos ac praestantissimos literarum Arabicarum et Sanscriticarum typos, Regis *Borussiae* jussu, aliquot abhinc annis, paratos. †

Quod ad hortum attinet Botanicum, in quo, tuâ Cl. REINWARDT! curâ, cernitur jam nova plantarum distributio ad disciplinae rationem magis accommodata; insigni ille auctus est plantarum copiâ, culturâ, commercio literario, fautorum beneficiis, Hortulani denique filii itinere in Britanniam, Illustrium Curatorum benevolentia, suscepto. Praeterea exstructum est Caldarium novum, amplum, quo pluribus regionum Tropicarum plantis in horto colendis aptus jam conceditur locus. Denique a FRANCISCO GULIELMO SIEBER, Botanico peritissimo, eodemque multis itineribus claro, coëm-tus est egregius plantarum exoticarum et rarissimarum, quae arefactae inter chartas servantur, Thesaurus.

In Theatro Physico melior et amplior concessus est locus instrumentis juxto ordine jam dispositis, eorumque apparatus accesserunt quae pro hodiernâ hujus disciplinae ratione maxime sunt necessaria.

Haec vero, aequè ac Instrumenta Astronomica, quo melius servantur, poliantur, ornentur, ex Regis voluntate eorum cura mandata est RIENKSIO, artificii Frisio, ob confectum elegans illud, quod Observatorium ornat, Telescopium claro.

Praeterea et huc evocatus est peritus Vir juvenis FR. KAISER, qui siderum motus in Speculâ observet, deque iis referat ad Clarissimum Astronomiae Professore.

Museum Archaeologicum multis et praeclaris hoc anno ornatum est veteris aevi monumentis Aegyptiacis, Punicis, Graecis, Romanis, Germanicis, Septentrionalibus et novâ, quae in terris Cisalpinis rarissime occurrit, Etruscorum Classe, quorum notitiam Annalibus Academicis inserendam Tuae, Cl. REUVENS! debeo diligentiae. Haec vero magis distincte jam commemorari, temporis non sinunt angustiae.



Propterea quoque de Supellectile Anatomicâ, in quâ ornandâ et amplificandâ Tua Cl. SANDIFORT! immortalia sunt merita, de apparatu Chirurgico, cui accessit jam *lectulus*, qui dicitur, *Orthopaedicus*, de instrumentorum ad Agriculturam pertinentium horrec, reliquisque disciplinarum subsidiis dixisse suffecerit, ea et hoc anno ita fuisse locupletata, ut et Doctoribus et discentibus optimam praebeant studia sua severâ lege excolendi opportunitatem.

Denique quod attinet ad ipsum, in quod convenimus, aedificium, ab Illustribus Curatoribus nobis facta est spes, fore ut Auditorium hocce propediem instructius reddatur et ad Academiae Lugduno-Batavae dignitatem accommodatius, ut emendetur et ornatur Senaculum, et ut aedificentur curiae, in quibus et Curatores et singuli Professorum Ordines conveniant, quâ ratione haud exigua profecto ad Academiae splendorem fiet accessio.

Jam unum restat solenni hoc die peragendum, idque mihi quidem omnium jucundissimum, quod est in distribuendis doctrinae praemiis, quibus ornandi sunt juvenes praestantissimi in certamine hujus anni literario victores.

Itaque Te, Vir Clarissime, qui Senatui hoc anno Ab-actis fuisti, rogo, ut singulorum Ordinum de perlatis ad ipsos Commentationibus praelegas judicia; Vos vero juvenes praestantissimi, quibus praemia sunt adjudicata, ut, recitato nomine vestro, singuli ad hanc Cathedram accedatis.

Pergratum mihi accidit, quod Te, praestantissime DE JONGH (1)! virtutis atque doctrinae praemio possim condecorare. Te ob industriam tuam et egregiam animi indolem jam dudum magni fecerunt atque amaverunt Praeceptores et Commilitones. Nunc vero gaudent iidem, Te in difficili certamine aemulis palmam praeripuisse. Ex animo Tibi gratulor hunc honorem, Tibique trado splendidae, quam reportasti, Victoriae splendidum hoc documentum.

No-

(1) JANUS JACOBUS DE JONGH, Theologiae in Academiâ Lugd. Bat. Candidatus, respondit ad Quaestionem ab Ordine Theologico propositam: *Quis sensus sit moniti Joannei I. Epist. V: 16b. "Ἔστιν ἀμαρτία πρὸς θάνατον, οὐ περὶ ἑκάστης λέγω ἵνα ἐρωτήσῃ: et quomodo cum aliis de diligendis omnibus hominibus, Doctrinae Christianae praeceptis in concordiam redigi possit.*

Nobilissime MICHIELS ! (2) Tu ardorem, quo praeclaram Matheseos disciplinam colis, et egregios, quos in eâ fecisti, progressus ad quaestionem Geometricam respondendo ita demonstrasti, ut praemio, quod lubens Tibi trado, reddideris te dignissimum. Perge hâc viâ Academiae Leodiensi, ad quam victor ex hoc certamine redis, esse decus et ornamentum, atque industriae tuae fructus aliquando capias uberrimos!

Non sine insigni animi laetitiâ Te huc actedentem video, optime WAARDENBURG ! (3) et felicem me praedico, quod mihi contingat Collegae olim aestumatissimi atque amici integerrimi filio aureum hunc tradere nummum, justam laboris et industriae mercedem.

Tu vëro, amicissime, splendido hoc praemio ornatus perge matris praestantissimae, quae de tali filio jure gloriatur, gaudia cumulare et paterni nominis gloriam tueri!

Praestantissime DOZY ! (4) Stoechiometriae, cujus in Chemia recentiore late patet usus, Elementa a Te in hâc aetate tuâ juvenili ita sunt exposita, ut ab egregiis hujusmodi initiis praeclaros in posterum successus augurari nobis liceat.

En aureum, quem Tibi trado, nummum, novum industriae stimulum. Optimo parenti tuo, cui talem filium ex animo gratulor, gentique tuae spectatissimae esse pergas gaudio et ornamento!

Or-

(2) GEORGIUS MICHIELS, Matheseos Studiosus in Academia Leodiensi, respondit ad Quaestionem Geometricam, quam posuit Ordo Disciplinarum Mathematicarum et Physicarum: *Datâ quatuor Sphaerarum inter se invicem dispositarum magnitudine et mutuâ positione, inveniantur, eum loca centrorum, tum radii omnium Sphaerarum, quae datas illas tangunt.*

(3) HENRICUS GUILIELMUS WAARDENBURG, Medicinae Studiosus in Academia Lugduno-Batavâ, exposuit, eodem Ordine quaerente, *Historiam Naturalem Animalium Molluscorum Regni Belgii indigenorum.*

(4) FRANCISCUS DOZY, Matheseos, Philosophiae et Medicinae Studiosus in Academia Lugduno-Batavâ, respondit ad Quaestionem Chemicam: *Quaeritur expositio concinna et perspicua elementorum Stoechiometriae.*

Ornatissime SWART! (5) Aureum nummum, qui ad singulas quaestiones unus tantummodo dari solet, Tibi porrigere nequeo. En vero diligentiae atque eruditionis testimonium, quo Te ornandum censeant aequissimi Certaminis Judices. Tu insigni hoc honore mactatus ad maiora contendas industriae atque virtutis praemia!

Ornatissime HOLWERDA! (6) Lubens equidem Tibi trado praeclarum hoc victoriae, quam reportasti, praemium. Fac ut eandem industriam, quâ Philosophiae Theoreticae et Literis Humanioribus operam dedisti, ad Literas Sacras et doctrinarum principem Theologiam transferas.

Omnia Tibi porro ex voto cedant fructusque e studiis tuis capias laetissimos, cum ad laudem, tum imprimis ad virtutem et veram vitae felicitatem!

Praestantissime VEDER! (7) En laudis testimonium, quod Nobilissimus Philosophiae Theoreticae et Literarum Humaniorum Ordo Tibi decrevit, in signum honoris, quem habet industriae tuae in solvendâ quaestione difficili collocatae. Publice laudo hanc diligentiam tuam, augurorque fore, ut in excolendis praeclaris ingenii animique tui dotibus strenue pergas et, si quando in arenam iterum descendas, primos sine dubio feras honores!

Ornatissime SWALUE! (8) Eodem honore, quem superiori anno meruisti,

(5) WILHELMUS SIMON SWART, Matheseos et Philosophiae Naturalis in Athenaeo Amstelodamensi Studiosus, respondit ad eandem Quaestionem Chemicam.

(6) JANUS HENRICUS HOLWERDA, Literarum et Theologiae Studiosus in Academia Lugduno-Batavâ. Argumentum Commentationis praemio ornatae est: *Quaenam fuit veterum Scepticorum sententia de veri judicio? Quibus argumentis eam tueri conati sunt adversus Dogmaticos, imprimis Socraticos et Stoicos? Quomodo denique Sceptica philosophandi ratio, observatâ hominis indole, naturâ, atque ingenii progressionem, explicanda et coercenda videtur?*

(7) AART VEDER, in Academia Lugduno-Batavâ Literarum Humaniorum Studiosus ad eandem e Philosophiâ Theoreticâ Quaestionem respondit.

(8) EDELHARDUS BERNARDUS SWALUE, Theologiae Studiosus in Academia Lugduno-Batavâ, exposuit causas, quibus factum est, ut Imperium Turcarum Osmanorum a parvis initiis ad eam magnitudinem et potentiam pervenerit, quam, Solimano Magno regnante, erat consecutum.

ti, iterum te ornat Nobilissimus Philosophiae Theoreticae et Literarum Humaniorum Ordo. — En alterum laudis Testimonium, quod novo Tibi sit incitamento, ut ad studia Theologica severâ lege excolenda animum applices et rite praepareris ad munus sacrum rite aliquando obeundum!

Quoniam igitur scriptiones, Nobilissimis Medicorum et Jureconsultorum Ordinibus traditae, non ita fuerunt elaboratae, ut praemio ornari possint earum auctores; hoc unum mihi superest commemorandum, juvenem ornatissimum MARTINUM LEONARDUM REYERK<sup>ERK</sup>, Academiae Rheno-Trajectinae civem, propter operam in solvendâ Quaestione Theologicâ collocatâ, dignum judicatum esse, cujus nomen publice laudetur, pari modo, quo Academiae nostrae alumno, praestantissimo ELINK STERK, idem nuper in Academiae Gandavensi contigit honos.

Jam rite peractis, quae hodierni muneris ratio a me postulabat, Deo O. M. pro auxilio mihi praestito gratias, quas habeo maximas, ago et optima quaeque et faustissima Academiae ac Civitati Leidensi, Patriae universae, Regi Augustissimo, totique Stirpi Regiae sincerâ mente apprecor.

D I X I,



E

SCRIPTA

## SCRIPTA CORNELII EKAMA, VIRI CLARISSIMI.

*Nieuwe Antwoorden op de Rekenkundige Vragen van H. AENEAE; voorkomende in deszelfs Rekenboek voor de Nederlandsche Jeugd. Uitgegeven door de Maatschappij tot Nut van 't Algemeen 1804.*

*Waarnemingen omtrent den duim en langen vinger aan de hand der Vogelen. Alg. Konst- en Letterbode, 1803. D. II. bl. 4.*

*Oratio de Frisia Ingeniorum Mathematicorum inprimis fertili. Leov. 1809. 4to.*

*Oratio de insignium, qui in scientiâ Astronomicâ facti sunt, progressuum fundamentis, a summis in re Mathematicâ et Astronomicâ viris, partim decimo sexto, maxime decimo septimo seculo; jam praecipue jactis. In Annalibus Academiae Lugduno-Batavae, 1822—1823.*

*Berigt omtrent het Observatorium. Alg. Konst- en Letterbode; 1824. D. I. bl. 7.*

*Verhandeling over GEMMA FRISIUS, den eersten grondlegger tot het bepalen van de lengte op zee. In de werken der eerste klasse van het Nederlandsche Instituut, D. VII. bl. 215 volg.*

*Verhandeling over de Aantrekkingskracht, als den band van 't Heelal. Verslag van de eerste klasse van het Instituut, in de Algemeene Vergadering, 1825.*

1. H. VAN SWINDEN, *Verhandeling over het bepalen der lengte op zee, door de afstanden van de maan tot de zon of vaste sterren. Nieuwe uitgave, met eene Voorrede van C. EKAMA.*

J. H. VAN SWINDEN, *Verzameling van Tafels ten dienste der Zeelieden*,  
door C. EKAMA, Amst. 1824.

---

SCRIPTA EDITA A J. C. KRAUSS, VIRO CLARISSIMO:

*Specimen Medicum inaugurale, de praecipuis Militum morbis, eorumque causis.* Harderovici 1785. 4to.

*Verhandeling over den Daauwworm der Kinderen, en zijne veiligste geneeswijze, door een specifiek geneesmiddel, gevolgd naar den Hoogl. STARCK, met aanmerkingen en waarnemingen door J. C. KRAUSS, Amst. 1791. 8vo.*

*Afbeeldingen der Artsenij-gewassen, vierde Deels eerste Stuk enz.* Amsterdam 1798 en vervolgens.

BARTHOL. EUSTACHIUS, *Anatomische Kupfertafeln, nebst derselben Erklärung, gefertigt unter der Aufsicht von ANDREAS BONN, aus dem Holländ. von J. C. KRAUSS, Amst. und Wesel 1800. fol.*

ANDR. BONN, *Beobachtungen einer unterwärts gehenden Verrenkung des linken Schenkelbeins, nebst einer neuen gemächlichen Einrichtungsweise, aus dem Holländ. von J. C. KRAUSS, Amst. und Wesel 1800. gr. 8vo, mit 6 Kupfertafeln.*

*Afbeeldingen der fraaiste uitheemsche boomen en heesters, met eene beschrijving van derzelver kenmerken, voortkweeking, nuttigheden, enz. XXI Afleveringen 1802-1808. 4to.*

*Oratio de Medicinae Systematicae usu et abusu,* Harderovici 1808. 4to.

*Eerste beginselen der Kruidkunde, tot onderrigting en vermaak voor het schoone geslacht, als ook voor die genen, die de eerste beginselen der Kruidkunde beoefenen,* Amst. 1810. 3 Deelen 12mo.

*Over den aard en de geneeswijze eener Veeziekte, even als zoodanige in de maanden Januarij en Februarij van het jaar 1814, in de streken van Utrecht gewoed heeft, Leyd. 1814. 8vo.*

*De natura et curatione Luis Bovillae, Lugd. Bat. 181. 8vo.*

*Verhandeling over den aard en de werking der zoogenaamde Zenuwmiddelen, bekroond bij het Legaat van Wijlen J. MONNIKHOFF, Amst. 1818. 8vo.*

*Nadere overweging van den aard en de werking der Geneesmiddelen enz. Amst. 1819.*

*Adumbratio Praxeos Medicae, P. I. Lugd. Bat. 1820. 8vo.*

NOTITIA INCREMENTORUM MUSEI ANTIQVARIII  
V. CEL. SURINGARO RECTORE.

Quae hoc anno Museo accesserunt, ea, sicuti superiore anno, pleraque auctoritate publicâ sunt illata.

In quibus sunt, quae misit ex Archipelago Graeco Vir nobilissimus ROTTIERIUS, partim Regis jussu in insulâ *Melo* effossa.

Item quae misit vir nobilissimus HUMBERTIUS, in Italiâ emta;

Alia, Regis jussu emta in auctione Musei LESCLUZIANI Antverpiae;

Alia ab homine, Tunete advenâ comparata;

Alia tandem lege permutationis e Regio Museo *Ethnographico* Hagano accepta, quae casu illuc ex *Amstelodamensi* migraverant (1) adeoque nunc iterum conjuncta sunt cum illis monumentis, quae anno superiore ex *Amstelodamensi* museo ad nos erant delata.

*Dona* quaedam item accesserunt a viris nobilissimis VAN EWEYCK, institutioni publicae Praefecto, et STRATENO Regis Consiliario, humaniter oblata;

(1) Quae adeo deinceps potius *Amstelodamensium* nomine notabo.

ta ; quorum haec vascula sunt, casu e Graeciae oris, illa Aegyptiaca quaedam, et alia minutiora Tunete advecta.

*Emtionis* (2) lege *Aegyptiaca* quaedam, ex auctione Amstelaedamensi comparavi.

QUAE ORDINE SIC DESCRIBENDA VIDENTUR.

*Aegyptiaca* primum maximam hoc anno accessionem experta sunt; ita ut nunc cum exteris Museis, certe secundi ordinis, nostrum comparari mereatur. In his praestantiora sunt:

Sarcophagus praegrandis, e lapide duro et albicante, cum suo operculo;

Mumiae *quatuor* ornatiores, et satis integrae, vividisque coloribus pictae; e quibus una magnificentissima tribus oculis instructa;

Mumia piscis, et felis;

Vasa canopica ex alabastro *undecim*;

Stelae sepulcrales *quinque*, partim Deorum, partim Manium adorationes, habentes;

Stelae lignae pictae *duae*;

Lapides sacris faciendis, ut videtur, *duo*.

Cistulae lignae pictae *duae*;

Chartae papyraceae *tres*, quarum una ad 14 pedes longitudine, funebris, hieroglyphica; alterius similis pars dimidiata; et tertia hiereticae scripturae, sine figuris.

(Superiora illa sunt *LESCLUZIANA*, praeter Mumiam trium loculorum, quae missa est a *ROTTIERSIO*)

Signuncula, lapidea, aenea, phylacteria e lapide duro majora, et minuta fictilia quamplurima (tam *LESCLUZIANA*, quam ab *HUMBERTIO* missa, et *ex auctione Amstelodamensi* comparata). In *LESCLUZIANIS* eminet vultus hominis Aegyptiaci, e lapide nigricante sculptus, et quamquam minutus, gentis lineamenta eximio opere et diligentissime referens.

Quae hodie per *CHAMFOLLIONI* labores inter hieroglyphica praecipuum usum ha-

(2) Scilicet e modicis Musei subsidiis pecuniariis annuis.



habent, nomina Regum inclusa tanquam laqueis ovatis; eorum aliquot in monumentis nostris comparent. Praecipue intellectu facile est in canopico quodam vase illius nomen, quem CHAMPELLIONUS *Thoutmosin II* (5) eundemque *Moerin* esse interpretatur, Regem adeo quintum Dynastiae duodevigesimae, et *Sesostri* antiquiorem.

Ad classem *Punicam* referendi sunt duo lapides sepulcrales Punico-Romani, Tunete advecti lucri caussa, sed inventi in loco *Medita*, regni Tumentani, prope confinia ditionis *Cirtanae*, sive *Constantinensis*, quae est *Algirinorum*.

*Graeca et Romana signa* marmorea pauca tantum ad nos delata sunt. In his memorabile foret caput colossus ex insula *Thera*, operis archaici, nisi temporum injuria mutilum foret. Est praeterea caput *Maximini* Imperatoris, ex insula *Melo*, in rudibus antiquae metropolis, prope locum *Castro*, inventum (Utrumque a ROTTIERISIO missum).

Item minutiora quaedam, in quibus *Serapidis* caput marmoreum (e *Museo Amstelodamensi*) et caput, quod Aethiopissae videtur, aeneum (donum EWYCKII).

Ad *monumenta Sepulcralia Graeca* accesserunt urnae quaedam marmoreae parvae, et cavae, ex insula *Delo*, alia una solida, et cippus cum inscriptione mulieris e ditione *Atheniensi*. (ROTTIERSIANA).

Ad *vasa Graeca picta* quaedam pulciora (ex *Amstelodamensi Museo*) quaedam minora (e dono STRATONI) item quaedam minoris momenti, nec tamen vulgata, et grandia adeo, ex insula *Melo* (ROTTIERSIANA) et tandem pulciora et rariora quaedam, partim cum anaglyphis fictilibus, *Volaterris* Etruriae effossa, (ab HUMBERTIO missa).

Ad *instrumenta et supellectilem* in primis commemoranda est *ara grandis* marmorea rotunda, ex insula *Melo*, bubulis capitibus et encarpis ornata, inter rudera eadem quae diximus effossa; *solarium* parvum, marmoreum *Atheniense*, et lamella aenea cum inscriptione defuncti, item *Athenis* (4) (ROTTIERSIANA). Praeterea vascula, caet., Romana (e *Museo Amstelodamensi* et aliunde).

(5) Postea III<sup>um</sup>. dixit, invento alio Rege *Thoutmoseos* nomine, aut cognomine.

(4) Cujusmodi aliquot exhibet DODWELL *Travels* II. p. 453, 457.

*Inscriptiones* quaedam Graecae sed mutilae ex Archipelago missae a ROTTIERO. In his una integra sed brevior ex urbe *Rhodo*, *Xenonis* ΝΑΪΜΙ F., Aradii, Jovi Σωτήρι posita (5).

*Monumenta Germanica* et *Septentrionalia* aucta sunt quibusdam discis fictilibus cuneisque, sive malleis lapideis Drenthanis, (ex *Amstelodamensi Museo*. Conf. *Notitia* anni superioris.

Inter *Architecturae* ornamenta referre solemus opera *Musiva*, cujus generis haud contemnendum exemplum, a ROTTIERO in insulâ *Melo* in ruderibus iisdem, ubi caput *Maximini* et ara Graeca, inventum, accepimus. Caput Bacchi adversum justae magnitudinis, circumdatum, distinctis locis, capitibus Moenadum, pantherâ, piscibus et limbis ornatoribus variis, ad 12 pedum fere longitudinem et latitudinem, Musivum hocce complebat. Quarum picturarum maxima pars, sed singulatim, ad nos delata est: reliqua perierunt, certe huc non pervenerunt. Opus bonae est aetatis, sed coloris multum adtriti.

Praeterea Musivi praestantissimi fragmentum (e *Museo Amstelodamensi*).

Quorsum etiam referimus (ex eodem Museo) parvam picturam parietariam, Herculaneis similem xenia et hortulos referentem, sed item valde detritam. Quo genere monumentorum, quod cis Alpes rarissimum est, adhuc carebamus.

Sed insignius ornamentum, *nova classis* monumentorum accessit, quae itidem cis Alpes vix occurrit, *Etrusca*. Urnas scilicet sex, quadratas, oblongas, anaglyphis ornatas, e lapide partim tophico, partim alabastrate, cum suis operculis, in quibus recumbunt defuncti, Etrusci operis, ad nos ex Italiâ misit HUMBERTIUS. Quarum una nomen defuncti habet, litteris Etruscis inscriptum, editumque a LANZIO (*Saggi de Lingua Etrusca* T. II. p. 277. n. 24. edit. secundae). Cujus classis haec initia magnificentiore Musco nuperrime emto anno Academico proximo augebuntur.

C. J. C. REUVENS.

(5) Haec a superioribus peregrinatoribus, viris celebribus, CLARKIO (*Travels* III. p. 285. ed. 8vo.) et J. HAMMERO, (*Topogr. Ansichten der Levante* p. 163. n. 14. Cf. *Tabula quarta*) non intellecta fuit, cum lapis inversus jaceret, et neuter nomina peregrina suspicaretur.





H E N R I C I C O C K

O R A T I O

D E

*JURIS PUBLICI UNIVERSALIS STUDIO, AD  
CIVITATIS PACEM OTIUMQUE FRUCTUO-  
SISSIMO,*

HABITA DIE VIII FEBRUARII MDCCCXXVI,

QUUM IN ACADEMIA LUGDUNO-BATAVA ORDINA-  
RIAM JURIS PROFESSIONEM SUSCIPERET.



---

**PERILLUSTRES HUIUS ACADEMIAE CURATORES!**

**RECTOR MAGNIFICE!**

**QUARUMVIS DISCIPLINARUM PROFESSORES CLARISSIMI!**

**QUI IN REGIONE LEIDENSI JURIDICUNDO PRAEESTIS, VIRI INTE-  
GERRIMI!**

**HUIUS URBIS MAGISTRATUS AMPLISSIMI!**

**RELIGIONIS INTERPRETES, VIRI SANCTISSIMI!**

( 4 )

**LECTORES PERITISSIMI!**

**QUARUMVIS DISCIPLINARUM DOCTORES ERUDITISSIMI!**

**BONARUM ARTIUM STUDIOSI, JUVENES LECTISSIMI!**

**CETERI LIBERALIS DOCTRINAE CULTORES ET FAUTORES, OMNIS  
ORDINIS AC LOCI, QUOTQUOT ADESTIS, EXOPTATISSIMI!**



**Vetus**

---

**V**etus opinio est, quae multorum sermone jam olim percrebuit, sed ea denuo recentissimis his multum decantata temporibus, civitatibus periculosam esse Juris Publici doctrinam. Hinc scilicet temeraria gigni feruntur vulgi judicia de Republica constituenda, quibus, velut contagione quadam, per omnes hominum ordines subinde propagatis civitatis pax et otium perturbantur, imperii fundamenta labefactantur ac societatis communis vincula convelluntur. Hinc adeo quibusdam ortae videntur mirabiles regnorum everisiones et innumerae, quas aetas nostra vidit, rerum perturbationes et tumultus. Hinc omnes denique manasse dicuntur dissensiones, quibus adhuc Europa agitata est.

Itaque videmus quosdam vel ad nomen hujus disciplinae exhorrescere neque levius quoddam malum eam arbitrari, quam disputatricem perniciosam et audacem, cujus fuga et expulsio communi populorum decreto sancienda sit. Neque est quod eam praecipitis judicii miremur iniquitatem. Cum enim, sub finem saeculi superioris, incredibilis illa parari coepisset Francici Regni conversio, quae cum sua magnitudine et novitate remotissimos etiam populos advertibat, tum et alios in ejusdem vicissitudinis societatem tractura videbatur, oculi omnium animique in Juris Publici disciplinam conversi sunt, tanquam certissimam Reipublicae cum constituendae tum regendae firmandaeque magistram. Sic autem alii quidem sincero publicis malis mendedi studio ducti, alii vero inconsulta quadam animi temeritate et attonitis



mentibus in nova quaevis ruentes, alii denique nefariam speculantes opportunitatem, dolis et fraudibus omnia miscendi, in nobilissimam hanc Jurisprudentialae partem, velut in vacuum possessionem, involarunt.

Cum autem moderata prudentiorum vox et consilia vesanis adversariorum clamoribus et insidiosa calliditate partim retusa essent partim elusa, incidit haec disciplina in ingenia furiosa, quae nullo rationis tanquam freno coercerentur, incidit in turbulentos homines, qui Reipublicae nomen utilitatibus suis obtenderent atque, ad evertendam societatem et humanitatis conjunctionem, juris et aequitatis uterentur jactatione. Qui cum sibi Juris Publici peritiam arrogassent et facili plebe literaria tenuissent, hominum vitia, ut fieri solet, ad ipsam artem traducta sunt eaque temeritatis et audaciae mater, dissensionum et turbarum opifex dici haberique coepit.

Cujus opinionis temeritas, condonanda illa quidem animis repentina malorum mole perterritis, ut tamen nec minus liberiori aliorum indignationi ignoscendum sit, cum etiam nunc multorum animis insideat, adeoque verendum sit, ne meliora quoque in eundem errorem inducat ingenia; huic quidem occurrendum ac praestantissimum hoc Juris Publici Universalis studium invidia liberandum est. Etenim ab hujus doctrina neque profecta sunt neque proficisci potuere, quibus aetas nostra laboravit, dissensiones ac tumultus, nisi forte quatenus aut non satis multum aut, aliis hominum rerumque vitiis, non recte fuit exulta, quo scilicet modo vel per ipsam religionem dissidia bellaque sata sunt, ut tamen ea doctrinae Christianae vitio non sint vertenda nec sanior quisquam omnes ideo religiones ex hominum genere tollendas esse censeat.

Immo vero magis etiam erga eam hac utamur aequitate quo minus ipsa in hominum perniciem converti potest. Etenim, haud scio, an nulla facile sit ars aut disciplina, qua publicae civitatum tranquillitati melius certiusque consulatur undeque utilitatis fructus in eam redundet uberior, quam ex ea doctrina, quae mutua Principum civiumque et jura et officia, justis quaeque descripta finibus, rationum praesidio munit firmissimo neque ea ex temeraria opinionum levitate aestimat, sed ex certi judicii diligentia et veritate.

Equidem ita semper existimavi eaque, de orationis argumento cogitanti, idonea mihi visa est materia, quam in hoc illustrissimorum hominum conventu explicarem uberius, praesertim cum illa examinanda, quam ipse viam  
et

et rationem docendi tenendam putem, simul significare ac declarare possim. Dicam igitur *de Juris Publici Universalis studio, ad Civitatis pacem otiumque fructuosissimo.*

Argumentum orationis de medio petatum in communi ac populari intellectu positum atque a doctrinae subtilitate est remotum, attamen neque ab hoc loco, neque a temporum conditione, neque a munere, quod auspico, alienum esse, censeo. In eo autem explicando, sine ira et studio ita versari conabimur, ut nec a veritate, neque ab obsequio et modestia recedamus, neque increpando, irridendo, lacescendo aliorum mentes exulceremus, sed, quid veri falsive hominum judiciis insit, candide et moderate doceamus.

Vos autem, Honoratissimi Auditores! ea, qua summa valetis, indulgentia et humanitate memet audiat nec tenuem novi oratoris mediocritatem ad exquisitam decessoris ubertatem, meos dicendi rivulos ad illius flumen orationis exigatis.

Quod a veteribus traditum est philosophis, nihil esse seu publice seu privatim utile, nec quidquam firmum ac stabile, nisi quod sit cum justitia conjunctum, id quam sit veritati consentaneum, cum alias saepe licet animadvertere, tum vero in Rerumpublicarum administratione luculenter cernitur: Etenim, quae variae sunt malorum publicorum caussae, varia, quibus civitates labefactantur, hominum rerumque vitia, si accuratius ea exquiramus, a justitiae neglectu et ignorance, tanquam a communi quodam fonte, manare videntur omnia. Uti autem ab eadem proficiscuntur caussa, ita et unum eorum est commune remedium, in accuratiori jurium et officiorum, quibus civitates devinctae sunt, cognitione positum.

Hoc autem cum universe verissimum est tum vero de turbis valet discordiisque civilibus. Quodsi enim primam earum originem et causam reputes, utut diversissimis saepe natae sunt opportunitatibus, aut ab ingeniorum errore et juris ignorantia aut ab improborum hominum malevolentia omnes profectae sunt. Qui autem ab ingeniorum errore tumultus oriuntur motusque civitatum, seu Principum imperitia seu inscitia subditorum iis ansam praeberit, ipsi meliorem ingeniorum eruditionem tanquam certissimam sibi medelam postulant. Qui vero nefariis malorum hominum conatibus adeoque vel factiosorum civium cupidi-

ta-

tate vel imperantium libidine et impotenti dominatione impetus excitantur et furores, ita tutissime retundi videntur ac refrenari, si de officiis juribusque socialibus inter varios civium ordines vulgata sint recta judicia. Haec autem unde nasci et propagari debeant, non video equidem, nisi ex hoc ipso Juris Publici Naturalis studio, quo subtiliores illae notiones sanaque praecepta de civitatum juribus et summa rerum legibus institutisque regenda, non ad opinionis temeritatem aut opinatam utilitatem, sed ad summam illam aeternamque juris normam dijudicantur. Itaque primum quidem idque certissimum adversus turbarum civilium fluctus atque procillas censemus praesidium, si, civitatibus qui praesunt, Principes aut magistratus ceterique majorum rerum administri nobilissimam hanc Juris Publici disciplinam cognitam animis et perspectam habeant. Qui scilicet ex eorum inscitia et erroribus ferax turbarum, conversionum omniumque malorum civilium proventus nascitur, sic intercipitur et vero tutae permansuraeque potentiae semina sparguntur laetissima.

Quodsi enim universe omnibus infinitae errandi caussae sunt et opportunitates, quae lubrica magis est, quam imperantium sors et conditio, quorum levitatem, inscitiam lapsusque et vitia continuo speculari, captare et in usus suos convertere solet grex adulatorum. Profecto, nisi firmis rationum principiis tanquam praesidio muniti sint, vix est ut insidias evadant, quibus cum a naturae debilitate tum ab hominum malitia sepiuntur undique. In maximo autem eo rerum discrimine firmiter, cui adnitantur, nullum est adminiculum praeter accuratae doctrinae constantiam et severitatem. Est enim propria haec cum omnis doctrinae, quae certis rationum principiis nititur, tum vero hujusce nostrae disciplinae vis et efficacia, ut, qui eam accuratius perceptam habeat, vix, nisi per summam animi levitatem et inconstantiam aut insignem malitiam, ab ejus praeceptis deflectat.

Hoc vero praesidium si deficiat, si Reges ac Principes quique loco, genere et auctoritate alios antecellunt summisque Reipublicae muneribus admoventur; nec, quomodo rebus recte utantur, bona institutione didicerint, nec, quid sit, quod dignitatem, honorem ac principatum contineat, perceperint; partim gravissimas Reipublicae administrandae curas inscite et infauste sustinent, partim bonos intelligentesque viros ab ejus administratione arcent ac remonent. Ita vero, quae summam rationis et judicii requirunt industriam

ac

ac fidem, arbitrio et libidini aut inconsultae permittuntur temeritati.

Uti autem accurata Juris Publici cognitio gravissimum ad civitatis tranquillitatem Principibus adfert praesidium, ita et egregium hinc iis accedit auctoritatis incrementum. Etenim quae vera est, non opinata quaedam et inanis eorum auctoritas, ea non a vi et potestate, sed a verecundia potius legumque reverentia proficiscitur, quibus semel extinctis nullum satis firmum imperii frenum est. Hujus autem reverentiae et parandae et confirmandae tuendaeque nullum efficacius est momentum, quam industria et fides rerumque agendarum peritia. Est enim ea, cum omnis excellentis doctrinae, tum vero interioris prudentiae civilis vis in animos, ut, in quibus ea cernatur, quamvis nec suspiciamus ceteroquia nec amemus eos, verecundia tamen et obsequio prosequamur. Quodsi vero in iis, qui civitati praesunt, principibus aut magistratibus justī injustique scientia et legum observantia, quaeque cum iis conjuncta est, recti decorique cura deprehenditur, vix est quin eos, de Republica bene merentes, parentum instar et colant omnes et diligant atque aequi justique studio, obsequio et fide cum eorum religione ac pietate certent. Ita vero Principes bene constitutam ac florentem habebunt Rempublicam rerumque statum, cui satis fidere possint, firmum ac stabilem. Ea si negligantur, nulla neque imperii fides est neque constantia.

Ex hoc quidem Juris Publici neglectu et ignoratione quot quantaque in civitatem redundant mala, quodnam illustrius afferri possit exemplum, quam superiorum in Francia temporum documenta? Omnibus nimirum et Regum et principum virorum curis ad ludicra quaevis aut muliebria studia conversis pravisque aulicarum artium ineptiis ad gravissima Regni negotia translatis, neglecta jacebant societatis civilis jura rectumque de iis judicium erat oblitteratum. Quae vero diu caecis meatibus cuniculos egerant, cum in apertum erupissent vitia, qui salutaris manus medelam afferre posset, nemo repertus est. Neque enim potuisset florentissimum opibus copiisque Regnum ad exitium praeceps ruere, si homines, qui nullam nisi sanguinis jactabant nobilitatem, bonis literis imbuti de Republica bene mereri et meritis peritiacque documentis aditum ad honores quaerere maluissent, quam, in summa bonorum studiorum ignorantia, industriae et virtutis praemia stirpis suae vindicare nobilitati. Ipse Rex, omni aulicorum grege melior et honestior,

B

non

non potuisset scelestissimorum hominum fraudibus circumventus regno exiri, nisi ejus studio et voluntati non modo defuissent provida nobilium consilia, sed et hominum rerumque usus et fructuosissima ad civitatis tranquillitatem juris publici cognitio.

Quodsi vero maxima sunt, quae principum error et imperitia tranquillitati publicae minantur incommoda, haud minora profecto a civium insecitia et Juris Publici ignorantia civitatibus imminet pericula. Uti autem ab eodem utraque fonte manant discrimina, sic et eandem utraque modellam flagitant, nempe juris illius, quo societatis civilis continetur conjunctio, accuratam cognitionem. Ea Principes prudentia validos auctoritate reddit graves, ac subditos ad obsequium efficit paratos, ad indulgentiam faciles.

Quemadmodum enim universe modestiam et obtemperacionem parit prudentia, ut adeo periti multoque rerum usu exercitati homines, in quibuscumque vitae muneribus sint collocati, facile obsequantur, cum ignari rudesque in arte tirones aegre contineantur imperio, quod in militia, in navigatione similibusque cernitur, sic etiam in societate civili, quo melius conjunctionis illius officia juraque perspecta habeant, eo magis obsequio faciles dictoque sunt obedientes. Neque vero est, quod eam hominum indolem animique rationem et habitum miremur. Omnes enim mortales insito quodam libertatis studio ducimur, quo, nisi ratio et consilium vetet aut vis prohibeat, aliorum imperiis obsistere, principatum detrectare nitimur. Insitum hoc a natura studium si non meliorem doctrinam velut magistram comitemque adjectam habeat, qua temperetur, ducatur, moderetur; vis potest, quin imperiis obnitantur homines iisque reluctentur vel in eam saltem adducantur opinionem, ut nullam, cur alius imperet, alius obediat, idoneam subesse causam existiment praeter vim et injuriam seu jus, quod dicitur, fortioris. Ea qui semel imbutus sit opinione, nec facile, nisi coactus, alteri obtemperet, nec ulla in re principatum ei tribuat. Sic autem naturalis quaedam adversus imperium oritur repugnatio ac turbarum, dissidiorum, tumultuum perpetua comparatur materia, atque, ubi primum oblata fuit occasio, molestum imperii frenum excutitur. Ita sapientissimo consilio nobis inditum ac velut divino beneficio nobis impertitum libertatis studium, quod ratione et doctrina moderatum omnis salutis ac felicitatis fru-

fructum tulisset uberrimum, in pessimam vertitur licentiam rerumque perturbationem.

At ex eodem hoc imperiis infesto naturae stimulo, si Juris Publici prudentia temperetur, egregium et auctoritatis praesidium imperantibus et obsequi amentiam accedit parentibus. Etenim si omnes noverint, non vi et injuria niti neque arbitrio et libidine contineri Principum auctoritatem, sed potius libertatis et aequabilitatis gratia constitutam totamque in illis tuendis esse positam; vix est ut ei invidiant aut refragentur. Quid, si nullam neque integram et sanam esse, neque stabilem et firmam felicitatem, nisi in societatis conjunctione, perspexerint, sed eam neque consistere, nec fructum ejus ullum esse, didicerint, nisi libertate sapienter temperata, ut angustis sui quisque commodi laqueis extricatus in commune consulat, publicam utilitatem privatae praeferat, quid, si leges ideo juraque condita, imperium constitutum eique formam datam esse, viderint; quod quidem totum hujus rei vinculum omnemque necessitudinem fidemque continet, imperium civile reputant sibi infestum censeant? Immo vero Juris Publici cognitione nec gravius est obedientiae momentum nec firmitus potestatis praesidium.

Ne quis autem ita censeat accuratum Juris Publici studium ab omnibus requiri cujuscumque sortis hominibus. Etenim si vel soli illi, quibus res publica privataque civium tractanda sit, interius illud perceperint, ceteri vero, quotquot honestiori loco nati liberaliter sint educati, degustaverint, manant inde serpuntque ad omnes hominum ordines recta judicia justisque principibus informata nascitur omnium vox et opinio publica. Nec magis est quod ita debitam iis, qui civitati praesunt, reverentiam minui eosve continuis subditorum calumniis et reprehensionibus objici patemur, quod Reipublicae constituendae regendaeque scientiam unusquisque sibi arroget deque Principum actionibus judicium sibiumat. Ipsum potius contrarium evenire dicendum est. Ut enim inscitia rerumque ignorantia impudentiam et temeritatem parit, sic interior percepta cognitio et doctrina facilitatem gignit, indulgentiam judicanque modestiam. Quid autem sapientibus bonisque Regibus aliisque summae rei moderatoribus accidere possit optatius, quam ut actionum sanarum doctos prudentesque nanciscantur existimatores, qui non ex opinionum temere susceptarum levitate vituperent laudentve, sed ex certi judicii diligentia et veritate iusto quaevis modo et pondere assulantur, nec in-

epta stolidaque principatûs invidia vel amore, sed certis et exploratis disciplinæ principiis ducantur? Omnino, si qua salus Rebuspublicis, si earum emendatio, si legum morumque, sine quibus legum nec vis nec fractus ullus est, a corruptelis liberatio, si de rebus, quibus imperiorum opes, populorum felicitas et splendor continetur, veriores notiones inter omnium ordinum homines sunt exspectandae, a Juris Publici scientia salubribusque sapientiae civilis praeceptis sperandae sunt. Contra vero a subditorum inscitia et stupore ignoratisque vitae socialis juribus nil nisi tumultus, dissidia turbaeque manant, omniumque omnino calamitatum seges succrescit teterrima.

Docet hoc omnium temporum historia, docuit recentî memoria datum in Francia documentum, ubi melioris doctrinae rudis et ignara multitudo falsâ, quam sectabatur, libertatis imagine decepta in perditissimam popularis imperii licentiam prorupit. Quae scilicet justa libertas omnium plenissima securitate et a metu vacuitate ac firmo, cum ad civium injuriam tum ad vim extraneam, continetur praesidio, nec uni cuidam imperii formulae adstricta est, sed a legum majestate, juris aequabilitate et sapienter administrata, nec in unius vel paucorum utilitatem, sed in omnium salutem, constituta, proficiscitur Republica, ex quocumque tandem genere, sive regali, sive optimo, sive populari, sive e tribus hisce generibus modice confusis ea sit comparata, illam in solo collocantes populari imperio, id unice cogitabant, id appetebant omnesque attonitis mentibus ad nova rerum exordia ruebant. Incepto quidem isto nihil aut dici aut cogitari poterat stolidius. Etenim qua tandem ratione in magno populo, diuturnae servituti assuefacto nec ullis virtutibus civilibus imbuto, popularem libertatem asseras, aut, si asserueris, qui non eam, ab ipso statim ortu, praecipiti lapsu in dominationem omnium teterrimam verti necesse sit? Ea quo tandem essent ductura, prudentiores facile praevidebant. Sed *quem tum vates Cassandra moveret?* Vanis opinionum praestigiis obstupefacta multitudo fallacibus rerum nominibus, quas nec intelligebat nec intelligere valebat, misere sibi illudebat. Quodsi meliora de civitatis indole et ratione deque forma ejus et descriptione vulgata fuissent inter Francos judicia, haud scio, an nunquam funditus facta fuisset regni conversio ac tot tantisque fortunae casibus jactati fuissent Europae populi.

Videtis, Auditores! quantum sit quamque tutum Juris Publici praesidium  
ad-

adversus eas, quas error et inscitia civitatibus minantur, dissensiones ac tumultus. Quodsi par ejus contra libidinem et ambitionem est vis et efficacia, vix est, quod gravius ullum ad civitatis tranquillitatem momentum habeatur.

In ea autem examinanda quaestione altera pars argumenti nostri versabitur.

Quibus scilicet dissidiorum, ab hominum malitia natorum, sementis fructusque continetur praecipuus, vel imperantium vis et cupiditas, vel factionum hominum fraus et insidiae, nulla re magis inhibentur, quam justis civium de Republica notionibus rectoque judicio. Vetus effatum est idque ita pervulgatum, ut jam proverbii locum obtineat, proprium quemdam et naturalem cuius potestati inesse nisum, quo semet exserere finesque latius proferre studeat. Est ea velut insita quaedam naturae vis, quam vel in minimis rebus experimur quotidie inque civitatis administratione et summis Reipublicae negotiis maxime cernimus. Neque ea peculiari cuidam certaeque regiminis adhaeret formae, sed eadem in populari Republica pariter ac in regno deprehenditur aut optimatum imperio. Hinc vel apud ipsos Romanos, gentem libertatis amore nobilissimam, perpetua illa Patres inter Plebemque dissidia. Hinc apud recentiores Europae populos eadem haec imperii proclivis ad amplificationem vis et propensio. Hinc velut continua regnantes inter et parentes contentio, illis quidem imperii nervos intendere nitentibus, his vero assidue reluctantibus.

Quo magis autem isti proprio cuius potestati studio semet explicandi indulgeatur, quoque majora capiat auctoritatis incrementa, ita non expletur, sed alitur potius, crescitque et augetur, ut adeo, nisi rationis temperamento mitigetur, in effrenem facile dominationis abeat libidinem.

Sed ad continendos motus affectuum, cupiditatis vim et impetum, nec solum satis firmum rationis frenum est, neque ea gentis ullius felicitas, ea fortuna est, qua Principes omnes aut magistratus, omnes eorum administri ita perpetua ducantur modestia et aequitate, ut a recto tramite nunquam deflectant, nec justos imperii fines unquam egrediantur. Quae cum ita sese habeant, validum adversus imperantium libidinem munimentum opus est, quo, velut mole quadam opposita, tumentes imperii fluctus compescantur, ne latius evagentur.



Quod cum facile perspexissent populi, mature jam varia imperii intra limites continendi momenta requirere coeperunt atque alii quidem alia sibi adsciverunt, prudentiores in eo maxime collocarunt, ut varia summae potestatis membra, varias partes sic distribuerent, ut altera alteri velut opposita eam compesceret, nulla praeponderaret, ex mutua vero singularum inter se repugnantia efficacissimus ad civitatis tranquillitatem nasceretur omnium concentus et amica conspiratio. Hinc apud Spartanos Ephori, apud Romanos Tribuni Plebis nati sunt. Hinc apud Anglos Parliamenti tanta vis et auctoritas. Hinc regno jura finita, imperiis formulae scriptae sunt. Hinc denique, nostra aetate, monarchiae legibus institutisque temperatae tantum exstitit per totam Europam desiderium.

Verum etsi egregia quidem ista per se sint instituta eaque ad Reipublicae quietem fructuosissima, attamen, nisi altius, quo nitantur, fundamentum subjectum habeant, lubrica sunt et ambigua ac, pro cujusque cupiditate, in omnes conatus facile convertenda. At solidissimum stabilissimumque fundamentum praebet publica civium vox et opinio, qua si fulta sint instituta civilia, vi nulla convelluntur. Sed ea, nisi a certis doctrinae principiis et explorata juriū officiorumque socialium cognitione proficiantur, nec bonum a malo, nec inanem rerum speciem a naturae veritate valet discernere, proque tanto iudicii delectu, inconsultam arbitrii levitatem exhibet. Haec autem doctrinae praecepta, hanc rerum socialium notitiam nulla uberius quam Juris Publici disciplina suppeditat, qua si omnes imbuti sint, nec facile quidquam, quo justitia violetur ac civitatis pax et otium periclitetur, seu vi seu dolo molantur, qui forte Reipublicae praesint, mali maleve consulti Principes aut magistratus aut Principum administri nec, si quid forte moliti sint, communis opinionis adversante suffragio, perferre valeant. Quid multa? Per civitatem longe lateque diffusa Juris Publici notitia eaque mixta civium vox et voluntas et opinio publica, cum ad imperantium moderationem et aequitatem gravissimum, tum ad arcendas turbas a dominationis libidine protectas efficacissimum habent momentum.

Quod si exemplis declarandum esset, luculentum nobis Anglia referret documentum, ubi Juris Publici, non universalis quidem illius, sed proprii tamen Anglici per omnes hominum sortes sic est vulgata multoque nonnumquam decursu roborata velut ac radicata scientia, indeque progata populi de Re-

publica mens et opilio, ut apud omnes adeo sententia valeat: nec quidquam nisi bene facere posse Regem nec mali multum ab ejus administris esse metendum, quippe qui unanimi civium voci ex accurata jurium officiorumque notitia natae sese obsistere non posse, noverint, idque si conentur, paratam sibi ruinam videant. Istā vero quae sit beator Regis conditio, quae gratior illa civium securitas?

Sed restat, quam in ultimum orationis locum servavimus, uberrima dis-sensionum et turbarum, ab hominum malevolentia profectarum, materia, factiosorum hominum cupiditas pravaque ambitio. Quam si intelligenti Juris Publici cognitione diligentique studio vel tolli plane vel contineri certe docuerimus, non est, quod amplius de summa hujus praestantia egregiaque ejus efficacitate ad pacatam Reipublicae incolumitatem possit ambigi.

Est ea communis fere civitatis cujusque ratio, ut raro desint, qui, praesenti rerum statu parum contenti, res novas, si non expetant, certe non admodum extimescant. Nec mirum. Quodsi enim plerique vel privatae sortis iniquitatem conqueruntur, cujus tamen sibi ipsi quisque praecipuus est opifex, qui tandem publica civitatis conditio placeat omnibus, quam saepius insciis plerisque vel et improbantibus quandoque alienum parat arbitrium, ut adeo nec auctor appareat, nec causa perspiciatur. Quia etsi vel maxima rerum prudentia summoque consilio regantur omnia, vix ea tamen aliī civitati continget felicitas, ut ad votum aequae satisfactum sit omnibus. Obstant enim hominum cum alia multa vitia, tum vero mentis inscitia et ambitionis cupiditas, quae quidem sunt offensionis causae potissimae. Ut enim in administranda Republica infinita peraguntur negotia, quorum consilia vulgus latent quorumque, prae mentis angustis, exitum omnes assequi nequeunt, multa quoque in communem utilitatem cum aliquo, seu vero seu opinato, quorundam incommodo salubriter constituentur, ita non potest, quin facile in transversum rapiatur inconsultae multitudinis iudicium. Accedit fastidiosa cavillatorum ineptia politica garrientium et gravissimas Reipublicae curas nescuto modulo suo metientium. Ita latius in dies serpsit opinionum temeritas. Est enim ea communis hominum ratio, ut, quo magis ad se quaeque pertinere credant, eo plus in illis sapere sibi videantur. Ita vero facilis igni concipiendo materia confertur, quae, si fomite subjecto concitetur, mox in apertum erumpit incendium. Sed causa parata non est quod deficiat oportu-

tunitas, quam infinitam misera praebet ambitio, opum honorumque prava cupiditas et factiosorum hominum impudentia, dolus, nequitia. Neque enim in ulla unquam civitate desunt, quibus mala abunde omnia sunt, sed neque res neque spes bona ulla.

Horum autem quae mirum in modum stimulet audaciam, tristis est rerum experientia, in populari turba, nefariis quibusvis artibus partem a perditissimo quovis fortunam, sedata tempestate, resipiscente populo, multo facilius obtineri, quam pacata rerum conditione primum parari. Tales itaque dicto scriptoque sophistarum artibus et laqueis hominum animos irretire, suspiciones, metum, invidiam serere, imperantibus irasci, insidiari, propria in eos flagitia transferre, famam eorum ac dignitatem arrodere. Ita odio in primores concitato, indigentissimis ac deterrimis e plebe in partes allectis, multitudini palpare, blandiri, magnifica quaevis promittere populumque escae turpiter hamoque inhiantem deludere, tandemque, bonis omnibus fugatis, factione, scelere, furore cuncta miscere. Quo si deventum sit, jam actum est de Republica.

Sed impios horum conatus qua tandem ratione cohibeas? Eosne legum minis aut imperii vi refrenari posse censeas, quas ipsas evertere nituntur, quarumque velut repagulis perfractis non impunitas solum sceleris sed praemia iis expugnanda sunt.

Immo vero, neque his opus est nec aliis ullis auxiliis, si a Jure Publico cives instructi sint, nec in officii parte gravissima, quae prima populo cuius civique deberet esse cognita, et factiosorum hominum astutia et improbitate pendeant, sed accuratam doctrinam ducem vitaeque magistram habeant. Ita seditionum ipsa materia subducitur, cupiditatis telum obtunditur. Quid enim vel seditiosissimus quisque moveat, cui socios nullos sperare liceat? Hos autem unde arcessat, si, quid cogitet, quid paret, quoque omnes ejus conatus exituri sint, cuncti perspiciant; aut, si tamen moliri non desinat, quid solus quaeso perficiat?

Omnino, ex intelligenti juriſſum officiorumque socialium cognitione omnis apta nexaque est civitatis pax et tranquillitas, eaque deficiente vacillat omnis, claudicat et *incedit quasi per ignes suppositos cineri doloso*.

Profecto si libera plenaque, sed eadem casta prudensque, inter Francos, vul-

vulgata fuisset Juris Publici doctrina, aut nulla contigisset unquam regni conversio, aut certe non eo processisset insaniae.

Quis enim peritior unquam fidem adhibuisset libertatis praeconibus oris libertatem ferro vindicantibus, ut ne hiscere quidem liceret ad deplorandam Patriae servitutem? Quid, quod, non linguae modo, verum et animorum iudiciis frenum injicere volebant tacitosque sensus suppliciis afficiebant. Quis quaeso, qui saniora doctrinae praecepta vel summis degustasset labiis, ea sibi illudi passus fuisset aequalitate, qua, non solum natalium, fortunarum morumque honestas omnis, sed vel ipsa cultus humanitatisque umbra levissima, in atrocissimis flagitiis numerata, suppliciis vindicaretur, summum locum tenentibus, qui, ex infimis progressi vitae fortunaeque sordibus, nulla rerum scientia usuque instructi, sed audacia, temeritate, scelere alios essent antegressi, lingua prompti, criminosi, vociferatores? His qui tandem ingenuus generosusque sensus ullus inesse poterat? Sed justis doctrinae principiis oblitteratis, vesana regnabat amentia.

In iis autem civitatum tenebris, in tanta rerum caligine, quo tandem confugas, nisi ad illius lumen disciplinae, quae turbis civilibus, sive ab ingeniorum errore sive ab hominum malitia concitatis, unum omnium saluber-  
rimum adfert remedium, quae firmum addit robur Principibus, quae subditis tutelam praebet certissimam rebusque trepidis et afflictis est sacra velut ancora legitimae potestatis?

Felix itaque Patria, unde tanta tamque praeclara disciplina, una vitae civilis dux et magistra fidissima, non solum non exulat, sed quae peregrina tyrannide fugatam ipsa sibi reddita confestim revocavit amplissimoque honoris et dignitatis gradu collocavit! Felix Belgium, cui inconcussum tutae tranquillaeque pacis columen spondet paternus Augusti Regis in cives animus, horumque in Regem intemerata pietas!

Felix, Optime Rex, Patriae Pater, qui Nassavicae Domus hereditaria de Belgis merita sic propriis cumulasti virtutibus!

---

Verum alia restant, quae hujus diei solemnitas, quae pietas, religio fidesque postulant. Sanctissimum restat officium, ut publice gratias Vobis  
C agam,

agam; Illustres Musarum nostrarum Praesides! quod Vestra auctoritate Vestraque apud Augustum Regem commendatione eam mihi parastis provinciam, qua nulla nec ad ingenium meum suavior nec ad studiorum opportunitatem contingere potuisset uberior. Sed hoc ipsum dum facere aggredior, subeunt animum curae cogitationesque contrariae, quibus; ut novi honoris accessione non mediocriter laetatur, ita suscepti muneris gravitate sollicitatur. Nam in qua tandem Academia collocatus, aut cui suffectus sum? Nempe in ea universitate literaria, quae omnes alias splendore et celebritate aut superat aut aequat, quae eam ipsam celebritatem; cum aliis caussis aliisque summis viris, tum etiam KEMPERI famae doctrinaeque debet ejusque egregiis in Jurisprudentiam et in Patriam universam meritis. In ea autem Academia tali tantoque succedens viro, quis est qui non trepidet et confundatur? Quid, quod ex amicorum sinu atque ex ea urbe migrandum fuit, ubi altus, doctus sum et institutus, ubi gens, ubi domus adest honesteque mea delitescibat mediocritas? Haec eadem in prima deliberatione statim occurrebant, sed, ut in eas, quas secutus sum, partes discederem, cum alia movebant multa, inter quae et urbis opportunitas et Academiae fama, tum vero maxime honorifici Vestri de me iudicii vis et auctoritas. Equidem, quam sapientia Vestra fretus stationem suscipio, eam pro modulo meo tueri non desinam, quoque minus ingenio possum, subsidio diligentiam mihi comparabo.

Vos autem cum intueor, divinae humanaeque sapientiae Professores Clarissimi! majorine voluptate perfundar an verecundia, nescio. Voluptate quidem, qui jucundissima collegii necessitudine cum praestantissimis conjungor viris, quorum cumulata laude nomina summâ dudum admiratione prosecutus sum. Verecundia vero, si reputo, quantum tenuitati meae ad Vestram desit cum doctrinae copiam tum ingenii ubertatem.

Morte Vobis ereptus est KEMPERUS, vir doctrinae magnitudine et immortalibus in Rempublicam beneficiis meritissimus, sed idem ab animi benevolentia et candore pari cum humanitate conjuncto Vobis commendatissimus. Cujus reliquas virtutes si minus Vobis praestare possum, certe humanitatem et candorem praestabo. Scio, quid meritis Vestris, quid actati debeam, nec ullum officii genus, quo Vos mihi devincere possim, temere praetermittam.

Vos denique, bonarum artium Studiosi! Juvenes Lectissimi, non multis

ver-

verbis rogandi estis, qui me, paullo diutius in his studiis versatum, libenti animo commilitonem accipiat. Etenim et aetatis ratio et studiorum communio naturalem quandam Vobiscum mihi conciliare videntur societatem; non eam ad professoriam gravitatem sed ad mutuum amicitiae et familiaritatis usum compositam. A morosa quippe magistri severitate aetas mea pariter et ingenium abhorrent et, ipse liberali usus institutione, experiundo cognovi, quantum ad studiorum fructum docentis cum discentibus familiaris et amica consuetudo valeat.

Vos praesertim, quibuscum arctius me conjungit delata provincia, Jurisprudentiae Studiosi! vidistis, quantum intelligens Juris Publici studium ad Reipublicae tranquillitatem, salutem, felicitatem sit fructuosum. Omni cura, omni cogitatione in illud incumbamus idque studeamus, ut recti, justi decorique sensu molliore nostro aspera mitigemus aliorum ingenia, iras et odia placemus judiciorumque nostrorum aequitate alios, non nisi exilia, caedes et incendia crepantes, ad aequitatem et clementiam revocemus. Ita cum studiis nostris, cum Academia, cum universis adeo Patriae fortunis actum praeclare fuerit.

D I X I.



1. The first part of the document is a list of the names of the persons who have been appointed to the various positions of the Board of Directors of the Corporation.

2. The second part of the document is a list of the names of the persons who have been appointed to the various positions of the Board of Directors of the Corporation.

3. The third part of the document is a list of the names of the persons who have been appointed to the various positions of the Board of Directors of the Corporation.

4. The fourth part of the document is a list of the names of the persons who have been appointed to the various positions of the Board of Directors of the Corporation.

5. The fifth part of the document is a list of the names of the persons who have been appointed to the various positions of the Board of Directors of the Corporation.

6. The sixth part of the document is a list of the names of the persons who have been appointed to the various positions of the Board of Directors of the Corporation.

7. The seventh part of the document is a list of the names of the persons who have been appointed to the various positions of the Board of Directors of the Corporation.

8. The eighth part of the document is a list of the names of the persons who have been appointed to the various positions of the Board of Directors of the Corporation.

9. The ninth part of the document is a list of the names of the persons who have been appointed to the various positions of the Board of Directors of the Corporation.

10. The tenth part of the document is a list of the names of the persons who have been appointed to the various positions of the Board of Directors of the Corporation.

11. The eleventh part of the document is a list of the names of the persons who have been appointed to the various positions of the Board of Directors of the Corporation.

12. The twelfth part of the document is a list of the names of the persons who have been appointed to the various positions of the Board of Directors of the Corporation.

13. The thirteenth part of the document is a list of the names of the persons who have been appointed to the various positions of the Board of Directors of the Corporation.

14. The fourteenth part of the document is a list of the names of the persons who have been appointed to the various positions of the Board of Directors of the Corporation.

15. The fifteenth part of the document is a list of the names of the persons who have been appointed to the various positions of the Board of Directors of the Corporation.

16. The sixteenth part of the document is a list of the names of the persons who have been appointed to the various positions of the Board of Directors of the Corporation.

17. The seventeenth part of the document is a list of the names of the persons who have been appointed to the various positions of the Board of Directors of the Corporation.

J A N I   V A N   D E R   H O E V E N

O R A T I O

D E

*DILIGENTI VERITATIS STUDIO PRAECIPUA  
NATURAE INTERPRETIS DOTE.*

QUAM PUBLICE HABUIT DIE XXIX. APRILIS MDCCCXXVI,

CUM PROFESSIONEM SCIENTIARUM MATHEMATICARUM  
ET PHYSICARUM EXTRAORDINARIAM IN ACADEMIA  
LUGDUNO-BATAVA SOLENNI RITU AUSPICA-  
RETUR.





---

**PERILLUSTRES HUIUS ACADEMIAE CURATORES!**

**RECTOR MAGNIFICE!**

**QUI JURI DICUNDO PRAEESTIS, VIRI GRAVISSIMI, INTEGERRIMI!**

**CIVITATIS CONSUL ET SENATORES, QUIQUE HIS AB ACTIS ESTIS, VIRI AMPLISSIMI, SPECTATISSIMI!**

**QUARUMVIS DISCIPLINARUM PROFESSORES CLARISSIMI!**

**ARTIUM ET LINGUARUM LECTORES PERITISSIMI!**

**DIVINORUM ORACULORUM INTERPRETES, PLURIMUM VENERANDI!**

**A 2**

**AR-**

( 4 )

ARTIUM ET SCIENTIARUM DOCTORES CONSULTISSIMI,  
ERUDITISSIMI!

HUJUS ACADEMIAE CIVES, COMMILITONES ORNATISSIMI!

QUOTQUOT DENIQUE ADESTIS, CUJUSCUMQUE LOCI, OR-  
DINIS ET DIGNITATIS, AUDITORES HUMANISSIMI, EX-  
OPTATISSIMI!



Tan-

Tantum esse, Cicero ait, innatum in nobis cognitionis amorem et scientiae, ut nemo dubitare possit quin ad eas res hominum natura nullo emolumento invitata rapiatur. Quod quam recte Tullius dixerit videmus profecto cum in puerorum vitas tamquam in speculum inspicimus. Hos enim ita delectari animadvertimus rerum gestarum narratione ac naturae contemplatione ut cum incredibili quadam scientiae siti natum esse hominem diceres! Neque, cum ad ejusmodi investigationem animum adjungunt, utilitatis cujusdam cogitatione alliciuntur, sed ipso cognoscendi impelluntur desiderio. Si enim non nisi perspecto ac veluti oblato disciplinae usu ad scientias addiscendas impelli aut possunt aut debent, verendum profecto est ne nihil discant. Quis ignorat pueri, qui aliqua judicii facilitate gaudent, ubi matheseos aptum ducem nacti sunt, quam mirifice delectari soleant figurarum proprietatibus et propositionum demonstrationibus? Quantopere eorum agitetur animus, quanto gaudio perfundatur ubi quid sit verum subtili hac arte invenerint? Est tamen illarum rerum usus ut uberrimus, ita ab illo demum percipiendus, qui omnium disciplinae partium nexum et multiplicis artis formam veluti animo complexus sit. Ad hanc vero scientiae praestantiam pauci sunt, qui perveniant; et tamen didicisse vel primas lineas prodest. Quod cum ita sit in ea scientia, quae plerisque jure an injuria (id enim nunc non quaerimus) minimum oblectationis habere videtur, quid de reliquis censendum est, quae vulgo et faciliores et amoeniores habentur? Dubitari igitur non potest quin cognitionis sit insitus

nobis amor, quem in quibusdam hominibus iisdemque generis humani ornamentis maximis tantum deprehendimus ut nullo impedimento deterreantur et cum summis curis et laboribus compensent, quam ex discendo capiunt voluptatem.

Hunc vero scientiae amorem quemadmodum multa sunt quae alere et acuerre possunt sic etiam prava iubentium praecepta reprimere et tandem extinguere posse praesertim in teneris aetatulis non est quod moneam. Est genus hominum, qui semper de artium scientiarumque utilitate, deque pretio quod iis statuendum sit mercatorum more disputant. Hi quidem medicinam et juris scientiam utiles esse arbitrantur, dignasque quibus addiscendis studium operamque impendant, de physicis vero disciplinis deque litteris, quae ab humanitate nomen habent, iniquius sentiunt. Fatentur tamen in physicis disciplinis (nam de litteris dicere mearum non est partium) loca quaedam neque omni carere utilitate neque prorsus spernenda esse; est enim in arte nautica, in mechanica, in hydraulica, est in chemia, quae applicata dicitur, quo in vita communi utantur homines; neque omnem rerum naturalium investigationem contemnunt: multis enim plantis culina, pluribus etiam pharmacopaea eget, et utimur equorum viribus, vaccarum lacte, ovium vellerebus. Botanicam igitur quamdam coquorum et pharmacopolarum, paucorum quorundam, quae ad macellum deferuntur, animalium domesticorum scientiam laudant; reliquas vero amplissimae naturae partes ne teruncii quidem faciunt, et mirari non desinunt esse homines tam stultos atque ineptos, qui hisce studiis rerum naturalium sese addicant, iisque inhaerescant. Horum sermonibus cum fieri nequeat quin saepe intersint pueri, tandem et recte sentire illos vituperatores opinari incipiunt et studia illa, quorum utilitatem nullam vident, derelinquere.

Nolite putare A. A. me hac hora historiae naturalis patrocinium suscepturum esse, aut de ejus praestantia verba facturum. Quo enim haec studia mihi laude digniora videntur, eo magis me ab iis laudandis deterret meae me tenuitatis conscientia. Verum hoc dico, si vera est horum, quorum vocem audivimus, vituperatorum sententia veluti mercium pretium auro sic scientiarum praestantiam utilitate dijudicari, hunc esse studiorum finem ut commodis nostris inserviamus, vitam jucundiores efficiamus, divitias ex illis exigamus; haec igitur si ita sunt, non de litteris tantum aut physicis disciplinis sed de omnibus scien-

scientiis, de liberalibus artibus, deque ipsa humanitate desperandum esse. Non negamus magnas e scientiis artibusque hominibus natas esse et quotidie etiam nunc nasci utilitates; his vero dirigendas, ex his dijudicandas esse scientias hoc est quod negamus. Videant igitur quorsum tendat oratio! Positis omnium disciplinarum in utilitate fundamentis, non possumus ullam aut tueri aut retinere scientiam; omnia vacillent labentque necesse est. Nam uti pulchri bonique sensus ita studium veri generi humano a Deo tributum est, et quem ad modum poëtae, sculptores, pictores, musici, nulla utilitate oblata, pulchrum sequuntur; ut ii, qui morum emendatione et virtutem cultu vitam humanam dirigunt, omnia ad summum bonum referunt, ita etiam scientiarum cultores veri amore ducuntur, neque alium scientiae fructum praeter scientiam quaerunt. Is enim optimus est et plurimum laudari solet scientiarum cultor, qui veri amorem excultum habet maxime inque vero inveniendo maxima utitur industria, constantia, fortitudine!

Uti autem quaevis scientia magnum requirit in cultore suo veritatis amorem, sic historia naturalis mihi videtur eundem postulare maximum. Cum enim scientia naturae ejusmodi sit ut ampliorem vix inveneris investigationi campum, postulat ab eo qui ei nomen dedit maximam constantiam, ne tanta rerum copia et ubertate mentis acies defatigetur ac veluti hebescat; cum vero nullis emolumentis aut praemiis, quae vulgo in pretio habentur, ad se invitare cultores suos natura soleat, quodnam veritatis studium in iis inesse censeatis, qui hac nullo moti invitamento praeter ipsum studii ardorem expetenda esse arbitrantur?

Non alienum igitur ab hoc quod auspikor honorifico munere neque ab hac dicendi opportunitate mihi visum est paucis disputare de *diligenti veritatis studio praecipua naturae interpretis dote*. Tritum fateor et tralatitium argumentum; neque nos ii sumus a quibus in hac doctrinae inopia, in hac ingenii mediocritate inauditi aut etiam exquisiti quid possit exspectari. Eo tamen consilio argumentum elegimus, ut paucis ostendamus quantopere in tractanda historia naturali conducatur, quamque aptum reddat hujus cultorem ad omnes sui officii partes exsequendas et adimplendas, cogitatio studia sua nulla alia re nisi veritatis amore esse dirigenda atque hoc uno fundamento niti debere! Me vero juvenem dicendi imperitum, commotum hac hora spe, metu, gau-

gaudio; conturbatum hujus loci amplitudine, horum clarissimorum et doctissimorum hominum dignitate, benigne et attente A. A, uti instituistis, audiatis.

Duplicem esse evidentiam aliam mathematicam, moralem aliam docent dialectici; hujus vero generis est illa ad quam in rerum naturalium interpretatione pervenire possumus. Cujus tres veluti fontes sunt, sensus corporis, fides, conjectura. Atque sensibus quidem, ut de his primo loco dicamus, interna animi persuasionem eam auctoritatem adscribimus, ut notiones, quas eorum ope de rebus extra nos positis accepimus, veras habeamus, id est cum rebus ipsis consentientes. De hac sensuum veritate diu multumque disputatum est, qualesque res ipsae sint, quarum nos sensuum ope non nisi imagines quasdam accipimus, quaesitum, ita ut multi sintne omnino res externae dubitaverint. Hanc vero dubitandi artem et disputandi subtilitatem otiosorum quidem hominum esse putaverim, sed ab historiae naturalis cultore remotissimam. Hic enim ubi ejusmodi notiones nactus est, quas probet reliquorum hominum sensibus et sanis et diligenter utentium consensus nihil ultra requirit. Tanta cum sit notionum, quas hac ratione comparare possit copia, ubertas, varietas, nolite putare A. A. ei in summa hac vitae brevitate satis ad istas disputationes otii superesse! Iis vero ipsis, qui vel maxime in disserendo et dubitando de sensuum fide occupati fuerint, fatendum tamen est sese ad veritatem non transversum, ut ajunt, digitum accessisse. Hos igitur scepticos ut desperatos quosdam relinquamus. Nam neque veritatem quaesituros, nisi quibus persuasum sit quod ea reperiri queat ullos putaverim, neque posse, sensuum testimonio sublato, naturae vel cogitari interpretem.

Cum observationes tum experimenta hoc de quo diximus sensuum testimonio nituntur. Et quamquam in aliis physicis disciplinis major sit quam in historia naturali experimentorum et crebrior usus, errant tamen qui solis observationibus confineri hanc scientiam arbitrantur. Cum enim non descriptio tantum verum etiam cognitio rerum naturalium ad perfectam earum historiam requiratur, quis est quin videat neque chemia carere mineralium perscrutatorum,

rem, neque physiologia botanicum aut zoologum posse? In physiologia autem saepius experimentis opus est, ne de chemia nunc loquar, quam totam experimentis contineri jure dixit Cuvierius. Quamnam igitur ad disciplinam ea referenda sunt, quae de foliis plantarum Bonnetus, de modo quo vegetabilia et crescunt et nutriuntur Saussurius, de eorum vita et illa, qua afficiuntur a stimulis et irritantur facultate, noster quondam Brugmansius, illustris Humboldtius aliique experimentis et investigarunt et aperuerunt? Quae omnia nisi ad historiam naturalem pertinere putas, vereor ne nobis scientiae loco steriles quosdam rerum naturalium indices relinquant!

In observationibus autem, ut de his potissimum dicamus, multa sunt quae a diligenti veritatis studio profisciscuntur officia. Non enim sufficit, quod naturae est, sensus nostros sanos esse et valentes, oportet etiam, quod artis est, ut exercitati sint et multo atque assiduo observandi labore veluti edocti. Nullis etiam careat naturae observator vel auxiliis vel adminiculis, quae ad sensus adjuvandos callida ars excogitavit. Dein magna sit in omni observatore et animi patientia et exercitationis assiduitas. Praeclare enim Seneca, quidquid voles, inquit, quale sit, scire, tempori trade; nihil diligenter in fluctu cernitur. Qua in re exemplo nobis sit is, quem modo dixi, Bonnetus, qui per duodecim annos indagationi suae de foliis sese tradidit totum. Miramur insectorum subtilem fabricam, nervorum in iis divisionem multiplicem, musculorum incredibilem parvitatem, ingentem numerum! Justa sane haec admiratio est! Verum quidni etiam miremur Swammerdamii, Lyonneti aliorumque in his perscrutandis patientiam et improbum paene dixerim laborem? Atque Swammerdamium cum dico, recordari juvat, quae de illo annotavit Boerhaavius, magnus profecto magni viri laudator. Hic vero Swammerdamium operi de apibus sic incubuisse scribit, ut penitus inde esset defectus viribus, neque illum postea vigoris pristini vel vestigia unquam habuisse. » Indagandi labor supra humanus. Observandi cura interdiu sine ulla remissione. Noctu opus erat describere et delineare visa interdiu. A sexta matutina tempore aestivo incipiebat sat lucis a sole accipere ut posset oculis subtilitates rerum assequi. Occupabatur ad meridiem in pleno die, capite nudo ne lucem impediret, in ipso solis aperto lumine, ut caput perpetuo profusissimis sudoribus prae aestu diffunderet. Oculi autem, tanta utentes luce et microscopiis praeterea adjuti, ita hebesce-



bant, ut, decedente post medium diem sole, non posset acute cernere corpuscula examinanda, quamvis jam lucem haberet aequae splendentem quam ante-meridiano tempore." En praeclarum indefessi et strenui naturae cultoris exemplum! Hunc diu vixisse arbitramur, quamvis eum in ipso aetatis flore, tertium et quadragesimum annum agentem, mors oppresserit. Horae quidem cedunt et dies et menses et anni, sed manent, quae labore, studio et recte factis consecutus sis!

Eis vero, quae huc usque disputavimus, satis declaratum esse putamus, quanta assiduitas in observanda natura requiratur. Sed et alia sunt, quae a strenuo naturae observatore eodemque veritatis amatore diligenti exposcimus. Sit enim ab omni praejudicata opinione remotus, et rationem sequatur, neque phantasia duci sese patiat. Sunt enim, qui in natura praeternaturalia praesertim quaerant, quibusque nihil, nisi quod mirum sit, attentione magnopere dignum esse videatur. Quae insania quanta pepererit monstra noverunt omnes, qui in historia anatomiae, physiologiae aliarumque disciplinarum physicarum non prorsus hospites sunt!

Multa sunt praejudicatarum opinionum genera et omnia persequi longum est. Unam autem sententiam, cum sit pervulgata, paucis memorandam esse arbitramur. Quibusdam scilicet nonnulla in rerum natura tam parva tamque vilia esse videntur, ut nugatorii quid istorum indagationem atque inanis habere censeant. Qua opinione quid magis aut temerarium potest aut superbum excogitari? Neque tantum superbius potest, sed etiam falsius nihil proferri. Ita enim est constituta natura, ut nusquam magis quam in minimis tota esse videatur. In iis enim insectis, quorum perscrutationi totum fere sese tradidit Swammerdammius, in his igitur tam parvis atque tam nullis animalculis, quanta vis, quam inextricabilis perfectio, ita ut verum sit, quod a Boyleo scriptum legitur, oculum muscae ipsius solis corpore majus esse magisque mirandum summae Sapientiae opus!

In omnibus autem observationibus et experimentis finem quemdam sibi proponat naturae interpres ne sine consilio et ratione agere videatur. Si enim prorsus quid videndum sit nescis, peregrinatori similis es, qui omni regionis, in qua iter facit cognitione destitutus per devias incultasque plagas multo cum periculo vagatur. Haec autem videndi ars nulla re tam facile comparatur quam

quam lectione eorum; quae a magnis et candidis observatoribus conscripta sunt. Cum enim humano ingenio vitaeque curriculo arctiores posuerit fines summus naturae Auctor, quam ut sola experientia ad aliquam doctrinae praestantiam pervenire possimus, quisque, quo magis prudenti ac modesto ingenio praeditus est, tanto majus in lectione studium ponet, eoque majorem huic, quae experientiae vicaria haberi debet, tribuet auctoritatem.

Sic igitur pervenimus ad fidem, quem alterum veritatis fontem diximus, estque assensio, quam alicujus testimonio tribuimus. Aliorum vero testimonio carere naturae interpreti profecto non potest; sed magnus cum sit vel ingens potius eorum, qui de historia naturali scripserunt, numerus, dubius haeret quoniam potissimum eligat, sibi sequendos studiorum veluti duces proponat. Qua in re magna sanè opus est prudentia; neque omnes cautiones persequi nunc possumus. Haec vero veritatem quaerenti optio facienda est ut eos praesertim legat auctores, qui suis ipsi inventis rerum naturalium scientiam amplificaverunt. Atqui horum inventa non ex aliorum quorundam compendiis haurienda verum ab ipsis, si fieri potest, inventoribus discenda sunt. Studiosè igitur exquiramus quae docti viri aut experimentis invenerunt, aut observationibus aperuerunt, quaeque peregrinatores non sine multo labore et sudore explorarunt. Hos fontes qui consequitur non rivulorum desiderabit varietatem.

Nihil verò tam dedecet veritatis cultorem, quam superbia, quae magnifice de scientia opinatur sua, et praejudicatarum opinionum, errorum quorumvis et ignorationis fertilissima mater est. Nec desunt tamen qui non tam quid verum sit quam quid conveniat sententiae suae quaerere videntur; quibusque persuasum est ad scientiam suam non multum aut nihil etiam accedere posse. Quantopere vero a naturae cultore tam insolens absit aliorum fastidium Daubentonius declarat, quem accepimus quartum et octogesimum vitae annum agentem Havyi, discipuli quondam sui, inventa didicisse, atque ad ea perno-scenda omne quod ei supererat virium atque nervorum contulisse, ut adolescentibus, quos mineralogiam docebat, tradere deinde illa et recte exponere posset.

Verum dici vix potest quantum momenti cum in omni studiorum genere, tum praesertim in historia naturali ad verum inveniendum afferat, si viam tibi certam describas, quam presse accurateque sequaris. Hanc viam historicam esse debere et temporum ratione deinceps evolvi oportere auctores, vix

est quod moneam. Ita enim suum cuique tribuamus quam facillime, quo quid potest verum quaerenti esse dulcius? Quod autem in natura videmus ut cursus certus sit et via quaedam, qua aliud ex alio nascitur et gignitur, id etiam in historia generis humani obtinet, ita ut mentem humanam uno reposito ad aliud deduci omnesque omnium seculorum homines una eademque scientiae copula conjunctos esse fatearis! Haec igitur et amoena et compendiaria via est; accedemus enim ad sequentes auctores non recentes, verum aliquam eorum notitiam e superioribus haustam adferentes, paratiores jam ad illos veniemus, et, ut aequos veritatis cultores decet, eorum pumilionum jactantiam et vanitatem reprimemus, qui, quod gigantis cujusdam humeris insideant atque eo longius videant, etiam acrius se illo videre gloriantur! Veritatis igitur qui ducitur studio hanc historicam rationem sequatur, sibi que illam tamquam viam quamdam describat, quod quale sit et quam multas ad res perutile vereor ut illi satis intelligant, qui, decurso scientiae campo, ex aliquo compendio historiam scientiae addiscunt, quo studiis suis quasi cumulum addere se putant.

Sed venimus jam ad aliorum fidem explorandam, quae res quantas habeat difficultates nemo est quin intelligat. Ut enim in nimia credulitate imprudentia cernitur, sic desideratur in nimia incredulitate modestia. Quid *Ornithorhyncho*, quem apte *paradoxum* dixit Blumenbachius, magis mirum? Lutrae corpus vides, pedes castoris, rostrum anatis, ita ut inconstanter egisse naturam, omnia permiscuisse, et tumultuarium quoddam opus architectatam fuisse diceres. Accidit quod ubi primum descriptum fuerit animal multi an esset ne ne dubitaverint; cum enim nulla in classe aptum sibi locum invenire posse videretur, ejusmodi animal ne esse quidem arbitrabantur; et, quos sibi in systemate praescripserant limites, naturae ipsi praescribere non dubitabant. Qua temeritate quid est turpius? Praestat assensionem cohibere, rem tempori tradere.

Quod vero ad aliorum experimenta attinet, majori etiam in his dijudicandis prudentia opus est, longo demum usu comparanda. Quis enim crederet esse homines tanta temeritate dicam an protervitate praeditos, ut experimenta, numquam a se ipsis instituta, fingere et scriptis suis cum orbe litterato communicare non erubescant? Sed ubi rerum testimonia adsunt quid opus est verbis? Scimus enim auctores quosdam, physicorum nomine indignos (nam ut hi veritatis, sic illi mendacii amore ducuntur), aliquam ex lutulento hoc fonte glorio-

riolam consecutos fuisse. Delevit tamen haec commenta tempus et prudentiorum hominum diligentia. Sunt enim nonnullae veluti notae fraudem fuisse commissam declarantes. Est A. A. nativa quaedam, quam nulla ars unquam poterit imitari, in candido homine simplicitas. Haec in ipsa experimentorum narratione elucescit. Hac qui praeditus est exponit omnia scitu digna, quae in experimentis ipse tenuerit vel vitaverit; opposita experimentia institui jubet, ut videas oppositos inde fluere eventus; omnia denique apto ordine tradit, nec ratiocinia experimentis ubivis immiscet. Qui animi candor cum exemplis potius quam verbis demonstrari posse mihi videatur, ne aegre feratis A. A. si unum e multis excitem Theodorum Saussurium, cujus chemica de vegetabilibus experimenta melius prudentem et sincerum naturae interpretem adumbrant, quam ego longiori etiam oratione posse mihi videor.

Ex comparatione autem observationum et experimentorum, ex inductione et analogia conflatur et efficitur conjectura, quem tertium evidētiaē moralis fontem esse diximus. Hujus generis vis latissime in historia naturali dominatur. Eo autem firmiora inductionis judicia erunt, quo major sit, e quibus illa deduxeris, observationum numerus. Cum vero omnia in rerum natura mirabili quodam nexu cohaereant, respondeantque extrema mediis, media utrisque; omnia omnibus, videmus profecto perinfirmam esse eorum rationem, qui unam alteramve regni animalis classem, paucas quasdam plantarum familias, ignoratis et veluti neglectis reliquis omnibus, rite percipi et intelligi posse arbitrantur. Qui ita faciunt saepe laudabiliter in describendis et notandis rerum naturalium characteribus versantur; cum autem systemata conficere et ex istis angustis exire gestiunt, dici vix potest quantopere fallantur. Aliud scilicet est rerum differentias notare, aliud invenire similitudines. Utrumque exercitationis opus est; utrumque in naturae interprete requirimus; et, quamquam ob magnam rerum ubertatem vitaeque brevitatem seligenda est classis quaedam, quam prae ceteris perdiscas, nemo tamen, qui ceteras plane ignorat, aut zoologus poterit aut botanicus dici. Diceretur sane si in rerum natura sejunctam ullam classem videremus; sed quae natura ipsa contexuit, ea ne laceret et frangat homo!

Eorum igitur laudamus analogicam rationem; qui totius naturae harmoniam rerumque nexum mentis acie complecti conantur. Sed in conjecturis duo sunt, quae praecipue vitanda videntur. Est genus hominum, qui, ut

cum Terentiano illo Gnathone loquar, se primos esse omnium rerum volunt, nec sunt. His via experimentorum et observationum longa nimis et aspera videtur, quasi vero, quae recta sit, ea via esse possit haud brevis! Hanc igitur rectam relinquunt, spretaque rerum inquisitione et investigatione ad veritatem compendiaria, ut putant, via gestiunt pervenire. Hi omnia ratiocinio contineri dictitant; hi aliquam sibi naturam, quae quidvis potius aliud, quam natura est, sibi fingunt; de philosophia naturali scribunt, sed sic, ut si quis et naturam ignorare et desipere concupierit, nihil aliud legere debeat; hi denique tenui quadam theoria de expansione, contractione, polaritate et nescio quibusnam aliis humanis figmentis mirabilem universi mundi magnitudinem, ordinem, pulchritudinem explanare et interpretari conantur. Quorum oracula quo majori auctoritate fuerant edita, eo citius fere falsa reperiri et ab omnibus explodi solent! Hujus temeritatis turpitudine factum est ut multi in eam deducti sint opinionem conjecturis prorsus abstinendum esse, utque omnem analogiae in historia naturali usum negaverint.

Verum ab horum etiam errore cavendum est. Divinitus enim generi humano data est ratio, quam qui spernunt ii sane, quae sit hominis natura atque praestantia, intelligere mihi non videntur. Nimirum inexhausta illa omnium rerum, in quarum tamquam theatro collocatum hominem vides, multitudo non rudis est atque indigesta moles, sed miro quodam ordine connexa sunt omnia, ita ut unum templum diceres, in quo Deus est, qui viget, qui sentit, qui moderatur et movet. Ut vero qui oculorum usu carent in luce nihilo melius videre quam in tenebris possunt, sic etiam qui rationis usum tollunt rationem summam atque sapientiam in natura numquam invenient. Saepe etiam quae observationibus nondum comprobata erant ita feliciter invenit naturae interpretum et explanavit ingenium, ut illud quamdam naturae velati divinationem diceres. Ita Lavoisierius terras forsan metallorum oxyda esse jam viginti annos ante scripsit quam Davyus aliique experimentis rei veritatem probaverant. Nonnumquam vero ut telum praeter scopum, sic nimio quodam impetu praeter veritatem fertur ingenium, et recte dictum est apud Baconum Verulamium hominum intellectui non alas addendas esse sed plumbum potius, ut cohibeant omnem saltum et volatum. Est tamen praesertim in causarum communium investigatione, in perscrutanda totius universi harmonia, in majoribus illis his-

storiae naturalis quaestionibus, ubi plane cohibere ingenium et abstinere conjecturis durum sit et nimis inhumanum. Iis quidem polarium regionum incolis, quibus adspectum solis per plures menses istorum locorum situs adimit, in ipsa illa tam diuturna nocte aurora tamen borealis adest, cujus coruscante lumine uti iis licet, dum solis reditum cogitant et longum, quem expectant, diem. Ita nobis has verisimilitudinis veluti scintillas vindicabimus, donec omnem caliginem discutiat, et occultissima quaeque aperiat inque lucem proferat aeternitas. Aeternitatem dico? Ita sane est. Ad hanc enim ut optimus quisque proficisci cupit, sic maxime eam cogitat qui in contemplanda rerum natura animum exercitavit, et in veritatis inquisitionem omne studium omnemque operam contulit. Praeclare enim Cicerō » est, inquit, animorum ingeniortumque naturale quoddam quasi pabulum consideratio contemplatioque naturae; erigimur; elatiores fieri videmur; humana despiciamus, cogitantesque supera atque coelestia, haec nostra ut exigua et minima contemnimus.

Ego vero A. A., quamquam minime confectus orationis campus est, tamen pro temporis ratione satis dictum esse arbitror, ut quodam modo intelligatis quibusnam in officiis cernatur illa, quam in naturae interprete requirimus, veritatis inveniendae diligentia. Verum non investigatione tantum sed etiam professione veritatis continetur diligens ipsius studium. De hoc autem officii genere separatim dicere non videtur necesse. Quibus-enim veritas ita cara est, ut in ejus investigatione omne studium omnemque operam ponant, hosce putemus parum curaturos quid alii de hac ipsa sentiant? Imo e nulla unquam re majorem delectationem capiunt quam cum errorem ex hominum animis evellere aut veritatis vim in illos transfundere possunt. Ipsa autem naturae contemplatione et investigatione ita excolitur atque acuitur veritatis sensus, ut deinde in totius vitae cursu, in omnibus et dictis et factis miro modo elucescat. Ita profecto est A. A., praeclara quaevis et pulchra exercitationis assiduitate comparantur! Quid autem pulchrius excogitari potest quam illud *vitam impendere vero*, aut quae tandem laus magis expetenda illa videtur, quam tribuit Attico Nepos: *mendacium neque dicebat, neque pati poterat?* In omnibus enim vitae humanae officiis nullum reperiēs quin veritatis amore nitatur, sine quo virtus non virtus sed turpis potius atque odio dignissima virtutis simulatio est. Nulla enim virtus sine justitia esse potest; est vero justitia in fide posita; haec ipsa nititur veritate.

Medebor vero Auditorum satietati, et jam ad ea accedam; quae officium et hujus diei solennitas a me postulant. Nihil autem prius aut antiquius habeo quam ut vos compellem, perillustres hujus Academiae Curatores! quorum insigni benevolentiae omnes hos, quibus me exornatum video honores acceptos refero. Sed de honoribus non dicam; longe enim palmarium est quod iis me studiis reddidistis, quibus ego magnam semper felicitatis meae partem contineri putavi. A qua disciplina praxis medica me abducere paululum coepit ad eam me revocastis viri amplissimi! et ita revocastis, ut quibus antea non nisi vitae partem, amoenissimam quidem illam sed tamen partem, impendere potui, in his studiis nunc totus esse atque in naturae contemplatione omnem operam possim collocare. Pro tam praeclaro beneficio quam sim gratus nolite quaerere; tanta enim est illius magnitudo, ut mihi, quibus verbis illam coaequare possim, desperandum sit. Id vero vobis sancte promitto et obtestor me, si quid ego valeo, quod pro vestra expectatione exiguum esse non ignoro, sed si quid valeo, id omne in haec naturae studia ita collaturum esse, ut optimus Rex, qui me vobis dedit, vosque ipsi intelligatis non ingrato neque immemori tantum benevolentiae testimonium esse tributum!

Vos Professores clarissimi! me juvenem benigne quaeso in vestrum ordinem recipiatis meque vestro auxilio, consilio, doctrina adjuvare ne dedignemini! Ego vero, quo longius absim a vestrae eruditionis praestantia, eo magis enitar, ut vos observantia et obsequio prosequar. Quod vobis inprimis dictum putetis Viri clarissimi DU PUI, SANDIFORTE, EYKI et GELDERE, quibus magistris uti mihi contigit. Discipulum rediisse scitote!

Quonam vero animo me esse putas celeberrime REINWARDTI cum tu mihi compellendus sis? Te nempe harum fortunarum mearum inventorem, inceptorem, perfectorem agnosco! Tua adhortatione factum est ut tibi adjutor datus sim, qua in re non tam id spectasse mihi videris ut pars tibi laboris aliqua demeretur, quam ut mihi meisque studiis consuleretur, utque indulgere possim ardori illi, quem in me spectasti, et tua institutione, exemplo, familiari usu auxisti! Superioribus tuis in me beneficiis jam cumulum addidisti, me

la-

laboris socium esse voluisti! Quodsi nunc impensius me tibi commendarem foret sane quod de humanitate, qua me prosecutus es, detrahere aut diffidere viderer. Hac enim spe erigitur animus fore ut tuis consiliis numquam non frui mihi liceat; una hac spe nitor, hac ducor cum munus meum auspicor! Diu te incolumem et vigentem servet Deus, in gloriam academiae et patriae!

Neque vos mihi praetereundi estis celeberrimi viri, VOORSTI, CLARISSE, PALMI, SIEGENBEEKI, quorum omnium tanta in me exstant benevoli animi testimonia, ut mihi hic in vestro ordine non defuturos esse fautores intelligam! Utinam etiam KEMPERUM, virum non sine lacrimis nominandum, alloqui hac hora possem. Sed reprimam me, neque sinam, ut mei privati doloris commemoratione gravissimum vestrum omnium vulnus recrudescat!

Te vero UYLENBROEKI, quocum junctus sum longo usu, iisdem studiis, morum similitudine, te inquam alloqui mihi dulce est! Quam coluimus in hac academia commilitones amicitiam, eandem colamus et alamus in eodem ordine eademque scientiarum facultate collegae!

O Faustum et felicem hunc diem, qui te mihi reddit Frater conjunctissime, amice integerrime, collega exoptatissime! Reliqua scilicet omnia cum mihi in oblato munere accepta et grata sint, studiorum genus, vitae institutum, ipsa haec amplissima musarum sedes, hoc unum ingratum mihi et durum videtur, patrem senem relinquere et deserere, qui in me praxeos suae adiutorem jam sibi paratum esse speraverat; matrem quoque carissimam, cujus in nos amore nil potest excogitari majus aut eximium magis; fratrem porro vere pium, mecum et amicitia et omni voluntate sententiaque conjunctum, ceteros denique nostros tam multos atque tam caros! Compensatur vero cum hoc dolore non nisi gaudium quod percipio cum te mihi redditum videam, a quo aegre abesse me passus sum! Quodsi igitur tibi (neque aliter sentio) tantum sit quantum mihi horum carissimorum capitum desiderium, id agamus quaeso ut nobis invicem commune hoc nostrum desiderium leniamus, et vitam efficiamus quam suavissimam, humanitatis, amoris, officii plenam; ita intelligent hi nostri non minus se a nobis et coli et diligi etiamsi absint a nostris oculis, nosque urbem tantum mutasse non animum perspicient!

Tandem ad vos me converto, ornatissimi hujus academiae cives, commilitones exoptatissimi! Nonnullos in vestro ordine superesse video, quorum ante



tea et sodalis et amicus fui. Horum animum munus, quod mihi oblatum est, quodque hoc solenni die aspicio, a me alienasse non spero; meum certe ab iis animum haud alienasse sciant! Vobis omnibus, quibus et ante notus fui, et quos nunc primum video et alloquor studiorum et honestissimi laboris me socium offero, quo doctiores et praestantiores facile multos reperietis, qui vero magis vestris commodis inservire, vobisque prodesse velit neminem. Studiorum autem genus quod mihi expetivi, quamquam non is ego sum qui omnibus aliis anteponam, elegi enim non quod optimum sed quod mihi accommodatissimum visum est, id tamen dicere non dubito, quod magna testium copia et dignitate, ubi opus esset, comprobare possem, perscrutatione naturae tum incredibili modo delectari animum, tum etiam ad Dei cultum, ad vitae constantiam, ad humanitatem, ad omnes denique virtutes conformari et aptiorem reddi. Ita naturae contemplatio mystagogi cujusdam munere fungitur, quo spreto humilibus atque abjectis omnibus, ad divina quaevis et praeclara mens humana ducitur. Quid statis igitur commilitones optimi, qui eadem haec studia diligitis, quibus ego delector? Jungat nos idem studii genus, idem naturae investigandae ardor, eademque cogitatio non nobis nos solis esse natos sed academiae, sed patriae, sed universo generi humano. Ita annuat precor coeptis nostris faveatque Deus Optimus Maximus!

D I X I



# ERRATUM.

Pag. 7. lin. 9. virtutem leg. virtutum.





CASPARI JACOBI CHRISTIANI REUVENS

O R A T I O

*DE ARCHÆOLOGIAE CUM ARTIBUS RECENTIORIBUS  
CONJUNCTIONE.*

HABITA A. D. 25 SEPTEMBRIS ANNI MDCCCXIV.

CUM IN ACADEMIA LUGDUNO-BATAVA  
PHILOSOPHIAE THEORETICAE ET LITTERARUM HUMANIORUM,  
INPRIMIS ARCHÆOLOGIAE,  
ORDINARIAM PROFESSIONEM PUBLICE AUSPICARETUR.



## P R A E F A T I O.

*Architecturæ patriae historiam cum scribere mihi proposuissem, materiem jam inde ab inito munere Professoris Extraordinarii conquisiveram, quam sperabam fore, ut olim, et doctrinâ et usu provectior, ad ipsa monumenta denuo exigere, perpolire, et digere-rem. Verum et me dubitatio, an unquam studiorum vitaeque tenor ejusmodi reditum sit concessurus, et opportunitas temporum, quibus non unum aedificium, inprimis in urbe Lugduno nostrâ vel exstruitur vel reparatur, permoverunt, ut vela contraherem, argumentumque ex illis collectaneis exciperem alterius orationis inauguralis, quae ex Archaeologicâ cathedrâ, cum artibus recentioribus adeo arcte conjuncta, habenda mihi erat. Est igitur, quod damus, periculum. Et proposuit quidem Societas litteraria Rheno-Trajectina eodem anno publicæ quaestionem (quae post habitam dentam orationem mihi innotuit) ut in architecturam Gothicam per Belgii regnum universum inquiratur. Sic ergo periculum hocce nostrum vel doctiores*

*partem exsequantur; vel ad quaestionem illam publicam, sed arctius circumscriptam, aliquod respondendi subsidium, etiamsi fortasse via idoneum, suppeditabit: quorum ut certe alterutrum contingat, ex animo optamus.*

*Enimvero credibile est, inter scriptores nostrates de aliquâ architecturae parte, aut de aedificio aliquo peculiari, reperiri, qui item hanc illamve patriae architecturae aetatem descripserint: mihi modo, qui artes hodiernas nonnisi ἐκ πάρεργον tractare possim, ignoti, nec repente inventu faciles. Hoc tamen credo, antiquissimam aetatem, artis Byzantinae, cujus in diario Antiquiteiten (T. II. P. 1. p. 122), memoriam renovare conatus sum, aut parcius, aut omnino non esse illustratam. Idem puto arti, quae vulgo Gothica dicitur, quanquam aliqui nobiliori, accidisse, certe quod ad fatorum ejus expositionem pertinet (1). Sed haud dudum, fateor, inde modo a saeculi superioris exitu, in Britannia, paullo recentius etiam in Germaniâ Galliâque; exemplorum multo feracioribus, quam Batavicum solum est, utrumque genus doctorum studiis excoli coepit:*

*Sunt tamen inter externos, qui nostrae architecturae historiam condere tentaverint: quorum alter est nonnaro, in Historia artium graphicarum per Germaniam Belgiumque foederatum (2), alter wisselingh in Civili, quam regi nostro inscripsit, Architecturâ (3). Quorum cum*  
*uter-*

(1) Vere forte wisselingh: Batavis deesse librum, qui architecturam civilem erudite complectatur; suppetere tantum singularium aedificiorum descriptiones. (T. III. p. 195).

(2) T. III. in Introductione.

(3) Variis locis, pro argumentorum et temporum ordine,

## P R A E F A T I O.

*uterque in antiquissimâ aetate deficere mihi videatur, alter tamen et novissimam aetatem suo judicio illustravit et multas effigies publicavit, quibus grato sum usus animo. Quodsi quid eorum, quae utriusque desunt, plenius fortasse tractare mihi contigit, non laus est haec, sed spontanea civis prae hospite felicitas:*

*Multum, puto, subsidii in urbium descriptionibus vernaculis repositum est; quales Haga, Amstelodamum, Lugdunum, multaeque aliae, a suo DE RIJNER; WAGENAAR et MIERIS cum VAN ALPHEN acceperunt. Effigies quidem ejusmodi, quales L. SMIDII Thesaurus antiquitatum Belgicarum, (VAN HEUSSEN et VAN RYN) Batavia sacra s: Antiquitates ecclesiasticae, HADENAKERI Museum antiquitatum Belgicarum et Cliviensium, imo et Omnium gentium conditio hodierna (4) obferunt, in partibus minutioribus sunt et nimium exiguae et vero etiam haud satis certae fidei. Illud tamen tenendum, vel in optimis urbium descriptionibus peculiariibus, quae de aedificiis dicuntur, ea ad artem haud perite esse dicta: majoris plerumque momenti esse relationes de eorundem primis initiis, quamquam et ipsas cum judicio legendas; de posteriore tandem aetate, quae a conditâ inde republicâ incipit, subsisti plerumque in magistratuum laudibus, qui hanc illamve partem reparaverint,*

*aut*

(4) L. SMID, *Schatkamer van Nederlandsche Oudheden*; (v. H. en v. R.) *Kerkelijke Oudheden*; HADENAKER, *Kabinet van Nederlandsche en Kleefsche Oudheden*; *Tegenwoordige Staat van alle Volkeren (Nederlanden)*: cum syllogis tabularum, quae huic operi illustrando, appendicum loco, ab aliis additae fuerunt: *Het verheerlijkt Nederland*. (Amst. ap. TIMON, 1745—1774. 10 fasc. 4to), quae iterata est ad 1792, novo titulo: *Nederlandsche Tafereelen* (ib. ap. DE CROON c. s. 8vo et 4to); et BULTHUIS en BRUNDT, *Vaderlandsche Gezichten* (Amst. ap. CARTMAN c. s. anno, puto, 1792. 3e fascic. 8vo et 4to).



aut ex aetatis more ornaverint. Itineraria Pictoria, qualia nuper Bruxellis et Tornaci ars protulit lithographica (5), utilissima futura erant; nisi Bruxellense et ipsum nimis foret exiguum, et utrumque regni provinciâs septentrionales nimium neglexisset. Quae tamen cuncta opera in aedificiorum formâ universâ vel cognoscendâ vel indicandâ mihi profuerunt. Caetera notae subitaneae, variis mihi itineribus per patriam compositae suppeditavere. Nec tamen dubito, quin et multa me fugerint, et quaedam perperam animo sint concepta. Cui malo quamlibet facile quis opinetur remedium itinerum repetitionem, modicis locorum in hoc regno intervallis, otium tamen haud inveni. Quorum adeo omnium, vel peccatorum, vel omissorum, veniam rogo: maxime si in rerum summâ me errasse, peritorum sententia iudicium ostenderit.

Caeterum quod Notitiam auctorum de architecturâ mediî aevi subjunxi, haud ambitiose, spero, feci; sed quod ad ornandam versionem Belgicam, quam instituit juvenis amicissimus P. O. VAN DER CHYS, nostrae academiae alumnus, et Archaeologiae inprimis se tradens, paraveram, idem huic Latinae deesse nolui.

(5) DE CLOET, *Voyage Pittoresque dans les Pays-Bas. Bruxelles* (chez JONARD), 1825. Tom. I—III; et *Collection historique des principales Vues des Pays-Bas. Tourn.* chez DEWASME, (2. a. sed circa eundem annum) fol.

**PERILLUSTRES VIRI, ACADEMIAE LUGDUNO-BATAVAE CURATORES;**

**RECTOR MAGNIFICE;**

**CIVITATIS ET AGRI LUGDUNENSIS JUDICES, VIRI GRAVISSIMI, INTEGERRIMI;**

**AMPLISSIME CIVITATIS CONSUL, ET RELIQUI MAGISTRATUS, QUIQUE UTRIQUE ORDINI AB ACTIS ESTIS, VIRI SPLENDIDISSIMI;**

**QUARUMVIS DISCIPLINARUM PROFESSORES CELEBERRIMI;**

**ARTIUM ET LINGUARUM LECTORES DOCTISSIMI;**

**ORACULORUM DIVINORUM INTERPRETES, PLURIMUM VENERANDI;**

**AR-**

**ARTIUM ET LINGUARUM DOCTORES PERITISSIMI;**

**ADOLESCENTES PRAESTANTISSIMI, ADSIDUITATE ET MODESTIA JAM  
NOBIS COGNITI, NOSTRA CURA;**

**AUDITORES OMNIS LOCI ET ORDINIS, CIVES, HOSPITES, ORNATISSI-  
MI, NOBILISSIMI,**

---

Vicina est patriae nostrae regio, ubi surgunt in altum aedificia splendida; ubi moles ipsae vastae et firmiter stantes, spectatorum animos persuasione stabilitatis securos efficiunt, justa partium suarum proportione delectant. Illic nec fenestrae exiles et praealtae, nec turrium crassa et incondita amplitudo et obscuritas, nec flosculorum in lapide male quaesita elegantia et tenuitas et copia oculos iudiciumque aut laedit aut obfuscant. Simplex maximarum morum dispositio, non temerata directarum linearum continuïtas, ornamentorum paucorum in columnis, in epistyliis, in fastigiis sobrietas et gravitas, aut venustas delectant, capiunt spectatores et ad quemvis praeclarum decoris sensum animos componunt et extollunt.

Talem conspicimus, talem meminimus, auditores humanissimi, *Galliam*: Talem aut peregrinantes saepius oculis vidimus et mirati sumus, talem esse novimus, quicumque litteris vel artibus studentes externarum regionum nobis e tabulis pictis vel sculptis imaginem animo obformamus. Tam pulchram, tam ad oculorum jucunditatem compositam *Galliam* nostra quidem maxime aetas effecit, sed innixa illa novissimorum saeculorum vestigiis. Revocemus illa saecula: tria enim modo sunt: revertamur in saeculi XV et XVI, principio, conditionem. Quid adparet? Video: jam redit in animos vestros cogitatio ingentium illorum templorum, quae *Gothicâ* manu facta esse vulgo dicuntur, magnificentiae et sublimitatis: nec spernenda dicitis, et merito laudatis opera, quorum audacia mentem percellat, immensitas hominem propiorem coelo efficere videatur. Laudatis: et laudo ipse. Sed an meministis item

exteriorem eorum templorum faciem *anteridibus*, hoc est, fulcris lapideis, et apicibus turrulisque innumerabilibus horridam? meministisne ornamenta, monachorum calligraphorum MStis similia, tam rigidi artificii, et nihilominus tam elaborati, ut in indignâ re egregiae patientiae monumenta perdita esse misereamini? Ecquid occurrunt potentium, non civium, sed latronum praetoria, munimenta contra vicinorum incursiones, receptacula post praedationem agrorum adjacentium, tristia, inaccessa, indigesta, angulis exstantibus, intransibilibus dedecorata? Ecquid praesto sunt memoriae vestrae domus angustae, sine luce, fenestris praecaltis, superioribus tabulatis, quasi Maenianis quibusdam, in plateas procurrentibus, ita ut praetereuntium capitibus imminuant, et jamjam vos oppressura videantur? Haec erant vitia domibus, tam regis quam privatis, haec curiis, haec mercatorum basilicis, et urbium portis et moenibus communia, hic urbium universarum adspectus, ita deformatus, ut omne hilare, omne venustum a saeculo XV et praecedentibus abfuisse videatur. Quae igitur repens mutatio XVI saeculum et sequentia tantopere praestantiora reddidit et ad saniores venustatis leges revocavit? Una est, auditores, causa: artificum Italicorum permultorum, qui domi antiquitatis monumenta admirari, in animo habere, imitari didicerant, invitatio et translatio in Galliam, ab uno rege magnanimo FRANCISCO I, ingenti sumtu, taedioso conamine (1), sed egregio successu facta.

Sunt vestrum, auditores, nonnulli, et praecipue collegarum meorum complures, qui me, biennio-abhinc, de initio disciplinae Archaeologicae publicâ lectione quaedam exponentem benigne audiverunt. E quibus dictis vix necesse sit revocare, quod vel memoriae ipsius vestrae officio plenius et dilucidius ad hunc locum occurrat (2): Italicas urbes, post tenebricosa media saecula opibus et libertate auctas, quasi ingenii sui vigore generasse antiquitatis, ven-

nus-

(1) Nam ex iis, quos in Galliam traducere coepit, artificibus, unus et alter post breve tempus diem obiit, aut patriae desiderio Regem destituit: ANDREAS vero SARTIUS pecuniam, ad emenda artis opera sibi adtributam, in proprios usus convertit.

(2) De renato veterum monumentorum studio legi merentur FIORILLO *Gesch. d. Zeichn. Künste in Italien*. II B. s. 47, 789; ROSCOE, in vitâ tam LAURENTII MEDICI, quam Pontificis LEONIS X; GIO. ABRATES *Origine etc. d'ogni Letteratura* (Parm. 1783. Vol. III. p. 540). Pauca apud ZERNER, *Gesch. der Class. Litteratur*. (II B. s. 59.)

nustatisque quoddam studium: hinc genitos saeculo XIII *Cimabuum*, qui picturam naturae propiorem effinxit, *Brunelleschium*, qui, saeculo sequenti, ad vetera Romanorum monumenta architecturam primus emendaverit, atque ita deinceps, crescente antiquitatis amore et fervore, eodem fere tempore, saeculi XV fine et XVI initio et praestantissima *Apollinis*, *Laocoontis*, atque alia simulacra esse inventa, et excellentissimos tam architectos, quam pictores, *Michaëlem Angelum* et *Raphaëlem* et multos alios prodiisse. Quae quidem satis indicant, quam sanis, quam robustis radicibus nixa artium Italiae recentiorum castigatio generoso conatu trans Alpes in Galliam transvehi potuerit. Sit hoc *Galliae* et FRANCISCI I exemplum documento, quam laete, etiam extra Italiam, e veterum monumentorum notitiâ et studio efflorescere possit artium patriarum emendatio et perfectio. Sit adeo argumentum nostrae hujus orationis, vestro favore precor, auditores, non indignum, ut a dicentis personâ non alienum videtur, *Archaeologiae cum artibus recentioribus coniunctio*.

Celebratur adeo nobis FRANCISCUS I, Galliae Rex, artium in Galliâ restitutor, cuius praeclarum exemplum si ad patriam nostram velimus componere, et regis res gestae et nostrae regionis conditio plenius percenseantur, oportet.

Architecturae facies, quam descripsimus, tristis, eademque, pariter ac mores illorum temporum, inamabilis picturae et artibus omnino plasticis ante FRANCISCUM aequalis erat. Quarum artium si quis specimina requirat, adeat librorum pergamenorum mediû aevi paginas pictas, adeat aedium sacrarum simulacra lapidea, seu januarum, seu columnarum ornamenta, adeat in iisdem aedibus regum principumque sepulcra. Quarum imaginum cum habitum unusquisque paullo peritior memoriâ satis teneat, supervacuum est descripsisse: et monere sufficit, etiamsi proxima ante FRANCISCUM opera iustâ corporum symmetriâ et lineamentis minus peccant, rigidam tamen et sine spiritu fuisse artem. Neque tamen omnino id significamus, prorsus ad veterum sanitatem restitutas fuisse a FRANCISCO artes plasticas: pluribus enim conatibus opus fuit per insecuta saecula, ut Gallici pictores et sculptores ad Graecorum sobriam elegantiam proxime adducerentur. Neque etiam illud volumus, nullos antiquiores Gallicae artis progressus, neque ullam ante FRANCISCUM Gallos inter et Italicos artifices consuetudinem fuisse; utrumque enim

constat. Verum ajimus, praeparationes has tantum quasdam fuisse culturae a FRANCISCO inductae, et vero artificum illorum multitudinem, qui Galliam ipsius auspiciis Italicis operibus repleverunt, ROSSIIUM, PRIMATICCIUM, SERLIUM, VIGNOLAM, BENVENUTUM CELLINIUM et multos alios, tam late, tam vulgo et apud omnes cives, sensum melioris venustatis et decoris disseminasse et propagasse, ut Gothica illa, quae dicitur, rigiditas passim sit extirpata, bonaeque artes et maxime architectura, ab illo demum tempore renatae, incredibili deinceps vigore ad perfectionem effloruerint (3).

Jam patriae nostrae conditio recens, si artes spectaverimus, varia est in variis artium generibus. Sculptura cum picturâ historicâ fere nulla: alterius generis pictura, nempe topiaria, ruris et animalium et florum imitatrix, quamquam in ignobili argumento, praestans et celebris. Haec sunt nota: et caussae quales sint, quamquam non cuivis perspectum, facile tamen inventu. Architectura vero qualis? Rogatis forsân? — Equidem, auditores humanissimi, nullum proprie aedificium incusabo. Habent omnes nationes, omnia saecula sua vitia, suas virtutes, quorum utraque saepe ab extraneis et remotis causis pendent, et reguntur: et inhumanum sit, singulis objicere, quae sint peccata vel saeculi vel gentis. Sed causas illas extraneas peccatorum, siquidem fieri possit, indicare, meliorem viam modeste ostendere, licuit semper, neque unquam ab humanitate alienum censebitur. Quo quidem in loco cum longius rem repetere necesse sit, cumque et vestrum forsân aliquis, ut ego soleo, architecturae patriae historiam desideret, licebitne item, vobis comitantibus, paullulum in hunc campum, siquidem non omnino inivius est, exspatiari?

Jam primum ingratum fecero, sed necessarium, si planius dixero, nullo tempore, adeoque ne ante FRANCISCI quidem aetatem, architecturam apud nostros majores videri eximie floruisse: ignoscite, precor, dicenti; de causis, an veras indicavero, ipsi judicabitis.

*Prima* nempe causa est lapidis nativi penuria;

*Al-*

(3) Cf. FIORILLO *Gesch. d. Zeichn. Künste*. III. B. Frankr. s. 102. sqq. Caeterum ex his verbis aliquis architecturae Gothicae, seu potius Germanicae amator, me fortasse suspicetur ejusdem esse contemptorem. Ego vero lubens concedo, in aedium sacrarum ornamentis, et in turribus miraculorum instar esse illius artis opera; idem vero in caeteris rebus haud ultra mediocritatem adsurgere medii aevi elegantiam censeo.

*Altera* bellorum, tam civilium, quam contra Hispanos, diuturnitas; et *Tertia*, conjuncta cum his, sacrorum emendatio.

Ex architecturâ Romanâ, passim in toto orbe vigente, nata est, maxime post sedem imperii Constantinopolin translata, nova architectura, a loco (4), medio aevo, *Graeca* dicta, sed quae, ne cum antiquiore et meliore aetate confundatur, hodie proprie *Byzantina* nominatur. Ut verò omnis ars aedificandi soliditatem et perpetuitatem imprimis quaerit, sic lapidum usum frequentare, *materiem*, hoc est ligneas trabes et ligneos asseres vitare, bonae est artis. Hinc natum est, cum trabes lapideae non satis longae inveniantur, ut fornicibus et arcibus omnia tecta construerentur: inde porro, ut *columnis* quoque arcus, loco epistyliorum cum suis zophôris et coronis, hoc est, loco trabium planarum, imponerentur: qui arcus, columnis impositi, quando ipsi sunt legitimae formae, nempe semicirculati, indicium sunt, quo agnoscitur architectura *Byzantina*. Et haec quidem, longe lateque diffusa, ut jam de Occidente solo dicamus, viguit in *Italiâ*, *Hispaniâ*, *Galliâ*, *Germaniâ Meridionali*, ad *Rhenum*que maxime, et in *Britanniâ*. Haec reliquit ad hunc usque diem aedes sacras, easque aut majores, basilicarum veterum figurâ quadratâ, oblongâ, aut minores rotundas, aut etiam in formam crucis excurrentes; haec arces sive castella nobilium; haec (sed rarius) palatia regum: privatorum vero domus vix ad nostra tempora servasse videtur.

Jam vero cum haec architectura fere ad XIII saeculum in usu fuerit, et in aliis quidem regionibus maturius, sed in aliis serius loco suo sit pulsa, ut mox dicetur, — cum omnes vicinae nobis regiones egregia ejus exempla hodieque servant, *Rheni* ripae, verbi caussâ, plurimas aedes sacras integras, *Galliâ*, maximeque *Normannia*, sacrarum aedium majorum partes antiquiores, totidem *Britannia*, et insuper sacella rotunda, arcesque nobilium permultas, cum vel regni nostri meridionales regiones, *Mosae* et *Scaldi* fluviiis contiguae, specimina haud rara ostendant, sacras aedes, verbi caussâ, complures *Trajecti ad Mosam* (5) et *Leodii* (6), sacellum quod hodie *aedes sacelli* voca-

(4) Et ab operariis Graecis peregrinantibus; vid. *Worrallo Gesch. der Zeichn. Künste in Deutschl.* I. s. 19; *HUNDSHAGEN, Pallast zu Gelnhausen.* s. 78; *STRUGLITZ, Alt-Deutsche Baukunst.* s. 51, 91.

(5) Aedem *D. Servatii*. Vid. *tabula 89. Itiner. Pictorii, Bruxellis ap. Jobard.*

(6) Aedem tam *D. Jacobi*, quam *D. Bartholomaei*. *D'ACINCOURT Hist. de l'art* T. IV. Tab. 45. n. 22, 23.





Vis architecturae sculpti debent in lapide caeso, maxime calcareo. Rarissimi enim est exempli et difficilissimi, ut lateres coctiles figuris distinguantur, quod in Marchionatu *Brandenburgensi* subinde factum (13). At vero lapidem, qui sculpti possit, nostra patria non gignit, *Babyloniae* et *Assyriae* instar, argillâ et lateribus contenta. Qui proxime nostris finibus nascitur, lapis tophicus, ad oppidum *Antuennacum*, *Rheno* impositum, *Vulcaniae*, ut creditur, originis, unus advectu facillimus propter fluminis opportunitatem, sculpturam nullam naturâ suâ recipit. *Benthemensis* contra, vel *Belgicus* quivis lapis, caelaturae patiens, non nisi magnis sumptibus advehitur (14). Jam pleraeque sacrae aedes, etiam paullo recentiores, *Rheno* nostro vel *Vechtâe* vicinae, v. c. in oppidis *Neomago*, *Arnhemâ*, *Doesburgo*, *Doticomîâ* et proximis in pagis (15), tum in urbibus *Rhenâ*, *Trajecto ad Rhenum*, *Dordraco*, *Lugduno Batavorum*, *Harlêmo*, *Amstelodamo*, *Alcmariâ* e lapide tophico sunt exstructae, et ut obiter dicam, quidquid in iis aedibus sculptum adparet, factum est e lapide Benthemensi, aliove idoneo. Transite *Rhenum*, et recedite paullo longius ab emporiis: non occurret fere nisi lapis coctilis, magnus equidem, sed tamen non nativus: luculento exemplo est *Frisia*. Contra recedamus in *Brabantiam*, et *Belgium* veterum, imo in *Zelandiam*: vix lapidis tophici nomen aut natura apud vulgus nota sunt, et praecipua aedificia e lapide arenaceo aut calcario, quem gignit *Belgium*, constantia reperiuntur. Sic igitur credibile est, nullas aedes, etiam ante saecul-

cu-

(13) Vid. BÜSCHING, *Reise durch einige Münster* p. 16, 28. Exempla exstant quidem et apud nos: *Hagae Comitum* in aede *D. Jacobi* (hodie aede Majori); *Lugduni Batavorum* in Nosocomio *D. Jacobi*, quod postea *Saaihal* dictum, nunc aedes est Catholicorum; sed illa non magni sunt momenti. Idem dicendum de aliis exemplis in fenestris aedium privatarum e saeculo XVI<sup>o</sup> et XVII<sup>o</sup> principio, *Dordraci* et *Corinchemiae*.

(14) Orationis editionem paranti mihi in manum venit *Descriptio Architecturae* in *Descriptione Opificiorum* vernaculâ (*Beschryving van alle Konsten, Ambachten enz. 23ste stuk. — Bouwkunstenaar*. Dordr. 1806. 8vo.) ubi, p. 170, legitur, olim Benthemensem lapidem vilioris fuisse, adeo ut integrae turree eo extrinsecus sint aedificatae; eum postea tum cariorem factum, tum per alias causas in desuetudinem venisse. Ad quem locum illud iterum monere cogor, quod ad hanc orationem sum praefatus, me hodie tantum dare, quae hactenus observaverim, quippe incertâ spe retractationis. Nihilominus, si verba illa spectant ad aetatem architecturae *Gothicae* aut *Byzantinae*, ea, quae de viliori pretio Benthemensis lapidis docentur, conjecturâ niti videntur; ita ut hactenus ipse acquiescam in eâ, quam proposui, operum et locorum distinctione.

(15) V. g. *Zelhem* et *Winterswijk*. De urbibus *Tilâ*, *Bommeliâ*, *Woerdâ* non novi: suspicor tamen.

culum XIII, multoque minus arces et castella, in nostrâ vicinâ fuisse e lapide calcareo, sed aut e lateribus, aut, summum, e topho constructa. Sic illa probabilis caussa est, cur minus ornata fuerint aedificia artis Byzantinae hic quam alibi; quod nec tophicus lapis, nec later coctilis sculpturam; ne in ornamentis quidem architectonicis recipit. Et vero etiam, inverso argumento, cum tam pauca illius artis exempla aetatem tulerint, conijcere licet, pleraque fuisse lateritia. Coctilis enim murus, aëris et imbrum quidem aequè patiens atque saxeus, multo tamen facilius, quippe levioribus particulis constans, dejicitur (16) et aptius ad privatos usus transfertur; quod in magnâ civium frequentiâ, adeoque soli caritate, vetustissimorum aedificiorum exitium necessario maturavit. Sic igitur, qua aetate *Byzantinum* architecturae genus finem habuit, nulla vulgo et passim superfuisse videntur excellentia pulchritudinis et elegantiae, ut pro illa aetate, exempla, nullusque adeo vetus et insitus harum venustatum amor ad novum architecturae genus, quod jam subolescebat, diligentissime excolendum animos praeparasse videtur.

Novum scilicet genus cum irrepsisse ajimus, intelligitur illud, quod incertâ appellatione, *Gothicum* hodie nominatur; quamquam *Gothicae* artis nomen, vetustioris, quam vulgo creditur originis (17), etiam antecedentem aetatem complecti videtur. Sed nos Batavi *Gothicum* genus hocce adpellare consuevimus, quod e vetustis unice ante oculos habemus et novimus: arcubus acutis constans, loco semicirculorum, incredibiliter leve et tenue in fornicibus, firmissimum propter arcuum formam, exinde altissimum, et sublime, sed anteridibus, hoc est fulcris externis dedecoratum, nempe ut muri

te-

(16) Adparet hujus argumenti priorem partem infirmam esse, si de illa agatur aetate, qua lateres coctiles ejusdem magnitudinis in usu erant, atque tophici murorum lapides. Quo autem tempore lateres minores fieri coeperint, investigare deficiente otio non potui: quod architecti fortasse conficient.

(17) Reperitur de aedificio, a CHLOTARIO I, Francorum rege, constructo. Vid. FIORILLO *Gesch. d. Zeichn. Künste III B. Frankr. p. 7*. Architectura nempe cum una eademque fuisse videatur in imperio Occidentali atque Orientali, nomen ei inditum est a *Gothis*, Italiam aliquamdiu obtinentibus; sicut et *Romanae* et *Italicae* appellatione eadem ars celebrabatur, quippe quae exerceretur modo a Graecis, modo ab Italicis artificibus. Vid. POWELL, *on Gothick Archit. (Archaeol. Brit. IX. p. 14)*; FIORILLO *Gesch. der Zeichn. Künste in Deutschl. I. p. 19*; STUBBS *Alt-Deutsche Bauk. p. 61, 94*.

tectorum fornicatorum ponderi sustinendo pares esse possint. Novimus hoc genus, auditores, nec exempla, quae quotidie cernimus, adferre necesse est. Hoc est illud, cujus deformitates initio sermonis nostri in mentem vobis revocando, dissimulare tamen laudes nequaquam voluimus; et quaevis saecula suis laudibus censeantur; et quae nunc male sedula adfectatio, qui aberrantis phantasiae pravi foetus judicantur, eae tunc erant venustates, ir certe in multis aedificiorum generibus artis progressus, si ad aetatem superiorem conferantur, ea omnino ingenii ad pulcritudinis, quamvis misellae, sed tamen pulcritudinis et elegantiae studium se informantis documenta. Et originem quidem nova architectura *Gothica* in *Germania* habuisse, eademque, quamvis antea jam nota, circa saeculum modo XIII vulgata (18) et ad alias regiones translata fuisse videtur.

Sed ipsa haec aetas architecturae Gothicae, sic rogare videmini, ipsa haec nonne certe pares apud nostros majores architecturae progressus habuit, nonne paria monumenta hic terrarum reliquit atque peregre? Nonne sic idem ante FRANCISCUM I artis praestantissimae vigor apud nos reperitur, qui alibi, qui vigor modo quasi praecisus aut extenuatus sit per saeculi XVI bella Hispanica? Audio: et fateor nobilia multa aedificia esse condita: aedem *D. Martini* episcopalem (19) et alias plures *Trajecti ad Rhenum*, saeculo XIII ineunte; aedem *D. Georgii, Amisfurtensem*; paullo post aedem *veterem Amstelodamensem*, *D. Johannis Baptistae* et *Nicolai*; aedem *D. Mariae, Dordracenam*, utramque saeculi XIV; aedem *D. Livini, Zirizeensem*, quae sive ipsa, sive cuius in locum haec successit, cum esset celebris Cyriace (*Kyriakē*), ipsi urbi nomen dedit (20), saeculo XV (quae quidem aedes vulgo majores sunt, quam peregre in urbibus non primariis esse solent); praeterea aulam regiam *Haganam*, jam saeculo XIII a comite GUILIELMO II, rege Roma-

no-

(18) Media est haec quodammodo sententia inter plures diversissimas.

(19) Effigies apud WIEBECKE, *Bürg. Bauk. Tab.* 120; ichnographia ib. *Tab.* 118.

(20) BOZHON. in *Nehalennid* (ad calcem ARIZII *Belgae Graecissantis*) p. 581. Caeterum aedis hujus et turris-talis, qualem perficere propositum fuit (est enim, sicut Coloniensis, imperfecta) effigies excusa est duabus tabulis aeneis majoribus, vulgo minus notis, cum annorum notis singulatim 1619, et 1657.

norum aedificatam (21), ne de plurimis aliis dicamus, quae ubique nobis se obferunt, cujusque generis unusquisque nostrum e patriâ urbe unum vel plura exempla sine dubio recordatur. Sed num idem omnino splendor adparet, qui peregre? Nempe, ut hoc utar, pleraeque aedes episcopales apud exteros, aut etiam aedes aliae ditiores artis Gothicae geminas turres ostendunt: in *Germaniâ*: *Coloniensis*, *Magdeburgensis*, *Argentoratensis*, *Ratisbonensis*; in *Belgio*, nobiscum conjuncto: *Antverpina*, *Bruxellensis* (22); in *Galliâ*: *Remensis*, *Suessionensis*, *Parisina*, *Rothomagensis*, *Ambianensis*; in *Britannia* itidem: *Westmonasteriensis*, *Cantuariensis*, *Eboracensis*, et omnino aliae permultae. Unicam turrem vero habet episcopalis aedes *Trajectina*, et paucae illae domus sacrae, quae binis ornatae aut adhuc sunt, aut fuerunt, *Daventriae* (23), *Arnhemiae* (24), *Trajecti ad Rhenum* (25) et prope nos Abbatia *Egmundana*, cae sunt antiquiores, artis *Byzantinae*, adeoque minus grandes, aut etiamsi fortasse e genere *Gothico*, tamen omnino minoris amplitudinis et praestantiae, quam qua alioquin saeculi XIII et sequentium aedificia sunt exstructa. Sed praeterea, si paullo accuratius circumspiciamus, aut diligentius recordemur, num in aliis quoque rebus, tantum curae aedificiis his aut ornandis, aut perficiendis, adhibitum dicamus, quantum peregre? Nullius fere aedis turris, praeter *Trajectum* (26) et proximas aliquot urbes, integra exstat: omnes fere aut truncatae adparent, aut ligneos apices recentioris et horridae fabricae gestant; nulli fere tectum suum fornicatum interius impositum est (27); a tectis exterioribus omnes ornatus, omnes flosculi, quibus *Gothica* architectura rigorem suum temperare alioqui consuevit (28), procul absunt: insignis est intra aedes columnarum et par-

rie-

(21) Cf. WAGENAAR, *Vaderl. Hist.* l. VIII. extr. Effigies haud mala in *descriptione hodiernae Hollandiae* (*Tegenw. Staat*) et in *Itiner. Pictorio* ap. JOHARD.

(22) Utriusque imaginem vid. ap. WIEBEKING, prioris *Tab.* 85, 117, 120; posterioris *Tab.* 86. et in fronte *T.* III. Non quod eadem non et in urbis utriusque descriptionibus, et seorsim in tabulis singularibus inveniantur; sed res ejusmodi difficilius peregre innotescunt.

(23) Aedes *D. Nicolai* in colle, de qua supra.

(24) Aedes *D. Walburgi*, hodie Catholicorum, sacris adtributa, et *D. Johannis*, de qua in *Addendis* dicetur.

(25) Aedes *Monasteriensis vetus* et aedes *D. Nicolai*.

(26) Nec *Trajecti* integerrima; sed ruinâ partis superioris.

(27) Velut *Dordraci* et *Harderovici*, si bene memini.

(28) Exceptis paucis aedibus, velut *Amstelodamensi* aede novâ (*D. Mariae*), et *Trajectinâ* aede episcopali.

rietum nuditas et simplicitas : quae dotes in *Gothico* genere tantum abest ut laudi sint, ut potius barycephala (\*) et tristia et incompta omnia efficiant. In qua reprehensione generali si quaedam meliora exempla, quae nos non fugiunt; omittimus, facile id brevitatis nostro instituto condonabitur.

Si igitur diximus, tres praecipue causas conspirasse ad architecturae lumen in hisce terris extinguendum: lapidum penuriam, bellorum civilium Hispanicorumque diuturnitatem, et sacrorum mutationem; — si primam harum causarum in antiquiorum artis *Byzantinae* monumentorum exitium valuisse jam quodammodo ostendimus; jam eandem hanc quoque in aedificia *Gothicae*, sive *Germanicae* artis similem vim habuisse, fortasse mecum vobis persuadebitur: et reliquas duas adnumerandas esse mox patebit, et alias minoris potentiae causas quasdam intervenisse credibile fiet. Quod enim de penuria lapidum, sculpturam recipientium, diximus, inde facile explicatur nuditas illa murorum, et columnularum tenuissimarum, in unam quasi fasciam collectarum, defectus. Tectorum vero nimia sobrietas in ornamentis, turrium truncatio, aut deformis reparatio, utrum a lapidis idonei egestate pendeat, si quis roget, animadvertat, velim, plumbi et lapidis schisti in illis tectis turribusque abusum, et deinde judicet an fallamur. Vultis alia argumenta? En, curiae municipales illae ornatiores, quales ostendunt Belgicae urbes *Gandavum*, *Bruxellae*, *Lovanium*, in totâ *Hollandiâ*, quod sciam, et reliquâ parte regni septentrionali nusquam exstant. In solius *Zelandiae* oppidis *Medioburgo* (29) et *Verâ* reperiuntur. Nempe *Zelandia*, ut praedictum est, lapide *Belgico*, qui sculpi possit, sola utitur. Idem fecisset *Hollandia*, si habuisset, unde faceret.

Haec igitur prima et naturalis causa nobis esse videtur; cur etiam quae monumenta architecturae *Germanicae* sive *Gothicae* apud nos adparent, ea minoris dignitatis, quam quae in aliis sunt regionibus, videantur. Enimvero ejusmodi defectus naturae neque ingeniorum humanorum solertia, neque ardore et studio artis redimuntur: ii omnia hominum incepta a primo limine et introitu arcent atque repellunt: ii nihil generosi, nihil praestans in civium mente nasci et habitare patiuntur. Frustra, ô Babylon, Aegyptiaci templi-

ae-

(\*) Vocabulum hoc VITRUVIANUM IN SCHELLERIANÆ Lexici versione Belgicâ minus bene redditum esse videtur. Opponitur *eleganti proceritati*.

(29) Hujus est, quanquam parva, tamen satis bona effigies in *Tegenw. Staat van Zeeland*.

aeternitatem, Attici simulacri veritatem adsecuturam te speraveris. Illam praestat granites, lapis Niloticus, hanc Penthelicae fodinae Pariaeve; non tua argilla, et gypsum, et bitumen (30).

Caeterum accesserunt fortasse et aliae caussae minoris momenti. Omnes enim provinciae, quae nunc septentrionales vocantur, unico tantum episcopo erant subjectae. Non quod monasteria et monachorum ordines non totidem, ac plures fortasse apud nos, quam alibi fuerint (31); sed magnam aemulationem inter inferiores quoque parit aemulatio principum. Nisi episcoporum novorum institutio saec. XVI a Pontifice tentata per sacrorum publicam mutationem irrita, et omnino publica Europae, et vero artium conditio mutata fuisset, longe magnificentiores fortasse aedes sacrae vulgo, tam episcopales, quam monachorum conspectae fuissent, certantibus inter se principibus. Nunc, ut aedes sacrae manserunt imperfectae, sic monasteria fuerunt pleraque lateritia et inornata, quod hodieque cernimus, cum eorum pars maxima piis usibus, verbi caussa, nosocomiis, scholis aut etiam usibus Academicis, quale hoc est aedificium, sint adtributa.

Cum vero cogito, in *Britanniâ*, in *Galliâ*, in *Germaniâ*, non tantum monachos fuisse ipsos architectos aedium suarum, sed et fabros et operas, cum cogito, id muneris praecipue in Benedictinos incubuisse, et vero Egmondanos monachos ex hoc ordine fuisse; cum cogito, in iisdem illis regionibus collegia fuisse quaedam arcana, hodie virorum doctorum Britannorum Germanorumque opera ad publicam notitiam celebrata (32), *fabrorum liberorum*, penes quos initio, certe a saec. X servata, exculpta, et occulta ars

(30) Gypsum Babyloniae adtribui, auctore RAIMONDIO, qui sic corrigit RICHII narrationem de *calce*. (RICHIE, *Voyage aux ruines de Babyl.*, trad. par RAIMOND, Paris 1818. 8vo. p. 62, 153, 162.) Omnino magna est Babyloniae et Bataviae similitudo, tam in penuria lapidis, usuque laterum coctilium, quam in operibus aquariis.

(31) Cf. PARS, *Katw. Oudh.* p. 328. De Belgio vid. HON. *Gesch. d. Zeichn. Künste in Deutschl.* III. p. LIX sq.

(32) POWELL *Origine and Progress of Gothic Archit.* (*Archaeol. Brit.* IX. p. 110. praec. p. 118.) In primis KRAUSE, *die drei älteste Urkunden der Freymaurer-Brüderschaft*, 1810. 8vo. 2 Bd. et HELDMANN, *die drei älteste geschichtlichen Denkmäler der Deutschen Freymaurer Brüderschaft* (uterque mihi tantum alienâ auctoritate notus); STIEGLITZ, *Alt-Deutsche Baukunst*. p. 126, 177—192, et in *Appendd.*; LINDNER, *Mac-Benac of het stellige der Vrijmetselarij*, vert.: Leyden 1820, princ.; WIEBERG, praecip. T. III. praef.

architecturae, non nisi postea aliis mysteriis loco cesserit; subit saepe rogare, utrum inter monachos nostrates defuerint architecti, et collegia illa *liberorum architectorum* hic loci olim ignota manserint, et utrum haec tacita caussa reliquis accesserit, cur turres absolvi, cur fornicata tecta aedibus sacris imponi non potuerint? Quam dubitationem cum publice hic proferendam censeo, cum fateor defuisse mihi et otium et facultatem in eam rem, quae in tantâ vetustate jam minime arcana esse debet, inquirendi; nequaquam, quasi ipse mihi in reliquis sufficiens, hoc in defectu veniam datum iri confido: et probe scio, reverentiam, audientium coronae debitam, non melius ostendi, quam diligentissimâ oratoris praeparatione. Verum quandoquidem ejusmodi investigatio a meâ provinciâ est aliena, id profiteor me exoptare, ut, quibus contingunt et opportunitas et otium, hi ad manus operi admoventes, litterarum caussâ, etiam atque etiam accendantur.

Habetis jam partem caussarum, propter quas dixi, ne architecturam quidem *Gothicam* in nostris provinciis septentrionalibus praeclara suae dignitatis monumenta reliquisse. Reliquas causas vix opus esse censeo in mentem auditorum revocare. An vero quis ignoret, in mutatione sacrorum, quae seculo XVI accidit, omnibus in urbibus non tantum simulacra sanctorum per iconoclastas furiose confracta, sed et ingens quibusvis ornamentis damnum esse illatum? Ecquis non intelligit, illam violentiam, si quid adhuc in aedibus sacris pulcri aut culti supererat, minora simulacra cum basibus et parvulis fastigiis, a columnis, a januarum postibus, aliisque aedium partibus, ultimo conatu abstulisse et eripuisse: ita ut quae aedificia neque olim valde praestantia fuissent, hodie tanquam nuda et rasa, sed dealbata ossa gigantis adpareant? Ecquem praeteriit recordatio bellorum civilium, quae inde a medio saeculo XIV usque ad finem XV gesta inter *Heekernos* et *Bronckhorstios*, inter *Cabellianos* et *Hoeksianos*, magnae partiarciū et praetoriorum nobilium ultimum exitium paraverunt (33), ita ut hae arces, vel propter mutatam bellorum rationem, invento magisque frequentato pulvere pyrio (34), vel propter insecutas turbas bellaque Hispanica, vel propter multorum nobilium Hispanissantium exilium, propterque nobi-

li-

33) Cf. *PARS Katw. Oudh.* p. 122 sqq.; 359; 453.

(34.) Non ante medium sec. XIV. ut videtur. Cf. *BECK, Weltgesch.* IV. p. 848.



litatis liberâ republicâ imminutum splendorem et divitias; instaurari aut nunquam, aut non nisi recentiori tempore et plane diversâ formâ potuerint?

Haec igitur, auditores, erat architecturae patriae conditio saeculo XVI, quo potens rex FRANCISCUS I in florente regno *Galliae* arti praestanti splendorem novum et incognitum conciliare potuit. Sic cum Italici artifices, in *Galliam* translati, in regem incidissent, artium et elegantiae et magnificentiae miro amore captum, in potentes per feudalem successionis rationem vasallos, hoc est principes et primores regni, eosque naturâ suâ regii exempli imitatores, in sacra illa Romano-catholica aut inconcussa, aut certe permanentia, quae grandes aedes, multiplicia monasteria, ornamentorum profusionem requirebant; cum adeo publicum artium amorem, et earum exercendarum locum materiemque invenirent, quibus artibus tantummodo novum campum monstrare, in quem sponte excurrerent, opus erat; in nostris terris septentrionalibus eorundem artificum schola, cum, ut fit, huc se propagaret, invenit animos, nullo praecipue architecturae amore captos; exempla, quae superessent, antiqui generis, speciosiora paucissima, privatos exhaustos, principes civitatis divitiis immensis nullos, nova sacra, quae in simplicissimo adparatu arcem et praesidium suum posita esse opinarentur, rempublicam nascentem, vix confirmatam, nec nisi in parcimoniâ et frugalitate vires suas collocantem. Quae, Di boni, artis emendatio, ita comparatis rebus externis, cogitari poterat? Sopitae sunt hodie, auditores, in hoc artium genere nostratum ingeniorum vires et facultates; non extinctae. Et memini tempus, me puero, quo frequentissima in societatibus litterariis quaestio proponi solebat: *quae caussae fuerint, cur vigente picturâ, patria nostra neque architecturam neque sculpturam habeat?* Ad quam quaestionem utrum responsio sit data, neque recordamur, neque id nunc agimus; id tenemus, vulgo homines, architecturam nullam esse, confiteri (35).

Et

(35) Probat hoc etiam recens D'EXAUEN, v. nob., academiae nostrae curatoris, liber *Hollands Roem in. Kunsten en Wetenschappen*, qui dum, domestica laudando, patriam cariorem efficere laudabiliter studet, nihilominus nullam ab architecturâ civili nostratibus commendationem petere aggressus est (T. I. p. 28). Quam porro ad artem proferendam cum ab aliquo inde tempore *Societas* Amstelodami constituta sit *Architecturae Promotrix*, haec propositâ quaestione *de compendii Architecturae in usum fabrorum optimâ formâ*, dissertationem architecti DE RUYTER Caroloregiensis praemio ornavit, quae (p. 38. vers. Gall.) haec verba memorabilia habet: « L'architecture n'est malheureusement que trop

Et revera, cum expulsa sit ars illa *Gothica*, quae ad saeculum usque XVI aut floruerat aut perstiterat, nulla tamen in hujus locum successit, cum nulla fere aedificia publica alicujus momenti sint facta : quod quidem ornamentorum hic illic locum invenit, *Italici* quidem generis, post FRANCISCUM I in Europam inducti, imitatio est, sed exilis et misella. Et adeo quidem laudem grandibus inceptis quaerere, adeo animum ad generosiores admirationis et voluptatis purioris affectus expandere et explicare dedidimus, ut vulgo *pulcrum* aliquid vocare, sermone Batavo quotidiano, quasi erubescamus, et scholastice nos loqui putaverimus, nisi, pro *pulcro*, vel *modice*, vel *amoenae*, vel *nitide* factum frigide dixerimus.

Quam igitur vellem, quam beatum me putarem, si possem id efficere, quod a regis optimi consiliis non alienissimum esse, persuadere mihi soleo, ut Archaeologicae scholae juventutis animos teneriori quodam artium et antiquarum venustatum amore imbuerent, ut juvenus illa nostra, quae non modo eas antiquitatis partes acceptura est, quibus artifices erudiri soleant, sed quae simul ex ipsis fontibus disciplinas litterarum severiores haurire perget, quaeque, decurso spatio Academico, vel rempublicam tractatura vel omnino rebus agendis praefutura est, Graecorum Romanorumque exemplorum pulcritudine jam a primis initiis caperetur ! Non est augustior inter artes humaniores, quam architectura, quae hominem circumquaque cingens, seque supra extolens, et reconditam quandam in eo imbecillitatis suae conscientiam excitat, et animam percellit; nulla est, quae magis universae humanitatis culturam pro-

« trop negligée dans quelques unes de nos provinces; il y a trop peu d'hommes qui puissent exercer cette profession, et parmi ceux qui passent pour architectes, il en est encore bien peu qui le soient réellement. Il suit de là, que les constructions se font en général sans projets-fixes et sans estimation préalable; l'exécution est confiée aveuglement à des hommes sans théorie et sans expérience, ou à des ouvriers ignorants et entêtés. Les propriétaires eux-mêmes, accoutumés à ne voir, à n'entendre que des prétendus artistes sans connaissances vouloir concevoir et diriger des travaux, finissent par se croire plus architectes qu'eux, et font enfin construire sous leurs yeux et d'après leurs propres lumières. Aucune solidité ni commodité dans les maisons particulières, point d'élégance ni de style, aucun caractère dans les édifices publics, les convenances les plus essentielles blessées ou omises, sans qu'on semble s'apercevoir des conséquences fâcheuses qui en résultent. » — Vid. *Verhandelingen uitgegeven door de Maatschappij tot aanmoediging der Bouwkunde*. 1ste Stuk, (Amst. 1822. 8vo.) Quo loco regni nostri provinciae Meridionales spectari haud videntur.

promoveat, quippe ipsa nullis museis concluditur et ab oculis removetur; nulla est, quae certius agat, quippe quae praetereuntes, quovis tempore, quavis horâ, quavis animi vel remissione vel intensione, advertit et afficit. — At quantos sumtus, quam prodigam venturam aetatem nobis hoc votum portendit! quam cito laborantes jam publici reditus, funditus exhausti, alteram in posteros nostros aerarii ruinam impingent! Sic video, sic scio; vestrum seniores et prudentiores, etiam qui caetera benigne acceperint, tace arguere. At cum objectionem praeviderim, cum gentis nostrae indolem; et vitia et virtutes perpendere fortasse non neglexerim, vos, quaeso, et bonâ cum veniâ, credite, me non omnino incogitanter locum, paucis tactum; adtingere ausum, et non sine aliquo consilio architecturae patriae historiam enucleare conatum; quae ars potius naturâ soli, et fortuitis eventibus jacuerit et languerit, quam gentis Batavae primae vâ indole et ingenio. Non est patrium, non est Batavorum, auditores, in sordibus lutescere; non est nostrum; sed Turcarum est, quidquid subtiliores animi motus excitat, tanquam ineptias nugantis populi adspernari. Patria illa frugalitas et parcimonia tenacior, omnium sumtuum, unde nihil fœnoris speraretur, vitatrix, non in antiquâ Hollandorum, Trajectinorum aut Gelrorum indole sita est, sed e bellorum Hispanicorum necessitate emersit (36); neque naturâ suâ et necessario architecturae meliori omnes aditus praeclusit, sed casu tantum ita directâ est, ut architectura excluderetur. Neque enim ista frugalitas semper aequae necessaria fuit, neque semper servata; sed ingentes divitiae, a privatis collectae, sopito architecturae amore, alios exitus, alios luxuriae et vitae amœnitatibus canales quaesiverunt et invenerunt. An vero cui ignotae sunt villarum, quas mercatores nostri pecuniosi aedificarunt, impensae, quae, tantum abest, ut frugalitatis sint documenta, ut potius pleraeque villae haud exiguam reddituum partem absorbeant? An cui e memoriâ excidit, quo tempore Batavi navali lucro immenso ditari coeperant, paucis annis post finitas *Inducias duodecennales*, insania luxuriantis pecuniae, in floribus, maximeque tulipis emendis (37)? Mirari solent peregrini homines, cum nostras terras adeunt, pretium cancellorum, vel aeneorum, qui in basilicis chorum ab aede

(36) VAN WYK *Historische Avondstonden* II: blz. 71.

(37) Circa annum 1637: WAGENAAR I. XLIII. §. 9.

de separant, vel ferreorum, qui in villis nostratibus portarum officio funguntur; mirari solent marmora pretiosa ex archipelago Graeco, quae vestibulorum, quae scalarum, quae etiam culinarum nostrarum parietes tegunt (38). Scilicet haec omnia post Hispanica bella, florente republicâ inducta, ostendunt vel profusionem; sed quae, deficiente aliâ sumtum ad vitae ornamentum faciendorum viâ, hosce ignobiliores exitus invenit. Et revera excitatae quoque sunt apud quosdam cives ingenii facultates, aliquamdiu latentes, et villarum quarundam architectura aut inculcata est, aut etiam valde laudabilis. Sed quid rei est? Publica monumenta, quae multo potius, quam privata, populi plebisque animos decoris sensu imbuunt, — cum res publica inter multos dominos divisa esset, nulla facta sunt. Scilicet aliter apud majores nostros comparatum erat, aliter apud Romanos:

*COMMUNIS illis census erat brevis;*

*PRIVATUS ingens (39).*

Et si qui summi magistratus publicis redditibus largioribus praefecti essent, hos quoque generosius sensisse, et felicius perfecisse abunde ostendunt celebrata illa curia Amstelodamensis et curia Groningana, Roterodami vero tam Basilica mercatoria, quam porta Delphena. — Et vero etiam architectura castigatior non adeo exsuperat impensas aedificiorum male structorum; forma pulcritudinem facit, non moles; lapidis ad sculpturam idonei defectui hodie facile medemur; conjunctum cum Batavis Belgium, egregiorum exemplorum ferax, aemulationem sine dubio excitabit; et tandem, si quid fortasse paullulum sumtum, ultra quam solebat, impendi debeat, aut in solum, aut in ornatum, aut in architecti periti mercedem, id omne facile compensabunt humanitatis progressus, populi ad ingenuas artes, ad facultates ingenii explicandas, ad vitam illam cultiorem, quae artes et opificia alit et sustentat, praeparati et emolliti animi; id compensabit procerum rei publicae gloria, et regni, et aetatis, qua vivimus, celebritas.

*Are*

(38) Ne dicam de selecto politoque lapide coctili a Vechtî fluvio, frontibus aedium inserviente, ne de vitro speculari fenestrarum, caet.

(39) Horat. Od. II. 15. v. 13. *PRIVATUS illis census erat brevis.*

*COMMUNE magnum.*

*Archaeologiae cum artibus recentioribus conjunctionem* me tractatarum professus sum, et vos, auditores, a me, ut de sculpturâ quoque, de picturâ, de caelaturâ dicerem, merito expectastis. Ego autem *architecturae*, quasi reliquarum incuriosus, omne tempus, omnes laterum vires impendi, et videor sic *magni promissor hiatûs*. At tueor me summorum imperatorum nostrae aetatis exemplo, qui velitationibus et castellorum secundariorum oppugnationibus neglectis, ipsam arcem et caput regni, ipsam metropolin rectâ petiverunt. Multo enim facilius, si quid ad reliquas artes lucri ex Archaeologiae disciplinâ sperari possit, id aut instituti alicujus veteris emendatione, aut novo, si opus sit, commento aliquo conficietur, quam elegantiori alicui aedificio struendo solum praeparabitur. Pictura historica et sculptura, quae, a mutatis inde a saec. XVI sacrorum ritibus, alimentum in aedibus sacris ornandis non amplius inveniebant, quaeque exinde elanguerant et emortuae erant (40), regis magnanimi auxiliis jam reviviscunt, et quod in basilicis amiserant, in exornandis principum palatiis auxilium inveniunt. Quid requiritur, ut eadem iterum in privatorum musea, in publica aedificia, quasi postliminio, recipiantur, sive ad rerum egregie gestarum memoriam, sive ad virorum magnorum honores celebrandos, nisi tempus et usus? Quod si nostrâ disciplina futurorum ementum, haud secus atque artificum juniorum, animos elegantiam et harmoniam lineamentorum, quae in statu antiquis cernuntur, rectâ rituum, vestitus, suppellectilis veteris cognitione praeparare et instituere cupiat; quam proclive est, confidere tempori et augescenti in dies studiorum amor! quam non ineptum est credere, vocem illam meam, ut Academia Picturae privata, olim a republicâ sustentata, nunc derelicta, aliquando arctius cum museo antiquario conjungatur, utque eadem plasticen una cum picturâ tradere velit, non perpetuo surdis auribus jactatum iri! Quod si quid artes et publicus venustatis sensus dampni ceperunt, tunc cum monetae publicae novae invenusta regni insignia, aut litterula singularis insculpta sunt, id sarcivit et reparavit novissimum regis decretum, ut singuli quotannis nummi, in memoriam rei alicujus praeclarae, publice cuderentur.

Si quid igitur lucri ejusmodi ex Archaeologiae frequentiore disciplinâ, ad  
ar-

(40) FIORILLO *Zeichn. Künste in Deutschl.* II. p. 277; III. p. 102 et 115; *Münzen in vita* 1208. X. T. IV. p. 103. (ed. Belg.)

architecturam, picturam, sculpturam sperare et indicare ausi simus; exemplo nitimur *Italiae Galliaeque*. Et vestram fortasse alicui, auditores, in mentem veniat, nunquam fere eandem rem bis eodem modo et eodem cum effectu peragi posse, et saepissime, contra, eosdem effectus e diversissimis conatibus esse editos. Et nos meminimus vetus illud:

— *peragit tranquilla potestas*  
*Quod violenta nequit;*

et nos, cum animadvertimus exempla et opera vicinorum Belgarum, quibus cum in unum regnum coaluimus, — cum gratâ mente recordamur, quorâ quamque egregiis nova haec docendi provincia ab octo inde annis doctrinae instrumentis a rege liberalissimo sit ornata, speramus, auditores, confidimus, tenses et lentos hosce conatus, et publice, quod precamur, perpetuo sustentatos, non omnino sine successu fore. Ita regis voluntate, qui me arctiori cum academiâ vinculo connectere non dedignatus est, — ita vestro, curatores illustrissimi, favore, quibus non prorsus displicuisse meum, quidquid fuit, opellulae, jam a pluribus inde annis grato animo animadverti, ita, collegae conjunctissimi, vestrâ amicitia et auxilio, ita vestrâ, juvenes ornatissimi, modestiâ eveniat. Ita velit D. O. M., ita faxit!

## A D D E N D A.

*R. 5. not. 5).* Aedes *Mosa-Trajectina*, *D. Servatii*, exhibetur item in *Verheerl. Nederl. II. n. 125 sqq.*

*P. 6 et 10).* *Byzantini* generis aedibus sacris, (adhuc exstantibus, an destructis, non dixerim) iisque geminis turribus ornatis, adnumeranda omnino est *D. Johannis, Arnhemensis*, cui postea chorus generis *Gothici* additus fuit.

Effigies, quae sero mihi innotuit, conspicitur in sylloge laud. *R. n. 83, 85.*

*R. 10.* Aedes *D. Walburgi*; *ibid. n. 87, 88.*

# NOTITIA LIBRORUM TABULARUMQUE, ARCHITECTURAM MEDII AEVI ILLUSTRANTIUM (1).

---

Qui mediï aevi architecturam prae aliis scripto illustraverunt, Britanni adhuc sunt et Germani.

— Et *Britanniam* quidem si spectes, architecturae illius cognitio hauritur vel e majoribus collectionibus, vel e modicis libellis, plerumque dissidia doctorum continentibus, vel e descriptionibus singularibus aedium tam sacrarum, quam nobilitatis fe alis.

Primo loco recensendus est:

• BENTHAM, *History of Ely Cathedral* (2), qui, quamquam e tertio genere, primus tamen deditâ operâ (3) argumentum nostrum critice illustrare instituit.

Sequuntur collectiones:

- GROSE, *Antiquities of England and Wales* (4).
- KING, *Munimenta Antiqua* (5).
- BRITTON, *Architectural Antiquities of England* (6).
- Ejusdem, *Cathedral Antiquities of England* (7).
- Plures dissertationes in *Archaeologiâ Britannicâ* (8).

Plu-

(1) Asteriscus, quibusdam titulis praefixus, significat me libro non usum esse, neque adeo fortasse ejusdem inscriptionem accuratissime enotasse. Caeterum urbium nomina hodierni usus servare salius duxi, quam Latine reddere.

(2) *Cambridge* 1771. 4to.

(3) *Deditâ*, inquam, *operâ*: nam alioqui temporis ordine praecedit nota WATSONI ad *Fairy Queen*. — vid. infra *Essays on Gothic Architecture*.

(4) *Lond.* 1773. III vol. forma 4to. sive XII vol., forma 8vo.

(5) *Lond.* 1799—1805. IV vol. folio.

(6) *Lond.* 1807. IV vol. 4to. — vol. V. modo prodîsse nunciatur.

(7) Prodierunt jam aedes episcopales urbium *Exeter*, *Peterborough*, *Wells*, *Canterbury*, *Oxford*, *Salisbury*, *York*, *Winchester*, *Norwich* et *Salisbury*. 4to.

(8) *Lond.* 1770 seqq. XX aut plur. vol. quorum partem tantum novi.

Plures item in libro qui inscribitur: • *Vetusta Monumenta: published by the Society of Antiquaries* (9).

Aliae vero collectiones, v. c.:

- DUGDALE, *Monasticon Anglicanum* (10), et
- *Bibliotheca Topographica Britannica* (11), architecturam, quod sciam, non praecipue adtingunt.

Minus etiam mihi nota sunt:

- LYSON, *Magna Britannia* (12).
- LYSON, *Ecclesiastical Topography* (13).
- GOUGH, *British Topography* (14).

Disputationes breviores et compendia fere sunt haec:

*Essays on Gothic Architecture*: utilis sylloge locorum e libris WARTONI, BENTHAM, GROSII et MILNERI congestorum. 1808. (15).

WHITTINGTON, *Ecclesiastical Architecture of France*, 1811.

MILNER, *Ecclesiastical Architecture of England*, 1811.

HAGGITT, *Two letters on Gothic Architecture*, 1813 (16).

HAWKINS, *History of Gothic Architecture*, 1813.

HALL, *Origin of Gothic Architecture*, 1813 (17).

RICKMAN, *Attempt to discriminate the styles of English Architecture*, 1819.

GUNN, *Inquiry into Gothic Architecture*, 1819 (18).

Denique peculiares aedificiorum descriptiones editae sunt

a° MILNERO (*Winchester*).

a° BRITTONO (*Bath, et Bristol*) (19).

(9) Lond. 1747-1818. IV vol. folio.

(10) Novissima editio facta a CALLEY, caet Lond. (LACKINGTON).

(11) Lond. 1790. VIII vol. 4to.

(12) Lond. 1806. plur. volumin. 4to.

(13) Lond. 1811. 4to.

(14) Lond. 1789. II vol. 4to.

(15) Plerique horum libellorum prodierunt Londini apud TAYLOR, in bibliopolio architectonico; utilissimo instituto, cui plurimi libri in architecturâ principes debentur.

(16) Typis vulgatum Cantabrigiae.

(17) Londini 4to.

(18) Caeterum ejusdem fere argumenti videtur esse libellus hic: • J. DALLAWAY *Observations on English architecture*.

(19) Lond. 8vo.



a<sup>a</sup>. *Societate Antiquariâ* (*Society of Antiquaries*) (*St. Stephen-Westminster; Exeter, Bath, Durham, Gloucester*).

a MILLERO (*Ely*) (20).

— In *Germaniâ* architectura mediæ aevi recentius, quam in *Britanniâ*, aliquod præcipuum studium invenit. Præiverat quidem suis jam anno 1773 GÖTHIUS (21), sed ita ut per insecuta bellorum tempora paucos, qui sequerentur, haberet (22). Pacis demum universae opportunitas ardorem in hoc studium excitavit.

Inter scriptores generaliores FIORILLO est, *Geschichte der Zeichnenden Künste*, qui per plures tomos, cum occurrit, de architecturâ agit, cuique multae magni pretii notitiae litterariae debentur (23);

et WIEBEKING, *Bürgerliche Baukunde* (24): qui liber locupletissimum adhuc thesaurum continere videtur omnis aetatis et regionis aedificiorum.

Sequuntur: STIEGLITZ, *Alt-Deutsche Bauart* (25).

MÖLLER, *Monumens de l'Architecture Allemande* (26).

BÜSCHING, *Einleitung in die Geschichte der Alt-Deutschen Bauart* (27).

DOM. QUAGLIO, *Sammlung denkwürdiger Gebäude des Mittelalters in Deutschland*; alio titulo: *Merkwürdige Gebäude des Teutschen Mittelalters* (28).

BÜSCHING, *Reisen durch einige Münster* (29).

Denk-

(20) Lond. 1808. 8vo.

(21) Cujus de aede Argentoratensi scriptio iterata est in ejusdem *Kunst und Alterthum* (T. IX. P. 3. p. 12). Sed memorabilis est exempli, et omnino comparanda eorundem ipsius nova de eodem argumento dissertatiuncula, quinquaginta post annis composita. (ibid P. II. p. 139.)

(22) Cf. SULZER, *Theorie der Schönen Künste* in v. *Bauart*, T. I. p. 307.

(23) Gött. 1798 — 1808, V vol. *Italien, Frankreich, Spanien, Gross-Britannien*. Seorsim prodit ejusdem *Geschichte der Zeichn. Künste in Deutschland und den Niederlanden*. Hannov. 1815 — 1820. IV Vol. 8vo.

(24) München. 1821. IV Vol. 4to. cum tabulis in plano et in fol. Ejusdem *Mémoire sur l'état de l'architecture civile dans le moyen age* (Munich 1824. 4to.) et *Cathédrales de Reims et de York* (Munich 1825. fol.) excerpta sunt e majoris operis Tom. III.

(25) Leipz. 1820. 4to. cum tab. fol.

(26) Item Germanice. — Darmst. 1819. fol. Vol. I. cum Vol. III. pluribus fasciulis.

(27) Breslau 1821. 8vo.

(28) Primum München (apud ZELZER); postea Carlsruhe (apud VETTER) II Vol. fol. maj. (L. V. a. a. sed circa a. 1821; II V. 1823.)

(29) Leipz. 1819. 8vo.

*Denkmale Deutscher Baukunst am Ober-Rhein* (30).

*Mittheilungen aus dem Gebiet Histor-Antiquar. Forschungen*, herausgegeben vom Thüringisch-Sächsischen Verein (31).

\* *Die Bergvesten und Ritterschlösser der Oesterreichischen Monarchie* (32).

COSTENOBLE, *Ueber Alt-Deutsche Architectur* (33), quamquam titulo generaliori, refertur, puto, praecipue ad aedem episcopalem Magdeburgensem.

Alia de peculiaribus aedificiis opera sunt haec:

MÖLLER, *Ueber die Original-Zeichnung des Doms zu Köln* (34).

\* BOISSERÉE, *Der Dom von Köln* (35).

HUNDESHAGEN, *die Gothische Kapelle zu Frankenberg* (36).

SCHWECHTEN, *der Dom zu Meissen* (37).

F. H. MÜLLER, *die St. Katharinen Kirche zu Oppenheim* (38):

H. SCHREIBER, *das Münster zu Freiburg im Breisgau* (39).

HUNDESHAGEN, *der Pallast zu Gelnhausen* (40).

BÜSCHING, *das Schloss zu Marienburg* (41).

— Gallicos libros complures nobiliores vixdum mihi quodammodo innotuisse doleo, ita ut, quantum inde subsidii ad studium architecturae medii aevi peti possit, dicere non habeam. Quem defectum caeterum quivis doctior facile supplebit. Sunt autem:

\* MONTFAUCON, *Monumens de la Monarchie Française*:

\* MILLIN, *Antiquités Nationales* (42).

\* WILLEMIN, *Monumens Français inédits* (43).

\* DE LA BORDE, *Monumens de la France, classés chronologiquement* (44).

\* Lx

(30) Freiburg 1825. fol. cum descriptione forma 8va.

(31) Naumburg 1822. 4to. Fasc. 1—4.

(33) Halle 1812. fol.

(35) Stutg. et Paris 1821. fol. maj.

(37) Berlin 1823. folio.

(39) Freiburg im Breisg. 1820. 8vo.

(41) Berlin 1823. 4to. cum tab. folio.

(43) Paris 1806. II Vol. fol.

(32) VII voluminibus.

(34) Darmst. 1818. 4to. cum tab. fol.

(36) Francf. a. M. 1808. fol.

(38) Darmst. 1823. fol.

(40) Mainz 1819. fol. ed. 2; 2<sup>a</sup> ed prostat apud auctorem.

(42) Paris 1790. V Vol. 4to.

(44) Paris 1815. V Vol. folio.

- \* LE NOIR, *Musée des Monumens Français* (45).
- CHAPUI, *Cathédrales Françaises* (46).
- \* PROUT, *Picturesque buildings of Normandy* (47).
- \* COTMAN, *Architectural antiquities of Normandy* (48).
- \* PUGIN and LE KEUX, *Architectural antiquities of Normandy* (49).
- \* DAWSON TURNER, *Tour in Normandy* (50).
- \* DE GOLBÉRY et SCHWEIGHAEUSER, *Antiquités de l'Alsace* (51).
- \* NODIER, TAYLOR et DE CAILLEUX, *Voyage Pittoresque dans l'ancienne France* (52).

Singularia aedificia paucos adhuc descriptores artis peritos invenerunt. Sunt tamen :

SAUVAN et SCHMITZ, *Palais de Justice, conciergerie et sainte Chapelle de Paris* (53).

GILBERT, *Basilique Métropolitaine de Paris* (54).

GILBERT, *Eglise Métropolitaine de N. D. de Rouen* (55).

Plures tamen minoris momenti syllogae, tam ex aere quam e lapide (56) descriptae prodierunt; nomine fere *Itinerariorum Pictoriorum*.

— *Italiae* aedificia, quae *Gothica* dicuntur, in omnibus descriptionibus maioribus, tabulis ornatis, reperies; imprimis in: *Stedeboek van Italie*, et in GRAEVII, BURMANNIQUE *Thesauro Italico*. Sed magis dedita operâ in:

SEROUX D'AGINCOURT, *Histoire de l'Art par les monumens* (57), qui pleraque exempla sua ex Italia desumsit; ubi degebat.

Addatur:

GUTENSOHN und KNAPP, *Denkmale der Christlichen Religion oder Basiliken Roms* (58).

RUBL;

(45) Paris 1801. VI Vol. 8vo.

(47) Lond. 1821.

(49) Lond. 1826. 3. part.

(51) Paris 1825—26. 20 livrais. fol.

(53) Paris, (s. a.) 1826. Fasc. 1, 2. fol.

(55) Rouen 1816. 8vo.

(57) Paris 1823. VI Vol. fol.

(46) Paris 1823—1826. fol. Fasc. 1—6.

(48) Lond. (fere circa eundem annum) 4. part.

(50) Lond. 1820. II Vol. 8vo.

(52) Paris 1820. folio.

(54) Paris 1821. 8vo.

(56) Praecipue apud DELFZEM.

(58) Rom 1822. fol. Fasc. 1—3.

RUHL, *Kirchen, Palaeste und Kloster in Italien, oder Denkmale der Baukunst in Italien* (59).

Et, de peculiaribus quibusdam aedificiis:

*La metropolitana Fiorentina illustrata* (60).

DEL ROSSO, *Tempio di S. Giovanni di Firenze* (61).

FRANCHETTI, *Storia e descrizione del Duomo di Milano* (62).

*Nuova descrizione del Duomo di Milano* (63).

— Simile architecturae genus, quod in *Hispaniâ*, maxime per Arabes, viguit, cognoscitur ex his libris:

\* *Antiguedades Arabes de España (de Granada y Cordoba)*, (editis ab Academia Architecturae Matritensi) (64).

\* MURPHY, *Arabian Antiquities of Spain* (65).

DE LA BORDE, *Voyage Pittoresque de l'Espagne* (66).

— De *Lusitaniâ* nihil ad meam pervenit notitiam, nisi:

\* MURPHY, *Monastery of Batalha* (67).

— Tandem extra Europam quae sunt medii aevi aedificia, sive quis peculiare Arabicum architecturae genus distinguat, sive minus, inveniuntur in Itinerariis majoribus, minoribusque et *Itinerariis Pictoriis*. Sic *Aegyptus* quaeratur in *Description de l'Egypte (Etat Moderne)*; *Syria* et *Asia Minor* in MEYER, *Views in the Ottoman Dominions*; reliquae Turcici imperii regiones in RACZYNSKI, *Malierische Reise*; eadem, et *Persia*, apud DE BRUYN et CHARDIN; regnum *Maroccanum* et *Arabia* (item *Syria* et *Palaestina*) in ALI BEY EL ABASSI, *Travels*; *India*, in DANIELL, *Oriental Scenery*.

(59) *Darmstadt* (s. a. sed circa a. 1822.) Fasc. 1-5.

(61) *Firenze* 1820. 8vo.

(63) *Milano* 1820. 8vo.

(65) *Lond.* 1816. fol.

(67) *Lond.* 1795. fol.

(60) *Firenze* 1820. 4to.

(62) *Milano* 1821. 4to.

(64) (*Matriti*) 1804. fol. maj.

(66) *Paris* 1807. IV Vol. fol.

# ERRORES TYPOGRAPHICI.

<i>P.</i> 20	v. 8	f dalis	<i>leg.</i> feodalis
— 22	not. (21)	scriptio	— scriptio anni 1773
— —	(26)	<i>Vol. III.</i>	— <i>Vol. II.</i>
— 23	— (44)	<i>Vol.</i>	— <i>III Vol.</i>
— 24	— (53)	(s. a.) 1826.	— 1825.

RETRI JOANNIS UYLENBROEK

O R A T I O

DE

*HODIERNI PHYSICES ASTRONOMIAEQUE  
STUDII PRAESTANTIA,*

HABITA. A. D. XXX-SEPTEMBRIS ANNI MDCCCXXVI,

QUUM EXTRAORDINARIAM PHYSICES ET ASTRO-  
NOMIAE PROFESSIONEM IN ACADEMIA LUG-  
DUNO-BATAVA SUSCIPERET.





**ACADEMIAE LUGDUNO-BATAVAE CURATORES, VIRI PERILLUSTRES!**

**RECTOR MAGNIFICE!**

**CIVITATIS ET AGRI LUGDUNENSIS JUDICES, VIRI GRAVISSIMI, INTEGRERRIMI!**

**AMPLISSIME CIVITATIS CONSUL ET RELIQUI MAGISTRATUS, QUIQUE UTRIQUE ORDINI AB ACTIS ESTIS, VIRI SPLENDIDISSIMI!**

**QUARUMVIS DISCIPLINARUM PROFESSORES CLARISSIMI!**

**ARTIUM ET LINGUARUM LECTORES DOCTISSIMI!**

**DIVINORUM ORACULORUM INTERPRETÈS PLURIMUM VENERANDI!**



ARTIUM ET DISCIPLINARUM DOCTORES PERITISSIMI!

LECTISSIMA JUVENTUS, SPES PARENTUM, PATRIAE, HUMANITA-  
TIS!

QUOTQUOT DENIQUE ADESTIS, CIVES, HOSPITES, CUJUSCUNQUE  
ORDINIS, LOCI, DIGNITATIS, AUDITORES NOBILISSIMI, EXOP-  
TATISSIMI!

Quum

---

Quum anno superioris seculi octogesimo septimo Petrus Nieuwlandus in Academia Ultrajectina Astronomiae Professor esset renunciatus, muneris sui auspicandi gratia orationem scripsit, in qua Astronomiae tum temporis conditionem tamquam felicissimam delineavit, futuramque feliciorē adhuc vaticinatus est. Hanc autem orationem, quae, teste Swindenō, et elegantissima erat et ingenii doctrinaeque documentis plena, quominus pronuntiaret impedivit temporum istorum iniquitas. Republica enim continuīs turbis quassata, et conversione in urbē Trajectina facta, Magistratus, qui tūm praevalebat, Nieuwlandum, pridie antequam orationem esset habiturus, per litteras reddidit certiorē, ejus vocationem esse injustam, adeoque haberi nullam. Hunc inopinatum fortunae casum aequo tulit animo Nieuwlandus, nos autem jure dolemus, quippe qui virum praestantissimum per duos annos ab erudienda juventute prohibuit, et nos ejus oratione privavit, quae dignum certe inter reliqua ejus scripta locum occupasset.

Quae vero causae Nieuwlandum impulerunt ut Astronomiae suo tempore studium laudibus efferret, eadem nobis hodieque supersunt, AA.; eadem nos cogunt alias quoque disciplinas naturales, Physicam imprimis, felices praedicare. Qui enim Astronomiam vel Physicam vel utramque disciplinam colant, ubivis adsunt numero probabili. Nulla fere est orbis terrarum regio, non omnis humanitatis expers, quae non subinde observationes et experimenta instituta videat. Ita non Europae tantum partes cultissimae sed et Asia, et Africa meridionalis, septentrionalis America,

quā et Australia, quaeque suos, habent astronomos, physicos, et quae his usu veniunt adminicula. Imprimis vero haec nostra Europa astronomis subsidiisque, quibus indigent, dives est; abundat physicis, qui vel seorsim vel conjuncta opera disciplinam, quam diligunt, novis inventis ornare et amplificare student. Cujus veritatis alia testimonia afferre non opus est, quam doctarum societatum scripta, aliasque privatorum hominum cura editas ephemerides, quarum numerus quamvis ingens, nihilominus quotidie crescit, et quae tot observationibus, experimentis et theoriis sunt refertae, quibus omnibus rite aestimandis, repetendis, examinandis vix tempus sufficiat.

Ita quidem dictas disciplinas hodieque maxime florere diceremus, si vel ex eorum numero qui iis incumbunt, vel e rerum inventarum ubertate esset judicandum. At, quae diximus, ea externam tantum disciplinarum conditionem spectant, quae si numquam non verax esset internae simulacrum; nullum profecto in nostra patria tempus Physicae promovendae magis favisse dicendum foret, quam quod ab exeunte superiori seculo initium duxit, et per paucos annos hujus, quod vivimus, aevi perduravit. Ecquis enim tum erat, liberaliori institutione educatus, qui non sacro quodam naturam investigandi et explicandi ardore flagrare videretur? Quae civitas, in qua non societates ortae, non musea condita et instrumentis instructa sint? Quae societas, in qua non sedulo orationes habitae, experimenta instituta, observationes relatae sint, ut sic junctis viribus naturae arcana detegerentur? Quot vero et quales fuere hujus, caeci fere dixerim, amoris fructus? Nec multi, AA. nec dulces; atque de pristina 's Gravezandii et Musschenbroekii in physicis disciplinis excolendis laude, quam tueri isti sibi videbantur, procul dubio fuisset actum, nisi eam virorum quorundam egregius labor in hunc usque diem intactam vindicasset. Tanti igitur interest ne specie nos decipi sinamus!

At, o felicem nostram aetatem, quae inter plurimos naturae cultores multos numerat, qui regiam viam secuti, coelorum tellurisque nostrae subtilissima phaenomena assidue observant et sana usu ratione explicant. O felicem nostram aetatem! quae ex accurata naturae contemplatione hominum commodis prospicere et humanitati consulere imprimis conatur.

Hanc

Hanc disciplinarum, quae nobis curae cordique sunt, sortem non immerito laudari, pace vestra AA. OO. paucis velim ostendere documentis. Dicere enim constitui *de hodierni Physices Astronomiaeque studii praestantia*. — In hac autem materia explicanda, si quod Nieuwlandus quondam agitabat consilium, ego hoc tempore exsequi velle vobis videor, AA., nolite tamen a me orationem vel exigere vel exspectare aut ipsa re aut tanto viro dignam; sed quam dudum experientia cognovistis, in animum revoce-  
tis meam in dicendo mediocritatem. Ego certe quamvis onus susceperim viribus meis impar (et quodnam aliud mihi non gravius incumberet?) vestra tamen mihi probata indulgentia fretus, illamque denuo implorans, viam, quam nimis forte audax ingredior, pro virili percurrere conabor.

Ea naturam investigandi ratio, quae dulcis utilisque laboris uberrimos promittit fructus, duobus insignis est characteribus, quorum alter est peculiaris quaedam in observando cura et diligentia; alter, arctissimum vinculum theorias inter et universam virium doctrinam. Duobus autem his criteriis hodiernum Physices Astronomiaeque studium imprimis excellit. Observandi curam et assiduitatem praecipuas voco naturae interpretis dotes; quibus qui careat, is, quamvis ingenti naturae amore percussus, ab ea interroganda rectius abstinebit. Potest autem observandi ars bifariam spectari; vel enim animi quandam constantiam corporisque dexteritatem et aptitudinem requirit, ut observationum subtilissimarum longam nobis comparemus seriem; vel ingenii vim postulat, quae in observationibus experimentisve instituendis delectum faciat idoneum. Illam studio et labore unus fere quisque sibi propriam reddere potest; haec, quippe quae divinitus conceditur, ullo exercitio, ne maxime quidem intenso, comparari nequit. Quantum vero utriusque in promovendos scientiarum naturalium fines sit momentum, quantopere hae disciplinae vigeant florentque necesse sit, si arcto vinculo altera alteri sit juncta, paucis videtur esse exponendum.

Omnis de naturae phaenomenis eorumque causis disquisitio ab observatione ordiatur. Naturam si intelligere volumus, ipsa nobis est interroganda, ejusque responsa sedulo sunt colligenda et perpendenda. Sunt enim haec fundamenta, quibus omne quod de naturae viribus iudicium feramus, nitatur. Fundamentis autem vacillantibus, quis firmi solidique aedificii spem  
va-

vanam esse neget? Haud vero multas fecisse observationes opus est; ut intelligamus omnes, nisi singulari in his instituendis utamur cura, nullam ab iis salutem esse expectandam. Ad varia enim phaenomena provocanda plurimae conspirant causae, quarum omnium ac singularum ratio est habenda, quarum unicuique suum est constituendum pretium. Atque in eo quidem praecipuum positum est artis momentum et simul praecipua difficultas; quia tantum abest, ut omnes, quae deteguntur, causae vim exerant eandem et facile definiendam, ut major earum pars, quippe levissimi ponderis, non nisi temporis diuturnitate aliquam praestare effectum inveniat. Quod cum ignorarent Veteres, mirum non est antiquitus disciplinas naturales progressus fecisse adeo lentos, ac recentiori tempore, cum huius tarditatis causa innotuisset, mox disciplinarum conditionem fuisse mutatam et multo evasisse feliciorum. Scilicet cum jam de eo constet, minime sufficere varias enumerare naturae vires, quae phaenomenorum ortum et progressum determinant, sedulo curandum est, ut singulae istae vires earumque agendi rationes seorsim explorentur; ut certo modo quid cuique tribuendum sit, possit definiri. Subsidia igitur creentur, alia, quibus sensuum fallacia vitetur et acies corroboretur; alia, quae apta sint ad minimas in natura obvias mutationes veluti mensuris ponderibusque inter se comparandas; alia denique, quae observationum nexum concinne; perspicue, fideliterque animo repraesentent. Quae omnia, quamvis ad observationes summa cura instituendas faciant multum, cum nondum faciant satis, tandem salutaris iis adhibeatur multiplicandi methodus, qua illud lucratur, ut quam proxime ad veritatem accedere possimus.

Hic observandi modus, qui subtilissima quaeque persequitur, si vobis, AA. HH. valere in scientiarum augmentum videtur, quanto magis eum aestimandum esse censebitis, si physicus aut astronomus ingenii vi ductus eodem in illis rebus examinandis utatur, quibus vel novae naturae leges, vel mirae corporum proprietates deteguntur, vel variae disciplinarum partes arctiori vinculo inter se conjunguntur. Alii quidem in aliis experimentis vel observationibus omnem collocant operam, (nec eorum diligentia reprehensione, quin imo laude digna est) non vero omnibus conceditur studii sui eos, quos dixi, dulces colligere fructus. Quot non, ut unum tantum afferam exemplum, a duobus inde seculis in meteora factae sunt inquisitiones? quan-

to non ardore istae his quoque diebus continuo repetuntur? neque tamen ab hac parte multum profecimus. Veniet autem tempus, quo, si pergamus uti coeptum est, haec aliaque, quae nunc nos latent, clarissima luce collustrata conspicientur. Ita sane augurari licet, si, quem ratio postulat agendi modum, eum comprobet experientia. Retro igitur vertamus oculos AA. in annos nuperrime actos, et paucis videamus quae tum fuerit naturam explorandi ratio, quae eam insecuta sit disciplinarum naturalium conditio.

Quam vobis, AA. OO. describere conatus sum optimam observandi methodum, ea huic aetati maxime est propria; siquidem jam in eo omnes omnium naturae cultorum conatus conveniunt ut industria et assiduitate singularibusque adhibitis cautelis omnes phaenomenorum causas indagent, et quid quaeque in variis casibus valeat explorent. Hinc aliae disciplinarum partes majori, quam antea factum erat, studio elaboratae; aliae veluti recens creatae; in omnibus denique nova ratio praestantissimorum instrumentorum auxilio instituta. Nec sane quos inde Physica fecerit progressus sollicitate est circumspiciendum. Nullum enim hujus disciplinae caput est, quin a majori in observando cura insignia ceperit incrementa. Mirum videbitur, et vix fidem inveniam, si dixerò hac demum aetate methodum inventam esse omni dubio liberam, qua corporis pondus definiatur; hac demum aetate thermometer, barometrumque, instrumenta, quibus per duo secula continua usi sunt physici, chymici, astronomi, itineratores, talia construi, in quibus nullus amplius metuendus sit error; hac demum aetate calorigi, electricitatis, magnetismi, et luminis proprietates esse repertas, quae cum ad usum sunt fructuosissimae, tum amplum, in quo progrediamur, campum aperiunt. Ita tamen est, AA. Quum, superiori seculo versus finem vergente, immutabilis mensura ab ipsa petebatur natura, satis quidem noti erant siderum cursus, sed quae esset via sequenda ut cujusvis corporis pondus examinaretur, plane erat ignotum. Noverant physici calorigi vim quae omnia corpora expandit; dilatationis vero quantitatem et legem primi determinarunt Lavoisierius et Laplacius. Noverant calorigi proprietatem, quae solida in liquida, haec vero in elastica fluida convertit, sed, qua ratione istae mutationes procedant, et quanti sint in re domestica usus, his imprimis diebus docuit Gallorum Anglorumque conjuncta opera. Noverant phy-

physici et a multis inde annis noverant, electricitatis et magnetismi primum phaenomenon, attractionis et repulsionis nomine appellatum, sed cui illud legi obtemperet, nunc demum subtilissimo instructus apparatu inquisivit Coulombus, ostenditque eandem in eo vigere legem, qua planetae perpetuo solem versus agitantur. Noverant physici variis modis electricitatem protrahi, variisque de causis eam rursus dissipari; magnetismi non in omnibus magnetis punctis quantitatem esse eandem; sed qua ratione haec fluida (si fluida ea vocare licet) in corporum superficiebus se collocent, quam imminutionis legem sequatur electricitas, ejusdem instrumenti auxilio Coulombus egregie demonstravit. Suspicati jam dudum erant physici esse quandam inter fluida ita dicta imponderabilia, analogiam; hanc autem suspicionem probabilem reddidere novissima Oerstedii Matronaeque de Sommerville experimenta, quorum alia quidem magnetismum electricitatis ope, alia vero eundem luminis auxilio gignunt. Quid vero de phaenomenis thermo-electricis, de necessitudine inter caloricum et lumen, quid de ipsius luminis miris proprietatibus certatim a Gallis, Anglis, Germanisque nuperrime detectis, dicam? Profecto si singula quae hic commemoranda sunt, digno vellem exponere modo, finem non inveniret oratio. Praecipua igitur tamquam digito monstrasse suffecerit, ut de eo constet quod dixi, felicissimam esse nostro tempore Physicam, eamque studio inprimis et labore illud quo pervenit, attigisse fastigium.

- De Astronomia autem haud aliter velim censeatis AA. Ab antiquissimo inde tempore homines, vel necessitate coacti, vel voluptate ducti, ad siderum cursus notandos, mox senserunt quantum ipsis in solertiori observatione foret praesidii. Hinc instrumentorum origo, quae subsequentibus seculis magis magisque proposito fini consequendo accommodata, hac nostra aetate perfectionis fere limites invenisse videntur. Haec vero subsidia tam egregia, quibus indigemus ut oculorum imbecillitati succurramus, non, ut ante fieri solebat, in altis turribus numquam non tremulis et vacillantibus collocantur, sed in ipso solo in saxis maxime rupibusve immota figuntur; quo quantopere observationibus rite faciendis consulatur, omnes, vel me non moneute, intelligitis AA. Addite tandem indefessam astronomorum diligentiam in instrumentis suis cognoscendis, quae, quamvis absolutissime elaborata, non ab omni tamen vitio semper manent immunia; mirabilem plane constantiam,

et veritatis studio profectam, qua observationes suas sexcenties repetunt; singularem denique industriam, qua ipsi (testes sunt Herscheli, Schroeter, Fraunhofer) Opticam excolunt, nec mihi fidem denegabitis. AA. affirmanti astronomos hac aetate nequaquam physicis in observando curae et assiduitatis palmam cedere. — Tantumne vero laborem irritum fuisse et infructuosum oenseremus AA? minime vero: et rerum inventarum numero crevit Astronomia, et maxime fundamentorum firmitate. Planetarium nostrum systema quatuor hoc aevo lucratum est planetas, quorum orbitae, revolutionum tempora; magnitudines, aliaeque huc pertinentia brevi quam proxime sunt definita. Eadem de reliquis planetis tam primariis quam secundariis nisi omnibus at plerisque tamen majori certitudine innotuere. Nullum fere cometam hodie repertum indicant astronomi (et quot non subinde observantur?) quin simul viam quam sequetur, praenuntient. Quae omnia minus prospere cederent, nisi artis suae fundamentis stabiliendis, stellarum scilicet fixarum positionibus bene cognoscendis tantopere incumberent astronomi. Haec autem haud minima hujus aetatis laus est, quod totum coelum perlustrandi laborem alacriter suscipiant, et ita quidem ut minutissima simul phaenomena in duplicium stellarum motibus, ab illustri Herschelio primum animadversis, conspicua, ingenti cura prosequantur. Utique si alteri Herschelio, patre digno filio, si Southio, Besselio, Struvio, laborem, quem incoeperunt continuare concedatur, multosque invenire exempli sui imitatores, dubium nullum est, quin nova oriatur Astronomiae aetas, quae inventorum celebritate reliquis omnibus longe antecellat.

Vidimus AA. HH. observandi diligentiam in disciplinis physicis uberrimum esse utilissimarum rerum fontem. Altero jam loco videamus quo pretio habenda sit phaenomenorum explicatio in virium doctrina fundata.

Astronomiam et Physicam vulgo ajunt explicare naturae miracula. Recte quidem; sed quid est illud explicare? Est, dicunt, phaenomenorum causas probabiles indicare. Igitur, si de lunae solisque defectibus agatur, dicemusne cum Anaximandro lunam et solem tamquam per fistulae foramina lucere, quibus forte obturatis, eclipses oriantur? an Thaleti assentiemur, hos defectus e solis, lunae, tellurisque diverso positu explicanti? Lignum sibi permisum cadere, fumum vero vaporesque sursum ferri videmus; dicemusne igitur cum Aristotele lignum esse grave, fumum et vapores esse leves? an inde cau-



sam petemus, quod, eodem posito ligni, aëris et vaporis volumine, in ligno plures, in vapore pauciores adsunt materiae particulae, quam in aëre? Aqua in antlia vulgari non ad maiorem triginta duorum pedum altitudinem adscendit; num hujus rei causam quaeremus cum scholasticis in mirabili quodam naturae horrore, qui nullum spatium, si modo triginta duobus pedibus non majus sit, vacuum esse sinat? an cum Torricellio causam statuemus in aequilibrio inter aquae aërisque illam prementis columnas? Profecto quas altero loco dictorum phaenomenorum proposuimus explicationes admitemus AA., sed quo nixi fundamento? eo, inquietis fortasse, fundamento, quod priores illae sophistarum nugae sunt, ne flocci quidem pendendae. Sit ita; sed quis affirmet, quas nos praetulimus causas, eas non aliquando posteritatem inter hujus temporis nugas esse relaturam? Sentimus igitur aliquid esse debere, quod in phaenomenorum causis indagandis nos ducat, ne semper haereamus dubii incertique. Quod vero et quale id sit cum declarandum est, facili potius utamur exemplo, quam subtili argumentatione.

Exemplum nobis sit quaestio de telluris nostrae in hoc universo vel motu annuo vel quiete. Solne igitur moveatur an terra quaeritur. Facilis videtur responsio, a prima inde infantia a parentibus magistrisque nobis inculcata: sol corpus est adeo ingens, millenis aliquot vicibus terram magnitudine superans: circa solem vertuntur (id enim ex observationibus constat) alii planetae, ad minimum duo; mirabilis quidam cernitur ordo si cum reliquis terram suo in loco moveri statuamus; haec igitur, aliaque similia docent certo non solem esse qui moveatur. Fallimur AA., haec argumenta id non certo docent; probabilem quidem eam sententiam efficiunt, quae soli quietem tribuat, nihil vero habent, quo rem ita esse nobis persuadeant. Quidni enim sol, quamvis toties tellure major, circa hanc cursum suum absolvere posset? Cur, si phaenomena, quamvis paulo difficilius, explicantur, telluri quietem suam invideamus? Ordinem denique quod attinet, an eum in reliquis systematis nostri planetarii talem invenimus, qualem nos homunciones desideraremus? Repeto itaque allata argumenta quaestionem non penitus solvere. Quid igitur? Alia quaerenda sunt subsidia, quibus expediatur haec difficultas. Observatur autem in stellis fixis phaenomenon aliquod mirum, periodicum, seculo fere abhinc fortuito detectum, quod primum quidem cum quaestione de qua agimus nullam, ne remotam quidem, necessitudinem habere videtur, sed  
quod

quod tamen bene perspectum eam quam quaerimus demonstrationem nobis offert. Phaenomenon quod volo vocant stellarum aberrationem, ita dictam, quia revera omnia corpora coelestia, imprimis vero stellae fixae a locis, quae occupare deberent, aliquantum deviare videntur. Hujus quidem aberrationis, pro diversis anni tempestatibus diversae, quovis tamen vertente anno eadem summa reperitur, quo sponte inducimur ut aliquem inter hoc phaenomenon et annum solis tellurisve motum nexum suspicemur. Et sane haec aberratio intra anni spatium ejusmodi patitur variationes, quae aliunde explicari non possunt, nisi ex annuo, non solis sed telluris nostrae motu, cum luminis, a stellis fixis emissi et coelorum vastum spatium tempore quodam percurrentis, motu conjuncto. Tale praeterea motuum, secundum leges Mechanicae, connubium omnia aberrationis phaenomena non tantum e voto explicat, sed eadem illa quoque accurate praenuntiat; adeo ut maxime sit mirandum, quod cum luminis motus a Römero esset demonstratus, tellurem vero moveri inter verisimillima censeretur, nemo aberrationem probabiliter existere praeviderit, nec de ea indaganda cogitaverit. Quod si obtinuisset, telluris nostrae motus annuus semi saeculo fere ante inter veritates demonstratione ornatas relata fuisset.

Propositum exemplum satis, nisi omnia me fallant, ostendit tum demum disciplinas physicas florere, si, quas hae continent quaestiones, eae ita solvantur, ut in posterum nullus amplius de iis sit disputandi locus; id autem fieri non posse, nisi phaenomenorum causas probabiliter ex observationum indicationibus assumptas ratione mechanica et mathematica componamus, et quae inde sequuntur corollaria cum ipsis phaenomenis rursus comparemus. Scilicet quaecunque corpora existunt, a summo naturae Opifice variis instructa viribus, his ipsis in se invicem agunt, et omnia, quae observantur, phaenomena veluti regunt et gubernant. Istae vero vires, quamvis in aliis corporibus aliae, in eo tamen conveniunt, quod aequilibrii motusque legibus generalibus omnes obtemperant; quae leges ratione nostra ex ipsis, quas Deus nobis de viribus indidit, notionibus haustae, ita sunt immutabiles, ut non nisi cum hoc ipso, quod sustentant, universo cadere possint. In explicandis ergo naturae phaenomenis illud imprimis agendum est, ut tales corporibus tribuamus vires, quae istis phaenomenis, quocunque se habeant modo, producendis aptae sint et in Statices Dynamicsque regulis

fundatae. Hac ratione si procedamus, fieri nequit, quin brevi ad interiorum rerum cognitionem simus perventuri, eamque non a futuris seculis profligandam, sed magis magisque confirmandam. Ita quas Galileus, Hugenius, Newtonus multorum phaenomenorum dedere explicationes e Mechanica petitas, iis in hunc usque diem honos laudesque suae manserunt et in posterum procul dubio manebunt.

Aetatis quam consideramus AA. alter character est ea ipsa, de qua disputavimus, disciplinas naturales inter et Mechanicam arctior necessitudo. Haec in Astronomiae studio viget, nec minus in illis Physices partibus, quae tandem aliquando majori solertia tractari coeptae sunt. Affirmare equidem nolo nunc demum a Mechanica lucem petiisse et impetrasse Astronomiam et Physicam; quis enim ignorat a nascente inde saniore naturae studio, in theoriis concinnandis subinde Mechanices rationem fuisse habitam? sed illud volo, hoc tempore Mechanicam universe haberi pro instrumento, quo theoriae jamjam probatae poliantur et perficiantur, vel pro lapide lydio, quo novae caute admodum explorentur. Novistis AA. quantum Newtonus, d'Alembertus, Eulerus, Lagrangius, alii, operam adhibuerint ut systematis nostri planetarii phaenomena ex attractionis vi generali exponerent; novistis egregium hunc praeclarorum virorum laborem non caruisse successu; novistis multa ab iis e theoria fuisse indicata quae cum observationibus convenirent, nonnulla quoque fuisse praevisa, quae deinceps experientia comprobavit; novistis tandem, multum etsi ab iis factum esset, multum tamen eos faciendum reliquisse. Quod autem isti ulterius limandum posteritati commendaverant opus, id nostra aetate absolutum consideramus AA. et laeti admiramur. Quidni enim miremur laborem ingentem, innumerisque difficultatibus implicatum tam feliciter tam brevi tempore ad finem perductum. Cogitetis AA. viginti octo systematis nostri planetarii corpora, variis massis, molibusque constantia, variis formis insignia, varia ratione disposita, omnia vero una eademque vi circa solem acta et in se invicem agentia motusque suos perturbantia: cogitetis vero simul theoriam e Mechanica haustam, et observationibus singulari cura institutis fultam, id effecisse, ut, si hodie tubus opticus versus aliquam coeli plagam dirigatur, multis annis ante non dies tantum et hora et minutum pri-

primum sed etiam secundum praenuntiari possit, quo corporum horum quodlibet, in tubi centro sit appariturum; haec si cogitetis, inquam, De Lambrio mecum suffragari haud dubitabitis, Astronomiam hoc quidem nomine disciplinam perfectam absolutamque esse affirmanti.

Hodierna Physices conditio etsi testimonio tam splendido nondum possit exornari, multis tamen exemplis dives est, e quibus appareat et salutarem esse hujus disciplinae cum Mechanica conjunctionem, et eam naturae interpretes incredibili obsequio et veneratione complecti; quod uno alterove documento multorum instar confirmare juvat. Vidimus supra, cum de Physices incrementis, ex accuratissima observandi methodo hoc tempore captis, sermo esset, Coulombum observatorem indefessum et ingeniosum, varias invenisse electricitatis proprietates, quae inprimis singularem ejus in corporibus distributionem spectant. Jam vero horum phaenomenorum causa quaeritur: observatio enim docet quid fiat; theoria rationem reddat necesse est, cur phaenomena talia sint, qualia observantur, nec alia esse possint. Quaestio cum intima corporum quae consideramus natura eorumque viribus cohaeret. Corporum naturam proprietatesque ignoramus; sed ea ipsa quae observamus et explicare tentamus phaenomena, nos veluti cogunt aliquam de iis facere conjecturam. Itaque ex hypothesi assumpta, Mechanices lucem secuti et numquam non intuentes, ratiocinamur et varia quae in diversis casibus observari possunt phaenomena,mero calculo definimus. Quod si accadat ut theoria nostra cum observationibus non conveniat, in hypothesi fingenda nos lapsos esse sequetur, aliamque tentandam esse viam. Si vero illa his plane respondeat, nonne vobis AA. videretur hypothesis maxime fieri probabilis; certa enim tum demum diceretur, si ex eadem illa omnia omnino quae observantur phaenomena facili et convinna ratione possent evolvi. — In explicandis igitur, ut ad positam quaestionem revertar, electricitatis quibusdam phaenominis, eam quam monstravi viam ingressus est illustris Poissonus, Mechanicae analyticae admodum peritus, qui in his perquisitionibus successu usus est adeo felici ut omnes Coulombii observationes e theoria protraxerit, aliasque praedixerit dein experientia confirmatas, hoc unico principio nixus: electricitatem duobus constare elementis fluidis, quorum particulae admodum mo-

bi-

biles ejusdem elementi sese repellant, alterius autem attrahant viribus distantiarum quadratis inverse proportionalibus.

Eandem agendi normam his ipsis annis secutus est Fresnelus et ingenii sagacitate et observandi industria excellens, ut miranda luminis phaenomena ex hujus indole explicaret. Ab omni aevo physici de luminis natura in varias abiere sententias. Alii enim (ut antiquissimos nihil sani dicentes taceam) Hugenio nostrati adstipulantes, ut sonus ex aëris, ita lumen ex medii cujusdam aetherei vibrationibus oriri statuunt. Alii cum Newtono faciunt, lumenque ipsum materiam esse volunt, quae a corporibus lucidis emittatur. Affert utrique phaenomena quibus vel suam defendant opinionem vel adversarios oppugnent. At phaenomena scorsim posita haud magnam habere vim videntur; sed omnium complexus ex alterutra hypothese rationibus mechanicis ita explicandus est ut inde simul manifestum sit alteram subsistere non posse. Illud itaque tentavit Fresnelus, Youngii inprimis exemplo experimentisque commotus, et cum Poissono eandem rem explorante amice disputans. Hugonii hypothesein, quod ad summum attinet, suam fecit; posuit esse quoddam medium aethereum, valde elasticum, finxit vibrationes in eo excitari, atque jam legum Mechanices adjumento, quaesivit quae et qualia phaenomena ex ejusmodi vibrationibus oriri debeant. Eventus spem fere superavit; sed cum nondum eo perventum sit ut omnia luminis phaenomena eadem ratione mechanica explicentur, assensum colibere nos decet, votaue facere ardentissima ut quam in disciplinarum physicarum augmentum viam aperuerunt hodierni naturae interpretes, difficilem quidem illam, at securam, et fallere nesciam, eandem alacriter currant, brevique metam attingant.

Plura quamvis is quae retuli, addi possent AA.; malo tamen hic subsistere quam vestra abuti patientia. Satis quoque dixisse mihi videor ut vobis manifestum sit, haud temere me statuuisse tum felicissimam esse hac aetate disciplinarum naturalium conditionem, tum felicitatem eam maxime esse explicandam e ratione qua istis disciplinis incumbunt hodierni physici et astronomi. Mirumne autem vobis videatur si naturae studium tam accuratum tamque solidum, fructus tulerit, alios, quibus non docti tantum, sed indocti etiam utantur homines; alios vero ab iis tantum percipiendos, qui ad haec studia animum suum applicant? Non facile credam

dam AA. nec vos, si vere conjicio, falli affirmo. Quocunque enim oculos vertamus, ubivis in vita sociali naturae studii magis exculti salutare animadvertimus effectus. Quot quantaque commoda attulit diligentior in calorigi proprietates inquisitio, quae tantum ad vapores formandos conferunt! Haec dum commemoro, sponte subit cogitatio machinarum vaporum impulsu motarum, quae, quamvis superiori seculo inventae, his tamen postremis annis ita sunt perfectae et in plurimos usus conversae, ut ad hanc potius aetatem pertinere videantur. Quantopere navigationem artes physicae juverunt! Subtilior magnetismi theoria a Coulombo cœdita id effecit, ut acui magneticae tum forma melior tum vis efficacior et stabilior tribuatur. Nihilominus illa acus index est numquam non fallax, quippe actioni exposita massarum ferrearum in navi existentium. Hanc autem actionem oppugnavit feliciterque vicit Barlovius; neque id consecutus est rudioribus institutis experimentis, sed minutis illis et subtilibus, a theoria indicatis. Quod Barlovii inventum quanto sit habendum pretio, illi optime norunt qui regiones polis vicinas visitarunt. His si addimus, Astronomiae theoriā magis esse perfectam, et in motu aequabili horologiis conciliando ingentem impendi operam, nec mirabimur dimidio temporis spatio, quo antea opus erat, itinera maritima hodie absolvi; nec poterimus negare insignia esse commoda, quae ex hodierno naturae studio in genus humanum universum redundarunt. Mitto jam explorare fructus quos aliae disciplinae et Physica magis aucta et amplificata collegerint; quos e calorigo v. g. electricitate et magnetismo Chymia et Physiologia; quos ex Optica Mineralogia et ex hac illa perceperit. Ita quo magis in bonis artibus excolendis progredimur, eo magis omnia, vel remotissima quaeque arcto inter se vinculo nexa esse et conjuncta videmus; at magis etiam intelligimus, multa etsi cognoscamus, plura tamen esse quae nos lateant; et quamquam naturae vires in usus nostros et commoda convertere possimus, superesse tamen, quas nondum possimus, quasque posteritas poterit. Illud autem summopere agendum est ut propter quam causam hodiernum Physices Astronomiaeque studium felix praedicamus, candem aliasque habeat aetas huic nostrae successura. Id nos inprimis decet, qui patriam incolimus, cujus utramque florere disciplinam tantopere interest; ita nos decet, qui, quo tempore alii Astronomiam et Physicam summa cura prosecuti sunt, eas sordere

et languescere sivimus; ita nos decet, qui Hugentum, 's Gravesandium, Masschenbroekium, Lulofsium, Nicuwlandum, Swindenum nostrates esse gloriamur. Aliorum vero rebus gestis efferendis nobis non gloriam comparamus, sed strenue manus operi admovendo animique vires exercendo. Hoc igitur nostrum sit consilium, Juvenes egregii, Academiae nostrae cives, qui ejusdem, quo ego feror, studii amore ducti, in natura perscrutanda vitae tabernacula ponere decrevistis. Nostrum sit consilium, junctis manibus eam ingredi viam, quam praestantissimi quique in hoc studiorum genere viri numquam non secuti sunt, quamque, vestra inprimis causa, hac oratione exposui et commendavi. Arduus est labor, quem vobis propono, sed nil volentibus arduum esse, ipsi novistis experientia edocti. Vos autem velle ego spondeo, qui dudum vestram diligentiam, vestrumque discendi ardorem habeo perspectum. Pergite igitur, ut coepistis, Juvenes optimi! disciplinis incumbite mathematicis, viam ad Mechanicam sternentibus, ut in hanc quoque doctrinam aliquando addiscendam omnes possitis intendere nervos. Astronomiam interea et Physicam colite et in his ducem quaerite a severiori studio requiem. Frequentate, quae vobis patent, museum physicum, speculam astronomicam, non contemplandis instrumentis, sed utendi causa, utque in observandi arte vos exerceatis. Ego vobis me adjungam, et si quam, paucis annis, nactus sim experientiam, eam in vertras utilitates convertam omnem.

Quod consilium ineundum esse putavi cum disciplinarum naturalium studiosis, hoc, quippe in illorum salutem, in Academiae nostrae honorem et scientiarum augmentum captum, nec omni, nisi fallor, fundamento destitutum, Vobis, Curatores, Viri Perillustres, probatum iri spero et confido. Utinam vero nobis concedatur propositum nostrum consequi! Qua in re sentio quid et quo jure a persona, quam jam sustineo, expectetur; vereor autem ut expectationi isti mediocritas mea satisfacere possit. Nolo tamen quod in me conferre voluistis, Viri Illustrissimi! munus, licet gravissimum, detractare; immo quantum potero sustinebo, studioque et labore talem fieri conabor, qualem me esse vultis, qualemque me nunc esse decet, dignum, qui magistrorum meorum, summa semper veneratione prosequendorum, alteri succedam, alteri in communem laboris societatem adjungar; dignum, cui inter alios digniores, Juventus nostra erudienda, scientiarum ambitus pro-

proferendus; Academiae denique Lugduno-Batavae antiqua gloria sustentanda committatur.

Vos dum alloquor, Professores Clarissimi, ita facio ut vobis significem quantopere mihi laetandum existimem, quod non novus homo ad vos accedam. Dudum me cognitum habetis; novistis adeo quot et quanta mihi desint ad munus meum rite obeundum virtutes; ego vero vestram novi et doctrinam et sapientiam et insignem erga me benignitatem. Quidni igitur spes mihi arrideat e vestra abundantia eruditionis subinde aliquid, quo meam penuriam sublevem, redundaturum. Quod ut mihi concedatis, vos inprimis rogatos velim, Viri Clarissimi, quos magistros quondam habere mihi contigit egregios, (quorum utinam nullum hic desiderarem!); vos quoque, quibuscum studiorum similitudine arctior jam mihi intercedit necessitudo; vos denique, qui vel aetate maiores, vel mihi aequales, singularis amicitiae documentis me ornare voluistis. Ita, qualis propriis viribus vix evadere possem, talis vobis adjuvantibus fieri potero, tum vestro ordine dignus, tum patriae utilis juventuti.

Vobis quoque me datum esse gaudeo, Ornatissimi Juvencs, qui vel Theologiae vel Arti salutiferae, vel Litteris vel aliis denique artibus disciplinisve incumbitis. Scio equidem haud facillimam esse muneris mei partem, ea e nostris disciplinis depromere, quae singuli expetenda maximopere censetis; quaeque in hac scientiarum conditione aliquanto intellectu difficiliora sunt, haec ita exponere, vestrae ut litterae aliquid inde utilitatis hauriant. Ego quidem quidquid virium mihi concessum est lubens eo conferam; in vestris autem animi ingeniique dotibus maximum praesidium positum arbitror; de quibus ita sentio, ut de consociatis nostris studiis optima quaevis sperare nullus dubitem.





CITIZEN

JACOBI CORNELII BROERS

O R A T I O

DE

*CHIRURGIAE STUDIO, CUM CULTU ET  
HUMANITATE CONJUNGENDO.*

HABITA A. D. II DECEMBERIS ANNE MDCCCXV.

QUUM ORDINARIAM MEDICINAE PROFESSIONEM  
IN ACADEMIA LUGDUNO-BATAVA SOLENNI-  
TER AUSPICARETUR.

015150

JACOBI CORNELII BROERS

O R A T I O

DE

*CHIRURGIAE STUDIO, CUM CULTU ET  
HUMANITATE CONJUNGENDO.*

HABITA A. D. II DECEMBRIS ANNE MDCCCXIV.

QUUM ORDINARIAM MEDICINAE PROFESSIONEM  
IN ACADEMIA LUGDUNO-BATAVA SOLENNI-  
TER AUSPICARETUR.



~~~~~

ACADEMIAE LUGDUNO-BATAVAE CURATORES! VIRI NOBILISSIMI,  
AMPLISSIMI!

QUI HIS AB ACTIS ET SECRETIS ES, VIR CONSULTISSIME!

RECTOR MAGNIFICE!

QUI JURI DICUNDO PRAEESTIS, VIRI GRAVISSIMI, INTEGERRIMI!

CIVITATIS CONSUL ET SENATORES, QUIQUE HIS AB ACTIS ESTIS,  
VIRI AMPLISSIMI, SPECTATISSIMI!

QUARUMVIS DISCIPLINARUM PROFESSORES, VIRI CLARISSIMI!

ARTIUM ET LINGUARUM LECTORES ERUDITISSIMI!

SACRARUM LITERARUM INTERPRETES, ERUDITISSIMI, PLURIMUM  
VENERANDI!

( 4 )

ARTIUM ET SCIENTIARUM DOCTORES CONSULTISSIMI, EXPERIENTISSIMI, ACUTISSIMI!

LECTISSIMA JUVENUM CORONA, SPES PARENTUM, PATRIAE, HUMANITATIS, HUIUS ACADEMIAE ORNAMENTUM, COMMILITONES SUAVISSIMI!

QUOTQUOT DENIQUE ADESTIS, CIVES, HOSPITES CUJUSCUMQUE LOCI ORDINIS AC DIGNITATIS, AUDITORES HUMANISSIMI EXOPTATISSIMI!



Quam

---

**I**n artibus et disciplinis, quae plurimum habent commendationis, insignem obtinent locum Medicina et Chirurgia. Nam si res spectantur in quibus versantur, totae valent ad morbos curandos, quo sane proposito nullum esse majus, nullum utilius potest. Si artem commendat antiquitas, has artes primas invenit necessitas. Si quid auctoritatis addat honos, non aliae tam passim ac tam diu divinos honores meruerunt. Ambae autem hae artes ut arcto inter se vinculo conjunctae sunt, ita Chirurgia in multis curandis gravissimisque morbis prorsus necessaria est, ubi victus et medicamina ad plenam curationem non sufficiunt. Tum vero patet hujus vis et necessitas ad vitam et sanitatem conservandam, in bello, praeliis urbiumque obsidionibus, ubi quam plurimis saepe pro patria pugnantibus pereundum, aut misere moriendum esset, nisi praestantissimae hujus artis auxiliis ab imminente periculo liberarentur, imo ex hiantibus mortis faucibus feliciter eriperentur.

Quamvis autem magna sit utriusque artis praestantia, tamen, quod doctrinis omnibus accidit, ut suos quaevis ab aevo nactae sint variae indolis oblocutores, id arti medicae inprimis evenit, utpote cujus momentum atque utilitas a philosophis quoque agitata multisque modis in controversiam vocata fuerit. Hoc enim cum omnibus doctrinis, quae applicatae dicuntur, commune habet Medicina, ut, cum certissima invenire non semper possimus, secundum maximam probabilitatem agere debeamus. Objiciunt autem artis obtrectatores eam incertam esse et conjecturis plenissimam. Qua



in re haud animadvertere videntur, distinguendum revera esse inter observata et conclusiones ex his deductas. Natura enim humana semper sibi constat. HIPPOCRATIS et BOERHAVII tempore eadem fuere sanguinis per corpus diffluentis leges, eadem in morbis observata sunt phaenomena. Quocirca quae veteres observarunt, hodie vera adhuc deprehenduntur. At quia non omnes aegroti convalescunt, monente Cicerone, idcirco artem nullam esse medicinam censendum, cum extra potestatem artis sit, aut non, aut male adeo agentibus viribus medicatricibus, vincentique artem naturā, servare aegrotum? Neque minus ex eo, quod medici non omnes aequè periti sint naturae ministri, nullam esse medicinam vel nullius pretii, imo vero Reipublicae nocivam esse, quis contenderit? Omnes autem hae vanae disputationes debentur subtiliori cuidam philosophiae perversae ad medicinam applicatae, ex quo item fonte inutiles manarunt his temporibus disputationes, e quibus nihil profecit Medicina. Interim vero Medicinam revera esse et efficacem illam, saeculorum experientia, non cavillantium disputationes, evincunt.

Reputantī autem hanc Medicinae et imprimis Chirurgiae praestantiam et dignitatem, visum est mihi, nec a persona mea, nec ab hoc tempore et loco alienum futurum, si de Chirurgiā verba fecero, ejusque rite exercendae ratione. *Dicam igitur de Chirurgiae studio cum cultu et humanitate conjungendo.*

Vos autem me, A. A., quippe dicendi imperitum et meae probe conscium tenuitatis, ut favore sustentetis vestro et benivolentia, enixe rogo.

Uti commune est quoddam Medicinae et Chirurgiae vinculum, et hae quasi cognatione quadam inter se continentur, ut statim cuique apertissimum fiat, eas propriā naturā inter se connecti; ita reperiemus, haud alienos fuisse a Chirurgiae studio optimos antiquitatis medicos. Hippocratis, Galeni, Celsi aliorumque opera sunt quoque Chirurgici argumenti, et Medicinae divisio in Herophili atque Erasistrati tempora incidit. Ita enim separata fuit Medicina, ut una esset, quae victu, altera, quae medicamentis, ac tertia, quae manu mederetur. Singulae illae Medicinae partes, quae ad illa usque tempora, ab uno fuerant homine tractatae, nunc a pluribus fuerunt administratae, et medici, qui dicebantur diaetetici, reliquis longe fuer-

Fuerunt nobiliores. Caeterum hujus Medicinae partitionis meminit Cicero » Non in hac re ait, sed in aliis etiam compluribus distributione partium ac separatione magnitudines sunt artium diminutae. An tu existimas, cum esset Hippocrates ille Cous fuisse tum alios medicos, qui morbis, alios, qui vulneribus, alios, qui oculis mederentur? ut nemo genus universum complecteretur, atque ut alius etiam sibi partem, in qua elaboraret, seponeret? »

Etsi vero laudanda est illorum industria, qui medicinam, quam dicunt, externam, datâ operâ, adeo illustrarunt atque auxerunt, ut dignitate Medicinâ internâ inferior habenda esse nequaquam videretur, quis tamen inanem non dixerit ambitionem, multisque modis nocivam, qua illam veram Medicinae partem, ab hac male divulsam cupiunt, cum valetudo diversis casibus modisque laborans pro re nata adjuvanda variaque ratione reparanda sit? Neque vero haec aliunde separatio exstitit, quam ex ipsa hominum imbecillitate, cum apposite utraque adjutrices sibi mutuo manus porrigat.

Si finem utriusque disciplinae medicae et chirurgicae attendimus, eundem illum esse videbimus vitam nimirum et sanitatem. Quae quidem in illis rebus censendae sunt, quae nobis sunt carissimae, quaeque reliqua omnia longissimo post se relinquunt intervallo.

Est enim haec et fuit ab omni aevo una et consentiens intelligentium vox, nullum esse studium antiquius, naturaeque magis conveniens, quam se conservandi et quae conservantia sunt ejus status diligendi. Inuito nimirum instinctu ducitur homo ad sui conservationem suique tutelam: sanctum ergo est vivendi praeceptum » vitam quam diutissime serva ». Quanto enim feratur homo vivendi studio, non tantum videmus in infante, vel puero, sed et in ipso sene senectutem deprecante, de quo scite Seneca » vide, quam cupiunt diu vivere decrepiti senes; paucorum annorum accessionem votis mendicant, minores natu se ipsos esse fingunt, mendacio, sibi blandiuntur, et tam libenter fallunt, quam si fata una decipiant ». Rationis inprimis et virtutis caussa ingens merito censendum est vitae pretium, ingens quoque ipsius dulcedo, ut alienetur homo ab iis rebus, quae interitum videantur adferre; praesertim si vitam consideramus tanquam fontem summae felicitatis moralis, qua animus boni, honesti pulcrique studio munitur, ut homo felicitatis studiosus tacito ad se ipsum respiciat, in se

re-

redeat, se ipse noscat, destinationem perspiciat, divinitus constitutam, ut se denique suasque facultates rationales et morales perficiat, eaque polleat sensus et rationis animique harmoniâ, qua veritas et virtus, sapientia et felicitas continetur: omnium vero maxime si hanc consideramus vitam, ut ad alteram transitum, purioris perfectionis, stabiliorisque felicitatis feracem, qua stimulamur et incendimur omnes ad recta imitanda, prava fugienda.

Hominum igitur humanaeque naturae praestantiam si respicimus, errare illos intelligemus, qui multis sibi modis vitam destruunt, quod vitae humanae contemplatio quovis comprobatur die, e quibus innumerabilis manat affectionum multitudo et varietas; de quibus magnus est campus dicendi; major etiam quam pro nostro instituto.

Eadem fere Chirurgiae, quae omnis Medicinae fuit origo, iidem progressus, eadem fata, ut illud, de quo proxime egimus, vinculum abunde docet. Chirurgia nimirum inter omnes Medicinae partes fuit vetustissima, humanoque generi prope aequalis.

Primi nimirum homines victu simplici contenti, nec lautas mensas, neque opipara convivia cognoscentes, praeter vulnera, ab injuria externa alata alios patiebantur morbos, ita ut prima Medicina mere tantum diætica et chirurgica fuerit. Quis enim a vulneribus, aliisque injuriis salvos semper illos atque incolumes praestare potuit? Plerique etiam, qui primis temporibus artem medicam exercuerunt, uti Chiron centaurus, Machaon, Podalirius, alii, ob chirurgicam operam, quam in sanandis vulneribus, praestiterunt, summas laudes meriti sunt. Audiamus Celsum A. A. dicentem: »Haec autem pars cum sit vetustissima magis tamen ab illo parente omnis »Medicinae Hippocrate, quam a prioribus exulta est". Contenta nimirum erat antiquitas, si modo remedium posset haberi sanguinem a vulnere manantem sistens idque sanans, et hinc testante Seneca »Medicina quondam »paucarum fuit scientia herbarum, quibus sisteretur fluens sanguis, vulnera coirent paulatim. Nec est mirum tunc illam minus negotii habuisse, »firmis adhuc solidisque corporibus et facili cibo, nec per artem voluptatemque corrupto:".

Vixit autem homo non suis tantum aut naturae legibus adstrictus, vivit in societate; in quam ut vim habet et efficaciam, ita ab ipsa pariter informatur; hinc rebus externis aliter afficitur; alia prorsus ratione in stimulo-

nium

rum extrinsecus agentium potentiam reagit; ab animi affectibus in societate adeo multiplicibus et noxiis diversimode afficitur, ab alimentorum indole et utendi modo afficitur aliter et mutatur; ex luxu in civitate et introducto et proficuo aequae ac nocivo ita formatur homo, ut deleatur, qui aderat naturalis habitus, et cum eo habitu oriatur nova ad novos morbos dispositio; hinc pereunte naturali quoque ad superandos morbos facilitate; succumberet eorum certe vehementiae, nisi succurreretur ipsi ab homine prudenti in societate vivente: Et sic omnino artem hanc magis necessariam fecerunt homines ipsi, vitae quippe suae, ut ita dicam, non naturalis sed artificialis auctores.

At munus nostrum Chirurgicum propter antiquitatem honorificum, praestantissimum propter finem, gravissimum est, nec nisi diligenti studio perficiendum. Quae enim ad rite illud explendum requiruntur et numero sunt multa et genere varia.

Nolim autem hic singula enumerare, quibus neglectis nemo quisquam Chirurgiae rite operam navare potest: in quibus sunt maxime Anatome corporis humani et Physiologia. At vero jungendae hisce sunt Physica, Chymia, Historia naturalis: imo praecedere his omnibus debet disciplinarum omnium mater, Mathesis, de quibus ne singulatim dicam, vetat praesentis aetatis ratio, ut audiendus non videatur quicumque a naturalis philosophiae doctrinis sejungendam putet Medicinam et Chirurgiam.

Et sane quicumque olim principes floruerunt et Medici et Chirurghi, haec studia pariter universa voluerunt, ut nullum negligerent. E quibus unum sufficiat memorasse BOERHAVIUM.

His igitur praesidiis necessariis munitus chirurgus, quum animum suum illis excoluit atque locupletavit doctrinis, novisse illum omnino oportet; quae sit illa conditio corporis humani vivi praeter naturam, quam morbi nomine appellare consueverunt medici, et tenuisse optime illa instrumenta, quorum ope mutatio morbi in sanitatem perficitur: in quibus primum est et praecipuum quod Pathologia docet. Ita Therapiae universalis opera mutationes tales perficiuntur universales, quae intimam conditionem, qua praesente dicitur homo aegrotare, mutando, relationes etiam ejus ad res externas mutant, id quidem, facta applicatione earum extrinsecus agentium

virium, quarum est maxima vis ad expeditam mutationem illam, quam significamus, producendam.

Res autem illae, quarum vi exoptata illa perficitur mutatio, dicuntur remedia, instrumenta medica; horum naturam, vim, utendi denique modum, aliaque huc pertinentia explicat materiae ita dictae medicae doctrina. Neque tamen corporea omnino et semper est natura instrumentorum illorum universalium, quorum ope agit artifex, sed mentis etiam regimine medico medicus habet opus ad expectatas mutationes producendas, siquidem philosophi medici nominis honorem expetit. Ad has vero mutationes prudenti facultatum sensuumque animi humani directione erit opus, quibus feliciter adhibere scienti medico eveniunt aliquando constituunturque sanationes, quarum ne ullo quidem modo praesagiri potuissent ante hac eventus successusque, ut irritis omnibus aliis conaminibus, sola illa mentis medicina inopinatos at humanae tamen intelligentiae honorificos valde eventus habuerit.

In tam difficili, quale est sanationis negotium; multum quoque interest scire, illa remedia non agere in brutam hominis machinam, sed in viventem omnino, id est, in talem, quae ad stimulos et percipiendos et a perceptis stimulis reagendi potestate praedita suam quoque ad curationem morborum conferre symbolam.

Ab ipsa illa corporis humani vivi conditione; activae medicinae ratio apparet et abusus. Nam et novisse quando et quomodo sit agendum, siquidem summa scientia censi debet, haud minori quoque tamen scientia prudentiaeque opus est, novisse, quando ab agendo abstinere conveniat.

Videtis A. A. quid requiratur, ut Germanus quis Chirurgus dici possit. Qui enim omnium horum habet scientiam, omni quoque modo dexteritatem in operationibus instituendis acquirere conabitur. Per anatomicam in cadaveribus sedulo institutam manus jam exercuit, et hac ratione jam quodammodo ad munus suum est praeparatus. Non tamen in hac dexteritate subsistet, sed quotidie frequenter ipse se in cadavere exercebit, omnes in eo variasque efficiet operationes, optimas quascunque methodos adiget, selectasque prae aliis exercebit, probe conscius hac unica via optimas in corpore humano vivo instituendarum operationum redundare successus.

Videtis itaque A. A. artis nostrae latissimum esse campum, neque illum semper germani chirurgi nomine dignum existimari posse, qui in gravissimis instituendis operationibus felicissime versatur, qui manibus tantum oculisque uti possit, sed qui in corpore sano sanam sibi mentem exoptare studuerit, qui bene observando, acute judicando, inter bonum et melius dirimendo, ex iis, quae viderit, audiverit, aut legerit, optimos quosque fructus carpendo, et cruentas operationes quantum potest evitando, artem suam amplificare, quidquid antiqui de chirurgicâ disciplinâ non recte excoogitaverint, si fieri possit, corrigere, novisque auxiliis miseris mortalibus succurrere queat.

Caeterum ex his evidentissime patet, non adeo levem aut facilem sed gravem potius atque arduam inprimis artem esse chirurgicam; quo vero plures futurae sunt viae difficultates, majores mox erunt itineris suavitates, quum nihil est, quod ex veteri proverbio, labor improbus vincere nequeat ac superare.

Qui tali ratione eruditus omnibus hisce disciplinis animum suum ditavit: chirurgus, quantum humano generi utilitatis attulit! quot quantosque honores meritus est!

Quaeritis exempla? possim adferre plurima. Satis est nominasse PETRUM CAMPERUM, Anatomicum summum, Chirurgum et Obstetricatorem dexterimum, qui per universam fere Europam summa laude celebratus maximum eruditionis et dignitatis fastigium attigit, omni disciplinarum artiumque genere praeclarus, in variis itineribus, magna summos viros, praesertim Medicos, Chirurgos, Obstetricatores, peritissimosque artifices amicitia et familiaritate complexus est, et hac quoque sibi ratione ingentem doctrinae copiam comparavit:

Ne quis autem magnopere miretur, nullam medicinae partem certam magis esse atque evidentem Chirurgia: »Est enim, ut Celsus ait, effectus ejusdem inter omnes medicinae partes evidentissimus, siquidem in morbis quum multum fortuna conferat, eademque saepe salutaria saepe vana sint; potest dubitari secunda valetudo Medicinae an corporis beneficio contigerit. At in ea parte, quae manu curat, evidens est, omnem profectum hinc plurimum trahere”.

Non autem negamus, ea quae manu saepe in hac arte praestemus, quae

que non semper in gravissimis ponenda sunt, evidentiora saepe esse medicamentorum in C. H. actione. At rerum periti facile mihi assentientur, quam difficilis saepe sit in morbis externis diagnosis quantaque in hac rite instituenda saepe requiratur prudentia et iudicii subtilitas, qua morbi specie sibi similes at causis et effectibus valde diversi a se invicem rite distinguantur; quam, inquam, difficile saepe sit, morbos articularum, oculorum, ossium aliosque rite cognoscere. Imo quem fugit? in casibus rarioribus vel minus consuetis, quibus manu solum curatur, aquam saepissime haerere. Apparet itaque ex omnibus his erroribus, accuratissimam quoque horum morborum cognitionem, utut minus difficilem, summam tamen prudentiam requirere.

Novam Chirurgo hic oriri videmus difficultatem, ubi ex improvise in gravissimis causis iudicium ferre debeat.

Eos nimirum casus hic significo, quos peritissimus quisque et experientia maxime confirmatus nullo modo praevidere potuerit. Ita fieri potest, ut morbi intercepta sit sive interrumpenda therapia, ut ex officio quidem diligens artifex, propositam quasi viam relinquere cogatur, quum ex improvise tali ratione morbus indolem suam mutet, ut, nisi promptissime alia auxilia adhibeat, pereat aegrotus. Sunt etenim multae operationes, in quibus gravissima ac inexpectata quidem illa symptomata offendere chirurgus potest.

Neque solum in operando et in iis, quae sanari possunt, at in morbis per se insanabilibus maxima Germani chirurgi elucescit praestantia, ut nimirum symptomaticam curam bene instituere valeat, egregii aliquando usus in protrahenda nonnunquam aegrotantis vita, etiam minimis sub molestiis, quas caeterum morbus adfert. Eiquet illud inprimis in istius morbi tractatione ad externos quidem relati, sed internis tamen, quod causam attinet, adscribendi; carcinomatis volo insanabilis et diri illius vitii, in quo tempestive adhibita medela symptomatica imo medicatione fere nulla tantum proficitur, ut non irritato, sed sopito, qui intus haerebat, hoste, per sat longum tempus imo per totam saepe vitam lateat, neque erumpat morbus, et aegrotanti vix ullas creare molestias soleat.

Sed,

Sed, ne his ulterius persequendis latius excurram, quam tempus hoc et locus sinere videntur, monuisse haec sufficiat de studio Chirurgiae. Cultum jam porro attendamus et humanitatem, quibus non minus se commendare Chirurgum decet, quam artis cum scientia tum peritia.

Et primum quidem cultior quaedam requiritur institutio, ut cum honestissimo quoque hominum genere facillime vivat. Haud enim patitur artis hujus dignitas et praestantia, laudari chirurgum propter curandi dexteritatem, abhorrerī vero propter rusticitatem morum. Cultus et humanitas vim habet maximam ad curandos aegrotos. Est enim, quod memoravimus, quodque immortalis ille GAUSTRUS, hujus quondam Academiae decus et ornamentum tam diserte vereque exposuit — est, inquam, regimen quoddam mentis, quod medicorum est. Mentem autem hominum regere, quis tandem sive medicus sive chirurgus potest, qui asper est moribus ac molestus, magisque reformidatur ab aegrotis, quam diligitur? Is autem hoc potest unice, qui in hominum se animos apte solet insinuare, eorum benivolentiam ac fiduciam facile sibi conciliat, aegrotos eodem tempore et duris operationibus torquet et suavissimis sermonibus delinit ac consolatur. Qua humanitate non simulatam illam intelligimus voluntatem, quam ostentare rudes etiam agrestesque solent homines, quo magis vulgo laudentur ac celebrentur, sermone illi et vultu blandientes, intus vero, rupis instar, duri et asperi. Illam significamus humanitatem, quae ex optima oritur animi indole atque institutione hominumque cultissimorum usu rite est temperata: qua, ut Tullius ait, »vir bonus beneficiendi studio sincero atque amore non fucato complectitur homines omnes etiam rudes, imo alienissimos atque inimicissimos tanquam communi quodam vinculo quasi conjunctos». Saepe enim vitam et salutem ultro credunt miseri illi chirurgo, qui prae se fert urbanitatem et officiosam quandam comitatem ab omni austeritate alienam, qui litterarum inprimis studio artiumque ingenuarum rite, ut decet, educatus omnes amicitia et humanitate prosequitur. Non enim vivimus illa tempora, quibus chirurgum ut opificem aut operarium quemdam salutamus,



at hominem non solum suae ipsius artis peritia insignem, sed adjutricibus quoque permultis ex omni disciplinarum genere artibus politum, quibus ad verum cultum ad veram humanitatem via sternitur.

Sed chirurgus haud desit etiam oportet animi firmitas, audacia quaedam, audentes enim fortuna juvat, at rationi consentanea, cujus comites sint sapientia, prudentia atque rerum peritia. Haec enim audacia vere nobilis, praestantissimum est apti exercitaturque chirurgi ornamentum, quae studiis, exercitatione et cultu acquiritur; ne in temeritatem degeneret, unde ars nihil lucratur, cui plurimi saepe homines amissam debent sanitatem vitamque. Haec est illa audacia, quam Philosophia acquirimus. Et solus medicus philosophus hac pollet audacia, qua medias inter hominum miseras animos aegrotantium afflictoque recreare et erigere studet, quaque a tramite sibi cum ratione proposito nullo modo abduci se patiatur. Talis apud Gallo-Francos conditionis erat Ambrosius Paréus, tali pollebat vi ad persuadendum, talis ei erat vera audacia, cum summa prudentia, sapientia, artisque peritia conjuncta, ut medias inter strages versaretur humanitate et officio ductus, et felices se praedicarent tali medico milites, animosque erigerent ac summo cum ardore ad pugnam incitari se paterentur, si modo Paréus adesset.

Quod autem literas attinet, quarum haud ignarum esse decet Germanum chirurgum, linguas arte et antiquas et recentiores teneat necesse est, ut optimos quosque de arte sua scriptores recte intelligat, ex eorumque inventis et observationibus proficiat. E versionibus enim sapere is nolet, qui non videri cultus eruditusque, sed esse cupit. Veruntamen sunt alii praeterea fructus ex optimorum scriptorum lectione percipiendi. Plena sunt Poëtarum, Oratorum, Philosophorum opera prudentiae ac sapientiae, illius maxime, quae ad vitam recte instituendam, ad animum confirmandum et quasi corroborandum unice valet. Nec medicos quis facile antiquos legerit, imprimis medicorum Ciceronem, Celsum, quin fateatur, ex hac se lectione prodiisse non tantum solertiorum medicum, sed virum etiam meliorem et humaniorem.

Sic igitur excultus quis et ad veram humanitatem conformatus ornamentum esse et humanae societatis et vero chirurgiae poterit: efficietque, ut

ut gravissimae huic utilissimaeque arti sua magis magisque habeatur et dignitas et existimatio.

Quo magis celebranda est nobis gratoque animo colenda Regis nostri serenissimi in artem hanc munificentia, cujus ex decreto qui summi semper medicis tribui solebant honores, iidem jam Chirurgis tribuuntur. Sic agere decebat Principem, qui quicquid est bonum, utile, patriaeque conducit, id favendo honorandoque mirabiliter provehit et amplificat.

---

Perorata causa est, sicque fluere facere possem, nisi et alia a me peragi exigeret hujus diei solemnitas et officii mei ratio.

Et vos quidem primum compello, viri gravissimi hujus Academiae Curatores Amplissimi! Haud parum sane me commoveri fateor, muneris, quod hac jam aetate mihi impositam video, consideratione. Est illud ut perquam honorificum mihi gratissimum, ita difficultatis, si quod aliud, plenissimum.

Sancte autem promitto, id maxime omni studio, industria et voluntate me acturum esse, ne aut Regem munificentissimum aut vos honoris, quo me ornastis, peenitere possit, nec hujus Academiae celebritas per me quid detrimenti capiat.

Faxit Deus, ut sic vestris auspiciis Illustrissimi Viri! magis magisque floreat Academia Lugduno-Batava, inque vestra, Patriae et Academiae commoda diu vos servemini sospites et incolumes.

Quodsi autem in me aliquid est facultatis, quo gravissimo meo muneri non plane sim defuturus, id omne, publice fateor, me debere eximiiis optimisque in Academia Rheno-Trajectina Praeceptoribus, qui non solum institutione sua me informarunt, sed praeceptis, monitis, consiliis mihi semper adfuerunt. Quibus quot quantaque debeam beneficia gratissimo semper animo rependere conabor.

Vos autem cum intueor Viri Clarissimi, vehementer vestra me movet praesentia; movet me imo perturbat cogitatio, in tantorum virorum ordinem me esse receptum. Benigno autem animo excipiat me quaeso, vobis  
fere

fere omnibus ignotum, et eruditione longe inferiorem. Ne recusetis rogo prudenti vestro consilio me in obeundo gravi munere regere et sublevare. Quod quidem a vobis inprimis peto Clarissimi Medicinae Professores, a Te autem omnium maxime celeberrime *du sui*, quocumque arctissime me communis disciplinae jungit vinculum. Utinam liceat te quoque saepe adire tuaque amicitia uti. Equidem te semper juvenis senem venerabor: tu autem me, tua experientia doctiorem factum, *habebis* tui observantissimum. Quidquid deest aetati meae sive eruditionis, sive experientiae, hoc Vos, Viri eruditissimi monendo, communicando, docendo suppleatis. Ita omnes vivamus concordēs, unanimes, ut medicae disciplinae dignitatem pro viribus et sustineamus et augeamus.

Vos denique ornatissimi suavissimique Juvenes et Commilitones, non gravi quadam oratione alloquar, futurae nostrae familiaritati minime consentanea: audivistis, quam arctissimo inter se vinculo cohaereat Medicinae et Chirurgiae studium, quam ad cognitionem Chirurgicam fructuosa sit utriusque conjunctio. Audivistis, quam amplius sit campus, qui vobis percurrendus est, ut ad intima Chirurgiae penetralia perveniatis. Audivistis, quamnam illi viam ingressi sint, qui in praeclara nostra arte chirurgica excelluerint, quamque praeclara inde reportarint praemia. Vestrorum studiorum cursum ita dirigite, ut veris tandem fruamini illis voluptatibus, quae ex hoc fonte promanant. Via saepe aspera est multisque impedimentis obsessa: ne autem deterreamini. Qualescunque sint viae difficultates, magnae erunt itineris suavitates. Asperae hujus viae me accipiat ducem, comitem, amicum sincerum, aliquanto diutius in his studiis versatum.

Fidem vobis do, optimi Commilitones! nullum esse tantum laborem, quem non vestrae utilitatis, Academiae gloriae et humani generis salutis causa, lubenter suscipiam.

Sic ex hac illustrissima Musarum sede germani prodeant Chirurgi, veri artis vindices, Faxit Deus optimus Maximus!!

ANTONII HENRICI VAN DER BOON MESCH

O R A T I O

D E

*CHYMIAE MATERIA; RATIONE ET USU,*

HABITA DIE XVI. DECEMBRIS ANNI MDGCCXXVI,

CUM IN ACADEMIA LUGDUNO-BATAVA LECTORIS  
CHYMIAE ARTIBUS CONJUNCTAE MUNUS SOLEN-  
NITER AUSPICARETUR.



( 3 )

ACADEMIAE LUGDUNO-BATAVAE CURA-  
TORES, VIRI GRAVISSIMI, AMPLISSIMI!

MAGNIFICE RECTOR!

NOBILISSIMI CIVITATIS CONSULES ET JUDICES, QUI-  
QUE IIS A CONSILIIS ESTIS VEL AB ACTIS, VIRI SPEC-  
TATISSIMI!

QUARUMVIS DOCTRINARUM PROFESSORES CLARISSIMI!

ARTIUM ET LINGUARUM LECTORES PERITISSIMI!

DIVINORUM ORACULORUM INTERPRETES FACUNDISSI-  
MI, VIRI QUAM PLURIMUM VENERANDI!

**ARTIUM ET SCIENTIARUM DOCTORES, VIRI CONSULTIS-  
SIMI!**

**HUJUS ACADEMIAE CIVES NOBILISSIMI, COMMILITONES  
OPTIMI!**

**CIVES, HOSPITES, CUJUSCUMQUE ORDINIS, LOCI AC  
DIGNITATIS, HONESTISSIMI, AUDITORES HUMANIS-  
SIMI!**

**Cum**

---

**C**um ab omni aevo res maxime ardua existimata sit in principum doctrina virorum conventu verba facere, atque ab omnibus iis, qui in hunc editum et amplissimum locum dicendi causa procedunt, oratio exspectetur ea, cui neque rerum gravitas neque verborum suavitas desit, non est cur dissimulem, magna sollicitudine mentem meam affici suspensamque teneri. Si porro cogito me auspicii causa dicere et auspicari amplissimi et vero recens instituti studii professionem, quantopere animo conturber, magis equidem sentio, quam aut alii existimare possint, aut ipse oratione demonstrare queam. Quare A. A. H. H. in vestra benivolentia atque humanitate omnem meam spem positam esse arbitror, omneque meum praesidium quaerendum; et vos maxime rogatos esse velim, ut non tam ingenii mei mediocritatem, quam voluntatem spectetis et ardorem; quo incensus sum earum, quas profiteor, disciplinarum.

Nolite tamen putare A. A. H. H. me ejusmodi immodesto ac vano amore meorum rerum duci, ut illas omnibus ceteris scientiis atque artibus et suavitate et utilitate praestare putem; hoc enim si contenderem, plerisque vestrum alia studia amplectentibus injuriam facerem. Et revera, ut non nisi de utilitate dicam, quam vagum et saepe indefinitum non est hoc ipsum utilitatis nomen? quam incertum saepius omne judicium, quo singulis disciplinis et justus locus et justum pretium statuatur? quam denique difficilis res de cujusque disciplinae prae ceteris praestantia suffragium ferre? Ad ejusmodi enim suffragium aequè ferendum omnes omnino artes penitus cognoscendae sunt, earumque peculiare laudes intelligendae et dijudicandae; et jam satis habet, nisi fallor,



et laudis et difficultatis in uno quodam ac certo doctrinae genere vel mediocriter versari. Exemplum itaque potius veterum et aequorum iudicum nostrae aetatis sequendum puto, qui alteram disciplinam alterius auxilio indigere existiment, omnibus suum pretium, suum honorem, suam dignitatem esse statuentes.

Quo magis igitur, A. A. H. H. mihi cavendum esse putavi, ne dicendo de iis scientiis, quarum docendarum munus Gravissimorum virorum auctoritate auspicor, de aliarum propriis meritisque honoribus detrahere vel eas deprimere viderer; eo magis etiam mihi abstinendum esse duxi ab illis extollendis ac supra rem veritatemque et praeter modum laudandis et commendandis. Ac profecto hoc loco non caussa agenda est earum disciplinarum, quae Philosophiae Naturalis nomine comprehenduntur; nam illarum studium et utile et jucundum; et vero viri docti persona dignum esse, apud vos A. A. H. H. qui de omnibus artibus aequae judicatis et censetis, nulla probatione indiget. Verum perpendenti quam potissimum ob causam in hanc tantam clarorum virorum lucem prodeam, nihil mihi aptius meaeque infantiae magis consentaneum visum est, quam quae sit nostrae scientiae materia et ratio paucis declarare. Dicam igitur *de Chymiae materia, ratione et usu*. Quod orationis argumentum simpliciter exponam, et exemplis non illis ex interiori disciplina quaesitis, sed de medio petitis, illustrabo; quod orationis formae et fini, certe meae tenuitati magis congruum est. Sin vero minus apte et bene dixero, quam hujus loci amplitudo et vestra praesentia postulant, id quaeso A. A. H. H. meae dicendi insolentiae condonetis et pudori, alieno fortasse ab hoc loco, non immodico tamen et intempestivo.

Naturae contemplandae ac cognoscendae studium ab antiquissimis temporibus esse repetendum, non facile quis negabit. Nam homines cum ad aliquem cultum et humanitatem progressi erant, ad rerum naturalium speciem, ubertatem ac varietatem adtendebant; videbant naturae phaenomena, quibus vel delectabantur, vel terrebantur; atque natura ducti multarum rerum, quas admirabantur, causas scire cupiebant adeoque in eas inquirebant; quod opus cum inchoassent, naturae contemplatio facta est sapientum animorum naturale quasi pabulum, atque occultissimarum rerum indagatio maxima voluptas. Unde paullatim exoriebantur rerum naturalium notiones quaedam et ideae, quas singulas deinceps explicare, illustrare omnesque ratione conjungere co-

pe-

perunt. Quae prima fuisse naturae scientiae et Physices incunabula constat.

Verum illud naturae studium postea neque apud omnes populos eodem modo cultum est, neque eosdem fecit progressus; cuius rei causas si quaerimus, has inveniemus in diversa terrarum, quas incolebant, natura, vel in rerum publicarum variis conditionibus, vel denique in varia gentium indole, quarum aliae in disciplinis, quae sola ingenii solertia perficiuntur, maxime excelluerunt; aliae in artibus, quae naturae penetralibus pervestigandis addiscuntur. Atque in harum numero primi nobis nominandi sunt Aegyptii; apud quos jam inde ab antiquissimis temporibus naturae studium cum amoris quodam ardore cultum fuisse, historia testis est. Nam in Aegypto, ubi natura magna sua opera ostentabat, atque his adiciebat miracula, quae cum hominum salute vitaeque commedis proxime conjuncta erant; ubi reges et principes in civitate viri illorum spectaculorum considerationem et intelligentiam adjuvabant et promovebant, non poterat, quin rerum naturalium studium apud populum excitaretur et cresceret. Altiorum vero occultarum absconditarumque rerum scientiam, a qua vulgus tamquam profanum longe remotum tenebatur, veluti sanctissimam dotem possidebant atque integram servabant sacerdotes, qui hanc ipsam sacro sermone suo Chymiam dicebant. Itaque Chymia, quamquam a primis ejus initiis omnem naturae operum scientiam comprehendebat, maxime tamen cognitio fuit rerum naturalium ab ipsa natura aliquomodo involutarum.

Bellis vero aliisque causis, quas enumerare longum sit; factum est, ut Chymia transferretur ex Aegypto in Arabiam, atque cum postea ad Graecos ac Romanos pervenisset, tandem post multos annos et casus ad reliquam pervagata sit Europam.

Versabatur autem Chymia antiquis illis temporibus maxime in arte metalla effodiendi, excoquendi, temperandi; caelandi aurum et argentum, atque ex his et aere, et ferro, adde ex plumbo et stanno, quae omnium utilissima solers antiquitas novit, fundendi arma et nummos, quaeque ad victum et vitam necessaria, aut ad commoditatem et ornatum habentur optima instrumenta. Et erat haec ars, in Aegypto acerrime exercitata, non modo abditarum rerum scientia, cum res fossiles lateant in terrae visceribus, verum etiam, cum rerum naturalium pars magna metallis describatur, amplissima et utilissima. Nam metallis expletas venae inveniendae erant, experiundae, effodiendae; quod

quod sine multis et artificiosissimis machinis fieri non poterat; deinde urendae, tundendae, lavandae, excoquendae; quod omne magnum manuum adjumentorum usum desiderat, ne dicam de artificiis discernendi aurum ab argento, argentum ab aere, plumbum ab auro et argento; quotque salium vel humorum natura aut ignium vis penitus cognoscenda esset. Cujus artis utilitas quo latius pateret inque totum populum ex ea plus lucri redundaret, eo diligentius studuerunt forte eam aliis celare, neque dividere propria bona cum multis. Atque utinam antiquitatis exempla tam prudenter arte semper usa fuisset posteritas! Sed sive fortuna artifex vim auri in rebus fossilibus invenit, in quibus id latere ignoraret, atque creduli et boni homines spe lucri ducti ex carbonibus nobile metallum fieri posse sibi persuaserint; sive nescio quo fato hominum mentem auri sacra fames occupare coeperit, Chymiam constat diu postea artem significasse, qua ex metallis quibuscumque aurum conflaretur, hanc multum exercitasse Arabes, atque Alchymiam dixisse, et post seculum septimum, quamquam longe antea usurpata fuit, de hac arte multos, etiam Graece, scripsisse. Sed sicuti hae cupiditates inhonestae erant atque insana ars et ridicula, ita ex hac tamquam e fonte enatus latissime proserpsit hic gravis error, ut quo thesauros congerere volebant, eodem instrumento morbos tollere, sanitatem redintegrare perpetuoque salvam aetatem ac veluti floridam servare inepte studerent.

Ne putetis tamen, A. A. H. H. sola Chymia abusos fuisse istis temporibus et doctos et indoctos, vel hujus contemptus causas in ipsam artem cadere. Nam ipsi, qui eam profitebantur, hanc ei adperserunt labem, qui cum in ea tractanda perversam sequerentur rationem, factum est, ut hominum errores ad ipsam disciplinam traducti sint. Et licet Chymia istis temporibus, quibus omne doctrinarum lumen exstingui videbatur, communem habuerit cum ceteris scientiis sortem, tamen ex ipsis illis tenebris ejus praestantiam elucescentem videmus. Nam cum Physicae disciplinae maxime faciendis experimentis promoveantur, etsi frustra lapidem philosophorum quaerebant, suo explorandi negotio ad notitiam multarum rerum pervenerunt. Chymici, ad quam sine experiundo nunquam pervenissent, quamque et nos ignoraremus, si illud laborum taedium devorare recusaremus. Et vero iis ipsis temporibus et operis remediorum inventio debetur, quibus graves et pervicaces morbi et tum feliciter depellebantur et semper depelli poterunt, si tempestive admini-

stren-

tur. Nec profecto singuli tunc temporis Chymici, contemnendi sunt, sed contra, utor testimonio aequi harum rerum iudicis, alchemistae laudandi, quippe qui corporum naturam tam profunde eruerint, quam diserte descripserint.

Sed cum antea homines, sive necessitate aut natura ducti, sive rei utilitatem perspicientes, rerum indolem inquisivissent, ferme inde a seculo decimo septimo Chymia tamquam disciplina coli coepta, atque veri indagatrix et inventrix dicta et habita est. Multi fuerunt, qui dispari tempore et modo tantam laudem arti compararent; quorum nomina cum silentio praeteream, non possum tamen quin instar omnium laudem unum et principem virum HERMANNUM BOERHAAVIUM. Nam cum hactenus per casus fortuitos potius discerent, quam ex lege disciplinarum agerent; sine proposito consilio facta ac sine ordine dispersa primus collegit experimenta, compluribus suis illustravit inque formam scientiae redegit; neque, considerate A. A. H. H. viri magnitudinem, Chymicam disciplinam agnovit nisi innixam universalibus notionibus, quae ipsae prius seligendae erant ex communibus, multis et firmis observationibus Chymicis, semper et ubi-vis eodem modo factis. BOERHAAVIUS igitur qua erat ingenii magnitudine, totam disciplinam edoctus, non modo ejus fines protulit, sed et cum omnium consensu in ea regnaret, sua auctoritate, qua maxime valebat, ab humiliori artis existimatione alios, aliosque ab inepta exercitatione, utrosque ad rectum studium compulit.

Interim adhuc admittebatur Aristotelis doctrina de elementis, solaque, reliquarum sectarum opinionibus paulatim oblivioni traditis, universe vigeat, quam tandem triginta ultimis proxime lapsi seculi annis labefactavit in Anglia duorum nobilium Physicorum industria, PRIESTLEY nimirum et CAVENDISHII; illo aëris, hoc aquae compositam naturam ad oculos monstrante.

Eodem tempore autem in Francia, sempiterna Brittannicae gloriae aemula, exstitit LAVOISIERIUS, vir perspicacis ingenii, veri amore ductus, nec magis versatus in subtiliter experiundo, quam in diserte scribendo. Hic igitur sua opera firmatis aliorum quoad aërum genera inventis, et vero his multis propriis de aëre et aqua, de igne, de acidis et terris similibusque additis, novam eamque pulcherrimam disciplinae formam conciliavit. Huic Chymia debet, quod nunc sit; et vero hujus incomparabilis viri res gestas nullamquam aetas satis admirari, nemo mortalium laudando aequare potest; atque uti indignatio de ejus crudeli morte iisdem, quibus ipsa humanitas, fini-

bus terminabitur, sic ejus laudes, immortalibus ingenii monumentis proditae; florescent et seculis innumerabilibus et regionibus disjunctissimis.

Hujus autem doctrinae praestantiam et excellentiam, cum alii eam cavillationibus peterent, mature perspexit patria, et cum ea, brevi composita controversia, Europa omnis illam amplexa est, promovit et propagavit. Cujus junctis viribus praestita opera et labores tempus non permittit A. A. H. H. ut vel leviter attingam. Certe nulla pars disciplinae est, quin continuo clarius illustrata atque magis amplificata sit; atque Chymicorum ardore, felici ingenio et assiduitate in observando et experiundo factum est, ut Chymia non tam novis inventis ditata sit, quam nova fere condita. Nam ut praetermittam experimenta; quibus natura ignis, lucis, electricitatis et magnetismi melius ostensa est et definita, ut tantum dicam de iis inventis, quibus ipsius scientiae facies mutata est; alcalia et terrae, quae antea simplicibus adnumerabantur corporibus, in varias partes dissolutae sunt; et leges et modi, quibus corporum copulationes fiunt, sunt detecti; denique Chymia cum universa disciplina Physica hodie arctius juncta est, felici et apto doctrinae, quam proportionum vocant, usu firmiter fundamento nititur et fere mathematicam assecuta est evidentiam; elementorum numerus insigniter adauctus est; atque omnium omnino corporum explorationes meliores et accuratiores sunt factae. — Si igitur Chymia ea qua oportet ratione colitur, omnium omnino corporum proprietates et vires non solum docet, sed eorum partes, quae certa lege mistae et rursus saepe e diversissimis elementis conflatae sunt, detegit et omnes ostendit. Solvit enim Chymicus intima, quibus corpora juncta continentur, vincula; dissolvit, quae aëris; aquarum et tempestatum vires per magnam seculorum seriem dissolvere non potuerunt; docet quomodo omnia gignantur, quomodo intereant; et naturam secutus et imitatus e solutis materis alia ratione jungendis ac conglutinandis, novas res creat ad usum communem aptiores.

Intelligitis jam A. A. H. H. quam late pateat Chymiae campus, cum ejus finis sit ostendere materiem, e qua efficiuntur, tam quae e terrae visceribus effodiuntur, quam quae aura vitali animata gignantur e terra, seu plantae, et quae his adhuc sunt perfectiora, seu animalia. Atque ut primum de rebus fossilibus dicamus, quam infinita est vis saxorum, lapidum, gemmarum, metallorum et sulphurum! Horum singulorum formae non tantum metiendae

et

et describendae sunt; verum eorum natura, id est, principiorum mistio et copulatio totaque eorum compositio sunt indagandae et inveniendae. Nam veluti nullius corporis natura bene tenetur, nisi cognoscatur materies, e qua efficitur, sic etiam res fossiles non bene definiri neque in bene constitutos ordines referri et disponi possunt, nisi eorum compositionis habeatur ratio; et licet Mineralogia merito pars Historiae Naturalis habeatur et dicatur, tamen non eodem, ac reliquae illius disciplinae partes, nititur fundamento; id est, res fossiles non aequae ac plantae et animalia ex forma et structura solâ apte dividi et discerni possunt. Atque ut sic judicemus, suadent principum rerum cronometris, HAUTY et BEAZZII opera, qui Chymiae rationem in mineralogiis secuti res fossiles distinxerunt, ab aliis conjunctas et confusas, alias conjunxerunt, quas alii distinxerant et separaverant. Chymiae in mineralogiis apud suadent porro recens facta experimenta, quibus ostensum est, corpora indolis diversissima in similes crystalli formas concrebrescere; suadet denique ipsa doctrinae de rebus fossilibus historia, cum nullus fuerit Mineralogus pariter Chymicus, quin dispartienti corpora e Chymicis notis rationem adhibuerit; quare a rerum fossilium studio ne se jungatur Chymia cavendum est, et omni ope evitandum, ut altera alteram adjuvet.

Verum explorationes Chymicae non tantum pertinent ad singulos lapides, quod jam satis magnum et arduum opus uti ipsi disciplinae necessarium est, sic in communem redundat utilitatem; sed eadem pertinent item ad saxa, quae e diversis lapidibus facta terrarum rupes et montes construunt; atque Chymicus, cum singulorum saxorum et lapidum multitudinem, varietatem, naturam, materiem et artum docuit, credit simul fundamenta telluris scientiae.

Cum autem Naturae exploratori pateat universus terrarum orbis, ex officinae suae umbra egressus eum pervagatur et in eo peregrinatur, atque suae artis amplificandae summo ardore flagrans et confragosas rupes et inaccessa adscendit montium cacumina. Testor BUCHIUM, BRUDANTIUM, HUMBOLDTIUM et alios peregrinatores ejusdem laudis socios. Testor meum praeceptorem ALEXANDERUM, qui Indiam Orientalem adiit, qui quaevis incommoda et pericula alto animo contemnens ea loca non reliquit, nisi omnibus lustratis et cognitis, qui denique rerum naturalium ad nos apportavit thesauros pretiosissimos.

Nel exstinctis tamen A. A. H. H. Chymiam in solis saxis lapidibusque in-

dagandis versari; longe latius patet, pertinetque ad varia plantarum et animalium genera, quorum naturam exquirat. Et si illorum numerus magnus et prorsus infinitus sit, atque adhuc in hac disciplinae flore quovis die ferme novis repertis adaugeatur, tamen neque horum numerus neque varietas cum iis et plantarum et animalium, in quibus Naturae vis et magnitudo maxime cernitur, vel comparari potest. Plantarum autem formae et species sicuti diversissimae sunt, sic etiam humores et materies, e quibus sunt factae, vario modo mistae et confectae deprehenduntur; quarum vero indoles non tam multiplex atque recondita latere possit, quin eam Chymicus sua arte perscrutetur ac cognoscat. In quo subtili opere dici vix potest, quam feliciter nunc progrediatur. Nam cum antea tenera plantarum textura ferme solis ignibus ureretur, quasque intus alerent partim corruptae res prodirent, partim ex iis novae prorsus enatae, sine praecedentis seculi, et vere maxime hoc quod vivimus seculo, perscrutandi artes et rationes excogitatae sunt longe praestantiores, eae quibus ad intimas rerum copulas solvendas pervenitur, in solvendo vero pleraeque res integrae incorruptaeque prodeunt, salva quali delitescerent in plantis singularum natura. — His demum laboribus, nam praestat rem exemplo illustrare, repertum et ostensum est, quamquam multae herbae et arbores acore distinguantur, in multis aliis non modo acorem temperari, at vero cum acoris principio aliud singulare commistum teneri et hinc novum salium genus fieri. Cujus principii non modo varus varietas est, sed et vis et efficacia magna. Cogitate modo A. A. J. M. H. illum in cortice Peruviano recens inventum pulverem, qui a China vel Cinchona nomen habet, cujusque paucis granis exitiales febrium intermittentium motus subito comprimuntur. Atque hoc unum esse ex optimis et tutis morborum remediis, quae nostris temporibus Chymiae medicina unice debet, cum jam per Europam omnem constaret, clare quoque apparuit in curandis morbis, qui in florentissimas carae patriae urbes et pagos hac aestate et autumno inciderunt.

Sed illae accuratiores explorationes non tantum diversarum plantarum diversam naturam ostenderunt, et scientiam earum rerum patefecerunt, quibus divinae sapientiae cura salubritatem et medicinam ingeneravit, sed effecerunt quoque ut plantarum vivendi genus ac modus crescendi rectius intelligerentur. Nam quod attinet agrorum fertilitatem, ejus causam principem docuit Chymia, reperiundo in his pabulum, quo sicuti aëris aura aquarumque liquore

tame

tamquam magis confecto nutrimento plantae aluntur. Quod pabulum, ecquod aliud est quam humus, quae ipsa ex emortuis et putredine dissolutis herbis et animalculis orta cum recipiatur a radicibus, ac per fistulas, succi nutritii ministras, attollatur, in utriculis cocta, toti plantae nutrimentum fit et incrementi primum adjumentum. Atque humi praestantiam haud scio an hoc exemplo clarius monstrare queam, quod desumpam e montibus Granitae. Nimirum hi ipsi duri sunt, aridi totique nudi; sed aquae, quarum vis tam late patet, quam frequens et magnus proventus est, diffusae sorbentur commissuris et rimis, rupiumque venulis conceptae dum frigore congelantur atque explicantur, primum disrumpunt saxa; quae jam junctis aquarum aërisque viribus exedi incipiunt ac dissolvi. Fiunt apta quae ferant humile plantarum genus, lichenes; quo opere semel incepto tamquam sparsis seminibus e saxo gignuntur plantae; emollitur saxum, serpit lichen continuo ulterius; hic emortuus relinquit, quo alatur alia itidem humilis plantula, cui accedit alia; asperum saxum humor obtegi coepit, quam quaerunt herbae, postque annorum intervallum et stirpes alit et arbores, inque his palmas; atque horrida et inaccessa loca evadunt fertiles campi, in quos pastores greges pastu conducant.

Haec vero ita fieri non miratur Chymicus; nam novit materies, e quibus hi montes facti sunt; novit eas avidas esse commercii et copulae cum aliis corporibus; et cum videat materierum mutationes, plerasque fieri paullatim, et aliae inde exorirentur, perspicit causas, quare, etiamsi plantae et animalia lege naturae intereant, tamen perpetuus telluris sit ornatus et semper sint et animantium et plantarum genera. Denique cum et in sua officina et in ipsa natura didicerit, ex uno ac tenui principio res quam maximas et diversas fieri, e ligno et fomitem facit et fucum et acetum acidissimum; quod optimae notae acidum jam in communi usu est; et ostendit omnia plantarum venena ex iisdem elementis, sed alia ratione junctis, esse facta, ac suavissimos fructus, qui et olfactui et gustui placent.

Simili modo emendata rerum animantium indagandi ratione, illarum indoles melius intellecta est. Nec tantum naturam humorum omnium, partiumque solidarum tam animantium tam corporis humani docet Chymia, sed illustrat quoque illorum usum, harum actiones, maxime quae spiritu in pulmones anima ducatur, quae reddatur respirando, et quomodo calescat cor-



pus calorque per omne corpus fiat. Neque reticendum esse arbitror quantum praesidii in hac arte hominum vitae sit. Nam ad cavendum nos instruit, ne incauti suspectis dapibus vescamur, et in diros immo lethales morbos incidamus. Chymia effecit ne nautae, dum longa itinera mari patriae causa continuant, putredine corrupta carne utantur, et tabe consumantur, aut in mediis aquis siti pereant, impuram et foetentem aquam sordibus aut salsam sale purgare nescientes. Eadem e domibus et urbibus pellit pestiferas nubes, quae ad quem adspirent, inficiunt et late diffusae urbes et agros urunt. Adhuc in memoria est, quantum hominum stragem fecerit allatum toti Germaniae a fugato post Berisinensem Napoleontis cladem Francorum exercitu pestilentiae contagium. Quae calamitas cum gloriosi pro libertate belli et curis et magnitudine longius saevierit, eo magis praedicanda est divinitus edita post pulcherrimam in Waterloënsi pugna de Napoleonte reportatam victoriam BRUGMANSII opera, qui caesis multis millibus hominum, pluribusque vulneratis, in media aestate suae artis usti a patria et Europa pestem avertit. Eadem armat medicum validis contra morborum agmen armis. Nam etsi verissimum est, quod medicinae pater Hippocrates dixit, naturam esse morborum medicatricem, qua deficiente irrita artis molimina sint, negari non potest, saepius torpidae naturae stimulo opus esse, et concitatae freno, et aberranti ut in viam reductatur; atque hoc incedendi propositum prudenter administratis remediis attingi, quorum notitia magnam partem e Chymica arte petenda est.

Itaque cum Chymia in eo versetur, ut, quicquid rerum fossilium in imis terrae visceribus excoquatur, aut quicquid plantarum e foecundo sinu suo gignat et proferat tellus, aut quicquid denique animantium foveat et alat natura, ut horum omnium intimam et absconditam indolem, misturam, partiumque mutuas actiones, earumque causas exploret et doceat; nemini vestrum A. A. H. H. mirum videbitur si dicam, hanc disciplinam adeo vastam et amplam esse, ut vitae humanae spatium ad omnes hujus disciplinae partes rite tractandas et observationibus experimentisque amplificandas vix sufficere videatur. Et haec quidem hujus disciplinae amplitudo insigniter augetur vinculo, quo tenentur omnes scientiae, quae Philosophiae Naturalis nomine comprehenduntur, et in quibus Chymia non ultimum certe locum obtinet. Nam licet omnes

nes hae partes, ut historia animalium, plantarum et rerum fossilium, optimo jure a Chymia distinguantur, atque seorsum exponi et tradi soleant, tamen et haec illarum auxilio careere non potest, et illas Chymiae luce illustrari oportet. Et quis praeterea Chymiam a Physica esse segregandam existimet, quae ambae in observando et experiendo consistunt? Quis neget, pulvere docto indigere Chymiam, cum mathesi tamquam instrumento utantur reliquae disciplinae, et ea sit illius indoles, ut suis opibus polleat, atque a simplicissimis et in aperto positis principiis abstrusa quaeque et difficillima deinceps deducatur? Ne sejungantur igitur disciplinae, quae ad studium naturae pertinent, vel potius id faciunt, sed sibi adjungantur, ut altera alteri lucem afferat et alteram adjuvet; quae in re tamen ob amplitudinem et Chymiae et ceterarum disciplinarum physicarum, prudenter rationem habendam esse illius disciplinae, in qua aliquid proficere, habitare et excellere volumus, vel me tacente, facile intelligitur.

Requis jam A. A. H. H. qui hoc modo Chymiam consideraverit, causam longe petendam censeat, cur hujus disciplinae usus magnus sit, et cur ea cum hominum salute vitaeque commodis proxime conjuncta existimetur? Atque ut primum de gravissima arte salutaris dicam; quam pulchre medicinam, vitae illam conservatricem, adjuvat et exornat ars Chymia? Adjuvat illam non solum, quod remediorum indolem et virtutes docet, ea praeparandi et miscendi optimam viam monstrat, et quod cavet ne contraria contrariis miscantur; verum etiam et vel praecipue, quod cum ipsius fundamentum in observatione positum sit, ipsum medicum mature ad observandi artem informat, quae a veteribus exculta et a BACONE VERULAMIO tam egregie descripta et commendata fuit. Et revera, quam egregie et feliciter utraque studia conjungi possint, probarunt magni Medici, BOERHAAVIUS, GAUBIUS, HAHNIUS et VOLTELENIUS, qui singuli non tantum Chymiae pudes non fuerunt, sed eam summa cum laude et utriusque artis emolumento in hac Academia professi sunt.

Sed Chymia, cum et longius quam ipsa natura procedat, et novas res arte procreet, specto et utilitate insignes, pertinet ad artes omnes, quarum fructus in societatis humanae salutem redundant. Aut an quisquam jure negare possit, illam disciplinam, quae et interpretatur et imitatur naturam, atque hu-

hujus vires moderatur, inque suos usus convertit, lucem affundere omnibus artibus, quae ad vitam communem pertineant? Et revera a Chymia in plurimum artium cultum multum boni ac lucri et redundasse olim et etiam nunc redundare, nonne illud testatur ipsarum artium et vero ipsius humanitatis historia? Unum instar omnium exemplum proferamus Franciam. Assidua fuit inde a multis annis Chymiae cultrix, et quae terra alia artium cultu et flore et perfectione excellentior est? Certat cum ea Anglia, haud una arte jam felicior; at et Anglia suis nunc superba est Chymicis, DAVVO, WOLLASTONO, MURRAYO. DAVVO, inquam, qui sua arte effecit, ut veterum scripta, in Herculaneo et Pompejis inventa, sed eodem cinere obducta, quo, flagrante Vesuvio, ipsae urbes sepultae fuerunt, ab iis sordibus purgari et literae tamen servari possent; qui adeo nobis servavit antiquitatis monumenta, quae perdita credebamus; idem ille DAVVUS observationum in officina sua factarum memor, facillimam invenit rationem, qua aes, quo carinae navium obtegi solent, integram servari possit, cum antea aquis salsis corrosus solvebatur, adeoque brevi post facta mari itinera non sine magnis sumptibus debebat refici.

Sed quid diutius hic moror? nam nonne Chymiae usus ita in aperto est, A. A. H. H. ut ego, si de eo longius dicam, argumenta in re minime dubia quaerere vobis videar? Illud tamen addere liceat, causas, quare multae artes in aliis regionibus florent, in aliis ad interitum progredi videantur, non semper quaerendas esse in mutatis rerum publicarum vel privatarum conditionibus, sed saepenumero in perversa ratione, qua multi ducuntur; qui artes et opificia tractant, qui inconsideratius res agunt, atque immemores sunt Poëtae, recte felicem laudantis, qui rerum causas cognoscere potuit. Nam licet in artibus imprimis consuetudini et majorum praeceptis et experientiae, quae fere sola nituntur, multumtribuendum sit, neque omnes observationes, in officina Chymica factae, temere et pueriliter ad artes referendae sint, qua in re sunt, qui sibi mire sapere videantur, tamen scientia et inventio minime negligenda est. Has autem negligendas non esse, nullo luculentiori exemplo quam ex ipsa patria deducto probare possum, in qua si aliae minus florent, aliae tamen artes, ut conficiendi cerussam, acetam et salem, purgandi boracem et caphuram et ars tingendi ita florent, ut earum tractandi ratio aliis populis  
jam

jam dudum exemplo fuerit. Neque profecto illi graves in artibus errores, quorum fons est aut neglectus aut male adhibitus usus scientiarum physicarum, semper repetendi sunt ab ipsorum opificum ignavia et torpore, sed item ab eo, quod saepissime ipsi destituti sunt ab audiendis et legendis iis, quae ad ipsorum artem pertineant, et a tractatione illarum disciplinarum, e quibus causae suarum artium et intelligi et explicari queant. Et revera quanto ardore, quantum in emolumentum artium in Francia et Anglia plus sexcentum hominum omnis ordinis et professionis frequentant scholas de artibus publicas, quibus favent viri, generis splendore et doctrinae varietate illustres. Denique quantum industria valeat, ad quorumvis hominum ingenium acuendum, suo exemplo probavit **FRANCLINUS**, qui geometriae et mechanices in artibus usum cum operarius addidicisset, deinceps suae patriae defensor et magnus Physicus factus est; probavit item **WATTIUS**, qui ex eodem ordine quam **FRANCLINUS** natus, mechanicen ita coluit ejusque fines tam feliciter protulit, ut Rex Angliae illi statuam posuerit prope eas Regum et excellentium virorum. Quae omnia cum reputamus. A. A. H. H. cujus boni civis animus non gaudio, voluptate et gratia perfunditur, nostrae beatae patriae Beatum et Celsissimum Regem, cujus sub auspiciis et literae omnes ac disciplinae florent, statuuisse et simul pro sua Regia munificentia largam praebuisse occasionem, ut artium cultores et opifices omnes eas disciplinas addiscere possint, quibus in sua arte illis utendum sit, et quibus suam et communem civium adeoque patriae salutem adaugere queant. Cui benevolo et salutifero instituto egregios speratosque fructus non defuturos esse certo confidere possumus, si ei secundum Regis consilium et voluntatem, id est, prudenter et ratione habita cum disciplinarum, tum ipsarum artium, satisfiat; quo denique instituto et Physicis disciplinis suum constabit decus, et patriae commodis prospicietur.

---

Nunc autem transeamus ad ea, quae officium et diei solemnitas postulant.— Hunc mihi diem, vitae meae laetissimum, illuxisse, Vobis, Perillustres hujus Academiae Curatores, debetur. Vestro enim et Regis Optimi favore atque ho-

norifica erga me voluntate hoc honore me ornatum video. Hoc Vestrum vero; Viri Amplissimi, beneficium, cujus magnitudinem sentio me nec oratione aequare nec gratiis compensare posse, benignissimo potius Vestro de me meisque studiis iudicio, quam tenuibus ingenii mei facultatibus tribuo. Illud enim neque reticere neque dissimulare possum, meam mentem toties sollicitudine affici, quoties muneris gravitatem cum mea confero circumscripta doctrina et juvenili aetate; nec habeo; quo animum confirmem, nisi Vestram singularem in iudicando lenitatem, et spem certamque voluntatem, observantiae, diligentiae gratique animi Vobis probandi; et dum in posterum Vestrum, Viri Amplissimi, favorem enixe peto, nunc preces effundo perpetuoque effundam pro Vestra salute, id est, pro Academiae et Patriae bono.

Singulari pudore afficior, cum me ad Vos converto, quarumvis disciplinarum Professores, Viri Clarissimi! Ea mihi est felicitas, ut omnes Vestri ordinis, quorum scholas cum de literis humanioribus et philosophia, tum de medicina, frequentare mihi licuit, et superesse et prolixa erga me benevolentia hic adesse videam. Utinam et eruditissimus et integerrimus Vir, Cl. *БКАЖА* adesset; sed hunc meorum studiorum factorem, cujus humanitatem et officia semper palam pia mente agnoscam, in Vestro concessu tristis desidero. Quem cum nomino, sponte redeo in memoriam amici ejus, consanguinei mei carissimi, Cl. *GEORGII JOANNIS VAN DER BOON MESCH*; quem doctorem egregium, cum Patris doctissimi exemplo in medicina, et *BRUGMANSII* praeceptis suaeque industria in philosophia naturali clarum obtinuerat locum ac nomen, et qui ne a gravissimis quidem molestiis in discendo et docendo sese impediri sinebat, hinc Academiae ereptum esse, omnes boni lugent. Sed me reprimam. . . . Vos, praeceptores dilectissimi, detis mihi hanc veniam, ut publice profitear, Vobis Vestraeque interiori institutioni me omnia, si quid profecerim, unice debere; pergatis gratia ac favore me complecti, ego Vos semper amore et reverentia prosequar. Atque Vobis omnibus, Viri Clarissimi, debita reverentiae et obsequii officia praestabo, eaque observantia erga Vos utar, quam debeo viris aetate et doctrina me longe superioribus. Quem ante sex menses Doctorem dimisistis, eundem Vestro favore nunc prosequi ne dedignemini, atque ut me Vestris juvare velitis consiliis, enixe rogo.

Te

## O R A T I O.

Te vero, Cl. REINWARDTE, ut nomine compellem, jubet sanctissimum pietatis officium et studiorum ratio. Mea studia, consiliis fratris mei optimi inchoata, adjuvisti et promovisti; et quam comiter et humaniter me, cum fratrem, meum meorumque condiscipulorum fautorem, praesentem non haberem; Tuae domi, scientiis et humanitati consecratae, excepisti, dici non potest. Quicquid laudis mihi et honoris contingat, id magnam partem et Tuum est. Itaque accipe, Vir Clarissime, sereno vultu, quem Tibi devoveo, animum intimo gratitudinis, venerationis, amoris sensu perfusum; at novisti animi mei sensus et motus; scis Tibi me totum devinctum esse.

Nos autem, hujus Academiae Cives ornatissimi, Commilitones optimi, jungit literarum et scientiarum amor et studium et amicitiae vinculum. Vobis si quid in me est virium et officii, id omne dico. Vestri amorem meum vos non desideraturos esse, vobis sancte spondeo et promitto. Ineamus igitur denuo amicitiae foedus, atque junctis viribus Academiae Lugduno-Batavae celebritatem, quantum possimus, nostris etiam laboribus tueamur.

## D I X I.





CORNELII PRUYS VAN DER HOEVEN,

O R A T I O

DE

*PERFECTA MEDICI SPECIE,*

HABITA DIE XXVII IANUARIJ ANNI MDCCCXXVII,

QUUM ORDINARIAM MEDICINAE PROFESSIONEM IN ACADEMIA  
LUGDUNO-BATAVA SUSCIPERET.



THEORY OF THE EARTH

BY J. H. DE LA BECHE

AND

BY J. H. DE LA BECHE

AND J. H. DE LA BECHE

THEORY OF THE EARTH  
BY J. H. DE LA BECHE

**PERILLUSTRES ACADEMIAE LUGDUNO-BATAVAE CURATORES!**

**MAGNIFICE RECTOR!**

**QUI IURI DICUNDO PRAEESTIS, VIRI GRAVISSIMI, INTEGERRIMI!**

**HUIUS CIVITATIS CONSUL ET SENATORES QUIQUE HISCE AB ACTIS  
ESTIS, VIRI AMPLISSIMI, SPECTATISSIMI!**

**QUARUMCUNQUE DOCTRINARUM PROFESSORES CELEBERRIMI!**

**ARTIUM ET LINGUARUM LECTORES PERITISSIMI, ERUDITISSIMI!**

**ORACULORUM DIVINORUM INTERPRETES, PLURIMUM VENERANDI!**

( 4 )

ARTIUM ET DISCIPLINARUM DOCTORES, VIRI CONSULTISSIMI, EXPERIENTISSIMI!

ORNATISSIMI ADOLESCENTES, SPES ACADEMIAE, PATRIAE, HUMANITATIS!

VOS DENIQUE, QUOTQUOT ADESTIS, CIVES, HOSPITES, CUIUSCUNQUE LOCI, ORDINIS, DIGNITATIS, AUDITORES HONORATISSIMI!

---

**I**llud in hac terrâ versantibus nobis a Deo tributum est munus, ut cum in rebus humanis omnia manca esse imperfectaque videamus, animum a terrestribus istis avocare et perfecta quaedam rerum summaque exemplaria mente possimus et cogitatione complecti. Quo quidem munere an ullum aut maius aut melius miseris mortalibus datum sit, equidem dubitaverim. Hoc enim, dum spe melioris vitae sustentatur animus, humana contemnimus, caelestia spectamus, erigimur, a pravis abducimur, ad optima quaevis concitamur.

Neque tantum praeclara haec rerum perfectissimarum contemplatio optimam docet vitae recte beneque degendae rationem, verum etiam haec ipsa artium scientiarumque studia, quibus adeo delectamur, quo sint pacto ab homine immortalis colenda, una indicat. Nam cum alii corpori servientes, ex iis quaestum sibi quaerere sordidum cupiunt atque lucri tantum causâ scientias diligunt, alii inanem quandam nominis celebritatem sibi expetunt, quae et obruitur hominum interitu et oblivione posteritatis exstinguitur, is cui perfecta obversatur scientiae species, non corporis, sed animi causâ ipsam diligit, nec mortalem sibi quaerit nominis famam, sed veram, neque hanc parvâ terrâ, neque hoc exiguo temporis spatio circumscriptam immortalitatem.

Quae quoties reputo A. At toties magnopere commoveri me sentio. Itaque hoc primum, hoc ultimum in hisce studiis spectandum est, ut verae tandem fiamus immortalitatis participes. O praeclaram hominum sortem, quâ, quam omnibus fere rebus anteponimus scientiam, eâ aliquando potiamur perfectâ

atque ut aëre, ita hâc verâ sapientiâ, tanquam animorum immortalium vescamur pabulo!

Ad tantam autem felicitatem conquirendam ut et memet ipse; et Vos Com-militones Optimi! incitem, videamus, quale in hâc nostrâ arte sit illud, cui nihil addi possit quodque summum et perfectissimum dicamus. Quod quidem aggredior non tam perficiendi spe, quam experiundi voluntate. In quo si male vobis famae meae consuluisse videar A. A! sic teneatis velim, me non illud spectasse, ut vobis ingenium probem, quod exiguum esse sentio, aut doctrinam, quam scio esse tenuem, sed, ut quot quantaque mihi desint reputans, ne sinam studiâ mea languescere.

Dicam igitur: *de perfectâ medici specie*, et dicam ut potero. Vos autem me praeclara cupientem vestrâ sustentetis benevolentia atque humanitate, rogo, obsecro.

Ea est communis maxime medicorum fortuna, ut eorum praestantia non ex rei veritate, sed ex vulgi diiudicetur opinionibus. Quae quidem fortuna multis forsitan, vulgare illud: *vox populi vox Dei* probantibus, praedicanda magis, quam deploranda videbitur. A quibus, quamvis non ita dissentio, ut populi vocem esse vocem diaboli censeam, quae quidem iniqui esset et parum considerate loquentis oratio; dissentio tamen. Mihi enim populi ista auctoritas ab auctoritate divinâ tantopere distare videtur, quantopere sapientia vulgi a Summi Numinis sapientiâ distat.

Est autem quaedam opinio, vulgi auctoritate sancita, quâ medicus solo usu fieri et exercitatione creditur. In quâ quidem opinione sanciendâ vereor; ne quid erroris admiserit summum illud vulgi numen. Nam si in medico nihil praeter usum quaeritur, anicularum extollenda est et praedicanda mendendi scientia, quae vulgo etiam maior, quam summorum medicorum haberi solet. Quae quidem usum laudantium quorsum tendat oratio videte A. A! Nempe operarium quemdam isti nobis medicum faciunt et quoddam sibi fingunt formularum medicinalium opificium, quorum si vera esset opinio, medicinam non ut artem salutiferam suscipiendam, sed ut pestem e civitate pellendam esse arbitraremur. Haec enim ars nostra si usu tantummodo addiscitur, quem soli seniores medici sibi iure quodam suo vindicare poterunt, quis senex usu doctus compensabit tandem, quae iuvenis sine usu perpetraverit homicidia.

Multa immo plurima experientiae tribui, me iudice, debent, nec tamen  
aut

aut omnia aut struma, utque imperator ad bellum, orator ad forum non imparatus accedat oportet, sic nec medicus ad artem, nisi optimâ praeditus naturâ multiplicique doctrinarum genere instructus.

Sic autem sentio, naturam primum atque ingenium ad hanc medendi artem vim afferre maximam. Illam mentis celeritatem, iudicandi subtilitatem, solertiam, ingenii felicitatem, quae in optimo quoque eminent maximae, si quis putet arte accipi posse, aut inseri usu, errat graviter. Haec enim sunt dona naturae, quae arte quidem limari, accendi, commoveri possunt, inseri vero et donari non possunt.

Sunt vero quidam, ita hisce naturae instructi muneribus, ut non nati, sed ab aliquo Deo ficti esse videantur. Talis existit quondam SYDENHAMUS, in quo tam incredibilis fuit ingenii vis et magnitudo, ut doctrinam non magno opere desideraret indoctusque fere cum esset, iure tamen alter dictus sit Hippocrates.

Quo quidem tanti viri exemplo quorundam firmari videtur sententia, id quod de poeta dicitur, eum videlicet non fieri sed nasci, idem quoque de medico esse dicendum. Quâ sententiâ, si id significetur, medicum iis oportere a naturâ donatum esse muneribus, quibus ad artem aptus natusque haberi possit, iis vehementer assentior. Sin vero illa dona naturae nullâ putent doctrinâ, studio, arte excolenda esse; turpe labuntur. Neque enim omnes esse possunt Sydenhami, ut morborum Epidemicorum vicissitudines multasque formas et mores dispares propriâ observatione discant; ipseque Sydenhamus meo iudicio maior fuisset, si hanc quoque doctrinam sibi studuisset comparare. Aut quid causae esse censeatis, cur ipsum audiamus querentem de febrium popularium indole tam variâ tamque mutabili deque curatione illarum ancipiti adeo, ut non nisi quorundam periculo haec indoles cognosci, et inveniri posset curandi methodus; quid, inquam, huius rei causam esse censeatis, nisi ipsam hanc doctrinae inopiam; quo magis nos debemus illam nobis optare doctrinam, quâ nequidem magnum illud atque immortalis Sydenhami ingenium impune caruisse videtur.

Quapropter illud contendo, cum ad naturam eximiam atque illustrem accesserit ratio quaedam conformatioque doctrinae, tum illud, nescio quid, praeclarum ac singulare solere existere. Ex hoc esse hunc numero, quem maiores nostri viderunt, divinum hominem *σοφιστήν*; qui scientiam me-

memoriamque omnium temporum unus dicitur collegisse. Ex hoc **GEORGIUM BAGLIVUM**, veteris doctrinae custodem et vindicem, quem in ipso aetatis flore exstinctum, si non annorum numero, sed scientiae pondere iudicetur senectus, non iuvenem sed senem exstinctum esse arbitramur.

Est itaque medico scientia comprehendenda rerum plurimarum, sine qua ille, quem laudent usus callidum quendam artificem nobis fortasse efficere poterit, magnum vero, quem animo metimur, medicum non poterit. Aut quid dicam de Mathesi, communis illa disciplinarum parente, quid de Physi-  
câ, quid de Chemiâ, Botanice, Historiâ naturali, quarum aliae ad artem pertinent, aliae ipsam adiuvant, excitando artificis ingenium. Nempe ista quoque Naturae contemplatio, quamvis non faciat medicum, aptiorem tamen medicinae reddit.

Verum ut hasce scientias comites esse atque ministras medici volo, sic litterarum etiam humaniorum studium cum studio medicinae cupio coniunctum. Ad quod eo magis adhortandi sunt nostri homines, quo magis abhorreere videtur a nostrorum temporum ratione, quibus, ut maiori studio scientiarum disciplina agitari coepit, ita a medicis negligi prorsus et contemni coeperunt litterae Graecae Latinaeque.

Quodsi mathematicis illis disciplinis veri quoddam organon in homine suscitari creditur, litteris hisce suscitatur organon pulcri, quod qui exultum habuerit, is in arte omni-que vitâ quid deceat, quantaque vis sit et loci et temporis omnium optime videbit, eumque adhibebit actionum ordinem, ut omnia sint apta inter se et convenientia. Quare illud decorum omni curâ est medico servandum, quod, quemadmodum bene viderunt Veteres, sic exstat de hoc officio liber singularis inter ea, quae Hippocratis nomine feruntur, scripta.

Haec qui attigerit sensuque gustaverit litterarum studia, quam eum offendet quam vix ferenda videbitur ista scriptorum medicorum barbaria, quae non tantum ab omni sermonis elegantia ac venustate abhorret prorsus, verum etiam ipsi perspicuitati tantopere obest, ut quisnam oraculis istis tribuendus sit sensus, nisi hisce barbariis initiatus intelligat nemo. Qui quidem scriptores, si veterum libros studiosius legerent, sentirent, ut Antonius ille, orationem suam illorum tactu quasi colorari. Nunc autem eorum par est barbariae adrogantia, ita ut antiquos illos, quos ne norunt quidem, tanquam  
bar-

barbaros spernant; et suas semper suorumque temporum laudes celebrantes, cum irrisione legentium militem imitentur gloriosum.

Sed ea potissimum summaque harum litterarum praedicanda laus est, quod ad integros illos et purissimos ducant scientiae medicinalis fontes, quos non videre et rivulos consecrari tardi profecto est ingenii. Quod veterum studium nemini parvo habebitur pretio, qui cogitaverit, quanta in ipsis fuerit animi vis et magnitudo, quam ingeniosa naturae observatio imitatio; qui suas nobis imagines non solum ad intuendum, verum etiam ad imitandum in scriptis expressas reliquerunt, quas qui sibi in arte faciendâ proponat, animum et mentem suam ipsâ cogitatione hominum excellentiam conformabit.

Quae reputanti hanc mihi visus sum causam praecipuam invenisse, cur in omni fere doctrinarum genere principes exstiterint veteres, qui cum perfectam quandam sibi animo informarent doctrinae speciem, ad eam, quam sibi finxerant, proxime accessisse videntur. Postquam vero distributione partium ac separatione magnitudines sunt artium diminutae, dici non potest, quantopere studiorum etiam diminuta sit magnitudo. Nam cum doctrinas quasvis anatomicorum more in partes inciderent homines, factum est, ut plerique sibi singulam partem eamque non nimiam sumerent elaborandam, utque, cum in singulis toti essent, omnium bonarum artium denique virtutum ipsarum societatem cognationemque negligerent.

Haec, quae optamus, si cui nimia videantur neque medico in tantâ scientiae varietate et copiâ consequenda, eos cogitet viros; qui pari laude in utroque studiorum genere versati sunt. Qualem *RODOCUM LOMMIUM* fuisse novimus, virum et arte et facundiâ insignem; quales *PREINDIUM* et *MEADIUM*, et amicitia et medicinae studio et communi litterarum amore conjunctos; qualem *IOANNEM BAPTISTAM MORGAGNIUM*, virum immortalem, in quo summa erat anatomes et medicinae scientia et huic par litterarum peritia; quem si legas, quid magis mireris dubites, utrum ingentem doctrinae atque eruditionis medicae copiam, an orationis priscam illam venustatem et elegantiam.

Veterum illud studium cum negligi coepit, accidit, ut vera simul periret eruditio medica nullamque haberent medici librorum notitiam, nisi eorum, qui suâ aetate prodierant, ab iisque, qui de arte scribant auctoribus, aequales fere commemorari soleant, antiquioribus aut silentio praetermissis, aut verbo tantummodo indicatis, ita ut horum si pervolveras libros,



credens, hoc demum seculo natam esse medendi scientiam. Nos vero esse perfecti medici putamus, non suae solum aetatis, sed omnium memoriam temporum tenere. Nam nescire quid antea, quam natus sis acciderit, id est semper esse puerum. Quid enim est aetas hominis, nisi memoria rerum veterum cum superiorum aetate contexitur. Quam quidem praeclaram Tullii voce aptius, quam longam oratione et litterarum et adjunctum hisce historiae studium commendari existimem. Ut enim hominum est indoctorum sua tantum tempora laudare, sic vere eruditorum est, omnem omnium temporum historiam complecti, quae recte testis temporum, lux veritatis, vita memoriae, magistra vitae, nuntia vetustatis dicitur, eamque non a rivulis quibusdam, ut fieri solet, sed ad ipsis fontibus petere. Quod qui faciat, is non tantum, quam origine, quibusque auctoribus nata, quae incrementa ceperit ars nostra, omnium optime videbit, sed quam ratione culta, aucta, amplificata sit, cum perspexerit, aliaeque ex aliis inventa quo pacto sint orta, simul augendae amplificandaeque artis tenebit rationem, et ipse aliquando inventor futurus.

Vastum est et magnificum, quod historia praebet hominum rerumque humanarum spectaculum, quo explicatis ordinibus temporum, uno in conspectu omnia videmus. Hoc autem spectaculum, quam vastum sit, quam magnificum, is demum noverit, qui causarum non neglexerit notitiam, scientiasque, non veluti res quasdam extra hominem positas spectaverit, sed in ipso homine ipsaque naturam humanam scientiarum origines quaesiverit et fontes. Ille ubivis hominem cernet, suis praeditum ingenii animique viribus; illi rationem, quam gentes singulae scientias coluerint, explicabunt cognita gentium natura et indoles, singulasque et gentes et aetates suo existimans pretio, ac suum cuique tribuens, a singulis proficiet, historiamque adhibebit non vitae tantum, sed artis quoque magistram.

Neque arctior est historiae et litterarum, quam philosophiae cum medicina naturae societas atque cognatio, quam utriusque coniunctionem tanti fecerunt veteres, ut medicum philosophum Deo similem dixerint; quo quidem illud potissimum significasse videntur, neminem, sine philosophia, effici posse, quem quae-  
rimus, summum. Quem enim fugit artium omnium procreatricem quandam et quasi parentem, quam philosophiam Graeci vocant, ab hominibus doctissimis iudicari? Quamobrem mirum videri potest, quod Celso auctore discimus, Hippocratem illum Cum a studio sapientiae disciplinam hanc separasse. Quod,  
ut

ut intelligatur; monendum est, quam separavit ille aque disciplinā suā seiunxit, sophistarum fuisse, quaevis ex opinionum commentis interpretantium, temeritatem, quae, uti tunc temporis, ita semper medicinae obfuit plurimum. Nos vero germanam volupus philosophiam, germanae studium sapientiae, quā quid optabilius, quid praestantius, quid homini melius, quid homine dignius! Quae, ut cuivis optanda, sic maxime expetenda est medico, cuius ars potissimum circa causas naturasque morborum versatur indagandas. Aut quid maius est philosophiae munus, quam rerum investigare naturam et causas, quo omnis fere continetur illius, quam philosophiam veridixerunt veteres officium. Morborum enim formae observatione sensibusque cognoscuntur, naturae vero plerumque intus latent, a sensibus remotae. Quodsi a sensibus non omnis absit fallaciae culpa, quantā opus erit prudentiā, ubi tam longum sit ad verum quaerendum iter. Quod, quo magis arduum, eo maiori studio, labore, operā animique contentiope perficiendum. Quae oculis cernuntur et in sensus cadunt phaenomena non tantum observanda, verum inter se conferenda, computanda, diiudicanda, propria ab impropriis, vera a falsis, perpetua, constantia a temporariis, mutabilibus secernenda, quid singula, quid cuncta valeant ponderandum, ad suas quaeque causas revocanda, deque omnibus iudicium ferendum, idque saepe exiguo admodum brevique tempore, sed simul religione sumptā (agitur enim de vitā hominis). Quae quidem quantā sint quāque gravia, Vos optime nostis, Peritissimi Medicinae Doctores! Nititur haec ars nostra calculo probabilitatis, omnium difficillimo, quae cum mathematicam recusset evidentiam, in alterā illā morali acquiescendum est, cuius veritas non tam argumentorum pondere, quam rerum probabilium numero diiudicatur. Quare omnium laudem meruerunt, qui hanc rationem viamque praesertim explanarunt, illamque disciplinae nostrae partem, quae in causis naturisque morborum versatur, sibi sumserunt excōlendā. In quā quidem re omnes, me iudice, superavit HIERONIMUS DAVID GAUBIUS, magnus magni Boerhaavii discipulus, cuius de pathologia medicinali liber, immortale est ingenti Gaubiani monumentum. Utque huic primas, sic secundas tribuo IOANNI GEORGIO ZIMMERMANNO, medico vere philosopho, qui cum professoris munus, ei oblatum, recusare debuisset, noluit tamen iuvenes, qui eo magistro fuissent usi, suā prorsus destitui institutione, opusque edidit de *Experientia*, quo ut ille suis tantummod.

prodesse voluisse videtur, sic nobis visus est, omni omnium temporum profuisse iuventuti.

Est vero quidam philosophiae locus, hâc nostrâ aetate a medicis pessime neglectus, qui in veris discernendis aequè falsis segregandis consistit, quamque *Criticen* vocabimus. Cuius Critices ea summa vis est, quae in aliorum observationibus, coniecturis, doctrinis, scriptis ponitur diiudicandis. Haec ad omnem adhibenda est medendi disciplinam, ne falsa pro veris habeamus, hisque temere adsentiamur. Ad huius leges exigenda est scriptorum tum veterum, tum recentiorum peritia, fides, auctoritas, statuendumque inventorum, observationum, experimentorum pretium. Quod quoniam medicinae cultoribus aut parvi habetur, aut nimis arduum, tanta est scriptorum medicorum temeritas, quanta credulitas lectorum, ut pene res magica facta videatur medicina, eo maiorum habitura fidem, quo longius a communi sensu recesserit. Quid opus est A. A.† huius rei exempla quaerere. Quis unquam audax promissor medicus aut iactator impudens spe prorsus destitutus est. Quenam arcana, specifica, panchresta, panaceae suarum non invenere virtutum praecones? Sed reprimam me; neque committam, ut iniquas Vobis videar nimisque aegerus humanae imbecillitatis iudex. De hâc autem Critice eiusque praestantiâ cogitans, in memoriam redeo sagacissimi illius et acerrimi eiusdem cultoris, vestri quondam PARADISI, in quo tam praeclare huius ingenii critici dotes eminebant, ut si litterarum studiis incubuisset, nullus dubitem, quin alter factus fuisset Wyttenbachius. Quo magis gaudeo, in tantâ medicorum criticorum paucitate, medicinae non litterarum scientiam et coluisse praecipue, et docuisse Paradisium.

Retulimus nos igitur A. A.† ad eum, quem volumus, inchoandum, qui si sic instructus veniat ad artem, is erit quem caeteris omnibus anteponimus, in quem intuemur, quem ut quisque optimus fuerit, ita magis imitando exprimere conabitur. Aut qualem censeatis hunc futurum, qui nullis aut naturae donis, aut doctrinae copiis, subsidiis, ornamentis destitutus ad ipsam artem natus, optimam indolem diligenti excoluit rerum pulcerrimarum, summarum, optimarum studio.

Quoniam vero tria tenenda sunt medico artem facienti, morborum videlicet cognitio, morborum praesensio et morborum curatio: prior *diagnostice*, altera *prognostice*, tertia *therapeutice* vocatur, dicendum omnino, quid sit

sit optimum in singulis, quorum cuncta tum necessaria sunt, tum insignia ad maximam laudem.

Et in morbis quidem detegendis omnem adhibebit noster observandi diligentiam. Aegrotantis vultum, oculos, habitum, decubitus, vocem, quaeque reliqua sunt morbi intus latentis indicia sensibus percipiet, rerum interpretibus et nuntiis; in quâ quidem signorum perceptione et observatione non corporis tantum, sed animi praesertim contentione tantâ utetur, ut non corporeis istis sensibus, sed interno animi sensu aegrotantis imaginem complecti videatur atque veteri illi philosopho, non oculos istos, aut aures, sed mentem esse, quae videat et audiat affirmanti, faciles lubentesque assentiamur. Nec temere. Nam mens est, quae cunctas a sensu acceptas rerum notas percipit, coniungit, atque ex distractis iis disiunctisque veram efficit morbi effigiem.

Neque ad ea quae praesentia sunt animadvertet tantum, sed in omnem praeteritam inquireret aegrotantis vitam, animi mores, corporis habitum, morbos, parentum, cognatorum valetudinem, brevi absolutam sibi optabit illius historiam medicam. Quam, si fieri possit, sibi ab ipso aegro narrari cupiet, qui, nisi aut male sapere, aut, quae sentiat, verbis augere velit, optimus intelligenti erit suae ipsius valetudinis interpretes.

Ex hac observandi diligentia quantum proficiet! Truci vultu, oculis rubris, micantibus facie coloratâ, responso feroci, breviloquentia phreniticum discernet, acuto capitis morbo laborantem; querelis, loquacitate, hypochondriacum, ex longâ languentem nervorum aegritudine. Summâ corporis gracilitate, procero et tenui collo, genarum circumscripto rubore, mente hilari, spe vitae, ne in ipso quidem mortis adspectu depositâ, phthisicum agnoscet. Facies flava, oculi cavi, vultus circumspectus, despondens, morosus, tristem ei indicabunt melancholicum.

Sed simul et sagax naturae observator, et medicus eruditus, aliorum quoque cum teneat observationes, mentique impressas habeat optimas ab optimis scriptoribus medicis depictas morborum effigies, cum iis, quae videt, ea quae, legerit coniungens, ex aliorum historiis suorum aegrotantium valetudines perspiciet atque intelliget. Quare animum adferat oportet, a summis quibusque artis magistris doctum et eruditum, ab iisque praesertim qui in hoc genere excelluerunt. Quorum ex antiquis princeps nobis habetur AETAEUS ille CAPPADOX, qui incomparabili artificio multas morborum species, ipsis

naturae coloribus, pictorum arte, expressit; ex recentioribus vero IOANNES ERNESTUS WICHMANNUS, cuius in morbis formâ [similibus at dispari indole inter se conferendis collocata opera omnem promeruit omnis posteritatis laudem.

Altera illa medendi pars, quae appellatur *Prognostice* morborumque eventum praesagire docet, ut plurimum habet difficultatis, sic a plurimis pessime negligitur. Utrum vero alia sit magis ad medici sive existimationem, sive auctoritatem, seu fidem adcommodata, iure merito dubitari posset. Est autem eius vis maxima in signorum posita interpretatione, quâ ex iis, quae adsunt, ea, quae futura sunt, e longinquo praevidere docemur. Praeclaram hanc divinandi artem veteres praesertim colere. Nemo tamen maiori studio, quam HIPPOCRATES ille COUS, qui, si in reliquis laudibus nonnullos habuisse pares censeatur, in hac omnibus superior exstitit. Is enim in eâ, quam *πρόνοια* dixit, comparandâ praeprimis medici operam et studium collocandum esse existimans, ipsius rationem non tantum omnium optime perspexit, verum etiam summum quoddam posuit principium, quod, tanquam fundamento, omnis haec prognostice nititur. Hoc autem principium a valetudinis secundae cum adversâ valetudine duxit comparatione, ita ut, quo aegrorum facies, decubitus, somnus, mores illis sanorum fuerint dissimiliores, eo gravioris fore morbi periculum praeceperit. Quae, ut legitime fieri posset comparatio, actionum naturalium, mirâ arte, expressit imagines, quibus, tanquam vitae perfectae exemplaribus positis, quo sint pacto signa futurorum intelligenda, et bonorum malorumque ineunda ratio, appareret. Simul vero et communia et propria intueri iussit, neque a signis valetudinis optimae universalibus tantum praesagia petere, verum ab iis quoque, quae ad propriam cuiusque pertineant valetudinem. Ab hac veterum *prognostice* recentiorum nata est *semeiotice*, in quâ signa non coniuncta ponuntur, tanquam in tabulâ, sed distracta divulsaque; ut in catalogo. Quae quidem recentiorum *semeiotice* tanto minorem habet et dignitatem et auctoritatem, quo minor fides habenda est singulis, quam universis. Ea nimirum est veterum praestantia Graecorum, ut quamcunque artem tractarent, summam illam exprimerent pulcritudinem, cuius in mentibus infixam speciem tenebant.

Hoc igitur pulcri sensu imbutus sit oportet optimus ille, quem mentem complectimur, a quo illo petat divinam hanc praesagiendi artem. Quam si

per-

perspectam habuerit, non tantum sibi fidem aegrotantium conciliabit bonusque habebitur medicus, sed, quod maius est, quae metuenda sint, avertere et ad futura quoque artem dirigere et accommodare noverit.

Quoniam vero duplex est medici artificis officium, alterum sanitatem tuendi, morbos sanandi alterum, hanc *πρόνοιαν* futurique praesensionem cum ad sanitatis conservationem, tum ad curationem morborum adhibebit. Ac prius illud, quod ad prospere valentes spectat, quodque *Prophylacticam* vocant, tanti fecit LENTINUS, medicorum Germanorum decus, ut omnis ab eo cum absit ostentationis suspicio, iucundissimam habere censuerit bene factorum recordationem. Et profecto ita est, A. A.† In hac enim medicinā prophylacticā vera cernitur artis salutiferae ratio: cuius benignitas, quemadmodum ex virtute depromitur, sic nullam sibi expetit aut gratiam aut gloriam, tumque maxime est benefica, ubi minime esse videtur.

Verum ut haec prophylactica medicina a paucis expetitur, cum sani bona sua negligere solent, sic in alterā illā, therapeutice, plurima versatur medicorum opera. Quod quidem morbis medendi officium, ut omnium maximum, sic quoque omnium est difficillimum reputandum. Nam caeterae, quas memoravimus disciplinae, quasi itineris duces sunt, haec vero curandi ars ultimus est et summus, quorsum tendat via, finis; sique in reliquis officiis rite exsequendis magnum appareat artificis ingenium, in hoc spectatur maximum. Etenim, quod in oratore actio est, idem est in medico curatio morborum.

Nolite tamen putare A. A.† hanc artis peritiam solo eventu diiudicari. Quasi vero omnes fortunati sapientes, omnes miseri stulti; aut usu tantummodo comparari, quem sine ratione aut prudentiā nullum censeo. Etenim in hac curandi arte, ut usus sibi multum vindicat, ita consilium, ratio, ingenium plurimum. Neque Hippocrates, Baglivius, summique medici senes demum, sed iuvenes maximam assecuti sunt artis laudem. Haec autem, quae morborum curatio desiderat, tot sunt et tanta, tamque sibi, ut videntur, disparia, ut verear, ne iisdem enumerandis tardem studia et aliorum et mea. Nam quot sunt morborum, quot hominum genera, tot genera sunt medendi, ita ut alia audacem postulent medicum, fortem, intrepidum, alia cunctantem, cautum, providum; alia callidum, sagacem; exercitatum; alia sapientem, doctum, eruditum, aliarumque curationum maximam sibi partem usus vin-

di-

dicet, aliarum consilium, aliarum denique doctrina. Magni igitur iudicii; summae etiam facultatis esse debet moderator ille et quasi temperator huius multiplicis varietatis. Nam et iudicabit, quid cuique opus sit, et poterit, quocumque modo postulabit morbus, mederi. Non enim omnis valetudo, non omnis aetas, non omnis natura, non omnis sexus, nec vero vitae genus, aut morbi tempus, aut aeger omnis, eodem aut medendi genere tractandus est, aut remediorum. Nam medico diligenti priusquam conetur aegro adhibere medicinam, non solum morbus eius, cui mederi velit, sed etiam consuetudo valentis et natura corporis cognoscenda est. Tenenda est etiam, quae cuique morbo apta est medendi ratio, quae quidem non experiundo tantum quaerenda, aut tentanda usu, sed ab optimis summisque petenda est Artis Magistris, quorum scripta omni sunt posteritati consecrata.

Ille igitur, quem volumus, horum abundans praeceptis, horum exemplis ductus, hosce secutus duces, ad summorum ingeniorum similitudinem conformabitur. Quare si quaerimus, quid unum excellat ex omnibus, docto medico palma danda est. Nam, ut duo maxime disparia sunt morborum genera, quorum alterum acutos, breves continet, longos, chronicos, alterum, in acutis magnâ opus est iudicandi celeritate eâque naturae praestantia, quam interdum etiam absque doctrinâ valuisse accepimus. In longis vero summa adhibenda est animi contentio, ingeniumque afferre oportet omnibus doctrinae atque eruditionis medicae copiis instructum; et quemadmodum alia est imperatoris virtus in praelio committendo, alia in expugnandis arcibus, sic in acutis morbis medicum optamus sagacem, peritum, callidum occasionis venatorem, in chronicis vero constantem, indefessum, eruditum, cunctatorem prudentem.

Minime igitur illi audiendi sunt, qui verentes, ne hisce studiis abstrahantur animi ab exercitatione et artis usu, nihil quicquam amplius sibi afferendum esse opinantur, quam quod curationum maxime communium necessitas postulet, et parca istâ contenti eruditionis scholasticae suppellectili, exiguo hoc vitae Academicae spatio, omnem medici doctrinam circumscribunt. Hi enim medicorum studia non ipsius scientiae magnitudine, sed aut metiuntur ignavia.

Nec tamen sine consilio res tanta, quanta morborum curatio est, recte aut suscipi, aut perfici potest. Nam est medicinae, sicut reliquarum rerum, fun-

fundamentum sapientia. Consilio, quae valetudini, tempori, aegro conveniat curatio invenienda est. Consilio aptissima seligenda sunt remedia. Consilio, quae optimae adhibenda sint ratione, videndum; quod, qui ita perficiat, ut nihil desit, abundet nihil, cunctaque inter se convenient sibi que respondeant, et ad singularum rerum rationem universa esse composita videantur, qualem eum quantumque esse censebitis artificem. Ad hanc laudem, hisce nostris temporibus, nemo propius accessisse videtur, quam IOANNES PETRUS FRANKIUS, acri vir ingenio, cuius in scriptis magnum cernimus medicum, summo semper consilio summâque prudentiâ, rem peragentem, omnium difficillimam;

Est igitur, quoniam tot tantaque in consilio sunt posita, medico artificis ratio potissimum excolenda, quae cum adolevit atque perfecta est, nominatur rite sapientia. Verum ea, de quibus hactenus exposuimus, tanquam huic nostro, quem deformamus, necessaria, quamvis summa Vobis videri possint, magnum ea quidem nobis efficient medicum, nec tamen perfectum, aut summum. Medicus enim vir bonus sit, medendi peritus. Virtus est, virtus, inquam, quae summis hisce laudibus cumulum addat. Hanc ille sibi videt principem et ad suscipiendam et ad ingrediendam horum studiorum rationem exstitisse. Quodsi huius hortatu praeceptisque conformatus plurimis, hâc arte suâ, saluti fuit, id huic acceptum refert. Ut enim mirus quidam omnium quasi consensus doctrinarum concentusque reperitur, sic summa quoque est verae eruditionis, sapientiae atque virtutis cognatio. Aut quae tandem, sine virtute, homine immortalis digna est sapientia, quae sine hâc magnopere expetenda videtur doctrina? Quis verum assequi, nisi veritatis cultor, quis scientiam sibi comparare, nisi diligens, quis de rebus, scriptoribus, libris recte iudicare, nisi aequus, liberalis, bonus, poterit. Qui invidiâ, odio, superbiâ, adrogantiâ aliisque animi reguntur perturbationibus, quos tandem eos et quales fore putabimus rerum humanarum, magnorum virorum, aliarum laudum, meritorum aestumatores? Quodsi tam arcta sit omnis germanae scientiae et virtutis cognatio, in hâc nostrâ, quam profiteamur disciplinâ, omnium est arctissima.

Baglivius ille, cum corporis naturam atque temperiem quamplurimorum esse errorum fontem recte viderit, ab hâc naturarum differentiâ diversam re-



petivit medicorum et doctrinam et artem. Hinc frigidos, phlegmaticos, torpidos cunctando semper rem agere, cholericos, calidos magno impetu et quamvalidissimis armis contra morbos pugnare; quapropter propriam hanc corporis temperiem, cuius investigandam esse ac ratione regendam, recte praecepit.

Quae cum ita sint, nemo perfectus medicus esse, nisi moderatus, continens, temperans poterit. Nempe animum habeat sedatum oportet, omni-que perturbatione liberum, ut recte naturam observare, fortem, intrepidum, ut recta semper videre, sequi, et constanter tenere possit.

Est enim sacrosanctum hoc vitae tuendae munus, quod qui suscipiunt, ut religiose perficiant, iureiurando obstringuntur. Quam in re maiorum miramur sapientiam, qui veterum illud institutum non abrogandum esse, sed pie servandum arbitrati sunt, ipsoque hoc iureiurando, quo omnem vitam omnemque artem sancte esse casteque instituendam sanciverunt, satis declarasse videntur, quam arcte medicinae professionem cum ipsius professione virtutis habuerint coniunctam.

Neque aliter optimis quibusque visum est medicis, in quibus par fuit inveniendi scientia pari virtute comitata. Aut quid HIPPOCRATEM commemoramus, in quo et summo medico optimoque viro, dum artis miramur peritiam vitaeque integritatem, Deum quemdam nobis aspicere videmur. Quid SYDENHAMUM, quem in egregio illo opere, in quo ipsam veritatem animique candorem habitare dixeris, hisce verbis observationum suarum fidem contra obrectatores et invidios audimus defendentem: « Res ipsa brevi loquetur, an fideliter et sincero animo hic egerim, an e contra, ad instar » sceleratissimi hominis merumque profligatissimorum, homicidam me praestiterim, vel in terrâ defossus. » Quid BOERHAAVIUM, cuius tanta fuit in arte faciundâ religio, ut Swietenius, eius discipulus, numquam consulendi causa praeceptorem adire ausus sit, nisi accurate perscriptam afferret morbi historiam. Qui enim diligenti, at sibi diffidenti, toties opem tulerat, negligenter et temere rem tantam tamque seriam agentem severo vultu excepisset.

Ego, quoties hosce viros cogito, (cogito autem saepius) ac pia delector tantarum virtutum recordatione, in praeclaro hoc virtutum choro unam vides reliquarum principem ac ducem existentem. Hanc sive caritatem

dixeris; sive benevolentiam, benignitatem, humanitatem, seu quibuscunque aliis nominibus appellaveris, nam tanta eius est amplitudo, quae uno nomine comprehendi non possit, nihil ea humani a se alienum putans; omnesque homines coniungens, uno universos amplectitur amore. Est namque hic mundus magna quaedam hominum civitas, et una domus fratrum. Atque haec quidem animi affectio in optimo quoque medicinae cultore fuisse videtur maxima. Ab hac enim omnis ars nostra ducta est, neque ulla alia est, in qua magis exerceri, coli, perfici divina illa virtus possit, quam ea, quae vere appellatur salutifera. Hanc tanquam genio quodam, aut Dei cuiusdam voce ad haec studia impellitur medicus; hanc illud sibi vitae degendae genus constituit; haec ipsi in studiis, arte, omni-que vitae itineris dux est et socia, hanc rectam semper optimamque sequitur viam. Huic ut obsequatur, omnes labores, curas, vigilias, omniaque vitae pericula parvi esse ducenda putat; haec dies noctesque concitat atque admonet, non nobis solis, sed aliis vivendum esse, nullaque re homines propius ad Deos accedere, quam salutem hominibus dando. Ea vita, via est in coelum et in coetum eorum, qui praeclarum hoc homines diligendi munus optime exsecuti sunt. Caetera, quae ab hominibus expetuntur, opes, divitiae, honores, gloria, humana sunt, caduca, mortalia, ipsaque haec scientia nostra partim ad hanc vitam tantummodo pertinet, partim puerorum quidam censendus est lusus, si cum ea comparetur scientia; quam animus potitur, huius corporis vinculis liberatus; haec vero hominum caritas perennis, sempiterna, animo immortalis, divino digna.

O Artem vere bonam, humanam, salutarem! Te qui colit, diligit, amat, ipsam colit, diligit, amat virtutem. Tu miseros mortales miseriis levas. Tu immortalibus tui cultoribus viam indicas ad vitam vere vitalem, sempiternam. Tibi igitur nos penitus totosque tradimus. In te omnem laborem, studium, operam nostram ponimus. In te una quasi tabernaculum vitae nostrae collocamus.

---

Quod quidem Vobis praesertim spondeo Illustrissimi huius Academiae Cu-

ratores! quorum in studiis tanta declarata est voluntas, ut, quam antea in me detulistis dignitatem, eandem nunc etiam auctam voluistis. Quo quidem tanto beneficio illud mihi potissimum spectasse videmini, ut ab omni rei domesticæ curâ liber et vacuus, totus esse in hisce studiis possem. Vos itaque, Viri Amplissimi! sic habetote, mihi nihil potius, nihil antiquius fore, quam ut, quantum equidem possim, huic Academiae vestrae, iuventuti, patriae prosim Vobisque et Regi Optimo et grati animi sensum et voluntatem et vero industriam meam probem.

Vobis autem Viri Clarissimi, quarumvis disciplinarum Professores! quid multis verbis me commendem, quorum benivolentiam et per biennium hocce, et tum praeprimis cognovi, quum amplissimum hunc dignitatis gradum, Vobis omnibus gratulantibus, sum consecutus. Quodsi negligere, quid de se quisque sentiat, aut arrogantis esse, aut etiam omnino dissoluti recte putatur, quid magis expetendum, quam eorum quibuscum vivimus, adprobatio, et bona optimorum virorum de nobis opinio. Me Vobis ut commendatum video ac gaudeo, ita in posterum cupio commendatissimum. Ego quo maiorem hanc Vestram expertus sum benevolentiam, eo plus etiam Vobis tribuendum esse arbitror.

Nos vero Collegae aestumatissimi! eiusdem disciplinae Professores! salutaris ista professio, et communia studia, et communis disciplinae, Academiae, patriae amor jungant, ut eo quisque nostrum nobis sit carior, quo magis scientiae, Academiae, patriae utilitatibus inservierit.

Vos Professores Extraordinarii! scitote me locum, non animum mutasse meque habetote, quem fui antea, collegam, amicum, sodalem.

Te Frater carissime! hic cum aspicio, non possum non nostras fortunas laudare, quod Tu mihi, ego Tibi sim redditus, nobisque tam felicibus esse contingat, ut, quibus uterque nostrum maxime delectatur studiis, iis totos nos tradere omnemque vitam possimus impendere. Quare nos .o Optime! quemadmodum Deo debemus cuncta, sic ad Deum cuncta referamus, cui eum maxime gratum esse et acceptum novimus, qui hoc, quod cuique adsignavit, humano munere, maximâ fide, curâ, religione perfungitur. Quod facientes, huius nobis fratris, quem colimus pariter atque amamus, leniemus desiderium, quo enim virtute erimus cognati magis, eo maior nos spes tenebit, fore nos in aeternum fraternâ conjunctos caritate.

De-

Denique ad Vos se convertit oratio mea, optimi Adolescentes, Commilitones amicissimi! Mihimet Vobisque proposui, qualis videatur ille, quem summum, quem perfectissimum medicum iudicem. Nos igitur hanc optimam speciem imitando exprimere conemur, quod etiamsi assequi posse diffidamus, experiri tamen velle debemus, eum tenentes cursum, quem poterimus. Prima enim sequentem, honestum est in secundis et tertiis consistere. Quare non est, cur spes vestra infringatur, aut languescat industria. Nam neque illud, quod est optimum, desperandum est, et in praestantibus rebus magna sunt ea, quae optimis proxima.

Vos autem generosi Iuvenes! virtutem imprimis colite et aeternam domum contuemini, nec in praemiis humanis spem ponite rerum vestrarum, sed coelestia petite; estis enim immortales!







JANI JACOBI DE JONGH,

ENCHUSANI.

THEOLOGIAE IN ACADEMIA LUGDUNO-BATAVA CANDIDATI,

COMMENTATIO

DE

QUAESTIONE AB ORDINE THEOLOGORUM IN ACADEMIA  
LUGDUNO-BATAVA, A. MDCCCXXVI PROPOSITA:

„ *Quis sensus sit moniti Joannei, 1 Epist. V, 16b. "Εστω ἀμαρτία προσ-  
,, θάνατον, οὐ περὶ ἐκείνης λέγω, ἵνα ἐρωτήσῃ. Et quomodo cum aliis, de  
,, diligendis omnibus hominibus, doctrinae Christianae praeceptis,  
,, in concordiam redigi possit?"*

QUAE PRAEMIUM REPORTAVIT D. VIII MENSIS FEBRUARIJ

A. MDCCCXXVII.





# COMMENTATIO

DE

## QUAESTIONE THEOLOGICA.

---

### INTRODUCTIO.

Interpretationem, librorum Novi Testamenti, variis de causis, multo magis, quam aliorum scriptorum, difficilem esse, inter omnes constat, qui in hoc studio elaborarunt. Nimirum scriptores illorum homines erant, exceptis tantum perpaucis, indocti, neque scribendi artis satis periti, qui res tractabant, sibi antea incognitas, vulgaremque intellectum, pro magna parte, prorsus excedentes; lingua utebantur, sibi haud vernacula, Graecorum dicendi rationem, ad Hebraicas formulas conformantes. Neque diffitendum est, Ecclesiae veteris doctores, qui libris sacris interpretandis operam dederunt, plurimas falsas, locorum omnis generis, explicationes introduxisse. Nimirum plerumque hospites erant linguae Hebraicae, et non pauci Graecam quoque non satis callebant, et ad suae aetatis opiniones dogmaticas, non raro interpretationem imprudenter accomodarunt. Per longum tempus plurimi haec vestigia legunt. Et sic quidem rei difficultas sensim magis magisque aucta est, per praejudicatas cujusvis generis opiniones interpretum, qui seriori aevo sacros libros tractarunt (1). Rectiorem viam monstrarunt, qui renatis literis, ad normam Philologorum, qui descriptis humanis praeclare meruerunt, manum operi admoverunt. In his Grotium excelluisse constat, cujus interpretandi modo, multa remota sunt obstacula, quae impedirent, quominus rite Saera Scriptura intelligeretur. Recentiori memoria accessit Ernestius, cujus tempore simplicior invalescere coepit interpretandi ratio, regulaeque sunt constitutae, ad quarum normam interpretatio commode et accurate dirigi possit.

At

(1) Cff. hac de re Ernesti Institutio interpret. N. T. Proleg. §. 4. imprimis nota subjecta. S. F. N. Meus, Acropases, super Hermen. N. T. Proleg. Parte 1, §. 2.

At vel sic tamen remanserunt loca intellectu difficilia, ea etiam, de quibus desperandum videatur, interpretes, vel optimis hermeneuticis ac criticis subsidiis instructos, eos exposituros, aut ultra veri speciem, aliquid prodituros esse (1).

Est liber auctore Apostolo Joanne, qui inscribitur *Apocalypsis*, qui ut recte exponatur, nova adhuc revelatione opus esse videtur. Occurrunt in scriptis Paulinis δυσνόητά τινα, quae non tam Paulinae obscurius scribendi rationi, verum ipsi argumentorum indoli sunt adscribenda, cum altioris sint indaginis, et pro parte vulgarem intellectum longe excedant (2); vel ad cogitandi et loquendi usum ejus temporis, non omni parte nobis cognitum, et omnino ad res, a nostro aevo longe remotas, spectent. Quid sibi velit Paulus, monito illo, Διὰ τοῦτο ὀφείλει ἡ γυνὴ ἑξουσίαν ἔχειν ἐπὶ τῆς κεφαλῆς, διὰ τοὺς ἀγγέλους. 1 Cor. XI, 10. Quorsum spectent illa: Ἐπεὶ τὶ ποιήσουσιν οἱ βαπτιζόμενοι ὑπὲρ τῶν νεκρῶν, εἰ ὅπως νεκροὶ οὐκ ἐγείρονται; τί καὶ βαπτίζονται ὑπὲρ τῶν νεκρῶν; ibid. XV: 29. Quo sensu dixerit Ἐδόθη μοι σκολοψὶ τῇ σαρκί, ἀγγελοῦ σαταῶν, ἵνα με κολαφίσῃ, 2 Cor. XII, 7. Ὁ δὲ μεσίτης ἐνδὲς οὐκ ἐστίν· ὁ δὲ θεὸς, εἰς ἐστίην. Gal. III, 20. Tota pericopa, quae 2 Thess. cap. II, 1 — 12. occurrit, quomodo intelligenda sit. De his aliisque in Epp. Pauli locis, multiplex Interpretum dissensus, et adhuc sub iudice lis est. Similis est ratio locorum Jacobi III, 6. Καὶ ἡ γλῶσσαις πῦρ ὁ κόσμος τῆς ἀδικίας· οὕτως ἡ γλῶσσαις καθίσταται ἐν τοῖς μέλεσιν ἡμῶν. ἡ σπιλοῦσα τὸν τὸ σῶμα, καὶ φλογίζουσα τὸν τροχὸν τῆς γενέσεως, καὶ φλογιζομένη ὑπὸ τῆς γέννης, IV, 5, 6. Ἡ δοκεῖτε. Ἔτι κενῶς ἡ γραφὴ λέγει; πρὸς Φθόνου ἐπιποθεῖ τὸ πνεῦμα ὁ κατῴκησεν ἐν ἡμῖν; Μερίζονα δὲ δίδωσι χάριν· διὸ λέγει· ὁ θεὸς ὑπερφάνοις ἀντιτάσσεται, ταπεινοῖς δὲ δίδωσι χάριν. 1 Petri Ep. III, 19, 20. Ἐν ᾧ καὶ τοῖς ἐν φυλακῇ πνεύμασι πορευθεὶς ἐκήρυξεν, ἀπειθήσασι ποτε. Ὅτε ἀπεξεδέχετο ἡ τοῦ θεοῦ μακροθυμία ἐν ἡμέραις νῦν. κατασκευαζομένης κιβωτοῦ; εἰς ἣν εἰσελεῖται τὸν ἔστιν ὁκτὼ ψυχὰς διεσώθησαν δι' ὕδατος· Quot et quanti interpretes naufragium fecerunt, qui pericopas Matthaei cap. IV, 1 seqq. Marc. I, 12, 13. Luc. IV. 1 seqq. de Jesu a diabolo tentato, vel admonitionem divini Doctoris, parabolae de injusto, oeconomo subjectam, Luc. XVI, 9. Καὶ γὰρ ὑμῖν λέγω· ποιήσατε ἑαυτοῖς φίλους ἐκ τοῦ μαμωνᾶ τῆς ἀδικίας, ἵνα, ὅταν ἐκλίπητε, δέξωνται ὑμᾶς εἰς τὰς αἰωνίους σκηνάς, illustrare, aut horam ἔκτην Joann. XIX, 14. cum τρίτῃ Marci XV, 25. conciliare conati sunt?

Scripta quidem Joannea, praeter Apocalypsin, modo memoratam, licet in universum valde simpliciter, ac verbis et phrasibus usitatissimis adhibitis videantur esse conscripta, tantas peritis interpretibus crearunt molestias, ut nonnullis iudiciis, nemo nisi in Apostoli animum intime penetraverit, sensum profundum ac sublimem unquam

(1) Cf. C. A. T. Keilii Elem. Herm. N. T. §. 113.

(2) Cf. D. J. Pottii, Annot. ad 2 Ep. Petri III, 16.

quam se capturum esse sperare possit (1). Multae ex hoc genere sententiae reperiuntur in ipsius Euangelio, ex ore Jesu descriptae, vel a Joanne ipso de sensu et consilio dictorum et actorum optimi magistri prolatae, quas nunc silentio praetermitto, cum prima ejus Epistola, in qua locus, nobis ad interpretandum propositus invenitur, copiosam ad confirmanda dicta, materiem allatura sit. In ea certe plura occurrunt dicta, quae eo modo atque ea forma proposuit Joannes, ut jure merito dubitandum sit, an ingenium humanum unquam eo sit perventurum, ut sibi contingat auctoris mentem facile perspicere, ejusque verborum vim accurate definire.

Scilicet ipsius animus, ut amore erga Deum Patrem ac Filium Dei flagrabat, numquam non repletus erat rebus illis gravissimis, quas ejusdem professionis sociis tradere atque inculcare vellet. Nil agebat, cogitabat, vel literis mandabat Joannes, nisi quod spectaret ad gloriam supremi ecclesiae Domini concelebrandam; quin conjici posse videtur, eum, qui tanto amore Christum prosequeretur, etiam omnes alios, qui in illius professione secum consentirent, eodem amore erga I. Christum incensos, existimavisse, adeo ut opus non duceret, multis uti verbis, ad ea latius explicanda, quae, si vel ultimis etiam digitis attigisset, satis superque jam a lectoribus intelligerentur. Hinc fortasse repetendus est stylus ille abruptus ac concisus, ubi regnans in scriptis Joanneis, hinc illa verborum significationis confusio, quae subinde in Apostoli verborum sensu reperiendo tantas creavit molestias. Sic v. c. in prima Ep. III, 17. verba *πῶς ἡ ἀγάπη τοῦ Θεοῦ μένει ἐν αὐτοῖς*; vel ita accipi possunt, ut talis notetur, qui Deum nullo amore prosequeretur, vel ita, ut ad eum spectent, qui ab amore Dei exclusus esset. Cap. II, 6. verosimile est, sermonem esse de Jesu Christo, quamquam comm. 5. de Deo locutus esset. C. IV, 17. dubitari potest, utrum Jo. ante oculos habeat amorem erga proximos, an erga Deum. C. IV, 21. incertum est, num praeceptum illud Deo auctori an Jesu Christ. sit tribuendum, et quae hujus generis sunt plura (2). Nimirum ut inter scribendum singulorum verborum idem sonantium propriam vim ac significationem distincte ipse sentiret, ita etiam varias illas significationes, verbis apte convenientes, a lectoribus statim intellectum iri, sine dubio expectasse Apostolus, neque suspicatus esse videtur, se sic scribendo, ambiguum vel obscurum fieri (3).

Ex eodem fonte profluxisse videtur illa styli negligentia, quod saepe tempora permutentur, ac praeteritum adhibeatur, ubi sermo est de iis, quae in praesenti agantur, C. II, 4. vel ratione inversa C. V, 20. Inde etiam repetendum videtur, quod

pas,

(1) Cf. Niemeyer, *Karakterkunde van den Bijbel*, Vol. V. fasc. 2. pag. 473. Alb. Brink, *Over den Eersten Brief van Johannes*. pag. 55, 58.

(2) Cf. Cl. van Voorst, in *Annot. Specimine primo ad I. Joann. III, 2.* pag. 10. ubi alia similia exempla attulit.

(3) Cf. A. Brink, l. c. pag. 46 seqq. ubi argumentum illud copiose pertractavit.

passim formulis utatur Apostolus quae vel raro occurrant, vel rarissime illa; quam spectaret, adhibeantur significatione (1). v. c. *παράκλητος*. C. II, 1. *χρίσμα*. II, 20. *οὐκ ἔχειν τὸν πατέρα*. II, 23. *ἔχειν τὸν υἱόν*. V, 12. *μένειν ἐν αὐτῷ*. II, 6, 24, 27, 28. III, 6, 24. IV, 16, 13. cf. et Euang. VI, 56. XV, 4—7.

Nullus autem ex prima Joannis Epistola locus, majores interpretibus peperit difficultates, quam qui reperitur. C. V, 16. cujus explicationem, celeberrimus Ordo Theologicus hoc anno in certamine literario elaborandam proposuit.

Eo enim in loco subjectum, de quo sermo est (*ἁμαρτίαν*) non solum non definit, sed etiam verbis usus est Apostolus (*ζωὴ* et *θανάτος*), quae proprie ac metonymice a sacris scriptoribus usurpari solent, neque indicavit, quo sensu ea h. l. sint intelligenda. Et omnino dubium est, quodnam peccati genus ante oculos habuerit. A veri similitudine non abhorret, ad istorum temporum mores ac ritus eam spectasse. Nova vero inde oritur difficultas, quod monumentorum hujus aevi paucitas, non nisi umbram afferat cognitionis rerum illius aevi. Accedit *ἐναντιοφάνεια* species. Pugnare nimirum videtur monitum Joanneum cum aliis, quae de omnibus diligendis hominibus, a Jesu et Apostolis tradita sunt praeceptis.

Nolim in eam partem dicta accipi, me hasce omnes difficultates, quibus alia fortasse sensus reperiendi impedimenta adungi possent, eo consilio enumerasse, ut ostenderem, quanti existimandus esset juvenis, qui ad talem quaestionem solvendam vires tentare auserit, qui opus tam ingens perficiendum, nullo adhortante, sibi sumserit, ita ut praemium, si reportare ei non contingeret, tamen is censendus esset, de quo dici posset:

« Ipse tulit pretium, jam nunc certaminis hujus.

« Qui cum victus erit — (tamen) certasse feretur.

Equidem potius hoc egisse mihi conscius sum, ut benevolus lector, quid in tanta causa a juvene sit exspectandum, clare perspiciat, ac judex sit mitis, atque indulgens, in omnibus, quae minus bene atque eleganter proposita, neque ex ipsius rei gravitate pertractata sint.

Quaestio autem sic sese habet:

« Quis sensus sit moniti Joannei. 1. Epist. V, 16b. «*Ἔστιν ἁμαρτία πρὸς θάνατον· οὐ « περὶ ἐκείνης λέγω, ἵνα ἐρωτήσῃ; et quomodo illud, cum aliis de diligendis omnibus « hominibus doctrinae Christianae praeceptis, in concordiam redigi possit?*»

Hanc eo ordine pertractandam mihi proposui ut

I. Nonnullis de Joannis epistola in medium allatis,

II. Ad verborum sensum investigandum transiturus sim.

III. Ostensurus, quomodo Apostoli doctrina cum praeceptis de diligendis omnibus hominibus in concordiam redigi possit.

S E C.

(1) Cf. A. Brink l. c. pag. 56.

## S E C T I O P R I M A.

## DE PRIMA JOANNIS EPISTOLA.

§. 1. *Epistolae Consilium.*

Joannem Apostolum, Zebedaei ac Salomes filium, Jacobi natu minoris fratrem (1); Jesu Christi autem dilectissimum discipulum, hujus scripti vel epistolae, vel quomodo id dicere velis, esse auctorem, ab aëvo omnis consentiebat Ecclesia; unde jam Eusebius scriptis, quae vulgo dicuntur *δμολογούμενα*, eam annumerare non dubitavit (2).

De consilio autem, quo epistolam conscripserit Joannes, non idem est virorum doctorum consensus. Multi enim putant, Apostolum contra eos, qui a doctrina tunc temporis jam recepta, dissentirent, demonstrationem suscepisse: *Christum eundem esse ac filium Dei*. Ita ex Patribus statuerunt Irenaeus (3), qui opinabatur, Joannem id spectasse, ut errores refutaret, quorum Cerinthus ac Nicolaitae imprimis erant auctores. Eandem fere sententiam professi sunt Hieronymus atque Epiphanius, uti ex recentioribus nonnulli v. c. Grotius (4), Wolfius (5), Schutte (6) alique. Michælis non nisi doctores falsos, nimirum Gnosticos, aut Cerinthianos, in hac epistola refutari, data opera, ostendere conatus est (7). Huius quidem negavit, Cerinthianos vel Gnosticos *eximie ita dictos* a Joanne depingi aut refutari, eam ob causam, quod non diserte memorentur, verum tamen contendit, Apostolo ante oculos versatos esse, qui contenderent, Jesum non esse Christum Deique filium; cujus generis errores sub variis formis inter illorum temporum Christianos sparsim propagati fuisse videantur, cum ex patrum testimoniis non tantum, verum etiam ex rationibus Chronologicis se colligere posse existimat, una cum Apostolo Joanne vixisse Cerinthum ac Nicolaitas, qui

(1) Cf. Matth. IV, 21. X, 2. Marc. I. 19. III, 17. Luc. V, 10. Matth. XXVII, 56. collato Marc. XV, 40.

(2) Vld. Euseb. Hist. Eccles. Lib. III, cap. 25.

(3) Adversus Haereses. Lib. III. cap. 9.

(4) Cf. Ejus Anteloquium in Euang. Joannis.

(5) In Curis Criticis ac Philologicis.

(6) Heilige Jaarboeken Parte III, p. 167.

(7) Inleiding in de goddelijke Schriften des N. V. Vol. II. Parte II. §. 123.

qui Christianorum fidei multum afferrent detrimenti (1). Semlerus, hic illic Montanistas et Nepotistas describi, censuit (2). Carpzovius (3) denique, atque imprimis Storrius (4) de Cerinthianis non tantum, sed etiam de Joannis Baptistae discipulis cogitandum esse, monuerunt. Quippe quorum placita mirifice omnibus responderent sententiis, quas refutandas sibi sumsisse videtur Apostolus. Ab altera vero parte nonnulli diserte negarunt, in Joannis Epistola, quin in universo novo Foedere, ulla Gnosticorum reperiri vestigia (5).

Ex his autem sententiis, quaenam vera sit, vel ad veritatem proxime accedat, ut pronunciem, equidem non is sum, qui mihi sumam, quemque suo gaudere iudicio facile patiens. Fortasse neque horum, neque illorum negligenda est virorum opinio, et veritas, uti saepe, in medio est quaerenda.

Nobis igitur pauca haec observasse sufficiat:

1) Inter eas, quibus stylus Joanneus gaudet, dotes imprimis elucet nativa illa simplicitas, quae statim lectoris animum capiat, mirificumque in modum mulceat ac delectet. Inspiciantur tantum narrationes eorum, quae in nuptiis illis, Canaëni celebratis, acciderunt; nec non, quae cum Nicodemo, vel cum muliere Samaritana locutus est Servator. Conferatur etiam narratio de Lazaro reviviscente, aliaque. Neque dos illa, tantum celebranda est in iis, quae sunt ex genere historico, verum etiam in docendo, monendo et praecipiendo eadem praedicanda est ratio dicendi simplicissima. «Ita ut mirandum sit, quomodo tantae res tam divinae et abstrusae veritatis tamque coelestis et alti sensus, tanta potuerint simplicitate, tantaque perspicuitate enuntiarī» (6).

Jam si ex scriptoris alicujus stylo, ad ejus indolem concludere liceat, in Joanne observanda est tenera animi simplicitas, quae, sicuti cujusvis scriptoris indoles, in ipsius scriptis explicandis animadvertenda est, ita et in Joanne notari meretur (7). Tantum igitur abesse censemus, ut Apostolus Philonis vel Gnosticorum, si exstiterint

(1) Heghis, Einleitung etc. Parte II. §. 49. pag. 136.

(2) J. S. Semlerus, Paraphrasis in 1 Joann. Epist. ad cap. IV, 1. pag. 248.

(3) J. B. Carpzovius, Epist. Cath. Septenarius, ad 1 Joann. II, 18. pag. 140.

(4) G. C. Storrius, über den Zweck der Evang. Geschichte und der Briefe Joann. pag. 16, 20, 21. passim; qui autem satis temere, ut videtur, hypothesin protulit, neque historiae antiquiori, neque recentiori fundatam, testimonis: Primo aevo nempe Sabaeos, qui dicuntur, Joannem magistrum Christi nomine haud ornasse; procedente autem tempore, eum etiam ad tantum honoris gradum evexisse §. 10. pag. 27, 28.

(5) Tittmannus, de vestigiis Gnosticorum in N. F. frustra quaesitis. J. T. C. Loefflerus, in Diss. Joannis Epistola prima, Gnosticos imprimis impugnari negans, recepta in Comment. Theol. editis a Welthauseno Ruperto, et Kuinoelio pag. 138 seqq.

(6) Verba sunt W. Stronckii in Spec. Herm. Theol. De doctrina et dictione Joannis Apostoli, ac Jesu Magistri doctrinam et dictionem exacte comparata Traj. ad Rhen. 1799. Sect. III. §. 1. pag. 206.

(7) Cf. Ern. l. c. §. 2. pag. 7. num. 8.

vint scripta mystica, quae erant, justoque subtiliora perlegerit ac refutaverit, ut multo magis ab hisce studiis tam aridis et parum fructuosis valde abhorrerit, atque in religionis veritatibus exponendis, maximam sibi, proposuerit simplicitatem, ab omni disputandi studio longe remotum.

2) Ex loco c. II, 19. concludi posse videtur, tales homines ante oculos habuisse Joannem, qui a vera Euangelii doctrina deflexissent, aliaque secuti fuissent castra. Si autem quaeritur, num infideles, an Christiani fuerint, ab eorum stare partibus liceat, qui censent eos homines fuisse, qui Christianorum adhuc quidem nomen gererent, revera autem factis non minus, quam verbis (c. IV, 1, 5.) ostenderent, quantopere a Christi religionis indole abessent, omninoque Christianis vehementer nocerent.

3) Errores, quibus falsi isti magistri erant obnoxii aliquatenus convenisse videntur cum Gnosticorum, quae postea in systema sunt redacta, commentis, et suspicari licet, jam tunc temporis semina sparsa fuisse harum sectarum, quae saec. 2 et 3 seqq. ecclesias misere perturbarunt ac dilacerarunt. Huc pertinet locus c. II, 22, ubi de iis sermo est, qui negarent Jesum esse Christum; nec non, c. V: 6—8. ubi spectare videtur auctor istam opinionem, quae aevo Apostolico suos jam habuisse videtur defensores, nempe summam gloriam in Jesum tantummodo, dum baptismo initiaretur, sub aeonis forma descendisse, proximum autem ad mortem eum solum reliquisse (1).

Quibus omnibus accurate perpensis, eorum nobis arridet sententia, Joannem non eo consilio scripsisse, ut Gnosticos vel Docetas aliosve data opera refelleret, sed ut puram traderet doctrinam, atque ostenderet, quo loco collocandi essent isti doctores, qui a Christianismo tam longe remota docerent, quorum errores, vivente jam Apostolo, orti, multa habebant communia cum iis, qui dein Gnosticorum nomine longo lateque propagati sunt.

4) Disputandi autem iste animus, quem Christianis illis, quos ante oculos habuit scriptor, praesertim adhaesisse verosimile est, veraeque doctrinae depravatio, eum habuisse videtur effectum, ut amor Christi, caritasque fraterna valde frigesceret, ac fides Christiana dilaberetur. Hinc fortasse causa est repetenda, cur per totam fere Epistolam ad fidem ac caritatem lectores impellat. Nam, inquit Joannes, dum nos invicem amore prosequamur, manet in nobis Deus, sumusque ejus perfecta caritate praediti, c. IV, 12. Cff. II, 10. III, 11, 14, 17. IV, 7, 11, 16. *Καὶ αὕτη ἐστὶν ἡ ἐντολὴ αὐτοῦ ἵνα πιστεύσωμεν τῷ ὄνματι τοῦ υἱοῦ αὐτοῦ Ἰησοῦ Χριστοῦ καὶ ἀγαπῶμεν ἀλλήλους, καθὼς ἔδωκεν ἐντολὴν ἡμῖν.* c. III, 23. IV, 15. V, 1.

§. 2.

(1) Cf. Brink, l. c. pag. 5, 32.



§. 2. *Quibusnam sit destinata Epistola.*

Velut de epistolae consilio, sic et de hominibus, quos ante oculos habuerit Apostolus, tacente ipso auctore, neque antiquioribus ecclesiasticae historiae scriptoribus certi quid hac de re referentibus, adhuc in dubio haeremus: nihilque nobis superest, praeter conjecturas, quae mirum est, quantopere inter se discrepent.

Lampio si credendum est, quibusvis illius aevi Christianis epistolam destinavisset, quia nulla restrictionis occurrit mentio (1). Verum observarunt viri docti, omnem vulgo epistolam vel librum, certis hominibus, tempore locoque conjunctis, destinatum esse solere (2). Quod si in his libris non teneamus, sane difficile est iudicium, de sensu historico, et de iis, quae non universe sunt intelligenda, sed ad quosdam tantum homines spectant, minime illa ad omnes omnium locorum temporumque homines referenda. Quo facto gravissimum in interpretando Novo Test. committitur vitium (3), et in hujus quoque epistolae interpretatione nobis occurrunt difficultates non facile superandae. Nequaquam ego assumere ausim, quod cum illa opinione arcte conjunctum est, septem illis Epistolis, quae *Catholicae* dictae sunt, nomen illud adhaesisse, quod argumenti *universalis* essent, videlicet non in gratiam unius hominis, aut coetus, aut urbis, aut regionis conscriptae, sed omnibus per orbem terrarum dispersorum Christianorum coetibus destinatae (4). Ea certe sententia, gravi hacce premitur difficultate, quod secunda quoque et tertia Epistola, inter Catholicas enumerantur, quae tamen, sicuti ex inscriptione patet, utraque in gratiam unius hominis sunt conscriptae. Neque probanda videtur Wetstenii conjectura, nempe ab iis, qui hac denominatione primum uti coeperunt, non genuinas habitas fuisse secundam ac tertiam Joannis Epistolam, postea vero, cum in Canonem ecclesiae receptae essent, his quoque Epistolarum Catholicarum nomen tributum fuisse; Patres enim antiquiores Origenes ac Dionysius Alexandrinus, qui binas illas Epistolas in scripta *ἀπολογούμενα* referre non dubitarunt, hanc etiam formulam, sed longe diverso sensu adhibuerunt, scilicet, de Epistolis legitimis, atque omnium consensu probatis, quae illis omnibus auctoribus tribuendae essent, quorum nomina in fronte gererent, adeoque

(1) Prolegg. ad Euang. Joann. Lib. I. cap. 7. pag. 105. cf. et Loefferus l. c. pag. 153. Haec etiam opinio faveret Moldenhauerus, in Introd. pag. 256.

(2) Cf. A. F. Keil, l. c. §. 89.

(3) Cf. C. G. Storil, Diss. de sensu historico, in Opusculis ejus Academicis Vol. I. pag. 1.

(4) Theodoretus imprimis hanc sententiam tuitus esse videtur, in *Praefat.* huic Epist. praemissa, cujus tamen authenticitas in dubium vocatur. Oecumenius ea, quae huc pertinere judicantur, e Theodoreti deperdito libro excerpisse videtur. Ex recentioribus huic opinioni nomen subscripserunt Beza, Grotius, Wolfius, Wetstenius, Michaelis, Zacharias, Morus, Pottius.

que ab iis scriptis discernendae, quae vanus et incertus rumor ab iis esse conscripta perhiberet. Quae vocis interpretatio eo magis praeferenda videtur, cum horum scriptorum argumentis apprimè conveniat; quippe quae haudquaquam universalialia, vel ad omnes Christianos, verum ad certi generis Christianos pertinentia, continere videntur.

Huc accedit, quod nonnulli etiam hodie exstant Codd. qui non nisi fasciculum harum epistolarum complectuntur, quemadmodum alii Pauli tantum scripta continent (1).

In Codd. Latinis legitur inscriptio *Epistolae ad Parthos*, cui ex veteribus applauserunt Augustinus, et Cassiodorus (saec. 6.); ex recentioribus Grotius, nullo argumento usus, nisi hoc: *vocata olim Epistola ad Parthos, ut Augustinus testatur*. Incerta est hujus opinionis origo, haud tamen a verosimilitudine abhorret, crebrum formularum *φῶς* ac *σάρια* usum suspicionem movisse, Epistolam, Christianis inter Parthos viventibus conscriptam fuisse. Non opus duco ea repetere, quae observavit Michaëlis ad istius opinionis falsitatem demonstrandam. Nimirum Joannem, si ad Parthos scribere in animo habuisset, linguam Parthicam, certe Syriacam linguae Graecae praelaturum fuisse, quippe quae primis temporibus lingua erat Christianis, in regno Parthico degentibus (2).

Alii de peculiaribus coetibus cogitarunt, quos spectasset Joannes, v. c. de coetu Ephesino, ubi idololatriae fautores haud pauci degebant, sicuti patet ex Act. XIX, 24—29 (3).

Alii denique existimarunt, in Epistola quidem nulla occurrere indicia, quae de hoc illove peculiari coetu nos cogitare jubeant, nihilominus tamen ex scripti argumento colligi posse, Apostolum, cum has literas scriberet, Christianos haud sibi ignotos ante oculos habuisse, eos scilicet, quos antea edocuerat, et quibuscum aliquam familiaritatem contraxerat, sententias vero et opiniones, quibus sese opposuit Apostolus, si rectè examines, ejusmodi fuisse, ut non ad omnes terrae partes, verum ad hanc illamve regionem pertinerent. Putant ergo, Christianos Asiaticos (4) fuisse, quibus epistolam hanc dederit Apostolus, ex Judaeis non minus, quam ex gentilibus, qui ad societatem Christianorum transierint.

E loco certe C. V, 20. consequi videtur, non unice ad Judaeos ipsam scripsisse. Ad il-

(1) Eusebius, qui hanc vocis *καθολικῆς* interpretationem assumpsisse videtur Hist. Eccl. Lib. II. cap. 23. in fine, septem illas Epistolas *Catholicas* quidem dixit, singularum authenticam nondum universe probata; nihil tamen exinde sequeretur, quam quod ipse Eusebius, in verbi usu minus fuit constans.

(2) Michaëlis, l. c. vol. II. P. 2. pag. 84.

(3) Conf. W. C. L. Ziegler, Der Erste Brief des Joan. Ein Sendschreiben an eine bestimmte Gemeine etc. Zachariae et Hug l. l. c. c.

(4) Si enim Eusebii testimonio fidem tribuere fas est, Joannes in Asiam profectus est, ad Evangelium praedicandum, unde Ephesum se contulerit, ubi diem obiit supremum. H. E. Lib. III. cap. 2. S. Vid. et C. A. Wahl Hist. Pract. Einleitung, in die Bibl. Schriften P. II. pag. 287. Lips. 1820.

illos, quomodo pertinuerit monitum: Τεκνία, φυλάξατε ἑαυτοὺς ἀπὸ τῶν εἰδώλων; Judaeos, qui Christianis sacris initiati essent, his aequae ac pristinis relictis, ad Idololatriam deflexuros esse, an metuendum erat (1)? Idem vero scriptor, alibi facta mentione Caïni, et τῶν ἔργων τοῦ διαβόλου historiam Judaicam ante oculos habuit. Et omnino animadvertendum est, praecepta Joannea dignissima fuisse, quae ab omnibus Christianis, sive origine Judaei essent, sive gentiles, tenerentur; neque Apostolum aliis usum esse incitamentis, nisi quae ex intima Christi religione essent petita.

Ex hisce quidem sententiis, quatenus veritate maxime sit consentanea ut statui possit, sollicitus fui; re autem diligentius expensa, intellexi, rationes mihi deesse, quibus eam refutem, quam ultimo loco recensui; multas vero, quae mihi persuadeant, ut eam amplectar; huic igitur sententiae nomen subscribere liceat.

### §. 3. De tempore locoque, quo conscripta sit Epistola.

Quando, et unde Joannes Epistolas suas conscripserit, tantopere dissentiunt viri docti, ut hac de re nil statui certi posse videatur.

Si verum sit, quod multi opinantur interpretes (2), Epistolas cum Euangelio, etiam quod ad tempus, quo consignatae sint, arctissime cohaerere, adeo quidem, ut Euangelii *appendices* dici possint, haud exigua superest difficultas; quoniam enim tempore Euangelium confectum sit, lis adhuc est sub iudice. Nonnulli (3) statuunt, Joannem *ante*, alii vero *post* Hierosolymas devastatas et Euangelium et Epistolas conscripsisse (4). Rationes autem ab utraque parte allatae, nobis quidem tam infirmas esse videntur, ut nos incertos dimittant, ac nescios, cujusnam castra nobis sint sequenda (5).

EO—

(1) D. G. Bensonus, In Paraphrastische Erklärung, und Anmerkungen, über einige Bücher des N. T. Vol. IV. pag. 80, quidem provocat ad locum 1 Jo. II, 2. unde patere contendit, Joannem h. l. imprimis Christianos ex Judaeis alloqui, qui tanto beneficio fruerentur, de quo sermo est in textu; verum in universum tantum Jesu Christi meritorum vim, latissime patentem, laudibus extollere Apostolus mihi videtur, quae nempe eiusmodi esset, ut non modo nostra, (i. e. omnium eorum, qui jam sacra Christiana amplexi erant), peccata expiaret, sed etiam totius mundi i. e. omnium hominum, etiam eorum, qui nondum benigna Euangelii luce essent collustrati. cfr. ad h. e. Wolf. cl. Palmius ad 1 Jo. II, 7.

(2) Cfr. Hug. Einleitung. P. II. pag. 174. Cl. v. d. Palm in Introd. in 1 Epist. Joann.

(3) Cfr. Quos citavit Kuinoelius, in Proleg. ad Euang. Joan. P. III. p. 61. Loeffler. L. c. Grotius, Hammondus, Wolfius in Curis Proleg. in 1 Joann. Epist.

(4) Sic Hug. l. c. pag. 177. Multi in ultima senectute post reditum e Patmo, Euangelium ab Apostolo Joanne conscriptum esse, tradunt, Ambrosius, Basnagius alique. cf. Wolfius, l. c.

(5) Loefflerus animadvertit, nullam urbis exulii mentionem reperiri, quod tamen Epistolae consilio, nimirum eo spectanti, ut auctoritatem Jesu firmiter stabiliret, convenientissimum fuisse videatur. pag. 149. Hugius contra.

Eodem fere modo res sese habet, in loco definiendo, ubi Euangelium atque Epistolas conscripserit Joannes.

Alii enim in insula Patmo (1), alii, Ephesi (2) haecce scripta confecta esse, contendunt.

De rebus tam incertis, nemo aegre ferat, me iudicium meum suspendere, cum et parum referre videatur, ad locum nostrum rectius intelligendum, utrum Epistola haec *ante*, an vero *post* Hierosolymam destructam, et utrum Ephesi, an alibi sit consignata. Si tamen aliquam sententiam proferre opus est, iis me adjungere liceat,

1. Qui ex eo, quod in Epistola nulla persecutionis, aut calamitatum mentio occurrat, suspicati sunt, benigno quodam regnante Imperatore, veluti Vespasiano aliove, epistolam in lucem esse emissam.

2. Qui ex epistolae tenore (3) colligi posse censent, Apostolum, cum hancce confecerat scriptionem, hominem fuisse aetate quidem provectiore, multa jam expertum, nec tamen senem decrepitum, cui vires deerant, iter faciendi, quod in animo haberet. cff. loca 2 Joann. comm. 22. 3 Joann. comm. 14 (4).

pro sua sententia argumenta interna attulit, provocans quidem ad nonnulla ex Euang. loca, veluti ad c. XIX, 41. ubi de Gethsemane non dicitur *ἐν τῇ πόλει*. Sed *ἐν πόλει*, aliaque l. c. pag. 177, 178.

(1) Veluti Theophylactus, aliique cf. Kuinoel l. c. pag. 64. Hugio l. c. p. 167 verosimilis videtur traditio, auctoris incerti *Synopsos*, quae dicitur, (inter Athanasii opera receptae), narrantis Joannem in insula Patmo Euangelium scripsisse. Huic igitur fundamento eam sententiam superstruxit, Epistolas ibi etiam conscriptas, Ephesi autem, durante Gajo, in lucem emissas esse. cf. pag. 174, quam tamen sententiam, tanquam minus probabilem, plurimi reprobarunt interpretes.

(2) Sicuti patet ex iis, quae Versioni Syriacae et Arabicae Erpenii subscripta reperiuntur. cf. Hugius l. c. p. 177. Antiquissimi Ecclesiae doctores tradunt, Joannem, post Domitiani obitum, ex insula Patmo rediisse Ephesum, ibique commentarios suos fecisse, ac tandem anno 100. P. C. N. sub illa urbe supremum diem obisse. Vid. in primis Euseb. l. c. Lib. III. cap. 31. apud Kuinoel Proleg. p. 64.

(3) Cf. Brink, l. c. pag. 44.

(4) Cf. Schutte, *Heilige Jaarboeken*, P. III. pag. 169, 170. „Omnino, inquit, Cl. van Voorst, in scriptis „Joannis valde differt scribendi ratio, quae in Euangelio florentem, in Epistola vero, valde provectam aetatem „prodit“. cf. Specimen Annot. III. in locum 1 Joann. l. comm. 1—3. pag. 91.



## S E C T I O   S E C U N D A

QUA SENSUS INDAGATUR MONITI JOANNIS, CAP. V, 16b: *Ἔστιν ἁμαρτία πρὸς θάνατον οὐ περὶ ἐκείνης λέγω, ἵνα ἐρωτήσῃ.*

Hisce itaque praemissis, ad ipsius loci interpretationem transgrediendum est: quae

- I. Paucis exponamus summum Epistolae argumentum, atque indagemus nexum, quo, in loco ad explicandum proposito, a Joanne dicta, cum praecedentibus videantur cohaerere.
- II. Grammatica succedat eorum interpretatio.
- III. Addatur brevis recensio diversarum interpretationum, cum nostra qualicunque epicrisi.
- IV. Nostram denique de monito Joannis sententiam confirmare conemur.

### §. 1. *Argumenti summa, et loci explicandi nexus cum superioribus.*

Primum igitur nexum inquiramus, quo singula inter se cohaereant, quod quanti sit momenti in sensu reperiendo, egregie, ut solet, commonstravit vir summus Ernestus, monens, iis praesertim in locis, ubi verborum et formarum dicendi ambiguitas, rerum obscuritas, aut novitas, magnas interpreti difficultates pariat, orationis contextum saepe multipliciter facere, ad genuinum verborum sensum citius capiendum (1). Summum igitur epistolae argumentum breviter exponere liceat, ut si forte, nexu, quo dicta Apostoli inter se jungantur, magis bene intellecto, neque adeo consilio dictorum latente, aliquid detegamus, quod ad rem facere videatur, et hoc tanquam fundamento interpretationem superstruamus.

Cap. I. Hae scribenda Epistola, id sibi proposuisse Joannes declarat, ut Christiani cum Deo et Jesu Christo arctissime conjuncti viverent. 1—4. Quod si quis optet, ei necesse esse, ut ad probitatem ac sanctitatem animum applicet 5, 6. Quo facto, spem certam ali posse, peccatorum nobis remittendorum, quorum nemo non reus sit 7—10.

Princeps igitur ejus consilium fuisse videtur, tum ut Christianos a peccandi consue-

(1) Cf. Instit. interpr. P. I. Sect. II. c. II. §. 2. pag. 69.

consuetudine avocaret, tum, ut viam monstraret, quam qui ingrederentur, peccatorum veniam consecuturi essent.

*Cap. II.* Quae commissae sunt peccata, a Jesu Christo expiata sunt, unde sequitur, quicquid ille praecepit, diligenter esse tenendum 1 - 6. Praecipuum autem illius mandatum est, ut omnes ejus beneficiorum participes sincero se invicem amore prosequantur 7 - 11. Igitur vi meritorum Jesu Christi, peccata condonata sunt omnino hominum, sine discrimine ordinis, vel aetatis; in cujus tamen tanti beneficii societatem, illi solum veniant, qui a cultu *Dei* et filii *Dei* non alieni sunt, neque mandatis illecebris se a recta via abstrahi patiuntur 13 - 17. Multi autem circumstant falsi doctores, qui negent, Jesum esse Christum, quibus Christianos aures praebere, non decet; quippe qui id tantum spectant, ut vere Christianos a via recta deducant 18 - 23. Quare necesse sit, ut probi Christi asseclae ea teneant, quae divina auctoritate ipsis tradita sint, ut conspectum ferre possent Jesu Christi, aliquando sollemniter redituri 24 - 29.

Eo igitur admonitionem omnem Apostoli spectavisse apparet, ut universam doctrinam, quam disciplina ipsius acceperant, puram, atque integram servarent, neque curarent falsos istos doctores, qui his oppositas et omnino perversas praedicarent doctrinas.

*Cap. III.* Tantum erga nos amorem Deus demonstravit, ut nos liberos *Dei* appellari voluerit, et postea gloriae Jesu nos participes fore promisit, 1 - 3. Pure igitur nosmet ipsos servare et peccatum omne fugere oportet. Quicumque enim peccati amans est, Diaboli castra sequitur; qui autem cum Deo habet commercium, nequaquam peccati illecebris se capi sinit, sed fraterno amore, omnes ejusdem naturae socios prosequitur 4 - 18. Caritas autem fraterna non verbis tantum, sed factis etiam probanda et demonstranda est. Hac solum via animi tranquillitatem consequi, et confidere possumus, fore ut preces nostrae benigne a Deo exaudiantur. Unicuique, *Dei* praecepta diligenter observanti, hujus rei facta est promissio 19 - 24.

Omnia huc redeunt monita de peccatis vitandis, et probitatis et amoris mutui inter Christianos alendis et summa animi contentione sectandis studiis, ut favoris divini, ac beneficiorum Christi participes evadant.

*Cap. IV.* Nulla ratione audiendi sunt, qui principem doctrinam, de *J. Christo*, ex consilio *Dei*, humana natura induto, rejiciunt, et nequaquam Deo, sed hominibus tantum placere student 1 - 6. Gravissimum est officium, quo se invicem omnes prosequi oportet. Exemplum *Dei* Christianis ob oculos sit, necesse est. Hoc qui recusset, nequaquam Deum dici potest cognoscere, certe non intelligit is, qualem se Deus erga nos praebuerit, et quantum sit amoris *Dei* erga nos documentum, quod Filio suo, hominum Servatore, in mundum mittendo, ediderit 7 - 14. Jesu Christo er-

go, omnino fides est tribuenda, caritasque fraterna erga omnes exercenda: quo facto, non aliter fieri potest, quin omnis metus, ultimi et solennis illius iudicii plane evanescat. Metum enim expellit amor 15 - 18. Hoc vero ante omnia tenendum est, Dei amorem cum odio erga fratres, pari passu procedere non posse.

Ad falsos doctores, et perniciosam eorum doctrinam, omnia haec spectant, et ad Christianos, de necessitate constantiae mutui amoris, de novo admonendos.

*Cap. V.* In eo veritas et sinceritas amoris mutui cernitur, quod ex amore erga Deum, et praeceptis divinis diligenter obtemperandi studio promanet, et ea quidem, Deum amanti, servatu haud difficilia sunt; fides enim Jesu Dei filio habita, mundum pravasque cupiditates facile superet 1 - 6. Ea vero fides certissimo nititur testimonio, quod per baptismum Jesu, mortemque ejus cruentam non minus, quam vi Spiritus Sancti efficaciter a Deo proditum, omni humano testimonio longe praecellit, cui igitur fidem denegare nefas est 6 - 10. Testimonium autem illud, spectat ad vitam aeternam, quam omnes, Jesu Christo fidem habentes, consecuturi sunt. Cuiusque igitur hac de re firmiter persuasum est, firma in Deo collocata fiducia, preces fundere possit. Neque enim dubium est, Deum ejusmodi precibus aurem praebiturum, et pia vota, ad voluntatis ipsius normam ei oblata, benigne accepturum esse 11 - 15. Si quis igitur fratrem viderit peccantem non ad mortem, in ejus gratiam precandum est; quo facto ipsi dabit vitam; quod tantummodo spectat eum, qui peccatum commisit, haud morte luendum; *ἔστιν δὲ ἀμαρτία πρὸς θάνατον· οὐ περὶ ἐκείνης λέγω, ἵνα ἐρωτήσῃ.* c. 16. Consilium igitur hoc capite Apostoli fuisse videtur, ut Christianos ad fidem in Jesum Christum impelleret, quippe qua mundum vincerent; Felicitate aeterna eos sic fruituros esse, et omnino confidere posse, Deum ipsorum precibus, in praesenti quoque vita, benevolas aures praebiturum esse. Ne autem doctrinam c. 14, 15. de precibus exaudiendis, justo longius extenderet, comma illud 16 addidisse videtur, quo utcumque restringerentur ea, quae fortasse minus accurate, ac prudenter dicta viderentur.

Ita singulorum capitum argumenta satis apte inter se cohaerere videntur. Neque tamen diffiteor, universus singulorum, hac Epistola, scriptorum nexus, quomodo scriptoris animo obversatus sit, inventu admodum difficile esse; verum a stylo conciso et abrupto, Joanni magis, quam aliis proprio, Logicus certe ordo dictorum valde est alienus. Sive ergo pericopa c. 14 - 21, quae cum antecedentibus minus bene videtur cohaerere, cum iis, quae praecedunt, sit connectenda, sive tanquam ante scriptis, postea subjuncta consideranda sit, hoc tamen nobis videtur statui posse, eam revera e Joannis mente caeteris adjectam, neque ab alio scriptore senioris temporis interpolatam esse, verum eum ipsum habere auctorem. Omnia enim, quod ad loquendi rationem, et cum antecedentibus, et cum stylo Evangelii tantopere conveniunt (cfr. comm. 18. cum Evang. Jo. III, 9. c. 20. cum Jo. VII, 3.), ut mirandum

dum sit, hujus pericopae autenthiam in dubium vocatam esse: quod nuper conatus est J. C. W. Augusti (1).

Provocat ad c. 21, quod scribendi rationi Joannis minime conveniat. Quam ob causam, equidem non intelligo, nisi assumatur, Joannem solummodo ad Christianos ex Judaeis scripsisse. Dein eum offendit quoque locus noster, ubi distributionem illam peccatorum *πρὸς θάνατον*, et *οὐ πρὸς θάνατον*, Joannis ingenio repugnare, ipsi visum est. Hujus vero repugnantiae rationem non addidit. Nobis quidem in eo nihil occurrere videtur, quod ab Apostolo alienum sit. Verum ad ipsum illud argumentum infra revertendum erit, cum ostendere conabimur, integram dicendi formulam non nisi ex ipsius Joannis verbis explicandam esse, ejusque doctrinam adeo scribentis consilio respondere, ut scriptori vitio esset vertendum, si comma illud non addidisset.

## §. 2. Grammatica loci Interpretatio.

Nemo est, quin videat, in loco ad explicandum proposito, notiones occurrere repugnantes, sibi invicem oppositas, quas exhibent phrases *ἀμαρτία μὴ πρὸς θάνατον* et *ἀμαρτία πρὸς θάνατον*. Est autem haec in interpretando latissime patentis usus regula, in notionibus repugnantibus, altera cognita, et alteram intelligi; certe opposita juxta se collocata, magis illucescere (2). Mihi quidem non abs re esse videtur, comma 16 integrum explicandum mihi sumere, qua fortasse ratione, verborum interpretatio facilius accuratiusque procedet. Ita etiam rem egisse video J. Marckium, cujus exstat de monito Joanneo Specimen in Exercit. Bibl. Exerc. 50. pag. 1082.

*Ἐάν τις ἴδῃ τὸν ἀδελφὸν αὐτοῦ ἀμαρτάνοντα ἀμαρτίαν μὴ πρὸς θάνατον.*

*Ἐάν*, h. l. vñ habere putem conjunctionis conditionalis, *si*. Marckii ergo sententia non videtur probanda, existimantis, *ἐάν* pro temporali conjunctione haberi posse, itaque non minus recte verti *quam*, *quando* vel *postquam*, quam *si*.

Non enim agitur de *tempore*, quo quis fratrem videret, sed de eo, quidnam agendum esset, *si* quis fratrem peccantem animadverteret. In versione Syriaca prorsus omissa est conjunctio; et tantum legitur, *qui scit*. Minus accurate ut pnto, et sine aliorum testium consensu.

*Τίς* i. e. Christianus cujuscunque generis. Recte Beza monet in Annotatione: «cujusvis esse officium istud, ut quivis a quovis se moneri ferat.» Intelligitur unusquisque Christianorum, quibuscum Joanni res erat.

184

(1.) In libro, cui titulus est: Die Katholische Briefe neu übersetzt und erklärt, Lemgo 1808. pag. 301.

(2.) Cf. Ern. l. c. P. 1. Sect. 1. cap. 11. §. 22.



<sup>1</sup>Idem. *Si quis viderit.* Patres nonnulli verterunt, si quis *scit* vel *soiat*. Praeiverat Vulgatus Interpres; recentiori memoria secutus est Erasmus. Hanc notionem interpretes illi fortasse hoc loco assumerunt, quoniam judicarent, multa hominum peccata oculis non *videri*, et omnino occulte fieri posse, ut tecta maneant. Aor. 2. *Idem* frequentiori usu *videndi* habet significationem. Non raro autem ponitur pro *cognoscere*, *intelligere*, et non tantum ad conspectum oculorum, sed ad cujuscunque generis perceptionem refertur, sive ea oculis fiat, sive auribus, sive ratione et animi sensibus (1).

<sup>2</sup>Ἀδελφὸν αὐτοῦ. Quaeri potest, utrum h. l. intelligatur *Judaeus infidelis*, an *Christianus*. Negari quidem nequit, variis locis N. T. vocem ἀδελφὸν occurrere, ubi de Judaeis sermonem esse orationis contextus suadere videtur: cff. Act. II, 29. III, 17, 22. XIII, 26. Rom. IX, 23. Is vero vocis usus cum a loquendi consuetudine Joannae prorsus alienus esse videatur, non possumus non eorum potius amplecti sententiam, qui censeant h. l. intelligi fratrem religionis vinculis junctum, Christianum ergo, cui fratres propter sacrorum communionem, cum maxime succurrere oportebat, Conf. Grotius. Brinkius, addito pron. αὐτοῦ, eam interpretationem magis etiam confirmari putat.

<sup>3</sup>Ἀμαρτάνοντα τὴν ἀμαρτίαν μὴ πρὸς θάνατον. Phrasin illam, Hebraismis a Vorstio annumeratam, ex usu Hebraico explicare noluit Wolfius, qui contendit, eam potius emphasin quamdam secum ferre, ac scriptorum Graecorum, et optimorum quidem, auctoritate, sententiam suam defendi posse (2); alii contra copiose demonstrare conati sunt, Joannem scribentem sermone Syriaco usum fuisse, neque tamen puro vel genuino, sed dialecto ista adulterina, quae multa admiserat aliunde derivata (3).

Quidquid hujus rei sit, (nam litem illam dirimere, neque vires meae sinunt, neque instituti ratio postulare videtur), formula illa mirifice cum Hebraeorum loquendi ratione convenire videtur. Pertinet enim verbum ἁμαρτάνω ad verba intransitiva; quae quidem usu proprio accusativum non regunt, saepe tamen eum recipiunt, quando

(1) Schoetgenius, Schleusnerus et Bretschneiderus in Lexicis multa exempla attulerunt.

(2) Quamvis enim haec constructio, in qua praecedenti verbo ejusdem formae substantivum adjungitur, optimorum auctorum exemplo probari possit, (v. c. *δυναστεύει δυναστεύων*, apud Platonem, in Conv. Oper. P. II. §. 20. p. 389. ex edit. J. Beckeri. *λυμνασσεύει λυμνασσεύων* apud Herod. Halic. Hist. Lib. VI. §. 12. et *ζῶν βιβλὶ* apud Lucianum in Timone c. 33. aliaque. Cf. etiam Catulli ad Sodales, carmen. XXXVII. vs. 13.

Pro qua mihi sunt magna bella pugnata.

attamen ob sequentem phrasin *πρὸς θάνατον*, a Graecorum construendi ratione alienam, haud verosimile est, Joannem in caeteris Graecorum morem secutum est.

(3) Cff. Grotius, in Introd. in Evang. Joannis, Stronck. in spec. laud. Kulnoel. in Prolegg. ad Evang. Joann. pag. 85, seqq.

v. c. in accusativo regunt nomen cognatum, quod vel ipsam actionem vel actionis objectum aut effectum designet. Conf. Schroed. Synt. reg. 69. N<sup>o</sup>. 4. pag. 373; quam sententiam eo magis amplector, quod phrasis ἀμαρτία πρὸς θάνατον planè est Hebraistica, ut dein ostendere conabor; cf. interim Schoetg. Horae Hebr. et Talmudicae p. 1076. ubi ad Levit. XVI, 3. annotatum vidimus: « datur peccatum, quod patratores suos excommunicat, et aliud, quod patratori suo mortem adfert. »

Αἰτήσῃ, *petet, precabitur.* Nonnulli legunt αἰτήσῃ, ex eo fortasse, quod Imperativum, Futuro praeferrent; αἰτήσῃ vero anteponendum videtur, tum propter lectionis auctoritatem, tum propter convenientiam cum stylo Joanneo, qui saepe Futuro utitur pro Imperativo. Cf. Grotius ad l. c. Porro animadvertendum videtur, monitum hoc Joannis nullum complecti *praeceptum*, vel *jussum* proprie ita dictum, magis vero *admonitionem* sive *consilium*, quomodo agendum sit in fratrem, qui ejusmodi scelus patriverit. Denique *Deum* proponi, tanquam precum objectum, *fratrem vero peccantem*, tanquam subjectum, haud dubitandum videtur (1).

Καὶ δώσει αὐτῷ καὶ nullum h. l. indicare videtur *rei finem*, uti saepe secundum Hebraeorum loquendi rationem obtinere constat (2). Non enim eo consilio, *ut vitam alteri det*, patris est precari, verum *ut veniam illius peccati a Deo deprecetur*, quocunque modo eam consequatur. Apostolus igitur eos certiores tantum facit, precibus fuis, quid futurum sit, nimirum καὶ δώσει αὐτῷ ζωὴν. Alii legisse videntur δώθησται; etenim in versione Coptica, Sahid. Syr. Vulg. uti et apud nonnullos Ecclesiæ Patres legimus *et dabitur*, ut pro Activo cum Accusativo sumatur Passivum, non designata persona agente. Recte tamen, ut mihi videtur, eam versionem reprobavit Grotius; series enim orationis non minus, quam styli simplicitas postulare videntur, ut subintelligamus vel subjectum vel objectum, de quo antea sermo erat, aut illum, cujus erat precari, aut illum, ad quem preces erant fundendae; si autem quaeritur, de quo verbum δώσει hic adhiberi judicandam sit, negare non possumus, multorum magnaeque famae interpretum opinionem probabilem videri, qua ad Deum hoc referatur luminum patrem, a quo quaevis bona proficiscuntur, qui vitam dat et aufert (3). Nec tamen a verisimilitudine abhorret, eum intelligi, qui suis precibus pro fratribus ad Deum fuis, gratiam et veniam impetrat, et sic revera iis salutem affert, quo qua-

si

(1) Sunt qui αἰτήσῃ ad iudices humanos referri velint, et id monere Joannem, Christianum quemque operam navare oportere, ut precibus iudicis animum flecterent, fratrum gratia. Verum in praecedentibus diserte de precibus, ad Deum fundendis sermo est, neque igitur h. l. de iudice humano cogitandum esse videtur. Cf. Brink, l. c. pag. 437.

(2) Cf. Schroederi Syntaxis, Reg. 109. pag. 431.

(3) Sic Augustinus Tom. III. Lib. II. pag. 117. de Sermone Domini in monte. Beza, Grotius, Castalio in versione, Harduinus in Comment. in N. T. Bengelius in Gnomone N. T. ad h. l. van Vloten, Glassius Phil. Sacra p. 666. cl. v. d. Palm.

in instrumento utatur D. O. M., ut sua consilia exsequatur: « Qui impetrat, inquit « Erasmus, alteri quodammodo dat. » Conferri meretur locus ex Epist. Jacobi, cap. V, 15, ubi quidem dicitur, καὶ ἐγχεῖται αὐτὸν ὁ Κύριος, sed praecedunt haec, καὶ εὐχὴ τῆς πίστεως σώσει τὸν κάμνοντα. Inspiciatur etiam locus 1 Tim. IV, 16 (1).

τὴν ζωὴν, vitam conditionem felicem, aut in hac aut in futura vita? Animadvertendum est vocem τὴν ζωὴν apud Joannem proprio sensu ac tropice sumi .cfr. 1 Jo. III. 16. 1 Jo. I, 2, 25. III, 15. V, 11, 15, 20; ubi autem tropice accipitur, fere semper additum esse adjectivum αἰώνιον, ubi autem omissum est istud additamentum, ibi ex orationis contextu ac tenore satis patere, vocem ζωὴν emphatice esse accipiendam, .cfr. 1 Jo. V, 12. coll. c. 11. III, 14. coll. 15. IV, 9. Quomodo autem h. l. sit accipienda, postea videbimus.

Αὐτῷ ᾧ, scil. *fratri peccanti*. Mirum videri potest, post pronomen illud numero singulari expressum, in eadem contexta oratione ab auctore subijci:

Τὸς ἀμαρτανῶσι μὴ πρὸς θάνατον. Nemo non intelligit, hic subaudiri verbum λέγα, quasi auctor dicere voluisset: *loquor tantum de peccantibus non ad mortem*. Beda verti maluit, *peccanti non ad mortem*; sicuti etiam in plurimis Codd. reperitur Participium singulare (2).

Neminem vero offendat styli ista negligentia, quae a stylo Graecorum veterum Romanorumque haud plane aliena est (3). Videtur igitur *fratris* nomen collective esse sumendum; sicuti annotavit Beza; idem fere Erasmus.

Ἔστιν ἀμαρτία πρὸς θάνατον, est peccatum ad mortem. Hammondus legi maluit εἰς θάνατον, sed a Clerico redargutus; πρὸς h. l. videtur ostendere finem sive effectum, sicuti Joann. XI, 4. αὐτὴ ἡ ἀσθένεια οὐκ ἔστι πρὸς θάνατον, hicce morbus non est ejus generis, ut mors eum sequatur non est letalis; ita et h. l. ἀμαρτία πρὸς θάνατον vertendum videtur peccatum ad mortem, peccatum mortem affereps. Graece dicendum erat: οὐ πρὸς θάνατον ἀγούσα, φέρουσα. Πρὸς igitur respondet Hebraeorum ἡ ἀφί-

στα,

(1) Ἔστιν σιωπὴ, καὶ τῇ διδασκαλίᾳ ἵππουν αὐτοῦ· τοῦτο γὰρ ποιεῖν, καὶ σιωπῇ εὐδοκεῖ καὶ τοῦ ἀποδοῦναι σι-  
 Raeter Erasmus sic statuunt Werenfels, Marckius Cl. van Nuyss Klinkenberg in Diss. de peccato in Sp. S. parte  
 post. p. 104. viro Cl. praeside defensa Amsr., 1815. G. F. Zachariae Kurse Erklärung der Kathol. Briefe p. 209.  
 Brink l. c. p. 339.

(2) Uti et apud Augustinum. .cfr. Marck, l. c. p. 1093.

(3) Sic apud Terent. legimus:

Aperite aliquis actutum ostium,

Adelphi. IV, 4. vs. 25.

Apud Ovid. autem, Polyphemum ita dicentem audimus,

Hoc pecus omne meum est, multae quoque vallibus errant,

Multas sylva tegit, multae stabulantur in antris.

Metam. XIII. Vs. 822, 823.

·xac, quemadmodum totam phrasin ad Hebr. dicendi rationem compositam esse animadvertimus (1).

Nimirum eadem formula occurrit Num. XVIII, 22. לְמִוְתָּ לָמוֹת, quam Interpp. Alexandrini verterunt ἀμαρτία θανατηφόρος, crimen quippe, cui mortis supplicium a Deo constitutum erat, si nempe praeter Levitas, alii etiam ex Israëlitis sacra attingere auderent. Inspiciatur etiam locus Jes. XXXVIII, 1. coll. 2 Reg. XX, 1, ubi de Hiskia dicitur לְמִוְתָּ לָמוֹת quod verterunt Dathius et Doederleinius *lethali morbo correptus est*. Interpp. vero Alexandrini ἐκατακλίσθη ζωῆς θάνατον; Symmachus et Theodotio apud L. Bosium εἰς θάνατον; Aquila habet τοῦ ἀποθανεῖν, quod iudicavit Stronckius istius formulae vim clarius aliquantum exprimere, scil. necessitatem moriendi. Graeci, quāquam raro, similem tamen interdum dicendi rationem adhibuerunt de morbis εἰς θάνατον, ἐπὶ θανάτῳ. Aelianus V. H. Lib. VIII. cap. 14, de Diogene dixit ἔνδοσι ἐπὶ θανάτῳ.

Ἀμαρτία πρὸς θάνατον, mea quidem sententia hic significat peccatum, cuius consequens, ex Dei voluntate, sit mors, quam adeo deprecari nemo possit. Ex iis, quae sequuntur, id manifestum videtur. Num autem voces ζωὴ et θάνατος hic proprie an tropice sint accipiendae, de eo disputant viri docti. Marckius, Brinkius aliique bene multi contendunt, eas tropice esse sumendas, quippe quae fere semper tropice ab Apostolo hac in epistola adhibeantur. In memoriam revocare liceat, quod supra jam animadvertimus, vocem ζωὴ, fere nunquam eo sensu usurpari, nisi addito epitheto αἰώνιος cff. loca supra allata; ubi autem hocce epitheton omisit Joannes, ibi contexta oratio vix dubitare sinit, proprie an tropice notio ζωῆς sit intelligenda. Quis non hanc vocem, in locis 1 Jo. I, 2a. IV, 9. V, 12. improprio sensu accipiat, in loco vero III, 16. proprio? Atqui nostro in loco neque aliquid additur, quod tropice hanc notionem interpretari jubeat, neque contextus ratio id nobis persuadet. Quod attinet ad vocabulum θάνατος, licet his tantum in hac Epistola occurrat, in altero loco quidem tropico sensu, ut videtur, Cap. III, 14; ad nostrum vero, regulam supra propositam apprime adhiberi posse existimamus; nimirum in notionibus repugnantibus, altera cognita, etiam intelligi alteram.

Usus igitur loquendi scriptorum sacrorum in universum, et Joanneae quoque consuetudinis ratio nos incitat, ut hasce loquendi formulas *proprie* sumamus. In Vet. Test. formula לְמִוְתָּ mortem naturalem indicari, antea vidimus; Joannes iisdem verbis eodem sensu usus est (2).

Οὐ

(4) Cf. Ernesti Inst. Interp. P. I. Sect. II. cap. 9. §. 25, ubi in nota subscripta legimus: „locum 1 Jo. V, 16. non nisi ex divisione Hebraica peccatorum, explicandum esse.”

(2) Accedit, quod regulae de dictione tropica iudicanda, atque interpretanda ab Ernestio l. c. P. I. Sect. I. c. IV. propositae in locum nostrum minime quadrare videantur; neque enim subjecta et praedicata sunt heterogenea cf. §. 8. neque est contextus allegoricus. v. ibid. §. 24.

Ὁὐ περὶ ἐκείνης λέγω ἵνα ἐρωτήσῃ. *Pro eo non dico ut roget quis; (3) ἐκείνης referendum esse ad ἁμαρτίαν, plurimi censent interpretes.*

Conjunctionem vero εὐ nonnulli perverse, ut puto, ad verbum ἐρωτᾶν referendum esse voluerunt. Haec enim interpretatio si procedat, ea exinde nasceretur constructio: περὶ ἐκείνης ἁμαρτίας λέγω ἵνα οὐκ ἐρωτήσῃ, adeo ut severissimum esset Apostoli interdictum. Secundum aliorum sententiam ita verba sunt construenda, περὶ ἐκείνης ἁμαρτίας οὐ λέγω ἵνα ἐρωτήσῃ, ut sensus sit: « de illo peccato non loquor, non auctor sum, ut pro eo preces quis fundat » Animadvertit Cl. von Nuyß Klinkenberg in diss. laudata Parte post. pag. 111. λέγειν saepius sensu *jubendi* adhiberi (2), atque verba igitur οὐ λέγειν commodè significare potuisse *interdicere*, quod etiam annotavit Schleusnerus, afferens loca nonnulla, quae pro hac sententia pugnare videntur, ubi tamen particula οὐ aut μὴ non adjecto verbo λέγω, sed alij verbo praecedit, cff. Matth. V, 34. Rom. XII, 3. neque phrasis Joann. VII, 20. ubi οὐδὲν λέγειν significat *prohibere*, h. l. in sensum venire potest, quippe qui longe alius sit generis (5).

Propria igitur verbi λέγω significatio terenda mihi videtur, ut hic exeat sensus: « Est peccatum ad mortem, cui divinitus mors constituta est, quod attinet ad illud peccatum, de illo peccato, pro illo peccato, (ita enim περὶ saepe accipi, neminem latet) (4), non loquor, vobis non dico, ut preces fundatis, quippe cujus poenam a Deo supremo iudice constitutam, precibus nostris nunquam ablatum iri constat. » Eodem fere sensu eadem occurrit phrasis Joan. XVI, 26, ubi inquit J. C. ἐν ἐκείνῃ τῇ ἡμέρᾳ ἐν τῷ ὀνόματι τοῦ αἰτήσεσθε· καὶ οὐ λέγω ὑμῖν, ὅτι ἐγὼ ἐρωτήσω τὸν πατέρα περὶ ὑμῶν. i. e. non opus duco, ut vobis hac de re persuadeam, nam sine mea persuasione certi esse potestis, preces vestras exauditum iri, αὐτὸς γὰρ ὁ πατὴρ φιλεῖ ὑμᾶς. κ. τ. λ.

ἵνα ἐρωτήσῃ, καὶ ορεῖ (quis). Bengelius (5) differentiam aliquam reperiisse sibi visus est, quod ad significationem verborum αἰτεῖν et ἐρωτᾶν, ita quidem, ut αἰτεῖν esset durius, propiusque accedens ad *poscendum, postulandum, exigendum*, quam ad *sub-*

(1) Erasmus *ἐρωτᾶν* accipit pro 2 pers. in Aor. Med. vertens *rogas*. Rectius tamen, ut videtur, ex praecedentibus intelligitur *pronomen τις* scil. idem ille, de quo in initio dictum erat, εἰ τις κ. τ. λ.

(2) Unum affert locum Matth. VIII. 9. ubi verba referuntur alicujus centurionis Jesum rogantis, ut famulum suum sanaret jubendo. Dubito an recte conferantur cum verbis Joannis, Christianos benevole monentis.

(3) Verosimile insuper est, Joannem, si in mente habuisset Christianis interdicere, ne pro tali peccato precarentur, in priore etiam commatis parte verbum λέγω adhibiturum fuisse, eo consilio, ut eos juberet, pro fratre, qui nondum ad mortem peccasset, preces fundere.

(4) Conf. F. Vigeri. de Graecae dictionis Idiotismis pag. 588. collatis animadversionibus J. C. Zumptii, ad examen vocatis ab H. Hogevenio pag. 174. cf. et Schleusner in voce.

(5) Cf. ejus Gnomon in N. T. ad h. l.

*misce aliquid expetendum, qualis esse videatur vis verbi ἐρωτᾶν. Sensus igitur prodiret: « est peccatum ad mortem, quod ad illud attinet, non dico, ut roget quis; « quin supplex, neque submisce preces fundat.» Verum quovis casu, preces animo submisso fundendas Christianis convenire, ipsa nos admonet religionis Christianae indoles. Praeterea non credibile est, Joannem diversam hanc subinde verborum vim, siquidem tenuit, dum haec scriberet, tam subtiliter distinxisse; magis verosimile est, eum, ne bis idem scriberet, prius verbum αἰτεῖν, dein autem ἐρωτᾶν adhibuisse.*

Verbis ita explicatis, totus locus sic mihi vertendo videtur transferendus: « Si quis « viderit fratrem suum, qui peccatum committat, quod non est ad mortem, pro eo « precabitur, quo facto dabit ei vitam, (nimirum intelligo) eos, qui peccatum com- « miserunt non ad mortem; est vero etiam peccatum ad mortem; de illo non in- « quam, ut quis preces fundat.»

Ex hac quidem verborum interpretatione sequi mihi videtur: 1°. quod supra jam observavimus, Joannem nempe h. l. arctiori sensu accipere ea, quae c. 14, 15. in universum de precibus exaudiendis dixerat; videlicet, ne Christiani existimarent, suis se precibus omnis generis peccatorum veniam consecuturos esse. 2°. Joannem peccato illo πρὸς θάνατον peculiare peccati genus intelligere, de quo antea nondum mentionem fecerat. Neque adeo amplectimur sententiam eorum, qui ex oratione contexta locum explicari posse et debere existimant (1).

Istud vero peccatum πρὸς θάνατον, cujus sit generis, et quae intelligatur *mors*, qualis *avita*, definire, hoc sane opus est, hic labor. Nec mirum, ingentem scriptorum numerum, sive ex genere Dogmaticorum, sive Exegeticorum, hac de re sententias in medium attulisse.

Recte enim observatum est, nullam esse obscuritatem diversarum interpretationum matrem fecundiorum.

Ne autem justo longior et difficilior fiat disputatio, non ab re duxi, praecipuas de loco nostro sententias, ad certas classes redigere: quaeque minus placeant, paucis recensere, ac denique quid ipse sentiam, breviter exponere; ut adeo negando, demonstrando ac laudando, rem nostram absolvamus.

§. 3. *Diversae Interpretum, de ἀμαρτία πρὸς θάνατον, sententiae expenduntur.*

1°. Primum igitur in censum veniunt, qui verbis ἀμαρτία πρὸς θάνατον, peccatum, quod

(1) E. Wolfgangi Franzii tractatus Theol. de interpretatione Sacrae Scripturae, Witeb. 1634. p. 127. Oecumenius in Comment. in 1 Epist. Jo. Operum Tom. II. p. 601: „Illud tantum, inquit, peccatum ad mortem esse, quod ad poenitentiam non respicit.“ Sic vero quaevis legis transgressio a nobis commissa, nulla poenitentia sequente, peccatum ad mortem dici posse videtur. Cf. et Theod. Balsamo Canones Apost. Concil. Niceni, Tom. II. pag. 503. qui illud peccatum dixit ἀδυσφόρητον καὶ ἀμετάνοητον, cujus nulla agitur poenitentia.

quod dicitur in Spiritum Sanctum, intelligi putant, uti Marckius in Exercit. Bibl., Suicerus in Thes. Vol. I. ad vocem *ἀμαρτία*, Wolfius in Curis, Castalio in Versione Latina cum Anott. J. Arminius in Praestantium et Eruditorum virorum Epist. Eccles. et Theol. Ed. 3, a Philippo Limborgio curata a. 1704. Epist. 45. Franc. Gomarus ad Matth. XII, 31, 32. in ejus Opusculis Theol. p. 83. C. Vitranga in Doctrina Christianae Religionis Francq. 1714. pag. 174. In Belgica publice recepta Versione eandem huic loco explicationem subscripserunt Interpretes.

Argumenta, quibus nititur haec interpretatio, petitae sunt ex ipsius Servatoris dictis: *ὅς δ' ἂν εἴπῃ κατὰ τοῦ πνεύματος τοῦ ἁγίου, οὐκ ἀφεθήσεται αὐτῷ οὔτε ἐν τούτῳ τῷ αἰῶνι, οὔτε ἐν τῷ μέλλοντι* (1).

Neque lubet, neque hujus loci esse duco, varias de peccato in Spir. Sanctum, colligere Interpretum sententias, de quo argumento, et alii multi egerunt; et duae exstant dissertationes; ante paucos annos editae a Cl. J. van Nuy's Klinkenberg, ipso viro Cl. Praeside defensae, Amst. 1814, 1815.

Monuisse sufficiat, nos peccatum illud gravissimum ab iis tantum commissum esse censere, qui Spiritum Sanctum, divinum illum coadjutorem, per Apostolos loquentem et agentem, conviciis insectarentur, ipsiusque donis atque operationibus, et doctrinae adeo Christianae, miraculis confirmatae, divinam originem tribuendam esse negarent, et miracula, a Jesu edita, malis artibus adscribere non erubescerent (2).

Ex hoc genere fuerunt Judaei, in festo Pentecostes, Spiritus divini effectus ebrietati adscribentes. Act. II. Summus Pontifex cum suis asseclis, alique, quos indicavit Vir. cl. pag. 31. seqq.

Recte igitur, ut mihi videtur, annotavit Lightfootus, peccati in Spir. Sanctum nemi nem fuisse reum, nisi, qui religionis Christianae originem divinam negaret (3).

Haec animadversio ei procedat, sequi videtur, peccatum illud in loco Joannee nequaquam in censum venire posse. Joannem enim constat scripsisse ad eos, qui Christo nomen dederant (4).

Huc accedit; quod Servator affirmavit peccatum in Spiritum Sanctum *οὔτε ἐν τούτῳ τῷ αἰῶνι οὔτε ἐν τῷ μέλλοντι* remissum iri.

Scio equidem, magnum numerum exstare virorum doctorem, qui judicant, formulam illam, ex usitata tum temporis Judaeis distinctione interpretandam, et verba *οὔ-*

τε :

(1) Cf. Matth. XII. 32. et loca parallela Marc. III. 28. 30. Luc. XII. 10.

(2) Cf. van Nuy's Klinkenberg. l. c. P. II. pag. 30. F. V. Reinhard Christelijke Zedeleer. P. II. §. 171. pag. 483. in nota No. 27.

(3) Lightfooti Opera. Tom. II. ad Lucam XII. 9. Idem statuere videtur A. laud. diss. P. II. p. 3<sup>a</sup>; ubi peccatum in Spir. Sanctum crimen esse dicit Judaeorum *ἀπίστεια*. cf. pag. 48.

(4) Cf. supra dicta Sectione I. §. 2.

τε ἐν τούτῳ αἰῶνι, ad tempus Vet. Test.; sequentia vero οὐτε ἐν τῷ μέλλοντι, ad tempus Messiae referenda esse, ita ut sensus esset: « blasphemia in Spiritum Sanctum, neque « durante oeconomia Mosaica, neque sub Novo Foedere remittetur.” Verum ista interpretatio, ex Rabbiorum scriptis desumpta, non magni pretii videtur esse habenda (1). Malo igitur ab eorum stare partibus, qui verba οὐτε usque ad μέλλοντι ad futuram hominum, post resurrectionem, conditionem pertinere censent. In quibus sunt Glassius in Philol. Sacra ex Edit. Dathii T. I. p. 231. J. D. Michaëlis, in nova Vers. N. T. Nostro vero loco sermonem esse de vita ac morte naturali, supra demonstrare conatus fui, unde sequi videtur, de peccato in Spiritum Sanctum h. l. minime cogitandum esse.

2°. Aliam interpretandi viam ingressi sunt J. S. Semlerus, Paraphr. in 1 Jo. Epist. J. C. Doederleinius Instit. Theol. Christ. Vol. II. §. 200. p. 121. Edit. 6. Vlotenius in versione Biblicorum Belg. et Paraphrasi addita, Stronckius in Specimine plus semel laudato, p. 201 seqq. Nimirum h. l. sermonem esse putant de iis, qui publice tam atrocis et capitalis peccati rei facti erant, ut civitatis Christianae jure essent privandi, atque ita e societate Christiana ejecti, mortem civilem quasi subierant.

Verbum θάνατος nunquam eo sensu occurrere, Stronckius contendit. Doederleinius quidem provocavit ad 1 Jo. III. 14; eo autem loco sermonem esse de morte ac vita aeterna Brinkius l. c. pag. 83 demonstrare conatus est, et rem ad tantum probabilitatis gradum adduxit, ut non possimus non hujus viri sententiam amplecti, inprimis etiam collato loco in Euang. Joan. V. 24. ubi primum negando: εἰς κρίτην οὐκ ἔρχεται, dein affirmando: ἀλλὰ μεταβέβηκεν ἐκ τοῦ θανάτου εἰς τὴν ζωὴν, similis exprimitur sententia, quam continet modo citatus Epistolae locus 1 Jo. III. 14. illos nempe, qui effatis Jesu Christi fidem habent, e statu mortis atque infelicitatis, in quo antea versabantur, ad societatem vitae aeternae transiisse (1). Neque monitum Joannis οὐ περὶ ἐκείνης λέγω ἵνα ἐρωτήσῃ, si ejus verba hoc modo intelligenda essent, ipsius indoli et animi sensibus, quos in hortando et monendo passim testatus est, satis convenire videtur. Putabimusne humanissimo doctore persuasum fuisse, omnem omnino deprecationem pro iis, qui gravius peccassent, supervacaneam fore, neque fieri posse, ut Deus καρδιογνώστης eorum animos ita flecteret, ut in rectam viam redirent, atque ita denuo in Ecclesiae gremium fraterno affectu benigne reciperentur? Quae quidem sunt ejusmodi, ut nos impediunt, quominus huic interpretationi nomen subscribamus.

5°. Ad tertium genus interpretum illos refero, qui hac sententia, ἔστιν ἁμαρτία πρὸς θάνατον, defectionem a religione Christiana designari contendunt. Praevit Origines de

(1) Si enim in loco Evangelii V. 24 sermo esset de vita morali, sive morum probitate, tamquam fidei Jesu Christo datae sequela, perperam dixisset Servator, ὁ τὸν λόγον μου ἀκούων, ἔχει τὴν ζωὴν αἰώνιον, καὶ οὐκ ἔρχεται εἰς κρίτην, ἀλλὰ μεταβέβηκεν ἐκ τοῦ θανάτου εἰς τὴν ζωὴν. Dicturus tum fuisse videtur, μεταβέβηκε γὰρ π. τ. λ.



de Oratione. T. I. pag. 256. (ex edit. de la Rue). Ex recentioribus sic verba explicuerunt Grotius, Harduinus in Commentario in N. T. Schoetgenius in Lex. Rosenmullerus in Scholiis, Carpzovius ad locum Epistolae, nec non Keilius l. c. §. 100. ubi conjunctim vult conferri loca Pauli 1 Cor. VI. 9, 10. Gal. V: 9—21. et hunc Joannis locum, in quibus de Idololatriae peccato sermo sit. Assentiunt quoque van Nuys Klinkenberg l. c. p. 111. Brinkius l. c. Cl. van der Palm aliique.

Hujus sententiae fautores tam claram nominis famam sunt consecuti, atque in arte interpretandi tanta valent auctoritate, ut ego juvenis non sine metu ac sollicitudine eorum partes relinquam. Cum autem non ab auctoritate tantum, sed etiam a rationibus pendeant animi judicia, nequaquam, ut spero, mihi vitio vertetur, si omni, qua par est, modestia, hanc veniam rogem, ut argumenta nonnulla in medium proferam, quibus ductus, etiam ab interpretatione virorum tam celebrium discedere ausim.

Fatendum est, idololatriae crimen omni tempore Deo tam vehementer displicuisse, ut ipsum mortis supplicium falsorum Deorum cultoribus constitueret, (Deut. XIII. 13 — 17. Jerem. XV). Plurimis vero Interpretibus probabile visum est, Epistolam hanc Joannis Ephesi conscriptam esse, in ea ergo urbe, ubi idolorum cultus maxime vigebat, ac splendidum illud Dianae templum esset exstructum, (cf. Act. XIX. 24 seqq.) Nequaquam ergo a verosimilitudine abhorret, Joannem Christianos contra crimen illud scelestissimum hortari voluisse. Supra vero demonstrare conatus fui, epistolam scriptam esse Christianis e Judaeis non minus, quam ex Gentilibus oriundis; illo inprimis usus argumento, quod plurima in hac Epistola obvia praecepta non Judaeos tantum, sed etiam Gentiles spectare videantur. Nostrum etiam locum inter ejusmodi praecepta universalia referendum esse, ex orationis tenore colligi posse, mihi visum est.

Nulla enim adest nota discriminis, et in hac ipsa dicendi formula, ἀμαρτία αὐτοῖς πρὸς θανάτον et ἀμαρτία πρὸς θάνατον, licet aliqua ex parte definita sit, desideratur definitivus articulus. Sermo est in universum de fratre quocunque, de *precando*, vel *non precando*. Refertur ergo ad omnes ita precantes Christianos, et sic exprimitur, ut ab omnibus Christianis, quaecunque eorum esset origo, intelligi posset. Haec vero si quid valeat animadversio, consequi videtur, monitum Joannis minus bene ad idololatriae peccatum referri. Tunc enim non universale esset, sed indicium aliquod requireretur, unde concludi posset, speciatim Christianos spectari e Gentilibus oriundos. Judaeis certe non opus erat tali admonitione. Constat Judaeos, post exilium Babylonicum tantopere ab idolorum cultu alienos fuisse, ut ne durissimis quidem cruciatibus ad eum reduci potuerint. Calamitates enim, quas durante illo exilio subierunt, nec minus recordatio praedictionum Moysis Prophetarumque, quas eo tempore suis oculis eventu

pro-

probatas viderent, tum in misera suae gentis conditione, tum in aliarum gentium historia (1), ludibria insuper multiplicia, quibus essent expositi (cf. Ps. 137), et ardentissimum desiderium, recuperandi prohibiti tunc temporis avitae religionis usus, divina oracula denique in memoria vocata, de regno Babylonico a Cyro devastando (2); haec igitur omnia tantam vim in Hebraeorum animos exercuerunt, ut ne durissimae quidem comminationes et vexationes Antiochi Epiphanis eos, in patriam reversos, compellere potuerint ad Dei unius cultum deserendum. Quid? quod eorum in idololatriam odium adeo exarserit, ut religionem veterem, omni parte ad superstitionem usque servare, quam ad gentium mores et instituta compositam cogitandi rationem sequi, maluerint (3). Cap. V. 21. monentur Christiani, ut ab Idolis sese abstinerent, ibi vero diserte Christianos ex Gentilibus ante oculos habet, nostri vero loci monitum ad utrosque pertinere mihi videtur.

Quid vero de eorum sententia statuendum putemus, qui de Christianorum ἀποστασία in universum agi putant, Hebraeorum nempe reditum ad Judaïsmum, Gentilium vero ad Idololatriam?

Multis ita visum est (4). Saurinius imprimis sententiam illam exornavit. Duplex ἀποστασίας genus distinguit, alterum nempe eorum, qui minus calido religionis sensu imbuti essent, et sive perterriti metu cruciatuum, quibus multi affligebantur, sive muneribus oblatis occaecati, ad avitam religionem facile transirent; alterum eorum, quibus de religionis Christianae veritate intime persuasum fuerat, et, ut Scriptor ad Hebr. loquitur cap. VI. μεταχρὶ γενηθέντες πνεύματος ἁγίου, καὶ καλὸν γευσάμενοι θεοῦ βῆμα, tamen ex indolis pravitate atque odio veritatis, sinceræ Christi doctrinae sese opponerent, eam abjurarent, Jesumque conuiciis insectarentur. Hi ergo, cum crimen *ad mortem* patrasse existimandi essent, hinc consequi videatur, quamquam id disertis verbis non declaratur, alterius criminis reos commisisse peccatum, non ad mortem.

Multum revera habet, quo sese commendet haecce interpretatio. Scriptor enim  
ad

(1) Moabitum v. c. Edomaeorum, Ammonitarum aliorumque. quos vana in idolis spes ac fiducia ab interitu vindicare non potuerunt. Jer. XXXVIII. coll. Ezech. XXV. 8—11. Ies. XXXIV. 6—15. Ezech. XXV. 2—8. coll. Jerem. XXXIX. 1—6. cf. porro Ies. XXXIII. Ezech. XXVI—XXVIII. Ezech. XXIV—XXXII. Ies. XLVI.

(2) Cf. Jerem. XXV. 12 et cap. LI.

(3) Cf. doct. J. Gerritsen, Comment. praemio ornata, De quaest. liter. cur Hebraei ante exil. Babyl. se ad idolorum plurimumque Deorum cultum valde propensos, postea, universe ab eo vehementer alienos ostenderent? in Acad. Rhen. Traj. 1822—1823.

(4) Cf. Lightfootus. l. c. p. 117, 118. Bengelius l. c. Saurinius in Orat. Sacris, in Sermonem, cui titulus est. *Sur la nature du péché irrémissible.* cf. et Phil. Limborchius. Theol. Christ. lib. V. cap. 4. pag. 393, 394. edit. 5. Amst. 1730.

ad Hebraeos l. c. Hebr. VI. 3. 6 manifesto docet, fieri non posse, ut, qui semel Spiritus Sancti luce collustrati fuerant, donaque coelestia gustaverant, atque ita Spiritus Sancti participes facti erant, siquidem postea defecerant, denuo ad meliorem frugem revocentur. cf. cap. X. 26 seqq.

Fundamento autem, cui innititur haecce interpretatio, paulo accuratius inspecto, nonnullae occurrere videntur difficultates, quae prohibeant, quo minus illud peccatum revera Joanni ante oculos versatum fuisse censeamus.

Scriptor ad Hebraeos quidem profitetur, ἀδύνατον εἶναι, ut qui semel Spir. Sancti vi divina illuminati fuerant, sed vel sic tamen defecerant, denuo in melius converterentur, verum de ea tantum conversione cogitasse videtur, quae ab iis ipsis ad effectum perducì possit. Negare igitur Scriptor videtur, se suosque in ministerio Sacro collegas, eos, quibus tot tantaque dona Spiritualia obtigerant, at vel sic tamen ad Judaismum deficerent, iterata doctrinae divinae institutione, ad religionis Christianae professionem reducere posse. Quippe si argumenta, veritatem religionis Christianae confirmantia, quorum vim et efficaciam salutarem aliquando perceperant et agnoverant, eos nequaquam tam firmos reddiderant in fide Christiana, quominus eam dein desererent ac repudiarent, nequaquam sperari poterat, ut majore adhibita vi, permoverentur ad repudiatam et abnegatam religionem denuo amplectendam, et ex animo profitendam (1).

Id insuper animadvertendum est, quidquid in loco allato de ejusmodi transfuga affirmatur, ad eos solum spectare, qui religionem *professi essent*, nequaquam vero ad eos, qui illam *sincera fide amplexi essent*. « Primarii enim Christiani, uti recte « observavit Abreschius (2), etsi vera fide destituti essent, tamen miraculorum divinarum vi et efficacia non minus, quam Spir. Sancti donis et muneribus, quorum « participes facti erant, multo majorem in universum habuerunt doctrinae Evangelicae veritatis praestantiaeque sensum, quam nostri temporis homines.” Unde mihi consequi videtur, peccatum, quod in Ep. ad Hebr. c. VI. et X. describitur non adeo grave fuisse, ut qui illud commisisset, de hujus prorsus salute esset desperandum, neque adeo dici potuisse ἀμαρτίαν πρὸς θάνατον, quae denominatio inferre videtur, nullam sanationem vel restitutionem in melius expectari potuisse.

Auctor quidem fatetur, *se suosque collegas*, ejusmodi transfugam, ad Christum reducere non posse, an vero inde sequitur, talis hominis conversionem prorsus desperandam esse? Quid? nonne τὰ ἀδύνατα παρὰ ἀνθρώποις, δυνατὰ ἐστὶ παρὰ τῷ Θεῷ; Certe historia docet multos Christianos, qui a religione defecerant, postea in ec-

cle-

(1) Conf. van Nuy's Elinkenb. l. c. pag. 69.

(2) Paraphr. et Annot. in Epist. ad Hebr. Spec. III. Lugd. Bat. 1790. pag. 176, 177.

clesiam denuo receptos fuisse; neque in Sacra Scriptura ullam mentionem invenimus Christianorum, qui, postquam a vera religione Christiana defecerant, subitae mortis poenam subierint, vel poenam ejusmodi, tali peccato constitutam esse. Contra aliunde constat, nonnullos tres, imo viginti pluresque annos vixisse, postquam Trajani imaginem Deorumque simulacra jam essent venerati, Christoque maledixissent (1).

Multae aliae exstant loci Joannei interpretationes, quas omnes enumerare ac recensere longum sit ac parum utile, cum longius etiam a veritate decedere videantur.

Romano-Catholici ad locum Joannis provocarunt, quo discrimen peccatorum *mortalium* ac *venialium* defendere conati sunt. Quid vero opus erat deprecatione, si peccatum per se esse veniale, certo certius constaret? Certe universum illud dogma repugnat doctrinae de vi meritorum Jesu Christi, quae tanta esse dicitur, ut omnium omnino peccatorum venia ab iis, qui in rectam redeunt viam, expectari atque accipi possit. 1 Joan. I, 7, 9. II, 2.

Novatiani olim locum de peccato post baptismum intellexerunt, quo quis a poenitentia penitus excludatur (2). Hanc vero sententiam indoli doctrinae Christianae repugnare, demonstrari facile poterat, si id nunc ageremus.

Recentioribus nonnullis Interpretibus probabile visum est, atrociora intelligi crimina, quibus patrat, Christiani a magistratibus ad mortem condemnandi essent (3). Noluisse putant Apostolum, ut quis pro illis apud magistratus intercederet, ne Christiani in suspicionem adducerentur, talia crimina a Christianis parvi fieri. Nihil vero in contexta oratione reperitur, quod huic sententiae faveat, et videtur potius ejusmodi monitum ab Apostoli consilio abhorrire. Potius nihil non agere voluisse censendus est, ut officia caritatis, quoad ejus fieri posset, impleret, atque omnibus omni modo prodesset, ad ipsorum salutem, tam in praesenti, quam in futura vita promovendam. Mittimus opinionem eorum, qui ἀδελφὸν intelligunt infidelem, jam supra, ut spero satis superque refutatam.

#### §. 4. *Nostra sententia de sensu moniti Joannei.*

Recensita opinionum varietate, eo progressa est disputatio, ut nobis de veratissi-

MO-

(1) Cf. C. Plinius Caecil. II. in Epist. ad Trajanum. Epistol. Lib. X.

(2) cf. Augustinus in Libro: De vera et falsa poenitentia, Opp. Tom. VI. P. 713, 714. Antw. 170r.

(3.) Conf. Rosemuller in scholiis. G. S. Jaspis, in Annotatione ad Versionem Latinam Epistolarum N. T. Ed. secundae in h. l.

mo loco, quid videatur, libere et modeste exponamus. Verbis igitur Joannis, quantumpote circumspicis consideratisque, cum Epistolae consilio, tum contextus ratione, cogitandum esse videtur: de morbis illis extraordinariis, qui a Deo propter ingentia crimina Christianis primaevae immitterentur, ac pro facinoris gravitate vel *μη πρὸς θάνατον* vel *πρὸς θάνατον* essent.

Multi magnique viri docti hac in re facem mihi praetulerunt. In his Werenfelsius, Zachariae, Storr, Hamelsveld, Celeb. Clarisse, aliique (1). Saurinius quoque hanc interpretationem recensuit, cui tamen visum est, rationibus satis certis eam haud inniti. (l. c. p. 297). An id recte dicatur, inquirendum putamus.

Nimirum a Theocratia, quae dicitur, id haud alienum fuit, ut propter grave aliquod crimen, omne genus malorum infligeretur, et ipsa subinde mors subeunda esset. Gentis Israëlitaec historia plena est exemplis eorum, qui ejusmodi poenas luerunt, conviciorum in Deum, ipsiusque obstinato animo contemtorum mandatorum, veluti Pharaonis, Nadabi, Abihui, Corachi, Dathanis, Abiramis et sociorum, nec non Achabi, Sanheribi, Nebucadnezaris, Beltazaris, ne de orbe diluvio antiquitus deleta, de incolis Sodomae et Gomorrhae, et Canaanitis jussu Dei extirpatis dicamus (2).

Praeceptorum Mosaicorum; quae ad leprosos pertinent, ea est ratio, ac si leproso necesse esset, ut sacrificio piaculari cum Jehovah reconciliaretur, Lev. XIII, 18, 29. coll. 54—56. XVIII, 24, 25. Davides mala et infortunia, quae ipsi obtigerunt, sequelas esse judicavit peccatorum antea commissorum. cff. Ps. XXXII, 5—5. XXXVIII. XXXIX. Prophetæ quoque seriores, morbos pestem aliave tristia facta, quae Israëlitis evenerunt, passim depingunt tamquam signa manifesta irae Johovae Jes. I: 6. Jer. VIII, 17. XIII, 26. Hos. V, 12. Joël I. II. Amos. I, 13, 14, 15 (3).

Ne quis nobis objiciat, in stylo Orientalium permulta occurrere, in quibus singula verba et singulas phrases non premendae sint: ingenio enim poetico in talibus multumtribuendum, et nequaquam ex imaginibus poeticiis doctrinas definiendas es-

(1) S. Werenfelsii Opusc. T. I. p. 305. G. F. Zachariae, Kurze Erklärung der Briefe Jacobi, Petri, Judae et Joannis p. 208, 209. G. C. Storrii Opusc. Acad. Vol. I. p. 10. Über den Zweck der Evang. Geschichte, und der Briefe Joannis p. 174. Hamelv. de Bybel verklaard, parte ultima in h. l. Benzonius Paraphrastische Erklärung etc. Lips. 1761e fasc. IV. p. 225, 243. Cel. J. Clarisse, de brief van Jacobus, cet. p. 323. in nota ultima; add. diss. de Doctrina Iooannis Theoretica et morali, auctoribus O. van Tricht p. 117. et S. de Keyzer p. 18, quae cstant inter opera Societatis Haganae anno 1824.

(2) Vid. Exod. X. Levit. X. Num. XVI. 1 Reg. XXII. Jes. XXVII. Dan. IV. XV. Num. XV. Genes. VII. VIII. XIX. Et narrationes Gen. XXXIX, 7, 18. Num. XIV, 37. XII, 1. XXV. 3—9. 2 Sam. XXIV, 15, 25. 2 Reg. XXIV, 1—3. Jerem. XXX, 14. Dan. IX, 5—14.

(3) Cf. G. F. Seiler, Über den Versöhnungstod Christi, Erster Theil. pag. 103, 104.

esse; rerum naturalium imperitia factum esse, quominus prisca aevi homines nexus causarum et effectuum rationes clare perspicerent. Unde repetendum sit, ut quaevis, a vulgaribus rerum cursu utcunque discedentia, causis supernaturalibus adscriberent (4).

Historiae vero supra commemoratae, tantum abfuit, ut poëtico colore exornarentur, ut multo magis stylo populari, sine ullis luminibus oratoriis vel poëticis simplicissime referrentur.

Neque etiam ea, sicuti multi contendunt, Deo indigna dicenda est doctrina, peccatum ei valde displicere, legumque suarum auctoritatem Deum poenis inflictis vindicare velle, et saepissime vindicavisse.

Quidquid hujus rei sit, nobis haud licet scriptorum Sacrorum dicta contorquendo pervertere, quoniam nobis cum divina majestate ac bonitate non conciliari posse videntur. Nolo autem contendere, semper, ubi sermo est de malis a Jehovah immissis, causas secundarias omnino excludendas esse. Ille enim, qui omnes causas aequae atque effectus praevидit, naturae vires legesque ita dirigere potuit, ut iis quasi instrumentis utatur in hominibus puniendis.

Hoc certe constare putamus, Deum subinde propter perpetrata peccata, diversi generis mala immisisse, etiam morte ea punivisse. Haud verosimile est, primaeavorum hominum ingenium ad ejusmodi sublimes de Dei justitia et sanctitate notiones, quae apud Moysen jam occurrunt, ex semet ipso perventurum fuisse, nisi coelesti revelatione divinisque institutis adjuti fuissent; imo statuendum videtur, ne sagacissimos quidem philosophos ingenii sui vi tam perfectam Dei cognitionem consecuturos fuisse, quam in Davidis carminibus jam elucere, nemo non videt (2).

Etiam N. T. scriptores a notione irae divinae *θεοπεινω* explicanda haud alienos fuisse, manifeste docent loca Rom. II, 5. III, 5. Hebr. III, 11. Rom. I, 18. 2 Petr. II, 5. Jud. 4—9, 14, 15. 2 Petr. II, 6—9. Matth. XI, 23. XXIV, 37, 39. Luc. XXVII, 26—32.

Arcte cum eadem cohaeret Jesu Apostolumque doctrina, de beneficio accipiendae a Deo peccatorum remissionis, quae sine agnitione justitiae et sanctitatis et peccando meritarum poenarum, cogitari haud posse, nemo est, qui non intelligat (3).

Fatendum est, Judaeos, aetate Jesu minus bene V. T. doctrinam de Justitia Dei pu-

(1) Cf. liber, cui titulus est: Apologie des Vernunft, cujus auctor habetur Bahrdtius p. 36, 51, 52.

(2) Cf. Jerusalem, Voorn. Waarheden, etc. P. III. Diss. 2. p. 171, 172, 182. Quod tamen non ita accipiendum est, ac si apud Graecos veteres prorsus insolita fuisset opinio, Deos immortales propter flagitium commissum etiam hac in vita subinde hominibus mala immittere. Inspiciantur loca a Cl. Van Voorst allata in diss., quam supra laudavimus, p. 46.

(3) Cf. egregia ejusdem disp. Over de Goddelijke Straffen pag. 56, 63, 105, 118. Ikenii diss. Phil. Theol. diss. 15. de unctione aegrotorum etc. Vol. II. §. 26, p. 641.

puniēte interpretatos esse, et ipsos Apostolos, dum inter eos versabantur, ab opinione illa falsa non fuisse liberos, qua statueretur, quidquid hominibus mali contingeret, ex culpa peccando contracta originem trahere. Conf. Luc. XIII, 1 seqq. Joann. IX, 1, 2. Jesus Christus vero tantum aberat, ut sese ad populares istas opiniones accommodaret, ut iis multo magis strenue sese opponeret. Cf. contextus locorum modo citatorum. Profecto nobis cavendum est ab ea temeritate, ut quodcunque infortunium, quod aliis evenit, pristinorum malefactorum effectum esse judicemus; quae fuit iudicii perversitas in sodalibus Jobi, a Deo ipso graviter reprehensa. Sane haud raro impios hac in vita videmus calamitatibus liberos, quibus pii saepe acerbissime affliguntur.

Haud minus certum est, singularem et prorsus extraordinariam variis modis ecclesiae Apostolicae et primitivae Dei fuisse procurationem, et saepe numero eum poenas positivas, quae dicuntur, hominibus flagitiosis inflixisse, propter ejusmodi nempe crimina, quae rei Christianae valde noxia et perniciosa judicaret, quo ipso stabilire et firmiora reddere voluit fundamenta, quibus societas Christiana superstrueretur. Manifesta subinde ipsi statuere placuit exempla, quibus palam innotesceret, quanti facinoris rei essent, qui divino illi consilio sese opponere auderent (1). In memoriam revocetur exitus Judae proditoris Act. I, 18. coll. sententia a Jesu antea dicta Matth. XXVI, 24. Herodis Agrippae Act. XII, Ananiae et Sapphirae Act. V, 5—9. Elimae Act. XIII, 10, 11.

In hanc partem quoque animadvertendum est, primos Christianos vixisse sub magistratibus Ethnicis, apud quos multa magnaque peccata ac scelera non modo non puniebantur, sed ne peccatorum quidem numero accensebantur. Nihil eos interessat, num Christiani Sacram coenam celebrarent ad Jesu Christi memoriam concelebrandam, dummodo Respublica haud turbaretur. Itaque ne Christianorum nonnullorum improbitas majora incrementa caperet, et rei Christianae summam noxam imo interitum afferret, neque legibus et statutis ecclesiasticis ordinariis reprimi posset, ipse subinde Deus magistratus provinciam suscepisse, iudicisque partes egisse, et peccata modo extraordinario in oculos incurrente, punivisse videtur (2). Cujus rei exemplum habemus in coetu Corinthiaco, ubi multi, sacro epulo indigne et impie administrato, morbis repentinis et omnino extraordinariis infligebantur, quin mortem praematuram subierant. cf. 1 Cor. XI, 30.

Haec in universum de poenis propter commissa crimina graviora, singulari Dei iudicio inflictis, forte justo fusius altiusque repetita, sed non sine causa tamen, ut opinor

(1) Cf. Cl. J. van. Voorst, l. c. p. 117.

(2) Cf. Werenf, l. c. p. 405.

nor disputavi, quo luculentius appareret, sensum historicum loci Joannei nequaquam a doctrina Apostolica, et recepto ea aetate loquendi usu abhorrere, si propositam interpretandi rationem sequamur, idque eo magis, quod, uti supra demonstrare conati sumus, voces *ζωή* et *θάνατος* proprie sumendae esse videantur.

*Ἀμαρτία* igitur *μὴ πρὸς θάνατον* ejusmodi erat peccatum, quo quis gravem aliquem morbum, nec tamen insanabilem sibi contraxerat, adeo ut de sanatione haud prorsus esset desperandum. Si quis autem, inquit Joannes, fratrem suum viderit, qui ejusmodi peccatum non ad mortem commiserit, *αἰτήσῃ καὶ δώσει αὐτῷ τὴν ζωὴν* i. e. in hujus gratiam preces fundat, precibusque suis a Deo impetrabit, ut veniam illi concedat, et valetudinem restituat.

Nimirum Deo, qui in primitiva ecclesia crimina a Christianis commissa, etiam hac in vita, poenis subinde extraordinariis infligendis, coercere solebat, omnino probabantur preces *ἐνεργουμέναι* ad impetrandam gratiam divinam, cum ad meritas poenas a peccantibus avertendas, tum mitigandas, vel et auferendas. Conf. 1 Cor. XII. 9, 28, 30.

Huc referendum puto, locum Jacobi Cap. V, 14 — 16 (1), ubi Christiani monentur: « Si quis inter vos aegrotat, ad se arcessat Presbyteres (2), qui oleo eum ungant, et pro ejus salute preces fundant (3); quorum preces eam habiturae sint efficaciam, ut aegrotantem morbo liberent: Dominus enim ad eorum vota, ipsi sanitatem restitutus est; quin etiam, si graviter peccaverit, et sic quidem, sibi morbum gravem sua ipsius culpa contraxerit, Dominus etiam aliam peccatorum concedet veniam" (4).

Sic

(1) Locum illum nequaquam de extrema unctione ac confessione auriculari explicandum esse, demonstravit Ikenius. l. c.

(2) *Τὸς πρεσβυτέρους* pro *τῷ πρεσβυτέρῳ*, aliquem in coetu, cujus socius esset, presbyterum. Ut saepe plurale genus usurpatur pro singulari.

(3) Qualis mos etiam inter Judaeos obtinuit, quorum antistites ac Doctores non solum in Synagoga hoc officio fungebantur, verum etiam eandem ob causam aegrotos invisere solebant, uti late docet Buxtorfius, in Synag. Judaeorum cap. II. cit. ab Ikenio l. c. pag. 634.

(4) Ita enim verba illa Jacobaea accipienda videntur: neque igitur illis assentior, qui toto hocce loco de morbis ob certa peccata a Deo modo extraordinario immisssis cogitandum esse censent, veluti Werenfelsius, Bensonius, Wolfius aliique. *Θάνατον* enim omnem imbecillitatem aut infirmitatem tam *mentis*, quam *corporis* denotat. Porro conjunctio *καὶ* h. l. conditionate videtur esse accipienda; ubi enim duae res, (est observatio Ikenii), in eadem orationis serie conjunguntur, quarum prior *nude* affirmatur, posterior vero *intercedente hacce particula*, ipsum orationis filum suadere videtur, ut res posterior conditionate accipiat. cf. Marc. XVI, 17, 18. Denique additamentum *καὶ ἄμαρτίας ἢ πονηρίας* n. r. λ. aliquid insoliti denotare videtur, de quo antea nondum sermo fuerat; ceteroquin enim frigida est ac supervacanea repetitio a Jacobo prorsus aliena. Tandem accedit, quod ex horum virorum interpretatione sequeretur, Apostoli consilium fuisse, nullis aegrotis, nisi extraordinario morbo ob graviora crimina im-



Sic et in loco Joannis, ille, qui preces κατὰ τὸ θέλημα τοῦ Θεοῦ i. e. modeste ac reverenter et fiducia in Deo posita, in gratiam fratris fundit, ille vitam ei redditurus, sive vitae ipsi restitutae auctor esse dicitur.

Ne autem quis in ea opinione versaretur, cujuscunque generis peccati tristes effectus deprecando tolli posse, sibi quoque adeo persuaderet, Deum quasvis aliorum pro aliis preces benigne exaudire velle, diserte monet Apostolus, se tantummodo loqui de ἁμαρτάνουσι μὴ πρὸς θάνατον. Existit enim, inquit, *peccatum ad mortem* i. e. peccatum exitiale, quod Deus nolit, etiam in hac vita, impunitum manere, quod adeo poena exemplari sit coërcendum ad causam Dei, et Jesu Christi, et Ecclesiae Christianae tutandam et vindicandam.

Περὶ ἐκείνης οὐ λέγει ἵνα ἐρωτησῃ. Dicere voluit Epistolae scriptor: « Intelligitis monita precedentia ad hoc peccatorum genus minime pertinere. Quod enim constituit Deus, παρ' ᾧ οὐκ ἔστι παραλλαγή ἢ τροπὴς ἀποσκευασμα, nullis id hominum precibus ir-ritum reddi potest. Omnes igitur pro ejusmodi hominis salute, sive pro ejus sa- natione fusae preces, Deo minime probatae, atque adeo frustraneae sunt.» Cujusmodi autem generis fuerint ista peccata πρὸς θάνατον, certo haud definiri potest, propter tenebras, quibus primorum Christianorum coetuum historia involuta est. Haud a verosimilitudine abhorret, ejusmodi fuisse delicta, quae religioni et societati Christianae valde noxia essent, et vel ipsa rei natura, vel supernaturali Dei accedente vindicta, morbos post se traherent insanabiles ac letiferos; ex quo genere fuisse morbos, quos respexit Paulus 1 Cor. XI, 30. coll. c. 21, 22, 31, 32, plerisque Interpretibus visum est (1). Scilicet admodum turpis et impia intemperantia et animi perversitas, qua nonnulli ad Sacram Coenam accederent, omnino tendebat ad improbum sanctissimi ritus, et universae rei Christianae, atque adeo ipsius Dei et Jesu Christi contemptum, quem Deus, ad hanc causam vindicandam, palam et graviter punire voluit.

Superest quaestio: quomodo istiusmodi morbos ab aliis, qui non essent πρὸς θάνατον, distinguere possent Christiani, quae ut solvatur, sequentia animadvertere liceat.

12

misso laborantibus, hac ratione succurrendum esse. cff. quae ad h. l. animadvertit Cl. van Nuys Klinkenberg. l. c. p. 198.

De oleo quaesitum est, quorsum spectaverit: sunt, qui sanitatis restituendae adminiculum fuisse putent. Alii unctionem, actionem Symbolicam fuisse statuunt. Quaestiones illae nunc ad nos non pertinent. Monuisse sufficiat, unctionis usum tanquam aptum remedium ad recuperandam, Deo volente, sanitatem, nobis haud prorsus excludendum videri; sed accedere debuit precatio, quae adjunctam haberet fiduciam in Deo, cui convalescentes salutem debeant; cff. Iken. l. c. p. 636. F. V. Reinhard. Christ. Zedeleer. Parte IV. §. 261. pag. 134. in notis. No. 116. Ed. Belg. anno 1809.

(1) Cff. J. S. Semlerus ad h. l. et supra nott.

1. Apostolis, aliisque Doctoribus extraordinariis, contigit ἡ διάκρισις πνευμάτων. 1 Cor. XII, 10. cujus χαρίσματος ope, multo magis, quam homines vulgares, eorum, qui Christianam religionem profitebantur, indolem et animi studia perspiciebant, et, qui rem serio agerent, ab hypocritis dignoscebant. cf. historia Ananiae et Sapphirae Act. V. nec non Hymenaei et Alexandri notatio 1 Tim. I, 20. Conf. etiam locus 1 Cor. V, 5. et gravis Pauli reprehensio multorum, qui in coetu Corinthiaco simulate res sacras tractabant, quorum pravitatem probe perspexit. l. c. Qui igitur hac divinitus collata dote praediti essent, iis dubium non esse potuit, num morbus ex genere esset eorum, qui consequencebantur ἀμαρτίαν πρὸς θάνατον, nec ne.

2°. Quicumque graviter aegrotabat, nisi conscientiae vis prorsus ei esset extincta, optime scire poterat, nam aegrotando poenam lueret, et quidem ad mortem, nec ne. Nam licet temerariam sit, atque injustam, res quasque adversarias, quibus alii premantur, poenas dicere divinitus immissas, et inique de actionum quarumcunque, consiliis et sequelis judicare, ita tamen sumus homines, ut ipsi calamitatibus obruti, conscientiam malefactorum suffocare non facile possimus. Nemo non ad se attendens, in rebus adversis animadvertit, num quid commiserit, sit vitio vertendum et poena dignum (1).

In iis subsistendum putamus, atque adeo acquiescendum in conatu, tradendae verborum difficultum interpretationi, quae propter simplicitatem, nec minus propter convenientiam cum illorum temporum historia, habere videtur, quo se commendat (2).

Neque desperandum existimamus de ejus nexu cum analogia doctrinae, de diligendis omnibus hominibus, quae, verbis hoc modo intellectis, nullam nobis jacturam facere videtur: quod in altera hujus Commentationis parte nobis demonstrandum restat.

(1) Cf. H. Blair Leerrædenen. P. I. p. 150. Aliam quaestionis solutionem proposuit Werenf. l. c. quae tamen minus probanda videtur: quidquid hujus rei sit, in eo autem omnes consentiunt, aegrotantes sive non ad mortem, sive ad mortem, a Christianis dignosci potuisse.

(2) Summo etiam Ernestio, ea interpretatio propter simplicitatem ac facilitatem valde placuit. Vid. ejus Theol. Bibliothek. T. III. p. 53.



---

## S E C T I O   T E R T I A.

DISQUISITIO, QUOMODO MONITUM JOANNEUM CUM PRAECEPTIS, DE DILIGENDIS  
OMNIBUS HOMINIBUS, IN CONCORDIAM REDIGI POSSIT.

Etiam hanc quaestionis propositae partem Viri Clarissimi dignam censuerunt, quae accuratius tractaretur, quomodo nempe monitum illud Joanneum cum aliis, de diligendis omnibus hominibus, praeceptis, in concordiam redigi possit.

Breviter tamen id absolvere liceat. Pertinet enim hoc monitum ad primitivos tantum Christianos, neque adeo comparandum est cum officiis, omnium hominum omniumque aetatum, universalibus; praeceptum vero complectitur temporale. Sed vel sic tamen inquiri meretur, num ex ea loci interpretatione, quam assumimus, consequatur aliqua moniti Joannei repugnantia, cum apertis Jesu Apostolorumque monitis, alibi obviis.

Profecto omnium, quae in religione Christiana nobis praescribuntur mandatorum, summum et primarium est illud, quo officium caritatis incalcatur. Nullum est officium, quod saepius commendatur, nullum cujus obsequium magis aperte et expresse requiritur. Ipse Jesus Christus discipulis suis caritatem fraternam ita praescribit, ut cuique in oculos incurrat, eum hoc officium spectasse, tanquam omnium summum et quasi fundamentum, quo neglecto, nemo in discipulorum suorum consortium recipi possit. Conf. ex multis locis in Euang. Joan. Capp. XIII, 14, 15, 55. XV, 12, 17. Neque id haberi voluit pro novo anteaque inaudito praecepto, sed dilucidius proposuit, tanquam latissime patens, et nullis limitibus circumscribendum.

Sui temporis Judaei huc pertinentia praecepta Mosaica justo arctius constringebant, et sic explicabant. « Proximum tuum, tui ipsius instar, amore prosequaris, inimicum vero tuum, odio afficere licitum est. » Vid. Matth. V, 45. coll. Lev. XIX, 17. Jesus Christus vero monuit, omnes homines, etiam inimicos, nos oportere non modo ferre, sed etiam amore prosequi. Matth. V, 44. Luc. VI, 27, 28, 29. Luc. X, 30 seqq. Matth. XVIII, 21 — 35. Luc. XVII, 3, 4. coll. 1 Jo. II, 7, 8. 2 Jo. 5.

Apo-

Apostoli quoque, ut divini magistri vestigia passim presserunt, ita et quavis fere pagina, ad caritatem fraternam Christianos cohortati sunt. Vidd. Rom. XII, 10. XIII, 8, 9, 10. 1 Cor. XIV, 1. Ephes. IV, 2, 15. V, 2. Hebr. XIII, 1. 1 Tim. VI, 11. 1 Petr. II, 17, 21. III, 8. 1 Jo. III, 16, 17, 18. IV, 7, 8, 11, 21. Cum fide Christiana caritatem indissolubili nexu conjunctam spectandam esse, diserte praecipiunt, et obtestantur. Conf. Gall. V, 6. 2 Petr. I, 5—7. 1 Jo. IV, 15—21. Amorem sincerum, quo alii alios amplectantur, et alii aliis prodesse studeant, primum ac primarium dicebant esse documentum, quo vere Christiani, ab aliis dignoscantur; nimirum germanos fructus, et effectus fidei veri nominis, in eo praecipue cerni, quod, qui Christiani dici velint, omnes, sine discrimine homines, amore prosequantur. 1 Petr. I, 22. Cff. Jo. XIII, 35. Eph. V, 1. praecipue quidem in eos ita affectos illos esse oportere, qui sint *οἰκτοὶ τῆς πίστεως* Gal. V, 10. Similem vero affectum, et similia studia eos decere, erga cujusvis generis familiaeve homines, conf. 2 Petr. I, 75. et doctrina Servatoris in parabola Luc. X, 30 seqq.

Inter omnia ergo officia, quae religio Christiana inculcat, eminet officium amoris, tanquam vinculum omnium. « Si quidem, inquit, Jacobus, legi paretis regiae, quae sic literis est prodita: *alterum ut te ipsum diligito*, recte facitis.” II, 8. coll. I, 27.

Paulus *σύνδεσμον* dixit *τῆς τελειότητος*. Coloss. III, 14: ubi: « qui fratris amans est, inquit, omnibus legis praeceptis obsecutus esse consetur, Rom. XIII, 8, 9, 10. Deus enim, qui ipse amor est, de hominum mutuo amore gaudio afficitur, Hebr. VI, 10. Praeterea caritas fraterna multa detegit peccata 1 Petr. IV, 8. Jac. V, 20. Paulus saepe indicat, se iudice, hanc, quasi votorum pro Christianis summam esse habendam, ut mutuo se invicem amore prosequantur, veluti Eph. IV, 2. Phil. I, 9. II, 2. Coloss. I, 4. 1 Thess. III, 12. et de incrementis caritatis Christianorum ad se perlatis, valde delectari. Eph. I, 15. 1 Thes. I, 5. II, 6. 2 Thess. I, 5. Phil. 4 et 5.

Variis autem modis caritatis officium expleri potest, sive ipso actu, ubi opus est, omnibus succurrendo, praesertim in rebus adversis, sive alia quacunque ratione, eorum votis et commodis inserviando, eos docendo, monendo, hortando, consolando et omnino in studiis verae religionis ad omnem vitae usum confirmando. Cerni inprimis debet in precibus, pro omnium et singulorum salute passim ad Deum fuis.

Ubivis in Sacris literis occurrunt precum pro aliorum salute pie et Deo probante fusarum exempla, tum in Vet. tum in N. T. Conf. Gen. XX, 7. Exod. VIII, 12. X, 18. 1 Sam. VII, 9. Jerem. XXIX, 7. Luc. XIII, 34. Act. X, 1. Eph. III, 14—19. Rom. X, 1.

Ejusmodi preces, ut ab ipso Servatore, ita etiam ab ejus Apostolis pro fratribus deprecationes commendantur. Matth. V, 44. coll. Luc. XX, 54. 1 Tim. II, 1. Rom. XII, 14. Eph. VI, 18—20.

His vero monitis et mandatis locus Joanneus videri possit repugnare. Tam graviter peccari posse indicat, ut nolit pro iis, qui talia flagitia commiserint, preces fundi. An igitur homo infelix, talium criminum reus, sibi met ipsi erat relinquendus? An nemini licitum erat, ei prodesse, ejusque animi salutem curare? Quomodo quaeso hoc monitum Joanneum, cum praeceptis Paulinis, et ipsius Jesu mandatis concilietur?

Nobis quidem ad quaestionem hanc, paulo difficiliorem, expediendam, animadvertenda videtur necessitas cautionis in judicio de precum usu adhibendae.

Negari nequit, Sacram Scripturam nos discrete monere, *περὶ πάντων* (1) preces esse fundendas, sed cave credas, monita illa, ita accipienda esse, ac si perinde esset, qualis sit illius animi conditio, in cujus gratiam preces fiant.

Quae in Vet. T. occurrunt exempla eorum, qui pro aliis intercederent, ut veniam obtinerent malefactorum, vulgo continent quoque mentionem sinceræ poenitentiae animique ad meliorem frugem redire cupientis. Cff. loca, Gen. XX, 7, 14, 17. Exod. XXXIII, 4—10. XXXIV, 6—9 seqq. 1 Sam. VII: 5—9. 1 Reg. XIX. 59—42. Ubi autem nulla adessent resipiscentiae documenta, ibi deprecationi non concedebatur locus.

Prophetæ subinde ab ipso Deo prohibiti sunt, quominus precibus intercederent pro gente Israëlita in peccando obdurata, idolorumque cultui prorsus dedita: cf. Jer. VII, 16. XI, 14, seqq. XIV, 11. XV, 1. Ezech. XIV, 13—21.

Similis fuit ratio precum, quas pii homines seriore aetate, veluti Apostoli, pro aliorum salute adhibuisse leguntur. Non sane perinde esse existimarunt, quomodo illi animati essent, in quorum gratiam preces funderent. Non utique tam officiosi erant pii Jesu asseclae erga eos, qui se a Deo Jesuque Christo alienos ostenderent. In gratiam vero credentium Joannes et Petrus optato successu precati esse leguntur, Act. VIII: 13—17, non item pro Simone Mago, qui non ex animo fidem profiteretur, et improbo consilio Apostolorum opem et intercessionem apud Deum impetrare cuperet, vid. ibid. c. 18—24. Paulus ipse, qui saepe Christianorum invocatur deprecationes, (Rom. XV, 30. Eph. VI, 19. Coloss. IV, 3. 2 Thess. III, 1.) ad recti conscientiam, atque ardorem provocat, quo erat incensus, et quo adeo se honeste ipsis commen-

da-

(1) Πάντων, tamen notio non premenda est. 1 Tim. II, 6. Nam πάντες saepe, sicuti Col. I, 23 non omnes omnino, sive omnes et singulos, sed omnis generis homines denotat. Ita et loco allato 1 Tim. II, 6, accipi, contextus docet. Conf. comm. 7, seqq.

daret. Conf. Act. XV, 26, 33—35. XXIII, 1. Col. III, 10; 12. Idem graviter obtestatur Scriptor ad Hebraeos Hebr. XIII, 18.

Hinc fortasse repetendum est, quod pro coetibus Ephesiorum, Philippensium, Colossensium, Thessalonicensium tam saepe preces fundere et gratias Deo agere soleret Paulus, quod rarius fecit pro Corinthiis, ne semel quidem pro Galatiis (1). Nequaquam vero hinc concludendum est, haudquaquam licitas esse preces pro indignis, et vero religionis sensu haud imbutis. Ipse Jesus non tantum hoc permisit, ut etiam salutem indignorum et adversariorum optemus, diserte monuit inimicis quoque benefaciendum, et pro iis precandum esse, et suo exemplo nobis praeivit, Luc. XIX, 41, 42. XXIII, 34.

Paulus quoque declarat, se nunquam non ardentem preces fundere pro gente Israelitica, rei Christianae et Christianis quam maxime inimica, Rom. X, 1. Et universale exstat ejusdem hae de re monitum, ibid. XII, 19—21. Servator vero, etsi benevolentiae nostrae erga inimicos documentum esse voluit propensionem ad condonandum, Matth. VI, 14, 15, requisivit tamen eorumdem erga nos, in melius conversa studia Luc. XVII, 3, 4. Et quo erga eos, qui male agendo perseverarent, esset animo, demonstravit exemplo posito Judae proditoris Matth. XXVI, 24. Et hic denuo usu venit comparatio eorum, quae Ananiae et Sapphirae evenerunt Act. V, 1—10. Profecto preces, quas pro aliis fundimus, nullum omnino effectum ipsis habere possunt salutarem, nisi ipsi ardore flagrent, ea consequendi, quae a Deo petantur (2).

Jam igitur, si quis Christianis se adjunxerit, at vel sic tamen Christiana professione prorsus indigna peccata commiserit, ut mortem, quam Deus comminatus sit, efugere nequeat, et divinas omnes admonitiones, quibus ad Deum et Christum revocatur, spernat, et irrideat, neque divina effata, de sorte futura eorum, qui ipsum deserant, plane non curet, atque ita ad interitum suum aeternum, facile est intellectu omnes pro istiusmodi homine preces prorsus esse frustraneas, quippe qui ob scelera patrata, nullum persequentis dolorem, neque ad resipiscantiam perducere posse videatur. Quae cum ita sint, praeceptis de omnibus diligendis hominibus minime repugnare nobis videntur Joannis Apostoli dicta, *περὶ ἐκείνης οὐ λέγω ἵνα ἐρατήσῃ*. Medico utique nequaquam vitio verti potest, quod aegrotantem praeteriit intactumque relinquit, qui illo uti recusat medicamine, quo facilius citiusque sanitatem amissam recuperare posset.

Fateor quidem, me in praecedentibus hypothesin sumsisse, quae haud satis firmis niti videri possit fundamentis, videlicet fratrem intelligi, qui non solum peccatum ad mortem perpetraverit, verum etiam morte impendente et jam jam super-

ve-

(1) Cf. loca Eph. I, 16, 17, 18 seqq. III, 14, 20. Phil. I, 3, 4, 9. Col. I, 3, 9. coli. II, 5. 1 Thes. I, 2, 3. II, 13. 2 Thess. I, 3, 11, 13. cum 1 Cor. I, 4. 2 Cor. XIII, 7, 9.

(2) Cf. J. Hinlopen, Vervolg van overdenkingen p. 102, 130.

ventura, nondum ad resipiscentiam commoveri potuerit. Eodem verò jure, assumi posse censeo fratrem, terrore perculsum, fractum animo, vivido dolore affectum, animique angore dilaceratum de judicio futuro, quod super eo habiturus est summus ac sanctus Deus: illo igitur posito casu, moniti Joannei cum praeceptis alibi obviis, de omnibus diligendis hominibus reconciliandi, superesse videtur difficultas. Verum animadvertere liceat:

1°. Apostolum non praecipere, ut talem hominem odio prosequerentur Christiani, cui Deus, sive ad auctoritatem legum statutarum tuendam, sive ad religionis divinitus patefactae servandam dignitatem, tales, ac tantas poenas comminatus sit. Ejusmodi enim contemptus valde injustus esset, atque inhumanus; in multis omnes, quotquot Christiani dicuntur, a recta saepe via aberrant, et quicumque stat, videat, ne cadat. Tristia istorum fata alios absterreant, cum eadem vel similia immincant a recto tramite digressis Conf. Act. V, 15. 1 Cor. V, 52. Gal. VI, 1.

2°. Caritatis officiis satisfacere, nequaquam dici quis potest, qui eo sit animo inconstanti et imbecilli, ut aures praebet quibusvis desideriis, quae nefaria sunt existimanda: sicuti enim in amicitia primaria lex est sancienda, ut neque rogemus res turpes, nec faciamus rogati (1), sic etiam in caritatis officiis exsequendis, id inprimis tenendum est, ut a fratribus honesta petamus fratrumque causa honesta faciamus.

Suos ergo habet limites mandatum de intercessione, neque manat ea circumscriptio ex mentis humanae affectu, sed ex Dei, ut videtur consilio, et ipsa praecepti ratione. Divinis igitur ac sapientissimis consiliis resistere vel ea contemnere videtur, si nihilominus, quis Deum precetur, ut eo modo peccantibus veniam det, et effectus avertat, quos ex ipsa rei natura ejusmodi peccata post se trahant. cf. Marck. l. c.

Denique animadvertendum est, Joannem quidem monere, *περι έκκλης τῶ λέγων ἵνα ἱπω- τήσῃ*. « Pro isto peccato, non dico, ut quis intercedat, non opus censeo monere, « Deum precibus non adendum esse, ut Deus ea mala, quae ex lege divinitus statuta « istud peccatorum genus necessario consequantur, atque adeo mortem avertat.” Indicat ergo, ejus, qui hoc modo peccet, *salutem vitamque terrestrem* prorsus esse deperditam. Nequaquam inde concludi poterat, etiam *de salute aeterna* plane actum esse. Morbo laborat exitiali, acerbissimis corporis doloribus non minus, quam conscientiae angoribus vexatur, neque ignorat se propter turpissima flagitia mortis reum esse, gloriam Dei et Jesu Christi et sanctissimam Religionis causam supplicium illud postulare, nullam omnino superesse spem, fore, ut sanitas ei restituatur. Similis ejus conditio cogitari potest, ac malefici in carcere inclusi; judicis jam pronuntiata sententia, mors certissima expectanda est. Quis vero tam parum sit humanus, imo ab omni humanitatis sensu destitutus, qui homini infelici, denegare ausit pii monitoris et consolatoris alloquium, qui de rebus actis et instanti jam morte cum eo dis-

se-

(1) Cic. de Amic. cap. 12.

serat, qui gravitatem quidem delicti haud imminuat, sed ea tamen interponat, quae ad animum tranquillandum conducere possint, qui iustitiae quidem divinae ac sanctitatis rationes animadverti velit, simul tamen animum contristatum sublevare studeat, eique solatio, ex divinae gratiae magnitudine, et vi meritorum Christi petita afferre conetur eo consilio, ut ad poenitentiam et resipiscentiam commotus, animo non sereno quidem, neque tamen omni spe melioris postea consequendae sortis destituto, poenam statutam subeat. Ita etiam ei, qui commiserat *ἀμαρτίαν εἰς θάνατον*, quamquam intelligeret, poenam meritam haudquaquam averti posse, tamen roganti, hoc beneficium concedi poterat, ut quis eum adiret ex senioribus, qui ad bene et tranquille moriendum exhortaretur, et viam sic moriendi commonstraret; quam certe nemo Religionis doctor vere Christianus cuiquam serio poenitenti atque ad immensam Dei gratiam pie confugienti, praecluserit.

Lucem afferre possit collatio loci Paulini 1 Cor. V: 3—5. *Ἐγὼ μὲν γὰρ ὡς ἀπὸν τῷ σώματι, παρὼν δὲ τῷ πνεύματι, ἤδη κέκρικα ὡς παρὼν, τὸν οὕτω τοῦτο κατεργασάμενον. Ἐν τῷ ὄνματι τοῦ κυρίου ἡμῶν Ἰησοῦ χριστοῦ, (συναχθέντων ὑμῶν καὶ τοῦ ἐμοῦ πνεύματος), σὺν τῇ δυνάμει τοῦ κυρίου ἡμῶν Ἰησοῦ χριστοῦ παραδοῦναι τὸν τοιοῦτον τῷ σατανᾷ εἰς ὄλεθρον τῆς σαρκός, ἵνα τὸ πνεῦμα σωθῇ ἐν τῇ ἡμέρᾳ τοῦ κυρίου Ἰησοῦ;* ubi formula *παραδοῦναι τὸν τοιοῦτον τῷ σατανᾷ*, multis iudicibus interpretibus significari videntur morbi extraordinarii, quibus Christiani scelerum graviorum rei, singulari subinde Dei iudicio, affligebantur, et eo ipso, e coetu Christianorum removebantur (1). Id certe ex opposita mentione *σαρκός* et *πνεύματος* liquet, ejusmodi sequelas, criminum perpetratorum, atrocissimas intelligi, quibus corpus quidem graviter exercebatur, sed animus tamen salutem nancisci poterat *ἐν τῇ ἡμέρᾳ τοῦ κυρίου Ἰησοῦ*. cff. 2 Cor. X, 6. XIII, 2.

Quidquid hujus sit, monitum Joannis, nihil complecti, quod cum aliis praeceptis, de omnibus diligendis hominibus pugnet, et omnino haec in concordiam redigi posse, pro viribus ostendere conatus sum.

Qui autem hac in re, nobiscum minus consentiat, neque intelligi posse putet, quomodo haec cohaereant, caveat, ne Apostolum Joannem accuset, ut qui monitum daret cum caritatis praeceptis, minus bene conveniens; ille qui per totam vitam, nil nisi amorem Christi, et Christianorum erga se invicem, spirabat, qui morti proximus dixit: *« filioli, vos invicem diligatis: »* Penes me potius hujus animadversi defectus culpam esse statuerim, qui nondum eo sim profectus, ut in Joannis sensum animumque intime penetrare didicerim.

*Conamur tenues grandia.*

HORAT.

(1) Conf. Grotius, Ch. v. d. Palm, Violenius et Potius.

T A N T U M.

F





**HENRICI GULIELMI WAARDENBURG,**

**LINGENSIS,**

**MEDICINAE IN ACADEMIA LUGDUNO-BATAVA STUDIOSI.**

**COMMENTATIO**

**A D**

**QUAESTIONEM AB ORDINE DISCIPLINARUM MATHEMA-  
TICARUM ET PHYSICARUM, ACADEMIAE LUGDUNO-  
BATAVAE, EX HISTORIA NATURALI A. MDCCCXXVI  
PROPOSITAM:**

*Quaeritur Historia Naturalis animalium Molluscorum regno Belgico  
indigenorum.*

**QUAE PRAEMIUM REPORTAVIT D. VIII MENSIS FEBRUARII**

**A. MDCCCXXVII.**

[illegible]

1997, 1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 26

1972-2004

# COMMENTATIO

A. D.

## QUAESTIONEM ZOOLOGICAM.

---

### INTRODUCTIO.

Rerum naturae contemplatio non immerito laudari solet, cum ad delectandam animam cumque puriori voluptate perfundendum aptissima sit, et utilium quarumvis observationum fontem praebet inexhaustum. Dacimur etiam hoc studio ad quarumvis virtutum cultam ad bene beateque vivendum. Equidem hanc contemplationem et investigationem naturae unicam esse in his terris beatitudinem arbitror, summo bono veterum aequiparandam; mihiq; semper gratissima erit horarum, quas huic studio impendi, recordatio, dolore tamen, quod praeterlapsae sint, mixta quodammodo ac temperata.

Cum aliquot dies ante ferias quaestionem ex Historia Naturali studiosis propositam legerem, consilium cepi in conscribenda haec commentatione vires meas periclitandi; quo simul capto mihi orta est opportunitas, dilectissimis naturae studiis indulgendis iisque incumbendi toto animo. Proposita vero quaestio haec est:

« Quaeritur historia naturalis animalium Molluscorum regno Belgice indigenorum. »

Cui quonam modo, quonam ordine responderem diu incertus fui; tandem vero postquam varios historiae naturalis partis illius auctores pervolveram et post multam de rebus, quas legeram, cogitationem, mihi alienum non visum est, de Molluscis, quo melius indigenorum hujus classis animalium naturam habeamus perspectam, primo loco in genere dicere; dein de Molluscorum speciebus indigenis.

Primum igitur brevem dedi conspectum Anatomiae, Physiologiae, et vivendi rationis animalium Molluscorum, qui conspectus primum constituit caput. Brevissime quidem hoc caput est elaboratum; ad hanc vero brevitatem coactus sum ob parvum

temporis mihi concessi spatium, cum nullum nisi feriarum tempus huic opusculo impendere potui. Quod ad Anatomiam pertinet et Physiologiam praecipue quidem Cuvierii usus fui operibus, ob hujus viri in hac re magnam praestantiam, cujus etiam Molluscorum divisiones majores in secundo capite secutus sum, quia Anatomia fundamento nituntur. Ad finem Capitis Primi tabulam addidi Terminorum, quibus usus sum. In secundo dein capite, quae hujus classis animalium inveni indigena enumeravi, determinavi, additis locis, ubi inveniuntur: hoc in capite, quod ad subdivisiones pertinet, genera et species, primus mihi dux fuit Lamarckius, utpote qui plurimas annotavit species, easque secundum formam testae praecipue, neque minus accurate determinavit, Pfeifferus porro, alii. Omnes autem, quas enumeravi species, exceptis paucis mihi ab amicis allatis, ipse inveni et asterisco notavi, quas ut invenire possem varia itinera instituere debui, quae multum mihi temporis demerunt, quaeque si modo diutius continuare potuissem, frequentiora sane illa fuissent.

Hisce jam praemissis ad primam partem aggrediamur.



---

P A R S P R I M A.GENERALIS HISTORIA NATURALIS ANIMALIUM MOLLUSCORUM.

---

## §. 1.

*Definitio animalium Molluscorum.*

Skeleton nullum: corpus molle, valde contractile, non articulatum, pallio ut plurimum cinctum, dein aut testa tectum aut nudum. Medulla nervosa dispersa vel simplex vel nodosa. Respiratio per branchias sive externas sive internas aut per saecum pulmonalem. Os masticationi vel deglutioni tantum inservit.

## §. 2.

*Molluscorum divisio.*

Mollusca secundam Cuvierium dividuntur in sex classes, quae sunt:

I. *Cirripedes.*

Pallium corpus, branchias et viscera continens. Brachia plurima cornea, articulata. Systema nervosum articulatorum systemati analogum.

II. *Acephala.*

Os in fundo pallii, branchias et viscera continentis, reconditum. Pallium vel per totam longitudinem apertum est, vel ad utramque extremitatem vel ad unicam tantum.

III. *Gasterpoda.*

Reptant supra discum carnosum eorum ventris, nonnumquam, sed raro compressum, ut formam referat pinnae. Caput distinctum.

IV. *Brachipodes.*

Corpus pallio involutum. Os extus prodiens, duobus brachiis longis, carnosis, ciliatis, retractilibus cinctum.

V. *Pteropoda.*

Corpus non apertum. Brachia caput circumcingentia nulla, vel si adsunt, minima. Alae duae sive pinnae membranosae, ad latera colli sitae, supra quas saepe rete branchiale situm est.

VI. *Cephalopoda.*

Corpus in Cephalopodibus formae est sacci ab anteriore aperti, branchias continentis, unde caput prodit, satis evolutum, brachiis carnosis, fortibus, atque elongatis coronatum, ope horum brachiorum reptant, praedasque apprehendunt.

## §. 3.

*Motus.*

Motus in Molluscis certe non celeres esse possunt, quum vectibus carent articulatis solidisque, constant solummodo ex contractionibus in diversa directione et relaxationibus partium motui inservientium.

Sunt quae nullum fere motum exerunt et huc pertinent Cirripedes et Acephala nuda quae corporibus marinis adfixa vivunt; neque etiam Acephala nonnulla testacea alium exercent motum, nisi quod aperiunt et claudunt testae valvas; et hunc in finem musculos possident, utriusque valvae superficiei internae adfixos, dum si relaxantur hi muscoli valvae elasticitate substantiae cartilagineae ad cardinem sitae, cujusque ope valvae sunt junctae, aperiuntur. Cetera Acephala ope pedis corpus suum cum testa protrudunt; qui motus saltui similis est (1). Pede illo intelligitur corpus musculosum, compressum, inter quatuor branchias situm fundoque valvularum testae adfixum. A Mollusco extendi et retrahi potest hic pes.

In Gasteropodibus tota superficies inferior sive gastrica, quae carnea est, pes vocatur, cujus quippe contractionibus et extensionibus haec animalia repunt (2). Illa autem Gasteropoda quae testam habent praeterea possident musculum, qui superiori anfractui insertus, inde corpus Mollusci intrat et sub cute in duas finditur par-

(1.) Vid. Pfeiffer *Land- und Süßwasser Mollusken* pag. 29. §. 6. in 4to. Cassel 1823.

(2.) Eiunt haec contractiones atque extensiones modo undulatorio.

partes, quarum altera pars caput, altera caudam petit. Ex situ hujus muscoli facile intelligitur, quod ipsius contractione animal in testam retrahitur.

In Pteropodis membranae sunt alaeformes ad latera oris, quae fluitando magis quam quidem natando inservire videntur (3).

Ejusdem usus sunt brachia Cephalopodum, quibus etiam prorepunt et tunc caput inferiora versus, ceterum corpus versus superiora flectunt, quo in aequilibrio manent.

#### §. 4.

##### *Systema nervosum.*

Systema nervosum in Cirripedibus ex medulla constat nodosa; in ceteris autem Molluscis fibrae adsunt simplices et aesophagus, ut fere in omnibus invertebratis, annulo nerveo circumdatur, ab anteriore parte ex uno pluribusve gangliis (quae ganglia cerebri locum tenent) ortum ducens. A posteriore parte annuli una vel duae proveniunt fibrae, quae cum alterius extremitatis gangliis junctae sunt. Nonnumquam aliae adhuc fibrae e lateribus gangliorum annuli oriuntur pro habitu corporis diverso.

In acephalis cerebrum supra situm est: praeterea unum duove alia adsunt ganglia.

Gasteropoda aliud ganglion supra, aliud infra aesophagum habent, quae ambo fibris inter se juncta annulum circa aesophagum componunt. Ex inferiore ganglio quod superiore multo majus est, duo oriuntur rami primarii, et ad alteram corporis extremitatem procurrunt. Hae fibrae analogae sunt medullae ventris ceterorum invertebratorum. Habent Pteropoda cerebrum bilobatum supra originem aesophagi situm. Habent dein annulum, qui ex duobus constat gangliis fibris junctis, circa aesophagum, et fibras nonnullas juxta corporis longitudinem decurrentes.

Cephalopodum systema nervosum valde evolutum est. Posterior annuli pars cerebrum dicitur. Constat hoc cerebrum ex anteriore parte albida quadrangularem, cerebro, et ex posteriore parte grisea, rotunda, cerebello vertebratorum analoga. Ex hac massa nervosa fibrae ortum trahunt quae aesophagum ambiunt, dein nervos tribuunt omnibus corporis partibus.

#### §. 5.

(3) Vid. Lamarckium *Histoire Naturelle des Animaux sans vertèbres*. Tom. VII. p. 670, in 8vo. Paris 1818.



## §. 5.

*Sensus.*

## A. Tactus.

Multa inter Mollusca sunt quae nullo alio nisi tactus sensu gaudent. Inservit tactui vel tota superficies vel propria organa, quae in aliis alia sunt. Acephalorum testaceorum pallium ad marginem processuum rudimentis obsessum est, quae hisce animalibus fortasse uti tentacula sunt. Tactui etiam illorum pedem inservire, sunt, qui volunt.

Plurimis Gasteropodibus organa propria tactus sunt tentacula ad caput sita, numero varia. Nonnulla sunt quae praeter tentacula ad caput alia habent ad latera corporis.

Quae Cephalopoda habent brachia tum assumptioni alimentorum tum tactui inserviunt.

## B. Gustus.

Sunt Mollusca quae masticant alimenta, sunt etiam quae alimenta tantum deglutiunt; haec quod gustare non possint, nemo est qui dubitat; illis autem gustus adscribi potest tum propter totum habitum organorum masticationis, tum ob alias causas, quae jam sequuntur.

Et quamquam lingua Molluscorum huic sensui non inservire potest, eo non probatur, Mollusca hoc sensu omnino carere, uti adfirmat Rudolphi (4). Nam Rudolphi contra multa multorum experimenta positiva unum, quod ipse instituit negativum adfert, quod nempe palatum neque ulla alia pars corporis gustui inserviat praeter linguam; res igitur ulteriori examine eget.

Praeterea partes nonnullae vicariam functionem in animalibus exserere possunt, quam in homine non exercent; ita etiam hac de re judicat Treviranus, qui recte animadvertit: « Soviel ist aber wohl richtig, dass schon bey den Insecten der Geschmack und das Getast weit weniger verschiedene Sinne als bey höheren Thieren sind und bey den Mollusken und Würmern einander noch gleichartiger werden bis sie bey den Zoophyten zu einem einzigen allgemeinen Sinn sich vereinigen (5). »

## C. Olfactus.

Verosimile est hoc sensu carere Mollusca, quia nullum organon huic sensui destinatum in iis reperitur. Observarunt tamen helicem in testam suam retractam ex ea prodire, quando alimenta in ejus viciniis deponuntur; saepius idem experimentum

in-

(4) Vide Rudolphi Grundriss der Phys. B. II. §. 283, 248, in 8vo. Berolini 1803.

(5) Biologie VI Band, Seite 250.

## COMMENTATIO AD QUAESTIONEM ZOOLOGICAM.

9

institui sine ullo effectu. Fortasse cutis mucosa in Molluscis membranae Schaeide-  
rianæ locum tenet, ut scutissimus Cuvierius voluit.

### D. Auditus.

Inter omnia invertebrata non articulata sola Cephalopoda auditus organo instructa  
sunt, piscium auri analogo, simpliciore tamen.

Constat eorum auris ex cavitate prope cerebrum, sine meatu externo. Est in hac  
cavitate vesicula fluido quodam repleta, quæ a tenuissimis dependet fibris; in hac  
vesicula invenitur discus substantiæ calcareæ et supra illam nervus dispergitur au-  
ditorius (6).

### E. Visus.

Cirripedes, Acephala, Pteropoda et nonnulla Gasteropodum genera hoc sensu  
sunt destituta, dum in ceteris Gasteropodibus oculorum rudimenta inveniuntur, quæ  
vel immediate capiti insident vel brevibus pedunculis ad tentaculorum basia vel de-  
nique ipsi tentaculo, nunc in apice, nunc ad latera sita.

Fabrica oculi Gasteropodum fere ad ocellorum fabricam in Insectis accedit. Ocu-  
lus in his Molluscis præsertim constat e lente gelatinosa, antice tecta a cornea, pos-  
tice vero circumdata ab expansione nervi optici et lateraliter cincta pigmento colo-  
ris obscuri (7). Hæc fabrica repugnat omnino Rudolphi experimentis, secundum  
quæ sensum visus hisce Molluscis negares (8).

Cephalopoda oculis prædita sunt valde conspicuis, ad latera corporis positis. Non  
multum distant horum oculi ab iis animalium vertebratorum; in omnibus fere con-  
veniunt; quod carent pellucida cornea, camera anteriore, et humore aquoso, ex eo  
explicari potest, quod inutiles sunt hæc partes animalibus aquatilibus: mirandum ve-  
ro quod veram choroideam non habeant (9).

## §. 6.

### *Digestio et nutritio*

#### *a. Assumptio alimentorum.*

Plurima Mollusca alimenta ore assumunt; nonnulla Acephala Testacea per tubum;  
Cephalopoda tandem in finem hunc brachiis suis utuntur, quæ præterea aliis etiam  
usibus ipsis inserviunt, ut vidimus §. 5. ad finem et §. 5. l. A. ad finem.

b.

(6) Vid. Starp. Abat. Disq. de Auditu et Olfactu p. 6. Mediolæ 1795. in fol.

(7) Vid. Stöbel in Meckel's Arch. für die Phys. V. Band. Seite 296.

(8) Vid. Rudolphi Phys. Iter B. S. 156 seq.

(9) Vid. Cuvier's Mémoire sur les Céphalopodes p. 41. Paris 1817. in 4to.

### 3. Os et tubus intestinalis.

Oris situs ejusque structura in aliis alia est. Cirripedes in testa sua ita sunt locati ut caput ad inferiora et os ad fundum sita sint. Hi maxillas habent transversales, dentatas.

In Acephalis os simplex est et membranaceum in fundo aut etiam inter plicas pallii latens.

Pteropodum os carnosum magis est et inter tubercula duo, quae in capite sunt, situm est. Forma ejus est triangularis.

Pauca sunt inter Gasteropoda quae os habent simplex; plurima enim vel rostro gaudent vel ore trilabiato ad triturationem comparato.

Observatur in Cephalopodibus os formae singularis, rostro Peittaci simile et quidem inversa ratione ita ut maxilla, quae in Peittaco est superior alteramque involvit, in hisce sit inferior. Substantia, ex qua constat, est cornea. Quod ad linguam Molluscorum, quae in genere omnibus competit Gasteropodibus Cephalopodibusque cum ex substantia constat cartilaginea, haec deglutitioni tantum et triturationi inservire potest.

In Cirripedibus aesophagus satis longus est, abit in ventriculum et inde productus canalis intestinalis brevis ano terminatur, sub branchia sinistra extus hians.

In Acephalis os cito in ventriculum abit, qui aliquando duplex est; longitudo tubi intestinalis in diversis generibus differt. Anus ad partem corporis ori adversam est situs.

Gasteropoda omnia aesophagum habent, unum pluresve ventriculos et intestina ejusdem vel diversae dimensionis saepe multis gyris contorta. Anus semper prope organa respirationis ad latus dextrum ad marginem pallii hiat.

Pteropodum aesophagus in nonnullis habet dilatationem, in aliis non habet. Ventriculus atque intestina simplicia sunt. Anus uti in Cirripedibus sub branchia sinistra situs est ibique extus hiat.

In Cephalopodibus tres sunt ventriculi, quorum primus, in quem abit, aesophagus, et cujus potius dilatatio dicendus est, comparari potest cum ingluvie avium; secundus ventriculus multum convenit cum structura ventriculi avium; Tertius dein ventriculus in spiram contortus, ac habet ut intestina in Squidis, interna scilicet ejus superficies lamella prominula obducta est. Cetera intestina simplicia sunt neque longa; terminantur infundibulo, in quo item organa generationis, respirationis et vesica atramentum continens terminantur. Infundibulum illud infra brachia ad collum situm est.

### c. Glandulae salivales. Hepar.

De hisce organis seorsum tractari potest, quia in omnibus fere Molluscis prae caeteris organis evoluta sunt.

Glan-

Glandulae salivales in omnibus inveniuntur Molluscis, acephalis exceptis et cirripedibus. Situs earum est vel in ore vel etiam ad ventriculum. Hi aut in genere tubo communi in ore.

In Pteropodibus, Gasteropodibus duae sunt, in Cephalopodibus quatuor, quarum duae superiores utraque canali excretorio in aesophago hiant.

Hepar in omnibus Molluscis magni est voluminis et in pluribus majorem partem tubi intestinalis involvit.

In Cirripedibus substantia glandulosa ventriculum ambiens hepar constituit.

Acephala magnum possident hepar et per poros bilis in ventriculum immittitur.

Gasteropodum hepar magnum est, in multos locos divisum, interdum in plures massas distinctum, canalem excretorium quamque suum habentes. Hi lobi cum intestinorum convolutionibus juncti sunt, eos involventibus quibusque ope telae cellulosae communis adhaerescant.

Pteropoda item magnam habent hepar ventriculum et intestina involvens.

Cephalopodum hepar cum aesophago, glandulis salivalibus inferioribus tunica continetur membranacea. Horum hepar duos habet canales excretorios in ventriculo tertio hiantes.

Notatu dignum, quod Molluscorum hepar sanguinem accipit non venosum ex venis viscerum abdominalium, sed arterialem ex aorta.

Liene carent uti omnia invertebrata.

Non sine jure quaeri potest, num Mollusca etiam renes habeant, quorum praesentiam experimenta Jacobsonii probare videntur, qui in fluido secreto ab organo quodam secundum aliorum anat. et Phys. sententiam calcem secernente acidum unicum. Huic sententiae prodest quod ad finem tubi intestinalis hoc organon situm est: deinde quod animal illud fluidum secernit sine eo, ut aliquid de eo retineat.

Idem est organon, quod in Gasteropodibus purpuram secernit, in Cephalopodibus atramentum.

Quamquam etiam hoc organon reus proprie dici nequeat, tamen organon est haec analogum.

#### d. Assimulatio.

Hucusque vasa lymphatica in Molluscis non invenire potuerunt Anatomici, videntur assimilatio ergo perfici sine illis, chylusque a vasibus absorberi post transsudationem ex parietibus intestinorum.

### §. 7.

#### Circulatio.

In Cirripedibus cor nondum observaverunt. Cetera Mollusca omnia cor habent,

ad minimum ex uno ventriculo, ventriculo sinistro vertebratorum analogo et ex auricula constans. Accipit illud cor non nisi sanguinem arteriorum quem per arterias ad omnes partes corporis ducit, unde per venas statim ad branchias revehitur. Mutatus ibi aëre atmospherico si in hoc medio vivunt, aut si in aqua degunt eo immixtus, per venas branchiales ad cor reducitur.

Acephalorum testaceorum cor in dorso situm in genere unicum est, quod sanguinem arteriosum accipit ex organis respirationis. Quatuor juxta basin branchiarum decurrentes ex corde oriuntur arteriae et quatuor venae sanguinem venosum reducunt ad organa respirationis (10).

In Gasteropodibus cor eodem modo sese habet ac in Acephalis; situm est in fundo cavitatis pulmonalis. — Aorta vero differt, et in genere triplex est.

Venae omnes terminantur duabus venis cavis, inde sanguis ad organa respirationis ducitur. Eadem est circulatio in Pteropodibus.

Cephalopoda tria possident corda separata sine auriculis, duo lateralia venosa, unum intermedium aorticum, ex quo oritur aorta duaeque arteriolae.

Venae omnes concurrunt, ut duas venas cavas constituent, quae cordibus lateralibus terminantur, hinc sanguis ad branchias vehitur, a quibus ad cor arteriosum ducitur.

Pericardium in plerisque Molluscis observatum est.

Cor semper ibi invenitur ubi organa respirationis sunt sita; dextrorsum si in dextro latere hujus functionis officina est, sinistrorsum vero, si in sinistro.

Sanguinis color est albus, excepto genere Teredinum, in quo rubellum esse notavit Home, qua in re Teredines ad annulata accedunt.

## §. 8.

### *Respiratio.*

Quod ad organa respirationis attinet, magna est differentia in diversis Molluscis. Sunt alia sacco pulmonali, alia branchiis externis, alia denique internis praedita. Mollusca terrestria saccum pulmonalem habent et aërem respirant athmosp.; multa etiam aquatilia, quae hanc ob causam ad superficiem aquae aërem athmosp. respirant. Cetera aquatilia branchias habent, quarum situs in aliis aliis est.

Cirripedes branchias habent extra abdomen sub pallio adfixas. Respiratio in his, ut in omnibus branchiis praeditis, perficitur adfluxu aquae.

In-

(10) Est haec descriptio a Cuvierio desumpta; postea vero, ubi sermo erit de respiratione ob nexum hujus functionis et circulationis, pauca monebimus de observationibus et sententia Bojani, qui in hisce a Cuvierio valde differt.

Inveniuntur in Acephalis testaceis quatuor lamellae inter laminae pallii; ad utrumque latus inter pedem et pallii laminam duae tales lamellae sunt sitae; has, lamellas Cuvier branchias dixit. Bojanus vero qui huic Anatomiae comparatae parti magnam operam dedit, aliud invenit organon, quod respirationis esse credit suamque sententiam exponit sequenti modo; « Est, inquit, inter branchias internas et pedem ab utraque latere foraminulum, quod in cavitatem ducit;” atque a Bojano cella respirationis vocatur; propius ad pedem aliud est foraminulum, ad oviductum ducens; dein inter dorsum branchiarum et cor ductus situs est venosus, in quem multae venae sanguinem immittunt. In cella illa, de qua supra monui, corpus invenitur vasculare, quod Bojanus proprium organon habet respirationis. Transit per hoc corpus ductus venosus, et sic sanguis, quod in ductu venoso est, ad corpus illud vasculare facile pervenit. Major pars autem sanguinis venosi ad branchias atque inde ad cor velitur,

Accipit ductus venosus duos rames primarios. Ex hoc ductu venoso corpora vascularia multa accipiunt vascula, praeterea rami ex pallio ad ipse decurrunt.

Ex hisce liquet, quod plurimae venae partim immediate, partim mediate ad corpora illa perveniunt vascularia, ex quibus tria vasa immediate sanguinem ad cor ducunt, quod unicum atque ergo arteriosum est; quod corpora illa vascularia, quoad structuram, optime pulmonum functioni inservire possunt; structura enim est vascularis, dein facile corpora illa aqua circumdari possunt, quae per foramen extus inter pedem et lamellas internas hians intrare potest (11).

Habent branchiae illae sive lamellae quatuor, praeterquam quod respirationi inserviunt, aliam adhuc functionem: ora scilicet in altero horum evolutionis stadio in illis reconduntur. Quem in finem multa loculamenta adsunt: duplex illa functio ejusdem organi in nullo Mollusco huc usque quidem observata est.

Tempus ergo doceat num illa organa, quae Bojanus detexit, vera sint organa respirationis.

Gasteropoda multa sacco gaudent pulmonali, qui extus foramine contractili hiat. Saccus ille pulmonalis est cavitas quaedam; ab interiore ad lateras reti vasculari est obsessa. Alia Gasteropoda branchias habent, quae in diversis generibus forma differunt: in plurimis tamen duas formant series; laminarum transversalium.

Possident Pteropoda duas alas, quae inter caput et ceterum corpus animalis corpori nectuntur. Hae alae ipsis fluitando inserviunt, uti vidimus §. 3, et praeterea branchiarum locum tenere videntur, quum primo microscopii ope rete refert vascula.

(11) Bojanus Sendschreiben an Cuvier etc. 1818 mit abbildungen.

lare, subtile, et valde regulare, deinde nexus adest inter has alas, vasa interiora et cor.

In Cephalopodibus utraque branchia e duabus componitur phalangibus paginarum branchialium, quae a parte superiore pedunculorum ope ligamento carnosio suspensae haerent; inter ligamentum illud et pedunculos decurrunt, arteria branchialis, arteria branchica, vena branchica, nervus branchialis: inter extremos omnium paginarum decurrit vena branchialis. Ad utriusque branchiae basin cor situm est venosum sine laterale.

Saccus in quo branchiae continentur aperitur in infundibulo, de quo infundibulo jam locuti sumus §. 6. l. b. ad finem.

Videtur aqua etiam agere posse in sanguinem venis majoribus contentum, quippe quae materie circumdantur glandulosa: haec materies enim sacco involvitur cujus apertura hiat prope branchias.

Mollusca in genere in aëre vivere possunt valde impuro. Multa eorum partem anni in torpore degunt; phaenomenon quod cum somno hyemali quorundam aliorum animalium comparandum.

#### §. 9.

##### *Organa secretoria.*

Inveniuntur praeter glandulas salivales et hepares, praeter organon illud, quod Jacobson et Blainville cum rene comparaverunt, dein praeter glandulas quae ad generationem suam conferunt, alia adhuc organa varias materias secretantia.

Huc primo loco quidem pertinent, quae in Gasteropodibus terrestribus juxta, cor sita est glandula, quae mucilaginem secernit. Prodit haec mucilago ex cavitate respirationis.

Dein in multis aliis Gasteropodibus et praecipue quidem in Muricibus atque Aplysiis sub pallii margine glandulae quaedam sunt posita: materiem, quae purpura dicitur, secermentes.

Tertio Reaumur, Swammerdam, et Spallanzani in multis Molluscis grana invenerunt calcarea, quae verosimile glandulis seceruntur. Hoc fortasse periodicum quid est, quum secerni creduntur illa grana, antequam coehlea magnitudine augetur, et tunc analoge haec secretio est periodicae lapidum calcareorum secretioni in cancro, quae lapides post excretionem resorbentur. Hoc phaenomenon tamen quoque morbosum esse potest semper, ita ut praecipitatio calcis post secretionem succi, ex quo conchyliae formantur, ut dein videbimus, ad superficiem corporis locum habeat.

Quarto denique huc etiam referri potest bursa Cephalopodum in qua atramentum

seceratur. Sita est haec bursa prope testiculos in sexu masculino, in foeminino prope ovaria. De hoc atramento dein.

## §. 10.

*Generatio.*

Haec functio quantopere in diversis Molluscis differat ex tabula sequenti liquet:

- I. Hermaphroditismus absque copulatione. Individua se ipsa foecundant:
  - Cirripedes, Acephala, Scytibranchiata,
  - Cyclobranchiata.
  - \* Sola propagatio per germina in Ascidiis compositis.
- II. Hermaphroditismus cum copulatione:
  - a. Copulatio duorum individuorum:
    - Plurima Pulmonatia, Nudibranchiata,
    - Inferobranchiata, Tectibranchiata.
    - \* Quodvis individuum se ipsum foecundat, durante, copulatione, ut:
      - Aplysia, Dolabella, Bulla aperta, Onchidium, Pteropoda.
  - β. Copulatio trium pluriumve individuorum:
    - Lymnaea.
- III. Sexus diversus et copulatio:
  - Pectinibranchiata.
  - \* Apti ad parturiendum etiam absque copulatione praecessa? ut:
    - Paludina, Vivipara.
- IV. Sexus diversus absque copulatione. Foecundatio ovorum in aqua depositorum, consperso semine:
  - Cephalopoda.

Hac etiam in re perfectissima Mollusca ad pisces accedunt, quibus idem est generationis modus.

Cirripedes duplex habent ovarium et duplicem oviductum, quorum parietes liquorem secerunt. Oviductus in tubo intestinali prope anum hiat.

Nullum invenitur organorum masculinorum vestigium in Acephalis, nudis hinc eorum ova, quae inter saccum branchias continentem et tunicam branchiis propriam sunt observata, germina sunt habenda. Parietes autem intestini substantia obducuntur glandulosa, quae verosimiliter liquorem quemdam secernit. Animadvertit Quvierius, illum liquorem fortasse inservire ovis ejusdem individui foecundandis.

Ace-



Acephalorum testaceorum organa generationis sunt: ovarium, oviductus et branchiae.

Ovarium, quod inferiorem implet abdominis partem, ovorum continet germina, quae in secundo evolutionis stadio per oviductum in branchiae transeunt. Hae branchiae ab interiore duos habent parietes in multa loculamenta, in quibus ova reconduntur, divisos. Ova evoluta per eundem oviductum qui ad anum ducit, deponuntur (12).

Gasteropoda vel diversi sunt sexus, vel Hermaphrodita sunt; haec aut ad coitum apta aut non apta sunt. In omnibus invenitur vesica cujus tubus excretorius in ovario hiat, et materiem continet, quae verosimiliter incrustationi inservit ovorum.

Cyclobranchiata et Scutibranchiata organa masculina non habent. In Cyclobranchiatis ovarium sub hepate situm est et ab ovario oriens oviductus prope anum extus hiat; in scutibranchiatis pro parte in hepatis substantia reconditum est; cetera sese habent uti in Cyclobranchiatis.

Eodem modo organa foeminina in pectinibranchiatis, quae diversi sunt sexus, se habent; mares ex hocce ordine testiculum habent eo in loco situm, ubi ovarium situm est in sexu foeminino. Dein vas deferens a testiculo ad penem decurrit, qui uti in omnibus Gasteropodibus prope anum collocatus est. In Paludina vero penis foramen tentaculi dextri penetrat; et apertura uteri inferiora versus hiat.

Tectibranchiata hermaphrodita sunt, et habent omnia uterum in hepate reconditum. Ab utero proveniens oviductus bursa communis terminatur. Haec bursa prope anum sita facile prolabi potest, quod fit, quando haec Mollusca coitum ineunt, ita ut penis extus prodeat. Testiculus vulgo ovario ope telae cellosae adhaeret; et vas deferens oviductui: vas deferens penem intrat, qui in bursa est situs.

Eodem modo organa generationis constituta sunt in Inferobranchiatis et Nudibranchiatis.

In Gasteropodibus hermaphroditis coitum ineuntibus penes se invicem decussare debent, quia penis magis infra, vagina magis supra est collocata (13).

Observatum est praeter organa supra memorata aliud insuper organon in Gasteropodibus terrestribus, scilicet corpus quoddam formam hastae exhibens, substantiae corneae ad basin, spongiosae adversus apicem; cum pene vaginam intrat et post coitum dilabitur, deinceps regeneratur. Videtur itaque generationi illud organon esse necessarium.

Jam paucis absolvamus, quae de generationis organis Pteropodum animadvertenda sunt, quae in hisce cum Gasteropodibus plurimis multum conveniunt. Sunt Hermaphro-

(12.) Vide de hac re egregia observata G. Pfeifferi Land- und Süsswasser Mollusken. 4to p. 8; et Tab. I, locum.

(13.) Vld. Swammerdamii Bibliam Naturae Vol. II. Tab. 3, Figura 6. in fol. Leidae 1737.

phrodita, eorumque ovarium et testiculus vasis obvolvuntur, et tela cellulosa; oviductus ab ovario ad testiculum decurrit, inde ortum vas deferens in bursa parva terminatur, quae ad collum hiat. Ad finem vasis deferentis Cuvierius penem invenisse se credit. Prope bursam illam alia invenitur, vesicae Gasteropodum plurimorum analoga.

Jam autem ad Cephalopoda pervenimus, quorum propagandi modus a ceterorum Molluscorum quam maxime differt; atque hac in re ad pisces accedunt.

Sunt enim diversi sexus atque ova ab individuis femininis in aqua deposita a masculinis individuis adperso semine foecundantur. In utroque organa generationis intra peritoneum sita eadem loca occupant.

In sexu masculino invenitur testiculus cum vase deferente, quod in vesiculam abit seminali analogam; inde glandulam prostratae analogam penetrat et tandem in penem abit. Situs est penis ad latus sinistrum ani ibique vesica quoque hiat. In sexu feminino ovarium est, in duos abiens oviductus, qui, quo tempore ova deponunt haec Mollusca, turgescunt materiemque secernunt, qua sine dubio ova incrementantur.

Sunt plurima Mollusca ovipara, nonnulla tantum vivipara, ut Paludina vivipara, in cujus utero multi Mollusca juniora invenerunt.

Ova illorum semper substantia quaedam sunt obducta; sic ova Molluscorum Aquatiliū in genere mucilagine involvuntur, cujus ope ingens copia eorum cohaeret formaeque diversa prodit. Terrestrium Molluscorum ova crusta obducta sunt calcarea, neque alia quadam substantia cohaerent.

Haec quidem suffecerint de Molluscorum generatione in genere; non tamen possum, quin paucis moneam, quae tam accurate observavit C. G. Carus de evolutione *Lymnaeae stagnalis*. Quae cum ad generalia non pertineant, seorsum sequenti paragrapho exponam. Huc fere ejus observationes redeunt.

#### §. 11.

##### *Cari observationes de evolutione Lymnaeae stagnalis.*

Ovulum ex crusta constat, albumine et vitello, quod e granulis componitur. Vitellum quarto et quinto die jam in duas separatur partes, quarum altera cujus grana propius ad se invicem sunt compacta, deinde fit caput. Die nono cor jam animadvertitur.

Primis diebus globulus vitelli in albumine quiescit; quarto autem die lentum et irregularem motum incipit rotatorium, cumque eodem tempore caput in globulo discerni possit, motus ille sequenti modo describi potest.

Fingatur axis hujus globuli, qui in directione inter caput et hepar globulum secat,

C

cir-

circum illum axin jam volvitur globulus; ita quidem ut pars, quae hepar continet, in directione versus caput volvatur.

Vocavit Carus hunc motum cosmicum, quia dependet a conditionibus cosmicis, quae sunt lux, anni tempestas, caloricum, electricitas et magnetismus.

Habet globulus ille etiam motum procedentem atque ellipsin describit aut circum-

Duodecimo vel decimo et tertio die rotatio ad caput desinit, dum rotatio ad hepar pergit; et hinc anfractus oriuntur, qui dextri sunt, quia hepar dextrum est. Organa enim assimilationis sinistrorsum posita sunt, secretionis dextrorsum.

Sunt etiam conchyilia quorum anfractus sinistri sunt, inversi igitur. quod ab inversa dependet rotatione. Item in homine aliquando organa interna inversa sunt, ut cor ad dextrum latus, etc.

Cordis pulsatio die octavo observatur. Respiratio nulla est, quamdiu animal in ovo est, et mucilago illud ambit.

Die vicesimo sexto ad octavum, quippe quo tempore animal libere in aqua fluctuat, bulla aërea per testem pellucidam observatur; tum quoque excrementa excerni incipiunt; uti etiam in foetu humano feces et urina excernuntur, postquam ille aërem respirare incepit.

Motus animalis ratione inversa efficitur ad motum Cosmicum: hic enim quando minui incipit sensimque desinit, ille incipit, idque die duodecimo. Simili modo plantas motus cosmicos habentes a luce, calórico, humiditate ortos, cum vero animalium voluntario motu prorsus careant.

#### §. 12.

#### *Reproductio.*

Uti in aliis multis animalibus, sic etiam in Molluscis vis reproductiva magna est; tentacula, v. g. abscissa facile reproducuntur. Hanc autem tantam esse existimavit Spallanzani, ut vel eorum capita abscissa reproduci contenderet. Nuper vero cum multi de hac Spallanzanii sententia dubitabant, praeparata Spallanzanii in spiritu vini conservata examinerunt, quo examine reperierunt, incisionem, qua Spallanzanius se caput abscidisse putabat, cerebrum aut primum nervorum ganglion non laedissee; erat enim intra caput, et os cicatrix adhuc conspicua, itaque non caput abscissum, sed os tantum reproductum erat.

## §. 15.

*Vitae genus.*

Vivunt plurima Mollusca in aquis, nonnulla in terra, atque in universum omnia diu sine alimentis degere possunt.

Cirripedes omnes in mari, fluviis, ceterisque aquis non stagnantibus, saxis, conchis, lignis, lapidibusque adfixi vivunt; insecta et aqua sine dubio iis sunt alimentis; eodem loco quo nascuntur, etiam moriuntur.

Acephala in aquis omnis generis reperiuntur. Acephala nuda in quadam societate quidem vivunt, ita ut in uno eodemque loco magna saepe eorum inveniatur copia; aliis corporibus fere semper adfixa sunt.

Testacea Acephala quando quiescunt partem testae, quae anum continet, terrae impressam habent, dum reliqua major pars aqua circumdatur. Vidimus jam §. 3. quomodo se moveant. Sunt vero alia, quae filorum ope aliis adhaerent corporibus; alia denique quae in lapidibus cavitates terebrant, in quibus vivant. Ad Acephalorum alimenta pertinent aqua et quae ipsi insunt substantiae animales. Continuo aquam insugunt (quae in testaceis acephalis aperta testa sponte intrat) iterumque expellunt. Hujus aquae affluxu branchiae et pallium allantur. Durante tempestate frigida sub arena vel limo recondita sunt, sine eo ut in torpore degant quemadmodum Gasteropoda. Haec animalia aliis etiam cibo sunt; Aquila haliaëtus cum vi testas eorum, dulcibus in aquis viventium, frangit, eoque quidem loco, quo situs est musculus a Pfeiffero humeralis dictus, qua ex re omnes Mollusco adimuntur vires.

Gasteropoda et in aquis et in terra reperiuntur. Magnus eorum est numerus. Quae in aquis vivunt ad fundum vel ad plantas reptant: Nonnulla facultatem possident fluitandi, idque ea quae sacco instructa sunt pulmonali; haec enim ad superficiem aquae aërem atmosphaericum respirare debent, quo fluitando perveniunt. Gasteropoda terrestria loca inhabitant umbrosa, nemora, ruinas, et cetera; inveniuntur etiam ad ripas aquarum, in viis, arboribusque; sed hoc vespertino, nocturno et matutino tantum tempore, quo e latibulis suis prodeunt: sunt enim nocturna haec Mollusca, quae vespere vel etiam interdiu si pluviae ceciderint, alimentorum quaerendorum causa latibula sua reliquant et mane redeunt.

Tempore hiemali plurima eorum torpent, qui torpor incipit autumno mensibus Septembris et Octobris, tumque minores terrae cavitates petunt, sub lichenibus, frondibus, vel ad radices arborum, ibique in testas retracta, postquam hujus aperturam operculo calcareo quodam clauserunt, quo a frigore, nimia humiditate atque hostibus se tuta reddant, remanent donec, certo calores gradu redeunte, torpor desinat, vere nempe mensibus Aprilis et Maji. Caloris enim diversi gradus multum conferunt ad

statum illum torpidum magis minusve diuturnum reddendum. Operculum de quo supra monuimus, primum fluidum est a pallio secretum, quod deinde aëre durescit.

Gasteropoda Aquatilia nutriuntur partim substantiis vegetabilibus, partim animalibus, cui observationi Lamarckius suam superstruxit divisionem Trachelipodum in Phytiphaga et Zoöphaga.

Gasteropoda terrestria delectantur solis vegetabilibus et praesertim lichenibus et fructibus, ut referunt auctores; saepius tamen observavi, limaces mortua Molluscorum corpora valde ligurire, quam ob rem substantiae animales quoque inter horum alimenta numerari posse videntur.

Pteropoda, Mollusca parva, exiguo numero nota sunt. Vivunt in mari, in quo, ope lamellarum alaeformium, quae ad latera oris sunt sitae vel in aliis sub pallio adfixae, singulari modo fluitant. Non autem hae lamellae sufficiunt, quibus prorepere possint, uti hoc locum habet in Cephalopodibus: verosimiliter aqua et insecta iis sunt alimentis.

Cephalopoda omnia in mari vivunt; ope brachiorum, quae ad collum sunt sita prorepunt, atque eo quidem modo, ut caput inferiora versus et cetera corporis pars, brachiis posterior, superiora versus vertatur: saepe ad sicca loca veniunt, praeterea etiam aliquomodo natare possunt; sunt autem inter illa alia, quae ob brevitatem brachiorum semper fere ad fundum maris et in saxorum sinubus remanent: sunt partim nuda, partim testacea. Peculiare quoddam notandum est in Cephalopodibus; atramentum intelligo, quod secernitur in bursa quadam hepate cincta, atque reni (14) aliorum Molluscorum analogia dicta; canalis excretorius hujus bursae in infundibulo hiat. Hoc atramento ambientem aquam obscurant, ne ab hostibus ipsos persequentibus conspiciantur. Praeparatur ex illo atramento exsiccato pigmentum nigrum, atramentum Sinense dictum. Inter ea sunt, quae magnas habent vires praesertim in brachiis; hinc natatores saepe in periculo versantur, quia Sepia loligo eorum pedem amplectitur, quo motum iis aufert. Solum regnum animale alimenta iis praebet; praecipue nutriuntur cancris, araneis, aliis; praedas branchiis compressas tenent et sic iis potiuntur, dum rostris suis durissimas diffingunt testas. — Ceterum alia Mollusca in quovis climate vivere possunt, alia vero arctioribus circumscripta limitibus, ut v. g. Acephala nuda.

§. 14.

(14) Vid. observata Jacobsonii et Blainvillii in Meckel's Archiv für die Phys. etc.

## §. 14.

*De Molluscorum testis, eorum formatione diversoque colore.*

Plurima quidem Mollusca testa teguntur, quae majori ex parte constat ex carbonate calcis. Minime igitur testae Molluscorum cum ossibus sunt comparandae; praeterea ossa formantur depositione phosphatis calcis in cartilagine, dum formatio testarum fit condensatione secreti cujusdam liquoris. Sunt enim Mollusca quorum testa constat ex lamella sub pallio sita; haec quocunque examinetur numquam nexum aliquem monstrat cum partibus mollioribus, ex quo patet, illam non intus susceptione, verum condensatione effusi cujusdam liquoris formari. Dein sunt, quae testa praedita sunt externa; neque de hac dubitare possumus, quin eodem modo formetur, si attendimus ad sequens experimentum a Reaumuro institutum: testam Mollusci foramine perforavit; jam si ejus formatio eodem modo quo ossa locum haberet, nova substantia primum ad foraminis margines proditura fuisset, quod autem non accidit. Sed foramen ab omni parte simul clausum est. Dein in alia nexum inter superficiem animalis et foramen corio subtili interposito sustulit; cujus effectus fuit, ut foramen non clauderetur, sed lamella calcarea ad internam corii superficiem produceretur. Ex quo liquet, formationem illam exsudatione liquoris cujusdam fieri, neque intus-susceptione (15). Praeterea si juniorem cum adultiore comparemus testam, anfractus superiores sive primos in utraque ejusdem esse magnitudinis et formae, observamus. Dein semper novus margo antiquo margini additur, et structura testae lamellaris est; quae omnia rem satis probant; sunt tamen qui hanc sententiam infringere conati sunt, atque eo quidem fundamento, quod muscoli, quibus acephala testacea testas suas claudunt, in adultioribus a cardine magis distant, quam in junioribus, atque ita testae intus-susceptione crescere debent. Quae autem oppositio facile refelli potest, si observationem Reaumurii in mentem revocemus (16), scilicet dicentis, muscoli crescente Mollusco anteriorem partem continuo anfractibus recentioribus accrescere, moriente parte posteriore.

Haec de formatione ex nostro quidem proposito suffecerint, pauca tantum de diversis testarum coloribus eorumque causis monenda videntur. Sunt praecipue glandulae, sub margine pallii sitae, quae pigmentum secernunt, cumque primum semper formetur lamella externa testarum, deinde interna glandulaeque illae, crescente Mol-

(15) Plura experimenta hujus generis annotavit A. F. Schweigger Handbuch der Naturgeschichte der Skelettlosen ungegliederten Thiere, §. 255—257. pag. 672—684. Leipzig 1820. in 8vo.

(16) Vide ejus opus Eclaircissements de quelques difficultés sur la formation et l'accroissement des coquilles, in Mém. de l'Acad. pour l'année 1716.

Mollusco, ab antiquioribus semper removeantur anfractibus fit, ut externa tantum lamella coloretur, dum interna albida manet. Dein diversi colores a diverso, quem glandulae in quaque specie induunt, caractere, atque a diversa earundem positione pendent. Multum porro huc conferunt lux et calor, ita ut quae in locis umbrosis vivunt Mollusca, vel ad fundum maris, testes habeant minus distincte pictas. Simile quid obtinet in conchyliis regionum frigidiorum, neque aliter sese res habet in ceteris animalibus; colores varios et vividos praesertim in iis observamus, quae in zona torrida reperiuntur.

## §. 15.

*Expositio terminorum quorundam in hocce opusculo adhibendorum.*

Conchylia sive testas vocamus corpora formae diversissimae, cretacea, plus minusve tenuia, dura, nitide fragilia, facile conservanda, quaeque continuo cuti animalis cujusdam adhaerent.

Sunt conchylia vel univalva quorum testa ex una constat parte et nonnumquam cum parte accessoria; vel bivalva, quorum testa ex duabus constat partibus et praeterea saepe adest pars quaedam accessoria; vel multivalva; haec ex pluribus constant partibus.

Testae in genere sunt vel terrestres, vel fluviatiles; vel marinae, ex diversis, quibus degunt locis.

Quod ad mobilitatem pertinet et immobilitatem testa dicitur:

*Libera* cum aliis corporibus non adfixa est, neque ullum fert adhaesionis indicium.

*Adfixa* quando ope substantiae ipsius sui corporis vel testae aliis corporibus adhaeret.

*Adhaerens*, cum ope intermediarii cujusdam aliis adhaeret corporibus.

Quod ad structuram pertinet testa dicitur:

*Solida* cum tota testa ictui satis valido resistit.

*Fragilis*.

*Crassa*, si non tota testa, sed valvae ictui satis valido resistunt.

*Compacta*.

*Tenuis*.

*Papyracea*, si majorem etiam tenuitatis gradum testa habet.

*Hyalina* ab ὑαλινός, vitreus, pellucidus.

*Diaphana*, idem sed minori gradu, a διαφάνεια.

*Foliacea*, quando laminae quae testam componunt, minime sunt compactae.

Quod

Quod ad compositionem chemicam adtinet, testa dicitur:

*Membranacea*, quando testa maximam partem ex substantia constat mucosa.

Quod ad colorem pertinet:

*Alba*, *fulva* etc.

Quod ad dispositionem colorum attinet, dicitur:

*Fasciata*, quando fasciae alius coloris, quam est fundi color, superficiem testae ornant.

*Radiata*, idem, nempe quando locum habet in bivalvis, ut praecedens in univalvis.

#### *Univalva.*

Horum testa, quod ad formam generalem attinet, dicitur:

*Discoidea*, quae disci habet formam.

*Fusiformis*, quae in medio tumescit et versus ambas extremitates cuspidata est.

*Spirivalvis*, quae formatur sui ipsius involutione.

*Dextrorsa*, cujus anfractus respectu apicis, versus observatorem directi, dextrorsum decurrunt.

*Sinistrorsa*, cujus anfractus sinistrorsum volvuntur.

Cetera, quippe quae notiora sunt, ut *carinata*, *convoluta*, *elongata*, *orbicularis*, *oblonga* cet. non memoro.

*Apex* est illa pars testae, ubi incipit formatio; est testae initium.

*Basis* est pars apici opposita, quae plus minusve oblique dorso Mollusci incumbit.

*Spira*, est tota illa pars, quae formatur circumvolutione conii spiralis, quae dicitur:

*Depressa*, quando anfractus conjuncti superficiem planam formant.

*Esserta*, quae valde longa neque ampla est, et cetera. —

*Anfractus*, vocantur spirae circumvolutiones, qui sunt:

*Lamellati*, qui tenuibus lamellis transversis circumdantur.

*Contrarii*, sive sinistri qui sinistrorsum volvuntur, etc. —

*Sutura*, quando anfractus plus minusve convexi profunditate quadam sunt distincti, haec profunditas sutura dicitur.

*Striae*, sunt parvae lineae profundiusculae, quae dicuntur:

*Longitudinales*, quando ab apice ad labrum decurrunt.

*Transversae*, quando respectu totius testae transverse decurrunt, etc.

*Sulci*, sunt parvae lineae profundae, dicuntur:

*Obsoleti*, quando fere disparuerunt, etc.

*Radii*, sunt parvae lineae prominulae.

*Costae*, sunt lineae crassae, prominulae respectu totius testae transversales.



*Varices*, sunt lineae prominulae, transversae, respectu anfractuum, productae a marginibus crassis antiquae aperturae inque anfractibus spirae conservatis.

*Tubercula*, sunt eminentiae plus minusve elevatae.

*Columellae*, anfractus spirae aut transversaliter et verticaliter sese tangentes aut non tangentes, in medio testae conum quemdam formant, cujus apex in apice testae est; hicce conus columella vocatur.

*Umbilicus*, quando anfractus spirae sese non tangunt, intra columellam cavitas quaedam relinquitur, umbilicus dicta.

*Apertura*, est testae introitus.

*Cauda*, est productio plus minusve longa columellae cum labro laterali.

*Brevis*, cujus longitudo ultimo anfractui non aequat.

*Labrum* est margo aperturae vel ultimi anfractus et formatur conjunctione superficiali externae testae cum interna.

*Columellare* seu *internum*, quod ad columellam situm est.

*Laterale* seu *externum*, columellari labro oppositum.

*Acutum*, quod tenue est neque aetate crassius fit; etc.

*Faux* est omne id, quod per aperturam intra testam conspici potest, ultimi nempe semi-anfractus interna superficies.

*Operculum* est illa pars vel calcaria vel cornea, qua Molluscum suae testae aperturam claudit.

### *Bivalva.*

Partes ex quibus testa bivalva constat valvae seu conchae vocantur.

*Valva dextra* dicitur quae ad dextram est Mollusci.

*Valva sinistra*, quae ad sinistram est Mollusci.

Margo valvarum, quae ad dorsum Mollusci sita est, *dorsalis* est, quae ad ventrem *ventralis*.

Testa bivalvorum dicitur:

*Aequivalvis*, quando valvae perfecte aequales sunt.

*Inaequivalvis*, quando valvae inaequales sunt.

*Aequilatera*, si anterior pars cujusque valvae aequalis est parti posteriori; *inaequilatera*, si inaequalis.

*Apex*, est in bivalvis idem ac in univalvis, ea nempe pars, ubi incipit testae formatio (crochet apud Lamarckium).

*Tissura*, adest ab anteriore apicis parte, depressio quaedam satis longa, fissura dicta (vulva apud Linnaeum).

*Nates*, dicuntur illae partes, quae prope apicem sitae, connexae sunt et maxime prominent, qui sunt:

*De-*

*Decorticati*, quum epidermis detrita est.

*Labia*, sunt partes testae ad marginem ventralem.

*Nymphae*, formantur lamina paullum prominula, elongata, cui adnectum est ligamentum; dicuntur:

*Prominulae*, si lamina illa extus prominet.

*Pubes*, quando fissura cum omnibus suis partibus ovali spatio comprehenditur: illud spatium versus anteriora situm atque utrisque valvis formatum pubes vocatur. Est:

*Carinata*, quando formatur carina prominula.

*Umbo*, dicitur ceterae superficiei utriusque valvae pars maxime convexa.

*Impressio muscularis*, dicitur illa pars in interna valvae superficiei, quae fere semper magis plana est, et in quibus striae observantur concentricae, lucidae. Sunt hae partes vestigia, ubi annecti fuerint muscoli, adductores dicti (17).

*Ligamentum*, est illa pars cornea, elastica, quae utramque valvam ad marginem dorsalem conjungit (hymen Linnaei), quod dicitur:

*Externum*, quod extus conspicitur.

*Internum*, quod intra valvas situm est.

*Posticum*, quod post apicem situm est.

*Cardo*, est dispositio peculiaris, eminentiarum et cavitatum, in utraque valva sese invicem includentium.

*Lamina cardinalis*, vocatur illa pars cardinis, quae dentes sive eminentias fert.

*Dentes*; hoc nomine insignantur eminentiae cardinis.

*Dens cardinalis*, est qui immediate sub apice situs et primarius est.

*Dens lateralis*, est qui magis ab apice versus latus distans minoris quam cardinalis est momenti.

*Fovea* et *sinus* sunt cardinis cavitates, quae dentes recondunt; dicitur:

*Cardinalis*, quae dentem cardinalem recondit.

*Periphaerea* est summae omnium marginum.

### *Multivalva* (Cirripedes).

Horum testa dicitur:

*Adfixa*, quae aliis corporibus est adfixa.

*Gregalis*, quando species quaedam testarum hujus generis magno semper numero in eodem loco aggregatur; quacvis earum testa gregalis dicitur.

*Aper-*

(17) Secundum numerum harum impressionum Lamarckius suas conchiferas divisit in *monomyaria*, quae in utraque valva unam habent impressionem muscularem, et in *diomyaria*, quae duas habent.

*Apertura*, vid. pag. 24.

*Operculi valvae*, constant in multis Cirripedibus operculum ex pluribus partibus, valvae dictis.

*Sulci*, vid. pag. 23.

*Radii*, vid. eandem pag.

*Brachia*, sunt partes corporis Cirripedis, ad caput sitae, cirrisque obsessae, quas saepe inter valvas operculi extendit.

### *Cephalopoda.*

*Brachia*, sunt partes carnosae, longae, quae caput Cephalopodum circumdant, quibusque ut pedibus et brachiis utuntur.

*Cotyledones* sunt parvi globuli excavati, carnosi, quae vox a *κοτυλήδων* derivanda; quibus Cephalopodum brachia magna copia obsessa sunt.

*Alae*, dicuntur lamellae membranosae ad latera vaginae, quae Cephalopodum corpus continet.

## P A R S S E C U N D A.

### I. *Cirripedes.*

#### 1. *Sessiles.*

**BALANUS**, corpus sessile, testâ operculata inclusum, brachia numerosa, biseriata, inaequalia, articulata, ciliata, cirris gemellis pedunculo impositis composita, extra operculum exsertilia, os non prominulum: maxillis quatuor transversis dentatus; praeterea appendicibus quatuor hirsutis palpos simulantibus.

Testa sessilis, adfixa, univalvis, conica, apice truncata: fundo lamellâ testaceâ adhaerente clauso. Apertura subtrigona aut elliptica. Operculum internum, quadri-valve; valvis mobilibus, prope basin internam testae insertis.

\* *Balanus sulcatus*. Testa gregalis, albida, incurvata, longitudinaliter sulcata transverse striata; Sulci irregulares. Pars dorsalis gibbosa.

*Zeepuist*. *Bayer Natuarkundige Uitspanningen* Tab. XII. Fig. 7—10.

*Le-*

*Lepas Balanus*. Linnaeus Systema Naturae pag. 1107. — Chemnitz Conchyl. Tom. VIII. p. 501. Tab. 97. Fig. 820.

*Balanus sulcatus*. Lamarekii Species II. Tom. V. p. 390.

Habitat mare.

Plaats. Aan het strand, op steenen, palen en schelpdieren, bij den hoek van Holland, en aan de Helder.

\* *Balanus ovularis*. Testa gregalis, conica, ventricosa, truncata, alba, vel subrubra, laevis; radii laevissimi; operculi valvae subacutae tenues.

*Lepas Balanoides*. Linnaeus Syst. Nat. pag. 1108. — Chemnitz Conchyl. Tom. VIII. Tab. 97. fig. 824.

*Balanus ovularis*. Lamarckii Spec. VIII. Tom. V. p. 392.

Habitat aquas marinas et dulces.

Pl. Aan de kusten, op schelpdieren, in de rivieren, op steenen en hout, aan den hoek van Holland en in den Rhijn bij Leyden.

*Balanus Miser*. Testa gregalis, brevis, truncata; sulcata. Sulci plurimi ad basin praesertim. — Margines valvarum operculi dorsali et ovalium, ubi hi sese recipiunt, dentati.

Chemnitz Conchyl. Tom. VIII. Tab. 97. fig. 821. — Encyclopédie Pl. 164. fig. 4.

*Balanus Miser*. Lam. Spec. IX. Tom. V. p. 392.

Habitat mare.

Pl. Op de steenen der zeeeringen aan de Helder in Noordholland, en bij Huisduinen op palen in de zee staande.

## 2. *Pedunculati*.

*ANATIFA*. Corpus testa obtectum, pedunculo tubuloso, tendineoque impositum. Brachia tentacularia, numerosa, longa, inaequalia, articulata, ciliata, sub corporis apice hinc exsertilia.

Testa lateralibus compressa, quinquevalvis: valvae contiguae, inaequales; laterum inferiores majores.

\* *Anatifa laevis*. Testa compressa, sublaevis, radiis obsoletissimis, sulcis laevibus cum marginae parallelis. Tubus elongatus, pedunculatus.

*Lepas Anatifera*. Linn. Syst. Nat. p. 1109. — Chemnitz Conchyl. Tom. VIII. Tab. 100. fig. 853. — Encyclopédie Pl. 166. fig. 1.

*Anatifa laevis*. Lamarck. Tom. V. p. 404. Sp. I.

Habitat mare.

Plaats: aan de Helder, aan de bodems der schepen uit de Oostindiën komende.

II. *Acephala*.1. *Nuda*.

**ASCIDIA.** Corpus bitunicatum, corporibus marinis basi adfixum; tunica exterior subcoriacea, sacculum irregularem, ovatum, vel cylindraceum, superne foraminibus duobus inaequalibus, apertum, efformans: foramine altero humiliore.

Tunica interior vel propria, corporis recondens partes, cavitatem integram, sacculi non implens; ad margines foraminum sacculi extremitatibus duabus.

*Ascidia ampulla.* Corpus ovatum, tomentosum; orificia tubulosa, margine punctata.

*Ascidium.* Baster Natuurk. Uitsp. p. 84. Tab. 10. fig. 5, a. b. c. d.

*Ascidia ampulla.* Lam. Tom. V. pag. 124.

Habitat mare.

Pl. Aan de sluizen in vele streken van Zeeland.

2. *Testaceae*.Ordo Primus. *Dimyaria*.

Duo ad minimum musculi quorum ope testa clauditur, horum musculorum impressiones observantur prope extremitates utriusque valvae.

Sectio I. *Crassipedes*.

Pallium antrorsum perfecte aut pro parte clausum; pes crassus posticus; testa clausa, versus latera hians.

1. *Tubicolla*.

Testa aut tubulo testaceo a valvis distincto contenta aut incrustata sive partim in tubuli pariete, aut extus prominens.

**TEREDO.** Animal praelongum, vermiforme, tubo testaceo vestitum, lignum terens; antice tubulos duos breves exserens, corporaque duo operculifera lateribus tubulorum adhaerentia; postice musculum brevem testa bivalvi receptum et adfixum immittens.

Tubus testaceus, cylindricus, flexuosus, utraque extremitate pervius, a testa alienus, animal vestiens. Testa bivalvis, postica, extra tubum disposita.

Te-

*Teredo Navalis.* Antice palmulae duae, breves, simplices, callo operculiformi terminatae.

*Teredo Navalis.* Linn. Syst. Nat. p. 1267. — Encyclopédie Pl. 167. fig. 1-5. —

Houttuin, 16de Deel bladz. 592.

————— Lamarck. pag. 440. Sp. I. Tom. V.

Habitat mare.

Pl. In de bodems der schepen aan de Helder.

## 2. *Pholadaria.*

Testa absque vagina tubulosa, sive partibus munita accessoriis; distinctis a valvis, sive ab anteriore quam maxime hians.

PHOLAS. Animal testam bivalvem inhabitans; vagina tubulosa destitutum, tubulos duos coalitos, tegumento communi saepe vestitos, antica exserens; postice pedem vel musculus brevem crassimum apice retusum emittens.

Testa bivalvis, aequivalvis, transversa, utroque latere hians; accessoriis partibus testaceis, variis supra vel infra cardinem adjunctis. Margo inferior aut posterior valvarum superne reflexus.

*Pholas dactylus.* Testa elongata antice angusto-rostrata; costis anticis dentato-muricatis. Latus posticum, apice rotundatum, porrectum.

*Pholas dactylus.* Linn. Syst. Nat. p. 1110. — Chemnitz Conchyl. Tom. VIII.

Tab. 101. fig. 859. — Encyclopédie Tab. 168. fig. 2-4.

————— Lam. pag. 444. Sp. I. Tom. V.

Habitat mare et rupes ad mare sitas.

Pl. Aan het strand bij Huisduinen en Zandvoort in Noordholland.

\* *Pholas crispata.* Testa ovalis parte posteriori rotundiusculo-truncata, hiansissima, crispato-striata. Sulcus a vertice decurrens unicus, submedianus.

*Pholas crispata.* Linn. Syst. Nat. p. 1111. — Chemnitz. Tom. VIII. Tab. 102.

fig. 872-874. — Encyclopédie Tab. 169. fig. 5-7.

————— Lamarck. p. 445. Sp. VII. Tom. V.

Habitat mare.

Pl. Aan het strand bij Katwijk en Scheveningen.

## 3. *Solanacea.*

Testa transversim elongata absque partibus accessoriis ad extremitates tantum hians. Ligamentum externum.

SOLEN. Testa bivalvis, aequivalvis, transversim elongata, utroque latere hians; natibus minimis, saepe vix perspicuis.

..Dentes cardinales parvi, numero variables, intendum nalli, raro divaricati, in foveas rarius intrantes. Ligamentum externum.

*Solen vagina.* Testa linearis, recta; extremitas altera marginata; cardines unidentati.

*Solen vagina.* Linn. Syst. Nat. p. 1113. — Lamarckius Hist. des animaux vertèbrés, Tom. V. pag. 451. Sp. L.

Habitat mare.

Plaats: Aan de Noordhollandsche kust.

\* *Solen siliqua.* Testa linearis, subrecta; cardo alter bidentatus.

*Solen siliqua.* Linn. Syst. Nat. p. 1113.

————— Lamarck. Hist. Nat. Tom. V. p. 451. Spec. IV.

Habitat mare.

Pl. Aan de Noordhollandsche kust bij Zandvoort.

\* *Solen ensis.* Testa subensiformis tenuis, subarcuata; cardo alter bidentatus.

*Solen ensis minor et angustior.* Varietas B. apud Lamarck. Hist. Nat. Tom. V. p. 425. Sp. V.

*Solen ensis.* Encyclopédie méthodique, Tab. 225. fig. 1, 2.

Habitat mare.

Pl. Aan de Noordhollandsche kust.

#### 4. *Myaria.*

Ligamentum internum. Dens unicus, latior et cochleariformis, sive in quaque valva, sive in una tantum, cui inseritur ligamentum. Testa hians ad ambas extremitates laterales, vel ad unam tantum.

*MYA.* Testa bivalvis, transversa, utrinque hians. Dens cardinalis unicus, magnus, dilatato-compressus, rotundatus, verticaliter prominens ad valvam sinistram. Fovea cardinalis in altera valva, ligamentum internum, denti prominulo foveaeque alterius valvae insertum.

\* *Mya truncata.* Testa ovata, ventricosa, postice truncata; cardinis dens retrorsum spectans rotundatus integerrimus.

*Mya truncata.* Linn. Syst. Nat. p. 1112. — Chemnitz Conchyl. Tom. VI.

Tab. 1. fig. 1, 2. — Encyclopédie, Tab. 229. fig. 2, a, b.

————— Lamarck. Hist. Nat. Tom. V. p. 461. Sp. L.

Habitat mare.

Pl. Aan het strand bij Scheveningen, aan de Helder en op Tessel.

\* *Mya arenaria.* Testa ovata, anterieus retundata; cardinis dente magno, cochleariformi denticulo laterali aucto.

Baster Natuurk. Uitsp. Pl. VII. fig. 1, 2, 3.

*Mya arenaria*. Linn. Syst. Nat. p. 1112. — Chemnitz Conchyl. Tom. VI.

Tab. 1. fig. 3, 4. — Encycl. Méth. Tab. 229. fig. 1, a, b.

————— Lamarck. Tom. V. p. 461. Sp. II.

Habitat mare.

Pl. Aan het strand bij Scheveningen, Katwijk, de Helder en op Tessel.

## Sectio II. *Tenuipedes*.

Pallii lamellae non aut fere non conjunctae sunt ab anteriore. Pes parvus, compressus. Latera saepius non multum patent.

### 1. *Macratia*.

Pes parvus, sed compressus, atque ad locomotionem aptus. Testa aequivalvis, saepius hians, ad extremitates laterales. Ligamentum internum, cum vel absque complicatione ligamenti externi.

LUTRARIA. Testa inaequilatera, transversim oblonga, vel rotundata, ad extremitates laterales hians. Cardo dente unico subcomplicato vel dentibus duobus: altero simplici cum fovea adjecta, deltoidea, obliqua, intus prominente. Dentes laterales nulli. Ligamentum internum, foveis adfixum.

\* *Lutraria compressa*. Testa planiscula, compressa, rotundato-trigona, squallida, transversim striata.

Encycl. Tab. 257. fig. 4.

*Lutraria compressa*. Lamarck. Tom. V. p. 469. Sp. IV.

Habitat mare.

Pl. Aan het strand bij ter Heide in Zuidholland, en bij Huisduinen in Noordholland.

MACTRA. Testa transversa, inaequilatera, subtrigona, ad latera paullisper hians; natibus prominentibus. Dens cardinalis in utraque valva compressus, plicato-canaliculatus, cum adjecta foveola intus prominula. Dentes laterales duo compressi, utrinque prope cardinem admoti, inserti. Ligamentum internum, foveolae cardinali insertum.

*Macra stultorum*. Testa ovato-trigona, laevis, subdiaphana, pallide fulva; radii albidi obsoleti; facies interna albido purpurascens.

*Macra stultorum*. Linn. Syst. N. p. 1126. — Chemnitz Conchyl. Tom. VI.

Tab. 23. fig. 224, 225. — Encycl. Tab. 256. fig. 2, a, b.

————— Lamarck. Tom. V. p. 474. Sp. VII.

Habitat mare.

Pl.



Pl. Aan het strand bij Katwijk en Scheveningen.

*Mactra solida*. Testa trigona, opaca, laeviuscula, subantiquata.

*Mactra solida*. Var. a. Lamarckii.

————— Var. b. Lamarckii.

Testa cingulis, olivaceis, fuscis, aut coeruleis picta.

Chemnitz Conch. Tom. VI. Tab. 23. fig. 229.

Habitat mare.

Pl. Aan het strand bij Zandvoort en ter Heide.

#### 4. *Nymphacea*.

Dentes duo cardinales, ad plurimum in eadem valva. Testa saepius subhians ad extremitates laterales; ligamentum externum. Nymphae in genere extus prominulae.

*TELLINA*. Testa transversa vel orbicularis, ut plurimum planulata; latus anticum, angulatum, margine inflexum, aut plicatura irregulari, flexuosa insignitum. Dens cardinalis unicus vel dentes cardinales duo in eadem valva. Dentes laterales duo, saepe remoti.

*Tellina tenuis*. Testa ovato-trigona, tenuis, planiuscula, tenuissime striata, rubella, vel alba: superne fasciae angustae, albicantes.

*Tellina tenuis*. Lamarck. Tom. V. p. 526. Sp. XXV.

Habitat mare.

Pl. Aan het strand van de Provincie Holland.

*Tellina solidula*. Testa orbiculato-trigona, connexa, postice subangulata, rubella, aut flavescens; fasciae concentricae, albae, rubrae aut flavae.

*Tellina solidula*. Lamarck. Tom. V. p. 543. Sp. LI.

Habitat mare.

Pl. Aan het strand bij Zandvoort.

*DONAX*. Testa transversa, aequivalvis, inaequilatera; latus anticum, brevissimum, obtusissimum. Dentes cardinales duo, vel in utraque valva, vel in altera: laterales unus sive duo, subremoti. Ligamentum externum, breve, posticum, ani loco insertum.

\* *Donax trunculus*. Testa ovato-trigona, anterieus subrotundata, radiis longitudinalibus, margine ventrali subtilissime dentato; extus ochracei coloris, intus albo purpurascens.

*Donax trunculus*. Linn. Syst. Nat. p. 1127. — Chemnitz Conchyl. Tom. VI. Tab. 26. fig. 253., 254.

————— Lamarck. Tom. V. p. 561. Sp. XXIV.

Habitat mare.

Pl. Aan het strand bij Zandvoort.

Sec-

Sectio III. *Lamellipedes.*

*Pes complanatus, lamelliformis, non posterior.*

1. *Conca.*

Ad minimum tres dentes cardinales in una valva, in altera dentium cardinalium idem vel minor numerus.

*Conca fluviatilis.*

Testa epidermide spuria tecta. Dentes laterales,

*CYCLAS.* Testa ovato-globosa, transversa, aequivalvis; natum umbonibus tumidis; cardo dentibus minimis, inter subnullis: modo duobus in utraque valva; uno complicato; modo dente unico subcomplicato, vel lobato in unica valva, et duobus in altera. Dentes laterales transversim elongati, compressi, lamelliformis. Ligamentum externum.

\* *Cyclas cornea.* Testa subglobosa, ventricosa, tenuis, tenerrime striata. Zona marginalis lutescens. Umbones obtusi.

*Tellina cornea.* Linn. Syst. Nat. p. 1120. — Chemnitz Conchyl. Tom. VI.

Tab. 13. fig. 153, a, b.

*Cyclas rivalis.* Draparnaud Histoire des Mollusques de la France, p. 129.

Pl. 10. fig. 4, 5.

*Cyclas cornea.* Lamarck. Tom. V. p. 559. Sp. II.

————— Pfeiffer Land- und Wasser-Schnecken, pag. 120. Tab. 5.

fig. 1, 2.

Habitat aquas dulces.

Pl. In de slooten bij Leyden, den Haag, enz. In de Provincie Groningen. (Initia Faunae Groninganae, p. 12, n<sup>o</sup>. 47).

\* *Cyclas lacustris.* Testa subrhombea, planiuscula, tenuis, substriata, subinaequilatera; umbones obtusiusculi;

Chemnitz Conch. Tom. VI. Tab. 13. fig. 135.

*Cyclas lacustris.* Drap. Hist. des Moll. p. 130. Tab. 10. fig. 6, 7.

————— Lamarck. Tom. V. p. 559. Sp. III.

————— Pfeiffer Land- und Wasser-Sc. pag. 122. Tab. 5. fig. 6, 7.

Habitat aquas dulces.

Pl. Bij Leyden, den Haag en Losduinen in Zuidholland.

\* *Cyclas calyculata.* Testa orbiculo-rhombea, subdepressa, tenuis, diaphana, albo-lutescens; nates protuberantes.

*Cyclas calyculata.* Drap. Hist. etc. p. 130. Tab. 10. fig. 14 et 15.

————— Lamarck. Tom. 5. p. 559. Sp. V.

————— Pfeiffer Land etc. p. 122. Tab. 5. fig. 17-18.

Habitat aquas dulces.

Pl. In slooten bij den Haag en Losduinen.

\* *Cyclas Nucleus.* Testa glabra, ventricosa, tenuis, tenerrime striata, formam exhibens nuclei cerasi, cornea; zona marginalis lutescens. Umbones obtusi.

Habitat aquas dulces.

Pl. In slooten om Leyden en Haarlem.

### *Conca marina.*

Dentes laterales nulli in plurimis; raro testa Epidermide tecta est.

CYTHEREA. Testa aequivalvis, inaequilatera, suborbicularis, trigona, vel transversa, cardo valvae dextrae dentibus quatuor, quorum tribus basi convergentibus et approximatis: unico-solitario, remotiusculo, sub avo. Cardo alterius valvae dentibus tribus divaricatis, basi approximatis cum fovea remotiuscula, margini parallela. Dentes laterales nulli.

*Cytherea Chione.* Testa ovato-cordata, laevis, fulva, subradiata; sulci transversa, obsoleti, anum versus sub lanceolata.

*Venus Chione.* Linn. Lamarck. S. N. p. 1131. — Chemnitz Conch. Tom. VI.

Tab. 32. fig. 343. — Encyc. Tab. 266. fig. 1. a, b.

*Cytherea Chione.* Tom. V. p. 566. Sp. XXII.

Habitat mare.

Pl. Aan de Kusten van Holland.

VENUS. Testa aequivalvis, inaequilatera, transversa vel suborbicularis, cardo dentibus tribus, omnibus approximatis in utraque valva; lateralibus apice divergentibus. Ligamentum externum nymphas labiaqua obtegens.

\* *Venus cingulatum.* Testa cordata, valde convexa, annulis transversis, arenatis, cincta; striis intermediis, tenuissimis; maculis fuscis, subradiatis.

An Chemnitz Conch. Tom. VI. Tab. 36. fig. 386?

*Venus cingulatum.* Lamarck. Tom. V. p. 590. Sp. XVII.

Habitat mare.

Pl. Aan het strand tusschen Katwijk en Wijk aan Zee.

### *Cardiacea.*

Dentes cardinales irregulares sive quod formam pertinet, sive ad situm, atque in genere uno aut duobus dentibus lateralibus comitati.

CAR.

**CARDIUM.** Testa aequivalvis subcordata; nates prominuli; valvae margine interno dentatae vel plicatae. Cardo in utraque valva dentibus quatuor: duobus cardinalibus approximatis, obliquis, mutua insectione sese cruciatim excipientibus; duobus lateribus remotis, insertis.

\* *Cardium echinatum.* Testa cordata, tumida, subaequilatera, Costae convexae, linea papillifera exaratae, Papillae subtubulosae, cochleariformes aut spatulatae.

*Cardium echinatum.* Linn. S. N. p. 1122.

————— Lamarck. Tom. VI. Pars I. p. 7. Sp. XII.

Habitat mare.

Pl. Aan het strand bij Zandvoort; bij Blankenberg in Zeeland.

\* *Cardium Serratum.* Testa obovata, inaequilatera, laeviuscula; sulci longitudinales, obsoleti, ad latus anticum nulli. Margo interior serratus.

*Cardium Serratum.* Linn. S. N. p. 1123. — Encycl. Tab. 299. fig. 2.

————— Lamarck. Tom. VI. P. I. p. 7. Sp. XIII.

Habitat mare.

Pl. Aan het strand bij Zandvoort.

\* *Cardium rusticum.* Testa subcordata, ventricosa, transversa, albida aut cinerea, superne antiquata. Costae viginti tres, transversim sulcatae. Latus anticum, subhians, intus livido fuscens.

*Cardium rusticum.* Lamarck. Tom. VI. P. I. p. 12. Sp. 50.

Habitat mare.

Pl. Aan het strand bij Katwijk.

\* *Cardium edule.* Testa rotundata, cordata, obliqua, subantiquata, sulci 26 transversim striati, superne posticeque crenati, subimbricati.

Chemnitz Conch. Tom. VI. Tab. 19. fig. 194. — Encycl. meth. Tab. 312, fig. 2.

*Cardium edule.* Lamarck. Tom. VI. P. I. p. 12. Sp. XXXI.

Habitat mare.

Pl. Aan het strand aan de Helder en bij Huisduinen.

### 5. *Najades.*

Conchylia fluviatilia. Cardo nunc uno dente cardinali irregulari instructus. Simpliciter vel diviso, unoque dente laterali, sub cardinem productus; nunc dente destitutus vel juxta ejus longitudinem tuberculis irregularibus, granulosis obsessus. Impressio muscularis postica, composita; umbones decorticati saepius erosi.

UNIO. Testa transversa, aequivalvis, inaequilatera, non adfixa. Nates decorticati, suberosi; impressio muscularis postica, composita. Cardo dentibus duobus in utraque valva, dens cardinalis unicus, brevis, irregularis, simplex, aut bipartitus,

substriatus, alter elongatus, compressus, lateralis, infra pubem productus. Ligamentum externum.

α. Dens cardinalis, brevis, crassus, non cretaceus et substriatus.

\* *Unio Margaritifera*. Testa elliptica, crassa, nigricans; nates subdepressi, decorticati; dente cardinali minuto, subconico, laterali nullo.

*Mya margaritifera*. Linn. S. N. p. 1112.

*Unio margaritifera, junior*. Draparnaud Hist. des Moll. Tab. 11. fig. 5.

*Unio elongata*. Lamarck. Tom. VI. p. 70. Sp. II?

*Unio margaritifera*. Land und Süsswasser. Schnecken Pfeifferi p. 160. Tab. V. fig. 11.

Habitat aquas fluviatiles.

Pl. In den Rhijn bij Utrecht, in de Brouwerskolk bij Haarlem.

β. Dens cardinalis brevis, compressus, relevatus, et saepius cretaceus.

\* *Unio rostrata*. Testa transversim elongata, postice attenuato-rostrata. Extremitas anterior subtruncata, nates rugosi, coinduti.

*Unio rostrata*. Lamarck. Tom. VI. P. I. p. 77. Sp. XXXI.

*Unio tumida*. Pfeiffer Land- und Süsswasser Mollusken Tab. VIII. fig. 1, 2.

Habitat fluviatiles aquas.

Pl. In den Rhijn en in de Lee bij Leyden.

\* *Unio pictorum*. Testa ovato-oblonga, posterius linguaeformis, anterieus rotundiuscula. Nates subverrucosi.

*Mya pictorum*. Linn. S. N. p. 1112. — Encycl. Tab. 248. fig. 4. — Sturm.

Fauna Abth. VI. Heft. 2. Tab. a, b, c.

*Unio Pictorum*. Lamarck. Tom. VI. P. I. p. 77. Sp. XXXII.

———— Pfeiffer Land- und Süsswasser Moll. Tab. 5. fig. 9, 10.

Habitat aquas fluviatiles.

Pl. In den Rhijn en in de Lee bij Leyden. In de beeken bij Münster in Zuidholland. In de Prov. Groningen. (Init. Faunae Gron. p. 12, n. 46.)

\* *Unio Batava*. Testa ovata, tumida, e viridi lutescens, radiata. Latus anticum, brevissimum, posticum oblique curvum, extremitate rotundatum.

Encycl. Tab. 248. fig. 5.

*Unio Pictorum Var. β* Drap. Hist. des Moll. p. 131. Planché XI. fig. 5.

*Unio Batava*. Lamarck. Tom. VI. P. I. p. 78. Sp. XXXIII.

———— Pfeiff. L. u. Wasser Schn. Tab. 5. fig. 14.

Habitat aquas fluviatiles.

Pl. In den Rhijn bij Leyden en in de Lek.

ANODONTA. Testa aequivalvis, inaequilatera, transversa. Cardo linearis, edentulus, Lamina cardinalis glabra, adnata, antice truncata aut sinu desinens, testae  
ban

Basin terminet. Impressiones musculares duae, remotae, laterales, subgemellae. Ligamentum lineare, externum, extremitate antica in sinu laminae cardinalis demissum.

\* *Anodonta cygnea*. Testa ovata, fragilis, antice dilatata, rotundata, sulci, transversi, inaequales. Nates retusi.

*Anodonta cygnea*. Lamarck. Tom. VI. P. I. p. 84. Sp. I.

Pfeiffer L. u. W. Schnecken p. 111. Tab. 6. fig. 4.

Habitat aquas dulces.

Pl. In de brouwerskolk bij Haarlem. In de Provincie Groningen. (Init. Fannae Gron. p. 12. n. 44).

\* *Anodonta intermedia*. Testa rhombo-ovata, tenuis, subradiata, antice brevis, rotundata, pubis elevata, compresso-carinata, nates retusi.

Chemnitz Conch. Tom. VIII. Tab. 86. fig. 763. — Encycl. Tab. 201. fig. 2.

*Anodonta intermedia*. Lamarck. Tom. VI. P. I. p. 86.

Pfeiffer L. u. W. Schnecken. pag. 110. Tab. VI. fig. 5.

Habitat aquas dulces.

Pl. In den Rhijn en de Lee bij Leyden. In de Brouwerskolk bij Haarlem.

\* *Anodonta anatina*. Testa ovato-oblonga, fragilis, antice rotundata, postice subangulata, transversim inaequaliter sulcata, striata. Nates retusi.

*Anodonta anatina*. Lamarck. Tom. VI. P. I. p. 85. Sp. II.

Habitat aquas dulces.

Pl. In de Provincie Groningen. (Init. Fannae Gron. p. 12. n. 45.)

\* *Anodonta ponderosa*. Testa elliptico-ovalis, ventricosa, crassa; anterieus et posterius rotundata, superne compressa, nates retusi. Laminae cardinalis sinus ampliatus.

Chemnitz Conch. Tom. VIII. Tab. 86. fig. 762.

*Anodonta ponderosa*. Pf. L. u. Sw. Moll. p. 51, Tab. 4. fig. 1—6.

Habitat aquas fluviatiles.

Pl. In den Rhijn en in de Lee bij Leyden.

\* *Anodonta Zellensis*. Testa elliptico-ovata, fragilis, ventricosa, transversim sulcata, anterieus rotundata, inferius submarginata, posterius linguaeformi producta, biangulato-subrhombica. Nates retusi.

Encycl. Tab. 202. fig. 1. a, b.

*Anodonta Sulcata*. Lamarck. Tom. VI. P. I. p. 85. Sp. III.

*Anodonta Zellensis*. Pfeiffer L. u. W. Schnecken. p. 110. Tab. 6. fig. 1.

Habitat aquas dulces.

Pl. In den Rhijn en in de Lee bij Leyden. In de Brouwerskolk bij Haarlem.

*Anodonta ventricosa*.

Ordo Secundus. *Monomyaria*.

Unus tantum musculus qui corpus perforare videtur.

2. *Mytilacea*.

Cardinis ligamentum subexternum, marginale, lineare, quam maxime integrum, magnam marginis anterioris partem occupans. Testa raro squamifera.

**MYTILUS.** Testa longitudinalis, aequivalvis, basi acuta, bysso saepius adfixa. Nates acuti, subrecti, terminales. Cardo lateralis, in plurimis edentulus. Ligamentum marginale, subinternum. Impressio muscularis elongata, clavata, sublateralis.

\* *Mytilus edulia*. Testa oblonga; posterius curva, compresso-angulata; anterieus retusa, versus basin tumidula; dentes subquaterni.

*Mossel*. Baster Nat. Uitsp. Tab. 12. fig. 9.

*Mytilus edulia*. Lamarck. Tom. VI. P. I. p. 126.

Habitat mare.

Pl. Tusschen de steenen der zeeveringen aan de Helder, Tessel, en aan de sluisen bij Katwijk.

\* *Mytilus incurvatus*. Testa incurvata, superne dilatata, oblique rotundata, depressa; nates acuti.

*Mytilus incurvatus*. Maton Transact. of the Linnean Society. Tom. VIII. p. 107. Tab. 3. fig. 7.

————— Lamarck. Tom. VI. P. I. p. 127.

Habitat mare.

Pl. Tusschen de steenen der zeeveringen aan de Helder, en aan het strand bij Huisduinen.

\* *Mytilus lineatus*. Testa oblongo-trigona, extrorsum, dilatata; lineolis impressis, variis et obliquis, strias transversas decussantibus, intus argentea.

Chemnitz Conch. Tom. VIII. Tab. 84. fig. 753. n. 1, 2. — Encycl. Méth. Tab. 218. fig. 4.

*Mytilus lineatus*. Lamarck. Tom. VI. P. I. p. 128. Sp. XXXIV.

Habitat aquas fluviatiles.

Pl. In het Haarlemmer-meer, in den Rhijn en in de Lee bij Leyden, op steenen en schelpdieren.

4. *Pectinides*.

Ligamentum internum, aut semiexternum. Testa in genere regularis, compacta, non foliacea quod ad densitatem.

**PECTEN.** Testa libera, regularis inaequivalvis, auriculata; margo inferus, trans-  
ver-

versus, rectus. Nates contigui. Cardo edentulus, foveola cardinalis penitus interna, trigona, ligamentum recipiens.

\* *Pecten Maximus*. Testa inaequivalvis, superne planulata; radiis rotundatis longitudinaliter striatis.

*Ostræ maximæ*. Linn. Syst. Nat. p. 1144. — Chemnitz Conch. Tom. VII.

Tab. 60. fig. 585. — Encycl. Tab. 209. fig. 1, a, b.

*Pecten maximus*. Lamarck. Tom. VI. P. I. p. 163. Sp. I.

Bl. Aan het strand bij Noordwijk aan Zee.

### 5. *Ostreacea*.

Ligamentum internum, aut semi-internum; testa irregularis, foliaceo-imbricata, nonnumquam papyracea.

OSTREA. Testa adhaerens, inaequivalvis, irregularis, nates extus disjuncti, subdivaricati, ætate inaequalissimi. Valva superior minor, sensim durante animalis vita ad anteriorem partem progrediens. Cardo edentulus. Ligamentum semi-internum, in valvarum fossula cardinali adfixum. Fossula valvæ inferioris ætate crescens, interdumque cum nate longitudinem maximam obtinens.

\* *Ostrea edulis*. Testa ovato-rotundata, basi subattenuata; membranae imbricatae, undulatae; valva superior plana.

*Oester*. Baster. Tab. VIII. fig. 1 — 9.

*Ostrea edulis*. Linn. Syst. Nat. p. 1184. — Chemnitz Conch. Tom. VIII.

Tab. 74. fig. 682. — Encycl. Tab. 184. fig. 7, 8.

————— Lamarck. Tom. VI. p. 203. P. I. Sp. I.

Habitat mare.

Bl. Op-de zeevingen aan de Helder en op Tessel.

\* *Ostrea hippopus*. Testa rotundata, magna, crassa; valva superior plana, lamellis transversis, creberrimis appressis.

*Ostrea hippopus*. Tom. VI. P. I. p. 203. Sp. II.

Habitat mare.

Bl. Aan de kusten van Noordholland en Tessel.

### III. *Gasteropoda*.

#### 1. *Tritoneæ*.

Branchiae externae supra pallium positae, sive ad dorsum sive ad ipsius latera. Respiant aquam.



**EOLIS.** Corpus oblongum, repens, postice attennato-acutum, supra convexiusculum, subtus planum, vel canaliculatum; velo nullo. Caput breve, tentaculis quatuor sive sex instructum. Branchiae exsertae, per laminas squamiformes, papillas aut cirros, in dorso seriatim dispositae. Orificia generationis et ani ad latus dextrum.

*Eolis Cuvierii.* Corpus subovatum; supra lamellis serialibus deorsum incumben-  
tibus; tentaculis sex.

*Doris.* Baster Nat. Uitsp. P. I. p. 81. Tab. 11. fig. 1.

*Limax papillosus.* Linn. Syst. Nat. p. 1082. — Encycl. Tab. 82. fig. 12.

*Eolis Cuvierii.* Lamarck. Tom. VI. P. I. p. 502. Sp. I.

Habitat mare.

Pl. Aan het zeewier op de kusten van Walcheren in Zeeland.

**TRITONIA.** Corpus ovato-oblongum, dorso convexum, repens; caput brevissimum, latum, sessile; tentaculis duobus retractilibus, simplicibus aut divisis. Branchiae dorsales, fasciculato-ramosae, dendroides, biordinatae; seriebus longitudinalibus. Orificia generationis et ani in latere dextro.

\* *Tritonia arborescens.* Corpus oblongum, tumidum, branchiae ramosae, distinctae utrinque quinae; posterioribus sensim minoribus; os quadrilamellosum.

*Hartshoorn gelijk getakt zeeslakje.* Bommen, Verhandeligen van het Zeeuwsch  
Genootschap te Vlissingen P. III. p. 518. fig. 1.

*Tritonia arborescens.* Lamarck. Tom. VI. P. I. p. 304. Sp. III.

Habitat mare.

Pl. Op het zeewier aan de kusten van Walcheren in Zeeland.

\* *Tritonia coronata.* Corpus lacteum, subtus hyalinum; papillis dorsi rubropunctatis, pyramidalibus, utrinque sex apice rubris.

*Het gekuifde of gekroonde zeeslakje.* Bomme Verh. enz. P. I. p. 394. fig.  
1, 2, 5.

*Tritonia coronata.* Lamarck. Tom. VI. P. I. p. 308. Sp. IV.

Habitat mare.

Pl. In het zeewier op de kusten van Walcheren.

**DORIS.** Corpus repens, interdum nataus, oblongum, modo planulatum, modo convexum aut subprismaticum, undique membrana cinctum; os anterius et subtus proboscidiforme. Tentacula quatuor duo supra corpus, antrorsum intra foramina aut tribus retractilia; alia duo ad os. Anus posterius in dorso; branchiae exsertae, lacumiato-fimbriatae stellatim anum cingentes; apertura generationis ad latus dextrum.

*Doris stellata.* Corpus ovale, convexiusculum, fuscenscens; supra tuberculis parvis rotundatis.

*Het*

*Het egelslakje met eene ster op de stuit.* Bomme Verh. P. III. p. 518. fig. 4.

*Doris stellata.* Lamarck. Tom. VI. P. I. p. 311.

Habitat mare.

Pl. Aan het zeewier aan de kusten van Walcheren.

#### 4. Calyptracea.

Branchiae in peculiari cavitate supra dorsum sitae prope collum et prominulae si-  
ve in cavitate illa tantum sive extus. Respirant aquam. Testa semper externa, ob-  
tegens.

ANCYLUS. Corpus repens, testa penitus tectum; tentacula duo compressa, sub-  
truncata, oculi ad basin internam. Pes brevis, ellipticus, corpore angustior.

Testa tenuis, oblique conica, apex acutus, posterius inflexus; apertura ovalis,  
margines simplicissimi.

\* *Ancylus lacustris.* Testa semi-ovata, membranacea; vertex subcentralis, aper-  
tura ovato-suboblonga.

*Patella lacustris.* Linn. Syst. Nat. p. 1266.

*Ancylus lacustris.* Drap. Tab. II. fig. 25 - 27.

————— Lamarck. Tom. VI. P. II. p. 27. Sp. I.

————— Sturm. Fauna Abth. VI. Hest. IV. Tab. 8.

————— Pfeiffer L. u. W. Schnecken, p. 109. Tab. 4. fig. 46.

Habitat aquas dulces.

Pl. Op de Nymphaea in de slooten bij Noordwijk binnen, Overveen, en Haarlem.

#### 7. Limacoidae.

Branchiae scandentes, sub forma retis fascicularis supra parietem cavitatis particu-  
laris, cujus apertura foramen est quod animal ex arbitrio contrahit vel dilatat. Re-  
spirant aërem atmosphericum.

LIMAX. Corpus oblongum, nudum, repens, dorso convexum, anterius Clypeo-  
ceriaceo, subrugoso, instructum, subtus disco longitudinali plano. Tentacula qua-  
tuor retractilia; duobus posticis majoribus apice oculiferis. Cavitas branchialis, in-  
fra clypeum, orificio latere dextro ano communi. Generationis orificium prope ten-  
tacula dextra.

*Limax rufus.* Corpus longitudinaliter sulcatum, supra rufum, subtus album.

*Limax rufus.* Linn. Syst. Nat. p. 1031. — Encycl. Tab. 84. fig. 3.

————— Drap. Tab. 9. fig. 6.

————— Lamarck. Tom. VI. P. II. Sp. I.

————— Sturm. Fauna Abth. VI. H. I.

Habitat loca nemorosa.

Pl. Voornamelijk op vailnis en maesthopen en in boschaadjen, bij Leyden, en in den Hortus aldaar.

\* *Limax agrestis*. Corpus albidum. Tentacula nigra. Pallium posteriore versus tumidum.

*Limax agrestis*. Linn. Syst. Nat. p. 1082.

————— Lamarck. Tom. VI. P. II. p. 50.

————— Sturm. Abth. VI. H. I.

Habitat hortos et agros.

Pl. In den hortus te Leyden, en bij Alkmaar.

\* *Limax ater*. Caput nigrum, rugosum. Pallium granulosum; margo pedis coloris aurei cum striis nigris.

*Cochlea agrestis vel viarum*. Swammerdam Tom. II. Bibliae Naturae. Tab. 9. fig. 1.

*Limax ater*. Linn. Syst. Nat. p. 1081.

————— Sturm. Fauna Abth. VI. H. I.

————— Drap. Tab. 9. fig. 4.

Habitat loca umbrosa.

Pl. Bijna overal; overvloedig rondom Leyden. In de Provincie Groningen. (Init. Faunae Iste vervolg, pag. 1.)

\* *Limax cinereus*. Corpus cinereum, pallium maculatum, supra collum liberum. Corpus striis nigris cinereisque pictum (1).

*Limax maximus*. Linn. Syst. Nat. p. 1081.

*Cochlea nuda*. Swammerdam B. N. Tom. II. Tab. 8. fig. 4.

*Limax cinerens*. Drap. Tab. 9. fig. 10.

————— Sturm. Fauna Abth. VI. H. 2.

Habitat silvas et arbores excavatas.

Pl. Bij Leyden in holle willigen, in de boschaadjen bij de ruïne van Brederode bij Haarlem. In de Provincie Gron. (Init. Faunae Gron. Iste verv. p. 1.)

\* *Limax albus*. Corpus album, rugosum. Tentacula interdum colorata. Margo saepe luteus.

*Limax albus*. Linn. Syst. Nat. p. 1081.

————— Lamarck. Tom. VI. P. II. p. 50.

Habitat nemora, sub foliis delapsis.

Pl.

(1) Huic Limaci cinereo neque ceteris limacibus peculiare est, quod sub ejus pallio lamina sita sit calcarea, quae in initio ex duabus constat partibus, dein con crescentibus.

Pl. Onder het afgevallen loof aan de wortels der Beuken, in het Haagsche bosch en bij Heemskerk in Noordholland.

**VITRINA.** Corpus repens elongatum, limaciforme, majori parte rectum; parte postica, a pede separata in spiram contorta testa obvolvante: veli appendices plures posticae, usque ad testam se explicantes, eamque partim obtegentes, Tentacula quatuor rutilis duobus brevissimis.

Testa parva, tenuissima, depressa, spira brevi superne terminata; ultimo anfractu maximo. Apertura magna, rotundato-ovata; margine sinistro arcuato, intus leviter inflexo.

*Vitrina beryllina.* Testa subdepressa, tenuissima, hyalina, nitida; anfractibus tribus, apertura subrotundo-ovata.

Swammerdam pag. 67. Tab. 8. fig. 3, a.

*Vitrina pellucida.* Drap. pag. 119. Tab. 8. fig. 54—57.

*Helico-limax.* Daubebard de Ferussac p. 43.

*Vitrina beryllina.* Pfeiffer L. u. W. Schnecken p. 47. Tab. 3. fig. 1.

Habitat sub foliis delapsis in silvis.

Pl. Bij Overveen en Bloemendaal op mos en afgevallen loof.

### 8. *Helicoïdea.*

*Tentaenula cylindracea.*

Testa spirivalvis; nullae partes prominulae, nisi striae et costulae incrementi. Margolabri externi, extus reflexus. Saepe operculum, respirant aërem atmosphericum.

**HELIX.** Testa orbicularis, superne convexa vel conoïdea, interdum globosa, spira parum exserta; apertura integra, transversa, perobliqua, axi contigua. Penultimus anfractus prominens, marginibus disjunctis,

\* *Helix Pomatia.* Testa globosa, ventricosa, subperforata, pallida vel lutea, zonis tribus rufescentibus cincta. Anfractus verticaliter striati, labrum margine interiore pallide rubro reflexum. Umbilicus obtectus.

*Cochlea opercularis seu vinearum.* Swammerdam Tom. II. Tab. 4. fig. 2.

*Helix Pomatia.* Linn. S. N. p. 1244. — Chemnitz Tom. IX. Tab. 128. fig. 1158.

————— Drap. p. 87. Tab. 3. fig. 20—25.

————— Sturm Fauna Abth. VI. H. 1.

————— Lamarek. Tom. VI. P. II. p. 67.

————— Pfeiffer L. u. W. Schnecken. p. 25. Tab. 2. fig. 9.

Habitat montes et colles, silvas; etiam hortos. Plerumque tamen adlata est.

Pl. Wildlust bij Lisse, waar dezelve niet is aangebragt; in de boschaadjen bij Bloemendaal; op de bergen van Luxemburg.

\* *Helix adspersa*. Testa globosa, imperforata, rugosiuscula, griseo-lutescens, flammulis caeruleo-fuscis, in zonas dispositis. Labrum margine anteriore albo reflexum.

Chemnitz Tom. IX. Tab. 130. fig. 1156—1158.

*Helix adspersa*. Drap. Tab. 5. fig. 23.

Habitat hortos.

Pl. In den Hortus te Leyden in groote menigte.

\* *Helix arbustorum*. Testa subglobosa, subperforata solida, maculis branneis luteisque adspersa, ultimus anfractus fascia fusca cincta, spira conoïdea, Labrum margine reflexum albo.

*Helix arbustorum*. Linn. S. N. p. 1245.

———— Chemn. T. IX. Tab. 133. fig. 1202.

———— Drap. Tab. 5. fig. 18.

———— Sturm Fauna Abth. VI. H. 1.

———— Lamarck. Tom. VI. Pl. II. p. 18.

———— Pfeif. Schnecken p. 24. Tab. 4. fig. 7, 8.

Habitat loca nemorosa.

Pl. Bijna overal, zeer menigvuldig bij Katwijk binnen en buiten. In de Prov. Gron. (Init. F. Gron. p. 113.)

\* *Helix nemoralis*. Testa subglobosa, imperforata, tenuiter striata; color varius, nunc unicolor, nunc diversissime fasciata. Labrum margine interno fuscum aut violaceum.

*Helix nemoralis*. Linn. S. N. p. 1247.

———— Chemn. Tom. IX. Tab. 133. fig. 1196—1198.

———— Drap. Tab. 6. fig. 3—5.

———— Lamarck. Tom. VI. Pl. 2. p. 81.

———— Sturm Fauna Abth. VI. H. 2.

Habitat loca nemorosa.

Pl. Zeer algemeen op wegen, in bosschen en tuinen, (Init. F. Gron. p. 11.)

*Helix hortensis*. Testa subglobosa, imperforata, glabra, color varius; nunc unicolor, nunc diversissime fasciata. Labrum margine interiore album.

Swammerd. Tom. II. p. 8 fig. 6.

*Helix hortensis*. Chemn. Conch. Tom. IX. Tab. 133. fig. 1199—1201.

———— Drap. Tab. 6. fig. 6.

———— Lamarck. Tom. VI. Pl. II. p. 81.

———— Sturm Faunae Abth. VI. H. 2.

Habitat loca nemorosa.

In de Provincie Groningen. (Init. F. Gron. p. 11.)

\* *Helix Ericetorum*. Testa orbiculato-depressa, late umbilicata, leviter striata, albida, rufa, aut fusca, fascia unica pluribusve cincta. Labrum simplex.

Chem. Conch. Tom. IX. Tab. 152. fig. 1193—1195.

*Helix Ericetorum*. Drap. Tab. VI. fig. 16, 17.

————— Lamarck. Tab. VI. P. II. p. 84.

————— Sturm Abth. VI. H. 2,

————— Pfeif. Schn. p. 38. Tab. 2. fig. 23.

Habitat loca nemorosa.

Pl. In boschaadjē langs de duinen bij Bloemendaal en Overveen.

\* *Helix cellaria*. Testa orbiculata, depressa, umbilicata, cornea, tenuis, pellucida. Labrum simplex, acutum.

*Helix cellaria*. Chemn. Tom. IX. Tab. 127. fig. 1129, (1 et 2.)

————— *nitida*. Drap. Tab. 8. fig. 23—25.

————— Sturm Fauna Abth. VI. H. 3.

————— *cellaria*. Lamarck. Tom. VI. P. II. p. 91.

————— Pfeiffer Schn. p. 42. Tab. 2. fig. 29, 30.

Habitat loca paludosa.

Pl. Langs sloten in landerjē bij Alkmaar.

\* *Helix nitida*. Testa orbiculata, depressa, umbilicata, tenuis, pellucida, cornea, fusca. Labrum simplex, acutum.

*Helix lucida*. Drap. Tab. 8. fig. 11, 12.

————— *nitida*. Lamarck. Tom. VI. P. II. p. 91.

————— *lucida*. Pf. Schneck. p. 35. Tab. 2. fig. 19.

Habitat loca humida et umbrosa.

Pl. Onder afgevallen loof bij Leyden. In de Prov. Gron. (Init. F. Gron. 1ste Ver-  
volg. p. 1.)

\* *Helix hispida*. Testa orbiculata, convexa, subdepressa, umbilicata, pellucida, corneo-fuscescens, hispida. Apertura semi-lunaris, labrum tenue, subreflexum.

*Helix hispida*. Linn. S. N. p. 1244.

*Trochulus hispidus*. Chemn. Tom. IX. Tab. 122. fig. 1057—58.

*Helix hispida*. Drap. Tab. 8. fig. 20—22.

————— Lamarck. Tom. VI. P. II. p. 92.

————— Pf. Schn. p. 36. Tab. 2. fig. 20.

Habitat nemora.

Pl. In boschaadjē langs de duinen tusschen Leyden en Haarlem. In de Prov. Gron. (Init. F. Gron. p. 11.)

\* *Helix rotundata*. Testa orbiculate-depressa, connexiuscula, late umbilicata, striata, pellucida, carinata. Spira obtusissima. Labrum simplex.

*Helix rotundata*. Drap. Tab. 8. fig. 4—7.

————— Sturm. Abth. VI. Hest. 3.

————— Lamarck. Tom. VI. P. 2. p. 92.

————— Pf. Schneck. p. 44. Tab. 2. fig. 53, 54.

Habitat loca humida, umbrosa.

Pl. In het mos aan afgehouwene boomen en aan rasterwerk bij Leyden, ruïne van Brederode, den Haag en tusschen Maassluis en Vlaardingén. In de prov. Gron. (Init. F. Gron. p. 11.)

\* *Helix striata*. Testa globoso-depressa, conoïdea, vel planulata, subtus convexa, umbilicata, argute striata, albida, ad periphaeriam subangulatam rufo-fasciata. Labrum simplex.

*Helix striata*. Drap. Tab. 6. fig. 18—21.

————— Lamarck. Tom. VI. P. II. p. 93.

Habitat fossas.

Pl. In slooten bij Leyden.

*Helix Glabella*. Testa subdepressa, perforata, laevis, cornea; carina alba. Apertura semilunaris, labrum emarginatum.

*Helix Glabella*. Drap. p. 102. Tab. 7. fig. 6.

————— Pfeiffer Schn. p. 34. Tab. 2. fig. 16.

Habitat loca humida.

Pl. In de Prov. Gron. (Init. F. Gron. p. 11.)

\* *Helix Crystallina*. Testa depressa, umbilicata, convexiuscula, tenuissima, hyalina, nitida. Apertura semilunaris, subdepressa. Labrum simplex.

*Helix Crystallina*. Drap. p. 118. Tab. 8. fig. 13—20.

————— Pf. Schn. p. 46. Tab. 2. fig. 36.

Habitat loca humida.

Pl. Bij Leyden en Haarlem op het mos aan de wortels der beukenboomen.

\* *Helix pulchella*. Testa minutissima, orbiculate-depressa, umbilicata, alba, labrum margine crasso albo reflexum.

*Helix pulchella* Var.  $\beta$ . Drap. p. 112. Tab. 7. fig. 33, 34.

————— Pfeif. Schneck. pag. 43. Tab. 2. fig. 32.

Habitat loca humida.

Pl. Bij Leyden en Overveen onder steenen in het gras en in het mos; in de Prov. Gron. (Init. F. Gron. p. 11.)

CAROCOLLA. Testa orbicularis, superne plus minusve convexa vel conoïdea, ad pe-

periphaeriam angulato-acuta. Apertura transversa, axi contigua; labro subangulato, plicis infra limbum saepe dentato.

*Carocolla lapicida*. Testa orbicularis, superne depressa, subtus convexior, late umbilicata, transversim striata, griseo-cornea, maculis rubentibus; labiis margine continuis, reflexis albis.

*Helix lapicida*. Chemn. Tom. IX. Tab. 126. fig. 1107.

————— Drap. Tab. 7. fig. 35—37.

————— Daubebard N°. 150.

*Carocolla lapicida*. Lamarck. Tom. VI. P. II. p. 99.

Habitat montes.

Pl. Op de bergen om Namen.

PUPA. Testa cylindracea, saepissime crassa, apertura irregularis, semi-ovata, inferne rotundata, subangulosa. Margines subaequales, extus reflexi, superne disjuncti, lamina columellaris, penitus intra eos adfixa.

\* *Pupa fragilis*. Testa sinistrorsa, elongata, attenuata, conica, pellucida, luteo-fuscescens. Columella subuniplicata.

*Turbo perversus*. Chemn. Tom. IX. p. 112. fig. 459.

*Pupa fragilis*. Drap. p. 68. Tab. 4. fig. 4.

————— Lamarck. Tom. VI. P. II. p. 40.

————— Pfeiffer Schn. p. 56. Tab. 3. p. 16.

Habitat arbores et muros antiquos.

Pl. Buiten Leyden op de wilgen in de ruïne van Brederode.

\* *Pupa muscorum*. Testa minima dextrorsa, cylindrica, elliptica, obtusa; apertura subunidentata.

*Turbo muscorum*. Linn. S. N. p. 1240.

————— Chemn. Tom. IX. Tab. 2. fig. 3.

*Pupa muscorum*. Drap. p. 59. Tab. 2. Var.  $\beta$ .

————— Pfeif. Schn. p. 57. Tom. 3. fig. 17, 18.

Habitat muros antiquos, et sub foliis delapsis.

Pl. In de ruïne van Brederode, onder afgevallen bladeren bij rasterwerk, bij Haarlem, Overveen en Bloemendaal.

\* *Pupa unidentata*. Testa minima dextrorsa cylindrico-elliptica, obtusa; apertura unidentata.

*Pupa unidentata*. Pf. Schn. p. 58. Tab. 3. fig. 19, 20.

Habitat muros antiquos et sub foliis delapsis.

Pl. In de ruïne van Brederode, en onder afgevallen bladen, bij Overveen.

*Pupa pygmaea*. Testa minima, ovata; apertura quadridentata; labii margo lateralis subangulatus.

*Pu-*



*Pupa pygmaea.* Drap. p. 60. Tab. 3. fig. 80, 31.

*Vertigo pygmaea.* Pf. Schneck. p. 72. Tab. 3. fig. 47, 48.

Habitat ad cespites inter folia delapsa.

Pl. In de Prov. Gron. (Init. F. Gron. p. 12.)

CLAUSILIA. Testa saepissime fusiformis, gracilis, apice obtusiuscula, apertura irregularis, rotundo-ovata; margines undique connati, liberi, extus reflexi.

\* *Clausilia rugosa.* Testa sinistrorsa, fusiformis, brunnea, striata; columella biplicata, margo lateralis fauces coarctans.

*Clausilia rugosa.* Drap. p. 73. Tab. 4. fig. 19, 20.

————— Lamarck. Tom. VI. P. II. p. 115.

————— Pf. Schn. p. 65. Tab. 3. fig. 30.

Habitat arbores et muros muscosos, ad cespites inter folia delapsa.

Pl. In de ruïne van Brederode; onder het rasterwerk om Elzewoud bij Overveen; op de wilgen in het Bloemendaler bosch.

BULINUS. Testa ovata, oblonga vel turrita; apertura integra, longitudinalis; margines inaequalissimi, superne disjuncti. Columella recta, laevis, basi integra, non effusa.

\* *Bulinus lubricus.* Testa parva, ovato-oblonga (imperforata) laevis, cornea, nitidissima. Apertura ovata; labrum simplex.

*Bulinus lubricus.* Drap. p. 75. Tab. 4. fig. 24.

————— Lamarck. Tom. VI. P. II. p. 126.

————— Pf. Schn. p. 95. Tab. 3. fig. 7.

Habitat loca umbrosa ad cespites inter folia delapsa.

Pl. In de ruïne van Brederode, onder rasterwerk om Elzewoud bij Overveen; in de Prov. Gron. (Init. F. Gron. p. 12.)

\* *Bulinus acicula.* Testa exigua, fusiformi-oblonga, gracilis, imperforata, alba, laevis, nitida. Operculum simplex.

*Bulinus acicula.* Encyc. p. 511. fig. 22.

————— Drap. p. 75. Tab. 4. fig. 25, 26.

————— Pf. Schn. p. 51. Tab. 3. fig. 8, 9.

Habitat loca umbrosa, ad cespites inter folia delapsa.

Pl. Onder rasterwerk in den omtrek van Bloemendaal.

SUCCINEA. Testa ovata, vel ovato-conica. Apertura ampla, integra, longitudinalis, labrum acutum, non reflexum, cum columella laevi, attenuato-acuta; operculum nullum.

\* *Succinea amphibia.* Testa ovato-oblonga, tenuissima, pellucida. Spira breviss; apertura ovata, ampla.

He-

*Helix putris*. Linn. S. N. p. 1249.

—— *Succinea*. Chemn. Tom. IX. Tab. 135. fig. 1248.

*Succinea amphibia*. Drap. p. 58. Tab. 3. fig. 22.

*Helix putris*. Sturm Fauna Abth. VI. H. 1.

*Succinea amphibia*. Lamarck. Tom. VI. P. II. p. 135.

—— Pf. Schn. p. 67. Tab. 3. fig. 36-38.

Variet. I. *Succinea amphibia elongata*. Drap. l. c. fig. 23.

Habitant loca humida, ad ripas aquarum dulcium, ad plantas aquaticas.

Bl. Bijna overal in menigte.

### 9. *Lymnaeacea*.

Gasteropoda amphibia, in genere operculo destituta. Tentacula plana; vivunt in aquis dulcibus aëremque atmosphericum ad superficiem aquae respirant. — Testa spirivalvis saepius superficie nuda. Aperturae margo lateralis semper acutus nec reflexus.

PLANORBIS. Testa discoidea, spira depressa, vix prominula, anfractus omnes utrinque conspicui; apertura oblonga, lunata, ab axi remotissima. Margo numquam reflexus, operculum nullum.

\* *Planorbis corneus*. Testa opaca, superne plano-depressa, subtus late umbilicata, cornea aut castaneo-fusca. Anfractus transversim striati.

Swammerd. B. N. Tom. II. p. 8. Tab. 10. fig. 5.

*Helix cornea*. Linn. S. N. p. 1243.

—— Chem. Tom. IX. Tab. 127. fig. 1113-20.

*Planorbis corneus*. Drap. p. 43. Tab. 1. fig. 43-44.

—— Encycl. Tab. 460. fig. 1, a, b.

—— Lamarck. Tom. VI. P. II. p. 152.

—— Sturm Fauna Abth. VI. H. 4.

—— Pf. Schneck. p. 77. Tab. 4. fig. 5, 4.

Habitat aquas stagnantes, paludes.

Bl. In de slooten om Leyden, Haarlem, enz.

\* *Planorbis carinatus*. Testa discoidea, superne plano-depressa, ad peripheriam carinata, subtus magis concava, pellucida, (corneo-alba.) Anfractus infra angulum rotundati.

*Helix planorbis*. Linn. S. N. p. 1242.

—— Chemn. Conch. Tom. IX. Tab. 126. fig. 1102.

*Planorbis carinatus*. Encycl. Tab. 460. fig. 2, a, b.

—— Drap. p. 45. Tab. 2. fig. 13, 14.

*Planorbis carinatus*. Lamarck. Tom. VI. P. II. p. 153.

————— Sturm Fauna Abth. VI. H. 3.

————— Pfeiffer Schn. p. 76. Tab. 4. fig. 5, 6.

Habitat aquas stagnantes, paludes.

Pl. In slooten om Delft, in de Prov. Gron. (Init. F. Gron. p. 12. n. 31.)

\* *Planorbis spirorbis*. Testa discoidea utrimque plano-depressa, cornea. Anfractus subcontrarii; ultimo obsolete angulato.

*Helix spirorbis*. Linn. S. N. p. 1244.

*Planorbis vortex* Var.  $\beta$ . Drap. p. 44. Tab. 2. fig. 67.

————— *spirorbis*. Lamarck. Tom. VI. P. II. p. 153.

————— Sturm Fauna Abth. VI. H. 4.

————— Pf. Schn. p. 79. Tab. 4. fig. 8.

Habitat aquas stagnantes, paludes.

Pl. In slooten tusschen Leyden en Haarlem.

\* *Planorbis vortex*. Testa discoidea, subtus plana, superne concaviuscula, tenuis, cornea. Anfractus subsemi; ultimo marginato.

*Helix vortex*. Linn. S. N. p. 1243.

————— Chemn. Tom. IX. Tab. 127. fig. 1127,  $\alpha$ ,  $\beta$ .

*Planorbis vortex* Var.  $\alpha$ . Drap. p. 44. Tab. 2. fig. 4, 5.

————— Lamarck. Tom. VI. P. II. p. 154.

————— Sturm Fauna Abth. VI. H. 4.

————— Pfeiff. Schneck. p. 79. Tab. 4. fig. 7.

Habitat aquas stagnantes, paludes.

Pl. In slooten om Leyden, den Haag, in de vaart tusschen Maarsluis en Vlaardingen, in de Provincie Gron. (Init. F. Gron. p. 12. n. 32.)

\* *Planorbis contortus*. Testa discoidea (cornea) superne centro-excavata, subtus umbilicata; anfractus seni, ant ultra, rotundati.

*Helix contorta*. Linn. S. N. p. 1244.

————— Chemn. Tom. IX. Tab. 127. fig. 1126.

*Planorbis contortus*. Drap. p. 42. Tab. 1. fig. 39-41.

————— Lamarck. Tom. VI. P. II. p. 154.

————— Sturm Abth. VI. H. 3.

————— Pfeiffer Schn. p. 81. Tab. 4. fig. 11.

Habitat paludes.

Pl. In slooten buiten Leyden, in Noordholland in de slooten langs de velden tusschen Beverwijk en Castricum.

\* *Planorbis marginatus*. Testa discoidea, cornea, superne subtusque concava, ad periphaeriam marginata.

*Helix complanata.* Linn. S. N. p. 1242.

———— Chemn. Tom. IX. Tab. 127. fig. 1121-25.

*Planorbis marginatus.* Drap. p. 42. Tab. 2. fig. 11, 12.

———— Pfeif. Schn. p. 75. Tab. 4. fig. 1, 2.

Habitat paludes.

Pl. In slooten om Leyden, den Haag, Haarlem; in Noordholland bijna overal.

\* *Planorbis nitidus.* Testa orbicularis, nitida, diaphana, convexa, subtus planulata, umbilicata; ad periphaeriam marginata. Anfractus quaterni.

*Helix complanata.* Linn. S. N. p. 4242.

*Planorbis nitidus.* Drap. p. 46. Tab. 2. fig. 17-19.

———— Pfeiffer Schn. p. 82. Tab. 4. fig. 12, 13.

Habitat paludes.

Pl. In slooten buiten Leyden.

*Planorbis imbricatus.* Testa discoidea, superne plana, subtus concava, tenuis, pellucida, pallide cornea; anfractus subalterni, transversim lamellosi. Lamellae ad marginem prominentiores, imbricatae.

*Planorbis imbricatus.* Drap. p. 44. Tab. 1. fig. 49-51.

———— Lamarck. Tom. VI. P. II. p. 156.

———— Pfeiffer Schneck. p. 84. Tab. 4. fig. 15.

Habitat fluvios ad plantas aquaticas.

Pl. In den Rijn bij Utrecht.

PHYSA. Testa convoluta, ovalis, vel oblonga, spira prominente. Columella tortuosa; labrum tenuissimum, acutum, subfornicatum; aperturam partim obtegens. Operculum nullum.

\* *Physa fontinalis.* Testa sinistrorsa, ovalis, diaphana, laevis, luteo-cornea. Spira brevissima, acutiuscula.

*Bulla fontinalis.* Linn. S. N. p. 1185.

———— Chemn. Conch. Tom. IX. Tab. 103. fig. 877, 878.

*Physa fontinalis.* Drap. p. 54. Tab. 3. fig. 8, 9.

———— Lamarck. Tom. VI. P. II. p. 156.

———— Sturm Fauna Abth. VI. H. 4.

———— Pfeif. Schn. p. 94. Tab. 4. fig. 28.

Habitat aquas stagnantes.

Pl. In slooten buiten Leyden, bij Beverwijk en de Zandpoort.

*Physa hypnorum.* Testa sinistrorsa, ovato-oblonga, laevis, diaphana, nitida, lutescens. Spira exserta, peracuta, nigro-maculata.

*Bulla hypnorum.* Linn. S. N. p. 1185.

———— Chemn. Tom. IX. Tab. 103. fig. 882, 883, a, b, c.

*Physa hypnorum*. Drap. p. 55. Tab. 3. fig. 12, 13.

————— Lamarck. Tom. VI. P. II. p. 157.

————— Sturm Fauna Abth. VI. H. 4.

————— Pfeiffer Schn. p. 97. Tab. 4. fig. 29.

Habitat aquas stagnantes.

Pl. In slooten bij Haarlem en Utrecht.

*LYMNAEUS*, Testa oblonga, interdum turrita; spira exserta. Apertura integra, longitudinalis: labrum acutum, inferne ad sinistrum revertens et adscendens; in columellam versus aperturam decurrit plicamque obliquam mentitur. Operculum nullum.

\* *Lymnaeus stagnalis*. Testa ovato-acuta, ventricosa, tennis, pellucida; longitudinaliter substriata, griseo-rufescens, ultimus anfractus superne subangulatus, spira conico-subulata. Apertura magna; labrum repandum.

*Helix stagnalis*. Linn. S. N. p. 1249.

————— Chemn. Tom. IX. Tab. 135. fig. 1237, 1238.

*Lymnaeus stagnalis*. Drap. p. 51. Tab. 2. fig. 38, 39.

————— Lamarck. Tom. VI. P. II. p. 159.

*Buccinum stagnale*. Sturm Fauna Abth. VI. H. 1.

*Lymnaeus stagnalis*. Pf. Schneck. p. 86. Tab. 4. fig. 19.

Habitat aquas stagnantes.

Pl. In slooten om Leyden en Haarlem, Katwijk binnen en Oostgeest. In de Prov. Gron. (Init. F. Gron. p. 12.)

\* *Lymnaeus palustris*. Testa ovato-oblonga, longitudinaliter et tenuissime striata. Striis remotiusculis cincta, fuscescens, interdum albido coerulescens. Spira conico-acuta. Apertura ovata.

*Helix stagnalis* Var. I. Chemn. Tom. IX. Tab. 135. fig. 1239, 1240.

*Lymnaeus palustris*. Drap. p. 52. Tab. 2. fig. 40, 41.

————— Lamarck. Tom. VI. P. II. p. 160.

————— Pf. Schneck. p. 83. Tab. 4. fig. 20.

Habitat aquas stagnantes.

Pl. In de slooten langs landerijen tusschen Beverwijk en Castricum. In de Prov. Gron. (Init. F. Gron. p. 12.)

\* *Lymnaeus auricularius*. Testa ampullacea, ventricosa, ovata, tenuis; diaphana, pallide fulva; striis longitudinalibus, tenuissimis, confertis; spira brevissima, acuminata.

*Helix auricularia*. Linn. S. N. p. 1250.

————— Chemn. Tom. IX. Tab. 135. fig. 1241, 1242.

*Lymnaeus auricularius*. Drap. p. 49. Tab. 2. fig. 23, 29.

*Lymnaeus auricularius*. Lamarck. Tom. VI. P. II. p. 161.

————— Pf. Schneck. p. 85. Tab. 4. fig. 17, 18.

Habitat aquas stagnantes.

Pl. In de slooten buiten Leyden. In de Brouwerskolk bij Haarlem.

\* *Lymnaeus ovatus*. Testa subampulacea, ovalis, longitudinaliter striata, cornea; Anfractus quini, spira brevis, acuta; apertura ovato-oblonga.

*Lymnaeus ovatus*, Drap. p. 50. Tab. 2. fig. 50, 31.

————— Lamarck. Tom. VI. P. II. p. 161.

————— Pfeif. Schn. p. 89. Tab. 4. fig. 21.

Habitat aquas stagnantes.

Pl. In de slooten bij Castricum en buiten Leyden. In de Prov. Gron. (Initia F. Gron. p. 12.) In de Brouwerskolk bij Haarlem.

\* *Lymnaeus vulgaris*. Testa ovata, cernea, subimperfata, striata, striis albidis. Spira brevis, acuta; apertura ornata.

*Lymnaeus ovatus* Var.  $\beta$ . Drap. p. 50. Tab. 2. fig. 53.

————— *vulgaris*. Pfeif. Schn. p. 89. Tab. 4. fig. 22.

Habitat aquas stagnantes.

Pl. In de slooten buiten Leyden, en bij Beverwijk.

\* *Lymnaeus fuscus*. Testa elliptico-oblonga, fusca, imperfata; spira mediocris, acuta. Apertura ovato-elliptica.

*Lymnaeus palustris* Var.  $\beta$ . Drap. p. 52. Tab. 5. fig. 2.

————— *fuscus*. Pf. Schn. p. 92. Tab. 4. fig. 25.

Habitat aquas stagnantes.

Pl. In slooten buiten Leyden, bij Oestgeest, bij den Haag en Delft.

\* *Lymnaeus minutus*. Testa ovato-oblonga, acuta pellucida, (cinereo-fuscens), perfata; spira mediocris, acuta. Apertura ovata.

*Helix limosa*. Linn. S. N. p. 1249.

*Lymnaeus minutus*. Lamarck. Tom. VI. P. II. p. 162.

————— Drap. p. 53. Tab. 3. fig. 5-7.

————— Pf. Schn. p. 93. Tab. 4. fig. 27.

Habitat aquas stagnantes.

Pl. In slooten tusschen de Beverwijk en Alkmaar.

#### 10. *Peristomiata*.

Gasteropoda fluviatilia, operculata, aquam respirantia. Testa operculata conoidea vel subdiscoidea; margines aperturae juncti.

**VALVATA.** Testa discoïdea vel conoïdea. Anfractus cylindracei, cavitatem spiralem non deformantes. Apertura rotundata, marginibus connexis acutis. Operculum orbiculare.

\* *Valvata obtusa.* Testa turbinata, umbilicata, luteo-cornea. Spira convexa, obtusa. Anfractus quatuor, ultimo ventricosus. Apertura circinata.

*Cyclostoma obtusum.* Drap. p. 35. Tab. 1. fig. 14.

*Valvata piscinalis.* Lamarck. Tom. VI. P. II. p. 272.

*Cyclostoma obtusum.* Sturm Abth. VI. H. 4.

*Valvata obtusa.* Pf. Schneck. p. 98. Tab. 4. fig. 32.

Habitat aquas fluviales et stagnantes.

Pl. In den Rhijn en in slooten bij Leyden. In slooten tussehen den Haag en Losduinen.

**PALUDINA.** Testa conoïdea; anfractus rotundati vel convexi, cavitatem spiralem deformantes. Apertura subrotundo-ovata, oblongiuscula, superne angulata, marginibus connexis, acutis, rectis. Operculum orbiculare, corneum.

\* *Paludina vivipara.* Testa ventricosus-conoïdea, tenuis, diaphana, longitudinaliter tenuissime striata, viridi-fuscescens, vel albido-virescens; fasciis transversis fusco rubris obsoletis. Anfractus quini, rotundato-turgidi; suturis valde impressis.

*Helix vivipara.* Linn. S.N. p. 1247.

———— Chemn. T. IX. Tab. 132. fig. 1182-85.

*Cyclostoma viviparum.* Drap. p. 34. Tab. 1. fig. 16.

*Paludina vivipara.* Lamarck. T. VI. P. II. p. 173.

*Nerita vivipara.* Sturm Fauna Abth. VI. H. 2.

*Paludina vivipara.* Pf. Schn. p. 103. Tab. 4. fig. 42, 43.

Habitat aquas fluviatiles et stagnantes.

Pl. In den Rhijn en in de Lee bij Leyden, in slooten tussehen Leyden en Haarlem, en bij den Haag. In de Prov. Gron. (Init. F. Gron. p. 12. *Turbo viviparum.*)

\* *Paludina Achatina.* Testa ovato-conica, tenuis, albido-virens, fasciis rubro-fuscis cincta; striis longitudinalibus, tenuissimis, obliquis. Anfractus seni, rotundati (2).

*Paludina Achatina.* Encycl. Tab. 458. fig. 1, a, b.

*Cyclostoma Achatina.* Drap. Tab. 1. fig. 18.

*Paludina Achatina.* Lamarck. Tom. VI. p. 174.

Habitat aquas fluviatiles et stagnantes.

Pl. In den Rhijn en in de Lee bij Leyden.

\* *Pa-*

(2) Suturæ minus impressae, quam vivipara; vertex spira obtusiuscula; tota testa magis elongata; anfractus 5½ ad 6.

\* *Paludina impura*. Testa ovato-conoidea, laevis, pellucida, corneo-lutescens, anfractus quini, ultimo ventricosus. Spira acuta.

*Helix tentaculata*. Linn. S. N. p. 1249.

————— Chemn. Tom. IX. Tab. 155. fig. 1345.

*Cyclostoma impurum*. Drap. p. 56. Tab. 1. fig. 19, 20.

*Paludina impura*. Lamarck. Tom. VI. P. H. p. 165.

*Cyclostoma impurum*. Abth. VI. H. 3.

*Paludina impura*. Pf. Sch. p. 104. Tab. 4. fig. 40, 41.

Habitat paludes.

Pl. In slooten om Leyden en tusschen den Haag en Delft.

\* *Paludina similis*. Testa ovato-conoidea, laevis, pellucida, corneo-lutescens, anfractus quini ventricosus, suturis valde impressis. Spira acuta.

Habitat aquas stagnantes.

Pl. In slooten om Leyden, Haarlem en Utrecht.

## 11. Neritacea.

Gasteropoda operculata, vel fluviatilia, vel marina; testa fluviatilis vel marina, semi-globosa, aut ovato-plana, absque columella. Margo columellae, semi-operculo similis.

**NERITINA.** Testa tenuis, semiglobosa, vel ovalis, subtus planolata, non umbilicata, apertura semi-rotunda, labio planulato, acuto; labro intus nec dentato nec crenulato. Operculum dente laterali instructum.

\* *Neritina fluviatilis*. Testa parvula, ovalis, dorso convexa, glehra, lineolis, maculisque diversissime picta. Spira inclinata, lateralis. Labrum denticulatum.

Swammerd. Bib. N. Tom. II. p. 80. Tab. 10. fig. 2.

*Nerita fluviatilis*. Linn. S. N. p. 1253.

————— Drap. p. 31. Tab. 1. fig. 1—4.

*Neritina fluviatilis*. Lamarck. Tom. VI. P. II. p. 188.

————— Pf. Schn. p. 106. Tab. 4. fig. 57—59.

Habitat aquas fluviatiles.

Pl. In den Rhijn bij Leyden, en in het Haarlemmer-meer op steenen.

**NATICA.** Testa subglobosa, umbilicata. Apertura integra, semirotunda. Labrum obliquum, edentulum, callosum; callo umbilicum coarctante, et interdum obtegente. Labrum acutum, intus laevigatum; operculum.

\* *Natica Britannica*. Testa subglobosa, ventricosa, pallide ochracea, circum umbilicum alba. Spira brevis retusiuscula. Labium laterale acutum; columellare cal-



callosum, fasciis undulosis rufis. Umbilicus callo coarctatus. Apertura semirotunda integra. Operculum corneum, pellucidum; subspirale.

Habitat mare.

Pl. Aan het strand tusschen Wijk aan zee en Scheveningen.

#### 12. *Scalariacea*.

Plica ad columellam nulla; margines aperturae in circulum juncti.

SCALARIA. Testa subturrita. Costae longitudinales elevatae, subacutae, interruptae. Apertura rotundata; marginibus connexis, marginatis, reflexis.

\* *Scalaria communis*. Testa turrita, imperforata, alba aut pallide fulva; costae crassiusculae, laeves, subobliquae.

*Scalaria communis*. Lamarck. Tom. VI. P. II. p. 228.

Var.  $\beta$ . Testa longior, roseo-violacea costae purpureo maculatae. Encycl.

Tab. 531. fig. 3, a, b.

Habitat mare.

Pl. Aan de kusten van Noordholland, bij Zandvoort, en in Zuidholland bij Katwijk en Scheveningen.

#### 13. *Turbinacea*.

Testa turrita vel conoidea. Operculum rotundulum vel ovale, non diductum; marginibus disjunctis.

TURBO. Testa conoidea, vel subturrita. Periphaeria numquam compressa. Apertura integra, rotundata, penultimo anfractu non deformato. marginibus superne disjunctis. Columella arenata, planulata, basi non truncata. Operculum.

\* *Turbo littoreus*. Testa ovata, apice acuta, imperforata, longitudinaliter striata, cinerea, lineis fasciis, subfasciculatis, cincta. Ultimus anfractus ventricosus, columella alba. Fauces fuscae.

*Cochlea marina*. Swammerd. Tab. 9. fig. 14.

*Aljkruid*. Baster Tab. 14. fig. 1.

*Turbo littoreus*. Linn. S. N. p. 1182.

————— Ghemn. Gönch. Tom. V. Tab. 185. fig. 1852. n°. 1-8.

————— Lamarck. Tom. VII. p. 47.

Habitat mare.

Pl. Op de steenen der sluizen bij Katwijk aan zee; op de zeevaringen aan de Helder en Tessel.

*Turbo rudis*. Testa ovata, subglobosa, coloris diversi, transversim et longitadi-

nat-

naliter striata, imperforata, intus fusca; spira elongatula; labia alba; anfractus ultimus ventricosus.

Habitat mare.

Pl. Op de steenen der zeeeringen aan de Helder.

*Turbo retusus*. Testa ventricoso-subglobosa, imperforata, transversim striata, olivaceo-flavescens. Spira retasissima; apertura lateraliter dilatata. Labrum tenue, limbo interiore albo.

*Nerito littoralis*. Trans of the Linnean Society, Vol. VIII. Tab. 5. fig. 15.

*Turbo retusus*. Lamarck. Tom. VII. p. 48.

Habitat mare.

Pl. In het zeewier op de zeeeringen aan de Helder.

*Tusus*. Testa fusiformis aut subfusiformis, basi canaliculata, medio vel inferne ventricosa; varicibus nullis. Spira elongata. Labrum non fissum. Columella laevis. Operculum corneum.

\* *Tusue antiquus*. Testa ovato-fusiformis, ventricosa, mutica, transversim tenuissime striata, (albido-flava), in junioribus rufescens. Anfractus valde convexi. Cauda brevis. Apertura patula; labro intus laevigato.

*Tusus antiquus*. Encycl. Tab. 426. fig. 5.

————— Lamarck. Tom. VII. p. 125.

Habitat mare.

Pl. Aan het strand tusschen Scheveningen en Katwijk; doch zeldzaam.

#### 14. *Purpurifera*.

Testa canali brevi instructa, posterius adscendente vel excisione obliqua semi-canaliformi ad basin aperturæ in dorsum directa.

**BUCCINUM**. Testa ovata vel ovato-conica. Apertura longitudinalis, basi emarginata. Canalis nullus. Columella non depressa, superne turgida, undato-curva.

\* *Buccinum undatum*. Testa ovato-conica ventricosa, transversim sulcata et striata, striis longitudinalibus, tenuissimis decussata, longitudinaliter plicata, albida vel griseo-lutescens. Plicae crassae, obliquae, undatae. Anfractus convexi. Apertura alba aut flava.

*Buccinum undatum*. Linn. S. N. p. 1204.

————— Encycl. Tab. 599. fig. 1, a, b.

————— Lamarck. Tom. VII.

Habitat mare.

Pl. Aan het strand tusschen Zandvoort en Scheveningen.

\* *Buccinum reticulatum*. Testa ovato-conica, longitudinaliter plicata, striis trans-

versis decussata, subgranulosa, varie colorata; anfractus convexo-plani; apertura rugosa et dentata.

*Buccinum reticulatum*. Lamarck. Tom. VII. p. 267. Sp. XIV.

Habitat mare.

Pl. Op aangespoeld land bij de Helder.

\* *Buccinum coccinella*. Testa parvula, ovato-conica; crassiuscula, longitudinaliter et oblique plicata, transversim tenuissimeque striata, colore vario; anfractus convexi; labrum margine inflexum, crassum, intus dentatum.

*Buccinum coccinella*. Lamarck. Tom. VII. p. 275. Sp. XLV.

Habitat mare.

Pl. In zeewier op aangespoeld land bij de Helder.

---

#### IV. *Brachipedes*.

---

#### V. *Pteropoda*.

---

#### VI. *Cephalopoda*.

##### 3. *Sepiaria*.

Testa nulla, sive interna sive externa. Corpus solidum, liberum, cretaceum, vel corneum in plurimis intus est.

**LOLIGO.** Corpus carnosum, vagina elongata, cylindracea, basi acuta, et inferna alata, exceptum. Lamina elongata, tenuis, cornea, pellucida, in dorso inclusa. Os terminale, brachiis decem cotyledonibus instructis, circumvallatum; brachiis duobus longioribus pedunculatis.

\* *Loligo vulgaris*. Alae semirhombeae, extremitati caudae distinctae. Limbus vaginae trilobus. Lamina dorsalis, antice angustata.

*Sepia loligo*. Linn. S. N. p. 1096.

*Loligo vulgaris*. Lamarck. Tom. VII. p. 662.

Habitat mare.

Pl. Deszelfs ruggeplaat aan de Kusten van Holland, bij de Helder en Huisduinen.

*Loligo sepiola*. Saccus brevis, obtusus; alae parvae et circulares, longitudinem tridui pollicum non excedentes. Lamina dorsalis tenuis et acuta.

Se-

*Sepia sepiola.* Linn. S. N. p. 1096.

*Loligo sepiola.* Lamarek. Tom. VII.

Habitat mare.

Pl. Aan de kusten van Noord- en Zuidholland, en van Braband.

SEPIA. Corpus carnosum, depressum, vagina postice obtusa per totam longitudinem ala angusta, marginata exceptum. Os liberum, cretaceum, spongiosum, opacum, dorso inclusum. Os terminale brachiis decem, cotyledonibus instructis, circumvallatum; brachiis duobus longioribus pedunculatis.

\* *Sepia officinalis.* Corpus utrumque laeve; brachia pedunculata, praelonga. Os dorsale praelongum.

*Sepia officinalis.* Linn. S. N. p. 1095.

————— Encycl. Tab. 76. fig. 5, 6, 7.

————— Lamarck. Tom. VII. p. 668.

Habitat mare.

Pl. Deszelfs ruggebeen aan de kusten van bijna geheel Holland.

#### SYMBOLUM.

*Si majora dices, et magis necessaria studia esse, quae hominem, uti hodie vivitur, totum requirunt; scias, me tantum hisce studiis et inquisitionibus me recreare, et oblectare, quod alii venationibus, confabulationibus, tesseriis, chartis, lusibus, computationibus insumunt, illud ego animalculis indagandis, colendis, contemplandis, impendo.*

E I N N A E U S.





## A D D E N D A.

Pagina 31.

\* *Lutraria elliptica*. Testa ovali-oblonga, laeviuscula; striis transversis exiguis; lateralibus rotundatis: antico longiore.

Chemnitz Conch. VI. Tab. 24. fig. 240 et 241.

*Lutraria elliptica*. Lamarck. Tom. V. pag. 468.

Habitat mare.

Pl. Aan het strand bij Katwijk.

Pagina 33.

\* *Cyclas rivicola*. Testa subglobosa, solidula, eleganter striata, corneo-virescens, intus coerulescens; sulcis 2 vel 3 transversis, subcoloratis.

*Cyclas cornea*. Draparnaud h. des Moll. P. 128. pl. 10. fig. 1 — 3.

Encycl. Meth. pl. 302. fig. 5. a. b. c.

*Cyclas rivicola*. Lamarck. Tom. V. pag. 558.

———— Pfeiffer L. u. W. Schn. P. 121. Tab. 5. fig. 3, 4, 5.

Habitat aquas dulces.

Pl. In de Lee bij Leyden.

Pagina 37.

\* *Anodonta ventricosa*. Testa ovato-oblonga, crassiuscula, ventricosa; anterius elevata, compresso-alata; umbonibus tumidis; natibus prominulis; laminae cardinalis sinu amplissimo.

*Anodonta ventricosa*. Pfeiffer L. u. Süßw. Moll. P. 50. Tab. 5. fig. 1 - 6.

Habitat aquas dulces.

Pl. Brouwers kolk bij Haarlem.

Pagina 48.

\* *Clausilia ventricosa*. Testa ventricosa, distincte striata; columella bilamellata; lamella superiore provectiore, altera demissa; labium reflexum. Anfractus 12.

*Clausilia ventricosa*. Drap. h. d. Moll. p. 71. Pl. IV. fig. 14.

———— Pfeiffer L. u. W. Schn. pag. 63. Tab. 3. fig. 29.

Habitat arbores.

Pl. Op Salix alba in de ommestreken van Leyden.

# E R R A T A.

|             |             |    |                                     |             |                           |
|-------------|-------------|----|-------------------------------------|-------------|---------------------------|
| <i>Pag.</i> | <i>lin.</i> | 16 | Gasterpoda                          | <i>lege</i> | Gasteropoda               |
| —           | 7           | —  | ducens                              | —           | ducente                   |
| —           | 8           | —  | Rudolphii                           | —           | Rudolphi                  |
| —           | 9           | —  | 28 Cephalopoda tandem in finem hunc | <i>lege</i> | Cephalopoda in hunc finem |
| —           | 11          | —  | 2 Hi aut                            | —           | Hiant                     |
| —           | —           | —  | 10 locos                            | —           | lobos                     |
| —           | —           | —  | 11 quamque                          | —           | privum                    |
| —           | —           | —  | 13 adhaerescant                     | —           | adhaerescunt              |
| —           | —           | —  | 21 quacri                           | —           | quaeri                    |
| —           | —           | —  | 23 unicum                           | —           | uricum invenit            |
| —           | —           | —  | 25 illus                            | —           | illud                     |
| —           | —           | —  | 30 videntur                         | —           | videtur                   |
| —           | —           | —  | 31 assimilatio                      | —           | assimilatio               |
| —           | 12          | —  | 2 arteriorum                        | —           | arteriosum                |
| —           | 13          | —  | 15 ipse                             | —           | ipsa                      |
| —           | —           | —  | 26 ora                              | —           | ova                       |
| —           | 14          | —  | 4 ligamento carnosio                | —           | ligamenti carnosi         |
| —           | —           | —  | 30 analoge                          | —           | analogia                  |
| —           | 16          | —  | 4 branchiae                         | —           | branchias                 |
| —           | —           | —  | 18 collocatus                       | —           | collocatum                |
| —           | —           | —  | 20 Hemaphrodita                     | —           | Hermaphrodita             |
| —           | —           | —  | 32 geverationi                      | —           | generationi               |
| —           | 17          | —  | 12 prostratae                       | —           | prostatae                 |
| —           | —           | —  | 19 quaedam                          | —           | quadam                    |
| —           | 18          | —  | 21 plantas motus                    | —           | plantas novimus motus     |
| —           | 20          | —  | 28 brachiis                         | —           | brachiis                  |
| —           | 21          | —  | 7 intus susceptione                 | —           | intus-susceptione         |
| —           | 22          | —  | 5 testes                            | —           | testas                    |

FRANCISCI DOZY,

LUGDUNO-BATAVI,

PHILOSOPHIAE NATURALIS ET MEDICINAE IN ACADE-  
MIA LUGDUNO-BATAVA STUDIOSI,

R E S P O N S I O

A D

QUAESTIONEM CHEMICAM, A NOBILISSIMA FACULTATE  
DISCIPLINARUM MATHEMATICARUM ET PHYSICARUM,  
IN ACADEMIA LUGDUNO-BATAVA, A. MDCCCXXVI  
PROPOSITAM:

„ *Quaeritur expositio concinna et perspicua Elementorum Staechio-  
metriae?* ”

QUAE PRAEMIUM REPORTAVIT D. VIII MENSIS FEBRUARII

A. MDCCCXXVII.





# R E S P O N S I O

A D

## Q U A E S T I O N E M   C H E M I C A M.

---

### P R A E F A T I O.

Quum triplex sit Historiae Naturalis studium, quorum alterum in spectandis fossilium proprietatibus versatur, atque Minerarum descriptio, sive Graeco verbo *Oryctologia* audit; alterum plantarum consideratione contineatur, atque Herbarum descriptio sive *Botania*, vel *Phytologia* vocatur; tertium denique Animalia, id est *Zöologiam* spectet; omnes quidem has partes singulas seorsum tractare possumus, nulla aliarum habita ratione, non eodem tamen modo in Chemicis res est comparata. Minerarum enim imperitissimus quisque, non sine aliquo bono eventu animalium contemplationem aggrediatur, et inversa quoque ratione; Chemiae autem hanc illamve partem frustra quis inspiciat, quin totius doctrinae amplexum intellexerit, atque universis hujus doctrinae partibus aliquam operam dederit. Non enim soli huic parti, qua continetur *Chemia officinalis*, (*Fabrickmatige Scheikunde*) studere possumus, nisi totum Chemiae ambitum cognoverimus.

Vere igitur praeclarae illius doctrinae si sectari velimus studia aliquam certe et magnam quidem operam huic parti impendere debemus, qua continetur *Stoechiometria*. Hanc rem igitur meditatus, mihi consilium fuit, huic quoque nonnulla tribuere. Ad hanc tamen tantam rem aggrediendam, saepius idonea mihi defuit occasio. Huic igitur cupiditati satisfacisse, hanc discendi occasionem egregie praebuisse Philosophiae studiosis in nostra Patria, mihi visa est Nobilissima Facultas Disciplinarum Physicarum et Mathematicarum in Academia Lugduno-Batava, proposita in certamine Literario hujus anni quaestione:

« *Quaeritur expositio concinna et perspicua Elementorum Stoechiometriae?* »

Qua ad illud sum deductus, ut Stoechiometriae magnam studiorum meorum partem

tribuerem; omnesque intenderem vires, ut huic quaestioni tenuiter quantumvis et inepte responderem; cujus quidem responsionis sequentia specimini inserviant.

Non magna tamen mihi fuit difficultas et selectus operis alicujus, quod mihi hujus commentationis fundamenta praeberet. Berzelium enim in primis sum secutus, cujus opus *De Proportionibus Chemicis* (*Versuch über die Theorie der Chemische Proportionen*) multorum celeberrimorum nostri seculi Chemicorum laude est ornatum.

Tam multae adsunt Stoechiometriae theoriae; tot variis modis proportionum corporum Chemicas sunt contemplati, tot diversissima de iis conjecerunt; ex virorum Clarorum tamen sententia, nullus Chemicus ad illud consilium, Illo melius ac proprius accessit, ut non solum certa statuerit praecepta in rationibus Chemicis adhibenda; sed etiam omnia illa quae antea obscuritatis velamine quasi essent obducta, luce clarius exposuerit. Si igitur tempore procedente quaedam experientiae contraria repariantur, ne illi, verum potius notitiae nostrae compositionis quorundam corporum imperfectiori, artisque progressui tardiori tribuantur.

Illum igitur solum potius sequi, ratus sum praestare, quam quidem traditis variis consiliis, quibus rem inspexerint alii, atque enumeratis diversissimis multorum opinionibus, argumentum obscurius redderem neminique intelligendum. Pro viribus ideo, quam luculentissime rem exponere, atque quam aptissime expromere conatus sum.

Magna tamen saepius Romanorum lingua imperitioribus nobis obvia fuit difficultas; Latinis enim vertere res, iis aut usitatas minus, aut saepius etiam incognitas. Jam statim quodammodo offendebar nostrae linguae vernaculae vocibus. *Veelvoud in vol-le getalen*, quos *multiplum sine fractionibus vertimus*; fateamur licet magis quidem has voces rem intelligendam exprimere, quam illa verba; tamen illis uti sum coactus ne longissima periphrasi rem torquerem quasi, intellectuive capacem minus redderem. Ut nostra *Evenredige getallen*, Franco-Gallorum *Nombres Proportionels* significarem, ea *Numeros Proportionales* sum interpretatus: et saepe etiam pro vocibus *Numeri proportionales* usus sum verbis *Pondus relativum Atomorum*, quippe idem significantibus.

Denique hanc commentationem divisimus in sex capita, quorum

I. Agit, de *Stoechiometria universe*.

II. *De doctrina Atomorum*.

III. *De Atomis corporum Anorganicorum*.

IV. *De Atomis corporum Organicorum*.

V. *De Theoria Voluminum*.

VI. *De methodo numerum relativum Atomorum in connubio aliquo inveniendi*.

*De Pondere relativo Atomorum*.

Haec divisio idonea mihi visa est, qua argumentum illud tractarem. Causa cur argumentum quarti capitis, illud quinti praecedat, in eo sita est, quod nempe Stoe-  
chio-

chiometriam corporibus Organicis semper accommodari posse longissime abest, cum contra, fere plane corporibus Anorganicis applicari possit.

Nonnulla quoque brevius nec copiose satis exposita apparebunt. Causa est ea. Malui sequi illa, quae jam alii de hoc argumento dixerunt, quam rem tantam, praeterea difficillimam jam, depravare traditis iis, quae ipse sentirem, iudex minime audiendus, atque in arte Chemica tiro.

Quod autem attinet ad regulas traditas capite tertio et quarto in his quatenus potui Berzelii fere verba, verbis sum interpretatus, ne illas redderem intellectu difficiliores. Fortasse et quoque Berzelius argumento, ut ita dicam, correptus, nonnullis in rebus temerata quodammodo proferre, atque nimis universa statuere potuit. Ad hunc tamen tantum tam praeclarumque virum dijudicandum, nec iudicem satis doctum, nec arbitrum satis aequum ipse me existimavi.

In tabulis operi suo postpositis, Berzelius ab aliorum Chemicorum sententia aliquando distat, Acidum Muriaticum consideravit, ut constitutum oxygenio, et basi quadam incognita, uti et acidum Fluoricum, quamvis alii ea composita statuant alterum ex Chlorico et Hydrogenio, ex Fluore et Hydrogenio alterum; harum igitur tabularum Formulae huic sententiae innituntur.

Tam longe autem a perfectione abest Stoechiometria, ut potius eam valde imperfectam adhuc esse sit fatendum, quod inde apparet, quod non solum omnium illorum consensu sit firmatum, qui omnem laborem et studia totius fere vitae Chemiae impenderint; sed vel eorum quoque qui minimos progressus in ea fecerint; ut igitur merito adsentiamur Berzelio, dicenti:

- « *Wir müssen gleich bei unserm ersten Eintritte in das Gebiet der Naturkunde, uns in der Ueberzeugung befestigen, dass wir nicht alles erklären können, und dass unsere Bemühungen desshalb oft fruchtlos sein werden.* »

Berzelius Lehrbuch der Chemie T. I. p. 22.



## CAPUT PRIMUM,

## DE STOECHOMETRIA UNIVERSE.

Verbum *Stoechiometria* Graecae est originis. *Στοιχειομετρία* enim componitur substantivo *Στοιχείον* elementum, quod a *Στελχω*, scando et *μετρία*, quod a *μετρέω* metior, eoque usi sunt Chemici (quorum princeps Richter qui hoc nomen illi Chemiae parti attribuit) quae significarent Doctrinam Rationum, (Proportionum), Chemicarum; est ea Chemiae pars quam etiam Chemiam Mathematicam dixerunt, vel justam cognitionem quae ordine, quibusque legibus et praeceptis, tot infinita corpora inter se mutuo conjungantur.

Statui quidem posset jam inde a Graecorum Romanorumque temporibus, Philosophos omnes vires intendisse, ut cuncta considerarent, quasi certo ordine certisque legibus essent subjecta; plurimum tamen eo consilio disciplinis Mathematicis studuerunt, ut externas corporum formas regulariter definirent; internas autem corporum proprietates nondum cognoscebant. Stricto quidem sensu Chemia nondum erat, certe hoc nomine digna vix esse videbatur. Licet scirent fundere et depurare nonnulla metalla, et quamvis nonnullis salibus uterentur, quamdiu valeret sententia Aristotelis, omnia constare ex igne, aere, terra et aqua, merito conficere licet veram Chemiam nondum exstitisse (1). Primum tempore Chemici Clarissimi *Stahl* et eorum qui post eum secuti sunt, initium Chemiae ponendum est, quae tunc demum ut scientia exerceri coepit, cum antea nonnullis tantum Chemicis praeparationibus uterentur, ut alia metalla in aurum vel argentum convertere conarentur. Celeberrimus vero *Stahl* novam producebat Systema *Phlogisticum*, appellatum. Tunc demum Chemia ita progrediebatur, ita incresebat, ut locum occuparet primum in reliquarum artium numero. Ope Analyseos et Syntheseos Chemicarum, innumera connubia deteguntur, quorum compositionem antea vix suspicati fuerant. Procul tamen aberat, ut rationes cognoscerent, quibus corpora conjungerentur. Deinde quidem calculo definire incipiebant, quot partibus sal hic aliisque componeretur; attamen hae defini-

(1) Hoc dictum forte temerum videatur mihi tamen liceat animadvertere scientiae nomen alicui parti tunc tantum posse tribui si et facta continet et si phaenomenorum naturam Critice dijudicare possimus, sive quando Theoriae innitatur Praxis.

nitiones minime veritati conveniebant. Facile tamen multis Chemiae studiosis subire debebat, duos sales neutros, quando se mutuo disjungerent, duos alios sales quoque neutros oriri; solutionem tamen hujus rei dare poterat nullus, donec anno 1774, Wenzel, Chemicus Saxonicus, in opere inscripto, *Lehre von der Verwandschaft der Körper*, ejus causam ostendere conaretur; quod nempe, proportionum relativarum inter certas quantitates Alcalium et terrarum, quae datam quantitatem unius aliusve acidi saturarent, semper eadem ratione teneantur, quae ad alia acida. En primum gressum factum ad doctrinam proportionum Chemicarum.

Celeberrimus quoque Bergman in opere, *De Diversa Phlogisti quantitate in metallis*, in publicum edito Upsalii, anno 1782, ostendere conabatur, rationem Phlogisti in metallis, (Phlogiston autem hoc loco idem fere significat ac Oxygenium), interpretari quoque conabatur Phaenomenon supra dictum, duorum salium neutrorum, qui post mutua analysin neutralitatem (ut ita dicam) retineant; attamen ejus explicatio et calculi longe aberant, ut cum iis Wenzelii compararentur.

Anno 1789. Chemicus Hibernicus *Higgins*, edidit librum inscriptum, *A comparative view of the Phlogistic and Antiphlogistic Theories*; in quo statuit, corpora composita esse ex *Atomis*, vel particulis minimis; singulis autem oxydationis gradibus adjungit particulam unicam oxygenii: e. g. Gaz oxydum Azoti statuit esse compositum, ex una particula Azoti, et duabus partibus oxygenii, Acidum Nitrosum ex tribus particulis, Acidum Nitricum ex quatuor. Hanc tamen theoriam nullis experimentis probavit, ita ut ejus opus mox oblivioni traditum sit.

Chemicus Berolinensis *Richter* fuit primus, qui definite scriberet de Chemicis proportionibus, in opere quod inscribitur, *Anfangsgründe der Stoechiometrie oder Messkunst chemischer Elemente*, Breslau 1792; postquam in Dissertatione inaugurali *de usu Matheseos in Chymia* (1789) primas hac de re opiniones protulisset in quo opere Chemiae formam Mathematicam dare conatur. Hic quoque primum observavit si duo corpora pluribus duobus proportionibus conjungi possunt, tunc has proportionum iuxta quadam ratione inter se invicem contineri, ita ut una proportio alterius sit multiplicatio; estque haec una ex iis legibus, quae ut postea videbimus, primaria Stoechiometriae fundamenta constituunt. Richterius igitur verissime dici potest primum Stoechiometriae fundamentum jecisse. Illud tamen opus nondum Chemicorum animum advertebat ad doctrinam Stoechiometriae. Omnium studia atrahebantur certamine systematis Phlogistici et Antiphlogistici, quo facto, tantus campus patebat prudentiae et ingenio Chemicorum, ut doctrina proportionum aliquamdiu cedere deberet mutationibus et repertis innumeris, quae Chemiae initia tantopere firmaverunt, eique dederunt formam doctrinae maxime idoneae, quae omnibus reliquis artibus accommodaretur.

Mox tamen ubi Phlogisti aliarumque rerum vanae opiniones ad nihilum evasissent,  
et

et Chemia Antiphlogistica firmissima jecisset fundamenta, Cl. Berthollet in opere *Essai de Statique Chimique*. Paris 1802, doctrinam affinitatum phaenomenorumque ab iis pendendum exposuit; in quo opere, philosophi prudentiâ, fundamenta illustravit doctrinae Stoechiometricae, cum in illam converteret animum Chemicorum.

Non multo post, Celeberrimus *Proust* probavit, eodem modo, quo metallum proportionibus pluribus unâ oxygenio jungi posset, etiam eodem modo in sulphure obtinere.

Post aliquot tempus praeterlapsum, disciplina Stoechiometrica meliorem quodammodo formam accipiebat, quum Chemicus Anglicus *Dalton* in opere *New System of Chemical Philosophy* 1808, Stoechiometriam novis hypothesibus ornaret, quarum probabilitas, quam pluribus experimentis inquisita, dein firmata et ad veritatem redacta est.

Interea Clarissimi Viri *Humboldt* et *Gay-Lussac*, institutis experimentis in corpora gazformia, invenerunt, quemadmodum corpora solida et liquida, certa quadam Atomorum quantitate inter se conjungantur, ita quoque corpora gasea certis voluminibus vel mensuris conjungi. Neque illi Cl. Chemici sunt omittendi, ut *Davy*, *Wollaston*, *Thomson*, *Dobereiner*, *Meinecke*, *Bischof*, et alii, qui Stoechiometriam inquisitionibus suis auxerunt, atque magno illi consilio non pauca attulerunt, ut nempe huic Chemiae parti, formam quamdam disciplinae darent.

Rationum Chemicarum disciplina magis magisque dein firmabatur, variis experimentis probabatur, et unicuique ejus utilitas patebat; quamquam multae superessent res, quae hac doctrina adhuc inextricabiles essent, donec Berzelius Chemicus Suecus, seculi nostri immortale decus, Celeberrimus et meritissimus Vir, eam multis experimentis ornaverit et exposuerit. Si quae adhuc sint in Chemia, eâ nondum explicata, haec certe sunt tribuenda, cognitioni quorundam corporum admodum imperfectae, num quidem sint corpora composita, nec ne; quo fit, ut omnia connubia illa ex illis corporibus formata non accurate conveniant legibus Stoechiometriae.

Breve temporis spatium quo pars Chemiae mathematica originem duxit, etiam causa praecipua est, cur nonnulla corpora proportionibus Chemicis nondum convenire videntur; nam tam brevi temporis spatio nulla doctrina ad perfectionem deduci potest. Et licet seculorum series praeterlabatur, semper quaedam imperfectiora supererunt, donec, ingenium humanum ad illud perfectionis pervenerit quo nihil ultra.



## CAPUT SECUNDUM.

## DE ATOMORUM DOCTRINA.

Jam ab antiquissimis inde temporibus, nonnulli Philosophi, ut *Leucippus*, *Democritus* et *Epicurus* statuerunt, materiem constitui particulis minutissimis, quas Atomorum nomine significabant, quorum opiniones celebravit *Lucretius* in carmine, *De natura rerum*. Nonnulli posteriore aevi quorum princeps philosophus *Kantius* statuebant, corpora in infinitum usque posse dividi; alii tamen aliquando certum esse punctum, quo particulae corporum desinerent esse divisibiles.

Huic autem rei innititur doctrina *Proportionum Chemicarum* vel *Stoechiometriae*. Hujus loci non est, recensere opiniones omnium horum philosophorum; tantummodo illud dicam, corpora si in infinitum sint divisibilia, nullas certas posse esse proportionum quibus conjungantur, vel confugere deberemus ad hypotheses minime probabiles. Omnia enim phaenomena optime possunt explicari theoria *Atomorum*, sive theoria *corpusculari* (a Germanis vocata *Corpusculär Theorie*): et quamvis utraque theoria fundata sit *Hypothesibus*; semper praestat tamen eam assumere, quae modo maxime probabili phaenomena explicet, eaque quam luculentissime exponat. Probabilitati multo magis conveniens et congruum est, aliquando exstare punctum, quo nulla amplius divisio mechanica, si illam perficere valeremus, institui possit.

Hae particulae quae non amplius sunt dividendae vocantur *Atomi* sive *Moleculae*. Distincte enim concipimus opinionem, certum numerum talium Atomorum posse conjungi cum certa quantitate Atomorum alius corporis, Atomeque uno plus vel minus addito, statui corpus a priore plane diversum.

Hos Atomos oculo nostro non posse cerni, neque a nobis posse ponderari, sine dubio originem trahit ex sensuum nostrorum minori perfectione, et instrumentorum quibus oculos muniamus defectu, habita ratione subtilitatis talis Atomum. Facile quidem cogitare possumus, hos Atomos formam Sphaericam affectare, quoniam talis forma plurimum convenit cum figura, quam materies potissimum assumat, quin exposita sit actioni virium alienarum. Nonnulli naturalium rerum Perscrutatores, ab experimentis institutis a Cl. *Hauy*, de formis primariis Crystallorum, in eam opinionem sunt inducti, ut crederent, formam primariam Atomorum corporum crystallisabilium, eandem quoque formam affectare. Certe constare videtur crystallorum formam corporis compositi pendere a ratione, qua Atomum in ea sint conjuncti; nam Cel.



*Mitscherlich* reperit, corpora ex variis principiis composita, sed ex aequali Atomorum numero, qui eadem ratione sint conjuncti, eandem crystallorum formam habere (1). Pondus relativum Atomorum profecto debet esse varium si attendamus ipsa corpora pondere differre. Secundum experimenta Dulongii et Petiti, Atomum simplicium eundem habere calorem specificum. Utrum autem Atomum eadem praeditum sint magnitudine, de ea re multa disputari possunt in utramque partem; ita ut praestet nos abstinere ab ea re dijudicanda; donec tempore procedente, ex theoria formarum primitivarum crystallorum, sequelas firmas conficere possumus. Berzelius tamen huic opinioni favere videtur, qua statuitur, hos Atomos magnitudinis quoque esse diversae.

Restat adhuc ut inquiramus, quomodo hi Atomum se gerant, quod ad collocationem, et quando duo corpora naturae diversae conjungantur. Ex hac re multae disputationes absurdae temporibus praeterlapsis sunt ortae. Credebant, moleculas unius corporis v. c. *acidi* habere formam acuum; moleculas alius v. c. *Alcali* cujusdam esse corpuscula spongiosa et porosa; ita ut acus unius intrarent poros corpusculi illius spongiosi, et ita conjungerentur. Opinio autem philosophorum qui negant esse Atomos, materiae penetrabilitatem assumit, qua statuunt, corporum partes dissimiles eodem modo se penetrare invicem, quo in mathematicis (ut ita dicam).

Attamen sententia maxime probabilis, eaque a pluribus Physicis assumpta, videtur ea, hos Atomos juxta se invicem esse positos, atque contineri vi quadam, quae inter partes similes vocatur *Cohaesio*, inter dissimiles *Affinitas Chemica*.

*De corporum Divisione, habita ratione proportionis eorum compositionis.*

Quum jam in praecedentibus vidimus quid sint Atomum, assumentes hanc theoriā *Atomisticam*, pergemus exponere Elementa *Stoechiometriae* huic theoriae innitentia. Omnia igitur corpora simplicia statuamus composita ex Atomis; et connubia quae haec simplicia ineunt, etiam Atomis constituuntur: hos autem Atomos variis nominibus indicare, quo melius discernantur, omnino opus est. Atomos corporum simplicium igitur simplices vocamus; connubia horum corporum simplicium, quo magis fiant composita, dividuntur in Atomos primi, secundi, tertii et quarti ordinis.

a) *Atomum primi ordinis* vocamus moleculam connubii corporum simplicium: v. c. Metallum cujusdam cum Oxygenio.

b) *Atomus secundi ordinis* est molecula, constans ex connubio Atomorum primi

or-

(1) Vid. *Annales de Chimie et de Physique* par M. M. Gay-Lussac et Arago, Tom. XXXI. Janvier 1826. p. 6.

ordinis v. g. ex conjunctione oxydi cum acido, utriusque formati ex duobus corporibus simplicibus.

c) *Atomus tertii ordinis* constat, ex conjunctione Atomorum secundi ordinis, v. g. duorum salium. Exemplo sit *Sulphas Aluminico-Kalicus*.

d) *Atomus quarti ordinis* oriuntur, ex conjunctis Atomis tertii ordinis. Exemplo sit *Sulphas Aluminico-Kalicus* crystallisatus.

Quemadmodum autem corpora, in quorum contemplatione Chemia versatur, in duas Classes dividi possunt, in *organica* nempe, et *anorganica*; in Stoechiometriae disciplina, eodem modo dividi possunt. Hanc divisionem ob sequentes rationes facere debemus. Regulae Stoechiometricae, quamquam omnibus corporibus et connubiis accommodari posse deberent; tamen invenimus, non in omnibus illud obtinere. In pluribus corporibus organicis, hae regulae non valere possunt; et vel statuere liceret, Stoechiometriam corporibus organicis non accommodari posse, nisi expectaremus has difficultates tempore solutum iri.

Primum igitur agemus de *Atomis corporum anorganicorum*, dein de iis *organicorum corporum*, eosque dividemus in *Atomos Anorganicos* et in *Atomos organicos*.

Corpora organica numquam pluribus, quam quatuor simplicibus corporibus constituuntur, neque fere unquam minoribus, quam tribus (1). Nempe partes con-  
tinentes corporum vegetabilium semper sunt *Carbonium*, *Hydrogenium* et *Oxygenium*, quibus in connubiis animalibus *Azotum* accedit.

Contra numerus partium constituentium in Anorganicis non tam arctus est. Inveniuntur connubia, quae pluribus simplicibus, quam quatuor constituentur: sunt quoque, quae modo duobus corporibus constant. Corpora organica igitur semper sunt connubia ternaria vel quaternaria. Anorganica connubia semper sunt *binaria*; nam quamvis plura simplicia duobus saepe contineant, conjunguntur tamen bina binis: v. c. *Sulphatem* Calicum non oriri ponimus ex connubio Sulphuris, Oxygenii et Kali; sed ex conjunctis connubiis binariis, Acido Sulphurico et Kali. *Sulphatem* Aluminico-Kalicum Crystallisatum, in vita communi *Alumen* vocatum, non constitui dicunt ex conjunctis ejus partibus remotis, Sulphure, Oxygenio, Aluminio, Kalio et Hydrogenio; sed constat ex conjunctis connubiis binariis, acido Sulphurico, Alumina, Kali et Aqua; vel potius, *Sulphate Aluminico* et *Sulphate-Kalico*.

Affinitas autem inter Atomos primi ordinis est major, affinitate inter Atomos secundi,

(1) Secundum experimenta Cl. de Saussure, *Naphtha montana*, *Petroleum* (*Bergölle*, *Steevölle*) componitur tantummodo, duabus simplicibus, *Hydrogenio* et *Carbonio*. (Théodore de Saussure, *Bibliothèque Universelle*, Vol. IV. p. 116).

di; affinitas secundi major, affinitate tertii, et sic in ceteris. Est igitur affinitas Atomorum in ratione inversa eorum compositionis.

Hoc facillime patet, si cogitemus, quo sit connubium magis compositum, eo magis etiam affinitatem debere imminui, vel eo facilius posse dirumpi, habita ratione, vis major affinitatis, qua tot partes dissimilares inter se contineri debeant. Indeque hanc sequelam facere possemus in commodum systematis juxtapositionis Atomorum; si enim penetrabilitas Chemica corporum locum haberet, praecedentem observationem non tam facile declarare possemus.

Primum videbimus quatenam locum habeant in Atomis anorganicis, dein de Organicis agemus.

## CAPUT TERTIUM.

### DE ATOMIS CORPORUM ANORGANICORUM.

Si cogitamus, quot innumera corpora in Regno anorganico inveniantur, quae omnia composita sunt ex corporibus simplicibus quinquaginta et uno vel ex quinquaginta duobus, si iis adjungamus Bromium nuperrime inventum a Doct. Balard, atque tot esse connubia, quae iisdem simplicibus constituentur, facile intelligimus, in horum simplicium conjunctione certas debere esse proportionem, easque certo quodam ordine debere procedere. Haec enim conveniunt quam maxime illi sapientiae, quam ubique in hoc Universo cernimus, et qua omnia tam prudenter sunt disposita.

Has proportionem principiorum constituentium connubii alicujus exsistere, nemo negabit, qui vel quodammodo Chemiae sit peritus. Sumatur v. g. sal, ut *Sulphas Kalilicus*. Hic componitur 100 partibus acidi Sulphurici et fere 118 partibus Kali. Qualicumque autem modo acidum Sulphuricum cum Kali jungatur, licet sumantur 118 partes Kali et 600 partes acidi Sulphurici, vel 200 partes Kali et 100 partes acidi Sulphurici; tamen constanter accipiemus connubium acidi Sulphurici et Kali ratione supra memorata, et residuum Acidi vel Kali in liquore mechanica mixtione remanebit.

Itaque videmus in natura, corpora omnia certis quibusdam legibus esse subjecta; etiam has proportionem, secundum quas corpora inter se junguntur, quoque legibus debere esse subjectas. Quamvis autem haec leges sola experientia inniti debeant; tamen in doctrina proportionum Chemicarum, non semper experientiae accommodari,

vi, eaque probari possunt. Attamen persaepe utendum est conjecturis, quarum probabilitas, idem valere debet, ac veritas; donec experientia nos docuerit, eas veritati omnino contrarias esse.

Illi autem qui arti Chemicæ operam dederunt, in multas rationes inquisiverunt, quibus ad veram proportionum Chemicarum notitiam pervenirent. Luculentissima tamen et maxime probabilis est ratio Berzelii, ex sententia plurimorum Chemicorum celeberrimorum: Qui leges proportionum Chemicarum ita exposuit, ut cuivis facile patere debeant. Berzelium itaque sequemur, et transibimus ad regulas et leges, secundum quas Atomum corporum dissimilariarum inter se conjungantur. Primum igitur loquimur,

*De Atomis primi ordinis.*

Atomum hujus ordinis componuntur ex conjunctis corporibus simplicibus. Connubia Anorganica hujus ordinis semper sunt connubia binaria. Contra, connubia organica hujus ordinis semper sunt ternaria vel quaternaria, numquam binaria. Talia autem connubia binaria Anorganica formantur certa quadam proportionem. Pro unitate sumatur unum Simplicium constituentium, et statuatur, unicum Atomum unius Elementi conjungi uni, duobus, tribus vel pluribus Atomis alius Elementi: hoc plerumque locum habet. Quantum possit esse ille numerus Atomorum cujusdam corporis simplicis, qui conjungitur cum Atomo alius corporis simplicis, non cognitum est. Crederemus, inquit Berzelius, hunc numerum non posse excedere numerum duodecim Atomorum; quoniam non plures, quam duodecim sphaerae globum ejusdem magnitudinis, in medio jacentem, possunt contingere. Haec tamen opinio contraria est experientiae; nam corpora, ex duobus simplicibus composita, inveniuntur, quorum numerus Atomorum alterius partis constituentis, longe superat numerum Atomorum duodecim. v. g. Percarburetum ferri, *Graphites* in Mineralogicis dictum, et sic etiam in aliis Carburetis.

Non omnibus connubiis haec lex accommodari potest; unum Atomum partis constituentis conjungi uni, duobus, tribus vel pluribus Atomis: sunt connubia, sed non magno numero, quorum partium componentium ratio est uti 2:3, id est, duos Atomos unius corporis constituentis jungi tribus Atomis alius; et diversa connubia inter eos hoc modo formari. Hoc semper fit, si duo corpora maximam habeant affinitatem inter se; ita ut haec connubia teneantur inter se uti 1:1½. Si igitur suboxydum vel aliud connubium componitur uno Atomo corporis unius, et uno alterius, sequens connubium debet constare ex duobus Atomis unius, et tribus Atomis alterius partis constituentis. Sed uti jam dixi, haec regulae communi excepta paucissima tantum sunt, et quamvis conati sint, facere hypotheses secundum quas haec connubia regulae communi subjici-

cerentur; tamen simplicissimum tenere praestat, nempe eorum proportionem esse uti 2 : 3.

In quibusdam locum habet, v. c. in corpore quodam minerali, Atomos hujus sese habere = 3 : 4, id est, tres Atomos baseos jungi quatuor Atomis alius partis constituentis; sed haec exceptio rarius occurrit. Sequentes igitur regulas pro Atomis hic certas assumimus:

- 1.) Atomum unius corporis simplicis jungi uni, duobus, tribus, quatuor, pluribus Atomis alius corporis constituentis.
- 2.) In quibusdam connubiis sequentem proportionem observari, duos Atomos Elementi cujusdam, jungi tribus alterius.
- 3.) In paucissimis connubiis observari, 3 Atomos unius, jungi 4 Atomis alterius.

#### *De Atomis secundi ordinis.*

Hi, uti jam supra est memoratum componuntur, ex Atomis conflatis primi ordinis, vel aliis verbis, ex duobus connubiis binariis conjunctis; v. g. Acidum Sulphuricum et Kali sunt Atomis primi ordinis; hi autem, si mutuo jungantur, fit Atomus secundi ordinis. Pro his Atomis Berzelius observavit leges, quibus arctius etiam teneantur, quam locum habet in Atomis primi ordinis. Observavit nempe in connubiis duorum corporum oxydorum, Oxygenium unius Oxydi, semper esse multipulum sine fractionibus, Oxygenii alius corporis; vel aliis verbis ut utamur, numerum Atomorum unius Oxydi perfecte dividi posse, numero Atomorum alterius Oxydi; ita ut nulli numeri fracti supersint.

Hoc quoque obtinet in connubio duorum Sulphuretorum: tunc quoque sulphur unius Sulphureti, est multipulum sine fractionibus alterius Sulphureti. Hinc Berzelius confecit eam regulam: duos Atomos primi ordinis, qui idem habent Elementum Electro-negativum, si copulantur, numerum Atomorum elementi Electro-negativi unius, esse multipulum sine fractionibus numeri Atomorum elementi Electro-negativi alius. Hoc exemplo aliquo illustretur: Acidum sulphuricum in Sulphate aliquo, continet tres Atomos Oxygenii, et continet quoque triplum Oxygenii baseos oxydi, quocum conjunctum est. Acidum sulphureosum et Acidum carbonicum continent duos Atomos Oxygenii, et quoque duplum quantitatis Oxygenii Baseos in connubio, quod formant cum Oxydo aliquo.

Attamen nonnulla acida excipiuntur, in quibus acidum imperfectum ad acidum perfectum tenetur, ea ratione, uti 3 : 5. Haec acida sunt, *Phosphoricum*, *Arsenicicum* et *Nitricum*.

Pro connubiis quae haec acida ineant, tamen quoque regulae certae inveniuntur, nempe numerum Atomorum Oxygenii in Oxydo, unam vel plures partes quintas, ali-

quanti-

quando decimas, numeri Atomorum Oxygenii in acido perfecto, et unam vel plures partes tertias Atomorum Oxygenii, in acido imperfecto, efficere.

Singulare tamen est si assumimus, etiam posse esse connubium incognitum, in quo basis horum acidorum continet partem quintam quantitatis illius Oxygenii, qua opus est, ut acidum perfectum formetur, haec acida iisdem legibus esse subjecta.

Modo locuti sumus de oxydis Electro-Positivis et Electro-Negativis, forte haud ab re erit, hoc loco explicare, quid his denominationibus intelligamus. Omnia corpora, considerata secundum Electricitatem, dividuntur in Electro-Positiva et Electro-Negativa; quamquam multis in casibus corpora quae pertinent ad seriem Electro-Negativorum, locum Electro-Positivorum possunt implere, et ratione quoque inversa. Fluidum Electricum autem consideratur ut compositum, ex duobus fluidis, quae vocantur fluidum *Positivum* et fluidum *Negativum*, vel Vitrosum et Resinosum. Hae Electricitates *Resinosa* et *Vitrosa* semper magnopere tendunt, se invicem copulare; contra si duo corpora, ambo Electricitate eadem, *Resinosa* vel *Vitrosa* sint donata, se mutuo repellant.

Ut autem redeamus ad explicanda ea, quae intelligantur oxydis Electro-Positivis et Electro-Negativis, haec mihi animadvertenda sunt; nempe, si connubium aliquod Chemicum apparatu Galvanico disjungitur, tunc unam partem constituentem, in qua fluidum Positivum est aggregatum, se conferre ad Polum negativum, et aliam in qua fluidum negativum est aggregatum, se conferre ad Polum positivum. Haec autem corpora, quae semper tendunt ad Polum negativum, vocantur corpora Electro-Positiva; quae vero ad positivum Polum se conferunt, vocantur Electro-Negativa. Ad priorem casum pertinent inter alia omnia oxyda, ad alterum omnia acida; sed aliquando quoque, si Oxyda quaedam debiliora sint, Oxyda fortiora erga illa quoque locum implere possunt corporum Electro-Negativorum, id est acidorum. Plura autem dicere hoc loco de actione fluidi Electrici in connubia Chemica, ad nostrum institutum nunc non pertinet, quapropter ad sequentem ordinem transeamus.

#### *De Atomis tertii ordinis.*

Huc usque pauca cognita sunt connubia, quae pertineant ad Atomos tertii ordinis. In his tamen valere possunt eae regulae:

1. Si in connubio aliquo duorum Atomorum secundi ordinis, pars constituens Electro-Negativa est eadem, (ut in duobus salibus formatis ex eodem acido, sed basi salifiabili diversa,) tunc numerus Atomorum Oxygenii partis constituentis Electro-Positivae, vel aliis verbis Baseos salifiabilis, est multipulum sine fractionibus numeri Atomorum Oxygenii alius partis constituentis Electro-Positivae; atque adeo acidum unius salis est multipulum sine fractionibus acidi alterius salis. Exemplo sit *Sulphas*  
*Alu-*

*Aluminico-Kalicus.* In hoc Alumina continet Oxygenii quantitatem triplo majorem, quam Kali; inde sequitur quantitatem acidi Sulphurici in sale Aluminico esse triplum illius, quae in sale Kalico est. In Tartrate Natrico-Kalico, utrumque alcali habet aequalem quantitatem Oxygenii; itaque utrumque conjunctum est cum aequali numero Atomorum Acidi Tartarici.

2. Etiam connubia sunt duorum salium, qui ex eodem basi, sed ex acidis diversis compositi sunt. In his autem numerus Atomorum unius salis, est multipulum sine fractionibus numeri Atomorum alterius, vel aliis verbis, numerus Atomorum Oxygenii acidi et oxydi conjunctorum in uno sale, est multipulum sine fractionibus numeri Atomorum Oxygenii alius baseos et acidi conjunctorum.

Haec connubia unice fere locum habent in quibusdam fossilibus, v. g. in *Datholithide*, connubio nempe Boratis et Silicatis Calcici; et in connubio, Fluato-Silicate Aluminico, in quo quantitas Oxygenii Silicae et Aluminae conjunctorum dimidio major est, Oxygenio Aluminae et Acidi fluorici. Silica quamvis oxydum sit, hoc loco acidi munere fungitur, quemadmodum illud aliquando et in aliis oxydis locum habet.

#### *De Atomis quarti ordinis.*

Hi paucissimi sunt numero, et uti jam supra diximus, haec connubium admodum laxum est; ita ut facillime destruat. Inveniant tamen semper fieri, Oxygenium unius oxydi, esse submultipulum sine fractionibus, Oxygenii singulorum reliquorum oxydorum; ita ut, si numerum Atomorum Oxygenii unius oxydi dividimus singulis numeris Atomorum reliquorum oxydorum, nihil supersit.

---

## CAPUT QUARTUM,

### DE ATOMIS CORPORUM ORGANICORUM.

Omnia corpora organica sunt, uti jam diximus, connubia ternaria vel quaternaria; et haec connubia semper ex iisdem tribus vel quatuor simplicibus formantur: sunt quoque tanta numero, et hic continuo magis magisque increscit; ita ut Chemiae studioso difficillimum fiat, proprietates omnium harum materierum vegetabilium vel animalium cognoscere.

Omnia haec connubia manifesto debent differre, ratione principiorum constituentium;

tum; attamen haec differentia est tamen parva, ut quaedam corpora, habita ratione minimae hujus differentiae, ut eadem considerari possent, nisi proprietatibus Physicis ac Chemicis differrent.

Haec corpora organica dividere in Atomos primi, secundi, tertii et quarti ordinis non possumus; nam omnia connubia organica sunt Atomis primi ordinis, ex Atomis simplicibus constantes, raro invenimus atomos secundi ordinis: connubia Acidorum vegetabilium et Alcaloideorum, v. c. Acetas Morphinicus, Quinicus, Strychnicus apte huic adnumerari possunt; attamen pro iis nondum regulas invenerunt. Neque in connubiis organicis simplex constituens ut unitatem assumere possumus, certe huc usque frustra illud sunt conati.

Ad haec omnia si animadvertamus, facile intelligamus quanto major sit difficultas inveniendi regulas pro his corporibus, quam in Anorganicis connubiis. Invenit tamen Berzelius certas quasdam regulas et observationes, pro proportionibus Chemicis corporum organicorum. Quedam corpora anorganica, ut Sulphur, Kali, Soda, Phosphorus, Ferrum cetera, in quibusdam corporibus organicis adsunt; sed tam parva quantitate, ut ad haec in iis non animadvertendum sit, cum proportionibus Chemicas horum corporum organicorum spectamus.

His igitur observatis, nunc transire possumus ad divisionem horum Atomorum in duas classes.

In prima sunt ea corpora, quae constant numero Atomorum minimo, et quae si unum pluresve Atomos simplicium constituentium praesentes vel absentes cogitamus, alia fiunt corpora aliis proprietatibus praedita. Talia sunt acida vegetabilia. Uno Atomo Oxygenii distinguimus acidum Citricum ab acido Succinico; acidum Aceticum ab acido Succinico differt duobus Atomis Carbonii; et acidum Gallico differt duobus Atomis Hydrogenii.

In secunda sunt ea corpora, quae composita sunt numero maximo Atomorum simplicium, et in quibus, additis vel ablatiis Atomis quibusdam, non magnum discrimen oritur, v. c. sunt multa genera Sacchari et Oleorum, in quibus ratio principiorum constituentium non est eadem; attamen omnia possumus considerare ut Saccharum et Oleum. Etiam Gummi a Saccharo paucissimum differt, ratione partium constituentium: si igitur tali modo considerarem haec corpora, facile in illud induceremur, ut illa eadem haberemus.

Pro Atomis hujus classis regulae difficillime sunt inveniendae, quia continent magnum numerum Atomorum (1). Ob eandem rationem horum saturandi capacitas est mi-

(1) Sic Saccharum certe continet 43 Atomos simplices; contra acidum Tartaricum mod. 14 Atomos, et Acidum Formicum 7 tantummodo Atomos continet.



minor, illa corporum organicorum praeecedentis classis.

Quando Atomī organici primi ordinis conjungantur cum Atomis anorganicis primi ordinis, illud fit secundum easdem leges, secundum quas Atomī Anorganici primi ordinis inter se junguntur; quod significat, quantitatem Oxygenii in Atomis organicis esse multipulum sine fractionibus quantitatis Oxygenii in Atomis anorganicis; e. g. Acidum Aceticum in Acetate ferri, continet tres Atomos oxygenii; oxydum ferricum quocum conjungitur quoque continet tres Atomos Oxygenii; igitur in hoc connubio continetur quantitas acidi Acetici triplo major numero Atomorum Oxygenii in oxydo anorganico contento.

Nonnulli Chemici conati quidem sunt, facilius constituere rationes Atomorum compositorum organicorum vegetabilium, statuantes, connubium organicum componi ex connubiis binariis, uti corpora anorganica. Nempe adjungunt partem Hydrogenii Oxygenio, eadem ratione qua aqua; et aliam partem Hydrogenii Carbonio, in ratione, qua Hydrogenium percarbonatum, ab aliis percarburetum hydrogenii dictum; ita ut corpus organicum non considerent formatum et Hydrogenio, Carbonio et Oxygenio; sed ex connubiis binariis Aqua et percarbureto Hydrogenii.

Ita Alcholem considerant, ut compositum ex uno volumine Hydrogenii percarbonati et uno volumine vaporis aquae: aetherem autem, ex uno volumine vaporis aquae et duobus voluminibus Hydrogenii percarbonati: Saccharum, uno volumine Carbonii forma gazosa. Attamen illa theoria, quamvis ingeniosissima non omnibus corporibus organicis; sed paucis tantummodo accommodari potest. Igitur videmus, magnopere abesse, ut corpora organica tam simplicissimo modo, uti anorganica corpora in classes redigi possint, quod adinet ad compositionis rationem; et magnam difficultatem superesse, quum nondum compositionem omnium corporum, secundum regulas Stoechiometriae cognoscimus.

---

## CAPUT QUINTUM.

### THEORIA VOLUMINUM (*Volumen Theorie*).

Haec theoria primum a Cll. Chemiciis Gay-Lussac et Humboldt in lucem edita, et experimentis probata, solummodo refertur ad ea corpora, quibus et forma gazosa, vel eorum, quae in illum statum duci possunt.

Ho-

Horum corporum proportionem definiuntur secundum volumina; ita ut, si aliter dicendum foret, tot Atomis huius corporis junguntur tot Atomis illius; nunc dicamus; tot volumina se jungunt tot voluminibus. Volumen autem corporis gazosi est quantitas definita corporis gazosi, certo spatio inclusa, quod spatium certis quibusdam mensuris definire solemus, v. c. pede vel pollice cubico.

Proprie quidem haec theoria ab Atomorum doctrina non diversa est; nam si volumen spectamus ut Atomum, ad idem redit, quod ad proportionem. Corpus gazosum enim debet considerari, ut compositum ex Atomis solidis, qui causa quadam tam late a se invicem sint dispositi; ut totum corpus visu non percipi queat. Caloricum vulgo habetur causa huius rei, nempe caloricum latens; eo magis hanc sententiam assumunt, quoniam major affluxus caloricus, corpus gazosum magis magisque extendit; igitur in omnibus corporibus statuere possumus existere duas vires, vim attractionis et vim repulsivam. In corpore solido autem vis attractionis praevalet, et in corpore gazoso vis repulsiva; in liquido autem videntur hae vires aequali vi agere. Aqua quidem videtur facere objectionem, contra convenientiam hanc theoriae corpuscularis cum theoria voluminum; quia pondere constat, una parte Hydrogenii et una parte Oxygenii; volumine tamen, duabus mensuris Hydrogenii et una mensura Oxygenii: attamen si aquam consideramus ut constitutam, uno Atomo Oxygenii et duobus Hydrogenii, haec obiectio disparet et hoc facile supponere possumus.

Facile patet, leges pro connubiis corporum gazosorum, habita ratione voluminum, esse easdem, quas habemus in Theoria Atomorum. Volumen aliquod datum corporis cuiusdam gazosi jungitur uni, duobus, tribus vel pluribus voluminibus aliis: connubia Azoti in hac re quidem exceptionem faciunt, ita quidem ut in iis numeri fracti occurrant. Si autem assumamus et demonstretur, Azotum esse corpus compositum et dimidium ejus voluminis continere Oxygenium, tunc haec exceptio non amplius locum habet.

Singularem autem observamus proprietatem in conjunctione corporum gazosorum, voluminis nempe decrementum. v. g. Si duo volumina corporis cuiusdam gazosi adjungamus volumini unico alius, quod aliquam affinitatem pro illo corpore habet, inveniemus post conjunctionem, imminuta volumina remansura; sed si aequalia volumina corporum gazosorum jungimus, nullum decrementum voluminis locum habere videtur. Causa quare hoc voluminis decrementum locum habet verosimiliter nititur eo, quod nempe Atomis unius elementi vim repulsivam Atomorum alius quodammodo deleant. Non tantum hoc voluminis decrementum locum habet in corporibus gazosis; sed saepius etiam luculeter illud observamus in duobus liquidis, vel in solutione corporis solidi in liquido. Ad priorem casum pertinet conjunctio Acidi Sulphurici cum aqua, ad alterum solutio salis cuiusdam, v. c. Muratis Natrici in aqua.

Adferamus etiam quasdam observationes de corporibus gazosis, habita ratione voluminis: nempe numerum Atomorum compositorum in connubio gazoso, ex duobus Simplicibus constante, et in quorum conjunctione nullum decrementum voluminis locum habuit, manifesto debere esse dimidio minorem numero Atomorum simplicium ante conjunctionem.

Distantiam inter Atomos corporum gazosorum compositorum, manifesto majorem esse debere, illa gazosorum corporum simplicium. Immo quidem Berzelius dicit, suspicandum esse vim repulsivam eadem ratione debere augeri, qua magnitudo augeatur Atomorum compositorum.

Longe abest ut Theoria voluminum omnibus corporibus accommodari possit, certe fere nulli connubio organico; quia haec numquam forma gazosa existunt, et numquam in hunc statum duci possunt. Ob hanc causam Theoriam voluminum tantummodo accommodare possumus connubiis corporum Anorganicorum gazformium, id est Atomis primi ordinis.

---

## CAPUT SEXTUM.

### DE METHODO, NUMERUM RELATIVUM ATOMORUM IN CONNUBIO ALIQUO INVENIENDI.

In praecedentibus jam traditis regulis Stoechiometriae, et expositis methodis simplicibus, secundum quas corpora junguntur, nunc sequuntur rationes quibus calculi facillimi ope, accurate inveniatur numerus relativus Atomorum connubii Chemici, et pondus relativum Atomorum. Primo loco dicamus de numero relativo Atomorum. In hac quoque re confugiendum est ad hypotheses, quae tantum probabilitatis gradum possident, ut probabiliiores conjicere opiniones vix possemus. Primum statuebant, in corporum conjunctione singulos Atomos conjungi singulis Atomis; sed invenimus multa oxyda, quae manifesto plures duobus Atomis continere debeant; etiam in salibus videmus, acidum debere continere plures Atomos quam Oxydum.

Omnia corpora, quae magnam affinitatem inter se non habent, veluti partes constituentes quorundam protoxydorum, v. g. protoxydi Auri, Argenti, multorum corporum gazosorum, statuere possumus esse composita ex duobus Atomis. Deutoxyda, vel

vel illa Oxyda, quibus major quantitas Oxygenii est quam protoxydo, possumus statuere, continere in singulo Atomo baseos, duos Atomos Oxygenii. Tritoxyda id est quibus plus Oxygenii est quam Deutoxydis, debemus considerare ut continentia in singulo baseos Atoma, tres Oxygenii Atomos. Jam haec Oxyda tertii ordinis si jungantur protoxydis, Acidi munere fungi possunt et connubia salina quodammodo formare. v. c. Silica cum Kali facit connubium, quod vitrum vocamus; pertinent huc quoque quaedam Oxyda metallica, Manganii, Antimonii, et sic porro.

Acida considerare possumus, ut continentia ad minimum, tres Atomos Oxygenii in uno Atomo baseos.

Sunt quaedam regulae quibus certius definire possumus numerum relativum Atomorum connubii alicujus. Prima deducta est ex comparatione graduum oxydationis corporum. Secunda ex convenientia graduum Sulphuretorum cum gradibus oxydationis, et Tertia est quasi sequela proportionis Oxygenii Oxydorum Electro-Negativorum, cum ea Oxydorum Electro-Positivorum in connubio Chemico. Hae regulae sunt sequentes.

1.) Inquiratur. in quot proportiones Basis cum Oxygenio jungi possit; comparentur inter se, et reducantur ad numerum Atomorum quantum fieri possit simplicissimum v. c. Antimonium habet tria oxyda, quae inter se hac ratione sese habent = 3, 4, 5; nam protoxydum Antimonii componitur ex 100 partibus metalli, et 18, 6 partibus Oxygenii. Deutoxydum ex 100 metalli, et 24,8 Oxygenii partibus: Tritoxydum ex 100 metalli, et 30,993 Oxygenii partibus.

Si nunc hos numeros, nempe 118,6. 124,8. 130,993 reducere velimus ad numeros simpliciores, eos dividamus per numerum 106, et habebimus fere 3, 4, 5; nam

$$118, 124, 130, = 3, 4, 5.$$

Exinde conficere possumus in his oxydis, unum Atomum baseos continere tres, quatuor, quinque Atomos Oxygenii. Hoc modo semper debemus agere in numero relativo Atomorum inveniando.

2.) Comparentur connubia Sulphuris alicujus corporis cum gradibus oxydationis; v. g. Arsenicum cum Oxygenio jungitur in ratione unius Atomus baseos cum tribus et quinque Atomis Oxygenii; Sulphur autem cum Arsenico jungitur duabus proportionibus, in prima unus Arsenici jungitur duobus Atomis Sulphuris; in altera unus Atomus Arsenici jungitur tribus Atomis Sulphuris: Sulphur autem in Sulphuretis in eadem ratione est uti Oxygenium in oxydis. Exinde conficere possumus, gradum oxydationis Arsenici minorem etiam debere existere, in quo Oxygenium sese habet cum Arsenico = 1 : 2, et igitur oxydationis gradus Arsenici esse = 2, 3, 5.

3. Quando Oxyda Electro-Negativa conjunguntur Electro-Positivis, tunc quantitas

Oxygenii unius est multipulum sine fractionibus Oxygenii alterius. v. g. Acidum Sulphuricum continet tres Atomos Oxygenii et quoque triplicem quantitatem Oxygenii baseos Oxydi, quocum conjungitur et salem neutrum format. Acidum Sulphurosum et Carbonicum continent duos Atomos Oxygenii, et quoque duplicem quantitatem Oxygenii baseos in connubio. Hac enim regula, quadam securitate veram rationem Atomorum statuere possumus. Acidum aceticum in sale acetico neutro continet quantitatem Oxygenii triplicem Oxygenii baseos; ita ut statuere liceat, Acidum aceticum tres Atomos Oxygenii continere.

Si denique basis quaedam habeat duos gradus Oxydationis, quae se habent ea ratione, ut in prima tres, et in secunda quinque Atomus Oxygenii contineantur, quoque conficere possumus, haec Oxyda in duobus Atomis baseos, continere tres et quinque Atomos Oxygenii; et ita illud ex regula communi exciperetur. Non multa tamen Oxyda in hoc casu sunt, Acida Azoti iis annumerantur (1), quum autem sit probatum Azotum, huc usque habitum corpus simplex, esse Oxydum, compositio Acidorum memoratorum esset in eadem ratione, qua compositio aliorum.

Definito igitur hunc in modum numero Atomorum relativo in connubio, Berzelius et alii, quo faciliorem redderent usum Stoechiometriae, illum tabulis expressum ediderunt, ex quibus videre licet, quot Atomus connubio quodam contineantur; quas tabulas ut intelligamus, prius communicanda sunt signa quibus utantur, ut singula connubia significant.

Semper igitur in iis signis utendum est lingua Latina, ut omnibus Chemicis intelligantur. *Metallum*, vel aliud corpus simplex, Berzelius significat litera initiali: B. *Boron* vel *Borium*. C. *Carbonium*. K. *Kalium*. L. *Lithium*. Si duo corpora ab eadem litera incipiant, aliam addit. A u. *Aurum*. A g. *Argentum*. A s. *Arsenicum*. S. *Sulphur*. Si. *Silicium*.

Ut significet quantitatem Atomorum Oxygenii connubii cujusdam, literae priori baseos imponit tot puncta, quot Atomus Oxygenii ei juncta sint. B a. *Oxydum Baryticum*. S. *Acidum Sulphuricum*. Š. *Acidum Sulphurosum*. Č. *Oxydum Carbonicum*. Ć. *Acidum Carbonicum*.

Corpora magis composita ita significantur. *Sulphas Cupricus* his signis indicatur Č u Š<sup>2</sup>. Hoc significat, duos Atomos Oxygenii Cupro esse conjunctos, Sulphur tribus Oxygenii Atomis, et per numerum 2 (quem in Arithmetica vocamus *Exponent*) indi-

ca-

(1) Repertum novissimum in Anglia Ammoniam nasci, si certo quodam caloris gradu cum potassa committatur fluxus Hydrogenii, satis est admirandum; nam phaenomenon locum habebat, adhibita quidem potassa depuratissima. Si hoc verum est et novis experimentis aliorum Chemicorum probatur, conficere possumus Azotum in quodam statu, fortasse ut Oxydum, cum Potassa intime esse esse conjunctum.

catur unum Atomum Oxydi cuprici, conjunctum esse duobus Atomis Acidi Sulphurici.

Signum  $\bar{K} \bar{B}^2$  indicat *Boratem Kalicum* et  $\bar{A} \bar{u} \bar{C}^3$  *Carbonatum auricum* et sic porro.

Atomus tertij ordinis indicamus hoc modo; exemplo sit. *Sulphas Aluminico-Kalicus*  $\bar{K} \bar{S}^2 + 2 \bar{A} \bar{l} \bar{S}^3$ . Numerus 2 (in Arithmetica *Coëfficient* vocatus), indicat Sulphatis Aluminici duos Atomos, uni Atomo Sulphatis Kalici esse conjunctos.

Ut significetur Atomus quarti ordinis ita procedimus, ex. gr. in *Sulphate Aluminico-Kalico crystallisato* signis indicando, ita agendum est  $\bar{K} \bar{S}^2 + 2 \bar{A} \bar{l} \bar{S}^3 + 48 \bar{H}^2 \bar{O}$ , vel pro posteriore signo  $+ 48 \bar{A} \bar{q}$  ponere possumus.

Ut corpora organica significet, Berzelius linedam imponit primae literae connubii; v. g. *Acidum Aceticum* hoc modo significat.  $\bar{H}^6 \bar{C}^4 \bar{O}^3 = \bar{A}$ . *Acidum Citricum*  $\bar{H}^4 \bar{C}^4 \bar{O}^4 = \bar{C}$ . *Acidum Formicicum* hoc modo:  $\bar{H}^2 \bar{C}^2 \bar{O}^3 = \bar{F}$ . In iis connubiis, in quibus duo Atomus corporis cujusdam simplicis junguntur uni Atomo Oxygenii, Berzelius utitur litera O, pro puncto; v. g. *Acidum Nitricum*,  $\bar{N} \bar{O}^6$ , literam N pro Nitrogenio vel Azoto sumens; et quum in connubio Aqua pars constituens est, hoc signo  $\bar{A} \bar{q}$  utitur.

Sunt quidem Chemicis qui alia signa proposuerunt; sed haec signa quae modo explicavimus, et quibus Berzelius atque multi celeberrimi Chemicis utuntur, perspicuo modo, aliquod connubium significare possunt; et etiam faciliora signa haec intellecta sunt aliis magis complicatis ex. gr. iis ex opere de Stoechiometria edito a Chemico *Meinecke*.

Si igitur quodammodo his signis assueverimus, facile patebit, ea magnam facilitatem praebere in significandis proportionibus Chemicis. Hae tabulae autem non eam solam habent utilitatem, ut ex iis videre possimus, quam proportionem in connubio aliquo, unius corporis constituentis Atomus ad alterum teneantur; sed etiam ut ex iis pateat, quam proportionem corpora jungantur quod ad pondus. Quamobrem nunc transeamus ad alteram hujus Capitis partem, quae agit.

#### *De pondere relativo Atomorum.*

Hoc pondus certis quibusdam numeris indicatur, quos etiam vocamus numeros proportionales, *Nombres Proportionels*, et horum ope, Stoechiometria immensam utilitatem Chemiae praebet; quoniam compositionem connubii quod ad pondus, satis accurate cognoscere possumus, solas tabulas memoratas inspicientes. Coniunctis duobus numeris proportionalibus corporum simplicium vel compositorum, habebimus numeros proportionales illius connubii; vel aliis verbis, pondus re-

lat.

lativum unius Atomii corporis compositi; v. g. Numeri proportionales, vel potius pondus unius Atomii aquae indicatur numeris 112,4354. Hunc numerum habebimus, si conjungimus pondus relativum unius Atomii Oxygenii cum pondere relativo duorum Atomorum Hydrogenii; quia aqua componitur ex uno Atomo Oxygenii et duobus Atomis Hydrogenii, ita:

$$\begin{array}{rcl} \text{Atomus Oxygenii} & = & 100 \\ \text{Duo Atomii Hydrogenii} & = & 12,4354 \end{array}$$

$$\text{Pondus relativum Atomii Aquae} \quad 112,4354.$$

Sic quoque pondus relativum Atomii Sulphatis Kalici inveniemus, si pondus unius Atomii Potassae jungitur duobus Atomis Acidi Sulphurici; nam hic sal formatus est ex uno Atomo Potassae et duobus Atomis Acidi Sulphurici, ita:

$$\begin{array}{rcl} \text{Atomus Potassae} & = & 1179,83 \\ \text{Duo Atomii Acidi Sulphurici} & = & 1002,32 \end{array}$$

$$\text{Pondus relativum Atomii Salis} \quad 2182,15$$

Hoc Pondus autem relativum Atomorum simplicium corporum, facillime inveniri potest, uti vidimus supra; ea compositorum invenimus, conjunctis ponderibus relativis duorum corporum, si attendamus tantum ad numerum Atomorum in connubio.

Pro unitate assumatur Oxygenium, quia hoc in plerisque connubiis obvium est, et quia numeri ponderum Atomorum corporum cum eo comparati, simplices sunt quam si aliud corpus pro unitate assumamus. Pondus autem Atomii Oxygenii ponatur = 100, et regulis supra memoratis, sequenti modo procedatur: (Alii Chemicii ponunt pondus Atomii Oxygenii = 10; sed hoc ad idem redit).

Ut igitur calculo definiatur, pondus Atomii argenti, modo adhibeatur regula trium. 100 Partes Argenti ut oxydentur, junguntur partibus Oxygenii 7,3986. Hoc Oxydum possumus statuere uti in tabulis indicatur, componi ex uno Atomo Argenti et duobus Atomis Oxygenii; dein ita pergatur

$$\begin{array}{l} \text{Oxygenium.} \quad \text{Pondus. rel. Oxygenii.} \quad \text{Argentum.} \quad \text{Pondus rel. Argenti.} \\ \frac{7,3986}{2} = 3,6993 \quad : \quad 100 \quad = \quad 100 \quad : \quad 2703,21. \end{array}$$

Quia duo Atomii Oxygenii in hoc connubio sunt = 7,3986, inde sequitur unum Atomum Oxygenii esse = 3,6993. Quum autem pondus relativum unius Atomii Oxygenii sit = 100, modo multiplicemus 100 partes Argenti cum hoc pondere relativo et dividamus per numerum 3,6993, tum habebimus numerum 2703,21, pondus relativum unius Atomii Argenti.

Aliud exemplum:

Ut inveniat pondus Hydrogenii, sequenti modo agendum est. Secundum experimenta Berzelii est Dulongii, 100 partes Oxygenii formant cum partibus 12,435 Hydro-

drogenii, partes 112,435 aquae. In aqua unus Atomus Oxygenii conjungitur cum duobus Atomis Hydrogenii; inde oritur sequens comparatio:

|           |                         |            |                                 |
|-----------|-------------------------|------------|---------------------------------|
| Oxygenii. | Pond. Rel. At. 1. Oxyg. | Hydrogenii | Pondus rel. 1. Atomum Hydrogen. |
| 100       | :                       | 100        | = 6,2175 :                      |
|           |                         |            | 6,2175.                         |

Chemicus Cl. *Meinecke* (1) etiam hoc observavit, pondera relativa corporum fere semper posse dividi pondere relativo Hydrogenii, ut nihil supersit; atque hanc observationem tradit ut regulam, qua videre possumus, utrum pondera relativa corporum recte calculo sint definita; sed quia pondus relativum Hydrogenii tam parvum sit, nempe 6,2177, hoc pondus relativum facile potest dividere pondera relativa aliorum corporum; ita ut nullam certam regulam exinde conficere possimus.

Multum tamen abest, ut pondus relativum Atomorum semper accuratum sit, dependet enim solummodo a numero Atomorum, quem in aliquo connubio adesse statuimus; ita ut verisimile sit, in his tabulis tempore procedente, nonnulla minus accurata repertum iri. Quamdiu autem non patuerit rem aliquam esse veritati contrariam, vel minus probabilem, praestare videtur eam assumere.

In Chemia practice tractanda igitur, Stoechiometriae ope carere vix possumus. Quonam enim modo sciamus, in corpore aliquo componendo, quantitatem partium constituentium quibus haec compositio fiat; vel si Analysin connubii alicujus peragere velimus, quantitatem corporis disjungentis, quo opus est ut analysis fiat. Nonnulla hujus rei exempla adferamus.

1. Si Oxydum aliquod restituere velimus in statum metallicum v. c. Oxydum Zincicum, videmus ex tabulis illud constitui duobus Atomis Oxygenii et uno Zinci. Haec compositio ut disjungatur, opus est Carbonio et calore intenso, ut Carbonium Zinco Oxygenium auferens, in Oxydum vel Acidum Carbonicum convertatur. Pondus autem relativum Atomum Zinci est = 806,45. Pondus relativum duorum Atomorum Oxygenii = 200; Pondus relativum Carbonii = 75,33; et unus Atomus Carbonii jungitur uni Atomo Oxygenii ut fiat Oxydum Carbonicum. Igitur ut partes 1006,45 (Pondus relativum Atomum Oxydi Zinci) disjungantur, opus est 150,66 partibus, (Pondus relativum duorum Atomorum Carbonii) si nempe statuimus Carbonium plane in Oxydum converti.

2. Exemplum connubii magis compositi:

Si inquirere velimus in quantitatem acidi Nitrici, contentam sale aliquo Nitrico neutro, cujus basis est incognita, sumatur Acidum v. c. Acidum Sulphuricum; si tunc ponamus formari salem Sulphuricum neutrum, quaeratur differentia ponderis horum salium.

Ponamus salem Sulphuricum 26, 55 partibus esse minus ponderosum sale Nitrico;

pon-

(1) In opere quod inscribitur *Chemische Messkunst*. II Theil. pag. 19; 20, 21.



pondus autem baseos manet idem; igitur differentia inter pondera relativa Atomorum Acidi Sulphurici et Acidi Nitrici, erit ad pondus Atomum Acidi Nitrici, uti differentia ponderis duorum salium ad pondus quaesitum, hoc modo:

$$176,10 : 677,26 = 26,55 : 102,07.$$

3. *Acetatem Kalicum* adipisci volunt Analyti duplici, Sulphatis Kalici et Acetatis Plumbici, atque ut illud fiat, adhiberi volunt 25 partes Sulphatis Kalici.

Ut igitur sciamus quaenam quantitas Acetatis Plumbici requiratur, ut 25 partes Sulphatis Kalici plane divellantur; et quaenam quantitas Acetatis Kalici hac operatione obtineatur, sequenti modo agendum est. Quaeratur in tabulis pondus relativum Atomum Sulphatis Kalici, hoc redit ad 2182,15; et pondus relativum Atomum Acetatis Plumbici crystallisati, quod redit ad 4745,85. Pondus relativum Atomum Sulphatis Kalici ad pondus relativum Atomum Acetatis Plumbici tenetur eadem ratione, qua 25 partes Sulphatis Kalici ad quantitatem quaesitam Acetatis Plumbici, hoc modo:

$$2182,15 : 4745,85 = 25 : 54,57.$$

Ut autem inveniatur quantitas Acetatis Kalici, quae hac Analyti obtinetur, quaeratur pondus relativum Atomum Acetatis Kalici, quod est 2462,07; et sequenti modo pergatur.

|                           |                      |             |               |
|---------------------------|----------------------|-------------|---------------|
| Pondus At. Sulph. Kalici. | P. At. Acet. Kalici. | Sulph. Kal. | Acet. Kalic.  |
| 2182,15                   | :                    | 2462,07     | = 25 : 28,20. |

His quidem multa exempla addere possemus; ex praecedentibus tamen satis jam videre licet, quam late patet Stoechiometriae utilitas in Chemia practica exercenda, neque pronuntiare timemus, Chemiam illa carere non posse.

His igitur jam Clarissimi Iudices! officio satisfacisse, atque quaestionis vero consilio pro viribus respondisse, putamus; atque omnia de hoc argumento exposuisse, quae ad illud pertinerent. Ne aliter tamen hanc commentationem inspicere velitis, quam continentem fundamenta illius partis hujus egregiae doctrinae, cujus tanta est copia, ac tam late patet si reliquis artibus accommodatur.

T A N T U M.



JANI HENRICI HOLWERDA,

HAGANI,

PHILOS. THEOR. ET LITER. HUMAN. CANDIDATI ET THEOL.  
IN ACADEMIA LUGDUNO-BATAVA STUDIOSI,

RESPONSIO

A D

QUAESTIONEM A CLARISSIMO PHILOSOPHIAE THEORE-  
TICAE ET LITERARUM HUMANIORUM ORDINE IN  
ACADEMIA LUGDUNO-BATAVA, A. MDCCCXXVI  
PROPOSITAM:

*„ Quenam fuit veterum Scepticorum sententia de veri judicio? Qui-  
bus argumentis eam tueri conati sunt adversus Dogmaticos, inpri-  
mis Socraticos, et Stoicos? Quomodo denique Sceptica philoso-  
phandi ratio, observatâ hominis indole, naturâ, atque ingenii  
progressione, explicanda et coërcenda videtur? ”*

QUAE PRAEMIUM REPORTAVIT D. VIII MENSIS FEBRUARII

A. MDCCCXXVII.

ACR 177 FROM BUREAU OF THE IR-1

1978

THE UNIVERSITY OF CHICAGO LIBRARY

1. *Phragmites australis* (Cav.) Trin. ex Steud.

016209744

THE UNIVERSITY OF CHICAGO PRESS

[illegible]

1. The first step is to identify the problem or question that needs to be answered. This involves understanding the context and the specific requirements of the task.

1992

• *Chlorophyll a* and *Chlorophyll b* are the primary photosynthetic pigments in most plants.

• *Journal of the American Academy of Child and Adolescent Psychiatry*, 1999, 38(12):1391-1397.

... ..

*Journal of Management Studies*, 20(6), 791-806.

1997, 1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 26

1. *Journal of the American Medical Association*, 2000; 283: 2686-2692.

# R E S P O N S I O

## Q U A E S T I O N E M L I T E R A R I A M.

---

### P R O L E G O M E N A.

Quod Simonides de natura Deorum interrogatus, respondisse fertur: *quanto diutius considero, tanto mihi res videtur obscurior*; idem dici posse videtur de quaestione illa gravissima, et qua nulla latius patet, quibus finibus ingenium humanum contineatur, quatenus verum invenire, et inventum dijudicare possit? De qua tam variae sunt tamque diversae veterum philosophorum sententiae, ut, quanam earum sit verissima, dubitantes, omnem fere veritatem desperare cogamur. Sed tamen haud scio an nulla sit historiae Philosophiae pars, quae tantam habeat, ad animi agnitionem vel pulcritudinem vel utilitatem. Etenim cui non pulchrum videtur, quae ab ingeniosissimis viris de re gravissima cogitata sunt, cognita habere atque perspecta? Quae cognitio, quid aliud efficit quam ut ex animis nostris affirmandi temeritas eruatur?

Quae cum ita sint, neminem fore arbitror, cui non magnopere placeat quaestio, a Cl. ordine Philosophiae Theoreticae et literarum humaniorum ad disceptandum proposita, quae ita se habet:

*Quanam fuit veterum Scepticorum sententia de veri judicio? Quibus argumentis eam tueri conati sunt adversus Dogmaticos, imprimis Socraticos et Stoicos? Quomodo denique Sceptica philosophandi ratio, observata hominis indole, natura, atque ingenii progressionem, explicanda et concurrenda videtur?*

Ad ad hanc igitur quaestionem ita respondere conabor ut, si minus doctrinae cepiam et varietatem afferre possim, at industriae certe aliquam laudem assequar.

Disputationis triplicem feci divisionem eam, quam ipsa quaestio demonstrat: prima parte Scepticorum de veri judicio sententia continetur: secunda pars consumetur

in argumentis, quibus hanc sententiam defendere consueverant, exponendis: tertio denique in eorum philosophandi ratione explicanda et coercenda versabitur.

Sed ut palam fiat, quam de re disputetur, neque oratio nostra incerta vagetur, videamus, quid veteres intellexerint *verum*, quid *judicium*?

Et ad *verum* quidem quod attinet, Sexti Emperici exemplum secuti, Stoicorum definitionem afferemus (1). Hi igitur *verum* intelligebant τὸ ὑπάρχον καὶ ἀντικείμενον τινι, id, quod existit et alicui rei oppositum est, id est, *cujus oppositum falsum est*. Quo sequitur *Falsum* nihil aliud esse, quam τὸ μὴ ὑπάρχον καὶ μὴ ἀντικείμενον τινι, id quod non existit, neque alicui rei oppositum est, hoc est, *cujus oppositum non falsum est* (2). *Verum* triplici modo distinguebant a *veritate*. Primum οὐσία: verum enim est incorporeum, quippe pronuntiatum et enunciatum (ἀξίωμα καὶ λεκτόν). Veritas est corpus, quippe nihil aliud, quam scientia omnium verorum. Scientia autem est animi principatus (ἡγεμονικόν) quodammodo se habens (3). Animi principatus secundum eos est πνεῦμα, ideoque corpus (4). Haec ut melius intelligantur, tenendum est, Stoicos statuisse, omne quod movet, vel movetur corpus esse; quod non movet, neque movetur, incorporeum existimabant (5). Deinde verum a veritate distinguitur συστάσει; cum verum sit simplex, veritas composita et pluribus partibus constans, utpote scientia. Differunt igitur ut cives a civitate, ut species a genere (6). Denique δυνάμει inter se differunt verum et veritas: quandoquidem haec tantum cadere potest in perfectum illum Stoicum sapientem, veri contra et stultus est particeps, et infans, et insanus (7).

Ut autem verum a falso distinguatur opus est κριτήριον. Quod latine *judicium* appellare licet, auctoribus Cicerone (8) et Seneca (9): quamvis hanc vocem graecae minus respondere arbitrati sunt Picius Mirandulanus (10), et, cujus major est his in rebus auctoritas, M. A. Muretus (11). Cicero autem et aliis formulis promiscue usus est: v. c. *id, quo omnia judicantur, veri falsique nota, veri falsique regula* cact.

(1) Cf. *advers. Math.* VII. 38 edit. Fabricii.

(2) *Galenus. De Hist. Phil. Opp.* tom. II. pag. 26. A, B edit. Charterii. Liceat mihi ignotum hujus libelli auctorem facilitatis causa Galenum appellare.

(3) *Seneca Epist.* 113.

(4) Cf. *Sext. Emperic. P. H.* lib. II, 81. *adv. Math.* VII. 39 et 38. — *Galenus l. l.*

(5) Cf. *Diog. Laërt.* VII, 55. ubique Menagius. — *Aul. Gell. Noct. Attic.* V. 15. — *Pseudo-Plutarch, De placitis philosophi.* IV. 19, 20. p. 298 — 299 edit. Tauchnitz.

(6) Cf. *Sext. Emperic. P. H.* II, 82. *advers. Math.* VII, 40 — 42. — *Galenus l. l.*

(7) Cf. *Sext. P. H.* II, 83. *Adv. Math.* VII, 43 — 45. — *Galenus l. l.*

(8) *Acad. quaest.* II, 8. alibi.

(9) *Epist.* 82.

(10) *In examinis vanitatis doctrinae gentium.* In unaqueque Ricci opp. Basilicae. 1573 et 1604. tom. II, p. 818.

(11) Ad laud. Senecae locum. *Opp.* tom. III. p. 70. edit. Rubnk.

caet. (1). Sed missis his levioribus ad rem ipsam, criterii nomine designatam, definiendam accedamus.

Criterium in universum nihil aliud est, quam, πράγματος διαγνωστικὴ πανανόησις (2) et duplex distinguitur, ad vitam regendam alterum, alterum ad verum falsumque dijudicandum. Sextus Empiricus: αὐτίκα τοίνυν, inquit, κριτήριον λέγεται πρῶτον μὲν διχῶς· καθ' ἓνα μὲν τρόπον, ὃ προσέχοντες, τὰ μὲν ποιοῦμεν, τὰ δὲ οὐδαμῶς· καθ' ἕτερον δὲ, ὃ προσέχοντες τὰ μὲν ὑπάρχειν φανέν, τὰ δὲ μὴ ὑπάρχειν, καὶ ταυτὶ μὲν ἀληθῆ καθιστάμεν, ταυτὶ δὲ ψευδῆ (3).

De illo posteriori veri criterio potissimum in hac disputatione agendum erit, quod rursus triplici modo dicitur: κοινῶς, ἰδίως, ἰδιαίτητα. Et κοινῶς quidem criterium dicitur, omnis comprehensionis mensura, quam a natura accepimus, v. c. visus, auditus, gustus, caet.: ἰδίως, omnis comprehensionis mensura, quam arte nobis praeparavimus v. c. cubitus, circinus caet.: denique ἰδιαίτητα, criterium est omnis mensura, qua res incerta (ἄδηλος) comprehenditur. Huc autem praesertim ea pertinent, quae ad verum dijudicandum Dogmatici asserunt (4).

Aliquantum ab his differt Galeni ratio, qui duplex tantum distinxit criterium, φυσικὸν naturale alterum, τεχνικὸν artificiale; quorum hoc nobismet ipsi paravimus, ut circinus; illud naturae acceptum referimus, ut sensus et ratio (5). Igitur, quod Sexto fuit κοινῶς et ἰδιαίτητα dictum criterium, id Galeno est naturale: quemadmodum rursus Sexti ἰδίως vocatum criterium Galeni artificiali respondet.

Nondum in dividendo criterio subsistebatur. Nam illud ἰδιαίτητα dictum criterium rursus triplici modo distingui potest. Est enim aliquod criterium δι' οὗ, a quo, ut ἄνθρωπος: aliud δι' οὗ, per quod, ut αἰσθήσεις, δάννια: tertium denique καθ' ὃ, secundum quod, ut ἡ προσβολὴ τῆς φαντασίας (6).

Fuerunt autem, qui primum illud criterium δι' οὗ, ut supervacaneum, rejicerent, cum potius sit ipse iudex, non id, quo iudicetur. Quorum rationem probavit Cassendus, vir eximius (7). Ita autem fecit Galenus, qui illud suum naturale criterium duabus constare putavit partibus, quarum unam criterium δι' οὗ, per quod vocavit, alterum criterium καθ' ὃ, secundum quod. Illud nihil aliud est, nisi facultas a natura data, per quam rem cognoscamus, ut sensus vel intellectus: hoc est ipsa huius facultatis

ac-

(1) Acad. quaest. III 10, 11, 12. alibi.

(2) Galenus. De hist. phil. p. 25. F.

(3) Adv. Math. VII. 29. — Cf. P. H. I, 21. II, 34. — Galenus l. l.

(4) Cf. Sext. Empir. P. H. II, 15. — Galenus l. l.

(5) Cf. De optima doctrina contra Favorinum, c. IV. pag. 19. B. C.

(6) Cf. Sext. Emp. P. H. II, 16. — Adv. Math. VII, 35 — 37. de quibus locis cf. Cassendus, De logicis fine. Opp. tom. I. p. 69.

(7) l. l.

actio sive operatio, veluti *sensio et intellectio* (1). Cum Galeno in rejiciendo criterio a quo consensisse videtur Potamo Alexandrinus, Eclecticorum auctor; certe apud Diogenem Laërtium non nisi duo criteria statuit *per quod et secundum quod* (2). Alcinoüs autem haec duo confudisse et uno nomine τὸ δι' οὗ comprehendisse videtur, cum tamen aliud adjecerit τὸ ὑφ' οὗ, idque mentem esse dixerit: (τὸ δὲ κριτήριον) ἐστὶ διττὸν, τὸ μὲν ὑφ' οὗ κρίνεται τὸ κρινόμενον, τὸ δὲ δι' οὗ ὃν τὸ μὲν ἂν εἴη ὃ ἐν ἡμῖν νοῦς, τὸ δὲ δι' οὗ ὅργανον φυσικὸν κριτικόν (3). Haec de criterio dicta sufficiant.

Ejusmodi autem criterium, quo verum a falso distinguatur, utrum existat, nec ne magna fuit inter philosophos contentio. Eorum tria potissimum facit genera Sextus Empiricus: *Dogmaticorum*, qui et esse verum et percipi posse statuebant: *Academicorum*, qui et esse verum et percipi posse negabant. Inter quos medii interjacent *Sceptici*, qui nihil statuunt, sed quaerunt et dubitant (4). In qua divisione illud mihi minus probatur, quod Academicos a Dogmaticis diversos facit. Nam aequè Dogmaticus est is, qui veri judicium tollit, ac qui ponit. Quamobrem Dogmatici putandi sunt ii, qui vel statuunt, vel negant verum et esse et percipi posse: Sceptici, qui assensionem cohibent, et nihil in utramque partem statuunt (5). Nostrae tamen disputationis ratio postulare videtur, ut Dogmaticos eos intelligamus, qui aliquid veri judicium statuebant, Scepticos et eos, qui illud omnino tollebant, et eos, qui de eo non statuebant, sed assensionem cohibebant: praesertim cum, ut postea videbimus, hi nomine tantum differant, re congruant. Ejusmodi fere est Diogenis Laërtii philosophorum divisio, qui τῶν δὲ φιλοσόφων, inquit, οἱ μὲν γέγονασιν δογματικοί, οἱ δὲ ἐφεκτικοί. Καὶ δογματικοὶ μὲν ἔσσι περὶ τῶν πραγμάτων ἀποφαίνονται, ὥς καταλήπτων· ἐφεκτικοὶ δὲ ἔσσι ἐπίχουσι περὶ αὐτῶν, ὥς ἀκαταλήπτων (6). Quod autem ad antiquiores illos attinet philosophos, Xenophanem, Empedoclem, alios, qui, neque Sceptici, neque Dogmatici appellari possunt, minime absurdum videtur, hos a reliquis sejungere, eorumque tertium facere genus ex utroque mixtum. Galenus, Dogmaticorum et Scepticorum facta mentione, μικτὴν δὲ, inquit, αἵρεσιν προσειρήκασιν· τὴν τις μὲν δόγμασι κατατιθεμένην, περὶ πολλῶν δὲ ἡπαρηκυῖαν καὶ μὴ πάντα διεξιούσαν συνκαθετικήν. Et paullo post τοὺς δὲ κατὰ μικτὴν αἵρεσιν μετεληλυθότας ὑπάρχειν φασὶ γενεφάνην — Δημόκριτον caet. (7).

54-

(1) Cf. Galenus. *De optim. doct.* c. IV. p. 16. D. F.

(2) Cf. *Diog. Laërt. Prooem.* s. 21.

(3) *De doct. Plat.* c. IV. p. 51 edit. quàm Fischerus Platonis dialogis à π editis praefat.

(4) P. H. I, 1 et 2.

(5) Cf. Cl. Nieuwenhuis in *Orat. de varia philosophandi ratione, cum mentis humanae indole et progressibus comparata.* pag. 19.

(6) Cf. *Diog. Laërt. Prooem.* s. 15.

(7) *De hist. phil.* pag. 24. F.

Superest, ut fontes indicemus, e quibus hujus contentiōnis cognitio haurienda est. Et primum quidem memorandae ~~sunt~~ egregiae illae, neque unquam satis laudandae Sexti Empirici disputationes, quae secundo Pyrrhoniæ Hypotyposeon et Septimo adversus Mathematicos libro continentur. Eodem loco habendi sunt Ciceronis Academicarum quaestionum libri, quos, si integros haberemus, multis de rebus certius judicare possemus. Galeni liber De Optima doctrina, pauca de quaestionis historia habet, et ad unius Favorinī rationem pertinet. Ad eam paucitatem veterum scripta, in quibus data opera de criterio agebatur, temporum injuria redacta sunt; quo diligentius ea colligenda sunt, quae hac de re sparsa inveniuntur, apud alios scriptores: Plutarchum, Eusebium, Diogenem Laërtium, Photium, alios, quos suo quemque loco laudabimus. Ceterum ex his, qui perditī sunt, nullius jacturam tantum dolemus, quantum Posidonii *περί κριτηρίου* libri (1), tum quod ex eo Dogmaticorum rationes ab ipso Dogmatico eoque clarissimo propositas cognoscere possemus, tum quod in eo haud pauca ad historiam quaestionis pertinentia fuisse videntur, ut ex Diogenis Laërtii l. l. conjicimus. Reliquorum perditorum de criterio librorum titulos, qui nobis innotuerunt, hic recensere nihil attinet, quia in ipso disputationis cursu nonnullorum mentionem faciemus. Illud tantummodo memorandum videtur, existare adhuc ineditam Nicephori Gregorae de veri judicio contra Scepticos disputationem; cuius rei notitiam Fabricio (2) debemus.

E recentioribus dedita opera veterum philosophorum de veri judicio sententias tractavit Picus Mirandulanus, in *Examine vanitatis doctrinae gentium*, qui temporum, quibus vixit, ratione habita, sua laude non fraudandus est. Hunc secutus est Gasendus, in libro *De fine logica*, qui majori linguae Graecae scientia instructus, Picum longo post se intervallo reliquit. Memorandus quoque Hyetius, *Traité de la faiblesse de l'esprit humain*. Amstel. 1723. qui in se reprehendendus esse videtur, quod omnes fere philosophos ad Scepticorum sectam referre studeat. Denique breviter pro instituti ratione hunc locum tractavit Wytenbachius Vir. Cel. in *Præceptis Logices*, Part. III. cap. H. p. 81 — 93. ed. 2.

Haec sunt quae praemonenda habui.

(1) *Diog. Laërt.* VII, 54.— De hoc libro videtur J. Baks vir Cl. in *Posidonii Rhodii reliquis doctrinae* 245. 247.

(2) *Ad Sext. Empir.* P. H. II, 18. not. Z.





## P A R S P R I M A,

QUA SCEPTICORUM DE VERI JUDICIO SENTENTIA CONTINETUR.

## CAPUT PRIMUM,

DE IIS PHILOSOPHIS, QUORUM SENTENTIA INTER DOGMATISMUM ET  
SCEPTICISMUM VACILLAT.

Antiqui illi sapientiae studiosi, ut Xenophanes, Empedocles, alii, cum primum philosophari coeperunt, saepius et sensuum fallacitatem experiebantur, et aliis difficultatibus in rebus explorandis impediabantur. Quo factum est, ut interdum omnem veritatem desperarent, ideoque vehementissimas ederent querelas. Contra si quid invenissent, tanquam certum sumebant, verum inveniri posse, et Dogmatice assentiebantur. Quae ratio diu in philosophia invaluit. Multae difficiles quaestiones jam explicatae erant et pertractatae, antequam de mentis humanae facultatibus cogitari coepit. Hinc factum est, ut idem philosophus nunc Sceptice, nunc Dogmatices de veri judicio pronuntiasset diceretur. Quo et alia accedebat causa. Fuit enim omnium philosophorum communis ex pervulgatus mos, ut placita sua ad eos referrent auctores, qui antiquitas sapientiae laude florerent. Quae res saepius ad ridiculum agitata est, inprimis a Stoicis, qui Homerum, Hesiodum et alios ita interpretabantur, ut plane Stoici fuisse viderentur (1). Idem faciebant Academici et Pyrrhonii (2). Statim igitur contentiones oriebantur, utrum aliquis ex iis antiquioribus Dogmaticus fuerit,

(1) Cf. Cicero, *De nat. Deorum*, I, 15. Hocce ad antiquos illos provocandi negotium fortasse jam reprehendere voluit Plato, cum Socratem ita inducit, ut, si quid ipse pronuntiet, id Diotimae, Medicis Thracibus aliisque acceptum referat. Cf. *Symp.* pag. 201. D. *Charmid.* 156. D. In eo etiam loco ubi illud Heracliti placitum *omnis fluere* ad Homerum et Epicharmum refert, manifesta est ironia. *Theaet.* pag. 152. D. Animadverti quoque debet Sextum Empir. a huius morbi contagione omnino liberum fuisse, et contra vehementer studuisse ut ostenderet Pyrrhonios ab omnibus aliis philosophis diversos esse. cf. inprimis P. H. I. 210 — 241.

(2) Cf. Cicero, *Acad. quaest.* II, 5, 6, 23, 24. — *Diog. Laert.* IX, 70. seqq.

rit, an Scepticus (1)? Hujus dicta et placita utrique in suam sententiam interpreta-  
bantur, et, ut facile intelligitur, nonnunquam corrumpebant.

Quo haec pertineant apparet: non sejungendam esse Dogmatismi et Scepticismi trac-  
tationem, antequam ad ea ventum sit tempora, quibus uterque ad perfectionem esset  
adductus. Continuebit igitur haec nostrae disputationis pars utriusque initia et incre-  
menta. Inprimis autem operam dabimus, ut illius, quae veri iudicium tollitur, sen-  
tentiae vestigia diligenter colligamus.

Exordium capiamus ab *Homero*, quem Sceptici sectae auctorem esse voluerunt (2).  
Laudantur quidam hujus versus, qui Scepticismi speciem prae se ferunt, et quos  
Pyrrho saepe multumque usurpasse dicitur (3). Sed hoc superstitionis cuidam re-  
verentiae, qua tota antiquitas Homerum persequabatur, tribuendum esse existimem.  
Et ut hoc loco poëtas complectamur; *Euripides* et *Archilochus* (4) in illis versi-  
bus, qui a Scepticis laudantur tamquam ex ipsorum doctrina petitis, quidvis aliud  
quam incomprehensibilitatem rerum cogitasse videntur. Nam qui poëtae dictum ad  
eandem normam ac philosophi placitum exigere velit, ineptus sit. Sequuntur septem  
illi, qui antiquitus sapientes sunt dicti et habiti, quos Sceptici suae αἰρέσεως faciunt  
propter celebria illa dicta μηδὲν ἄγαν caet. (5). Quod quam leve sit, et per se in-  
telligitur, et magis intelligetur, cum ea, quae *Anaxarsidi* tribuit Sextus, diligentius  
consideraverimus. Καὶ Ἀνάχαρσις, ὡς Φασιν, ὁ Σκύθης, πάσης τέχνης τὴν κριτικὴν κατὰ-  
λήψιν ἀναιρεῖ. Σφόδρα γὰρ ἐπιτιμᾷ τοῖς Ἕλλησι, ταύτην ἀπολείπουσι· τίς γὰρ ἐστὶ, Φασίν,  
ὁ κρίνων τι τεχνικῶς; Ἄρα γε ὁ ἰδιώτης, ἢ ὁ τεχνίτης; ἀλλ' ἰδιώτην μὲν οὐκ ἂν εἰπομὲν· πε-  
πῆρται γὰρ πρὸς τὴν γνῶσιν τῶν τεχνικῶν ἰδιωμάτων, καὶ ὡς οὔτε τυφλὸς κερκεῖται τὰ τῆς  
δράσεως ἔργα, οὔτε κωφὸς τὰ τῆς ἀκοῆς, οὕτως οὐδὲ ὁ ἄτεχνος δέξωται πρὸς τὴν κατάληψιν  
τοῦ ἀποτελεσθέντος. Ἐπεὶ τοι ἐὰν καὶ τούτῳ μαρτυρῶμεν τὴν τινος πρᾶγματος τεχνικοῦ κρίσιν,  
οὐ διόισι τῆς τέχνης ἢ ἀτεχνία· ὅπερ ἐστὶν ἄτοπον· ὥστε οὐχ' ὁ ἰδιώτης ἐστὶ κριτὴς τεχνικῶν  
ἰδιωμάτων. Λέγεται ἄρα λέγειν τὸν τεχνίτην· ὁ πάλιν ἐστὶν ἀπίθανον. Ἦτοι γὰρ ὁ δαμόζηλος  
τὸν ἐμδζήλον, ἢ ὁ ἀνομόζηλος τὸν ἐτερόζηλον κρίνει· ἀλλ' ὁ ἐτερόζηλος οὐχ' οἷός τε ἐστὶ κρίνειν τὴν  
ἐτερόζηλον. Τῆς γὰρ ἰδίας τέχνης ἐστὶν ἐπηγνώμων, πρὸς δὲ τὴν ἀλλότριαν ἰδιώτης κἀθεσ-  
τηκεν. Καὶ μὴν οὐδὲ ὁ ἐμδζήλος τὸν ἐμδζήλον δύναται δοκιμάζειν· αὐτὸ γὰρ ταῦτο· ἐξητοῦραν,  
τίς ἐστὶν ὁ τούτους κρίνων ἐν μιᾷ δυνάμει τὸ ὅσον ἐπὶ τῇ αὐτῇ τέχνῃ κἀθεστῶτας. Ἀλλῶς τε,  
εἴπερ οὗτος ἐκείνῳ κρίνει, γενήσεται τὸ αὐτὸ κρίνον τε καὶ κρινόμενον, πιστόν τε καὶ ἀπίστον.

Hi

(1.) Talis contentio fuit de Xenophane *Sext. Empir. P. H. I, §23.* — De Platone, *Mem. lib. I §. 22.* — *Diog. Laërt. III, 51.* — *Cicero Acad. quæst. I, 13.* II, 5. — Item de aliis.

(2.) *Diog. Laërt. IX, 67.* quem secutus est *Suidas* voce Πυρρόν.

(3.) Cf. *Sext. Empir. adv. Math. I. 272 et 281.* VII, 128.

(4.) *Diog. et Suidas II. Sext. Empir. adv. Math. I. 281.* VII, 128.

(5.) *Diog. et Suidas II.* — De Septem autem sapientibus peculiariter egit *Diog. Laërt. I, 131 30, 40.* *Epique Menægius.* — Cf. *Heindorf ad Plat. Protagoram p. 343. A.* ad *Charmidem pag. 165. A.*

Ἡ μὲν γὰρ ὁμολογία ἐστὶν ὁ ἕτερος τῶν κρινόμενων, κρινόμενος καὶ αὐτὸς ἄπιστος ἔσται· Ἡ δὲ κρίνει, πιστὸς γενήσεται. Οὐ δυνατόν δὲ τὸ αὐτὸ καὶ κρίνον καὶ κρινόμενον, καὶ πιστὸν καὶ ἄπιστον ὑπάρχειν. Οὐκ ἄρα ἐστὶ τις ὁ κρίνων τεχνικῶς· διὰ δὲ τοῦτο οὐδὲ κριτήριον. Τῶν γὰρ κριτηρίων, τὰ μὲν ἐστὶ τεχνικὰ, τὰ δὲ, ἰδιωτικὰ. Οὔτε δὲ τὰ ἰδιωτικὰ κρίνει, ὥσπερ οὐδὲ ὁ ἰδιώτης· οὔτε τὰ τεχνικὰ, ὥσπερ οὐδὲ ὁ τεχνίτης, διὰ τὰς ἐμπροσθεν εἰρημένας αἰτίας. Τοίνυν οὐδὲν ἐστὶ κριτήριον (1). Locum quamvis longiorem retuli, quia vererem, ne, si in compendium eum redegissem, argumentationis vim et perspicuitatem corrumperem. Unus autem Sextus haec habet; apud alios veteres nil huc pertinens reperitur, nisi forte hoc Anacharsidis apophthegma: θαυμάζειν δὲ, ἔφη, πῶς παρὰ τοῖς Ἕλλησιν ἀγνοῦνται μὲν οἱ τεχνῖται, κρίνουσι δὲ οἱ μὴ τεχνῖται (2). Hinc autem Gassendus Sextianae narrationi fidem facere conatus est (3): equidem potius credam hocce dictum Sexto ansem praeuisse, ut talem disputationem fingeret, et Anacharsidi tribueret: cui suspicioni illud, ὥς φασιν, quod ille narrationi suae praefixit, favere videtur. Praeterea totius hujus disputationis dialectica subtilitas ab Anacharsidis aetate prorsus aliena est.

Hactenus de septem sapientibus. E quibus *Thales* primus scholam condidit eam, quae Ionica appellata est. Memoratu dignum est, quod de hujus scholae philosophis annotavit Sextus: πρῶτοι δ' ἔδοξαν οἱ ἀπὸ Θάλεω (4) φυσικοὶ τὴν περὶ κριτηρίου σκέψιν εἰσγῆσθαι· quo loco σκέψιν non de dubitatione Sceptica intelligendum esse, sed potius Dogmaticam tractationem significare bene monuit Fabricius (5). Videamus autem quo haecce Sexti animadversio pertineat. Omnes illi, qui, ut *Thales* primum philosophari coeperunt, sola ἐμπειρία ducebantur, et cum nondum virium suarum periculum fecissent, profecto in eos dubitatio non cadebat, utrum homo verum invenire et inventum dijudicare possit, nec ne. Sed progrediente inquisitione Empirismus ipse se destruxit, et eos docuit multa obesse, quominus homo ad veritatem pervenire posset. Quotidie sensuum fallacitatem experiebantur. Hos igitur reliquerunt, et ad unam rationem se contulerunt (6).

Inprimis hoc fecit *Anaxagoras*, ὥς ἀσθενὲς διαβάλλων τὰς αἰσθήσεις. Ὅτι δὲ φανερὸν ὅτι πάντων, φησὶ, οὐ δυνατοὶ ἐσμεν κρίνειν τὰ ἀληθῆς. Argumentum, quo hoc conficere studebat, petiit ex τῇ παρὰ μικρὸν τῶν χρωμάτων ἐξαλλαγῇ. Εἰ γὰρ δύο λάβοιμεν χρώματα, μέλαν καὶ λευκόν, εἴτα ἐκ ἑκάτερου εἰς ἑκάτερον κατὰ στήγωνα παρακχέοιμεν, οὐ

(1) Sext. Empir. adv. Math. VII. 55. — 59.

(2) Diog. Laert. I, 103. Simile quid habet *Plutarchus in Solone* c. V. in fine. p. 81. edit. Francof.

(3) Opp. Tom. I. p. 71.

(4) Adv. Math. VII, 89. — Per se patet et hoc loco monuisse sufficiat, cum de antiquis illis ejusmodi voces usurpantur, has a recentioribus ad illorum placita accommodatas esse.

(5) Adv. Math. VII. 89.

(6) Cf. Sextus l. l.

δυνήσεται ἡ ὕψις διακρίνειν τὰς παρὰ μικρὸν μεταβολὰς, καίπερ πρὸς τὴν φύσιν ὑποκειμε-  
νὰς (1). Eodem pertinet notissimum illud paradoxon: nivem sibi albam non videri,  
quia sciret aquam nigram esse, unde illa concreta esset (2). Quod non ex ani-  
mi sententia eum dixisse putem, sed ut festive sensus reprehenderet: nam Cicero  
l. l. Academ. 25. diserte testatur: eum non fuisse *sophistam*, (*sic enim appellan-  
tur ii, qui ostentationis aut quaestus causa philosophantur*) sed *maxima et gra-  
vitatis et ingenii gloria virum*. — Ceterum κοινῶς τὸν λόγον ἔφη κριτήριον εἶναι (3).

Haud minori, quam Physici illi, sapientiae laude et opinione floruerunt *Italic*i si-  
ve *Pythagorei*. Nec tamen melius de mentis humanae facultatibus investigandis me-  
ruisse censendi sunt. Nam quantum quidem de iis nobis innotuit, constat eos nul-  
lam Dialecticae operam dedisse (4). De criterio igitur veri non cogitarunt, nedum  
ut voluit Huetius (5), Sceptice dubitarunt: sed viribus suis, quas nondum experti  
erant, nixi ad rerum investigationem sese dederunt. Hoc de antiquissimis Pythago-  
reis dictum sit. Sed qui non modo Pythagoreorum disciplinam, sed omnem philo-  
sophiam, quam maxime auxit et inventis suis illustravit, fuit *Empedocles*: quae  
causa fuit, cur nonnulli a Pythagorae eum schola separarent, et in philosophiae  
historia peculiarem illi locum tribuerent (6). Quorum rationem non est cur se-  
quamur. Videamus potius quid de vero iudicando statuerit. Et vero alii aliter ip-  
sius sententiam explicarunt: eam rationem ut simpliciore probavit Sextus (7),  
qua sex criteria induxisse dicitur. Vult igitur Empedocles duas esse causas re-  
rum efficientes, *φύλαν* et *νεῖκος*. Materiam quadruplicem fecit, terram, aquam, aë-  
rem, ignem (8). Cum autem similia similibus cognoscantur, quae etiam commu-  
nis fuit Physicorum sententia, sequitur et sex illa elementa totidem esse criteria. En  
ipsa Empedoclis verba:

γαίῃ

(1) *Sext. Emp.* l. l. §. 90.

(2) Cf. *Cicero Acad. Quaest.* II, 34. Cf. etiam c. 23. — *Sext. Empir.* P. H. I. 33.

(3) *Sext. Adv. Math.* VII, 92. — Ita fere explicanda videtur Anaxagorae sententia. Cf. *Melmers, Grundriss  
der Weltweisheit* pag. 46. idem. *Geschichte der Wissenschaften in Gr. u. R.* I. 68a seqq. Quod autem *Buhlius*  
in *comm. de veterum philos. Gr. ante Aristotelem in arte log. conaminiibus*. In commentat. Soc. Goett. vol. XI. p. 242.  
affirmat, Anaxagoram statuisse *res tales esse, quales unicuique videantur*, id, auctore Aristotele, traditum *Me-  
taphysic.* III. 4. cum reliquis Anaxagorae placitis conciliavit *Staudlinus, Geschichte und Geleit des Speculativen* I.  
p. 199.

(4) Hoc satis, opinor, ostendit *Buhlius comm. laud.* p. 236. 237.

(5) *Traité de la follesse* etc. *Livr.* I. ch. 14. p. 100.

(6) Cf. *Krug, Geschichte der Philosophie alter Zeit, vornehmlich unter Gr. u. R.* p. 182. not. 2.

(7) *Adv. Math.* VII, 115 — 121.

(8) Praeter laudatum Sexti locum cf. ejusdem *Adv. Math.* IX, 10. X, 317. ubi leguntur etiam Empedoclis frag-  
menta. — *Plutarch. in Stromat.* ap. *Eusebium* P. E. I, 24, C. *Pseudo-Plutarchus de placitis Philosoph.* I. c. 3.  
p. 234. *Diog. Laërt.* VIII, 76. *Origenes in theophrastum* c. 3. edit. *J. C. Wolf. Hamb.* a. 1716. — Ad hoc-  
ce Empedoclis placitum respexit quoque *Plato Sophist.* p. 240. C. *Lyrid.* 214. B. ubi *Heindorf* laudat *Aristoteli  
Ethic.* VIII. 10.

γαίᾳ μὲν γὰρ γαῖαν ὁπώπαμεν, ὕδατι δ' ὕδωρ,  
αἰθέρι δ' αἶθερα δῖον, ἀτὰρ πυρὶ πῦρ ἀΐδηλον,  
στέρρην δὲ στέρρην, νῆκος δὲ τε νείκεϊ λύγρῳ (1).

Hoc est: terram percipimus *μετουσίᾳ* terrae, aquam aquae *μετουσίᾳ*, et sic porro.

Alii autem dixerunt secundum Empedoclem *κρίτηριον εἶναι* οὐ τὰς αἰσθήσεις, ἀλλὰ τὸν ὁρὸν λόγον (2). Et Empedoclem sensus quidem rejecisse communis est veterum vox (3). Quod autem ad illum ὁρὸν λόγον attinet, eum secundum Empedoclem vel divinum vel humanum esse; hunc proferri, illum non proferri posse, id apud unum tantum Sextum inveni.

Mirandum videtur Sextum, qui talia studiose collegit, mentionem non fecisse *Epicharmi*, poëtae Siculi et Pythagorei, cujus, teste Diogene, non modo poëmata, sed et libri de philosophia fuerunt: οὗτος ὑπομνήματα καταλέλοιπεν, ἐν οἷς φυσιολογεῖ, γυμολογεῖ, ἱατρολογεῖ (4). Hic, si quis alius, sensibus fidem negavit, mentem esse voluit reram judicem. Νοῦς, inquit,

νοῦς ἔρῃ, καὶ νοῦς ἀκύνει· τᾶλλα κωφὰ καὶ τυφλά (5).

Magis ad antiquam Pythagorae doctrinam comparata erat sententia *Philolai*. Sextus Empiricus: οἱ δὲ Πυθαγορικοὶ τὸν λόγον μὲν φασίν (κριτήριον εἶναι)· οὐ κοινῶς δὲ, τὸν δὲ ἀπὸ μαθημάτων περιγιγνόμενον, καθάπερ λέγει καὶ ὁ Φιλόλαος, θεωρητικόν τε ὄντα τῆς τῶν δλων φύσεως (6). Quod ut intelligatur, tenendum est, similia similibus cognosci: λόγος autem et ἡ τῶν δλων φύσις ex Pythagoreorum sententia sunt similia, utpote uterque ἀριθμός. Ergo ἡ τῶν δλων φύσις cognoscitur λόγῳ (7). Ita fere in hocce Sexti loco singula accipienda et connectenda esse videntur. Primum illud, similia similibus cognosci, jam tractavimus, cum de Empedocle dicebamus. De ista autem rationis cum rerum natura similitudine observandum est, Sextum hanc sententiam Pythagoreis tribuere auctore Posidonio, in *ἐξηγήσει τοῦ Τιμαίου Πλάτωνος* (8). Ad quod confirmandum

(1) Eodem versus et aliis locis laudat Sext. Empir. v. c. *adv. Math.* I, 303. VII, 29. — Similia similibus cognosci placuit etiam, si Sexto fides habenda, Democrito et Platoni.

(2) *Sext. Empir. adv. Math.* VII. 122 — 125.

(3) *Cicer. Acad. quaeq.* II. 5, 23. — *Plutarch. de audient. poetis* pag. 39. *Diog. Laert.* IX, 73.

(4) *Diog. lib.* VIII, 78.

(5) Hocce dictum multis veterum locis adductis illustravit *Wyttenbachius Vir. cel. ad Plat. Phaedonem*. cap. pag. 159, 151.

(6) Cf. *Sext. Empir. adv. Math.* VII. 92.

(7) *Sext. l. l.* 92 — 93.

(8) Cf. vir Cl. *J. Bekk de Posidonio* p. 238 seqq.

Adm disputationem addidit de numeris Pythagoricis longiorem quam ut hic referatur, quia efficitur e Pythagoreorum sententia: ὅτι ἐστὶν αἱ ἀριθμοὶ πάντα ἐπέκεινται

..... ἀριθμῶν τε πάντ' ἐπέκεινται,

τούτ' ἐστὶν, τῶν κρῖνοντι λόγῳ καὶ δμοιογενεῖ τοῖς τὰ πάντα συνεστάκειν ἀριθμοῖς (1). Et vero in eo consentiunt veteres, quod scripsit Cicero: *Pythagorei ex numeris et Mathematicorum initiis proficisci volunt omnia* (2).

Longissime a Pythagoreorum disciplina recedebat *Eleaticorum* ratio, quibus haud parvus locus in hacce disputatione debetur. Nam inventionem artis logicae ad eos referendam esse non est, quod dubitemus (3). Nonnihil tribuitur Xenophanī (4), sed inprimis de inventionis laude certant Zeno et Parmenides (5). Sed non nostrum est tantas componere lites, nec ad praesentem quaestionem necessarium; illud apparet philosophos illos magis jam cogitasse de humani ingenii finibus constituendis viribusque explorandis. Videamus igitur, quid effecerint.

Sed antequam antiquorum locos afferamus, monendum est, diligenter nos attendere oportere, utrum in iis universae Sectae an peculiaris alicujus philosophi sententia tradatur. Qua animadversione loca, quae sibi invicem plane pugnare videntur, conciliari posse arbitror (6). Universam igitur Sectae sententiam, ita descripsit Aristoteles: ἄλλοι δ' ἐγένοντο τούτοις τὴν ἐναντίαν φωνὴν ἀφίεντες· οἶοντα γὰρ δεῖν τὰς μὲν αἰσθησεις καὶ τὰς φαντασίας καταβάλλειν, αὐτῶν δὲ μόνον τῶν λόγων πιστεῦειν. Τοιαῦτα γὰρ τινα πρότερον μὲν Ξενοφάνης καὶ Παρμενίδης καὶ Ζήνων καὶ Μέλισσος ἔλεγον cap. (7). Ad quam sensuum reprehensionem ita eos pervenisse statuunt viri docti, Bayleum secuti (8): Eleatici putabant τὸ πᾶν εἶναι ἓν καὶ ἀκίνητον (9): quod cum pugnet cum multis illis

mu-

(1) Cf. *Sext.* l. I. 94—109.

(2) Cicero, *Acad. quest.* II. 37. Cf. *Sextus* P. II. III, 152 seqq. *adv. Math.* IV, 2 seqq. X, 248 seqq. *Pseudo-Plutarch. de placitis philos.* I, 3. p. 233. *Diog. Laërt.* VIII, 25.

(3) *Buhlius in comm. laud.* pag. 238.

(4) *Sext. Empir. adv. Math.* VII, 14. ibique *Fabricius* not. K. *Aristocles* ap. *Eusebium*. P. E. XI. 516. C.

(5) *Diog. Laërt. Prooem.* 18. idem. IX, 25. ibique *Menagius*. — *Sext. Empir. adv. Math.* VII, 7 et 193. *Suidas* voce *Zēnon*. *Aristocles* ap. *Eusebium* XI. 509. D. *Buhlius* comm. laud. p. 239, 240. *Stäudlin Geschichte und Geist des Scepticismus* pag. 203, 204. *Bayleus, Dict. hist. et critique.* art. *Zēnon* not. B.

(6) Monui propter Bayleum qui l. I. art. *Xenophane* not. E. cum *Aristocles* et *Plutarchi* locos mox laudandos invicem pugnare videbat, *Aristoclem* reprehendit ut *Xenophanis* sententiam minus accurate proponentem. Sed nostra admissa ratione, reprehensio facile dilui potest.

(7) Apud *Eusebium* P. E. lib. XIV. p. 756. B.

(8) *Dict. art. Xenophane* not. B. *Meiners Gesch. der Wiss. in Gr. u. R.* I. 610, seqq. *Buhlius, De ortu et progressu Pantheismi* in *comm. Soc. Gött.* V. p. 162 seqq. *Tennemann Grundriss der Geschichte der Philosophie* 179. p. 70. edit. 4. Ab his tamen dissentit *Stäudlin* l. I. p. 180 et 181.

(9) *Plato Theaet.* p. 180. E. *Sophist.* p. 242. D. *Parmenid.* 127. E. 128. A. *Plutarchus adv. Coler.*

mutationibus et vicissitudinibus, quas quotidie in rerum natura videmus, nihil relinquebatur, nisi ut has e fallacitate sensuum oriri dicerent. Ita communis Eleaticorum sententia, *in sensibus non esse veritatis iudicium, sed in ratione explicanda esse videtur.*

Nunc de singulis hujus sectae philosophis agamus, et si quam habent propriam sententiam exponamus. Et *Xenophanes* quidem cum reliquis in repudiando sensuum testimonio consentit, sed etiam de rationis fide quodammodo dubitasse videtur. *Plutarchus*: ἀποφαίνεται δὲ καὶ τὰς αἰσθήσεις ψευδεῖς, καὶ καθ' ὅλου σὺν αὐταῖς καὶ αὐτὸν τὸν λόγον διαβάλλει (1). Quatenus vero rationem rejecerit, de eo est aliqua sententiarum discrepantia. Sunt autem haec ipsius *Xenophanis* verba:

καὶ τὸ μὲν οὖν σαφὲς οὕτις ἀνὴρ ἴδεν, οὐδὲ τις ἔσται  
εἰδὼς ἄμφι θεῶν καὶ ὅσα λέγω περὶ πάντων.  
εἰ γὰρ καὶ μάλιστα τύχοι τετελεσμένον εἰπὼν,  
αὐτὸς ὁμῶς οὐκ οἶδε· δόκος δ' ἐπὶ πᾶσι τέτυκται (2).

Hos igitur versus nonnulli sic interpretabantur, ut dicerent, *Xenophanem* Criterium statuisse τὸν δοξαστὸν λόγον (3): quae interpretatio et cum *Plutarchi* loco laudato optime convenit, et vero cum alio *Xenophanis* dicto, quod idem nobis servavit *Plutarchus*:

ταῦτα δεδοξάσθαι μὲν εἰκνότα τοῖς ἐτύμοις (4).

Convenit etiam alius *Sexti Empirici* locus, ubi dixit, secundum *Xenophanem*, hominem nihil scire posse; sed tantum opinari (5). Quem locum mihi quidem dubium non est, quin ob oculos habuerit *Epiphanius*: Ξενοφάνης εἶναι τὰ πάντα ἔφη οὐδὲν ἀληθές. Οὕτως τὸ ἀτρεκές ἡμῖν ἔδηλον, δόκησις δὲ ἐπὶ πᾶσι τέτυκται μάλιστα δὲ τῶν ἀφανέων (6). Ex his omnibus apparet, hanc fere fuisse *Xenophanis* sententiam, hominis scientiam magna pro parte esse opinabilem, neque ita certam, ut dubitationi nullus relinqueretur locus.

Quamobrem mirandum non est, alios ita philosophi verba accepisse, quasi omne

c. 13. p. 239. idem in *Stromat.* ap. *Eusebium* P. E. I, p. 23. A. C. *Sext. Empir.* P. H. I, 224. *Aristoteles* ap. *Eusebium* P. E. XIV, 756. C. *Origines* in *φασκεύ.* c. 11. *Galenus*, *De hist. philos.* p. 24. F.

(1) *Plutarch.* in *Strom.* ap. *Euseb.* P. E. I. 23. B.

(2) Hi versus exstant apud *Sext. Empir. adv. Math.* VII, 49, 110. VIII, 326. *Plutarchus de audiend. poetis.* p. 39. *Origines φασκεύ.* 13. *Diog.* IX, 72. Explicantur a *Füllebornio*, *Beiträge zur Gesch. der Philos.* St. 7. n. 1.

(3) *Sext. Empir. adv. Math.* VII. 110.

(4) *Plutarch. Symp. quæst.* IX. *Quæst.* 14. c. 7. p. 456.

(5) *Adv. Math.* VIII, 326.

(6) *Epiphanius, Exposit. fidei* tom. I. p. 1087. laud. a *Fabricio ad Sext. P. H.* II, 18, not. B.

omnino criterium veri sustulisset (1): quae tamen ratio recte displicuisse videtur, et ipsi Sexto et Diogeni Laërtio: φησὶ δὲ Σαπίων πρῶτον αὐτὸν (Ξενοφάνην) εἰπεῖν ἀκατάληπτα εἶναι τὰ πάντα, πλανώμενος (2). Quae verba quavis alia virtute commendantur, quam perspicuitate: nam duplici modo accipi possunt: si illud πλανώμενος refertur ad πρῶτον, sensus erit: Sotion errat, cum dicit Xenophanem auctorem fuisse ἀκατάληπτος. Sin ad ἀκατάληπτα, tum Diogenem negantem habemus, Xenophanem incomprehensibilitatem rerum docuisse: quae posterior ratio mihi, cum Menagio (3) et Bayle (4) praeferenda videtur. Cum Sotione facit Origenes: οὗτος (Xenophanes) ἔφη πρῶτος ἀκατάληπτον εἶναι πάντων (5). Cicero: *Parmenides, Xenophanes minus bonis quamquam versibus, sed iis tamen versibus, increpant arrogantiam eorum, qui cum sciri nihil possit, audeant se scire dicere* (6).

Cum Xenophane jungamus *Xeniadem Corinthium*, qui vel ante Democritum vel cum Democrito vixit, fuitque adeo diversus a Xenia de illo, qui Diogenem emisae dicitur (7). Non autem ad Eleaticorum sectam pertinuit, nec tacentibus antiquis ad quam pertinuerit sectam definire possumus. Sed ejus sententiam de criterio non ita multum a Xenophanis diversam fuisse auctor est Sextus. δύναμει, inquit, τῆς αὐτῆς ἔχεται τῷ Ξενοφάνει στάσεως (8). Voluit enim πάντ' εἶναι ψευδῆ, καὶ πᾶσαν φαντασίαν καὶ δόξαν ψεύδεσθαι, καὶ ἐκ τοῦ μὴ ὄντος πᾶν τὸ γιγνόμενον γίγνεσθαι καὶ εἰς τὸ μὴ ὄν πᾶν τὸ φθειρόμενον φθεῖρεσθαι (9). Illud autem μὴ ὄν, ut recte monuit Fabricius (10), non premendum est, sed ita intelligendum, ut aliquid incipiat esse res. quae antea non fuerat. v. c. ex ligno fieri pomum, et rursus ex pomo sanguis vel terra. Igitur Xenia des statuebat, res in perpetua esse mutatione et eatenus ad Heracliti sententiam accedebat, a Xenophanis recedebat, qui ut vidimus omnia immutabilia esse volebat: in sententia de veri judicio cum eo conveniebat, si quidem eos sequamur, qui Xenophanem omne criterium tollere affirmant (11). Haec Sextus, e quodam Democriti libro hausisse se profitetur (1): quo confirmari quodammodo potest, quod de Xeniadis aetate supra posuimus.

Xenophanis discipulus fuit *Parmenides*. Hujus viri opera philosophia mirum quantum

(1) *Sext. adv. Math.* VII, 49 — 52. cf. P. H. II, 12.

(2) *Diog.* IX, 20.

(3) *Ad Diogenem* l. l.

(4) *Diction. art. Xenophanes* not. E initio.

(5) *φιλοσοφ. c.* 14.

(6) *Acadēm. Quaest.* II, 33.

(7) Cf. *Menagius ad Diog.* VI, 274. *Fabricius ad Sext.* P. H. II, 28. not. A.

(8) *Adv. Math.* VII, 53.

(9) *Sext. adv. Math.* VII, 53 — 55, 338, 339. VIII, 5.

(10) *Ad Sext. adv. Math.* VII, 53. not. E.

(11) Haecce differentiam Xenia dem inter et Xenophanem attigit jam Picus Mirandulanus in *Exam. vand. doctr. gentium*, II, c. 3. p. 826. optime explicavit *Krugius, Gesch. der Phil. alter Zeit* p. 12. §. not. a.

(1) *Sext. adv. Math.* VII, l. l. Xenia des, αὐτὸ καὶ Δαρμάριος μύμνηται. ibique Fabricius not. D.



tum progressa est. Etenim primus, quod sciamus, cognitionem humanam distinxit ratione habita fontis ex quo oritur, in *rationalem* et *empiricam*. In hac tantummodo est opinio, illius est verum; quod cum recentiores observaverint (1), miror eos fugisse locum Plutarchi, ubi diserte hujus distinctionis mentionem fecit (2): δ δὲ (Parmenides) ἀναιρεῖ μὲν οὐδετέρων φύσιν, ἑκατέρα δ' ἀποδίδους τὸ προσήκον. εἰς μὲν τὴν τοῦ ἐνδὸς καὶ ἔντος ἰδέαν τίθεται τὸ νοητὸν, ἐν μὲν ὡς αἰδίου καὶ ἀφθαρτον, ἐν δὲ ὁμοιότητι πρὸς αὐτὸ καὶ τῷ μὴ δέχεσθαι διαφορὰν, προσαγορεύσας· εἰς δὲ τὴν ἀτακτον καὶ φερομένην, τὸ αἰσθητὸν· ὧν καὶ κριτήριον ἰδεῖν ἐστίν.

Ἡ μὲν ἀληθείης εὐπειθέος ἀτρεκέως ἔθωρ

τοῦ νοητοῦ καὶ κατὰ ταῦτ' ἔχοντος ὡσαύτως ἀπτόμενον,

Ἡ δὲ βρότων δόξας, αἷς οὐκ ἐνὶ πίστις ἀληθῆς,

διὰ τὸ παντοδαπὰς μεταβολὰς καὶ πάθη καὶ ἀνομοιότητας δεχομένης ὁμιλεῖν πράγμασιν. Ex quo loco explicandus et explendus est Diogenes Laërtius, qui eadem sed non satis diligenter retulit; δίσσιν τε (Parmenides) ἔφη εἶναι φιλοσοφίαν, τὴν μὲν κατ' ἀλήθειαν· τὴν δὲ κατὰ δόξαν (3). Optime eum his convenit Sextus: ὁδοῦ γινώσκοντος αὐτοῦ (Xenophanis) Παρμενίδης, τοῦ μὲν δοξαστοῦ λόγου κατέγνω, φημι δὲ τοῦ ἀσθενεῖς ἔχοντος ὑπολήψεις· τὸν δ' ἐπιστημονικὸν, τοῦτ' ἐστὶ τὸν ἀδιάπτωτον ὑπέθετο κριτήριον, ἀποστὰς καὶ τῆς τῶν αἰσθήσεων πίστεως (4). Recte igitur Diogenes Laërtius: κριτήριον δὲ τὸν λόγον εἶπε, τὰς τε αἰσθήσεις μὴ ἀκριβεῖς ὑπάρχειν (5). Minus autem recte Cicero: *Parmenides, Xenophanes minus bonis quamquam versibus, sed tamen illis versibus increpant arrogantiam eorum, qui cum nihil sciri possit, audeant se scire dicere* (6). Quod autem habet Seneca: *Parmenides ait ex his, quas videntur nihil esse in universum* (7), id, dictum etiam a Colote, refutat Plutarchus loco supra laudato.

De Zenone Eleate, Parmenidis discipulo, agentes, primum exhibeamus locum Plutarchi, quo ut mihi quidem videtur, nullus aptior ad quaestionem, quae de hocce philosopho est agitata, utrum Scepticus fuerit, an Dogmaticus, explicandam: Ζήνων δὲ ὁ Ἐλεάτης ἴδιον μὲν οὐδὲν ἐξέθετο (scilicet περὶ τῆς τῶν πάντων συστάσεως) διεπόρῃσε δὲ περὶ τούτων (intell. sententias Xenophanis et Parmenidis) ἐπὶ πλείον (8). Ex hacce phi-

(1) *Studlin* l. I. tom. I. p. 185. *Tennemann Grundriss der Gesch. der Phil.* p. 72. *Krug* l. I. pag. 112.

(2) *Adv. Colas.* c. 13. p. 239, 240. Cf. idem in *Stromat.* ap. *Eusebium* P. E. I. 23. C. D.

(3) *Lib.* IX, 22.

(4) *Adv. Math.* VII, 111.—114. Quo loco insigne fragmentum ex Parmenidis *ἑνὶ καὶ φέροντι* continetur et explicatur, cum aliis hujus operis fragmentis collectum a *Füllebornio*, *Belirägs* st. 7. n. 1.

(5) l. l.

(6) *Acad. quaest.* II, 23.

(7) *Epist.* 33.

(8) *Plutarchus in Stromat.* ap. *Eusebium* P. E. I. 23. D.

autem dubitandi consuetudine apud alios in Scepticismi suspicionem venit, atque adeo a Galeno inter Scepticos numeratur (1). De quo quid statuendum sit, jam apparet (2). Idem fere statuimus de altera quaestione, num Sophista fuerit Zenon (3). Cum enim illius magna esset in disputando facilitas, ut, quod modo defenderat, statim refutare posset, (4), quid mirum, si ab aliis Sophista habitus fuerit? Accedebat et alia causa. Plutarchus Zenonem descripsit, ut *ἐλεγκτικὴν τινὰ καὶ εἰς ἀπορίαν κατακλείουσαν ἐξασκήσαντα* ζῆν (5). Ejusmodi ratio, quam sit apta ad hominum animos exacerbandos, Socratis discimus exemplo. Quidni igitur statuamus, Zenonem, cum multos in colloquendo reprehenderet et ad ἀπορίαν redigeret, ab iis invidioso Sophistae nomine appellatam fuisse? Quod autem ad quaestionem de veri judicio attinet existimem, eum, ut in aliis, sic hac in re, communem Eleaticorum sententiam secutum esse; quin etiam probabile videtur, eum, quae a prioribus de sensuum fallacia dicta erant, novis iisque Dialecticis rationibus confirmasse (6). At dicat aliquis, auctore Seneca (7), *Zeno Eleates omnia negotia de negotio dejecit, ait nihil esse*: nonne sic omnis tollitur cognitio? Respondeo, Bayleum (8), et post eum Stäudlinum (9) egregie ostendisse Zenonem tale quid numquam dixisse, et si quidem dixit, non ex animi sententia hoc fecisse.

Post Zenonem qui Eleatici nomen tueri posset, unus fuit *Meliseus*, isque quod ad quaestionem de veri nota attinet, a reliquis non dissensit (10). Solent autem et alii ad Eleaticorum scholam referri, ut Lencippus et Democritus, sed hi tantum ab Eleatica disciplina recesserunt, ut proprium sibi locum vindicarent. Unam illam de atomis doctrinam si nominavero, qui contradicat, arbitror fore neminem (11). Malim tamen eos cum antiquioribus *Democritios* vel *Democriteos*, quam cum recentioribus *Atomisticos* appellare.

Et *Leucippus* quidem atomorum auctor (12) de veri judicio nihil praeter alios me-

(1) *De hist. phil.* tom. II, 24. F.

(2) Hancce quaestionem suo quisque modo tractarunt Stäudlin l. l. p. 215, 216. et Nledemannus in peculiari dissertatione: *Utrum Scepticus fuerit an Dogmaticus Zeno Eleates?* in Nova bibl. phil. et crit. vol. I. fasc. II.

(3) Sophistam eum fuisse dicunt Bayleus Dict. art. Zenon. *Meyners Geschichte der Wissenschaften in Gr. R.* t. 1. 710. f. Cf. Stäudlin l. l. p. 204 seqq.

(4) Hinc Plato eum *ἑλεγκτικὸν Πλάτωνος* vocavit, *Phaedro* 251, D.

(5) *Vita Periclis* c. 3. p. 154.

(6) Stäudlin l. l. p. 209.

(7) *Epist.* 88.

(8) Dict. art. Zenon not. D. A.

(9) l. l. pag. 208.

(10) Vid. *Aristocles* apud Eusebium P. E. XV. p. 757. B. C.

(11) Vid. *Krug Gesch. der Phil. alter Zeit* p. 110. not. b. et pag. 123.

(12) Posidonius atomorum inventionem refert ad Moscho sive Moschum Sidonum cf. vir Cl. J. Bahr, de *Posidonio* pag. 177 et 178, quem si insperissent *Krugius*, *Geschichte der Phil. alter Zeit* pag. 55. et *Tennemann*, *Gesch. der Phil.* p. 50. multo accuratius hanc rem referre potuissent.

moratu dignum statuuisse videtur. Tacent certe veteres. Sed eo majorem locum *Democrito* dare possumus, cujus de veri regula sententiam ita retulit Sextus: δύο Φησὶ (Democritus) εἶναι γνώσεις, τὴν μὲν διὰ τῶν αἰσθήσεων, τὴν δὲ διὰ τῆς διανοίας· ὃν τὴν μὲν διανοίας γνήσιον κατὰγει, προσημαρτυρῶν αὐτῇ τὸ πιστὸν εἰς ἀληθείας κρίσιν, τὴν δὲ διὰ τῶν αἰσθήσεων σκοτὶν ὀνομάζει, ἀφαιρούμενος αὐτῆς τὸ πρὸς διάγνωσιν τοῦ ἀληθοῦς ἀπλάνες. Obscurum igitur non est Democritum *rationem* veri criterium statuuisse (1). Caeterum tam acer sensuum reprehensor exstitit, ut postea Scepticis, nullam magnopere contra eos argumentum inveniendum relinqueret; quod et abunde apparet ex fragmentis, quae nobis servavit Sextus, et ab eodem saepius aliis in locis significatur: v. c. nihil, inquit, Democritus in sensibus ponebat, nisi opinionem, verum tantummodo in atomis et vacuo (2). Sed in hac ipsa sensuum reprehensione, nonnunquam ejusmodi ei exciderunt, quibus omnem omnino cognitionem humanam tollere videretur. Sextus Empiricus, postquam retulerat ejusmodi Democriti dictum: καίτοι δὴλον ἔσται ὅτι ἐτεῖ οἷον ἕκαστον γινώσκειν ἐν ἀπόρῳ ἔστιν: hancce addidit animadversionem καὶ δὴ ἐν μὲν τούτοις πᾶσαν σχεδὸν κινεῖ κατὰληψιν καὶ μόνον ἐξαιρέτως· καθάπτεται τῶν αἰσθήσεων (3). Secundum hanc Sexti animadversionem accipienda sunt et alia Democriti dicta, v. c. ἐν βύθῳ ἢ ἀλήθεια: non autem cum Cicerone aliisque (4) ita interpretanda sunt, quasi ad omne veri iudicium tollendum pertinerent (5). Eadem Democrito Scepticismi suspicio venit ex eo, quod τῶν πραγμάτων ἕκαστον οὐ μᾶλλον τοῖον ἢ τοῖον εἶναι dixerit (6). Fuerunt igitur, qui illud οὐ μᾶλλον Scepticam vocem esse arbitrarentur: sed eam aliter a Democrito, aliter a Scepticis adhiberi ostendit Sextus: ἐκείνοι (οἱ ἀπὸ Δημοκρίτου) μὲν γὰρ ἐπὶ τοῦ μηδέτερον εἶναι τάττουσι τὴν Φωνήν· ἡμεῖς δὲ ἐπὶ τοῦ ἀγνοεῖν πρότερον ἀμφότερα ἢ οὐδ' ἑτέρον τί ἐστὶ τῶν Φαινομένων (7). Colotes, qui ex hocce die-

(1) *Sext. Empir. adv. Math.* 138, 139.

(2) *Sext. Empir. adv. Math.* VII, 135—137. Quo loco, ut bene monuit *Krugius*, *Geschichte der Phil.* p. 141, νόμος non *lex* sed *opinio* verti debet. Porro cff. ejusdem libri §. 368. P. H. I. 214. *adv. Math.* VI, 53, VIII, 6, 180. *Diog. Laërt.* IX, 44. Ex vehementi hac sensuum reprehensione, nata est sine dubio illa fabula Democritum se ipsum oculis privasse propter ipsorum pravitatem: quod narrat *Aul. Gellius* N. A. X, 17: falsum esse pronuntiat *Plutarchus de curiositate* c. XII. pag. 393: veluti dubitans retulit *Cicero*, *de Finibus*, V, 29.

(3) *Sext. adv. Math.* VII, 137.

(4) Cf. *Cicero Acad. Quaest.* I, 13. II, 5, 23. *Seneca* ep. 88. *Diog. Laërt.* IX, 73.

(5) Recte jam *Petrus Mirandulanus*, *Exam. vanit. doct. gentium* II, 11. p. 839.: „illud certe omnibus fere notum eruditis et multis proditum locis de Heraclito et Democrito quod alter in profundo antro, alter in puteo ja-cere veritatem affirmaverit, quasi aenigmate insinuaturn vellent, haberi quidem veritatem posse, sed magno cum labore.”

(6) *Plut. adv. Colot.* c. 4 et 5. p. 226—228.

(7) *Sext. P. H. I.* 213. Cf. *Diog. Laërt.* IX, 75. qui quatuor modis hancce vocem usurpari posse ostendit 1. *Θεωρητ.* 2. *ἀναγκασιῶς*, ut Democritus faciebat. 3. *Θεωρητ. καὶ ἀναγκασιῶς*. 4. *ἀναγκασιῶς καὶ θεωρητ.*, quod erat Scepticorum.

dicto Democritum existimabat, sublato veri criterio, τὸν βίον συγκαχυκέναι, optime refutatur a Plutarcho argumentis, quae dicuntur ad hominem (1).

Superest ut Diotimi rationem afferamus, qui putabat Democritum tria statuisset criteria: τῆς μὲν τῶν ἀδήλων καταλήψεως τὰ φαινόμενα, ὥς φησιν Ἀναξάγορας, ὃν ἐπὶ τούτῳ Δημόκριτος ἐπαινεῖ· ζητήσεως δὲ τὴν ἔννοιαν, περὶ παντὸς γὰρ, ὃ παῖ, μία ἀρχὴ τὸ εἶδέναι περὶ οὗτου ἔστιν ἡ ζήτησις· αἰρέσεως δὲ καὶ Φυγῆς τὰ πάθη, τὸ μὲν γὰρ ὃ προσοικειούμεθα, τοῦτο αἰρετόν ἐστιν, τὸ δὲ ὃ προσαλλοτριούμεθα, τοῦτο φευκτόν ἐστιν (2).

Et Metrodorus Chius, Democriti discipulus vel ut alii Nessi (3), inter eos refertur a Sexto, qui veri iudicium prorsus tollebant (4), propter ejusmodi dictum: οὐδὲν ἴσμεν, οὐδὲ αὐτὸ τοῦτο ἴσμεν, ὅτι οὐδὲν ἴσμεν (5). Idem habent Diogenes Laërtius l. I. et Cicero (6); Eusebius addidit Pyrrhonem ex hocce dicto ansam arripuisse de omnibus dubitandi (7). Cum hocce, ut animadverterunt Bayleus (8) et Krugius (9) repugnat id, quod veteres tradunt, Metrodorum de rerum principiis idem statuisset, quod Democritus et Πλάτης et Κενὸν adscivisse (10). Magis etiam repugnat id, quod apud Eusebium Aristocles refert, quodque a Bayleio et Krugio neglectum esse miror, Metrodoram cum Protagora sensibus fidem tribuisse (11).

Metrodori auditor fuit Anaxarchus, Alexandri M. amicus, Pyrrhonis magister (12). Et hunc criterium sustulisse affirmat Sextus (13), quia σκιαγραφία (14) ἀπέκασε τὰ ὄντα.

Sequatur jam Heraclitus, qui temporum ratione habita priori loco ponendus erat; sed, cum neque ad Eleaticos, neque ad Democriteos pertinere videretur, ejus sententiam separatim explicandam esse duximus. Heraclitus igitur cum aliis in repudiando sensuum testimonio, consensit: κακοὶ μάρτυρες, inquit, ἀνθρώποισιν ὀφθαλμοὶ, καὶ ὦτα βαρβάρους ψυχὰς ἔχοντων. Veri iudicem facit τὸν λόγον, οὐ τὸν ὁποῖον δῆποτε, ἀλλὰ τὸν κοινὸν καὶ θεῖον. Sed quis est ille θεῖος λόγος? Id ex reliquis viri placitis explicandum est.

(1) Plut. adv. Colot. l. I. Cf. Sext. Empir. adv. Math. VII, 389.

(2) Sext. Empir. adv. Math. VII, 140.

(3) Diog. lib. IX, 58.

(4) Sext. adv. Math. VII, 48.

(5) Sext. l. I. §. 88. Diog. l. I.

(6) Acad. quaest. II, 23.

(7) P. E. XIV, 763. D.

(8) Dict. art. Metrodore not. A.

(9) l. I. p. 142. not. 2.

(10) Bayleus et Krugius l. I. laudant Aristoclem apud Eusebium P. E. XIV, 765 D. Simplicium in Phys. Aristotel.: quibus addantur Plutarchus in Stromat. apud Eusebium P. E. I, 24. D. Pseudo-Plutarchus de plac. philosoph. I, 5. p. 239.

(11) P. E. XIV, 766. C.

(12) Diog. Laërt. IX, 58—60. Praeterea de eo conferrī possunt Cicero, Tusc. II, 21 ibique Davisius. De nat. Deorum III, 33.

(13) adv. Math. VII. 41 et 88.

(14) Ita in Sexti l. I. cum Gatakero ad M. Antoninum legendum videtur non σκιαγραφία ut voluit Fabricius cf. hujus nota G. Cf. Platonis Theaet. p. 208 E. De Republ. X. 602. C, D. Parmenid. p. 165 C.

est. Nam *διάνοιαν* sive mentem extra corpus posuit, eamque vocavit τὸ περιέχον ἡμᾶς λογικόν τε ὄν καὶ φρενῆρες. Hancce autem externam *διάνοιαν* interna mens (ὅ ἐν ἡμῖν νοῦς) attrahit δι' ἀναπνοῆς. Quo facto intelligimus. Ita existit θεῖος ille λόγος qui tum demum criterium veri putandus est cum sit κοινὸς h. e. cum omnes eum homines communem habeant (1). Vidimus jam de aliis philosophis, qui sensuum reprehensione Scepticismum praeparaverant, ideoque a posterioribus inter Scepticos sunt relati: idem Heraclito evenit (2). Et revera in eo magna erat ad Scepticismum proclivio, et ejus philosophandi ratio a Scepticorum haud longe recedebat. Statuebat v. c. τὰ ἐναντία ὑπάρχειν περὶ τὸ αὐτὸ cum igitur Sceptici quam maxime hoc evincere conentur, τὰ ἐναντία φλίνεσθαι περὶ τὸ αὐτὸ, Aenesidemus Scepticismum quasi viam ad Heracliti philosophiam esse pronunciavit, quamobrem reprehenditur a Sexto (3). Sed de Aenesidemi cum Heraclitea philosophia conjunctione infra dicemus. Eadem Heracliti Sceptica ratio cernitur etiam in pervulgato illo placito: πάντα ῥεῖν ποταμοῦ δίκην (4): quod nascentem jam scepticismum dici vix potest quantum corroboraverit, ut videbimus cum de Protagora dicemus (5).

*Sophistarum* leve et inane philosophandi genus recte a veteribus, inprimis Platone, reprehenditur. Quamvis negari nequit, Platonem cupidius hoc fecisse, quam verius. Nam eloquentiae, ingenii et doctrinae laus omnino illis tribuenda est (6). Causae cur ejusmodi philosophandi ratio hominum animos occuparet, potissimum positae sunt tum in divitiis, quibus pleraeque Graeciae civitates affluebant, et in luxuria morumque pravitate, quae inde oriebantur, tum in democratica regiminis forma (7). Quantum vero a Sophistis effectum sit ad Scepticismum procreandum, jam apparet ex communi illa professione contra omnia disputandi: quae professio hac fere formula continebatur τὸν ἥττω λόγον κρείττον ποιεῖν (8). Huc referebant inventam ab Eleaticis Dia-

lec-

(1) *Sexto, Empir. adv. Math.* VII, 126—134, 349. VIII, 286. *Pseudo-Plutarchus de plac. phil.* IV, 3. p. 282. Ad sensuum reprehensionem pertinuisse videtur illud Heracliti dictum πάντα ῥεῖν καὶ μὴ εἶναι. *Sexto. P. H.* II, 53. Neque audiendus est Aristoteles qui *Metaph.* IV, 7. illud dictum significare ait, omnia esse vera. Cf. *Erugius* l. l. p. 128. not. C.

(2) *Diog. Laërt.* IX, 73.

(3) *Sexto. P. H.* I, 210—212.

(4) *Diog. Laërt.* IX, 8. *Sexto, Empir.* P. H. III, 115. *Pseudo-Plutarchus de plac. phil.* I, 23. p. 252. *Seneca*, *Epist.* 58. *Plato Theaet.* p. 152 D. coll. 281. A. *Cratyl.* 402. v. Cf. *Wytttenbachius ad Plut. de S. N.* V. p. 76.

(5) De Heraclito, e recentioribus cf. potest *Meiners, Grundriss der Geschichte der Weltweisheit*, p. 50. *Stäudlin*, l. l. p. 187—192.

(6) Cf. *Stäudlin*, l. l. p. 223 sqq.

(7) Cf. *Meiners, Geschichte der Wiss. in Gr. u. R.* II, 1—127. De Sophistarum philosophandi ac docendi ratione, cf. potest *De Geer Diatriba in Politicas Platonicae principia* p. 4—33.

(8) *Plato Apol. Socrat.* p. 19. B. *Aristophanes Nub.* vs. 111—114.

lecticam, eamque auxerunt futilibus argumentandi generibus, quae ab auctoribus Sophismatum nomen inveniunt (1). Prae caeteris hoc loco nobis memorandus est *Gorgias Leontinus*, cujus apud Aristotelem (2) et Sextum (3) ejusmodi servata est disputatio, qua omne veri judicium penitus tollitur. Exstitit autem in libro Gorgiae Περὶ τοῦ μὴ ὄντος, ἢ περὶ φύσεως et tribus continebatur capitibus. "Εν μὲν καὶ πρῶτον ὅτι οὐδὲν ἐστὶ· δεύτερον, ὅτι εἰ καὶ ἐστὶν, ἀλλ' ἀκατάληπτον ἀνθρώπῳ· τρίτον, εἰ καὶ κατὰληπτον ἀλλὰ τοίγχε ἀνεξοιστὸν καὶ ἀνερμηνεύτῳ τῷ πέλας (4). Argumenta, quibus hoc efficere conabatur, extremis quasi punctis notasse sufficiat. I<sup>o</sup>. *Nihil est*: nam si quid est aut ἔν ἐστι, aut μὴ ὄν, aut utrumque: atqui nihil horum est: ergo nihil est (5). II<sup>o</sup>. *Etiamsi quid sit, tamen comprehendi non potest*. Nam si comprehendi posset, tum cogitationes nostrae aut cum rebus cogitatis convenire, aut ipsae res cogitatae esse deberent: atqui neutrum fieri potest: caet. (6). III<sup>o</sup>. *Si vel maxime comprehendi possit, tamen aliis enunciari nequit*. Nam si aliis posset enunciari, tum sermonem nostrum res ipsas efficere oporteret, certe in variis subjectis easdem cogitationes excitare (7). In hacce disputatione, quod animadvertere operae pretium est, primam videmus distinctionem factam inter cogitationem, cogitandi objectum et cogitandi signum (8). Apparet etiam judicium veri a Gorgia plane sublatum esse; quod confirmatur iis, quae contra sensuum fidem et intellectus auctoritatem ab ipso dicta leguntur apud Sextum (9).

Cum Gorgia jungamus *Protagoram*, qui licet haud minus, quam reliqui a Platone reprehenditur, tamen majori quam isti fuisse videtur modestia et accuratius in rebus explorandis versabatur (10). Hujus autem viri quanta in universum ad Scepticismum proclivio fuerit, abunde apparet ex iis, quae de Diis scripsit: περὶ μὲν θεῶν οὐκ ἔχω εἰδέναι, εἰδ' ὥς εἰσὶν, εἰδ' ὥς οὐκ εἰσὶν. Πολλὰ γὰρ τὰ κωλύοντα εἰδέναι, ἢ τε ἀδήλοτης καὶ βραχύς ὢν ὁ βίος τοῦ ἀνθρώπου (11). Praeterea primus illud παντὶ λόγῳ λόγου ἴσον ἀντικείμεθα in philosophiam invexit (12), quod postea Scepticismi fuit principium (ἀρ-

(1) Cf. *Staudlin*, l. l. p. 220 et 225.

(2) Cf. *De Xenoph. Zenone et Gorgia* c. 5, 6.

(3) *Sext. ad. Math.* VII 56—86.

(4) Cf. *Sext.* l. l. §. 65. P. H. II. 59.

(5) *Sext. adv. Math.* l. l. §. 66—76.

(6) *Sext.* l. l. §. 77—82.

(7) *Sext.* l. l. §. 83—86.

(8) Cf. *Krug*, l. l. p. 147. not. c.

(9) P. H. II, 57—64.

(10) Cf. *Staudlin*, l. l. p. 226.

(11) *Diog. Laërt.* IX, p. 51. Plato *Theaet.* 262. D. E. *Sext. Empir. adv. Math.* IX, 56 et apud eundem *Timon Philasius* l. l. §. 57. *Eusebius* P. E. XIV, 776. A. *Cicero de Nat. Deorum* I, 12, 23. *Suidas* voce Πρωταγόρας. *Philostratus* auctor est, Protagoram hocce ex Persarum disciplina sumsisse, *Vitis Sophistarum* p. 498. ed. Morellii. 2<sup>o</sup>. 1608.

(12) *Diog. Laërt.* IX, 51. ibique *Menagius* p. 243. E.

(ἀρχὴ συστάσεως) (1). Ex his jam conjici licet qualis ipsius de vero ejusque judicio fuerit sententia, quam prodidit in libro, cui titulum fecit, Ἀλήθεια (2). Sequebatur nempe Heraclitum, et omnia fluere existimabat, sed praeterea addebat: sensus nostros ad hanc se rerum mutationem ita accommodare, ut semper et in quibusvis temporibus cum iis convenirent. Itaque πάντων χρημάτων, inquit, μέτρον ἄνθρωπος, τῶν μὲν ὄντων ὥς ἐστὶ, τῶν δὲ μὴ ὄντων, ὥς οὐκ ἐστὶν. Haec fere fuit Protagorae ratio, qua omne omnino veri judicium tolli, manifestum est. Nam secundum eam, omnes opiniones sunt verae, omnesque phantasiae. Quo sequitur, *veritatem* non esse *per se*, sed *ex iis*, quae referuntur ad aliquid (τῶν πρὸς τι) (3). Atque hoc ipsum erat, quod Sceptici pedibus, ut ajunt, manibusque evincere conabantur, ut rerum fidem veritatemque frangerent.

Sequantur *Euthydemus* et *Dionysodorus*, fratres Thurii celebres Sophistae, qui haud parvam operam dialecticis dederunt studiis (4). Hos Sextus auctor est, eandem habuisse ac Protagoram sententiam, et omnia referri ad aliquid statuisse (5). Sed hac in re Sexto fidem non habendam esse verosimile est. Nam ipse hoc veluti dubitans retulit: τοιοῦτοι δὲ γεγονέναι λέγονται καὶ οἱ περὶ Εὐθύδημον καὶ Διονυσόδωρον (6). Praeterea Plato, qui in eo, ut illis Sophistis aetate proximus majorem quam Sextus habet auctoritatem, Plato igitur in Cratylo diserte Protagorae et Euthydemo diversas sententias tribuit: illi quam recensuimus (7), Euthydemo hanc: πᾶσι πάντα ὁμοίως εἶναι ἅμα καὶ ἀεὶ (8). Haec propter Sextum monui, aliter Euthydemo mentionem non fecissem. Nam ejusmodi fuit Sophista, qui omnia defendenda vel refutanda arriperet, modo gloriam adipisceretur et lucrum. Quod tum ex modo laudato ipsius Sophismate, tum ex alio: πάντα καὶ ἀεὶ ἕκαστον ἐκίστασθαι (9): abunde cognosci potest. Multum hac in re differt a Protagora qui magis philosophant rationem sequebatur.

Sophistarum disputationes, licet quam maxime fuerint perniciosae, tamen philosophiae magno fuerunt bono, cum *Socratem* excitarent, qui optimam philophandi ratio-

(1) Cf. *Sext. Emp. P. H. I*, 12. §. 202, 205.

(2) Cf. *Plato Theaet.* p. 161 C. ibique Schol. *Plato* ibid. p. 171. C. *Cratyl.* 386. C.

(3) In Protagorae sententia explicanda secuti sumus *Sextum Empiricum P. H. I*, 216—219. *Adv. Math.* VII. 59—64 collatis 369—388. *Platonem*, qui in *Theaeteto* primum Protagorae sententiam non modo proposuit, sed etiam accurate defendit p. 151. E—160. E, deinde eam subtilissime refutavit p. 161—186 E. Videndus quoque *Aristoteles*, qui et Protagorae sententiam retulit, et Platonis contra eam disputationem excerpsit apud *Eusebium P. L.* XIV. 766. C. — 768 C. Cf. denique *Diog. Laërt.* X, 51. Cicero *Acad.* II. 46.

(4) *Sext. Empir. adv. Math.* VIII, 13. De ipsorum rebus cf. *Plato Euthyd.* p. 271. E.

(5) *Adv. Math.* VII, 48, 64.

(6) L L

(7) *Cratyl.* p. 385. E.

(8) *Cratyl.* p. 386. D.

(9) *Plato in Euthyd.* p. 294 E. seqq.

tionem induxit, ad communem hominum captum magis accommodatam. Hic igitur praecipue moralem philosophiae partem tractavit (1). Quamvis dialecticae amplificandae nullam certe exiguam navavit operam, tamen disputationes suas ad dialecticam rationem direxit (2). Hujus viri disserendi ratio quodammodo fuit Sceptica, frequenterque usurpabat illud *se nihil scire* (3). In quo solita ipsius cernitur *ειρωνεία*, ut bene apud Ciceronem Lucullus monuit (4). Minime igitur is fuit qui veri criterium tolleret quamvis neque disertis verbis poneret. Hinc explicandum esse videtur, quod nusquam a Sexto in tota illa de criterio disputatione memoratur.

Idem dicendum est de germanis Socratis discipulis, qui magistri rationem constanter tenuerunt, Xenophonte, Simmia, aliis. Illud animadversione dignissimum est, existitisse ipsorum libros, in quibus de veri judicio agere potuerunt. Sic Critonis libri memorantur: *Περὶ τοῦ μαθεῖν*, *Περὶ τοῦ γινῶναι*, et *Περὶ ἐπιστήμης, τί τὸ ἐπίστασθαι* (5). Simonis coriarii, *Περὶ ἐπιστήμης*, *Περὶ κρίσεως*, *Περὶ τοῦ διαλέγεσθαι* (6). Simmias Thebanus inter alia etiam scripsit *Περὶ λογισμοῦ* et *ἀληθείας* (7).

Major locus debetur *Euclidi Megareo* a quo *Megarici* sunt dicti, qui postea vocati sunt *Eristici*, deinde *Dialectici* (8). Hic ita a Socratis ratione deflexit ut Eleaticos inprimis Parmenidem sequeretur. Diog. Laërt. οὗτος, inquit, καὶ τὰ Παρμενίδεια μετεχειρίζετο (9). Hinc factum est ut veteres saepius Eleaticos et Megaricos confunderent (10). Itaque et Aristocles eandem utrisque de veri judicio sententiam tribuit: τσαῦτα· (non sensibus sed rationi esse credendum) γὰρ τινα πρότερον μὲν Ξενοφάνης καὶ Παρμενίδης καὶ Ζήνων καὶ Μέλισσος ἔλεγον· ὕστερον δ' οἱ περὶ Στίλωνα καὶ τοὺς Μεγαρικούς (11). Cicero qui, omnes qui sensuum auctoritatem negabant, ut Xenophanem, Empedoclem, alios in Acatalepticorum numerum refert, his etiam addidit Megaricos: habeo molestos vobis sed minutos, Stilponem Diodorum, Alexinum, quorum sunt aculeata quaedam Sophismata: sic enim appellantur fallaces conclusiunculae (12).

Eo-

(1) Xenoph. Memorab. I. cap. 1. §. 11 seqq. ed. Schneid. aliisque locis. Sext. Empir. adv. Math. lib. VII. §. 7, 10. Cic. in Bruto, 8. Tusc. III. c. 4. IV, 3, 4.

(2) Xenoph. Memorab. IV, 6. Arrian. Dissert. Epict. I. 17. lin. 12. Ed. Schweig.

(3) Apud Xenophontem et Platonem singulis fere paginis. Cic. Acad. Quaest. I. 4. Plutarch. adv. Colot. c. 18. p. 246. Numenius apud Euseb. P. E. XIV. p. 728. B. C.

(4) Acad. Quaest. II. 5.

(5) Diog. Laërt. II, 121. postrema verba retuli ex Casauboni emendatione. Suidas voce Κρίτων.

(6) Diog. Laërt. II, 123.

(7) Diog. Laërt. II, 124.

(8) Diog. Laërt. II, 106.

(9) Idem ibid.

(10) Cic. Acad. quaest. lib. II, 42. quo loco adhibeatur Aristocles apud Euseb. P. E. XI, 510. C.

(11) Apud Euseb. P. E. XIV, 756. C.

(12) Acad. quaest. II, 24. H. l. illud *minutor* non ad universam Megaricorum reprehensionem pertinet, sed ad



Eodem modo accipiendus est Seneca: *circa eadem*, inquit, *fere Pyrrhonii versantur et Megarici et Eretrici et Academici, qui novam induxerunt scientiam nihil scire* (1). Haec igitur illi de veri judicio. Quod autem Sextus in VII. adv. Math. libro nullam Megaricorum mentionem fecit, id communi illo veterum errori, quo Megaricos et Eleaticos eosdem esse existimabant,tribuendum esse videtur.

Caeterum Megaricorum philosophandi ratio si qua alia, scepticismum praeparavit; quin etiam ejusmodi ipsorum memorantur sophismata, quae omni veritati interitum minantur. Qua de re paucis dicendum est.

Spinosum sequebantur et aculeatum disserendi genus; brevibus utebantur conclusionculis quibus adversarios retunderent (2). Quam fuerint litigiosi facile conjici potest ex eo quod de Euclide habet Diogenes: *ταῖς ἀποδείξεσιν ἐνίστατο, οὐ κατὰ λήμματα, ἀλλὰ κατ' ἐπιφορὰν* (3). Quod recte ita explicavit Gassendus: *Euclides quidem solitus est aliorum demonstrationes, non sumtionibus impugnare sed conclusionibus duntaxat, quasi consecutiones forent satis perspicuae* (4). Hòc loco nobis memorandi sunt, isti *ἐρωτήσεως λόγοι*, quos multos invenerunt Megarici v. c. *τὸν ψευδόμενον, διαλανθάνοντα, ἤλεκτραν, ἐγκεκαλυμμένον, σωρείτην, κερατίνην, φαλακρόν* (5). Recte igitur miratur Buhlius istiusmodi litigatores ex modesta Socratis disciplina profectos esse (6). Illud minus mirandum est ejusmodi rationem, sponte ad scepticam ducere dubitationem (7). Hinc factum est, *ut in hoc ipso quod in elementis dialectici docent, quomodo judicare oporteat, verum falsumne sit, si quid ita connexum est, ut hoc: si dies est, lucet — tanta esset inter eos contentio* (8). Aiebat Philo, negabat Diodorus (9). Hinc factum est, *ut Stilpo τὰ εἶδη tolleret* (10), et *ἕτερον ἐτέρου μὴ κατηγορεῖσθαι* (11) statueret. Quae sane placita omni dialecticae vim inferunt (12).

Alius

ipsorum subtilem disputandi rationem. Quod patet ex loco Giceronis quem supra laudavimus, ubi *de nobili Megaricorum disciplina* loquitur.

(1) *Epist.* 88.

(2) *Cic.* I. I.

(3) *Cic.* II. 59. D.

(4) *Operum.* tom. I. p. 35. cf. *Bayleus. Dict. Art. Euclide* not. C.

(5) Horum inventio tribuitur Eubulidi: cf. *Diog. Laërt.* II, 108. *Sext. adv. Math.* VII. §. 13. Alii *ἐνγκεκαλυμμένον* et *τὸν κρυπτόν* referunt ad Diodorum. *Diog.* II, 111. Caeterum cf. *Cic. Acad. quaest.* II, 16, 29, 30. *De divin.* II, 4. *Seneca Epist.* 45. *Lucian. in vitarum avaritione* c. 22. p. 308. ed. Tauchn. *Aul. Gell.* lib. XVI, 2. *Menagius ad Diog. Laërt.* I. I. p. 74. *Gassend.* I. I.

(6) *Comment. laud.* p. 234 seq.

(7) Hoc egregie demonstravit Bayleus. *Dict. art. Euclide* not. E. art. *Chrysippe* not. E, T, Q.

(8) *Cic. Acad. quaest.* II, 27.

(9) Cf. *Sext. Empir.* P. H. II. §. 110. *adv. Math.* VIII. 112 — 117.

(10) *Diog. Laërt.* II, 119.

(11) *Plutarch. adv. Colot.* c. 22. p. 251.

(12) Haec Stilponis effata egregie explicuerunt Bayleus, *Dict. art. Stilpon*, not. H. *Sisaudin*, I. I. p. 244 — 246.

Alius Socratis auditor, qui a magistri ratione deflexit, fuit *Aristippus*, auctor sectae Cyrenaicae. Hic magno cum amore voluptatis ad Socratis disciplinam venit (1). Quod dici vix potest, quantam vim habuerit ad ipsius doctrinam informandam. Eatenus magistri rationem sequebatur, quatenus Ethicae philosophiae plurimum tribuebat; Dialecticae tantum, quantum ad disserendi usum sufficebat; Physicae nihil (2). Caeterum omnia ad *πάθη* referebat: horum tria faciebat genera: jucunda, quorum finis voluptas; molesta, quorum finis dolor; media, quorum finis nec bonum nec malum (3). Haecce *πάθη* sola statuebat esse *κατάληπτα* et *ἀδιάφυστα*, non res a quibus oriebantur, in iisque et vitae regendae normam et veri iudicium posuit (4). Sed si laudatos locos accurate inspexerimus, statim videbimus secundum hanc rationem veri criterium fere tolli, et ista *πάθη* ad nihil aliud apta esse, nisi ad vitam regendam (5). Minime igitur mirandum est, fuisse jam antiquitus, qui Cyrenaicos et Scepticos eodem esse existimarent; sed simul apparet, qualis inter eos fuerit differentia, utrisque veri iudicium tollentibus, sed his τὸ φαινόμενον, illis τὰ πάθη in vita sequentibus. Alias etiam inter eos differentias notavit Sextus: *prima* in finium doctrina est posita, nam Cyrenaici τὴν ἡδονὴν, Sceptici τὴν ἀταραξίαν finem esse voluerunt: *altera* ad hoc ipsum, de quo agimus, incomprehensibilitatis placitum pertinet: ἡμεῖς (Sceptici) μὲν, inquit, Sextus, ἐπέχομεν ὅσον ἐπὶ τῷ λόγῳ περὶ τῶν ἐκτὸς ὑποκειμένων· οἱ δὲ Κυρηναῖοι ἀποφαίνονται φύσιν αὐτὰ ἔχειν ἀκατάληπτον (6). Superest, ut Diogenis locum afferamus eumque cum iis, quae dicta sunt, in concordiam redigamus. Cyrenaici, inquit, ἀνῆρουν καὶ τὰς αἰσθήσεις, ὥς οὐκ ἀκριβοῦσας τὴν ἐπίγνωσιν (7). Hoc autem non de ipsis sensibus, quatenus παθῶν sunt αἰσῶς, intelligendum est, sed de opinione et iudicio ex eorum perceptione ferendo, ut recte monuit Fabricius (8).

Talis ergo fuit Cyrenaicorum sententia de veri iudicio, quam omnes Aristippi successores, licet in reliqua ipsius doctrina quaedam novarent, constanter tenuisse videntur (9).

Ex Socratis schola quoque prodiit Antisthenes, auctor Cynicorum. His, ut per se patet, nullus fere in hac disputatione locus esse potest. Unus *Monimus* a Sexto inter eos

(1) *Πανεπὴ. Μενερχ. II. cap. I. III, 8. Diog. Laërt. II, 66.*

(2) Cf. *Sext. Emp. adv. Math. VII. II. 15. Diog. Laërt. II, 92.*

(3) *Sext. adv. Math. VII. §. 99.*

(4) *Sext. Emp. adv. Math. VI, 53. VII, 190 — 198. Aristoteles apud Euseb. P. E. XIV. p. 764 C. — 765. C. Diog. Laërt. II, 92. Cic. Acad. quest. VII, 24, 46. Plut. adv. Colot. cap. 14. p. 252.*

(5) Cf. *Gassend. Oper. I. p. 72.*

(6) *Sext. Emp. P. H. I, 125.*

(7) *Diog. Laërt. II, 95.*

(8) *Ad Sextum Emp. adv. Math. VII, 191. not. B.*

(9) Hos diligenter recensuit *Diog. Laërt. II, 85, 86.*

eos, qui criterium veri sustulerunt, refertur, propterea quod, ut Anaxarchus, *σκιαγραφία ἀπεικάζει τὰ ὄντα* (1). Aliud etiam ejus dictum memoratur: *τύφον* h. e. opinionem esse omnia (2). Haec sane ostendunt, adfuisse in Monimi mente semina quaedam Scepticismi.

Venio jam ad *Platonem*, non modo reliquorum Socraticorum, sed omnium philosophorum facile principem. Hujus viri cum tantum esset nomen tantaque auctoritas, mirandam non est, varios antiquitus philosophos vehementer studuisse, ut eum suae fuisse opinionis evincerent. Hinc illa quaestio, utrum Dogmaticus fuerit an Scepticus Plato. Fuerunt tamen alii, inter quos ii, quibus hujus rei notitiam debemus, qui Platonem in aliis Sceptice, in aliis Dogmatice pronuntiasse statuerent (3). Recte illi et vere. Efficiunt autem id, quod volunt, exemplis ex Platonis doctrina afferendis, sed causam, cur Plato ita fecerit, animadvertere supersederunt. Platonis philosophia nihil aliud est nisi veri studium: hinc perfectus philosophus ab eo definitur *ὁ τοῦ αἰὲ κατὰ ταῦτα ὡσαύτως ἔχοντος δυνάμενος ἐφάπτεσθαι* (4). Ex hocce veri quaerendi instituto, nonne sponte sequebatur id, quod in Platonis scriptis reperimus, nunc Sceptica cautio, ne quid temere affirmetur, nunc Dogmatica *συνκρίσις*? Praeterea ex hoc ipso discimus, Platonem de vero non cum Scepticis sensisse. Qui enim philosophiam veri esse studium voluit, in eoque studio totam vitam consumsit, quomodo hic de veri existentia vel comprehensibilitate dubitare potuit? Si igitur explicuerimus, quam in re veritatem poneret et quibus quasi instrumentis eam assequi conaretur, quaestioni nostrae satisfactum erit, et Platonis de veri judicio sententiam habebimus.

Plato igitur tria rerum principia statuit: *Deum* et *materiam*, quibus adjungantur *ideae*, menti divinae adhaerentes, secundum quas Deus materiam informavit (5). Res autem e materia effectae, quas sensibus percipimus (*τὰ αἰσθητὰ*), quemadmodum ipsa materia, sunt mutabiles, ut potius *γίγνεσθαι* quam *εἶναι* dici possint. Haec ex Heracliti doctrina sunt petita. Cum igitur sensus nostri illis mutationibus fallantur, et unam eandemque rem variis percipiant modis, consentaneum erat, ut hi a veritatis judicio

ex-

(1) *Sext. Emp. ad Math.* VII, 88.

(2) *Sext. l. l.* 35. — *Menander* apud *Diog. Laërt.* lib. VI, 83. Conferri quoque potest *Marcius Antonius* II, 15. quem ad laud. Sexti locum citat *Fabritius*. not. M.

(3) *Sext. Emp.* P. H. I, 221 — 225. *Diog. Laërt.* lib. III, 51, 52. IX, 72. *Cic. Acad. quest.* I. 13. V. 3. *August. contra Academ.* III, 17. P. 453. a. b. ed. Frobeniana.

(4) *Plato de Rep.* VI, 484. b.

(5) Cf. *Plato Tim.* p. 27 D — 29 C. *Cic.* in hujus dialogi versione. *Sextus adv. Math.* IX. 364. X. 258. *Diog. Laërt.* III, 76. ibique *Menagius*. *Pseudo-Plut. de placitis philosophorum.* I. 3. p. 236. Ex his locis explicandus est *Cic. Acad.* I. 8. II. 37.

excluderentur (1). Oportet igitur hominem quam fieri potest maxime mentem a corporis conjunctione liberare, ut ipsa per se res intueri possit (2). Sed hacce mentis a corpore disjunctione nihil in iudicando vero proficeremus, nisi quoque res contemplari possemus tales, quales revera per se sint, id est, liberas ab illis mutationibus. Refugiendum igitur ad ideas, h. e. rerum formas seu exemplaria, quae sunt immutabilia, et perfecte nobis ostendunt quales res sint, quippe quae secundum ipsas a Deo informatae sunt (3).

Haec fere est Platonis de veri nota sententia, in qua delineanda, fortasse quis mirabitur, quid sit, cur Sexti loco non usus sim, in quo hic Platonis de criterio sententiam tractavit (4). Causa haec est, quod ille l. l. non genuinam proposuit Platonis sententiam sed accommodatam, ut videtur, ad Neoplatonicorum interpretationes et additamenta. Cujus rei indicia haec sunt. Primum, e Platonis dialogis unus laudatur Timaeus, in cuius obscuritate, quantum sese jactaverint Neoplatonici, omnibus notum est. Tum §. 143 diserta Πλατωνικὴν occurrit mentio. Denique si ipsa Sexti verba, quibus summam Platonis sententiae proposuit, adscripsero, qui dubitet, arbitror fore neminem: *προδήλως, inquit, (ὁ Πλάτων) ἀριττέριον ὄρσει τῆς τῶν πραγμάτων γνώσεως τὸν λόγον συμπεριλαβὼν αὐτῷ καὶ τὴν διὰ τῆς αἰσθήσεως ἐνέργειαν.*

Qui Platonem secuti sunt philosophi habebant jam certum philosophandi genus, ut dubitari non possit, utrum Sceptici fuerint an Dogmatici. Itaque Scepticismi et Dogmatismi tractatio separanda est; quare huius operis finem imponamus.

(1) Cf. *Theaet.* 152. D. seqq. *Cratyl.* 402. A. *Sextus Emp.* P. II. III. 54. 115. *adv. Math.* VII. 53. VII. 6. 7.

(2) *Phaed.* p. 65. A — 67. C.

(3) Totam subin de ideis doctrinam explicavit Rader, praeter loc. Tim. loc. in Parmenide toto. *Phaed.* p. 14. d. — 15 c. ubi cf. Stallbaum in Prolegg. p. XX. seqq. de *Repub.* VI. 509. d. seqq. X. 586. a seqq. cf. etiam *Men.* et *Phaedo.* Caeterum cf. *Sext. Empir. adv. Math.* IV. 11 — 14. *Plut. adv. Colot.* XV. seq. p. 241. *Pseudo-Plut. de placitis Philos.* I. 10. p. 247. *Cic. Orator.* cap. 3. *Tusca.* I. 24. *Acad.* I. 9.

(4) *Adv. Math.* VII. 141 — 144.

## CAPUT SECUNDUM,

## DE PYRRHONIIS.

Veniamus jam ad *Pyrrhonios*, qui et *Ephectici* et *Zetetici* et *Aporetici* appellabantur (1). Horum de criterio sententia ut recte intelligatur, omnis ipsorum philosophandi ratio paullo altius repetenda videtur.

Pyrrhonii igitur omnia referebant ad *ἐποχήν*, ad *assensus retentionem*. Quam in eo positam esse censebant, ut nihil vel affirmetur, vel negetur. Sextus Empiricus: *ἐποχή δ' ἐστὶ στάσις διανοίας, δι' ἣν οὔτε αἰρομέν τι, οὔτε τίθεμεν* (2). Ad quam *ἐποχήν* ita perveniebant. Omnis Scepticismus continetur sensibilibus et intelligibilibus quocunque modo sibi invicem opponendis, unde ita apud Sextum definitur: *ἐστὶ δὲ ἡ σκεπτικὴ δύναμις ἀντιθετικὴ φαινομένων τε καὶ νοουμένων, κατ' οἷον διήκοντες τρόπον* (3). Hujus Scepticae facultatis principium hoc est: *πάντι λόγῳ ἴσον λόγον ἀντικεισθαι* (4). Ex hacce autem intelligibilium et sensibilium oppositione nascebatur *ἰσοσθένεια*, h. e. *ἡ κατὰ πίστιν καὶ ἀπιστίαν ἰσότης* (5), h. e. paria esse in contrariis rationibus momenta. Haecce *ἰσοσθένεια* sponte eos duxit ad *assensus retentionem*, per quam ad finem suum, sive *ἀταραξίαν*, sive *ἡσυχίαν*, sive *ἀφασίαν* (6), sive *ἡδονήν* (7) tendebant.

Ex hac assensus retentione sponte sequitur, Pyrrhonios nulla posuisse decreta, (sic enim, auctore Cicerone (8), *δόγματα* appellamus), certe si decretum intelligamus *τὴν τινι πράγματι τῶν κατὰ τὰς ἐπιστήμας ζητούμενων ἀδήλων συγκάθεσιν*. Falluntur enim qui credunt Scepticum nulli omnino rei assentiri: *τοῖς γὰρ κατὰ φαντασίαν κατηνεγκασμένοις πάθει συγκατέθεται*: v. c. cum calet aut friget minime dicit: *videor mihi non*

ca-

(1) De variis Scepticismi nominibus vid. quos laudat *Theobaldus* vir. Cl. in comm. ad questionem: „Queritur in Dogmaticis oppugnandis, numquid inter Academicos et Scepticos interfuerit? Quod si ita sit, quae fuerit discriminis causa?“ *Ann. Acad. L. B.* a. 1800. pag. 14. Quibus addantur *Diag. Laërt.* IX, 70. *Tennemann* l. l. p. 105. (2) *P. H. l.* 10. (3) l. l. 8.

(4) *Sextus* l. l. §. 12 et 202 — 205. cfl. quae supra de Protagora diximus.

(5) *Sextus* l. l. 10.

(6) *Sextus* l. l. 10, 25, 205, 234. III. 235 seqq. *adv. Math.* XI, 1, 111 seqq. *Diag. Laërt.* IX, 107. *Aristoteles* ap. *Eusebium* P. E. XIV, 758 d.

(7) Hoc erat Aeneasdem. cfl. *Aristoteles* ap. *Eusebium* l. l.

(8) *Acad. quæst.* II. 9 alibi.

*calere aut frigere* (1). Cum igitur quid pronuntiat, πάθος suum narrat, h. e. dicit, quomodo affici se sentiat (2). Ad quam rem variae excogitatae sunt formulae, quas φωνὰς appellant. Sunt autem sequentes: οὐ μᾶλλον· τάχα, οὐ τάχα· ἔξεστι, οὐκ ἔξεστι· ἐνδέχεται, οὐκ ἐνδέχεται· ἐπέχω· οὐδὲν γνωρίζω· πάντα ἔστιν ἀόριστα· πάντα ἔστιν ἀκατάληπτα· ἀκατάληπτον· οὐ καταλαμβάνω· παντὶ λόγῳ λόγος ἴσος ἀντικείμεται (3). His autem vocibus ἀδοξάστως utitur Scepticus, i. e. non ponit eas revera esse, sed cum alias res, tum se ipsas circumscribere: v. c. vox, *omnia sunt falsa*, cum aliis et se ipsam falsam esse dicit, quemadmodum medicamenta purgatoria non tantum humores ejiciunt, verum etiam ipsa cum iis exeunt (4).

Universa Pyrrhonorum philosophandi ratione exposita, sequitur, ut ipsorum de criterio veritatis sententiam declaremus. Quae qualis fuerit jam facile intelligitur. Non quidem negabant esse criterium, sed omnibus Dogmaticorum rationibus rejectis et refutatis, non statuebant, sitne criterium, nec ne. Sextus Empiricus: εἰδέναι δὲ χρὴ, inquit, ὅτι οὐ προκείμεται ἡμῖν ἀποφύνασθαι, ὅτι ἀνύπαρκτόν ἐστι τὸ κριτήριον τὸ τῆς ἀληθείας (τοῦτο γὰρ δογματικὸν) ἀλλ' ἐπεὶ οἱ Δογματικοὶ πιθανῶς δοκοῦσι κατασκευασκέυαι, ὅτι ἔστι τι κριτήριον ἀληθείας, ἡμεῖς αὐτοῖς τοὺς πιθανοὺς δοκοῦντας εἶναι λόγους ἀντεθήκαμεν, οὔτε ὅτι ἀληθεῖς εἰσι διαβεβαιούμενοι, οὔτε ὅτι πιθανώτεροι τῶν ἐναντίων, ἀλλὰ διὰ τὴν φαινομένην ἴσῃν πιθανότητα τούτων τε τῶν λόγων, καὶ τῶν παρὰ τοῖς δογματικοῖς κειμένων τὴν ἐποχὴν συνάγοντες (5). Quae ratio, etsi verbis ac specie spem aliquam veritatis dijudicandae relinquit, tamen revera omne iudicium tollit ac penitus evertit. Hinc et ipse Sextus, alio loco (6), enumeratis, qui criterium tollebant, philosophis, ἐν τούτοις δὲ, inquit, εἰσὶ καὶ οἱ ἀπὸ τῆς σκέψεως. Diogenes Laërtius: ἀνέφρον· δὲ καὶ τὸ κριτήριον λόγῳ τῷδε κατ. (7). Aulus Gellius: (*Sceptici*) *omnium rerum fidem veritatemque mixtis confusisq; veri falsique signis imprehensibilem videri ajunt* (8). Et sic alii veteres, quorum locos infra exhibebimus, de singulis Scepticis tamquam criterium revera tollentibus loquuntur. Ex quo apparet illam ἐποχὴν ideo a Scepticis inductam esse, ut temeritatis nomen et invidiam fugerent, et modestiae laudem adipiscerentur.

Sed

(1) *Sext. Empir.* P. H. I, 13—16. *Aenesidemus* ap. Photium, in *Bibl. cod.* 212. p. 544 ed. Hoerschellii et Scotti.

(2) Cf. *Sext.* L. I. §. 15. coll. §. 4, 193, 197, 200, aliis.

(3) Has voces suo more discipit *Diog. Laërt.* IX, 74 seqq. Copiosius et accuratius *Sext.* P. H. I. 187—205. Cf. *Aul. Gellius* N. A. XI, 5. *Aristoteles* ap. *Eusebium* P. E. XIV. 758 D. *Suidas* voce μᾶλλον et οὐκ μᾶλλον. *Photius* l. l.

(4) *Sext.* P. H. §. 14 seqq. §. 206—209. *Diog. Laërt.* IX, 76. *Aristoteles* ap. *Eus.* P. E. XIV, 762. B.

(5) *Sext.* P. H. II. §. 79.

(6) *Adv. Math.* VII. 48.

(7) *Llib.* IX, 94.

(8) N. A. XI. 5.

Sed cum, veri nota sublata, omnis e vita tollitur actio: fieri autem non potest, ut homo prorsus actionis sit expers (1): excogitanda erat aliqua regula, secundum quam vita regeretur. Adsciverunt igitur τὸ Φαινόμενον. Timon Phliasius in Ἰνδαλμοῖς:

Ἄλλὰ τὸ Φαινόμενον παντὶ σθένει οὐπερ ἂν ἔλθῃ (2).

Quae doctrina quam late patuerit et quantopere a Scepticis culta sit, apparet ex Diogene Laërtio, ubi praeter Timonem laudantur Aenesidemus, Zeuxis, Antiochus, Appellas (3). Quo loco insignis est error, cujus purgandi hic locus esse videtur. Ita autem legitur: ἔστιν οὖν κριτήριον κατὰ τοὺς Σκεπτικούς τὸ Φαινόμενον, ὡς καὶ Αἰνεσιδῆμος φησὶν· οὕτω δὲ καὶ Ἐπίκουρος. Δημόκριτος δὲ, μὴδὲν εἶναι τῶν Φαινομένων, τὰ δὲ μὴ εἶναι. Ultima verba inde ab ὡς καὶ Αἰνεσιδῆμος caet. delenda esse videntur. Primum nihil ineptius fingi potest quam illud ὡς καὶ Αἰνεσιδῆμος φησὶν, cum paullo ante duo ex Aenesidemi libris loca laudata essent. Deinde illud, οὕτω δὲ καὶ Ἐπίκουρος, falsissimum est. Nam Epicurus statuebat omnes sensus esse veraces: quod minime Sceptici volebant, qui nos affici sensibus dabant, utrum res tales sint, quales sensus eas proponant, non statuebant. At, dicat aliquis, nonne Diogenes is est, a quo talia expectari possint? Quis nescit insignem ejus stuporem et ἀκρισίαν? Est sane aliquid. Sed fingamus nobis Diogenem quam fieri potest stupidissimum, tamen tantum errorem committere potuisse non videtur, cum aliis in locis ostendit, se Scepticorum et Epicuri placita recte intellexisse. Quid, quod ea, quae sequuntur, manifesto ostendunt librariorum hoc loco grassatos fuisse. Quis enim sensus est horum verborum? Δημόκριτος δὲ, μὴδὲν εἶναι τῶν Φαινομένων, τὰ δὲ μὴ εἶναι· quamvis facile ita emendari posse videntur, ut legatur pro μὴδὲν εἶναι, τὰ μὲν εἶναι. Quae cum ita sint, non temere mihi facere videor, si illa verba, ut dixi, delenda esse existimem. Sed haec hactenus. Vidimus igitur Scepticorum familiam aliquam de Φαινομένων doctrinam inchoasse, quam mirum quantum perfecit et locupletavit Sextus. Hic autem τὸ Φαινόμενον, inquit, Φαντασία intelligendum. Nam de hac, cum ἐν πείσει καὶ ἀβουλήτῃ πάθει posita sit, dubitari nequit (4). Minime autem Scepticus τὰ Φαινόμενα tollit, sed fatetur se rebus sensibilibus hoc vel illo modo affici: an haec res revera ejusmodi sint ac ipse ab iis afficitur, de hoc non statuit, sed assensionem cohibendam ducit (5). Quod autem Scepticus τὰ Φαινόμενα observat et secundum ea ἀποξέστως vivit, id quatuor facit modis: primum ὑφηγῆσαι φυσικῇ, cum a na-

tu-

(1) Cicero Acad. II. 10. Sext. Empir. P. H. 23. adv. Math. VII. 30. col. 105. Diog. Laërt. IX, 104.

(2) Diog. Laërt. IX, 105. Sext. adv. Math. VII. 30. P. H. 21—24.

(3) Diog. Laërt. IX, 106.

(4) P. H. I, 22.

(5) Hoc Sextus docet P. H. c. 10. §. 19, 20. Idem alibi saepius inculcat v. c. I. §. 59, 78, 99, 122, 124, 132, 140, 144, 163, 191. caet. Diogenes Laërt. IX, 103.

tura sensibus et intellectu simus instructi: deinde *παθὼν ἀνδύκη*, quæ fit, ut fames ad eibum nos adducat, sitis ad potum: porro *ἐθῶν καὶ νόμων παραδόσεις*, quæ fit, ut in vita pietatem bonum, impietatem malum censeamus. Denique *τέχνων διδασκαλία*, secundum quam non inutiles et otiosi sumus, in iis, quas colendas suscipimus, artibus (1).

Ejusmodi fere est universa Pyrrhonorum sententia de veri judicio. Nunc de singulis hujus sectae philosophis videamus; tum ut accuratius judicare possimus, quid quisque ad sententiam de incomprehensibilitate rerum perficiendam effecerit, tum ut arma cognoscamus, quibus eam adversus Dogmaticos tueri conati sint. In quo quidem eam tenebimus rationem, ut res privatas uniuscujusque philosophi non attingamus, nisi catenus, quatenus aliquam vim habuerint ad ejus sententiam informandam. Sic v. c. operæ pretium erit notasse, quo quisque tempore vixerit, et quibus usus sit magistris; de reliquis, e. g. Pyrrhonem sacerdotio honoratum fuisse, eos laudasse sufficiat, qui ea accurate explicarunt. Inprimis attendemus ad quaestionem de veri falsique nota, et si quæ sint ab aliis nondum animadversa loca, afferre studebimus.

Scepticorum igitur, auctore Sexto, duplex fuit aetas: *ἀρχαιοτέρων* inde a Pyrrhone usque ad Aenesidemum altera, altera *τῶν νεωτέρων* qui post Aenesidemum fuerunt (2). Primus igitur in medium veniat *Pyrrho Eleus*, *ὁ ἔγαν ἡκριβωμέναι τὴν ἀπορητικὴν ἀπολειψθεὶς* (3). Natus est, Philippo Macedone regnante, circiter Ol. CI (4). Magistros habuit primum Brysonem Dialecticum (5), deinde Anaxarchum, qui Metrodorum Democriti discipulum audiverat (6). Quo cum accederet necessitudo Philonis dialectici, facile intelligitur et Democriti et Dialecticorum rationem magnam vim habuisse ad ingenium Pyrrhonis informandam; quod ipsum disertis veterum testimoniis confirmatur (7). Ad Pyrrhonis doctrinam quod attinet, difficile sit statuere, quid ipsi fue-

(1) Cf. *Sextus P. H.* I, 24 seqq. ejusdem lib. 17, 337. *Diog. Laërt.* IX, 108.

(2) *Sext. P. H.* I, 164. Ibiq. *Fabritius* not. S.

(3) *Galen. Hist. Philos.* p. 24. F.

(4) *Suidas* voce *Πύρρων*.

(5) *Suidas* l. l. idem voce *Συνάρχης*. *Diog. Laërt.* IX, 61. ubi ante Menagium legebatur *Ἀρίστους*. *Sext. Empir.* adv. *Math.* VII. B. ibiq. *Fabritius* not. H. 1.

(6) *Diog. Laërt.* IX, 58. *Sext. Empir.* l. l. 48. ibiq. *Fabritius* not. N. 87. 88. Ibi *Suidas* voce *Πύρρων* que *Fabritius* not. E. *Aristoteles* apud *Eusebium* X. 762, B. Ipse *Euseb.* p. 758. a. *Gal. de hist. philos.* l. l. quem emendavit *Menagius*, ad *Diogenem*. annot. p. 423 et 426.

(7) *Philō* apud *Diog. Laërt.* IX, 67. *Aristoteles* apud *Eusebium* P. E. p. 763. B. *Numenius* apud eundem p. 37. A. De reliquis Pyrrhonis rebus cfr. *Städlin* l. l. tom. I. pag. 281. seqq. *Thorbecke* in *comm. laud.* p. 29. 30. *De Antigono Carystio*, qui Pyrrhonis vitam scripsit laudandus etiam est *Aristoteles* apud *Euseb.* P. E. XIV. 763. A. Neque illud omittendum, quod de Pyrrhonis animi tranquillitate retulit *Posidonius* apud *Diog. Laërt.* lib. IX, 68. Quo loco usus est vir Cl. *J. Baka de Posidonio* p. 177. Consulendus quoque *D. Wyttsend.* ad *laud. Bahii librum* p. 282.



fuerit peculiare. Nam ipse Pyrrho nihil scriptum reliquit (1), certe nihil de philosophia: Est quidem apud Sextum Empiricum, eum carmen fecisse ad Alexandrum regem; sed hoc, si forte exstiterit, jam ante Sextum deperditum fuisse videtur (2), et una alterave sententia excepta, magis ad illum regem adulandum, quam ad philosophiae placita explicanda comparatum fuisse. Diogenes autem Laërtius, ut in aliis principum aliqujus sectae philosophorum vitis, sic in Pyrrhonis, omnia, quae de Scepticismo sciebat, velat in saccum fudit, nullam curam gerens, ut unicuique Sceptico quod ipsi proprium esset tribueret (3). Quo diligentius nos antiquorum testimonia, hic illic sparsa, colligere oportet, e quibus appareat, Pyrrhonem incomprehensibilitatem rerum docuisse. Ascanius Abderites, Pyrrho, inquit, δόκει γενναϊότατα φιλοσοφῆσαι τὸ τῆς ἀκαταληψίας καὶ ἐποχῆς εἶδος εἰσαγαγών (4). Aenesidemus dixit φιλοσοφεῖν μὲν αὐτὸν κατὰ τὸν τῆς ἐποχῆς λόγον (5). Cum quibus consentit Aristocles ἴσχυσε μέντοι ταιαῦτα (πάντα εἶναι ἀκατάληπτα) λέγων καὶ Πύρρων δ' Ἥλσιος (6). Diserte Lucianus: 'ΕΡΜ. 'Αλλ' ἢ μὲν γραφικὴ πάρεστιν, ὧ Δίκη, δ' Πύρρων δὲ οὐδὲ τὴν ἀρχὴν ἀνελήλυθε, καὶ ἐφκει τοῦτο πρέξειν. ΔΙΚ. Διὰ τι, ὦ Ἑρμῆ; 'ΕΡΜ. Ὅτι οὐδὲν ἡγείται κριτήριον ἀληθὲς εἶναι (7). Sublata igitur veri falsique nota, rerum apparentiam, consuetudinem et mores adscivit vitae instituendae regendaeque normam (8). Recte igitur Aenesidemus apud Diogenem eum defendit contra eos, qui ipsi multa in vita ridicule facta tribuebant (9).

Voces, quibus Sceptici utebantur, jam ab antiquioribus inventas esse, recte, ut videtur, statuit, Krugius (10). Equidem non dubitarem cum Aulo Gellio (11) earum inventionem Pyrrhoni tribuere; (Sceptici) *omnium rerum fidem veritatemque, mixtis confusisque veri atque falsi signis, ita imprehensibilem videri ajunt, ut quisquis homo non praeceps judicii sui prodigus his uti verbis debeat*, quibus auctorem philosophiae istius Pyrrhonem usum esse tradunt οὐ μᾶλλον caet.

Ut suam sententiam contra Dogmaticos defenderent, aliquos dubitandi modos induxerunt Sceptici. Hos etiam excogitasse Pyrrhonem jam vidit Gassendus (12), post eum Fabricius (13), et nostra demum aetate multis veterum locis adductis et pon-

de-

(1) *Diog. Laërt. Prooemio*, 16. lib. IX, 102. *Aristocles* apud *Euseb.* P. E. XIV. 758. C. 763. B.

(2) *Sext. adv. Math.* I. 282. ubi vid. *Febr. not. A.*

(3) *Staudlin* l. l. p. 286. Idem fecit Diogenes in vitis Zenonis, Aristotelis, aliorum.

(4) Apud *Diog. Laërt.* IX, 61.

(5) *Diog. Laërt.* IX, 62.

(6) Apud *Euseb.* l. l.

(7) *Lucianus Bis Accusat.* §. 25. p. 251.

(8) *Suidas* voce Πύρρων.

(9) *Diog. Laërt.* IX, 62. cf. *Meinag.* ad 63.

(10) l. l. p. 787. not. N.

(11) *Noct. Att.* XI. cap. 5.

(12) *Oper. tom. I.* p. 75.

(13) *Ad Sext. Emp. P. H.* l. 35. not. F.

deratis indubitatum reddidit Krugius (1). Sed hos modos ita explicavit et dilata-  
vit aliorum Scepticorum, inprimis Aenesidemi, industria, ut hic etiam aliquam in-  
ventionis laudem sibi vindicare posse videatur. Quamobrem nos eorum explicationem  
in posterum differimus.

Haec sunt, quae Pyrrhoni probabiliter tribuuntur. Unum hoc monendum est, sin-  
gula, quae adduximus, loca non premenda esse. Nam saepius factum est, ut aliquis,  
de quodam Scepticorum placito loquens, unum Pyrrhonem, utpote sectae principem  
et auctorem, laudaret (2).

Pyrrhonis discipuli memorantur a Diogene, *Eurylochus*, *Philo*, *Hecataeus Abde-  
rites* et *Nausiphanes Teius* (3). De quibus omnibus parum reperitur apud veteres.  
Et Philonis quidem meminerunt Lucianus (4) et Suidas (5). Nausiphanes autem  
Pyrrhonem cito deseruisse videtur, et in Democriti se castra contulisse. Quo facto,  
postea Epicuri magister fuit, qui ipsam ingrate tractavit (6). Unum ejus placitum,  
quod ad praesentem quaestionem facere videtur, nobis servavit Seneca: *Nausiphanes  
ait, ex iis, quae videntur, nihil magis esse, quam non esse* (7). Praeter hos apud  
Numenium Pyrrhonis discipuli memorantur *Mnaseas* et *Philomelus* (8).

Sed horum omnium laudem obscuravit *Timon Phliasius*, qui primum Stilponem  
Megaricum audivit, deinde Pyrrhonis institutione usus est (9). Varia multaue scripsit.  
Diog. Laërt. καὶ γὰρ, inquit, ποιήματα συνέγραφε, καὶ ἐπη, καὶ τραγωδίας, καὶ σατύρους, καὶ  
δράματα κωμικὰ τριάνοντα, τραγικὰ δὲ ἐξήκοντα, σίλλους τε καὶ κιναιδούς. Φέρεται δὲ αὐτοῦ καὶ  
καταλογὸν βιβλίων, εἰς ἐπὶν τείνοντα μυριάδας δύο (10). Ex his celeberrimum opus fuit,  
cui Silli est titulus, et a quo auctori cognomen Sillographi venit, tribus illud libris di-  
stinctum, in quibus, sub persona Xenophanis, Dogmaticorum sententias parodiis vexa-  
vit (11). Memoratur et alius Timonis liber, Πύθων inscriptus (12), quem librum ad ali-  
quem Pythonem exagitandum comparatum fuisse, confici potest ex alio loco Diogenis,  
ubi Timonem citat ἐν τοῖς πρὸς Πύθωνα (13). Reliquorum scriptorum hi tituli ad nos ve-

ne-

(1) L. I. p. 235.

(2) cf. Thorbecke, *comm. laud.* p. 30.

(3) Diog. Laërt. IX. 68, 69.

(4) *Μετὰ τὴν αὐτὴν* S. 27. p. 312. cf. Menagius ad Diog. Laërt. IX, 67.

(5) In voce, φιλόσοφος.

(6) Diog. Laërt. Prohem. 15. Idem, IX, 69. X, 8. *Sext. Empir. adv. Math.* I, 2, 4. Cic. *de Nat. Deor.* I. cap. 26.(7) *Epist.* 88.

(8) Apud Euseb., P. E. XIV. 731. B.

(9) Diog. Laërt. IX, 109. Caeterum de Timone cf. *Staudlin*, L. I. p. 205. seqq. Thorbecke, *comm. laud.* p. 32. seqq. His, quae ab his collecta sunt, id addi posse videtur, *Antigonum Carystium*, ut Pyrrhonis, sic etiam  
hujus vitam scripsisse. cf. Diog. Laërt. IX, 117.

(10) Diog. Laërt. L. I.

(11) Diog. Laërt. L. I. Suidas in voce, Τίμων.

(12) *Aristocles* apud Euseb. P. E. XIV. p. 761. A. B. Diog. Laërt. IX, 64.

(13) Diog. Laërt. IX, 67.

nerunt: πρὸς τοὺς φυσικοὺς (1)· Ἰνδαλμοί (2)· περὶ αἰσθήσεων (3)· Ἀρκεσίλαου περὶ δεξινου (4).

Timonis doctrinae fragmentum, ad nostram quaestionem pertinens, servavit Aristocles apud Eusebium: ὁ δὲ μαθητὴς αὐτοῦ (Pyrrhonis) φησὶ, δεῖν τὸν μέλλοντα εὐδαιμονήσῃν εἰς τρία ταῦτά βλέπειν· πρῶτον μὲν, ὅποια πέφυκε τὰ πράγματα· δεύτερον δὲ, τίνα χρὴ τρόπον ἡμᾶς πρὸς αὐτὰ διακρίσθαι· τελευταῖον δὲ, τί περιέσται τοῖς οὕτως ἔχουσιν. Τὰ μὲν οὖν πράγματα φησιν αὐτὸν ἀποφαίνειν ἐπίσης ἀδιάφορα, καὶ ἀστάνθητα, καὶ ἀνέγκριτα· διὰ τοῦτο μήτε τὰς αἰσθήσεις ἡμῶν, μήτε τὰς δόξας ἀληθεύειν ἢ ψεύδεσθαι· διὰ τοῦτο οὖν μήτε πιστεύειν αὐταῖς δεῖν, ἀλλ' ἀδοξάστους καὶ ἀκλινεῖς καὶ ἀκραδάντους εἶναι, περὶ ἐνὸς ἐκάστου λέγοντας, ὅτι οὐ μᾶλλον ἔστιν, ἢ οὐκ ἔστιν. Τοῖς μὲντοι διακριμένοις οὕτω περιέσεσθαι, Τίμαν φησὶ, πρῶτον μὲν ἀφασίαν, ἔπειτα δ' ἀταραξίαν (5). Ἀφασία autem, quid sit, explicatur a Sexto, idemque vox valet ac ἐποχή (6). Hocce Aristoclis loco usus est Staudlinus ad universum Timonis Scepticismum delineandum (7). Nobis animadvertisse sufficiat, ex hoc loco apparere, Timonem is jam ad veri iudicium impugnandum copis instructum fuisse, quae Dogmaticis interitum minari viderentur. Caeterum illius versus, quibus τὸ φαινόμενον, ut vitae regulam, cecinit, jam supra laudavimus.

Post Timonem Scepticismi nomen evanescere coepit, et, qui ipsi succederet, usque ad Ptolemaeum Cyrenaeicum, fuisse neminem, auctore Menodoto, tradit Diogenes Laërtius (8). Cujus rei causa haec mihi fuisse videtur. Academia tunc temporis magis magisque inalescebat, et patronum nacta erat Arcesilam, magnum profecto virum, ingenii eloquentiaeque laude florentem. Hujus autem temporis Sceptici minorum, ut videtur, fuerunt gentium, nullis praeter alios animi dotibus excellentes. Hinc factum est, ut, cum utriusque disciplinae magna esset similitudo, Academiae nomen Pyrrhonorum nomen obrueret, et hominum ore frequentaretur. Quod usque eo factum est, donec magnus aliquis vir existeret, magno praeditus ingenio, qualis fuit Aenesidemus, qui emortuam fere Pyrrhonis auctoritatem in vitam quasi revocaret. Quam suspicionem non inanem esse, ex eo quodammodo apparere videtur, quod Aenesidemus primum librum Πυρρωνείων λόγων consumpsit, in differentia, quae Academicos inter et Pyrrhonorios intercederet, demonstranda (9).

Reliquorum igitur Scepticorum, inde a Timone usque ad Aenesidemum, nihil nisi nomina supersunt. Diogenes Laërtius (10), auctoribus Hippoboto et Sotione, διήκουσαν,

(1) *Sext. Empir. adv. Math.* III, 2. ibique *Fabritius* not. C.

(2) *Sext. Empir. adv. Math.* XI, 20.

(4) *Diog. Laërt.* IX, 115.

(6) *Sext. Empir.* P. H, I. 192, 29.

(8) *Diog.* IX, 115. Cf. *Cicero, Tusc.* IV, 30. *De Fin.* II, 12. *Syllogis.* I. I. p. 289.

(9) *Photius*, cod. 212. p. 544, 545.

(10) *Diog. Laërt.* IX, 115. De ordine, quo Sceptici sibi invicem successerunt, cf. *Staudlin*, I. I. p. 289.

(3) *Diog. Laërt.* IX, 105.

(5) *Euseb.* P. E. XIV. 752. D.

(7) I. I. p. 332, 333.

σαν, inquit, Τίμωνος Διοσκουρίδης Κύπριος, καὶ Νικόλοχος Ῥόδιος, καὶ Εὐφράνωρ Σελευκεὺς, Πραῦλος τε ἀπὸ Τρωάδος. His, auctore Suida (1), addatur Πύρρων Φλιάσιος. Sequitur apud Diogenem: Εὐφράνωρος δὲ διήκουσεν Εὐβουλος Ἀλεξανδρεύς· οὗ Πτολεμαῖος, οὗ Σαρπηδῶν, καὶ Ἡρακλείδης· Ἡρακλείδου δὲ Αἰνησιδημος Κνώσσιος.

Aenesidemus igitur Gnossius, Heraclidis discipulus, labentem jam disciplinam sustentavit, atque sic ἀρχηγὸς ἐξῆλθεν recentiorum Scepticorum successionis. Aristocles: μηδενὸς δὲ ἐπιστραφέντος αὐτῶν, (Pyrrhonis et Timonis) ὥς εἰ μηδὲ ἐγένοντο τὸ παράπαν, ἐχθρὸς καὶ πρῶν ἐν Ἀλεξανδρίᾳ, τῇ κατ' Αἴγυπτον, Αἰνησιδημὸς τις ἀναζωπυρεῖν ἤρξατο τὸν ὕβλον τοῦτον (2). Vixit, ut probabiliter collegit Krugius (3), paullo post Philonem et Ciceronem, et scripsit octo libros Πυρρωνείων λόγων, e quibus excerpta dedit Photius (4). Quaeri potest, utrum idem, an diversum sit opus Τροτυπώσεως εἰς τὰ Πυρρωνεία, quod ab Aristocle (5) et Diogene Laërtio (6) memoratur: sed, deficientibus veterum testimoniis, nil certi statuere possumus: hoc unum addere licet, Sextum Empiricum, ut ipse fatetur, suarum Τροτυπώσεων, et inscriptionem et rerum tractandarum rationem, ex illis Aenesidemi libris repetivisse (7). Caeterum Photius, quamvis Scepticam rationem minime probans, hocce opus dialecticae operam navantibus non inutile esse iudicavit (8). Et vero affirmare non dubitamus, eum Scepticismum tantum promovisse, quantum nemo alius Pyrrhonorum, uno fortasse Sexto excepto. Nam primus omnium Scepticismum definivit: ἔστιν οὖν, inquit Diogenes Laërtius, δ Πυρρωνείος λόγος μήνυσις (9) τῶν φαινόμενων, ἢ τῶν ὁπωροῦν νοουμένων, καθ' ἣν πάντα πᾶσι συμβάλλεται, καὶ συγκρινόμενα πολλὴν ἀνωφελείαν καὶ ταραχὴν ἔχοντα εὗρίσκεται, καθά φησιν Αἰνησιδημος ἐν τῇ εἰς τὰ Πυρρωνεία τροτυπώσει (10). Porro idem existimavit, voluptatem (ἡδονήν) esse finem Scepticismi, ut Aristocles apud Eusebium refert (11); apud Photium autem legimus, Aenesidemum, in VIII<sup>o</sup> libro Πυρρωνείων λόγων, ita contra fines disputasse, ut etiam τὴν ἡδονήν rejiceret (12). Quae, sibi invicem, ut videtur, repugnantia, recte conciliavit Stäudlinus (13). Sed, ut Aenesidemi rationem accuratius cognoscamus, et ipsius de veri iudicio sententiam rectius explicare possimus, dicendum est de philosophia Heraclitea, quam hic non modo vehementer probavit, sed etiam miro modo cum Scepticismo conjunxit. Existimavit autem, ἔδδν εἶναι τὴν Σκεπτικὴν ἀγωγὴν ἐπὶ τὴν Ἡρακλείτειον φιλοσοφίαν· διότι προηγείται τοῦ τάναντία περὶ τὸ αὐτὸ ὑπάρχειν τὸ τάναντία περὶ τὸ αὐτὸ φαίνεσθαι, καὶ οἱ μὲν Σκεπτικοὶ φαίνεσθαι λέγουσι τὰ ἐναν-

(1) In voce.

(2) Apud Eusebium, P. E. l. l. p. 763. D.

(3) Gesch. der Phil. p. 377.

(4) Photius, Cod. 212.

(5) Apud Eusebium, P. E. XIV. p. 760.

(6) IX, 78.

(7) E. H. I, 210, 220.

(8) Photius, cod. I. p. 545.

(9) Ita legendum pro μνήμῃ τῆς, ex emendatione Galesii, quae probatur Menagio ad h. l. aliisque.

(10) Diog. Laërt. IX, 78.

(11) P. E. XIV. 758 D.

(12) Photius, l. l. p. 545.

(13) l. l. p. 303. not. 214.

φαντία περὶ τὸ αὐτὸ· οἱ δὲ Ἡρακλείτριοι ἀπὸ τούτου, καὶ ἐπὶ τὸ ὑπάρχειν αὐτὰ μετέρχονται (1). Atque sic plane Aenesidemus a Scepticismo ad Heracliteam doctrinam deflexisse putandus est, et illius rationibus usum esse, ut hanc confirmaret (2). Aliter enim explicari non posse videtur, quomodo Sextus multa eī Dogmatica placita, ex Heracliti doctrina petita, tribuat (3), et simul eum tamquam perfectum Scepticum laudet (4). Eadem causa fuit, cur iudicium veri, aliis quidam locis plane tolleret, aliis quodammodo relinqueret. De utroque deinceps dicendum est. Et illius quidem operis Πυρρωνείων λόγων, teste Photio, ἦν ἡ πρότασις, βεβαιῶσαι, ὅτι οὐδὲν βέβαιον εἰς κατάληψιν, οὔτε δι' αἰσθήσεως, ἀλλ' οὔτε μὲν διὰ νόησεως, διδ' οὔτε τοὺς Πυρρωνείους, οὔτε τοὺς ἄλλους εἰδέναι τὴν ἐν τοῖς οὖσιν ἀλήθειαν (5). Praeterea addidit Photius, eum nullum in hoc opere statuisse decretum: καὶ ὅτι μηδὲν εἰς δόγμα συντελεῖ, καὶ τοῦτο, κατὰ δὴλον (6). Ex quibus locis, sibi invicem comparatis, apparet, Aenesidemum omne veritatis criterium ad eam Scepticorum rationem, quam supra delineavimus, penitus sustulisse. Sed ecce, est alius, Sexti locus, ubi Aenesidemus τὰ κοινῶς πᾶσι φαινόμενα criterium constituisse dicitur: Οἱ δὲ περὶ τὸν Αἰνησιδήμον, καὶ Ἡρακλείτον, καὶ Ἐπίκουρον, ἐπὶ τὰ αἰσθητὰ κοινῶς κριτενεχθέντες, ἐν εἴδει διέστησαν. Οἱ μὲν γὰρ περὶ τὸν Αἰνησιδήμον λέγουσι τινὰ τῶν φαινομένων διαφορὰν, καὶ φασὶ τούτων, τὰ μὲν κοινῶς φαίνεσθαι, τὰ δὲ ἰδίως τινι, ὃν ἀληθὴ μὲν εἶναι τὰ κοινῶς πᾶσι φαινόμενα, ψευδῆ δὲ τὰ μὴ τοιαῦτα. \*Ὅθεν καὶ τὸ ἀληθὲς φερονύμως εἰρησθαι τὸ μὴ λήθον τὴν κοινὴν γνώμην (7). Quod autem alio loco habet Sextus, id hic quoque memorandum videtur, Aenesidemum cum Stratone Lampsaceno statuuisse, animam sensibus uti, tamquam foraminibus, ad res externas percipiendas (8). An fortasse hinc conjici licet, eum aliquando etiam ad Peripateticorum placita inclinasse?

Supra jam diximus, Aenesidemum multum ad Scepticorum dubitandi modos perficiendos attulisse. Id, quale sit, nunc exponemus. Aristocles igitur auctor est, eum, in supra laudato opere, τοὺς ἐννέα διεξιέναι τρόπους (9) (quo loco dubium non est, quin cum Menagio (10), et aliis, eum secutis, pro ἐννέα legendum sit δέκα) et Sextus Empiricus τοὺς παρὰ τῷ Αἰνησιδήμῳ δέκα τρόπους memorat (11). E quibus locis id confici mihi

pos-

(1.) *Sext. Empir.* P. H. I, 220.

(2.) *Staudlin*, l. I. p. 305. not. 218. conjectit, eum ex Heracliti schola ad Pyrrhonicos transisse. Quod, si liceret, potius dixisset Aenesidemus, Heracliti philosophiam viam esse ad Scepticismum.

(3.) *Sext. Empir.* P. H. I, 220. et 238. *Adv. Math.* VII, 240. IX, 337. X, 216, 233.

(4.) P. H. I, 180. 202. *adv. Math.* VIII, 8, 49, 215, 216, 234 249. IX, 218. X, 280.

(5.) *Photius*, l. I. p. 541.

(6.) l. I. p. 545.

(7.) *Sext. adv. Math.* VIII, 8. Cf. *Krugius, Gesch. der Phil. alter Zeit.* p. 377.

(8.) *Adv. Math.* VII, 359.

(9.) *Aristocles* apud *Eusebium*, P. E. XIV, p. 760. B.

(10.) *Ad Diog. Laert.* IX, 79.

(11.) *Adv. Math.* VII, 345.

posse videtur, Aenesidetum, quamvis modorum inventio ad antiquiores Scepticos, nominatim Pyrrhonem, referenda sit, primum eos et literis consignasse, et proxime ad perfectionem adduxisse. Sed hoc loco aliud inventum, unius Aenesidemi proprium, memorandum est. Scilicet octo modos excogitavit, quibus eos refelleret, quorum causas se ostensuros esse profitebantur (τοὺς αἰτιολογικούς). Hos eum explicuisse in V<sup>o</sup> libro Πυρρωνείων λόγων probabile est ex Photii excerptis (1). Retulit eos et explicuit Sextus, qui tamen eos supervacaneos esse iudicat, cum quinque Agrippae modi, de quibus mox videbimus, satis superque sufficiant ad omnes, etiam τοὺς αἰτιολογικούς, refellendos (2).

Aenesidemi successores recensentur apud Diogenem, Ζεύξιππος ὁ Πάλης, ὁ Ζεύξις ὁ Γωνιδεύς, ὁ Ἀντίοχος Λαοδικεύς ἀπὸ Λύκαι (3). Quibus addantur Apellas (4) et Agrippa (5), qui nullam omnino nominis celebritatem adepti sunt, excepto Agrippa, qui decem illis dubitandi modis quinque alios addidit, quos infra recensimus.

Agrippae successerunt Menodotus, magni nominis Scepticus, quippe cujus e libris Sextus se hausisse profitetur (6), et Theodas. Menodotam audivit Herodotus, hunc Sextus Empiricus (7). De quo viro uberius dicendum est, tum quod ipsius operum haud contemnenda pars ad nostram pervenit aetatem, tum quod inter aequos intelligentesque iudices constat, eum ita scepticismi fines protulisse, ut reliquis ejusdem scholae Philosophis palmam praeripuisse censendus sit.

Aetas, qua vixit, haud facile definiri potest. Probabile videtur eum, saeculo post Christum natum secundo, medio vel exsunte, floruisse (8). Unus est locus in ipsius operibus, e quo forte certius quid elici poterit, quem sufficiat hic adscribere, et alia explorandum commendasse: πρὸς τοῦτοις κακὸν λεγέον· διαφάνεια γέγονε παρὰ τοῖς πρὸ ἡμῶν, τῶν μὲν λεγόντων, εἶναι τι σημεῖον ὑδεικτικόν, τῶν δὲ μηδὲν εἶναι σημεῖον ὑδεικτικόν· φασκόντων (9). Librorum, quos scripsit, titulos accurate collegit Thorbecke V. Cl. (10).

Hujus viri Scepticismus, qualis fuerit, abunde cognosci potest ex ratione, qua Scepticismum definivit: ἵστι δὲ, inquit, ἡ Σκεπτικὴ δύναμις ἀντιθετικὴ τῶν φαινόμενων τε καὶ νοουμένων, καὶ οὐκ ἔστιν ἄλλος τρόπος (11). Quod ad quaestionem de veri iudicio attinet, satis

(1) Photius, cod. ar. p. 535.

(2) P. H. I; 180—187.

(3) Diog. Laërt. IX, 116.

(4) Diog. Laërt. IX, 108.

(5) Diog. Laërt. IX, 88. Cf. Stedlin l. l. p. 288.

(6) P. H. I; 220, — ὅτι ἂν εἰς ὑπόμνησιν διαλαμβάνεται κατὰ μέγεθος καὶ δινοῦμαι· ὅτι γὰρ μέγιστα τῶν ἀπορίων τίς στέλλει.

(7) Diog. Laërt. IX, 116.

(8) Stedlin, l. l. p. 383 sqq. Krug, l. l. p. 380. not. a.

(9) P. H. II; 121.

(10) Camm. länd. P. 89.

(11) P. H. I; 8.

is constat, Sextum illud penitus sustulisse, sive assensum cohibuisse, utrum esset, nec ne. Sed, cum supra jam ex viri scriptis loca quaedam, huc pertinentia, adduxerimus, non necessarium videtur, ea hic repetere. Potius agamus de celeberrimis illis dubitandi modis, qui Scepticorum tamquam arma fuerunt, quibus Dogmaticorum temeritatem debellarent, et ad quos omnia fere argumenta referre solerent.

Antiquiores igitur Sceptici *decem* constituerunt *modos*, quibus *ἐποχή* colligitur, quos Graece *τρόποι*, *τόποι* et *λόγοι* vocare consueverant (1). Sunt autem sequentes: *πρῶτος*, ὁ παρὰ τῶν ζώων ἑξαλλαγὴν· *δεύτερος*, ὁ παρὰ τῶν ἀνθρώπων διαφορὰν· *τρίτος*, ὁ παρὰ τὰς διαφορὰς τῶν αἰσθητηρίων κατασκευὰς· *τέταρτος*, ὁ παρὰ τὰς περιστάσεις· *πέμπτος*, ὁ παρὰ τὰς θέσεις, καὶ τὰ διαστήματα, καὶ τοὺς τόπους· *ἕκτος*, ὁ παρὰ τὰς ἐπιμιξίας· *ἑβδόμος*, ὁ παρὰ τὰς ποσότητας· *ὄγδοος*, ὁ ἀπὸ τοῦ πρὸς τι ἔννατος, ὁ παρὰ τὰς συνεχεῖς, ἢ σπανίους ἐγκυρίσεις· *δέκατος*, ὁ παρὰ τὰς ἀγωγὰς, καὶ τὰ ἔθνη, καὶ τοὺς νόμους, καὶ τὰς μυθικὰς πίστεας καὶ τὰς δογματικὰς ὑπολήψεις (2). Paullo aliis verbis hos modos retulit Diogenes Laërtius, eosque summatim explicavit (3). Praeterea hos modos non omnes eodem ordine tradebant; Diog. Laërt.: τὸν ἔννατον (τρόπον) Φαββαῖνος ὄγδοον· Σέξτος δὲ καὶ Αἰνεσιδήμος, δέκατον· ἀλλὰ καὶ τὸν δέκατον Σέξτος ὄγδοον· Φησὶ, Φαββαῖνος δὲ ἔννατον (4). Sed hoc, iudice Sexto, parum refert, utpote in quo suum quisque arbitrium sequi potest: *χρόνως* δὲ τῇ τάξει θετικῶς (5). Hi vero decem modi ad tres magis generales referri possunt, quorum primus ὁ ἀπὸ τοῦ κρίνοντος· quo primi quatuor comprehenduntur: secundus, ὁ ἀπὸ τοῦ κρινόμενου, ad quem pertinent septimus et decimus: tertius, ὁ ἐξ ἀμφοῖν, cui respondent quintus, sextus, octavus et nonus (6). Rursus hi tres referuntur ad τὸ πρὸς τι· ὡς εἶναι γενικώτατον μὲν τὸ πρὸς τι, εἰδικότες δὲ τοὺς τρεῖς, ὑποβεβηκότας δὲ τοὺς δέκα (7). Et vero eo omnia fere Scepticorum argumenta spectant, ut ostendatur, nihil a nobis *per se* percipi, sed omnia esse *relativa*. Recte igitur Aulus Gellius, *Itaque omnes*, inquit, *omnino res, quas sensus movent τῶν πρὸς τι esse dicunt. Id verbum significat nihil esse quidquam, quod ex sese constet, nec quod habeat vim propriam atque naturam, sed omnia prorsum ad aliquid referri, taliaque videri esse, qualia apud sensus nostros, quo pervenerunt, creantur, non apud sese, unde profecta sunt* (8). Haec in universum de modis dicta sufficiant, jam de singulis videamus, et quantam quisque ad *ἐποχὴν* colligendam vim habeat, auctore Sexto,

(1) Haec, et quae sequuntur, petita sunt ex Sexto. *Empir.* P. H. c. XIV. De variis modorum nominibus videatur Fabricius, ad Sexti l. I. et Gronovius ad Aul. Gellii N. A. XI, 5 not. 7. E receptoribus hos modos explicarunt Picus Mirandulanus, de van. doctr. gent. II. c. 21—31. p. 854—882. Cassepius, Opp. Tom. I. p. 73—754. Stenzlin, l. I. T. I. 392—412. Krugius pro instituti ratione, nil nisi modorum titulos, comparatis Diogene ex Sexto, recenset, *Geich. der Phil.* p. 285.

(2) Sext. *Empir.* P. H. I. §. 36, 37.

(3) Diog. Laërt. IX, 79—88.

(4) Diog. Laërt. IX, 87.

(5) Sext. *Empir.* P. H. I. §. 38. ibiq. Fabricius, not. I.

(6) Sext. *Empir.* l. I.

(7) Sext. *Empir.* l. I. §. 39.

(8) N. A. XI. 5.

to, constituamus: in quo ita versabimur, ut eorum, quae ab ipso disputata sunt, extrema tantum quasi puncta notemus.

Primus igitur modus est, ὁ παρὰ τῶν ζώων ἐξαλλαγὴν· καθ' ὃν παρὰ τὴν διαφορὰν τῶν ζώων, οὐχ' αἱ αὐταὶ ἀπὸ τῶν αὐτῶν ὑπὶπτουσι φαντασίαι. Quod duplici modo colligitur, primo, ἐκ τῆς περὶ τὰς γενέσεις τῶν ζώων διαφορᾶς, secundo, ἐκ τῆς παρὰ τὰς συστάσεις τῶν σωμάτων παραλλαγῆς (1). Nam, si varias animalium generationes consideramus, probabile videtur, τὰς περὶ τὰς γενέσεις ἀνομοιότητας καὶ διαφορὰς μεγάλας ποιεῖν ἀντιπαθείας, τὸ ἀσύγκρατον καὶ ἀσυνάρμοστον καὶ μαχόμενον ἐκείθεν φερόμενας (2). Ad differentiam corporum quod attinet, id unicuique statim sub oculos cadat, necesse est, ex tam varie constitutis sensuum instrumentis varias oriri, et quam maxime differentes, imo pugnantes phantasias (3). E quibus probabiliter effici potest, cum tanta sit animalium varietas, nos neque affirmare posse, res tales esse, quales nobis videantur, neque nostras phantasias animalium phantasiis praeferre.

Sed, quo magis intelligatur, hominum phantasiam animalium phantasiae non esse praeferendam, accuratior utriusque comparatio instituenda est. E qua, si quidem Stoicos in ratione definienda sequamur, apparebit, canem v. c. non minus quam hominem, rationis, quin etiam, secundum Chrysippum, dialectices esse participem (4).

Secundus modus est, ὁ ἀπὸ τῆς διαφορᾶς τῶν ἀνθρώπων. Homines enim, tum quod ad corpus, tum quod ad animum adtinet, a se invicem differunt. Et corporum quidem diversitas oritur ex humorum varietate, quae varias apud varios phantasias excitat. Deinde, quod alii aliis rebus gaudet, id magno argumento esse debet, iisdem rebus alios aliter affici. Ex hac corporum varietate sponte sequitur animorum discrepantia, τύπος γὰρ τίς ἐστι ψυχῆς σῶμα. Neque amplius hac de re dubitabimus, si infinitam illam Dogmaticorum διαφορὰν respexerimus. Cujus διαφορᾶς animadversio magnam vim habet ad ἐποχὴν inducendam. Nam aut omnibus, aut nonnullis assentiri debemus. Prius vero fieri non potest: nam omnium hominum, quae sit sententia, scire non possumus; et, si omnibus assentimur, certe contraria statuemus propter eorum dissensionem. Ut nonnullis assentiamur, rursus fieri nequit propter eandem dissensionem; nam Platonicus Platoni, Epicureus Epicuro credendum esse dicet, et sic porro. Nullius igitur hominis phantasia alterius phantasiae est praeferenda (5).

Vi-

(1) *Sext. Empir.* l. l. 40.

(2) *Sext. Empir.* l. l. 41—43.

(3) *Sext. Empir.* l. l. 44—61.

(4) *Sext. Empir.* l. l. 62—78.

(5) *Sext. Empir.* l. l. 79—89. De hac quaestione, an bruta ratione sint praedita, cfr. quos laudat *Fabritius*, ad *Sext. Empir.* l. l. 63. not. G. Tractavit eam e recentioribus etiam *Wyttenbachius* v. *Cl. Institut. Metaphys.* pag. 246 sqq. Denique animadvertendum est, omnes omnino Scepticos quam maxime operam dedisse, ut hoc probarent, nominatim *Montaigne* et *Humius*. cfr. *Sisudhu* l. l. pag. 397. not. 327.



Videamus jam de tertio modo, qui est ἀπὸ τῆς διαφορᾶς τῶν αἰσθήσεων. Quae sensuum differentia qualis sit, uno exemplo declarasse sufficiat. Differunt autem ita, ut v. c. mel oculis quidem ingratum, linguae gratissimum accidat. Utri igitur fidem habere oportet? At, dicat aliquis, natura ἀνεμετρήσατο τὰς αἰσθήσεις πρὸς τὰ αἰσθητὰ, aequabiliter metita est sensus ad sensibilia (1). Sed, quae tandem ista natura? Nam de hac ipsa, utrum existat, nec ne, tanta est inter Dogmaticos διαφωνία (2), ut dijudicari nequeat. Ὁ γὰρ ἐπικρίνων αὐτὸ τοῦτο, εἰ ἐστὶ φύσις· εἰ μὲν ἰδιώτης εἴη, ἀπιστον ἔσται κατ' αὐτοῦ· φιλόσοφος δὲ ὢν, μέρος ἔσται τῆς διαφωνίας, καὶ κρινόμενος αὐτὸς, ἀλλ' οὐ κρίτης (3).

Sequitur quartus modus, ὁ παρὰ τὰς περιστάσεις. Περιστάσεις intelligimus ἡμῶν τὰς διαθέσεις, e quibus, quomodo dubitandi modus observari debeat, Sexti verbis declarabimus: Θεωρεῖσθαι δ' αὐτὸν (τὸν τρόπον) φαιμέν ἐν τῷ κατὰ φύσιν, ἢ παρὰ φύσιν, ἐν τῷ ἐγρηγορέναι, ἢ καθεύδειν, παρὰ τὰς ἡλικίας, παρὰ τὸ κινεῖσθαι καὶ ἡρεμεῖν, παρὰ τὸ μισεῖν, ἢ φιλεῖν, παρὰ τὸ ἐνδεεῖς εἶναι, ἢ κεκορεσμένους, παρὰ τὸ μεθύειν, ἢ νύφειν, παρὰ τὰς προδιαθέσεις, παρὰ τὸ θαρρῆναι, ἢ δειδῆναι, ἢ παρὰ τὸ λυπεῖσθαι, ἢ χαίρειν. Hasce conditiones magnam habere vim ad perceptiones nostras determinandas, et per se intelligitur, et e multis, a Sexto allatis, exemplis apparet. Neque dubium esse potest, quin homo semper in harum aliqua sit περιστάσεων. E quibus sponte ipsi oritur in percipiendo διαφωνία et cum se ipso et cum aliis. Quam cum dijudicare non possit, cavendum ipsi est, ne phantasiam phantasiae praeferat (4).

Quintus modus est ὁ παρὰ τὰς θέσεις, καὶ διαστήματα, καὶ τοὺς τόπους. Neque enim dubitari potest, quin secundum horum quodῶνος, ὡς τὰς θέσεις aliter appareant. Sic navis e longinquo visa, parva; prope visa, magna apparet: sic remus, in aqua demersus, inflexus; extra aquam, rectus esse videtur. Ex his duobus exemplis satis intelligitur, quorsum hucce modus spectet. Plura si quis desideret; Sextum adeat. Praeterea non opus est, ut moneamus, hocce modo rursus phantasiarum diversitatem effici eam, quae non sinat alteram alteri praeferre. — Itaque assensum cohibeamus (5).

Progrediamur ad sextum modum, qui est ὁ παρὰ τὰς ἐπιμιξίας· καθ' ὃν συνάγομεν, μηδὲν καθ' ὅπουτ' ἡμῖν αὐτὸ ὑποπίπτειν, ἀλλὰ σὺν τινι ὁποῖον μὲν ἐστὶ τὸ μίγμα, ἐκ τε τοῦ ἐκτὸς, καὶ τοῦ, ᾧ συνθεωρεῖται, τὰ χαλκὸν δυνάτον εἶπαίν· ὁποῖον δὲ ἔστιν, τὸ ἐκτὸς ὑποκειμένον εἰλικρινῶς, οὐκ ἂν ἐχοίμεν λέγειν. Apparet hujus modi ratio. Ostendendum est, res externas non per se, sed semper conjunctas cum aliis sub sensum cadere. E multis, quae Sextus affert, exemplis, unum hic repetendum videtur, ad rem illustrandam aptissimum. Etenim vox nullo modo, nisi conjuncta cum aëre, ad aures nostros accidere potest. Aër autem nunc

(1) *Sexti, Empir.* B. H. I, 90 — 98.

(3) Cf. *Fabricius*, ad §. 98, not. P.

(5) *Empir. Sexti* I. I. 118 — 123.

(2) Cf. *Arrianus, Diss. Epicteti*. I. 6.

(4) *Sexti, Empir.* I. I. §. 1. 100 — 117.

tenais, nunc crassior est. Quo fit, ut eadem vox cum tenui aëre alia appareat, alia cum crassiore. Quo sequitur, numquam nos, qualis vox per se sit, judicare posse. Haecce consideratio rursus celebrem illam *ἐποχὴν* nobis imponit (1).

De septimo jam modo agamus, qui est ὁ *παρὰ τὰς ποσότητας καὶ σκευασίας τῶν υποκειμένων*. *Σκευασίας* intelligimus unīverse *συνθέσει*. Hujus modi exemplum hoc est: ramenta cornu caprini, cum sine compositione conspiciuntur, alba esse videntur, composita in ipso cornu nigrum colorem habent. Idem multis in rebus observari potest. Οὕτως ὁ κατὰ τὰς ποσότητας καὶ σκευασίας λόγος ἀνυχνεῖ τὴν τῶν ἑκτὸς υποκειμένων ὑπαρξιν (2).

Octavus modus est ὁ ἀπὸ τοῦ πρὸς τι, καθ' ὃν συνάγεται ὅτι, ἐπεὶ πάντα ἐστὶ πρὸς τι, περὶ τοῦ τίνα ἐστὶν ἀπλῶς καὶ ὡς πρὸς τὴν φύσιν, ἐφέρομεν. Ihd autem ἐστὶ h. l. ut saepius, usurpatur pro φαίνεται. Relatio duplex est, ἀπαξ μὲν ὡς πρὸς τὸ κρῖνον, τὸ γὰρ ἐκτὸς υποκειμένου καὶ κρινόμενον πρὸς τὸ κρῖνον φαίνεται καθ' ἕτερον δὲ τρόπον πρὸς τὰ συνθεωρούμενα, ὡς τὸ δεξιὸν πρὸς τὸ ἀριστερόν. Sequitur, ut ostendatur, omnia esse relata. Hoc vero jam patet ex iis, quos recensuimus, modis, sed praeterea ita fere probari potest. Dogmatici res dividunt in relatas (τὰ πρὸς τι) et absolutas (τὰ κατὰ διαφοράν) (3). Hae igitur, si ab illis diversae sunt, et ipsae sunt relatae; nam omne quod diversum est, refertur ad id, a quo differt. Deinde secundum Dogmaticos, nominatim Peripateticos (4), eorum quae sunt, alia sunt ἀνωτάτω γένει, alia ἑσχατα εἶδη, alia γένει καὶ εἶδι: haec vero omnia referantur ad aliquid: igitur omnia, quae sunt, sunt relata. Porro Dogmatici res dividunt in πρόδηλα et ἄδηλα (5). Πρόδηλα autem sunt ea, quae res sub sensum κατεννεύουσιν significant; ἄδηλα, quae a rebus sub sensum cadentibus significantur. Cum autem id, quod significat, et id, quod significatur, referatur ad aliquid, sequitur, omnia esse in relatione. Tum, eorum quae sunt, alia sunt similia, alia dissimilia, alia aequalia, alia inaequalia: haecce autem sunt relata: ergo omnia sunt relata. Denique, qui negat, omnia esse in relatione, id ipse invitus confirmat. Nam ostendit illud ipsum, τὸ εἶναι πάντα πρὸς τι, relationem habere ad Scepticos; cum sit eorum peculiaris opinio, non omnibus hominibus communis (6). Sed haec haecenus (7). Hunc autem modum uberius tractavimus, quod reliqui continentur fere exemplis, e quibus unum attulisse sufficebat; hic argumentis, quae singula explicare operae pretium erat, quia omnia fere Scepticorum contra Dogmaticos argumenta ad hoc referri possunt, *omnia esse relata*, ut supra jam monuimus.

No-

(1) *Sext. Empir.* l. l. 124 — 128.(2) *Sext. Empir.* l. l. 129 — 134.(3) Cf. etiam *Sext. Empir. adv. Math.* VIII. 37.(4) *Fabricius* ad h. l. not. Q.(5) Cf. *Sext. Empir.* P. H. II. 97 sqq. — *adv. Math.* VII, 25. VIII, 141 sqq.(6) Cf. *Fabricius* ad h. l. not. T.(7) Cf. *Sext. Empir.* P. H. I, 135 — 140.

Nonus modus est ὁ κατὰ τὰς συνεχεῖς ἢ σπανίους συγκυρήσεις: Quod semper sensibus percipimus, huic assuevimus; quod raro, hoc percitimur. Ex quo sequitur, nos dicere quidem posse, quomodo res aut raro aut frequenter nobis accidant; quomodo per se sint, minime. Vacillet igitur nostrum de rebus iudicium, necesse est. Quare ἐπέχουμεν. Uno exemplo rem illustrabimus. Sol certe multo magis admiratione dignus est, et multo maiorem obstupesciendi vim habet, quam cometa. Et tamen homines cum solem quotidie videant, huic adspectui ita adsueverunt, ut nihil inde percipiant admirationis; cometa contra, quem raro videmus, non modo admiratione, sed etiam terrore nos afficit (1).

Decimus denique modus est, ὁ παρὰ τὰς ἀγωγὰς, καὶ τὰ ἔθνη, καὶ τοὺς νόμους, καὶ τὰς μυθικὰς πίστεις, καὶ τὰς δογματικὰς ὑπολήψεις. Primum videamus, quomodo haec singula definiantur: Ἀγωγή μὲν οὖν ἐστὶν αἵρεσις βίου ἢ τινος πράγματος περὶ ἓνα ἢ πολλοὺς γιγνομένην, οἷον περὶ Διογένην ἢ τοὺς Λάκωνας (2). Νόμος δὲ ἐστὶν ἐγγράφως συνθήκη παρὰ τοῖς πολιτευομένοις, ἣν ὁ παραβαίνων, κολάζεται. Ἔθος δὲ ἡ συνήθεια, (οὐ διαφέρει γὰρ) πολλῶν ἀνθρώπων κοινὴ πράγματός τινος παραδοχὴ, ἣν ὁ παραβάς, οὐ πάντως καλάζεται· οἷον νόμος ἐστὶ τὸ μὴ μοιχεύειν, ἔθος δὲ ἡμῖν τὸ μὴ δημοσίᾳ γυναικὶ μίγνυσθαι. Μυθικὴ δὲ πίστις ἐστὶ πραγμάτων ἀγενήτων τε καὶ πεπρασμένων παραδοχὴ· οἷα ἐστὶν ἄλλα τε καὶ τὰ περὶ τοῦ Κρόνου μυθεύμενα· ταῦτα γὰρ πολλοὺς (leg. τοὺς πολλοὺς) εἰς πίστιν ἄγει. Δογματικὴ δὲ ἐστὶν ὑπόληψις, παραδοχὴ πράγματος δι' ἀναλογισμοῦ ἢ τινος ἀποδείξεως κρατύνεσθαι δοκοῦσα· οἷον, ὅτι ἄτομά ἐστιν τῶν ὄντων στοιχεῖα. Haec omnia cum vel sibi opponimus, (ut ἔθος ἔθελ) vel aliis (ut ἔθος ἀγωγῇ), tantam reperimus discrepantiam, ut hic quoque modus nos prohibeat, quominus res tales esse statuamus, quales videantur. Itaque assensio retinenda est (3).

Haec cum ita ab antiquioribus Scepticis constituta essent (4), recentiores, nominatim Agrippa, his decem modis quinque addiderunt: πρῶτον, τὸν ἀπὸ τῆς διαφωνίας· δεύτερον δὲ εἰς ἀπειρον ἐκβάλλοντα· τρίτον, τὸν ἀπὸ τοῦ πρὸς τι· τέταρτον τὸν ὑποθετικὸν· πέμπτον τὸν διάλληλον (5). Miratur Stäudlinus, quid sit, cur ille modus, ὁ ἀπὸ τοῦ πρὸς τι, hic rursus inducatur, cum jam inter decem illos antiquiores locum habeat. Coniicit igitur, junioribus Scepticis hoc propositum fuisse, ut illam δεκάδα, quam maxime fieri posset, ad minorem numerum redigerent. Quam conjecturam inde probabilem reddi putat, quod Sextus (6), non dicit, juniores istos quinque novos modos induxisse, sed tantummodo παραδιδόασιν τρόπους τῆς ἐποχῆς πέντε τούδε (7). Quod profecto non dixisset vir celeberrimus, nisi alius Sexti locus ipsum fugisset, ubi diserte aliter pronuntiatur: τοιοῦτοι, inquit, μὲν καὶ

(1) *Sext. Empir.* P. H. I, 141 — 144.

(2) *Sext. Empir.* 145 — 163.

(3) *Sext. P. H.* I, 164.

(4) *Stäudlin* l. l. p. 410. not. 328.

(5) Cf. *Fabritius* ad h. l. not. G.

(6) *Diog. Laërt.* IX, 88.

(7) l. l.

καὶ οἱ παρὰ τοῖς νεωτέροις παραδιδόμενοι πέντε τρόποι· οὓς ἐκτίθενται οὐκ ἐκβάλλοντες τοὺς δέκα τρόπους, ἀλλ' ὑπὲρ τοῦ ποικιλώτερον καὶ διὰ τοῦτο (leg. τούτων cum Salmasio) σὺν ἐκείνοις ἐλέγχειν τὴν τῶν δογματικῶν προπέτειαν (1). Quocum consentit Diogenes Laërtius: οἱ δὲ περὶ Ἀγρίππαν τούτοις (decem illis modis) πέντε ἄλλους προσεισάγουσιν (2). Caeterum horum quinque modorum, quam multiplex fuerit usus in omni contra Dogmaticos pugna, pulchre ex Sexti Empirici operibus intelligi potest. Multos hanc in rem locos collegit Thorbecke V. Cl. (3). Nunc breviter singulos modos recenseamus. Et primus quidem δ' ἀπὸ διαφωνίας ἐστὶ, καθ' ἣν περὶ τοῦ προτεθέντος πράγματος ἀνεπίκριτον στάσιν παρὰ τε τῷ βίῳ καὶ παρὰ τοῖς φιλοσόφοις εὐρίσκομεν γεγεννημένην· δι' ἣν οὐ δυνάμενοι αἰρεῖσθαι τι ἢ ἀποδοκιμάζειν, καταλήγομεν εἰς ἐποχὴν. Huicce modo inprimis se opposuit Posidonius, ut est apud Diogenem Laërtium (4). Secundus modus δ' ἀπὸ τῆς εἰς ἄπειρον ἐκπτώσεως ἐστίν, ἐν ᾧ τὸ φερόμενον εἰς πίστιν τοῦ προτεθέντος πράγματος, πίστεως ἐτέρας χρῆζειν λέγομεν, ἡκείνο ἄλλης μέχρις ἀπειρου (5). De tertio, τῷ ἀπὸ τοῦ πρὸς τι, non est, cur supra dicta repetamus. Quartus modus δ' ἐξ ὑποθέσεως ἐστίν, ὅταν εἰς ἄπειρον ἐκβαλλόμενοι οἱ δογματικοί, ἀπὸ τίνος ἄρξωνται, ὃ οὐ κατασκευάζουσι· ἀλλ' ἀπλῶς καὶ ἀναποδείκτως κατὰ συγχώρησιν λαμβάνειν ἀξιοῦσιν (6). Denique δ' διάλληλος (hicce Diogeni dicitur δι' ἀλλήλων) τρόπος συνίσταται, ὅταν τὸ ὀφείλον τοῦ ζητουμένου πράγματος εἶναι βεβαιωτικόν, χρεῖαν ἔχῃ τῆς ἐκ τοῦ ζητουμένου πίστεως· ἐνθα μὴδέτερον δυνάμενοι λαβεῖν πρὸς κατασκευὴν θατέρου, περὶ ἀμφοτέρων ἐπέχομεν (7). Apparet juniores Scepticos hisce modis inducendis Scepticen mirum quantum perfecisse. Nam decem illi modi pertinent tantummodo ad res sensibiles, et cogitationes ab illis excitatas: quinque isui ad dialecticam rationem sunt comparati et omni omnino humanae cognitioni interitum minantur (8). Igitur nulla est quaestio, quin ad hosce modos referri possit; quod multis deinceps argumentis ostendere conatur Sextus (9), quae hic explicare et longum est, nec ad nostrum institutum necessarium.

Adduntur apud Sextum duo modi, quorum auctor ignoratur. Sunt autem hujusmodi: I°. *Res esse incomprehensibiles ex se ipsae.* II°. *Res esse incomprehensibiles ex aliis.* Utrumque breviter ostenditur (10).

Haec de Pyrrhoniis dicta sufficiant. Nam post Sextum unus memoratur *Saturninus*, cujus nomen tantum ad nostram pervenit aetatem (11).

C A.

(1) *Sext. Empir.* l. l. 177.

(2) l. l.

(3) *Comm. laud.* p. 38 et 39.(4) Cf. vir Cl. *J. Bake*, de *Posidonio* p. 37, 34.(5) *Sext. Empir.* l. l. 166.(6) l. l. 168. cf. *Fabricius*, not. 1 et 2.(7) *Sext. Empir.* l. l. 169. cf. *Stephanus*, ann. 52.(8) *Staudlin*, l. l. pag. 410. not. 329.

(9) §. 169—177.

(10) *Sext. Empir.* P. H. I, 178—179.(11) *Diog. Laert.* IX, 116.

## CAPUT TERTIUM.

## DE ACADEMICIS.

Platonis schola multas subiit vicissitudines, fuitque horum philosophorum magna inconstantia. Alii tres tantum Academias statuunt, alii quinque (1); quam quaestionem nunc non attingimus; hoc tantum moneamus, hoc loco disputationem nobis esse, de nova, quae dicitur, vel secunda Academia, quae originem duxit ab Arcesila. Hic enim plenum perfectumque Scepticismum in Academiam inexit. Cujus rei semina in ipsius sectae conditoris, Platonis, doctrina jam adfuerunt. Igitur per se patet, interfuisse aliquid inter recentioris Academiae et Pyrrhonorum rationem. De quo jam antiquitus magna fuit quaestio (2), a multis etiam recentioribus agitata (3), quam nostra demum aetate diremisce censendus est Cl. Torbacke (4). Statim igitur ad Arcesilae de veri iudicio sententiam accedamus.

*Arcesilas Pitanaeus* (5), varia usus est disciplina, unde et ipse varius existit. Numenius: Arcesilas, inquit, ὑπὸ μὲν Κράντορος πιθανουργικὸς ὑπὸ Διοδώρου δὲ σοφιστής, ὑπὸ δὲ Πύρρωνος ἐγένετο παντοδαπὸς, καὶ ἴτης, καὶ οὐδέν. ταῖς αὖν Διοδώρου διαλεκτικῷ ἔντος λεπτολογίαις τοὺς λογισμοὺς τοὺς Πύρρωνος καὶ τὸ οὐκ εἶναι οὐτις ἀποσιππάζας, διεκρίσθησε λόγου δεινότητι τῇ Πλάτωνα Φληναφόντινα κατεστρωμμένον (6). Cavendum certe est, ne quid nimis tribuamus Numenio, homini dogmatico, insano Scepticismi odio abrepto: sed tamen negari nequit, multum in hisce verbis inesse veritatis. Ad hanc institutionis varietatem, cum accederet magna eloquentia, quae facile cuicumque quidquam persuade-

ret

(1) Cf. Euseb. P. E. XIV, 726, D. seq. Sext. Empir. P. H. I. 220. Diog. Laërt. Proem. 14, 19. IV. Cic. de Orat. III. 18. Acad. Quaest. I, 4, 12, 13. de Fin. V. 3. August. contra Acad. III, 17, 18. Fabricius ad Sext. Empir. l. l. not. N. Meiners, Gesch. der Weltweisheit, p. 142. Krugius, l. l. p. 225. not. C.

(2) Aenesidemus apud Photium, cod. 212, p. 544, 545. Aul. Gell. N. A. XI, c. 5. Sext. Empir. P. H. I, 33.

(3) Ex his nominasse sufficiat Huetium, Traité de la folie, de l'esprit humain, liv. I. ch. 14. p. 136—148. Bayleum, Dict. Art. Pyrrhon. not. A. Meinersium, Gesch. der Weltweisheit. p. 148.

(4) Comm. laud. imprimis, p. 77—91.

(5) Cf. Bayle, Dict. art. Arcesilas, not. A.

(6) Apud Euseb. P. E. XIV, 729 C. D. 730 A. De variis autem Arcesilae praeceptoribus cf. idem Numenius ibid. p. 731 A. Diog. Laërt. IV, 28, 29, 33. Cic. Acad. I. 10. de fin. V. 31. de Orat. III. 18. August. contra Acad. III. c. 17. p. 453 D.

ret (1), apparet, parvo opus fuisse momento, quod animum ad Scepticismum primum penitus deprimeret. Hocce momentum Zenonis dedit philosophia, qui mirum quantum a genuina Platonis doctrina deflexerat. Etenim sensibus fidem veritatemque tribuit (2), et veri iudicium in καταληπτικῇ φαντασίᾳ posuit. Hanc doctrinam postea explicabimus: illud hoc loco animadvertendum est, eam sibi oppugnandam sumsisse Arcesilam, ut Platonis vindicaret auctoritatem (3). Quod ut faceret, ἐποχὴν induxit, suamque ipse sententiam celavit (4).

Alii tamen aliter statuunt. In his Diocles Cnidius, qui, ut refert Numenius, dixit, Arcesilam assensum retinuisse metu Theodorum et Bionis Sophistae (5). Hanc Dioclis rationem jam ipse improbavit Numenius, et ita refutavit Bayleus, ut nihil nobis dicendum relinqueret (6). Alia autem quaestio haec est: utrum Arcesilas ex animi sententia veri notam sustulerit, an vero unice ad Stoicos refutandos. Cicero igitur apud Augustinum Academicorum ἐποχὴν ita explicat, ut iis esotericam quamdam et exotericam sententiam tribuat. In hac, assensus retentione sese tegebat Arcesilas; secundum illam, familiaribus, quos longa consuetudine cognitos habebat, Platonis decreta tradere consueverat (7). Quocum egregie convenire videtur id, quod est apud Sextum Empiricum: αἱ δὲ δεῖ καὶ τοῖς περὶ αὐτοῦ λεγομένοις πιστεύειν, φασὶν ὅτι κατὰ μὲν τὸ πρόχειρον, Πυρρώνειος ἐφαίνετο εἶναι, κατὰ δὲ τὴν ἀλήθειαν, δογματικὸς ἦν· καὶ ἐπεὶ τῶν ἑταίρων ἀπόπειραν ἐλάβανε διὰ τῆς ἀπορηματικῆς, εἰ ἀφυσὶς ἔχουσι πρὸς τὴν ἀνάληψιν τῶν Πλατωνικῶν δογμάτων, δεῖ αὐτὸν ἀπορητικὸν εἶναι· τοῖς μὲντοι γε εὐφύσει τῶν ἑταίρων τὰ Πλάτωνος παρεγχεῖν (8). Hisce igitur Ciceronis et Sexti locis sibi invicem comparatis, nonnulli adducti sunt in eam opinionem, ut statuerent, Arcesilam scepticam ἐποχὴν modo simulasse ad Zenonem refutandum; revera autem quidvis aliud studuisse, quam ut veri criterium tolleretur (9). Bayleus hanc quaestionem non facile dirimi posse existimavit (10). Nobis unice probatur ratio Cl. Torbeckii mediam quamdam viam ingressi, et ita statuentis: isti narrationi, de Arcesilae esoterica doctrina, sanequam aliquid inesse veritatis, sed tamen inde non effici, Arcesilam non ex animi sententia criterium veri sustulisse (11).

Quid-

(1) Numen. apud Euseb. P. E. XIV, p. 730 D. 731 D. 733 C.

(2) Pseudo-Plut. de placitis Philosoph. IV, 8, p. 287. 21, p. 294, seq. Cic. Acad. Quaest. I, 12. II, 10.

(3) Numen. apud Euseb. P. E. XIV, p. 733 B. Cic. Acad. Quaest. II, 14. August. contra Acad. II, 5, p. 526, D.

(4) August. contra Acad. III, 17, 443 D.

(5) Apud Euseb. P. E. XIV, 731 B. C.

(6) Dict. art. Arcesilas. not. E.

(7) August. contra Acad. III, 20, p. 455 D.

(8) Sext. Empir. P. H. I. 234.

(9) Cf. Staudlin, l. l. p. 312, 313.

(10) Dict. art. Arcesilas not. E.

(11) Comm. laud. p. 59. Nonnihil tamen debuit Krugio. l. l. p. 237, not. d.

Quidquid hujus rei sit, id saltem constat, et ex aliis etiam veterum locis apparet (1), Arcesilam, cum Zenone disputantem, veri notam rejecisse. Igitur hic eodem illi modo ac Pyrrhoniis occurrebat: secundum hanc rationem nullam esse posse virtutem, nullam in vita actionem. Hanc reprehensionem ita eluebat Arcesilas, ut τὸ εὐλογον ἢ πιθανόν, *probabile*, adscisceret, idque sibi agendi regulam esse diceret: ἀλλ' ἐπεὶ μετὰ τοῦτο ἔδει καὶ περὶ τῆς τοῦ βίου διεξαγωγῆς ζητεῖν, ἥτις οὐ χωρὶς κριτηρίου πέφυκεν ἀποδιδόναι, ἀφ' οὗ καὶ ἡ εὐδαιμονία, ταῦτ' ἐστὶ τὸ τοῦ βίου τέλος, ἡρτημένην ἔχει τὴν πίστιν, φήσιν ὁ Ἀρκесίλαος, ἐπεὶ ὁ περὶ πάντων ἐπέχων κανονιεῖ τὰς ἀρέσεις καὶ φουλάς καὶ κοινῶς τὰς πράξεις τῷ εὐλόγῳ (2). Hoc igitur primum est vestigium alicujus doctrinae vel *systematis probabilitatis practicae*, quod deinde a Carneade aliisque ad perfectionem est adductum.

Sequitur jam, ut ipsius disputandi et argumentandi rationem breviter delineamus. Arcesilas formam disserendi revocavit Socraticam, i. e. suam ipse sententiam celabat, aliorum sententiam eliciebat et refutabat (3). Zenoni, quocum ipsi res erat, non obtrectavit, sed magnum prodidit veri studium (4). Ut Pyrrhonii, sic etiam Arcesilas ad antiquos illos, Anaxagoram, Empedoclem, alios, provocare solebat, ut ex laudatis Ciceronis locis apparet. Disertus quoque hanc in rem est locus Plutarchi adversus Colotem (5). Illud majoris est momenti, quod habet Diogenes Laërtius Arcesilam accepticum illum dubitandi modum, τὸν ἀπὸ τῆς διαφορίας, in Academiam intulisse: οὗτός ἐστιν ὁ τῆς μέσης Ἀκαδημίας κατάρξας πρῶτος, ἐπισχὼν τὰς ἀποφάσεις διὰ τὰς ἐναντιότητάς τῶν λόγων (6). Caeterum ipsa argumenta, quibus Arcesilas Zenonis καταληπτικὴν φαντασίαν tollebat, non supersunt. Retulit tamen Sextus ejusmodi ipsius disputationem, e qua intelligi potest, quamnam viam ingressus sit. Hanc non alienum videtur breviter hic referre. Zeno igitur criterium faciebat τὴν καταληπτικὴν φαντασίαν i. e. τὴν ἀλήθειαν, καὶ οἷα οὐκ ἂν γένοιτο ψευδής. Huic phantasiae si assentimur, habemus κατάληψιν, *comprehensionem*, quae medium quemdam locum tenet inter ἐπιστήμην, *scientiam*, et δόξαν, *opinionem*. Illa tantummodo in perfectum illum Stoicum sapientem cadere potest, hujus stultus est particeps. Utraque ortum habet ex κατάληψι, quae et sapientis et stulti est (7). His ita sese opposuit Arcesilas, ut diceret: nullam ejusmodi κατάληψιν, scientiae et opinioni interjacentem,

ex-

(1) Sext. Empir. adv. Math. VII, 150, seqq. Plut. adv. Colot. XXIV, p. 253. Cic. Acad. Quaest. I, 12, II, 20, 24, 33, 34. caet. August. contra Acad. III, c. 17. p. 454 c.

(2) Sext. Empir. adv. Math. VII, 158. cf. Idem, P. H. I, 231. Cic. Acad. Quaest. II, 33, 34, aliisque.

(3) Cf. Cic. de Fin. II, 1. de Orat. III, 18. Acad. I, 12.

(4) Cic. Acad. Quaest. I, 12. II, 6. cf. tamen Numenius apud Euseb. P. E. 14. p. 729 C. et Bayleus, Dict. art. Arcesilas not. E.

(5) Cap. 26, p. 256, seqq.

(6) Diog. Laërt. IV, 28.

(7) Sext. Empir. adv. Math. VII, 151, 152. Cic. Acad. I, 12.

exstare. Nam cadit illa κατάληψις aut in sapientem, aut in stultum; si in sapientem, erit scientia, si in stultum, erit opinio, ut comprehensionis nil nisi nomen relinquatur (1). Praeterea si comprehensio talis est, qualem eam Stoici definiunt, nempe συγκατάθεσις τῆς καταληπτικῆς φαντασίας, haud magis exstare poterit. Primum, quia numquam phantasiis, semper rationibus et pronuntiatis (ἀξιώμασι) assentimur. Deinde, quia nulla exstat καταληπτικὴ φαντασία i. e. ejusmodi, quae falsa esse non potest. Porro, si nulla est καταληπτικὴ φαντασία, omnia erunt incomprehensibilia (2). Quod si ita est, cadat quoque necesse est illud Stoicorum paradoxon: *sapientem assentiri quidem, numquam autem opinari*. Nam si omnia sunt incomprehensibilia et sapiens alicui rei assentitur, necesse est, ut assentiatur ei, quod comprehendere nequit. Ejus autem, quod incomprehensibile est, assensio, est opinio. Quare secundum Stoicorum placita sapiens aliquando etiam opinabitur (3). Dicendum potius, sapientem oportere omnes retinere assensus, ut opinionem vitare possit. Nam revera nihil minus, quam opinio, sapientem decet (4).

De *Lacyde*, Arcesilae successore, nihil fere nobis innotuit, quam ridicula illa narratio, quam Numenius (5) et Diogenes (6) servarunt. *Evandri*, *Teleclis*, et *Hegesini* nomina eadem oblivione premuntur (7). Quam ob rem statim progrediamur ad *Carneadem*.

Hic, ab Hegesino (8) Academiae mysteriis initiatus, mira floruit eloquentiae laude, quam ipsi negare, ne inimici quidem potuerunt (9). Testis sit celebris illa, quam Romae habuit, ἐπιδειξις de justitia, cujus fragmenta quaedam nobis servavit antiquitas (10). Ex his illius sceptica philosophandi ratio quam maxime apparet. Praeterea, magistro Diogene Stoico, ita ad dialectices intelligentiam profecit, ut hac in re ne ipsis quidem Stoicis cederet (11). Quo facto majori cum fructu eos oppugnavit. Praecipue etiam Chrysippi libris operam dedit (12). Nam ut Arcesilae cum Zenone, sic Carneadi cum Chrysippo fuit contentio. Hinc ille saepe in ore habebat illud: εἰ μὴ γὰρ ἦν Χρύσιππος, οὐκ ἂν ἦν ἐγώ (13).

Ad nostram quaestionem quod attinet, primum quidem in universum statuit, ὅτι  
cū-

(1) *Sext. Empir.* l. I. 153.

(2) *Sext. Empir.* l. I. 154, 155.

(3) Idem ibid. 156, 157. *Cic. Acad. Quaest.* II, 18, 33, 35.

(4) *Sext. Empir.* ibid. *Cic.* ibid. c. 21, 25.

(5) Apud *Euseb.* P. E. XIV, p. 734, 735.

(6) *Diog. Laërt.* IV, 59.

(7) *Cic. Acad.* II, 6. *Diog. Laërt.* IV, 60.

(8) *Cic.* l. I.

(9) *Numen.* apud *Euseb.* P. E. XIV, 737 E. 738 D. cf. *Cic. de Orat.* II, 38.

(10) *Plut.* in vita *Catonis maj.* c. XXII, p. 349. cf. *Bayle, Dict. art. Carneade* not. G. H. Alias Carneadis dissertationunculas servavit *Cic. Nat. Deor.* III, 12. 17. *de Fato*, c. 14. *de Divin.* II, 3.

(11) *Euseb.* P. E. XIV, p. 737. A. *Cic. Acad. Quaest.* II, 30.

(12) *Diog. Laërt.* IV, 62.

(13) *Diog. Laërt.* l. I.



οὐδὲν ἐστὶν ἀπλῶς ἀληθείας κριτήριον, οὐ λόγος, οὐκ αἰσθήσεις, οὐ φαντασία, οὐκ ἄλλο τι τῶν ὄντων (1). Rogatus autem et ipse de criterio ad vitam instituendam, refugit ad τὸ πιθανόν, ab Arcesila jam excogitatum, sed quod ita amplificavit; ut haud exiguam inventionis laudem sibi vindicaret. En summam viri sententiam: vivendi criterium est ἡ πιθανὴ φαντασία καὶ ἡ πιθανὴ ἄμα καὶ ἀπερίσπαστος καὶ διεξωδευμένη (2). Quam ita fere explicavit. Primum phantasiam duplicem distinxit: Cicero, *duo*, inquit, *placet esse Carneadi genera visorum: in una hanc divisionem, alia visa esse, quae percipi possint: alia quae non possint: in altero autem, alia esse visa probabilia, alia non probabilia* (3). Ad priorem divisionem pertinent omnia, quae contra sensus perspicuitatemque dicuntur, i. e. omnis quaestio de veri falsique nota, quam, ut vidimus, nullam certam esse judicabat: contra posteriorem nihil dicendum est, nam ea continetur probabilitas, i. e. ἡ φαινομένη ἀληθὴς φαντασία, quam variis nominibus appellare consueverant Academici, sive ἐμφασιν, sive πιθανότητα, sive πιθανὴν φαντασίαν: huic opponitur ἡ οὐ φαινόμενη ἀληθὴς φαντασία, quam et ἀπέμφασιν, et ἀπείθην, et ἀπίθανον φαντασίαν appellare licet, quaeque rejicienda est (4).

Sed πιθανῆς φαντασίας rursus duplicem fecit divisionem:

Prior est triplex: nam probabile, aut verum est et simul verum videtur: aut falsum est et nihilominus verum videtur: aut verum utriusque commune, quod tum fit, cum duo enunciationes ita sibi ex parte contrariae sunt, ut se invicem plane non tollant (5). In hac igitur divisione, probabilis phantasia cum vera comparatur: quae autem vera videtur phantasia, ea est quodammodo veri criterium. Sed etiam casus incidere possunt, ut communi phantasia uti debeamus, i. e. ejusmodi, quae et vera est, et falsa. Tum sequi oportet eam, quae plurimum vera est, τὴν ὡς τὸ πολὺ ἀληθεύουσαν.

Altera probabilis phantasiae divisio inducitur a Carneade secundum majorem vel minorem perspicuitatem (6). Tres autem sunt probabilitatis gradus, tamquam catena sibi invicem conjuncti, qui totidem criteria efficiunt. Primum igitur criterium est simplex illa πιθανὴ φαντασία. Hac utebatur Carneades, vel in rebus minoris momenti, vel cum, temporum angustiis, accuratior excluderetur consideratio. Deinde, si phantasia est πιθανὴ ἄμα καὶ ἀπερίσπαστος, i. e. ejusmodi, ut cum ea aliae simul phantasiae conjunctae occurrant, neque repugnent: quo fit ut illa φαντασία καὶ αὐτὴ πλάτος ἔχῃ videatur, διὰ τὸ ἄλλην ἑλλῆς μᾶλλον ἀπερίσπαστον εὕρισκεσθαι: tum major ori-

tur

(1) *Sext. Empir. adv. Math.* VII, 159.

(2) *Sext. Empir. adv. Math.* VII, 166. P. H. I, 227.

(3) *Cic. Acad. Quaest.* II, 31. *Sext.* I. I. 167, 168.

(4) *Cic.* I. I. *Sext. Empir.* I. I. 169, 170.

(5) *Sext. Empir.* I. I. 174. c. 7 *adv. Math.* II, 63.

(6) *Sext. Empir.* I. I. 171, 172, 173.

tur probabilitatis firmitas. Atque hoc alterum Carneadis est criterium, quo in maioris momenti rebus utebatur, si quidem tempora sinerent. Ultimus denique probabilitatis gradus, in quo maxima est verisimilitudo, existit, cum φαντασία est πιθανή ἅμα καὶ ἀπερίσπαστος καὶ διεξωδευμένη sive περιωδευμένη. Quae tunc oritur, cum singulae illae probabiles phantasiae, quarum concursu ἀπερίσπαστος efficitur phantasia, accurate examinatae, nihil verisimilitudinis amittant. Hocce autem criterio utebatur tum, cum per otium sibi bene beateque vivendi normam constitueret (1). Haecce probabilitatis genera attigit etiam Cicero, eorumque nomina ita Latine transtulit, ut primum diceret *primo quasi ad aspectu probabile* vel *probabilem visionem*: alterum *probabile et quod non impediatur*: tertium *ex circumspectione quadam et accurata consideratione probabile* (2).

Carneades igitur omnem veritatis per criterium cognitionem, quatenus eam Stoici ponebant, sustulit. Minime tamen is erat, qui ipsam veritatem tolleret, imo vero probabili suo ita assensus est, ut ei aliquanto minus quam alii ipsi vero tribueret (3). Secundum hanc rationem intelligendus esse videtur Eusebius: (Καρνεάδης), inquit, λόγων μὲν οὖν ἀγωγῇ ἐχρήσατο, ἥ καὶ δ' Ἀρεσίππος· καὶ γὰρ αὐτὸς ἐπετήδευε τὴν εἰς ἐκότερα ἐπιχείρησιν, καὶ πάντα ἀνεσκεύαζε τὰ ὑπὸ τῶν ἄλλων λεγόμενα· μόνῃ δ' ἐν τῷ περὶ τῆς ἐποχῆς λόγῳ πρὸς αὐτὸν διέστη, φάς ἀδύνατον εἶναι ἄνθρωπον ὄντα περὶ ἀπάντων ἐπέχειν, διαφορὰν δὲ εἶναι ἀδήλου καὶ ἀκατάληπτου, καὶ πάντα μὲν εἶναι ἀκατάληπτα, οὐ πάντα δὲ ἀδήλα (4). Fuerunt tamen alii, qui statuerent, Carneadem suo πιθανῷ non ita vehementer assensum fuisse. Hanc dissensionem magna diligentia et magno acumine tractavit Cl. Thorbecke (5). Quare nos hoc loco breviores esse volumus.

— Duobus modis aliquid sequi possumus: vel ita ut simpliciter nos moveri dicamus, vel ita ut magna cum animi propensione ducamur, et quasi trahamur. Sextus Empiricus: τὸ πειθεσθαι λέγεται διαφόρως· τὸ τὴν μὴ ἀντιτείνειν, ἀλλ' ἀπλῶς ἔπεισθαι, ἄνευ σφοδρᾶς προσκλίσεως καὶ προσπαθείας· ἅπαξ δὲ τὸ μετὰ αἰρέσεως καὶ οἰονεὶ συμπαθείας κατὰ τὸ σφοδρὰ βούλεισθαι· σὺνκατείδεσθαι τινι (6). Igitur secundum Clitomachum apud Ciceronem Carneades prima illa ratione usus est, et probabilia sua leniter et sine vehementi assensione secutus est (7). In hanc sententiam convenerunt etiam alii veterum, inter quos Plutarchus (8) et Numenius (9), qui quamvis universe de Academicis loquantur, tamen

du-

(1) Cf. *Sext. Empir. P. H. II*, 127, seqq. ibique *Fabricius*. not. *P. adv. Math. VII*, 176 — 191. 436 — 438.

(2) Cf. *Acad. Quaest. II*, 11. ibiq. *Faber*, annot. p. 365. et *Davistus*. Deinde videantur cap. 18, 31, 32, 33. Caeterum hancce Carneadeam probabilitatis theoriam explicavit *Stäudlinus*, l. I. p. 318 — 324.

(3) Cf. *Numenius* apud *Euseb. P. E. XIV*, 738 A. *Bayleus*, *Dict. art. Carneade* not. B. *Stäudlin*, l. I. p. 326. *Wyttenb. Praecept. Logic. III*, 2, 8.

(4) *P. E. XIV*, p. 736, D.

(5) *Comm. laud.* p. 68, seqq.

(6) *Sext. Empir. P. H. I*, 230.

(7) *Acad. Quaest. II*, 32.

(8) *De Stoicorum repugn.* cap. XLVII, p. 106. *adv. Colot.* cap. XXVII, p. 257, seqq.

(9) *Numenius* apud *Stobaeum*, *Eclog. I*, 52. n°. 21. p. 132, 834. edit. Heeren, cui loco ultimus, quem citavimus, Plutarchi est adhibendus.

dubium non est, quin nobilissimi Academici sententiam describant. Contra horum auctoritatem adducitur Sextus: ἐπειδὴ οἱ μὲν περὶ Carneάδην καὶ Κλειτόμαχον, μετὰ πολλῆς σφοδρᾶς πείθεσθαι τε καὶ πιθανοῦ εἶναι τι φασι· ἡμεῖς δὲ κατὰ τὸ ἀπλῶς εἶπεν ἄνθρωπος προσπαθείας· καὶ κατὰ τοῦτο ἂν αὐτῶν διαφέροιμεν (1). Et vero hanc Sexti rationem vero proximam esse, dubitari non sinit ipsa Carneadei plagiti indoles. Cur enim tantam operam dedisset, ut varios probabilitatis gradus distingueret, si huic probabilitati non nisi leviter assentiri vellet? Itaque maneamus in ea sententia, quam supra proposuimus, Carneadem ita secutum esse τὸ πιθανόν, ut in eo etiam aliquam veri falsique regulam poneret (2).

Hinc autem factum est, ut Carneades in inconstantiae venisset suspicionem. Nam nonnulli illam probabilitatis laudationem ita accipiebant, ac si opinionem quoque admississet. Opinari autem intelligimus falso et incognita assentiri (3). Sed recte Cicero alio in loco: licebat, inquit, nihil percipere et tamen opinari, quod a Carneade dicitur probatum. Equidem Clitomacho plus quam Philoni aut Metrodoro credens, hoc magis ab eo disputatum quam probatum putat (4).

Carneadis auditor fuit Clitomachus Carthaginiensis, de quo ita Diogenes Laërtius: ἀνὴρ ἐν ταῖς πρώταις αἰρέσεσι διτρίψας, ἐν τε τῇ Ἀκαδημαϊκῇ, καὶ Περικρατιτικῇ, καὶ Στωϊκῇ (5): quod ita accipiendum esse videtur, Clitomachum omnium horum doctrinam cognitamque habuisse, non eum unicuique harum sectarum deinceps nomen dedisse. Certe Cicero affirmat, eum a Carneadis doctrina non recessisse (6). Sextus quoque saepius utrumque coniunxit.

Clitomachum secuti sunt Charmadas (7), Metrodorus Scepsius (8), Melanathius Rhodius (9), Aeschines Neapolitanus (10), Metrodorus Stratoniceus (11). Horum omnium paullo obscuriora sunt nomina; unus Charmadas, a quibusdam cum Philone Larissaeo, auctor quartae Academiae fuisse dicitur (12). De hoc Philone jam uberius videamus.

Et vero dignissimus fuit, qui Clitomacho succederet. Quoad enim visum, patro-

ci-

(1) Sext. Empir. P. H. I, 230. cf. ejusdem libri §. 228. adv. Math. VII, 188.

(2) Locis supra laudatis addatur Cic. Acad. Quaest. I, 10. II, 31, 32.

(3) Cf. Cic. Acad. Quaest. II, 19, 21, 35, 48.

(4) Acad. Quaest. II, 24.

(5) Diog. Laërt. IV, 67.

(6) Acad. Quaest. II, 31.

(7) Sext. Empir. P. H. I, 220; ibique Fabricius, not. O. adv. Math. II, 20; ibique Fabricius, not. O. Cic. de Orat. I, 11, 18, 20. II, 8. Orat. c. 16. Acad. Quaest. II, 16. Tuscul. I, 24; ibique Davisius.

(8) Cicero de Orat. I, 11. II, 38. Tuscul. I, c. 1.

(9) Cic. Acad. Quaest. I, 6.

(10) Cic. de Orat. I, 11.

(11) Cic. de Orat. I, 11. III, 20. Acad. Quaest. II, 6.

(12) Euseb. P. E. XIV, 726 D. Sext. Empir. P. H. I, 220.

*cinium Academiae non defuit* (1). A superiorum Academicorum ratione magis deflexit: Numenius, 'Ο δὲ Φίλων, inquit, ἄρα οὗτος, ἄρτι μὲν ἐκδεξάμενος τὴν διατριβὴν, ὑπὸ ἁρμονίης ἐξεπέπληκτο, καὶ χάριν ἀποδιδούς ἐθεράπευε, καὶ τὰ δεδωγμένα τῷ Κλειτομάχῳ ἤνεξε; καὶ τοῖς Στωϊκοῖς ἐκορύσσετο νόστοι χαλκῷ. ὥς δὲ προϊόντος μὲν τοῦ χρόνου, ἐξιτήλου δὲ ὑπὸ συνήθειας οὐσίας αὐτῶν τῆς ἐποχῆς, οὐδὲν μὲν κατὰ τὰ αὐτὰ ἐαυτῷ ἐνύει, ἢ δὲ τῶν παθημάτων αὐτὸν ἀνέστρεφεν ἐναργεία τε καὶ ὁμολογία. Πολλὴν δὲ τ' ἔχων ἤδη τὴν διαίτησιν ὑπερεβύμει, οὐ οἷός ἐστι, τῶν ἐλεγχόντων τυχεῖν, ἵνα μὴ εἴδῃ μετὰ νῦντα βελῶν αὐτὸς ἐκὼν φεύγειν (2). Agnovimus Dogmaticorum contra Ephecticos acerbiter: id tamen ex hoc loco luce clarius apparet, Philonem paulatim τὴν ἐποχὴν deseruisse, et ad Dogmatismum inclinasse: Sufficiat Luculli apud Ciceronem, et Sexti Empirici hanc in rem testimonia adscripsisse. Lucullus: *Philo autem, dum nova quaedam commovet, quod ea sustinere vis poterat, quae contra Academicorum pertinaciam dicebantur, et aperte mentitur, et, ut vocat Antiochus, in id ipsum se induit, quod timebat. Cum enim ita negaret quidquam esse, quod comprehendere posset, si illud esset, sicut Zeno definiret, — iudicium tollit incogniti et cogniti: ex quo efficitur nihil posse comprehendere: ita imprudens eo, quo minime vult, revolvitur* (3). Sextus Empiricus: οἱ δὲ περὶ Φίλωνος φασίν, ὅσον μὲν ἐκ τῷ Στωϊκῷ κριτηρίῳ, τότ' ἐστὶ τῇ καταληπτικῇ φαντασίᾳ, ἀκατάληπτα εἶναι τὰ πράγματα. ὅσον δὲ ἐκ τῇ φύσει τῶν πραγμάτων αὐτῶν, κατελέγηται (4). Ex hisce locis simul discimus, quid de incomprehensibilitate statuerit Philo. Nimirum res per se comprehendere posse dabat, a nobis comprehendere negabat; vehementiori igitur assensu probabilia secutus est (5).

Hactenus de Academicis. Nam qui post Philonem fuit Antiochus penitus ad Dogmatismum se contulit, et, ut Sexti verbis utar, τὴν Στωικὴν μετήγαγεν εἰς τὴν Ἀκαδημαίαν (6).

## CAPUT QUARTUM.

## DE SCEPTICISMO INTER ROMANOS.

Romani philosophiam, ut omne literarum studium, Graecis acceptam referunt. Academicorum autem Scepticismus inter eos haud paucos amicos habuisse videtur. Etenim illo ipso

(1) Cic. Acad. Quaest. II, 6. de Orat. III, 18. August. contra Acad. III, 18. §. 454 D.

(2) Appd. Empiricorum, P. H. XLV, p. 739 B, C.

(3) Acad. Quaest. II, 6.

(4) Sext. Empir. P. H. I, 235.

(5) Cf. Staudlin, l. l. p. 341, 342. Thorbecke, comment. laud. 94, sq.

(6) Sext. Empir. P. H. I, 235.

ipso tempore, quo tres illi legati, Diogenes Stoicus, Critolaus Peripateticus, et Carneades Academicus philosophiam Italiae importaverunt, Carneades maxime hominum studia in se convertit (1). Sed unus instar omnium est Cicero, qui caeteris de patria meritis hunc veluti cumulum adjecit, ut philosophiam latine loqui doceret (2). Quae tamen opera ab aequalibus non recte aestimata fuisse videtur (3). Cicero igitur Clitomachum audiuit et Philonem, cui se totum tradidit (4) et cujus rationem, id est modestum Scepticismum probavit. Id clarissime patet ex Lucullo, in quo, quae ex sua ipse persona dissevit, suam ipsius sententiam continent. Plutarchus: ὁν (Antiochum) πᾶσιν σπουδῇ ποιησάμενος φίλον ὁ Λαϊκούλλος, καὶ συμβιωτὴν, ἀντέταττε τοῖς Φίλωνος ἀκροαταῖς, ὧν καὶ Κικέρων ἦν. Καὶ σύγγραμμά γε πᾶγκαλον ἐποίησεν εἰς τὴν αἵρεσιν, ἐν ᾧ τὸν ὑπὲρ καταλήψεως λόγον Λουκούλλῳ περιτεθείη, αὐτῷ δὲ τὸν ἐναντικὸν (5). Non igitur audiendi sunt isti, qui contendunt Ciceronem, utpote Academicum, nulla de re statuuisse, de omnibus dubitasse (6). In his Augustinus, qui ita de Cicerone locutus est: *quis ignorat, eum affirmasse vehementer, nihil ab homine percipi posse, nihilque remanere sapienti, nisi diligentissimam inquisitionem veritatis* (7).

Sequitur Favorinus Gallus, qui Trajani et Hadriani temporibus Romae vixit (8). Amicus fuisse videtur Auli Gellii, qui ipsum in Noctibus Atticis saepius ad partes vocavit (9). Hujus viri scripta fere omnia ad Scepticam rationem spectarunt. Scripsit autem *de comprehensura imaginatione*, *de Academica propositione*, *solem non posse comprehendere*, *tropos Pyrrhonicos* (10), quem ultimum librum magna laude afficit Philostratus (11). Favorini Scepticismi mira fuit inconsequentia. Nunc enim ne solem quidem comprehendere posse affirmabat, nunc discipulis suis de rebus iudicandi facultatem tribuit. Galenus: οἱ νεώτεροι δὲ, (Academici) οὐ γὰρ μόνος Φαβριῆος, ἐνίοτε μὲν εἰς τοσοῦτον προάγουσι τὴν ἐποχὴν, ὥς μηδὲ τὸν ἥλιον ὁμολογεῖν εἶναι κατάληπτον, ἐνίοτε δὲ εἰς τοσοῦτον τὴν γυνῶσιν, ὥς καὶ τοῖς μαθηταῖς ἐπιτρέπειν αὐτὴν ἄνευ τοῦ διδασκῆναι πρό-

(1) Cf. Staudlin, l. l. p. 344.

(2) Cf. Plutarch. vit. Cic. c. XL. p. 881.

(3) Cf. Cicero, Acad. Quaest. I, 1—3. II, 1—8. De Finib. 1—4. Tusc. I, 1—4. II, 1—3. De Nat. Deorum I, 1—5. De Divin. II, 12. Orat. pro Sextio initio. Plutarch. vit. Cic. c. V, 863.

(4) Acad. Quaest. II, 6. Brut. 89. Plutarch. vit. Cic. II, 861.

(5) Plutarch. vit. Lucull'i, c. XLII, p. 520.

(6) Cic. de Offic. II, 2. De Nat. Deorum I, 5. Acad. Quaest. II, 4. De Ciceronis Academica ratione cf. Wyttenbach in dissert. de immort. animi. Opusc. II, 637 sq.

(7) Contra Acad. I, c. 2. p. 513 B. C.

(8) Philostrat. vit. Sophist. p. 493 sqq. Suidas voce Φαβριῆος.

(9) Aul. Gellius N. A. I, 3, 10. II, 1, 12, 22, 26. III, 1, 16, 12. IV, 1. X, 13. XII, 1.

(10) Titulos librorum Favorini recensuit Fabricius, Biblioth. Graec., tom. III, p. 174. ed. Harles.

(11) l. l. p. 495 D. locum infra exhibebimus. Cf. etiam Aul. Gell. N. A. IX, 5.

πρότερον ἐπιστημονικὴν κριτήριον (1). At, dicat aliquis, num hac in re fides habenda Galeno, utpote Dogmatico, insano Scepticorum odio abrepto? Concederem, nisi idem tradidisset Philostratus, de quo nil tale compertum habemus: τὸν δὲ ἐπὶ τῷ αὐτῷ (λόγον) καὶ τὴν ὑπὲρ μοναμάχων γνησίους τε ἀποφινόμεθα καὶ εὖ συγκειμένους, καὶ πολλῶ μᾶλλον τοὺς Φιλοσοφουμένους αὐτῶν τῶν λόγων, ὧν ἄριστοι Πυρρώνεισι· τοὺς γὰρ Πυρρῶνείους ἐφεκτικοὺς δυνάεσθαι οὐκ ἀφαιρεῖται καὶ τὸ δικάζειν δύνασθαι (2).

Medendi ars tantum habet incerti et incogniti, ut mirandum non sit, multos Medicos Scepticismo se tradidisse. His igitur, cum ad certam philosophorum sectam referri nequeant, locum peculiarem destinamus. Antequam vero de eorum dubitandi ratione agimus, nonnullorum nomina, secundum Medicorum sectas distincta, exhibeamus. Συνεστήσαντο τὴν ἐμπειρικὴν οἶδε· Ἀκρων Ἀκραγαντίος, Φιλῖνος Κῶος, Σεράπιων Ἀλεξανδρεὺς, Σέξτος, Ἀπολλώνιος· τὴν δὲ λογικὴν οἶδε· Ἰπποκράτης, Διοκλῆς, Πραξαγόρας, Φιλότιμος, Ἀσκληπιάδης· τὴν μεθοδικὴν οἶδε· Θεμισῶν Λαοδικεὺς, Θέσσαλος, Μενέμαχος, Σωρανός (3). Fuerunt autem, qui *Empiricos* eadem statuere putarent, ac Scepticos (4). Nam evidentes tantummodo morborum causas comprehensibiles esse volebant; obscuras non comprehendi posse contendebant, ideoque supervacaneam esse earum investigationem. Quamobrem in eo a Scepticis differunt, quod de ἀκαταληψία τῶν ἀδήλων διαβεβαίουσιν (5). Secundum Sextum Empiricum *Methodici* multo maiorem habent cum Scepticis conjunctionem: αὕτη γὰρ μόνη τῶν κατὰ ἰατρικὴν αἰρέσεων, περὶ μὲν τῶν ἀδήλων δοκεῖ μὴ ποτε τεύεσθαι, πότερον κατάληπτά ἐστιν ἢ ἀκατάληπτα λέγειν αὐθαδεῖαζομένη· τοῖς δὲ φαινομένοις ἐπομένη ἀπὸ τούτων λαμβάνει τὸ συμφέρειν δοκοῦν κατὰ τὴν Σκεπτικὴν ἀκολουθίαν (6).

(1) *Galenus, de optim. doctrin. Opp. tom. II, p. 16. A. C. p. 18 D. p. 20 A. B. C.*

(2) *Philostrat. l. l.*

(3) Hancce tabellam e Codice MS. Caesareo Galeni edidit *Fabricius* inter testimonia editioni suae Sextianae praefixa. Idem consulendus de uribus illis Medicorum sectis ad *Sext. Empir.* P. H. I, 236. not. G.

(4) *Sext. Empir. l. l.*

(5) *Sext. Empir. l. l.*

(6) *Sext. Empir. l. l. 237. cf. 238—241. Staudlin, l. l. 347—378.*

## PARS SECUNDA,

QUA SCEPTICORUM CONTRA VERI JUDICIUM ARGUMENTA EXPONUNTUR.

Scepticismi vis praecipue cernitur in Dogmatismo refutando, neque per se existere potest. Itaque argumenta Scepticorum contra Dogmaticos exponentes, eam tenebimus rationem, ut PRIMUM breviter, quoad ejus fieri potest, Dogmaticam de veri judicio sententiam referamus. Cujus magna pars jam exposita est in Part. I. cap. I. In hac igitur parte locus erit *Academicis antiquis*, qui Platonem proximè secuti sunt, et *Antiocho*, qui, ut vidimus, porticum in Academia intulit. Cum his conjungemus *Peripateticos*. Utrosque enim Socraticos intelligimus. His, si addiderimus *Stoicam* et *Epicureorum rationem*, instituto nostro satisfactum erit. DEINDE ea colligemus, quae a Scepticis, tum Pyrrhoniis, tum Academicis, contra eos dicuntur, et Sextum secuti, rationes afferemus, quibus ostenditur, neque criterium *a quo*, neque *per quod*, neque *secundum quod* existere posse. His enim tribus capitibus omnis contra Dogmaticos disputatio continetur.

### CAPUT PRIMUM,

QUO DOGMATICORUM DE VERI JUDICIO SENTENTIA CONTINETUR.

Qui Platonem proximè secuti sunt Academici, Speusippus, Xenocrates, alii, hi in reliqua magistri doctrina multa novarunt, in loco de veri judicio pauca. Numenius: 'Επὶ μὲν τοίνυν Σπεύσιππον τὸν Πλάτωνος μὲν ἀδελφιδοῦν, Ξενοκράτην δὲ τὸν διάδοχον Σπευσίππου, Πολέμωνα δὲ τὸν ἐκδεξάμενον τὴν σχολὴν παρὰ Ξενοκράτους, αἰὲ τὸ ἦθος διατείνεται τῶν dogμάτων σχεδὸν τι ταῦτον, ἕνεκά γε τῆς μήπω ἐποχῆς ταυτησί τῆς πολυθρυλλήτου τε καὶ εἰ δὴ τινων τοιούτων ἄλλων. 'Επεὶ εἰς γε τὰ ἄλλα πολλαχῇ παραλύοντες, τὰ δὲ στρεβλοῦντες οὐκ ἐνέμειναν τῇ πρώτῃ διαδοχῇ (1). Sed videamus de singulis.

Qui

(1) Numen. apud Euseb. P. E. XIV, 727 B. C.

Qui primum Platoni successit *Speusippus Atheniensis* foecundo fuisse videtur ingenio, si quidem fides habenda Diogeni Laërtio, permultos librorum, ab ipso scriptorum, titulos enumeranti (1). Horum omnium nullum superstitem habemus. Nonnulli tamen illos *Ὅροις*, qui in fine operum Platonis leguntur, ipsi tribuunt (2). Quod si ita sit, certe non multum in iis ingenii prodidit. De ipsius philosophandi ratione ita Diogenes Laërtius: *ἔμεινε μὲν ἐπὶ τῶν αὐτῶν Πλάτωνι δογμάτων* (3): quod optime congruere videtur cum loco Numenii, quem modo laudavimus. Nam in multis aliis snum etiam ipse iudicium secutus est. v. c. in doctrina de Diis, quorum cognitionem ex animis hominum evellere conabatur (4). Idem dicendum est de ipsius sententia de veri falsique regula, quam ita fere descripsit Sextus: *Σπείσισκος δὲ, ἐπεὶ τῶν πραγμάτων τὰ μὲν αἰσθητὰ, τὰ δὲ κητὰ, τῶν μὲν νοητῶν κριτήριον ἔλαβεν εἶναι τὸν ἐπιστημονικὸν λόγον· τῶν δὲ αἰσθητῶν, τὴν ἐπιστημονικὴν αἴσθησιν. ἐπιστημονικὴν δὲ αἴσθησιν ὑπέλαβε καθεστάναι τὴν μεταλαμβάνουσαν τῆς κατὰ λόγον ἀληθείας* (5).

Speusippum in scholae praefectura excepit *Xenocrates Chalcedonijs*, Platonis auditor. De huius viri propriis placitis pauca nobis innotuerunt, ejusque libri ad unum omnes perierunt (6). Illud animadversione dignum est, Xenocratem triplicem illam Philosophiae divisionem in dialecticam, physicam, et ethicam, quam antiqui ad Platonem auctorem referunt (7), probavisse in libris *περὶ Φιλοσοφίας* (8). Ad criterium quod attinet, ita statuit: *ἀντὶ ἐκείνης οὐσίας, ἰντελλίγibilem, σενσιβίλεm, et compositionem, sive opinabilem*. Primae criterium est *intellectus*, qui verum tribuendum est; secundae criterium est *sensus*, qui, licet minus verax, at verax tamen est; tertiae denique *opinio*, quae et vera esse potest et falsa (9).

Xenocrati successerunt *Polemo* (10), *Crates* (11), *Crantor* (12), et *Heraclides Ponticus* (13), quorum omnium apud antiquos magna fuit nomen, magnae au-

cto-

(1) *Diog. Laërt.* IV, 4, 5.

(2) Cf. *Menagius*, ad *Diog. Laërt.* I, I.

(3) *IV*, 1.

(4) *Cic. de Nat. Deor.* I, 13.

(5) *Adv. Math.* VII, 145.

(6) Eos recensuit *Diog. Laërt.* V, 11 — 20.

(7) *Atticus* apud *Euseb.* P. E. XI, d. 509 B. 510 B. *Aristoteles* apud eundem p. 510 C. 511 C. *Cic. Acad. Quaest.* I, 5. *de Fin.* IV, 2. *Origines*, *Philosophum.* cap. 19.

(8) *Sext. Empir. adv. Math.* VII, 14.

(9) *Sext. Empir.* l. h. 147 — 149.

(10) *Diog. Laërt.* IV, 16 — 20. *Cic. de Fin.* IV, 6.

(11) *Diog. Laërt.* *ibid.* 21 — 23.

(12) *Diog. Laërt.* *ibid.* 24 — 27. *Cic. Acad. Quaest.* II, 44. *Tusc.* I, 48.

(13) *Diog. Laërt.* V, 86 — 94. *Cic. Tusc.* V, 3. *de Div.* I, 23. *de Nat. Deor.* I, 13.



cloritas. Sed quod ad quaestionem de veri nota attinet nihil peculiare statuisse videntur, sed in Platonis mansisse sententia. Certe veteres hac de re tacent.

Hisce finibus antiqua continetur Academia; secuta est nova, quae ad Scepticismum se dedit, qui qualis fuerit, jam vidimus; uberius autem de *Antiocho*, tertiae vel, ut alii volunt, quintae Academiae auctore, agendum est, qui rursus Dogmatismum amplexus est (1).

Causa igitur, cur Antiochus ad Stoicam rationem transierit, potissimum posita est in progressibus et perfectionibus Stoicae doctrinae, quae ex perpetuo cum Academicis bello necessario nasci debuerunt (2). Operae pretium est locum afferre Plutarchi, ubi hic duas antiquorum sententias de Antiochi discidio retulit: Ἀφικόμενος (Cicero) δ' εἰς Ἀθήνας Ἀντίοχου τοῦ Ἀσκαλωνίτου διήκουσε, τῇ μὲν εὐροίᾳ τῶν λόγων αὐτοῦ καὶ χάριτι κηλούμενος, & δ' ἐν τοῖς δόγμασιν ἐνεωτέριζεν οὐκ ἐπαινῶν. Ἡδὴ γὰρ ἐξίστατο τῆς νέας λεγομένης Ἀκαδημίας ὁ Ἀντίοχος, καὶ τὴν Καρνεάδου στάσιν ἐγκατέλιπεν, εἴτε καμπτόμενος ὑπὸ τῆς ἐναργείας καὶ τῶν αἰσθήσεων, εἴτε, ὥς φασιν ἔνιοι, Φιλοτίμῳ τινὶ καὶ διαφορᾷ πρὸς τοὺς Κλειτομάχου καὶ Φίλωνος συνήθεις τὸν Στωϊκὸν ἐκ μεταβολῆς θεραπείων λόγον ἐν τοῖς πλείστοις (3). Ultima illa verba simul ostendant quid de Antiochi ad Stoicos conversione statuendum sit. Eos secutus est ἐν τοῖς πλείστοις, igitur non in omnibus. Sic v. c. *placet Stoicis omnia peccata esse paria. At hoc Antiocho vehementissime displicet* (4). Omnino hoc agebat, ut Stoicorum doctrinam eandem esse evinceret, ac germanam illam Platonis et Aristotelis (5). Philonis quoque magistri probabilitatem rejecit, et contra eum scripsit librum, cui Sosus erat titulus (6). De veri falsique regula plane ipsi convenisse videtur cum Stoicis. Cicero: *Quisnam enim iste dies illuxerit, quasro; qui illi ostenderit eam, quam multos annos esse negitavisset veri et falsi notam. Excogitavit aliquid? Eadem dicit, quae Stoici* (7).

Altera philosophorum propago, quae e Socratis schola, tanquam stirpe, provenit, fuit *Peripateticorum*, quorum auctor *Aristoteles* Dogmaticam rationem proxime ad perfectionem adduxit. Quo factum est, ut Scepticismum invitus eliceret et promoveret (8). Secundum Ciceronem, Platoniam, quae fertur, philosophiae divisionem in tres partes secutus est (9). Longe alia refert Diogenes Laërtius: *δίτῳ Φησὶ (Aristoteles)* les

(1) De hocce Antiochi facto cf. *Sext. Empir.* P.H. I, 235. *Cic. Acad. Quaest.* II, 43. *Namen.* apud *Ensch.* P. E. XIV, 739 D. *August. contra Acad.* III, 18. p. 454 D. 455 A. B.

(2) Cf. *Staudlin* l. l. p. 339, 340. Quomodo Stoica doctrina paulatim magis magisque perfecta sit, optime perspicui potest ex iis, quae *Sext. Empir.* de *φαντασίας κατασκευαίᾳ* definitione habet.

(3) Cf. *Plut.* vii. *Cic.* c. IV initio p. 862. cf. *August. contra Acad.* II, 6. p. 425 A.

(4) *Cic. Acad. Quaest.* II, 43.

(5) *Cic.* l. l.

(6) *Cic. Acad. Quaest.* I, 4. II, 14, 19.

(7) *Cic. Acad. Quaest.* II, 22.

(8) Cf. *Bayleus, Dict. art. Aristote.*

(9) *Cic. de Fin.* V, 4.

εἶναι τὸν κατὰ φιλοσοφίαν λόγον· τὸν μὲν, πρακτικὸν· τὸν δὲ θεωρητικόν. καὶ τοῦ πρακτικοῦ, τὸν τε ἠθικόν, καὶ πολιτικόν· οὐ τὰ τε περὶ πόλιν καὶ τὰ περὶ οἶκον ὑπογεγράφθαι. τοῦ δὲ θεωρητικοῦ, τὸν τε φυσικὸν καὶ λογικόν· οὐ τὸ λογικόν, οὐχ ἑλομενῶς, ἀλλ' ὡς ὄργανον προσηκριβωμένον (1). Haec cum sibi invicem compararet Krugius, in eam venit opinionem, ut statueret, Aristotelem in libro περὶ φιλοσοφίας utramque divisionem, tum triplicem illam, tum alteram duplicem, proposuisse (2). Quicquid hujus rei sit, id omni dubio caret, Aristotelem multam operam in dialecticis posuisse studiis. Ipsius autem de veri judicio sententia fuit ejusmodi: Sextus Empiricus, οἱ δὲ περὶ τὸν Ἀριστοτέλην, ἰν-  
 ρημίτ, καὶ Θεόφραστον, καὶ κοινῶς οἱ Περιπατητικοί, διττῆς οὔσης κατὰ τὸ ἀνωτάτω τῆς τῶν πραγμάτων φύσεως, ἐπεὶ τὰ μὲν, καθὼς προεῖπον, αἰσθητά ἐστί, τὰ δὲ νοητά· διττὸν καὶ αὐτοὶ τὸ κριτήριον ἀπολείπουσιν· αἰσθησιν μὲν αἰσθητῶν, νόησιν δὲ τῶν νοητῶν (3). Diogenes Laërtius: κριτήριον δὲ τῆς ἀληθείας, τῶν μὲν κατὰ φαντασίαν ἐνεργημάτων, τὴν αἰσθησιν ἀπεφάνετο· τῶν δὲ ἠθικῶν, τῶν περὶ πόλιν, καὶ περὶ οἶκον, καὶ περὶ νόμους, τὸν νοῦν (4). Addere liceat Gassendi viri egregii verba, quibus hic Diogenis locum corrigit et explicat: « In eo subesse mendum videtur, quod intellectum refert ad sola moralia, « attinentia nempe ad civitatem, ad domum, ad leges: nam intellectum quidem esse in-  
 « primis rerum speculabilium notum est. Quod autem sensum criterium dicit τῶν κα-  
 « τὰ φαντασίαν ἐνεργημάτων, earum, quae secundum phantasiam, actionum, id ita  
 « accipiendum est, ut apud Aristotelem vox phantasiae non sonet praecise, ut fere  
 « apud caeteros, externam rerum apparentiam, sed interiorem facultatem, quam ima-  
 « ginatricem vulgo dicimus, quatenus per ipsam res concipimus eadem imagine ac spe-  
 « cie, qua exterius repraesentantur, adeo proinde, ut ad judicandum, rectene res  
 « imaginemur, sensu utendum pro criterio sit, hoc est explorandum, talesne sint, qua-  
 « les sensui exhibeantur. Quia verò intelligibiles etiam res, seu quae sola mente no-  
 « scuntur, sub imagine aliqua apprehendimus, exinde est, cur Aristoteles duplicem  
 « phantasiam distinguat, sensitivam nempe et intellectivam, ac utramque suo modo  
 « κριτικὴν, judicatricem, faciat, curque, cum sensu singularia, intellectu universalia  
 « percipiamus, dici soleat sensus rerum singularium, intellectus universalium iudex" (5). Caeterum animadvertendum est, Aristotelem, cum sensum et intellectum criteria esse statueret, id voluisse: illum esse veluti instrumentum, hunc veluti artificem. Nam ut nos nec sine veritatis gravia et levia, nec sine regula recta, ita mens sine sensibus res dijudicare nequit (6).

Hanc igitur Aristotelis de veri judicio sententiam ita probavit Theophrastus, ut

(1) Diog. Laërt. V, 28. cf. Pseudo-Plutarch. de Platistis Philol. in praef. p. 229.

(2) Krug., l. l. p. 241, c.

(3) Sext. Empir. adv. Math. VII, 217, 218.

(5) Gassendus, Opp. Tom. I, 78.

(4) Diog. Laërt. V, 29.

(6) Sext. Empir. l. l. 418.

ut tertium *καὶ τὸν κριτήριον*, h. e. sensibilibium et intelligibilium, adderet, nempe τὸ ἐναργές, evidentiam (1). Reliqua Peripateticorum turba cum Sectae auctore consensisse videtur, ut ex laudato Sexti loco apparet. Igitur hos singulos recensere, supervacaneum videri potest. Apponamus tantum, quod de *Stratone Lampsaceno* habet Sextus, eum auctorem fuisse illius sententiae, qua animus per sensus, tamquam foramina quaedam, prospicere dicebatur, ut res externas perciperet (2). *Galenus* quoque a nonnullis accensetur Peripateticis (3), quod in libello *de optima doctrina* duofecit criteria, αἰσθῆσιν τε καὶ νόησιν (4). Sed rectius, ut videtur, Ständlinus statuit, Galenum nulli se sectae addixisse, quamvis, ut ex laudato libello apparet, Scepticus non fuerit (5).

Juvat apponere rationem *Claudii Ptolemaei*, quae certe aliquam habet cum Peripateticis conjunctionem, quaeque exstat in libello, cui titulus *περὶ κριτηρίου καὶ ἡγεμονικοῦ* (6). Κριτήριον autem universe intellexit eam animi facultatem, quae iudicat, et totum iudicandi negotium quinque constare voluit partibus: τὸ κρινόμενον· τὸ δὲ οὐ κρίνεται· τὸ κρίνον· τὸ, ᾧ κρίνεται· τὸ, οὗ ἕνεκα ἢ κρίσις. Illud autem δὲ οὐ et ᾧ ita a se invicem differunt, ut hoc significet primi quasi ordinis instrumentum, quo directe utimur, illud secundi, quod indirecte, i. e. per primum, usurpamus (7). Verbi causa, in iudiciis publicis, id, de quo iudicatur, est res gesta: id, per quod iudicatur, sunt indicia et probationes: is, qui iudicat, est ὁ ἄρχων: id, quo iudicatur, est lex: denique id, cuius causa iudicatur, est societas humana. Alia praeterea exempla affert Ptolemaeus, quae brevitatis causa omittimus; videamus tantum, quomodo haec specialia ad universale, i. e. τὸ ζητούμενον κριτήριον transtulerit. Illic subjectum, vel id, quod iudicatur, est τὸ ὄν. Id, cuius causa quaeritur, est ἡ ἀλήθεια. Hi sunt extremi quasi termini, quibus mediis interjacet id, quod iudicat, ὁ νοῦς, qui ab utraque parte tamquam instrumenta habet τὴν αἰσθῆσιν et τὸν λόγον, quorum illa est τὸ, δὲ οὐ κρίνεται, hic τὸ, ᾧ κρίνεται (8).

Progrediendum est ad *Stoicos*, qui recte, ut videtur, reprehenduntur a *Nume- nio*, quod semper inter se dissidebant: τὰ δὲ τῶν Στωϊκῶν ἰσχυρίζονται, ἀρξάμενα ἀπὸ τῶν ἀρχόντων, καὶ μηδέπω τελευτῶντα καὶ νῦν (9). Sic v. c., quamvis tripartitam illam, a Platone acceptam, philosophiae divisionem probarent, continuo inter eos oriebatur contentio de ordine, quo hae partes sibi invicem succedere debeant (10). Praecipuam

(1) *Sext. Empir.* l. I. 217.

(2) *Sext. Empir. adv. Math.* VII, 358. cf. *Pseudo-Plutarch. de Placit. Philos.* IV, 5. p. 285.

(3) *Cassendus*, l. I. 7. 78.

(4) *Opp.* tom. I, 7. 19 F.

(5) *Ständlin*, l. I. p. 528.

(6) Editus est ab *Ism. Bullialdo*, Paris. 7. 1663.

(7) Cf. *Matthiä, Gramin. Gr.* §. 401. not. 1.

(8) Cf. laudati libri 7. 1—5. Si hicce Ptolemaeus idem est ac ceterus ille Astronomus, ut voluit Bullialdus, frustra Huetius hunc inter Scepticos posuit: *Traité de la faiblesse de l'esprit humain*, liv. I. ch. 14. p. 154.

(9) Apud *Euseb.* P. E. XIV, 728 A.

(10) *Diog. Laërt.* VII, 40, 41.

operam dialecticae navarunt, quam Posidonius definivit ἐπιστήμην ἀληθῶν καὶ ψευδῶν καὶ οὐδετέρων (1), quaeque secundum Chrysippum versatur in σημαίνουσι et σημαίνε- μένοις (2). De hacce Stoicorum dialectica ita fere judicarunt veteres: tribuebant ipsis prudenter disserendi laudem (3); vituperabant spinosum illorum dividendi genus, contortam concludendi rationem, et illam syllogismorum multitudinem, quibus et alios, et se ipsi irretiebant (4). Mihi quidem id in iis non satis laudari posse videtur, quod omne officium dialectices in eo ponerent, ut certa veri falsique regula constitueretur. Cicero: *in hac arte* (dialectica Stoicorum) *nullum est praeceptum, quomodo verum inveniatur, sed tantum est, quomodo judicetur* (5).

Criterium igitur esse volebant τὴν καταληπτικὴν φαντασίαν, quod ut melius intelligatur, ipsorum de phantasii doctrina pro parte explicanda esse videtur.

Φαντασία, quam, auctore Cicerone, Latine *visum* appellare licet (6), jam a Zenone definiebatur τύπωσις ἐν ψυχῇ (7), h. e. impressio in anima (8). Sed de hoc statim orta est contentio. Cleanthes enim illam impressionem fieri volebat κατ' εἰσοχὴν τε καὶ ἐξοχὴν, quemadmodum in cera a digitis fit impressio (9). Quod merito absurdum videbatur Chrysippo, qui statuebat Zenonem τύπωσιν intellexisse ἀλλοίωσιν sive ἑτεροίωσιν (10), vel, ut Pseudo-Plutarchus refert, πάθος ἐν τῇ ψυχῇ γιγνόμενον, ἐνδείκνυμεν αὐτὸ τε καὶ τὸ πεποιηκός (11). Rursus alii Stoici aliquantulum a Chrysippo dissentiebant, et duplicem faciebant animam, unam per totum corpus diffusam, alteram id constituentem, quod ἡγεμονικὸν nominare solebant, et quo solo animi motus atque bona contineri putabant. Hi igitur phantasiam definiebant ἑτεροίωσιν ἐν τῷ ἡγεμονικῷ (12). Sed supererat adhuc reprehensioni locus; nam et appetitio, et assensio, et comprehensio, quippe mutationes in animi principatu, secundum hanc definitionem erunt phantasiae, cum potius sint ἐνέργειαι; igitur monendum, illam ἑτεροίωσιν non fieri κατ' ἐνέργειαν sed κατὰ πείσιν, illudque postremum definitioni addendum (13).

Ve-

(1) *Sext. Empir. P. H. II. 94, 247. Diog. Laërt. I. I. 62. Suidas, voc. διαλεκτική.*

(2) *Diog. Laërt. I. I.* Notandum *Sext. Empir.* hoc tanquam alteram dialectices definitionem proposuisse *P. H. II, 214.* . . . . ἡ πῶς ἐπιστήμη σημαίνοντων καὶ σημαίνεσθαι, ὡς οὐκ ἔστιν ἡ δαλεκτική δύνανται αὐτὰ εἶναι.

(3) *Cic. Brut. 31.*

(4) *Cic. de Orat. I, 10. II, 38. Tuscul. III, 10. IV, 5. Lucianus, vit. auct. c. 22. p. 307, 308.*

(5) *De Orat. II, 38.*

(6) *Cic. Acad. Quaest. I, 11. II, 6.*

(7) *Sext. adv. Math. VII, 227. Diog. Laërt. VII, 45, 50. Suidas, voc. φαντασία.*

(8) *Cic. Acad. Quaest. II, 11, 18.*

(9) *Sext. Empir. adv. Math. VII, 228, 372. VIII, 400.*

(10) *Sext. Empir. adv. Math. VII, 230.*

(11) *De Placis. Philos. IV, 12, p. 289. cf. Sext. Empir. I. I. 237. Diog. Laërt. VII, 176. A.*

(12) *Sext. Empir. adv. Math. VII, 232—236. cf. P. H. II, 70. adv. Math. VIII, 400.*

(13) *Sext. Empir. adv. Math. VII, 237, 299.*

Phantasiarum multae memorantur divisiones. Nos eas tantummodo referemus, quarum explicationem disputationis nostrae ratio postulat. Sunt igitur aliae *probabiles phantasiae*, aliae *improbabiles*, aliae *probabiles simul et improbabiles*, aliae *neque probabiles, neque improbabiles* (1). Deinde probabilem et improbabilem, aliae sunt *verae*, aliae *falsae*, aliae *neque verae neque falsae* (2). Verarum phantasiarum rursus duo sunt genera, *καταληπτικῶν comprehensibilium* alterum, alterum *οὐ καταληπτικῶν, incomprehensibilium* (3). Incomprehensibiles sunt αἱ προεπίπτουσαι τισὶ κατὰ πάθος, v. c. cum insanienti forte fortuna vera occurrat phantasia (4). Comprehensibilis phantasia est ἡ ἀπὸ τοῦ ὑπάρχοντος κατ' αὐτὸ τὸ ὑπάρχον ἐνχοιμεμαγμένη καὶ ἐναπεσφραγισμένη, ὅποια οὐκ ἂν γένοιτο ἀπὸ τοῦ μὴ ὑπάρχοντος. Quod Latine sic expressit Cicero; *visum expressum effictumque ex eo, unde esset, quale esse non posset ex ea, unde non esset* (5). Est igitur visum comprehensibile nihil aliud, quam vera notio, quae eodem nobis modo rem repraesentat, quo effigies, in sigillo sculpta, cognoscitur e signo in cera expressa.

Haec igitur est celebris illa *καταληπτικὴ φαντασία*, quam antiquiores Stoici, in quibus a Laërtio memorantur *Chrysippus, Antipater et Apollodorus*, veri falsique regulam esse statuebant (6), quippe in qua sola posita sit *ἐνάργεια*, evidentia (7). Sed hoc non satisfaciebat *recentioribus Stoicis*, qui adsciverunt quidam illam *καταληπτικὴν φαντασίαν*, hacce autem conditione, *si nihil habeat, quod obsistat, μηδὲν ἔχουσαν ἐνστημα* (8).

Age jam aliorum Stoicorum sententiās recenseamus. *Boëthius* quatuor induxit criteria, νοῦν, καὶ αἰσθήσιν, καὶ ὀρεξιν, καὶ ἐπιστήμην (9). Chrysippus autem, quem etiam *φαντασίαν καταληπτικὴν* probasse vidimus, alio in libro criterium fecit αἰσθήσιν καὶ πρόληψιν. Est autem πρόληψις (*anticipationem* vertit Cicero) *ἐννοία φυσικὴ τῶν κατ' ὅλου* (10). Denique, quosdam ex antiquioribus Stoicis τῷ ἀρθῷ λόγῳ veri iudicium tribuisse, au-

ctor.

(1) *Sext. Empir. adv. Math.* VII, 242, 243.

(2) *Sext. Empir. adv. Math.* VII, 244 — 248. Cf. *Pseudo-Plutarch. de Placit. Philos.* IV, 2, p. 287.

(3) *Sext. Empir. adv. Math.* VII, 247.

(4) *Sext. Empir. l. l. Diog. Laërt.* VII, 46, ibique Aldobrand.

(5) *Sext. Empir. l. l.* 247 — 252, coll. 152, 402, 426. Idem alio loco hujus libri §. 258a comprehensibile visum vocat ἡρατὴ καὶ πανταχὴ φαντασία. — *Diog. Laërt.* VII, 46, 50. *Cic. Acad. Quaest.* I, 12, II, 6, 24, 35, alibi *August. contra Acad.* III, c. 5, p. 486.

(6) *Sext. Empir. adv. Math.* VII, 253. *Diog. Laërt. l. l.* et 54.

(7) *Cic. Acad. Quaest.* II, 24, ibique *Davisius*.

(8) *Sext. Empir. l. l.* 253 — 260.

(9) *Diog. Laërt.* VII, 54.

(10) *Diog. Laërt. l. l. Pseudo-Plutarch. de Placit. Philos.* IV, 12, p. 288. *Suidas* vocat ἡρατὴν. *Cic. de Nat. Deor.* I, 16, *de Fin.* V, 21. *Acad. Quaest.* II, 10, *De Legg.* I, 22.

etor est *Posidonius* (1), quem in eadem fuisse sententia, collato Sexti loco (2), ostendit J. Bakius vir Cl. (3).

De reliquis Dogmaticis brevius agendum est, quod quaestionis ratio postulare videtur. Et primum quidem in medium veniat *Epicurus*, acerrimus ille sensuum defensor. Physicam modo et Ethicam secutus est, Dialecticam rejecit, eique substituit *κανονικήν*, qua ipsius de veri judicio sententia continebatur (4). Memoratur apud veteres ejus hac de re liber, cui *κανὼν* erat titulus (5), in quo Nausiphanis libellum, *τρίπους* inscriptum, ob oculos habuit; Diogenes Laërtius: *οἱ δὲ φατὶν ἐν τῷ Ἐπικούρου βίῳ τὸν κανόνα χάραξαι αὐτὸν ἐκ τοῦ Ναυσιφάνους τρίποδος* (6). In hocce igitur libro Epicurus dixit: *κριτήρια τῆς ἀληθείας εἶναι τὰς αἰσθήσεις καὶ προλήψεις καὶ τὰ πάθη* (7). Et in sensibus quidem ita ponit Epicurus veritatis judicium, ut si iis semel aliquid falsi pro vero probatum sit, sublatum esse omne judicium et veri et falsi putet (8). *Πρόληψιν* autem, quam latine anticipationem vocare possumus, quomodo veri notam intellexerit, Laërtii verbis exponemus: *τὴν δὲ πρόληψιν λέγουσιν οἶνει κατάληψιν, ἢ δόξαν ὁρᾶν, ἢ ἐννοεῖαν, ἢ καθολικὴν νόησιν ἐναποκειμένην, τοῦτ' ἐστὶ μνήμην τοῦ πολλάκις ἔξαθεν φανέντος· οἷον τὸ, Τσιούτον ἐστὶν ἄνθρωπος· ἅμα γὰρ τῷ ῥηθῆναι ἄνθρωπος, εὐθὺς κατὰ πρόληψιν καὶ ὁ τύπος αὐτοῦ νοεῖται, προηγουμένων τῶν αἰσθήσεων* (9). Hisce igitur etiam veri judicium inest. *Δοξῶν* autem, quae cum iis conjunctae sunt, aliae sunt verae, aliae falsae: quamobrem in judicando vero iis uti non possumus (10). Denique, quod tertium erat criterium, *τὰ πάθη*, id tantummodo vivendi regulam constituit; sunt autem duo genera *παθῶν*, *ἡδονή* et *πόνος*, hic fugiendorum, illa appetendorum indicium (11); in quo Aristippi doctrinae vestigiā cernimus.

In hac magistri doctrina manserunt postea Epicurei. Nam, ut Numenii verbis utar, *ἔοικέ τε ἡ Ἐπικούρου διατριβὴ πολιτείας τινι ἀληθεῖ, ἀστασιαστοτετάτῃ, κοινὸν ἓνα νοῦν, μίαν γνώμην ἔχουσαν, ἀφ' ἧς ἦσαν, καὶ εἰσι, καὶ ὡς ἔοικε ἔσονται φιλακλόουσι* (12). Unde Diogenes refert eos criteriis, a magistro constitutis, addidisse *τὰς φανταστικὰς ἐπιβολὰς τῆς διανοίας* (13).

Ποο

(1) Apud *Diog. Laërt.* I. l.

(2) *Adv. Math.* VII, 93.

(3) *Diatr. de Posidonio*, p. 231.

(4) *Sext. Empr. adv. Math.* VII, 14, 25. *Diog. Laërt.* X, 30, 31. ibique Menagius. *Cic. Acad. Quest.* II, 30.

(5) *Diog. Laërt.* X, 14, 30, 31. *Afranius, Diss. Epist.* libr. II, c. 13. lib. 21. *Cic. de Nat. Deor.* I, 16. *De Fin.* I, 19.

(6) *Diog. Laërt.* I. l. 14.

(7) Id. ibid. 274 B.

(8) *Cic. de Fin.* I, 7. *Sext. Empr. adv. Math.* VII, 203—216, 368. VIII, 9. *Diog. Laërt.* X, 31, 32. *Pseudo-Plutarch. de Placit. Philos.* IV, 8, p. 287.

(9) *Diog. Laërt.* I. l. 33. *Cic. de Nat. Deor.* I, 16, 17.

(10) *Diog. Laërt.* I. l. 34.

(11) *Sext. Empr.* I. l. §. 203. *Diog. Laërt.* I. l.

(12) Apud *Emest.* P. E. XIV, 723 A.

(13) *Diog. Laërt.* I. l. 31.

Hoc loco mentio quoque facienda est *Asclepiadis Prusiensis*, qui, ut Epicurus, sensualismum secutus est. Antiochus enim Academicus in secundo Canonicorum haec scripsit: ἄλλος δὲ τις, ἐν τῇ ἰατρικῇ μὲν οὐδενὸς δεύτερος, ἀπτόμενος δὲ καὶ φιλοσοφίας, ἐπείθετο τὰς μὲν αἰσθήσεις ὄντως καὶ ἀληθῶς ἀντιλήψεις εἶναι, λόγῳ δὲ μηδὲν ὅλως ἡμᾶς καταλαμβάνειν. Quo loco Asclepiadem significari auctor est Sextus (1). Scripsit autem Asclepiades et alia, et περὶ οἴνου δόσεως; in quo libro imprudens ejusmodi quaedam posuit, quae sensuum imbecillitatem magis, quam auctoritatem probarent. Sextus Empiricus: τούτῳ δὲ τῷ λόγῳ (sensus esse imbecilles) δυνάμει καὶ ὁ Ἀσκληπιάδης εὕρισκεται κατακεχρημένος ἐν τῷ πρώτῳ τῶν περὶ οἴνου δόσεως, ἐνθεν ἐπὶ ὥχρας καὶ μέλανος ἴστανται· μιγέντων γὰρ τούτων, φησὶν, ἀδυνατεῖ διαγιγνώσκειν ἢ ἀλσθῆσις, εἴτε ἔν ἐστι καὶ ἀπλοῦν χρῶμα τὸ ὑποκείμενον, εἴτε καὶ μή (2).

Ad Dogmaticos quoque referendi sunt Eclectici, licet eos Scepticos fuisse probare studuerit Huetius (3), quorum auctor fuit *Potamo Alexandrinus*. Hujus viri aetas incerta est. Nam Diogenes dixit eum paullum ante se, πρὸ ὀλίγου, vixisse (4); Suidas contra affirmat, eum πρὸ Λυγούστου καὶ μετ' αὐτὸν fuisse (5). Itaque nil definire possumus (6). De criterio ita statuit; Diogenes Laërtius: ἀρέσκει δ' αὐτῷ (καθὰ φησιν ἐν τῇ στοιχειώσει) κριτήρια τῆς ἀληθείας εἶναι, τὸ μὲν, ὡς ὕφ' οὗ γίγνεται ἡ κρίσις, τοῦτ' ἐστὶ τὸ ἡγεμονικόν· τὸ δὲ, ὡς δι' οὗ, οἶον τὴν ἀκριβεστάτην φαντασίαν (7).

Explicuimus Dogmaticorum de veri judicio decreta, quae ad tria potissimum genera revocari possunt; nam alii *sensibus* veri judicium tribuebant, alii *menti*, alii *sensibus simul et menti* (8).

## CAPUT SECUNDUM,

### SCEPTICORUM CONTRA DOGMATICOS ἀντιβήσεις.

Scepticorum adversus Dogmaticos argumenta magno sunt acumine excogitata. Sunt autem haud pauca, quae potius sophismata vocari debeant, quam argumenta. E quo genere v. c. est illa disputatio, qua Sextus Democriteam *hominis* definitionem evertere

(1) *Adv. Math.* VII, 201, 202, 380.

(2) *Sext. Empir. adv. Math.* VII, 91.

(3) *De la foiblesse de l'esprit humain*, liv. II, ch. X, p. 217—223.

(4) Prooem. §. 22.

(5) *Suidas* voc. Ποταμῶν.

(6) Cf. *Krugijs*, l. I. p. 434 seq.

(7) *Diog. Laërt.* l. I.

(8) Cf. *Sext. Empir. adv. Math.* VII, 47, 261.

rè studuit, quamque infra exhibebimus. Nihilominus non facilia sunt ad refutandum, et Dogmaticos mirum quantum premunt. Hocce universum nostrum de iis iudicium praemittere necessarium videbatur; singula autem argumenta exposuisse sufficiat; quo loco sint habendae, suum cuique iudicium relinquo.

*Argumenta, quibus in universum criterium tollitur et assensus retentio inducitur.*

Dogmaticorum de veri iudicio placita recensentem, quem non statim advertit magna illa sententiarum varietas atque discrepantia? quae discrepantia aut dijudicari poterit, aut non poterit: si non poterit, per se sequitur, assensum esse cohibendum; si poterit, dicant Dogmatici, quanam re dijudicetur, cum nullum sit criterium, de quo inter eos et Scepticos conveniat. Incidunt igitur in primum ex quinque illis dubitandi modis, τὸν ἀπὸ τῆς διαφορίας. Praeterea ad controversiam de criterio dijudicandam, necesse est, ut habeamus criterium, de quo conveniat: criterium autem, de quo convenit, habere non possumus, nisi controversia de criterio dijudicata sit. In quintum igitur modum, τὸν διὰλληλον, incidit oratio. Neque enim Dogmaticis concedendum est, ut ex hypothesis criterium sumant, secundum quartum modum, τὸν ὑποθετικόν: et si criterio criterium dijudicare voluerint, in secundum modum, τὸν εἰς ἄπειρον ἐκβάλλοντα, incurrunt. At demonstratione usi certum criterium ponunt. Minime. Nam ut demonstratio criterio demonstrato, sic criterium demonstratione dijudicata indiget. Itaque rursus ὁ διὰλληλος modus producendus est (1).

Haec contra Dogmaticos dicta sufficerent, sed tamen non inutile videtur, ut variis modis refellantur. Cum autem unamquamque eorum sententiam deinceps refellere longum sit, triplicem illam criterii divisionem, quam supra retulimus, sequamur et primum quidem videamus

*De criterio a quo.*

Criterium a quo nihil aliud intelligimus, nisi eum, qui iudicat, h. e. hominem. Hocce criterio sublato, reliqua simul tolluntur, quippe quae sunt, vel partes hominis, vel actiones, vel affectiones.

Si igitur hocce criterium a quo comprehendi poterit (κατάληπτον ἔσται), longe prius ejus notionem haberi (ἐπινοεῖσθαι) oportet (1). Atqui, certe secundum ea, quae a

Do-

(10) Fabricius ad Sext. Empir. P. H. II, 23. not. M.

(1) Sext. Empir. P. H. II, 19—21. Diog. Laërt. IX, 94.

(2) De differentia inter κατάληπτος et ἐπινοήτος, ἀκατάληπτος et ἀεπινοήτος cf. Fabricius ad Sext. Empir. P. II, 22. not. G.



Dogmaticis dicuntur, nullum habemus hominis, vel notionem, vel comprehensionem: ergo verum judicari nequit, cum is, qui judicare debet neque cognosci, neque comprehendere possit (1).

I. Ostendendum igitur est, nos nullam habere hominis notionem, h. e. ἀπεινώθητον εἶναι τὸν ἄνθρωπον. Quamobrem varias variorum philosophorum de homine sententias breviter recenseamus.

Est apud Platonem Socrates, hoc professus: propter Delphicum illud γνώθι σαυτὸν, non τὰ ἄλλότρια σκοπῶ, ἀλλ' ἐμαυτὸν, εἴτε τι θηρίον ὢν τυγχάνω τυφῶνος πολυπλοκώτερον καὶ μᾶλλον ἐπιτεθυμμένον, εἴτε ἡμερώτερόν τε καὶ ἀπλούστερον ζῶον, θείας τινὸς καὶ ἀτύφου μοίρας φύσει μετέχον (2). Quibus verbis aperte se nescire profitetur, quid sit homo (3).

Democritus eam proposuit hominis definitionem, quae imperitissimo cuique magis quam ipsi conveniret: Ἄνθρωπος, αἰτ., ἐστὶν ὃ πάντες ἴσμεν. Atqui et canem et equum novimus: ergo, secundum hanc definitionem, et hi erunt homines (4). Praeterea sunt homines, quos non novimus: hi igitur non erunt homines. Denique nullus erit homo: nemo enim omnibus est cognitus (5). Repugnat quoque haec definitio reliquae Democriti doctrinae: nam nihil aliud vere esse statuit, nisi atomi et vacuum, et utrumque non modo animalibus, sed etiam omnibus concretis inesse. Ex his minime perspicere poterimus id, quod homini proprium est, quia sunt omnibus communia. Non igitur homo ab aliis animalibus distingui, nec per se intelligi potest (6). Est et alia causa, cur Democriti definitionem improbemus: nempe συναρπάζει τὸ ζητούμενον, i. e. in ejusmodi vitium incidit, quod Dialectici *principii petitionem* appellare consueverunt. Quis enim dabit hominem, qualis sit, cognosci? Et si vel maxime dabit, non omnibus hanc cognitionem, sed tantum perfectis philosophis tribuet (8).

Epicurus hominem esse dixit, τὸ τοιοῦτοῦ μόρφωμα μετὰ ἐμψυχίας. Igitur si homo ostendendo manifestatur, id, quod non ostenditur, non erit homo. Quare, si mulier ostenditur, vir non erit homo. Idem ex quarto dabitandi modo, τῷ ἀπὸ τῆς διαφορᾶς τῶν περιστάσεων, colligi potest (10).

Sto-

(1) *Sext. Empir. P. A. II, 21. adv. Math. VII, 263, 264.*

(2) *Plato in Phaedro, p. 230, A.*

(3) *Sext. Empir. P. H. 22. adv. Math. VII, 264.*

(4) *Sext. Empir. P. H. II, 23. adv. Math. VII, 265, 266.*

(5) *Sext. Empir. P. H. I. 1.*

(6) *Sext. Empir. P. H. I. 1. §. 24.*

(8) *Sext. Empir. Adv. Math. VII, 266.*

(10) *Sext. Empir. P. H. II, 25. adv. Math. VII, 267, 268.*

Stoicorum et Peripateticorum definitio erat hujusmodi: *ἄνθρωπον ζῶον εἶναι λογικόν, θνητόν, νοῦ καὶ ἐπιστήμης δεκτικόν*. At vero ita non homo definitur, sed ea, quae ipsi accidunt, enumerantur. Accidentia autem semper ab eo, cui accidunt, diversa sunt. Deinde, omnia ista accidentia, quae in definitione proponuntur, non uni homini sunt propria. Rationis v. c., ut in primo modo, τῷ παρὰ τὴν τῶν ζῶων ἐξαλλαγῇ, ostenditur, bruta quoque sunt capacia; et quis eam Diis negare audeat? Occurritur autem a Dogmaticis ita, ut dicant, singula, quae in definitione enumerantur, non esse hominem, sed simul sumta eum efficere. Sed facile refutari possunt. Primum, si unumquodque ex iis separatim non est homo, quomodo simul sumta hominem efficere poterunt? Deinde, quae in definitione sunt, ea simul sumi non possunt. Nam accidentium in universum alia semper subjecto adhaerent, alia non semper. Cum autem in definitione ζῶον tale sit accidens, quaele semper, λογικόν autem ejusmodi, quod non semper subjecto adsit, quomodo, quaeso, haec simul sumi possunt? Denique, quae in definitione sunt accidentia, aut actione (κατ' ἐνέργειαν) dicunt esse, aut potentia (δυνάμει). Si actione, nemo est homo, nisi qui perfectam habeat scientiam, perfectamque rationem, quique in moriendo versetur; sin potentia, nullus erit homo, nec qui perfectam rationem, nec qui intelligentiam et scientiam habeat. Quibus nihil excogitari potest absurdius. Igitur etiam secundum Stoicorum et Peripateticorum definitionem nullam habemus hominis notionem (1).

Platonis fertur haec definitio: τὸν ἄνθρωπον εἶναι ζῶον, ἄπτερον, δίπουν, πλατυθύσχον, ἐπιστήμης πολιτικῆς δεκτικόν. Sed quis Platonem adeo ineptum fuisse existimat? Quis Diogenis narratiunculae fidem habere potest (2)? Dubitasse etiam videtur Sextus, οὐδὲ δ-Πλάτων, inquit, ἀξιῶσει τὸν ὄρον ἐκτίθεσθαι δοκεῖν, ὡς βεβαιούμενος, ἀλλ' ὥς περ εἶπεν κατὰ τὸ πιθανὸν λέγων (3). Hanc igitur, cujusvis tandem sit, definitionem ideo reprehendimus, quod, ut illa, quam modo recensuimus, non exponit, quid sit homo, sed tantum ea, quae homini accidunt, enumerat (4).

II°. Ostendatur, hominem etiam esse incomprehensibilem, ἀκατάληπτον.

Hoc ita satis probari potest. Quod intelligi nequit, incomprehensibile est: homo, ut vidimus, intelligi nequit: ergo incomprehensibilis est (5). Idem et alio modo probamus. Si homo comprehendi poterit, vel totum se ipsum comprehendet, vel totus erit id, quod comprehenditur, vel ex parte comprehendet, ex parte comprehendetur: atqui nihil horum fieri potest: ergo homo comprehendi nequit.

Nam

(1) *Sext. Empir. adv. Math.* VII, 259—281. P. H. II, 26. ibique *Fabricius* not. R.

(2) *Diog. Laërt.* VI, 40.

(3) P. H. II, 28.

(4) *Sext. Empir. adv. Math.* VII, 281—282.

(5) *Sext. Empir. adv. Math.* VII, 283.

Nam si totus totum se ipsum comprehendet, quid erit, quod comprehendatur? et rursus, si totus id erit, quod comprehendetur, quaerimus quid erit, quod comprehendat (1). Tertium, quod est in propositione, ut ex parte comprehendat, ex parte comprehendatur, non magis dari potest. Nam homo constat corpore, sensibus et intellectu. Itaque si ex parte se ipse comprehendet, vel corpore sensus et intellectum, vel contra sensibus et intellectu corpus cognoscat, necesse est, et sic porro: atqui nihil horum fieri potest: ergo homo comprehendendi nequit (2). Assumptio ita probatur:

A. Corpus non potest comprehendere sensus et intellectum.

Nam si corpus eam vim habebit, ut sensus et intellectum comprehendat, opus erit, ut iis assimuletur, h.e., ut similiter afficiatur, verbo, ut sensus et intellectus fiat. E. g. quod videndi vim habet, id quatenus videt, est visus; sic corpus, quatenus sensuum vim habebit, erit sensus, quatenus intelligendi vim, erit intellectus. Quo nihil absurdius excogitari potest. Nam ipsi Dogmatici sensus et intellectum a corpore diversos esse statuunt (3).

B. Sensus nec corpus, nec se ipsi comprehendere possunt.

a. Nam sensus tantummodo patiuntur, et, tamquam cera, formas accipiunt. Si igitur quis aliquam iis ζήτησιν tribuere velit, is eos rationis faciat participes. Quod secus. Sunt enim λόγοι, estque eorum proprium munus albore et nigrore affici, et dulcedine, et eo quod amarum est, et suavi odore moveri, non autem ενεργητικῶς quaerere, utrum quid sit nigrum an album caet. Ab his igitur, naturam habentibus minime ad tale quid aptam, quomodo corpus i. e. moles carnis percipi poterit (4)? V. c., visus aptus est ad rei habitum, magnitudinem et colorem apprehendendam: atquæ nullum horum est corpus: igitur si visus habitum et magnitudinem et colorem corporis perceperit, non ipsum corpus, sed corpori accidentia perceperit (5). Contra hocce postremum fortasse sunt, qui dicant, habitum, magnitudinem et colorem non singula per se, sed conjuncta esse corpus. Quibus respondetur, quod supra jam monuimus, accidentium congeriem, haud magis quam singula accidentia, idem esse atque illud, cui accidentant. Praeterea, etiamsi hoc ita esset, ut volunt, nihilominus visus corpus comprehendere non potest. Nam si corpus est compositum quid ex habitu, magnitudine et colore, tunc visum, corpus apprehendentem, haecce tria singulatim apud se comprehendere oportebit, comprehensa componere, et hancce compositionem corpus vocare: atqui ut aliquid cum aliquo componatur, opus est ratione, qua visus, utpote λόγος sensus, caret: ergo visus tria illa corpori accidentia componere non poterit, neque igitur corpus comprehendere. Neque hoc negligendum est, visum etiam non aptum esse ad

Q-

(1) *Sext. Empir. adv. Math.* VII, 284—286.

(2) *I. I.* 287, 288.

(3) *Sext. Empir. adv. Math.* VII, 289—292.

(4) *Sext. Empir. adv. Math.* VII, 292, 294.

(5) *I. I.* 294. cf. *P. H.* II, 30.

omnia, quae corpori accidere possunt, comprehendenda, v. c. longitudinem. Haec enim per partium appositionem comprehenditur, ita ut ab aliquo incipiamus, et per aliquid progressi, in aliquid desinamus. Quod sane non est *ἀλόγου* naturae, qualis est visus. Similiter non modo latitudinem, sed ne colorem quidem visus comprehendere poterit. Non igitur aptus est ad ea, quae corpori accidunt, percipienda. Quamobrem multo minus ipsum corpus comprehendere poterit (1). Et sic reliqui quoque sensus. Nam unusquisque horum eam rem e sensibilibus novit, quae ad ipsum pertinet, ut auditus vocem, odoratus id, quod bene vel male olet; neutrum molem corporis (2).

b. Sensus se ipsi comprehendere non possunt. Quis enim aut visu visum vidit? aut auditu auditum audivit? aut gustu gustum gustavit? aut odoratu odoratum odoratus est? aut tactu tactum tetigit? Neque magis sensus se invicem comprehendunt. Visus enim nec auditum videre, nec ab auditu audiri potest, et sic porro (3).

C. Atqui, inquiunt Dogmatici, intellectus et corpus, et sensus, et se ipse potest comprehendere. Frustra, ut videbimus.

a. Intellectus non potest comprehendere corpus. Nam, qui contra statuunt, eos rogatos esse volumus, utrum intellectus toti corpori inhaerens, ejus comprehensioni operam det, an vero partibus singulatim spectandis, et spectatis componendis, totum corpus comprehendat. Intellectum toti corpori inhaerere negabunt, ut apparet ex dissensione, quae est inter eos, de animi sede. Si dicunt, partes corporis deinceps ab intellectu examinari et componi, majori etiam implectuntur difficultate. Nam illarum partium quaedam sunt rationis expertes: quae autem rationis expertia sunt, sine ratione nos movent: ergo intellectus sine ratione ab illis partibus motus, et ipse rationem amittet. Quo facto, non amplius erit intellectus (4).

b. Intellectus non potest comprehendere sensus. Nam si intellectus non potest comprehendere corpus, propterea quod id ratione caret, quomodo tandem sensus comprehendet, qui et ipsi sunt *ἄλογοι*? Deinde, si intellectus sensus apprehendit, necesse est, quemadmodum supra vidimus, ut ipse fiat sensus. Quo facto, id, quod quaeritur, idem erit atque id, quod quaerit. At, dicunt Dogmatici, sunt sane intellectus et sensus idem, sed diversa ratione. Quemadmodum idem poculum intrinsecus est concavum, extrinsecus convexum, aut quemadmodum eadem via adscendentibus est acclivis, descendantibus declivis: ita eadem facultas alia ratione est intellectus, alia ratione sensus. Et sic intellectus, quamvis idem sit ac sensus, tamen non arcetur a sensuum comprehensione. Atqui, si

con-

(1) *Adh. Math.* VII, 295 — 300. De accidentibus corpori cf. P. H. III, 99, 55. *adv. Math.* VII, 55. De via non apto ad colores percipiendos conferri possunt, quae a Sexto contra Cyrenaicos dicta sunt, *adv. Math.* I, l. 190, seq.

(3) *Sext. Empir.* I, l. 301, 302.

(2) Cf. *Sext. Empir. adv. Math.* VII, 300.

(4) *Sext. Empir. adv. Math.* VII, 303, 304.

concedamus, intellectum et sensus ea, qua volunt, ratione esse idem, tamen illud idem, quatenus est intellectus, λογικὸν erit, quatenus sensus, semper manebit ἄλογον. Et λογικὸν non posse comprehendere quod est ἄλογον, jam supra vidimus (1).

c. Denique, intellectus ipse se non potest comprehendere. Nam si intellectus se ipse comprehendit, aut totum se comprehendet, aut per partes, id est, quaedam ipsius pars alteram partem comprehendet. Prius fieri nequit. Nam si totus est comprehendens, quid erit, quod comprehendatur? Neque altera pars alteram partem poterit comprehendere. Nam aut totam illam alteram partem comprehendet, aut rursus eam per partes explorabit. Si totam, eandem habebimus difficultatem, pereunte eo, quod comprehendatur: sin altera intellectus pars alteram rursus per partes cognoscat, rogamus, quam re tunc ipsa comprehendatur, atque sic in infinitum, ut semper quaedam intellectus pars incomprehensa maneat (2). Deinde si intellectus se ipse comprehendet, simul etiam locum, in quo est, comprehendat, necesse est. Omne enim, quod comprehenditur, cum loco comprehenditur. Non autem locus, in quo ipse est, cognoscitur ab intellectu; ut patet ex infinita philosophorum hac de re διαφωνία (3). Ergo intellectus se ipse non comprehendit (4).

Haec e VII. Sexti Empirici adv. Math. libro retulimus: in secundo autem Pyrrhonianarum Hypotheseon diversam aliquantum rationem secutus est, quam breviter exponemus. Constat homo corpore et animo: atqui utrumque comprehendere nequit: ergo neque homo. Cum autem ostendit corpus esse incomprehensibile, eadem dicit, sed brevius, quae modo ex libro adv. Math. VII. attulimus. Animi incomprehensibilitatem ita fere probare studet. Magna est inter philosophos de animo dissensio, quae aut dijudicari potest, aut non potest: si non potest, per se sequitur animum esse incomprehensibilem: sin potest, dicant, quam re dijudicetur. Minime sensibus, nam animus est intelligibilis, non sensibilis. Neque intellectu, nam de hoc major etiam est controversia, quam igitur prius dijudicari oportebit. Aliter enim id, de quo major est quaestio, dijudicaret et confirmaret id, de quo minor est quaestio. Quo nihil absurdius. Ergo animus est incomprehensibilis (5).

Ex omnibus, quae hactenus diximus, Sceptici id effici arbitrabantur: hominem, cum sit ἀνεπινόητος et ἀκατάληκτος, res dijudicare non posse, nullumque adeo esse criterium a quo.

Sed demus, hominem comprehendere posse, tamen probari non potest, in ipso veri criterium esse positum. Nam is, qui id dicit, aut simplici utitur affirmatione, aut demonstratione: si nihil aliud, quam nude affirmat, fidem non meretur; nam

eo-

(1) Sext. Empir. adv. Math. VII, 305—309.

(2) l. l. 310—312.

(3) Varias philosophorum de animo ejusque sede opiniones recensuit Cic. Tusc. Quaest. I, 9. Pseudo-Plutarch. de Placit. Philos. IV, 2. p. 283.

(4) Sext. Empir. adv. Math. 313.

(5) Sext. Empir. P. H. II, 29—33.

eorum, qui contrarium statuunt, affirmatio aequae est probabilis: demonstratione usus nihil proficiet; nam ut dijudicemus demonstrationem, sitne vera, nec ne, opus est criterio, de quo convenit; ejusmodi autem criterium non habemus sed quaerimus (1). Deinde, si quis dicit, hominem esse rerum judicem, iudicio usus hoc affirmat, nam ἀπρίτως affirmanti fidem non habemus. Rogamus igitur, a quo ita iudicatum sit, hominem esse criterium. Minime ab homine, sic enim in petitionem principii incidimus; neque ab alio animali, nam si illud animal hoc fecerit sine iudicio, rursus rogamus, a quo ita iudicatum sit. Et si quidem ab animali ipso, eadem manet absurditas et rursus habemus petitionem principii; neque ab homine, nam hoc vetat ὁ διάλληλος τρόπος; neque ab alio quodam praeter haec, nam tum rursus postulabimus criterium a quo, et sic εἰς ἄπειρον (2). Praeterea, qui hominem rerum esse iudicem volunt Dogmatici, se ipsos veri iudices constituunt: at quanta est inter eos pro diversa, quam sequuntur, secta sententiarum discrepantia: igitur alio nobis opus erit criterio, quo hancce discrepantiam discernamus, et optimam sententiam eligamus. Hocce autem criterium vel dissentiet ab omnibus illis inter se dissidentibus, vel uni tantum assentietur. Prius si locum habet, et ipsum hoc criterium pars fit τῆς διαφωνίας; quo facto, non esse potest criterium, quippe ipsum criterio indigens: sin vero unam sententiam probat, a reliquis dissidet, probat eam sententiam, quae est una dissidentium, et probatione indiget. Igitur quandoquidem consentiens cum ipso criterio diversum ab eo non est, et ipsum indigebit dijudicatione; quo facto, criterium esse non poterit (3). Porro, si aliquem Dogmaticum veritatis iudicem esse dicimus, hoc dicimus respicientes aut ad ipsius aetatem, aut ad laborem, quem in quaerendo vero posuit, aut ad ipsius ingenium, aut ad multitudinem eorum, qui cum ipso consentiunt: atqui cum aliquem veritatis iudicem esse statuimus, ad nullum horum animum advertere oportet: ergo errat qui alicui philosophorum veri iudicium tribuit (4). Assumptio ita probatur: α. Non attendendum est ad aetatem; nam plures Dogmaticorum tum, cum sibi veritatis iudicium ipsi tribuerent, fuerunt eadem aetate (δμήλικες); sic Plato, Democritus, Epicurus et Zeno, cum jam seniores essent verum se invenisse jactarunt; cum igitur omnes eadem fuerint aetate, non est, cur alterum alteri propter aetatem praeferamus. Deinde, seniores in universum minus sunt ingeniosi et acuti quam juvenes, ideoque ad omnem philosophiam minus apti, ut animadvertit etiam Asclepiades, celeber ille medicus. Quod autem multitudo senes juvenibus praefert, id inde explicandum est, quod experientiam confundant cum in-

gc=

(1) *Sext. Empir. P. H. II. 34, 35. adv. Math. VII. 314—316*: Est autem haecce argumentandi ratio Sceptici valde frequens. Exempla e Sexto collegit Fabricius ad P. H. II, 115. not. S.

(2) *Sext. Empir. P. H. II, 35, 36.*

(3) *Sext. Empir. adv. Math. VII, 317—320.*

(4) *Sext. Empir. l. I. 321.*

genio (1). *b.* Non attendendum est ad laborem, quem in quaerendo vero posuerunt Dogmatici, nam omnes laboriosi fuerunt et diligentes, cum vero dijudicando operam darent (2). *c.* Non attendendum est ad ingenium, nam omnibus ingenii laus tribuenda est (3). Praeterea difficile est, ut alterum altero ingeniosorem esse ostendamus. Nam de hoc magna est sententiarum discrepantia, aliis huic, aliis illi ingenii principatum deferentibus. Deinde licet aliquem cognovissemus, omnibus, qui fuerunt et sunt, ingeniosorem, tamen hic ne sic quidem fide dignus erit, nam nescimus, an postea futurus sit aliquis hoc ingeniosior et prudentior. Quod si fiat, primum deserere, ad alterum conferre nos oportebit. Rursus fieri potest, ut aliquis existat secundo illo ingeniosior, atque sic *εἰς ἀπειρον*. Denique omnes hi consensurine sint inter se, an diversa tradituri, non constat (4). Sed demus statui posse, quis sit omnium ingeniosissimus, nihil magis proficitur. Nam qui sunt ingeniosi, saepius non verum defendunt sed falsum. Vidimus saepe oratores multitudini falsa non modo proponentes, sed etiam persuadentes. Quidni igitur in philosophia qui ingeniosissimus esset, ita falsam opinionem defenderet, ut vera esse videretur? Qui autem sunt hebetes et tardi non possunt persuadere, etiamsi vera defendant (5). *d.* Non attendendum est ad consentientium multitudinem. Dixerit aliquis: at illius probabo sententiam, quam probari plurimis videro. Frustra. Nam qui aliquam sententiam defendunt numero pares sunt iis, qui eam rejiciunt, v. c. Aristotelicis Epicurei, Epicureis Stoici. Nec ullus fuit philosophus, quin multos haberet discipulos, qui ipsius sententiam defenderent. At, inquiunt, hoc est quod volumus, illi philosopho assentimur, cujus doctrina plurimis probatur. Sed, o boni, videatis, ne uno acuto viro facile innumeri stulti vel hebetes assensum praebeant; rari enim ingeniosi, imprudentes plurimi. Deinde, si attendimus ad plurimum consensum et testimonium, ducimur ad id, quod proposito est contrarium. Nam semper qui de aliqua re consentiunt numero inferiores sunt iis, qui de ea dissentiunt. V. c. iis, qui in Zenonis sententiam conveniunt, opponimus et Epicureos et Peripateticos et Academicos et omnes omnino, quotquot sint philosophorum sectae. Igitur multo majorem numerum inveniemus eorum, qui Zenonis sententiam improbant quam eorum, qui probant; et sic cuivis aliquid statuentium multitudini opponimus multo majorem e reliquis sectis turbam, quae in eo improbando consentit. Denique, quod argumentum latissime patet, qui de aliqua re consentiunt, aut unam habent eandemque *διδασιν*, secundum quam consentiunt, aut diversam. Si habent diversam, non possunt consentire, sed necessario dissentiunt; sin unam eam-

(1) *Sext. Empir.* l. I. 321 — 323.(3) *Sext. Empir.* l. I. 325.(5) *Sext. Empir. adv. Math.* VII, 326, P. H. II, 42.(2) *Sext. Empir.* l. I. 324.(4) *Sext. Empir.* P. H. II, 38 — 39.

eandemque habent εἰς ἰσότητα περιῖστανται τῷ τοῦναντίον ἀποφαινομένῳ, h. e. non plurimum, sed unius habent auctoritatem, ideoque iis omnibus par est unus, qui contradicit. Nam ut unus contradicens unam sequitur διάθεσιν, sic illi plures etiam unam tantummodo sequi possunt (1).

Aliud argumentum sequitur hoc. Qui jactat se esse veri regulam, id tantum dicit quod sibi videtur: quivis autem alius philosophorum id dicit, quod sibi videtur, et contrarium iis, quae alter protulit. Igitur hae in re sumus omnes pares. Et si primus fide dignus est, erit et secundus, erit tertius, erit quartus, erunt reliqui omnes, qui quod sibi videtur dicunt. Non igitur oportet alterum alteri praeferre, et uni prae ceteris veri tribuere iudicium (2).

Deinde, is qui se criterium esse ipse dicit, aut nuda affirmatione, aut alio usus criterio hoc facit. Priori casu, nulla fide dignus est; sin alio criterio utitur, evertit se ipse. Nam hocce criterio cum eo aut consentit, aut dissentit. Si dissentit non erit fide dignum, quoniam dissentit ab eo, qui se ipse existimat esse regulam veritatis; sin consentit, indigebit alio rursus criterio, nam qui dixit, se esse veri regulam non erat fide dignus, igitur neque criterium quod cum illo conspirat. Quam ob rem nullus philosophorum veri falsique regula dici potest (3).

Porro, qui affirmat se esse veri iudicem, aut nuda affirmatione aut demonstratione utitur. Et nuda quidem affirmatione usus, fidem non habet, ut saepius monuimus; si demonstratione, ostendendum est, hancce demonstrationem esse sanam et rectam; quod rursus fit aut nuda affirmatione, aut alia demonstratione, et sic in infinitum (4).

Tum, qui verum se judicare profitetur, is criterium habeat, necesse est, quo iudicet. Hocce autem criterium, aut sine iudicio assumitur, aut cum iudicio: si sine iudicio, non erit fide dignum; sin cum iudicio, iterum id, quo illud iudicium est institutum, aut sine iudicio assumtum est, aut cum iudicio; si sine iudicio, fide non dignum erit, si cum iudicio, iterum indigebit alio iudicio, quo ipsum iudicetur, et sic in infinitum (5).

Denique criterium, de quo dubitatur, opus habet demonstratione; sed demonstratio, cum et vera et falsa esse possit, indiget criterio, quod ei fidem faciat. Et sic in διδῶλλον ineidimus modum, criterio demonstrationem, demonstratione criterium expectante.

Hisce omnibus effici volebant Sceptici, nullum exstare criterium a quo, quo sub-

(1) *Sext. Empir. adv. Math.* VII, 328 — 335. cf. VIII, 53. P. H. H, 43 — 46.

(2) *Sext. Empir. adv. Math.* VII, 236.

(3) *Sext. Empir.* l. l. 337 — 338.

(4) *Sext. Empir.* l. l. 339.

(5) *Sext. Empir.* l. l. 340.



lato, ne reliqua quidem criteria, per quod et secundum quod existere possunt. Sed liberaliter agere volebant. Igitur dabant, esse criterium a quo, et alterum illud per quod evertere studebant.

*De criterio per quod.*

Si homo judicat, aut *per sensus*, aut *per intellectum*, aut *per sensus et intellectum* judicat: atqui nihil horum fieri potest: ergo nullum est criterium per quod.

I. Sensus non esse criterium per quod. Sensus per se judicare non posse supra jam declaratum est (1). Nam tantummodo impressionem accipiunt ab iis, qui ipsis subjiciuntur. Cum autem natura rationis sunt expertes, judicare nequeunt, utrum hae impressiones cum rebus subjectis consentiant nec ne (2)?

Praeterea magna est inter homines de sensibus *διαφωνία*, aliis vanas esse eorum passionem statuentibus, aliis omnia, quae sensibus apparent, vera esse existimantibus. Haecce *διαφωνία* dijudicari non poterit, neque a sensibus, propterea quod de iis ipsis est quaestio, neque ab alio quovis, cum secundum eam, quam refutamus, sententiam, nullum aliud praeter sensus existat criterium. Ex quo efficitur, sensus esse *ἀνεπίκριτους* et *ἀκαταλήπτους*. Quod si ita sit, quis iis ad verum judicandum utetur (3)?

Sed demus, sensus comprehendendi vim habere, tamen nihil veri habent ad res externas dijudicandas. Nam varie sensus ab iisdem rebus externis moventur et valde inter se dissident, ut manifesto ex decem illis dubitandi modis apparet (4). Dicendum igitur est, aut omnes phantasias veras esse, aut partim falsas, partim veras, si non licet omnes falsas dicere: cum nullum habeamus criterium, extra omnem dubitationem positum, quo dijudicemus, quænam phantasia alteri praeferenda sit. Neque ulla demonstratio suppetit vera et dijudicata, cum adhuc quaeratur veritatis criterium, quo etiam demonstrationem dijudicari oportet (5).

Denique ad comprehendenda subjecta opus est, ut ipsorum proprietates intelligantur, et memoriae ope componantur. Non autem intelligentiam et memoriam habent sensus, utpote qui tantum colorem et vocem et quae sunt hujus generis plura percipiant (6).

II. Intellectum non esse criterium per quod.

Si intellectus veri erit criterium necesse est, ut prius se ipse cognoscat, et certum quid, tum de suae *γενέσεως τρόπον*, tum de loco, quo sit, statuatur. Quanta autem, et

(1) *Sext. Empir. adv. Math.* VII, 293. vide supra p. 67.

(2) *Sext. Empir. l. l.* VII, 344, 345.

(4) *Sext. Empir. Adv. Math.* VII, 345.

(6) *Sext. Empir. adv. Math.* VII, 346, 347.

(3) *Sext. Empir. P. H.* II, 49, 50.

(5) *Sext. Empir. P. H.* 51 — 56.

et quam difficilis ad dijudicandum hac de re sit sententiarum discrepantia, jam supra vidimus. Ergo intellectui veri iudicium negari oportet (1).

Deinde magna est intellectuum varietas et discrepantia. V. c. secundum Gorgiae intellectum *nihil est*, secundum Heracliti intellectum *omnia sunt*. Si autem intellectus *διαφωνῶσιν*, rursus indigent criterio. Hocce criterium aut rursus intellectus erit, aut aliud quid: nequaquam intellectus, nam, ut pars dissensionis, et ipse opus habet, ut iudicetur; sin aliud criterium admittimus, sequitur, intellectum non esse criterium (2).

Praeterea id, quod supra contra criterium a quo dictum est, huc quoque referri potest: scilicet, nos invenire non posse, qui sit intellectus omnium sagacissimus. Et licet invenissemus, tamen ei fidem habere non possemus, veriti ne quid falsi pro vero persuadere nobis conaretur (3).

Denique plerique philosophorum, praeter vim intelligendi, etiam vim sentiendi nobis tribunt, et hancce illi antepositam esse (*προκεῖσθαι*) volunt. Quod si verum sit, non poterit intellectus esse criterium. Nam ut id, quod inter visum et visibile interpositum est, impedit, quominus visibile a visu apprehendatur, sic intellectus ab irrationalibus sensibus a rebus externis arceretur, et impediretur, quominus ipse per se res externas apprehenderet (4).

III. Sed neque sensus et intellectus conjuncti constituunt criterium per quod.

Nam sensuum magna est discordia; v. c. mel aliis amarum, aliis dulce videtur. Hinc Democritus dixisse fertur, neque dulce ipsum esse, neque amarum; Heraclitus esse utramque. Idem de reliquis sensibus et sensibilibus dici potest. Igitur intellectus, si sensus nuntiantes sequatur, varia ac repugnantia proferat. necesse est. Quod alienum a criterio, cui comprehendendi vim tribuere oportet.

Praeterea rogamus, utrum omnibus omnino sensibus et omnibus intellectibus res sunt dijudicandae, an nonnullis tantum. Qui omnibus dicit, quae fieri nequeunt, postulat, cum tanta in sensibus et intellectibus sit discrepantia. Si quis alios sequendos esse arbitretur, aliis fidem neget, hic dicat, quonam criterio usus illos intellectus et sensus his praeferat. Tale autem criterium, de quo quidem conveniat, non habemus. Sunt qui contendunt, sensus et intellectus sensibus et intellectibus iudicari; sed in principii petitionem incidunt. Quaerimus nimirum utrum per hos iudicari queat. Aliud etiam argumentum est, quo efficitur, intellectum intellectui et sensum sensui praeferri non oportere. Nempe aut sensibus sensus et intellectus

ju-

(1) *Sext. Empir.* l. I. 348—350. P. H. II. 57, 58.

(2) *Sext. Empir.* P. H. II, 59, 60. *adv. Math.* VII, 351.

(3) *Sext. Empir.* P. H. II. 61, 62. cf. supra p. 70.

(4) *Sext. Empir. adv. Math.* VII, 352, 353.

judicantur; aut intellectibus sensus et intellectus; aut sensibus sensus et intellectibus intellectus; aut sensibus intellectus et intellectibus sensus. Si igitur per sensus aut per intellectus utraque judicare voluerint, non amplius per sensus et intellectus judicabunt, sed per alterum horum, quod elegerint. Quo facto, iis refutantur, quae separatim contra sensus et intellectum sunt disputata. Si vero sensibus sensus, intellectibus intellectus judicare voluerint, quandoquidem repugnant et sensibus sensus, et intellectibus intellectus, quemcunque ex repugnantibus sensibus vel intellectibus tamquam criterium arripuerint, semper in principii petitionem incident. Nam id, quod pars est controversiae, tamquam fide dignum, assumunt ad dijudicandum id, quod aequae in controversia est. Praeterea quomimus sensibus intellectus, aut intellectibus sensus dijudicentur, vetat  $\delta \delta \alpha \lambda \lambda \eta \lambda \omicron \varsigma \tau \rho \acute{o} \pi \epsilon \varsigma$ ; secundum quem, ut sensus intellectibus judicent, ipsum intellectum prius dijudicatum esse oportebit, et contra (1).

Per utrosque sensus et intellectum verum judicari, id ita a nonnullis intelligitur, intellectum sensibus uti tamquam ministris, et eorum ope atque auxilio res externas comprehendere (2). Quod minime fieri posse ostendendum est.

Sensus, ut vidimus, non ipsas res externas intellectui nuntiant, sed tantummodo rationem, qua ab iis afficiuntur (3). Sic v. c. tactus igne admoto non ignem ardentem, sed calorem, quem ignis excitat, ad intellectum refert (4).

Deinde, ne hoc quidem fieri potest, ut intellectus sensuum  $\pi \acute{\alpha} \theta \omicron \varsigma$  comprehendat; nam sic intellectus esset sensus. Etenim quod eam vim habet, ut videndi  $\pi \acute{\alpha} \theta \omicron \varsigma$  comprehendat, id ita movetur, ut videat; quod ita movetur, ut videat, est visus (5). Eodem modo intellectus ad sensuum  $\pi \acute{\alpha} \theta \omicron \varsigma$  comprehendendum, sentiendi vim habere debet; sentiendi vim habens, ita movetur, ut sentiat; si ita movetur, ut sentiat, sensus est. Et cum sensus est, est etiam expers rationis; expers rationis non est intellectus; si non est intellectus, tum sensuum  $\pi \acute{\alpha} \theta \omicron \varsigma$  comprehendere non poterit, ut intellectus (6).

Porro, si vel maxime intellectus eam vim habeat, ut sensuum  $\pi \acute{\alpha} \theta \omicron \varsigma$  comprehendat, minime tamen inde sequitur, eum res externas cognoscere. Nam multum differunt phantasia et res quae sub phantasiam cadit,  $\phi \alpha \nu \tau \alpha \sigma \iota \alpha$  et  $\phi \alpha \nu \tau \alpha \sigma \tau \acute{\omicron} \nu$ . Sic e. g. differunt phantasia, quae ab igne venit, et ipse ignis; hic enim urit, illa urendi vi caret (7). Sed demus, res externas similes esse iis, quae sunt in nobis, affectio-

ni-

(1) *Sext. Empir. P. H. II, 63—69.*

(2) *Sext. Empir. adv. Math. VII, 354.*

(3) *Sext. Empir. adv. Math. VII, 293. supra pag. 66.*

(4) *Sext. Empir. adv. Math. VII, 354.*

(5) *Sext. Empir. adv. Math. VII, 305. supra pag. 67.*

(6) *Sext. Empir. adv. Math. VII, 355—356.*

(7) De differentia inter  $\phi \alpha \nu \tau \alpha \sigma \iota \alpha$  et  $\phi \alpha \nu \tau \alpha \sigma \tau \acute{\omicron} \nu$  cff. *Pseudo-Plutarch. de Placit. Philos. IV, 12. p. 229. Diog. Laërt. VII, 50. ibique Menagius. Suidas voce  $\phi \alpha \nu \tau \alpha \sigma \iota \alpha$ .*

nibus, tamen intellectus, has affectiones percipiens non percipit res externas. Nam quod simile est alicui rei, diversum est ab illa re, cui simile est. Si igitur intellectus cognoscit ea, quae rebus externis sunt similia, non cognoscit res externas, sed ea quae ipsis sunt similia. Quemadmodum igitur is, qui ignorat Socratem, cum Socratis imaginem viderit, nesciet an similis isti, quam vidit, imagini sit Socrates: sic intellectus ad sensuum *πάθη* se convertens, cum res externas non viderit, nesciet, utrum illae *τοῖς πάθεσι* sint similia, nec ne (1).

Opponitur a Dogmaticis, quod saepius inculcare student (2), non separari oportere differentes illas animi partes, rationalem et irrationalem. Nam ut mel simul humidum est et dulce, sic animum duas habere sibi invicem adversantes (*ἀντιπαρικούσας*) facultates, alteram rationalem, irrationalem alteram. Quarum illa movetur ab intelligibilibus, haec sensibilia comprehendit. Unde ineptum esse, qui dicat, intellectum, sive universe animum, non posse comprehendere alteram harum rerum differentiam. Nam cum diversam habeat *διδασκιν*, etiam vim habeat necesse est utriusque comprehendendi. Haec ita solvuntur. Consistant hae duae facultates in eadem essentia; sibi invicem adversentur; totum pervadant animum; nihilominus diversi sunt generis, ita ut haec sit aliud, aliud illa. Et sic multa, quae in eadem materia sunt, diversam habent naturam. V. c. gravitas et color quamvis in eodem sint corpore, tamen quam maxime differunt. Sic igitur facultas illa rationalis, licet sit conjuncta cum altera irrationali, tamen potestate ab ea differt. Quo sequitur, eas similiter moveri et affici non posse; nam tum, utramque unam fieri oporteret; et rationalem quidem irrationalem, cum sine ratione afficeretur; irrationalem vero rationalem, cum ratione moveretur (3).

Alii autem illud, per utrosque, sensus et intellectum, verum judicari, ita interpretantur, intellectum sensibus uti tamquam foraminibus, per quae prospiciens ipsa per se res externas comprehendat. Quae ratio stare non potest.

Nam si intellectus eo modo res externas apprehendat, necesse est, ut eas, tamquam evidentes: (*ἐναργεῖς*) apprehendat: atqui nihil est evidens: non igitur fieri potest, ut verum quod in rebus externis est, apprehendat (4).

Assumptio, *nihil esse evidens*, ita probatur. Evidens, *τὸ ἐναργὲς*, intelligimus id, quod ex se ipso comprehenditur; neque ullo alio indiget, quo probetur: *τὸ ἐξ ἑαυτοῦ λαμβανόμενον καὶ μηδὲν χρῆζον εἰς παράστασιν*. Nihil autem ex se ipso comprehenditur, sed ex illo, quod efficit, *πάθει*. Differunt autem, ut vidimus (5), *πάθος* et id, a quo

(1) *Sext. Empir. adv. Math.* VII, 357, 358.

(2) *Sext. Empir. adv. Math.* VII, 307. supra p. 67.

(3) *Sext. Empir. adv. Math.* VII, 359—369.

(4) *Sext. Empir. adv. Math.* VII, 364, 365.

(5) *Sext. Empir. adv. Math.* VII, 357. cf. supra pag. 74.

quo efficitur (*φαντασθέν*). Si igitur, de quo omnes consentiunt, id, quod ex affo-  
percipi debet, obscurum est: omnia autem ex nostris *πάθεσι*, quae ab iis diversa sunt,  
percipiuntur: sequitur, omnes res externas esse obscuras, ideoque nobis ignotas (1).  
At, dicat aliquis, sunt illae quidem, quod ad hoc attinet, obscurae; sed compre-  
henduntur a nobis, propterea quod stabilis est ac certa, quae a *πάθεσι* fit, significa-  
tio. Respondemus, nullam esse necessitatem, quare *πάθη*, quae nobis accidunt,  
accidant etiam causis, quibus ipsa illa *πάθη* efficiuntur. Si mel gustantes dulcedine affi-  
mur, inde non sequitur, mel omnino esse dulce. Si flagellum in carnem injicitur,  
dolore afficimur; sed ineptus est, qui ideo dicit flagellum esse dolorosum. In reliquis  
sensibilibus eadem est ratio. Maneat igitur, nihil esse evidens, et propterea verum  
esse ignotum (2).

Denique ut de aliis, iisque gravissimis rebus, sic etiam de iis, quae sensibus appa-  
rent (*φαινόμενοις*) magna est inter philosophos *διαφωνία*. Nam alii res sensibus ap-  
parentes plane tollunt; alii omnes admittunt, alii nonnullas tollunt, nonnullas ad-  
mittunt. Ad hanc autem dijudicandam, sive intellectum quis, sive sensum, sive ut-  
rumque veri criterium existimet, oportet assumi aliquid, quod apparet, aut quod ob-  
scurum est. Sed id, quod apparet, minime assumi potest; nam cum sit ex eo genere  
rerum, de quo est controversia, et ipsum in controversiam cadit, ideoque non erit  
criterium. Multo minus assumi poterit id, quod obscurum est; nam nihil absurdius  
est, quam ut id, quod non cognoscitur, confirmare debeat id, quod cognosci videa-  
tur (3).

Sed concedamus esse criterium a quo et per quod; nihilominus rursus veram in-  
cognitum esse reperiemus, deficiente tertio criterio secundum quod.

#### *De criterio secundum quod.*

Criterium secundum quod intelligimus phantasiam. Contra quam primum ita di-  
cendum est, ut omnis omnino tollatur phantasia. Hacce enim sublata, tollantur quo-  
que ipsius species, necesse est. (4).

I. Phantasia igitur est neque *επινόητος*, neque *κατάληπτος*.

Cleanthes, ut vidimus, phantasiam definivit *τύπωσιν ἐν ψυχῇ*, eamque *τύπωσιν* fieri  
volebat *κατ' ἐξοχήν καὶ εἰσοχήν*. Contra hanc definitionem ea afferri possunt, quae  
attulit Chrysippus. Si animus, ut cera, impressiones accipit, semper ultima impressio  
prio-

(1) *Sext. Empir. adv. Math.* VII, 366.

(2) *Sext. Empir. adv. Math.* VII, 367, 368.

(3) *Sext. Empir. adv. Math.* VII, 369.

(4) *Sext. Empir. adv. Math.* VII, 370, 371.

priorem delebit. Quo facto, neque memoria, utpote quae secundum Stoicos est *θησαυρισμός φαντασιῶν*, neque ars quam *αὐστήμα καὶ ἄθροισμα καταλήψεων* iidem intelligunt (1), existere poterit (2). Deinde Stoici animum ejusque principatum definiebant *πνεῦμα, ἢ λεπτομερέστερον τῆς πνεύματος* (3). Quod si ita sit, fieri non potest, ut animus, sive illius principatus, ullam servet impressionem. Nam multa sunt corpora *πνεύματος* crassiora, e. g. aqua, quae typum servare nequeunt; ergo multo minus *πνεῦμα* (4).

Cleanthis igitur definitionem corrigere volens Chrysippus, phantasiā esse dixit, *ἐτεροίωσιν ἐν ψυχῇ*. Sed neque haec definitio admittenda est. Nam *ἐτεροιώσεων* duo sunt genera, κατὰ πάθος, alterum, v. c. cum statua, sole illucente, calescat, noctu autem, rore cadente, frigescat; alterum ὡς ἀλλαγὴ τοῦ ὑποκειμένου, v. c. cum statua fusa, fit globus aeneus. Si igitur illa Chrysippea animae *ἐτεροίωσις* fit κατὰ πάθος, sequitur, alteram phantasiā alteram pellere, ut nulla retineatur. Quod si ita sit, nulla esse poterit memoria. Sin autem illa *ἐτεροίωσις* intelligenda est ἀλλαγὴ ὑποκειμένου, necesse est, ut animus, qui phantasiā accipit, animus esse desinat; quemadmodum statua in globum aeneum mutata non amplius est statua (5). Neque hoc loco omit-tendae sunt Scepticorum de *mutatione* dabitaciones. Nam si quid mutatur aut, id, quod manet, τὸ μένον, aut id, quod non manet, τὸ μὴ μένον, mutatur. Sed quod manet, non mutatur; manet enim idem, quod est; v. c. quod album manet, non mutatur, nam manet album. Neque id, quod non manet, mutatur; interiit enim et est mutatum, non mutatur. Ergo nulla est mutatio (6). Quo sequitur, phantasiā, si animi quatenus est mutatio, existere non posse (7).

Sed licet demus esse *ἐτεροίωσιν*, tamen non damus phantasiā consistere, si quidem, ut alii volunt, est *ἐτεροίωσις τοῦ ἡγεμονικοῦ*. Saepius jam monuimus, magnam de hocce *ἡγεμονικῷ* esse *διαφωνίαν*, aliis illud plane tollentibus, ut Asclepiades, aliis de loco, in quo sit, dissidentibus (8). Concedamus autem, exstare ejusmodi *ἡγεμονικοῦ ἐτεροίωσιν*: tum quia illa mutatio non aliter infertur principatui, nisi per sensus, eandem subeat mutationem ac sensus, aut diversam. Si eandem, tum quoniam sensus rationis sunt expertes, id quoque, quod per sensus mutatur, ratione carebit,

ne-

(1) *Sext. Empir.* P. H. III, 188, 241 ibique *Fabricius* not. A; et §. 251. *adv. Math.* II, 10. VII, 109, XI, 182.

(1) *Sext. Empir. adv. Math.* VII, 372, 373. cf. 228.

(3) *Sext. Empir.* P. H. II, 81, 383. *Pseudo-Plutarch. de Placit. Philon.* IV, cap. 3. p. 284.

(4) *Sext. Empir.* P. H. II, 70. *adv. Math.* VII, 374, 375.

(5) *Sext. Empir.* P. H. II, 70. *adv. Math.* VII, 276, 277.

(6) Eodem argumento mutationem tollit *Sextus* P. H. III, 104. Cui alia addit l. l. 103, 105—108. cf. *adv. Math.* X, 37—166.

(7) *Sext. Empir. adv. Math.* VII, 378, 379.

(8) *Sext. Empir. adv. Math.* VII, 380.

neque a sensu diversum erit. Quo facto τὸ ἡγεμονικὸν erit ἄλογον. Sin diversam, tum quae in ἡγεμονικῷ orietur phantasia differet a φανταστῷ, quod eam effecit. Quo iterum nihil absurdius.

Nulla igitur phantasiae definitio stare potest: itaque hucusque nullam ejus habemus notionem; quo sequitur, eam etiam esse incomprehensibilem. Quod etiam alio argumento effici licet. Nam secundum Stoicorum definitiones phantasia est πάθος ἡγεμονικοῦ, illud vero ἡγεμονικὸν comprehendere nequit propter infinitam, quae de eo est, διαφωρίαν: ergo neque hujus πάθος, i. e. phantasia, comprehendere potest (1).

II°. Sed concedamus, phantasiam et intelligi posse, et comprehendere, nihilominus affirmare non licet, res secundum eam dijudicari et posse et debere.

Nam intellectus non per se rerum externarum phantasias accipit, sed per sensus: sensus autem, ut jam vidimus, non ipsas res externas comprehendunt, sed tantum sua ipsorum πάθη: phantasia igitur ad haecce πάθη pertinet, non ad ipsas res externas se applicat. Igitur qui secundum phantasiam judicat, is tantum de sensuum πάθεσι, non de rebus externis judicat (2). At, dicat aliquis, intellectus per sensuum πάθη res externas dijudicat, quoniam illa πάθη et res externae inter se conveniunt et similia. Sed unde tandem intellectus novit, ea similia esse? qui neque ipse per se umquam cum rebus externis aliquid habeat commercii, neque a sensibus de earum natura certior fiat. Quod abunde ex illis dubitandi modis apparet (3).

Deinde phantasia nihil aliud est, nisi effectum (ἀποτέλεσμα) ejus rei, quae sub phantasiam cadit, φανταστοῦ. Igitur intellectus ad phantasias se conferens comprehendet, non ipsas externas, quae sub phantasiam cadunt, sed ipsarum effecta (4).

Si quis dicat, intellectum se rebus externis applicare secundum motus aut affectiones, quas illae res efficiant, easdem, quas supra, movebimus dubitationes. Nam aut eadem sunt nostrae phantasiae ac res externae, aut similes. Et eadem quidem, ut sint, fieri non potest. Quis enim dicet, eadem esse causam et effectum. Phantasiae autem sunt rerum externarum effecta. Sin similes sunt, tum, quia id, quod alicui rei simile est, ab hac ipsa re differt, sequitur, intellectum tantum posse cognoscere ea, quae rebus externis, sub phantasiam cadentibus, similia sunt, non autem res externas sub phantasiam cadentes. Quomodo enim intellectus sciet, res illas sub phantasiam cadentes, similes esse phantasiis? Nam aut sine phantasia aut per phantasiam hoc cognoscet. Et sine phantasia illud cognoscere non potest. Nam, ut ipsi volunt Dogmatici, ita natura comparatum est ut intellectus nihil percipiat, nisi φαντασιούμενος, h. e. nisi acceptis phantasiis. Sin autem hoc facit per phantasiam, omnino haecce phantasia, ut cognoscatur, an similis sit

(1) *Sext. Empir. P. H. II, 71.*

(3) *Sext. Empir. P. H. 74, 75.*

(2) *Sext. Empir. P. H. II, 72, 73.*

(4) *Sext. Empir. adv. Math. VII, 383.*

sit ei, quod sub phantasiam cadit illamque efficit, debet et se ipsa percipere et subiectum illud, quod sub phantasiam cadit. Hocce autem sub phantasiam cadens subiectum fortasse poterit percipere, cum sit illius phantasia; se ipsa numquam poterit. Nam ut hoc fiat, necesse erit unum idemque simul esse et phantasia et id quod sub phantasiam cadit. Quod fieri nequit. Nam phantasia est, effectum; id quod sub phantasiam cadit, est causa, quae efficit. Numquam autem effectum et causa idem esse possunt (1).

Sed omnia, quae hactenus in dubiam vocata sunt, Dogmaticis concedamus, et alio eos modo refutemus. Si phantasia tamquam veri falsique regula amplectenda est, aut omnem veram esse dicere debemus, ut fecit Protagoras: aut omnem falsam, quae erat Xeniadis aliorumque sententia: aut aliam veram, aliam falsam, ut Stoici. Atqui nihil horum dici potest. Ergo non est dicendum, phantasiam esse veri criterium (2). Assumptio ita probatur:

A. Non dicendum est, omnem phantasiam esse veram.

Hoc primum efficimus διὰ περιτροπὴν, quae dicitur. Nam si omnis phantasia vera est, tum etiam ea phantasia vera est, secundum quam dicitur, omnem phantasiam esse falsam (3). Deinde omnem phantasiam esse veram, id, et iis, quae sensibus apparent (τοῖς φαινομένοις), et evidentiae adversatur, cum multae sint falsae phantasiae. Etenim hoc, *Socrates vivit*, et illo, *Socrates mortuus est*, non similiter movemur, neque habent ista parem evidentiam; sed videtur probabilius illud, *Socratem esse mortuum* (4). Tum, eadem oratio, quae ex quibusdam rebus consequitur, vel cum iis pugnat, et vera est et falsa. V. c. ei, *quod dies est*, aperte consequitur, *quod sit lux*; cum eodem autem, *quod dies est*, evidenter pugnat, *quod sit nox*, et alterum altero plane tollitur. Ex quo sequitur, esse phantasiam, quae cum altera pugnet. Quodsi ita sit, non omnis phantasia vera esse poterit. Quod enim pugnat cum aliquo, pugnat, tamquam verum cum falso, aut tamquam falsum cum vero (5). Porro si omnis phantasia est vera, nihil erit nobis incertum (ἄδελον). Nam aliquid tum incertum est, cum et verum et falsum esse potest, et cum simul ignoratur, quid horum sit. Igitur si omnes phantasiae verae sunt, nihil erit nobis incertum; si nihil incertum, omnia erunt evidentia; quo facto, tollitur omnis quaecunque de re dubitatio, tollitur omnis disquisitio. Quo nihil esse potest absurdius (6). Praeterea si omnis phantasia est vera, fieri nequit, ut vera dicamus, neque ut falsa. Atque sic tollitur omnis error,

(1) *Sext. Empir. adv. Math.* VII, 224—227.

(2) *Sext. Empir. adv. Math.* VII, 228. Idem argumentum, sed brevius explicuit P. H. II, 76, 79. Attingit etiam P. H. III, 241. *adv. Math.* XI, 122.

(3) *Sext. Empir. adv. Math.* VII, 229.

(4) *Sext. Empir. adv. Math.* VII, 230—232.

(5) *Sext. Empir. adv. Math.* VII, 232.

(6) *Sext. Empir. adv. Math.* VII, 234.



ror, omnis ars, omnis virtus, et quae sunt hujus generis plura. Etenim si omnis phantasia vera est, nihil erit falsum; si nihil est falsum, fieri non potest, ut falsa dicamus, neque ut erremus, neque ut artis expertes, neque ut mali simus. Unumquodque enim ex iis adhaeret falso, et ex eo ad existentiam venit. Si nemo falsa dicit, nemo vera dicet; si nemo errat, nemo non errabit; si nemo artis expertus est, nemo erit artifex; haecce enim omnia intelliguntur ex comparatione (1). Denique si omnis phantasia est vera, nec animal, nec planta, imo nec mundus ponatur. Nam si omnia sunt vera, necesse est, ut omnia sint evidenter. Quod si ita sit, etiam illud verum erit, *omnia esse obscura*, utpote unum ex omnibus. Si igitur omnia sunt obscura, et animal et plantam et mundum nobis apparere negabimus (2).

B. Non dicendum est, omnes phantasias esse falsas.

Contra eos, qui omnes phantasias falsas esse statuebant, eadem dicuntur ac contra eos, qui omnes veras esse volebant. Nam primum, si omnes phantasiae sunt falsae, nihil erit verum: falsa igitur et ea phantasia est, secundum quam omnes phantasiae falsae esse dicuntur (3). Praeterea animadvertenda est phantasiarum evidens fere discrepantia; cum aliae assensionem nostram attrahant, aliae repellant. Quod ni ita esset, omnia aequae essent credibilia, et incredibilia; neque ars esset, neque artis imperitia; neque laus, neque reprehensio caetera (4).

C. Non dicendum est, aliam phantasiam esse veram, aliam falsam.

Hoc loco primum disputandum est contra Stoicorum *φαντασίαν καταληπτικήν*; cuius definitionem perspicuitatis causa repetamus. Est igitur *ἡ καταληπτικὴ φαντασία ἡ ἀπὸ τοῦ ὑπάρχοντος, καὶ κατ' αὐτὸ τὸ ὑπάρχον ἐναπομεμαγμένη καὶ ἐναποσφραγισμένη, ὅποια οὐκ ἂν γένοιτο ἀπὸ μὴ ὑπάρχοντος*. Hanc ut everterent inprimis studuerunt Academici, quorum argumenta eo fere spectabant, ut ostenderent, illam comprehendentem phantasiam nihil habere, quo a non comprehendente distinguatur. Cicero: *quatuor sunt capita, quae concludant nihil esse, quod nosci, percipi, comprehendere possit: de quo haec tota quaestio est. E quibus primum est, esse aliquod visum falsum: secundum, non posse id percipi: tertium, inter quae visa nihil intersit, fieri non posse, ut eorum alia percipi possint, alia non possint: quartum, nullum esse visum verum, a sensu profectum, cui non apparet sit visum aliud, quod ab eo nihil intersit, quodque percipi non possit*. Horum capitum primum, secundum et tertium Stoici concedunt, omnis pugna de quarto est (5).

Carneades restitit Stoicis affirmantibus, comprehendentem phantasiam facile inter-

no-

(1) *Sext. Empir. adv. Math.* VII, 395, 396.

(2) *Sext. Empir. adv. Math.* VII, 397.

(3) *Sext. Empir. adv. Math.* VII, 398, 399.

(4) *Sext. Empir. adv. Math.* VII, 400.

(5) *Cic. Acad. Quaest.* II, 26. cf. c. 9, 11, 13, 20, 22, 24, 32, 34. *de Nat. Deor.* I, 5.

ἵνα ὀσκι ποσσε κατὰ τὸ ἐναργὲς καὶ ἔντονον ἰδίωμα, i. e., secundum evidentem et intensam proprietatem. Itaque improbavit illam Stoicae definitionis partem: ὅποια οὐκ ἂν γένοιτο ἀπὸ μὴ ὑπάρχοντος. Nam, inquit, oriuntur etiam ab eo, quod non existit, phantasiae, tamquam ab eo, quod existit. Tales phantasiae eandem habent evidentiam et aequae nos commovent. Quod intelligitur ex iisdem πράξεσι, conditionibus et actionibus, quae ex iis sequuntur. V. c. is, qui vigilans sitit et bibit, voluptate afficitur; atqui is, qui in somnio sitire et bibere sibi videtur, haud minus delectatur. Sic etiam is, qui feram fugit, clamat et vociferatur; at, qui in somnis feram sibi fugere videtur, saepe haud minus clamores edit. Non igitur phantasia, quae oritur ab eo, quod existit, distinguere potest ab ea, quae oritur ab eo, quod non existit (1). Haec Carneades. Eodem argumento etiam Philonem usum fuisse, auctor est Cicero (2).

Deinde alii Academicorum ostenderunt, non modo secundum τὸ ἐναργὲς καὶ ἔντονον ἰδίωμα non distinguere posse comprehendentes phantasiae a non comprehendentibus, sed neque etiam secundum χαρακτῆρα καὶ τύπον. Haec reprehensio pertinet ad illud, quod est in definitione: ἐναπομεμαγμένη καὶ ἐναπεσφραγισμένη. Nam quae forma similia, sed in subjecto diversa sunt, ab his eodem modo exprimuntur et effiguntur phantasiae, ita ut internosci non possit, quae sit comprehendens, quae non comprehendens. V. c. duo ova quam maxime inter se similia alternatim demus sapienti Stoico discernenda. An hoc facere poterit? Minime. Eadem ratio est in geminis. Sic sapiens falsam phantasiam arripit, tamquam ab eo, quod existit, expressam effectamque, cum a Castore eandem accipit phantasiam, atque a Polluce. Hinc etiam est ille ἐγκεκαλυμμένος, qui dicitur, λόγος. Nam si draco ex antro prospexerit, non poterimus dicere, utrum idem sit draco, qui prius prospexerat, an alius; cum in eodem antro multi convoluti sint dracones (3). Igitur comprehendens phantasia nihil habet; quo a falsa et non comprehendente distinguatur.

Praeterea nihil est, quod comprehendendi vim habeat; ergo neque phantasia. Hoc ita efficere conati sunt Academici: si quid aliud, certe visus comprehendendi vim habere videtur: atqui visus nullam comprehendendi vim habet: ergo nihil comprehendendi vim habet. Assumptio ita probatur:

Visus percipere videtur colores, magnitudinem, habitum et motum: atqui nihil horum percipit: ergo nihil percipit.

Videamus tantum de coloribus. Si visus ullum colorem comprehendit, certe hominis colorem comprehendit: atqui non comprehendit hominis colorem: ergo nullum comprehendit colorem.

Vi-

(1) *Sext. Empir. adv. Math.* VII, 164, 402 — 407.

(2) *Cic. Acad. Quaest.* II, 6.

(3) *Sext. Empir. adv. Math.* VII, 308 — 411. *Cic. Acad. Quaest.* II, 17, 18, 21, alibi. De ἐγκεκαλυμμένῳ λόγῳ videantur, quos laudavimus pag. 24.

Visum hominis colorem non comprehendere posse, intelligetur, si ad varias infinitasque mutationes attenderimus, quas hominis color secundum *δρας, ἐνέργειαν, φύσεις, ηλικίας, περιστάσεις, νόσους, ὕλειαν, ὕπνον, ἐγρήγορσιν*, caet. subire solet. Quae autem sic mutantur, mutari quidem scimus, qualia revera sint, ignoramus. Si autem visus hominis colorem percipere non potest, nec alium quemvis colorem percipiet. Eadem est ratio de reliquis, quae visu comprehendenda videri diximus (1).

Deinde Academici ut phantasiam a phantasia internosci non posse ostenderent, utebantur *sortite*. Cujus finem optime sic descripsit Cicero: *rerum natura nulla nobis dedit cognitionem finium, ut nulla in re statuere possimus, quatenus: nec hoc in acervo tritici solum, unde nomen est, sed ulla omnino in re, minutatim interrogati; dives, pauper: clarus, obscurus sit: multa, paucata: magna, parva: longia, brevia: lata, angusta: quanto aut addito aut dempto certum quod respondeamus non habemus* (2). Illius autem soritis, quo Academici Stoicos premebant, exemplum hoc est: *Si tale visum objectum est a Deo-dormienti, ut probabile sit, cur etiam non ut valde verosimile? cur deinde non ut difficiliter a vero internoscatur? deinde ut ne internoscatur quidem? prostremo, ut nihil inter hoc et illud intersit* (3)? Stoici, quo hoc solverent, non inveniabant, et captiosum esse illud interrogandi genus dicebant. Praeterea volebant, in *sortite* primam concessam propositionem esse *φαντασίαν καταληπτικὴν* reliquae sunt *φαντασίαι ἀκατάληπτοι*. Cum igitur prima *ἀκατάληπτος φαντασία* nullo fere intervallo ab illa *καταληπτικῇ* distincta sit, ita facile fieri posset, ut sapiens, vicinitate deceptus, imprudens ejusmodi *ἀκατάληπτος φαντασία* assensum praeberet. Hanc reprehensionem ita effugere conatus est Chrysippus: *ἐπὶ τοῦ σωρείτου τῆς ἐσχάτης καταληπτικῆς φαντασίας τῇ πρώτῃ ἀκατάληπτῃ παρακειμένης καὶ δυσορίστου σχεδὸν ὑπαρχούσης, φασὶν οἱ περὶ Χρύσιππον, ὅτι ἐφ' ὧν μὲν φαντασιῶν ὀλίγη τις οὕτως ἐστὶ διαφορὰ, στήσεται δὲ σοφὸς καὶ ἡσυχάζσει, ἐφ' ὧν δὲ πλείω προσπίπτει, ἐπὶ τούτων συγκαταθήσεται τῇ ἐτέρᾳ ὡς ἀληθεῖ* (4). Carneades eum irrisione urgebat: *per me vel stertat licet, non modo quiescat, sed quid proficit? Sequitur enim qui illum ex somno excitet, et eodem modo interroget: Quo in numero conticuisti, si ad eum numerum unum addidero, multane erunt? Progrediere rursus, quoad videbitur. Quid plura? Hoc enim fateris, neque ultimum te paucorum neque primum multorum respondere posse. Cujus generis error, ita manet, ut non videam, quo non possit accedere* (5). Alio modo Pyrrhonii Chry-

(1) *Sext. Empir. adv. Math.* VII, 411—415. Huc pertinent illae quaestiones de *remo inflexo*, et *colle columbae*, et quae praeterea sunt in Scepticorum dubitandi modis. Conferri quoque debet *Cic. Acad. Quaest.* II, 25, 26.

(2) *Cic. Acad. Quaest.* II, 19.

(3) *Idem ibid.* cap. 16.

(4) *Sext. Empir. adv. Math.* VII, 41. *P. H.* II, 253. *Cic. Acad.* I. I. cap. 19.

(5) *Cic. Acad. Quaest.* II, 29.

Chrysippum refutare studebant. Nam hic in sorite semper primam propositionem concedebat, in reliquis tantum quiescebat. Igitur illi ostendebant, nihil istam quietem illum juvare, quia quae ἀκατάληπτος φαντασία longissime a καταληπτικῇ distare videtur, revera cum ea conjuncta est; ut nihilominus metuendum sit, ne sapiens vicinitate decipiatur, et imprudens φαντασία ἀκατάληπτον assentiatur (1). Rem sequenti exemplo declarat Sextus. Ponatur comprehendens phantasia: *quingenta sunt pauca*; et altera non comprehendens, *decem millia sunt pauca*. Quoniam autem a non comprehendente, *decem millia sunt pauca*, longe distare et separata esse videtur altera comprehendens, *quingenta sunt pauca*; non dubitabit sapiens propter illud tam magnum intervallum, quin huic quidem, *quingenta sunt pauca*, quippe comprehendenti phantasiae, assentiatur; illi autem, *decem millia sunt pauca*, utpote non comprehendenti, assensionem negabit. Atqui si huic, *decem millia pauca sunt*, non assentiatur, quia magno intervallo sejuncta est ab illa, *quingenta sunt pauca*; manifestum est, eum etiam assensum praebiturum esse isti, *quingenta et unum sunt pauca*, quia haec nullo intervallo ab illa comprehendente, *quingenta sunt pauca*, distat. Atqui, ut vidimus, in sorite ea, quae prima sequitur illam ultimam καταληπτικὴν φαντασίαν, est ἀκατάληπτος. Igitur in nostro exemplo, *quingenta et unum pauca sunt*, erit prima illa ἀκατάληπτος φαντασία. Huic, ut vidimus, assentiatur sapiens. Si huic assentiatur nullo intervallo ab ea, *quingenta pauca sunt*, distinctae; quidni et alteri ἀκατάληπτον, *decem millia pauca sunt*, assentiatur? Nam quaevis phantasia non comprehendens cuius non comprehendenti par est. Itaque si illa non comprehendens, *decem millia pauca sunt*, par est alteri non comprehendenti, *quingenta et unum pauca sunt*; haec autem nullo intervallo distat ab ea comprehendente, *quingenta sunt pauca*; sequitur, etiam illam non comprehendentem, *decem millia sunt pauca*, facile confundi posse cum illa comprehendenti, *quingenta sunt pauca* (2). Neque negare possunt, incomprehendentes phantasias esse pares, et dicere, aliam magis, aliam minus esse incomprehendentem. Nam, ut homo ab homine, quatenus homo est, non differt, sic neque phantasia non comprehendens a non comprehendente diversam esse potest. Quod ipsi Stoici senserunt, ut apparet ex illo ipsorum paradoxo: ὅτι ἴσα τὰ ἀμαρτήματα (3). Sed, sit alia phantasia magis incomprehendens, alia minus; nihil proficiunt. Assentiatur sapiens licet minus comprehendenti, at semper non comprehendenti assentiatur. Quod absurdum; nam ne minimus quidem error in eum cadere potest (4).

Vi-

(1) Sext. Empir. adv. Math. VII, 417. cf. Staudlin, l. l. p. 338. not. 270.

(4) Sext. Empir. adv. Math. VII, 418 — 421.

(3) De hoc paradoxo cf. Cic. Parad. III. Acad. Quaest. II, 43. De fin. IV, 27.

(4) Sext. Empir. adv. Math. VII, 422, 423. cf. ejusdem libri 432. P. H. II, 83.

Videndum quoque est de eo, quod recentioribus Stoicis placuit non omnem καταληπτικὴν φαντασίαν esse veri criterium, sed eam, quae nihil habeat obstaculi, ἡ μὴδὲν ἔχουσα ἔνσθημα. Ut igitur phantasia ejusmodi sit, quinque ei adesse debent, quorum si vel unum absit, veri criterium esse nequit. Sunt autem haec: τὸ τε αἰσθητήριον καὶ τὸ αἰσθητὸν, καὶ ὁ τόπος, καὶ τὸ πῶς, καὶ ἡ διάνοια (1). Atqui nullum horum comprehendenti phantasiae adesse potest. Nam, ut supra vidimus (2), et propter αἰσθητήριων diversitatem, et propter externam conditionem aliaque, numquam aut eadem, aut eodem modo res sese nobis representant. Igitur dici quidem potest, aliquid huic vel illi sensui in hac vel illa περιστάσει apparere, sed numquam affirmare possumus, id revera tale esse, quale appareat. Quamobrem nulla est phantasia, cui nihil obstat (3).

Quae hactenus commemoravimus argumenta sunt magnam partem Academicorum. Superest, ut quaedam Pyrrhoniis propria exponamus.

Cum Stoici, ut vidimus, τὴν καταληπτικὴν φαντασίαν sic definiant, ut sit ἡ ἀπὸ τοῦ ὑπάρχοντος, καὶ κατ' αὐτὸ τὸ ὑπάρχον ἐναπομεμαγμένη καὶ ἐναπεσφραγισμένη, ὅποια οὐκ ἂν γένοιτο ἀπὸ μὴ ὑπάρχοντος; rogandi sunt, quid sit illud ὑπάρχον. Respondent id, quod τὴν καταληπτικὴν φαντασίαν movet. Ut igitur egnoscamus, quid sit κατάληπτικὴ φαντασία, debemus cognitum habere τὸ ὑπάρχον; et rursus ut τὸ ὑπάρχον egnoscamus, opus est καταληπτικῇ φαντασίᾳ. Quis non videt, eos in quintum illum dubitandi modum, τὸν διάλληλον, incurrere (4)?

Deinde cum phantasiarum aliae sunt comprehendentes, aliae non comprehendentes; aliud criterium habere oportet, quo doceamur, quatenam sint comprehendentes, quatenam non comprehendentes. Illud autem criterium rursus erit vel phantasia comprehendens, vel non comprehendens. Si non comprehendens, sequitur omnium omnino rerum criterium esse non comprehendentem phantasiā; quandoquidem haec etiam illam comprehendentem dijudicat. Sin illud criterium erit comprehendens phantasia, tum haec ipsa examinanda est, an comprehendendi vim habeat. Quod fieri non poterit, nisi per aliam comprehendentem phantasiā, quae rursus alia indigebit, et sic εἰς ἄπειρον. Qui est secundus dubitandi modus (5). At dicat aliquis, comprehendens phantasia criterium est, et illius quod sub phantasiā cadit (τοῦ φανταστοῦ), an vere subjectum sit, et sui ipsius, an comprehendendi vim habeat. Hoc perinde est, ac si invertas et dicas, id, quod sub phantasiā cadit, et se ipsum et phantasiā probare. Nam quemadmodum, quia ea, quae apparent, dissentiant, cri-

te-

(1) *Sext. Empir. adv. Math.* VII, 424. Cf. ejusdem libri 452, 457.

(2) *Sext. Empir. adv. Math.* VII, 414. et in dubiandi modis.

(3) *Sext. Empir. adv. Math.* VII, 425.

(4) *Sext. Empir. adv. Math.* VII, pag. 426.

(5) *Sext. Empir. adv. Math.* VII, 427—429.

tertium quaerimus, quo dijudicemus, quid revera existet, quid non existet; sic etiam, cum phantasiae differant, quaerimus criterium, quo illas judicemus, utrum comprehendendi vim habeant, nec ne. Quamobrem si phantasia eam habeat vim, ut se ipsa dijudicet, quidni et id, quod sub phantasiam cadit, se ipsum fide dignum facere poterit, licet in maxima sit *διαφωνία*? Sed si volunt, hoc quatenus est *διάφωνον*, indigere criterio, tum etiam phantasia indigebit criterio, ut palam fiat, an revera comprehendendi vim habeat (1).

Denique solus perfectus sapiens, secundum Stoicorum doctrinam, verum cernere potest: talis autem sapiens, ut ipsi fatentur, numquam invenitur: quo sequitur, verum etiam numquam inventum iri. Praeterea, si numquam sapiens invenitur, omnes sunt stulti. Igitur etiam Zeno, Cleanthes, Chrysippus, alii sunt stulti. Cui consentaneum, nec hos verum invenire potuisse, quin etiam illud ipsum, *ὅτι ὁ Φαῦλος πάντ' ἄγνοεῖ* (2), ignorasse (3).

Academicī, ut vidimus, *τὴν πιθανὴν φαντασίαν* admittebant, tum ut vitae instituentdae regulam, tam quodammodo etiam ut veri falsique notam. Utroque nomine ab iis Pyrrhonī differebant, qui de veri criterio nihil omnino statuere se dicebant, et ad vitam regendam, non aliquam probabilem phantasiam, sed *τὸ φαινόμενον* assumebant. Itaque breviter etiam videamus argumenta, quibus Academicos refutabant.

Primum *τὴν πιθανὴν φαντασίαν*, vitae regendae esse regulam, absurdum est; nullus enim ejusmodi phantasiarum ad vitam recte agendam usus est. Nam singulae observatione diuturna indigent, secundum quam alia simpliciter *πιθανή*, alia etiam *διεξωδευμένη* et *ἀπερίσπαστος* dicatur. Deinde *ἡ πιθανὴ φαντασία* non esse potest veri criterium. Nam ad verum dijudicandum, non simplex probabilis phantasia sufficit; multo magis oportet eam esse *διεξωδευμένην*; ne, cum singulae res *κατὰ τὸ πᾶν αὐτῆς* considerantur, in suspicionem veniamus, aliquid eorum, quae rite examinari debuerant, a nobis omissum esse. Nam tum demum, cum probabilis phantasia rite examinata, *διεξωδευμένη*, eoque *ἀπερίσπαστος* facta est, verum per eam cognosci potest (4). Praeterea quae argumenta ab Academicis contra Stoicos sunt allata, ea in eos ipsos convertere licet. Ut enim *ἡ καταληπτικὴ φαντασία* criterium esse non potest, propterea quod sunt multae falsae phantasiae, quae ab ipsa internosci nequeunt; sic etiam probabili phantasiae, licet eam per partes examinemus, multa falsa adjacent, quibus decipi possumus (5).

Quem-

(1) *Sext. Empir. adv. Math.* VII, 430—432.

(2) De hoc placito cf. *Cic. Parad.* IV.

(3) *Sext. Empir. adv. Math.* VII, 432—435.

(4) *Sext. Empir. adv. Math.* VII, 435—437.

(5) *Sext. Empir. adv. Math.* 438.

Quemadmodum Pyrrhonii Academicorum probabilem phantasiam evertere conabantur, sic contra Academici et alii philosophi Pyrrhoniogrū *Φαινόμενον* rejiciebant. Unum, quo hoc faciebant, argumentum una cum Pyrrhoniogrū defensione servatum est apud Diogenem Laërtium, quod non alienum erit hoc loco adscripsisse: πρὸς τοῦτο τὸ κριτήριον τῶν Φαινόμενων οἱ Δογματικοὶ Φασιν, ὅτι, ὅτε ἀπὸ τῶν αὐτῶν διαφορὰι προσπίπτουσι Φαντασίαι ὡς ἀπὸ πύργου ἢ στρογγύλου ἢ τετραγώνου, ὁ Σκεπτικὸς, εἰ οὐδετέραν προκρινεῖ, ἀπρακτῆσει· εἰ δὲ τῇ ἑτέρᾳ κατακολουθήσει, οὐκέτι τὸ ἰσοσθενὲς, Φασιν, τοῖς Φαινόμενοις ἀποδώσει. Πρὸς οὗς οἱ Σκεπτικοὶ Φασιν, ὅτι, ὅτε προσπίπτουσιν ἀλλοῖαι Φαντασίαι, ἐκατέρας ἐροῦμεν Φαίνεσθαι, καὶ διὰ τοῦτο τὰ Φαινόμενα τίθεναι, ὅτι φαίνεται (1).

Cum igitur sit nullum *criterium* a quo, neque *per quod*, neque *secundum quod*, sequitur, nullum esse criterium.

Sed nondum in his aequiescebant Dogmatici, sed Scepticorum argumenta contra eos ipsos convertere studebant. Quomodo, inquit, Scepticus demonstrat, non esse veri criterium? Nam hoc dicit, aut sine judicio aut criterio usus. Et vero si sine judicio, fide dignus non erit; sin criterio utetur, *περιτραπήσεται*. Nam cum negat criterium dari, fatetur, se ad hoc probandum criterio uti (2). Deinde est haec Scepticis frequens, ut vidimus, argumentandi ratio, ut primum dicant, si aliquid est criterium, aut dijudicatum est, aut non dijudicatum; deinde aut *ἐκπτώσιν εἰς ἄπειρον*, aut absurde criterium statui, colligant. Hanc igitur rationem ita sibi evertere visi sunt Dogmatici, ut dicerent, fieri posse, ut aliquod criterium et aliud quid et se ipsum dijudicet. Sic v. c. id quod rectum est et se ipsum rectum esse probat et alia: sic lux et se ipsa manifestat et alia. Igitur criterium et aliorum et sui ipsius *criterium* esse potest (3).

Istis ita occurri potest, morem esse Scepticorum ea, quae communiter creduntur, non defendere, sed in talibus eos contentos esse communi anticipatione, tamquam sufficienti probatione. Contra ea, quae incredibilia videntur, defendunt, et singulis eorum addere ejusmodi conantur momenta, quibus eandem fidem acquirunt atque ea, quae creduntur; sic etiam in praesenti quaestione non id agunt, ut expositis argumentis criterium tollant, sed ut ostendant, aequè probabile esse hoc, *non esse criterium*, atque illud, *esse criterium* (4). Deinde si omne veri criterium tollere videantur Sceptici, verum est, eos ad hoc probandum non quavis obvia phantasia, tamquam criterio uti posse. Sed hoc non faciunt. Utuntur quavis obvia phantasia tantum eatenus, quatenus per eam rationes colligunt probabiles, quibus efficiatur, nullum esse veri criterium. Neque hoc cum assensione faciunt, sed ut *ἰσοσθένειαν* inducant. Nam illae rationes, quibus aliquid veri criterium ponitur, aequè iis videntur probabiles (5). Quod autem tertio loco di-

ce-

(1) *Diog. Laërt. IX, 107.*(3) *Sext. Empir. adv. Math. VII, 441, 442.*(5) *Sext. Empir. adv. Math. VII, 444.*(2) *Sext. Empir. adv. Math. VII, 440.*(4) *Sext. Empir. adv. Math. VII, 443.*

cebant, criterium ita comparatum esse, ut et alia, et se ipsum dijudicare posset, quemadmodum regula et trutina, id puerile est. Nam singula, quae sunt ejusmodi habent aliquod, quo et ipsi judicantur, prioris ordinis (*ὑπεραναβεβηκός*) criterium, v. c. sensum se intellectum. Illud autem, de quo hoc loco nobis quaestio est criterium, a nullo alio superatur (1).

## P A R S   T E R T I A.

QUOMODO SCEPTICA PHILOSOPHANDI RATIO, OBSERVATA HOMINIS INDOLE,  
NATURA, ATQUE INGENII PROGRESSIONE, EXPLICANDA ET COERCENDA  
VIDETUR?

Quod saepius de universo historiae studio dictum est, inane illud esse et jejunum, nisi adsit causarum indagatio, idem si de historia philosophiae affirmavero, qui temeritatis me accuset, arbitror fore neminem. Mitto animadversionis suavitatem, quam habet illa indagatio: mitto quae sunt hujus generis plura: ad unum provoco historiae philosophiae officium ac munus praecipuum, nempe ut sit historia ingenii humani. Quod quomodo, quaeso, sine causarum indagatione sibi constare poterit? Hanc qui negligit, philosophorum sententias, ut avarus opes, colligit, et multo labore *πῆμα* sibi, non *χρῆμα* conficit. Plura si addam vereor ne ineptus sim. Adeo res clara est, atque omni caret dubitatione.

Gratiae igitur vobis, Viri clarissimi, habendae sunt, quod unam quaestionis, quam proposuistis partem, ejusmodi indagationi destinavistis. Quo magis operam dabo, ut illi quam potero diligentissime satisfaciam. Sed antequam ad propositum venio, accurate definiendum videtur, quid requiratis.

Et primum quidem antiqui Scepticismi (nam de eo omnis est disputatio) rationem exponemus, h. e., ea, quae ipsi propria fuerint, quibusque a recentiori Scepticismo distinguatur, colligemus. Tum antiqua illa Sceptica philosophandi ratio *explicanda est*, h. e., causae, quae apud antiquos hanc, neque aliam, Scepticismi rationem effecerunt, indagandae et exponendae sunt. Denique, quod tertio lo-

60

(1) *Sext. Empir. adv. Math.* VII, 445.



co quaeritis, ut illa *Sceptica philosophandi ratio coërceatur*, id, opinor, eam habet vim, ut causae ostendantur, quibus factum sit, ut antiqua illa Scepticismi ratio exstingeretur.

Haecce igitur disputationis nostrae pars commode dividi posse videtur in quatuor capita. Primum illam antiquae Scepticae rationis descriptionem habebit. In secundo universe de causis agemus, quae variam Scepticismi rationem efficiunt vel tollunt. Tertio capite causas enumerabimus, quae, ut nobis videtur, antiquam illam Scepticam rationem constituerunt. Quarto denique causae continebuntur, quibus illa ratio sublata est.

## CAPUT PRIMUM.

### DE ANTIQUA SCEPTICISMI RATIONE.

Non supervacaneum videtur hoc loco brevem praemittere disputationem de variis Scepticismi generibus et formis. Etenim nulla philosophorum disciplina, tot tantisque subiit mutationes. Hinc magna illa definitionum sylva et varietas, quibus varii philosophi Scepticismi notionem circumscribere conati sunt: quae omnes fere non universum Scepticismum, sed aliquam ipsius formam constituunt. Has omnes recensere, et quorsum pertineant ostendere, et longum est, et a nostri instituti ratione alienum. Sufficiat modum referre, quo Stäudlinus, vir egregius, omnes illas definitiones inter se conciliari posse ostendit; quo simul varia Scepticismi genera exponantur.

Scepticismus igitur bifariam intelligi potest, aut *subjective*, aut *objective*. Si *subjective* Scepticismum consideraverimus, duplicem habebit formam: erit enim aut *mentis affectio*, aut *facultas quaedam sive methodus*. *Objective* Scepticismus nihil aliud est, nisi *completus enantiatorum sive systema* (1). De singulis videamus.

Si Scepticismum *mentis affectionem* intellexerimus, erit ille animi status, secundum quem nihil vel negamus vel affirmamus, sed de omnibus omnino dubitamus, etiam de hoc ipso, de omnibus dubitandum esse. Tale quid in nullum hominem cadere potest. Ea enim conditione sati atque in lucem editi sumus, ut semper aliqua de re  
sia-

(1) Stäudlin, *Gesch. u. Geist. des Scepticismus*, pag. 4.

statuere debeamus (1). Quod ipsi veteres jam animadverterunt, ideoque saepius Scepticis objecerunt. Aristocles: *ὅτι οὐχ οἶόν τε τὸν ἄνθρωπον ἀδόξαστον εἶναι καὶ ὧδὶ καταμάθοι τις ἔν.* Ἀδύνατον γὰρ τὸν αἰσθανόμενον μὴ αἰσθάνεσθαι. Τὸ δὲ αἰσθάνεσθαι γνωρίζειν τὸ ἦν caet. (2). Igitur ejusmodi animi status est perfecti absolutique Scepticismi exemplar, ad quod ut quis proxime accedit, ita perfectissimus Scepticus censendus est. Hoc igitur nobis esse debet tamquam obrussa, secundum quam varios Scepticismi gradus constituamus (3).

Deinde si Scepticismum artem esse volumus, erit facultas omnia defendendi et refutandi, eoque modo *ισοσθένειαν* rationum inducendi. Ejusmodi facultatem revera assequitur mens humana. Etenim nisi in omnibus paria momenta invenire, at certe contra omnia quaedam argumenta producere possumus (4).

Denique si objectivam notionem Scepticismi tribuimus, erit systema. Sunt autem, qui negent Scepticismi systema existere posse. Recte illi et vere, si perfecti Scepticismi notionem premendam esse existimamus; sin vero animadvertimus, Scepticismum non sui esse juris sed ex Dogmatismo et existentiam et vires ducere: Dogmatismus autem totus in systematibus sedem habet: tum eam Sceptici systematis nobis informamus notionem, secundum quam sit dispositio argumentorum, quae ad *ισοσθένειαν* ducunt, accommodata ad Dogmaticorum systemata (5).

Sequitur jam, ut videamus, qualis antiqui Scepticismi fuerit forma. Et neminem quidem latere potest, veterum, cum Pyrrhonorum, tum Academicorum Scepticismum artem fuisse sive facultatem (6). Operae pretium videtur eorum definitiones rursus hic adscribere. Acneoidemus apud Diogenem Laërtium: *ἔστιν οὖν ὁ Πυρρῶνιος λόγος μὴνυσις τῶν φαινομένων ἢ ὁπωσοῦν νοουμένων· καθ' ἣν πάντα πᾶσι συμβάλλεται καὶ συγκρινόμενα πολλὴν ἀνωφέλειαν καὶ παραχρῆν ἔχοντα εὕρισκεται* (7). Sextus Empiricus: *ἔστι ἡ Σκεπτικὴ, δύναμις ἀντιθετικὴ φαινομένων τε καὶ νοουμένων. ἀφ' ἧς ἐρχόμεθα, διὰ τὴν ἐν τοῖς ἀντικειμένοις πράγμασι καὶ λόγοις ἰσοσθένειαν, τὸ μὲν πρῶτον εἰς ἐποχὴν, εἴτα εἰς ἀταραξίαν* (8). Academicorum eadem erat ratio. Et hi illam facultatem omnia defendendi et refutandi sequebantur. Omitto celebrem illam Carneadeam de justitia in utramque partem disputationem, aliaque hujus generis plura; e Ciceronis libris adeo res nota est, ut singulos locos, ubi hoc diserte profitetur, laudare supervacaneum sit. Hac igitur facultate id, tamquam finem, sibi efficere volebant, ut illis animi perturbationibus liberarentur, quae necessario ex veri ignorantia proficiscuntur, utque illam

in-

(1) *Staudlin* l. l.(3) *Staudlin* l. l. p. 4, 5.(4) *Staudlin* l. l. p. 6, 7.(6) *Staudlin* l. l. p. 6, 30.(8) *Sext. Empir.* P. H. I, 4, 8—10.(2) Apud *Eusebium* P. E. XIV, 791. C.(5) *Staudlin* l. l. p. 7, 8.(7) *Diog. Laërt.* IX, 78.

incertitudinem, quid statuendum sit, nec ne, quae ex Dogmaticarum rationum comparatione oritur, effugerent. Haec est celebris illa ἀταραξία, quam ψυχῆς ἀσυχλυσίαν καὶ γαληνότητα definiebat Sextus (1). Videamus jam qualis ipsorum secundum hanc artem fuerit dubitatio. Et primum quidem eorum exemplo discimus, fieri non posse, ut homo de omnibus omnino assensum cohibeat. Nam statim, ne insanire existimarentur, τὰ Φαινόμενα ponere coacti sunt. Haec enim ut in πείσει καὶ ἀβουλήτῃ πάθει posita inviti concedimus. Igitur non dubitant, utrum res nobis appareant, sed an tales revera sint, quales videantur (2). Atque hoc modo Scepticismus desinit esse perfectum quiddam et absolutum, quod existere nequit. Hic jam Scepticismus objective cogitari, ipsiusque systema confici potest (3). Quod sane fecisse existimandus est Sextus Empiricus. Nam ipsius Pyrrhoniarum Hypotyposeon libri, ita ad systematis rationem sunt compositi, ut nihil ad perfectionem deesse videatur.

Sequitur, ut hanc antiqui Scepticismi rationem ad perfectum illud absolutumque Scepticismi exemplar, quod modo proposuimus, exigamus: ut appareat, quo gradu ponendus sit. Varii autem Scepticismi gradus secundum hanc rationem egregie constituti sunt a Stäudlino (4). Nos inde tantum ea referemus, quae ad antiquam Scepticismi rationem pertinere videntur.

Primus igitur gradus, quo perfectissimus et plenus Scepticismus, qui in hominem cadere potest, censetur, est eorum, qui τὰ Φαινόμενα, παθητικῶς ad assensum et actionem cogentia, concedunt; de reliquis omnibus dubitant (5). Ad hanc perfectionem venerunt nonnulli ex antiquis Pyrrhoniis, ut ex iis, quae supra dicta sunt, apparet.

Alius Scepticismi gradus, ab hocce magno intervallo distinctus, est eorum, qui obiectivae veritatis cognitionem non diserte tollunt, sed tantummodo statuunt eam a nobis non cognosci. Hi igitur aliquam spem relinquunt, fore, ut aliquando verum percipiatur. Horum in numerum etiam referendi sunt Pyrrhonii, utpote qui ipsi profitentur, se quaerere (ζητεῖν) veritatem.

Praeterea Scepticismi formae distinguuntur pro diversitate fontium, unde oritur, et diversitate argumenti. De illo infra erit dicendi locus. Nam est hoc ipsum quaestionis nostrae pars, ut fontes indicentur, e quibus antiquam Scepticam rationem manasse, verosimile est. Ad diversitatem argumenti quod attinet, diversus est Scepticismus pro diversa scientia, quam sibi oppugnandum sumit (6).

Nul-

(1) *Sext. Empir. P. H. I.*, 4—10, cf. 12, 15—20.

(2) Cf. quae supra collegimus *P. I. c. 2.* p. 30, 31, et *Stäudlin l. I.* p. 9, 16.

(3) *Stäudlin l. I.* p. 20.

(4) *Stäudlin l. I.* p. 27—34.

(5) *Stäudlin l. I.* p. 27.

(6) *Stäudlin l. I.* p. 34.

-Nulla autem est ars, nullaque disciplina, contra quam non aliquando a Scepticis sit disputatum, *Empirica* tantummodo *Psychologia*, utpote historia variarum animi actionum, et *Logica* exceptis. Praecipue igitur Sceptici de variis *Physicarum disciplinarum*, tam *Rationalis*, quae dicitur, *Psychologiae*, *Theologiae* et *Philosophiae Moralis* locis dubitant; qua in re antiqui et recentiores, licet ceteroquin mirum quantum a se invicem differant, conveniunt. At, dixerit aliquis, nonne antiqui Sceptici etiam contra Logicae praecepta plurima eaque gravissima dubia moverunt? Sed animadversum volumus, haecce dubia non adeo ad ipsa Logices praecepta spectare, sed potius contra eorum usum esse mota. Caeterum, quam late patuerit antiquorum Scepticismus, optime ex Sexti Empirici scriptis apparet, in quibus quamvis maxime adversus *Logicos*, *Physicos* et *Ethicos*, nihilominus etiam adversus *Grammaticos*, *Rhetores*, *Geometras*, *Arithmeticos*, *Astrologos* et *Musicos* agitur.

---

## CAPUT SECUNDUM,

QUO UNIVERSE DE CAUSIS AGITUR, QUAE VARIAM SCEPTICISMI RATIONEM VEL EFFICIUNT VEL TOLLUNT.

Causae, quae variam Scepticismi rationem definiunt, dupliciter possunt spectari, aut *historice*, aut *psychologice*. Psychologice Scepticismi causas exponimus, cum rationes enumeramus, quibus in singulis hominibus Sceptica cogitandi ratio gignitur. Historicam causarum indagacionem intelligimus expositionem rationum, quibus factum sit, ut Scepticismus artis formam acciperet (1). De hisce igitur historicis causis inprimis nobis erit dicendum. Omnes autem causae, quibus Scepticismi ratio efficitur, ad haec potissimum capita referenda esse videntur: primum ad universum singulis temporibus philosophiae statum: deinde ad ipsius Scepticismi aetatem et progressus: tum ad oppositum unaquaque aetate Dogmatismum: denique ad ingenium auctoris, qui hanc vel illam Scepticismi rationem condidit. Hanc rationem viro Cl. Thorbecke (2) acceptum referimus: sequitur, ut eam ad nostrum institutum accommodemus.

Primum igitur attendendum est ad universum philosophiae statum. Nam, Scepti-

(1) *Staudlin* l. l. p. 37, 38.

(2) *Comm. laud.* p. 12.

ticismus per se existere non potest, et quo magis reliquorum philosophorum doctrina exulta est, eo perfectiorem et consummatiore videmus Scepticismum. Utriusque igitur diligens comparatio est instituenda. Quo pertinent cum ea, quae in prima disputationis parte de artis Logicae progressibus monuimus, tum ea, quae de nonnullorum Dogmaticorum rationis indole, ad Scepticismum provocandum et eliciendum apta, animadvertimus. In sequentibus igitur harum observationum conclusiones sive resultata, quae vocant, haud parvum locum obtinebunt.

Secundo loco in varia Scepticorum ratione explicanda attendendum est ad ipsius Scepticismi aetatem et progressus. Etenim Scepticismus post longum denique temporis intervallum sibi ipse constare coepit. Hinc factum est, ut antiquorum Pyrrhonorum, ne Sexto quidem excepto, mira esset inconsequentia. Quod recentiores plerumque fugisse videtur; qui ideo recte reprehenduntur a Stäudlinō (1). Hinc igitur explicanda etiam imperfecta illa Scepticismi vestigia, quae in Eleaticis et Megaricis vidimus. Hinc quo loco Pyrrhonis, Timonis, aliorumque Scepticismus habendus sit, statuere poterimus.

Deinde ad variam Scepticismi formam constituendam multum attulit oppositi Dogmatismi ratio. Etenim Scepticismus in uno Dogmatismo ortum habet; in hocce refutando viget. Itaque quot sunt Dogmaticorum rationes, tot sunt Scepticismi habitus. Quo accedit, Scepticos nullis certis principiis uti, ad Dogmatismum evertendum, sed nunc hoc, nunc illud, quod ad propositum maxime accommodatum sit, arripere. Quod recte animadvertit Stäudlinus (2), et diserte ipse Sextus profiteri videtur: *εἴτα, inquit, καὶ τῷ ὄντι συναίρειν δοκῶμεν τὸ κριτήριον. δυνάμεθα εἰς τοῦτο οὐχ ὡς κριτηρίῳ χρῆσθαι τῇ προχείρῳ φαντασίᾳ, καθ' ἣν τοὺς προσπίπτοντας ἡμῖν πιθανοὺς λόγους γινώσκοντες εἰς τὸ μηδὲν εἶναι κριτήριον, ἐπιτιθέμεθα μὲν, οὐ μετὰ συγκαταθέσεως δὲ τοῦτο ποιούμεν, διὰ τὸ καὶ τοὺς ἐναντίους λόγους ἐκ' ἴσης εἶναι πιθανοὺς* (3). Igitur Scepticismus ex bello cum Dogmaticis varium quid traxit, factusque est Proteo illi simillimus, qui, ut adversariorum insidias fugeret,

Nunc leo, nunc arbor, nunc erat hirtus aper.

Denique, ingenium et insoles auctoris, quantam vim habuerint ad aliquam Scepticismi formam constituendam, sponte intelligitur. Neque hoc in uno Scepticismo, sed in quavis alia philosophorum disciplina animadverti potest. Luculentius est Aristippi Cyrenaeae Sectae conditoris exemplum, quam ut hic reticeatur. Hujus enim ad

VO.

(1) Stäudlin l. l. p. 12 seqq., 29.

(2) Stäudlin l. l. p. 34.

(3) Sext. Empir. adv. Math. VII, 445.

voluptatem proclivis indoles totam ipsius philosophiam informavit. Quamobrem diligenter etiam attendendum est ad ea, quae Scepticae rationis auctorum ingenium atque idolem maxime constituerunt. Quo loco ea adhibenda sunt, quae prima disputationis parte de magistris, quibus usi sunt Pyrrho alique, disputavimus.

In eisdem fere rebus causae sunt positae, quae antiquam illam Scepticam rationem coërcuerunt, et tempore progrediente, aliam induxerunt. Nam et hic philosophiae status et Dogmatismi perfectionis ratio habenda est. Sed praeterea inprimis animum advertendum est ad ipsam antiquae Scepticae rationis indolem et naturam, quam talem fuisse reperiemus, qualem aliquando exstingui necesse erat.

---

### CAPUT TERTIUM

QUO CAUSAE EXPONUNTUR, QUAE ANTIQUAM SCEPTICISMI RATIONEM  
GENUERUNT.

Cum primum homines res explorare coeperunt, toti Empirismo dediti erant. Nondum cogitabant, quatenus verum cognoscere, nec quibus quasi instrumentis illud invenire possent. Solam experientiam sequebantur; sensibus fidem habebant, et secundum eorum iudicium statuebant. Haec fuit Thaletis et antiquissimi cujusque ratio, qui physicis disciplinis, quae totae fere, certe maximam partem, ab experientia ducuntur, operam dabant. Sed qui veritatem assequi studet, huic evenire solet, ut, quo propius ad eam se accedissee putet, eo longius ab ea remotus sit. Idem antiquis illis sapientiae studiosis evenit: quo magis ad rerum naturam cognoscendam profecisse sibi videbantur, eo spissiores tenebras reperiebant; saepiusque sensuum fallacitatem experiebantur; quid igitur mirum, si omnem veritatem desperarent gravissimasque ederent de rerum incomprehensibilitate querelas? Hinc erat Xenophanis, Empedoclis, aliorumque Scepticismus. Haec, supra jam significata; hoc loco rursus proponere necessariam duxi, quo facilius ea, quae dicentur, intelligi possent.

Eleaticorum Scepticismum sive potius ad Scepticismum proclivionem exceperunt Megarici. Hi igitur inventa jam ab illis dialectica agenda, eaque captiosis argumentandi rationibus instruenda, quantum ipsi ad Scepticismum profecerint, supra

jam vidimus; quantum autem contulerint ad Pyrrhonis Scepticam rationem constituendam, statim videbimus, si prius Scepticismum et Dogmatismum, ut hujus viri temporibus erant, paucis comparaverimus.

Pyrrhonis igitur aetas in Dogmatismi, ut ita dicam, adolescentiam incidebat. Expectabat jam Aristotelis et Zenonis ingenia, quibus ad virilem aetatem promoveretur. Scepticismus nondum e pueris excesserat. Quae a variis philosophis dubitanter erant pronuntiata magis ad dubitandum proclivionem, quam revera dubitationem ostendebant. Omnino Scepticismus tantummodo ad sensuum fallacitatem pertinebat.

Ejusmodi Scepticismus cum talem virum, qualem Pyrrhonem, fautorem et cultorem invenisset, maximos progressus facere debuit. Et vero hic eum ad eandem, quam tum erat Dogmatismus, perfectionem adduxisse putandus est. Certe ita Scepticismi fines protulit, ut merito illius auctor dici haberique posset.

Causa autem cur Pyrrho ad Scepticam philosophandi rationem sese contulerit, in Democriteis de sensuum auctoritate, et veri incomprehensibilitate dubitationibus ponenda esse videtur. Ab hujus enim viri institutione profectus est, ut supra, allatis veterum testimoniis, significavimus. Sed quae tandem fuit causa, cur iste Pyrrhonis Scepticismus, artis, quae omnia et defenduntur et refutantur, formam sumeret? Hanc in Megaricorum doctrina positam esse existimamus.

Nam Pyrrho, ut vidimus, non modo Democritum, sed etiam Brysonem Dialecticum sive Megaricum audivit, quin etiam Philonis Dialectici consuetudinem coluit. Quis igitur est, quin videat Megaricorum disciplinam necessario aliquid contulisse ad Pyrrhonis doctrinam informandam. Nimiram Megaricorum disciplina iis instructa erat disserendi instrumentis, quae optime contra omnia disputandi instituto inservire possent. Res clarius est, quam ut rationibus indigeat. Itaque sufficit in memoriam revocasse, quantus ipsorum *συνέδριον* et *ἐγκυκλιωμένον λόγος* usus fuerit in disputatione contra Stoicos. Quid igitur? Ex hacce Megaricorum ratione Sophisticum quid, ut ita dicam, et vincendi studium pertinaciamque Pyrrhonem contraxisse existimem. Quod, ut videbimus, ipsius auditoribus et sectatoribus proprium mansit.

Sequitur, ut ostendamus, quare Arcesilae et Academicorum Scepticismus etiam artis formam habuerit, praesertim cum ipsorum diversa quam maxime fuerit ratio. Nam ex antiquorum Platonicorum disciplina profectus est Arcesilas. Quamvis autem Platonis doctrina multa habeat, quae Scepticismo faveant, imo ex Scepticorum doctrina petita videantur; tamen ab omnibus quae ad Sophistarum rationem accedunt, quam maxime aliena est. Igitur mirandum quidem non est, Arcesilam ad Scepticismum prolapsum esse; illud autem satis mirari nequimus, eum Pyrrhonorum istam dubitandi artem adscivisse. Multo modestiorem et a perfecto illo Scepticismi exemplari re-

mo-

motiorem rationem ab eo expectavissemus. Sed attendendum est ad Arcesilae Scepticismi finem, qui is tantum fuisse videtur, ut Platonis doctrinam adversus Zenonem tueretur. Hoc efficere se posse putabat, si suam ipse sententiam celaret, illius opiniones oppugnaret. Aderat autem jam illa Pyrrhoniæ ars, quæ ipsi ad propositum aptissima visa est. Quare non dubitavit eam in Academiam recipere.

Denique causam indicemus, cur ista antiquorum Scepticorum ratio proxime ad perfectum illud dubitandi exemplar accesserit. Reliqui enim Sceptici omnes ab eo longius absuerunt. Nimirum antiquitas et philosophia naturalis et psychologia nequaquam satis explicatae et pertractatae erant; illa vix inchoata. Hinc veteribus absolute de omnibus dubitare licuit. Hinc apud eos quaestiones illae de *remo inflexo* et *colle columbae* sufficiebant ad sensuum fidem auctoritatemque frangendam. Hinc de omni omnino veritate, deque veri falsique nota ita dubitare potuerunt, ut eas plane tollerent. Recentiores contra physicam philosophiæ partem ita explicatam habebant, ut *inflexi remi* aliorumque probabiles reddere possent rationes. In psychologia autem variae mentis humanae facultates accuratius erant explicatae et distinctae, ut cautius dubitare deberent; quo simul factum est, ut ipsorum Scepticismus melius sibi quam antiquorum constiterit.

---

## CAPUT QUARTUM,

QUO CAUSAE ENUMERANTUR, QUAE ANTIQVAM SCEPTICISMI RATIONEM SUSTULERUNT.

Vidimus Academiae rationem paulatim ad Dogmatismum rediisse. Aliquantulum jam Carneades ab illa criterii tollendi severitate remittebat; plus Philo; donec tandem Antiochus Ascalonita Scepticismum penitus relinqueret, et Stoicorum rationem sequeretur. Hujus rei causam jam supra monuimus praecipue positam fuisse in progressibus disciplinae Stoicae, qui necessario ex continuo illo cum Academicis bello proficiscebantur. Illa autem Stoicae disciplinae perfectio apud Pyrrhonios nullam vim habuit ad Scepticismum extinguendum; sed diu post Antiochum varii Pyrrhonii, ne alios nominem, Sextus Empiricus Scepticam rationem auxerunt etiam atque confirmarunt. Cujus rei causae primum indagandae sunt.

Nimirum Academicorum ratio semper aliquam cum Dogmatismo habuit conjunctionem,



nem, e Platonis illam doctrina repetendam. Nullum erat Academicis obtrectandi studium; unam, ut Plato, veritatem sectabantur; hujus inveniendae causa Scepticis rationibus Stoicam doctrinam refutare studebant. Igitur hacce ita ad perfectionem adducta, ut nullum superesse videretur reprehensioni locus, eam sequi et probare non dubitavit Antiochus. Pyrrhonorum, ut superiori capite monuimus, dispar fuit ratio. Sophisticum illud in iis veri quaerendi studium pene exstinxit. Licet igitur Stoica ratio mirum quantum corrigeretur et perficeretur, nihilominus contra eam disputare pergebant, suumque dubitandi institutum pertenuiter tenebant.

Quamvis igitur Pyrrhonorum Scepticismus, Academicorum Scepticismo superstes fuerit, nihilominus et ipse interitum effugere non potuit. Quod necessario fieri debuisse, sponte intelligitur, si tantummodo ad Scepticae artis naturam attenderimus. Quot quantaque sunt, quae in antiquo Sceptico desiderabantur. Primum, si contra omnes disciplinas disceptare vellet, necesse erat, ut eas plane perspectas et cognitatas haberet; quod unum jam vires ingenii humani superare videtur. Tum singulas refutare, quam difficile fuerit, neminem latere potest. Neque enim illi, qui hoc facere decreverat, cum vulgaribus homunculis res erat; sed ingeniosissimi acutissimi-que viri Dogmatismi patrocinium susceperant. Quae causa fuit, cur jam antiquitas illa contra omnia disserendi ars, qui eam exercerent, haberet paucissimos. Disertus hanc in rem est locus Ciceronis, quem operae pretium erit adscripsisse: *nec vero, inquit, desertarum relictarumque rerum patrocinium suscepimus; non enim hominum interitu sententiae quoque occidunt, sed lucem auctoris fortasse desiderant; ut haec in philosophia ratio contra omnia disserendi, nullamque rem aperte judicandi, profecta a Socrate, repetita ab Arcesila, confirmata a Carneade usque ad nostram viguit aetatem; quam nunc propemodum orbam esse in ipsa Graecia intelligo; quod non Academiae vitio sed tarditate hominum arbitror contigisse. Nam si singulas disciplinas percipere magnum est, quanto majus omnes: quod facere iis necesse est, quibus propositum est, veri reperti causa, et contra omnes philosophos, et pro omnibus dicere* (1). Eodem pertinere videtur quod diu post scripsit Diogenes Laërtius: τὴν μὲν γὰρ, inquit, Πυρρῶνειαν οὐδὲ οἱ πολλοὶ προσποιῶνται διὰ τὴν ἀσάφειαν (2). Non igitur dubitamus, quin postea, hominum ingeniiis magis magisque ad philosophiae et omnino literarum studia torpentibus, haecce eadem Scepticae artis exercendae difficultas causa fuerit, cur penitus tolleretur.

Denique illam antiquam Scepticismi rationem ideo relictam desertamque fuisse existimem, quod magis magisque intelligerent homines, Scepticos finem, quem sibi proposuerant, assequi non posse, nempe ut illis animi perturbationibus liberarentur, quae tum

ex

(1) Cic. de Nat. Deor. I, 5.

(2) Diog. Laërt. I, 20.

ex veri inveniendi difficultate, tum ex discordia Dogmaticorum oririebantur. Etenim Scepticismus revera ad quidvis aliud quam ad ἀταραξίαν ducit. Hoc ipse Sextus Empiricus animadvertisse putandus est. Hinc illud, quod saepius profitetur, nullum Scepticum ad perfectam umquam ἀταραξίαν pervenire posse: οὐ μὲν, inquit, ἀόχλητον πάντη τὸν Σκεπτικὸν εἶναι νομίζομεν, ἀλλ' ὀχλεῖσθαι φαμὲν ὑπὸ τῶν κατηνεγκασμένων (1). Item alio loco ἔπεται δὲ (ὁ Σκεπτικὸς) ἀδοξάστως τῇ βιωτικῇ τηρήσει, καὶ διὰ τοῦτο ἀπαθὴς μένει· ἐν δὲ τοῖς κατηνεγκασμένοις μετριοπαθεῖ, ὥς μὲν γὰρ ἄνθρωπος αἰσθητικῶς πάσχει (2). Denique alio loco: τῷ γὰρ διὰ λίμον ἢ δίψας ὀχλουμένῳ οὐ δυνατόν ἐμποεῖν πεῖσμα διὰ τοῦ κατὰ τὴν σκέψιν λόγου, ὅτι οὐκ ὀχλεῖται, καὶ τῷ ἐν ταῖς τούτων παρηγορίαις διαχέομένῳ, οὐκ ἐνδέχεται πείθω ἐμποιεῖν περὶ τοῦ ὅτι οὐ διαχεῖται (3). Plura hisce addere liceret, sed haec, ut videtur, sufficiunt.

Haec habui, quae ad quaestionem a vobis, Viri Clarissimi, propositam dissererem. In quibus quantum desideretur, nemini magis persuasum esse potest, quam mihi. Quod ne ex vulgari hominum consuetudine dictum esse existimetis, qui, cum de suis operibus satis magnifice sentiant, tamen de iis cum contemptu loquuntur, ut modestiae laudem consequantur. Ita hancce disputationem vobis probari cupiam, ut ab ejusmodi moribus alienus sum. Sed recreat me atque erigit illius Ciceroniani cogitatio, quod quamvis de oratoribus dictum sit, in rem praesentem transferre, et symboli loco ponere liceat:

*Prima sequentem honestum est in secundis  
tertiisque subsistere.*

(1) *Sext. Empr.* P. H. I, 29.

(2) *Sext. Empr.* P. H. III, 335.

(3) *Sext. Empr. adv. Math.* VII, 149.

T A N T U M.

N

COR-

# CORRIGENDA.

|                   |                 |                         |                               |
|-------------------|-----------------|-------------------------|-------------------------------|
| <i>Pag.</i> 3.    | <i>lin.</i> 18. | Ad ad                   | <i>leg.</i> Ad                |
| — 4.              | — 5.            | Emperici                | — Empirici                    |
| — 5.              | — 7.            | Φαμιν                   | — Φαμεν                       |
| — 6.              | — 4.            | haeo                    | — haec                        |
| — —               | — 16.           | assessionem             | — assensionem                 |
| — 8.              | — 10.           | ex                      | — et                          |
| — 9.              | — 20.           | Φασιν                   | — Φησιν                       |
| — —               | — 21.           | τι                      | — τι                          |
| — —               | — —             | ἄρα γε                  | — ἄρά γε                      |
| — —               | — 25.           | ἔστι                    | — ἐστὶ                        |
| — —               | — 26.           | ἔστιν                   | — ἐστὶν                       |
| — 13.             | — 4.            | συνεστάκοσιν            | — συνεστακόσιν                |
| — 15.             | — 20.           | res. quae               | — res, quae                   |
| — 16.             | — 15.           | ὅδε                     | — ὁ δὲ                        |
| — —               | — 29.           | phi-                    | — au-                         |
| — 18.             | — 14.           | γινώσκειν               | — γιγνώσκειν                  |
| — 20.             | — 9.            | αὐτό·                   | — αὐτό·                       |
| — 21.             | — 8.            | si quid est aut δν est, | — si quid sit, aut δν est,    |
| — —               | — 21.           | reprehenditur           | — reprehendatur               |
| — —               | — 24.           | ἀδήλοτης                | — ἀδηλότης                    |
| — 23.             | — 22.           | Cicero qui, omnes       | — Cicero, qui omnes,          |
| — 24. <i>not.</i> | 3.              | Cic. II, 59. D.         | — <i>Diog. Laërt.</i> II, 59. |
| — 26. <i>lin.</i> | 7.              | mirandam                | — mirandum                    |
| — —               | — 16.           | συγκάθεσις              | — συγκατάθεσις                |
| — 28.             | — 6.            | ἐποχή δ' ἔστι           | — ἐποχή δὲ ἔστι               |
| — —               | — 17.           | συγκαθέσιν              | — συγκατάθεσιν                |
| — 29. <i>not.</i> | 3.              | discripsit              | — descripsit                  |
| — 30. <i>lin.</i> | 3.              | regerctur               | — regetur                     |
| — 38. <i>not.</i> | 1.              | Diogene ex Sexto        | — Diogene et Sexto            |

*pag.*

|                                 |                   |   |                            |
|---------------------------------|-------------------|---|----------------------------|
| <i>pag.</i> 44. <i>lin.</i> 12. | πιθανουργικὸς·    | — | πιθανουργικὸς·             |
| — 46. — 12.                     | delineanus        | — | εὑρίσκαμος                 |
| — 49. — 27.                     | συγκατίθεσθαι     | — | συγκατατίθεσθαι            |
| — 57. — 1.                      | πρακτικόν·        | — | πρακτικόν·                 |
| — — — 2.                        | πολιτικόν·        | — | πολιτικόν·                 |
| — — — 3.                        | λογικόν·          | — | λογικόν·                   |
| — 60. — 18.                     | quidam            | — | quidem                     |
| — 65. — 50.                     | incomprehensibile | — | incomprehensibile          |
| — 73. — 26.                     | sunt              | — | sint                       |
| — 75. — 29.                     | ut verum quod     | — | ut intellectus verum, quod |





# NOMINA PROFESSORUM,

QUI

IN ILLUSTRIS AMSTELÆDAMENSIS ATHENÆIS

*inde a d. VIII Februarii MDCCCXXVI ad d. VIII Februarii MDCCCXXVII.*

DOCENDI MUNUS OBIERUNT.

---

CLARISSIMI ORDINIS PRÆSES:

C. A. DEN TEX.

ACTUARIUS.

J. VAN HALL.

PROFESSORES JURIS.

C. A. DEN TEX.

J. H. VAN REENEN, Prof. honor.

J. VAN HALL.

THEOLOGUS.

W. A. VAN HENGEL.

MEDICI.

G. VROLIK.

F. VAN DER BREGGEN, CORN. FIL.

H. BOSSCHA.

a

PHI-

**NOMINA PROFESSORUM AMSTELOD.**

**PHILOSOPHIAE THEORETICAE ET LITERARUM  
HUMANIORUM.**

**D: J. VAN LENNEP.**

**J. WILLMET.**

**J. P. VAN CAPPELLE.**

**DISCIPLINARUM MATHEMATICARUM ET PHYSE  
CARUM.**

**J. P. S. VOUTE.**

**H. C. VAN DER BOON MESGH.**

**LECTOR.**

**H. DE HARTOG.**

**SERIES**

# SERIES LECTIONUM ET INSTITUTIONUM,

QUAE HABENTUR A PROFESSORIBUS ILLUSTRIS  
ATHENABI AMSTELAEDAMENSIS,

*inde a feriis aestivalis anni MDCCCXXVI ad ferias aestivas MDCCCXXVII.*

---

CORNELIUS ANNE DEN TEX;

publice; varia loca ex Jure Naturae Publico et Gentium tractat vel ipsi  
juventuti disceptanda proponit.  
privatim, tradit Jus Publicum cum universum tam inprimis Belgicum,  
Encyclopaediam Jurisprudentiae,  
Jus criminum et poenarum universum et Belgicum;  
Elementa Oeconomiae politicae.

GERARDUS VROLIK,

publice, IN HORTO BOTANICO, agit de plantis medicinalibus;  
privatim, docet  
Obstetriciam theoreticam et practicam;  
Physicam plantarum.

DAVID JACOBUS VAN LENNEP,

publice, praecipue quaedam historiae et literarum capita tractat, vel ipsi  
juventuti, exercitationis causâ, disceptanda proponit;  
privatim, tradit  
*Literas Latinas*, interpretandis, Ovidii Heroïdum Epistolis, Cice-  
ronis Milonianâ, Juvenalis Satyris selectis;  
*Literas Graecas*, interpretandis locis Herodoti et Xenophontis  
quibus in *selectis principum Historicorum*, a WYTTENBA-  
CHIO editis;



S E R I E S

Homeri Olyssaeae Rhapsod. E, selectis Theocriti Idylliis; explicandis Antiquitatibus Graecis;  
*Historiam Universam* ab initio ad Carolum Magnum.

JOANNES WILLMET,

publice, *de Antarae ingenio Poëtico* agit, aut praecipua Philologiae momenta ad disceptationem proponit;

privatim, docet

*Linguam Hebraeam*; cum institutione Grammaticâ, tum interpretandis, ratione aetatis, argumenti et stili habitâ, sensim difficilioribus V. T. Locis;

*Linguam Arabicam*, primum Grammaticae, deinde explicandis *Sententiis, Fabulis*, et selectis ex Anthologiâ Schultensianâ locis;

*Exegesi* V. T. interpretatur, tam illustrandis *selectis Libri Josuae capitibus*, quam moderandis Exercitationibus Exegeticis;

*Linguas* etiam *Chaldaicam, Syriacam* et *Samaritanam*, si adsint auditores; uti et

*Vitam Timuri*, aut *Corani quaedam capita* explicat, collatis *Scholiis*, in *Corani editione Petropolitanâ* exhibitis.

JOANNES PETRUS VAN CAPPELLE,

publice; partes quasdam historiae literariae Belgicae tractabit;

privatim, de stilo Belgico aget;

De Poëtis seculi decimi septimi Batavis disseret;

Historiam Patriae tradet;

Exercitationes oratorias moderabitur.

FRANCISCUS VAN DER BREGGEN, CORN. FIL

privatim, tractabit

Pathologiam generalem;

Materiam Medicam,

Medicinam Forensem.

WESSEL

## WESSEL ALBERTUS VAN HENĠEL.

publice, Quaestiones aliquot argumenti Theologici juventuti disceptandas proponit.

privatim, *Religionis, tum Naturalis, tum Divinitus patefactae tradit Doctrinam.*

Posteriorem PAULI interpretatur ad Corinthios Epistolam.

De *Historiâ Societatis et Religionis Christianae* commentatur ita, ut praecipua exponat rerum capita, quae ab aetate CAROLI M. usque ad nostra tempora factae sint.

## JOANNES PETRUS STEPHANUS VOUTE;

privatim, exponit Mathesin;

Physicam.

Elementa Psychologiae et Logicae tradit.

## HENRICUS BOSSCHA;

publice, in THEATRO ANATOMICO *Partium corporis humani fabricam et usum explicat.*

*Operationes Chirurgicas* demonstrat [variasque eas instituendi exponit methodos.

privatim, tradit *Anatomiam, Physiologiam;*

*Praxin Chirurgicam.*

## HENRICUS CAROLUS VAN DER BOON MESCH,

privatim, tradit

Chemiae Doctrinam et Historiam;

Chemiam Pharmaceuticam, linguâ vernaculâ;

Doctrinae Chemicae usûs quoad artes;

Historiam Naturalem.

## J A C O B U S   V A N   H A L L ,

publice, selecta quaedam Juris Privati capita juventuti disceptanda proponit;

privatim, Institutiones JUSTINIANI Imp. explicat;

Institutionum GAIJ JCti commentarium tertium et quartum interpretatur;

Pandectas Juris Romani, WESTENBERGIO duce, a libr. 20 ad finem exponit;

Principia Juris Hodierni et

Jus Cambiale docet.

## H E N D R I K   D E   H A R T O G ,

Lector in de Wiskunde, Zeevaart- en Sterrekunde, zal Dingsdags; Woensdags en Donderdags, des middags om *twaaft* ure, in het klein *Auditorium* van het *Athenaeum Illustre*, publieke Lessen, in het Nederduitsch, over deze Wetenschappen geven; en dat wel in afloop van de volgende orde:

Eerstelijk over de *Rekenkunde*, *Decimale Breuken* en *Logarithmus-Getallen*, vervolgens over de *Meetkunde* en *Algebra*, en het maken der *Sinus- en Logarithmus-Tafelen*, voorts over de Platte en Klootsche *Driehoeks-meting* en eenige Hoofd-Eigenschappen der *Kegel-snedes*; waarin over de beginselen der Sterre- en Aardrijkskunde; en laatstelijk over de Theorie der *Zeevaarkunde*; en wel inzonderheid over de berekening der *Lengte op Zee*, zal gehandeld worden; het een of ander Stuk echter meer of minder uitgebreid, of wel met bijvoeging van eenige verklaring der Zeevaarkundige instrumenten, naar mate het getal en de lust der Toehoorders zulks zal schijnen te vorderen.

# LECTIONES

IN SEMINARIO EVANGELICO-LUTHERANO HABITAE

*inde a feriis aestivis anni MDCCCXXVI usque ad ferias aestivas  
anni MDCCCXXVII.*

D. JO. THEOPH. PLÜSCHKE, *Prof. Ord.*

*Loca selecta Jobi, itemque Scripta Johannis Apostoli cum epistola ad  
Hebraeos interpretatus est:*

*Theologiae Christianae partem theoreticam proposuit:*

*Encyclopaediam et Methodologiam Theologicam tractavit.*

CHRISTIANUS HENR. EBERSBACH, *Prof. Extraord.*

*Theologiam naturalem proposuit:*

*Doctrinam morum Christianam tradidit:*

GEORGIUS FREDERICUS SARTORIUS, *Prof. Extraord.*

*Praecepta homiletica et catechetica auditoribus proposuit simulque de  
omni ambitu muneris sacri disputavit.*

*Praefuit etiam variis Commilitonum exercitationibus, quae vel ad oratio-  
nes sacras componendas ac recitandas spectarent, vel ad puerorum in  
doctrina Christiana institutionem pertinerent.*















THE NEW YORK PUBLIC LIBRARY  
REFERENCE DEPARTMENT

This book is under no circumstances to be  
taken from the Building

[illegible]



